




sc. 21. Pl. S.





- MAG 4368





P. F. JOANNIS VINCENTII
P A T U Z Z I

ORD. PRÆDICATORUM
IN VENETA CONGREGATIONE B. JACOBI SALAMONII
S. THEOLOGICÆ PROFESSORIS
ETHICA CHRISTIANA



S I V E
T H E O L O G I A M O R A L I S
EX PURIORIBUS SACRÆ SCRIPTURÆ DIVINÆQUE
TRADITIONIS FONTIBUS DERIVATA, ET
S. THOMÆ AQUINATIS DOCTRINA
CONTINENTER ILLUSTRATA.
T O M U S Q U I N T U S

C O N T I N E N S

TRACTATUM VII. DE CONTRACTIBUS TUM IN GENERE, TUM IN SPECIE;
TRACTATUM VIII. DE RESTITUTIONE; AC TRACTATUM IX.
DE PRÆCEPTIS ECCLESIAE.



MEDIOLANI ✠ X ✠ MDCCLXXXI.

APUD FEDERICUM AGNELLUM.
SUPERIORUM PERMISSU.

Q. 1503

ETHICÆ CHRISTIANÆ

S I V E

THEOLOGICÆ MORALIS TRACTATUS VII. DE CONTRACTIBUS TUM IN GENERE, TUM IN SPECIE.

POST illa quæ ad dominium pertinent dogmata, Theologorum iudicio, & communi ferme praxi ea Moralis Doctrinæ pars locum occupat, quæ de Contractibus disserit: & merito quidem, cum per contractus fere rerum omnium comparatur dominium, & modi sint quibus de uno ad alium transit. Continet autem Tractatus de Contractibus doctrinam, & propter argumenti amplitudinem latissimam, & propter implexionem rerum difficillimam, & propter frequentiam casuum confessorii, & animarum curatoribus scitis maxime necessariam. Sunt enim contractus quotidiana humanæ necessitatis, immo & cupiditatis palestra, in quibus mirum est, quot avaritia, & humana cupiditas technas excogitaverit, & decipiendi artes, quæ etiam oculatissimis imponere valent. Nos ita brevitati consulemus, ut nihil omittamus ad doctrinæ cognitionem, & tyronum eruditionem necessarium, atque opportunum. Sed, ut hæcenus peregrinus, eas præsertim quæstiones agitabimus, quæ etiam senioris doctrinæ sectatores in diversas abripiunt sententias, non quidem quasi Iudices & Magistri ex tribunali definientes, aut ex cathedra pronunciantes, sed solum ut veri veritatis indagatores. Quod si veritatem invenire, vel in apricum ponere ditum fuerit, non frustra laborasse gaudebimus; sin minus, saltem doctiorum animos excitabimus ad eam melius illustrandam, & errata nostra, quæ non certe ex prava aliqui animi affectione, sed humi ingenii tenuitate progrediuntur, corrigenda, & emendanda. Tres amplectetur Tractatus noster Dissertationes: in prima de Contractibus in genere, in secunda de Contractibus onerosis; in tertia demum de lucrativis, & gratuitis disputabimus. Jam itaque laboriosam, & difficilem spartam aggrediens a D. O. M. enixe efflagito, ut sapientiam mittat de Cælis sanctis suis, & de sede magnitudinis suæ, ut mecum sit, & mecum labore, ut sciam, & doceam quod acceptum sit apud ipsum, & ne auferat de ore meo verbum veritatis usquequaque.

DISSERTATIO I.


DE CONTRACTIBUS IN GENERE.

CAPUT PRIMUM.

Contractus definitio, ejusque multiplex divisio exponuntur.

DOCTRINA.

- I. Nominis contractus varia acceptiones.
- II. Definitio contractus ex Juristis.
- III. Altera ex Theologis.
- IV. Quid sit pactum.
- V. Quid sit obligatio.
- VI. Obligatio, quæ ex contractu consurgit, pertinet ad justitiam commutativam.
- VII. Multiplex contractuum divisio. Prima exponitur.
- VIII. Secunda divisio. IX. Tertia. X. Quarta.
- XI. Et hujus varia differentia.
- XII. Quinta divisio. XIII. Sexta.

I.  CONTRACTUS vocabulum tum apud Juristas, tum apud Theologos non una gaudet significatione, sed ad plura plane distincta indicanda usurpatur. Quare priusquam ad exactam contractus progrediamur definitionem, hæc tria sunt distinguenda, Contractus, Quasi contractus, & Dissimulatus. Contractus est, quo per consensus verum eorum, qui contrahentes dicuntur, & ad quos rei, de qua agitur, facultas, atque dominium spectat, aliquid dandi, vel faciendi obligatio suscipitur; ut in emptionibus, venditionibus, lo-

cationibus, donationibus, commodato, deposito &c. Quasi contractus est conventio ad similem obligationem inducendam, & contrahendam inita, voluntate alterius ex contrahentibus nec expresse, nec tacite interveniente, immo & fortassis dissentiente; quia nimirum ad hujus supplendum defectum, & vices sustinendas altera persona per vim, & deputationem legum substituitur; ut in conventionibus & pactis, quæ sunt a matre de rebus posthumi, a Curatore de rebus minoris furiosi, vel prodigi. Denique dissimulatus est conventio ad destruendum ipsum contractum, & obligationem ex illa productam, quod fieri quandoque potest etiam altera parte invita, & reluctante; ut in solutione debiti, vel ejus condonatione, renunciatione hæreditatis, vel legati &c. Constat autem Quasi contractum, & dissimulatum, præcipue vero hunc secundum, nonnisi impropiissime, & abusive nomine Contractus donari.

II. Sed & Contractus proprie sumptus non unam habet usurpationem: aliquando enim latius accipitur, prout comprehendit omnem conventionem, unde quidpiam dandi, vel faciendi obligatio consurgit; licet hæc obligatio non singulos contrahentes, sed alteram dumtaxat partem afficiat; aliquando strictius, cum scilicet ex utroque latere parit obligationem. Et in hac ætiori significatione a Jurisconsulto Labeone in Lege Labeo ff. de verb. signif. definitur Contractus ultro citroque obligatio; quam definitionem, propter juris, & Jurisconsulti auctoritatem, omnium Jurisconsultorum

rum schola, & Theologorum pars magna recipit, & amplectitur.

III. Verbum manifeste pater, eam solis onerosis convenire contractibus, præter quos tamen aliæ mere lucrativæ conventiones reperiuntur, quæ tamen pactum a Juristis, & Theologis ut veri contractus habentur. Quapropter alia universalis notio, & definitio querenda est, quæ omnibus valeat contractibus accommodari. In hac stabilienda variant Doctores, & plerique aut defectu peccant, aut redundantia. Ipse præ ceteris limariorem, & justiore existimo desumptam ex Petro de Onate disp. 1. sec. 3. n. 26. his verbis conceptam: *Contractus est Pactum obligans ex justitia commutativa*. In qua prima dictio *pactum* genus explicat; sequentes vero essentialem contractus expriment differentiam. Ad clariorem itaque datæ definitionis intelligentiam, & ad plures, quæ se ingerere possunt, æquivocationes de medio tollendas singulæ sunt evolendæ dictiones, & quid pactum, quid obligatio, & quid ex commutante justitia importet, est enucleatius aperiendum.

IV. *Pactum* igitur (cujus etymon D. Isidorus etymol. lib. 5. a pace deducit, eo quod pacta vel a pacem colentibus, vel ad pacem stabiliendam maxime celebrantur) definitur ab Ulpiano lege 1. ff. de pactis duorum, aut plurium in idem placitum consensus. Ubi illud notandum, licet in communi loquendi modo pactorum, conventionum, & contractuum promiscue usurpentur vocabula, presse tamen singula accipiendo, plane diversa significare. Nam omnes contractus sunt quidem pacta, & pacta quolibet conventionem sunt; at non reciproce. Convenire enim dicuntur, & qui ex diversis locis in unum colliguntur, & in unam eorum sententiam & opinionem;

nec propterea hæ conventiones sunt pacta; hæc enim non solum corporum, aut judiciorum, sed & voluntatum ad quidpiam agendum consensum important: & propterea pactum dicitur plurium consensus, aut conventio in idem placitum, cum placitum objectum voluntatis significet. Rursum pactum magis late patet, quam Contractus: non enim si qui voluntate in idem placitum conveniant, & paciscantur c. ex. ut eant in agrum, vel simul ad audiendum sacrum, continuo contractum inisse intelliguntur; etenim plura ad contractum desiderantur; quam ad simplicissimum pactum, ut infra ostendemus. Itaque pactum solam genericam in contractus definitione rationem proponit.

V. Quæ sequuntur verba, *obligans ex justitia commutativa*, essentialem complectuntur differentiam contractus ab aliis pactis. Pro cujus rei intelligentia oportet, ut primum, quid importet obligatio, explicemus. Obligatio (ex Justin. Instit. definitur: *Juris vinculum, quo necessitate constringimur secundum vestra civilitatis jura*. Sed hæc postrema verba satis indicant, ibi de obligatione civili dumtaxat sermonem esse; cum tamen alia, & longe prior sit obligatio, quæ a naturali, & divina lege descendit, hominemque ligat in conscientia & coram Deo, & sub pœnarum æternarum interminatione. Licet enim plerique contractus jure gentium, & civilibus legibus inveni sint, & in divisione dominiorum post peccatum inducta fundentur, unde permutandarum rerum orta est necessitas; hæc tamen supposita, ut etiam superius notavimus, jus naturale subintravit, fidem & æquitatem in pactionibus servandam præcipiens. Ex hac itaque naturalis legis, quæ Deum habet Auctorem, præceptione,

naturalis provenit obligatio, cui civilem obligationem superaddit Respublica suis civilibus legibus, & ipsa adstringens contrahentes ad servandos contractus, & si nolint & detrahent, certo juris ordine ad servandum compellens: multum enim interest Reipublicæ ad suam prosperitatem & pacem pacti servari, & homines sibi invicem datam fidem non frangere, sed fideliter, & sancte custodire.

VI. Non qualicumque tamen naturalis obligatio ad pacti contractuum constitutiva internoscenda sufficiens est. Potest siquidem quis alteri, cum se aliquid daturum, vel facturum affirmat, obligare se titulo fidelitatis, poterit Patri, & consanguineo ex pietate, pauperi ex misericordia, benefactori ex gratitudine, amico ex amicitia, vel liberalitate, quin proinde ullus fiat contractus. Propria ergo contractuum obligatio est obligatio ex *justitia*, immo non qualicumque, puta legali, vel distributiva, nam utraque sine contrahentibus, partiumque consensu exerceri potest; sed obligatio *justitiæ commutativæ*, talis scilicet, quæ producat in altero ex contrahentibus veram actionem, seu jus ad rem promissam exigendam ramquam stricte debitam. Quod jus statim in contractu confertur, & veluti substituitur loco rei, cujus dominium, vel pars domini est transferenda; & tantum valet (intellige lege & ratione) quantum illa, quoniam est quasi cautela quædam, vel chirographum, vel pignus rei habendæ. Hac animadversione essentialis differentia, contractum constituens, atque ab aliis pactis discernens, perspecta est. Contractus enim *pactum* est, non qualecumque sed *obligans*, & quidem non ex fidelitate, benevolentia &c. sed ex *justitia*, & ea quæ *commutativa* dici-

tur. Obligans, inquam, non solum quia est causa explicite obligationis; sed etiam quia est de ipsa obligatione tamquam de proprio objecto; immo eateenus obligationem inducit, quatenus de illa suspicienda, vel implenda continet pactum.

VII. A definitione Contractus ad ejus divisionem progredior. Plurimæ sunt, & multiplices tum apud Juristas, tum apud Theologos contractuum divisiones, adeo ut Conradus quæst. 17. triginta illorum species enumeret. Celebrior, & magis usitata dumtaxat exponam. 1. Igitur dividitur contractus, atrepto contrahendi modo, in *formalem* seu expliciitum, & *virtualem* seu impliciitum. Prior est, cum duo, aut plures expresse in idem consentiant, cum obligatione vel mutua, vel saltem alterius ad alterum; & hic proprie dicitur contractus. Virtualis vero est, cum solum implicite, & tacite conveniunt, absque ulla passionis expressa se obstringentes: hunc aliqui vocant *quasi contractum*; hujusmodi est c. ex tutela, & quodvis aliud officium, mandatum, & negotiorum exercitatio. Qui enim aliquid officium suscipit, eo ipso se obligat erga alterum, & aliter obligatur erga illum juxta leges; vel consuetudinem vigentem: similiter qui aliquid mandat; vel mandatum alterius suscipit, & qui negotium alterius gerit; in his enim non requiritur ulla conventio expressa ad obligationem inducendam; sed hoc ipso quod ista suscipiuntur, vi legis, vel consuetudinis, in quam omnes consenserunt, tacita nascitur obligatio.

VIII. Dividitur secundo in *mutuum*, & *non mutuum*. Mutuum est, qui in utroque contrahente, non mutuum, qui in altero dumtaxat ipsorum quidpiam dandi, vel faciendi, vel omittendi obligatio-

gationem inducit. Que divisio aliis etiam modis solet offerri: nam mutui contractus dicuntur etiam respectivi, reciproci, & onerosi; non mutui vero absoluti, non reciproci, & lucrativi: sed est sola vocum diversitas, & una significatio. Nam eo ipso quod contractus sunt mutui, idest ultro citroque obligantes, sunt etiam respectivi; quia obligatio unius contrahentis sit sub respectu, & conditione voluntatis alterius: sunt etiam reciproci, quia non obligatur unus, nisi etiam verba vice, & reciprocè alter obligetur: sunt denique onerosi, quia uterque contrahens onus suscepit obligationis. Contra vero non mutui, quia non producant mutuam obligationem, sed ex altera tantum parte, iidem absoluti dicuntur; quia non sunt respectivi, nec contrahens, qui donat, obligatur respectu obligationis alterius: eadem ratione non reciproci vocantur; & demum lucrativi, quia is qui non obligatur, lucratur alterius obligationem, seu rem potius, ad quam ei gratis & sine ulla reparatione obligatur.

IX. Tertiò ex parte objecti, seu effectus dividuntur contractus in eos, qui transferunt vel dominium integrum rei, ut emptio, venditio, donatio, mutuum &c. vel usufructum tantum, ut Emphyteusis, Feudum &c. vel simplicem usum, ut locatio, conductio, commodatum, precarium &c.

X. Quarto celeberrima est in jure Romano divisio contractuum in *nominatos*, & *innominatos*. Nominati dicuntur, qui habent proprium, & specificum nomen, quo ab aliis distinguuntur; ut emptio, venditio, mutuum, locatio, societas, commodatum, pignus, depositum, & similes. Innominati vero, qui non habent speciale nomen, sed

genericum tantum; ilque omnes ad hæc quatuor classes, seu modos revocantur: *do, ut des: do, ut facias: facio, ut des: facio, ut facias*. Ut, si des Petro panem pro vino, erit contractus innominatus, *do ut des*; non est enim emptio, aut venditio, quia non datur pretium pro merce; nec est mutuum, quia non recipitur res ejusdem speciei post certum tempus; nec locatio, nec conductio, quia non datur pretium pro usu, vel opera; sed datur una res pro alia, quarum neutra est pretium alterius, qui contractus proprium nomen non habet. Nec dicas permutationis nomen ei quadrare. Utiq; sed permutationis nomen proprium non est, nec specificum, sed generale; convenit enim emptioni, venditioni, locationi, & omnibus pene contractibus. Simili modo, si Petro des panem, vestes &c. ut pro te laboret, vel scribat, erit contractus *do, ut facias*; nam si pecuniam ad idem dederis, erit conductio. Si servias alicui, ut det panem, vestes, libros, erit contractus *facio, ut des*. Si alteri famularis, ut te doceat, erit contractus *facio, ut facias*. Immo observandum, hos quatuor contrahendi modos, quoad rem ipsam etiam in contractibus nominatis repetiri; quomobrem contractus generatim sumptus per eos optime divideretur: sed quia in contractibus nominatis determinatum & speciale nomen habetur, focus vero in contractibus innominatis; ideo his potius distinguendis adhibetur.

XI. Plures Jurisæ inter contractus nominatos, & innominatos assignant differentias, de quibus etiam late disputant: Verum cum hæc locum non habeant nisi in exteriori foro, & solum, ubi Romanæ leges ad amissum servantur, valeant; si quid modo valeant,

eas præterire , & omittere satius duco : præsertim cum in jure canonico , & innominatorum nominatorum , & innominatorum retinetur distinctio , nullius differentię habeatur respectus ; & par virtus , & æqualis efficacia tribuatur utrisque contractibus , quando conflet contrahentes se obligare voluisse ; cum legum canonica æquitas religioſe & pie ſequatur ſemper quoad obligationes & actiones forum interius , & obligationem conſcientię , & illam ſemper favore intendat , & ſuo auxilio roboraſe .

XII. Quintam contractuum diſiſionem hic memorandam ex modo , quo eodem perfici contingit , Romana jura deſumunt ; nam alios re , alios litteris , alios verbis , alio ſolo conſenſu perfici eadem animadvertunt , ut patet in Inſtit. Juſtin de obligat. in fine . Perfici autem contractus intelligitur , quando habet omnia neceſſaria , quæ ſecundum ſuam ſpeciem requirit , ut tale nomen mereatur , ſive traditio rei ſit neceſſaria , ſive non : nam alia ratione omnes contractus perfecti appellantur , quando res , circa quam verſantur , eſt tradita . Sic emptio dicitur perfecta , quando merces eſt tradita , & pretium ſolutum . Verum de hac perfectione modo non loquimur , quæ non eſt intrinſeca , & eſſentialis rationi contractus : emptio enim , & venditio perfecta exiſtimantur , etiam ante traditionem , ſemel ac inter emptorem , & venditorem convenit de pretio . Igitur illi contractus re perficiuntur , quibus contrahentes nequaquam reputantur obſtringi , niſi res conventa ſaltem ab una parte tradita fuerit . Hujusmodi in Inſtit. enumerantur mutuum , commodatum , depositum , pignus ſeu pignoratitio &c. , immo ad id genus revocat Bartolus cum aliis omnes contractus , quorum nomina executionem ſignificant ,

ut donatio , permutatio , & ſimilia in quibus proinde diſtinguere non eſt tempus abſolutæ conventionis a tempore executionis , quia eodem momento & obligatio naſcitur , & nata extinguitur , contrahitur debitum , & ſolvitur per rei promiſſæ & debitæ præſtationem , qui eſt optimus ſolvendi contractum , & extinguendæ obligationis modus . Litteris perficiuntur contractus , qui , antequam ſcripturæ conſignentur , rati non habentur , ut Emphyteuſis , Feudum , & omnes alii contractus , quos contrahentes concludere non intendunt , niſi coram Notario , qui inſtrumentum conſciat , ut contingit in cenſu . Non eſt tamen univerſaliter verum , quod aliqui Juriſtæ , & Theologi cenſent , nempe quoties partes ad Notarium recurrunt , ut fiat ſcriptura , ſignum eſſe voluiſſe , contractum vim ab ipſa pendere ; & ideo non perfici , nec oriri obligationem , donec ſcriptura conſecta fuerit , quippe non raro maxime in contractibus , qui communi uſu ſcripturam non exigunt , ſolius fidei & obligationis in foro externo faciendæ gratia adhibetur , non ad obligationem primo inducendam . Verbis perficiuntur contractus , qui requirunt certam verborum formulam , tales ſunt omnes ſtipulationes . Hæ autem in jure Romano ſunt formulæ quædam , quæ conſtant interrogatione prævia uniſ contrahentis , & reſponſione ſubſecuta alterius : ex. c. Spondeo dare tantum ? Spondeo . Promittis centum ? Promitto . Dabis mille pro domo mea ? Dabo . Fides jubes ? Fide jubeo ; & ſexcentæ ſimiles . Sed hic duo notanda veniunt : 1. Omnem prorsus contractum debere aliquibus verbis , aut æquivalentibus ſignis conſtare ; alias ſiquidem contrahentes non poſſent in idem placitum , & in eamdem

dem obligationem consentire, quod proinde necessarium, & essentiale est in omni contractu; & in hoc sensu contractus non potest esse membrum allatæ divisionis, cum eorum divisum comprehendat; sed quatenus sit conceptis verbis a lege præscriptis, scilicet illa interrogatione, & subsequuta responsione, quæ ad stipulationem pertinent. Secundum est, stipulationem, qualem leges Romanæ præscribunt, per præfæctam illam interrogandi, & respondendi rationem esse jam hodie usu, & legibus antiquatam, & abrogatam, utpote nimum superstitiosam. Demum solo consensu perficitur contractus, quandoque ex dispositione legum civilium nec traditio, nec scriptura, nec verba concepta, & determinata necessaria sunt ad illum stabilendum. Quod ita constitutum est, quia cum obligatio naturalis semper ex solo consensu, quibuscumque verbis, vel signis explicato noscatur, semper etiam solus consensus sufficit ad contractum naturalem, cui leges civiles obligatione sua civili robur addere intelligendæ sunt, quoties non exprimentur requiri traditionem, scripturam, aut stipulationem, ut contractui & obligationi naturali assentiantur, vel ut contractus, & pacta servari faciant, quod ad observantiam legis naturalis, ad pacem Reipublicæ, ad utilitatem civium, ad fovendam commercia quamplurimum conducit. Et ideo omnes contractus nominatos, quos jus Romanum novit, & suis legibus sanxit, solo licet consensu peractos, suo auxilio & obligatione civili confirmat; & solum in his, quos non novit, videlicet innominatis, & ignobilibus, traditionem, aut scripturam, aut stipulationem ad illorum vim per obligationem civilem conferendam requirit.

Cum tamen, ut diximus, nec lex canonica, nec variorum Regnorum particulares leges vel pro contractibus innominatis, nudisque pactis ista postulent adminicula, solo consensu sufficienter explicato contenta.

XIII. Sexto dividuntur contractus in absolutos, & conditionatos. Sed de hac divisione, quæ multas implicat & doctrinas, & difficultates, quemadmodum & de aliis quibuscumque, quæ hic loci solent ab auctoribus recenseri, commodius infra, ubi de qualitatibus contractuum sermo fiet.

CAPUT SECUNDUM

CONSECTARIA PRÆCEDENTIS
DOCTRINÆ.

- I. *Ad contractus celebrandos duæ saltem requiruntur personæ.*
- II. *Obligatio naturalis præcipua est in contractibus.*
- III. *Quilibet contractus ex promissione resultat, & acceptatione.*
- IV. *Etiam lucrativis contractibus definitio data perfecte convenit.*
- V. *Depositum non est ab albo contractuum expargendum.*

CONSECTARIA, quæ ex his, & sequentibus generalioribus doctrinis sunt deducenda, in peculiaribus contractibus clarius, & manifestius apparent: eapropter illa ibi exponenda reservamus, ne vel his eadem repetere cogamur, vel doctrinæ ordinem, & methodum perturbare. Nonnulla igitur hic generalia dumtaxat expendemus consecutaria, quæ ad positas illustrandas doctrinas magis arbitramur opportuna. Sic igitur

CON-

CONSECTARIUM PRIMUM.

I. Cum pactum dixerimus duorum, vel plurium consensum, manifeste consequitur, plures, vel saltem duas & personas, & voluntates ad inendum contractum postulari: quia nec consensus, nec conventio locum habere potest, nisi duæ saltem personæ, voluntatesque in eodem placito conjungantur. Hinc ulterius inferre licet, nec promissionem, nec donationem ante acceptationem, neque e converso stipulationem, antequam alter promissionem eliciuerit, contractum esse posse, utpote quæ nondum vel solius pacti acceperit conditionem.

CONSECTARIUM SECUNDUM.

II. Obligatio naturalis, quæ ex ipsa lege naturæ confurgit, est præcipua in contractibus. Nam & hæc semper consequitur, licet ex aliquibus contractibus civilis obligatio non sequatur; cum & antequam leges civiles conderentur, veri contractus inter homines celebrarentur, qui proinde sola naturali obligatione firmabantur. Civilis vero obligatio accessorium quid est, & veluti subsidium ad naturalem obligationem sustinendam. Et licet non desint aliqui Auctores, qui quosdam dari contractus arbitrantur, solum civilem obligationem sine naturali parientes; illorum tamen sententia ita omni solido fundamento vacua invenitur, ut generaliter tenendum sit, nunquam obligationem civilem esse sine naturali; quamvis aliquando contingere possit, ut naturalis civilem adjunctam non habeat. Quod tamen ultimum eatenus verum intelligendum est, quamdiu leges civiles eos contractus non irritent, qui alias naturalem inducerent obligationem. Sunt enim contractus, quibus jus civile assi-

stet: & hi utraque obligatione & naturali, & civili fulciuntur. Sunt, quibus jus civile resistit, & adversatur, qui omni profus nudati robore, neque naturalem retinent obligationem, ut infra ostendemus. Sunt denique 3. loco, quibus civilia jura nec assunt, nec resistunt, sed eos tales relinquunt, quales se haberent ex jure Gentium: & de istis dixi, quamvis civili destituantur obligatione, naturalem tamen non amittere.

CONSECTARIUM TERTIUM.

III. Contractus quilibet ex duabus partibus necessario componitur, quarum una dicitur promissio, altera acceptatio. Nam cum obligatio quidpiam præstandi sit effectus contractus, & etiam objectum, in quod contrahentium voluntates consentite debent; non pari modo & ratione in ipsum consentire possunt: sed necesse est, ut alter contrahentium se obligare velit, alter obligari; idest unus obligationem efficiat, recipiat alter, proinde unus promittat, alter acceptet. Promissio autem hæc (ne confundantur cum specifico contractus ejusdem nominis) prout significat propositum absolutum obligandi se alteri ad quidpiam dandum, vel faciendum ex virtute iustitiæ commutativæ ante acceptationem, sive postea acceptatio ejus, cui sit promissio, adjungatur, sive non, contractus non est, sed pars contractus altera, & in potentia quidem, si nondum sit acceptata, in actu vero, si cum acceptatione jungatur. & illi cum debita morali conjunctione uniatur. Dixi, prout propositum absolutum est, quia si verba, quæ promissionem videntur exprimere, reipsa careant intentione se obligandi, vel meram exprimant enunciationem ejus, quod facere molior, vel quod impossibile a me factum iri nunc opinor; vel etiam

etiam si propositum quidem me obligandi, non tamen iustitiæ commutativæ vinculo, sed solius fidelitatis, liberalitatis, gratitudinis, amicitiae, alteriusve moralis honestatis titulo declarant, ad verum constituendum contractum nequaquam sufficiunt, & valent.

CONSECTARIUM QUARTUM.

IV. Definitio contractus superius data quoslibet contractus, etiam mere lucrativos, & gratuitos complectitur. Nam & in istis reperitur vera conventio, & consensus in eandem obligationem, vera promissio & acceptatio; & ex his vera oritur obligatio: neque enim obligationem ex contractu procedentem mutuam esse necesse est; quamvis oporteat mutua esse voluntate firmatam. Quia vero in contractibus onerosis duæ producuntur obligationes, duæ promissiones, duæ acceptance, & denique omnia duplicia interveniunt; non immerito quilibet ipsorum contractus compositus ex duplici contractu dici potest, cum lucrativi unum tantum contractum contineant.

CONSECTARIUM QUINTUM.

V. Depositum non est ex albo contractuum expungendum. Contrarium sentiunt nonnulli Theologi, ea permoti ratione, quod nihil in eo transferatur de uno ad aliud, non dominium, non ususfructus, immo nec usus. Verum res ipsa, quæ in depositum datur, transfertur a deponente ad depositarium, & non quidem sola manuali, & materiali translatione, sed cum obligatione eam custodiendi, & onere restituendi, si forte ex ejus culpa pereat; quomobrem illud jus violat, qui rem depositam furatur, hic enim non solum injuriam irrogat domino, sed & depositatio.

Patuzzi Theol. Moral. Tom. V.

CAPUT TERTIUM.

De consensu ad contractum necessario, & de dolo illum corruptente.

DOCTRINA.

- I. *Consensus necessitas in contractibus.*
- II. *Consensus simulatus num sufficiat ad valorem contractuum.*
- III. *Num sufficiat animus promittendi sine animo se obligandi.*
- IV. *Num quis se in contractibus solum leviter obligare possit.*
- V. *Quid sit dolo in contractibus adhibitus.*
- VI. *Quotuplex sit.*
- VII. *Regula ad discernendum quando dolo irritet contractus. Regula I.*
- VIII. *Regula II. IX. Regula III. X. Regula IV.*

I. **D**UBIO procul ad contractus valide ineundos certum est utriusque partis consensum, & quidem sufficientem ad actum humanum constituendum libertate præditum, indispensabilem desiderari. Sed quid veritati consensus, quid ejusdem libertati contrarium sit, est operosius inquirendum: gravissimæ enim circa præfati consensus impedimenta quæstiones versantur, quarum enodatio ad fundamentalem facit hujusce materiæ doctrinam.

II. Et quidem I. ad valorem contractus talis non sufficit consensus, quo contrahentes velint ponere verba, vel signa externa, quæ per contractus fieri solet, etiam si animum contrahendi, seseque obligandi nedum non habeant, sed & excludant, & solum exterius simulent. Oppositum sustinent nonnulli Theologi, qui ad suæ sententiæ probationem præcipue proferunt, & exaggerant inconvenientiæ & absurda,

B

qua

quæ ex necessitate consensus interni, qui hominibus non potest esse perspectus, nata sunt consequi: quandoquidem conventionum fides sic semper labefceret, & falsorum hominum deceptionibus esset exposita. At nostræ asserioni Theologorum torrens consentit, quorum tantæ confessioni vix sine temeritatis nota quis posset resistere. Constat autem validæ rationes. Nam 1. ipsæ Leges civiles hoc declarant. Leg. 1. §. *Conventiones ff. de pactis* sancitur. *Dixit Pedius, nullum esse pactum, nullam obligationem, quæ non habeat in se consensum, nam & stipulatio, quæ verbis fit, si non habet consensum, nulla est.* Quibus postremis verbis exigitur ad valorem contractuum consensus internus, id est consensus distinctus a libera voluntate proferendi dumtaxat verba obligatoria. Et revera obligatio, quæ est ex contractu, tota nascitur a voluntate se obligantis: igitur ubi non est voluntas se obligandi, non est obligatio. Præterea id, quod nostrum est, sine voluntate nostra ad alium transferri non potest: omnis enim res per quascumque causas nascitur, per eas dissolvitur. Quare sicut ad acquirendum dominium non sufficit actus externus, quo ostendo me velle dominium acquirere, si voluntas interior sit contraria; sic non possum dominium acquisitum vel partem domini, aut aliud simile jus valide ad alium transferre, si habeam voluntatem contrariam non transferendi. Ceterum notandum est, consensum istum interiozem, seu animum se obligandi, qui ad valorem contractus necessarius est, non oportere formalem esse & explicitum; sed satis esse, si virtualis sit, atque implicitus, videlicet contentus in voluntate deliberata contrahendi eo modo, quo homines consueverunt. Immo

quoties intentio promittendi adest, in hac implicatur etiam voluntas se obligandi: cum promissio pariat obligationem, & qui vult causam, etiam effectum implicite velit, oporteat. Nec obstat, contractus sine consensu interno, externo tamen initos pro validis in foro externo haberi: hoc enim contingit, quia externum solum consensum adfuisse præsumit, cum enim delicta gratis non præsumantur, quisque censetur sentire, prout loquitur.

III. Qui habet animum promittendi, seu contrahendi, sed cum voluntate non se obligandi, sufficientem haberet ad valorem contractus consensum, inficiantur nonnulli hanc doctrinam, ea moti ratione, quod conditio apposita contraria substantiæ contractus ipsum annullat, ut constat ex cap. finali de conditionibus appositis; ut si quis velit ducere uxorem solum ad certum tempus: porro carentia obligationis est contra substantiam promissionis. Deinde quia obligatio in contractu non nisi ex voluntate potest oriri, quæ deest in proposito casu. Alii cauti procedendum censent, & cum Cardinali de Lugo promittentis animum expendendum dicunt. Sunt enim, inquit, duæ veluti contrariæ voluntates, una promittendi, altera se non obligandi. Dispicendum ergo est, utra prævaleat: si enim primario, & absolute quis nolit se obligare, non consentite censendum est; & nullus habendus contractus: si vero primario, & principaliter velit promissionem, & solum excludat obligationem, quia sibi onerosam, consensum sufficientem habere affirmandum, & contractus validus pronuntiandus. Hanc animadversionem non rejecto, sed ex ipsa puro inferri validam rationem posite meæ doctrinæ. Nam illa profectus est censenda efficacior, & fortior

vior voluntas in hac duarum voluntatum oppositarum pugna, quæ operatur, & in actum prorumpit, non quæ otiosa, & iners est. Porro voluntas contrahendi est illa, quæ in actum promissionis prorumpit, quæ contractum celebrat, dum alia, quæ refugit obligationem, non solum latens, sed & otiosa ac iners est: ergo illa efficacior, ergo validus consensus, firmus contractus. Et revera cum obligatio effectus sit, qui necessario promissionem consequitur, nequit promittentis arbitrio suspendi, vel impediri: atque adeo qui vere vult promittere, & promittit, velit nolit, implendi obligationem sibi injicit. Præterea cum in tali contrahendi modo dolus interveniat, & deceptio alterius partis existimantis bona fide, & vere contractum fieri, tenetur deceptor deceptionem tollere, sincera apposita se obligandi voluntate, & etiam quod exterius promissit, implere.

IV. Qui habet animum manifestum se obligandi, sed solum leviter, & sub veniali, etiamsi res vel materia contractus sit ex se gravis, consensum non habet, qui ad contractus valorem sufficiat. Contrarium sentiunt Sanchezius, Henriquez, alique Theologi, qui obligationem contractus ex sola contrahentium voluntate, non ex materiæ qualitate dimetiantur. Verum cum nos non semel docuerimus cum nostro Soto, neminem posse se in gravi materia leviter obligare, sed obligationem esse materiæ commensurandam, consequenter dicimus, qui declarat se habere animum solum se leviter obligandi in re gravi, significat sibi non esse animum vere contrahendi, proinde nullus esset contractus. Præterea plurimi ex ipsis Theologis, qui censent, posse quemlibet in materia gravi se leviter tantum obligare, quando voluntarie assumant obliga-

tionem, tamen adhuc affirmant, hoc locum non habere in contractibus: quod ostendunt exemplis sponsalium, matrimonii, professionis religiosæ, mutui, donationis, aliorumque contractuum dominium transferentium, in quibus quis dixerit posse sub veniali tantum se obligare, vel quando eis grave est, posse sine gravi injuria retrahi, & recedere domino invito? Ratio autem generalis nostræ assertionis, & ad omnes contractus se extendens, ea est, quia obligatio ex contractu suscipienda, est obligatio justitiæ commutativæ, ut cap. 1. diximus, quæ obligatio profecto mensurari debet ex conditione materiæ, illique proportionari, non ex mero libito contrahentium: hi enim possunt quidem impedire, ne oriatur obligatio, a contractu abstinendo, non tamen possunt obligationem ortam limitare, ne materiæ gravitati adæquetur.

V. At si consensus effectus sit mali doli exterius adhibiti, num ita libertate careat ad contractus validitatem requisitam, ut illum irritum, & nullum reddat, dissentient Theologi, qui nedum contrarie, sed ita obscure confuseque loquuntur, ut sine aliqua prænotione, & non nisi per plures propositiones veritas dilucide possit explicari. Primum itaque exponendum, quid sit, & quotuplex dolus. Licet dolus, ut animadvertit D. Thom. 2. 2. q. 55. a. 4. ad 1. in malo accipiatur sensu, abusive tamen etiam bonum aliquod significat, nimirum laudabilem aliquam solertiam ad se, & bona sua, vel proximi conservanda, non causando deceptionem adhibitam, sed permitiendo, ut erranti alter occasionem patiatur: unde aiebat Apostolus 2. ad Corinth. 12. *Cum essem astutus, dolo vos cepi*. Pertinet autem dolus ad astutiam, cum

B 2

jus

jus proprium est assumere vias non veras, sed simulatas, & apparentes ad aliquem finem prosequendum, vel bonum, vel malum, ut scribit idem A. P. Excogitare autem has vias simulatas pertinet ad ipsam astutiam, quæ adversatur prudentiæ, cujus munus est excogitatio rectarum viarum ad debitum finem. Executio autem harum viarum, quæ simulatæ sunt, & apparentes, ad dolum pertinet, qui importat quandam executionem astutiæ. Optime itaque L. 1. ff. de dolo malo dulus definitur: *Machinatio alterius causa decipiendi, cum aliud agitur, aliud simulatur.* In quibus verbis machinatio designat tum parvum consilium, & propositum ordinatum ad alterum decipiendum, quod ad astutiam pertinet, tum etiam modum, qui huic intento deservit, & proprie dulus dicitur. Plurifariam autem potest deceptio induci, nimirum vel silentio, reticendo quod verum est; vel verbis loquendo falsum; vel rebus, & opere errorem alterius procurando. Prior modus in jure dicitur *calliditas* 2. *fallacia*, idest dulus, qui ut scribit S. Thom. l. l. „maxime tribuitur locutioni, ni, „licet statim subdat: „Contin- „git tamen esse dolum & in factis... „& est etiam dulus in corde, secun- „dum illud Eccli. 19. *Interiora ejus plena sunt dolo*“. Sed hoc est, secundum quod aliquis dulos excogitat.

3. *Fraus*, quæ ut docet S. Th. art. seq. a dolo distinguitur, quia fit per facta, scribens: „Sicut dulus consistit in executione astutiæ, ita etiam & fraus. „Sed in hoc differre videntur, quod „dulus pertinet universaliter ad executionem astutiæ, sive fiat per verba, „sive per facta; fraus autem magis „proprie pertinet ad executionem astutiæ, secundum quod fit per facta“.

VI. Dulus igitur, de quo modo lo-

quimur, qui etiam dulus malus appellatur, duplex est ex parte causæ inducentis: vel enim provenit a consilio, vel saltem consensu unius contrahentis; vel solum a tertiarum improbitate sine alicujus contrahentis scientia, vel approbatione. Rursum vel est dans causam contractui, ut pote quo non interveniente contractus non fieret; vel non dar causam contractui, sed est solum concomitans, seu incidenter, aut consequenter se habens, quoniam & ipso detecto nihilominus celebraretur. Tandem ex parte objecti contingere potest dulus vel circa substantiam contractus, ut si quis fallens venderet vas inauratum pro auro; aut circa personas, si pro Rachele daret Liam; vel denique in qualitate, si promittens generosum equum, daret protervum, meticulosum, aut tardum. His prænotatis ad doctrinam progredimur, ac certas quasdam Regulas statuimus.

REGULA PRIMA.

VII. Qualiscumque, & qualitercumque dulus contingat circa substantiam, vel circa personam, quæ sit objectum, vel materia contractus, vel propter hujus diversitatem idem objectum mutetur, tunc ipsomet jure nullus est contractus. Hujus doctrinæ ratio est manifesta, quia dulus adhibitus circa substantiam rei errorem inducit in ipsum contractum, qui omnino evadit involuntarius, & non liber, ut paulo infra ostendemus ex S. Thom. proinde nec essentiam retinet contractus. Hinc si venditor mihi petenti calicem aureum dolose det inauratum, nullus omnino est contractus, qui non est de calice inaurato, sed auro. Præterea additur etiam injuria per dolum malum illata, ob quam etiam actionem criminalem valet

let insinuare deceptus apud judicem, quæ actio nuncupatur de dolo malo, quæ etiam reputatur famosa, quia delictum & valde turpe præsupponit, ut videre est in toto tit. de *dolo malo*, qui tum si, tum in Codice reperitur. Quapropter si cui in emptione tela pro serico, vitrum pro gemma, in matrimonio Lia pro Rachele, in professione Religiosa Regula S. Francisci pro Regula S. Dominici substitueretur, certissimum est actus inde consecutos omni valore destitui.

REGULA SECUNDA.

VIII. Si dolus in contractu versetur circa qualitates, & qui non a malitia proveniunt contrahentis, sed ex tertiæ personæ, puta proxenæ, astu, sive dederit causam contractui, sive non, nec jure naturæ, nec jure civili vitiosum reddit contractum. Non quidem jure naturæ, quoniam ex una parte in contrahente decepto adest voluntarium simpliciter circa substantialia contractus, cui dolus circa aliquam qualitatem accidentariam nequaquam præjudicat. Ex alia vero parte contrahens non est causa illius deceptionis, quam alter contrahentium patitur, proinde nec damnum pati debet erroris, sine sua culpa ex solo facto alieno secuti. Nec ex lege civili, quia nec uspiam invenitur hujusmodi lex, nec esset expediens eam legem fieri; quoniam dedecet innocentem sine aliqua culpa prægravari: id vero contingeret, si ob dolum illatum posset deceptus a contractu resiliire. Advertendum tamen est, quod eo in casu decipiens teneretur in utroque foro damnum facere suo dolo causatum; quoniam, ut clamant jura, qui causam damni dedit, damnum dedisse videtur.

REGULA TERTIA.

IX. Si deceptio circa qualitates accidentarias contractus causetur quidem ab altero contrahente, sed tamen non det causam contractui, contractus adhuc validus est. Nam ex parte contrahentis decepti adest consensus simpliciter voluntarius quoad substantialia, nec circa accidentalia adest positivus dissensus, seu repugnantia; quoniam dolus non dat causam contractui, qui etiam sine illo locum haberet.

REGULA QUARTA.

X. Quoties dolus inducens errorem circa qualitates accidentarias est ab altero contrahente, vel saltem hic est conscius & particeps doli a tertia persona adhibiti, & idem dolus dat causam contractui, probabilius existimo contractus ex tali dolo procedentes, spectato naturæ jure, non omnino invalidos esse. Huic regulæ, quæ communis est apud Theologos, adversatur Concina; sed ea firmissimis, ut mihi videre videor, nititur argumentis. Nam 1. In hujusmodi contractibus deceptus præbet consensum simpliciter voluntarium ad ea, quæ sunt de essentia, ac substantia contractus, & solum censetur invitus quoad causam contrahendi extrinsecam; quod certe non impedit voluntarium simpliciter, requisitum ad valorem contractus. 2. Quia si deceptio circa qualitates dans causam contractui hunc redderet irritum, hanc vim haberet etiam in matrimonio; & tamen certo certius est matrimonium & validum esse, quoniam est contractus indissolubilis, & validum permanere, nec posse rescindi; licet similis dolus in ejus celebratione interveniret. 3. Quia si deceptus velit contractum ex præ-

præfato dolo confistere, non potest decipiens, ut omnes fatentur, a contractu resilire, sed tenetur ipsum servare; neque enim debet commodum ex fraude sua reportare; etenim si qua irritatio hujusmodi contractuum jure civili conceditur, est in favorem deceptorum, non decipientium, ut dicitur L. 1. ff. *de dolo* in principio, *ne vel istis malitia sua sit lucrosa, vel illis simplicitas sit damno-
sa*. Validus igitur reputatur. Verum quidem est, etiam si præfati contractus non statim sint ipso jure naturæ irriti, non habere tamen omnem firmitatem. Siquidem jus manet decepto obligandi decipientem ad rescindendum contractum, si aliter ipsum a damno indem-
nnum reddere non valeat. Præterquam quod quamvis deceptus contractum re-
vocare non curet, adhuc tamen decipiens in foro conscientiæ, & ante omnem Judicis sententiam ea omnia damna reparare tenetur, quorum per-
dolum adhibitum causa fuit. Opponit Concina, qualitatem rem efficientem, tamen si in esse physico sit quid adventi-
tium & accidentarium, in ordine tamen civili, & moralis substantiæ rationem induere respectu contrahentium. Fate-
mur quidem & nos, quando qualitates rerum in substantiam transeunt contra-
ctus, nullum reddere contractum, ut ostendemus in sequenti capite. At non semper qualitates a contrahentibus hoc modo spectantur, & solum in hoc casu dicimus, dolum circa qualitates non reddere contractus jure naturæ irritos. Ut si quis vestem emeret, quia falso illi dicitur esse amicti sui ex indigentia eam vendentis, quam alias non emeret, & postea agnoscit fuisse alterius personæ sibi ignotæ, validus est contractus.

CAPUT QUARTUM.

De Contractibus ex errore, vi, & metu celebratis.

DOCTRINA.

- I. Num ignorantia, error, inadvertentia contractus irritent.
- II. Non omnis error, & ignorantia tollit valorem contractus.
- III. Error in substantia semper irritat contractum.
- IV. Et etiam error in persona.
- V. Nec vero error in qualitatibus, & accidentibus.
- VI. Num vero, si dictus error circa accidentia det causam contractui.
- VII. Num vis, & metus tollant valorem pactis. Regula ponantur.
- VIII. Regula I. IX. Regula II. X. Regula III.
- XI. Regula IV. XII. Regula V. XIII. Regula VI.
- XIV. Regula VII. XV. Regula VIII.
- XVI. Regula IX. XVII. Regula X.

I. IGNORANTIA, error, inadvertentia impediunt veritatem, & libertatem consensus, qui est ad contractus valorem necessarius. Hec tria simul conjungi, quia in unum, ac idem recidunt. Ignorantia enim simpliciter dicta omnem habituales notitiam rei, quæ dicitur ignorari, per modum privationis excludit. Error ultra defectum scientiæ, falsam etiam, ac vero contrariam cognitionem importat: unde a Theologis ignorantia appellatur pravæ dispositionis. Inadvertentia vero æquivalet ignorantiæ, seu est actualis quedam ignorantia, quatenus hic & nunc actualiter non cognoscitur, quod alias cognitum fuit, vel inadvertentia cessante

fante facile cognosci posset. Hæc igitur singula libertatem consensum impediunt immo consensum ipsum tollunt circa verum objectum contractus sic initii, quoniam voluntarii rationem remouent: nihil enim volitum, quin præcognitum; & non est præcognitum, quod ignoratur. Unde passim jura clamant: *errantis nullum esse voluntatem, nullum esse consensum*. Certissimum itaque esse debet, omnem contractum per ignorantiam, errorem, atque inadvertentiam celebratum, nullum esse, & irritum, nullius valoris, & effectus. Quod verum etiam est (cum limitationibus tamen mox declarandis) siue ignorantia fuerit vincibilis, siue invincibilis, siue juris, siue facti, siue causam dederit contractui, siue non dederit, siue in alterutrum contrahentium inducta fuerit ex alterius contrahentis deceptione, siue ex alicujus tertii fraudulentia, siue ex propria hallucinatione. Quamvis enim non quælibet ex his ignorantis excusare valeat a peccato, nec quælibet in externo foro contractum irritet; quælibet tamen reipsa, & in foro conscientie contractum destruit, quia tollit consensum. Forum enim exterius sæpe sæpius innititur præsumptionibus, quæ non semper favent alleganti ignorantiam. At hujusmodi præsumptiones in foro interno conscientie locum non habent, in quo solum rei veritas attenditur.

II. Non omnia ignorantia, error, & inadvertentia circa quælibet eorum, quæ possunt inesse contractui, vel contrahentes contrahendum movere, nullum efficiunt contractum. Fieri enim potest, ut unus & idem contractus circa unum objectum, vel circumstantiam ex pluribus, quæ ad suam materiam pertinent, sufficienti notitia, & deliberatione dirigatur, cir-

ca alteram vero inadvertentia, vel ignorantia, vel errore libertatem excludente laboret; sicut & in aliis humanis actibus passim contingit, ut quoad aliquid liberi sint, quoad aliquid vero liberi non sint. Nam c. ex qui comedit carnes die Veneris, putans esse diem Jovis, vel ignorans esse diem Veneris, vel si alias sciebat, & meminerat, tunc non advertens, sine dubio libere carnes comedit, & actus ille deliberatus est quoad comestionem, sed respectu malitiæ idem actus est involuntarius, & caret libertate propter ignorantiam, vel inadvertentiam præcepti. Idem est de eo, qui sagittam immitit in hominem, putans esse feram; immisso illa sagittæ procul dubio est actus liber sed immisso in hominem libera non est, quia volebat immittere in feram, & per errorem immisit in hominem. Similiter & in contractibus contingere potest, ut voluntates contrahentium quoad aliquid pertinet ad materiam contractus, libertate gaudeat, secus vero quoad aliud. Est igitur dispiciendum, utrum id, circa quod in contractu error, ignorantia, & inadvertentia versatur, sit tanti momenti, ut deficiente circa ipsam deliberatione concidat omnino contractus, omnique vigore privetur. Notandum vero est triplicem errorem (& idem intellige de ignorantia, & inadvertentia, posthac enim solius erroris, utpote frequentius in jure nominati, mentionem faciam) in contractu intervenire posse, aut circa substantiam, aut circa personam, aut circa qualitates, nem vel dantem causam contractui, vel non dantem, sicut superius cap. præced. de dolo diximus §. 6. Rursum triplex esse potest error vel ignorantia, nimirum concomitans; quando (inquit S. Th. 1. 2. q. 6. a 8.)

„ est de eo quod agitur, tamen etiam si
 „ sciretur, nihilominus ageretur; &
 „ tunc ignorantia non inducit ad vo-
 „ lendum, ut hoc fiat; sed accidit si-
 „ mul esse aliquid factum, & ignora-
 „ tum, sicut . . . cum aliquis vellet
 „ quidem occidere hostem, sed ignorans
 „ occidit eum, putans occidere cer-
 „ vum “. 2. Consequens, „ *inquantum*
 ipsa ignorantia est voluntaria, „ 3. An-
 „ tecedens, „ quando . . . non est
 „ voluntaria, & tamen est causa volen-
 „ di quod alias non vellet „. His præ-
 missis.

III. Error in substantia semper vitiat contractum, & ipso jure nullum efficit. Certa est hæc propositio, & ut ita dicam, indubitable juris dogma, ut enim dicitur L. *in omnibus* 57. ff. de oblig. & act. *In omnibus negotiis contrahendis . . . si error aliquis intervenierit, puta, si aliud senserat, qui emit, aut qui conduit, aliud qui cum his contrahit, nihil valet, quod actum est*. Ratio autem est manifesta, nam ut docet S. Thom. l. l. error circa substantiam est error in ipso contractu, & non in accidentibus illius; ideoque ex eo fit involuntarius, & non liber: actus ex ignorantia antecedente procedens nec liber est, nec voluntarius. „ Antecedenter (scribit „ S. Thom.) se habet ad voluntarium „ ignorantia, quando non est voluntaria, & tamen est causa volendi, quod „ alias non veller . . . puta cum aliquis „ diligentia adhibita projecit sagittam, „ qua interficit transeuntem, & talis „ ignorantia causat involuntarium sim- „ pliciter . . . “ Quamobrem nullus est contractus illius, qui vinum emere volens, per errorem accepit acetum; hoc enim posterius omnino non vult, ac proinde nec contractum tali errore vitiatum.

IV. Error in persona, quotiescumque hæc ad objectum & materiam contractus pertinet, tollit consensum, & nullum efficit contractum; secus vero, si non pertineat. Ratio primæ partis est, quia cum objectum, & materia ad substantiam spectet, & essentiam contractus, error circa personam, quæ est objectum, est error in ipsa substantia contractus, idest in re, cujus dominium c. ex per venditionem transferri debet: & cum in omnibus contractibus error in substantia ideo nullitatem inducat, ne quis errans, & invitus, & sine sua voluntate obligetur, & dominium suæ rei admitrat, vel acquirat, quod nolit; multo magis id cavendum, quando persona, quæ tanto pretiosior est quam res, est materia contractus. Idipsum manifestis exemplis ostenditur in Professione Religiosa, in qua persona Religiosa est, quæ se ipsam donat Deo; in matrimonio, in quo personæ conjugum se invicem sibi donant; in sponsalibus, in quibus se mutuo promittunt; in emptione servi, in quo legibus constitutum est, ut error in persona servi empti vitiet contractum. Ratio secundæ partis est, quia quoties persona non pertinet ad objectum, vel materiam contractus, parum aut nihil confert ejus diversitas ad inducendum, vel impediendum consensum: ut si in equo, vel calice vendito sit plenum voluntarium, & nullus sit defectus, quod iste equus, vel calix sint Petri, vel Francisci, certe nihil interest, nec facit ad causam.

V. Si error sit circa qualitates, & accidentia rei, quæ est materia contractus, & ex hallucinatione contrahentis procedat, non tollit consensum, nec contractum irritum reddit. Siquidem Romanæ leges irritos non exilimant contractus, errore circa præfatas qualitates

tates accidentarias laborantes, ut patet in toto tit. in ff. de ædilitio edicto; licet quando qualitates sunt admodum pertinentes ad causam contractus, idem edictum concedat actionem reddibitoriam, scilicet qua petant contractum rescindi, quæ actio supponit ipsomet jure non esse rescissos. 2. Evincitur ratione. Nam cum tali errore circa qualitates consistit voluntarium simpliciter, tum quoad speciem contractus, tum quoad substantiam materiæ. Porro hoc voluntarium sufficit ad valorem contractus; quoniam simpliciter non ignoratur, nec simpliciter nolitur esse potest, quod quantum ad sua substantialia non latet. 3. Probant argumento ab inconvenientibus adducto: cum enim qualitates accidentales rerum, quæ cadunt sub contractu, innumeræ possint esse, itaut nec in perspicaciorum notitiam omnes veniant, si illorum ignorantia obesseret valori contractus, jam nihil fixum, nihil firmum esset in humanis commerciis, & passim contrahentes cessare vellent a celebratis contractibus, obtinendo ignorantiam aliquarum circumstantiarum, vel accipientium, quæ prius animadversa non fuissent.

VI. At si error qualitatatum talis sit, ut etiam causam contractui dederit, ita ut si error non præcessisset, nunquam contractus fuisset initus, num illum irritum reddat, digladiantur inter se Theologi. Quidam affirmant, inter quos & Concina, ut diximus cap. præced. n. 10. quia putant, tunc qualitatem rei moraliter considerari ut substantiam, & objectum contractus. Alii distinguunt inter causam principaliter motivam, & causam mere impulsivam, talem videlicet sine qua contractus quidem celebratus fuisset, sed non ita libenter, quemadmodum detecto errore.

Patuzzi Tract. Moral. Tom. V.

Verum hæc distinctio non mihi videtur admodum accurata, vel opportuna ad intentum; quoniam causa mere impulsiva non est vera causa contractus, qui locum haberet, etiam ipsa non concurrente. Quamobrem ipse communior sententiam secutus, censeo etiam errorem dantem causam contractui non obesse valori contractus ejusdem, quoties versetur circa qualitates mere accidentarias materiæ tum physice, tum moraliter spectatæ. Patet istud in matrimonio, cujus valor subsistit, licet qui aliquam ducit uxorem, nobilem, aut pulchram, aut virginem existimaverit, alias non ducturus, quam postea deprehendit plebejam, pauperem, deformem, aut corruptam; dummodo circa personam nullus præcesserit error. Et ne dicant matrimonium esse specialem contractum, de se indissolubile, afferam aliud exemplum: si quis emat calicem, putans esse sacerdotis sui amici ex indigentia illum vendentis, animo illum ipsi sacerdoti donandi, alias non empturus, & postea reperiat Calicem esse alterius personæ plane sibi ignotæ, quis dicat contractum hunc esse jure naturæ irritum, ac propterea nullam emptionem? Nemo, puto, ita sentiet. Quando vero qualitates physice moraliter transeant in substantiam contractus, dicemus in Consecrariis.

VII. Non solum error, & ignorantia, sed & vis, & merus contractuum impediunt valorem, non quia necessariam tollant cognitionem, sed quia tollunt, vel minuunt libertatem. Quando autem hoc præsent, modo ostendimus, nonnullis præmissis per varias propositiones. Præmittendum igitur est, quid importet vis, & merus, & quod duplex sit. Vis, & merus pro eodem sumuntur: licet enim vis, seu violentia,

C

fm

simpliciter dicta distinguitur a metu, cum illa tamen in humanos actus cadere non possit, & praecipue in actus interiores voluntatis, cujusmodi est consensus ad contractus incundos necessarius, supervacaneae, utrum eisdem irritare valeat, requireretur, cum in iis locum habere non possit. In jure igitur vis cum metu confunditur; quoniam & metus aliquando agendi necessitatem inferre videtur. Est ergo metus ex definitione Ulpiani L. 1. ff. *Quod causa metus; trepidatio mentis, causa imminantis, vel futuri periculi*. Dividitur in gravem & levem. Gravis metus est, quo grave malum, & ex gravi suspitione timetur: contra leve, qui habet pro objecto malum leve, vel qui a levi tantum suspitione progignitur. Iterum gravis metus talis dicitur vel absolute, vel respective. Absolute quoties malum, quod timetur, tale est in omnium existimatione; respective gravis, quando solum in apprehensione timentis speciem gravis mali inducit. Gravis metus appellatur etiam in jure, *metus cadens in virum constantem*, quoniam etiam viros constantia praeditos solet concutere. Duae autem conditiones necessariae sunt ut metus censeatur in virum constantem cadere. 1. Sumitur ex parte objecti, ut videlicet malum, quod timetur, sit grande; cujusmodi existimatur mors, mutilatio, atrox cruciatus, diuturnus carcer, longum exilium, servitus, stuprum, amissio status honorifici, seu dignitatis, infamia juris, vel facti, quae facile abstergi non possit: dixi *quae facile abstergi non possit*, ne a D. Thom. doctrina recedam, qui in IV. Sent. dist. 29. q. 1. 2. ad 3. scribit: „Infamia, quamvis sit magnum damnum, tamen ei facile de facili occurri potest, ideo non reputatur cadens in con-

stantem virum metus infamiae“. Amissio patrimonii, vel majoris partis ipsius, item excommunicatio major, & si quae sunt alia hujus generis. Nihilominus etiam mala minoris ponderis metum inducere possunt, qui cadat in virum constantem, quorum quidem judicium a prudentibus viris desumendum est. Nonnulli tamen Theologi hanc servandam regulam suggerunt, scilicet, quoties malum, quod timetur ex omissione contractus, majus sit, & reputetur illo, quod ex contractu consequitur; tunc metus illius cadit in virum constantem & prudentem, quoniam prudentia docet, minus malum esse substinendum, ne majus incurrat. Altera conditio fuitur ex parte apprehensionis, ut videlicet non ex levi motivo quis grave malum expectet. Ad hoc autem ut non leviter judicet de malo imminente, personae quae malum comminatur, conditio, & qualitas est expendenda, nimirum 1. Num potens sit malum inferre, quod comminatur. 2. Utrum suas minas executioni mandare, vel sola verborum jactantia soleat esse contenta. 3. Utrum passurus malum facile possit eas minas evadere, & viribus minantis resistere. Ulterius metus gravis vel inducitur ea intentione, ut extorqueatur consensus ad contractum, ut si quis alicui minetur mortem, nisi praedium suum nominati donet, aut vendat; vel non hac intentione inducitur metus, sed alia causa, licet is, cui sit comminatio, ad evadendum malum, aliquem ineat contractum. Demum metus incussus ad extorquendum contractum, vel iuste potest inferri, ut si iudex minetur mortem defensori, nisi eam, quam vitavit, aut in uxorem ducat, aut dotet; vel inferitur iniuste, ut cum latro mortem intendat

via-

viatori, ut pecuniam ab eo extorqueat. His præjactis hæc statuntur Regulæ.

REGULA PRIMA.

VIII. Quoties metus, qui est causa contractus, est de malo inferendo a causa naturali, vel a Deo, seu prout alii dicunt auctores, quoties præfatus metus est ab intrinseco, non ab extrinseco, certissime valorem contractus, jure naturali inspecto, non tollit: c. ex. Si quis ad evadendum naufragium, in cuius periculo versatur, promittit se aliquid pauperi daturum, aut loco pio, nulla est dubitatio, quin jure naturali obstrictus maneat ad exequendum, quod promissit. Eodem enim modo loquendum est in his casibus de contractu, ac de voto, quod omnem suam firmitatem sortitur, licet processerit ex metu gravi, qui habeat pro objecto malum ab aliqua libera causa non inferendum. Ratio vero est, quoniam in hujusmodi actibus provenientius a metu intrinseco, adeo deliberatio sufficiens ad valorem actus, ut inferius ex D. Th. ostendimus, & diximus in 2. Decalogi Præcepto; & alius nulla immiscetur injuria, vel injustitia, quæ sit causa actionis.

REGULA SECUNDA.

IX. Si contractus, qui fit ex metu extrinseco cadente in virum constantem vel gravi respectu ad personam timentem, fiat dumtaxat fidei & simulate, externam quidem contractus formam servando, sed animo prorsus abhorrante a consensu (quod facillimum evenire est, quando quis solo metu inducitur ad contrahendum) tunc palam est contractum ipsomet jure naturæ esse irritum, & inane. Ratio est manifesta, quia ablato consensu interno deficit essentia

contractus, ut ex ejus definitione, & ex iis, quæ superius diximus in ea explicanda, cuique facile est perspicere.

REGULA TERTIA.

X. Quotiescumque ex metu gravi ab extrinseco incusso alter ex contrahentibus præstat assensum contrahendi, tunc solo spectato jure naturæ validus est contractus, etiam si metus fuerit injuste incussus, vel licet contractus non sit onerosus, sed gratuitus, & liberalis. Hæc doctrina, quamvis non careat gravium Theologorum contradictionibus, gaudet tamen majori parte, eidem longe majorem probabilitatem, quam opinioni contrariæ adjudicante; & innititur doctrinæ inconcussæ D. Thom. qui omnibus consentientibus Theologis docet 1. 2. q. 6. art. 6. *Quod per metum agitur, in se consideratum non est voluntarium; sed sit voluntarium in casu, scilicet ad vitandum malum quod timetur. Sed si quis velle consideret, magis sunt hujusmodi voluntaria, quam involuntaria: sunt enim voluntaria simpliciter, involuntaria autem secundum quid. Unumquodque enim simpliciter esse dicitur, secundum quod est in actu; secundum autem quod est in sola apprehensione, non est simpliciter, sed secundum quid. Hoc autem quod per metum agitur, secundum hoc est in actu, secundum quod fit. . . Sic autem hoc quod fit per metum, est voluntarium, in quantum scilicet est hic & nunc, prout scilicet in hoc casu est impedimentum majoris mali, quod timebatur; sicut projectio mercium in mare fit voluntarium tempore tempestatis propter timorem periculi: unde manifestum est quod simpliciter voluntarii est: unde et competit ei ratio voluntarii, quia principium ejus est intra. Ea itaque quæ sunt ex metu, licet habeant involuntarii admixtionem, simpliciter tamen*

men sunt voluntaria; quoniam qui agit ex timore, absolute, & omnibus consideratis eligit, & vult quod facit: & licet huic voluntati conjuncta sit opposita inclinatio, hæc tamen est solum noluntas inefficax, & conditionata, quæ deficiente conditione, exire nequid in actum. Est igitur contractus ex metu celebratus absolute voluntarius, propterea spectato jure naturæ validus; nec injuria, quæ intervenit, si metu fuit injuste incussus, tollit libertatem, quæ adhuc integra servatur, ut manifeste patet in eo, qui ex metu gravi fidem negat, vel thius adolet indolis, qui sane metus a culpa, & quidem gravissima non excusat.

REGULA QUARTA.

XI. Tamen præfati contractus non sint omnino irriti, possunt tamen in foro conscientiæ, etiam ante ullam sententiam Judicis, pro arbitrio ejus, qui metum est passus, in irritum revocari, quoties metus injuste fuit incussus ad extorquendum consensum. In hac doctrina omnes fere Theologi concordant, quam ex eo probant, quia quando metus, qui est causa contractus, est conjunctus cum injustitia, & injuria inferentis, tunc relinquit læso jus petenti restitutionem in integrum; ac proinde qui læsit, tenetur justitiæ debito, nedum ad omnia reparanda damna, quæ ex injusta actione consecuta fuere, sed etiam ad rescindendum contractum, si contrahens læsus stare nolit initis patris. Potest igitur metum passus sponte sua a contractu resilire, quin ullam inferat incipienti metum injuriam, qui jam tenetur illum in suam libertatem restituere. Utrum vero, quando metus illatus ad extorquendum contractum non est ab altero contrahentium, sed a ter-

tia persona inducitur, maneat idem jus læso repetendi restitutionem in integrum, seu dissolutionem contractus, expendemus cap. seq. Consect. 10.

REGULA QUINTA.

XII. Si metu gravis, ad extorquendum contractum adhibitus jure fuerit incussus, sive legum dispositione, sive sententia Judicis, sive etiam privata comminatione, justæ tamen causæ & titulo innixi; tunc probabilius loquendo nulla sequitur obligatio naturalis in eo, qui metum intulit, rescindendi contractum ad petitionem illius, qui damnum passus est, vel refarciendi damna ex contractu consecuta. Ratio est, quia contractus sic initi & habent sufficiens voluntarium ad sui valorem, & nullam ex parte metuentis injuriam involvunt, quoniam qui metum incussit, nullam injustitiam commisit; jus enim habebat inferendi metuenti damnum, quod comminatus fuit: potuit ergo licite jus istud commutare, & illius cessione consensum ad contractum comparare.

REGULA SEXTA.

XIII. Si metu gravis, non incussus ad extorquendum contractum, sed alias ob causas, unde tamen qui passus est metum, occasionem acceperit, & impulsus ad contrahendum; considerandum est, utrum malum, quod metuitur, jure inferatur, & inferendum sit, nec ne. Si enim injuste inferendum sit, procul dubio tenetur, qui metus causa fuit, contractum rescindere, & omnia ex illo consecuta damna reparare. Ratio est, quia licet finis inducendi ad contractum non fuerit in comminante, adhuc iste injustum se præbuit in comminando; proinde injuriam

riam intulit metum passio: naturalem igitur obligationem contraxit ipsum restituendi in integrum, atque a damnis ex injuria confectis immunem præstandi. Si vero malum iuste inferre poterat, recurrit, quod diximus præcedenti Regula.

REGULA SEPTIMA.

XIV. Jure positivo, & civili non censentur irriti, & nullius valoris contractus illi, quibus metus gravis, & iniuste incussus causam præbuit, sed per Judicis sententiam irritandi, Oppositum sentiunt plures Auctores, quos inter Comitulus. Sed probabilior mihi posita regula videtur. Jura enim civilia de his contractibus ita loquuntur, ac si irritatione faciendi per Judicem opus habeant, ut dissolvantur. Supponunt itaque ab initio non prorsus irritos; alioquin juris remedio non indigerent. Constat quod dixi tum *L. si mulier 21. §. Si metu coactus ff. de eo quod metus causa*, quæ sic incidit. *Si metu coactus adivi hereditatem, putome heredem effici sed per Pratorem restituendus sum, ut abstinendi mihi potestas tribuatur.* Tum *L. ultima Codicis de his quæ vi*, dicente: *Venditiones, donationes, translationes, quæ per potentiam extorta sunt, præcipimus infirmari*: tum ex Instit. de exceptionibus in principio, ubi statuitur: *Si metu coactus stipulanti Titio promissisti, quod non deberes promittere, palam est jure civili te obligatum esse, & actio, qua intenditur te dare oportere, efficax est.* Scio Auctores contrariæ sententiæ aliquos pro se juris textus adducere, sed non sententiæ adeo perspicuæ, & quæ facili negotio possunt explicari de nullitate in ipsa radice contractus, non ipso jure fundata. Excipiendi tamen sunt ab hac generali regula aliqui contractus, qui

jure canonico, vel etiam civili omni robore ac validitate carere præcipiuntur, quoties a metu gravi, & injusto processerint. Inter quos primum ac præcipuum locum tenet matrimonium etiam juramento firmatum, ut patet ex cap. *veniens* de Sponsal. Matrimonio 2. loco Sponsalia adjungunt non improbabiliiter plures id colligentes cap. ex *let. de despons. Imbuber.* Tertium locum tenet Professio Religiosa, immo votum quodcumque, ut colligitur cap. 1. de his *quæ vi*. 4. Contractus dotis promissæ, vel solutæ, cum sequatur naturam matrimonii, cui est accessorius, irritus statim est jure civili, si ex gravi metu fuerit, ut disponitur *L. si mulier §. si dos. ff. quod metus causa*. 5. Quælibet promissio, etiam traditione completa, rerum, vel bonorum Ecclesiæ facta ex metu, nulla ipso facto juris canonici dispositione declaratur cap. *pervenit* de jure jurando. 6. Auctoritas Tutoris per metum extorta irrita quoque censetur *L. 1. ff. de auctoritate Tutorum*. 7. Nulla pariter jure canonico absolutio ab excommunicatione, & aliis censuris per metum obtenta; immo etiam revocatio censuræ incurrendæ ante terminum, post quem incurrenda erat, ut patet ex Const. Greg. X. in Conc. Lugdunensi, relata in cap. unico *de his quæ vi*. 8. His hæcenus enumeratis alii adjiciunt jurisdictionem per metum extortam ex *L. 1. ff. de iudiciis*, & testamentum, cui testis inivis afficit. Textus autem, quos asserunt, non videntur satis clari ad intentum, & in longe diverso sensu explicantur ab aliis Juristis.

REGULA OCTAVA.

XV. Contractus, ex metu levi iniuste incusso celebrati actionem non habent



bent in foro externo; sunt tamen in foro conscientiae rescindendi. Prima hujus Regulae pars patet ex juris civilis dispositione, quod relinquit hos contractus in sua vi naturali, nec illis assistendo, nec resistendo, quoniam nec vult favere inconstantibus & pusillanimis, nec etiam illis, qui injuste metum inferunt quantumvis levem, & etiam ad lites averrucandas. Alteram vero partem non admittunt plures Theologi, qui considerant illum, qui metu levi commovetur, esse sibi suae causae perturbationis, cum facile possit metum deponere, & leve comminatum malum aspernari; quod si non facit, convincitur omnino libere velle ea, ad quae finit se metu induci. At apposita doctrina mihi probabilior videtur, & est magis communis inter Theologos, & proinde amplectenda: quia qui hujusmodi metum levem incutit, semper inique se gerit, & alteri injuriam facit, atque illicito utitur medio ad obtinendum alterius contrahentis consensum. Quapropter obligationem naturalem contrahit rescindendi omnia, quae in tali contractu orta sunt damna; cum saepe saepius contingat, non minus perturbari contrahentis animum, & quasi nolentem impelli ad id, quod sibi displicet, promittendum, quam in metu gravi, & cadente in vicum constantem. Quod verum maxime puto, quando levis metus vera, & efficax causa contractus judicetur: quod contingit, quando vel metus est unicum contrahendi motivum, ita ut eo amore nullatenus contractus celebratus fuisset; vel licet non fuerit unicum motivum, fuit tamen praecipuum; vel quia etiam aliis motivis deficientibus, puta spe lucri alicujus reportandi ex contractu, adhuc solus metus induxisset ad illum; vel quia, etiam si aliis deficientibus motivis solus metus ad contractum non

promovisset, nec illa tamen sine metu ad eundem effectum valuissent.

REGULA NONA.

XVI. Metus reverentialis de se non irritat contractus ex eo celebratos, nisi adjungantur minae alicujus mali injuste inferendi. Metus ille reverentialis appellatur, qui concipitur erga personas, ob suam auctoritatem, seu dignitatem reverentia, & submissione dignas; & plerumque locum non habet nisi in inferioribus respectu suorum superiorum, ut in filio, & multo magis in filia respectu Patris in nepote, vel nepte respectu Patru, vel Avi, in uxore respectu mariti, in minore, & pupillo respectu Curatoris vel Tutoris, in subdito respectu Principis & Magistratum, in Clerico respectu Episcopi &c. Prima autem pars positae Regulae passim admittitur ab omnibus Theologis: nam hic timor est bonus, & effectus virtutis observantiae, vel pietatis in uno, & nulla in altero reperitur violentia, vel injustitia. Quamobrem nec ipsum matrimonium, nec Professionem Religiosam, quae maxime omnium contractuum legibus civilibus, & canonicis plenam libertatem requirunt, ab utroque jure non irritari colligunt Theologi, & utriusque juris periti cap. ex litteris de Spons. & cap. 2. de passis in 6. L. si Patre cogente 22. ff. de ritu nupt. & in aliis textibus utriusque juris. Quod si metus reverentialis adjunctas habuerit minas, vel expressas, vel virtualiter ex conditione personae, quae reverentiam inducit, implicitas; tunc eosdem habet effectus, quos metus gravis, ac proinde irritat contractus, quos praefatus metus gravis annullat, vel irritandos constituit, quos ille irritatio ni constituit obnoxios; & insuper inducit semper naturalem obligationem, in eo,

co, qui metum imponit, reparationis damnorum. Immo id vero existimatur, etiam si minæ adjurctæ non tales sint, quæ ex se solæ sufficerent ad hos effectus inducendos, quoniam ex metu reverentiali, cui conjunguntur, majorem vim nanciscuntur animum perturbandi, supposito tamen, quod serio, & non ex sola ostentatione, & jactantia factæ apprehendantur.

REGULA DECIMA.

XVII. Preces importunæ, vel etiam blanditiæ de se non reddunt irritos contractus, nec irritandos. Preces importunæ illæ dicuntur, quæ sæpius, & instantanter repetuntur, etiam non sine notabili molestia ejus, cui sunt; & istas, si non implicant metum alicujus alterius mali, non sufficere ad tollendam contractibus vim, & efficacitatem manifeste patet, quia nullam inferunt injuriam, quæ debitam restitutionis, vel revocationis importet. Cui enim facit injuriam ille, qui preces tantummodo adhibet? Cui enim jus precandi non adest? An forte ille, qui in Evangelio per precum importunitatem obtinuit ab amico tres panes, injustitiæ accusari potest, unde obligationem contraxerit restituendi, quod hoc pacto obtinuit? Idem dicendum & de blanditiis adhibitis sine admixtione metus, & d li, quæ minime adversantur libertati contractus: quoniam ad illos provocant solum excitando amorem, & concupiscentiam, quæ juxta S. Thom. doctrinam in 1.2. q. 6. 7. non habet admixtum involuntarium, cum magis ipsam augeat circa actus, quos inducit, Sic enim scribit l. 1. *Concupiscentia non causat involuntarium, sed magis facit aliquid voluntarium. Dicitur enim aliquid voluntarium ex eo, quod voluntas in id fertur: per*

concupiscentiam autem voluntas inclinatur ad volendum id, quod concupiscit: & ideo concupiscentia magis facit ad hoc, quod aliquid sit voluntarium, quam quod sit involuntarium. Sic valebit testamentum in favorem uxoris elicitum a marito per blanditias omni dolo, & fraude carentes; & valet matrimonium, ad quod quis inducatur per blanditias & beneficia. Aliter tamen sentiendum, si precibus adjungatur timor alicujus mali injuste inferendi, cujusmodi sunt preces potentiorum, quæ sæpe sæpius continent metum indignationis, & iræ ab eis concipiendæ, si non exaudiantur; unde etiam gravia mala consequi possunt: & similiter, si blanditiis junctæ sit fraudes, doli, mendacia, & artes fallaces, quæ animum injuste inflectant, & ad contractum pertrahant.

CAPUT QUARTUM,

CONSECTARIA PRÆCEDENTIS DOCTRINÆ.

- I. *Qui habet animum contrahendi, sed non implendi, tenetur contractum implere.*
- II. *Qui fide contraxit, tenetur fideiorem deponere.*
- III. *Ad quid tenetur qui dolo malo alium in contractu decipit.*
- IV. *Quanta esse debeat ignorantia, ut consensum tollat.*
- V. *Quando error sit circa substantiam contractus.*
- VI. *Quando contingat circa personam.*
- VII. *Quando qualitates non sint reputandæ mere accidentales.*
- VIII. *Quando metus tollat valorem contractus.*
- IX. *Non promissio latroni facta ad servandam vitam obliget?*
- X. *Si metus gravis sit incussus a tertia persona, num irritet contractum.*

XI.

XI. Num metus iustus, vel iniustus incussus irritet contractus.

XII. Num metus reverentialis tollat valorem contractus.

CONSECTARIUM PRIMUM.

I. QUI habet animum contrahendi, sed non implendi promissum, & peccat, & ad contractum servandum tenetur. Peccat quidem, quia fraudulententer agit, & mentitur; cum aliud in mente gerat, aliud ore proferat: quod mendacium si perniciosum graviter sit, est lethale peccatum. Tenetur autem ad contractum implendum, quia non ex voluntate exequendi, sed ex voluntate contrahendi, seseque obligandi tanquam ex causa immediata, & adæquata oritur obligatio; & voluntas se obligandi, & contrahendi consistere potest cum fallaci intentione non implendi.

CONSECTARIUM SECUNDUM.

II. Ille, qui siste in contrahendo se gessit, simulando consensum, quem revera non præstabat, tenetur nihilominus obligatione iustitiæ ad exequendum, quod siste promissit. Quamvis cap. 3. n. 2. docuerimus, ita siste contrahentes validum non celebrare contractum ex deficientia veri consensus; nihilo tamen secius hic merito statuimus, siste contrahentem ad fidem datam implendam teneri: quandoquidem jus habet quisque, ut qui secum contrahit, serio contrahat, & non illusorie; proinde tenetur fictionem deponere, damnum alteri iniuste illatum sarcire, contractum firmando, præsertim si aliter non possit contrahentem deceptum indemnem servare. Quod si forte ex tali sisto contractu nullum obvenit parti deceptæ damnum, vel illud

sarcire plene possit, etiam contractum non celebrando; adhuc fidem datam liberare debet, & stare promissis, saltem ex virtute fidelitatis, & veracitatis, quæ jubet facta esse verbis conformanda.

CONSECTARIUM TERTIUM.

III. Qui dolo malo alterum in contractu decipit etiam solum circa qualitates rei, tenetur servare contractum, si deceptus voluerit eundem consistere. Veritas hujus Consectarii est de se manifesta: nam una ex parte deceptus verum jus acquisivit ad rem, de qua bona fide celebravit contractum; ex altera fraudulentus deceptor non debet ex suo dolo, & fraude lucrum reportare. Ita de facto omnes sentiunt Theologi. Ex qua communi doctrina novum educitur argumentum ad confirmationem Regulæ IV. cap. 3. expostitæ de validitate horum contractuum. Quandoquidem si hujusmodi contractus jure civili statim a principio irriti essent & invalidi, quo titulo talis obligatio decepti posset imponi? Non certe ratione contractus, qui, ut supponunt, nullus esset. An fortasse ratione pœnæ ob dolum adhibitum? At pœna non incurritur ante sententiam Judicis. An saltem ratione damni, & injuriæ? Fateor, si damnum non foret alia ratione reparabile: at non semper sequitur damnum ex dolo; injuriæ vero, præciso damno, alia via satisfieri potest. Ergo non aliunde provenire potest dicta obligatio, nisi quia contractus dolo malo circa qualitates initi, donec ex voluntate decepti non revocetur, sufficienti non careat firmitate, qua deceptiorem ad pacta servanda compellant.

CON-

CONSECTARIUM QUARTUM.

IV. Ignorantia, error, & inadvertentia ut tollat libertatem in consensu contrahentium, & contractum vitiet, tanta esse debet, quanta sufficit ad impediendum in actibus illicitis peccatum mortale. Ita sentiunt communiter Doctores. Quandoquidem tanta est necessaria ad valorem contractus libertas, quanta requiritur ad peccatum mortale, vel ad meritum, vel in voto, ut pariat obligationem; pari enim passu omnia ista progrediuntur: nam sicut si votum, vel peccatum fierent per actus, quos vocant primo primos, vel secundo primos, vel a semisopis, vel ira aestuantibus, ut in ira fervore plane non adverterent, & quodcumque cum semiplena deliberatione duntaxat, nec obligaret, nec gravem culpam induceret; ita pari pacto est de contractibus sentiendum, qui plenam possulant & libertatem, & deliberationem. Er si semiplena deliberatio a peccato veniali non excusat, id in causa est, quia major est obligatio Deum non offendendi etiam semiplena deliberatione, quam non celebrandi contractus irritos. Quare hujusmodi semicontractus, & semioptiones Theologis inaudite sunt, & incognite; & multo minus in foro civili admittuntur hi semipleni contractus, semiplenam inducentes obligationem.

CONSECTARIUM QUINTUM.

V. Error, & ignorantia circa substantiam contractus, illum proinde irritum reddens, contingit. Quando versatur circa speciem contractus; ut si putem, te mihi voluisse donare, vel locare, cum velis vendere; vel si volebam vendere, & per errorem, vel ignorantiam

Patuzzi Theol. Moral. Tqm. V.

modi contrahendi locavi; vel si volebam mutuo dare, & ex forma contractus donavi: nam species contractus ad ejus essentiam pertinet, & substantiam. 2. Contractus efficitur nullus, si error sit in pretio, c. ex si putavi me emere viginti aureis, in quos solos consensi, & ex errore in valore numismarum dedi quadraginta; pretium enim est altera ex duabus rebus, quarum commutatio essentialis est contractui venditionis. 3. Error etiam in merce nocet valori contractus, ut si putem me vinum emere, & emam acetum, vel pro auro aurichaleum. 4. Error in materia pariter obest valori contractus, ut si emere intendi calicem aureum, & emam inauratum; vel pro argenteo emam cupreum. 5. Si totum aliquid ematur, vel de eo quocumque alio contractu pactum fiat, quod habeat plures partes, ita tamen ut singulis partibus determinatum, & aequale pretium statuatur, puta singulis tritici modis unus aureus, at in parte erratum fuit, quia pars illius tritici non erat vendentis, valet venditio in parte, in qua erratum non est, nulla vero pro parte, in qua erratum est. At si res emenda, vel commutanda pluribus partibus maxime heterogeneis, & diversae rationis constet, ut domus, pradium, equi, mancipia &c., & non conveniatur de singulis partibus, sed totum unico pretio concludatur (quod iurista vocant vendere, vel emere ad corpus, non ad mensuram) si una in parte erratum fuerit, contractus in toto vitabitur: siquidem non partes singulas domus, aut pradii, aut equorum, aut mancipiorum, sed omnes simul, & conjunctas voluntas ementis complexa est.

D

CON-

CONSECTARIUM SEXTUM.

VI. Error circa personam irritans contractum contingit 1. Si quis volens emere mancipium, erret non circa personam, sed solum circa sexum, quia putavit se emere puellam in mancipium, & est puer, vel e converso; tunc nullus est contractus propter errorem in persona, quia error in sexu est etiam error in persona, & transit in substantiam objecti, id est in rem emptam, quia volebam emere puerum, & errore ductus emi puellam, vel e contra. 2. Si quis locaret, vel conducirer opera alicujus ex c. pictoris, medici, advocati &c. quæ præcipue solent valorem, & momentum habere ex industria personæ, cujus sunt opera, error personæ in illis vitiaret contractum, non quia personæ sunt, sed quia transeunt in objectum: licet enim operæ ipsæ tantummodo locari, & conduci videantur, & dicantur; tamen operæ istæ valorem suum nanciscuntur a peritia, & arte personæ operantis, adeoque persona ipsa cum sua peritia transit in objectum, & materiam contractus. 3. Si quis putans se contrahere cum habente potestatem ad contrahendum, contraheret cum servo, vel pupillo, vel minori, ex hoc errore nullus fit contractus; quia error in persona, quæ non potest contrahere, transit in substantialia contractus, & illum jure naturæ propter defectum legitimi consensus invalidat. 4. Speciatim pro matrimonio statutum est, ut, si quis feminam in matrimonium ducat, quam putat ingenuam, & reperiat servam, & vicissim de femina ducente virum servum pro libero, matrimonium conditionis defectu nullus fit. Sed de hoc suo loco in tract. de matrimonio.

CONSECTARIUM SEPTIMUM.

VII. Tametsi docuerimus cap. sup. n. 6. probabiliter errorem in qualitate rei, etiam datam causam contractui, non efficere illum jure naturæ nullum; fatemur tamen 1. non esse pro qualitatibus mere accidentalibus habendas eas, quæ, licet tales physice sint, moraliter tamen essentielles reputantur; ut c. ex. quod navis empta integra sit, vel corrosa, domus ruinosa, non firma, mancipium morbo mortali laborans, non sanum, satuum, non sui conscium, qualitates sunt, quæ ad essentiam rei, prout est objectum contractus, revocantur. 2. Non consistit contractus, quoties qualitas ignorata est tota ratio, & unicum motivum contractus; quoniam in eo casu consensus etiam quoad substantiam simpliciter deficit: ut si Clericus empturus pannum ad Clericalem togam, erret circa colorem panni, album, vel rubrum pro nigro accipient. 3. Certissimum est non valere contractum, quando qualitas, circa quam erratur, licet levis fuerit, aut expresse, aut virtualiter sit deducta in pactum; ita ut contrahentes ex sola conditione convenerint, ut res, de qua contrahunt; tali, vel tali qualitate non careat, aut hoc, aut altero vitio non sit infecta: quia quidquid inter se paciscuntur contrahentes, evadit essenziale contractui; ut ipsa naturalis ratio offendit, & leges civiles pluribus in locis confirmant.

CONSECTARIUM OCTAVUM.

VIII. Infirmi duo, gravi morbo correpti, timore mortis, quam sibi imminere arbitrantur, promittit alter medico suo centum aureos, si omni adhibita diligentia medicæ artis ipsum sanat,

net, alter vero honestæ pauperi puellæ dotem pollicetur, vel ad nubendum, vel ad Monasterium ingrediendum, si convalescat, obrenta ab utroque sanitate, implere promissiones acceptatas tenentur, quia validæ sunt, licet metu mortis extortæ; etenim juxta primam Regulam cap. præced. n. 8. metus est ab intrinseco; proindeque nec libertatem minuit, nec tollit voluntarium; & nulla intervenit ex parte personarum, quibus facta est promissio, iniquitas, vel violentia.

CONSECTARIUM NONUM.

XI. Qui latroni ad fugiendam mortem sibi intentatam pollicetur pecuniam se daturum, sive fide promittat, sive vere, & ex animo, nulla omnino est promissio, nec eam implere tenetur (dummodo non sit juramento confirmata, de hoc enim in sequentibus). Constat ex 2. & 3. Regula: nam in primo casu nullus est consensus, nisi apparens & simulatus; in secundo vero, cum promissio sit ex injusto metu extorta, latro pecuniam retinere non posset, quam restituere deberet, & metum passus haberet jus petendi restitutionem: frustra igitur feret solutio. Et in jure ean. Cap. *debitores* Extr. de jure jurando decernitur, debitores ad solvendas usuras, in quibus se obligarunt, cogi non debere.

CONSECTARIUM DECIMUM.

X. Si metus gravis injuste incussus ad extorquendum contractum, non a contrahente, sed a tertia persona proveniat, adhuc metum passus non tenetur implere contractum tali metu extortum. Dissentiunt nonnulli Theologi, qui putant iniquum esse, ut innocens alterius culpæ poenam, & damnum su-

stineat. Verum nostra assertio probabilior est, & legibus civilibus, & canonicis fulcitur. Nam in jure civili L. 14. *Si cum exceptione sit. in hac actione*, decernitur; *In hac actione non queritur, an alius metum fecerit; sufficit enim hac docere, metum esse illatum, & ex hac re eum, qui convenitur, etsi crimine caret, lucrum tamen sensisse.* In jure vero Canonico Cap. *Veniens* Extr. de *Sponsalibus* Alex. III. juber, rescindendum matrimonium, si qui eum celebravit, fuerit metu coactus. Et revera passim rescinduntur matrimonia, & Professiones Religiosæ ex metu celebratæ, licet nec aliter conjugum, nec Religio metum incusserit, statim ac constat metum fuisse incussum etiam a patre, fratre, aliove tertio. Præterea semper qui metum patitur, injuria afficitur, & sua plena, qua gaudet ad contrahendum, libertate spoliatur; propterea est in ea restituendus. Uterius boni communis, & publicæ quietis, ac tranquillitatis interest, ne contractus a quocunque metu injusto extorti firmitatem habeant. Ille vero, qui metum non incussit, si ex tali contractu utilitatem senserit, statim ac cognoverit tali illicio medio eam se consecutum, cum non sit amplius possessor bonæ fidei, etiam non requisitus contractum rescindere tenetur, & lucrum restituere; ut ipsa lex civilis citata decernit, *statuens: Sufficit eum, qui convincitur, etsi crimine caret, lucrum tamen sensisse.*

CONSECTARIUM UNDECIMUM.

XI Validi sunt ex quinta Regula hi contractus, matrimonium, vel promissio dotis facta a stupratore, vel metu poenæ a Julice comminatæ, vel metu accusationis criminalis a parentibus puellæ; quia juxta Regulam 5. metus

est iuste incussus, & ille, qui metum patitur, sua culpa in hanc se coniecit necessitatem. Quod si parens, vel frater consupratæ puellæ mortem minitarentur stupratori, nisi vel in uxorem duceret, vel dotem polliceretur; non teneretur implere promissum, & matrimonium nullum foret, ob metum iniuste incussum, non ratione causæ, sed ratione pænæ, quam iuste inferre non possunt. Immo si stuprator sciret, se ad necem quæri a fratribus corruptæ virginis, non ut eam vel in uxorem ducat, vel dotet, sed ad ulciscendam injuriam, & ipse ad necem vitandam sponte promittat, puellam vel ducere, vel dotare; adhuc nullum esset matrimonium, & irrita promissio: quia licet metus non sit incussus ad extorquendum matrimonium, vel dotem, nihilominus cum sit timor gravis mali, quod inferre iuste non possunt, iniustus est, & libertatem necessariam tollit juxta Regulam sextam.

CONSECTARIUM DUODECIMUM.

KII. Timor ille, & reverentia, quam habent inferiores respectu superiorum, unde etiam difficultatem experiuntur ad repugnandum illorum petitionibus, non est verus metus libertatem minuens, cum sit timor omnino honestus, & iustus: quamobrem nisi addatur minæ, & quidem mali iniuste inferendi, juxta Regulam nonam non infirmat contractus ex tali metu celebratus. Quare filius, qui Patri morienti promittit se solvuturum debita ab eo relicta, metuens ne ipsum deprecantem tristitia efficiat, valide prorsus pollicetur: non enim tristitia est malum ipsius promittentis, sed patris, cui sit promissio. Sic ille quoque, qui metuens a superiore ob commissum delictum iuste pu-

niri, facilem se præbet ejus petitionibus, quibus ipsum ad contrahendum invitatur, ut hac facilitate placatum reddat, & pœnas evadat; ex tali metu non liberatur ab executione contractus. Ille demum, qui contrahit cum persona summæ auctoritatis, ne recusando, aliquid ejus beneficium amittat, putæ pensionem, quam ab illo obtinet, vel quod ab ipso sperat se obtenturum, non dicitur contrahere ex metu reverentia; si cum potius spe lucri, & concupiscentia impellatur, quam metu alicujus mali. Immo probabilius puto, nec timorem simplicis indignationis, si nulum aliud malum inde immineat, sufficere ad infirmitatem contractus, puta matrimonii, vel Professionis Religiosæ in filio, vel filia respectu Patris: quoniam signa indignationis, vultus acerbus, dura verba, & similia non sunt mala, quæ vel cum gravi injuria filiorum a parentibus inducantur, vel quæ constantem animum flectere valeant, licet parentes irrationabiliter ista exercent.

CAPUT QUINTUM.

De causa efficiente contractum, seu de iis, qui contrahere possunt.

DOCTRINA.

- I. *Quinam universaliter apti sint ad contrahendum.*
- II. *Infantes apti non sunt ad contrahendum.*
- III. *Num dementes.*
- IV. *Pupilli quomodo a contrahendo repellantur.*
- V. *Quomodo minores.*
- VI. *Et prodigi.*
- VII. *Ex defectu domini quomodo ad contrahendum sint inepti servi.*

VIII.

VIII. Religiosi professi. IX. Filii-familias.

X. Uxores.

XI. De aliis personis ineptis ad contrahendum.

ILLÆ solæ, & omnes personæ ad contractus ineundos aptæ censentur, quæ duabus hisce conditionibus præditæ sunt, quarum 1. est, usus rationis, altera libera administratio aliorum bonorum, illorum videlicet, quæ sunt materia contractus. Nam siue usus rationis desit, siue facultas administrandi sit impedita, procul dubio validi contractus fieri non possunt. Quia tamen circa præfatas conditiones multa declarantia occurrunt, nulla faciliore vi personæ habiles ad contrahendum discerni possunt, quam eas, indicando, quæ vel lege naturali, vel lege positiva, siue canonica, siue civili ob defectum rationis, vel dominii, a contrahendo repelluntur, quæ ad quatuor classes reduci possunt: nam aliquæ excluduntur, quia ratione profus destitute; aliæ, quia perfectam rationem non habent; quædam, quia carent dominio; quædam demum, quia perfectum dominium non obtinent.

II. Ex 1. itaque capite, seu ex defectu totalis rationis, contrahendi capaces non sunt 1. infantes, qui videlicet nondum usum rationis adepti sunt: & licet infantia nomen desumpserit ab impotentia fandi, seu loquendi; in jure tamen extenditur usque ad septennium completum. Hoc tamen intelligendum est de jure positivo, quod innititur præsumptione sumpta ab hijs, quæ ut plurimum accidunt; alias non infrequens est, ut malitia ætatem suppleat, & ante illud tempus pueri sufficientem habeant usum rationis, quo etiam peccati lethalis capaces constituuntur. Quo

in casu, si solum jus naturæ spectetur, procul dubio aliquos saltem validos contractus inire possent, qui verum inducerent obligationem. Sed leges positivæ, ob allegatam præsumptionem, hujusmodi contractus omni spoliant vigore, tamquam ex imprudentiâ, & defectu deliberationis procedentes. Immo nedum infantes, qui videlicet septennium non excefferunt, sed etiam proximi infantia jure positivo ad plures celebrandos contractus declarantur incapaces; ut constat ex Instit. §. *Pupillus*; de inutilib. stipulat. Proximi vero infantia dicuntur, qui decimum annum cum dimidio non excedunt. Post hoc tempus proximi pubertati in jure appellantur.

III. Eodem nomine ad contrahendum inepti sunt 2. Furiosi, quo nomine in jure non comprehenduntur hebetes & stupidi; hi enim potius imperfectiorem discursus ob tarditatem ingenii præsumuntur habere, quam defectum rationis. Ceterum furiosorum nomen adhuc genericum est, & multa personarum complectitur genera, 1. scilicet furiosos proprio dictos, qui videlicet cum infania conjunctam habent rabiem quamdam, & furorem. 2. Amentes, qui videlicet infania laborant absque furore. 3. Dementes, qui videlicet immutata habent mentem circa aliqua desipientes. 4. Fatuos, stultos, & solidos, qui videlicet circa omnia, & semper adeo, obusum habent sensum, & intellectum, ut perpetui infantes videantur. 5. Phreneticos, qui videlicet ex vehementia febris lædenti cerebrum, seu ejus membranam inflammantis delirant. 6. Lunaticos, qui videlicet non continuo; sed certis temporibus, præcipue vero in novilunijs & plenilunijs desipiunt. Postremo maniacos, & sunt illi

illi qui solummodo circa certas rerum series & determinatas materias insaniunt, cum alias circa plurima optime discursu, & rationis luce fruuntur. Omnes enumeratæ sorioforum species ad tres classes reduci possunt. 1. Illorum, qui semper, & circa omnia insaniunt. 2. Illorum, qui non semper, sed certis dumtaxat temporibus rationis defectum patiuntur. 3. Illorum, qui nec semper, nec in omnibus rebus, sed solum circa quasdam materias, & negotia delirant. Pro his omnibus hæc Regula communi Doctorum consensu statuitur, quæ etiam ratione evidenti per se constat, ut scilicet illi, qui perpetuo amentes sunt, ad omnes prorsus contractus habeantur inhabiles; qui vero secundo loco positi sunt, valide quandoque contrahere possunt, dum lucidis intervallis fruuntur; postremi circa illas materias, in quibus sane discunt, legitimos contractus edere non prohibentur. Solum difficultas in questione facti occurrere potest, utrum videlicet contractus hic & nunc editi præsumantur facti tempore amentis, vel sanitatis, vel circa eas materias, in quibus sanæ mentis sunt contrahentes. Sed tunc ad conjecturas recurrendum est, quarum potissimum præbet ipsiusmet contractus conditio, & utilitas, c. ex. testamenti confessio, vel donatio, si in talibus circumstantiis celebrata fuerit, quæ præbeant sanæ mentis indicium. Quod si conjecturæ sufficienter non suffragentur, standum est præsumptioni legum, & pro nullis huiusmodi contractus habendi. 3. Ex eodem capite impios sunt ebrii, dum ebrietate detinentur. 4. Dormientes, qui nedum mentis usum non habent, sed etiam sensus ligatos habent; cñs quandoque per insomnia ea dicant, & faciant, quæ vigilantium esse viden-

tur. Immo nec semisopiti, licet omni prorsus usu rationis non careant, & aliqua imperfecta possint libertate, valide eo in statu contrahere possunt; cum hæc imperfecta libertas, & cognitio ad contractus ineundos nequaquam sufficiat: nam cum per hoc gravis obligatio sit inducenda, utpote ex virtute iustitiæ commutativæ, plena deliberatio, & quanta saltem ad lethalius peccandum requiritur, ad ipsos indispensabiliter postulat.

IV. Ex defectu vero perfectæ rationis a contrahendo repelluntur a legibus pupilli. Hi in jure vocantur, qui parentibus suis orbiati degunt sub Tutorum regimine: hi sepius etiam impuberes appellantur. Pupillaris ætas a termino infantis, seu a septennio completo usque ad pubertatem inchoatam excutit. Pubertas in masculis post quartumdecimum annum expletum incipit, in feminis post duodecimum. Infra hoc tempus pubertati proximi dicuntur masculi, si decimum annum cum dimidio excefferint; feminæ vero, postquam nonum cum dimidio compleverint. Nihil notius in toto jure civili, immo & canonico, quam contractus a pupillis celebratos sine suorum Tutorum auctoritate, etiam si de rebus tantum mobilibus fiant, omni prorsus robore denudari. Constat ex omnibus fere titulis, qui de Tutorum auctoritate plurimi occurrunt, tum in Codice, tum ff. tum in Instit. & in jure can. Cap. *quia plerique*, de Immun. Eccl. statuit Innoc. IV. *Si ex donatione minoris, vel ex contractu inito, quod tenet ipso jure aliquid habet, ut si in alienatione minoris absit auctoritas Tutoris, vel decretum Presidis, restituere tenetur.* Ea vera ratio Legislatores movit ad infirmos prædictorum contractus, quia

cum

om pupillaris ætas debile, & infirmum consilium habeat, sique obnoxia pravorum hominum insidiis & suggestionibus, male sibi consuleret, si firmam suis contractibus injicere sibi posset obligationem. His ergo leges duobus privilegiis suffragantur, quorum unum est, ut non valeant illorum contractus, sine Tutoris initis auctoritate: alterum est, quod etiam in his contractibus, quos ex Tutorum celebrant auctoritate, re-situationem in integrum petere & exigere possint, si se læsos existimaverint. Multo autem magis contractus, qui sint de rebus immobilibus, & de mobilibus pretiosis, quæ servando servari possunt, idest quæ ultra triennium durant, a pupillis sine Tutorum auctoritate iniiti, nullius vigoris declarantur. Immo nec sola Tutoris auctoritas sufficit ad illis robur conciliandum, sed præterea necesse est, ut Judicis approbatio interveniat; immo & quod præcesserit cognitio causæ, qua mediante contractus utilitas exploretur. Theologi vero inquirunt, nam præfatæ nedum vim habeant in externo foro, verum etiam in foro conscientiæ, ideoque contractus a pupillis celebrati sine Tutoris licentia nec civilem, nec naturalem pariant obligationem. Negant quidem plurimi, & magni nominis Theologi, inter quos præsertim Comitulus, adductis etiam aliquibus juris textibus, quos sibi favore arbitrantur, & ea moti ratione, quia in pupillis, præsertim pubertati proxime, est sufficiens cognitio, & libertas ad contrahendum. Verum probabilius oppositum sustinent alii non inferioris subtellii Theologi, quibus me adjungo, & quidem his, meo iudicio, efficacissimis momentis. 1. Quia cum contractus fini jure gentium, & civilibus legibus inveniunt, illarum dispositio-

ni, regimini, & ordinationi subjiciuntur: dominium enim privatis concessum disponendi de rebus suis, eo semper obstringitur onere, ne disponent contra leges; quare dominium diximus in super. Tract. situm in potestate utendi re tamquam sua ad omnem usum *legæ non prohibitum*. A legum igitur statutis, & decretis pendere debet valor, & efficacia contractus, nedum in foro externo, sed & in interiori conscientiæ. Unde optime agebat S. Augustinus tract. 6. in Joann. *Quisquis possidet quod possidet, nonne jure humano? Tolle jura Imperatorum, & quis audeat dicere, mea est illa Villa?* 1. Leges illæ honestæ sunt, optimæ, ordinatæ ad bonum commune, ad pacem & tranquillitatem subditorum: obligant igitur etiam in conscientia. Quis enim inficiari audebit justas leges in conscientia non obligare, postquam Apostolus docuit, & præcepit obediendum supremis Potestatibus, non solum quia gladium portant, sed propter conscientiam? At dicunt, a legibus hos contractus quidem prohiberi, at non irritos declarari. Verum falluntur: nam in jure nulli, invalidi, nullius roboris declarantur contractus pupillorum, qui in illorum damnum celebrantur, & illi solum subsistere decernuntur, qui in apertam cedunt pupillorum utilitatem. Urgent. Hæ leges in præsumptione fundantur, deficientiæ scilicet cognitionis in pupillis: quæ præsumptio, si in facto locum non habeat, vim leges non obtinent in conscientiæ foro. Fateor eas leges præsumptione niti; at non præsumptione facti alicujus particularis, sed facti communis, & in pleribus contingentis: ut plurimum enim pupilli non ea pollent mente, & cognitione, quæ necessaria est ad se alteri obligandum. Præterea cum duæ,

ut: mox diximus n. 1. conditiones ad contractus valide celebrandos, etiam in foro conscientie, requirantur, nimirum usus rationis, & libera potestas disponendi; licet pupillis non defit prima conditio, altera profecto deficit, cum ex legum statutis liberam non habeant disponendi facultatem: ea propter nec in conscientie foro validi erunt habendi illorum contractus, sine Tutoris assensu, & consensu celebrati.

V. Minores in jure illi dicuntur, five masculi, five femine, qui 25. annum non compleverunt: & licet hoc ætatis spatium comprehendat tum infantes, tum impuberes, tum etiam qui pubertatem attingerunt; specialiter tamen applicatur denominatio Minorum iis, qui jam pubertatis evaserunt annos. Istorum autem conditio distinguenda est; vel enim Curatores habent, vel his carent: neque enim necesse est Minores Curatoribus subdi, sicut pupillis necessitatem imponunt leges, ut Tutoribus subiciantur. Immo Juriste consent, in iis Minoribus Curatores dari non posse, neque a Patre, nisi tantummodo ad lites procurandas; quamvis si semel Curatores acceperint, atque habere consenserint, nequeant Minores se eorum subtrahere auctoritati, nisi 25. anno completo. Si itaque Minores Curatores habeant, iisdem omnibus subiciuntur legibus, & iuribus, que pro contractuum validitate, & firmitate esse disposita mox pro pupillis, qui a Tutoribus pendent, observatum est. Quod si Curatorem non habeant, videndum est, quibus de rebus contractus fiant a Minoribus: etenim si agatur de bonis immobilibus, vel etiam de pretiosis mobilibus, que servando servari possint, legibus veritum est, ne Minores contractus incant, per quos hujusmodi bona

alienent, vel commutent sine decreto Judicis; cui etiam antecedere debet exacta cognitio causæ ad explorandum, utrum hujusmodi alienationes cedant in Minorum utilitatem. Hoc itaque decreto non interveniente nulli sunt Minorum de his rebus contractus, etiam si facti fuerint occasione solvendi debita, vel obtentu fundi infrugiferi, vel aliis de causis, quæ secundum se videntur probabiles. Quod si vero supra res mobiles non pretiosas, vel etiam pretiosas, quæ servari non possunt, cadant Minorum contractus, tunc proculdubio firmitatem, & validitatem etiam pro foro externo, & ad civiliter obligandum nanciscuntur; ita tamen ut etiam pro istis beneficio juris gaudeant Minores, concedente restitutionem in integrum, impetrandam a Judice, quoties in contractibus notabiliter se lãsos fuisse probare potuerint.

VI. A contractibus arcantur etiam prodigi, non tam ob defectum rationis, quam quia ex vitio animi, ratione in rebus suis procurandis non bene utuntur quod putatur æquivalens defectui rationis. Dicuntur autem prodigi a prodigendo, quia in facultatum suarum administratione nec certum tempus, nec determinatum finem, five modum sibi præstituentes res suas dissipant cum damno filiorum, uxorem, & consanguineorum suorum. Hac de causa, etiam si sæpe sæpius ingenii acuminis præditi sint, ad petitionem tamen illorum, quibus damnum inferunt sua irregulari œconomia, Curatores accipiunt ipsis a Principe, & Magistratibus constitutos. De his ergo sic sentientum est. Si nondum Curatores eis præpositi sint, valide omnes & quoscunque contractus exercent nam & perfecta gaudent cognitione, & plenum obtinent adhuc

rerum

rerum suarum dominium; proinde validi sunt & in foro conscientiae illorum contractus, nisi aliunde vitium contrahant. Si vero jam Curatoribus subiecti fuerint, tunc certissimum est, nullos fore tum civiliter, tum naturaliter eorundem contractus. Hujus ratio non aliunde petenda est, quam ex auctoritate legum civilium, iuste sic disponentium, a quarum adprobatione dependent dominiorum translationes, & quibus refragantibus, jura privata prevalere non possunt. Qui itaque cum prodigo contractum iniret, etiam ante sententiam Judicis teneretur restituere, quæ per hujusmodi contractus sibi acquirere ausus fuisset. In quo & apparet discrimen a contractibus pupillorum, & minorum; hi enim, etsi non obligantur, obligant tamen secum contrahentes; at prodigi nec obligant, nec obligantur: quinimo etiam contractus a prodigo attentati juramento firmentur, eorum invaliditas non tollitur; juramentum enim, quod est cum damno tertii, non potest confirmare, quod injustum esse cognoscitur.

VII. Ex tertio vero capite, nimirum ex carentia dominii, ad contrahendum habentur inhabiles r. Servi, seu mancipia, de quibus pauca subjiciemus, tum quia vix apud Christianos reperiuntur hæc mancipia; tum quia de iis diximus in præced. Tract. de dominio. Isti itaque vel proprium habent peculium, vel nullum, vel tale, ut a domini pendeat beneficium. Si nullum habent peculium, a contractibus repelluntur non tam deficientia dominii, quam materię carentia. Si vero proprium habeant peculium, de quo diximus lo. I. possunt, sicut ceteri homines liberi, validos celebrare contractus. Si vero solam obtineant administrationem ali-

cujus peculii dependentis a domini beneficio placito, nec licite, nec valide contrahere possunt sine licentia domini, saltem præsumpta. Id patet manifeste non solum ex legum civilium statutis, sed etiam ex ipsa rei natura: nam deest fundamentum, & basis omnium contractuum, nimirum dominium, & proprietas rei, de qua contractus inire, quo omnino carere servum supponimus. In hoc itaque solo sensu valide contrahunt servi, qui aliqua bona sui domini administrant, nimirum quod tenentur stare conventis, nisi domus contradixerit, quousque enim ipse non repugnaverit, censetur tacitam licentiam contrahendi servo præbuisse, eo ipso quod sciat eum habere peculium, atque libere administrare.

VIII. De defectu domini, omnes Religiosi, solemniter in Religione approbata professi, contrahendi valide, & licite facultate carent, nisi licentia accedat Superiorum eorundem. Quandoquidem vi voti paupertatis quocumque carent dominio, & proprietate, quæ basis sunt & fundamenta omnis contractus. Cum vero plures Religiones aliquid in communi possideant, hinc sequitur horum Ordinum professores posse & licite, & valide contrahere, accedente tamen Superiorum licentia, quæ vel expressa esse potest in omni particulari contractu, vel tacita in institutione Procuratoria domus. Quamobrem Religiosi, qui sine tali licentia contractus celebrant, ne dum illicite, sed & invalide operantur: illicite quidem, quia votum paupertatis violant; invalide vero, quia de re disponunt, cujus nec dominium, nec proprietatem, nec administrationem obtinent. Sed de his fusius, cum de statu Religioso, si Deus dederit, disputabimus.

E

XI.

IX. Filii-familias non carent omni facultate celebrandi contractus. Quod duplex distinximus in super Tract. de dominio filiorum-familias peculium, castrense, quasi castrense, adventitium, & profectitium. Priorum quidem duorum & dominium, & administrationem illis concessam diximus; ex illis igitur valent firmos contractus celebrare. Ex adventitio vero peculio, cujus obtinent quidem dominium, ac non usumfructum, & profectitio, cujus nec dominium, nec usufructus gaudent, validos nequeunt celebrare contractus, nisi de licentia patris, illis administrationem, concedentis. Recolantur, quæ inibi dicta sunt.

X. Uxores de bonis paraphernalibus quorum liberum habent dominium, & administrationem, possunt validos contractus inire. Præterea de licentia maritorum possunt licite, & valide de his omnibus contractus habere, quæ ad societatem pertinent conjugalem; & hoc omni caret difficultate. Immo addendum, solam generalem mariti licentiam ad eos roborandos sufficere, quin & tacitam rationabiliter præsumptam, quæ semper censetur adesse his in casibus. 1. Si marito præsentem uxor aliquem contractum ineat; eo enim ipso quod in tali casu maritus non dissentiat, consensum præstare videtur. 2. Si mulier simul cum viro sint contrahentes ex una parte. 3. Si mulier exposita sit alicui officio, quod sine facultate contrahendi commodè exerceri non possit, ut si præsit, vel adjuvat officinæ, in qua merces vendendæ exponuntur. 4. Præsumpta quoque licentia non deesse censetur uxori ad quotidiana commercia, quæ videlicet necessaria sunt juxta consuetudinem, & personarum conditionem ad alimenta paranda tum sibi,

tum filiis, cum reliquis ex familia. 5. Generaliter habere creditur uxor licentiam, quam viri ejusdem conditionis suis uxoribus permittere solent, nisi aliter constet de voluntate mariti. Unus est in legibus Romanis, & aliarum quoque Gentium legibus contractus, quem uxor celebrare non potest, etiam consentiente marito, immo expresse mandante, & hic est fidejussio pro marito, ut habetur L. 1. *Et reliquis* tum in ff. tum in Codice ad Senatusconsultum Vellejanum. Ceterum sine licentia mariti nullos validos contractus, multo minus licitos fieri posse ab uxoribus de bonis, sive dotalibus, sive communibus, sive quocumque alio titulo pertinentibus ad mariti administrationem, concors est Theologorum, & Juristarum sententia; ita ut hinc inferant, contractus sic sine licentia initos nec obligationem civilem, nec naturalem inducere, utpote quibus leges civiles nedum non assunt, sed etiam expresse adversantur; præsertim cum fieri non possint hoc modo contractus ab uxore sine injuria mariti, cujus administrationem usurpat. Excipitur tamen unus casus, & hic est hereditatis adiutro cum beneficio inventarii: hæc enim etiam dissentiente marito potest ab uxore assumi, quoniam solum beneficium potest ei asserere, nullum vero damnum nec sibi, nec conjugii.

XI. Præter eos, qui ex quatuor iam expensis capitibus, nimirum ob defectum rationis, vel ob defectum hominis, vel ob defectum perfectionis utriusque, contrahendi incapaces legibus declarantur, sunt alia genera personarum, quæ aliis de causis a contractibus ineundis repelluntur, non quidem generatim, sed solum in certis circumstantiis, videlicet respectu aliquarum personarum, vel solum quoad speciales nul-

vallos contractus ex. g. Judices, & Magistratus jure civili communi, sive Romano sunt incapaces acquirendi, seu valide emendi bona stabilia in locis, ubi jurisdictionem exercent: quod factum est, ne possint abuti sua auctoritate, compellendo possessores sibi subiectos ad alienanda sua prædia, vel minoris, quam justum sit, distrahenda. Item Tutores, & Curatores nequeunt contrahere cum suis pupillis, & minoribus, etiam per interpositam personam. Executores quoque Testamentorum prohibentur aliquid sibi comparare de rebus testatoria. Immo & Advocatus, durante lite, a suo cliente, & Medicus, durante infirmitate, ab ægroto iisdem legibus quidpiam per contractum sibi acquirere vetantur. Insuper nonnullorum, aliqui quidem contractus, scilicet onerosi, permittuntur, non item gratuiti, & lucrativi: sic donationes inter Patrem & Filium, inter uxorem & maritum jure civili irritantur. Sed de iis opportunius dicetur, quando contractus particulares expenduntur.

CAPUT SEXTUM.

CONSECTARIA PRÆCEDENTIS
DOCTRINÆ.

- I. Quando pupilli valide contrahant.
- II. Quo gaudeant privilegio.
- III. Ipsi conceditur in integrum restitutio.
- IV. In quo distinguantur in contractibus filii-familias a pupillis.

CONSECTARIUM PRIMUM.

I. **PUPILLI**, præsertim pubertati proximi, & minores validos celebrant contractus de peculio, quod illis vel a Tutoribus, vel Curatoribus conceditur, vel ab amicis donatur, ut eo pro libito utantur; quia hæc non ma-

gni momenti esse solent, & accedit in ejus consumptione Tutorum concessio, & auctoritas. Similiter si contractus fiant a præfatis pupillis, vel minoribus de rebus eorum quotidiano usui infervientibus, ut de cibis, & vestibus, deque necessariis ad ingenuum eorum educationem, validi sunt reputandi: quoniam ex una parte sunt de rebus, quibus carere non possunt, & ex altera parte non deesse præsumitur taltem tacitus illorum consensus, quorum tutela commissi sunt contrahentes; cum illis & ad hoc peculium concedant, nec ipsi sibi eam assumant sollicitudinem, & curam.

CONSECTARIUM SECUNDUM.

II. Pupilli pubertati proximi, sicut & minores Curatores habentes, ea donantur privilegio, ut possint quidem in propriam utilitatem, etiam sine consensu Tutorum, vel Curatorum, contrahere cum majore; at non in suum damnum, & in incommodum. Claræ sunt hac de re Leges constitutæ in utroque jure & civili, & canonico. In priore quidem L. Si quis 13. §. 29. de act. vend. & empt. sancitur: Si quis a pupillo sine Tutoris auctoritate emerit, ex uno latere constat contractus: Nam qui emit, obligatus est pupillo, pupillum sibi non obligat. Et confirmatur in Inst. lib. 2. §. de acquir. rer. dominio, ubi dicitur: Pupillus quantum ad acquirendum non indiget Tutoris auctoritate; alienare autem nullam rem potest nisi præsentem Tutorem auctorem: In jure vero canonico idem decernitur l. cap. sup. n. 4. citato. Celebri præterea Macedoniano consulto cautum est, ne quis pupillis, vel minoribus mutuam pecuniam præbeat, alioquin nullum sit habendum mutuum, nec ad restitutionem cogendus pupillus:

lus : & hoc in odium illorum , qui pupillis mutuum pecuniam præbendo , occasionem suppeditant dissipandi patrimonium . Unde dicitur , quod *siquidem naturaliter obligetur pupillus mutuum pecuniam accipiens* , alias etiam per obligationem naturalem patrimonium dissiparent , & vitium paterent ejus ætatis , quorum irritamenta sunt nummi , ut habetur *L. pupilli in ff. de oblig. & act.* Nihil tamen secius si pupillus , vel minor mutuum acciperet pecuniam a mutuante bona fide in usus utiles & necessarios expendendam , teneretur restituere ; cum nullus alieno , & præcipue innocentis damno discescere debeat.

CONSECTARIUM TERTIUM.

III. Pupillis quoque , & minoribus concessum est in jure beneficium restitutionis in integrum in contractibus celebratis etiam auctoritate Tutorum , & Curatorum interveniente . Hoc beneficium definitur a Juristis ; *pristinæ status redintegratio judicis auctoritate facta* . Quamobrem virtute hujus privilegii pupillus , & minorenns , si læsi fuerint in aliquo contractu , ab ipsis ante annum 25. celebrato , in pristinum statum revocantur , vel rescissione contractus , aut reparatione damni illati , vel revocatione præscriptionis , ut super de præscriptione diximus . Verum , ut beneficium consequantur , nonnullæ requiruntur conditiones . 1. Ut læsio facta sit in notabili quantitate , quæ est dimetienda juxta quantitatem negotii : damni emergentis , & lucri cessantis , quod si læsio tenuis sit , locum non habet restitutio in integrum . 2. Ut damnum , & læsio sit ex ipso contractu orta , non vero aliunde , & per casus fortuitos ; sed manifeste appareat , contractum nec satis caute , nec prudenter

celebratum fuisse . 3. Ut hæc restitutio non fiat privata auctoritate minorenns læsi , qui occulte se compenfer , sed judicis sententia , & auctoritate . 4. Ut restitutio petatur intra quadriennium post 25. completum ; durat proinde jus petendi usque ad 29. Locum autem habet hoc privilegium in venditione , & emptione , in mutuo accepto , si pecuniam , vel rem amittat , vel inutiliter consumat . Immo & in solutione debiti , si nimirum a debitore suo sine Tutoris , & Curatoris auctoritate pecuniam accipiat : in quo tamen est æquitas naturalis spectanda ; si enim bona fide debitor solvit , & minorenns factus sit ditor , nec petentia videtur , nec a judice concedenda restitutio in integrum . Similiter si læsus sit in quasi contractu , scilicet vel quia lucrosam hæreditatem repudiavit , vel perniciosam accepit . Num vero concessa restitutione in integrum , sint restituendi etiam fructus inde percepti , disputant Jurisperiti , & facilius concedunt in contractibus gratuitis , puta donatione irrationabili ; at difficilius consentiunt , si contractus fuerit onerosus : sed cum & restitutio in integrum , & modus restitutionis a judice pendeat auctoritate , ejus sententiæ standum erit . Non habet vero locum hoc beneficium , si contractus sit prudenter celebratus , licet vel utiliori modo iniri potuisset , vel alius fuisset , qui majus pretium promississet ; sicut nec si contractus talis sit , ut expositus sit æque periculo damni , ac lucri ; quia cum tali periculo prudenter , & communiter celebrantur hujusmodi contractus , licet in deterius vergant . Sed de his fatis apud Jurisperitos .

CON-

CONSECTARIUM QUARTUM.

IV. Filii-familias impuberes non contrahunt civilem obligationem, si contractus celebrent de bonis castrensis, vel quasi castrensis, licet accesserit consensus Patris, ut habetur §. 10. de inutil. stipulat. At contra pupillus, si accedat Tutoris auctoritas, civili obstringitur obligatione. Hujus discriminis causam in eo constituunt Jurisperiti, quia nimirum pupillus rationem habet contra Tutorem, si is male suam auctoritatem, & consensum præstiterit; at filius-familias sibi patrem obstrictum non habet.

CAPUT SEPTIMUM.

De materia, & forma Contractuum.

DOCTRINA.

- I. *Materia contractus quoduplex, & quanam in genere.*
- II. *Num impossibilia sint contractus materia.*
- III. *Res non existentes in triplici differentia. De prima quid dicendum.*
- IV. *De secunda.*
- V. *De tertia.*
- VI. *Num res aliena sit legitima contractus materia.*
- VII. *Num res propria.*
- VIII. *Num res incerta. Regula duæ.*
- IX. *Num res illicitæ.*
- X. *Duplici titulo contractus esse potest illicitus.*
- XI. *Quid de contractibus a jure civili tum vetitis, tum irritis.*
- XII. *Quid de contractibus solum vetitis, at non irritis.*
- XIII. *Contractus de re jure natura illicita ante executionem nulli sunt, & irriti.*

XIV. *Post executionem quare nonnulli putent valere.*

XV. *Leges etiam post executionem illos irritos declarant.*

XVI. *Objectio solvitur.*

XVII. *Doctrina S. Augustini exponitur.*

XVIII. *Cui consentit & D. Thomas.*

XIX. *Ejus doctrina vindicatur.*

XX. *Ratione veritas ostenditur.*

XXI. *Objecta adversantium Theologorum proponuntur.*

XXII. *Et dissolvuntur.*

XXIII. *Remota contractuum materia in particulari designatur.*

XXIV. *De forma contractuum.*

I. **D**ISPUTATIONEM de causa efficiente contractuum recta methodo de causa materiali, seu de eorumdem materia sermo subsequitur. Duplex autem materia distingui potest, scilicet in qua, & idem est ac subiectum; & circa quam, quæ alio modo vocatur objectum. De materia in qua superflua est consideratio, est enim eadem cum causa efficiente; nam cum contractus sint hæc humanæ voluntatis, ac proinde vitales, constat eos nullum habere subiectum præter id, quod etiam est illorum principium. Sed materia circa quam, seu objectum, iterum duplex, remota, & proxima. Hæc est dominium, vel pars dominii, vel aliquod jus supra res, quod per dominium transfertur: in omni enim contractu eo fertur contrahentium intentio, ut vel plenum rei conventæ dominium, vel usufructus, vel aliquis simplex usus ejusdem de uno in alium transferatur; ut patet in singulis, tum gratuitis, tum onerosis contractibus. Et de hac nihil ultra superest dicendum. Quoad materiam vero remotam, quæ in rebus consistit, quæ in contractum veniat, hæc pri-

primo in genere, deinde in speciali considerari potest. Ad stabiliendam in genere materiam, seu objectum contractus hæc generalis regula sufficeret, nempe res illa omnes contractuum materiam esse posse, quæ & existunt, & in contrahentis potestate, seu dominio sua posita. Verum quia peculiare difficultates occurrunt de variis rerum generibus, 1. quidem de impossibilibus. 2. De non extantibus. 3. De illicitis, 4. De alienis. 5. De propriis. 6. Denique de incertis; de his singulis suo ordine verba faciemus.

II. Impossibilia alia naturaliter talia dicuntur, quæ scilicet naturæ viribus fieri non possunt; ut si quis contraheret de tangendo cælum digito, vel de cupro in aurum mutando. Alia solum moraliter impossibilia reputantur; ut si contractus fieret de capiendis omnibus piscibus alicujus fluminis, vel exterminandis omnibus feris alicujus provincie. De utroque impossibilium genere manifestum est contractus initos prorsus nullos & irritos esse; nam ad impossibile nemo obligare vel obligari potest. Et rursus vel rei impossibilitas nota est contrahentibus, vel ignota: si primum, manifestum est, eos solum joco, & irriforie contractum simulare; si alterum, tunc error circa substantiam tollit consensus veritatem. Quid autem sentiendum sit de illis contractibus, quibus conditio impossibilis adnectitur, dicemus cap. seq. ubi de contractibus conditionatis.

III. Res vero non extantes in triplici differentia sunt: 1. ut nec actualiter existant, vel destructæ per naturam reddere non possint; c. ex. emissi equum, qui, dum contractus fieret, vel mortuus est, vel mox erat moriturus. 2. Ut etsi nondum extent, proxime tamen futuræ sunt, & veluti in suis causis præ-

paratæ; ut si emanant fruges metendæ, vel partus bovis prægnantis. 3. Ut nec actualiter sint, nec futuræ sperentur, sed ambiguum sit, utrum sint futuræ nec ne; an forte fortuna sint futuræ, vel non futuræ. In primo casu distinguendum est, vel enim contractus est de rebus habentibus functionem, vel de illis, quæ functionem non habent. Dicuntur autem habere functionem, quæ licet quoad speciem pereant, manens tamen secundum genus, ut oleum, vinum, triticum, & similia. Contractus itaque de hujusmodi rebus subsistunt, & obligant, etiam si species illa determinata, de qua conventum fuit, ante traditionem pereat; quia semper horum contractuum intentio fertur potius ad genus, quam ad certam quamdam illius generis speciem; nisi aliter sit conventum. Quod si de rebus functionem non habentibus contractus extiterit, tunc proculdubio in casu nullius extantiæ irritus, & invalidus erit, siue contrahentes ignorent rem non extare, immo contrarium supponant, aut saltem alteruter illorum hanc erroneam habuerit opinionem; siue uterque, aut alteruter materiæ defectum probe sciât: aut enim error quoad substantiam contractum irritum efficit, aut simulatus tantum intervenit consensus: ille tamen qui dolus adhibuisset in hujusmodi conventionem; procul dubio teneretur ad interesse, siue ad reparanda damna, quæ ex tali conventionem ortum duxerint, ex generali regula, quod fraus, & dolus nemini suffragari debent.

IV. Quando vero materia, de qua sit conventio, licet in se ipsa non existant, in suis tamen causis vel naturalibus, vel moralibus existit, unde certo moraliter futura, aut admodum probabiliter existimatur, dicendum est, valida

dos contractus fieri posse, quamvis non censeantur completi, donec res in se ipsa exiterit: sunt enim veluti conditionati, & dependentes ab eventu, & impletione conditionis. Hoc pacto possunt esse materia contractus c. ex. venditionis, emptionis alteriusve commutationis parius, qui existunt in prægnantibus, veluti in causis præparatis, & dispositis ad illorum emissionem; fructus adhuc pendentes in arbore, vel proxime nascituri; segetes existentes in germine, & similia; creditorum quoque nomina, & scripturæ vel authenticæ, vel privatæ continentes hæc nomina, immo sola jura, vel actiones ad habendam rem aliquam, sive sint jura in re, seu ad rem: licet enim ea adhuc actu non extent, quæ sunt objecta contractuum, in proxima tamen spe censeantur existentes; præsertim quia intentione contrahentium referuntur ea ipsa ad tempus, quo realiter erunt. Sed hic maxime notandum est, quod interest inter rem in spe, & spem ipsius rei; utrumque enim esse potest materia contractus, alio tamen & alio modo: nam quando venditur res, prout in spe, objectum principale contractus est ipsa res ad tempus suæ existentie relata; quapropter contractus non censeatur perfectus, aut consummatus; nisi post ipsius rei existentiam actualem: sed si contractus cadat super spem ipsam, jam contractus tunc censeatur perfectus & consummatus, quando jus illud probetur, aut signum juris, quod est spei fundamentum. Quapropter etsi contingat, vel rem speratam non evenire, vel minorem esse, quam speratum fuit, vel etiam majorem pretio, quod fuit impensum, nihilominus consistit contractus, nullaque compensationis obligatio confurgit; nam tunc

sumus in tertio casu, quando videlicet

V. Res, quæ est materia contractus, non est determinate futura, sed est incertum, utrum, nec ne futura sit; ut si quis ab alio emat jactum retis, aut venationis, vel missilium, quæ sparguntur, ut fiant primi occupantis; tunc siquidem emitur spes ipsa, non spei objectum. Licitum autem esse de sola spe contractum inire, patet ex ludo, in quo quis solam spem futuri luctus emit nummis illis, quos singulis jactibus periculo exponit. Patet etiam ex contractu assicuracionis, societatis &c. in quibus omnibus datur premium pro sola spe aut damni vitandi, aut alicujus luctus comparandi.

VI. Num vero res aliena possit esse idonea contractus materia, inquirunt Juristæ, & quidem respectu illius, qui dominium transferre debet; nam alioquin respectu alterius contrahentis, puta emptoris, certum est, alienum esse debere, cujus ipse sibi dominium comparare intendit. Et quidem si res aliena referatur ad tempus futurum, quo aliena amplius non erit, sed mea; nihil impedit, quin de illa contractus iniri possint, respiciendo non tempus præsens, sed futurum; quo pacto superius n. 4. diximus, rem sola spe existentem esse posse materiam contractus: sed spectando tempus præsens, quo aliena adhuc esse supponitur, certum est contractus de ipsa edictos nullos proflus esse, atque irritos; ut constet ex illis regulis juris. 1. *Nemo plus juris in alium transferre potest, quam ipse habeat.* 2. *Quod meum est, sine factis meo (id est sine consensu) alienum fieri non potest.* 3. *Nemo debet cum alterius injuria, & damno locupletari.* Solum negotium facessit Lex rem alienam in ff. de:

contrahenda emptione, ubi supponitur ut certum, rem alienam distrahi posse, & de ea veram emptionem, & venditionem celebrari, quamvis res vendita possit auferri emptori. Verum facilis est explicatio hujus legis: nam jura loquuntur de emptore malæ fidei, qui videlicet probe sciens rem esse alienam, nihilominus ejus dominium sibi acquirere tentat. Disponunt igitur in tali casu pretium ab ipso solutum transire in possessionem venditoris, non quidem ut faveant emptori, aut ipsimet venditori quod suum non est, sed potius ut vero rei venditæ domino suffragentur, quatenus hic facilius & rem suam poterit recuperare, vel eam sibi vindicando ab emptore, vel condicendo ejus pretium a venditore, qui non tam sibi, quam domino illud acquisivit. Ceterum de obligatione tum emptoris, tum venditoris, rum cujuscumque possessoris rei alienæ eam domino restituendi dicemus suo loco in Tract. de Restitutione.

VII. Pari pacto res propria illius, qui dominium assequi intendit, potest esse materia contractus, 1. si referatur ad tempus, in quo non amplius propria existimabatur, pari ratione ac res aliena pro tempore, quo propria evadit, venditioni subjici potest. 2. Si res propria usquequaque non sit, sed tantummodo quoad inadæquatam dominium, puta si proprietatem quidem illius habuerim, non vero usumfructum, aut contra usumfructum habeam, non tamen possessionem; vel res mea sit assiculi servituti, vel alterius juri obnoxia, potest a me comparari pro ea parte, quæ mea non est. At si pleno dominio ad me pertineat, impossibile est, ut quocumque contractu, & quocumque errore de ejus vero domino occurrente; a me denno comparetur; ut enim ha-

bet regula juris, *quod prorsus meum est, magis meum fieri non potest*. Quamobrem emptiones rerum, quæ ex puro errore judicantur alienæ, cum vere sint ipsius ementis, nullum habent valorem, nullam possunt inducere obligationem. Nihilominus ajunt jura, posse dominum rei cum fure pacisci, etiam de re propria, quoad ejus materialem possessionem recuperandam; posse item cum alio, qui utcumque rem tuam possidet, pacisci de pretio: sed posteriori hic potius venditio existimari debet rei suæ, quam emptio, & acquisitio.

VIII. Res incertæ in jure eæ dicuntur, de quibus ex actis contrahentium constare non potest, quæ, quantæ, & quales sint; ut si ex. g. fundum sine designatione loci, & limitum contractui subjiciam, vel mancipium sine nomine sexus, ætatis, atque virium expressione. Itaque incertitudo potest ad hæc tria referri, videlicet ad substantiam, quantitatem, & qualitatem mercis, vel pretii, & quoad hæc omnia potest dupliciter occurrere, vel tempore conventionis, vel tempore executionis: multoties enim quæ incerta sunt, dum contractus celebratur, certa ac determinata fiunt, quando conventio adimplebitur: si c. ex. vendantur foetus prægnantis bovis, vel pecorum, quæ intra bimestre nascentur, quinam, quales, & quot hi foetus futuri sint, tempore executionis certo constabit. Porro quoad incerta hæc statuuntur in jure Regulæ. 1. Quoties incertitudo præcipue circa substantiam, & quantitatem materiæ, quæ contractui subjicitur pro tempore, quo contractus executioni mandandus est, nulla via ad veritatem reduci potest, nulli & irriti ipso facto habendi sunt de tali materia contractus, Ita aperte statuitur in *L. stipulatio*.

tionem 74. in ff. de verb. oblig., & comprobatur omnium Juristarum consensu, nec non ratione evincitur manifestissima. Quoniam incertitudo indicata non sinit subsistere contractus substantiam; neque enim quid exequendum sit, aut faciendum constare potest, durante incertitudine circa speciem, & quantitatem rei conventæ. Dixi circa speciem & quantitatem, quia quantitas licet videatur quid a substantia distinctum, tamen in hac materia ad substantiam revocatur: quoniam ipsa substantiam multiplicat, aut diminuit; & nemo diffitebitur, substantiam variari conventionis, si ex. g. agatur de una, vel sex ovibus distrahendis. Quantum vero ad alias qualitates accidentales, licet in jure videatur etiam harum incertitudo allegata tamquam impedimentum validi contractus, subest tamen ratio urgens dubitandi; non enim potest incertitudo potentius obstaculum esse, quam error: & tamen superius ostendimus cap. 4. n. 3, errorem circa qualitates mere accidentales non vitare contractum. Quapropter textus contrarii legum interpretandi videntur de qualitatibus, non mere accidentalibus, sed potius ad substantiam rei dignoscendam pertinentibus. Ratio autem traditæ regulæ inde evidenter elucet, quod cum quilibet contractus eo tendere debeat, ut alicujus rei dominium, vel pars domini, aut certum jus de una ad aliam transferatur personam, & hæc translatio fieri non possint sine voluntate, & consensu prioris domini; hic consensus constare non potest, quando adest incertitudo circa substantiam, aut quantitatem, aut etiam qualitates non mere accidentales: etenim res in genere sumpta executioni mandari non potest, cum actiones humanæ circa sin-

gularia versentur. Idoneum exemplum habetur in jure, illustrandæ præfatæ regulæ deserviens. Quis testamento suo legat prædium talis appellationis, quæ communis est duobus prædiis existentibus in ejus dominio, quorum pretium, & æstimatio valde diversa est; nam unum fortasse duobus millibus, alterum quatuor millibus æstimabitur. Hinc incertitudo oritur ex æquivocatione, & ex incertitudine vitiata remanet, atque nulla Legati dispositio; neque enim commode executioni mandari potest: nam si prædium duorum millium legatario tradatur, executor testamenti fortassis eum fraudabit duobus millibus; si vero prædium majoris pretii ei assignet, fortassis gravabit hæredem. Quare jura disponunt, hujusmodi legatum habendum esse pro infecto, & sibi disponens imputare debet, si ejus ultima voluntas careat effectu: ut enim Regula juris decernit, *contra eum, qui clarius mentem suam exprimere potuit, interpretatio est facienda*, Regula 2. Contractus de rebus incertis validi esse possunt, si incertitudo aliquo ex his modis possit auferri, nempe vel ipso evenitu rei, vel electione partium contrahentium, vel arbitrio alicujus tertii. Patet ex L. *Usi autem* 75. in ff. de verb. oblig. Ratio est, quia sublata causa effectum quoque tolli conveniens est. Quapropter cum incertitudo rei conveniæ impedimento esset, ne initus contractus suam nancisceretur firmitatem, depulsa aliquo ex dictis modis incertitudine, par est, ut contractus suum consequatur valorem. Quoties vero determinatio materiæ aut electioni partium, aut tertie personæ committitur arbitrio, aliquæ in jure præscribuntur Regulæ, quæ ad rectum determinandum disignant, & ut plurimum debitoribus favent, ne scilicet iâi

plus æquo graventur, stricta interpretatione: sed illorum animus, intentio, & verba ita accipiantur, ut ad minimum sese obligasse credantur.

IX. Ultimo loco de rebus illicitis, & prohibitis disputationem reservavi, quæ magnis circumsepit difficultatibus, & in qua dissident nedum benigniores Theologi a rigidioribus, sed ipsi sanioris, & christianæ Ethicæ magistri digladiantur, & in diversas abeunt sententias. Ipse de more hanc quæstionem accurate expendam, & quid mihi verosimilius, & probabilis coram Deo visum fuerit, omni rejecto pyrrhoniismo aperiam, nonnulla præmittendo ad clariorem doctrinæ explicationem.

X. Dupliciter potest esse aliquis contractus illicitus, 1. quia ipse objectum, seu materia est res illicita, & mala, ac jure naturæ, & divino vetita; ut homicidium, falsum testimonium, iniqua sententia, adulterium, & alia omnia criminum genera. 2. Vel quia, quamvis res in se bona sit, tamen vel lege divina, vel humana vetitum est eam contractibus subicere; sic divina lege vetitum est res sacras, & spirituales vendere, & talis venditio simoniæ crimen constituit; de qua re nihil modo superest dicendum, nam abunde diximus Dissert. 5. de Virtutis virtuti Religionis oppositis Tom. 3. cap. 3. & seq. Vel legibus Principum interdictum est quædam vendere, puta certa armorum, vestium, ornamentorum genera, vel solum aliquibus aliquarum rerum commercium conceditur, quod ob bonum publicum aliis interdicitur. Distinctionem hanc ex D. Thom. desumpsit, qui 2. 2. q. 62. a. 5. ad 2. scribit: „Dicens, quod aliquis dupliciter aliquid dat illicitè. Uno modo, quia ipsa datio est illicita, & contra le-

gem; sicut patet in eo, qui simoniace aliquid dedit. . . . Alio modo quis illicitè dat, quia propter rem illicitam. . . . sicut cum quis dat mercedem, trici propter fornicationem“. De utroque autem illicito contractu dicendum, non enim par est utriusque conditio.

XI. Quando objectum contractus est res licet in se bona, sed vetita vel lege humana, vel divina, peccant, qui hos contractus celebrant; & si lege contractus irritentur, nec possunt rei pretium sibi accipere, & retinere. Et quidem eos peccare manifestum est, cum leges justas, & in conscientia obligantes violent. Quod autem & teneantur restituere pretium male acceptum, quando id legibus jubetur, & eadem ratione constat, & manifestè Patet: leges enim tunc non solum contractus sua prohibitione illicitos reddunt, sed & invalidos irritosque; quamobrem omnia abest titulus justæ detentionis. Hoc pacto retinere non possunt Simoniaci pretium rei sacræ venditæ, ut suo loco ostendimus; & omnes Judices, & Ministri justitiæ, qui munera accipiunt, vel ad justam proferendam sententiam, vel ne proferant injustam; his enim omnibus munera accipere, & accepta retinere vetatur in utroque jure, tum civili, tum ecclesiastico. Immo & jure ipso naturæ vetitum ostendit Continuator Operis S. Thom. de regimine Principis lib. 4. cap. 14. scribens: „Sicut enim injustus esset, qui cappam meam mihi vendere vellet, ita injustus est, qui injustitiam, quam debet gratis, ex officio facere, non vult facere, nisi accepto munere“. Pari modo retineri non posse, docent etiam Saltemantenses, quod accipit testis, ut verum det testimonium, vel ne falsum det-

deponat; elector, vel suffragium ferens, pro digniori eligendo; Sicarius, ut ab occisione abſtineat, fur a furto, depositarius, ut depositum restituat, & alia hujusmodi, quæ a legibus nedum ventantur, sed & irritantur: de quibus omnibus merito statuit S. Tho. l. q. 62. a. 5. ad 2. *Et etiam ille qui accepit, contra legem accepit, non debet sibi retinere.* Quibus autem restituendum sit, dicemus suo loco de Restitutione tractantes.

XII. At si lex contractum quidem prohibeat, sed non irritet; tunc contrahentes quidem peccant contra legem, sed, si objectum, & materia contractus sit res bona, & pretio æstimabilis, sibi mercem vel pretium retinere possunt, donec a iudice in penam alterutro, vel utroque priventur. Id quoque manifestum est, nam una ex parte, rei sunt violatæ legis justæ, ac proinde peccato obſtricti, vel lethali, vel veniali juxta quantitatem, & qualitatem mercis divenditæ. Possent autem, rem & pretium retinere constare ex illa Regula juris, quæ dicit: *Multa fieri prohibentur, quæ tamen facta tenent.* Sic valet matrimonium tempore vetito celebratum, vel a voto castitatis obſtricto, quia prohibetur quidem istis hujusmodi contractus, at irritus, minime declaratur. Similiter qui mercem vendit contra legem Principis, peccat; at emptor mercem, venditor vero pretium retinere potest: tum quia leges hujusmodi contractus solum vetant, non irritant; tum quia si venditio justa sit, æqualitas in utroque servatur, & alter pretium habet, alter mercem tali pretio æstimabilem.

XIII. Quando vero objectum, & materia contractus est quod jure divino, & naturæ illicitum, ut furari, occidere, verberare, mæchari, & similia, in hoc

conveniunt Theologi omnes, hujusmodi contractus ante executionem iniquos esse, nullos, & irritos, & contrahentes peccati lethalis jam reos esse; ac proinde teneri ista pacta omnia, omnes istas conventiones rescindere, & tollere, nec ullo modo implere. Et sane id ipso lumine naturæ compertum est, cum impossibile sit præfatos contractus valorem aliquem retinere: sequeretur enim manifesta contradictio: nam materiam esse illicitam idem est, ac obligationem gravem ex lege divina adesse de operatione circa ipsam vitanda. Quo igitur pacto fieri potest, ut contractus circa ipsam celebratus valeat, hoc est obligationem ex virtute justitiæ inducat faciendi, cujus omittendi potior est obligatio?

XIV. Sed opere malo, & iniquo præſtito, ad quod aliquis ex pacto, & contractu se obſtrinxit ob mercedem promissam, nam possit alter pretium sibi retinere, alter vero teneaturolvere, non consentiunt Theologi. Plurimi quidem affirmant, & quidem magni nominis, hoc unico sulti argumento. Animadvertunt in his pactionibus duos diversos contractus regulariter intervenire: alter est absolutus de pravo opere faciundo; & hic statim est non solum illicitus, sed & irritus, utpote de actu nefario divina lege vetito; alter vero est conditionatus de mercede solvenda, supposita flagitii adimplerione; & hic post implerum opus tenet, & obligat, quia ad illud refertur, non qua parte peccaminosum est, sed quatenus delectationem, vel utilitatem conjunctam habet unius contrahentis, & alterius affert laborem, turpitudinem, damna, pericula, & alia pretio æstimabilia, quæ jam commisso peccato secerni possunt ab ipso opere pravo. Id confirmant

exemplo meretricis, cui solvendum est pretium pravi operis jam perfecti, & ipsa illud sibi retinere valet; quia, ut inquit S. Thom. l. q. 62. *ille quidem illicite dat, quia propter rem illicitam dat, sed ipsa datio non est illicita.*

XV. Verum oppositum tenent, & docent plures alii, & quidem magni nominis Theologi, Juveninus, Hiberus, Comitulus, Concina, Gennetus, quibus adhæreo tamquam probabiliora decentibus, his perquam, ut mihi videtur, validissimis argumentis. 1. Leges omnes tum civiles, tum canonicæ hujusmodi contractus reprobant, irritos, nullosque ipso facto declarant. Lege generaliter in ff. de verborum obligationibus statuitur: *Generaliter novimus turpes stipulationes nullius esse momenti.* Codice de pactis L. pacta jubetur: *Pacta, quæ contra leges constitutionesque, vel contra bonos mores sunt, nullam vim habere indubitati juris est.* Et specialius L. juris gentium ff. de pactis declaratur; Si, *ut maleficium fiat, promissum sit, nulla est obligatio ex hac conventionione.* Et L. si plagii ff. de verb. signif. *Si plagii, vel flagitii faciendi, vel facti causa concepta sit stipulatio, ab initio non valet.* Idem confirmat & jus canonicum regula 64. tit. de Regulis juris: *Quæ contra jus sunt, debent pro infestis haberi.* Et Cap. Pactiones. ii. de pactis dicitur: *Pactiones facta a vobis, nullius penitus sunt momenti. Nam etiam juxta legitimas sanctiones, pactum turpe, vel rei turpis, aut impossibile de jure, vel de facto nullam obligationem inducit.*

XVI. Reponunt Adversarii, præfatas leges vim habere quidem ante nefarii operis executionem, de qua pactum omne, & omnem conventionem irritant, & annullant; non vero jam præstito nefario opere. At futilis

est, & omnino falsa hæc legum explicatio. Nam 1. Leges istæ nullam habent distinctionem operis patrati, vel patrandi, sed universaliter declarant eas conventiones nullas esse; & ubi lex non distinguit, nec nos distinguere debemus. 2. Ita loquuntur, & nec post operis nefarii impletionem ullam urgere obligationem declarant, ut manifeste patet ex L. Si plagii, ubi dicitur: *Si plagii, vel flagitii faciendi, vel FACTI causa &c.* 3. Si juxta leges pactum de re turpi, antequam scelus admittatur, nullam inducit obligationem, nec ullam inferre potest, opere jam patrato: nam clamant leges civiles: *Quæ ab initio sunt inutilis institutio, temporis tractu convalescere non potest.* Et Regula 18. Juris Canonici de Reg. jur. in 6. declarat: *Non firmatur tractu temporis, quod de jure ab initio non subsistit.* Confirmat ratio manifesta: nam si ante crimen nulla erat contractus obligatio, ergo, nec post patratum scelus: nam in omni contractu, & præsertim oneroso, vel uterque paciscientium obligatur, vel neuter. Porro qui scelus promissit, non tenetur. immo prohibetur promissum implere; Ergo vicissim & alter promissam præstare mercedem, nec opere nefario consummato, tenebitur. Fortius adhuc. Qui crimen patrandum pollicetur, nulla ad conventionem implendam lege constringitur: crimen igitur patrat ex sua prava voluntate, & ex propria malitia. At quis unquam dicit, malitiose, & nequit operanti deberi mercedem? Nullæ igitur sunt hujusmodi conventiones; sive ante, sive post pravi conventi operis impletionem.

XVII. Idem docent Sancti Doctores, Augustinus, & Thomas. Ille quidem in sua epistola ad Macedonium, ubi aperte docet, judicem inquam sen-

ten-

entiam vendentem scelerate sui operis mercedem accipere; & Advocatum non posse retinere premium injustæ litis, ejus ipse patrocinium gessit. Sic enim scribit cap. 2. Cum autem judicia, & testimonia, quæ nec iusta, & vera vendenda sunt, iniquis & falsa venduntur, multo sceleratius utique pecunia sumitur, quia scelerate etiam a volentibus datur. Eu quomodo scelestos pronuntiat S. Augustinus tum dantes, tum recipientes pro nefario opere mercedem. Et paulo post de Advocatu iniquæ causæ patrocinatore, subdit: Si iustitia sincerius consulatur, iustus dicitur Advocato, reddere quod accepisti, quando contra veritatem statisti, iniquitati adfuisse. Et paulo post subdit: Quis tandem Advocatus, aut ex Advocato ita vir optimus facile reperitur, qui suscepto suo dicat: Recipe, quod mihi, cum tibi male adessim, dedisti, & redde adversario tuo, quod me agente abstulisti. Et tamen quem prioris non recte vita rectissime punitet, etiam hoc facere debet, ut si ille, qui inique litigavit, non vult admonitus corrigere iniquitatem, ejus tamen iniquitatis nolit habere mercedem.

XVIII. S. vero Thomas ab Augustino, cujus semper fidissimus fuit discipulus, non dissentit, licet adversæ sententiæ patroni non sine tanti Doctoris injuria sibi faventem allegare non vereantur, & quidem quasi universaliter docentem, licere de nefariis operibus mercedem accipere, & sibi retinere; cum tamen ille talia jaciatur doctrinæ principia, ut oppositum plane evincat. Docet itaque S. Thom. ex duplici titulo aliquid illicite dari, & accipi, nimirum 1. quando opus, per quod datur, est illicitum. 2. Quando ipsa datio est illicita. Sic scribit 2. 2. q. 62. a. 5, ad 2. Aliquis dupliciter ali-

quid illicite dat. Uno modo quia ipsa datio est illicita, & contra legem, sicut patet in eo, qui simoniacè aliquid dedit: & talis meretur amittere, quod dedit: unde non debet ei restitutio fieri de his, & quia etiam ille qui accepit, contra legem accepit, non debet sibi retinere, sed debet in pios usus convertere. Alio modo aliquis illicite dat, quia propter rem illicitam dat, licet ipsa datio non sit illicita; sicut cum quis dat meretrici propter fornicationem: unde & mulier potest sibi retinere, quod ei datum est. Porro, ut vidimus, leges omnes, cum contractus de opere nefario irritent, non solum ipsam de crimine conventionem irritant, sed & mercedem promissam solvere prohibent; cum omne jus, & titulum tollant translationis dominii. Vetant igitur non solum omnem promissionem, & contractum, sed etiam omnem dationem, quæ proinde, cum sit contra leges, juxta S. Thom. doctrinam retineri non potest. Quod confirmat in IV. sent. dist. 15. q. 2. a. 4. q. 2. ad 1. dicens: Aut lex prohibet ipsum lucrum, vel causam lucri tantum. Si ipsum lucrum est prohibitum, tunc impossibile est, quod iuste detineatur. Ex hoc enim ipso efficitur aliquis injusti tituli, & mala fidei possessor, quod contra legem aliquid habet. Et revera quis dicet, leges concedere ficiariis, veneficiis magis, adulteris pretium suorum scelestorum, & rite accipere, & recte retinere; cum omnes, istos scelestos, & eorum remuneratores, qui pacto pretio ad criminum provocant, severissime puniant? Immo tantam docet S. Thom. legum humanarum rationem habendam, hujusmodi dationes prohibentium, ut si illæ aliquid lucrum vetent, etiam ex operæ jure naturæ non malo, sed lege vetito, accipientem retinere non possit de-

decretet; ut in ludo aleatorio, de quo statuit S. D. quod si lucrum ex illo capiat, qui alienare non potest, ut sunt minores & pupilli, teneatur restituere; at si lucratus est ab eo, qui potest alienare, non teneatur quidem restituere, sed tamen nec possit illud sibi retinere, sed debeat in pios usus impendere. Sic itaque scribit in IV. dist. 15. q. 2. a. 4. q. 3. ad 2. „Ipsum lucrum aleatorium est lege prohibitum. Sed in hoc distinguendum est: quia aliquid circa ludum justum est prohibitum lege naturali, aut divina, ut quod aliquis lucretur ab his, qui rem suam alienare non possunt, sicut sunt minores, & furiosi, & similes; & iterum quod aliquis alterum trahat ex cupiditate lucrandi; sed secundum jus positivum, omne tale lucrum est interdictum, Quia autem jus positivum per consuetudinem abrogatur, non autem jus divinum, ideo dicendum videtur, quod si lucratus est ab eo, qui non habuit potestatem alienandi, teneatur ad restitutionem ei, & sic non potest facere eleemosynam inde. Si autem luserit cum eo, qui habet potestatem alienandi, quæ sua sunt, si tractus luserit, & amisit, potest restitui; si lucratus est, non tenetur restituere, quia ille, qui amisit, non est dignus recipere; non potest licite retinere, nisi jus positivum per contrariam consuetudinem esset abrogatum. Si autem alium traxerit, si amisit, non competit ei repetitio; si autem lucratus est, teneatur ad restituendum illi, a quo lucratus est, & non potest inde facere eleemosynam“.

XIX. Sed inquirunt, nonne meretrices possunt accipere, & sibi retinere

nefarii operis pretium? Quod & ipse S. Thom. aperte affirmat, immo illis in facultate retinendi pretium pravi operis associat & lenones l. l. ex sent. & histriones in 2. 2. q. 87. a. 2. ad 2. ubi & addit *alia hujusmodi*, quibus verbis omne lucrum ex prava actione complectitur. Verum hæc sic refelluntur. Meretrices & accipere, & retinere possunt libidinis pretium, non tamquam mercedem pravi operis, sed ex permissione, & concessione Reipublicæ, quæ dati pretii dominum in meretricem transfert, & in multam pecuniarum illos, qui cum illis se commiscunt; & hoc quidem ad majora impedienda mala. Quamobrem meretrices non nisi pretium a lege concessum retinere possunt: unde si quid ultra per fraudem, & dolum extorquent, ut inquit S. Thom. tenentur restituere: & in hoc solo sensu concessit A. P. meretricibus pretium libidinis retinere, Quod si illis adjungit lenones, de illis loquitur, non qui pravam hoc ministerium ad virgines, vel uxores corrumpendas exercent, sed qui ipsæ meretricibus, cum quibus semper lenones conjungit, inserviunt, & eas defendunt, ne injuriis afficiantur: & his quoque, cum a Magistratibus tolerantur, aliquid accipere conceditur. Quoad histriones vero tantum abest, ut istorum exemplum adductum a S. Thom. adversariis faveat, quin immo ipsos omnino opprimit, & jugulat. Duas histrionum classes distinguit S. Thom. 2. 2. q. 168. a. 3. ad 3. primam illorum, qui moderate ludo utuntur, idest non utendo *aliquibus illicitis verbis, vel factis*; & istorum artem licitam dicit, & justè illis tribui sui operis mercedem affirmat: alteram vero illorum, qui *illicitis ludis utuntur*, &

tantum abest, ut doceat, istis non illicite dari, & istos non illicite accipere, quin contra aperte affirmat cum S. Augustino, donare his *esse vitium immane*. Axioma autem est S. Thom. quando datio ipsa est illicita, accipientem non posse sibi retinere, ut habet l. sup. l. ex 2. 1. q. 62. a. 5. ad 2. Non possunt igitur hi secundæ classis histriones ex doctrina S. Thom. sibi iniqui operis pretium retinere. Audiatur D. Th. scribens l. l. q. 168. a. 3. ad 3. „ Ludus est necessarius ad conversationem humanæ vitæ. Ad omnia, autem, quæ sunt utilia conversationi humanæ, deputari possunt aliqua officia licita. Et ideo etiam officium histrionum, quod ordinatur ad solatium hominibus exhibendum, non est secundum se illicitum: nec sunt in statu peccati, dummodo moderate ludo utantur, idest non utendo aliquibus illicitis verbis, vel factis ad ludum, & non adhibendo ludum negotiis, & temporibus indebitis. Unde illi qui moderate eis subveniunt, non peccant, sed iuste faciunt, mercedem ministerii eorum eis tribuendo. Si qui autem superflue sua in tales consumunt, vel etiam sustentant illos, histriones, qui illicitis ludis utantur, peccant, quasi eos in peccato foventes. Unde Augustinus dicit super Joan. . . . quod *donare res suas histrionibus, vitium est immane, non virtus*; nisi forte aliquis histrionum esset in extrema necessitate, in qua esset ei subveniendum. Quod si S. Thom. negat licitum pravis histrionibus dare, & istis accipere, quis unquam asserere audebit S. D. docere universaliter, non illicitum ficiariis, homicidis, veneficis, magis, incendiariis, facilegis, mulieribus vel adulteris,

vel stuprum in se admittentibus, iniquis iudicibus, falsis testibus, calumniatoribus, horum facinorum mercedem, & pretium accipere? Hoc itaque unum ex doctrina S. Thom. extruendi potest, videlicet, pro solo illo flagitioso opere licitum dare aliquid, & datum retinere, quod in Republica ob bonum commune toleratur; in ceteris vero flagitiis, quæ a Magistratibus non solum non tolerantur, sed & severissime puniuntur, cum non solum ipsum opus pravum sit, sed & ipsa datio a legibus vetita, nec dare aliquid licet, nec accipientibus retinere.

XX. Confirmatur nostra doctrina argumento, meo videri, validissimo. Quod datur pro pravo opere patratum, vel datur ex pacto & conventionione jam celebrata; vel ob ipsum facinus aliquo modo pretio æstimabile. Non primum; nam præfatæ conventioniones, & pacta nedum illicita sunt, sed irrita, cassæ, nullæ, & pro infectis (ut loquuntur leges) habenda. Non quod ipsum facinus sit pretio æstimabile. Nam quomodo pretio æstimabile; hoc est præmio, & mercede dignum esse potest scelus, quod divino, & humano jure non vetatur solum, sed etiam in altera vita æternis puniatur suppliciis, & in præsentia a iustissimis iudicibus vel diuturno carceri, vel exilio, vel etiam morte multatur? Non est, inquit adversæ sententiæ Patroni, pretio æstimabile, quatenus scelus & flagitium est, sed quatenus opus uni vel utile, vel delectabile, vel expetium, alteri vero vel onerosum, vel laboriosum, vel molestias afferens. At hoc effugium optime illis recludit Comitulus, respondens hoc posito & præviis conventioniones, & pacta de opere scelerato fore licita, quia non respiciunt opus, quæ malum, sed

qua

qua laboriosum; & nihilominus omnes fatemur omnem stipulationem, & præviam conventionem irritam, & nullam esse: ergo tales remanent etiam post factum. Præterea nihil esset tam sanctum, tam venerabile, cujus sacrilega, violatio non esset pretio æstimabilis, non qua sacrilega, sed qua uni utilis, alteri laboriosa: & hoc modo etiam Judæi pretium licite dedere, & Judas licite accepit pro Magistri sui proditiōe; nam nec illi dederunt, nec iste pretium accepit, qua sacrilegum facinus fuit, sed quatenus illis utile, & expetitum, isti autem laboriosum. Et tamen ipse Judas pretium restituendum censuit; & illi sibi retinere illicitum putarunt, sed dederunt in agrum ad peregrinorum sepulturam. Non licet igitur pro pravo opere, etiam qua laboriosum uni, & alteri utile, ullam mercedem dare, vel accipere; cum ipse labor, & ipsa utilitas ita sint intime cum nefario opere adnexa, ut in se nullo pacto seungi possint: adeo ut & ipse labor, & ipsa utilitas captata iniqua sint, mala, criminosa, nulla proinde pretio æstimabilia. Jure igitur, meritoque Conventus Cleri Gallicani anno 1700. hanc propositionem, *Incantatores, alique ejusmodi deceptores, magi, astrologia judiciaria professores, arioli, conjectores, ex pessimis quique artibus infames, lucrum licite servare possunt, et bona bis mediis acquisita, reprobabit, & damnabit, hac apposita censura, hæc propositio intellecta de prædictis falsis, ac deceptoris artibus falsa est, temeraria, fovendis fallaciis etiam diabolicis idonea.*

XXI. Sed audiamus, quid in suæ sententiæ favorem producant adversarii, quamvis eorum præcipua argumentum ex meretricum exemplo, tum

ex ipso opere uni laborioso, alteri utili, quæ potiora sunt, jam in antecessum evertimus. Dicunt itaque: ad fidelitatem pertinet promissa servare, quando id licite fieri potest: at post opus nefarium licitum est pretium persolvere, & fidem datam liberare: ergo & licite datur, & licite retinetur. 2. Et revera nonne implenda sunt sponsalia, licet ea inita turpi conditione, ut sponsa sui corporis sponso copiam faciat? 3. Et ipse Judas non sibi illicitum existimavit Thamari, quam putans meretricem cognoverat, mittere hædum pro mercede promissum, Genes. 38.

XXII. Verum hæc adeo levia sunt, ut nec tenuem probabilitatem sententiæ, pro qua proferuntur, conciliare posse arbitrer. Nam ad primum respondetur, & iniquam fuisse promissionem, non ad ullam pertinentem virtutem, & proinde iniquæ promissionis impletionem non minus iniquam esse: ut enim optime animadvertit Franzoja, si turpe & flagitiosum est polliceri pretium pro re turpi; turpe quoque & flagitiosum est pretium tribuere pro turpi re jam admissa; nec opus est fidelitatis, sed iniquitatis. Sponsalia autem ea prava conditione facta ideo valida sunt, & ab Ecclesia rata habentur, quia ab ipsa spectantur tanquam ab ea conditione sejuncta, quæ pro non adjecta habetur; & sponsalia respicit, prout contractus sunt ex se licitus & honestus, & ab illa conditione omnino etiam re separabilis. Exemplum vero Judæ, & Thamar nihil probat: sunt enim facinorosa hominis gravissime fontis, & mulieris incestus, quæ jus constituere non possunt, & potius improbanda sunt quam imitanda. Deinde unde colligunt Judam existimasse licitum sibi, meretrici pravi operis mercedem mittere? Num

Num quia revera misit? At hoc pacto dicendum foret, ipsum licitum sibi putasse cum illa fornicari, quia revera fornicatus est. Perpendant modo sanioris doctrinæ Magistri, num argumenta, quæ in nostræ positionis confirmationem adduximus; & solutiones argumentorum adversæ sententiæ vel tanti roboris sint, ut saltem rem dubiam faciant, vel adeo levia & straminea, ut tuta conscientia contemni possint, utpote quæ ne leve quidem dubium ingerant. Si hoc secundum cernunt, adhæreant, si lubet, contrariæ opinioni. At si primum clare cognoscunt, jam certum est, oppositam opinionem in praxi nullo pacto admittendam: nam in dubiis semper tutor pars est amplectenda, nec discrimini salus æterna committenda.

XXIII. Ex hæcenus dictis apparet, quæ materia in genere inepta contractibus sit reputanda, nempe 1. Impossibilia. 2. Non extantia. 3. Aliena respectu illius, qui dominium transferre debet. 4. Propria respectu ejus, qui dominium adipisci intendit. 5. Incerta. 6. Illicita, & flagitiosa. Nunc in particulari opus esset remotam materiam contractuum designare. Porro res, de quibus aliqui posset orti dubitatio, aut sunt intra hominem, aut extra. Ad hominem pertinent tamquam intranea anima, atque ejus bona, corpus, & ejus membra. Certum autem est, neque animam, neque ejus bona spiritualia, sive naturalis ordinis sint, sive supernaturalis, in eos contractus venire posse, quæ inter homines exercentur: & si quis contractus de bonis supernaturalibus, aut etiam de rebus his, quæ ad hæc supernaturalia ordinantur, & cum ipsis aliquam habent connexionem, atten-

teretur; hic nedum nullus, & irritus est, sed vitiosus, sacrilegus, & simoniacus, ac proinde tum naturali, tum canonico jure reprobatur; quoniam res supernaturalis nullo pretio æstimabiles sunt; utpote alterius ordinis, & dignitatis. Quoad corpus vero certum est, nec de vita, nec de salute, nec de corporis membris posse validos contractus iniri, quia horum bonorum habet homo quidem usum non tamen dominium. Solum igitur de usu ipsius corporis, vel ad aliquem legitimum finem, videlicet prolis generandæ, vel quoad operas certæ personæ, aut ad tempus, aut perpetuo locandas, celebres sunt contractus matrimonii, & servitutis, vel etiam simplicis famulatus. De fama, & honore, quamvis eximium hominis existimetur bonum, contractus fieri non possunt; quia revera non sunt in hominis potestate, sed ab aliorum pendunt opiniones: fundamentum tamen utriusque in homine esse potest, quatenus resultant ex officiis, dignitatibus, gradibus, privilegiis, præcedentiis, titulis &c. de quibus proinde potest pacisci, qui ea possidet; sicut etiam de remissione injuriæ, per quam honor, & fama læsa fuerunt, quatenus & hæc est pretio æstimabilis, sive gratis facienda per modum donationis, sive certa pecunia, & tunc erit venditio juris, quod quis habet ad exigendam satisfactionem in foro civili, vel criminali. Delectabilia bona possunt esse materia contractus, non ex parte delectationum, quæ sunt intra hominem, ejusque functiones vitales, ac proinde in alium transferri non possunt; sed ex parte externorum objectorum, ex quibus percipiuntur. Sed si loquamur de bonis, quæ extra homines sunt, dicunturque

bona fortunæ, in istis veram materiam contractus inveniemus, in quibus scilicet acquirendis, augendis, conservandis, commutandis desudat, & exercetur humana cupiditas, & industria. Leges tamen civiles jure merito a contractibus excludunt hæc quatuor genera rerum. 1. Res sacras, religiosas, & sanctas, quæ particulari Dei dominio subesse reputantur, ut dicitur in Instit. de divisione rerum. 2. Res communes. 3. Res publicas. 4. Res universitatis; hæc enim singula pertinent quidem ad omnium respectivè usum, ad nullius vero in particulari dominium. His exceptionibus addendæ sunt res, quæ specialibus legibus cujuscunque sive Regni, sive Reipublicæ alienari prohibentur, vel quia ex illarum distractione damnum immineret bono publico, vel quia in eorum personarum verteretur detrimentum, quibus ob peculiare rationes leges suffragari intendunt.

XXIV. Denique pauca sunt subjicienda de forma contractus. Nonnulli Doctores eam constituunt in consensu contrahentium: alii in verbis exprimentibus hunc consensum, & præcipue in illis, quæ significant acceptationem promissionis ab altera parte exhibitæ: alii denique in obligatione, aut productione obligationis constituunt. Nam animadvertunt contractus dupliciter spectari posse, vel prout in fieri, vel prout in facto esse, & in utraque acceptione ejus essentialem constitutionem, & discrimen ab obligatione inducta pendere manifestum est: etenim nec verba adhibita a contrahentibus, nec eorumdem consensus, quoadusque obligationem non pariunt, contractum perficere intelliguntur, & contractu secuto, verba quidem non amplius exi-

stunt, consensus quandoque etiam mutatur, permanente tamen obligatione, contractum persistere non dubitatur. Sed licet hi Doctores verba, vel equivalentia signa, partium consensum indicantia, ad essentialem formam contractus non pertinere arbitrentur; docent tamen procul dubio esse conditionem sine qua non, & indispensabiliter necessariam: nisi enim consensus manifestetur, inutiliter prorsus contractus fierent, utpote qui nec innotescerent partibus in ordine ad mutuo exigendam pactorum executionem, nec Ecclesiæ, aut Judicibus ad effectum compellendi contrahentes ad servandam fidem, nec testibus ad effectum testificandi, quod actum est. Immo cum in omni contractu necessaria sit acceptatio, quomodo hæc prestari potest, nisi sufficientibus signis innotescat promissio; cum nihil aliud sit acceptatio, quam liber consensus in alterius pollicitationem? Dixi verba, vel alia signa, quia quamvis verba inter signa humana principatum teneant, & regulariter sint adhibenda; tamen eisdem substitui possunt aliqua, necessitate exigente, alterius generis signa, ejusdem tamen efficacæ, puta scriptura, instrumenta, nuntius, & similia. Sic inter mutos, & surdos celebrari posse matrimonium medianibus nuntius in jure canonico definitum est. Et hoc quidem de essentiali forma contractuum. Formæ autem accidentales multiplices, & variæ sunt pro locorum diversitate, pro Rerum publicarum, & Principum constitutionibus, pro consuetudinibus alicubi observatis, pro diversa ipsorum contractuum natura, & denique pro contrahentium voluntate, qui aliqua apponere possunt contractibus, quæ licet secundum se, & ex le- gum

gum dispositionibus non sint necessaria ad valorem contractus, tamen ab ipsis ut necessaria exiguntur; ita ut sine ipsis vim contractus subsistere nolint: proculdubio enim paciscentium voluntas potest quascumque accidentales, & extraneas condiciones suis conventionibus pro necessariis addicere, quæ dicuntur a Juristis, & Theologis apponi pro forma, non ad formam.

CAPUT NONUM.

CONSECTARIA PRÆCEDENTIS
DOCTRINÆ.

- I. *Quando materia contractus sit ex parte impossibilis; num valeat pactum.*
- II. *Quidam contractus de rebus non extantibus lege interditi.*
- III. *Quando per cessionem scripturæ, vel juris debitum extinguatur.*
- IV. *Quando nec Meretrices pretium nefarii operis licite possint accipere.*

CONSECTARIUM PRIMUM.

I. **S**I res, quæ est materia contractus, fiat impossibilis secundum aliquam sui partem, ad discernendum, num adhuc valeat contractus, distinctione opus est: nam si res sit divisibilis in partes æquales, & quæ seorsum sumptæ consistere possint, & contractus etiam divisibiliter, & proportionaliter ad illas referatur; tunc valebit contractus quoad partem possibilem, si totum redditum fuerit impossibile: ex. c. empti sunt centum modii tritici, & ante traditionem quinquaginta casu fortuito petierunt, tenet contractus quoad reliquos quinquaginta. Si autem res, quæ est materia contractus, non hoc modo dividi possit, sed partes separatione facta reddantur inutiles, ac proinde contractus ad illas indivisibiliter, & unica inten-

tione feratur, ut contingit in animalibus, vel artefactis; tunc necesse est contractum omnino dissolvi, etiam si una tantum pars ablata sit, vel reddita impossibilis: exemplum habetur in legibus de eo, qui duo mancipia unico tantum pretio, & per modum unius voluit emere; si enim contingat ante implerionem contractus alterum ex illis mancipiis mori, resolvunt jura, nec quoad superstitem emptionem amplius consistere.

CONSECTARIUM SECUNDUM.

II. Tamen si contractus de rebus adhuc non extantibus, sed futuris celebrari posse dixerimus, sunt tamen aliqui contractus rerum futurarum, quæ legibus civilibus nedum prohibentur, sed & irriti, & nulli declarantur; ut sunt emptio hereditatis, quæ nondum est delata, hoc est ante mortem testatoris, quæ eo fine est interdicta, ne detur occasio optandi mortem alicui; & pars conditionis existimari debent jura succissionis ad officia alicujus viventis. Item venditio personæ liberæ pro eo tempore, quo creditur in servitutem casura: reputant enim contra sensum humanitatis leges civiles expectare tantum infortunium alicujus hominis.

CONSECTARIUM TERTIUM.

III. Quando pro solutione debiti loco pretii jura, vel scripturæ eadem continentes a debitore designantur, & renuntiantur, animadvertendum, utrum fiat cum innovatione debiti, ut jura loquuntur, vel sine innovatione. Si enim priori modo res transigatur, nunc debitum extinguitur, etiam si creditor recuperare nequeat res juribus illis contentas; quoniam in solum traditur spes præsens, non res futura. At quan-

do non fit innovatio, etiam concessis illis iuribus, quæ non fortiuntur effloctum, debitum adhuc manet; quoniam datur tunc ipsa res, quæ, cum non extet, nequit debitum extinguere, nec debitorum liberare,

CONSECTARIUM QUARTUM.

IV. Opime docent Turnelius, Juveninus, Auctor Collationum Parisiensium, meretrices, quæ non tolerantur, sed vel loco ejiciuntur, vel etiam carceribus mancipantur, ut in pluribus urbibus contingit, non posse retinere pretium fornicationis, & flagitii, nisi premente necessitate ad tolerandam vitam; quia omni carent titulo justæ acquisitionis: non enim retinere possunt ratione operis nefarii, cum non sit pretio æstimabile, sed pœna dignum; non ratione legis, quæ ipsas nullo modo tolerat, sed potius repellit. Quod multo magis verum est de virginibus ex stupro, de uxoribus ex adulterio, de monialibus ex sacrilego commercio, quæ omnes sine novo crimine nequeunt nefarii sceleris pretium vel accipere, vel retinere. Proinde tanquam falsa, & laxa rejicienda est Lessii lib. 2. de just. cap. 14. dub. 8. n. 72. doctrina, scribentis. „ Etsi opus malum, pro quo dedit, non sit æstimabile pretio, quia malum, tamen qua delectabile, vel utile uni, & alteri detrimentosum, periculosum, laboriosum, inter homines pretio æstimatur, ergo quod hac ratione pro eo est acceptum, non est restituendum, nisi forte quis extinctionem excesserit, ut si meretrix, quæ usuram sui solet concedere uno aureo, ab aliquo juvene extorta, ferit quinquaginta tanquam pretium. Hoc tamen locum non habet in ea, quæ putatur honesta, ut si matrona

„ aliqua, vel filia centum aureos pro usura corporis accipiat ab eo, qui dare poterat, retinere potest, nam tanti, & plaris potest suam pudicitiam æstimare. Res enim, quæ certum pretium non habent, nec ad vitam sunt necessariæ, sed voluptatis causa, quæruntur, arbitrio venditoris possunt æstimari, ut probabiliter docet Petrus Navar. „ At quæro a Lessio, quinam sunt isti homines, inter quos flagitia, & scelera pretio æstimantur? Sunt ne Reges, Principes, Respublicæ, qui contractibus præsumunt, qui eos regunt, qui iudæ rerum pretia constituunt? At tantum abest, quod isti hæc flagitia pretio æstimant, quin potius pœnis sæverissimis prohibeant, & castigant. Sunt ne viri probi, æqui rerum æstimatores? Absit. Isti enim hæc flagitia detestantur, horrent, averfantur. Superest igitur, ut sint vel ipsi flagitiosi homines, qui illa perperant, vel Theologi Probabilistæ. Priores inepti sunt æstimatores, utpote iudices in causa propria. Posteriores autem pudere deberes pretio digna æstimare facinora, quæ a legibus vetantur, a Magistratibus puniuntur, a bonis omnibus odio habentur.

CAPUT DECIMUM.

De Contractuum qualitatibus.

DOCTRINA.

- I. Quanam sunt Contractuum qualitates.
- II. Conditiones contractuum exponuntur, & pro illis Regula dantur.
- III. Regula I. IV. Regula II. V. Regula III. VI. Regula IV.
- VII. Regula V. VIII. Regula VI.
- IX. De Contractibus juratis nonnullæ Regule.
- X. Regula I. XI. Regula II. XII. Regula III. XIII. Regula IV. XIV.

XIV. De Contractibus solemnitate descriptis.

XV. Nonnulli invalidi sunt, & irriti.

XVI. Quid de testamentis, & ultimis voluntatibus.

XVII. De ceteris contractibus quid sentiant nonnulli Theologi.

XVIII. Quid tamquam probabilius tenendum sit.

I. **Q**UALITATES contractuum eas appellant Jurisperiti, & Theologi, quæ possunt adesse, vel abesse, salva & integra contractuum substantia. Inter has qualitates tres præcipue sunt consideratione dignæ, nimirum. 1. Num contractus sint conditionati. 2. Num sint juramento confirmati. 3. Num solemnitatibus juris muniti. Itaque de contractibus conditionatis, juratis, & debitis præditis solemnitatibus agemus.

§. I.

De Contractibus conditionatis.

II. Condicio contractibus apposta, alia ad tempus præteritum, alia ad præsens, alia ad futurum referri potest. Si condicio præteritum, aut præsens tempus respiciat, contractus, licet conditionati appareant, reipsa tamen tales non existimantur. Siquidem purificata conditione eo tempore, quo contractus fuerit, hi transeunt in absolutos. Quare dubitatio solum occurrit circa eos contractus, quibus condicio de futuro apposta est; & hæc adhuc triplex distinguitur: vel enim est de futuro contingente, quod scilicet potest verificari, & deficere; ex. g. si navis ex tali regione in hunc portum appulsura sit, si frater meus matrimonium contraxerit, si soror statum religiosum amplectetur, & similia: vel eâ de fu-

turo necessario; ut si cras sol oriatur: vel est de futuro impossibili, idest de re, quæ utcumque proponatur ut futura, repugnat tamen, ut unquam futura sit: vel denique conditio apposta est de re honesta, & licita, vel de turpi, & vitia; ut si quis puellæ matrimonium polliceatur, si pater consenserit, vel si sui corporis copiam fecerit. Prima conditio honesta est & licita, altera turpis & illicita. Pro his sequentes constituuntur Regulæ.

REGULA PRIMA.

III. Quando conditio est de futuro contingente, contractus vere, & proprie conditionati appellantur; adeoque in ipsis suspenditur obligatio executionis, usque ad appositæ conditionis eventum. Quæ tamen doctrina aliquibus exceptionibus limitatur. 1. Est, ut contractus purus, & absolutus censeatur, si conditio, quamvis ad futurum revera in se contingens referatur, hoc tamen certo futurum sit, ita ut de ejus futuritione contrahens dubitare non possit; ejusmodi esset ea conditio, si Antichristus nasciturus est: etenim cum de hoc dubitare non liceat, & in Dei præscientia, manifestata per fidem, sit veluti præsens; tunc sensus conventionis resolvitur in absolutum, ac huic æquivaleret, ita me obligare intendo, sicut certum est Antichristum aliquando nasciturum. Altera exceptio, ut conditio non sit de illis, quæ naturaliter contractui censetur inesse; nam si quis matrimonium polliceretur casu quo altera pars consensura sit, hæc verbalis conditio, cum jam sit necessaria contractui, ipsum non extrahit a ratione contractus absoluti.

REGULA SECUNDA.

IV. Quando conditio est de aliquo futuro necessario, communior Theologorum sententia est, tunc etiam contractum habendam pro absoluto, ac si conditio re ipsa extaret. Tamen hæc quoque doctrina ab aliquibus prudenter limitatur, ut solum tunc locum habeat, quando contrahentium intentio interpretanda sit, quoniam videlicet expresse non innoscitur. Absolutè enim possunt contrahentes velle, ut contractus suspendatur quoad executionem, quoadque illa conditio, etsi necessario eventura, in re ponatur. Quæ limitatio multo magis verificatur in casu, quo contrahentes ignorent præfatam conditionem esse necessariam; vel esto absolute, & universaliter necessariam esse non ignoraverint, utrum tamen in talibus, vel talibus circumstantiis accidere debeat, compertum non habent: ut si obligatio assumatur hoc, vel illud faciendi, si eclipsis in futuro plenilunio tali, vel tali hora contigerit. A idendum est, multisque conditionem de futuro necessario apponi non per modum conditionis, sed per modum termini, contractus executioni prefixi; ut in hac conventionem: vendam tibi tale prædium, si frater meus morietur: non enim mors fratris verosimiliter ut conditio designatur; sed vim termini præfixi fortitur, ac idem valet, quod vendam, quando frater meus morietur.

REGULA TERTIA.

V. Conditiones de futuro impossibili, vel de re illicita, & turpi appositæ contractibus omnibus (exceptis Testamentis, & matrimonio, de quibus postea) eorum validitatem omnino tollunt, & impediunt, quoniam apertissime in-

dicant deesse verum, & serium contrahendi animum in eo, qui conditionem impossibilem, ac turpem addit. Fieri enim non potest, ut voluntas serio feratur, & velit efficaciter id, quod vel impossibile factu cernit, & cognoscit; vel quod obligetur ad id faciendum, quod præstare fortiori obligatione prohibetur, ut sunt res turpes ponendæ in conditione propositæ.

REGULA QUARTA.

VI. In ultimis voluntatibus, Testamentis, legatis, & codicillis jura definiunt, conditiones de re impossibili, vel etiam turpi habendas esse pro non adjectis; ac proinde non officere dictorum valori, & consistentiæ. Constat in lege obtinuit ff. de conditionibus, nec non in aliis pluribus ejusdem tenoris. Porro hæc exceptio testamenti a regula universali, mirum est, quantum torqueat Theologos, qui rationem disparitatis satis validam invenire nesciunt, nec motivum ob quod jura voluerint tale privilegium eidem conferre. Alii ideo putant dispositione legum validas esse ultimas voluntates, non obstante turpis vel impossibilis conditionis appositione, quia scilicet leges suæ auctoritate supplendo testatorum consensum, & etiam independentem ab ipso, transferunt dominium in hæredem eo pacto, quo ob bonum commune in præscriptione, rei dominium in bona fide, ac diu possidentes transferri volunt. Alii eatenus putant non obitare validitatis Testamentorum conditiones turpes, & impossibiles, quatenus adest fundamentum præsumendi, eas non ex animo, & serio fuisse adjectas, sed solum ex quodam errore, quo a testatore existimabantur possibiles: non enim est verisimile in re tanti momenti, cujus-

modi debet existimari, testatorem non decedere ab intestato, & sine rationabili suarum rerum dispositione, voluisse illuforium condere testamentum. Verum quaecumque fuerit legum causa, pro certo habendum illas, ubi vigent, obligare etiam in foro conscientiae, cum iustae sint, & ad bonum commune ordinatae.

REGULA QUINTA.

VII. Contractus matrimonii celebratus sub conditione turpi, & substantiae contractui adversa, irritus est, & nullus. Ita enim in jure canonico statutum legitur in Decret. Greg. IX. *Si conditiones, ubi dicitur: Si conditiones contra substantiam conjugii inferantur ... matrimonialis contractus, quantumcumque sit favorabilis, caret effectu.* Cum autem tria sint, quae ad substantiam matrimonii pertinent, *fides* nimirum, *proles*, & *Sacramentum*, quod scilicet conjuges sibi datam fidem servent, quod prolem non impedian, quod indissolubile sit vinculum; conditiones, quae uni ex his tribus adversantur, dicuntur contra substantiam matrimonii, illudque irritum reddunt. Horum exempla suppeditat idem Greg. IX. in laud. Decret. *Si conditiones, dicens: Puta, si alter dicat alteri, contraho tecum, si generatio nem prolis evites, vel donec inveniam aliam honore, vel facultatibus ditio rem, aut si pro questu adulterandam te tradas. Prima conditio (subdit Pontifex) perimit bonum preliis, secunda bonum sacramenti, tertia bonum fidei, quam conjux conjugi servare debet.*

REGULA SEXTA.

VIII. Conditiones matrimonio adjunctae licet impossibiles sint, vel etiam turpes, sed non contra substantiam

matrimonii, illud non irritant; sed reputandae sunt tamquam non adjunctae. Ita statuit laud. Pont. cit. Decret. subdens: *Licet aliae conditiones appositae matrimonio, si turpes aut impossibiles fuerint, debent propter ejus favorem pro non adjunctis haberi:* cujusmodi sunt, si quis diceret: contraho tecum ea conditione, ut digito caelum tangas, ut fratrem meum veneno interficias, ut mea furta custodias, & similia, quae validum relinquant matrimonium non minus, quam si absolutum foret. Sed hic quoque fortius urget difficultas, quo pacto praefictae conditiones de re turpi, aut impossibili matrimonii valori non officiant. Quomodo enim potest Ecclesia lege sua matrimonium, in quo purus & absolutus contrahentium consensus non reperitur, facere ratum? Neque enim potest supplere consensum, aut efficere, ut sine consensu matrimonium consistat. Nec hic locum habet praesumptio voluntatis interpretativae, quemadmodum in ultimis voluntatibus; cum ad matrimonium sit necessaria intentio formalis, sufficienter, & sensibilibus explicata. Hec adeo praemunt, ut Durandus in IV. sent. dist. 39. q. 4. candide fateatur, se nescire, quo fundamento Ecclesia hujusmodi matrimonia ut valida admittat. Alii Jurisdae, & Theologi varias adinvenerunt rationes, quas referre non vacat, sed licet ingenuas, fuitiles tamen, vel falsas. Ille mihi probabilior apparet modus hanc difficultatem solvendi, quem post alios addibet Card. de Lugo Disp. 23. de Contract. sect. 13. nimirum tunc solum conditiones impossibiles, aut turpes, alias non oppositas substantiae matrimonii, ejusdem valori non obesse, quoties ex conjecturis, & probabilibus signis praesumi potest in contrahentibus efficax, immo efficacior

voluntas matrimonium validum, & juxta leges Ecclesiæ pro illius valore præscriptas celebrandi; ita ut, quamvis simul in iisdem ex errore quodam in sit voluntas eas conditiones retinendi, hæc tamen sit minor quoad efficaciam, & parata cedere priori voluntati, casu quo innotescat contrahentibus, eas conditiones componi non posse cum valido matrimonio, nisi juxta dispositionem allegatæ Decretalis pro non adjectis habeantur. Exemplum affert citatus Auctor ad ostendendum, quo pacto voluntas, qua conditiones impossibiles, aut turpes apponuntur, reperiri possit cum voluntate efficaciori eandem deferendi, ne contractus deficiat. Si quis, inquit, in conferendo Baptismo intentionem haberet hoc Sacramentum quidem administrandi juxta Christi institutum; sed simul errore crasso teneretur, huic instituto conforme non esse baptismum, quod ab Ecclesia Romana confertur, dummodo alias servaret ritus essentielles huic Sacramento, nonne valide illud conferret, non obstante hoc errore, si supponatur in ipso efficacior voluntas baptismum a Christo institutum administrandi, quam sit ea intentio, qua vult baptismum diversum ab Ecclesia Romana præbere? Ita etiam in præsentis controversia tenendum est. Neque hic aliquis inferat, hoc modo posse validum existimari etiam matrimonium, factum cum conditionibus ejus substantiæ repugnantibus. Aliud enim est velle aliquid impossibile; aliud velle sub conditione impossibili. Hoc secundum locum habere potest, quin tollatur objectum verum ipsius voluntatis, quod scilicet a conditione impossibili adnexa distinctum est. Quapropter poterit in hoc casu voluntas, quæ fertur in objectum, fortior esse ea voluntate, quæ

tendit in conditiones. At quando aliquid impossibile statuitur pro objecto, ibi voluntas efficacior reperiri non potest.

§. II.

De Contractibus juratis.

IX. Magna est, & celebris quæstio inter Jurisperitos, & etiam Theologos admodum agitata, utrum contractus illi, qui seorsum a juramento considerati nullam vim obligandi nanciscerentur, eo quod nulli sint legum dispositione, immo etiam spectati qua tales, illiciti: tamen ob juramentum adnexum robur acquirant, & obligationem inducant: an vero ex opposito contingat, quod scilicet juramentum ex infirmitate contractus, super quem cadit, ipsum quoque infirmetur, & nullatenus sit implendum. Quæ ut facilius dicimur, prænotanda sunt aliqua tum circa juramentum, quod intervenire potest occasione contractuum, tum circa contractus, quibus applicatur, tum circa effectus, qui ex illo consequi possunt. Et quoad primam sermo est de juramento promissorio, quo jurans vult se obligare ad efficiendum id, quod promittit, & diligentia ab eo præstandæ pro operis impletione Deum in testem inducere, & etiam veluti in fidejussorem. Præterea quia obligatio, quam assumit, potest esse vel solius veracitatis, vel fidelitatis, vel etiam ad alias virtutes pertinens a iustitia commutativa distinctas, puta ad gratitudinem, ad pietatem, & alia motiva contractuum præcedentia, dispiciens est attentissime, quam obligationem jurans intendit. 2. Ex parte contractuum, supra quos juramentum cadere potest, hi sunt in quadruplici differentia. Alii enim præ-

præcio juramento liciti sunt, atque validi; alii liciti sunt, sed non validi: c. ex. conficere Testamentum sine debitis solemnitatibus culpa vacat; sed Testamentum ita confectum suo robore destituitur. Quidam validi sunt, sed non liciti; ut sponsalia in vicis parentibus inita, matrimonium tempore vetito celebratum. Demum quidam sunt simul illiciti, & invalidi, ut secunda sponsalia post prima valida. 3. Quoad effectus ex juramento contractibus addito resultantes accurate distinguendum est inter obligationem ex juramento provenientem, & inter confirmationem contractus jurati: longe enim diversum est, quod juramentum producat obligationem servandi, quod promissum est; & quod insuper promissionem factam confirmet, atque validi contractus conditionem conciliet: sic juramentum solvendi usuras sine dubio obligatorium est, ut patet ex jure canonico, quoniam servari potest sine salutis æternæ dispendio; & tamen nequaquam confirmat contractum *in favorem illius, qui usuras exigit, ad quas restituendus tenetur*. His præmissis sequentes ponuntur Regule.

REGULA PRIMA.

X. Juramentum additum contractibus licitis, & validis novum illis robur adjungit ex virtute Religionis. De se aperta est hæc Regula, nec probatione indiget: sed solum observandum, violatorem hujus contractus duplici peccato fœdari, nimirum contra justitiam, quæ omnes licitos, & validos contractus regit; & etiam contra Religionem, quam suo perjurio violat, quod frequenter contingit in sponsalibus, quæ juramento confirmantur, & postea absque ulla causa, sed ex mera animi volubilitate præteriter sponsores implere recusant.

Paruzzi Theol. Moral. Tom. V.

REGULA SECUNDA.

XI. Juramentum adjectum contractibus illicitis, & jure naturæ nullis, quæ sine peccato servari non possunt, nullum illis robur adjicit; immo peccat, qui tale elicit juramentum. Prima pars est evidentissima: nam juramentum contractuum naturam, & substantiam mutare nullo modo potest: proinde si contractus nullus sit jure naturæ, illum validum reddere non potest; & si sit de re illicita, non obstringit, quoniam non debet esse vinculum iniquitatis; & impossibile est, atque implicatorium, quod quis ex juramento contrahat obligationem faciendi, quod sibi lege naturali, aut divina interdictum est. Quod vero peccet, qui tale emittit juramentum, patet ex iis, quæ diximus in Tract. de juramento.

REGULA TERTIA.

XII. Juramenta adjecta contractibus etiam nullis sunt obligatoria, quando servari possunt absque dispendio salutis æternæ, id est sine peccato vel mortali, vel veniali. Hujus regulæ veritas constet ex juramento canonico, ex quo omnino desumpta est. Nam Alex. III. Cap. *vero* de jurejurando, interrogatus, utrum qui metu compulsus juraverit, teneatur juramentum servare, respondit, *non esse tutum quemlibet contra suum juramentum venire, nisi tale sit, quod servatum vergat in interitum salutis æternæ*. Et Cap. 6. subdit: *Debitores, si de usurarum solutione juraverant, cogendi sunt domino reddere juramentum*. Et ipsa etiam ratio naturalis dicitur. Divini enim nominis reverentia ab omnibus postulat, ne Deus in falsitatis testem adducatur, nec ejus nomen frustra sumatur; quod eveniret, si liceret datum

H

ju-

igitur posito, inquirunt Juristæ, & Theologi, num hujusmodi contractus hisce solemnitatibus non muniti, licet in exteriori foro valorem non consequantur, validi tamen reputari possint in foro saltem conscientiæ.

XV. Primo quidem omnes pene Theologi, & Canonistæ in eo conveniunt, Contractus scilicet matrimonii, & professionis Religiosæ, si substantialibus, & ab utroque jure requisitis solemnitatibus careant, invalidos esse tam in foro exteriori, quam in foro conscientiæ. Et revera in praxi cernimus, irrita haberi, & nulla matrimonia clandestina, & inanes Religiosas professiones, vel ante statutam ætatem factas, vel non præmissa probationis anno: proinde hæc doctrina morali gaudet cæritudine, & iuta est in conscientiæ foro.

XVI. De ultimis vero voluntatibus, testamentis, legatis, præsertim ad pias causas, non ita consentiunt. Verum cum pro istis speciales constitutæ sint leges, & nonnulla etiam concessa privilegia, quæ peculiare postulant examen; quid nobis probabilius, & veritati magis consonum visum fuerit, exponendum reservamus in calce tertiæ partis hujus Tractatus, ubi data opera de Testamentis, ultimisque voluntatibus disputabimus.

XVII. Quoad reliquos vero contractus Covarruvias plures allegat Theologos, & Juristas sentientes, hujusmodi pacta, licet solemnitatibus destituta, dummodo omnis fraus, dolus, deceptio absit, in foro conscientiæ totum illum valorem nancisci, quem illis jus naturale tribuit, quod omnibus concedit, ut de rebus suis, prout sibi libuerit, disponant. Quandquidem arbitrantur leges, hujusmodi contractus irritantes, in præsumptione doli, deceptionis, errorisque

fundari. Quamobrem hisce cæstantibus vim obligandi obtinere non desinunt in foro saltem conscientiæ, in quo non præsumptiones spectantur, sed veritas ipsa.

XVIII. At alii longe plures, ab eodem Covarruvia citati, & quibus ipse adhæret, consent oppositum, præfatosque Contractus non minus in foro exteriori, quam in foro conscientiæ irritos pronuntiant, hisce permoti rationibus, quæ eorum doctrinam probabiliorē, magisque vero proximam ostendunt, quibusque propterea & ipse lubens assentior. Quandoquidem certum est, leges iurales civiles, tum canonicas potestate pollere reddendi nullos, & irritos etiam in foro conscientiæ, contractus, quos judicaverint bono communi obesse posse: nec alia de causa matrimonium clandestinum in utroque foro nullum est, & irritum, nisi quia ita statuunt Ecclesiæ leges. Si igitur laicæ sint leges, quæ contractus aliquos statutis carentes solemnitatibus irritos declarent; tales erunt habendi, non solum in exteriori foro, sed & interiori conscientiæ. Et revera, si cuilibet privato licet suis contractibus, quas sibi libuerit, etiam leviores, conditiones apponere, quibus deficientibus invalidus sit omnino contractus; cur hoc multo magis non licebit supremis tum Ecclesiasticis, tum civilibus Potestatibus? Præterea cum rerum dominia (ut alibi inuimus) jure gentium, & civilibus legibus inducta sint, hisce legibus regi debent, & parere. Cum igitur leges aliquos contractus irritent, irriti erunt habendi. 3. Denique nonne, ut non semel diximus, legibus obtemperandum est; non solum ob pæne timorem, quam minamur, sed & multo magis propter conscientiam, cum

omnis potestas sit a Deo, a quo Legislatores potestatem accipiunt ferendarum legum? Illis igitur, præsertim iustis, & bono communi consulentibus, etiam in foro conscientie parendum est, ac proinde pro nullis habendi contractus etiam coram Deo, quos Principes suis legibus irritos, nullosque esse voluerint. Nec leges istæ falsæ innituntur præsumptioni doli, & fraudis, quibus proinde deficientibus non obligent; sed certo periculo fraudis, & doli, quod in talibus contractibus, sine statutis solemnitatibus celebratis, semper adest & malitia, & avaritia hominum, proinde semper obligant: sicut nec inter leges mere pœnales (quas tamen semper, & in foro conscientie obligare docuimus) spectandæ sunt, sed tamquam in commodum & bonum commune Reipublicæ ordinatæ; propterea etiam ante omnem iudicis sententiam coram Deo, & in conscientia ad eorum observantiam subditos obstringunt. Ita docent nobiliores Theologi, Vasquesius, Suarezus, Salmanticenses, Juveninus, Habertus, alique plures a Salmanticensibus laudati.

CAPUT UNDECIMUM.

CONSECTARIA PRÆCEDENTIS DOCTRINÆ.

- I. *Contractus sub modo quomodo celebratur.*
- II. *Contractus ex causa exponitur.*
- III. *Quid sit contractus ad diem.*
- IV. *Quid contractus sub disjunctione.*
- V. *Quid pactum sub designatione.*
- VI. *Ad complementum in contractu conditionato, novus non requiritur consensus, excepto matrimonio.*

CONSECTARIUM PRIMUM.

I. **A**D conditionatos contractus revocari possunt illi, qui celebrantur sub modo, causa, ad diem, & sub disjunctione. De priore in hoc Consectario, de ceteris in sequentibus. Contractus sub modo illi dicuntur, qui videlicet aliquod onus alteri parti implendum imponunt: ex. c. Si dicas, do tibi centum, ut cadentem tuam domum restaures, ut filium nuptui tradere possis, ne mihi litem moveas. Huiusmodi contractus aliquando statim perfecti intelliguntur, etiam modo non impleto; & solum jus est in altero contrahente urgendi alterum ad modum implendum: ut si quis Petro Sacerdoti leget centum aureos, ut centum celebret Missas, non potest hæres denegare legatum, vel sibi vindicare sub obtentu, quod Missæ celebratæ non fuerint; sed persoluto Sacerdoti legato illum urgere debet ad onus, & modum additum implendum. Aliquando vero perfecti non sunt, nisi impleto, & executioni demandato modo, & onere: ut cum certa pecuniæ summa datur Peregrinis, ut Asium, vel Romam, vel Laureum pergant; nisi enim conditionem impleant, pecuniæ dominium non adipiscuntur, sed restituere debent. Quando vero dubium occurrit circa hoc contractus, puto semper ut conditionatos habendos, proinde non valere, nec perfici, nisi conditione servata.

CONSECTARIUM SECUNDUM.

II. Contractus sub causa dicuntur illi, qui ex aliqua causa impellente celebrantur; ut si quis elemosynam eroget alicui, qui cum pauperem, & egenum putat, cum talia non sit. Non valent hi contractus, si desit finalis causa

causa celebrandi contractus, idest tota ratio celebrandi contractus; quia tunc deficit consensus ad contractum requisitus, qui non subsistit, nisi quia res ita esse putatur; proinde si res aliter se habeat, nullus adest consensus; ut si quis Clerico pecuniam det, ut celebret tot Missas, quia ille Sacerdotem se simulat non daturus, si sciret illum non esse Sacerdotem; nullus est contractus. At si causa sit mere impulsiva, tunc validus est contractus, licet desit; quia praestat quidem, ut libentius celebres pactum, sine qua tamen adhuc iniisses: ut si quis pauperi puellae dotem polliceatur, quia putat sibi aliquo vel consanguinitatis, vel affinitatis gradu conjunctam; valet promissio, licet extranea sit, cum adhuc superest consensus sufficiens ad valorem contractus. Similiter si Magnati alicui, vel viro Nobili aliquid dones, spe illud, ut tibi faveat in aliquo negotio, aliter munus non daturus, si oppositum crederes; valet donatio, licet ille forsitan in tuo negotio se immiscere recuset. Quando dubium est, num causa vel finalis, & principalis fuerit; vel solum impulsiva, & secundaria, censendum est impulsivam fuisse; nam alioquin innumeris contractus irriti forent, si quaecumque causa pro finali supponeretur. Quamobrem omnes conditiones tacite, & solum mente conceptae pro causis impulsivis, & secundariis habendae sunt.

CONSECTARIUM TERTIUM.

III. Quilibet contractus diem habet, seu tempus pro executione; cum enim ad hanc ordinetur, oportet, ut certo aliquo tempore fiat, nec differatur in infinitum: non tamen omnis contractus dicitur contractus *in diem*. Sed celebris est quoad hoc in jure contractum di-

stinctio: alii enim vocantur puri, alii in diem, alii sub conditione. Quoties in conventionione nulla fit mentio temporis quo executioni mandari debeat, dicitur contractus purus; & tamen iste quocumque terminum habet definitum suae executionis, scilicet quamprimum moraliter fieri potest. Si vero in conventionione praestituatur determinatus dies pro executione adimplenda; tunc dicitur contractus *in diem*. Demum si conditio aliqua fuerit apposita, unde pendeat tempus executioni, est contractus conditionatus, tunc solum executioni mandandus, quando conditio fuerit purificata. Hinc intelligi potest discretim illud quod in ff. de verb. oblig. ponitur inter haec duo *cedere diem* & *venire diem*. Primum enim dicitur de tempore, quo incipit obligatio, secundum de tempore, quo incipit executio: & sic in contractu puro simul verificatur *cedere diem* & *venire diem*, quia ex tunc, & pro tunc incipit obligatio. In contractu *ad diem* statim *edit* dies, non statim *venit*, quia licet incipiat obligatio ex tunc, non tamen pro tunc: ut si emisti vestem, cujus pretium solvendum convenisti post mensem; statim quidem incipit obligatio, at ejus executio non urget, nisi post mensem, ante cujus lapsum non teneris pretium solvere. In contractu vero conditionato nec statim *edit* dies, nec statim *venit*, idest nec tunc, nec pro tunc nascitur obligatio, quia hoc totum pendet a conditionis eveniu.

CONSECTARIUM QUARTUM.

IV. Contractus sub disjunctione habetur, quando unum, aut alterum implendum promittitur: quod vel supra rem cadere potest, ut si dicas creditori tuo, pro solutione debiti tempore vin-

vindemiæ vel vinum dabo, vel pecuniam; vel supra quantitatem, ut si dicas pauperi puellæ, tibi dabo pro dote vel quinquaginta, vel centum; vel supra tempus, ut si convenias vel tempore messis, vel vindemiæ tempore debitum extinguere. Pro his contractibus statuunt communiter leges 1. Esse in arbitrio promittentis unum, aut alterum dare, quod sibi magis libuerit, nec astringi posse ad hoc potius, quam illud. 2. Respectu quantitatis, & temporis in arbitrio promittentis esse, vel quod minus est in quantitate, vel quod remotius est in tempore, eligere; & ita statutum merito creditur, ut debitor semper minus gravetur.

CONSECTARIUM QUINTUM.

V. Contingit aliquando in contractibus materiam designari ambigue, & indeterminate, unde dubium contingit in executione: ut si dicas, dono Petro decem aureos, quos in scrinio habeo; ibique non decem, sed viginti reperiuntur: & similiter, condono pauperi centum libellos illi mutuo datos; at detegitur non centum, sed bis centum mutuo fuisse concessos. Tunc ergo Juristæ, ac Theologi statuunt inspiciendum, num quantitas appositæ sit *taxative*, vel *designative*. Si primo modo, sola quantitas appositæ est solvenda, vel condonanda; si secundo, tota illa tribuenda, quæ sub designatione cadit, licet quantitas appositam superet. Ad quod discernendum hanc statuunt communiter Regulam. Si dispositio contrahentis a quantitate incipiat, dici debet appositæ taxative; ut si quis dicat, dono titulo legati amico meo centum aureos, quos in vidulo sepositos habeo; licet in eo sint bis centum, nonnisi tamen centum sunt erogandi: & e contra si dicat,

lego puellæ pauperi aureos in vidulo contentos, qui centum sunt; tunc omnes aurei in eo contenti sunt erogandi, licet designatum numerum excedant. Verum plures juris canonici Scriptores, & præsertim Cardinalis de Luca, non usquequaque certam arbitrantur hanc regulam, sed aliunde esse contrahentis mentem detegendam, & determinandam; quod mihi verosimilis videtur.

CONSECTARIUM SEXTUM.

VI. Contractus conditione aliqua honesta, & licita affecti, ea purificata absoluti evadunt, quin opus sit novo consensu, excepto tamen contractu matrimonii. Incipiunt nonnulli Theologi, inter quos Concina, qui probabilius censent, novum requiri consensum. Quia inquit, primus consensus absolutus non fuit, & perfectus; & impletio conditionis non potest præstitum consensum perficere; cum ille amplius non extet. Verum oppositum, quod in consecario statui, mihi probabilius videtur. Nam 1. sufficiens habetur consensus, licet conditionatus, ad pariendam obligationem; adeo ut uterque contrahens sit alteri de re convenia obnoxius, nec pro suo arbitrio possit rescire, sed expectandus sit conditionis eventus: alioquin si sufficiens deesset ad pariendam obligationem consensus, posset alteruter, altero invito, a pacto rescire; quod tamen nemo dicit. Præterea si qua perfectio deest contractui, hæc tota pendebat a conditione, qua posita jam nihil deest perfecto, & absoluto contractui. Consensus vero præstitus, licet in se transierit, nec amplius extet, remanet tamen virtualiter in obligatione per ipsum inducta: omnes enim contractus unico actu voluntatis, & paucis verbis perficiuntur; &

tamen per plures annos permanere concipiuntur in inducta obligatione: ut videre est in locatione domus per decennium, quæ nuda aliquo, vel uno verbo perficitur, & tamen per decennium perseverare concipitur: quia consensus semel prælitus remanet, & durat in suscepta obligatione. Ita in contractu conditionato consensus obligationem parit, & in ipsa obligatione perseverat, quæ purificata conditione urget executionem, quin alius requiratur consensus. Merito tamen excipitur matrimonium. 1. Quia Ecclesiæ legibus præcipitur in matrimonio consensus de præfenti; consensus autem sub futura conditione non videtur omnino de præfenti, proinde novus necessarius est consensus ad ipsius valorem. 2. Quia cum matrimonium ex indole sua perpetuitatem, & firmitatem talem importet, ut ne quidem mutuo contrahentium consensu dissolvi possit, talis requiritur consensus, qui ejus perpetuitatem impedire non possit: talis autem non est consensus a futura pendens conditione; nam si ante illius implementationem cum alia femina absolutum contrahatur matrimonium, hoc posterius, non primum validum reputabitur. Non sufficit igitur consensus prælitus sub aliqua conditione. Denique sic disertè docet D. Thom. in 4. dist. 29. q. 1. a. 3. q. 3. in sol. 3. scribens: „ Si con-
ditio sit de futuro, aut est necessaria,
sicut solem oriri cras; & tunc est
matrimonium; quia talia futura jam
sunt præfentia in suis causis: aut est
contingens, sicut datio pecuniæ, vel
acceptatio pretium; & tunc idem
est judicium de tali consensu sicut
de consensu, qui fit per verba de
futuro: unde non facit matrimo-
nium “.

VII. Consecratoria de juramentis contractibus adjectis habentur in Dissert. 1. de Juramento cap. 9. ubi repetenda.

CAPUT DUODECIMUM.

De duobus adjunctis contractuum, mora scilicet, & pœna conventionali, nec non de fine contractuum.

D O C T R I N A.

- I. *Quid, & quotuplex sit mora.*
- II. *Quenam conditiones requirantur ad contrahendam moram. 1. exponitur.*
- III. *Explicatur secunda, & tertia conditio.*
- IV. *Exponitur ultima conditio.*
- V. *Num mora purgari possit.*
- VI. *Pœna conventionalis quid, & quotuplex sit.*
- VII. *Pœnam conventionalem contractibus addere absolute non est illicitum.*
- VIII. *Prohibetur tamen a Legibus eam aliquibus contractibus apponere.*
- IX. *Mutuo adjecta semper est usura palium.*
- X. *Quot modis finiuntur contractus.*
- XI. *Nullitas contractus eos perimit.*
- XII. *Causæ nullitatis in contractibus declarantur.*
- XIII. *Revocatione finiuntur contractus.*
- XIV. *Num possint unius tantum consensu revocari.*
- XV. *Extinctione obligationis finis contractibus imponitur.*

I. **C**ONTINGERE non raro solet in humanis contractibus, ut alteruter contrahentium sit in mora adimplendi, quod mutuo consensu statutum est: sic frequenter emptorē pretium jam traditarum mercium negligunt solvere, vel locationis pretium; & vicissim venditor pecunia accepta rem venditam

ditam emptori tradere differt. De hac igitur mora hic generatim differendum est; nam pensiculatorius erit de illa animadvertendum in singularibus aliquibus contractibus. Mora a Juristis definitur: *Culpabilis transgressio diei disti pro executione contractus*. A Theologis vero definitur: *solvendi debiti injusta, & frustratoria dilatio*. Hæc mora duplex est, alia quæ irregularis dicitur, & oritur ex ipsa re accepta; alia regularis ex persona creditoris. Prima locum habet in omnibus contractibus, in quibus præfinita est dies executionis; ut si quis mercem emat cum pacto solvendi pretium post mensem, elapso termino ipsa dies urget, ne solutio differatur. Posterior vero invenitur in pactis, in quibus dies solum in confuso designatus fuit; ut si tibi vestem vendam, accepturus pretium post reditum tuum in locum, vel post peractum, quam aggrederis navigationem; tunc enim ad creditorem perinet & diem præfinire, & debitorem interpellare, qui si adhuc differat reddere, erit debitor morosus ex persona.

II. Ad veram autem, & culpabilem incurrendam moram nonnullæ ab Actoribus conditiones necessariæ reputantur, nimirum 1. Subsistentia debiti. 2. Scientia debitoris. 3. Legitima interpellatio. 4. Adventus diei. 5. Carentia legitimæ exceptionis. Et primam quidem conditionem esse de re jure naturæ necessariam inscisci nemo potest. Hinc in contractu nullo, usurario, simoniaco, aut ad facinus perpetrandum inito, mora committi non potest, quia obligatio non subsistit. Immo etiam si debitum extet, sed liquidum nequaquam sit, adhuc moræ culpabilis locus non est: adeoque pendente lite, mora incursi non potest, quoadusque per sen-

tentiam Judicis debitum liquidetur. Si tamen in foro conscientie quis certo agnoscat se debitorem, esse id Actor in judicio probare non possit, mora teneri, & ad effectus illius coram Deo, dubitandum non est. Similiter non est morosus debitor, si debitum certo constet, sed ejus quantitas nondum sit liquida: c. ex. Si per adnumerationem, vel adpensionem, vel per divisionem bonorum in hæreditate, vel per ratiocinia quantitas rei debite sit æstimanda.

III. Circa 2. conditionem, ignorantia debitoris excusans a mora, duplex esse potest, vel quoad debitum, vel quoad terminum. Ceterum culpabilis ignorantia, puta crassa & spina, minime sufficit ad excusandum; hæc enim in jure pro scientia reputatur. Circa 3. conditionem digladiantur inter se Juristæ, utrum ad contrahendam moram necessaria sit interpellatio, & supposita ejus necessitate, utrum judicialis esse debeat, vel etiam extrajudicialis sufficiat. Sed hæc quæstiones potius ad forum contentiosum spectare videntur, quam ad materiam contractuum, prout a Theologis consideratur. Jure naturæ spectato, videtur nulla interpellatione opus esse; quapropter in causis plis jura illam non requirunt. Ipsamet enim obligatio in foro conscientie interpellat; & quidem si contractus purus fuerit absque ulla videlicet temporis designatione; interpellatio supervacanea existimari debet: quia quando non apponitur dies, præsens intelligitur; nisi forte locus adjunctus spatium temporis, quo perveniri ad eum possit, desideret. Si vero contractus fuerit ad diem, hic ipse interpellat. Et semum in contractu conditionato conditionis impletio vicem obtinet interpellationis. Solum igitur, ut

ut diximus, interpellatio necessaria videtur, quando dies solum in confuso fuerit designatus. Hinc de 4. conditione nihil aliud notandum occurrit.

IV. De 5. conditione observandum, plures exceptiones, vel peremptorias, vel tantummodo dilatorias reperiri in jure, & ab Auctoris referri, quæ a committenda mora debitorem excusant. Aliquas tantum celebriores enumerabimus. 1. Impossibilitas juris, vel facti, si nimirum res conventa effecta fuerit vel illicita, vel prohibita. 2. Si creditor obligationem suam non impleverit; qui enim pro parte sua est in mora, alterius moram accusare non debet; & paria delicta mutua compensatione purgantur. 3. Si impedimentum aliquod supervenerit iuste adprobandum, ut si naufragium, pluvie, tempestates, morbus gravis & diuturnus, pestilentia, aut belli pericula moram causaverint; quando enim contrahentes determinatum apponunt diem, excepti semper intelliguntur hujusmodi casus fortuiti & fatales. 4. Si debitor denuntiaverit, & obtulerit solutionem, ita ut per eum non steterit, quin mora evitaretur. 5. Si creditor per concessionem dilationis inducias dederit. 6. Si privilegium aliquod a jure tributum fuerit alicui generi personarum, ne moram committere possint, ut sunt Minores, Ecclesiæ, Communitates &c. item qui absunt ob negotia Reipublicæ, moram nunquam incurrunt beneficio legis, nisi judicialiter interpellentur.

V. Quomodo autem legitimæ exceptionis beneficio potest mora evitari; sic postquam commissa, & contracta fuit, potest, ut ita dicam, aboleri per purgationem, quæ tamen locum non habet, si ab ipsa lege mora imposita, vel post litum contestatam,

Patuzzi Theol. Moral. Tom. V.

Nunquam etiam ad hoc deservit purgatio, ut principalis fors non solvatur; quia debitum fortis non est effectus moræ, sed præcedentis obligationis, & contractus. Solum ergo valet ad evitandam fructuum, vel damnorum, vel periculi rei lutionem, seu etiam ad evadendas pœnas legales, & conventionales impositas moræ. Ceterum nec sola debitoris voluntate, nec etiam decreto judicis sine consensu creditoris potest mora purgari, nisi ad summum duobus in casibus, scilicet, vel quando minimum est, quod ratione moræ deberetur, vel quando minimum temporis post moram elapsum fuerit. Quapropter solum ex creditoris expressa, vel tacita voluntate dependet, ut mora purgetur. Et quidem, dum intervenit expressa creditoris remissio, res est perspicua; sed quando præsumi possit interpretativa ejusdem indulgentia, controversia subest. Unum admittere casum videntur Auctores, nimirum quando creditor recipit solutionem fortis diutius post moram, quin tamen exigat fructus, vel damna post moram sequuta. Et tamen hic casus multis limitatur exceptionibus, præcipue quando creditoris personam sustinent Ecclesiæ, Communitas, Minores, similesque personæ, quibus jura specialiter favent; respectu siquidem horum moram nunquam purgari contendunt.

VI. Ad impediendam vero hanc moram, & ad contractum firmandam executionem humana solertia cum avaritia conjuncta pœnam excogitavit adiiciendam contractibus, & a moroso exectore solvendam. Hec autem pœna alia est naturalis, alia legalis, alia denique privata, & conventionalis. Prima sistit in onere solvendi, & reparandi damna ex morosa solutione alteri con-

trahentium obvenientia, ut ipsa iustitiæ ratio postulat: & hæc, ut videbimus in corollariis, est naturalis effectus ipsius moræ. Pœna vero legalis vel ab ipsa lege, vel a iudicibus imponitur, ut præceptis ejus pareatur; & vocari solet multa pecuniaria, quæ ab inobedientibus exigitur. Pœna vero conventionalis est, quæ ex consensione partium adjungitur contractui contra eum, qui fidem non solverit, aut debito tempore promissum non impleverit. Et hæc rursus duplex esse potest, nimirum alia sita in denegatione beneficii, vel lucri percipiendi; ut si quis rem credito menti dicat, nisi post mensem pretium prompte solveris, non amplius tibi credito vendam, vel arte tua utar: alia vero, quæ consistit in diminutione patrimonii, per quam scilicet alter obtrahitur certam pecuniæ quantitatem solvere, si fidem statuto tempore non servaverit. Et quidem priorem pœnam justè imponi posse nullus est, qui ambigat: est enim denegatio beneficii indebiti, & qui ei pœnæ subijcitur, nihil admittit; sed solum lucrum, aut beneficium non percipit, ad quod nullum jus habet. Est igitur solum disputandum de altera pœna, quæ vere, & propriè talis est, num videlicet licite contrahibus apponi possit. Sunt enim plures Theologi, qui negant, aliis quidem, & magni nominis, & plurimis affirmantibus: ipse, quod mihi probabilius videtur, libere promam.

VII. 1. Contrahibus pœnam conventionalem apponere, quibusdam servariæ conditionibus, non est absolute illicitum. 2. A jure tamen merito prohibetur eam aliquibus contrahibus apponere. 3. In mutuo vero semper est usuræ pallium, proinde nullo modo licita. Tres partes habet posita assertio, quarum primam

sic ostendo. Hæc oppositio pœnæ nihil in se continet injustum: etenim & consensu utriusque partis imponitur, & ordinatur ad rectum finem, videlicet ad fidelem contractus executionem: & sicut aliis cautionibus, puta promissoria, juratoria, pignoratitia, hypothecaria prospicere sibi potest creditor, ne ab alio contrahente fallatur; ita & pœnæ injunctio, quæ videtur medium efficacius ad executionem sollicitandam.

2. In jure canonico permittitur, ut licita, pœna conventionalis adjecta contrahibus: nam Innoc. IV. cap. *In suam de Pœnit.* statuit: "Notandum, pœnam impositam in conventionione partium licere exigere, dummodo intentio sit recta, scilicet, ut pareatur placitis, & non ad usuram, vel lucrum; sed secus esset, si pœna apponita esset in fraudem usurariam". 3. Ita sentiunt plurimi magni nominis Theologi, & Jurisperiti, S. Antoninus 2. p. tit. 1. cap. 7. §. 24. Henricus a S. Ignatio, Genettus, Juveninus, Gabriel Antoine, alique ab ipsis citati. Nonnullæ tamen conditiones ab Auctoribus afferuntur necessario servandæ, ut pœna conventionalis justè adhibeatur. 1. Est, ut non nisi in ipsa conventionione imponatur: neque enim licet ex intervallo, & post contractum jam firmatum eam apponere, vel exigere: semel enim conventis stare oportet, & quod placuit, amplius displicere non debet: nam si in ipsa conventionione imponatur pœna, prospicere sibi potest alter contrahens, & examinare, utrum e re sua sit tali gravamini se subijcere, ad contractum jam peracto novum onus imponere esset contra fidem, & æquitatem. 2. Est, ut debitor vere sit in mora culpabili: nam si culpa caret, juridicam moram non contrahit; ac proinde nec pœnæ subijci

ei potest, quæ solius culpæ causa imponitur; Et idem iudicium est, si mora contracta non sit admodum notabilis, sed juxta contractuum qualitatem aliquantulum executio promissi differatur.

3. Ne imponatur spe lucri acquirendi, sed revera ad urgendam executionem.

4. Condicio est, ut sit moderata. Si enim quæ ab ipsis legibus, & iudicibus etiam pro gravibus delictis; pænæ imponuntur, convenit esse moderatas, quanto magis quæ privata potestate indicuntur? hic enim majus periculum occurrit, ut æquitas lædatur. Sed quanta debeat esse moderatio pænæ conventionalis, non ita facile est definire, cum Auctores primum hac de re suam mentem declarent; sed remittendum dicunt æquitati, & prudentiæ paciscentium, spectata natura contractus, conditionibus contrahentium, & temporis concessa diuturnitate, vel brevitate.

VIII. Altera vero pars, quæ asserit veritatem esse a legibus, aliquibus contractibus pœnam conventionalem apponere, constat ex utroque jure, in quo prohibetur in sponsalibus, Matrimonio, nec non professione Religiosa indicta pœna ad eos celebrandos obligare; cum hi contractus plena debeant libertate iniri, quam non leviter imminuit adjunctæ pænæ solvendæ onus impositum, ut late probat Sanchez de Matrim. lib. 1. disp. 30. & nos suo loco latius ostendimus.

IX. Tertiam vero partem, quam plures incendant Theologi, arbitantes, sicut aliis contractibus, ita & mutuo licere pœnam conventionalem apponere, nos utpote probabiliter defendimus, & sic luculenter evincimus. Et primo quidem contractui mutui pœnam apponere vetant plura Guillæ Tribunalia, seu ut vocant Parlamenta, ut

testatur Juveninus, seu Auctor Resolur. Casuum Conscientiæ Tr. 16. de Usur. cap. 4. Immo Pontasius, Hibertus censent, sententias iudicum, condemnantium morosos debitores ad aliquid solvendum creditori, solum comprehendere damnum ex mora creditori obvenit, quod si non adsit, ad aliquid ultra sortem dandum non compellere. Unde hanc Regulam statuit Natal. Alex. lib. 3. n. 7. "Constitutio Regia, & sententia iudicis sola præsumptione nituntur damni accepti, vel lucri amissi," a creditore, ad cuius compensationem definiunt, vel adjudicant id, quod interest; quamobrem si nullum damnum pariat, nullo lucro prius, vel, nihil ultra sortem exigere potest, aut percipere. . . Itaque si debitoris mora nullum damnum intulerit, nullum lucrum interruperit, creditor, nihil ultra sortem sine, usuræ vitio, fœnerisque labe exigere potest." Ita etiam sentiunt plerique juris periti ab Honorato Leonardo citati, immo & ipsa Romana Rota servare solet, ut testatur Cardinalis Mantica.

2. Pœnam hanc conventionalem mutuo solum apponi ad palliandam usuram invicta ostendunt argumenta, a Concina latius exposita, & hinc compendiose collecta. Nam vel mutuator pœnam adjicit, quia timet sortis amissionem, si statuto tempore non reddatur; & sic convincitur reus usuræ: quidquid enim exigitur ob periculum sortis amittendæ, usurarium est, ut suo loco ostendimus; nec pœna apposta valet ad reddendum mutuatores securum de restitutione sortis: si enim præstituto tempore non valet sortem restituere, multo minus poterit pœnam conventionalem solvere; qui enim minus non potest, multo minus, quod plus est, solvere nequit. 2. Vel

exigit pœnam ad evitandum damnum emergens, vel (si lubet) lucrum cessans; & tunc quidem poterit exigere, quod sibi intereat, ne mora committeretur, & debitor morosus hæc damna in foro conscientie facere tenetur: verum hæc non est conventionalis pœna, sed iustitæ debitum, non a contrahentibus taxandum, sed juxta leges iustitiæ, nec plus, nec minus, quam ipse exigunt, solvendum. Vel denique pœnam imponit, quia supponit debitorem futurum contumacem, & morosum in sorte restituendum. At quisnam moroso, & contumaci debitori suam pecuniam dare voluerit? Nonne sibi cavebit vel pignore, vel fidejussione, priusquam pecuniam exsolvat? Quod si debitor morosus ex culpa sit, & contumax, iudices sunt, & Tribunalia, quibus cogi poterit ad sortem restituendam, & ad damna reparanda. At reponunt, ad iudices confugere, Tribunalia adire & onerosum est, & sine dispendio fieri nequaquam potest. Sit ita. At huic ne malo obviam itur per pœnæ conventionalis impositionem? Minime gentium. Si enim debitor est morosus, & contumax in sorte solvenda; longe morosior erit, & contumacior in solvenda pœna: & tunc quomodo cogendus ad utrumque solvendum? nonne per iudicem, & per Forā? Non evitatur ergo hoc damnum pœnæ conventionis. Superest igitur, ut solum usuræ pallium præbeat pœna conventionalis. Quamobrem id locum habet, quod scribit S. Ambrosius lib. de Tobia cap. 24. *Quodcumque sorti accedit, usura est. Quod velis, ei nomen imponas (pœnæ conventionalis) usura est. Si licitum est, cur vocabulum refugis? Cur velamen obtexis? Si illicitum, cur inorementum requiris?* Sed de his fusius suo loco, ubi de Mutuo, & Usura tractabimus.

X. Antequam finem huic tractationi de Contractibus imponam, nonnulla supersunt dicenda de fine, & dissolutione contractuum. Porro quatuor modis contingit finire, & cessare contractus. 1. Nimirum per nullitatem, seu annulationem eorum. 2. Per voluntariam revocationem a contrahentibus factam. 3. Per dissolutionem, seu extinctionem obligationis in ipsis contractibus. 4. Per substitutionem in integrum, quibusdam personis, & causis concessam. Et quidem de hac postrema satis diximus superius, solum igitur de tribus prioribus est dicendum.

XI. Nullitas est quædam veluti violenta mors, qua contractus in ipso ortu, & conceptione tolluntur, veluti embryones in utero Matris suffocari, adeo ut solam apparentiam, vel umbram contractuum retineant. Est ergo nullitas defectus in essentialibus, vel accidentalibus, quo impediuntur effectus contractuum, seu impedimentum irritant eisdem effectus. Et quidem si essentialia deficient, indubitatim est nullus radi contractus. Addidi tamen etiam accidentalium defectum, quia & hic aliquando insit in nullitate contractuum: plura enim, quæ spectato jure naturæ ad substantiam contractuum non pertinent, jure positivo, vel voluntate contrahentium necessaria evadunt ad eorum valorem; adeo ut dici possit, hæc accidentalia ita requisita in substantia, & essentialia transire. Multifariam autem contingit contractus nullos enuntari; unde multiplex illorum divisio oritur. Alii enim dicuntur nulli jure naturæ, alii dumtaxat jure positivo. Prioris generis sunt, in quibus essentialia, & præcipue consensus deficient. Secundi generis sunt, in quibus deficient conditiones, non quidem ex natura sua

necessariæ, positivis tamen legibus omnino determinatæ pro contractuum subsistentia. 2. Alii sunt ipso jure, vel facto nulli, alii annullandi, seu irritandi. Ipso jure, vel facto nulli dicuntur, qui non expectant ullam sententiam, aut declarationem judicariam, ut pro nullis habeantur. Dicuntur autem irritandi, vel annullandi, si antequam per sententiam, aut declarationem suo robore priventur, non omni careant effectu. Hæc autem divisio his solis contractibus convenit, qui jure positivo valorem non habent. 3. Contractus alii dicuntur nulli, quia solum obligationem civilem non pariunt, esto obligationem naturalem retineant. Alii vero inter nullos computantur, quia nedum obligationem civilem non inducunt, sed etiam obligationem naturalem amittunt; quoniam jus positivum nedum suam assensum illis denegat, sed & positive resistit. 4. Contractus plerumque sunt nulli ex parte utriusque contrahentis; aliquando autem, sed hoc raro, ex parte unius tantum nullitatem habent, & claudicare dicuntur; ut sunt illi, qui sunt cum minoribus, & pupillis, vel filiis-familias sine consensu tutorum, vel parentum, vel metu extorquentur. Demum quandoque in hoc tantum sensu contractus nulli dicuntur, quia sunt ad nutum unius contrahentis revocabiles; ut donationes inter virum & uxorem, inter Patrem & filium, quæ traditione vallatæ non sunt, & morte firmatæ; licet interim, priusquam revocentur, suos habeant effectus.

XII. Causæ nullitatis contractuum ex quatuor capitibus desumuntur. 1. Et præcipuè ex defectu consensus, si vel absolute non adsit, vel non plena libertate præbeatur, ut pote ab eo qui nondum perfecto gaudet rationis usu. 2.

Ex parte contrahentium, qui ad contrahendum inhabiles existimantur, vel quia carent dominio, vel rerum suarum administrationem non obtinent. 3. Ex parte materiæ contractui subjactæ, quæ vel est sacra, vel publica, vel impossibilis, vel illicita &c. 4. Ex defectu formæ, quia nimirum aut essentialia contractus non perfecte exprimuntur, vel defunt solemnitates a jure præscriptæ pro ejusdem subsistentia, & valore, de quibus omnibus defectibus cum abunde superius dictum fuerit, non est, cur aliud in præsentiarum addamus. Solum est quæstio resolvenda, num videlicet contractus nullus possit postea reviviscere, & validitatem acquirere. Dicimus igitur nullum contractum, quæ a principio invalidus, sit posse decursu temporis validum fieri; etenim ait Regula 24. Jucis in 6. *Quod ab initio vitiosum est, non posse tractu temporis convalescere*. Cui consonat regula 18. *Non firmatur tractu temporis, quod ab initio de jure non subsistit*. Quod verum est, licet interea contingat auferri impedimentum, quod nullitatem inducebat; ut patet in professione Religiosa, & Matrimonio, quorum prima si emittatur ante ætatem a Tridentino præscriptam, non valet nequidem quando Professus ad ætatem requisitam pervenerit; & in altero, ut si quis contrahat cum muliere vivente ejus marito, non valet Matrimonium ne quidem post viri obitum. Si tamen contractus fuerit invalidus ex defectu consensus, dubium non est posito de novo consensu convalescere posse; ut patet in laudatis contractibus, matrimonio, & Religiosa professione. Ceterum non sufficit sola impedimenti remotio cum præcedente consensu ad firmandum contractum: consensus enim præcedens pro nihilo haberi debet, ut pote

pore præstitus durante impedimento, quod illum virtuosum efficiebat. Opportet igitur, ut hoc remoto novus consensus accedat, quo contractus olim nullus quodammodo instauratur, seu, verius loquendo, de novo celebretur; quamvis sæpe sæpius satis si hunc novum consensum tacite tantum, & æquivalenter adesse, ut alio loco clarius ostendatur. Dicitur etiam juramentum adjectum contractui, nullitatem ejus veluti sanare, quatenus, ut supra diximus, vis, quam non obtinet a virtute justitiæ, ipsi a Religione tribuitur.

XIII. Secundus modus, quo contractus dissolvitur, & finitur, est revocatio, quæ est veluti quedam mors voluntaria ejusdem. Definitur autem *revocatio voluntatis contrahendi per aliam contrariam voluntatem*. Quando autem hæc licite possit locum habere, sic explicatur. 1. Quilibet contractus ante acceptationem revocari potest etiam unius dumtaxat contrahentis voluntate; quia nondum est exorta obligatio, quæ utramque partem mutuo adstringat: deservit tamen revocatio, ne acceptatio subsæcra amplius afferat vim obligandi. 2. Quilibet contractus, etiam post acceptationem, mutuo utriusque partis consensu potest revocari: siquidem nemini injuriæ affert hujusmodi revocatio: & alioquin nihil magis naturale, quam per easdem causas aliquid dissolvi posse, per quas ortum habuit. Exciipiunt tamen matrimonium, & Religiosa professio, quia secum & perpetuitatem, & indissolubilitatem inseparabilem afferunt. 3. Non minus est certum, posse in ipsa conventionem inferri pactum de revocabilitate post certum tempus, vel secuta tali, vel tali conditione, vel ad libitum utriusque, vel etiam alterius tantum contrahen-

tis; ut patet in censu redimibili qui, est contractus licitus, & approbatus, in quo censuarius potest, quoties voluerit, reddita sorte, & fructibus decursis, censum dissolvere.

XIV. Difficultas est, & utrum contractus jam acceptati, nullum pactum de revocabilitate continentes, possint ex alterius tantum contrahentis voluntate revocari: quam sic breviter resolvimus. Distinguendum inter contractus gratuitos, & onerosos. Circa gratuitos jure communi antiquo revocare licebat omnes donationes (nam gratuiti contractus aut sunt donationes, aut illas continent) quantumvis acceptatas; dummodo secuta non fuisset traditio, etiam nulla causa revocationis extante. At Justinianus, ut patet ex legibus 1. & 6. in ff. de donationibus, hos quoque irrevocabiles declaravit, ita ut ob unicam tantum causam retrahari possint, videlicet ob ingratitudinem donataril, qua se reddat indignum beneficio promisso. Excipiendæ tamen sunt, ut jam superius monui, donationes inter Patrem & Filium, sub ejus potestate constituturæ: item donationes inter virum & uxorem, quæ, nisi morte donantis firmentur, revocabiles semper existimantur. Item mandatum semper revocari potest ad nutum mandantis, quoniam solum in ejus utilitatem collatum est; ac proinde congruit, ut precario concessum intelligatur, atque pro arbitrio mandantis durabile. Non sic autem concessio potestatis, vel secularis, vel spiritualis, quæ solis iustis de causis auferri potest; quoniam non in utilitatem concedentis data censetur, sed vel in illius commodum, qui ea potestate uti debet, vel in gratiam illorum, super quos exerceri debet. Præterquamquod aliud adeit discrimen: nam in mandato mandatar-

rius

rius est ille, qui donat, seu gratis operam suam præstat; sed in concessione potestatis donat ille, qui potestatem concedit. Quoad contractus vero onerosos disponit ius commune Romanum, ut ante traditionem solum contractus nominati irrevocabiles constituantur, non item innominati, qui ex libito unius partis, re adhuc in integro existente, dissolvi possunt. Verum hæc dispositio primum limitatur solum quoad forum externum, & obligationem civilem, quam leges non concedunt contractibus innominatis ante traditionem; quamvis ex illis resultans naturalis obligatio minime ablata sit iudicanda. 2. Eadem dispositio quoad contractus innominatos est, ut superius diximus, per ius Canonicum immutata, & etiam per leges civiles plurium Regnorum, qui actionem civilem tribuunt quibuscumque contractibus etiam innominatis post acceptationem, prævie etiam ad traditionem. Duo ergo tantum casus superesse videntur, in quibus ex unius partis voluntate contractus onerosi sunt revocabiles. Primum est, si intervenierit error, dolus, & metus dans causam contractui, nedum quoad substantialia (tunc enim iure naturæ contractus esset nullus) sed etiam quoad accidentalialia, ne videlicet ille, qui metum incutiendo, vel errore fovendo, præbuit causam contractui, commodum ex sua fraude reportet; & ille, qui læsus est, hac redintegratione privetur. Secundus casus est, si alter ex contrahentibus patis non steterit, & ex parte sua contractum non impleverit; quandoquidem omnes contractus onerosi hanc impli- cant conditionem, ut ab alterutra parte promissum servetur.

XV. Tertius denique modus, quo contractus dissolvantur, est obligationis

extinctio, quæ pluribus modis præter annulationem, & revocationem mutuo contrahentium consensu factam, contingere potest; videlicet 1. & principaliter per solutionem, qua contractus impletur; 2. per acceptilationem, hoc est remissionem debiti præstitam a creditore. 3. Per compensationem, hoc est per commutationem debiti cum credito. Per innovationem, hoc est per commutationem unius debiti in aliud alterius generis, & pluribus aliis modis, quos Iuristi enumerandos, & explicandos relinquimus; siue tales sint, ut obligatio omnino desinat; siue tales, ut una obligatio commutetur in aliam æquivalentem, ut per novi contractus celebrationem prior dissolutus, & finitus intelligatur.

CAPUT TERTIUMDECIMUM.

CONSECTARIA PRÆCEDENTIS
DOCTRINÆ.

- I. *Qui moram culpabilem incurrit, tenetur ad interesse.*
- II. *In morosum debitorem transfertur periculum rei conventæ.*
- III. *Locum pæna aliquando obtinet amissæ arræ, vel pignoris.*
- IV. *Ad solvendam pœnam conventionalem tenetur, qui fidem frangit, in conscientia, & ante omnem Iudicis sententiam, si a creditore exigatur.*

Reflexio.

CONSECTARIUM PRIMUM.

- I. **Q**UI moram culpabilem incurrit, tenetur ad interesse, id est quanti interfuit, moram non fuisse commissam. Interesse autem a Juristis definitur; æstimatio alicujus utilitatis non habita propter injussum alterius factum, vel injussum cessationem, cujusmodi est cessatio

tio solvendi, in qua mora consistit. Uno verbo, cum morosus debitor comparetur furi, non titulo injustæ ablationis, sed injustæ detentionis, ad ea omnia damna & pericula tenetur, quibus fur; proinde restituere debet fructus omnes, & accessiones rei conventæ, nec non damna omnia emergentia, ut in Tra& de Restit. satis explicabimus. Et revera nihil magis æquitati naturali conforme, quam ut creditor illæsus, & indemnis servetur a culpabili mora alterius contrahentis; & fides humana, quæ est humanorum societatis, & conventionum nervus, inviolata servetur, ac juxta regulam §. in 6. *Sua cuilibet mora nociva sit.* Porro creditor illæsus, & indemnis nequaquam præstatur, si aut careat fructibus, quos percipere potuisset ex re suo tempore sibi tradita, vel accessionibus, quæ eidem obvenerint post possessionem, vel nisi damna solvantur, quibus expositus fuerit ob solutionem dilatam.

CONSECTARIUM SECUNDUM.

II. In morosum ex culpa debitorem transfertur periculum rei conventæ. Veritas hujus consecutarii tali explicatione ostenditur. Siquidem ex culpabili mora hæc duo debitori oriuntur incommoda, quæ mira videri possunt, & contraria duobus principiis juris communis & naturalis. Unum est rem, quæ perit, domino suo perire. Alterum, eidem periculum rei convenire, ad quem pertinet ejusdem commodum. Sed culpabilis mora exceptionem quoad utrumque inducit: vi enim illius periculum rei competit debitori, etiam si ejus dominium ad ipsum non pertineat. Si c. ex. si quis commodato equum accipit per mensem, ante mensis elapsum ad commodantem pertinet periculum, sicut & dominium equi commodati; sed elapso

termino, & commodatario in mora culpabili constituto restitutionis equi, jam hic, si equus nedum ob culpam sive latam, sive levem, sive levissimam, sed etiam quocumque casu fortuito pereat, tenebitur ad æstimationem reddendam commodanti; eo prorsus modo, quod fur, & raptor periculum rei furtivæ, atque rapinæ in se suscipiunt. Ex alia parte commodum, & utilitas rei minime ad ipsum morosum debitorem pertinere existimanda est; quippe qui, ut præcedenti consecutario diximus, tenetur ad interesse fortis principalis creditori integre præstandum.

CONSECTARIUM TERTIUM.

III. Aliquando locum pœnæ conventionalis tenet amissio arrhæ, sive pignoris dati pro confirmatione contractus. Frequenter enim contingit, ut celebrato aliquo contractu præcipue cum aurigis, & veredariis arrha ab illis datur in securitatem conventionis, quam si fideliter servent, restitutionem accipiunt; si vero data fide deficiant, eam amittunt. Similiter in aliis contractibus ad firmitatem illorum, pars pretii trahitur, quæ in numero est habenda, quando consumitur contractus; at, si aliter resiliat, remanet alteri contrahentii. Hanc pœnam justam esse nemo ambigit; dummodo tamen qui resilit, injuste resiliat, & ex culpa: non enim justum est pœnam exigere, ubi culpa non est. Quamobrem nisi aliquod damnum subeat alter contrahentium, arrham resiliens sine culpa tenetur restituere. Ita & in sponsalibus datæ amittuntur arrhæ ab eo, qui a data fide ex culpa resilit.

CONSECTARIUM QUARTUM.

IV. Ad solvendam pœnam conventionalem tenetur, qui fidem frangit, in
con-

conscientiæ, & ante omnem Judicis sententiam, si a creditore exigatur. Non defunt Theologi, qui censent, posse debitorem expectare sententiam Judicis, ipsum ad pœnam conventionalem solvendam cogentia. Verum probabilius est, teneri solvere ad petitionem creditoris: quandoquidem iustitia postulat, ut pacta conventa iusta, & licita servantur in foro ipso conscientiæ. Porro sicut in foro conscientiæ ad celebratos implendos contractus quisque tenetur; ita & pœnam additam solvere, cum hæc vel ad ipsum contractum pertineat, vel novum constituat conditionatum pactum; & legibus standum sit, quas sibi ipsis paciscentes posuerunt. Potest tamen debitor expectare, ut a creditore pulsetur, qui si non petat, nec exigit, cum tamen possit, videretur liberaliter remittere. Immo in hisce pœnis, cuicumque contractui, præter mutuum, licitis, aliqua sunt notanda, tamquam æquitati conformia. 1. Nimirum ut in illis interpretandis benignior teneatur sententia juxta Regulam juris 15. in 6. *Odia restringi, & favores ampliari convenit*. Quapropter in dubio, utrum pœna debeatur, non deberi tenendum est, ne quis pro incerto debito, certo sua pecunia spoliatur. 2. Si pœna dividua sit, hoc est in partes divisibiles, & quoad partem contracta sit, quoad partem exit solvenda; c. ex. emissi mille modios tritici sub pœna decem aureorum, quingentos jam habuisti, recusat venditor alios quingentos dare, dimidiam tantum pœnam solvere debet. 3. Pœna non incurritur, nisi contractus nedum conventionale perfectus sit, sed etiam ex parte alterius contrahentis opere impletus. 4. Denique, pœnæ conventionales ad hæredes non transeunt, sed solum

Patuzzi Theol. Moral. Tom. V.

suosmet auctores alligant, ut definitur lege *sancimus* 22. Cod. de pœnis.

REFLEXIO.

Quis nesciat, contractus omnes, mutuaque commercia pro communi utilitate inventa fuisse, ut quæ alias superabundant, egentibus subministrarentur; & ut inquit S. Augustinus, *dando, & accipiendo inter se hominum per totum orbem diffusa societas necteretur*? Verum humana tolerantia lucrum in his sectando, licitum paravit naturæ desiderium vili emere & caro vendere, cum tamen non sit, nisi pravæ cupiditatis affectus. Quamobrem optime S. Thom. 2. 2. q. 77. a. 1. illud desiderium non esse naturæ, sed vitii, docuit; & ideo commune multis, quia multi per latam vitiorum viam spatiantur. Didicerat A.P. hanc veritatem ab Augustino lib. 13. de Trinit. cap. 3. qui hoc idem effatum, a sagaci Momo prolarum, & ab omnibus cum plausu exceptum, quippe qui vera ante omnium oculos constituta, & sibi improvisa dixisse admirabantur, falsum esse ostendit: quoniam „ cum revera (scribit I. I.) vitium sit, „ potest quisque adipisci hujusmodi justitiam, vel alicujus alterius vitii, „ quod huic contrarium sit, incurrere „ pessilentiam, qua huic resistat, & „ vincat. Nam scio hominem, cum „ venalis codex ei fuisset oblatas, pretii „ ejus ignarum, & ideo quidam „ exiguum poscentem cernebat „ venditorem, justum pretium, quod „ multo amplius erat, nec opinanti dedisse. Quid si etiam sit quisquam „ nequitia tanta possessus, ut vili vendat hereditatem, quam dimiserunt „ parentes, & caro emat, quæ consumunt libidines? Non est, ut opinor;

K

in-

„Incredibilis ista luxuries, & si que-
 „rantur tales, reperientur, aut etiam
 „non questui occurrent, qui nequitia
 „majore quam theatra, pronuntia-
 „tione theatrici Mimi insultent, ma-
 „gno pretio stupra emendo, parvo au-
 „tem rura vendendo. Largitionis etiam
 „gratia novius quosdam emisse fru-
 „menta carius, & vilius vendidisse ci-
 „vibus suis“. Verum quis est inter
 „Christianos negotiatores, qui ab hac
 „prava cupiditate se contineat, & non
 „potius id sibi quam maxime ab ipsa na-
 „tura concessum arbitretur? Et quod mi-
 „randum magis, & dolendum, quis ex
 „sacris Pœnitentiæ Ministris adeo est in
 „suo ministerio perfectus, ut de hoc mo-
 „neat negotiatores, corrigat, & studeat
 „emendare?

Verum venialis est ista cupiditas, si
 „cum illa conferatur nequitia, per quam
 „negotiatores ex alienis incommodis sibi
 „lucrum querunt, & honesti rationem
 „sua utilitate metiuntur, unde con-
 „surgunt, ut inquit S. August. serm. 361.
 „de Pœnit. n. 6. in vendendis & emendis
 „rebus caritatis, & vilitatis nota per-
 „versa, quis optant, (ut Enarrat. in
 „Psalm. 70. serm. 1. n. 17. subdit) pau-
 „peribus famam, quo passus carius vendere,
 „quod servaverit. Vel saltem, ut animad-
 „vertit D. Jac. Chrysostr. hom. 61. in
 „Matth. „Justi laboribus, & sudoribus
 „suis iniquum & vendendi, & emendi
 „modum adjiciunt, . . . hujus vitæ re-
 „bus additi, terræque affixi, ni-
 „hil non agunt, ut pecunias colligant
 „. . . . semperque facultates augere
 „student. Quis enarravit convicia his
 „de causis prolata, contumelias, sœ-
 „nera, usuras, pacta multa fraudem
 „habentia, impudentes negotiatio-
 „nes“. Verum hoc quam alienum sit
 „ab ipsa natura, ostendit D. Ambros. de

Offic. lib. 3. cap. 4. scribens: „Liquet
 „id expetendum, & tenendum omni-
 „bus, quod eadem singulorum sit uti-
 „litas, quæ sit universorum. Nihil ja-
 „dicandum utile, nisi quod in commu-
 „ne profit. Quomodo enim potest uni
 „prodesse, quod inutile sit omnibus?
 „Mihi certe non videtur, qui inutilis
 „est omnibus, sibi utilis esse posse.
 „Etenim si una lex naturæ omnibus,
 „una utique utilitas universorum. Quod
 „si una utilitas universorum, ad con-
 „sulendum itaque omnibus naturæ le-
 „ge constituimur. Non est ergo, qui
 „consultum velit alteri secundum na-
 „turam, nocere ei adversus legem na-
 „turæ. Etenim si qui in studio cur-
 „runt, ita feruntur præceptis infor-
 „mari atque instrui, ut unusquisque
 „celeritate, non fraude contendat,
 „cursuque quantum potest ad victoriam
 „properet, supplantare autem alterum
 „aut manu dejicere non auit; quanto
 „magis in hoc cursu vitæ istius sine
 „fraude alterius, & circumscripti-
 „onis querenda nobis victoria est“.

Hanc exquisitam legem multo magis
 „Christianos urgere, & premere osten-
 „dit idem SS. Pater, dum scribit cap.
 „3. „Hoc est conformari Christo, alie-
 „num non querere, nihil alteri de-
 „trahere, ut acquirat sibi, Christus
 „enim Dominus, cum esset in forma
 „Dei, exinanivit se, ut formam su-
 „sciperet hominî, quem operum suo-
 „rum locupletaret virtutibus. Tu er-
 „go expolias, quem Christus induit?
 „Tu exuis, quem vestivit Christus?
 „Hoc enim agis, quando alterius de-
 „timento tua commoda augeri spe-
 „tis. Considera, o homo, unde no-
 „men sumperis, ab humo utique,
 „quæ nihil cuiquam eripit, sed om-
 „nia largitur omnibus, & diversos ad
 „„usum

„ usum animantium fructus ministrat .
 „ Inde appellata humanitas specialis ,
 „ & domestica virtus hominis , qua
 „ confortem adjuvet . . . Hæc utique
 „ lex natura est , quæ nos ad omnem
 „ stringit humanitatem , ut alter alteri
 „ tamquam unius partes corporis de-
 „ feramus , nec detrahendum quidquam
 „ putemus , cum contra natura legem
 „ sit , non juvare . Sic enim nascimur ,
 „ ut consentiant membra membris , &
 „ alterum alteri adhæreat , & obse-
 „ quantur sibi mutuo ministerio . Quod
 „ si unum desit officio suo , impediun-
 „ tur cetera , ut si eruat oculum ma-
 „ nus , nonne sibi operis sui usum ne-
 „ gavit ? Si pedem vulneret , quanto-
 „ rum sibi actuum profectum inviderit ?
 „ Jam si in uno membro totum corpus
 „ violatur , utique in uno homine com-
 „ munitio totius humanitatis solvitur ,

„ violatur natura generis humani , &
 „ sanctæ Ecclesiæ congregatio , quæ in
 „ unum connexum corpus , atque com-
 „ pactum unitate fidei , & caritatis af-
 „ surgit . Christus quoque Dominus ,
 „ qui pro universis mortuus est , mer-
 „ cedem sanguinis sui evacuatam dolo-
 „ rit . Quid , quod etiam ipsa lex Do-
 „ mini hanc formam tenendam edo-
 „ cet , ut nihil alteri detrahas tui com-
 „ modi servandi gratia “ ?

Utinam hæc præ oculis teneant ho-
 mines in suis commerciis , & pactis ,
 non enim deerit & moderata utilitas ,
 & lucrum honestum , quo sibi non quæ
 insatiabilis cupiditas expetit , sed quæ
 humana necessitas exigit , comparent ,
 & bono publico prospicientes , ita tem-
 porali fruuntur felicitate , ut æternam
 non amittant .

TRACTATUS VII.

DE CONTRACTIBUS IN PARTICULARI

DISSERTATIO II.

ADISPUTATIONE de contractibus in genere ad particulares contra-
 ctus expendendos , & dilucidandos progredimur . Ab onerosis incipimus ,
 ut in principio polliciti sumus . Hi in plures species dividi possunt : nam
 alii ad absolutum rei dominium , alii ad solum usumfructum , alii ad solum usum
 transferendum ordinantur . Denique sunt contractus , in quibus fors , & for-
 tuna locum habet , quibus se contrahentes mutuo consensu subjiciunt , ut sunt
 societates , ludi , sponsores , assicuraciones &c. De his igitur hoc ordine dis-
 putabimus , in quatuor partes dissertationem nostram partientes , quæ in ca-
 pitula , & quoties amplitudo materie posularerit , in paragraphos dividuntur .
 Sic itaque :

PARS PRIMA

DE CONTRACTIBUS ONEROSIS REI DOMINIUM TRANSFERENTIBUS.

CAPUT PRIMUM.

De Emptione, & Venditione. Emptionis & Venditionis notio. Quinam bos contractus inire possint. Eorum materia explicatur.

DOCTRINA.

- I. Emptionis, & venditionis definitio.
- II. Quinam emere, & vendere possint.
- III. Quanam sit venditionis materia.
- IV. Quanam generatim vendere illicitum sit.
- V. Nonnulla peculiariter enumerantur.
- VI. Quales partes rei venditæ ad substantiam venditionis pertineant.
- VII. Quando defectus rei venditæ sint manifestandi. Nonnulla Regule. Regula I.
- VIII. Regula II. IX. Regula III.
- X. Regula IV.
- XI. Regula V. XII. Regula VI.



EMPTIO contractus est onerosus, quo rei dominium acquiritur per solutio pretio in pecunia; sicut & contra venditio est acquisitio pecunie pro merce data. Hinc emptionem, & venditionem duo sunt necessaria, nimirum ut rei dominium transferatur ex una parte, ex altera vero pecunia pretium solvatur. Si primum desit, erit non venditio, sed locatio, vel alius contractus. Si secundum, erit permutatio.

Unde statuitur in jure civili L. 1. §. 2. ff. de verb. signif. Si pecuniam dem, ut rem accipiam, emptio, & venditio est. Perfectæ censetur emptio, & venditio quantum ad utriusque contrahentis obligationem sola partium conventionem, quoad dominium vero, non nisi re tradita, vel persoluto pretio. Et hoc pacto ad concordiam revocari queunt diversi juris textus, qui contraria statuere videntur, ut cum Justinianus declarat in Instit. tit. de oblig. Consensu sunt obligationes in emptionibus, & venditionibus. Et rursus lib. 3. tit. 4. de emption. & vend. Emptio, & venditio contrahitur simul atque de pretio convenerit, quamvis nondum pretium numeratum sit. Contra vero statuere videtur §. utique, dum dicit, qui nondum emptori tradidit, rei adhuc ipse dominus est. Et dum generatim statuitur in Codice, traditionibus, non nudis pactis dominia rerum transferuntur. Sed de hoc fusius cap. 7. n. 1. & seq. Non censetur autem completæ emptio, & venditio, nec quoad obligationem, licet de pretio conventum sit, si emptor rem videre, gustare, explorare prius velit; ut enim habetur in L. 34. ff. de contract. empt. gustus ad hoc proficit, ut improbare liceat. Immo nec arthabonis traditione; quamvis enim, ut dicitur L. quod sæpe ff. de contr. empt. & vend. non eo pertineat, quasi sine arrha conventio nihil faciat, sed ut evidenti probari possit convenisse de pretio; nihilominus,

si confectio viget, ut deperditio ar-
habone contrahens rescire possit, signum
non est manifestum inducta obligatio-
nis, sed solum damni subeundi in amissi-
one artis, si alter rescit. Quod
multo magis verum est, si ad contra-
ctum requiratur Notarii instrumentum,
vel etiam privata scriptura: tunc enim
ante ipsam non censetur inducta obli-
gatio ex contractu, sed liberum est
atrique parti rescire.

II. Emere, & vendere possunt ii om-
nes, qui validos, & legitimos contra-
ctus celebrare valent, nec ab eis res-
pelluntur vel deficientia rationis, vel
domicii, vel legum prohibitione, ut
superius diximus in Tract. de Contr. in
commun. cap. 5. Solum inquirendum
est, num aliquis cogi possit ad rem
suam vendendam. Et quidem absolute
dicendum est, neminem cogi posse,
cum omnis contractus mutuo consensu,
& quidem libero perfici debeat. Excipi-
untur tamen cause publicae necessi-
tatis, vel utilitatis. Hinc urgente an-
nonae caritate possunt compelli a legi-
simis Potestatibus cives omnes ad tritu-
um, & alia ad victum necessaria, quae
illis superabundant, vendenda; sicut
& quando aliquid necessarium est vel ad
munimen, vel ad ornamentum Civita-
tis, puta domus, vel fundus, cogi po-
test possessor ad vendendum. Haec ta-
men coactio, ut patet, non nisi a pu-
blica indici potest auctoritate, non vero
a privata, nisi peculiari jure gaudeat,
vel privilegio rem recuperandi a possi-
dente, ut dicemus suo loco.

III. Materia vero venditionis sunt res
omnes, quas in contractum venire su-
perius diximus, ubi de contractu
materia tractavimus. Quamobrem opti-
mè statuitur L. 14. §. 1. ff. de contr.
empt. *Omnia rerum, quas quis habet,*

*vel possidet, vel persequi potest, vendi-
tio recte fit; quod vero vel natura, vel
gentium jus, vel mores civitatis commercia
exuerunt, eorum nulla venditio etc.* Sol-
um igitur quarundam rerum venditio-
nem, quae num licite vendi queant, du-
bium suboriri potest, expendemus.

IV. Primum certum est ea vendere lici-
tum non esse, quae non nisi male quis
uti potest. Ita expresse docet S. Thom.
2. 2. q. 169. a. 2. ad 4. Si qua ars
est ad faciendum aliqua opera, qui-
bus homines uti non possunt absque
peccato, per consequens artifices ta-
lia faciendo peccarent, ut pote pra-
bentes directae alii occasionem pec-
candi, puta si quis fabricaret idola,
vel aliqua ad cultum idololatriae per-
tinentia. Ea vero conficere, &
vendere, quis homo & bene, & male
uti potest, illicitum non esse subdit J.
D. scribens, Si qua vero ars sit, cu-
jus operibus homines possunt bene, &
male uti (sicut gladii, sagittae, & alia
huiusmodi) usus talium artium non
est peccatum: & haec solae artes sunt
dicendae. Unde Chrysostomus dicit
super Matth. hom. 50. *Eas solum ar-
tes oportet vocare, quae necessariiorem,
& eorum quae continent vitam nostram,
sunt tributive, & constructive.* Ter-
tio tamen loco optime monet: Si ta-
men operibus alicujus artis ut pluries
aliqui male urantur, quamvis de se
non sint illicitae, sunt tamen per of-
fscium Principis a civitate extirpan-
dae secundum documenta Platonis.
Quia ergo mulieres licite se possunt
ornare, vel ut conservent decorem
sui status, vel etiam aliquid superad-
dere, ut placeant viris, consequens
est quod artifices talium ornamenta-
rum non peccant in usu talis artis,
nisi forte inveniendo aliqua superflua,



15. *quod etiam ab eorum videtur, & ten-*
 20. *erum multa defendere oportet: etenim*
 25. *ad luxuriam deduxerunt necessitatem*
 30. *ejus corrumpentes; aditum autem male*
 35. *committentes* 40. *libil mun sup, mon*

V. Ex qua *ritibus* D. Thom. do-
 atrina sponte consequitur, non licere
 Judeis, Mahometanis, palisque infideli-
 bus ea vendere, aut ministrare, quæ
 superstitiosæ illarum sectarum ritibus in-
 serviunt, aut manum præbere in eo-
 rumdem templis erigendis, aut sacrile-
 gis ministris obeundis; ut diximus
 Tract. 5. de Fide cap. 10. Confess. 2.
 & laus differt. 3. de Carit. cap. 20.
 de cooperatione ad malum; sicut nec
 vendere matres, superstitiosas vel
 imagines, vel scripturas, vel avulor,
 in quibus demones inclusi putantur,
 nec famulos libellos, cum manifeste pa-
 teat, his non nisi male quolibet uti
 posse. 2. Nec quæ licita de se sunt,
 vendere conceditur, dum certum est ea
 non nisi ad malum usum emi, vel præ-
 dens suboritur dubium de tali abusu,
 Hinc S. August. ad Publicolam scribens,
 ait: *si de area, vel torculari tollatur*
aliquid ad sacrificia demoniorum, scienti-
bristiano, peccat, si fieri permittat, ubi
prohibere potest Quapropter non licet
 gladium vendere eimenti ad interficien-
 dum hominem, nec argentum usurario
 commodare, nec ebriis vinum vendere,
 nec fucos metreticibus. Plura hæc de
 se subiiciuntur in Confessariis.

VI. Rei immobilis venditæ partes
 omnes, sive essentielles, sive integra-
 tes, ad emptionem pertinent; nam
 omnes istæ rem integram constituunt.
 Hinc fuctus pendentes ex arboribus,
 segetes in agro geminantes venditæ in-
 telliguntur cum ipso fundo: ut enim ha-
 betur in L. 44. ff. de rei vendit. Pa-

Aut pendentes pars fundi videntur. Sic
qui domum vendidit puteum, vel fontem
habentem, & puteum, & fontem
vendidisse censendus est, immo & ca-
nales, & riuos, per quos aqua in pu-
teum, vel fontem prolabitur; & deni-
que omnia illa venditæ censentur, quæ
rei venditæ ita adherent ferro, clavi-
bus, & calce, ut sine vi evelli nequeant.
Partes vero quæ modo amoveri solent,
modo apponi, ut sunt fenestæ vitreæ,
rotulæ vel lignæ, vel metallicæ ad hau-
riendam aquam, claves fontium ad eos
vel aperien-dos, vel claudendos, & si-
milis, ad rem venditam pertinere cen-
sentur, si ad rei usum hæc jam applica-
tæ, non vero si, licet paratæ & dispo-
sitæ, nondum tamen fuerint ad usum
destinatæ. Ita definitur L. 17. §. 10.
ff. de empr. & vend. Ea quæ ex ædificiis
disiuncta sunt, ut respondentur, ædificiis
sunt; at quæ paratæ sunt, ut imponan-
tur, non sunt ædificiis. Hæc tamen mini-
me impedit, ne res immobilis vaneat,
licet pluribus etiam partibus vel neces-
sariis, vel integrantibus careat; dum-
modo tamen emptorem non lateat. Sic
licet emere domum, vel ædificium; licet
non nisi partibus constet, sine re-
cto, & cubiculis; sicut & partes rei
potest sibi reservare venditor in vendi-
tionem, dummodo cum emptore conven-
iat: sic licet agrum vendere, sed sine
fructibus vel pendensibus, vel orituris.
In rebus vero mobilibus res, quæ ab
ipso separari possunt, & sunt veluti ap-
pendices, tunc in venditione compre-
hensæ censendæ sunt, quando res cum
illis adjunctis venditioni exponatur: sic
vas aureum gemmis ornatum, & sequus
cum suis ornamentis, & phaleris vendi-
tionem exposta, licet & gemmæ, & pha-
leræ separari possint, venditæ tamen
censentur simul cum vase, & equo,
nisi

nisi aliter contrahentes conveniant.

VII. Rei, & mercis venditæ defectus quando fiat a venditore manifestandi, egregie docet S. Thom. 2. 2. q. 77. a. 2. ex cujus doctrina hæc Regulas statuimus.

REGULA PRIMA.

Quando rei venditæ defectus ad substantiam mercis pertinent, sunt a parte manifestandi; alioquin nedom illicitus, sed & nullus est contractus. Sic injuste agit, qui Calicem inauratum pro auro vendit, vitrum pro gemma &c. Ad hunc substantiam, & speciei defectum pertinet etiam permixtio; ut si quis vinum aqua mixtum pro mero vendat. Ita S. Thom. l. l. „ Circa rem, quæ venditur; unus defectus est secundum speciem rei: & hunc quidem defectum si venditor cognoscat in rem quam vendit, fraudem committit in venditione; unde venditio illicita redditur. Et hoc est quod dicitur contra quosdam Ita. 2. 22. *Argentum tuum versum est in scorum, vinum tuum mixtum est aquæ*; quod enim permixtum est, patitur defectum quantum ad speciem“.

REGULA SECUNDA.

VIII. Si vero mercis, seu rei venditæ defectus circa qualitatem versentur, quæ merces ineptam reddat, vel damnosam ementi, nec illos manifestet, dolosa est venditio, & injusta: atque ad restitutionem tenetur venditor, & damnorum compensationem. Ita D. Tho. „ Tertius defectus ex parte qualitatis, puta si aliquod animal infirmum vendat quasi sanum, quod si quis scienter fecerit, fraudem committit in venditione; unde est illicita venditio. Et in omnibus talibus non solum aliquis peccat injustam venditionem

faciendo, sed etiam ad restitutionem tenetur“. Et iterum art. 3. „ Venditor qui rem vendendam proponit, ex hoc ipso emptori damni, vel periculi occasionem, quod rem vitiosam ei offert, si ex ejus vitio damnum, vel periculum incurrere possit. Damnum quidem, si propter hujusmodi vitium res, quæ vendenda proponitur, minoris sit pretii; ipse vero propter hujusmodi vitium nihil de pretio subtrahat: periculum autem, si propter hujusmodi vitium usus rei redatur impeditus, vel noxius; puta si aliquis alicui vendat equum claudicantem pro veloci, vel ruinofam domum pro firma, vel cibum corruptum sive venenosum pro bono. Unde si hujusmodi vitia sint occulta, & ipse non detegat, erit illicita, & dolosa venditio; & tenetur venditor ad damni compensationem“. Confirmant & civiles Leges, nam L. r. §. 8. ff. de ædilit. ed. statuitur: *Si quid tale fuerit vitii, sive morbi, quod usum, ministeriumque hominis impediatur, id dabit redditioni locus*.

REGULA TERTIA.

IX. Si vero defectus vel sit manifestus, vel etiam occultus, sed ementi minime noxius, non tenetur venditor rei defectum manifestare, nisi interrogetur ab emptore; debet tamen mercis pretium debita, & iusta proportionem diminueret. Ita idem A. P. l. l. a. 3. scribens: „ Si vero vitium sit manifestum, puta cum equus est monoculus, vel cum usus rei, etiam non comperat venditori, potest tamen esse convenerit aliis, & si ipse propter hujusmodi vitium subtrahat quantum oportet de pretio, non tenetur ad manum, sed ad vitium rei: quia forte propter

„tec huiusmodi vitium emptor vellet
 „plus subtrahere de pretio quam esset
 „subtrahendum“. Unde potest licite
 venditor indemnitati sue consulere, vi-
 tium rei *ratendo*. Ita & in lege con-
 ceditur I. sup. l. ubi subditur, *dummodo*
meminerimus non utique quodlibet quam
levissimum efficere, ut morbosus, vitiosus-
que habeatur. Dixi tamen, si emptor
 non interroget, nam interroganti veri-
 tas est manifestanda: immo si venditor
 praevidet emptorem nec diminuto pre-
 tio rem illam empturum, tenetur etiam
 non rogatus defectum manifestare, ut
 sincere, & candide procedat negotia-
 rio, nec emptor de fraude conqueri
 possit. Unde optime docet Tullius a D.
 Thom. laud. hic art. 1. *tollendum est*
ex rebus contrahendis omne mendacium.

REGULA QUARTA.

X. Si defectus sit in quantitate, quia
 in pondere, vel mensura minus datum
 sit, quam dandum erat, valida erit
 venditio, sed illicita, & restitutione
 pars laesa facienda. Prosequitur D.
 Thom. art. 2. „Alius autem defectus
 „est secundum quantitatem, quæ per
 „mensuram cognoscitur: & ideo si
 „quis scienter utatur deficiente men-
 „sura in vendendo, fraudem commit-
 „tit: & est illicita venditio. Unde di-
 „citur Deuter. 25. 13. *Non habebis in*
sacculo diversa pondera, majus, &
minus; nec erit in domo tua modius
major, & minor: & postea subditur:
Abominatur enim Dominus eum, qui
facit hoc, & avertatur omnem inju-
sticiam“.

REGULA QUINTA.

XI. Si præfati defectus sive in sub-
 stantia, sive in qualitate, vel quantita-
 te contingant ignaro venditore, qui

rem bona fide vendit, a culpa quidem
 excusatur; verum tenetur emptorem
 indemnem reddere vel contractum re-
 scindendo, vel æqualitatem inducendo
 juxta supra expositas regulas. Ita Sanct.
 Thom. 2. 2. „Si vero, eo ignorante,
 „aliquis prædictorum defectum in re
 „vendita fuerit, venditor quidem non
 „peccat, quia facit injustum materia-
 „liter, nec ejus operatio est injusta
 „... Tenetur tamen, cum ad ejus
 „notitiam pervenerit, damnum recom-
 „pensare emptori“.

REGULA SEXTA.

XII. Quod de venditore diximus, est
 etiam emptori accommodandum, qui
 pariter, si deprehendat venditorem
 falli in sui detrimentum, vel substan-
 tiam, vel qualitatem rei ignorando,
 vel in quantitate errando, tenetur ei
 veritatem manifestare, & justum pre-
 tium juxta rei valorem, non juxta erro-
 rem venditoris persolvere. Unde
 subdit D. A. „Quod dictum est de ven-
 „ditore, etiam intelligendum est ex
 „parte emptoris. Contingit enim quan-
 „doque venditorem credere rem suam
 „esse minus pretiosam quantum ad
 „speciem; sicut si aliqua vendat au-
 „rum loco aurichalci, emptor, si id
 „cognoscat, injuste emit, & ad resti-
 „tutionem tenetur. Et eadem ratio
 „est de defectu qualitatis, & quanti-
 „tatis“.

CAPUS SECUNDUM.

CONSECTARIA PRÆCEDENTIS DOCTRINÆ.

- I. *Discrimen inter vendentes materiam,*
& opus suum, a vendentibus solum
laborem.
- II. *Hereditatem futuram vendere non li-*
cet.

III. Num fucos mulieribus vendere liceat.

IV. Num eartas luforias, taxillos ludentibus.

V. Fraudolenti venditores quinam.

VI. Nonnulla alia fraudari in materia venditionis.

VII. Num semper iniustus fit, qui rem unam pro alia vendit.

VIII. Quosnam libros indiscriminatim vendere non liceat.

IX. Ad quid teneatur rem defictuosam bona fide vendens.

CONSECTARIUM PRIMUM.

I. **ARTIFICES**, qui simul cum suo opere materiam petentibus tradunt, vere contractum venditionis celebrant; qui vero ad alterius petitionem materiam emunt, in qua postea artificialem formam inducunt, non rem vendunt, sed operam suam locant: quapropter illi & ipsa materia lucrari possunt; isti vero nullum lucrum ex ea accipere possunt. Hujus Consectarii veritas sola indiget explicatione. Fabri ferrarii, lignarii, calcearii, & ceteri omnes, qui merces elaboratas vendunt, non solum opus, & laborem suum vendere censentur, sed & ipsam materiam quam sibi emerunt, vel paratam semper habent, proinde & ex ipsa tamquam de re sua lucrari possunt: unde si materiam emerint pretio infimo, vel medio, summo vendere possunt. At contra qui pannum emunt, ut vellem conficiant, linum ut telam, lapides & ligna ad domum constituendam, ex praescripto contrahentis, nihil lucrari possunt praeter sui laboris mercedem, cum materiam emant non sibi, sed alteri, a quo proinde non nisi pretium, quod solverunt, exigere poterant. Sed de hoc suffus Cap. 5.

Patuzzi Tab. Mor. Tom. V.

CONSECTARIUM SECUNDUM.

II. Haereditatem, quam quis obtinere debet post alterius mortem, ipso vivente vendere non licet. Hoc enim lege vetatur, quae sancit, nullam esse huiusmodi venditionem, & eam fieri prohibet, ne quis ex eo occasionem arripiat alterius mortem desiderandi; imo venditorem inhabilem reddit ad capeffendam haereditatem illam, quam vivente possessore vendere audent. Habetur haec lex. ff. de his qui ut indignis.

CONSECTARIUM SECUNDUM.

III. Res, quarum usus & bonus esse potest, & malus, non licet iis vendere, de quibus prudens suboritur dubium, vel quos certo constat nonnisi ad pravam usum sibi comparare. Id manifeste patet: nam hoc esset alterius peccato cooperari. Ita docet S. Raynundus lib. 2. de negotiis secularibus §. 6. scribens: „ Ille peccat, quando ex „ qualitate Personae, vel temporis co- „ gnoscit, vel probabiliter dictum sibi „ conscientia, quod illa non querit nisi „ ad malum perpetuandum; tunc enim „ non debet illi vendere contra ta- „ lem conscientiam “. Quamobrem non licet meretricibus fucos, & ornamenta vendere, quae certo constat nonnisi ad pravam finem ab ipsis comparari. Immo & aliis honestis mulieribus fucos vendere semper illicitum praedicant Patres, qui nonnisi perverse suis vi mulieres sentiunt. Audiat D. Cyprianus a D. Thom. laudatus 2. 2. q. 169. a. 2. ad 2. *Non virgines tantum, & vir-
duas, sed & nuptas puto, & omnes om-
nino feminas admonendas, quod opus Dei,
& satisfactum ejus, & plasma adulterare
nullo modo debent, adbibito flavo colo-*
L

re,

re, vel nigro fulvere, vel rubore, aut quilibet lincamenta nativa corrumpente medicamine. Manus Deo infertur, quando illud quod ille formavit, reformare contendunt. Impugnatio est ista divini operis, prævaricatio est veritatis. Deum videre non poteris, quando oculi tibi non sunt, quos Deus fecit, sed quos diabolus inficit, de inimico tuo compta, cum illo pariter arsurus. Nec dissonat D. Thom. qui tom. I. sec. 2. in cap. 2. epist. 1. ad Timoth. scribit: „De fucato autem ornatu semper est peccatum, mulieribus enim non permittitur ornari nisi propter viros; & viri nolunt decipi, ut fucatæ eis appareant“ tum in Summa 2. 2. q. 169. a. 2. ad 2. ubi re-latis D. Cypri. verbis subdit: „Mulierum fucatio, de qua Cyprianus loquitur, est quedam species fictionis, quæ non potest esse sine peccato. Unde de Augustinus dicit in epist. ad Possidium: . . . Fucari pigmentis, quo rubundior, vel candidior appareat, adulterina fallacia est: qua non dubito etiam ipsos maritos se nolle decipi, quibus solis, scilicet maritis, permittenda sunt femina ornari secundum veniam, non secundum imperium. Non semper tamen talis fucatio est cum peccato, moralis, sed solum quando fit propter lasciviam, vel in contemptum Dei“. Optime tamen animadvertit, aliud esse fingere pulchritudinem non habitam, aliud occultare turpitudinem ex aliqua causa proveniente, puta egritudine, vel aliquo huiusmodi. Hinc colligit, non esse peccatum lethali damndum, sed & a culpa excusari posse honestas mulieres, quæ alicujus turpitudinis legendæ causa fucō uterentur, quamobrem talia istis vendere non erit illicitum. Quod magis verum est de ceteris mulierum ornamentis, de

quibus sapienter docet D. Thom. 1. q. 169. art. 2. ad 4. „Quia mulieres licite se possunt ornare, vel ut conservent decentiam sui status, vel etiam aliquid superaddere, ut placeant viris, consequens est, quod artifices talium ornamentorum non peccant in usu talis artis, nisi forte inveniendi aliqua superflua, & curiosa. Unde Chrysostomus dicit super Matth. 1. c. quod etiam ab arte calcerum, & textorum multa abscindere oportet: etenim ad luxuriam deducunt, necessitatem ejus corrumpentes, artem arti male committentes“. Quæ tamen postrema verba D. Thom. & S. Jo. Chrysost. sunt hiisce temporibus maxime pendenda, in quibus plurima ornamenta plane superflua, & curiosa, immo & vanissima inventa sunt.

CONSECTARIUM QUARTUM.

IV. Chartas luforias, aleas, taxillos vel in illis locis, vel illis vendere, vel alio modo ministrare, quos æro constat ad pravam usum petere, vel emere, peccatum esse lethale. Itaque aperte docet S. Raymundus 1. mox cit. Confirmat S. Antoninus in Summa 3. P. tit. 3. cap. 23. §. 13. scribens: „Videtur dicendum de factoribus, vel venditoribus alearum, taxillorum, chartarum, quod quia in pluribus hominibus utuntur his ad peccatum mortale propter avaritiam, quidem non videtur tales posse excusari mortali, si unde nec absolvi, nisi talia dimittant“. Et S. Carolus Borromeus in suis Instructionibus pro Confessariis cap. 5. aperit statum: „Nec absolvantur, quicumque peccatis mortalibus simul etiam eorum peccationes vitare non possunt, qui sunt qui domum tenent in hunc finem alii

„paratam, ut tabellis chartaceis, vel
„aleis ludant“. Signanter tamen dixi
„in illis locis, vel illis suppeditare“,
quando prudenter constet non nisi ad ma-
lum usum adhiberi: quia cum sine ra-
xillis, sive talis, sive chartis luforiis
quis possit non male uti, ludis nimi-
rum ex arte, & industria pendentibus,
& ad animi levamen, illis vel vende-
re, vel suppeditare peccatum non est.
Ratio autem primam postre doctrinæ
parrem satis clare evincit: nam non
minus malum est pravis ludis instru-
menta suppeditare, quam vel furem
a sjuvare, vel suppratori scalam susti-
nere, vel januam aperire, cum hæc
sine vera cooperatione ad peccatum esse
non possint.

CONSECTARIUM QUINTUM.

V. Fraudulenti sunt venditores, &
pretium diminuere, vel omnino con-
tractum rescindere tenentur, qui rem
inutilem, vel defectuosam proximo
ignoranti vendunt; ut qui militi equum
meticulosum, vel aliis domum ruinosa-
sam, animal scabiosum vendit; qui in
ore cadi, sacci, vel alterius vasis op-
timas merces ponit, dum interius la-
tentes deteriores sunt; qui emere vo-
lenti mercedem servandam ad longum
tempus tradit brevi corrumpendam; qui
arte defectus deculcat; qui merces spe-
cimen exhibet ab ipsa merce diversum.
Hi enim omnes peccant contra primam
& secundam Regulam cap. superiori
positam, & nocumentum afferunt pro-
ximo. De his loquitur S. Antoninus P.
2. tit. 1. cap. 70 §. 6. scribens: „Fit
„fraus, si venduntur carnes infectæ
„pro sanis, aromata antiquata, &
„virtute debilitata pro recentibus, li-
„ber corruptus, & falsus pro fide-
„li, corium fragile pro durabili, vinum

„corruptum pro sano, domus ruitura
„pro stabili & firma, pannus defe-
„ctuosus pro non defectuoso, & hu-
„iusmodi“.

CONSECTARIUM SEXTUM.

VI. Qui poscenti mercem puram,
defectatam, & optimam tradit vel per-
mixtam, vel minus perfectam, licet
pretium diminuatur, tamen fraudulenter
est venditor, & ad petitionem ementis
contractum rescindere tenetur, & si
quæ sint inde damna secuta, repa-
rare; quia qualitas ipsa mercis transit in
substantiam contractus, cum emptor
expresse paciscatur de merce optima,
& perfecta. Idem dicendum de peten-
te mercem alterius Regionis, ut pan-
num anglum, telam germanicam, se-
ricum gallicum, tradat domesticum,
vel nostratem, licet æqualis perfectio-
nis, & diminuto pretio; cum adhuc
emptorem decipiat, quidæ illa (for-
tassis inutili) qualitate paciscitur. Quæ
vero mercem suam alteri probandam,
gustandam, expendendam exhibeat,
quam alter puram, probatam, & per-
fectam ex imperitia putat, non illum
fraudat, si pretio vendat mercium
qualitati respondente, dummodo mer-
cis defectus non sit ementi perniciosus,
ut diximus Regula 2. nec emens sit
adeo rudis, hebes, & imperitus, ut
discrimen dignoscere non possit; tunc
enim illum monere deberet, & mani-
festare tum mercis deficientiam a per-
fectione, tum pretii diminutionem, ut
æquitatem contractus dignoscat.

CONSECTARIUM SEPTIMUM.

VII. Fieri quandoque potest, ut quis
tradens unam mercem pro alia non in-
iuste agat, quando diversitas sit omnino
materialis, inspecta ementis voluntate
L 2

& sine : ut contingit in medicina , in quibus Pharmacopolæ unum pro alio ponunt ; dummodo quod substituant , sit æqualis efficacitatis , & virtutis , & hoc de consensu Medici pharmacum præscribentis faciant , ac pretium adæquet substituti remedii valorem , cum tota ratio designari remedii sit salus infirmi , quam æqualiter utroque pharmaco obtineri posse supponimus ,

CONSECTARIUM OCTAVUM.

VIII. Peccant Bibliopolæ , & quidem gravissime , vendentes libros contra bonos mores ; vel Religionem indisciplinatum potentibus . Vix enim credi , aut dici potest , quantam animabus perniciem afferant hujusmodi pestilentes libri , qui totam pene nostram occupant Italiam , cui summæ perniciæ cooperiantur , qui ab exteris rationibus eos deferri student , & clanculum diffeminant & etiam nolentibus ingerunt . Inter libros bonis moribus insensos & illi sunt recensendi , qui romanenses , ut vocant , continent fabulas , quæ concupiscentiam excitant , artes , astus , modos docent , quibus puellæ , vel adulescentes parentes fallant , ut amatum , vel maritum sibi inveniant : quamobrem forent hujusmodi libelli urbe , & agro exterminandi , & præsertim e manibus juvenum eripiendi . Libros vero , sive hæreticorum , sive quoquo modo prohibitos , nonnisi ab Ecclesiastica potestate veniam legendi obtinentibus , & quorum sit doctrina cum pietate comperta , vendere licebit . At erit ne tuus in conscientia , qui hæreticos , vel prohibitos Libros , sed ob eruditionem aliquam utilitatem habentes , vel Bibliopoli vendat , vel commutat ? Theologum insipientem audiui , quippe qui sbebat , hujusmodi mercatores non ementium

delectum , sed unice majus lacrum inspicere . At hæc doctrina mihi nimium rigida videtur , & sic universim prolata Christianæ Caritati non omnino consona , cum perverso nitatur judicio de probitate vitiorum , qui ab urraque potestate , & Ecclesiastica , & civili pro hujusmodi mercium venditione , ceteris etiam statuta legibus , sunt adprobati . Puto itaque , nisi prudens suspicio oritur de Bibliopolæ avaritia , & improbitate , posse illis tuta conscientia vel vendi , vel aliorum librorum permutatione tradi ; sicut licet Pharmacopolis herbas , metalla , animalia venefica , & lethifera vendere .

CONSECTARIUM NONUM.

IX. Qui bona fide ignorans vendit mercem defectuofam , est quidem a fraudis culpa immunis , sed tenetur emptorem rescire , vel aliam perfectam mercem tradendo , vel pretium minuendo juxta æquitatem . Quod si emptorem moneat , ut rem attente consideret , priusquam emat , cum ipse nihil de ullo occulto defectu respondere velit , nihil quidem restitui re tenebitur detecto vitio , at pretium rei venditæ pro ratione periculi in emptorem rejecti debet diminuire . Similiter periti artifices , qui antiquorum vel Pictorum , vel Sculptorum opera ita egregie imitantur , ut & petros ipsos fallant , suum opus vendere non possunt , ac si vere antiquum esset , & vetustum , & Autoris illius , cui tribuitur ; hoc enim esset aperte fallere ementes : sed pro sua peritia majus aliquod pretium possunt exigere . Qui in agro latentem thesaurum novit , vel in hebarum fasciculo herbam pretiosam agnoscit , potest & agrum , & fasciculum emere consueto pretio , quin teneatur venditori rei pretiositate

tem aperire, cum res emat, quanti valent in communi ex estimatione, & ad finem, ad quem sunt de se in communi usu ordinatæ.

CAPUT TERTIUM.

De pretio rerum.

DOCTRINA.

- I. Non licet rem majori pretio vendere quam valeat.
- II. Nonnulla exceptiones.
- III. Pretium duplex, legale, & vulgare.
- IV. Vulgare pretium triplicem admittit latitudinem.
- V. Pretia affectionis, necessitatis, & licitationis. Nonnulla Regula.
- VI. Regula prima. VII. Regula secunda.
- VIII. Regula tertia. IX. Regula quarta.
- X. Regula quinta.
- XI. De rebus, quæ nec legale, nec vulgare pretium habere consensur.
- XII. De mercium exquisita, & singularis perfectionis pretio.
- XIII. Monopolia publica auctoritate licita sunt.
- XIV. Non vero privato industria arbitrio.
- XV. Licet sint de summo pretio licito.

I. **N**ATURALE principium est, non licere rem majori pretio vendere, quam revera valeat. Nam (scribit S. Thom. 2. 2. q. 77. a. 1.) emptio, & venditio videtur esse intraducta pro communi utilitate utriusque, dum scilicet unus indiget re alterius, & e converso... Quod autem pro communi utilitate indudum est, non debet esse magis in gravamen unius, quam alterius: & ideo debet secundum equalitatem rei inter eos contractus institui. Quantitas autem rei, quæ in usum hominis venit, mensuratur secundum pretium datum; ad quod est inventum numisma... Et ideo si vel pretium

excedat quantitatem valoris rei, vel e converso res excedat pretium, tollitur justitiæ equalitas. Et ideo carius vendere, vel vilius emere rem, quam valeat, est secundum se injustum, & illicitum. Ex qua doctrina colligit S. D. 1. omnem in vendendo fraudem vetari, unde subdit: "Fraudem adhibere ad hoc, quod, aliquid plus justo pretio vendatur, omnino peccatum est, inquantum aliquis decipit proximum in damnum ipsius. Unde & Tullius dicit... Tollendum est igitur in rebus contrahendis omne mendacium: non licitatur rem venditor, nec qui contra se licetur, emptor apponat". Hec postrema Romani Oratoris verba, quæ diverso modo ab eruditissimis leguntur, significant, neminem esse in subhastatione subornandum, qui vel plus justo venditori offerat ad fallendum emptorem, vel in hujus gratiam longe minus offerat ad cogendum hoc pacto venditorem, ut ab emptore majus pretium, quod obtulerit, accipiat. Licitor enim in subhastatione illo audit, qui pretium offert mercis propositæ majus, vel minus illo, quod ab aliis offertur, frequentius vero majus. Colligitur quoque ex A. P. doctrina, etiam sine fraude non licere majus accipere, quam rea valeat, tunc enim pariter justitiæ tolleretur æqualitas.

II. Hæc tamen doctrina aliquam non refugit exceptionem ab ipso D. A. indicatam, scilicet tunc licere plus rem vendere, quam in se valeat, quando nimirum qui vendit præter rei privationem, damnum aliquod subire cogitur, ut ementi afferat utilitatem; dummodo tamen emptori suum ex venditione nocumentum aperiat, ut sciat, eum rem carius emere cogatur. Subdit itaque S. Thom. l. 1. „Alio modo pos-

„su-

„ sumus loqui de emptione, & vendi-
 „ tione, secundum quod per accidens
 „ cedit in utilitatem unius, & detri-
 „ mentum alterius; puta cum aliquis
 „ multum indiget habere rem aliquam,
 „ alius læditur, si ea careat; & in
 „ tali casu iustum pretium erit, ut non
 „ solum respiciatur ad rem quæ vendi-
 „ tur, sed ad damnum quod venditor
 „ ex venditione incurrit. Et sic licite
 „ poterit aliquid vendi plus quam va-
 „ leat secundum se, quamvis non ven-
 „ datur plus quam valeat habenti“. Absit tamen, ut idem liceat, quando
 res quæ venditur, solum in utilitatem
 etiam magnam redundet emptoris, cum
 utilitas rei ad ejus pretium constituen-
 dum non sit secundum privatam utili-
 tatem pensanda, sed secundum vulga-
 rem, & communem; alioquin aliquid
 cum re venderetur, quod non est ven-
 ditoris, sed ementis. Audiatur D.
 Thom. qui statim subdit: „ Si autem
 „ aliquis multum juvetur ex re alterius
 „ quam accepit, ille vero qui vendit,
 „ non damnificetur carendo re illa,
 „ non debet eam supervendere: quia
 „ utilitas quæ alteri accrescit, non est
 „ ex vendente, sed ex conditione
 „ ementis. Nullus autem debet ven-
 „ dere alteri quod non est suum; licet
 „ possit ei vendere damnum quod pati-
 „ tur. Ille tamen qui ex re alterius
 „ accepta multum juvatur, potest pro-
 „ pria sponte aliquid vendenti super-
 „ rogare; quod pertinet ad ejus hone-
 „ statem“. Nec sibi adversatur D. A.
 dum q. 13. de malo a. 4. ad 14. op-
 positum docere videtur, scribens: „
 „ Qui emit rem aliquam, pro ea iuste
 „ dar, quantum valet, non quantum
 „ ille qui vendit, ex ejus carentia da-
 „ mnificatur“. Nam hic loquitur de
 sponte vendente rem suam, non ad

emptoris petitionem; ut si artifex spon-
 te suæ artis instrumentum venderet,
 quo sibi victum comparat, non enim
 teneretur, qui emit, illud carius emere,
 quam valeat, quia illud vendens
 etiam grave damnum subit.

III. Porro pretium juxta communem
 tum Jurisperitorum, tum Theologorum
 doctrinam duplex assignatur, nimirum
 1. legale, seu legitimum, 2. Naturale,
 seu vulgare. Primum illud est, quod
 est a Lege taxatum: & hic ex parte
 vendentis sine injustitia augeri non po-
 test, licet ab emente etiam minoris res
 eni possit: quia ut plurimum hoc lega-
 le pretium ita constituitur, ut ven-
 ditor non plaris rem suam vendat; non
 vetat tamen, ut, si maluerit, etiam
 minori pretio dīstrahere valeat. Et de
 hoc pretio scribit S. Thom. art. 2. ad
 2. *In unquoque loco ad rectores civitatis
 pertinet determinare, quæ sint iuste men-
 suræ rerum venalium, pensatis conditioni-
 bus locorum, & rerum. Et ideo hæc men-
 suræ publicæ auctoritate, vel consuetudi-
 ne institutas præterire non licet.* Vulgare
 vero, seu naturale pretium est, quod
 a communi hominum pendet æstimatio-
 ne, & iudicio. Et de hoc pretio loqui-
 tur S. Thom. dum l. l. a. 1. r. ad 1.
 docet: *Istud pretium rerum non est pun-
 ctualiter determinatum, sed magis in
 qualiam æstimatione consistit; ita quod
 modica additio, vel minutio non videtur
 tollere æqualitatem iustitiæ.* Animadver-
 terat autem D. T. 5. Eth. lect. 4.
 quod „ Res non appetuntur secundum
 „ dignitatem naturæ ipsorum; alioquin
 „ mus, quod est animal sensibile, ma-
 „ joris pretii esset quam unio vel ada-
 „ mas, quæ res sunt inanimes. Sed
 „ rebus pretia imponuntur, secundum
 „ quod homines indigent eis ad suum
 „ usum“. Quod & repetit hic a. 2.
 ad

ad 3. producta D. Aug. auctoritate lib.
11. de Civ. Dei cap. 16. scribentis :
„ Pretium rerum venalium non confi-
„ deratur secundum gradum naturæ ,
„ cum quandoque pluri vendatur unus
„ equus , quam unus seivus ; sed con-
„ sideratur , secundum quod res in
„ usum hominis veniunt “.

IV. Cum igitur hocce volgare præ-
tium latitudinem admittat , tres illius
gradus constituunt Theologi , nimirum
infimum , seu pium , medium sive mo-
deratum , & supremum sive rigorosum .
Infra pium seu infimum pretium emere
& supra rigorosum seu supremum ven-
dere sine iniuria non licet ; intra ta-
men horum graduum latitudinem emere ,
& vendere licitum est . Hanc au-
tem horum graduum latitudinem emere ,
qui ad amissionem exacte , præsertim
respectu diversi generis mercium , sta-
tuere possit , & determinare : sed per-
itorum , & piorum iudicio est relinquen-
dum . Hæc tamen regula non incongrua
videtur , quam ex Collationibus Parisien-
sibus assertit Tournelius cap. 1. de Vend.
art. 4. nimirum pretii latitudinem esse
mercis valori , & pretiositati commen-
surandam . Quapropter quo pretiosior
est res , latius dilatanter gradus pretii :
sic mercis , cujus pretium medium est
ex centum estimatur , infimum erit
nonaginta quinque , supremum vero ul-
tra centum & quinque non extenden-
dum : quod si pretium medium sit de-
cem , infimum erit novem , & undecim
supremum . Illud etiam animadverten-
dum , rerum pretia ex triplici capite
reperi posse , nimirum ex maiori , vel
minori communi utilitate rei , ex ipsius
mercis vel abundantia , vel deficientia ,
& denique ex cunctis , vel venden-

tium copia , vel paucitate . Hinc ex
primis capite res , quæ pluribus utiles
sunt , carius venduntur , quam quæ so-
lum paucioribus inserviunt : ex secundo
quando uberior messis est , & frumenti
copia , vilius est illius pretium , quod
magis crescit annonæ caritate : & ex
tertio capite in postremis nundinarum
diebus , vel proxime ejus finem sequen-
tibus vilius venduntur merces , quam
antea ; quia tunc pauciores sunt empto-
res , & mercatorum interest merces
suas cum minori lucro vendere , quam
cum dispendio alio transferre .

V. Tria alia etiam distingui possunt
pretia rerum , nimirum affectionis , ut
vocant , necessitatis , & licitationis .
Tituli affectionis , & necessitatis esse
possunt in utroque contrahente : nam
venditorem rem ita diligere contingit ,
ut ægre ea se privet ; & emptor ita esse
potest rei cupidus , ut vehementer illam
obtinere desideret . Similiter idem de
necessitate dicendum : nam alter ea pre-
sups rem suam vendere cogitur , alter
emere . In licitatione vero merces quo-
dammodo aleæ , & sortis exponuntur .
Inquirunt itaque Theologi , num hæc
titulis rerum pretium ita augeatur , ut
carius emi , vel decrescat , ut vilius ju-
sto pretio vendi possint . Ego has Regu-
las puto præ oculis habendas .

REGULA PRIMA.

VI. Emptis affectus , cupiditas , &
desiderium rem habendi non est iudis
titulus augendi pretium rei ultra com-
mune . Desumpta est hæc Regula ex S.
Th. 1. sup. 1. cujus verba in art. 1.
repetere juvat : „ Si quis multum fu-
„ vetur ex re alterius , quam accipit ,
„ ille vero qui vendit non damnificetur
„ ea-

„carendo re illa, non debet eam su-
 „pervendere: quia utilitas quæ alteri
 „accrescit, non est ex vendente, sed
 „ex conditione ementis. Nullus au-
 „tem debet vendere alteri, quod non
 „est suum; licet possit ei vendere dam-
 „num quod patitur“. Quod si hoc
 verum est, quando res vendita multum
 afferat utilitatis ementi, multo magis
 verum erit, quando solum in emente
 adest desiderium, affectus, & cupiditas
 rei habendæ; cum hæc non sint vendi-
 toris, sed ementis, nec rem in se vel
 pretiosiores efficiat, vel utiliores. Hinc
 injuste carius supra justum pretium ven-
 ditur ager, vel domus contermina eo
 solo titulo, quia emptor se dilatare cupit.

REGULA SECUNDA.

VII. Affectus vendentis esse potest
 justus titulus rem carius vendendi, si
 rationalis sit, & intra æquitatis ter-
 minos pretium maneat. Non desunt
 Theologi, qui adversantur, & censent
 pretium augendum non esse ex affectu
 vendentis, quando res nullum majus
 affert emptori commodum, vel ven-
 denti damnum. Communiter tamen
 Theologi regulæ nostræ assentiuntur,
 dummodo in venditione sequentes for-
 ventur conditiones: nimirum 1. res sit
 venditio, & non ficta accepta,
 & pretiosa, scilicet quia est res pater-
 na, avita, a Principe donata, & simi-
 lia; hæc enim in communi existimatio-
 ne censentur majori pretio æstimabilia.
 2. Pretii augmentum non ad libitum
 vendentis æstimetur, sed juxta pruden-
 tium, & piorum judicium. Quapropter
 qui affectu teneri erga rem suam testan-
 tur, hoc debent emptori indicare, &
 postea vel omnino emptionem recusare,
 vel, si vendere volunt, illud pretium

exigere, quod arbitrarium judicio ad-
 equatum & rei, & affectui reputabitur.

REGULA TERTIA.

VIII. Necessitas proximi rem suam
 vendentis non est justus titulus emendi
 infra infimum rei valorem; sicut nec
 necessitas ementis pretii valorem auget.
 Probabilistæ primam vendentis necessi-
 tatem inter justos titulos diminutionis
 pretii enumerant, quippe quia hæc ne-
 cessitas præstat, mercedi fieri ultro-
 neas, ac proinde pretio multum decre-
 scere. Verum hanc doctrinam merito falsam,
 & scandali plenam appellat Concina,
 cum publica, non privata necessitas re
 pretium augere possit; & hoc est pau-
 perem opprimere, & de ejus miseria,
 & egestate lucrum facere: quod quan-
 tum nedum caritati, sed & justitiæ, ac
 naturali æquitati repugnet, nemo non
 videt. Alteram vero necessitatem a ju-
 sto augendi pretium titulo aperte ex-
 cludit D. Thom. q. 13. de Malo art.
 4. ad 7. scribens: „Non licet vende-
 „re alicui in necessitate constituto rem
 „aliquam multo amplius, quam valet,
 „esset enim injusta venditio“. Et re-
 vera, si oppositum verum esset, lice-
 ret graviter ægrotanti pharmacum su-
 pra justum pretium vendere, quia esset
 illi maxime necessarium. Immo hæc S.
 D. doctrina etiam primam regulæ nos-
 træ partem confirmat: si enim neces-
 sitas emptoris non excusat a culpa ven-
 ditorem, qui rem supra justum pretium
 vendit; ita nec vendentis necessitas po-
 terit emptorem ab injustitia excusare,
 si rem infra justum pretium emat, cum
 par sit utriusque contractus conditio.

REGULA QUARTA.

IX. Tunc solum mercium pretium
 decrevit, quando illæ ultro offerun-
 tur;

tur; ejusmodi sunt, quæ per proxenetas, vel per vicos, & plateas vendendæ circumferuntur, vel exponuntur, sive emantur in favorem venditoris ultro mercem offerentis, quæ alias non emerentur, utpote nec utiles, nec commodæ ementi: dummodo tamen & caritatis, & æquitatis regulæ serventur. Patet hæc regula, quia hujusmodi mercium spontanea oblatio, quæ non ex privata oritur necessitate, ostendit paucitatem ementium, & rei ipsius abundantiam, quæ merces vilescere faciunt: unde est adagium, *merces ultro nea vilescunt*. Semper tamen in his contractibus præ oculis habenda naturalis æquitas, quæ ita propriam quærare utilitatem permittit, ut alteri non inferat nocumentum. Hinc probare non possum, quæ statuunt pro hisce ultro-neis venditionibus, & emptionibus, regulas nonnulli Theologi, docentes licere vel dimidia, vel tertia justæ pretii etiam infimæ parte rem emere. At puro attendendas esse circumstantias tum vendentis, & ementis, tum temporis, tum rei, ac etiam præsentium, & piorum judicium in hujusmodi contractibus: quia etiam istæ ultro-neæ venditiones suum commune pretium habere censentur.

REGULA QUINTA.

X. Res, quæ sub hasta venduntur, pretium fumunt à licitatoribus. Cum enim hæc venditio publica semper fiat potestate, pretium quodammodo legale res accipiunt, quod est illud majus quod offertur: ideoque tali pretio rem illam vendere, & emere licet, etsi fortassis vel sit minus vulgari, & consuetudine infimo pretio, vel majus, & supra summum pretendatur: in priori enim casu licitam reddite emptionem publica pote-

stas; in posteriori vero suæ imperitiæ tribuere debet, qui supra summum pretium offert. Procul autem sint, oportet, à licitatione fraudes omnes tum ex parte venditoris, tum ex emptionis parte: ille siquidem, ne aliquos subornet, & subdituat, qui sic hæc majus offerant pretium, ut licitatores veros decipiant; iste, ne fraude, dolo, minis impediat alios, ne pretium augeant, ut sibi res minori pretio detur: sicut & ex parte Ministrorum fraudes sunt, si eo die res sub hasta ponant, in quibus probe sciunt paucos licitatores futuros, ut sic illis, quibus favere volunt, res minimo pretio decernantur.

XI. Sunt etiam in humanis rebus merces quædam, quæ nec legale sive legitimum, nec commune sive vulgare pretium habere censentur; ejusmodi sunt rariores quædam generis, antiquorum Pictorum, vel Sculpiorum opera, equi rariores, canes venatici, & similia: sunt & in aliqua arte, non necessaria, nec utili, sed ad voluptatem capiendam ordinata, peritissimi, ut celeberrimi musici, saltatrices singulares, Fidicines, Tibicines, & aliorum instrumentorum pulsatores excellentissimi, alique hujusce generis. Inquirant igitur Theologi, num illa pro ementis, vel vendentis arbitrio, sive excedenti, sive minimo pretio vendi, & emi possint; & isti operam suam locare, quanti maximi sibi placuerit, vel alter conducere quanti minimi. Id licitum censent non pauci Theologi, & quidem magni nominis, Sotus, Toletus, Bannes, & alii, nisi tum lege, tum ratione. Nam L. 1. ff. ad Senat. Consult. Trebellianum statuit: *Tantum res valet, quantum vendi potest*: quæ lex, inquit, profecto locum habere non potest, nisi in harum rerum generibus,

M

EJ.M

cum cetera, quæ communi utilitati, vel commoditati deferunt, vel vulgare, vel legitimum pretium nanciscantur. Et revera subdunt, cum huiusmodi res humanæ vitæ non solum necessaria, vel utiles seu commodæ non sint, sed plane inutiles, superflue, vanæ, eorum pretium est ista vana festinantium arbitrio dimittendum, ut una ex parte alii suæ vanitatis onus sentiant in maximo pretio pro re inutili persolvendo, & ex altera parte alii experiantur artis suæ inutilitatem, quando quanti minimi operam suam dare, vel præstare coguntur. Verum probabilior certe dicenda est aliorum Theologorum doctrina, qui ex opposito sentent, & ista suam pretii latitudinem admittere, ultra quam progressi sine iniuria nullus queat; nam & ista, licet plerisque singularibus inutilia videantur, & vana, in communi sunt tamen alicujus usus, & in humano commercio suam utilitatem, & commodum nanciscuntur. Habentur proinde & periti harum rerum existimatores, qui spectata antiquitate, raritate, præexcellencia mercis, vel operum justum pronunciare possunt de rei, vel operis valore judicium; & istorum judicio standum est, non privato arbitrio vendentis. Patendum tamen in istis majorem pretii latitudinem esse admittendam, & quæ non a solo, ut ita dicam, intrinseco valore pendet, sed etiam a circumstantiis loci, temporis, conditionis tum ementis, tum vendentis, ex quibus sit, ut hæc rariora, & singularia modo plurimum valeant, modo non nisi mediocri pretio vendantur. Dum autem lex statuit, res tantum valere, quantum vendi potest, cum generalis sit, non est, cur coarctetur ad hæc rariora; sed intelligenda est de valore istius latitudinem justii pretii, & solum

indicare, merces posse vel summo, vel medio, vel infimo pretio distrahi, prout se se offert occasio.

XII. Idem dicendum & de mercibus exquisitæ perfectionis, & singularis bonitatis, puta vinum bimum, vel trimum, generosum, triticum delectum, purum, ponderosum: hæc enim vendi possunt ultra pretium vulgare, & commune, etiam a lege taxatum. Sicut enim merces inferiores, & viliores infra justum pretium vendi debent; ita supra illud vendi poterunt, quæ præstantiores sunt, & perfectiores: eo vel maxime quod pretium, sive vulgare, sive legale respicit semper merces, prout sunt in communi usu, proinde non completur illas, quæ ob singularem perfectionem nec abundant, nec sunt in communi usu, sicut nec illas, quæ ob exilitatem, & deterioritatem a plerisque respiciuntur. Duo tamen sunt notanda ad justitiam in hisce contractibus servandam, nimirum 1. ut rei perfectio sit evidens, & notabilis, 2. ut pretium ejus perfectioni respondeat; ita ut sit proportio inter perfectionem rei, & augmentum pretii, quod juxta peritorum sensum est judicandum.

XIII. Justo, & legitimo pretio adversantur Monopolia, si privata fiant auctoritate. Monopolii nomine designatur conspiratio, & conventio plurimum de quopiam mercis genere emendo, vel vendendo, & quidem pretio ab ipse designato. Sunt equidem certa mercium, vel artefactorum genera, quæ a quibusdam solum vel vendi, vel elaborari concedere potest, & solet publica Potestas, quando id postulet commune bonum, sive ut illorum mercium major sit copia, sive ut artificum industria in artefactis condigno pretio afficiatur, & de expensis habitis in opere adinvenien-

do, vel elaborando compententur, Quando autem, & quibus sit hocce privilegium concedendum, cognoscere pertinet ad supremum Communitatis Præsidentem, cui cura communis boni incumbit. Quod si hoc privilegium obtineat quis dolo, fraude, falsis expositionibus, minime tutus est in conscientia; cum semper præsumptione, & communis boni utilitate nitatur concessio, qua deficiente nullum est in foro conscientiæ privilegium. Monent etiam Theologi in talis gratiæ concessione pretium esse taxandum, maxime si merces sint Communitati vel necessariæ, vel valde utiles, & communis usus, ne concessio favore abutantur, nimium pretium augendo. Sed de hoc legali Monopolio satis. De privatis Monopoliis fufus dicendum.

XIV. Quatuor modis hæc Monopolia fieri solent. 1. Quando Mercatores, vel alii simul conveniunt de aliqua merce emenda, vel vendenda nonnisi certo pretio. Interdicitur hocce Monopolium L. *Jubemus* Cod. de Monopoliis faciente: *Jubemus, ne quis illiis habitis conventionibus conjuret, vel pacifatur, ut species diversorum corporum negotiationis non minoris, quam inter se statuerint, venundetur.* 2. Si Mercatores, vel alii conveniat de certo mercis genere ab ipsis emendo, ut deficientibus aliis venditoribus, qui eo indigent, cogantur ab ipsis emere, & quidem caro pretio. De his scribit S. Raymundus lib. 1. tit. de U. r. §. 5. „ Illos credo „ tamquam nefandas belluas detestandos, „ eos, qui ea intentione emunt aureos, „ vel alias monetas, vel res venales, „ & præcipue victualia, ut de talibus „ carissimam inducant“. 3. Quando præfati dolis, & fraudibus impediunt, ne merces ex aliis civitatibus transvehan-

tur, ut ipsi suas summo, & rigoroso pretio vendant; vel dolis, & minia impediunt, ne alii eas merces emant, quas ipsi sibi viliori pretio comparare volunt. Vetatur hoc Monopolium L. *Julia de Annona*, indicendo: *Eadem lege continetur, ne quis navem, nautamque retineat, aut dolo malo faciat, quo quis detineatur.* Notandum tamen, posse Communitatis supremum Principem interdicere, ne exterarum Regionum merces in suum deferantur Principatum, ne propriæ vilescant, & pecunia ad alias Regiones transferatur. 4. Quando artifices conveniunt de aliquo opere ab alio incepto, a nullo ipsorum perficiendo: nisi tali pretio, vel gravioribus appositis conditionibus. Hoc quoque monopolium interdicitur L. 11. §. 8. de opere publico, decernente: *Nullus id perficere prohibeatur, quod ab altero acceptum opus fuerit, quod præsumi cognovimus a quibusdam artificibus, vel reductoribus, nec iis qui ipsi coperint, suum imponentibus, nec alios id perficere sinentibus, atque inde damnum intolerabile inferentibus iis, qui domos suos fabricari cupiunt.* Sunt & alia Monopoliorum genera ab Auctoribus enumerata, quæ humana avaritia, & auri sacra fames excogitavit: at ad has quatuor classes facile revocari possunt. Porro horum injustitia manifeste pater, cum bono communi adversentur, & libertatem laeserant negotiationis, coganturque cives res, quas mediocri pretio obtinere possent, nonnisi rigoroso, & excedente sibi comparare.

XV. Minime vero ab hac injustitia excusantur, licet conveniant de merce vendenda summo pretio intra limites justii preni: nam hoc ipsum iniquum est cogere ad emendum summo pretio, cum quilibet jus habeat, ne impediatur ab em-

emptione facienda medio, vel infimo pretio; ut enim docet S. Thom. hic qu. 77. a. 3. *dare alicui occasionem periculi, vel damni est illicitum*. Immo nec illi, qui in Monopolio minime consentiunt, nequeunt res easdem solum summo, & rigorofo pretio vendere, quidquid in oppositum doceant Salmaticenses alios Theologes laudantes: nam cum pretium illud ab iniustitia profectum sit, semper iniustitiam retinet, ac bono communi nocet; & licet in iniustitiam non conferantur passio & conventionne, consentiunt tamen executione. Ita quidem optime docuerat recentior Probabiliorista tr. 10. cap. 8. §. 5. n. 5. qui tamen quod una manu edificat, altera, statim destruit, dum subdit; *Quod si velit vendere pretio summo, vendat eo pretio, dummodo qualitas mercis correspondeat; at non quia per monopolium constituto, sed quia ita sibi jus competit*. Hoc enim est confugere ad probabilitudinem dirigendæ intentionis methodum, quam salte ridet Paschalis ep. 7. nimirum peccabit vendendo summo pretio, si ea intentione vendat, quia tale pretium per monopolium investum est; non peccabit vero, si vendat ea intentione, ut utatur jure suo. Cum autem facile sit, & utilissimum hanc intentionem efformare, sic semper licebit vendere pretio summo, & ita cum monopolio in iniquitate pretii innocenter convenire. Præterea, nonne ipse aperte antea docuit, non licere, nec innocenti vendere pretio per monopolium constituto, quia illicitum est contra caritatem, & iustitiam? quomodo igitur posset affirmat, innocenti jus esse vendendi summo pretio? si jus habet, licite potest vendere; si licite non potest vendere, jus nullum obtinet ad vendendum summo pretio. Propterea non juxta ve-

ritatem, & æquitatem sic doctrinam suam concludit, *consultum est, ut aliquando vendat pretio medio; nam non consilium est, sed præceptum, non libertatis, sed necessitatis, ut aliquando merces suas non solum medio, sed & infimo vendat pretio, nec unquam recuset mercem emptori nolenti dare nisi pretium medium, vel infimum; cum & in ipso infimo pretio lucrum suum consequatur, & ita soleant christiani, & prudentes mercatores se gerere, qui, dummodo aliquid lucrentur, merces emptoribus concedunt*. Absit vero, ut dicere possit emptori ad extorquendum summum pretium, non invenies minori pretio: hoc enim esset Monopolio re, & facto consentire.

CAPUT QUARTUM.

CONSECTARIA PRÆCEDENTIS DOCTRINE.

- I. *Non licet fraudibus inducere emptorem ad rem cavius emendam.*
- II. *Num liceat mercimonia exercentibus cavius vendere.*
- III. *Pretium legale quomodo nec augere liceat, nec minuere.*
- IV. *Quid, si pretium legale sit manifeste injustum?*
- V. *Num liceat summo pretio vendere, vel infimo emere ob dilatam, vel anticipatam solutionem?*
- VI. *Num liceat Mercatoribus pretium augere, dum credito vendunt.*
- VII. *Licet illis vendere pretio corrente, etsi sciant brevi minuendum.*
- VIII. *Num liceat debitoribus suum debitum a creditore redimere minori pretio.*
- IX. *Num liceat thirographa, & credita minori pretio emere.*
- X. *Non licet emptori gravamen aliquod im-*

ponere supra taxati pretii solutionem.

XI. Num sit illicitum artefacta aurea, & argentea solo spectato metalli pretio emere.

XII. Num liceat emptoribus, & venditoribus convenire de remissione damni, vel lucri.

CONSECTARIUM PRIMUM.

I. **N**ON licet fraudibus, mendaciisque inducere emptorem ad rem carius emendam, licet venditor fistat intra latitudinem iusti pretii. Quamvis enim concessum sit, etiam supremo, & rigoroso pretio rem vendere; ad hoc tamen eminentem inducere dolis, fraudibus, & mendaciis minime licet, jubente Apostolo 1. ad Thessal. Scitis quæ præcepta dederim vobis per Dominum Jesum Christum . . . ne quis supergrediatur, neque circumveniat in negotio fratrem suum, quoniam vindex est Dominus. Peccant igitur vendentes, dum jurant, & testantur, mercem sibi tanti stare, tanti emisse, emptor vero jurat minori pretio sibi oblatam, ut aliter ad summum pretium solvendum trahat, aliter vero ut non nisi finisimum pendat; peccant, inquam, non solius mendacii, & perjurii causa, sed contra justitiam & æquitatem, quam violant, alterum inducendo ad dandum pretium, vel mercem, quam non dedisset, nisi tali fallacia circumventus. Nec obstat, hujusmodi fraudes communes sint inter vendentes, & ementes: nam multitudo peccantium, & frequentia peccatorum ipsorum, malitiam minime tollit. Multoque magis peccant, & fraudem committunt, qui falsos rumores evulgant vel de naufragio navium merces advehentium, vel de caritate mercis in

Regionibus, ex quibus asportantur, vel de impedimentis apponendis ad eorum transvectionem, ex quibus augentur mercium pretia, ut ipsi suas carius vendant; proindeque ad restitutionem tenentur.

CONSECTARIUM SECUNDUM.

II. Non est illicitum Mercatoribus merces carius vendere, quam vendatur ab aliis mercataram non exercentibus, sicut & dum minutatim vendunt, quam cum in cumulo. Ratio primæ partis est, quia Mercatores, cum in communem utilitatem mercataram exercent, plures subeunt in comparandis, conservandisque mercibus expensas, vestigalia etiam, & gabellas solvere debent, ac arte sua lucrum sibi comparare; quæ omnia in mercium pretio sunt computanda; quamobrem communiter merces in eorum manibus plus valent, quam in manibus privatorum. Iusti tamen limites prætergredi illis minime fas est; licet fortassis in mercium translatione graves subierint expensas, vel damna passi sint: nam mercatura forti subjacet, & variis fortune casibus, & aliquando loco lucri detrimentum affert. Solum igitur communes expensæ, ac consueta pericula, non vero quæ extra ordinem contingunt, sunt in pretio rerum ponendæ. Alterius vero partis ratio est, quia in minuta venditione & majores occurrunt expensæ, & labores, quorum ratio habenda est.

CONSECTARIUM TERTIUM.

III. Pretium legale in indivisibili situm est; nec illud vel augere, vel diminueri licet. Certum est enim supremos Reipublicæ Moderatores potestare polliceri rerum pretia in commune bonum de-

habet; quod tunc correspondet necessitati, ut patet manifeste, præcipue in pane, vino, oleo, aliisque ad victum necessariis; in quibus primo, & principaliter non tam rei qualitas ab ementibus inspicitur, quam quantitas, in qua si fraudentur, in necessariis fraudantur. Quamobrem huic ponderis, vel mensuræ diminutioni acquiescere non valeo: eo vel maxime quod sine certo ementium scandalo fieri vix posse puto; quippe qui & facile præfatam imminutionem deprehendere possunt, & iniustitiam taxæ ignorant. In huiusmodi ergo urgenti casu censeo; a Mercatoribus hæc esse inter ea damna numeranda, quæ in negotiationis alea sunt aliquando necessario toleranda. Quod si taxa communiter non servetur, sciente, & non obstante Principe; tunc ipsam non servare, dummodo tamen æqualitas inter mercem, & pretium semper custoditur; nulla erit iniustitia. Advertendum tamen cum R. Concina ex sola transgressione legis, etiam fruenti, non colligi posse tacitum Principum consensum; cum hi sæpissimè multa per patientiam tolerant: & ideo non impediunt, ut majora evitent mala.

CONJECTARIUM QUINTUM.

V. Vendere summo pretio ob dilatam solutionem, vel emere infimo ob anticipatam; intra iusti pretii limites, inobliam continet iniustitiam; at utrumque pretium excedere eisdem de causis usura est, & illicitus contractus. Prima pars est de se satis aperta, cum æqualitas servetur inter mercem, & pretium & si liceret vendere summo pretio etiam soluta statim pecunia; multo magis licebit dilata solutione; quod & de emptione infimo pretio dicendum est. Altera vero pars a D. Thoma traditur & probatur 2. 2. q. 78. a. 2. ad 17. ubi

sic scribit: *Si aliquis carius velit vendere res suas, quam sit iustum pretium, ut de pecunia solvenda emptorem expectet, manifeste usura committitur: quia huiusmodi expectatio pretii solvendi habet rationem mutui. Unde quicquid ultra iustum pretium pro huiusmodi expectatione exigitur, est quasi pretium mutui, quod pertinet ad rationem usura. Similiter etiam si quis emptor velit rem emere vilius, quam sit iustum pretium, eo quod pecuniam ante solvit, quam possit ei res tradere, est peccatum usura: quia etiam ista anticipatio solutionis pecunia habet mutui rationem, cuius quoddam pretium est, quod diminuitur de iusto pretio ratione emptoris. Si vero aliquis de iusto pretio velit diminueri (intra tamen limites iusti pretii) ut pecuniam prius habeat, non peccat peccato usura. Fieri tamen potest, ut res supra summum pretium currens venditionis tempore, vendi possit ob dilatam pretii solutionem, nimirum cum venditor mercem suam tunc vendere volebat, sed servare tempore majoris pretii; ut si quis triticum vendat mense Decembri, quod vendendum servare destinaverat mense Maji, ut deservit Greg. IX. Cap. finali de usuris, dicens: *Excusatur (ab usura) qui granum, vinum, oleum, & alias res vendit, ut amplius, quam tunc, in certo termino recipiat pro eisdem, si tamen tempore contractus non fuerat venditurus: & iuste profecto, nam dampnum patitur minoris vendendo inopporuno tempore, quod opportunius pluri poterat distrahere. Dux tamen sunt conditiones servandæ, nimirum ut 1. emptor de causa majoris pretii certior fiat, ut videat, an sui interit; mercem tantem esse. 2. Ut deducantur expensæ, quæ essent faciendæ pro mercis conservatione, nec neq. pro taxa perie-**

periculi vel amissionis, vel diminutionis, cui merx servanda foret obnoxia. Oportet præterea, ut venditor ab emptore de venditione rogetur: nam si ipse sponte mercem offerat emendam, etiam dilata pretii solutione, non poterit pretium augere, cum ipse sponte detrimentum subire velle ostendat.

CONSECTARIUM SEXTUM.

VI. Non licet Mercatoribus supra summum pretium merces vendere ob tentu lucri cessantis ob dilatatam solutionem. Ratio est manifesta, nam si Mercatores solum vendere vellent numerata pecunia, parum de suis mercibus venderent, ac proinde parum lucrarentur; & alias credito vendentes summo pretio vendere possunt, dum qui numerata pecunia emunt, plerumque vel infimo, vel medio pretio emere volunt. Ipsorum igitur interest credito vendere, cum & carius, & abundantius vendant; quo luero dilata solutione compensantur. Pari pacto nec licet ob anticipatam solutionem minus infimo pretio emere; tunc enim lucrum acciperet vel ex ipsa pecunia, vel ex tempore, quod materia non est, nec esse potest venditionis. Ita aperte docere S. Thom. 1. 2. q. 78. a. 2. ad 7^{am} superiori Consecratario vidimus. Hinc patet injustas esse illas omnes emptiones, in quibus ob anticipatam solutionem minus infimo pretio emuntur vinum, triticum, lana, caseus, similesque res a rusticis hyemali tempore pecunia indigentibus, quam sint valitura tempore traditionis; quippe quia sub pallio venditionis turpissimum tegitur scelus, & amplius in merces accipitur, quam traditam sit in pecunia. Optima tamen est habenda S. Antonini doctrina scribentis: Si emptor dat pretium mer-

cium, antequam recipiat merces, & minus dat, quam tunc valent, cum emit, ex eo quod tempore quo recepturus est merces, verisimiliter aestimatur, quod minus debeant valere, quam tunc, cum emit; vel, saltem dubium est, utrum plus, vel minus sine valutarie, pretium est iustificatum, & licitum: secus si ratione anticipationis solutionis pretii ante receptionem mercium diminueres pretium tunc currentis, vel verosimiliter aestimaret, minori pretio non posse valere merces illas emptas, quam sit illud quod dat, sed bene multo pro majori pretio, quia tunc esset usura juxta Canonem in Civitate, de Usuris.

CONSECTARIUM SEPTIMUM.

VII. Non est illicitum Mercatoribus merces suas, puta vinum, triticum, oleum, lanam, & similia currenti, & communi pretio vendere, licet sciant illud minuendum ob earum mercium copia brevi superventuram. Ratio est, quia res venduntur iusto pretio tunc temporis currente, & taxato, vel ab ipso Principe, vel a communi aestimatione: nullam igitur injustitiam committunt. Ita etiam expresse docet S. Thom. 1. 2. q. 77. a. 3. ad 4. ubi discrimen assignat a venditione, in qua merces defectus decullantur, ab illa in qua superventura occulitur copia mercium, scribens: *Vitium res facit rem in presenti esse minoris valoris, quam videatur; sed in casu premissis in futurum res expellitur esse minoris valoris per superventum negotiatorum, qui ab amentibus ignoratur: unde venditor, qui vendit rem secundum pretium, quod invenit, non videtur contra iustitiam facere, si quod futurum est, non exponat. Si tamen exponeret, vel de pra-*

vis subtraheret, abundantioris esset virtutis; quamvis ad hoc non videatur teneri ex iustitia debito. Nonnullæ tamen sunt exceptiones apponendæ ex Sylvio. Et x. quidem injustus est venditor, si fraude, & dolo efficiat, ne emptoribus copia mercium superventura innotescat, ut eas vendat pretio curren- te; quia proximo noceret, & quidem injuste, nam fraus, & dolus sunt injustitiæ peccata. a. Si interrogatus ab emptore, num sciat expectari mercium abundantiam, vel neget, vel se ignorare respondeat, injustitiæ reus erit; licet non desint Theologi, qui excusant, quia hoc mendacium putant mere officiosum ad vitandum proprium damnum: optime tamen animadvertit Sylvius, esse permiciosum judicandum, cum sit causa damni alterius; nec proprium effugere damnum mendacio licet, quod tunc naturam fraudis, & doli induceret. 3. Si qui rem vendit, esset de Magistratu, & ex officio sciret vel minuendum a Principe pretium, vel jam comparatam mercium copiam brevi advehendam; cum hac scientia uti non possit subditorum damno: quomobrem illi incubir commune bonum civium procurare. 4. Sin contra iustitiam, saltem contra caritatem peccaret privatus Civis, vel Mercator, qui sciens ex abundantia brevi futura minuendum esse pretium rei, uni tantum in magna copia venderet, qui servaturus putatur, aut eas revenditurus cum magna iactura: si vero minutatim distraheret in plures emptores, neque contra caritatem, neque contra iustitiam peccare videretur, procul tamen omni fraude, & dolo. Pari pacto minime iustitiam læderet, qui merces communi pretio emeret, licet sciret illud brevi augendum ob adventum Principis, vel exercitus, vel magnæ

Patuzzi Thesol. Mercat. Tom. V.

multitudinis: nulli enim injuriam irrogaret, sed suæ prospiceret utilitati. Qui vero sciret quasdam monetas lege Principis vel interdicens, vel valore minuendas (dummodo tamen non ob defectum in substantia, aut in pondere) antequam Edictum promulgetur eas expendere poterit, dum adhuc durat valor monetæ; quia adhuc servatur æqualitas rei ad rem, & pretii, ad mercem: dummodo tamen qui eas expendit, nec de Magistratu sit, nec ullus addit dolus. Ita Sylvius ad laud. S. Thom. q. 72.

CONJECTARIUM OCTAVUM.

VIII. Non licet debitoribus suum debitum a creditore minoris emere hoc titulo, quia ab isto molestiæ sunt subeundæ in eo exigendo: nam hæ ab ipso debitore proficiuntur, quas ipse ultro apponit, dum deberet æs alienum sine creditoris molestia, vel difficultate dissolvere; nisi forte ipsum debitum liquidum minime foret, sed dubium, & iuste sub iudice; tunc enim posset cum creditore transigere, servata tamen æqualitate prudentum iudicio designanda. Pari pacto non licet Magistratum, vel Principem thesaurariis, & ministris creditoribus Principis se morosos in solvendo exhibere, ut pecuniam ab illis pro prompta solutione extorqueant, vel ut eorum credita ipsæ vendant minori pretio, quæ postea integra vel sibi solvant, vel ab aliis ministris accipiant: sicut & injustitiæ rei sunt, dum suggerunt amicis, vel substituunt alios, qui huiusmodi credita emant a privatis minori pretio, quæ deinde integra solvant, facta inter se lucri divisione.

CONSECTARIUM NONUM.

IX. Num vero liceat sine iniustitia emere chirographa, & credita minori, quam continent, pretio ob promptam, & anticipatam solutionem, digladiantur [Theologi. Sunt enim, qui arbitrantur omnino licere, quia inquit, non futura emitur pecunia, sed præsens jus ad illam, quod minoris est æstimandum, quam ipsa præsens pecunia. 2. Hujusmodi chirographa, & credita mercium venalium naturam induunt, non enim pro ipsa pecunia reputantur: subsunt igitur mercium conditioni, quæ suam peculiarem pretium habent. 3. Hujusmodi emptiones minori pretio usurariæ non sunt habendæ, cum mutuum nullum intersit: nullo igitur inquinantur iniustitiæ vitio. Verum longe probabilius alii Theologi distinguunt, inter credita & chirographa, quæ sunt difficilis solutionis, & ad pecuniam in illis contentam redimendam vel sunt expensæ faciendæ, vel molestiæ, & labores subeundi, vel etiam periculum probabile imminet, ne solvantur; & tunc licere minoris emere, habita ratione præfari periculi, molestiarum, laborum, expensarumque faciendarum, concedunt, & jure merito Theologi; igne enim, ut manifeste patet, in communi exiustimatione minoris reputantur valoris, quam ipsa pecunia. Quod verum puto, licet ille, qui minoris emit, pecuniam sine molestia, expensis, & labore, suo tempore redimere possit, vel ob graviam Principis, vel ob amicitiam cum debitore, vel alio proprio, & peculiari titulo: cum hæc privata emptoris utilitas melioris non efficiat conditionis ipsam mercem; ut contingeret in illo, qui domum insalubrem infectam, quam alii emere re-

cusant; viliori emeret pretio, quia eam novit ab omni infectione purgare. Nam ut superius animadvertimus ex S. Th. hic q. 77. a. 1. *Licet aliquis multum juvetur ex re alterius, quam accepit, illa vero, qui vendit, non damnificetur carendo re illa, non debet eam supervendere: quia utilitas, quæ alteri accrevisit, non est ex vendente, sed ex conditione ementis. Nullus autem debet vendere alteri, quod non est suum; licet possit ei vendere damnum, quod patitur.* Si vero præfata chirographa, & jura facilis sint exactionis, nulli subiaceant molestiæ, nullum asserant fortis amittendæ, vel expensarum periculum, minoris emere nequaquam licere merito contendunt. Quandoquidem nulla occurrit legitima ratio diminutionis pretii, nisi dilata solutio. At hæc efficeret, ut pecunia præsens, & numerata pretiosior haberetur pecunia absente, & numeranda contra id, quod definivit Innoc. XI. in damnatione 41. propositionis; & sic usura licita fieret. 2. Immo virtutalem contineret usuram: nam in præsentem solveret pura nonaginta, ut post annum acciperet centum; & venditionis nomen pallium solum esset usuræ. 3. Intervenit inæqualitas inter pretium & mercem: nam chirographum, & creditum valet 100. & nonaginta solum solvuntur; est igitur inæqualitas, & iniustitia; & ille, qui sic venderet, sola necessitate cum tali detrimento venderet. Ita revera docet Auctor Opuscoli 67. quod D. Thom. tribuere non dubitat S. Antoninus 2. P. tit. 1. cap. 8. §. 13. dum scribit: „Qui ad certum tempus debet, si ante terminum solvat, „ut ei de debito aliquid dimittatur, „usuram committere videtur, quia „manifeste tempus solutionis venit; „unde ad restitutionem tenetur. Nec

„ excusatur per hoc , quod solvendo
 „ ante terminum gravetur , vel quod
 „ ad hoc ab alio inducitur ; quia ea-
 „ dem ratione possunt usurarii excusari
 „ omnes “ . Et S. Præsul Anroninus
 loco laud. hanc , quam putat S. Tho.
 doctrinam , sic interpretatur scribens :
 „ Sed D. Thom. Opusc. 67. . . dicit,
 „ simpliciter hoc esse usuram . . . Nam
 „ aut debitor ex tali anticipatione so-
 „ lutionis damnum non incurrit , sed
 „ solum quia prævenit tempus , vult
 „ sibi illa remitti , tunc est usura : &
 „ ratio est , quia vendit tempus , & mu-
 „ tum est ibi implicitum cum lucro
 „ intento . Et in hoc casu loquitur S.
 „ Thom. “ Facile propterea adversan-
 tium Theologorum solvuntur argumen-
 ta . Nam distinctio inter jus ad cen-
 tum , pura aureos , & ipsos aureos ficti-
 tia omnino est , & sophistica , & solum
 ad excusandam injustitiam inducta ; cum
 totum discrimen non nisi in dilatione
 temporis consistat , quod lucri materia
 esse non potest . Quandoquidem elapso
 anno idem omnino valent , & pro eo-
 dem reputantur & jus ad centum , &
 ipsa centum ; cum unum pro alio com-
 mutetur , & solutio jus adæquet , &
 extinguat . Solum igitur ante annum
 locum habebit distinctio , quæ proinde
 non ex rei natura , & indole nascitur ,
 sed ex sola temporis circumstantia . Si-
 militer licet hujusmodi credita , & chi-
 rographa inter merces connumerare ve-
 lis , adhuc verum est merces minori
 pretio , quam valeant , emi non posse .
 Cum igitur jus ad centum aureos non
 nisi totidem aureorum solutione æquari
 possit ; qui minus solveret , inæquale
 merces pretium exhiberet , & sic injus-
 ta esset venditio . Nec urget in com-
 muni existimatione plura haberi centum
 præsentis aureos , quam habendos post

annum . Nam hæc injusta existimatio
 non ex recta oritur ratione , & lege ju-
 stitiæ , sed ex avaritia , & cupiditate ; ut
 manifeste patet ex citata superius pro-
 positione ab Innoc. XI. damnata , in
 qua hæc communis existimatio pro basi
 statuebatur , & fundamento lucri ex mu-
 tuo , sic enim agebat propositio : *Cum*
pecunia numerata sit pretiosior numeranda ,
& nullus sit , qui non majoris faciat pe-
cuniam presentem , quam futuram , potest
creditor aliquid ultra sortem a mutuario
exigere , & eo titulo ab usura excusari .
 Ex qua doctrina patet responsio ad ter-
 tium argumentum : quia licet in tali
 emptione nomen mutui non interveniat ;
 lucrum tamen intervenit ex pecunia
 numerata , quæ pretiosior censetur nu-
 meranda , quod a S. Pontifice merito
 reprobatur . Hinc nulla est ratio habenda
 illorum Theologorum qui scripserint
 ante damnatam propositionem anno
 1679. & oppositam propugnarent , ut-
 pote hoc falso innixi principio .

CONSECTARIUM DECIUM.

X. Emptori non licet gravamen ali-
 quod imponere supra taxatum , vel pa-
 ctum mercis pretium , sicut nec vendi-
 tori ultra mercis traditionem hoc enim
 gravamen , cum sit pretio æstimabile ,
 jam justum pretium superat ; & sic inæ-
 qualitas , cui justitia adversatur , indu-
 ceretur . Quamobrem non licet cogere
 emptorem vel ad tale monetæ genus
 persolvendum , vel ad vicissim aliam mer-
 cem etiam justo pretio vendendam .
 Quod si convenient , ut alter vinum
 vendat , alter vero oleum , & æqualitas
 in pretio servetur , nulla erit injustitia ;
 sed tunc non venditio perficietur , sed
 rerum permutatio . Pari modo non licet
 venditorem cogere vel monetam acci-
 pere diminutam , vel deficientem , vel

ultra communem valorem; & qui falsam solveret, vel a iusto pondere deficientem, ad restitutionem, & compensationem teneretur; nisi forte diminutio ponderis minima esset, vel a venditore ob lucrum ex merce negligenter. Similiter non est cogendus venditor ad mercem ad aliquem locum transferendam; nisi forte vel sponte offerat, vel roganti sponte consentiat.

CONSECTARIUM UNDECIMUM.

XI. Non est illicitum artificibus vasa & artefacta aurea, & argentea pro solo metalli valore emere; licet ipsi postea illa poliendo, & faciendo tamquam nova vendant. Nam iustum rei venalis pretium illud est, quod communiter aestimatur. Porro certum est huiusmodi artefacta communiter etiam ab iis qui illorum valorem agnoscunt, quando venalia proponuntur, solum secundum metallorum pondus aestimari, nulla habita artificii, vel laboris ratione. Possunt igitur pro tali pretio emere, nihil aliud addendo pro ipso opere. E contra vero cum prefata artefacta ab artificibus venduntur, aestimari communiter solent, non solum secundum metalli valorem, sed habita etiam ratione operis, & artificii: ergo tali pretio vendi poterunt. Hæc tamen doctrina solum obinet, cum agitur de artificio communis ordinario. Quod si artefacta sint peculiaris industriæ, operis, & laboris, quod materiam quasi æquet, vel etiam superet; tunc non habebit pretium solum materiam persolvere, sed & operis, & laboris est ratio habenda.

CONSECTARIUM DUODECIMUM.

XII. Non sunt tuti in conscientia venditores, rem defectuosam pro integra vendentes, vel supra iustum pretium;

sicut nec emptores rem pretiosam viliores, vel infra iustum pretium: licet protestentur, se rem emere, vel vendere, juxta inita pacta, & conventiones: quomobrem, si qua sit in contractu læsio, remitti sibi possulant, & donari. Quandoquidem semper hæc petitio, & conventio dolosa est, & contra iustitiam; qui ab altero præbentur, ex ignorantia rei proficiuntur. Nam vel venditor novit defectum rei, & nihilominus rem iusto pretio vendit, vel supra iustum; & sic dolose agit, & ad restitutionem tenetur, a qua alterius consensu non liberatur: vel ignoravit defectum, cujus tamen periculum in venditorem rejiciebat; & tunc si nihil remittat de iusto pretio, peccat, & iniustitiam committit. Quod si aliquid de iusto pretio ob huiusmodi periculum minuat, ab iniustitia excusabitur; dummodo, ut superius diximus, huiusmodi defectus in damnum ementis non redundent. Pari pacto, vel emptor rei pretiositatem agnoscit, quam venditor ignorat, & nihilominus rem vili pretio, & infra iustum emit, & tunc iniustitiam committit, quam refarcire tenetur: vel ignorat, & bona fide emit, & tunc quidem non peccabit, & defecto legitimo rei valore venditorem compensare tenetur; nam consensus sit, nullus est valoris. Hic animadvertendum, quod licet in civili jure, & etiam in canonico non cogantur fraudulentum venditores, & emptores ad restitutionem, nisi supra dimidium pretii læserint; in foro tamen conscientie ab illa non liberantur, etiam in minori quantitate. Nam egregie monet S. Th. hic q. 77. a. 1. ad 1. *Lex humana peccato datur, in quo sunt multi a virtute deficientes; non autem datur solum virtuosus.*

fit. Et ideo lex humana non potuit prohibere quiddam est contra virtutem; sed ei sufficit, ut prohibeat ea, quæ destruunt hominum conviciam; alia vero habeat quasi licita, non quia ea approbet, sed quia ea non punit. Sic ergo habet quasi licitum, penam non inducens; si absque fraude venditor rem suam supervendat, aut emptor vilis emat, nisi sit nimis excessus; quia tunc etiam lex humana cogit ad restituendum, puta si aliquis sit deceptus ultra dimidium iusti pretii quantitatem. Sed lex divina nihil impunitum relinquit, quod sit virtuti contrarium. Unde secundum divinam legem illicitum reputatur, si in emptione, et venditione non sit æqualitas iustitiæ observata: et tenetur ille, qui plus habet, recompenfare ei, qui damnificatus est, si sit notabile damnum.

CAPUT QUINTUM.

De quibusdam emptionis, et venditionis adjunctis.

DOCTRINA.

- I. Nonnullæ contractuum circumstantiæ enumerantur.
- II. Quomodo venditioni pactum apponi possit de rei venditæ recuperatione.
- III. Venditio cum pacto retrovenditionis in favorem solius venditoris licita est.
- IV. Nonnulla conditionis servanda.
- V. Illicita est, si sit in favorem solius ementis.
- VI. Sicut, et si in utriusque favorem pactum retrovenditionis apponatur.
- VII. Illicitus contractus Mobatæ.
- VIII. Etiam sine pacto retrovenditionis.
- IX. Retractus gentilitius procul ab omni fraude licitus est.
- X. De pacto commissorio, et ad diem.
- XI. De his, qui alterius nomine emunt.

Regula nonnulla, Regula I, Regula

XII, Regula II. XIII. Regula III. XIV. Regula IV.

I. SICUT ceteris contractibus, ita et venditioni, ac emptioni nonnullæ adjunguntur conditiones, & accedunt externæ circumstantiæ, quæ illorum iustitiæ, & honestati obesse vel non obesse possunt; hujusmodi sunt præsertim pactum, sive jus rem venditam recuperandi, pactum commissorium, circumstantia personæ pro alio ementis, vel vendentis, de quibus in hoc capite disputandum sumus; & primo quidem de pacto retrovendendi, vel retroemendi.

II. Res, sive mobilis, sive immobilis vendi potest hac adjecta conditione, nimirum ut venditor rem suam recuperare valeat, sive cum sibi libuerit, sive solum post certum tempus: & talis venditio dicitur cum pacto retrovenditionis quæ si pro tempore indefinito celebretur, Jurat usque ad tempus præscriptionis. De hujusmodi enim actionibus leg. 3. Cod. de Præscript. statuitur: *Hæ actiones annis triginta continuis extinguantur, quæ perpetuas videbantur.* Si vero sit ad determinatum tempus, non statim ac illud elapsum est, venditor a suo decedit jure, sed est aliqualis dilatio adhuc concedenda. Hoc vero retrovenditionis pactum sicut in favorem venditoris, ita apponi potest & in emptoris beneficium, nimirum ut quotiescumque emptor rem restituat, & venditor pretium reddere debeat, & iterum fieri potest in utriusque beneficium. Num autem sic vendere licitum sit, & hujusmodi venditiones ad iustitiæ amulsum sint habendæ, ostendo.

III. Venditio cum pacto retrovenditionis in favorem solius vendentis de se, & absolute illicita non est, nec contra ju-

justitiæ leges. Nam hoc genus venditionis probatur Levit. 25. v. 23. *Terra quoque non vendetur in perpetuum: quia mea est, & vos advena, & coloni mei estis. Unde cuncta regio possessionis vestra sub redemptionis conditione vendetur.* Nec obstat, quod inibi Deus jubeat, perceptos fructus in sortem computandos: quia in hac parte non naturale præceptum est, sed cæremoniale; etenim juxta legem jubiliæ possessiones quoquo modo venditæ ad priorem dominum reverti debebant nullo perfoluto pretio; æquum proinde erat, ut qui ante jubiliæ rem venditori restituebat, in sortem perceptos fructus connumeraret. 2. Comprobatur etiam in jure civili, ubi leg. 2. de pactis decernitur: *Si fundum parentes tui ea lege vendiderunt, ut suæ ipsi, suis heredibus eorum emptori pretium quodcumque, vel intra certa tempora obtulissent, restitueretur, neque parato satisfacere conditioni distæ heres emptoris non pareat, ut contractus fides servetur, actio præscriptis verbis, vel ex vendito sibi dabitur.* Nec obstat jus canonicum in quo Cap. ad vestram Ex. de emptione, & venditione solum hujusmodi reprobat venditio, quotiescumque perfolutum pretium longe minus sit valore rei emptæ. 3. Denique quia quilibet rem suam ea potest conditione alienare, quæ nec naturali juri, nec civilibus legibus repugnet: porro rem vendere tali pacto nulli legi adversatur: licita est ergo habenda. 4. Denique patet ex contractu census redimibilis, in quo jus venditur percipiendi fructus ex alieno fundo, donec perfolutum pretium restitua:ur.

IV. Dixi absolute, & in se hujusmodi venditiones illicitas non esse: nam in praxi fieri potest, ut injustitiæ vitio fœderentur, si debitæ nimirum conditio-

nes non serventur. Hujusmodi sunt 1. ut bona fide celebretur hæc venditio, & emptor animo emat rem sibi absolute retinendi, & pactum retrovendendi non nisi ægre admittat: quia nimirum alter alio modo rem suam vendere recusat. 2. Ut pro adjecto gravoso onere de pretio minuat: minus enim in communi æstimatione vales res absolute alteri vendita, quam cum aliquo gravamine, & onere. Quanta vero esse debeat justipretii diminutio, non conveniunt Theologi, & revera puto ad amissum, & certo definiti non posse, sed esse juxta peritorum, & piorum, inspectis conditionibus loci, & temporis, judicium, & sensum taxandam. 3. Ne perfolutum pretium adeo modicum sit, ut res potius in pignus tradita censeatur, quam vendita: ut si quis agrum, vel domum pretio mille aureorum alteri pro quingentis aureis vendat cum facultate redimendi, manifestum est sub venditionis nomine usuram latere: nam venditor rem suam quantocius recuperare sataget, ne damnum patiatur, & alter interim lucrum percipiat ex re fructifera, quam non nisi verbo emisse convincitur, sed factò in pignus accepisse. 4. Ut rei venditæ periculum, aut commodum ad emptorem omnino spectet, adeo ut quamdiu est in ejus dominio, ipsi pereat, deterior fiat, aut accrescat: alioquin si hæc in venditorem rejiciantur, non erit translatum dominium proinde nec vera venditio. 5. Denique ut rei venditæ indemnitas servetur, & si ager cum suis fructibus fuit divenditus, pariter cum fructibus redimatur: alioquin si ager divenditus primo fuisset cum segete jam matura, & emptor restitueret nolle nisi collectis fructibus, iniuriam se gereret, & rem deteriore venderet; sicut si emptor suis expensis ab-

uberiorem reddidisset agrum, & qui redimit nonnisi jam sibi perfolutum pretium restituere vellet, minoris rem emere convinceretur, quam iusto in se valeat. Nam vero, dum redimitur; ex. ager, sit majus pretium exfolvendum, quam datum fuit in venditione, perpendemus in Confessariis.

V. Illicita omnino est venditio cum onere redemptionis in favorem ipsius ementis: nam manifesta est usura pallio venditionis obiecta, quod manifeste parebit ipsa expensa venditione. Sit exemplum: Petrus domum emit a Paulo cum onere, ut vel ad petitionem ipsius ementis, vel post designatum tempus illam redimat, perfoluto accepto pretio. Porro in hujusmodi contractu qui emit, non rei dominium sibi acquirere intendit, quod ex venditione oritur, & de se perpetuum est. Solum igitur lucrum querit ex pecunia, quam solvit; cum interim domum vel sibi retineat gratis; vel alteri locet; & possit, vel cum sibi libuerit, vel elapso termino alter cogitur pretium restituere: & sic domus pignus erit pretii perfoluti, ex qua interim fructus percipit, non vera venditio. Nec obstat, quod dominium domus ad emptorem pertineat, cui proinde perit, si forte pereat. Nam hujusmodi periculum in rebus immobilibus omnino rarum est, & difficile, præsertim certo præstituto tempore; & præterea simul cum dominio domus, & pecuniæ quoddam dominium retinet, quam & recuperare, cum libuerit, potest, & elapso termino certo recuperabit. Quamobrem hujusmodi venditio licite locum obtinere non potest nisi in re omnino sterili, & infrugifera, vel in re etiam frugifera, dummodo fructus in pretium redemptionis computentur: tunc enim procul abest

omne usurae, & illiciti lucri periculum. At nullus est, qui tali modo emit: quod manifeste evincit in hujusmodi venditionibus non rei dominium; & acquisitionem queri, & desiderari, sed solum ex dato pretio, & pecunia lucrum capari. Hinc etiam a benignioribus Casuistis, inter quos De Lugo, non permittendus dicitur hujusmodi venditionis contractus.

VI. Illicita propterea erit venditio in favorem utriusque; quia adhuc maliciam continet palliata usura respectu ementis, qui non rei dominium, & acquisitionem, sed lucrum ex pecunia querere convincitur. Et præterea in hac apparenti aequalitate conventionis maxima later inæqualitas: nam longe facilius potest, qui rem possidet, eam reddere perceptis jam fructibus, quam alter pecuniam restituere, quam consumpsit; cum plerumque hujusmodi venditiones non fiant nisi ab inopia oppressis, & indigentibus, qui alta via nesciunt suis prementibus necessitatibus subvenire.

VII. Hinc patet multo magis illicitum esse contractum, qui *Mobatra* hispanice, *Stocco* italice dicitur, & hoc pacto perficitur. Quis indigens pecunia mercatorem adit, a quo murus postulat centum aureos: ille respondet, pecuniam se non habere, sed merces, quæ potest suæ indigentiae consulere: vendit itaque illi sericum pretio summo centum aureorum, quod statim ab ipso emit nonaginta perfolutis aureis, de qua revenditione vel verbis, vel facto convenerant. Hujusce contractus iniquitatem nemo, nisi avaritia obæcatus, non videt: est enim putida usura tenni venditionis fūco oblita. Nam mercator lucrum non intendit ex venditione mercis, quæ statim ad ejus revertitur manus; sed

sed lucrum ex pecunia, quam confectum perfolvit; & emptor non mercis acquisitionem intendit, quam sibi non retinet, sed argentum, quo indiget. Hinc merito damnatus fuit hic contractus ab Innoc. XI. in propositi. 40. agente: *Contractus Mobatru licitus est etiam respectu ejusdem persone, & cum passio retrovenditionis prævis inito cum intentione lucri.*

VIII. At quid, si in hoc contractu pactum non interfit de mercis revenditione, ut dicitur in damnata propositione, erit ne adhuc illicitus? Negant plures Theologi, inter quos Sporetius, qui putant, vendentem bona fide mercem, & relinquente in arbitrio emptoris rem vel sibi, vel alteri vendere, posse tuta conscientia venditam mercem pretio summo, statim redimere pretio infimo; præsertim si ipsum emptor cogit, & omne absit scandalum, quod ex tali contrahendi modo oriri solet. Immo ipse P. Concina injustitiæ postulare non audet hujusmodi contractum, dummodo omnes adsint positæ conditiones, quas tamen omnino adesse posse non arbitratur; & semper aliquid admisceri putat, per quod contractus illicitus redditur. Quamobrem, quidquid sit de ejus speculativa justitia, nunquam censet permittendum. Verum mihi videtur non ex circumstantiis tantum, sed in ipsa contractus natura iniquitatem adeo implicari, ut nullo modo separari possit; quemadmodum optime advertit Juveninus, sive Auctor Resolutionum casus conscientiæ Tom. 2. cap. 9. n. 2. Nam si vendens mercem pactum ineat de revenditione, sive non si speret mercem sibi revendendam, sive non speret, denique si lucrum ex pecunia intendat, sive excludat, ipso tamen facto injusti lucri reus efficitur,

Quandoquidem per retrovenditionem pretio infimo mercis summo emptæ, uterque contractus non realis, non verus, sed fictus, sed umbratilis efficitur. Fictus primus contractus venditionis summo pretio; nam merx vendita remanet in dominio vendentis, & penes ipsum. Fictus alter contractus retrovenditionis pretio infimo; nam pretium non recipitur, nec est in manu vendentis, sed ementis. Et sic contra naturam, & indolem horum contractuum mercator vendens habet mercem, & emptor habet pecuniam, quæ sola vera in tota hac anfractuosa negotiatione ab altero accipitur in minori quantitate, reddenda post statutum tempus in majori. At inquirunt, nonne licet mercem ab uno mercatore summo pretio venditam, ab altero mercatore pretio infimo emi? Porro mercator primo vendens non debet esse pejoris conditionis mercatore secundo emente; & distinctio realis personarum in tali venditione requisita est omnino materialis, vana, & inutilis. Si igitur alius mercator potest mercem venditam summo pretio, emere pretio infimo; cur id non licebit uni, & eidem mercatori? Verum respondeo, ipsam materialem personarum distinctionem refundi in ipsos reales contractus, qui, quando cum distinctis celebrantur personis, non amplius ficti sunt, & umbratiles, sed veri, reales, & solide subsistentes. Subsistit prima venditio mercis summo pretio; nam emptor mercem habet, venditor jus ad pretium suo tempore repetendum. Subsistit secunda venditio; nam emens habet mercem, venditor pretium. Quæ omnia, dum peraguntur cum una, & eadem persona, ita se mutuo destruant, & collidunt, ut in turpe lucrum degenerare necesse sit,

Qua-

Quamobrem optime observat laudatus Auctor, leges omnes civiles contractum Mohatra absolute reprobare, & S. Antoninum longe ante damnationem propositionis 40. absolute ut illicitum, & usurarium reprobasse præfatum contractum. Scribit enim in Sum. P. 2. tit. 3. cap. 8. §. 3. „ Pretium vero rei venditæ dicitur minoratum, sicut patet in vendente pannum, vel equum pro centum florenis cum expectatione temporis, puta unius anni ei, qui sibi mox est revenditurus pro nonaginta tunc recipiendis. Primus enim dominus panni, vel equi tradidit illi nonaginta florenos, & quandoque octoginta, sed manualiter tunc; ille vero, qui primo emit, nihil tunc solvit primo domino rei, sed inde ad annum. Patens igitur est, quod ideo secundus revendit primo vendenti pro pretio satis minori, quia sub quadam mutui ratione, potius quam sub reatu, si veritate solutionis, tradidit illi sibi nonaginta, vel octoginta, ab eo debens rehabere centum, quo ipsi vendenti non solvit; tunc propterea, talis contractus usurarius est, & omni malignitate, & duplicitate plenus. Quapropter sapientissime S. Carolus Borromæus in suo 1. Mediolan. Concilio vetuit, ne cui præsentem pecuniam quærenti quidquam carius vendatur, ut statim a venditore vel per se, vel per interpositam personam vilius ematur. Et ideo plures Canonistæ, & Theologi hunc contractum cum eadem persona initum, quoquo modo fiat, illicitum declarant: hi autem sunt Fagnanus, Barbosa, Jo. Baptista Lupus de usuris, Leonardus pariter de usuris, Covarruvias, qui hunc contractum appellat latrocinii genus maxime execrandum, & iustis pœnis

Patuazii Theol. Moral. Tqm. V.

vindicandum.

IX. Retraçus gentilitius procul ab omni fraude licitus est. Hic contractus in jure fundatur, & a legibus, & Principibus approbatur. Fundatur siquidem in jure concessio consanguineis, & cognatis rem immobilem a consanguineo, & cognato extraneis venditam, perfoluto emptionis pretio, recuperandi, & sibi vendicandi: unde italicè dicitur *jus di ricupera*. Jus istud in populo Israelitico constitutum legitur ab ipso Domino Levit 25. cum indicit: *Si attenuatus frater tuus vendiderit possessionem suam, & volueris propinquus ejus, poteris redimere, quod ille vendiderit*. Conforme etiam apparet legi, & æquitati naturali: nam æquum est (inquit leges) ut cognatus præferatur extraneo emptori, ne prædium exeat de familia, de stirpe, de cognatione &c. Locum habet hoc jus solum in rebus immobilibus, quia (ut dicitur ff. de acquir. possess. Lege & rerum mobilium) *mobilitum rerum vilis, & abjecta est possessio*, nisi forte integra hæreditas sit dividenda: tunc enim qui gentilitii retraçus jus habet, potest & mobilia recuperare; cum tunc mobilia, utpote nobiliora, mobilia secum trahant, & privilegium illis communicent. Competit hoc jus 1. proximioribus, deinde remotioribus cognatis, & consanguineis; consuetudines tamen locorum sunt servandæ: in aliquibus enim non tam cognationis gradus attenditur, quam diligentia in recuperando; unde ille præfertur, qui primus ad jus suum prosequendum se offert. Tempus pro hoc jure exercendo statutum est intra annum, & diem a facta extraneo venditione: quo elapso termino, jus spirat gentilitii retraçus; eo tamen currente extraneus emptor non reputatur absolute rei acquisitæ dominus: expro-

O

ptea

pter nihil in ea mutare potest, sed solum necessaria ad ejus conservationem, vel reparationem perficere. Pretium in retractu gentilitio illud idem esse debet, quod solvit extraneus emptor, computatis etiam aliis expensis pro acquisitione, reparatione, satione, aliave cultura factis; adeo ut (inquit lex) *emptor habeat indemnus*. Præter gentilitium retractum datur & feudalis, qui situs est in jure reversionis utilis dominii ad directum, vel ad suam primævam naturam. Potest itaque dominus directus feudi bona illius a feudatario divendita ab emptore perfoluto pretio recuperare. Si feudatarius feudi bona vendat, non præmonito domino directo, jus retractus usque ad triginta annos protenditur. Si vero illud de venditione monuerit, ultra quadraginta dies non protenditur. In aliquibus Regnis jus retractus feudalis præfertur juri retractus gentilitii; aliter vero statuitur in aliis Regnis. Sunt itaque consuetudines, & leges Regnorum observandæ.

X. Licita quoque est venditio cum pacto commissorio, vel adjectionis ad diem. Prima venditio fit ea adjecta pactione, ut, si emptor intra certum tempus pretium rei venditæ non persolvat, res habeatur tamquam inempta, & contractus velut infectus. Altera vero, cum contrahentes paciscuntur, ut res ita vendita sit, ut, si alius intra certum, & præfinitum temporis spatium reperitur, qui meliorem offerat vendenti conditionem, vel pretii auctione, vel alio beneficio, res ut inempta habeatur, & emptor alteri cedere debeat. Licitas esse hujusmodi venditione ostendunt & leges civiles, quæ eas approbant, & confirmat ratio naturalis, cum in illis nihil reperitur juri naturæ adversum, nulli enim infertur inju-

ria. Solum difficultas est in statuendo, ad quem pertineant fructus rei venditæ intermedio tempore percepti. Salmanticensis, aliqui consent, hoc ex modo pendere, quo venditio celebrata fuit; si enim ita paciscantur, ut indicent nullam esse venditionem, nisi vel pretium perfolvatur, vel addit qui meliorem offerat conditionem, tunc fructus pertinere ad venditorem docent; & quidem jure, quia tunc contractus non absolutus fuit, nec venditio absoluta, sed conditionata, proinde suspensa mansit, nec translatum censetur dominium. Si vero talibus sint usi verbis, quæ indicaverint venditionem absolutam esse, & perfectam, cum solo adjecto onere vel solvendi pretium statuto tempore, vel rem cedendi alteri emptori meliorem conditionem offerenti, tunc dicunt fructus ad emptorem pertinere, cum perfecta, & absoluta tunc censetur venditio. At monet Lessius, non tam esse verborum formam inspiciendam, quæ plerumque ambigua est, quam contrahentium mentem. Verum hanc quoque ambiguitati subjacere puto; nam sub initium contractus putant contrahentes se aliquid statuisse, vel mente concepisse, quod postea ob infensas occurrentes circumstantias nunquam se intendisse arbitrantur, & dicunt. Quamobrem puto ipsam rem venditam esse inspiciendam, quæ si in manu permanfit venditoris usque ad pretii solutionem, vel usque ad lapsum temporis præstituti ad expectandum meliorem emptorem, ejusque periculo; procul dubio ad eum fructus percepti pertinebunt; si vero res emptori tradita sit, ejusque periculo steterit, tunc ad hunc fructus spectare judicandum erit; nam æquum est, ut qui damnum, & incom-

mo-

modum sentit, utilitatem etiam, & commodum percipiat.

XI. Num vero qui pro aliis emunt, vel vendunt, possint in hisce contractibus aliquid sibi lucrari, disputant Theologi. Nos has Regulas statuendas censuimus.

REGULA PRIMA.

Qui alterius nomine, & pecunia rem emit, vel vendit, si sit ementis, vel vendentis minister, & famulus, nihil omnino lucrari sibi potest, sed totum pretium rei venditæ domino tradere, & solum præstitutum a domino pretium exigere tenetur. Ratio est manifesta: quia ratione famulus, & servitutis tenetur domini sui utilitatem querere, cum pro suo famulatu, & servitio jam mercedem obtineat.

REGULA SECUNDA.

XII. Qui titulo amicitiae aliquid pro alio emendum, vel vendendum suscipit, nihil lucrari sibi potest. Ita statuunt leges ipsæ civiles: nam ff. *mandati L. obligatio* statuitur; *Mandatum, nisi gratuitum, nullum est, nam originem ex Officio, atque amicitia trahit: contrarium porro est officio mercetis.* Immo ipsa naturalis ratio dicitur: quod enim gratuito perficiendum suscipitur, gratuito præstandum est, & contractus onerosi, per quos alter gravatur, licite sine alterius consensu iniri non possunt. Præterea nullus est titulus aliquid lucrandi. Non res ipsa vendita, vel emptæ; cum hæc non sit nisi in committentis dominio; quæ proinde ipsi fructificare debet. Non posita opera, & labor impensus, hæc enim gratis præstanda promittuntur: si enim locare vult, id exponere debet committenti, ut videat, an sui interitus conducere; & de mercede est conve-

O 2

niendum. Hanc veritatem & ipsi Gentiles agnovere Philosophi, & disertissime exposuit Tull. Orat. pro Sexto Roscio scribens: „In privatis rebus si quis rem „mandatam non modo, malitiose gessif- „set sui quæstus, aut commodi causa, „verum etiam negligentius, cum ma- „iores summum admisisse scelus existi- „mabant; itaque mandati constitutum „est iudicium non minus turpe, quam „furti. Quid recipis mandatum, si „aut neglecturus, aut ad tuum com- „modum conversurus es? Cur mihi te „offers, & meis commodis? officio si- „mulato officis, & obitas. Ergo idcirco „turpis hæc culpa, quod duas res san- „ctissimas violas, amicitiam, & fidem; „nam neque mandat quisquam fere „nisi amico, neque credit, nisi ei quem „fidelem putavit. Perdidisti igitur est „hominis simul & amicitiam dissolvere, „& fallere eum, qui læsus non esset, „nisi credidisset „.

REGULA TERTIA.

XIII. Qui rem emendam suscipiunt, non gratis, sed mercede, adhuc in emptione nihil lucrari sibi possunt. Hæc quoque regula satis aperta, & est juri naturali conformis: cum enim operam suam locent, tenentur omnem diligentiam adhibere, ut conductor omnem consequatur in emptione utilitatem, & beneficium. Porro si partem aliquam lucri sibi arrogent; jam non conductoris utilitatem, sed suam querere convinguntur; & illum gravant efficiendo, ut carius emat, quod ipsi vilius obtinuerunt. Præterea, quo titulo lucrari poterunt? non rei emptæ, cum non sibi, sed alteri emanat: non ratione laboris, & industriæ, cum pro his pactam accipiant mercedem: nullum igitur lucrum ex ipsa emptione recipere poterunt, nisi injuste. RE-

REGULA QUARTA.

XIV. Qui rem alterius, non gratis, nec ex amicitia, sed propter aliquod lucrum vendendam suscipit, aliquando potest in ipsa merce sibi aliquid lucrari, aliquando vero non potest. Potest quidem lucrari, si dominus vendendæ merces pretium ita designet, ut, si quid amplius reperiant Proxenetæ, pro mercede ipsius relinquant; tunc enim taxati pretii excessum sibi retinere possunt, dummodo sit intra iusti pretii limites: alioquin non domino rei, sed emptori excessum iusti pretii restituere deberent. 2. Si mercedem sua opera, & arte meliorem efficiant: tunc pretium operis, & laboris sui retinere sibi possunt. Si vero dominus pretium quidem designet, ne minoris vendat, & quid amplius lucrentur, non sibi retinere possunt, sed domino restituere tenentur: debent siquidem fideliter negotium domini in venditione tractare, eamque adhibere diligentiam, ac si de re propria ageretur; & si rem, cujus infimum pretium dominus designavit, vel medio, vel summo distrahere possunt, negligere non debent. Mercedem vero iusti laboris non sibi occulta compensatione possunt accipere, sed ab ipso domino debent exigere.

CAPUT SEXTUM.

CONSECTARIA PRÆCEDENTIS
DOCTRINÆ.

- I. Quo pretio res vendita cum pacto retrovenditionis sit redimenda.
- II. Cujus periculo sit res cum eo pacto vendita.
- III. Nam domum emptam cum pacto retrovenditionis liceat venditori locari.
- IV. Contractus vulgo ad gaudendam non est licitus.

V. Quot modis injustitia fadari possit retractus gentilitius.

VI. Num qui pro alio emit, possit aliquid lucrari.

VII. Doctrina nonnulla rejiciuntur.

CONSECTARIUM PRIMUM.

I. IN contracta venditionis cum jure redimendi post certum tempus, pretium pro redemptione illud idem esse potest, quod in venditione solum fuit. Hæc insiciantur nonnulli Theologi, inter quos Tournelius, & Concina, qui censent rem venditam cum pacto retrovenditionis in favorem venditoris esse majori pretio redimendam. Nam, inquit, res, vel merx, cum primo vendita fuit, ratione oneris impositi, minoris, quam valeat, empti fuit: quando igitur redimitur, cum non sit amplius respectu redimentis ullo onere gravata, plurius valet, & proinde majori pretio est redimenda. Verum falluntur. Nam ideo in prima emptione minori pretio vendita fuit merx, quia gravata erat onere restitutionis: diminutione igitur iusti pretii venditor sibi jus comparavit redimendi: hoc autem onus compensatum fuit: reverti igitur res debet ad venditorem solo persoluto venditionis pretio; hoc enim importat ipsa venditio cum pacto retrovenditionis. Nec refert rem reverti sine onere, quo in prima venditione gravata fuit. Nam hoc onus quidem erat in potestate prioris venditoris imponere, vel non imponere emptori; at non est in potestate venditoris secundi illud imponere, cum ratione pacti retrovenditionis res ad priorem dominum revertatur, qualis erat, ante quam venderetur, libera, proinde ab omni onere soluta: & hoc pariter jus ita recuperandi emptum est diminutio-
ne

ne pretii. Quid quod Benedictus XIV. de Synodo lib. 10. cap. 8. n. 4. illicitum & usurarium censet apponere vendenti cum pacto retrovenditionis onus rem redimendi majori pretio, quam in ipsa venditione solum fit; sic enim scribit. „ Si in illius stipulatione facta, cultas; quæ datur venditori, rem venditam, quodcumque voluerit, redimendi, gravetur onere eam rem, dimendi majori pretio, quam ipse vendiderit, contractus erit injustus. Teneatur quidem qui redimit, indemnem servare venditorem ab expensis necessariis, sive pro mercis conservatione, sive pro necessaria restauratione.

CONSECTARIUM SECUNDUM.

II. In præfato contractu periculum rei venditæ, sicut & commodum omnino rejici debet in emptorem, tum in prima, tum in secunda venditione, & res retrovendi debet in eo statu, quo primo vendita fuit. Ratio primæ partis est, quia in contractu venditionis dominium transfertur: res ergo vendita domino suo stat, aut cadit, fructificat, vel sterilis est. Alioquin, si dominium non transferatur, manifeste patebit, rem non venditam, sed in pignus datam fuisse: quamobrem si sit fructifera, fructus cederent in lucrum datæ pecuniæ; & sic usurarius fieret contractus. Ratio vero secundæ partis ea est, quia in contractu non servaretur æqualitas, & res vel infra, vel supra justum pretium veniret. Sit exemplum. Vineam, vel agrum vendidi cum fructibus maturis: si redemero sine fructibus, carius res emetur, quam valeat: si vendidi sine fructibus, & redimam eisdem maturis, minus justo redimam; & sic injustus erit contractus, nisi forte in pretio, vel alio-

modo fiat compensatio, & inducatur æqualitas.

CONSECTARIUM TERTIUM.

III. Qui domum emptam cum pacto retrovenditionis in favorem solius vendentis, ipsi venditori statim locaret annua pensione, turpis lucri quidem suspicionem ingereret, ipse tamen contractus absolute licitus esset. Et quidem usurarii contractus imaginem præferret: nam idem esset, ac si ex mutua pecunia lucrum acciperet; quod pater exemplo. Titius Cajo vendit domum mille florenis cum pacto retrovenditionis, & Cajo statim locat domum ipsi Titio sexaginta florenis in singulis annis: in hocce contractu nonne idem esset, ac si Cajo mille florenos daret Cajo mutuos cum lucro sexaginta florenorum? & venditio domus nonne videretur usuræ palliolam? Absolute tamen mutuum non intercederet: tum quia Cajo pecuniam repetere non posset; tum quia domus ipsi Cajo periret, si periret, & ea pereunte Titius non amplius mille florenos restituere teneretur. Ideo dixi hunc contractum esse absolute licitum: nam prima venditio licita est, ut superius ostendimus: locatio quoque ipsi venditori facta nihil habet iniquitatis; nam sicut potest alteri locari, ita potest & ipsi venditori. Nonnullæ tamen sunt servandæ conditiones, 1. ut negotium sincere, & candidè peragatur procul ab omni malitia, & voluntate ex pecunia lucrandi. 2. Ut justum persolvatur pretium domus: si enim modicum pretium datum fuisset, tunc domus non vendita, sed in pignus data videretur; ut animadvertit Innoc. III. Cap. ad nostram, Ext. de empt. & vend. dicens: Si in venditione apponatur pactum de recuperanda re post certum tem-

pus

pus modico constituto pretio, presumitur pignus, non venditio. 3. Ut pretium locationis iustum sit, & quale solvi solet in similibus locationibus: si enim excederet, præter injustitiam inæqualitatis rei, & pretii, & usus pallium foret. 4. Denique ne emptor vel explicite, vel implicite onus imponat venditori conducenti domum: cum enim pro iusto persoluto pretio æqualem mercedem, id est domum acceperit, nequid venditori absque injustitia aliud onus imponere.

CONSECTARIUM QUARTUM.

IV. *Contractus, quod vulgo ad gaudendum dicitur, non est verus contractus venditionis cum pacto retrovenditionis, sed merum usuræ pallium.* Contractus hic in Italia ubiassissimus hoc modo peragitur. Unus dat alteri domum, vel agrum, a quo tantam recipit pecuniæ summam, quanta valori domus, vel agri respondere creditur, hoc pacto, ut alter pecuniæ fruatur, alter agrum, vel domum habeat, donec vel ille pretium, vel iste domum restituere velit, vel certo præstituto termino, nimirum per quinquennium, decennium &c. Et primo quidem non esse verum venditionis contractum manifeste patet; cum nec unus emere velit, nec alter vendere; uterque enim sibi jus reservat vel recuperandi domum restitutione pecuniæ, vel pecuniam restitutione domus, vel agri; sive post elapsum statutum tempus alter pecuniam restituere teneatur, alter domum juxta alterutrius beneplacitum. Non est igitur venditio, quæ de se perpetua est; nec venditio cum pacto retrovenditionis, quia non est in favorem solius vendentis, sed etiam ipsius ementis, quam licitam non esse superius ostendimus. Est igitur usuræ palliolum: nam succo-

venditionis alter lucrum ex sua pecunia, vel quantum sibi libuerit, vel per septennium, aut decennium percipit. Ut itaque hic contractus licitus evadat, necesse est ita celebrari, ut possit quidem venditor, cum sibi libuerit, rem venditam recuperare, vel possit intra septennium, vel decennium, nunquam vero cogatur redimere, & persolutum pretium restituere, ut superius diximus. Nec obstat in contractu ad gaudendum, domum, vel agrum traditum emptori perire: quia cum huiusmodi periculum sit admodum remotum (ut etiam superius animadvertimus) præsertim cum spatium temporis diuturnum non est, non tanti existimandum, ut lucrum ex tali contractu honestum, iustumque reddere possit.

CONSECTARIUM QUINTUM.

V. In retractu gentilitio injusti sunt qui jus habentem recuperandi vel minis, vel dolo impedit, ne suo jure utatur, ut bona recuperet; qui in venditionis contractu majus pretium simulat persolutum, ut alium a recuperatione avertat; qui reddere recusat rem emptam consanguineo, vel affini, eam præfato jure redimere volenti. Hi enim omnes, ut patet, justitiam violant, & quidem in re gravi; quamobrem peccant lethalliter, & damnum reparare tenentur. Sicut contra peccant consanguinei, vel affines, qui rem immobilem ab extraneo emptore redimant, non sibi, sed ut aliis extraneis vendant majori pretio; qui simulantes nomine suo redimere, retrahunt pecuniam alicujus extranei, cui rem cedunt; cum tale jus sit personale, & solis affinitibus, & consanguineis concessum, ne possessiones paternæ, aut avitæ in extraneorum manus deveniant. Similiter peccat proximior

con-

confanguineus, qui se retrahere velle, vel redemisse simulat, accepta per hoc ab extraneo emptore pecunia, ne remotiores confanguinei recuperare possint, cum istos fraudulentè impetiat a consecutione utilitatis, ad quam jus habent, privative quoad omnes extraneos; quapropter damna etiam compensare tenetur.

CONSECTARIUM SEKTUM.

VI. Qui rem pro alio ex honestate, & amicitia emendam suscipit, nihil sibi lucrari potest, obvenit quod a venditoribus res sibi minori pretio detur, vel ratione amicitiae, vel utilitatis, quam illis affert frequentè emptione, quam darent ipso committenti. Huic doctrinae adversantur plures Theologi, & Casuistae, qui putant in tali lucro (si locum habeat) nullam injustitiam immisceri, immo nec infidelitatem. Nam 1. industriam omnem adhibet, ut mercem amico emat eo pretio, quo ceteri omnes emissent, immo & ipse mandans, si ipsemet per se se contraxisset. 2. Lucrum, quod inde percipiunt, est ipsis a venditore concessum ipsorum intuitu, ob peculiaria motiva vel amicitiae, vel utilitatis mox indicata. Verum posita nostra assertio probabilior est, & unice vera; ut ostendunt tum Genetius, tum Juveninus, tum Natalis Alexander, alique, his, meo videri, validissimis argumentis. 1. Verisimile non est, nec facile credendum, mercatores ratione amicitiae aliquid de suarum mercium pretio illis donare, sed ipsi mercentes blandiuntur, ut ad eorum emporium trahant. Præterea, licet verum foret ob amicitiam, vel alio titulo illis aliquid realiter de legitimo pretio condonare, adhuc nihil lucrari possent; cum ideo a mandantibus ad emptionem de-

ligantur, quia de facto consent, illos ob amicitiam, vel frequentiam emendi minori pretio mercem empturos; atque ita modicum illud lucrum sibi retinendo mandantes misere fallunt. 3. Denique cum tota, vel præcipua ratio præfatae condonationis oriat, ut ipsi fatentur, ex frequentè emptione, hæc ideo a mandantiis habetur, quia plurimi sunt mandantes: in horum igitur utilitatem redundare debet diminutio pretii, non in ipsius mandarii lucrum; cum illi, non iste, frequentè emptione lucrum afferant mercatoribus. Non possunt igitur Sattiores, alique artifices ex mandato alterius pannum, fericum, aliamque suis operis materiam ementes præfatis titulis aliquid lucrari, sed committentis negotium sincere gerere debent, & minimo pretio emere nulla spe lucri. At inquit, hi artifices saltem ratione temporis in emptione consumpti, quo operando aliquid sibi lucrari poterant, aliquod lucrum poterunt percipere. Minime gentium: nam hoc qualecumque detrimentum, vel lucrum cessans, vel sponie, vel rogati suscipiunt; & compensatur in lucro, & mercede, quam ipsis postea pro suo labore rependitur. Quinimmo peccant hujusmodi, si adhibiti in emptionem ferici, & panni, ne mercatori displiceant, sinunt emptores ab illi falli, vel in qualitate mercis, vel in pretio: quia ut docet S. Thom. 2. 2. q. 77. a. 3. *Dare alicui occasionem periculi, vel damni semper est illicitum.* Illi enim suo silentio, & conniventia in causa sunt illari damni, & mercatoria fraudi cooperantur; proinde & damnum reparare tenentur juxta l. A. P. doctrinam tit. q. a. 1. *Fraudem adhibere (vel permittere) ad hoc, quod aliquid plus justo pretio vendatur, omnino peccatum est, in quantum aliquis decipit (vel de-*

cipi finit) in damnum ipſus.

CONSECTARIUM SEPTIMUM.

VII. Falsa est doctrina Eusembaum docentis, si cui datum est aliquid vendendum pretio v. g. infimo, vel moderato, & is vendat rigoroſo, probabile est non teneri restituere, sed posse excessum retinere, cum sua industria acquisierit. Nam semper presumendum est, nisi aperte constet, pretium infimum, vel moderatum designative, non taxative iudici in venditione; & mentem committentis esse, ne infra vendatur, non vero, ne supra. Ideoque La Croixius hanc doctrinam rejicit, & novum suggerit lucrandi modum, nimirum ut amicus, cui rei venditio commissa est, mercem sibi emat pretio medio, vel infimo, quod solum reperit, si speret se postea venditorum pretio summo, & rigoroſo; dammodo tamen in se rei periculum sumat. Verum & hic modus fraude non caret. Nam 1. cum ex amicitia, & gratis mandatum suscipiat venditionis, personam mutans in emptorem, & negotiatorem se transmutat, & quidem infcio ipſo mandante, qui illi rem non emendam, sed pro se vendendam proponit, quam proinde si emere, vult, debet cum venditore convenire: fieri enim non potest, ut licite emat, nisi venditor consentiat. 2. Nonne mandatum habet, ut vendat pretio infimo, vel medio, si supremum non reperit? Cur igitur fideliter mandatum non implet, & mercem non vendit pretio sibi designato, quod habet in promptu? 3. Dum in se periculum mercis suscipit, jam se illius dominum agnoscat. At quo titulo dominum sibi sine consensu domini, non persoluto illi pretio, sibi arrogat? num ex arbitrio, & propria voluntate? Sed

hoc pacto alienarum rerum licite dominium nemo adipiscitur. Fraude igitur, & turpitudine non caret hic agendi modus. Damnabis ne igitur iniustitie, & fraudis Nobilium Virorum Villicos & Procuratores, quibus a Dominis jubetur, ut triticum, vel vinum, quæ in horreo, & cellario habent, statim vendant eo majori, quo possunt; pretio, & sibi pecuniam, qua indigent, mittant; si ipsi videntes tunc triticum, vel vinum non nisi viliori vendi pretio, pecuniam de suo penu Domino persolvant, sibi ad opportunius tempus illarum mercium venditionem cum lucro reservantes? Nequaquam, quandoquidem hujusmodi Procuratores ita in ministerium assumuntur a Dominis, ut quidem illorum negotia fideliter, quam utiliter possunt, peragent, & ministrent; quin tamen & propria utilitatem non negligant, quando hæc cum illorum servitio valeat consociari. Tenentur tamen res summo pretio tunc corrente vendere, ut negotium Domini fideliter impleant. Vide quæ habentur diff. 3. cap. 9. consecr. 1.

CAPUT SEPTIMUM.

De emptionis, & venditionis effectibus.

DOCTRINA.

- I. Per venditionem, & emptionem rei, & pretii dominium transfertur.
- II. Quando rei venditio omnino absoluta, & perfecta sit.
- III. Censetur perfecta venditio, quando res tradita est, licet non persolutum pretium.
- IV. Sicut & quando persolutum est pretium, licet res non tradita.
- V. Quid dicendum, cum nec rei, nec pretii facta est traditio.

VI.

VI. *Ad quem pertineat periculum, & fructus rei venditæ. Regule nonnullæ. Regula prima.*

VII. *Regula secunda.* VIII. *Regula tertia.*

IX. *Regula quarta.* X. *Regula quinta.*

XI. *Regula sexta.*

XII. *Venditor de evulsionis tenetur.*

I. **P**ER emptionem, & venditionem rei venditæ, sicut & pretii transferatur dominium: ad hoc enim institutus est hic contractus, ut nimirum res mea per venditionem fiat tua, & pretium tuum solutione in meum transferatur dominium. Nam autem ad inducendum hocce dominium sufficit contrahentium consensus, & pactum, vel ulterius rei traditio, vel pretii solutio requiratur, disputant inter se Theologi, & Jurisperiti: immo & ipsæ leges ambigue loquuntur, ita ut aliquando solo consensu dominium transferri statuant, aliquando vero & traditionem tamquam necessariam decernant. In Institut. enim lib. 3. tit. 24. dicitur: *Emptio, & venditio contrahitur simul atque de pretio convenit, quamvis nondum pretium numeratum sit, ac ne verba quidem data fuerit.* Et §. 3. indicitur: *emptionem, & venditionem effici simul atque de pretio convenerit, eum sine scriptum res agitur.* Et leg. 1. ff. de contract. empt. dicitur: *emptio consensu peragitur.* E contra vero leg. 2. Cod. de pactis universaliter statuitur: *Traditionibus, & usucapionibus dominia rerum, non nudis pactis transferuntur.* Et in Institut. de empt. & vend. §. Utique habetur: *Qui emptori nondum tradidit rem, adhuc ipse dominus est.* In hac ambiguitate primo quæ certa sunt, deinde quæ probabiliora videntur exponam.

II. Quando res est vendita, ac tra-

ditæ, & pretium est solum, perfecta est omnino, & absoluta venditio, & rei dominium translaturum; ac proinde comoda omnia, & incommoda, fructus, utilitates, sicut & damna ex re ipsa provenientia, ad ipsum emptorem pertinent, in cujus dominium plenum, & perfectum res transit: totum enim habetur, quod & lege naturæ, & lege positiva requiritur ad domini translationem.

III. Quando res vendita tradita est, & pretium pro soluto habitum, vel dilatio concessa ad solutionem, translaturum est rei dominium, nisi aliter inter contrahentes conventum sit. Translatum dominium manifeste patet: nam res, quæ in manus transit emptoris, ejus comoda fiat, vel incommodo; & si perit, ipsi perit, si fructificat ipsi fructificat. Si pretium vero pro soluto habeatur, jam & illius translaturum dominium censetur, & concessa solutionis dilatio non impedit, ne res ad emptorem pertineat, qui solum tenetur suo tempore pactum pretium solvere, & si sit in mora culpabili solutionis, damna inde emergentia & lucra cessantia reparare. Addidi tamen, nisi aliter contrahentes convenierint: ita enim convenire possunt, ut res etiam tradita non censeatur in dominium emptoris transisse, donec ipse solverit pretium, & propter adhuc ad venditorem pertinebit, cujus comodo, vel incommodo fiat usque ad pretii solutionem.

IV. Idem dicendum, si pretium in integrum solum sit, licet merx non sit tradita, nam per solutionem integrum pretii, rei dominium acquisitum censetur, & res in manus permaneat venditoris tamquam in custodia, vel deposito, quæ proinde ipsi emptori vel perit, vel servatur, vel inaccidentum

suscipit, vel detrimentum subit. Excipiant tamen leges, nisi forte res uni vendita, alteri vendita sit, & tradita, de quo statim.

V. Sola pactione, & conventionione perfecta censetur venditio etiam ante traditionem, sed non quoad omnes effectus. Et quidem sola conventionione perfectum venditionis contractum patet 1. ex ipso jure civili n. 1. citato. 2. Ex ipsa emptionis definitione, quæ ex L. Orig. ff. de contrahenda emptione desumitur, nimirum quod sit *contractus, quo dominium alicujus rei acquiritur pro certo pretio*; sicut e contra venditio est *translatio rei propriæ in emptoræ pro certo pretio*. Hoc autem totum habetur statim post conventionem, & pactum: licet enim res vendita nondum de facto sit in manu emptoris, est tamen de jure. Nam emptor 1. eam a venditore, cum sibi libebit, repetere potest. At cur repetere? nisi quia sua facta est, & ad suum pertinet dominium; & qui reddere recusaret, reus furti esset, rem alienam invito domino retinendo. 2. Quia venditur non amplius de re vendita, licet adhuc in suis manibus existente, disponere potest, eam commodando, locando, utendo, alteri vendendo; quæ tamen omnia emptor licite præstare potest; perfectam igitur esse venditionem sola conventionione dicendum est. Addidi tamen non quoad omnes effectus. Nam si res uni vendita, sed non tradita fuerit, alteri vero, licet posteriori, & vendita, & tradita fuerit; ad hunc, non ad illum rei dominium spectabit. Et habetur Leg. 9. §. 4. ff. de pub. in rem act. quod indicat non usquequaque perfectam venditionem ante traditionem.

VI. Perfecta igitur per conventionem venditione, nunc videndum, ad quem

res vendita pertineat; ac proinde cui pereat, vel deterioretur ante impletam traditionem. Hæc itaque statuuntur Regulæ.

REGULA PRIMA.

Quando res vendita, vel emptæ est quid determinatum, puta hæc domus, hic equus, hic ager, si ante traditionem pereat, emptori perit, non venditori. Ita enim statuitur in jure in Inst. de empr. & vendit. §. 3. ubi habetur: *Periculum rei venditæ statim ad emptorem pertinet, tametsi adhuc ea res emptori tradita non sit*. Et cetera, cum dixerimus per conventionem perfici venditionem, res est in emptoris dominium translata, cujus proinde sicut commodo, & utilitati, ita & incommodo, ac detrimento stat: & licet huic dominii translationi non faveant leges, quæ dationem possulant, non impediunt tamen, nec evitant rei periculum, sicut & utilitates in emptorem redundare etiam ante mercis traditionem. Hinc si vinum ace scat, si equus pereat, damnum in emptorem redundare statuunt, nisi sit ex culpa venditoris, ut dicemus in Consecrariis.

REGULA SECUNDA.

VII. Si merx vendita sit indeterminata, puta decem vini amphoras ex dolio, sex oves ex grege; vel determinata quidem in genere, & non in individuo designando per pondus, vel mensuram, periculum quidem rei stat venditori, at pretii, & valoris vel incrementum, vel decrementum ad emptorem pertinebit. Ratio primæ partis est, quia hujusmodi venditiones censentur tum lege civili, tum jure naturæ cum hac implicita conditione, si res per traditionem, vel mensurationem fiat determinata, & venditori seponatur.

sur. Secundæ vero partis ratio est, quia circa genus rei jam inter partes de pretio conventum est; & venditori non aliud superest onus: nisi rem talis generis tradendi, & individuo designandi, quam emptor jam emit pretio, quo contractus tempore valebat. Hinc si decem oves ex grege emisti, & hæ perierunt, venditori perierunt, non emptori: si vero interim pretium sit vel auctum, vel diminutum, ad emptorem spectabit pretii detrimentum, vel incrementum. Quod si tota res fortuito perierit, puta grex totus, videndum, non pactum initum sit de ovibus ex tali grege sumendis; & tunc extincto grege & contractus censetur extinctus, restituendum proinde emptori pretium, si forte illud solverit: si vero absolute, & in genere decem oves fuerint venditæ, ad venditorem pertinebit aliunde emptori de pactis ovibus providere. Quod si ex duobus rebus altera disjunctive vendita sit, puta alterutrum ex duobus equis, alterutrum ex duobus geminis, nec illum, nec hanc determinate designando, si unus pereat, perit venditori, si ambo, alter emptori perit, alter venditori: nam cum alteruter debeatur, qui superest jam est determinate emptoris, qui alterotrum emit; si ambo, jam certe unus erat emptoris; Illi igitur perit. Ita etiam declaratur L. 34. ff. de contrahen. empr. & vend. „ Si emptio ita facta fuerit: esto mihi „ emptoris Stychus vel Pamphilus, in „ ocellate est venditoris, quem velis „ dare . . . Sed uno mortuo, qui superest dandus est; & ideo prioris periculum ad venditorem, posterioris ad emptorem pertinet. Sed si pariter decesserunt, pretium debetur, unum enim periculo emptoris vixit. Item dicendum et, etiamsi emptoris fuit arbitrium, quem velis habere “.

Nec adversatur lex ista doctrinæ mox traditæ de toto grege pereunte venditori, ex quo decem oves emptor sunt, cum tamen videatur & hic disjunctive emptas fuisse oves, nimirum hæc vel illas. Nam, ut optime observat de Lugo, in priori venditione unus equus, una gemma emptæ est absolute, Quamobrem quæ ultima remanet, absolute, & determinate emptæ habetur. At in rebus, quæ ad mensuram emuntur, vel numerum, leges declarant non absolute esse venditionem, sed conditionatam, nimirum si numerentur. Quamdiu igitur res appensa, vel numerata non est, non emptori, sed soli venditori perire debet.

REGULA TERTIA.

VIII. Quando res vendita tradita est emptori, & pretium solutum, vel non tradita, sed pretium solutum, vel pro soluto habitum ob concessam emptori solvendi dilationem, fructus omnes rei venditæ non solum præsentis, sed & futuri ad emptorem pertinent. Et quidem hoc verum esse, cum & res tradita, & pretium est solutum, ipso lumine naturali apparet: quandoquidem completa est usquequaque venditio, translata integre in venditorem dominium, cui proinde perit, minuitur, deterior efficitur; vel ex opposito fructificat, servatur, meliorque redditur. Item & dicendum, licet res tradita non sit, nec pretium solutum, sed pro soluto habitum: nam ut diximus n. 5. sola pactione, & conventionione perfecta est venditio, licet non quoti omnes effectus; cujusmodi est, quod si alteri vendatur, & tradatur, hujus sit, non prioris emptoris. Verum hoc exceptio casu, rem jam venditam in emptoris transisse proprietatem censendum, qui cui proinde fructificat.

REGULA QUARTA.

IX. Si vero res non tradita sit, vel si tradita, pretium ramen non sit solutum, nec pro soluto habitum, videndum, cujus periculo stet res vendita, & illi sunt fructus adjudicandi. Hæc Regula opposita conciliari posse censet Doctorum opiniones. Nam sunt, qui censent, re tradita, fructus adhuc ad venditorem pertinere, quippe qui damnum pateretur, si eodem tempore & sua re caretet, & fructus non perciperet, & simul pretium non obtineret. Alii vero ex opposito arbitrantur, fructus rei venditæ ad emptorem pertinere, alioquin venditio ficta esset ad usum palliandam. Solveret enim emptor fructus ob solam dilationem solutionis pretii, & venditor tempus concessæ dilationis venderet. At nostra posita Regula, omnis evanescit difficultas. Si enim res censeatur jam in dominium translata emptoris, illi profecto fructificet, cujus periculo res fiat, vel cadit. Non potest igitur venditor fructus percipere rei alienæ, omni enim caret honesto perceptionis titulo. Erta statuunt leges. Infit, de empt. & vendit. §. 3. dicitur: „Cum emptio, & venditio „contracta sit (quod effici diximus „simul atque de pretio convenit) periculum rei venditæ statim ad emptorem pertinet. Itaque si ædes tum toræ, vel aliqua ex parte incendio consumptæ fuerint . . . emptoris damnum est, cui necesse est, licet rem non fuerit nactus, pretium solvere, „Quidquid enim sine dolo, & culpa venditoris accidit, in eo venditor securus est . . . & universim fit, de diversis regulis juris antiqui in L. „Secundum 10. statuitur: Secundum naturam est, commoda cujusque rei

„cum sequi, quem sequuntur incommoda „moda“. At inquit, Covarruvias, periculum interitus rei moraliter vel nullum est, vel exiguum: quale enim periculum esse potest in agro a flumine distito, in prato, in domo bene firma? Non est igitur æquitas in contractu isto, si ob tenue periculum emptor fructus percipiat, alter vero omni careat & rei, & pretii fructu. Verum respondeo 1. volenti, & consentienti nullam injuriam irrogari: si enim venditor finit rem in dominium transire emptoris, & velle debet ad illam fructus pertinere; cum iustitia & æquitas postulet, ut res domino suo fructificet, non alieno. Nec obstat venditori nec fructus rei venditæ, nec pretii lucrum percipere. Quandoquidem hæc est indoles, & natura contractus, quem celebrat. Nam in venditione sic transferatur dominium ut res domino fructificet; dilatio vero solutionis pretii libere a venditore conceditur, pro qua sine usura aliquid percipere non potest. Si vero aliquid damnum per hoc subit; vel dilationem non concedat, vel rei dominium apud se retineat. 2. Quando res vel nulli, vel levissimo pereundi exposita est periculo, tunc carius venditur, & pretium augetur. Quis enim non vider longe carius vendi prata, & agros procul a flumine, vel torrente passos, quam illi proximos, & minoris venire domum ruinofam domo firma, ac stabili? Hanc igitur majorem securitatem sibi emit emptor, & illi majori pretio cedit venditor. Est igitur omniomoda in contractu æqualitas, cura major securitas majori æquetur pretio. At si res vendita adhuc in dominio venditoris permaneat, tunc venditio est veluti conditionata habenda; nimirum ut tunc res censeatur emptoris, quando pretium solverit: in-

intermediat igitur fructus ad venditorem pertinebunt, cujus periculo stat, vel perit; & solum obstringitur rem non alteri vendere, sed emptori servare usque ad præstitum solutionis pretii tempus.

REGULA QUINTA.

X. Idem dicendum, si contingat venditionis contractum dissolvi. Nam tunc fructus intermedii illi sunt adjudicandi, qui rei dominium obtinuit, sive cujus periculo res stetit: eadem enim omnino militat ratio, & illi res fructificat, qui detrimentum sentit. Quamobrem in venditione cum pacto retrovenditionis fructus intermedii a venditionis tempore ad redemptionem usque, ad emptorem pertinent; postea vero sicut ad priorem dominum res revertitur, ita & ad ipsum pertinent fructus. Pari pacto si venditio mutuo consensu dissolvatur, cum contractus antea validus supponatur, fructus ad emptorem pertinebunt. In contractibus vero conditionatis, si conditio casualis sit, & fortuita, ea non completa fructus ad venditorem omnino pertinent; cum, conditione non posita, nulla sit venditio, etsi res tradita sit: posita vero conditione, ad emptorem; tunc enim perfectus habetur contractus, qui efficit, ut fructus etiam ante conditionis impletionem percepti ad ipsum pertineant, ac si contractus purus fuisset, & absolutus. At si conditio non sit casualis, sed in potestate emptoris, omnes fructus rei ante impletionem conditionis ad venditorem pertinent: & ratio est, quia huiusmodi conditiones apponi solent, ut emptor urgeatur ad celerem contractus impletionem; ut si dicas, vendo tibi agrum meum, si debitum meum solveris, donec debitum

solutum non sit, fructus agri ad venditorem pertinent, cum & in potestate emptoris sit conditionem implere, & illi imponatur ad urgendam impletionem contractus. Est tamen in hisce contractibus exploranda contrahentium mens, & animadvertendum, ad quem incommodum rei venditæ pertineat, ut illi æquale commodum concedatur.

REGULA SEXTA.

XI. Si ob dilatam pretii solutionem culpabili mora emptoris venditor damnum patiatur, potest ab emptore damni reparationem postulare, quam emptor sarcire tenetur, vel de fructibus rei venditæ tantum concedendo, quantum ad reparandum damnum requiritur, vel alio modo. Et vicissim si venditor sit in mora culpabili tradendi rem venditam, & periculum rei ipsi venditori stat, & præterea omne damnum ex dilata traditione reparare tenetur. Aperta est ratio hujus regulæ ex his, quæ diximus superius de contractibus in communi cap. 13. Consect. 1. & 2. & ipsa æquitas naturalis ita postulat. Nam ut habetur L. 21. de Regulis jur. in 6. *Mora sua cuilibet nociva est.* Proinde ff. de rebus creditis L. *Quod te*, statuitur: *Quod te mihi dare oportet, si id postea perierit, quum per te factum eris, quominus hoc mihi dares, tuum fore id detrimendi constat.* Pari item pacto si emptor sit in mora culpabili rem suam recipiendi, omne rei periculum, & detrimentum ad ipsum pertinebit, ut habetur L. 17. ff. de peric. & commod. rei venditæ. Quod si mora sit ex utroque, tum emptore, tum venditore, leges statuunt periculum, & detrimentum totum in emptorem redundare, qui, cum in culpa sit rei tunc non receptæ, nequit venditori imputare, quod sibi illam

illam non tradiderit. Hinc L. 5. de act. empr. & vend. statuitur. Si & per emptorem, & venditorem mora fuisset, quominus vinum & praberetur, & traderetur, perinde esse ait, quod si per emptorem solum fuisset; non enim potest videri mora per venditorem emptori facta esse. ipso moram faciente emptore.

XII. Alius venditionis effectus est, ut venditor de evictione teneatur. Est enim evictio *ius rei propria, quam alius iusto titulo acquisitam habet, apud iudicem recuperandi*. Est enim quandoque, ut quis bona fide rem, quam putat suam, alteri vendat; & deinde detegatur esse alienam, eamque legitimus dominus a possidente recuperet iusto titulo: tunc certe venditor tenetur emptorem ab hac evictione indemnem servare. Et quidem tenetur jure naturæ, licet in venditione nulla de evictione mentio fuerit: cum iure sint institutæ emptiones, & venditiones, ut utraque pars pacifice in possessione servaretur & rei, & pretii; ut habetur in Cod. de Evictione. Non dubitatur, etsi specialiter venditor evictionem non promiserit, *re evicta ex empto competere actionem*. Immo leges civiles statuant, non posse contrahentes convenire, ne de evictione venditor teneatur; quia huiusmodi conventio esset contra bonos mores: unde L. 1. §. 7. ff. de Pactis dicitur. *Illud non probabis dolum non esse præstandum, si convenierint. Nam hac conventio contra bonos mores est, & ideo nec sequenda est*. Si igitur res vendita evicta sit, venditor tenetur emptorem ab omni damno immunem servare. 1. Inque, si tota res evicta sit, totum pretium debet restituere; si vero pars tantum, pretii quoque partem reddere. 2. Tenetur emptori restituere & id, quod ipsum iniecesset, si res non esset evicta. Sic

enim statuunt jura: in L. Evicta 70. ff. de evict. indicitur: *Evicta re ex empto actionem non ad pretium dumtaxat recipiendum, sed ad id quod interest emptoris competit*. Hinc si tempore evictionis res vendita sit ejusdem valoris, ac tempore venditionis, tenetur integrum pretium, & quod interest, venditor emptori dare. Si vero deterior effecta est, non nisi pretium illud solvere tenetur, quod tunc res valet; quia in re pro statu præstati emptor dampnum patitur, ut statuitur lege mox laud. *Si minor esse caput, dampnum emptoris erit*. Et vicissim, si res sit melior effecta evictionis tempore, pretium angere debet juxta rei adausum valorem: unde decernitur L. 45. ff. de Evict. *Si quid ex his fructibus evinceretur, pro bonitate ejus emptori præstandum*. Emptor vero tenetur venditorem movere de mora licet ad rem evincendam, quod legitime præstitisse censendus est, dum venditor expressè requisivit, ut rem suam defendat, & moram item in se suscipiat. Quod si omittat, & re se spoliari, sua vel contumacia vel negligentia permittat, venditor ab onere eum indemnem servandi liberabitur: sicut si emptor cum adversario incerto venditore de re litigiosa transigat; tunc enim sibi dampnum, & quod patitur, imputare debet.

CAPUT OCTAVUM.

CONSECTARIA PRECEDENTIS DOCTRINÆ.

- I. *Contractus emptionis, & venditionis ad libitum contrahentium possunt institui.*
- II. *Nam licet venditori sibi fructus rei vendita reservare.*
- III. *Fructus rei vendita ad emptorem pertinent.*

IV.

IV. *Res duobus vendita cui sit tradenda.*

V. *Cui noceat mora culpabilis, si communis sit emptori, & venditori.*

VI. *Rei aliena venditio dominium non transfert in emptorem.*

CONSECTARIUM PRIMUM.

I. **C**ONTRACTUS emptionis, & venditionis ad libitum contrahentium possunt institui, dummodo nihil apponant, quod legi divinæ, vel humanæ adversetur: cum enim contractus sint particulares leges, quas contrahentes sibi mutuo præstunt, possunt alias conditiones apponere, quæ æquitatis legibus non adversantur. Hinc venditor, & emptor convenire possunt, ut non censeatur completa venditio, nisi sit exarata scriptura, vel nisi sit data arrha, ut solum per traditionem transferatur dominium, ut res empti apud venditorem certo tempore serveatur, & huiusmodi, dummodo oneri appposito æquale correspondeat præmium.

CONSECTARIUM SECUNDUM.

II. Non licet rem vendere, & dominium in emptorem transferre cum onere dandi fructus, vel tribuendi certam pecuniam, donec pretium solutum sit; Huic propositioni plures adversantur Theologi, Navarrus, Covarruvias, Angelus, Molina, Viva aliique, qui censent, licere venditori ita pacisci in venditione, ut emptor pretium nonnisi multo post reddere teneatur, dummodo tamen interim vel fructus reddat venditori, vel certam juxta illorum æstimationem pecuniam summam pendat, hisce argumentis permoti. 1. Quia id concedunt leges: Nam. *L. Curabit* 5. cap. de action. empti decernitur: *Curabit Praes Provincie compellere emptorem*

*rem s. qui nullus possessionem fructus percipit, partem pretii, quam pene se habet cum usuris restituere, quas & percipitorum fructuum ratio, & minoris ætatis favor (licet nulla mora intercesserit) generavit. 2. Immo id æquissimum esse declarant, dum L. Jul. 13. §. 20. dicitur: nam cum emptor res fructur, æquissimum est cum usuris rei pendere. 3. Equalitas est, sicut in omni contractu, ita & in venditione servanda: sicut itaque venditor nec pretium accipit, nec ex illo lucratur; ita nec emptor fructus rei percipere potest. 4. Pecunia, vel fructus, qui ab emptore venditori tradendi sunt, non penduntur tamquam fructus pecuniæ solvendæ, sed ratione lucri, quod venditori cessat ob dilationem solutionis pretii: unde non usura est lucratoria, quæ divina lege prohibetur, sed compensatoria lucris, quod venditor ex sua pecunia percipere, ut declarat Glossa in Cap. Conquestus, ubi habetur: *Usura possunt peti etiam secundum Canones, cum vendo tibi prædium, & trado, & tu percipis fructus, nec solvis mihi pretium ad terminum, eo quia huiusmodi usura, non quæsi usura, sed quasi interesse putantur. 5. Nonne qui rem suam vendit reservatis sibi fructibus, dici potest solum rei dominium, non usum fructum vendere? Porro quis verat hæc quo ita separatim vendi, ut unum quidem vaneat, aliud omnino non vaneat? 6. Denique Tournelius part. 2. de Contract. cap. 1. de Venditione aperte docet, in Gallis hanc vigere jurisprudentiam, ut qui rem frugiferam emit credito, percipiet quidem fructus, sed teneatur pretii interesse solvere, etiam si res per accidens nullos fructus ferat; ut si domus vel non locetur, vel nonnisi pretio longe minori locari possit. Verum positum ab initio doctri-*
nam*

nam docent, & tuentur alii Theologi longe plures, & magni nominis, inter quos primum locum tenet S. Antoninus, qui P. 1. tit. 1. cap. 1. §. 20. sic scribit: „ Sed quid, cum vendo possessio-
 „ nem meam, cum non das mihi pre-
 „ tium ejus, tecum facio pactum, quod
 „ quousque tradas mihi pretium, reci-
 „ piam interim fructus ejus? Resp. li-
 „ cet Baldus, & Petrus de Ancharano
 „ dicant, licitum esse contractum, quia
 „ cum possessio fructificet, non videtur
 „ justum, ut emptor habeat utilitatem
 „ & fructum rei emptæ, & venditor
 „ non habeat utilitatem pretii, ut
 „ possit pecunia uti . . . Sed Theolo-
 „ gi non approbant dictum contractum,
 „ quia ratione dilationis de solvendo
 „ pretio viderentur haberi dicti fructus;
 „ quod ad usuram pertinet. Item pos-
 „ sesso substat periculo emptoris, & de
 „ se est fructificabilis, non autem pec-
 „ unia pretii solvenda substat periculo
 „ venditoris, nec de se fructificat: & ideo
 „ consulendum est abstinere ad hujus-
 „ modi “. Ratio quoque in clare ostendit:
 „ nam res domino suo fructificat,
 „ non aliis. Porro cum emptor factus sit
 „ rei fructiferae dominus, illius fructus
 „ percipere debet, quibus carere oportet
 „ venditorem, qui per venditionem a se
 „ rei dominium abiecit. Nec urgent ad-
 „ versariorum argumenta. Nam ad 1.
 „ responderetur, leges civiles usuras per-
 „ mittentes a Jure canonico esse abroga-
 „ tas. Ad 2. non esse juxta æquitatis leges,
 „ ut quis ex re usufructifera, cujus-
 „ modi est pecunia, lucrum percipiat: &
 „ ideo emptor fructus prædii, cujus pre-
 „ tium non solvit, percipit, quia ejus
 „ dominus effectus est; & sicut illi perit,
 „ si perit, ita & fructificat: venditori ve-
 „ ro, ut animadvertit S. Antoninus, nec
 „ perit pecunie pretium, quod semper

solvendum est, nec fructificare debet,
 cum sit infructuosa pecunia. Ad 3.
 æqualitas, quæ præcipue attenditur in
 venditione, & emptione, sistit inter
 æqualitatem rei, & pretii: ceteræ au-
 tem æqualitates ex contrahentium ar-
 bitrio, & voluntate pendent, nimirum
 quod alter mercem statim tradat, alter
 vero pretii differat solutionem; vel vice
 versa, sive quod res alio transferatur,
 pretium vero in loco solvatur, & simi-
 lia, in quibus quidem æqualitas quoque
 servanda est, at non lege peculiari ad
 emptionem, & venditionem pertinente
 sed lege generali æquitaris, & justitiæ,
 ut neuter scilicet plus justo gravetur.
 Libenter porro concedimus, posse vel
 fructus rei venditæ, vel certam pecu-
 niam summam pendere venditori, quando
 ex dilatione solutionis pretii vere, &
 certo ipsi vel damnum emergat, vel lu-
 crum cesset, & hoc emptori innoxioscat:
 & tunc tot sunt concedendi fructus, vel
 tantum pecunie solvendum; quantum
 revera interest venditoris, ne solutio
 differatur; vel si emptor sit in mora
 culpabili solvendi pretiam cum nocu-
 mento venditoris, & hoc est, quod so-
 lum permittit Glossa: nam dicit solum
 tunc esse fructus pendendos venditori,
quando emptor non solvit ad terminum;
 ante terminum vero posse concedi usa-
 ras non dicit: quamobrem & moram
 culpabilem supponit in emptore, &
 damnum emergens, vel lucrum vere
 cessans in venditore. Ad 4. non abnui-
 mus vendi posse scorsim & dominium,
 & usufructum alicujus rei fructiferae;
 at tunc rei venditæ est æquandum pre-
 tium. Porro quis erit, qui etiam mo-
 dico pretio sterile, & infructuosum do-
 minium rei fructiferae emere velit, &
 quidem gravatum onere rependendi fru-
 ctus, quos arte, & labore suo & progri-

gni curat, & natos fovet, & maturos colligit, immo & cum periculo ipſius ſortis amittendæ? Profecto nonniſi ad uſuram palliandam huiusmodi contractus adhiberi poſſe videtur. Ad 5. Gallorum jurispræſentiam a Tournelio adductam puto fundari in præſumptione lucri ceſſantis, vel emergentiæ damni, quod colligi poteſt ex ipſo Tournelio doctrinam afferente Joſephi Ferriere Juriconſulti Galli docentis in ſua introduct. ad Præxim, Verbo *Intereſſe*. „ Si forte venditor certum emptori tempus pro ſolutione faciendâ præſcripſiſſet, intereſſe debitum non iri, niſi de eo expreſſe conventum fuiſſet “. Quomobrem tunc ſolum arbitror licere venditori ſibi rei venditæ fruſtus reſervare. cum rei venditæ ſibi dominium reſervat. 2. Cum interveniat verus titulus lucri ceſſantis, vel emergentiæ damni emptori ſignificandus: & tunc reſervatorum fruſtuum quantitas quantitati emergentiæ damni, & ceſſantis lucri debet reſpondere. 3. Si venditor loco pretii, quod non accipit, cenſum ſuper rem venditam, & jam in dominium emptoris tranſlatam, conſtituat redimibilem ad ipſius emptoris beneplacitum pretii ſolutione: tunc enim, ſi res pereat, utrique perit, & venditori, & emptori; nec ille amplius vel pretium, vel cenſum exigere poteſt, nec iſte amplius ad pretium ſolvendum adſtringitur. Sed de hoc fortassis iterum, cum de Cenſibus diſputabimus.

CONJECTARIUM TERTIUM.

III. Fruſtus rei venditæ cum ipſa connexi, ut ſunt fruſtus ex arboribus pendentes, uvæ ex vitibus, augmentum equini pulli, ad emptorem pertinent absolute, ſi pretium traditum ſit; quia jam, ut patet, facta eſt dominii

Fezzai Thol. Moral. Tom. V.

tranſlatio, & fruſtus illi cenſentur fundi empti partes: quamobrem, ſive maturi ſint, ſive immaturi, ad emptorem ſpectabunt. At ſi pretium non ſit ſolutum, Salmaticenſes, & de Lugo cenſent pertinere quidem ad emptorem, ſed ſolum ſecundum valorem, quem tunc obinent; quia, inquit, fruſtum incrementum, & maturitas non eſt pars fundi, ſed effectus, ac fruſtus fundi. Cum igitur venierit quidem fundus, ſed tranſierit nondum in emptoris dominium, quod adhuc penes venditorem eſt, ad iſtum pertinebit hoc incrementum. Emiſi vineam effloſcentem, flores, inquit, ad emptorem pertinent; ſed uvæ ex illis enatæ ad venditorem. Verum hæc doctrina non omnino vera, & firma videtur. Nam 1. mirum apparet, flores arborum, immaturos earundem fruſtus, ad emptorem pertinere, & tamen ad ipſum non pertinere fruſtus ex ſuis floribus enatos, nec fruſtuum ſuorum maturitatem: ſimiliter meum eſſe equinum pullum a me emptum, & illius incrementum ad me deductis expenſis non pertinere. Præterea nonne flores, & fruſtus immaturi emptoris periculo pereunt, ſi pereunt? Si enim flores decidunt, nec fruſtus pariant, ſi fruſtus non matureſcant, vel grandine deſiciantur, venditor pretium diminueri non tenetur: nec igitur augere tenebitur, ſi matureſcant. Superius diximus ſola conventionẽ dominium tranſferri, licet non perfecte, quantum tamen ſufficit, ut res emptoris periculo ſtet, & ipſi vel fruſtificet, vel pereat. Quod ſi lubet nequaquam fundi tranſlatum dominium, fruſtuum tamen certe tranſlatum videtur: poſſet enim emptor flores decerpere ad pharmacam conſiciendâ, immaturos fruſtus excutere ad eos ſacchero condiendos, quia

Q

qcd

venditor impedire possit: cum, ut ipsi fatentur Theologi, ad venditorem pertineant. Sunt igitur in ejus dominio, ac proinde ipsi accrescunt, & maturescunt. Deducendæ tamen sunt expensæ, & compensandi labores, si forte occurrerent pro eorum vel custodia, vel conservatione. Hinc evanescit alia, quam instituunt, quæstio, nimirum posito, quod fructus venditori maturescant, non emptori, nym post maturationem vel teneatur venditor fructus emptori tradere, ab ipso pretium incrementi accipiendo, vel possit sibi retinere, pretium solvendo valoris, quem obtinebant ante maturitatem,

CONJECTARIUM QUARTUM.

IV. Si res duobus vendita sit, & neutri tradita, priori est tradenda emptori: si vero secundo emptori data sit, ejus manet, qui non tenetur priori cedere emptori; nisi vel privilegiatus sit, vel ipsi hypothecata, vel in fraudem emerit. Prima hujus Conjectarii pars & fundatur in Regula juris 54. in 6. *Qui prior est tempore, prior est jure*; & ab ipsa dictatur æquitate naturali, quæ statuit pacta esse sanctè servanda, nec ulli irrogandam injuriam. Altera vero pars ex legibus constat, quæ semper possessoribus favent, ne in sua possessione molesteantur; puniunt tamen hosce fraudulentos venditores, ut habetur L. 2. ff. ad Leg. Cornel. de Falsis, ubi dicitur: *Qui duobus in solidum eandem rem diversis contractibus vendidit, pena falsi coercetur*, quæ est deportationis, & publicationis omnium bonorum. Præterea primo emptori actio competit contra venditorem, non solum ad pretium, si forte solutum sit, recuperandum, sed etiam ad quantum emptoris intererat, ne res alteri venderetur;

Excipiuntur tamen emptores privilegiati, cujusmodi sunt Ecclesiæ, Monasteria, Hospitalia, & alia pia loca, quibus res, etiam a secundo emptore possessa, est restituenda: sicut enim a jure statutum est, ut posterior emptor ob traditionem priori præferatur; ita ab ipso nonnullis ab hac lege exceptio concessa est, quos peculiari favore ornandos voluit, quæ exceptio etiam ad illos extenditur emptores, quibus res in hypothecam, vel pignus tradita esset; ut habetur L. si prior. §. fin. ff. qui potiores in pignore, ubi decernitur: *In pignore placeat, si prior convenit de pignore, licet posteriori res tradatur, alius potiores esse priorem*. Quod si secundus emptor sciat, rem jam alteri fuisse venditam, in fraudis poenam a lege decernitur, ut possit intra annum, numerandum a die notitiæ, a primo emptore cogi ad rem sibi cedendam; elapso vero anno in ipso hoc jus cessat. Num vero teneatur in foro conscientie rem cedere, si nullum primo emptori obvenit damnum; non teneri arbitror: si vero aliquid ipsi detrimentum obtingat, teneri vel rem cedere, vel illatum damnum resciscere, præsertim si dolosus venditor tamquam principalis dampnificator resciscere recuset; nam in primo casu injuria est potius personalis, quam realis, quæ sarciri potest sine rei cessione; in secundo vero reale intervenit nocumentum ex justitiæ lege sarcientum.

CONJECTARIUM QUINTUM.

V. Licet regula sexta statuerimus, occurrente æqualiter mora tum ex parte emptoris, tum venditoris, periculum, & detrimentum totum in emptorem redundare; fieri tamen potest, ut qui est in posteriori mora, detrimentum subire debeat, quando nimirum qui prior in

MORA

mora fuerit, eam ex sua parte abstulerit ante omne rei detrimentum, & periculum. Et sane ita statuunt leges *Cap. illud 17. ff. de periculo & com. rei vend.* Si interpellauerat venditorem, & non dederit id quod emerat, deinde posteriore offerente illo, & ego non acciperim; sane hoc casu mihi necere deberet. Sed si per emptorem mora fuisset, deinde cum omnia in integro essent, venditor moram addidit, cum posset se exsoluere, *aquam est posteriorem venditori nocere.* Confirmat & naturalis ratio: nam licet prior morosus redditor in culpa fuerit detentionis rei alienæ, hæc tamen alteri non nocuit; nam nullum detrimentum, vel periculum illi attulit, & culpam abstulit, rem integram emptori exhibendo, quam recipere poterat. Quod si ipse recusavit, & in recipiendo moram commiserit, unde res vel perierit, vel sit facta deterior; ipsi sola sua mora nocere debet. Et vicissim, si emptor rem suam sibi oblatam recipere recusaverit, at postea opportuno tempore ipsam adhuc integram postulerit, quam reddendi venditor in mora fuerit; eadem plane ratione ipsi venditori mora nocebit. Quod si res æque periisset, vel deterior effecta fuisset apud dominum, si ei restituta fuisset, censent nonnulli Theologi ad nihilum teneri venditorem ob moram: quia, inquirunt, hæc mora damni, & detrimenti causa non fuit; res enim & apud dominum pari infortunio periisset. Ita sentiunt Molina, de Lugo, & Palao apud Reiffensuel. Verum opposita sententia mihi probabilior videtur, quia per culpabilem moram effectus est iniustus rei alienæ detentor; proinde debitum jam contraxisti rei alienæ restituendæ, quo urgente & iniuste res apud te perit; teneris igitur damnum sarcire. Nec refert, rem æque

& apud dominum perituram fuisse. Nam 1. hoc non impedit, quin fuerit iniustus detentor. 2. Rei perditio apud dominum non ex tua culpa secuta fuisset, sed ex fortuito eventu: at apud te tua culpa perit; quia nimirum domino, cum debebas, & poteras, non restituisti. Sed de hoc iterum in tract. de Restitutione.

CONSECTARIUM SEXTUM.

VI. Per venditionem rei alienæ, siue bona, siue mala fide factam, rei non transfertur dominium. Aperta est hujus Consectarii veritas: nemo enim potest in alium dominium transferre, quod ipsum non obtinet: & juxta Regulam 69. de Reg. jur. in 6. nemo potest plus juris transferre in alium, quam sibi competere dignoscatur. Qui igitur rem alienam vendit mala fide, vel eam recuperare debet, & domino restituere; vel si non potest, illius pretium, & totum illud quod intererat, ne res vendita foret, sarcire tenetur. Qui vero bona fide vendidit rem alienam, eam vel recuperatam domino tenetur reddere, vel ejus pretium, non vero quod intererat, ne venderetur. Qui vero rem alienam emit mala fide, domino suo restituat, oportet, etiam non recepto persoluto pretio; & etiam omne, quod ex tali emptione detrimentum manavit, sarcire debet, præsertim si venditor id prætare recuset. Qui vero bona fide rem alienam emit, sat est, si eam restituat, pretium tamen persolutum a domino exigere non poterit. Sed de his accuratius cum de Restitutione disputabimus, ubi etiam expendemus, num possit bonæ fidei emptor, ut pretium recuperet, rem factivam furi restituere.

CAPUT NONUM.

De Cambio .

DOCTRINA.

- I. Quid sit Cambium .
- II. Quotuplex .
- III. Licita sunt Cambia .
- IV. Quinam artem campforiam exercere possint .
- V. Tituli, qui lucrum in cambiis bonestum reddunt .
- VI. Quantum in cambiis minuitur .
- VII. Quantum in locatibus .
- VIII. Cambium siccum a S. Pio V. damnatum .
- IX. X. Quenam siccis cambiis dicenda sint .
- XI. Nonnullorum Theologorum doctrina refellitur .
- XII. Doctrina Benedicti XIV. exponitur .
- XIII. Nonnulla cavenda & in realibus cambiis, ne iniustitia subrepat .
- XIV. Cambia Francofurtensia, ac Lugdunensi reprobantur .
- XV. Argumenta in eorum favorem solvuntur .
- XVI. De Transactione .

I. **A**LTER, quo dominium transfertur, onerosus contractus est Cambium, quod a verbo cambire, permutationem significante, derivatur. Cambium igitur idem est, ac permutatio quod nomen, licet genericum omni conveniens contrahi, in quo pecunia non intervenit, sed res cum re commutatur; hic tamen pro peculiari contractu accipitur, quo pecunia cum pecunia permutatur cum lucro campforis. Differt a ceteris contractibus onerosis ratione materię, quę omnino singularis est, nimirum sola pecunia tam in dante, quam in accipiente; a contractibus

vero gratuitis, quia ex utraque parte onus assumitur, & lucrum intenditur. Qui cambium dat, Campfor dicitur; qui vero petit, & recipit. Campfarius audit.

II. Bifariam partiuntur Theologi cambium, nimirum in vetum, seu reale & legitimum, & in fictum sive lucatum, quod & siccum vocant; quippe quod speciem quidem gerit cambii, at lucum & substantiam legitimi contractus non obtinet, sed ad utram palliandam adhibetur. Legitimum cambium dividitur in minutum, seu manuale, & in locale, seu per literas. Minutum, seu manuale cambium habetur, quotiescunque praesens pecunia actu de manu ad manum permutatur in aliam diversę speciei, ut cum moneta aurea, vel argentea mutatur in æream, vel majore preii cum minori, patria cum externa, deficiens a justo pondere cum alia iusti ponderis.

III. Licitum esse cambium istud agnoscit Sanct. Pontif. X Pius V. in sua Constitutione anni 1571., quę incipit: *In eam*, ubi investum dicit cambiorum usum a publica tum necessitate, tum utilitate. Et revera humano commercio valde conducit, ut sint qui varia monetarum genera semper parata habeant ad illorum utilitatem, qui, cum alio se transferre debeant, pecunia indigent levioris ponderis, & magni pretii; sicut e contra alii infuoriore egent moneta ad quotidianas expensas; & pari pacto valde conducit, ut fior, qui pecuniam de loco ad locum transferant, vel qui pluribus in locis pecuniis habeant, dantes in illorum utilitatem, qui abfentes a loco, inibi solvendam pecuniam volunt.

IV. Artem campforiam aliqui exercent publica auctoritate, qui propterea,

si a Republica stipendium accipiunt, nihil recipere possunt a privatis campfariis canbium petentibus; nisi forte aliquid ab ipso Principe sit constitutum. Ubi vero privatis interceditur cambium etiam minus exerceere, peccant, qui iustas has Principum leges violant. Ubi vero hoc privatis conceditur, licet cuilibet campforiam artem assumere, & exercere, ex eaque iustum lucrum accipere.

V. Tituli, quibus honestum redditur in cambio manuali lucrum, sunt 1. Ipsa materię diversitas, ex qua constat pecunia, quę plures usus opportunos habere potest, cum plurimum conducatur potius auream pecuniam habere, quam æream; nec non ejus pretiositas, quia plus æstimatur pecunia ex auro puro, & obrizo, quam ex minus puro conflata est. 2. Varietas ponderis, & signi, cum minus valeat pecunia pondere suo diminuta, ea quę legitimum pondus obtinet; & quędam pecunia tali forma signata uno in loco non valet, licet alibi valorem suum sortiatur. 3. Onus, quod sibi assumit campfarius, quodque plura illi offert incommoda, & expensas pro domo, ministris, & pecuniis congerendis, & servandis. Ita docet Auctor Opusc. 73. cap. 13. inter Opuscula S. Thom. scribens: „Ars, campforia de se est iusta, & est ratio, quia illud plus, quod accipitur a campforibus in tali permutatione motę, nęm, non accipitur ratione pecunię, quę de se est invendibilis, sed ratione periculi, vel interesse, ut subveniat salariis pensionum, domorum, ministrorumque, & laboribus & expensis in arte necessaria, & licita, ne frustra ponant operam, & ludorem suum in re licita ad utilitatem aliorum“.

VI. Quale autem lucrum accipere possint campfores in monetis permutandis: non facile est definire, sed est relinquendum arbitrio peritorum, & Deum timentium, inspecta qualitate monetę, quę datur, vel recipitur, sicut & ejus copia, vel raritate, immo & quantitate: nam in commutatione unius, vel alterius monetę etiam aureę, & pretiosioris pro æreis, & minutis aliquid exigere, avaritię foret; cum hujusmodi permutationes nullo æstimentur pretio, & passim gratis fieri consueverant.

VII. Lucrum vero ex locali cambio reportandum, vel a legibus determinatur, vel a consuetudine, & peritorum judicio est desumendum, spectata vel locorum distantia, vel commercii majori aut minori facilitate. Ex primo enim capite, quo longius asportatur pecunia majus exigi potest pretium; cum majus sit periculum, majoresque faciendę expensę. Ex altero vero capite contingere potest, ut aliquando etiam in remotioribus locis facilius cambia fieri possint, quam in propinquioribus; quia in remotioribus fortassis frequentius habetur commercium, in propinquis vero rarius, quomobrem & difficilior sit cambium, & fortassis majori expositum periculo. Sunt igitur hæc ad justitiam in cambiis servandam diligenter inspicienda.

VIII. Cambium vero siccum illud dicitur, quod omni caret succo, desumpta metaphora ab arbore arefacta, quę licet speciem præferat virentis arboris, inepta tamen est ad fructum faciendum: quod pariter contingit in sicuto cambio, in quo licet specietenus permutatio simuletur, revera tamen palliatum mutuum est, proinde ejus lucrum usura. Porro hæc cambia illicita esse jam de se patet, & etiam declaravit S. Pius V. in

in Bulla de Cambiis 118. quæ incipit : *In eam pro vestro*, ubi decernit : *damus ea omnia cambia, quæ siccæ nominantur*.

IX. Quænam vero sint hæc fucata cambia, declarat idem Pontifex, & explicant Theologi. Primum itaque fucatum cambium ex S. Pio V. illud est, quo contrahentes ad certas nundinas, seu ad alia loca cambium simulant, ad quæ licet ita, qui pecuniam recipiunt, literas quidem sui cambii tradant, non tamen mittunt, vel ita mittunt, ut transacto tempore, unde processerunt, revertantur. 2. Quando nullis traditis literis pecunia in cambium data ibi numeratur, & recipitur, ubi contractus fuerat celebratus. Quis enim non videret, in his contractibus non nisi cambii nomen haberi, at verum cambium omnino non haberi? 3. Cum pecunia alicui traditur, ut per eam cambia fiant, quæ tamen minime a campfario perficiuntur, sed campfiori interesse, ac lucrum solvit, veluti si ex peractis cambiis resularet, & hoc optime campfiori innoteceat.

X. Hinc Theologi jure meritoque inferunt, inter fucata, siccaque cambia ea esse referenda, quæ cambia dicuntur cum recurso, quando scilicet aliquis a campfore pecuniam accipit ex g. Venetiis, reddendam Romæ: at cum inibi campfarius nec pecuniam habeat, nec procuratorem, campforis Procuratorem adhibet, qui Romæ simulat se pecuniam accepisse, quam iterum novo cambio Venetiis remittit cum novo lucro, qui lusus aliquando per plures sive menses, sive annos durat, quin unquam aliquid revera solvatur in locis, ad quæ cambia remitti simulantur, & solum vere, & realiter in initio contractus aliqua pecuniæ summa solvitur,

quæ tandem in eodem loco recipitur, sed cum pluribus auctariis, veluti ex repetitis, sed simulatis cambiis resultantibus. Hoc cambii genus & ipse benignissimus Spoterius tr. 6. in 7. Præc. cap. 6. sect. 2. n. 44. *rem diabolicam* appellat, in *Germania sua vin auditam*, ideoque a *Scriptaribus Germanicis tacitam*, & ab ipso quonque tacendam: nam subdit, *quidquid sit de rigore speculativo, revera practice non videtur esse aliud, quam cambium siccum duplicatum*.

XI. Dum autem dicit, quidquid sit de rigore speculativo, subindicat non deesse Theologos, qui hujusmodi contractus saltem speculative licitos, honestosque propugnant. At quæ, amabo, ratione? Audi. Quid, inquiunt, si revera hujusmodi cambia efficerentur, lucrum ex illis perceptum honestum foret: honestum igitur erit, licet realiter non fiant; quia ex mutua conventionione virtualiter sunt; & licet non intersit realis pecunia; adeest tamen virtualis, & æquivalens, quæ sufficientissima est ad veram solutionem faciendam. At falsæ istos Theologos ridendos refellit Concina scribens: „Felices, faustique „debitores, si hæc pecunia virtuali „mente concepta, & calamo exarata „solvere debira sua possent. Lapis iste „casuisticus omni lapide philosophico „pretiosior esset, si quemadmodum „usuram fucat, ita pecuniæ ad veram „solutionem pareret debiturum“.

XII. Inter fucata, & sicca cambia istud etiam merita enumeratur a sapientissimo Pontifice Bened. XIV. de Synod. lib. 7. cap. 48. n. 8. „1. Cum Titius „ab amico Cajo mille aureos mutuo „accepit, illique dat facultatem, æqui- „valentem pecuniæ summam, sive a „semetipso, sive ab alio per cambii

„ contractum accipiendi : eamque ad
 „ negotiationem destinandi : simulque
 „ Titius te obligat ad solvendum Cajo,
 „ donec ei mutuum restituat, quidquid
 „ ratione cambii impendit, aut im-
 „ pendere deberet, si prædictis mille
 „ aureos a camplore accepisset. 2.
 „ Quando etiam ipsemet Titius mutua-
 „ rius assumit sibi onus cambii ne-
 „ goriandi tantam pecuniæ summam,
 „ quantam mutuum accepit a Cajo, in
 „ commodum tamen, & utilitatem ejus-
 „ dem Caji, cui quotannis solvit quan-
 „ tum ex cambiis lucratur, aut lucrari
 „ posset, donec eismutuum restituat „.
 „ Quod secundum cambii genus ab ali-
 „ quibus licitum reputari dicit Pontifex,
 „ quia „ aut Titius stat promissis, aut
 „ non. Si primum, Cajo creditor iuste
 „ percipit fructus, sive pecuniæ acce-
 „ siones ex cambiis productas, si secun-
 „ dum, quamvis tunc nihil ex cambiis
 „ consequatur, eisdem tamen fructus
 „ a Titio requirit, titulo *ejus quod in-
 „ terest*, seu damni, quod subit ex eo,
 „ quod Titius suscepit obligationi non
 „ satisfecerit “. At his non attentis,
 „ subdit sapientissimus Pontifex n. 9. „
 „ Facile est suspicari, prædictis invo-
 „ lutas ambages esse unice excogitatas
 „ ad palliandam usuram, quæ nihilo-
 „ minus non satis occultatur, & magis
 „ adhuc aperte se prodit, cum con-
 „ tractus secundo modo initur ; quid
 „ enim absurdius, quid incredibilius
 „ fingi potest, quam quod Titius in-
 „ digens mille aureis, quos mutuos
 „ accipit a Cajo, totidem statim para-
 „ tica habeat ad nundinas transmitten-
 „ dos, atque in activa cambia erogan-
 „ dos in mutuantis Caji utilitatem ? “
 „ Quan obrem num. 10. concludit : „
 „ Quidquid sit de foro externo, qui
 „ in præsumptione fundatur, in foro

„ interno, ubi sola spectatur veritas,
 „ si pecunia accepto mutuo respondens,
 „ neque a mutuantem, neque a mutua-
 „ tario juxta prædictas diversas passio-
 „ nes, fuerit ad nundinas transmissa,
 „ seu in cambia activa erogata, nec
 „ unquam in alterutrius animo fuit eam
 „ ad nundinas transmittere, seu in cam-
 „ bia erogare, minime dubitandum est
 „ cambium esse illicitum, turpe, &
 „ usurarium, ac propterea a Christiana
 „ Republica prorsus eliminandum “.

XIII. In ipsis quoque realibus cam-
 „ biis iniquitatem subrepere posse, & il-
 „ licitum lucrum, innuit S. Pius V., ad
 „ quod præcavendum nonnulla statuit &
 „ in ipsis realibus, verisque cambiis ser-
 „ vanda. Nimirum, 1. prohibet Ponti-
 „ fex, ne in ipso statim cambii initio
 „ determinati interesse solutio deducatur
 „ in pactum. Ubi adnotandum, S. Pon-
 „ tificem non lucrum cambii prohibere,
 „ sed lucrum determinatum ratione lucri
 „ cessantis, vel emergentis damni, si de-
 „ bitor in mora fuerit solvendi ; & qui-
 „ dem nec hoc ipsum absolute verum, sed
 „ pactum de determinato pretio solvendo
 „ ratione ejus, quod interest ; hoc enim
 „ ab ipso eventu, & quantitate lucri
 „ cessantis, vel damni emergentis pen-
 „ dere vult, & determinari : alioquin
 „ facile usura sub pallio cambii regi pos-
 „ set, dum ex præsumptione periculi
 „ cessantis lucri, vel damni emergentis
 „ incerti, & mere probabilis, immo si
 „ vis & probabilissimi, certa tamen pec-
 „ unia pendenda statuitur. 2. Verat
 „ Pontifex, ne cambia realia protrahan-
 „ tur ultra primas nundinas, *rejectione ab-
 „ su cambia pro secundis, & deinceps nun-
 „ dinis sine termino extendendi*. Et quidem
 „ merito, nam hic quoque subesse potest
 „ usura, cambii fuco oblita : etenim qui
 „ magis differtur solutio, major exigitur

sum-

summa, & majus lucrum ob dilationem; & sic venditur tempus, & carentia pecuniæ. Advertunt tamen Theologi 1. primas nundinas, seu ubi nundinæ non sunt, primos terminos illos intelligi, in quibus cambiales literæ ad locum pervenire possant, & solutio fieri. 2. His conditiones campsores respicere, non campfarios, qui persolutio pretio, & pecunia Venetiis v. g. tradita, ut eam recipiat Romæ ad primas nundinas, vel primum terminum, poterit campfario concedere, ut solum ad secundas, vel tertias nundinas translationem pecuniæ differat; cum nullum ipsi ex hoc beneficium resultet, ex quo sit usuræ periculum: sicut etiam si ipse campfor equali pretio cambium daret ad secundas, tertias, & quartas nundinas, ac ad primas; nihil enim tunc lucraretur ex dilatione solutionis, quod tamen vix in praxi fieri puto. 3. Verat Pontifex, ne longiores præfigantur solutionis termini, quam postulet ipsa longinquitas, vel proximitas locorum, ad quæ destinatur solutio. Et jure quidem meritoque, quandoquidem hæc solutionis dilatio nonnisi ad faciendam usuram adhibetur, ut scilicet majus prodeat lucrum ex temporis mora, & dilatione; cum alioquin, ut superius diximus n. 8. cambiale pretium non tam ex materiali defumendum sit locorum distantia, quam ex majori, vel minori facilitate trajiciendi pecuniam; nam ubi frequens viget commercium, licet fortassis locus remotior sit, minus pro cambio solvitur, quam si in locum transferatur propinquiorem quidem, sed in quo rarius occurrit trajiciendi pecuniam occasio. 4. Denique illas verat conspirationes Pontifex, per quas mercatores congestam undique pecuniam ad se trahebant, ut qui cambiis egent,

ad ipsos necessario confugere debeant, & illud pretium solvere, quod illis magis lubet. Vocat autem Pontifex hoc genus fraudis, quod illicitum esse nemo non videt, *quasi Monopolium*; ad illud enim quam proxime accedit; sicut enim verum haberetur monopolium, quando aliqui mercatores ad se omnes merces trahunt, ut emptores ab ipsis emere cogantur majori pretio; ita & isti campsores pecuniam congregant, & ad se trahunt, ut non nisi ab ipsis cambium possit obtineri, & majori quidem pretio: quam brevis illos pœnis etiam subijcit S. Pius, quæ a jure contra monopolia exercentes sunt constitutæ.

XIV. Hinc sequitur cambia Francofurtensia, vel Lugdunensia vera esse cambia illicita, & pallia usuræ. In hisce enim cambiis, ut exponunt Tournelius, Concina, alique Theologi, campfor pecuniam numerat ex. c. Venetiis, ut eam a campfario Lugduni, vel Francofurti recipiat, vel post tres menses, vel nundinarum tempore, cum actuario tanto majori, quo longiori tempore distant nundinæ, vel cum illo augmento majori, vel minori, prout pecunia plus, aut minus valet per tres illos menses, inter singulas nundinas currentes. Porro hic contractus manifestam implicat usuram. Nam auctarium non exigitur nisi pro carentia pecuniæ, & pro temporis dilazione: quare quo major est dilatio, eo majus exigitur mutuum. Porro pro pecuniæ carentia, vel solutionis dilatione aliquid exigere usura est, ut omnes faterentur, & suo loco ostendemus. Quapropter hoc cambii genus reprobarum est in superius laudata S. Pii V. Bulla, in qua inter illicita cambia, & usuræ labe infecta, illud enumerat: *Cum pecunia, sua depositi, seu alio nomine fidei cambii,*

cambii, tradantur, ut possent eodem loco (en cambium sicum) vel alibi (ecce cambium Lugdunense, vel Francofurtense) cum lucro restituantur.

XV. Non desunt tamen Theologi, qui hæc cambia reprobare non audent, sed excusare nituntur hisce argumentis. 1. Quia plerumque hæc cambia inter mercatores exercentur, qui cum negotiari soleant pecuniam suam, ex pecuniæ carentia illis vel lucrum cessat, vel damnum emergit: unde pro hoc titulo lucrum illud consequi possunt. 2. Quia, ut inquit Lacroixius, tempore pro- pinquo nudinis major est copia pecuniarum, adeoque camporum multitudo cambium vilius efficit: e contra vero tempore remotiore est minor copia. Unde cum talis pecunia habeat se per modum mercis, pretium ejus augebitur ex penuria venditorum, & minuetur ex copia. 3. Plerumque hæc cambia a Principibus adprobantur, immo eorum auctoritate firman- tur: non ergo sunt illicita reputanda. Verum hæc argumenta nec probabilem reddunt horum cambiorum iustitiam, & honestatem. At 1. enim optime respondet Genetus, raro admodum, & fore nunquam etiam in Mercatoribus adesse periculum vel emergentis damni, vel lucri cessantis: Non enim (inquit) ut plurimum pecuniam sibi certo tempore solvendam tradunt, nisi cum inutilis, sterilisque in capsa remanet, ob defectum opportune occasionis, & ita interesse, & lucrum, quod exigunt, est fere semper usurarium, cum non possit esse loco justæ compensationis pro lucro amisso, aut damno secuto. Addendum, quod si vere hi tituli adessent, tunc pretium non ex dilatione temporis, non ex majori, vel minori pretio, quod obtinet

Patuzzi Theol. Moral. Tom. V.

pecunia in nudinis, auctarium erit taxandum, sed pro ratione, modo, & consuetudine ipsius damni emergentis, & cessantis lucri. Ad 2. egregie respondet Franzosius, Falsum esse, quod pecunia se habeat instar mercis, & quod ejus pretium augeatur ex penuria camporum, aut minuat ex copia. Pecunia enim habet suum determinatum pretium ex communi, aut Principum taxatione, quod propter camporum penuriam, aut copiam, non mutatur. Quod si campores illud mutant, ex arbitrio suo, & avaritia contra sua faciunt. Quamquam dum Lacroix ait, campores esse pecuniarum venditores, & pecuniam apud ipsos esse instar mercis, satis declarat eos esse fœneratores: hoc enim posito, cambium quoque sicum iis permittitur, & eo lucrosius, quo nudinæ, quibus pecunia restituenda est ibi, ubi datur, remotiores sunt. Tertium aperte inficiatur Tournelius ex testimonio illorum, qui de cambiis licitis, vel illicitis plenius, & doctius scripsere, qui non a Principe adprobata dicunt cambium Lugdunense, sed mere toleratum: Quod si forte & adprobatum foret, nonnisi ex præsumptione damni emergentis, vel lucri cessantis hæc adprobatio obtineret, qua deficiente plane est usurarium habendum.

XVI. Inter onerosos contractus dominium transferentes est etiam Transactio recensenda, quæ & late sumitur, & strictæ. Transactio late sumpta sumitur pro omni actu, quo ab obligatione receditur, seu quo illa tollitur: & hoc pacto omnis distractus, sicut & sententia judicis, & cessio parisi transactio dicitur. Strictæ vero sumpta, de qua modo loquimur, definitur, *conventio, seu passio onerosa, non gratuita,*

R

de

de re dubia, & controversa, seu lite incerta, & non finita. Ex definitione patet, ad veram, & rigorosam Transactionem tria requiri. Nimirum 1. ut fiat de re dubia; quamobrem, si transigens in conscientia probe noverit se nullum jus habere in re, de qua transigitur, tenetur coram Deo restituere totum id, quod ob talem transactionem ab altera parte accepit, vel illi remissum, seu condonatum fuit, cum omni careat justo titulo, vi cuius aliquid possit accipere. 2. Ut fiat lite incerta, nec dum finita; si enim lis sit per iudicis sententiam definita, & nulla interposita appellatio, jam transit in rem iudicatam, nec amplius locus superest Transactioni. Tertio ut non fiat gratis, sed sit onerosa, hinc inde aliquid dato & recepto, promisso & remisso; alioquin non transactio erit, sed amicabile compositio, qua pars debui gratis condonatur, & remittitur. Licet etiam in ipso jure transactio cum amabili compositio confundatur, & plerumque in omni amabili compositio aliqua adipsceatur transactio, sicut & vicissim in transactione amabilis intervenit compositio. Transactio vere, & proprie talis locum non habet in Beneficiis, aliisque rebus spiritualibus, si interveniat res temporalis vicissim data, remissa, vel promissa; nam simoniaca esset, & irreligiosa; at admittitur amicabile compositio omnino gratuita. In spiritualibus tamen locum habebit transactio, si spirituale pro spirituali datur; ut si decimæ litigiosæ pro parte per transactionem dividantur; vel Clerici pro jure controverso decimandi se obligent ad Sacramenta administranda. Perfecta transactione, nisi læsio canonis intercedat, non licet a conventis rescire, nec conceditur in integrum restitutio.

CAPUT DECIMUM.

CONJECTARIA PRÆCEDENTIS
DOCTRINÆ.

- I. *Campsores monetæ valorem mutare non possunt, sed lucrum ex cambio recipere.*
- II. *Principum, & Campsorum ministri non possunt in proprium lucrum monetas mutare.*
- III. *Idem nec privatis concessum in aliena moneta.*
- IV. *Licet Campsori lucrum accipere ex cambio alias sibi utili, vel opportuno.*
- V. *Quando liceat inferiorem monetam cum lucro permutare accepta pretiosiore.*
- VI. *Licet Campsori pignus, vel fidejussorem a Campsario petere.*
- VII. *Sicut & moroso debitore, quod patitur ex mora, damni compensationem exigere.*
- VIII. *Non licet Clericis cambia activa nec per se, nec per alium exercere.*

CONJECTARIUM PRIMUM.

- I. **C**AMPSORES in pecuniis permuto illarum valorem augere non possunt, sed lucrum valent exigere suæ arti debitum. Ratio est, quia ut mox diximus, pecunia suum sortitum determinatum valorem ex communi consensu, vel Principis taxatione, quem augere nulli privato licet; & qui hoc attemptarent, merito a Magistratibus punirentur, vel a consuetudine universim adprobata: possunt tamen lucrum accipere ob rationes capite superiori allatas. Non tamen putandum est, campsores monetarum valorem augere, dum

dum lucrum suum singulis monetis adæquant : hæc enim adæquatio non monetæ auctarium est, sed distributio lucri in partes, ut æqualitas inveniatur in cambio, prout rem arithmetice consideranti patebit. Nam si res aliter se haberet, duplex consequeretur lucrum campfor, nimirum & ex ætuario monetæ, & ratione artis suæ campforis ob factam permutationem : quod si hoc duplex non repetat lucrum, manifestum est ipsum ex solo cambio, non ex ætuario monetæ lucrari. Et revera titulum lucrandi in campforibus non desumit Auctor Opusculi 73. D. Tho. tributi ex ipsa pecunia, quæ rationem habeat mercis, sed ex aliis titulis, scribens : „ Illud plus, quod accipitur a „ campforibus in tali permutatione „ monetæ, non accipitur ratione pecuniae, quæ de se est invendibilis, „ sed ratione periculi, vel interesse, „ ut subveniatur salariis pensionum, „ domorum, ministrorum, & laboribus, & expensis in arte necessaria, „ ne frustra ponat operam, & sudorem „ suum in re licita ad utilitatem aliorum “.

CONSECTARIUM SECUNDUM.

II. Principum Officiales, Thesaurarii, Quæstores pretiosorem pecuniam, quam vel ex monetæ officina, vel ex Ærario Principis accipiunt erogandam, & distribuendam militibus, aliisque Principum creditoribus, nequeant lucri gratia in minores, vilioresque monetas permutare, quas postea creditoribus distribuunt ; sicut nec Ministri Campforum possunt hoc pacto lucrari. Ratio est manifesta, quandoquidem 1. hi Ministri jam suæ operæ mercedem, & præmium obtinent : tenentur itaque illud fideliter exercere abique alio lucro.

Præterea qui vel a Principe, vel a Campfore pecuniam recipere debent, jus habent ad illam a Principe, vel Mercatore deputatam pro sui crediti solutione, quam Minister permutare non debet in deteriore. 3. Id sine detrimento, & damno accipientium non evenit, qui lucrum illud, quod Ministri sibi arrogant, ex sua pecunia obtinere possunt ; & semper utile est, & commodum creditoribus meliorem, ac nobiliorem monetam accipere, quam viliolem, & deteriolem, qua utilitate, & comodo per ministrorum avaritiam privantur. Multoque magis peccant, & ad restitutionem tenentur Principum Ministri, qui in pluribus Regnis, vel Provinciis constituti auream, & argentæam Principis monetam ad finitimas alterius Principis Civitates transferunt, ut inde æream, vel inferiorem accipiant cum non levi lucro. Nam vix dici potest, quantum detrimenti afferant Reipublicæ subditis, qui privantur pretiosiore moneta : etenim inferior, alienaque moneta ita exundat, ut negotiationi quammaxime obstat ; & pauperes gravantur, cum rerum ad victum necessarium pretium ob monetæ vilis creseat, & augeatur : proinde gravissime peccant, & tenentur illam communi bono damnum refarcire, tantumdem pecuniæ ab extero Principatu revocando, etiam cum suo damno, quantum cum suo lucro transulere.

CONSECTARIUM TERTIUM.

III. Nec privatis licet pretiosorem, nobilioremque monetam ab aliquo acceptam, ut alteri tradant, cum lucro in minorem permutare. Plures Theologi sunt, qui dissentiant, & saltem aliquibus postis conditionibus id nec illicitum censent, nec injustum. Nimi-

rum 1., quando nec expressum, nec præsumpsit habetur Domini mandatum de isdem dandis monetis. 2. Quando sciunt, dominum non teneri eas nobiliores monetas in specie rependere. 3. Quando nullum inde nec domino danti, nec accipientibus damnum, vel noementum provenire certo noverint. Hinc inferunt non peccare hæredem, qui a Testatore iussus centum aureos in vidulo contentos pauperibus distribuere, illos in minutiores commutando monetas duci lucratur aureos; sicut & famulus, qui iussus parem aureorum summam creditori deferre, ad campforem declinans in via per cambium in viliores monetas unum, vel alterum lucratur aureum. Verum, ne horum Theologorum opinioni plane acquiescam, hæc me movent argumenta. 1. Non video, quo jure, & titulo hæres, & famulus de re prorsus aliena disponere possint, nedum non consentiente domino, sed ipso fortassis dissentiente, & ex ea lucrari. 2. Famulus suam obtinet mercedem pro domini servitio; in eo igitur præstando nihil ulterius lucrari debet: & pari pacto hæres beneficium habet hereditatis, cui onus adnexum est legata fideliter solvendi, prout est a testatore statutum. 3. Certe famulus injuriam irrogat domino, & hæres pauperibus de eorum pecunia disponendo, ut fateatur ipse Sporerius, licet hanc injuriam levem puiet, ac venialem. 4. Denique famulus suspicari potest, dominum non sine causa creditori suo talem nobilioris monetæ speciem misisse, scilicet ut eum sibi magis devinceret, vel ad rem illi gratam faciendam, vel ad aliqualem restitutionis moram compensandam, vel alia fortassis non comperta, sed vera ratione; proinde periculo se exponit

nocendi & ipsi domino, & creditori. Ab hoc igitur lucro absterrendos esse huiusmodi famulos, & hæredes probabilis censeo. Quod si fecerint, nulli tamen pacto restitutioni obnoxios: lucrum enim inde perceptum non fructus est ipsius pecuniæ, sed industriæ, illicitæ quidem, sed non iniustæ; ut patet in fure, qui lucrum ex furtiva pecunia restituere non tenetur.

CONJECTARIUM QUARTUM.

IV. Licet campfori lucrum accipere ob cambium locale, & per literas, de quo ab alio rogatur, quamvis tale cambium illi valde commodum sit. Rem exemplo illustro. Titius campfor Venetus Romæ habet mille scuta, quæ Venetias transferre cogitat, ubi illia indiget: dum de medio transferendi inquit, occurrit illi forte Sempronius, qui ab eo postulat, ut Romæ sibi transmittat mille scuta, quæ Venetiis solvit. Vel ex opposito, Sempronius habet Venetiis scuta mille, quæ duci molitur Romam mittere, a Titio rogatur, ut ipsi Venetiis ea solvat, reddenda Romæ. In his casibus qui alterum prævenit in petendo cambio, pretium cambii solvere debet, & alter licite potest accipere. Nam, ut optime animadvertit Sotus, qui dat cambium petenti, illi officium præstat pretio æstimabile; nec ex eo, quod illi tale cambium utile sit, sequitur, quod gratis præstare beneficium teneatur: in hisce enim commerciis, quid res in se valeat, pendendum est, non quantum sit alteri utilis; ut patet in ventilatione, in qua artis instrumenta, quæ utilissima, & necessaria sunt artificibus, non venduntur respectu habito ad utilitatem ementis, sed inspecta ipsa natura instrumenti, nimirum materia, for-

forma, opere; & sic acus vilissimo veniunt pretio, licet maxima sit eimentibus earum utilitas. Ita pari pacto licet utile sit campfori Venetiis recipere scuta mille, quæ Romæ habet, vel Romæ recipere, quæ Venetiis solvit, adhuc tamen verum cambium in alterius utilitatem exercet, illique beneficium præstat pretio æstimabile, de quo rogatur: poterit igitur lucrum legitimum adipisci. Quamobrem non capio, quid sibi velit recentior Probabiliorista, dum Tr. x. cap. 6. §. 3. n. 2. scribit, sibi probabiliorum esse opinionem asserentium, quod in hoc casu neuter lucratur, si debeat, sed cambium cambio reciprocè compensandum, aliter etiam si alter præveniat, caret titulo lucrandi, cum in eo loco pecunia careat. Quibus postremis verbis quid sibi velit, scire me nullo modo percipere. Nam si in loco, ubi solvenda est pecunia, pecunia caret campfor, cambium perficere non poterit; si autem cambium perficit, profecto pecuniam in loco habeat, necesse est: ut enim campfor cambium perficere valeat, sufficit, ut in loco, ubi est solvenda, pecuniam habeat, licet careat in loco, ubi recebit. Qui igitur postulat a campfore, ut sibi Romæ solvat mille scuta, quæ Venetiis numerat, licet campfor jam in animo haberet ea scuta Venetiis transferre, ubi eis indiget, & caret, habet tamen Romæ, ubi ad alterius petitionem numeranda scribit: habet igitur iustum titulum lucrandi. Et idem dicendum vice versa de alio Venetiis petente pecuniam sibi solvi Romæ a campfore recipendam. Quod vero ut licitum, & honestum concedo campforibus, qui artem hanc ob publicam exercent utilitatem; illicitum tamen existimo, & iniquum inter privatos amicos,

licet alter alterum præveniat: nam tunc censetur petens gratis petere cambium quoad lucrum cambii, licet paratus sit ad expensas, vel damna subeunda ob cambium resarcire, quæ cum hic compensentur per mutuam utilitatem, nullum lucrum, nullamque expensam indemnitate alter ab altero vel petere, vel recipere honeste poterit.

CONJECTARIUM QUINTUM.

V. Non licet pecuniam inferiorem, & minoris valoris cum pretiosiore, vel majoris valoris permutare, quando lucrum in utilitatem cedit illius, qui inferiorem, & minoris valoris monetam tradit. Nam hoc cambii pallio usura tegitur, & non cambium revera est, sed merum mutuum, quod frequenter in pluribus locis fieri hoc modo & vidi, & scio. Indiget aliquis pecunia vel ad negotiandum, vel suis subveniendum indigentis, & amicum adit, a quo centum scuta petit, qui libenter, & quidem gratis concedit, verum in moneta vel inferioribus, vel quæ ex solo abusu certum habent determinatumque valorem, & solum ex silentio Principis, cursum obtinent, onere imposito restituendi postea tantundem, sed in moneta probata, vel aurea, & quæ legitimum obtinet valorem, unde ipse saltem quinque, vel quatuor pro centenario lucretur. Porro nullus est, qui statim non perscipiat hic non latere, sed prætere usuram. Nam quo titulo lucratur? Non titulo cambii, cum utilitas hujus contractus non jam se teneat ex parte illius, qui pretiosiores tribuit monetas, ut æquitas postulat; sed ex opposito ille lucratur, qui deteriore, & minoris valoris monetam perfolvit. Non titulo negotiationis, quia qui primo dat pecuniam, nullam intendit inire nego-

tia-

tiationem, nec de negotiando cogitat. Non alius igitur superest titulus, nisi mutui, cum pro pecunia pecunia recipiatur, restituenda post certum tempus, & quidem cum illo æquario, quod ex permutatione moneræ certo resultat, & a mutuantie intenditur. Quod adeo certum est, ut nonnulli de hujusce contrarietate iniquitate moniti, ab illis quidem se recessuros dixerint, at simul non amplius suam pecuniam petentibus dare statuerint, licet, ut antea, a pluribus rogarentur; quia cum nullum amplius lucrum reportare possint, sua pecunia nec ad breve tempus carere volebant.

CONJECTARIUM SEXTUM.

VI. Campfor, qui prudenter dabitur de fidelitate campfarii in reddenda pecunia, potest quidem vel fidejussionem, vel pignus ab ipso petere; at lucrum cambiale proportionaliter ad periculum infidelitatis augere non potest. Prima pars positi conjectarii manifesta est, & ab omnibus Theologis admittitur: sicut enim in aliis contractibus ad creditum factis licet cautionem, vel fidejussoriam, vel pignoratitiam exigere; sic ea poterit & in contractu cambii apponi; ut quemadmodum campfarius est securus de soluta a campfore pecunia, ita & campfor sit tutus de ea suo loco, & tempore a campfario solvenda. Altera tamen pars non ita communiter admittitur: non desunt enim Theologi, inter quos est P. Cuniliati, qui putat id licere, non quidem ubi est acceptata Bulla S. Pii V. verantis, ne quisquam audeat sine in principio, sine alias, certum & determinatum interesse, etiam in casu non solutionis pacisci, quo Decreto & hoc cambialis lucri augmentum interdictum censet; sed, ut ipse dicit, inspecto jure naturæ. At, quoniam patet illud licere lucrum, quod de se lucrum

omnino est ad finem obtinendum? Exponit siquidem iste campfor pecuniam suam periculo amissionis, quia (ut supponit laudatus Auctor) *eam tradit de-collectori, prodigo, cavilloso, perditæ conscientie viro, a quo non sine rationabili fundamento existimat non reddendam suo tempore pecuniam*. At quomodo ab hoc periculo cavet? Si pignus petat, si fidejussionem postulet, intelligo sibi cavisse: at per auctarium lucri quomodo sibi cavet ab hoc periculo, omnino non capio. Nam vel suo tempore pecuniam fideliter solvet Campfarius iste; & jam omne evanuit periculum: vel non solvit; & quomodo per augmentum lucri suæ securitati prospexit? Nonne tunc & pecunia carebit, & sperato lucro? Immo nonne difficilius hujusmodi genus hominum solvet quod majus est, quam quod minus? Si ergo timebat, ne pecuniam restitueret, quanto magis timebit, ne pecuniam; & auctarium non solvat? Sunt igitur hæc mera usuræ palliatia, ad avaritiam regendam, & ad lucrum captandum inventa. Quare jure merito fuit a S. Pio V. reprobata, a cujus Decreto non est recedendum, utpote juri naturæ non adverso, sed quæmaxime consono. Sed de his fusius, dum de mutuo, & usura disputabimus.

CONJECTARIUM SEPTIMUM.

VII. A moroso sive campfore, sive campfario, qui damnum ob dilationem solutionis patitur, potest exigere, quod interest, ne mora commissa foret; & debitor morosus sarcire tenetur: at nec recambium potest imponere; nec certam poenam conventionalem statuere, nec remissionem pretii pro cambio postulare. Ratio primæ partis est, quia, ut diximus superius in tract. de Contractu

Si-

Arbitus in genere, sua mora cuique noxia est; & iustitiæ nomine potest, qui damnum ex aliena culpabili mora patitur, compensationem petere; & qui intulit, dare tenetur. At pacisci vel de recambio, vel de pœna pecuniaria solvenda illicitum dicimus; cum hoc & vetitum sit a S. Pio V. & alioquin media hæc inepta sunt ad damnum avertendum; solumque ad palliandum usuram adhibentur, ut diximus, ubi de pœna conventionali egimus. Similiter injustus esset, qui a campfore petens, ut post mensem Romæ sibi enumeret mille scura, quæ statim illi solvit, si campfor dilationem solutionis usque ad tertium mensem exposcat, cum tunc paratam non habeat Romæ pecuniam, & ob hoc campfarius exigit, ut pretium cambii condonet, quod illi debetur; quia ex dilatione solutionis lucrum consequeretur, quod profecto usurarium est, & illicitum.

CONSECTARIUM OCTAVUM.

VIII. Non licet Clericis cambia activæ nec per se, nec per alios exercere.

Ita aperte docet sapientissimus Pontifex Benedictus XIV. de Synodo lib. 10. cap. 6. §. 3. ubi late ostendit, cambium activum ad veram pertinere negotiationem, & Clericis, ut superius ostendimus, a Sacris canonibus vetitum: ac licet Clerici, qui cambium activum celebrant, valide contrahant, nec ab onere, & obligatione absolvantur solvendi, quod stipulatione promittere; possunt tamen Episcopi eos tamquam negotiatores statutis pœnis punire, & lucro privare. Quas pœnas non effugere ostendit §. 4. Clericos cambium activum per alios exercentes, nisi oppositum docuerint nonnulli celebriores Theologi, & Canonistæ, a quorum tamen opinione omnino recedendum docet. Immo, ut omnem adimeret contrariæ opinioni probabilitatem, præfatus Pontifex suis Apostolicis litteris datis die 21. Februarii 1741. declaravit, & statuit, nec cambia, nec aliud negotiationis genus licere Clericis etiam sub alieni nominis velamine exercere. Legatur totum laudatum Caput sextum.



PARS SECUNDA

DE CONTRACTIBUS ONEROSIS IN PARTICULARI,
IN QUA DE CONTRACTIBUS USUM, ET USUM
FRUCTUM TRANSFERENTIBUS.

BINAS hæc Classes de contractibus onerosis transferentibus
usum, & usumfructum simul conjungo; nam de prioribus
paucæ supersunt dicenda, cum satis dixerimus in tractatu
de Contractibus in genere. Porro contractus onerosi transferentes
merum usumfructum sunt Census, Emphyteusis, & Feudum; merum
autem usum onerosè concedunt Locatio, & Conductio. De his igitur
disputabimus.

CAPUT PRIMUM.

De Censu Reali, Personali, Mixto.

DOCTRINA.

- I. Quid sit Census. II. Quotuplex.
- III. Census Realis: reservativus licitus est.
- IV. Sicut & consignativus.
- V. Ad hujus bonestatem nonnullæ conditiones posita à Summis Pontificibus.
- VI. Alia addita à S. Pio V.
- VII. Harum nonnullæ ad jus naturale pertinent, alia ad positivum.
- VIII. Quem jus naturale respiciant.
- IX. Quanam jus positivum.
- X. Census personalis à Pontificibus reprobatus.
- XI. Ejus natura exponitur, & discrimen à censu reali.
- XII. Illicitus, & vitiosus jure positivo.
- XIII. Est mera usura larva.
- XIV. Ejus defensores conveniunt cum Patroni usura moderata.
- XV. Argumenta in favorem census personalis proposita.

XVI. Dissolvuntur.

XVII. Quid de Bulla S. Pii V. acceptance.

XVIII. Jure nature census realis etiam irredimibilis justus, & licitus.

XIX. Quid dicendum de censu mixto.

XX. Census vicialitè licitus est, & honestus.

CENSUS hic non sumitur pro tributo, quod à supremis potestatibus imponi solet ad publica onera sustentanda, sive in subditorum mobilia bona, sive in eorum capita, vel personas: sed contractum designamus onerosum, quo quis jus obtinet exigendi pensionem ex re alterius, vel ex persona fructifera. In quo contractu adhuc tria sunt distinguenda, quæ census nomine designantur: nam 1. Census dicitur ipsam jus exigendi pensionem: 2. Census appellatur & ipsa pensio, quæ ab altero penditur, ab altero recipitur. 3. Ipse contractus, quo se mutuo contrahentes obstringunt, quorum alter, ille nimirum, qui pensionem solvit, Cen-

Censuarius audit; qui vero lucratur, & accipit pensionem, Censualista dicitur.

II. Multifariam dividuntur census. Nam 1. ex parte rei, supra quam fundatur census, alius realis est, alius personalis, alius mixtus. Prior jus importat percipiendæ pensionis ex re fructifera, puta oliveto, vinea, agro; alter ex ipsa persona, industria sua lucrum afferente, & cum ipsa cessat persona, supra quam fundatur; tertius vero jus impertit fructus percipiendi ex re simul, & persona; utraque enim obnoxia censentur. 2. Item ex parte rei, quæ percipitur, alius est pecuniarius, quia pecunia pro pensione solvitur; alius fructuarius, qui fructibus penditur. 3. Ex parte modi dividitur in reservativum, & consignativum. Reservativus dicitur census ille, quo quis rem suam fructiferam alteri tradit, translato dominio saltem utili, & adjecto onere annuam pensionem solvendi. Consignativus vero perficitur, cum rem rei frugiferæ dominio alteri jus venditur percipiendæ annuæ pensionis. 4. Ex parte durationis alius perpetuus est, quippe qui nullo definito circumscribitur tempore; quamobrem nunquam expirat, nec invito Censualista extingui potest, unde & irredimibilis dicitur: alius vero temporarius, qui ad certum tempus, puta ad decennium, vel ad vitam durat, & redimibilis est, vel arbitrio Censualistæ, vel Censuarii, vel utriusque, juxta initas in ipso contractu conventiones, & pacta.

III. Census reservativus omnino licitus est, & æquitati conformis. Hujus exemplum habemus in Scripturis; nam Genes. 47. legimus, Josephum bona Ægyptiorum Regi di vendita pro tritico in annonæ caritate accepto, illis ite-

Patuazi Theol. Moral. Tom. V.

rum reddidisse, reservata Regi Pharaoni, ejusque ærario quinta redituum parte, quorannis a subditis pendenda. Et revera quid magis justitiæ conforme, quam ut ille, qui rem suam frugiferam alteri sine pretio, vel levi pretio tradit, aliquam sibi super bona illa pensionem reserve? Hujus tamen census rarus modo est usus; & illius vestigium habetur in aliquibus Regionibus, in quibus ita celebrantur census. Primo publico instrumento Censuarius prædium, vineam, oliveta Censualistæ justo pretio vendit; deinde illico alio publico instrumento emptum prædium, olivetum, vineam cedit venditori cum onere annuæ pensionis, & facultate fundum fructiferum, recuperandi, cum sibi libuerit, perfoluto venditionis pretio. Qui vero ita contrahunt, non censum constituere dicuntur, sed livellum. Hos vero contractus aliqui cum P. Paulo Comitolo ita distinguunt: in censu venditor pensionis remanet fundi frugiferi dominus, & proprietarius; in livello vero illius dominium per venditionem transfertur in emptorem. 2. In censu dominus fundi pensionem solvis; in livello vero domino pensio redditur. Verum hosce contractus non in se revera, sed solum in modo contrahendi differre existimo.

IV. Census realis consignativus in se omnino licitus est. Et primo quidem, si census fructuarius sit, nullus est, qui neget honestum esse, & licitum. Sicut enim quilibet vendere potest, & cedere totum prædium, vel usumfructum, re-tento dominio; ita quilibet potest partem fructuum, vel partem ususfructus alteri cedere, & vendere justo perfoluto pretio. At si Census pecuniarius sit pecuniaria pensione solvendus, adhuc honestus, licitusque habendus est, licet

reluctantur nonnulli antiquiores Juristæ. Nam 1. ejus honestatem æquiritatemque cognoverunt Pontifices Martinus V. Callistus III. Nicolaus V. & S. Pius V. dehiis tamen appositis conditionibus, de quibus infra. 2. Accedit universalis omnium Gentium, populorum, & nationum usus, hunc contractum realis census, probantium, & exercentium. 3. Ipsa naturalis ratio evincit, In censu enim reali res venditur pretio æstimabilis, scilicet jus ad fructus recipiendos ex fando frugifero, quod emptori obnoxium redditur, & quorum loco substituitur pensio juxta leges, vel consuetudinem taxata, & justum pretium penditur correspondens valori pensionis loco fructuum substitutæ solvendæ, de quo inter se conveniunt contrahentes. Unde vera, & realis habetur emptio, & venditio, nimirum ususfructus rei frugiferæ, quæ ab uno venditur, ab alio emitur. Nec obstat hocce ususfructus tractu temporis summam excedere perfoluti pretii: hoc enim commune est contractibus omnibus, in quibus usus rei utilis, vel frugiferæ seorsum ab ipsa re venditur: Sic in contractu locationis domus pensiones annuæ tractu emptoris valore ipsius domus superant; quin tamen nullus hunc contractum illicitum existimet, Immo & in ipsa venditione agri vineæ, olivet fructus, qui tractu temporis ab emptore percipiuntur, longius perfolutum in emptione pretium excedunt; quin tamen illicita habeatur venditio. Ita pari pacto cum in contractu realis census ematur jus ad fructus rei frugiferæ, illius honestas non tollitur, eo quia tractu temporis hujusmodi fructus, & pensiones perfolutæ pecuniæ, & pretii quantitate adæquentur, immo supergrediantur.

V. Summi Pontifices nonnullas conditiones servandas indicere, tum ad æquitatem in censibus servandam, tum ad

usuræ labem, vel suspicionem ab illis amovendam. Martinus V. & Callistus III. has quatuor postulant conditiones, 1. ut Census fundetur in bonis immobilibus determinatis, & frugiferis, nimirum, ut inquit Martinus V. *super bonis suis, terris, agris, prædiis, domibus*. 2. Ut census emanatur numerata pecunia. *Ipsi venditori integraliter in pecunia numerata solvi consueverant*. 3. Ut venditori semper liberum sit restituta pecunia census onere se exsolvere. *Semper in ipsis contractibus expresse ipsis venditoribus data fuit facultas, atque gratia, quod ipsum annum censum in toto, vel in parte pro eadem summa denariorum, quam ab ipsis emptoribus receperunt, quando cumque velint, libere possint extinguere, & redimere, ac se ab ipsius census solutione ex tunc penitus liberare*. 4. Nec emptor unquam possit venditorem ad censum redimendum cogere. *Sed ad hos hujusmodi census venditores inviti nunquam per emptores arctari, vel adstringi valeant*. Horum autem Pontificum Constitutiones habentur lib. 3. Extr. Titul. de emptione, & venditione.

VI. At S. Pius V. ad omne usuræ periculum magis adhuc removendum eandem confirmavit, & plures alias adjecit conditiones. 1. Confirmavit census constitui non posse nisi in re immobili, & frugifera: sic enim jubet Constit. edit. 1569. *Statuimus censum, seu annum redditum creare, constituere nullo modo posse, nisi in re immobili, aut que pro immobili habeatur, de sua natura fructifera, & que nominatim certis finibus designata sit*. 2. Pretium census esse in numerata pecunia coram Notario, & Testibus perfolvendum: rursum nisi vere in pecunia numerata presentibus Testibus, ac Notario, & in actu celebrationis instrumenti, non autem prius

recepto integro, juxtaque pretio. 3. Ne venditor cogatur censum anticipare solvere. *Solutiones, quas vulgo anticipatas appellant, fieri, aut in pactum deduci prohibemus.* 4. Ne venditor cogatur damnum subire etiam in casibus fortuitis ab illis distinctis, qui naturam census comitantur. *Conditiones directæ, aut indirectæ obligantes ad casus fortuitos eum, qui alias ex natura contractus non tenentur, nullo modo valere volumus.* 5. Liberum sit venditori fundum, in quo constitutus est census, cum sibi opportunum censuerit, alienare, quin cogatur aliquid censualitæ ob hoc persolvere. *Quemadmodum nec pactum auferens, aut restringens facultatem alienandi rem censui suppositam, quia volumus rem ipsam semper ac libere, ac sine solutione laudemii, seu quinquagesimæ, aut alterius quantitatis, vel rei, tam inter vivos, quam in ultima voluntate alienari.* 6. In venditione tamen fundi præferatur censualista aliis emptoribus. *Ubi autem vendenda sit, volumus dominum census aliis omnibus præferri, eique denuntiari conditiones, quibus vendenda sit, & per mensem expensare.* 7. Censualista non cogatur solvere interesse ob moram solvendi pensionis, vel ob expensas subeundas in ejus exactione. *Pacta continentia morosum census debitorem teneri ad interesse lucri cessantis, vel ad cambium, seu certas expensas, aut certa salaria, seu expensas medio juramento creditoris liquidandas . . . ex toto irrita sint, & nulla.* 8. Ne ex rebus, vel pensionibus non solutis census ullo modo augeatur. *Invenio & censum augeri, & novum creari super eadem, vel alia re in favorem ejusdem, aut personæ per eum supposita pro censibus temporis vel præteriti, vel futuri, omnino prohibemus.* 9. Ne ad aliqua onera solvenda cogatur venditor, ad

quæ vi contractus census non obstringitur. *Sicut etiam annullamus pacta continentia solutiones onerum ad eum spectantes, ad quem alias de jure, & ex natura contractus non spectarent.* 10. Si fundus, in quo census fundatur, vel in totum, vel in partem pereat, debitum solvendi pensionem vel omnino, vel in partem exinguatur. *Census omnes in futurum creandos non solum re in totum, vel in parte perempta, aut infructuosa in totum, vel pro parte effecta, volumus ad ratam perire, sed etiam posse pro eodem pretio extingui.* *Non obstant longissimi etiam temporis, ac immemorabili, immo centum, & plurium annorum præscriptione, non obstantibus aliquibus pactis, directæ, aut indirectæ talem facultatem conferentibus, quibuscumque verbis, vel clausulis concepta sint.* 11. Distinguimus Censuarium teneri monere Censualistam de census redemptione, quam meditatur, bimestri ante præstatam redemptionem, ad quam intra annum faciendam cogi possit, licet voluntatem mutaverit: at elapso anno cogi non possit, & adhuc liberum sit censuario censum extinguere, quandocumque sibi libuerit, prævia tamen nova denuntiatione. *Cum vero traditione pretii redditus extinguendus erit, volumus per bimestre ante id denuntiari ei, cui pretium dandum erit, & post denunciam, intra annum tamen, etiam ab invito pretium repeti posse: & ubi pretium nec volens intra bimestre solvat, nec ab invito intra annum exigatur, volumus nihilominus quandocumque redditum extingui posse, prævia tamen semper denuncia, de qua supra . . . idque observari mandamus etiam quod pluries, & pluries denuntiatum fuisset, nec unquam effectus sequutus fuisset.* 12. Non possit pactum iniri, quo Censuarium ad censum extinguendum, sive in penam, sive ob aliam causam

cogatur præter mox expostam. *Passa etiam continentia pretium census extra casum prædictum ab invito, aut ob penam, aut ob aliam causam repeti posse omnino probibemus.* 13. Pretium census semel constitutum non possit progressu temporis vel minui, vel augeri. *Pretium semel censui constitutum nunquam possit ob temporum, aut contrabentium qualitatem, seu aliud accedens, nec quoad ultimo contrabentes minui vel augeri.*

VII. Ex his conditionibus plures ad jus naturale spectant, quibus deficientibus usurarius evadit contractus; nonnullæ vero ad usuræ periculum præcavendum ordinantur; aliæ denique modum præstipiunt honestum, & rationabilem huius contractus celebrandi. Ex primo capite Bulla S. Pii est declarativa juris naturalis, & divini, proinde omnes obligat, nec potest contraria consuetudine abrogari. Ex secundo capite est præceptiva, & certe obligat, ubi est acceptata, immo ubique est observanda, cum ubique periculum usuræ committenda vitandum sit. Ex tertio vero capite est pariter præceptiva, sed non eo rigore, ut, si aliqua ex postis conditionibus bona fide, vel ex inadvertentia omittatur, statim contractus usurarius evadat, vel illicitus.

VIII. Ad jus naturale, & divinum spectare censio 1. conditionem de censu in re natura sua fructifera, & immobili constituendo: Nam fieri non potest, ut res infructifera fructum pariat, quod pretio emi possit. Quamobrem qui pro censu constituit rem infructiferam, non ex ipsa re, sed ex periculoso pretio lucratur. Similiter si res sit mobilis, nequit fructum reddere sine sui vel in toto, vel in parte consumptione: proinde re consumpta vel definit census; vel si adhuc subsistat, jam non ex

re, quæ non extat, sed ex ipsa per se soluta pecunia fructus perciperetur, quod labem usuræ involvit. 2. Contrajus naturæ etiam sunt passa omnia obligantia ad casus fortuitos; & quod pereunte in toto, vel in parte fundo, cesset pari pacto & census: iniquus enim esset, qui Censuarium cogeret ad pensionem solvendam, etiam si fortuita fluminis inundatione ager, olivetum pereant. Quamobrem jus naturale attingit statuta conditio de censu statuendo in re determinata fructifera, qua pereunte cessat & pensio. Quod si census indeterminate constituatur super omnia vendentis bona, aliqua istorum parte pereunte, pro rata minui debet census solvendus, ut sit æqualitas in contractu. Similiter violatur jus naturale, si aliqua imponantur Censuario onera, quæ vi contractus illi non debentur. Immo & illam conditionem pertinere arbitror ad idem jus naturale, ne pensiones anticipata reddantur solutione: quandoquidem hoc pacto Censuarii censum vendere cogitur minus, quam valeat; vendit enim fructus oliveti puta centum nummis aureis; at ipse revera non nisi nonaginta quatuor vel quinque recepit, alii quinque, vel sex sibi retentis ab emptore; & præterea his quinque, vel sex aureis non receptis a venditore respondent fructus oliveti, vel agri singulis annis pendendi; nec hanc tollit iniquitatem, sed solum minuit, quod elapso anno censum non solvendo integrum habeat pretium.

IX. Ad jus vero humanum præcavendis usuris possum pertinere conditiones de pretio solvendo numerata pecunia coram testibus, & Notario; quod non constituamur census ex pecunia credita, nec merces, vel aliæ res dentur loco pecuniæ; quod liberum sit Censuario sua-

fundum suum vendere, licet censui subiectum; quod census non augeatur ex pensionibus non solutis; quodque liberum sit Censuario, cum sibi libuerit, censum redimere. Ad honestos vero civilis commercii, & conventionis modos reliquæ conditiones ordinantur, nimirum quæ prælationem concedit Censuario in emptione prædii censui obnoxii; quæ denuntiationem indicit faciendam ante bimestre a volente censum redimere; quæ facultatem cogendi denuntiatorum ad censum infra annum relinendum tribuit, sicut & huiusce facultatis cessatio elapso anno. Porro omnes hæ conditiones, ubi viget Pontificia Constitutio, sunt servandæ, nec sine culpa omitti possunt, quæ quandoque est cum iniustitia conjuncta, quandoque ab illa sejungitur. „Generatim vero in contractum materia tenendam est, contractus omnes a Principum legibus pendere, quorum est naturale jus statu societatis applicare“.

X. Ex hæcenus allatis, & expositis S. Pi. aliorumque Pontificum Constitutionibus manifeste patet ab ipsis personale censum reprobari, & tanquam usurarium, & iniquum prohiberi: ut enim optime anima luerit sapientissimus Pontifex Bened. XIV. lib. 7. de Synod. cap. 48. „Superfluum est censum personalem novis argumentis insectari, quem jam proscriptis S. Pius V. (cui præcesserunt Calixtus III. & Martinus V.) in laud. Constit. *Cum onus*, ubi ad census honestatem inter ceteras conditiones hanc requirit, ut census instituitur in re fructifera, non, qualicunque, sed immobili, cetera, ac nominati designata. Non desunt tamen Theologi, qui adhuc personale censum honestum, licitumque propugnant: quia (inquiunt) juri na-

turali non adversatur; & S. Pi. Constitutio solum præsumptione usurariæ fraudis nititur, vel non est: usu recepta. At, quantum a vero aberraret, breviter invidis argumentis ostendemus, exposita prius hujus personalis census natura.

XI. Censum itaque personalis in hoc solum a reali differt, quod non in re immobili, fructifera, & determinata constituitur, sed in ipsa Censuarii persona, quæ industriam suam, operam, labores vendit, & quorum loco pensionem substituit quorannis solvendam vel ab ipso, vel ab hæreditibus, donec censam redemerit, qui nunquam in realem transit; licet pro ejus securitate quandoque res immobilis in hypothecam detur: nam pereunte re hypothecata non perit census (sicut contingit, cum fundus perit, in quo est realis census constitutus) sed semper remanet ad solutionem pensionis obstricta persona. Proinde hujus census defensores ad ejus honestatem possulant, ut persona, quæ fundamentum est illius, sit per se fructifera, idest apta, idonea ad lucrandum sua opera, industria, negotiatione, aliove modo. Censum hunc nonnulli solum approbant, quando est redimibilis ex parte censuarii, seu venditoris: alii tuerentur etiam redimibilem ex parte utriusque, quando nimirum Censuarius redimere potest pro libito censum, & cum a Censulista cogi potest etiam invitatus ad redimendum. Nos longe probabiliorem, immo certam existimamus illorum doctrinam, qui censum personalem absolute illicitum pronuntiant, multoque magis iniquum dicunt, cum est utrinque redimibilis.

XII. Porro censum personalem illicitum esse, & jure positivo vetitum, censu usurarium facientur omnes Theologi, etiam

etiam Probabilistæ, qui illum damnatum agnoscent a S. Pio V. ut diserte testatur & ipse S. Pontifex Bened. XIV. loc. n. 10. citato. Præterea illum etiam usurarium, & illicitum absolute, seu juri naturali adversum propugnant plures Theologi a Navarro citati: & quando utrinque sit redimibilis illicitum dicunt & ipsi census personalis patroni, qui solum concedunt redimibilem ex parte censuarii, ut videre est apud Henricum a S. Ignatio, Carolum Billuart aliosque. Denique & ipsi benigniores Probabilistæ censum mere personalem ita probabiliter censent licitum, ut tamen fateantur probabilius illicitum esse, & usurarium, ut de Cardinali de Lugo testatur Basembaum lib. 3. tr. 5. cap. 3. n. 2. scribens: *Ita probabiliter Covarruv., Lessius, Sà . . . contra Navarrum, Molinam, Card. de Lugo diss. 37. sess. 225. n. 25. ubi censum mere personale illicitum esse, docet esse probabilius, et prolixius probat.* Quamobrem miror reperiri Theologos Probabilioristas, qui Probabilissimum merito detestantes, nullamque agnoscentes probabilisatem in opinione probabiliori contraria, adhuc tamen censum personalem licitum esse propugnant, & in re saltem adeo dubia, & anticipi tutiorem opinionem juxta eorum principia non amplectuntur, & defendunt.

XIII. Sed argumentis ostendamus, censum personalem non esse nisi usuram latvam, proinde ipso naturali jure illicitum. Et quidem hanc spartam adornavit egregie P. Concina Tom. 7. lib. 3. diff. 4. cap. 10. n. 1. & seq. & multis argumentis hanc veritatem luculentissime evincit. Nos autem paucis contenti ea afferemus argumenta, quæ validiora sunt ad intentum. Et primum quidem argumentum suppeditat Bened. XIV. de Syn. Diœc. lo. n. 10. laud.

„ In censu personali non emitur jus
 „ ad percipiendam annuam pensionem,
 „ sicut in censu reali; sed venditur
 „ ipsa pensio: quemadmodum enim is,
 „ qui accepro pretio se obligat ad dan-
 „ dum equum, re ipsa vendit equum;
 „ ita qui accepta certæ pecuniæ summa,
 „ se, suamque personam obligat ad
 „ solvendam quotannis certam pensio-
 „ nem, dicitur vendere ipsam pensio-
 „ nem. Quamobrem censum persona-
 „ lem ementi, aurum ex auro per se,
 „ & immediato nasceretur, in quo tota
 „ consistit usurarii contractus nequitia.
 „ Quod magis evidens apparet in cen-
 „ su personali utrinque redimibili, ubi
 „ nomine census mutua datur Pecunia
 „ cum actuario recuperanda ad dantis
 „ beneplacitum. At iniquum, non
 „ ipsa pensio emitur, sed jus ad pensio-
 „ nem exigendam ex vendentis opera.
 „ Verum hæc distinctio inutilis omnino est:
 „ nam & idem dici potest in ipsa manife-
 „ sta usura; quandoquidem dum mutuam
 „ das cum onere reddendi quinque pro
 „ centenariio, mutuando jus acquisitis ad
 „ auctarium, & proinde emis ipsum au-
 „ ctarium, & sic vere usuram committis.
 „ Pati ergo pacto dum in personali censu
 „ jus emere præsumis ad accessiones,
 „ ipsas emere accessiones convinceris: usu-
 „ ram ergo vere, & proprie committis.

XIV. Qui licitam usuram moderatam sentiunt, ut sunt Molinæus, Salmonius, Broderfenius, alique, ingenue fate-
 „ tur in hujusmodi censibus personalibus
 „ veram esse usuram, quam tamen non
 „ vitam prouuntiant. Nam ad hoc lu-
 „ crum eis omnes postulant condiciones,
 „ quas census personalis Patroni pro ejus
 „ honestate requirunt. Nam volunt ad
 „ usuram licitam, ut pecunia non detur
 „ personæ pauperi, infirmæ, egenti,
 „ uno verbo, ad lucrandum ex pecunia
 „ in-

ineptæ: immo nec diviti, aut mercatori dariam, ut suæ subveniat necessitati, aptam putant ad lucrum obtinendum: sed opus est, ut determinate ad lucrum detur, & nihilominus lucrum inde proveniens veram usuram dicunt. At hoc idem postulant & defensores honestatis census personalis: ergo & ipsi veram usuram exigunt. Totum itaque discrimen est. Protestantibus suo nomine usuram appellant, & eam licitam dicunt: Theologi vero, qui omnem detestantur usuram, nomen mutant. At sicut protestantium opinio, & argumenta eas usuras minime a peccato, & furto immunes reduunt; ita nec nominis mutatio efficit, ut vere coram Deo furum non sit, & usura: quod censum, personalem ipsi appellant.

XV. At inquit, nonne licitus est realis census, quia fundum, in quo fundatur, frugiferum est? At persona ipsa hominis, præsertim solertis, gnavi, multæque industriæ sive in negotiando, sive in agendo, non minus frugifera habenda est. Ergo sicut ex fundo pensionem accipere licite possum per censum realem; ita non dissimile potero lucrum nasci a persona per censum personalem. Et revera quæ incipiabitur, posse quemlibet suam operam, & industriam lucrare; cur non igitur & vendere; An non quotidie videmus Principes personis ipsa tributum imponere, & decimis personas subicere? Inspecto igitur jure naturæ licitus est dicendus personalis census. Eo vel maxime, quod per hoc discriminatur a mutuo, in quo mutuiarius cogi potest ad mutuam pecuniam reddendam. At censuista in censu personali, solum redimibili ex parte venditoris, nunquam cogi potest ad pecuniæ restitutionem.

XVI. Verum hæc argumenta solum

quidem faciunt imperitis: quamobrem quitan Auctor Gallus Caluistarum libros non nisi artem cum Deo cavillandi continere, argute pronuntiavit, & ipsa Casuistis idem contingit quod de Dialecticis scribit Cicero de Oratore lib. 2. cap. 38. *Ad extremum ipsi se compungunt suis acuminibus, & multa querendo repertiunt non modo ea, quæ jam non possint ipsi dissolvere, sed etiam quibus ante exorsa, & potius detexta prope retentantur.* Et revera hoc eodem argumento ex paritate census realis utuntur, immo illud vehementius urgent & ipsi usuræ moderatæ Patroni. Si quid igitur hoc argumentum valeret, evinceret aliquando licitas esse usuras; & cum mutuum datur persone industriæ, negotiantis, lucranti, licere ex dato mutuo lucrum accipere. Quid igitur prodest hoc usurarium lucrum levissimo census personalis furo, & voce oblinire, & tegere? At Theologorum cavillationes omnes uno ictu obruncat Ecclesia, dum census reales, ut licitos, æquitatque conformes agnoscit, & adprobat: personales vero census, ut usurarios, illicitos, injustos damnat, & rejicit. Sed ut pressius argumento respondeam. Comparatio fertilitatis agri cum fecunditate hominis dulce est somnium, vana chimæra. Nam agri sunt de se stabiles, & semper statuto tempore suos fructus gignunt. At homo est res mobilis, quæ quotidie mutationibus subjacet, modo enim sanus, modo infirmus, modo negotiationi incumbit, modo ab illa abstinet, hodie vivit, cras moritur, in ipsis suis negotiationibus, operibus, industria fallitur, decipitur, pecunia perit, merces vilescunt, ac corrumpuntur, gravatur ære alieno, & innumeris aliis subiicitur vicissitudinibus. Præterea & ipsius industriæ fructus inconsistens,

ac

ac incertus plane est, fortunæque ut plurimum, & sorti obnoxius. Porro sicut fors, quæ pro censu datur, immobilis est, & immobiliter perseverat; ita oportet etiam, ut quod pro ipsa emitur, si quid per se immobile, stabile, fixum; alioquin ipsa venditio omnino ficta foret, & ad fucum faciendum industria. At hoc, ut patet, non contingit in censu personali. Nulla igitur cum censu reali convenientia. Quid quod? Nemo plane est, qui in censu personali constituendo de alterius industria, opera, peritia in toto, vel in parte emendis cogitet. Unus, in quem collineat, scopus est, ut lucrum ex pecunia reportet. Ipse propterea parum aut nihil interest, num alter negotietur, num operam ponat, num industriam adhibeat; dummodo statim tempore fideliter censum persolvat. Præterea nonne in censu reali, si fundus perit, perit & census? Et in censu personali pereunte persona, quæ frugiferi fundi loco habetur, non perit, sed perseverat census, & hæredibus incumbit vel censum solvere, vel sortem reddere. Non igitur jus in operam, & industriam personæ emitur, sed, ut inquit Bened. XIV. *ipso pensio emitur*; quæ non cessat, licet cesset industria, ac cesset persona. At urgent, nonne persona locare potest operam suam, artem, industriam? Fateor: at tunc apparet iustitia, & proportio inter pretium, & operam; nam datur pretium pro labore, & industria præstanti, qua cessante cessat & pretium, quod si persolutum sit, est restituendum: proportionatur etiam operi, & dignitati personæ; aliud enim pretium solvitur Patrono, Medico, Magistro, aliud fatori, aliud famulo a pedibus, aliud in cubiculo a secretis: proportionatur & tempori præstiti famulatus, & operis;

tandiu enim durat pretium, quamdiu durat industria, opusque præstitum. At e contra in censu personali nulla æquitas, proportio nulla: nam æque exigitur census a nobili, a divite, ab infuisti, & gnavo, quam a vili, a paupere, a plebejo, ab imperito. Nulla proportio inter censum, & fructum industriæ: nam ille exigitur, sive magnus, sive parvus, sive nullus sit industriæ fructus. Nulla proportio in tempore; nam perpetuus est census, temporanea persona, temporanea industria, temporaneus denique fructus. Qui igitur locare operam suam potest, fructus industriæ vendere omnino non potest: iusta ergo locatio, illicitus census personalis. Quod vero Persona & tributis subiaceat, & decimis, nihil ad rem facit: sicut enim & ipsa Persona a Principe defenditur, & regitur; ita æquum est, ut de suo penu tribuat conservationi status, & Principis: & sicut in spiritualibus a Pastore regitur, ita debet & Pastori rependere alimenta, & sustentationem. Nec census personalis satis a mutuo discriminatur, ut usus virium effugiat; quia censualista ad restitutionem sortis cogere non potest censuarium, sicut potest mutuarius mutuatorem. Nam & huic quoque liceret fructum ex mutuo accipere, si se obstringeret ad non repetendum mutuum, nisi post certum tempus, ut quidam docuere Casuiste, quorum doctrina damnata fuit ab Alex. VII. propositione 41. agente: *Licetum est mutuantis aliquid supra sortem exigere, si se obliget ad non repetendam sortem usque ad certum tempus*. Et hoc est, quod præstat Censualista personalis, dum censum personalem ex sua parte irredimibilem celebrat; dat muram pecuniam sub ficti nomine census, & onus sibi assumit sortem non repetendi, quamdiu

diu censuarius vel pensionem fideliter solverit, vel sortem sponte restituere voluerit. Mutatur igitur turpe nomen usuræ in blandum census personalis; at pravitas illius & in isto perseverat.

XVII. Quoad acceptationem Bullæ S. Pii V. damnantis personales census, ea legantur, quæ scribit P. Concina loc. sup. laud. Hic solum addo detestandum plane esse, & intolerandum, quod scribit Continuator Tournehæ Motalis par. 2. de Contract. cap. 6. conclus. 1. scilicet, binas illas condiciones a S. Pio V. statutas ad honestatem census, nimirum 1. constituantur in re frugifera, & immobili, 2. ut re in toto, vel in parte perempta, aut infructuosa in toto, vel in parte effecta, census ad ratam perire debeat, nec in Gallia, nec in Hispania, nec in Belgio, immo, nec Romæ observari, cum ibi census, personales in usu sint, & vix ullibi ita creentur, ut sequi debeant conditionem rei, super quam constituti sunt, unde ea ex toto pereunte illi ne quidem ex parte pereant. Aperta ergo fronte, si hunc Theologum audias, Romæ, in Galliis, in Hispaniis, in Belgio usura progreditur, atque triumphat. Undenam enim pensionem accipiunt hi Censualitæ? Non profecto ex re immobili, & frugifera, cum in ea non fundetur census. Non ex industria, opera, negotiatione personæ, nam illi etiam non positis aliucum census percipiunt. Non in ipsa persona Censuarii, nam ea vel inepta, vel extincta census ne quidem ex parte perit. Superest igitur, ut ex sola data pecunia fructus dimanet. Aperta igitur grassatur Romæ, in Galliis, in Hispania, in Belgio usura. Et quod peius est, quia hic mos viget in Belgio, in Galliis, in Hispania, & si fides Auctori, etiam Romæ, non injustitia, non usura, non furtum, sed census legitimus, licitum lucrum, honestum

commercium evadet. Quis talia legens remperet a lacrymis?

XVIII. Inspecto naturæ jure census realis perpetuus, & irredimibilis justus est, & honestus, servata tamen æqualitate pretii. Justum esse, & licitum hujusmodi census manifestum est, cum sit venditio ususfructus rei immobilis, vel frugiferæ, quæ sicuti integre alienari potest, etiam quoad dominium perpetuum absque ulla spe, vel facultate in venditore recuperandi, ita potest vendi quoad dominium utile, sive quoad ususfructum: pereunte tamen re periret omnino census. Addidi, servata æqualitate pretii: nam longe pluri aestimatur perpetua venditio, & totalis alienatio, quam temporanea, & cum facultate recuperandi. Dixi, inspecto naturæ jure: nam jure positivo tum Ecclesiastico, tum civili hujusmodi perpetui census prohibentur.

XIX. De Censu mixto, quo nimirum ad annuam pensionem reddendam & bona obstringuntur Censuarii, & ejus simul persona, nihil est, quod hactenus dictis addamus: cum enim quæ parte bona obnoxia sunt, realis sit, honestum, & legitimum esse constat; quæ parte vero operam, industriam, labores profundo constituit, illicitum est, & seneratius. Quapropter deficiente fundo, & pereunte vel ex toto, vel ex parte, perit æqualiter & census, quæ persona sit obnoxia solutioni.

XX. Census vero, qui solum ad vitam durat vel Censuarii, vel Censualitæ, unde & vitalitius vocatur, improprie census dicitur: nihil enim revera emitur, aut venditur, sed datur summa aliqua pecuniæ per partes in singulis annis reddenda cum periculo vel minus accipiendi, quam datum sit ex parte Censualitæ, vel plus dandi, quam accepit ex parte Censuarii: quare

T

con-

contractus est sortis, & aleæ, non venditionis, & emptiois. Binas postulant ad hujus contractus honestatem, & justitiam conditiones Theologi: nimirum 1. ut fundetur in re fructifera; 2. ut ratio habeatur ætatis, valitudinis, habitudinis, aliarumque circumstantiarum. Hujus secundæ conditionis æquitatem agnosco, ut proportio sit inter datum & acceptum, & æquale utrumque periculum vel emolumentum, vel detrimentum. At prioris necessitatem non perspicio; non enim hoc contractu fructus aliqui vel venduntur, vel emuntur; sed ipsa pecunia datur reddenda per partes. Præterea in censu personali non requiritur res fructifera, in quo tamen est vel in perpetuum solvenda pensio, vel reddenda integra restitutione sortis, ut docent hi Theologi. Cur igitur postea rem fructiferam postulant in censu vitalitio, in quo & pensio exstinguitur morte alterutrius, & nunquam est fors reddenda; Nec dicant, bona fructifera requiri pro hypotheca, & asscuracione sortis datæ. Nam hoc libenter admitto; quandoquidem & in gratuito mutuo per partes restituendo, constitui possunt fructifera bona pro hypotheca restitutionis: at quis unquam dixerit mutuum fundari in re fructifera?

CAPUT SECUNDUM.

CONSECTARIA PRÆCEDENTIS DOCTRINÆ.

- I. Nonnulla S. Pii P. declarationes.
- II. Censui redimibilis ex parte emptoris usuram sapit.
- III. Num cogi possit venditor ad censum reddendum intra certum tempus.
- IV. Conditio appositæ censui, ut parente fundo pereat & census, est juris naturalis.

V. Non est illicitum in censu pactum apponere de eo integre redimendo, & non per partes.

VI. Quando divisus est fundus census, a quo sint repetendi fructus.

VII. Pactum asscuracionis sortis a quocunque periculo addi non potest contractui census.

VIII. Censui valido, & licite vendi possunt, at non semper minori pretio.

CONSECTARIUM PRIMUM.

I. S. PIUS V. sua Constitutione anni 1570. x. Junii, nonnullas declarationes edidit sui prioris Decreti de Censibus creandis. 1. Itaque declaravit, tunc censum perire solum, quando res fructifera in toto, vel in parte perpetuo instructuosa efficiatur; non vero si uno, vel duobus, vel pluribus annis, sive tempestate, sive alia causa fructus non producat. 2. Eas tantum prohiberi expensarum exactiones, quæ ex pacto, vel conventionē inita, & instrumento census appositæ refici promittuntur, non autem eas, quæ ex juris dispositione repetendæ veniunt, & mandato judicis adjudicantur. Quapropter expensæ faciendæ pro extorquendo a moroso debitor sive fructus census, sive ipsam sortem, ex sententia judicis a censu- lista jure repeti possunt. 3. Cum statuit, ut census in bonis mobilibus fructiferis, & nominatim certis finibus designatis constituerentur, declaravit se minime prohibere, ne silejussores dentur, & alia etiam bona hypothecæ subijciantur; dummodo tamen solum pro eversione rei obligentur. 4. Denique non esse necessariam pecuniæ enumerationem in dorum assignandarum casu; sed loco pecuniæ apocham sive cedulam bancariam idoneam exhiberi posse.

CON-

CONSECTARIUM SECUNDUM.

II. Sicut census redimibilis ex parte solius venditoris licitus, & honestus est; ita si redimibilis sit etiam ex parte emptoris, usuram facit, & illicitus est habendus. Oppositum tenent plures Theologi, præsertim Probabilistæ; quoad secundam partem: putant enim licitum etiam censum ex utraque parte redimibilem. At illorum opinio rejicienda est. Nam quando census creatur redimibilis ex parte solius venditoris, liquida apparet voluntas emendi fructus alienæ rei frugiferæ, cum possit ex una parte venditor nunquam redimere censum, & ex altera emptor cogere non possit censuarium ad redimendum sortis solutione. At quotiescumque censualista cogere potest censuarium venditorem ad redimendum censum, apparet illum non animum habuisse emendi, sed ex pecunia lucrandi. Quid enim aliud est dare alicui mille scuta, quæ post duos, tres, vel plures annos pro suo libito repetat cum auctario quadraginta, aut quinquaginta in singulos annos? Hoc profecto non aliud manifeste apparet, quam sœnus census fucō oblinire, & tegere. Ita nobiliores Theologi Probabilioristæ. Nec dicas, semper hunc censum a vero mutuo distingui. Nam qui mutuo dat pecuniam, nulli unquam subest periculo eam amittendi: semper enim mutuarius acceptum mutuum restituere debet; licet pecunia quocumque fortuito casu pereat. At non ita in censu etiam ex utraque parte redimibili: nam Censualista periculo subiacet amittendæ sortis, si frustra funtum census pereat. Non, inquam, hoc opponas. Nam vel periculum destructionis fundi frugiferi remotissimum est, & hoc etiam in ipso mutuo repe-

ritur, cum fieri possit; ut mutuarius ita in inopiam incidat, ut omnino ineptus fiat ad mutuum restituendum: immo facilius est, ut quis privatus ita depauperescat, quam ut fundi pereant; proinde hocce periculum nec flocci æstimandum est. Vel concipitur, ut periculum proximum, & facilis eventus; & tunc censualista sibi cavebit cogendo censuarium ad restitutionem sortis ante periculum; & ita semper securus erit de sorte non amittenda, & de auctario ex data pecunia obtinendo.

CONSECTARIUM TERTIUM.

III. At quid, si census ita celebretur, ut censuarium obstringatur post quinquennium, vel sexennium censum redimere? Eritne putandum foeratius? Primum dico, certe a S. Pio V. omnino prohiberi tamquam illicitum, & usuræ periculo proximum. Sic enim jubet in sua Bulla; *Passa etiam continetia pretium census extra casum prædictum ab invito aut ob penam, aut ob aliam causam repeti posse omnino prohibemus*. Num vero ita juri naturæ contraria sit apposita conditio, ut usurarium constituat censum, affirmat P. Concina ratione, & argumento superius adducto pro censu ad libitum emptoris redimendo, quæ revera urget etiam pro censu solum post quinquennium, vel sexennium redimibili. Nam revera Censualista animum non habet emendi, sed lucrandi per illud sexennium auctarium & postea sortem integram recuperandi. Verum doctissimus Franzoja puiat allatam rationem non urgere: nam inquit, *in illo temporali censu intervenit venditio, & emptio fundi frugiferi, qua licet temporanea, tamen vera est: justus igitur intervenit titulus lucrandi, nimirum ex fundo mihi obnoxio, & frugifero; nec onus*

adjectum redimendi post quinquennium ipsam emptionem destruit, ut fatetur ipse Concina, qui dicit emi censum. At falli puto doctissimum virum. Quandoquidem non negat Concina, nec ipse inficior emptionem in hoc censu intervenire; sed dicimus fidam esse hanc venditionem; umbratilem, & fucatam ad usuram regendam. Quod sic evinco. Nam emptio de se, & ex parte ementis perpetuitatem importat, quippe quæ indole sua translationem affert dominii: quamobrem si temporanea sit, hoc progrediatur, oportet, ex parte venditoris, qui rem suam perpetuo alienare refugit, & contra emptoris voluntatem, qui rem veller sibi perpetuo possidere. Quando igitur emptor ad tempus emit, clare indicat, se non rem velle emere, quam vult a se postea abicere; sed lucrum in emptione unice quaerere. Eo ferme pacto, ut si quis amico mutuo postulanti mille scuta responderet, etiam possessionem tuam mille scutis, quam postea restituam post sexennium, cum mille scuta reddideris: quæ non statim videat, sane non veram esse venditionem, sed fucatam ad palliandam usuram, nec possessionis fructus sibi licite acquirere? Hoc idem profecto contingit & in censu, in quo per conditionem adjectam ab emptore destruitur venditio, quæ de se perpetuitatem importat; proinde non possessionem rei quaerere, sed lucrum fucato venditionis titulo tantam velle convincitur. At subdit Franzoja, in mutuo semper est restituenda fors, quæ in hoc contractu non est restituenda, si fundus pereat intra quinquennium, vel sexennium. Fateor, sed, quod superius dixi, repono: vel periculum illud remissionum est, & flocci faciendum; ratum enim est, ut pereant agri, vi-

næ, oliveta, domus, & similia: vel proximum, quia domus est ruinosa, agri, & vineæ prope flumen, vel sub rupe ruinam minitantiæ: at quis est tam insipiens, ut sortem suam huic periculo exponere velit? Sed quid, si consuetudo ferat, ut census ita constituantur, ut non sit possibile alio modo celebrare? Egregie respondet P. Fulgentius Cuniliati tr. x. c. 7. §. 2. n. 5. „Tunc celebrandum esse contractum „interiori sincero animo coram Deo „faciendi dumtaxat, quod iustum est, „& mente firma non imponendi cen- „suario onus relinendi, quotque „pensiones solverit, idemque non „imponendi hæredibus suis“. Præterea animadverio, hanc consuetudinem ita celebrandi census solum locum habere, quando celebrantur ab illis, qui alienæ subjacent potestati in contrahendo. Ut contingit in bonis ecclesiasticis, quæ si de licentia Sedis Apostolicæ, vel alterius legitimi Superioris censui obligentur, ita conceditur licentia, ut simul etiam sub excommunicationis pœna teneantur Ecclesiastici intra quinquennium, & sexennium ea redimere. Porro si tunc apponatur conditio redimendi, id oritur non ex voluntate emptoris, sed ex lege superioris. Quod & dicendum est de censibus celebratis cum Collegiis amicis, cum Confraternitatibus laicis, aliisque Communitatibus, quibus Princeps, vel Iudex vel licentiam non concedit, vel illis absolute jubet, ut census non nisi per quinquennium vel sexennium duraturos constituent. Inter privatos vero potest quilibet, ut sibi liber, censum celebrare, nec censuario onus imponere redimendi censum, sed illi libera re relinquere redemptionem. Denique libenter admitto, quod subdit laudatus

Fin-

Franzoja, censum redimibilem tantum in favorem emptoris, & irredimibilem a censuario, onerosum eidem esse, ab æquitate, & æqualitate alienum, ideoque juri naturæ contrarium.

CONSECTARIUM QUARTUM.

IV. Conditio, qua statuitur a Summo Pontifice S. Pio V., et pereunte fundo census pereat & census, non ad jus positivum spectat, sed ad ipsum jus naturale: quamobrem census aliter celebrati vocati sunt iniqui, & illiciti jure naturæ. Nam quod licitum reddit lucrum in censu, est emptio ususfructus rei fructifera, qui per pensiones annuas rependitur, quo sublato jam lucrum ex ipsa pecunia proficisceretur, quod tæneratitium foret. Pereunte igitur fundo, ex quo fructus colliguntur, pereat, oportet, & ipse census. Quamobrem audiendi nullo modo sunt Salmanticenses, cum dicunt, Census, consistere posse etiam destructis rebus, frugiferis, in quibus fundantur, ideo quia bona illa non assignantur, ut ex ipsis necessario census solvatur, sed ut ipsa solutio securior sit; proinde se habent, ut hypothecæ, & pignora, non ut fundamentum census. Unde igitur lucrum percipit Censualista? Non in fundo: ergo ex ipsa data pecunia. Non, inquirunt, nam hujusmodi census mixti habendi sunt ex persona, & rebus; proinde pereunte re superest persona, pereunte persona superest res. At si in re non fundatur, quæ solum loco pignoris ponitur, pereunte persona perire deberet & census: & si in ipsa re fundatur, jam igitur non pro pignore ponitur, sed pro fundamento census: ea igitur pereunte pereat census, oportet. Agerta igitur sæpè sunt hujus-

modi contractus; cum, sicut in mutuo, in quocumque eventu qui accipit, teneatur & sortem, & auctarium reddere. Nec hujusmodi census ulla consuetudine, sive u u honestari possunt.

CONSECTARIUM QUINTUM.

V. Non est illicitum censui pactum adjicere de ipso redimendo totaliter, & integre, & non per partes, & quidem in eadem, quæ data est, moneta. Summi quidem Pontifices Martinus V. & Callixtus III. liberum voluerunt Censualistæ censum redimere vel in totum, vel in partes. At S. Pius V. hujus conditionis non meminit in sua Bulla. Et certe, inspecto jure naturæ, præfata adjuncta conditio quammaxime æqua videtur, nimirum, ut qui in censu emendo totam pecuniæ summam solvit, in ejus redemptione æqualem recipiat pecuniæ quantitatem. Similiter sicut in emptione census commodum fuit venditori tale monetæ genus; puta aureæ, vel argentæ recipere; ita æquum videtur, ut pari pacto, & utilitate emptoris redimat: dummodo tamen nulum sit factum ipsius monetæ vel incrementum, vel decrementum, vel saltem æquale fuerit in initio contractus periculum sive incrementi, sive decrementi; tunc enim uterque contrahens sorti se committit.

CONSECTARIUM SEXTUM.

VI. Quando fundus frugifer, in quo fundatus est census, in plures dividitur dominos, a quolibet potest Censualista pensionem integram petere, nec tenetur seorsum singulos convenire, ut pro sua parte solvant. Ratio mihi videtur satis clara: nam actio censualistæ non est personalis, sed realis; proinde rei ipsi adhæret, quæ in quascumque transcat

manus, cum hoc onere tranſit. Quod ſi vel ratione hæreditatis, vel emptio- nis titulo in plures diviſa eſt dominos, hoc non obſtat juri Cenſualiſtæ, qui per hoc gravari non debet. Quilibet igitur vel hæres, vel emptor inter ſe divide- re debet ſicut hæreditatem, & fundum, ita omnes penſiones: at reſpectu Cenſualiſtæ ſinguli perſonam Cenſuarii re- præſentant, a quo fundum cum onere obtinuerunt; proinde quilibet ſolvere cenſum debet, compensationem ab aliis cohæredibus petendo. Huic doctrinæ ad hæret recentior Probabilioriſta, ſed ſolum, quando cenſus ita eſt ſuper fundum diviſibiliter conſtitutus, ut to- tus toti, & pars parti reſpondeat, & quælibet portio diviſa, ſit ad totam penſionem ſufficiens. Verum præter- quamquod ita in praxi nunquam cele- brantur cenſus, ratio, quam ad ſit, mihi minime urgens videtur, videlicet quod in Deciſione Romanæ Rotæ ſub Cardinali Melino deciſum ſit, integros redditus ſolvendos eſſe etiam ex una par- te prædii, aliis pereuntibus, ſi pars ad omnes redditus ſufficiat; ſecus, ſi non ſufficiat. Nam 1. Deciſiones Rotæ Romanæ ſunt deciſiones juris civilis in ſingulari factò fundatæ, quæ proinde generalem regulam pro foro conſcien- tiæ nequeunt conſtituere; & frequentif- ſime contrariæ plane inveniuntur Rotæ Deciſiones etiam de eadem lire. 2. Immo quando cenſus ita eſt in re im- mobili fundatus, ut pars parti reſpon- deat, & totum toti, æquitati contenta- neum eſt, ut diviſa pars a parte pro rata ſuum onus ſecum deferat: & ita qui partem tantum obtinet rei, non niſi partem oneris ſubire debet, licet toti oneri ferendo par ſit; quia in initio contractus ita conventum ſup- ponitur, ut pars parti, totum toti

reſpondeat: proinde Cenſualiſta in eo caſu tenetur a ſingulis eorum partem, non totam penſionem extorquere. 3. Falfum mihi certe videtur univerſim ſtatueri, quod pereuntibus partibus fundi adhuc totus cenſus ſit ſolvendus, ſi pars, quæ ſupereſt, ſufficiat oneri penſionis. Nam, ut optime animad- vertit Concina hic n. 5. Si pars fundi, puta domus, aut prædii, perit, pro rata perire debet emptori cenſus, ſpe- ctato naturali, nedum poſitivo jure: Nam ſi totum prædium, vel tota do- mus cenſui ſupponitur, obligatio com- præhendit totum prædium, vel totam domum. Ergo ſi totus fundus, aut pars ejusdem perit, totus, aut pars quoque cenſus pereat, necelle eſt. Nonne pars, tametiſi indefinita, illius fundi amplioris ſubjecta cenſui, grava- ta eſt cenſus onere? ergo pro rata pe- riri debet cenſus emptori. Alioquin attento ſolo jure naturæ, nedum jure Pontificio, injuſte gravatur cenſus ven- ditor, ſi eidem ſoli perire pars illa fundi, quæ cenſui ſubjecta eſt, debe- ret: nam æque fructum redderet em- ptori, ſive exiſteret, ſive non exiſte- ret; quod profeſſo gravamen maximum inferret venditori. Paritatem vero poſtea ſolvit ex Emphyteuſi, in qua, niſi res tota pereat, non liberatur Emphyteu- ta cum penſio in hocce contractu ſolum in domini testimonium ſolvatur, nec fructibus proportionetur: cenſua- rius vero penſionem ſolvit ratione ha- bita fructuum, quos res cenſui ſubjecta valet producere. Cui doctrinæ libens ſubſcribo.

CONSECTARIUM SEPTIMUM.

VII. Præſentem aſſecurationis fortis a quocumque periculo alicui non poteſt contractui cenſus. Ita declaravit S. Pius V.

V. jubens, *conventiones directas, vel indirectas obligantes ad casus fortuitos eum, qui alias ex natura contractus non tenetur; nullo modo valere volumus*. Porro certum est, ad contractum census casus fortuitos non pertinere: nam si res censui subiecta casu pereat, perit & ipse census. Hoc verum quidem puto, si de periculo sermo sit remoto plane, & certe fortuito, quibus res omnes sublatae subjacent: a quo periculo cavere velle, vel illud in alium transferre cum ad se pertineat, videtur hominis rerum conditionem mutantis, & securitatem quærentis, ubi securitas non est, proinde ab æquitate alieni. At si sermo sit de periculo proximo, & probabili, puto assurationem peti posse: nam tunc non agitur de casu fortuito, & contingente, sed de periculo proximo, & imminente, ut si quis censui subiciat domum ruinofam, vel agrum torrenti proximum, poterit a Censualista peti sui census securitas, si vel domus ruat, vel ager ab inundante torrente abripiatur. Quod si hujusmodi periculum in se suscipere velit, vel minori pretio pensionem emere poterit, vel ipsam pro rata, & proportionem periculi augere: neque enim de hisce periculis locutus est Sanctissimus Pontifex.

CENSECTARIUM OCTAVUM.

VIII. Census valide, & licite vendi possunt, ac non minoris, quam valeant; nisi specialis ratio concedat. Et quidem reales census vendi posse nullus est, qui ambigat, aut inficietur; cum sint res pretio æstimabiles, & inter bona computentur, sive mobilia, sive immobilia, quæ humanorum contractuum materiam ingrediuntur. Quod vero minoris, quam valeant, nisi minus pretio, quo constituti sunt, vendi non possint, patet ma-

nifeste: nam cum pretium census vel sit a lege taxatum, vel a consuetudine constitutum, justum in se est; proinde illum emere minori pretio est injustitiam, & æqualitatem violare, & magis æstimare pecuniam præsentem pecunia absente. Addidi tamen, nisi specialis ratio concedat: nimirum si census sit difficilis exactionis, si pensio obtineri non possit sine molestiis, & difficultatibus, quia ad manus devenit Censuarii morosi; vel si bona, in quibus fundantur census, sint periculo proximo obnoxia, puta quia flumen, vel torrentis prope ad vineam, agros, oliveta, censui obnoxia accessit, domus effecta est ruinosa, & similia. Recolantur ea, quæ diximus cap. 3. cunctis. 9. Admittenda tamen non est opinio Salmanticensium, qui docent etiam procul ab omni vel periculo, vel molestia licere minoris emere, si venditor emptorem ad emendum roget; eo quod merces ultroneæ vilescunt: quam vilitatem pretii docent usque ad tertiam partem, immo juxta aliquos usque ad medietatem descendere. Nam mihi videtur laxa, & falsa: cum oblatio venditoris ex ejus necessitate oriatur, quæ rem vilioris non constituit; & hoc esset ex aliena angustia lucrum capere, & pauperem opprimere.

CAPUT TERTIUM.

De Emphyteusi, & Feudo.

DOCTRINA.

- I. Quid sit Emphyteusis, & quotuplex.
- II. Jura Emphyteutæ explicantur.
- III. Eiusdem onera exponuntur.
- IV. Feudatarii jura, & onera recensentur.

I. **D**E Emphyteusi quæ magis generalia sunt, deduximus de Dominio cap.

cap. 3. n. 6. quibus hic nonnulla adjiciemus. Emphyteusis autem est contractus nominatus, quo *res immobilis alteri fruenda, & colenda conceditur sub onere annuæ pensionis proprietario salvanda*. In hocce itaque contractu solum utile, non directum dominium transfertur. Alia laicalis est, alia Ecclesiastica. In illa conceduntur bona, quorum proprietas ad laicalem pertinet potestatem: ista autem solum illa complectitur bona, quorum proprietas ad Monasterium, Ecclesiam, vel alium pium locum pertinet. Ad Ecclesiasticam Emphyteusim instituendam requiritur assensus Pontificis, & necessitas, vel evidens utilitas. Dividitur ulterius in temporalem & perpetuam, quia vel ad certum tempus, aut pro certis determinatis personis conceditur; vel in perpetuum, quando jus emphyteuticum perpetuo durat, & extenditur ad omnes, sive hæredes, sive descendentes. Laicalis Emphyteusis, si sine ulla temporis expressione concessa sit, perpetua præsumitur, & ad omnes transit, sive hæredes, sive descendentes. Perpetua quoque esse potest & Ecclesiastica, si clausulæ institutionis ita indicent; ut si dicatur *pro te, & tuis hæredibus omnibus*. At semper excepti intelliguntur Filii naturales, & illegitimi, etiam si Principis auctoritate legitimati fuerint, ut declaravit S. Pius V. Constit. 117. sed succedunt legitimari per subsequens matrimonium. Si ecclesiastica bona in Emphyteusim data redeant ad Ecclesiam, vel quia tempus concessionis elapsum est, vel quia deficient hæredes, potest Superior Ecclesiasticus iterum in emphyteusim alteri concedere absque Juris solemnitatibus, dummodo tamen eadem subsistat causa vel necessitatis, vel evidenter utilitatis.

II. Jura autem Emphyteuticæ hæc

sunt. 1. Potest libere uti, & frui re emphyteutica; & ei competit actio realis contra quemcumque perturbatorem, aut invasorem. 2. Jus obtinet percipiendi fructus & ex incremento rei emphyteuticæ per alluvionem sive latentem, sive patentem facta; non tamen illius proprietatem, quæ finita emphyteusi simul cum utili dominio ad proprietarium revertitur. 3. Potest etiam sine consensu domini directi rem emphyteuticam oppignorare, seu hypothecare; cum per hujusmodi contractum res non transferatur in alienum dominium, sed adhuc sub emphyteusæ dominio comprehendatur, qui pensionem solvit, immo potest & ad breve tempus locare, & etiam ad diurnum tempus, dummodo non fiat ipsius rei emphyteuticæ simpliciter, sed solum commoditatis ex ea percipiendæ ipsius Emphyteusæ nomine. Potest etiam jus suum vendere, & in alterum transferre, servatis tamen conditionibus loco super. laud. expositis. Nequit tamen alteri in emphyteusim concedere sine consensu domini.

III. Onera autem Emphyteuticæ sunt. 1. Ut statutam solvat pensionem, a qua non liberatur, quando modica est, licet ob sterilitatem, vel hostium incurSIONem paucos, aut etiam nullos percipiat fructus, cum præcedentium, subsequentiumque annorum fructus dampnum abunde compensent. 2. Pacta servare tenetur in contractu Emphyteutico conventa: quoniam meliorem reddere, si sub hac conditione accepit; vel si tale non sit adjectum pactum, tenetur conservare in illo perfectionis statu, in quo accepit: unde si sua, vel servorum culpa deterior fiat, tenetur propriis expensis restaurare, & ad pristinum gradum restituere. 3. Si res fortuito casu, & sine culpa Emphyteu-

ta tota pereat, perit domino, & ad nihil tenetur Emphyteuta; si vero solum ex parte, adhuc ad pensionem solvendam alstringitur. 4. Si sua culpa pereat, quia e. c. domum non restauravit, agrum s. flumine non defendit, tunc ipsi Emphyteutæ perit, & de toto damno tenetur. 5. Quando Emphyteusim amittat, sive: ut Juristæ loquuntur in commissum incidat Emphyteuta, diximus cap. 4. consec. 3. Innumeras profecto lites movent tum Juristæ, tum Canonistæ circa h. s. omnes, quas posuimus, tum conditionis, tum modos creandi, obtinendi, & amittendi emphyteusim: sed illas expendere nostri non est institui. Hæc proinde indiguisse sufficiat.

IV. De Feudo autem iis, quæ diximus loc. sup. laud. n. 8. nonnulla hic addimus de jure, & obligatione Feudatarii, seu Vassalli. 1. Jus competens Vassallo sinit in utili dominio Feudi, itaut rem feudalem possit libere administrare, feudo uti, & frui, & ea omnia circa illum disponere, quæ meliorem, non vero quæ deteriozem reddunt feudi conditionem. 2. Licet non possit feudum alienare sine consensu domini; potest tamen concedere, etiam pretio, illi, qui immediate sibi mortuo succederet, vel ad breve tempus, puta ad triennium, alteri locare: Cum consensu vero domini potest quocumque contractu alienare, dummodo feudum antiquum non sit; tunc enim & agnatorum requiritur consensus. Opera vero Feudatarii sunt 1. ea, quæ in investitura imponuntur, & ab ipso promittuntur, & præsertim juramentum fidelitatis, observare. 2. Contingente mutatione, sive ex parte Domini, sive ex parte Vassalli per mortem, vel alia causa, Vassallus perit investituræ renova-

Patuzzi Theol. Moral. Tom. V.

tionem, quæ licet communi jure gratis danda sit, consuetudine tamen investitum est, ut pro nova investitura in directi domini recognitionem aliquid præstetur, quod & relevium dicitur. Causas, ob quas Feudum amittitur, habes inligitata capite super. citato num. 4.

CAPUT QUARTUM.

De Contractibus onerosi usum concedentibus, scilicet Locatione & Conductione.

DOCTRINA.

- I. Quid sit Locatio, & Conductio contractus reciproci.
- II. Opera, & Officia Locatoris recensentur.
- III. Nonnulla alia enumerantur.
- IV. Num pandere debeat vitia occulta rei locatæ.
- V. Publica tributa, & vectigalia super rem locatam solvere tenetur.
- VI. Quando teneatur pensionem vel in totum, vel in partem remittere.
- VII. At quid teneantur, qui opera sua locant.
- VIII. Opera Conductoris exponuntur.
- IX. Quando sit pensio solvenda.

I. **C**ONTRACTUS onerosi, qui merum rei utum transferunt, sunt præcipue Locatio, & Conductio, de quibus modo dicendum.

Reciproci sunt hi contractus Conductionis, & Locationis, sicut & nomina Conductoris, & Locatoris: quamobrem unum sine altero bene dignosci nequit: igitur simul conjungendi, Locatio itaque definitur: *onerosus contractus, quo quis rem aliquam alteri utendam, vel fruendam concedit certo pretio, sive mercede constituta.* Reciproce vero conductio

V.

Ratio

Etio contrahitur est, quo usus alicujus rei pro pretio, vel mercede comparatur. Hinc qui rem concedit, Locator dicitur, qui accipit, emit, vel sibi comparat. Conductor audit: Adhibetur in definitione generale nomen rei ad significandum, locationis materiam esse posse quodcumque, cujus usus a substantia distinguitur; videlicet non solum res mobiles, & immobiles, sed etiam redditus Beneficii, Decimarum, Commende &c. Juxta vero rerum genera etiam Conductoris nomina distinguuntur: Qui enim prædium urbanum, vel domum conducit, Inquilinus dicitur; qui vero agrum, vel prædium rusticum, dicitur Colonus; qui operam personæ, dicitur Redemptor; qui publica vestimenta, Publicanus.

II. Onera, & officia Locatoris hæc sunt. 1. Curare debet, ut Conductor re sibi locata uti libere possit: quomobrem si ob ejus causam conductor frui, & uti nequeat re concessa tempore, & modo statuto, pretium locationis accipere non potest, & acceptum restituere debet. Immo si impedimentum a Locatore appositum fuit, vel ab alio, & hoc removere poterat, sed neglexit; tenetur & ad id quod conductoris interest, ne a conductione impediretur. Si vero nec ipse impedierit, nec appositum ab alio impedimentum auferre potuerit, solum ad accepti pretii restitutionem obligatur, non vero ad id, quod interest. Ita æquitas ipsa naturalis postulat, & statuunt Leges. Nam lego ex conducto 15. §. 8. ff. locati, & lege si fundus 33. indicitur: Si Colonus frui re a te, aut ab eo prohibetur, quam tu prohibere, ne id faciat, possis, tantum ei præstabis, quantum ejus interfuit facti. Si vero ab eo interpellabitur, quem tu prohibere propter vim majorem, aut

potentiam ejus non poteris, nihil amplius ei, quam mercedem remittere, aut reddere debebis.

III. Tenetur etiam Locator propriis expensis in re locata reparare, ac reficere, quæ necessaria sunt, ut Conductor ea commodè pro modo, & tempore concessio uti possit. Quod si prædare negligit, præsternim requisitus, id sibi procurare poterit Conductor, & expensas compensare tantundem de pensionibus sibi retinendo. Quod nonnulli Theologi, & Canonistæ etiam ad res utiles post locationem permanentes extendunt. Verum in hoc puto, 1. conventionibus, & legitimis consuetudinibus standum. 2. Si finita locatione Locator nolit rei utilis pretium, & valorem compensare, poterit Conductor utiles meliorationes a se factas secum asportare, si sine rei locatæ læsione, & detrimento seungi, & separari possint: si vero non possint, iudicio peritorum, & piorum res transigentia.

IV. Paudere etiam tenetur Conductor vitia occulta rei locatæ, ne aliquod damnum illi obveniat: quod si omittat, & quidem vitium probe noscens, tenetur omnia detrimenta reparare; ut si quis alteri equum locet ad merces transvehendas, nec illum moneat de vitio, quo equus laborat, se videlicet projiciendi in aquam; vel locet cymbam rimarum plenam, tenetur de omni emergente damno. At sit ignoret vitium, & putet rem opportunam locare, tenetur quidem vel pretium non petere, vel acceptum restituere; sed detrimenta reparare non tenebitur. Ita docet S. Antoninus 2. P. tit. 1. cap. 13. §. 6., „ Si quis locat rem viciorum scienter, „ vel equum claudicanem, vel aliquid „ defectuosum, peccat mortaliter, si „ inde secutum est, vel viciniliter „ ite-

„sequi poterat grave damnum Condu-
„ctori, & tenetur ad satisfactionem
„ex damno secuto . . . Si nesciebat,
„non tenetur“.

V. Tributa, & onera publica ratione locati fundi, puta domus, vel agri, solvere ad locatorem pertinet, non ad conductorem; nisi aliter conventum sit. Nec ante completum locationis tempus potest conductorem expellere, nisi iusta intercedat causa: quod si iniuste expellat, & ad pretium refundendum, & ad interesse tenebitur. Causæ autem iuste expellendi hæc a Theologis assignantur. 1. Si conductor per biennium pretium locationis non solverit, quando locatio ad decem vel plures annos facta sit: quod si ad brevius tempus, poterit etiam citius expelli. 2. Si Conductor locata re, puta domo, abutatur ad recipiendas meretrices, lenones, fures, vel ad prohibitos ludos, aut si rem locatam deteriores reddat, vel destruat. 3. Si ipsemet locator re locata ad proprium usum indigeat, urgente aliqua necessitate, quæ tempore locationis non existerat, & cui aliter prospicere non possit: quæ necessitas extenditur etiam ad filios, & parentes locatoris, quippe qui præferendi sunt extraneo conductori. 4. Si res locata, puta domus, necessaria indigeat reparatione, & refectioe, quæ perfici nequeat, nisi conductor recedat. Refecta vero, & reparata domo, Locator inquilino concedere tenetur, ut revertatur, si velit, ad pristinam conditionem pro tempore in contractu constituto.

VI. Quando ex re frugifera locata Conductor sine culpa fructus vel exiguos, vel nullos percipit, ex æquitate naturali tenetur Locator in toto, vel in parte pensionem remittere: nam cum pensio locationis loco fructuum sit, qui

domino cederent, nisi res esset locata, æquum videtur, ut sicut nullos perciperet, vel exiguos fructus prævie ad locationem, ita post locationem teneam, vel nullam recipiat pensionem. Quæ regula, licet vera sit absolute, nonnullis tamen subest exceptionibus. Et 1. si sterilitas, vel damnum unius anni sterilitate compensetur, & ubertate aliorum, vel præcedentium, vel subsequenrium. Immo non desunt Theologi, & Canonistæ, qui probabilis sentiant, remissa a Locatore in toto, vel in parte ob sterilitatem anni pensione, si subsequentibus annis uberiore per veniant fructus, qui damnum compensent, posse remissam pensionem repetere, prout etiam in iure statuitur Leg. *ex conducto* §. Papinianus ff. *Locati* ubi decernitur: *Si uno anno remissionem quis colono dederit ob sterilitatem, deinde subsequentibus annis contingit ubertas, nihil obesse domino remissionem, sed integram pensionem etiam ejus anni, quam remisit, exigendam*. 2. Si Colonus partiarius sit, idem partem fructuum pro pensione solvat, sive in re, sive in pecunia, tunc, ut manifestum est, damnum æque dividendum erit inter Locatorem, & Conductorem. 3. Quando pensio adeo modica est, ut convenerit Conductor de ea solvenda, etiam quocumque eventu fructuum perceptionem impediante; vel quia vitium est ipsi locatæ rei intrinsecum, puta quia ager flumen est, vel torrenti subiectus; vel tempore belli conductus, cum hostium incursiones prævideri possunt; in utroque enim casu vel molitibus pensionis huic æquatur periculo; vel ipse conductor sibi damnum imputare debet, si rem tali vitio sibi probe comperto obnoxiam conduxerit.

VII. Qui opera sua locant, ut ope-
V 2 ra-

rarii, famuli, artifices, tenentur conventionibus stare, & opera sua fideliter, ac sedulo præstare; alioquin tenentur pro rata laboris omitti, vel non diligenter præstiti, de merce se remittere, vel de accepta restituere. Immo ad damna, & interesse reparandum obstringuntur, si ex eorum culpa lata, vel levi, non vero levissima damnum aliquod obveniat conductori. Quamobrem si quis conductus ad opus aliquod faciendum, quod ob suam imperitiam, & culpam vitiosum evaserit, imperfectum, inutile ad finem, tenetur ad id, quod interest, & ad damna reparanda: sicut pariter, si ante terminum locationis absque legitima causa, & ex culpa sua ab opere discedat, quod imperfectum remaneat, vel per alios majori impendio perfici debeat.

VIII. Conductor vero vi conditionis tenetur passim mercedem solvere locatori juxta quantitatem, & tempus in conventionem statutum: ideoque si ex diminuta, vel dilata solutione operarius damnum patiat, conductor illud refarcire tenetur. Et in hoc frequenter peccant, qui mercedem non solvunt mercenariis, quippe qui tenentur sibi, familiarique suæ necessaria subsidia credito emere, & proinde carius, quam si emerent parata pecunia; vel tenuem suppellectilem oppignorare non sine gravi incommodo, & detrimento: de qua iniquitate, & injustitia, quæ ad Deum clamat, raro admodum in confessione se accusant; nec satis eam advertunt Confessarii. 2. Tenetur re conducta uti solum ad eum usum, ad quem concessa fuit, & de quo conventum: alioquin reus erit furti; ideoque, si res etiam fortuito casu perierit, tenebitur de detrimento, & damno: c. ex conduxisti equum ad. equireandum Romam, & vel

eo usus es ad trahendam rhedam, vel ad pergendum Neapolim: si in itinere pereat, vel si a latronibus rapiatur, ad damnum compensandum obstringeris. 3. Ante completum conditionis tempus rem conductam dimittere non licet conductori absque legitima, & iusta causa: quod si divitiat, ad omnes pensiones temporis statuto conditionis respondentis solvendas tenebitur. Juxta autem dimittendi causæ illæ omnes sunt, quæ usum rei conductæ sine conductoris culpa impediunt; puta si domus terremoto facta sit ruinosa, si larvis, & spectris infestetur, & similia. 4. Completæ locationis spatium res est domino restituenda integra, non diminuta, non deterior effecta ex culpa conductoris (non vero, si deterior evaserit usu, vel lapsu temporis) alioqui ad sarcinendum damnum tenebitur. 5. Si conductor re conductâ uti non possit impedimento orto ex parte sua, nihilominus constitutas pensiones solvere debet; neque enim ex aliena causa damnum locator subire debet. Hinc qui personarum operam conducit, si forte illorum opera ex parte sui non utatur, tamen passim mercedem dare tenetur: & pariter qui domum conducit, licet illam aliquo tempore non inhabitet, pensionem solvere debet. Excipiendum tamen, nisi forte vel famuli operas suos, vel dominus domum alteri concedere interim possit: tunc enim sicut nullum sentiunt detrimentum, ita nec pensionem accipere possunt.

IX. Pensio est solvenda statuto tempore: quod si determinatum non sit solutionis tempus, juxta regionis consuetudinem erit solutio facienda. Si dubium oriatur de non solutis pensionibus, & Conductor apochas ostendat solutionis factæ, & acceptæ postremis tribus an-

nis, in foro civili præsumitur, etiam anteriores fuisse solutas: quæ præsumptio & in foro conscientie locum obtinere poterit, quando certo non constet Conductori, vel a se, vel a suis prædecessoribus non fuisse solutas. Fructus rei locatæ, sive adhuc sint in prædio, sive divisi, & collecti, obnoxii sunt locatori, qui iactam obtinet hypotheccam in ipsis, etiam respectu priorum creditorum: hinc executive agere potest super eisdem fructus, & eorum asportationem, ac venditionem interdicare, quamdiu soluta illi non fuerit pacta pensio.

CAPUT QUINTUM.

CONSECTARIA PRÆCEDENTIS
DOCTRINÆ.

- I. *Quanam sit locationis & conductionis materia.*
- II. *Num liceat pauperi jus petendi elemosinam alteri locare.*
- III. *Quomodo locator, & conductor mutuo sibi obligentur.*
- IV. *Non possit conductor alteri sublocare, & quo onere.*
- V. *Quando, & quare possit conductor rem conductam deserere.*
- VI. *Ad quid teneantur, qui opera sua locant.*
- VII. *Nam possit quis operam suam locare pluribus integro, & iusto a singulis pretio accepto.*
- VIII. *Quando conductio, & locatio finem accipiant.*
- IX. *Qui uberiores reddit agrum a se conductum, a quo expensas, ad hoc factas repetere possit.*

CONSECTARIUM PRIMUM.

- I. **R**ES omnes, sive mobiles, sive im-

mobiles, quæ vendi, & emi possunt, possunt & locari. Sunt tamen nonnulla, quæ legibus Civilibus, vel Ecclesiasticis locari prohibentur. Hinc ex Concilio Tridentino locare non licet, quæ ab Ecclesiastica pendent iurisdictione. Nam test. 25. cap. 11. statuitur: „Non licet „iurisdictiones Ecclesiasticas, seu facultates nominandi, aut deputandi Vicarias „in spiritualibus locare, nec conducto- „ribus per se, aut per alios exercere“. 2. Bona Ecclesiastica locare prævis acceptis pensionibus idem Concilium vetat, eodem loco statuens: „Magnam „Ecclesiis perniciem asserere solet, cum „eorum bona representata pecunia, in „successorum præjudicium aliis locan- „tur. Omnes igitur hæ locationes, si „anticipatis solutionibus fiant, nullatenus in præjudicium successorum validæ intelligantur; quocumque indulto, vel privilegio non obstante; nec „hujusmodi locationes in Romana Curia, vel extra eam consentientur“. 3. Jure Canonico res ecclesiasticæ immobiles sine requisita juris solemnitate locari nequeunt, ut statuitur in Extra Ambrosio de rebus Eccles. alien. quod statutum ita intelligendum est, ut primo elapso triennio, rursus liberum sit eidem Conductori locationem confirmare, & sic in sequentibus; ut non liceat conditionem apponere primæ, vel secundæ locationi, sicut & ceteris de ipsa locatione renovanda. 4. Clericis, & Monachis in jure can. 1. causa 2. quæst. 3. & cap. 1. Nec Clerici, vel Monachi, prohibetur alienas possessiones, & seculares res conducere, quod intelligitur lucri gratia: nam domum pro habitatione, vel alia illis necessaria conducere non interdicitur. Recolantur, quæ superius diximus de Clericorum negotiatione. Legibus vero civilibus interdicitur militibus prædia conducere ad

colendum, non vero domum ad habitandum, vel stabulum ad equos custodiendos, & nutriendos. 2. Nec Curiales Curiae obstricti, & obnoxii prædia conducere queunt, ne curis, & negotiis prædiorum ab officii sui muneribus distraherentur. 3. Nec servitutes prædiales, seu reales, ut sunt inter, via, jus pascendi pecora &c. locari possunt L. *locare* 44. ff. si 2. statuent: *locare servitutem nemo potest*. 4. Res fungibiles, quæ nimirum unico actu, & usu statim consumuntur, locari non possunt, cum eorum usus ab ipsa rei substantia disjungi nequeat, ut suo loco ostendimus: possunt tamen locari, si non ad consumptionem tradantur, sed ad ostentationem, ut optime docet S. Th. 2. 2. q. 78. a. 1. ad 6. ubi & ipsam pecuniam pro ostentatione locari posse concedit, scribens, “Usus principalis pecuniae argenteæ est distractio pecuniae, in commutationes, unde non licet ejus usum vendere. . . . Potest esse aliquis secundarius usus pecuniae argenteæ, ut puta si quis concederet pecuniam signatam ad ostentationem, vel ad ponendam loco pignoris, & talem usum pecuniae licite homo vendere potest”.

CONSECTARIUM SECUNDUM.

II. Meretricibus, usurariis, & aleatoribus domos, vel cubacula locare licitum non esse late ostendimus tum in Tract. de scandalo, & cooperatione ad malum, tum in sexto Præcepto, ubi hanc rem fusi expendimus. Num autem liceat pauperi jus, quod habet eleemosynas petendi in tali Civitate, Ecclesia, Loco, alteri locare, etiam non pauperi, nec indigenti, licitum affirmant nonnulli Probabilistæ Theologi. Verum eorum opinio est rejicienda ab-

solute loquendo. Nam 1. fallunt elargientes eleemosynas, qui dipeim dant ad levandam egeni pauperatatem, non ad augendam non indigentis, qualis est conductor, pecuniam. 2. Conductor, qui jus illud conduxit, jam non pauperis nomine, sed suo proprio eleemosynam petit, & accipit, cum non indigeat: fraudem igitur committit & erga dantes, & erga alios pauperes, quæ eleemosynis privat, & quod sibi non competit, usurpat. 3. Tale jus concedens pauperi, ejus persone concedit, ut eleemosynam petendo sum auxilietur indigentiae, non vero ad negotiandum cum non indigentis emolumento. Imbecillia autem est adversantium Theologorum ratio, nimirum posse pauperem, mediante etiam divite persona, eleemosynam petere. Nam tunc qui eleemosynam largiretur, probe nosset, se non diviti, & non indigenti, sed vere egeno, & pauperi dare, quod sibi per divitem petitur: & ita nulla esset fraus, nullus dolus. Quod si pauper, qui hujusmodi jus, seu potestatem habet eleemosynam petendi, morbo, vel alia causa mendicare impediatur, poterit alteri pariter egeno, & pauperi jus illud concedere, partem eleemosynæ illi cedendo: hoc enim pacto & vere egenus est, qui mendicat, & eleemosyna in levamen cedit pauperis, qui invitatus jure suo uti præpeditur.

CONSECTARIUM TERTIUM.

III. Locatores, & Conductores sibi mutuo obligantur ex culpa lata, vel levi, non vero ex levissima; sicut nec ex fortuitis casibus. Et quidem obligari ex culpa lata, & levi, ea ratio est, quia, ut suo loco dicemus, ubi de restitutione, contractus est in commodum utriusque; quemadmodum dicit S. An-

roninus 2. P. tit. 1. C. 13. §. 6. *In hoc contractu venit culpa levis, quia gratis utrinque celebratur.* Non teneri vero ex casu fortuito, patet: quia in hoc contractu rei non transfertur dominium, quæ domino suo servatur, vel perit. Hoc tamen non impedit, quin aliquando ex fortuitis casibus conductor teneatur, nimirum 1. si rei periculum in se suscepit, & ad fortuitos casus se obstringerit; & adhuc tamen non teneatur de naturali rei corruptione: ut si quis equum conducatur, in se periculum suscipiens, non obstringitur ob mortem naturalem equi, quæ non inter casus fortuitos, sed necessaria computatur, & æque accidisset in manu domini, ac locatarii. 2. Si convenitis, & pactis non fitebitur: ut si quis domum conducatur cum pacto, ne ignem in certo domus loco accendat, vel lucernam apertam non deferat, quia prope est locus fornæ, vel aliis combustibilibus rebus repletus; si ignem accendat, & lucernam defetat, reus erit, & ad damnum reparandum tenebitur.

CONSECTARIUM QUARTUM.

IV. Post Conductor rem sibi locatam alteri sublocare, nisi aliter conventum sit. Sed tenetur ob culpam, vel negligentiam alterius, sicut de culpa famulorum, & servorum suorum, si quod damnum rei locatæ obveniat. Ita enim statuunt leges, & præsertim 25. §. 7. ff. de Locat. ubi dicitur: *Periculum præstat, si qua ipsius, eorumque, quorum opera uteretur, culpa acciderit.* Sunt tamen, qui dicunt teneri quidem de culpa sublocatarii, vel servorum, si in his deligendis negligens fuerit, & incautus, stupidus, & imprudens elegerit; secus vero si probus, si attentus, & diligens. At hæc distinctio inepta

videtur. Nam 1. patet ex eventu in electione errasse, cum eorum culpa damnum emergerit. 2. Cum locator utrum rei, puta domus, communem aliis fecerit, qui sibi soli concessus erat, illorum culpam in se suscepit respectu locatarii, cum quo convenit; & respondere huic debet de illorum culpa, negligentia, & imprudentia. 3. Vel ille, cui domum sublocavit, & cuius culpa incendio flagravimus, est idoneus solvendo, vel secus, si primum, locator quidem liberabitur, & damnum erit a sublocatario reparandum: si alterum, conductor ad damni reparationem tenebitur, quippe qui rem locatam deteriorem reddidit, eam sublocando illi, qui damnum ex culpa inducitur reparare non potest, dum locator illi locaverat, quem neverat respondere posse de damno, si quod ejus culpa obvenisset. Pari pacto si conductor alteri injuriam inferat, ex qua exasperatus domum incendat, obstringitur damnum reparare, cujus ipse sua iniquitate in causa fuit; secus vero dicendum, si inimicus solum ob suam malitiam domum incendat, puta ob iram vel odium injustum, quia nimirum conductor cum juxta esset illum vel punivit, vel sententiam adversus illum tulit: ubi enim nulla intervenit culpa, nec damnum intercedere debet.

CONSECTARIUM QUINTUM.

V. Qui rem conductam ante tempus deserit ob grave periculum, quod timeret, non tenetur integras pensiones solvere, sed solum pro rata temporis: secus vero, si ob levem, & imrudentem metum. Nam quod primo queritur in re conducta, est, quod conductor nulli subis ob conditionem periculo, præsertim gravi, sine sua culpa: tunc

tunc enim conductio non sibi utilis, sed noxia evadit, eam proinde deferere potest; præmonito tamen locatore, ut suæ indemnitati prospiciat: quam monitionem si negligat, cum præstare possit, tenebitur ad pensiones præstandas. Quamobrem, si in urbe, ubi quis domum conduxit, lues grassetur, potest domum deferere, & ad alium securiorem locum se transferre. Auctor recens Probabiliorista putat cum Cardinali de Lugo distinguendum, si domus „ peste inficiatur absque culpa conductoris, posse deferere dicit, nec ad „ pensionem teneri: si vero lue non „ inficiatur, nec posse deferere, nec „ pensiones denegare; quia, inquit, „ cum adhuc habitabilis sit, & reapse „ multi alii indigenæ proprias domos „ non infectas habitent, & adhuc domus non infectæ locentur; non est „ rationale, quod locator sua pensionem privetur “. At hæ rationes meo videri nimium imbecilles sunt, & Auctoris doctrinam, nedum probabilioriam, sed nec probabilem efficiunt. Et si quidem expectare ne deber conductor ad domum deferendam, ut pestis, quæ in urbe grassatur, ipsam domum invadat? At hoc est mortem infirmi expectare ad Medicum vocandum. Nonne satis est, si prudenter timeat, ne pestis domum invadat, ut illam iusta de causa deferere possit? At alii incolæ domos non deferunt. Si ita. Sed suo periculo non deferunt; sed sua fortassis interest non deferere; sed deferere non possunt. Iste vero & periculum subire detrectat; & sua non interest ibi manere; & discedere potest: cur ergo tuta conscientia non poterit? Domus (ubi sit) adhuc non infectæ locantur. At quibus? profecto non nisi iis, qui vel aufugere non possunt, vel

sub dio manere deberent, vel quorum interest & cum periculo in urbe manere. Non igitur horum exemplo constringitur ad domi manendum cum vitæ discrimine. Poterit igitur tuta conscientia recedere, solutis pro rata temporis pensionibus. Et revera L. 55. §. 2. ff. de locat. indicitur: „ qui contra „ legem conductiōnis factum ante tempus „ sine iusta, & rationabili causa deferuerit, a i solvendis totius temporis „ pensiones ex conducto conveniri „ potest “. Porro quæ iustior, & magis approbata causa deferendæ locationis, quam timor mortis ex lue in urbe grassante? Ita sentit & Javeninus To. 2. Resol. Casuum conscientiarum tract. 11. cap. 3. n. 10. & 17. Quod & dicendum de domibus, & prædiis rusticis, si hostium immineat irruptio, quæ omnia vastet. At si timor panicus sit, & inane tericulum, non potest iuste deferere; cum iusta non sit, nec urgens causa recedendi cum alterius damno. Et item dicendum, si quis a domo discedat ob aliquam utilitatem. vel commodum, puta quia meliorem invenit domum, & suæ negotiationi opportunior; vel quia dignitate auctus, vel matrimonio iunctus ampliori, & nobiliori indiget domo; cum liceat quidem unicuique propriam querere utilitatem, at non cum alterius damno. Quamobrem mutare quidem poterit domum, at simul pensiones pro futuro tempore solvere, vel alteri illam locare de licentia domini, qui propterea ab omni damno reddatur immunis.

CONSECTARIUM SEXTUM.

VI. Pariter qui opera sua locant, tenentur ex culpa lata, & levi, non vero levissima. Hinc pastores, & custodes gregum tenentur ad restitutionem,

nem, si animal perit, vel deperditur eorum culpa; quod & dicendum de quocumque culode mercede conducto. Azorius putat, hosce etiam ex levissima culpa teneri. At Molina probabilius docet, & probat nimis rigidam esse hanc doctrinam, & a communi contractuum regula recedere. Hicce tamen incumbit probare, quando dubium sit, num sine culpa, vel secus res perierit, & rem periisse, & sine sua culpa periisse. Hinc si custos gregis dicat, oves vel sibi furto ablatas, vel a bestiis devoratas, vel fugisse, illi incumbit probare & quod ita contigerit, & absque sua culpa contigerit; secus ac in aliis rebus, quæ non ad custodiam, sed ad usum conceduntur, in quibus si res pereat, & dubium sit, num perierit culpa conductoris, locatori probatio incumbit. Ratio vero discriminis est, 1. quia in rebus in custodiam datis facilius dolus, & fraus custodis, vel saltem ejus negligentia præsumitur; & in rebus ad usum datis hæc negligentia, & fraus non præsumitur; præcipue si rei perditio cum ipsius conductoris damno juncta sit, ut si domus locata incendio absumatur.

CONSECTARIUM SEPTIMUM.

VII. Item potest pluribus operam suam locare accepto ab utroque integro pretio, dummodo perfectæ utrique satisfiat. Id pater in aurigis, qui vel ita conducuntur, ac si vacui redituri essent, vel vacui mittantur ad aliquem locum soluto pretio tum pro ita, & reditu; qui tamen, si inveniant conductores, possunt & eorum, & operam suam integro pretio locare. Quod & dicendum de illo, qui conductus, ut Romam pergat ad aliquid officium præstandum, rursus potest & alteri se

Patuzzi Theol. Moral. Tom. V.

locare integra accepta mercede. Ratio est, 1. quia ita se uni obstringit, ut altero etiam deficiente totam operam illi præstaret; nec ex eo, quod pluribus præstat, minus singulis præstat. 2. Quia opus, quod secundo conductori locat, & est pretio æstimabile, & tale pretium revera de se meretur. Quod vero idem, & alteri præstat, hoc est per accidens, & nihil conductori nocet, licet profit locatori. 3. Cum rari sint, & mere fortuiti hujusmodi eventus, ipsi conductores libenter consentiunt, ut conducti sibi prospiciant, & uberius lucrum procurent. Nec dicas, quod si secundus conductor sciret jam nuntium ab altero esse conductum, integram nollet rependere mercedem. Utiq. At nuntius nullo iustitiæ onere premittitur ad manifestandum, se & ab alio mitti: & sicut prospere contingeret alteri minori pretio nuntium mittere, qui ab alio jam conductus est; ita prospere contingit nuntio, ut a duobus mittatur accepta ab utroque integra mercede: quod autem contingenter, & prospere evenit, rei naturam non mutat.

CONSECTARIUM OCTAVUM.

VIII. Locatio, & conductio tunc finiuntur, quando tempus elapsum est in contractu præstitutum. Quod si eo completo adhuc conductor, sciente locatore, re uti prosequatur, prorogata censetur locatio, & quidem rei conditione inspecta; videlicet si res sit prædium urbanum, vel domus, quovque alterius contrahenti libuerit; si vero sit prædium rusticum, saltem ad annum: non censetur tamen prorogata fidejussio, si qua intervenit, sed necesse est, ut fidejussor de novo fidejussionis præstet securitatem. Non cessat vero ante

X

ante temporis lapsum morte locatoris, si illi succedat hæres universalis, vel necessarius, qui cum suo prædecessore unam repræsentat personam. Cessat vero, si hæres sit successor particularis, ut Legatarius, vel donatarius; quia hic testatoris personam non gerit. Quod si locator domum, vel agrum alteri vendat, aut donet durante locatione, emptor, vel donatarius locationi stare non coguntur: at conductor a locatario repetere potest, quod sui interest, ne res locata donetur, aut veneat. Similiter cessat locatio reddituum, & bonorum ecclesiasticorum morte locantis, si bona sint, quæ suæ dignitati, & beneficio sunt deputata ad sustentationem. Perseverat vero, si res sint non privatorum personarum, sed ad Ecclesiam, vel Monasterium pertineant, proinde ipsius nomine locatæ. Primæ partis ratio est, quia redditus, & fructus beneficii post Beneficiarii mortem ad successorem pertinent, in cuius detrimentum nihil præstare potest antecessor. Secundæ vero partis hæc est ratio, quia Prælati, & Superiores legitimi sunt ecclesiasticorum bonorum administratores: quomobrem eorum locationes ejusdem sunt rationis, ac factæ a Tutore, vel Curatore pupilli, quæ semper subsistunt; nisi forte gravis intercederet, & enormis læsio, pro qua beneficium deposcere possent restitutionis in integrum. Eodem titulo valent locationes maritorum de bonis dotalibus uxorum, quorum licet sint mere usufructuarii, sunt tamen & legitimi administratores. Immo si in ipsa matrimonii initio dotalia bona accepisset, quæ nulli locata existimabat; non teneatur locationi stare, cum sit successor particularis in eisdem bonis; si vero locata nuperat, & acceptavit, sua ac-

ceptione locationi jam factæ assensisse præsumitur; expropter illam dissolvere non poterit.

CONSECTARIUM NONUM.

IX. Qui ab usufructuario prædium, sive agrum rusticum conducit decem annis, & sperans se toto eo tempore illo frui, prioribus annis summa diligentia excolit, & uberius reddit, ac melius; si post quinquennium defuncto usufructuario ager ad hæredem pariter usufructuarium transeat, nequit ab ipso expensas repetere, nisi forte deceptus fuisset a locatore defuncto, qui se proprietarium simulasset: tunc enim ab hærede indemnitatem petere posset ob dolum, & fraudem. Si vero ad fundi proprietarium transeat, poterit indemnitatem, & expensas exigere. Prima pars hujus consecutarii in textu fundatur Legis *si quis domum* §. idem querit ff. locati ubi dicitur: *Si sumptus fecit ad fundum quasi in quinquennium fruisurum, an recipiat?* Et ait, *non recepturum, quia hoc* (mortem scilicet usufructuarii locatoris) *evenire posse prospicere debebat*. Altera vero pars patet ipso naturali jure, quia deceptus in locatione fraude, & dolo locatoris, qui se proprietarium simulavit, cum non esset nisi usufructuarius, posset ab ipso deceptore indemnitatem reposcere, proinde & ab ejus hærede, qui sicut in bona defuncti succedit, ita & ejus oneribus realibus subjacet, cujusmodi est rescarciendi illata damna. Tertius vero Consecutarii parti adversantur plures Theologi, qui putant proprietarium non teneri ad expensas compensandas; at probabilius alii docent, & conductorem petere posse a proprietario, & hunc ad compensationem teneri, & quidem merito. Nam Usufructuarius sua

sua locatione totum jus suum transfudit in Conductorem, qui proinde eo frui debet beneficio usufructuario convenienti. Porro si usufructuarius eas subisset expensas, & obisset, non ne ejus hæredes possent a proprietario incrementi beneficium petere? poterit igitur & Conductor usufructuarii, cujus perso-

nam repræsentat: & sicut Proprietarius teneretur hæredes usufructuarii compensare; ita & conductorem indemnem servare tenetur. In textu vero juris superius adducto solum sermo est de conductore exigente indemnitate ab hærede mere usufructuario, non a vero domino, & proprietario.

P A R S T E R T I A

DE CONTRACTIBUS ONEROSIS DOMINIUM, VEL USUM, VEL USUMFRUCTUM TRANSFERN- TIBUS, ET A SORTE PENDENTIBUS.

HUJUSMODI Contractus, licet quoad eventum a sorte pendeant, suas tamen servant regulas justitiæ, & æquitatis certas, & determinatas, a quibus si exorbitent, injusti fiunt, & illiciti. Sunt autem Societas, Ludus, & Sponsio, de quibus singillatim.

CAPUT PRIMUM.

De Societate, & Contractu Trino.

DOCTRINA.

- I. Contractus Societatis definitio.
- II. Societas multiplex.
- III. Regula pro justitia societatis. Regula prima.
- IV. Regula secunda. V. Regula tertia.
- VI. Regula quarta. VII. Regula quinta.
- VIII. Contractus Trinus exponitur.
- IX. Damnatus ostenditur a PP. Grecis.
- X. A Gregorio XIII.
- XI. A Sixto V.
- XII. A pluribus Episcopis Hispaniarum, Galliarum, Italie.
- XIII. A Theologis, & Juris Canonici Doctoribus.

- XIV. Invisis probatur argumentis ejus iniquitas.
- XV. Posito licito Trino contractu usura est cbimericum crimen.
- XVI. Argumenta in favorem contractus Trini proponuntur.
- XVII. Primum dissolvitur argumentum.
- XVIII. Secundum refellitur.
- XIX. Tertium refutatur.
- XX. Quartum. XXI. Quintum.
- XXII. Sextum argumentum dissolvitur.
- XXIII. Nam licitus sit contractus cum affecuratione sortis, sed sine venditione lucri.
- XXIV. Num cum venditione lucri, sed sine affecuratione sortis.
- XXV. Completa societate quid de sorte, & lucro faciendum.

I. SOCIETATIS contractus definitur potest duorum, vel plurium conventio, qui in communi ponunt pecuniam, industriam, laborem, vel aliam quamcumque rem pretio æstimabilem, ut inde commodius lucrum reportent. Dicitur duorum, vel plurium conventio, nam unus, & idem nequit sibi socius esse: additur in communi ponunt, ut scilicet æquale sit, & commune omnibus sociis sive lucrum, sive detrimentum; alioquin leodina esset illa societas, in qua alter socius semper lucraretur, vel damnum non sentiret, alter vero detrimentum omne subiret. Hinc L. 67. ff. Pro socio indicitur: *Societas cum contrahitur, tum lucri, tum damni communio initur*. Subditur pecunia, industria, labor, vel res pretio æstimabilis, cum hæc solum possint esse licitæ societatis materia; nam societates de rebus illicitis, bonisque moribus adversantibus iniquæ sunt, & detestandæ; ut est societas latronum ad grassandum, de quibus in L. 35. §. 2. ff. de contra. empt. statuitur: *Societas flagitiosa rei nullas vires habet*. Denique dicitur ad lucrum commodius faciendum; lucrari enim intendunt socii, & quidem per mutuum adiutorium, quo onera, & sollicitudines dividuntur.

II. Societas multiplex esse potest, alia scilicet universalis bonorum omnium, alia particularis aliquorum tantummodo, Peculiaris societas alia versatur in mercibus emendis, vendendisque, alia in agris colendis, alia in animalibus, vel præcise ad usum, culturamque inferviensibus, cuiusmodi sunt boves, equi, mali; vel præcise ad forum, & multiplicationem, cuiusmodi sunt oves, capræ, fures; vel ad culturam, & usum simul cum multiplicatione, ut vaccæ, equi, aſinæ;

aliæ denique in redditibus, vestigialibusque colligendis. Aliquando contractus iste simplex, idest triæ societas, aliquando mixtus ex alio illi adnexo contractu.

III. Licitum esse Societatis contractum nullus est, qui ambigat, si debite serventur conditiones, pro quibus hæc statuitur Regulæ.

REGULA PRIMA.

Prima licitæ societatis conditio est, ut in societate omnia in quibus constituitur societas, in commune conferantur, sive pecunie, sive opera, sive industria; unde commune etiam sit omnibus lucrum, vel detrimentum. Veritas huius regulæ et de se manifesta, & statuitur a Sixto V. in sua Constit. quæ incipit *Detestabilis*, ubi indicitur: *Contrahentes societatem, fructus, expensas, & damna in commune conferant, & prout æquum, & iustum fuerit, sibi communicent, atque dividant*.

REGULA SECUNDA.

IV. Proportio servanda inter socios non semper debet esse arithmetica, ut scilicet æquale lucrum, vel detrimentum omnes sentiant; sed geometrica, ut scilicet correspondeat quantitati rei in societatem collatæ lucrum, vel detrimentum. Declaratur. In societate cumulus est constituendus pecuniæ, operum, & industriæ, & singulis æstimatis juxta suum capitale assignari debet cuiuslibet socio deponenti tantum lucri, & tantum detrimenti, quantum deposita res exposculat. Quamobrem, si pecunia deposita pretiosior sit industria, & labore, majus lucrum percipiat, qui pecuniam deposuit, quam qui contulit operam. Nam ut habetur in l. tit. tit. 6. §. 2. de societate: *Ira imiri potest soci-*

societas, ut alter pecuniam conferat, alter non conferat, & tamen lucrum inter eos commune sit, quia saepe opera alicujus pro pecunia valet. Et e contra, si pretiosior, aestimabiliorque sit labor, & industria, quam collata pecunia, operarius, & negotiator majus lucrum consequetur. Nam ut subditur in Instit. §. 6. Saepe quorundam ita pretiosior est opera in societate, ut eos justum sit conditione meliore in societatem admitti. Quid si omnia sint aequalia, aequale erit & lucrum, vel detrimentum.

REGULA TERTIA.

V. Optima est regula tradita a S. Antonino P. 3. tit. 2. cap. 7. *In societate damnum procedens ex natura rei pertinet ad tradentem, sequens ex culpa negligentia ad suscipientem, ex fortuito casu spectat ad utrumque. Quamobrem qui rem tradit, quae materia sit societatis, corruptam, vel oves morbidas, vel innotam adulterinam, aut deficientem, ipse solus damnum subire debet. Qui industriam, & operam praestat, si a suo munere deficiat, si ejus culpa res pereat, solus damnum reparare debet, & id etiam compensare societati, quod interest, ne culpa commissa fuisset. Quando vero casu fortuito perit sine sociorum culpa, ad totam pertinet societatem, ut statuitur L. 6. ff. pro socio: Fatalia damna socii non coguntur praestare. Qui vero Societati operam praestat, & industriam, eam adhibere tenetur diligentiam, quam pro suis rebus adhiberet. Inducitur enim in Instit. lib. 3. tit. 26. §. ult. Sufficit talem diligentiam communibus rebus adhibere socium, qualem suis rebus adhibere solet quilibet homo prudens. Res vero societatis durante societate spectantur, ac si nullus essent disjunctive, sed omnium sociorum collectivae.*

REGULA QUARTA.

VI. In societate quicquid aliquis sociorum adeptus fuerit ratione societatis, in commune ponendum est; non vero quod illi obvenit, non ex societate, licet causa societatis; ut si quis secius pecunia sua, vel industria non applicata, vel debita societati aliquid lucretur, lucrum illi soli cedit; & pari pacto, si cui locio, qui occasione societatis bonum sibi nomen adeptus est, aliquid donatum fuerit vel testamento legatum, retinere sibi soli poterit. Similiter si quis sociorum damnum aliquod patiatur causa societatis, quia nimirum iter habendo pro negotiis societatis, a latronibus fuit spoliatus, aut vulneratus, haec sunt ex communi penu societatis sarcienda; sicut & expensae in illo itinere, vel negotio factae. At contra, si non causa societatis, licet occasione societatis, aliquod incurrat detrimentum, puta quia iter habens pro societate ad propria tradenda negotia a via diverterit, & interim fuerit spoliatus a latronibus, ipsi soli adtribuendum foret damnum, non societati.

REGULA QUINTA.

VII. In omni societate fors debet esse periculo obnoxia respectu concurrentis: quamobrem injusta, & illicita est omnis societas, in qua fors, sive capitale respectu ponentis certum redditur, & tutum ab omni periculo, & tamen inde lucrum ab ipso percipitur. Ita aperte docet S. Thom. 2. 2. q. 78. art. 2. ad 5. scilicet: *Ille qui committit pecuniam suam vel mercatori, vel artifici per modum societatis cujusdam, non transfert dominium pecuniae suae in illum, sed remanet ejus: ita quod cum periculo ipsius mercator de ea negotiatur, vel ar-*

tifex operatur. Et ideo sic licite potest partem lucri inde provenientis expetere, tamquam de re sua. Ubi aperte S. D. totam rationem, quæ lucrum honestat in societate, non aliunde desumit, nisi quia cum rei non sit translatum dominium, totum periculum rei penes dominum stat. Hanc veritatem confirmavit Sixtus V. in sua Bulla 45. quæ incipit *Detestabilis*, ubi aperte declarat, & statuit: „*Damnatus, & reprobatus omnes, & quoscunque contractus, conventiones, & passiones, posthac ineundos, seu ineundas, per quos, seu quas cavebitur personis, pecunias, animalia, aut quaslibet, alias res societatis nomine tradentibus ut etiam si fortuito casu quamlibet iacturam, damnum, aut amissionem sequi contingat, fors ipsa, seu capitale semper saluum sit, & integrum, a socio recipiente restituatur, sive ut de certa quantitate, vel summa in singulos annos, vel menses durante societate respondeatur. Statuimusque huiusmodi contractus, conventiones, ac passionem usurarios, & illicitos posthac censeri debere, atque in posterum non licere iis, qui pecunias, animalia, vel alias res in societatem tradent, de certo lucro, ut præfertur, percipiendi inter se pacisci, & concordare, neque etiam sive ad certum, sive ad incertum lucrum convenerint, socios, qui ea recipiunt, ad sortem seu capitale saluum & integrum, ubi illud casu fortuito perierit, vel amissum erit, reddendum, quovis pacto, aut promissione sibi obligare. Ac ne de cetero societates ineantur sub huiusmodi pactis, & conditionibus, quæ usurariam praviratem sapiunt, districte interdicimus, & prohibemus*“.

Idem etiam ante statuerat S. Carolus

Beromæus in suo I. Mediolanensi Concilio, de usuris scribens: „*Ne in societate, in quam alter pecuniam confert, alter operas, lucri distributio constituitur, nisi per quotas partes. Nec ultra eas, certa pensionum summa, vel quid aliud conferenti pecuniam persolvatur, nec fiat pactio, ut fors salva sit, fructus vero communiter dividantur.*“

VIII. Ex hac itaque certa, & inconcussa doctrina sequitur, Contractum trium contractuum omnino usurarium, & illicitum esse. Tres autem hi contractus, qui in unum coeunt, sunt 1. Contractus societatis, quo pecunia in societate ponitur cum altero, qui ex parte sua operam, & industriam in negotiatione pollicetur. 2. Affecurationis sortis, sive capitalis, quo socius, qui pecuniam in societate ponit, paciscitur cum consocio de capitalis securitate, ne pereat; & si pereat, non conferenti, sed accipienti pereat, concessa pro tali securitate majori luti parte. 3. Venditionis lucri sperati; per quam qui pecuniam contulit, & capitale priori contractu in tuto posuit, deinde lucrum certum reddit, cedendo alteri socio majus speratum lucrum pro minori certo quotannis persolvendo; & hoc pacto ambo socii ab omni onere liberantur rationum reddendarum, tam quoad sortem, quam quoad lucrum. Sic itaque perficitur salebrosus hic contractus.

Tertius dat Sempronio mercatori centum nummos aureos ut negotietur spe lucrandi quadraginta nummo aureos. Porro, si negotium Dei bene vertant, & revera lucrum quadraginta nummorum resulter, jam viginti ad Titium pertinent, cujus fors, sive capitale est periculo obnoxium. Hic autem, ut illud in tuto ponat, paciscitur cum Mercatore, & illi cedit decem nummos aureos ex spe-

rato

ratio lucro, ut in se fortis periculum suscipiat: atque ita erit, ut Mercator triginta nummos aureos habeat, Titius vero non nisi decem. At quia lucrum quadraginta aureorum incertum est, & esse potest majus, vel minus, idem Titius spem hujus lucri Mercatori vendit pro tertia sui parte, & cum, si negotium bene cedat, decem aureos sperare possit, quinque certis contentus; alios quinque cedit emptori; atque ita fit, ut in singulos annos quinque aureos tuos ab omni periculo fortis, & incertitudine lucris, & finira societate, sortem integram consequatur. Hujus contractus iniquitatem clarissime, & usque ad evidentiam offendit V. C. Daniel Concina non solum in sua Theologia Christiana, sed etiam integro Opere de hoc argumento, cui Titulus *Usura Contractus Trini demonstrata*, ubi omni argumentorum genere ejus injuriam luculentissime evincit, & argumenta in ejus favorem adducta a Theologis dissolvit, & enervat. Nos nonnulla delibabimus, tum ex auctoritate desumpta, tum ex ratione.

IX. Et 1. quidem Can. 17. Nicænæ Synodi I. illi damnantur Contractus, in quibus mutuuum quidem datur, sed, ut lucrum inde obtineri possit, aliqua adinventione, vel titulo negotiationis tegitur, ut mutuuum non videatur, & sic lucrum percipi possit. Sic itaque statuit Generale Concilium: „ Quoniam „ multi sub regula constituti avaritiam „ ob turpia sectantur, obliuione di- „ vine Scripturæ dicentis: *Qui pecuniam „ suam non dedit ad usuram*, mutuuum „ dantes centesimam exigunt, iuste „ censuit sancta, & magna Synodus, „ ut si quis inventus fuerit post hanc „ definitionem usuras accipiens, vel „ ex adinventione aliqua, vel quolibet

„ modo negotium transgens, semiola „ idest sexcupla exigens, vel aliquid „ tale prorsus excogitans turpis lucris „ gratia, deiciatur a Clero, & alienus „ existat a regula. „ Quem Canonem sic explicat Zonaras in Pandectis: „ Fœneratorii nominis infamiam aliqui „ declinantes, pecuniam ita dant mu- „ tuam, ut sibi lucris partem ex ea „ paciscantur, nec se fœneratores, sed „ SOCIOS dicunt, emolumentorum „ tantummodo participes, nullum in- „ terea jacturæ periculum subeunt. „ Hæc igitur & hujusmodi omnia Ca- „ non vetat, eaque qui exercent . . . „ deponi jubet. „ Quibus verbis Zo- „ naras non obscure contractum trinum indigitat, & tanquam usurarium a Con- „ cilio damnatum agnoscit. Nam 1. indi- „ cat contractum societatis in illis verbis, *sed socios dicunt*, & ficto societatis no- „ mine pecuniam erogant. Deinde alte- „ rum contractum assecurationis ostendit illis verbis, *emolumentorum participes nullum interea jacturæ periculum subeunt*, salvam enim sortem volunt. Tertio & venditionis tertium contractum tangit dum dicit, *sibi lucris partem paciscuntur*, majus lucrum incertum pro minori, sed certo cedentes. Quod & confirmat alter Juris Canonici Doctor Isaacus Balsamon in expositione Canonum dicens: „ Dant nonnulli pecuniam, & tantum „ ex lucro partem se capturas pacif- „ cuntur; periculum enim signiures, „ qui eam accipiunt, & cum sint re- „ vera FœNERATORES, verbo tamen „ SOCIETATEM prætexunt. Hoc enim „ Canon adversatur, & eos, qui hu- „ jusmodi quid faciunt, deponit. „

X. Ecclesia Græcæ Patribus consen- tiunt & Latini. Gregorius XIII. usura- rium declaravit centum illum Germa- nicum, sibi a Baviaræ Duce preposi- tum,

tum, in quo 1. pecunia datur (non mutua, nulla enim in propositione casus mutui mentio) Sempronio, sive negotiatori, sive cuiusvis conditionis homini, ad nullum certum usum, sed pro arbitrio debitoris distribuendum, 2. Pactum inquit, ut quamdiu pecunia penes accipientem sit, quotannis quinque s. renos pro centenariis solvat. 3. Quod summæ capitalis perpendæ creditor nullum periculum subeat. 4. Quod data pecunia accipienti sive fructificet, sive non, creditor jus habet exigendi a debitore lucrum quinarium annuum pro centenario. Hunc itaque Contractum Gregorius in sua responsione & usurarium declaravit, & subdit, neque enim ad aliam speciem, quam mutui cum conventionem lucri ex eodem mutuo reduci potest. Et præterea declaravit, per nullam consuetudinem, aut legem humanam, neque ulla contrahentium etiam bona intentione defendi posse. Porro totum illud, quod in hocce usurario contractu, & damnato habetur, & in trino contractu reperitur. 1. In illo celebrando nulla mutui mentio, immo nomen adhibetur societatis. 2. Pactum ut quamdiu pecunia penes accipientem, quem socium dicunt, sit, ipse quotannis quinque, aut sex pro centenariis solvat. 3. Ut sors, sive capitale nullum respectu dantis periculum subeat. 4. Ut sive fructificet, sive non fructificet, & socius sive lucretur, sive iacturam patiat, quinarium, vel sextarium quotannis solvat. Si primus igitur contractus Germanicus, declarante Summo Pontifice, illicitus, iniquus, usurarius est; & alter contractus trini talis sit, oportet; cum inter se convenient, sicut ovum ovo, & lac lacti simile est.

XL. Sixtus V. trinum contractum

usurarium pronuntiasse in sua Bulla anni 1586. quæ incipit *Detestabilis*, sic luculenter ostendo. Martinus Navarrus, qui gloriabatur se trinum contractum adinvenisse, & quem ut licitum mordicus tuebatur adversus Dominicum Soto acerrimum ejusdem contractus oppugnatorem, ad Sixtum V. provocavit, qui re maturius discussa præfatum contractum reprobavit, declarando, ut superior n. 7. omnes societates, in quibus de certo lucro perficiendo contrahentes inter se paciscuntur, & concordant, vel sive ad certum, vel incertum lucrum convenerint, sociæ, qui sortem, seu capitale accipiunt, ad illud saluum, & integrum, ubi illud casu fortuito perierit, vel amissum erit, reddendum quovis pacto, aut promissione sibi obstringant, & obligent, illicitas esse & iniquas. Porro in hac sua Constitutione vel Summus Pontifex nihil omnino controversiam sibi ad definitionem propositam attingit, & solum in communi quemcumque usurarium contractum reprobavit, & vetuit; vel sententiæ Navatti favit, & victoriam illi adjudicavit, licitum declarando trinum contractum; vel denique ejus doctrinam reprobavit, & rejecit. Primum quidem affirmant cum Comitolo nonnulli Theologi, non quidem ex verbis, & doctrina in ipsa Bulla exposita, sed ex facto quodam vivæ vocis oraculo, relato a Stephano Tuccio, qui illud audierat a Cardinalibus Tolero, & S. Severinæ, quo Pontifex interrogatus respondit, se in ea Bulla solum prohibere voluisse injustos contractus, & conventiones solitas apponi societatibus, quos classici Doctores condemnarunt. At quis prudens, & cordatus credat, Sixtum V. in sua Constitutione edita ad dirimendam tunc ferventem inter Navarrum; & Sotum controversiam de trini con-

con-

contractus vel iustitia, vel iniquitate, verbis lussit, & questionis nodum non solum non solvissit, sed ne attigisse quidem; & solum, quod omnino certum, compertum, evidens est apud omnes Theologos, immo & christianos, definisse, nimirum non licere societatis contractui conditiones iniustas, & usurarias, quas Theologi reprobant, adicere? Præterea vel Sixtina Constitutio congruam admittit interpretationem in favorem contractuum trinum, vel non admittit? Si primum; cum igitur non ex ipsis Bullæ verbis hoc evincitur; Cur ad vivæ vocis oraculum confugiant? Si alterum, quis credat, vel asserere præsumat, Summum Pontificem universali Bulla totæ orbe diffusa ad totum orbem data, damnaſſe contractum trinum, quem postea privato vivæ vocis oraculo tanquam licitum approbavit? At posita etiam oraculi vivæ vocis veritate, quid inde extenditur? non aliud profecto, nisi Sixtina non novam legem condidisse, sed contractum proſcripiſſe, quem in se turpem, iniquum, labe usurse defectum deprehenderat; quod profecto cum Bulla egregie congruit. Alterum vero, nimirum Navarræ sententiæ faſſiſſe Summum Pontificem, nullus est, qui asserere præſumat, nec per ſomnium cogiter. Immo oppoſitum diſerte teſtatur Adrianus minime ſeverioris Ethicæ ſectator 3. P. Lib. 9. cap. 4. ubi hæc habet. „Optabat Navarrus, ut Pontifex declararet, tale pactum in ſocietate licitum eſſe, & juſtum. At contrarium Pontifex declaravit, ac definiit, ut ſuperiori capite dixi in ſexta quæſtione. Theologorum, & utriuſque juris Doctorem, ſententia ſemper fuit, tale pactum eſſe ſcæneraticium.“ Superest igitur tertium, approbatam nimirum Domini-

Patnaſii Theol. Moral. Tom. V.

ci Sæne ſententiam, & improbatum tanquam omnino uſurarium trinum contractum. Hæc autem Pontificis Bulla doctrinalis eſt, & Moralis Evangelicæ punctum in re graviffima declarat, & definit: non igitur ab acceptatione pendet.

XII. Idem ſentiant, & docent omnes penes chriſtiani orbis Epifcopi, & Paſtores. Novem Archiepiſcopi, & Epifcopi Hiſpaniarum per manus Eminentiſſimi Cardinalis Belluga ſupplicem libellum obtulerunt Innoc. XII. & Bened. XIV. in quo plures expoſuerunt laxas, & falſas opiniones, quas cenſura notati, & proſcribi poſtularunt, inter quas 57. hæc erat: *In contractu trino aliquid ultra fortem in pactum deducere non eſt lethale: pro certo igitur habebant præſati Præſules, illicitum eſſe ex contractu trino aliquid lucrari.* In Gilliſe jamduſtum de contractu trini honeſtate: & juſtitia doctrina a Sacra Pariſienſi Univerſitate damnata fuit: nam de hac propoſitione. *Si contractui ſocietatis aſſignatus contractus aſſecuratio- nis capitalis, ac venditionis lucri incerti pro certo, licitum eſt exigere lucrum contractuum aſſecuratio- nis capitalis, tale eſt iuſte iudicium: Falfa eſt, & ſcandalofa, inducens ad uſuram committendas, variæque apertæ artes eas palliendi; juſtitiam & veritatem violandi.* Eundem anno 1717. die 15. Julii, doctrinam ſuam hac de re perfeſcit in duabus propoſitionibus 93. *Qui in contractu legitima ſocietatis capitale etiamſi abſque conſortis culpa perierit, ſalvum ſibi fore poſuiſſe, uſuram committit ſub ſimulato ſocietatis nomine.* Et 94. *Periculum, ut aſiunt, contractuum, ſcilicet ſocietatis, aſſecuratio- nis ſumma principalis, & venditionis majoris lucri incerti pro minori, quod certum ſit, lucrum exigens, vel intrudens*

usura est. In Belgio quoque tanquam usuraria reprobatur illa societas, in qua in favorem pupillorum traditur pecunia ad lucrum, cum sortis affectuatione, ut apparet ex documento Collegii Lovanienfis, ubi declaratur. „Cum „Tutores tradunt pecuniam, obligan- „tes eos, qui eam accipiunt, ad red- „dendum certo, praescriptoque tem- „pore aequalem summam, sive ipsam „principalem sortem, constat possum- „tare pecuniam ex definitione mutui. „Et quia ex mutuo accipiunt ultra sor- „tem principalem lucrum, id videli- „cet, quod singulis annis usque ad elo- „cationem, pupilli recipiunt, constat eos „esse usurarios“. In Italia vero tri- „num contractum, & societatem omnem in qua fors in tuto est, plures repro- „bant Episcopi. Quid statuerit S. Ca- „rolus Borromeus in sua S. Synodo Me- „diolanensi, superius dedimus n. 7. Ad- „dendus Cardinalis Denoff Episcopus „Casertensis, qui in suo Pastoralis Edi- „cto italico sermone exarato anni 1694. sic statuit: „Juxta veriorum sententiam „in prohibita est, & usuraria trium con- „tractuum societas, quia scilicet se- „cundus priorem contractum destruit, & „in nudum mutui contractum mutat“. Et Franciscus Laynerius Episcopus Um- „braticensis in sua Synodo habita anno 1717. & typis edita Roma anno 1719. sic statuit: „Contractus trium contra- „ctuum (quamvis raro, vel nunquam „in nostra Diocesi iniri contingat) „societatis scilicet, affectuationis, & „venditionis lucri majoris incerti pro „lucri minori certo, tanquam usura- „rios, & proscriptos esse Apostolica „Constitutione (Sixti V.) nostris Dio- „cesanis volumus innoscere, ut ab „illis casu occurrente valeant abstin- „ere“. Et Episcopus Urbevetanus „Edicto publico, anno, 1726, evulga-

to, & quod a Parochis bis in anno inter Missarum solemnias populo legi iussit, inter contractus usurarios reconfet. so- cietatem trium contractuum. Quid, quod Benedictus XIV. in suo de Syno- do opere duo declaravit lib. 10. cap. 7. nimirum l. n. 3. delatam ad Sum- mum Pontificem Sixtum V. questionem de Trium contractu inter Sorum, & Na- varrum sua Constitutione 68. *Detestabi- lis* examinasse, & ea diligenter discuf- sa, duplicis securitatis pactionem adje- ctam USURARIAM pronuntiasse, eam- que deinceps fieri prohibuisse? 2. Pos- se Episcopos in suis Synodis ab hoc contractu celebrando avocare, & avere- re, quod a pluribus Episcopis sapien- tissime factum ex Geneto refert.

XIII. Theologos vero, & Juris Ca- nonici Doctores, qui trium contractum damnant, si recensere vellem, infinitus essem; eorum nomina, & testimo- nia legi possant apud Concinam lib. de Usura Contractus Trini Diff. 4. in §. unico. Nonnullos tantam proferam, & quidem ex recentioribus: nam anti- quiores omnes, qui ante litem inter Navarrum, & Sorum excitatam scrip- sere, sibi adversarios fatentur trini contractus Patroni. Damnant igitur contractum trium Natalis Alexander lib. 3. art. 5. Reg. 23. Gennarus in Usura decreta To. 1. Recognit. 1. Cu- miliat. Tr. X. cap. 5. §. 2. Boranga de Contract. cap. 7. §. 2. Cajetan. Tr. de Usura disp. 2. Steyaert conclus. 59. Genetius Tr. 9. cap. 14. Sylvius 2. 2. q. 78. art. 2. Henricus a S. Ignatio lib. 9. cap. 83. Petrus Ballarinus Proleg. 2. in T. 2. S. Antonini cap. 3. part. 2. Cardinalis de Luca lib. 5. de Usuris disc. 1. Quid, quod & ipsi contractus trini Patroni sponte fatentur, rem esse plenam pe- riculi hujus contractus celebrationem?

Iia

Ita fatetur Ludovicus Bail in triplici examine Ordinandorum par. 2., ubi postquam docuit, sententiam defendentem, ut licitum, trinum contractum non *videri probabilitate destitutum*; proinde *modi societatem esse*, lebrarent non esse molestandos; nec ad restitutionem cogendos. Subdit; *nam si res sit in fieri, & petatur a Confessario consilium, puto quod non debeat dare consilium hu-* jus societatis, sed dissuadere, quantum poterit, ne fiat. . . eo quod vix observentur conditiones requisitæ, ut sine peccato fiat talis societas. Idem prorsus fatetur Salmaticenses Tit. 14. cap. 3. punct. 21. §. 2. n. 101. sic scribentes: „quia limitationes, quæ apponi solent ad honestatem huius contractus, frequenter solent omitti, & parum de illis curatur, „plenus est talis contractus periculi, & viam latam aperit ad multas usuras, patrandas“. Immo & ipse recentissimus Auctor Operis de occupata pecunia (dell' Impiego del denaro) postquam trini contractus honestatem asseruit, parum sibi coherens eundem contractum adeo cum dolis, technis, & ambagibus involutum, detestatur, ut malit moderatam usuram admittere, quam illum societatis incundæ modum, quem *sinceritati, & candori christiano adversum asserere non reformidat*. Sic enim scribit; „Factum (scilicet societas, cum assecuratione fortis & lucri) secundum generalia & iura Ethices sanctorum principia in se irreprehensibile videtur: at dicere audebo, non tantum mihi videri modum celebrandi; & hæc contractuum implicatio, & congeries mihi non placet“. Quid sibi volunt hæc ambages? Cur tres inis, seu potius comminisceris contractus,

„ubi revera non nisi unum celebras? „ubi candor? Ubi christiana sinceritas? „Egregie profecto, nam revera trinus iste societatis contractus non nisi unus, est, motui scilicet cum lucro, ut ipse clarissimus Auctor fatetur; licet ad invidiam declinandam mutui nomen refugiat, & pecuniam mercatori traditam non mutuo datam appellet, sed *occupatam*, quasi iniquitas sit in verbo, non in facto. Unde opportuno in ipsum regeto Ambrosii celebre effatum lib. 4. de Tobia cap. 14. *Quodcumque sorti accedit, usura est. Quodvis ei nomen imponas, usura est. Si licitum est, cur vocabulum refugis? cur velamen obtexit? Si illicitum est, cur incrementum requiris?*

XIV. Denique huius trini contractus iniquitatem luculentissime evincunt argumenta. Horum præcipua sunt, quæ refert Bened. XIV. l. 1. de Synodo dicens: „Quod contractus trium contractuum sit in se fornicatus, evidenter patere prædicti Auctores arbitrantur: „quoniam conferens pecuniam, rejecto periculo in accipientem, censetur mutuum dare, & pecuniæ dominium in eundem accipientem transferre, cui res ipsa perit, si pereat. . . Ad dunt præterea trini contractus obtentum omnes leges eludi usuras prohibentes, cum petenti mutuum quilibet respondere possit, nolo mutuum dare, sed societatem tecum inire, sub pacto, ut me de sorte securum facias, & ob majus lucrum, quod ex negotiatione spero probabiliter evenurum, aliquod minus, sed certum mihi tradendum promittas“. Quæ duo argumenta quam valide iniquitatem contractus trini evincant, paulo fustius exponere operæ pretium duco. Et primo quidem tres illos contractus

fictitios esse, chimericos, & ad pal-
liandam usuram excogitatos, manifeste
parebit, si ipsorum genuinam indolem
exenderimus. Societatis natura est, ut
rerum, operum, pecuniæ collatio fiat
in communi: ut communio haberi pos-
sit, lucri, & dampni. Ita decernunt
omnes Juristæ. Ulpianus lib. 52. ff. pro
Socio §. 4. scribit: *Sicut lucrum, ita da-*
mmum quoque sociis commune esse oportet.
Et lib. 55. *æquum est, ut cujus partici-*
pavit lucrum, participet & damnum. Et
Paulus lib. 67. pro Socio statuit: *Cum*
societas contrahitur, tam lucri, quam
dampni communio coitur. Verum in hac
societate nulla operum, & rerum com-
munis collatio, nulla lucri, & periculi
communio. Non primum; nulla enim
fides inter mercatorem, & capitalistam,
cum neuter alteri societatis, & nego-
tiationis vel rationem reddat, vel fidem
spondeat. Quamobrem mercator socie-
tatis jurum nunquam violator existit,
quorumque se gerat modo; dummodo
& sortem reddat tutam, & lucrum sol-
vat. Et pari pacto, qui pecuniam con-
tulit, nullam de negotiatione sollicitu-
dinem, nullam habet curam, immo
nec ad illam unquam cogitando mentem
convertit, tantummodo sollicitus, ut
annuatim lucrum percipiat, & finita
societate sortem integram recipiat. Chi-
merica igitur est hæc societas, purum
putumque signum, & solum reale
mutuum, per quod in socium transfert
pecuniæ dominium, & inde lucrum per-
cipit. Nec minus chimericus, fucatus-
que est alter affecurationis contractus.
Contractus affecurationis indole sua ali-
enæ rei periculum in alium rejicit, vel
gratis, vel pretio accepto. Supponit
igitur nullam esse in re affecurata inter
contrahentes communionem, & socie-
tatem; hæc enim, sicut lucri, ita da-

mmi communionem importat: tollit au-
tem affecuratio omne periculum; ergo
destruit societatem; alioquin plane con-
tradictoria acta essent de uno, eodem-
que subiecto, puta pecunia respectu
ejusdem socii. Quandoquidem socius,
qui pecuniam ponit, respectu ejusdem
pecuniæ, & ejusdem socii & periculo ob-
noxius esset, & ab omni periculo im-
munis: primum, quia socius; secun-
dum, quia per affecurationem tutus.
Esset ex opposito, qui operam ponit,
acceptæ pecuniæ & dominus, & non
dominus: dominus, quia suo periculo
aut perit, aut fructificat ratione affec-
urationis; non dominus, quia ad socium
pertinet, qui eam contulit, & cui fructi-
ficat. Præterea hæc affecuratio quæ-
nam respicit pericula, a quibus inde-
mnem servare debeat conferentem pec-
uniam? Num omnia? num aliqua tan-
tum? Si omnia, quæ unquam reperie-
tur in mundo tam stupidus, qui rem
alienam ab omni periculo, & infortu-
nio etiam inexcogitabili, & quidem per
plures annos alterum servare velit extra
hunc iniquum trinum contractum, nisi
forte tantum conferat, quam valet res
ipsa? Num ab aliquibus tantum? At
amabo, a quibus? A periculis maris,
tempestatis, piratarum. Hoc licere fa-
teor: at si pecunia collata non pereat
horum causa, sed alio prorsus infortu-
nio, conferenti peribit; quod omnino
recusat celebrans contractum trinum,
quippe qui in trino contractu ab omni
periculo postulat immunitatem. Num
a periculis debitorum, dum merces cre-
dito vendit? Verum pro hoc cavendo
periculo negotiator, qui pecuniam acci-
pit, pretium nequit recipere, cum ex
vi societatis omnem jam teneatur dili-
gentiam adhibere, tamquam de re pro-
pria, ita ut vel non vendat nisi illis,
qui

qui sunt solvendo, vel sub pignore. Num assicuratio erit de propria fidelitate? At ubinam, gentium auditum, quempiam, scilicet fore fidelem ministrum assicurasse, & pro hac assicuracione pretium postulasse? Superest igitur, ut assicuracionem postulet pecuniæ collata a periculo iacturæ, aut diminutionis sortis, cum mercium pretia modo crescant, modo decrevant, & etiam quandoque de repente vilescant; quæ præterea, cum sint tractandæ, custodiendæ, vendendæ a famulis, & ministris, eorum infidelitatis periculo subjacent. At hæc pericula intima sunt negotiationi, & societati: quamobrem hoc genus commercii rejiciat, oportet, qui ab illis periculis cavere vult; & revera rejicit, qui pecuniæ in negotiationem datæ omnimodam assicuracionem postulat. Non ergo superest, nisi pecunia mutuo data cum lucro, id est usura, pallio assicuracionis oblecta. Tertius vero contrarius venditionis lucri majoris incerti, certo persoluto minore precio, hujusce contractus iniquitatem clarius patificat. Nam lucrum ex negotiatione speratum, vel omnino certum est tum in specie, tum in quantitate; vel incertum. Si primum assicuracione opus non est, quæ locum non habet nisi in rebus incertis. Si secundum, solvendum est igitur pretium talis venditionis. At nihil solvitur venditori in contractu trino, sed solum incertum, & speratum lucrum remittitur: incertum igitur incerto emitur, ut certum lucrum inde emergat contra ipsum naturale lumen, quo quisque statim agnoscit, incertum additum incerto certum quidpiam efficere non posse; sicut nihilum nihilo additum aliquod producere plane est impossibile. Urgeo. Per contractum assicuracionis sortis societati adjectum, jam

sicut tota fors est assicurateris, ita & totum lucrum illius sit, oportet, cum juxta æquitatis, justitiæque leges, filium esse debeat lucrum, cujus est periculum: cadit igitur tota venditionis materia, nimirum speratum lucrum, ex sorte, quod cum sit assicuratoris, illi, quod suum est, vendere sine iniquitate non potest. Superest igitur, ut lucrum, quod reponas, non sit nisi lucrum pecuniæ mutuatæ, & tibi integre procul ab omni periculo restituendæ cum aurario.

XV. Egregie itaque Bened. XIV. cum Theologia ajebat secundo loco, per trinum contractum usuræ peccatum, chimæram evasisse, nec reperiri amplius, in mundo posse: nam quilibet pecuniam petenti respondere poterit, se non habere pecuniam mutuo dandam, sed quam occupatam cupit; proinde se paratum dare, si fructus illi, & lucrum rependatur. Interim tamen sub velamine contractus trini non ab orbe exulat usura, sed impune vagatur, & cladem maximam christianis infert, eo magis deplorandam, quo minus agnoscitur, & viratur. Revera nullus est, qui pecunia indigens vel ad res alienum solvendum, vel ad ruentes fabricas reparandas, vel ad filiam dotandam, vel ad litem sustinendam, & urgendam, vel aliud negotium peragendum, si ad pecuniosum virum confugiat, & sibi necessariam pecuniam petat, statim fructum, & lucrum vel sponte exhibeat, vel pendendum ab alio audiat, ad morem, ut inquit, *platea*, sive *emporii*, (ad uso di Piazza) id est mutuum accipiendo pecuniam cum onere sortis restituendæ post certum tempus, & annui interim proventus ad semissem quotannis solvendi: quin sive qui petiit, sive qui tribuit pecuniam, de trino contra-

Qu vel cogitit, vel quidpiam noverit. Mihi hifce diebus contigit videre negotiatorem indigentem quingentis Veneris Ducatis ad res suas in apertam ruinam vergentes fulciendas, neceffitate compulfum non ad alium mercatorem, fed ad virum pecuniofum, qui de negotio inftituendo nec cogitabat, confugiffe, & ab eo prefatos quingentos ducatos petiiffe, exhibito etiam pignore in gemmis, & auro elaborato. Annuir ille accepto pignore, at hac iniqua padione, ut fingulis menfibus dimidium ducati pro fingulis centenariis folueret, & acceptae pecuniae partem reftitueret, fru- ftu tamen, feu lucro non nifi poft fex menfes diminuto, quo pacto & fructum redditae pecuniae solvebat, & hoc donec totam fortem reddidiffet. Ingemui hoc audiens, & amicum a tam iniqua negotiatione pro viribus fum dehortatus. At ille neceffitate preffus ab iniquo contractu abftinere non potuit. Qui vero pecuniam dedit, tantum abeft, ut fe ufuram committere faltem fufpicaretur, quin etiam opus mifericordiae in paupere fublevando fe exerciffet gloriabatur: lucrum vero legitimum ex emporii confuetudine, & omnino iuftum effe conftanter affeverabat, hac adducta Salmanticenfium tr. 14. cap. 3. punct. 1. r. §. 2. doctina: „ non effe neceffarium, tales contractus (trinos) exprefse fieri, fed fati effe, quod fiant tam effe, & implicate; ut fi dicas, do, tibi centum, ut des mihi quinque (vel fex juxta confuetudinem emporii) fecuro capitali eo modo, quo Doctores dicunt fieri poffe. Multi enim funt feculares, quorum capita non capiunt hujusmodi ericas, & argutias, quibus fufficit ritum in confufo velle, quod Doctores dicunt, licere “ Ubi eadit fontet lachrymarum?

XVI. Sed Theologorum, qui trinit contractus patrociniun fufcipiunt momenta breviter expendamus. 1. Itaque proferunt auctoritatem plurimorum Theologorum, confuetudinem, & ufum hujusmodi contractus celebrandi adprobantium. En quid fcribant Salmanticenfes l. l. n. 12. „ Hanc fententiam (de honeftate trini contractus) tot populi, lorun confenfu firmatam, tam antiqua, & generali confuetudine approbatam, tot graviffimorum Auctorum auctoritate munitam, rationibus poftiffimis fultam deferere non poffumus “ 2. Bulla Sixti V. vel non eff ufus recepta, vel contraria confuetudine abrogata. 3. Tres prefatos contractus cum tribus diftinctis perfonis celebratos licitos effe, & iuftos nullus eff, qui inficietur; qui ergo ufurarius fiet, fi cum una, eademque celebretur perfona, quae trium munia fubeat, & moraliter triplex reputatur? Ut enim inquit Gibalinus lib. 6. cap. 3. art. 3. „ Ita entia moralia ex pluribus etiam in fe fe integris, & perfectis coalefcere, per unionem quandam moralem poffunt “ 4. Si conditiones a Theologis appofitae ad aequitatem trini contractus fervantur, nulla in eo reperitur inaequalitas, proinde nec iniuftitia. Nam 1. fupponunt, contractum primum focieratis iniri, quo jam apparet pecuniam mutuo non dari: nam accipiens non, quod fibi lubet, de ea ftatuere poffet; fed teneret vi hujus contractus eam negotiationi exponere. 2. Pretium affecurationis respondere debet quantitati periculi, a quo liberatur, qui pecuniam confert. 3. Pretium venditionis lucri debet effe fpei pariter proportionatum juxta prudentium exiftimationem: nulla ergo in eo reperitur inaequalitas, & iniuftitia. 5. Contractus affecurationis,

nis, & venditionis adjecti contractui societatis non sunt contra naturam societatis, sed præter naturam, proinde cum ipsa conjungi possunt; sicut cum locatione, commodato, & deposito. 6. Denique ipsa experientia ostendit utilem esse mercatoribus hunc contrahendi modum, quippe qui & illum libenter amplectuntur, immo aliter secum contrahere volentes repellunt.

XVII. His itaque respondemus ad 1. cum P. Concina; verba Salmaticensium meras esse ad populum fallendum phaleras, & ad imperitorum aures occupandas tumida verba. Nam, ut ipse Diss. 3. de Usura contractus trini cap. 1. §. 1. evidenter evincit, tota Theologorum, auctoritas restringitur ad duodecim, recentiores Probabilistas. . . . Num, quid exiguus iste Probabilistarum manipulus vel minimum probabilitatis gradum tribui contractui trino, si e regione spectentur, non dicam Pontifices, & Sixtina Constitutio, a qua contractus trinus damnatus est, & a qua modo præscindo, sed Episcopi, Synodi, Universitates, Theologi, Canonistæ (immo & Juristæ) adversus hunc trinum contractum pugnantes? Consensus populorum ineptus est ad probabilitatem honestati hujus contractus conciliandam, cum ipsis fatentibus Salmaticensibus, multi sint seculares, quorum capita non capiunt hujusmodi TRICAS, & ARGUTIAS. Consuetudo igitur ex hoc inventa mera est corruptela dicenda. Fortissimæ denique rationes mera sunt sophismata, ut mox videbimus.

XVIII. Ad 2. Resp. 1. Teste Gibalino trini contractus Patrono acerrimo lib. 6. att. 3. n. 5. pag. 378. *Tres contractus prohibiti sunt jure positivo, ubi Sixti Constitutio recepta fuerit.* Contra igitur

Pontificis prohibitionem damnatum ab ipso contractum defendere non formidant Theologi? At cur damnavit hunc contractum Pontifex? Num quia contrahentibus perniciosum? Numquid Pontificibus Summis cura est de mercatorum emolumentis, vel detrimentis? Damnavit, quia usurarium, quia iniquum, quia illicitum. Et ejus Constitutio doctrinalis est, quæ evangelicæ Moralæ gravissimum punctum declarat, ac definit: nec quid novum Ecclesiastica disciplina statuit, sed quæ juris divini sit, & legi divinæ contrarium exponit, & ut supremus Magister definit; proinde non a populorum consensu (ut diximus) ejus pendet auctoritas. Falsum esse luculentissimis argumentis ostendit Concina Diss. 1. laud. per plures paragraphos, non esse in Christiano orbe acceptam Sixtinam Constitutionem. Nam illam acceptarunt Archiepiscopi, & Episcopi Hispaniarum, Clerus Gallicanus, & Universitas Parisiensis, a quibus trinus contractus, ut usurarius, damnatus fuit. In Belgio quoque acceptam Constitutionem testatur Henricus a S. Ignatio adductis monumentis Synodi Antuerpiensis, Mechlinensis, Cameracensis, Iprensis, Atrebatensis, & Collegii Lovaniensis, a quibus omnibus collocationes pecunie pupillaris trino contractu circumseptæ, tanquam usurariæ damnatæ sunt. In Italia quoque vigere Sixti Constitutionem ostendunt Provinciales, & Diœcesanæ Synodi, præsertim Sancti Caroli Borromæi, & plurimum Episcoporum, qui trinum contractum omnibus suis interdixere.

XIX. Ad 3. Mirum non est, eundem contractum licitum, & honestum esse respectu unius personæ, non respectu alterius; & distinctionem personarum ad essentiam contractus pertinere.

Aut vel cogitit, vel quidpiam noverit. Mihi hiſce diebus contigit videre negotiatorem indigentem quingentis Venetis Ducatis ad res ſuas in apertam ruinam vergentes ſalvandas, neceſſitate compulſum non ad alium mercatorem, ſed ad virum pecunioſum, qui de negotio inſtituendo nec cogitabat, neceſſitate compulſus, & ab eo præſatos quingentos ducatos petiſſe, exhibito etiam pignore in gemmis, & auro elaborato. Annuit ille accepto pignore, at hac iniqua pactione, ut ſingulis menſibus dimidium ducati pro ſingulis centenariis ſolveret, & acceptæ pecuniæ partem reſtitueret, fruſtu tamen, ſeu lucro non niſi poſt ſex menſes diminuto, quo pacto & fructum redditæ pecuniæ ſolvebat, & hoc donec totam ſortem reddidiſſet. Ingemui hoc audiens, & amicum a tam iniqua negotiatione pro viribus ſum dehortatus. At ille neceſſitate preſſus ab iniquo contractu abſtinere non potuit. Qui vero pecuniam dedit, tantum abest, ut ſe uſuram committere ſaltem ſuſpicaretur, quin etiam opus miſericordiæ in paupere ſublevando ſe exercuiſſe gloriabatur: lucrum vero legitimum ex emporii conſuetudine, & omnino juſtum eſſe conſtanter aſſeverabat, hac adducta Salmaticenſium tr. 14. cap. 3. punct. 1. r. §. 2. doctrina: „non eſſe neceſſarium „aliter contractus (trinos) expreſſe „ferri, ſed ſatis eſſe, quod ſiant ta- „cite, & implicite; ut ſi dicas, do „tibi centum, ut des mihi quinque „(vel ſex juxta conſuetudinem emporii) ſecuro capitali eo modo, quo „Doctores dicunt fieri poſſe. Multi „enim ſunt ſeculares, quorum capita „non capiunt huiusmodi tricas, & argutias, quibus ſufficit tantum in con- „ſuſo velle, quod Doctores dicunt „licere “ Ubi eſtis fontes lacrymarum?

XVI. Sed Theologorum, qui trini contractus patrocinium ſuſcipiunt momenta breviter expendamus. 1. Itaque proferunt auctoritatem plurimorum Theologorum, conſuetudinem, & uſum huiusmodi contractus celebrandi adprobantium. En quid ſcribant Salmaticenſes l. 1. n. 12. „Hanc ſententiam (de „honeſtate trini contractus) tot popu- „lorum conſenſu firmatam, tam anti- „qua, & generali conſuetudine appro- „batam, tot graviffimorum Auctorum „auctoritate munitam, rationibus for- „tiſſimis ſultam deſerere hinc poſſu- „mus “ 2. Bulla Sixti V. vel non eſt uſu recepta, vel contraria conſuetudine abrogata: 3. Tres præſatos contractus cum tribus diſtinctis perſonis celebratos licitos eſſe, & juſtos nullus eſt, qui inſicietur; qui ergo uſurarius ſit, ſi cum una, eademque celebretur perſona, quæ trium munia ſubeat, & moraliter triplex reputatur? Ut enim inquit Gibſinus lib. 6. cap. 3. art. 3. „Iſta „entia moralia ex pluribus etiam in- „ſeſe integris, & perfectis coaleſcere „per unionem quandam moralem poſ- „ſunt “ 4. Si conditiones à Theologis appoſitæ ad æquitatem trini contractus ſervantur, nulla in eo reperitur inæqualitas, proinde nec iniuſtitia. Nam 1. ſupponunt contractum primum ſocietatis initi, quo jam apparet pecuniam mutuo non dari: nam accipiens non, quod ſibi lubet, de ea ſtatueret poſſet; ſed tenetur vi hujus contractus eam negotiationi exponere. 2. Pretium aſſecurationis reſpondere debet quantitati periculi, a quo liberatur, qui pecuniam conſert. 3. Pretium venditionis lucri debet eſſe ſpei pariter proportionatum juxta prudentem exiſtimationem nulla ergo in eo reperitur inæqualitas, & iniuſtitia. 5. Contractus aſſecurationis,

nis, & venditionis adjecti contractui societatis non sunt contra naturam societatis, sed præter naturam, proinde cum ipsa conjungi possunt; sicut cum locatione, commodato, & deposito.

6. Denique ipsa experientia ostendit utilem esse mercatoribus hunc contrahendi modum, quippe qui & illum libenter amplectuntur, immo aliter secum contrahere volentes repellunt.

XVII. His itaque respondemus ad I. cum P. Concina; verba Salmaticensium meras esse ad populum fallendum phaleras, & ad imperitorum aures occupandas tumida verba. Nam, ut ipse Diss. 3. de Usura contractus trini cap. 1. §. 1. evidenter evincit, tota Theologorum, auctoritas restringitur ad duodecim, recentiores Probabilitas. . . . Nam, quid exiguus iste Probabilistarum manipulus vel minimum probabilitatis gradum tribui contractui trino, si e regione spectentur, non dicam Pontifices, & Sixtina Constitutio, a qua contractus trinus damnatus est, & a qua modo præscindo, sed Episcopi, Synodi, Universitates, Theologi, Canonistæ (immo & Juristæ) adversus hunc trinum contractum pugnantes? Consensus populorum ineptus est ad probabilitatem honestati hujus contractus conciliandam, cum ipsis fatentibus Salmaticensibus, multi sint seculares, quorum capita non capiunt hujusmodi TRICAS, & ARGUTIAS¹⁴. Consuetudo igitur ex hoc inventa mera est corruptela dicenda. Fortissimæ denique rationes mera sunt sophismata, ut mox videbimus.

XVIII. Ad 2. Resp. 1. Teste Gibalino trini contractus Patrono acerrimo lib. 6. att. 3. n. 5. pag. 378. *Tres contractus prohibiti sunt jure positivo, ubi Sixti Constitutio recepta fuerit.* Contra igitur

Pontificis prohibitionem damnatum ab ipso contractum defendere non formidant Theologi? At cur damnavit hunc contractum Pontifex? Num quia contrahentibus perniciosum? Numquid Pontificibus Summis cura est de mercatorum emolumentis, vel detrimentis? Damnavit, quia usurarius, quia iniquum, quia illicitum. Et ejus Constitutio doctrinalis est, quæ evangelicæ Moralitatis gravissimum punctum declarat, ac designat; nec quid novi in Ecclesiastica disciplina statuit, sed quid juris divini sit, & legi divinæ contrarium exponit, & ut supremus Magister desinit; proinde non a populorum consensu (ut diximus) ejus pendet auctoritas. Falsum esse luculentissimis argumentis ostendit Concina Diss. 1. laud. per plures paragraphos, non esse in Christiano orbe acceptatam Sixtinam Constitutionem. Nam illam acceptantur Archiepiscopi, & Episcopi Hispaniarum, Clerus Gallicanus, & Universitates Parisiensis, a quibus trinus contractus, ut usurarius, damnatus fuit. In Belgio quoque acceptatam Constitutionem testatur Henricus a S. Ignatio adductis monumentis Synodi Antuerpiensis, Mechlinensis, Cameracensis, Iprensis, Atrebatensis, & Collegii Lovaniensis, a quibus omnibus collocationes pecuniæ pupillaris trino contractu circumseptæ, tanquam usurariæ damnatæ sunt. In Italia quoque vigere Sixti Constitutionem ostendunt Provinciales, & Diocesanae Synodi, præsertim Sancti Caroli Borromei, & plurimum Episcoporum, qui trinum contractum omnibus suis interdixerunt.

XIX. Ad 3. Mirum non est, eundem contractum licitum, & honestum esse respectu unius personæ, non respectu alterius; & distinctionem personarum ad essentiam contractus pertinere.

nere; ut videre est in contractu mohatra, ab Ecclesia proscripto, ut superius ostendimus par. 1. de vend. cap. 5. Nam hæc realis distinctio efficit, ut contractus non sint amplius umbratiles, & fictitii, sed solidi, substantiales, & reales. Etenim si quis Petro mercatori simplici contractu societatis mille scuta tribuat in negotiatione expendenda, legitimus est contractus: nam fors periculis est obnoxia negotiationis. Pari pacto si ab alio postules, ut pecuniam negotiatori traditam tibi securam reddat, plura etiam a te postulabit, que præstare tibi utile non erit. Nam 1. postulabit, ut pretium assicurationis numerata pecunia persolvas; nec unquam pro pretio incertum lucrum ab alio negotiatore reportandum acceptabit; 2. Postulabit, ut pericula designes, a quibus cautam pecuniam velis; & ab illis solis te immunem præstare pollicebitur, persoluto reali pretio probabilitati periculi respondente. 3. Si petieris, ut pecuniam immunem, & tutam seruet ab omnibus periculis terre & maris in transvehentis mercibus; a periculis diminutionis pretii, & difficultis venditionis, a periculis famulorum, & ministrorum inhabilium, & ipsius negotiatoris, si decedat fiat; a periculis denique omnibus fortuitis ignotis, & etiam inexcogitabilibus: & præterea addas, assicurationem tandiu perdurare oportere, quandiu vel fors a alterius voluntatem tibi restitatur, vel tibi repetere illum placuerit, proinde per decem, viginii, triginta annos, & ultra, neminem in toto orbe reperies, qui talem in se assicuracionem suscipiat: & tamen hoc est, quod postulas ab eo, quem socium appellas, qui proinde personam gerit non alterius hominis, sed chimære; cum huiusmodi as-

securatorem inter filios Ale reperire sit impossibile. Si vero tertio negotiatori exhibens emptionem lucri a te sperati, hic scire a te vult, in quo negotio pecunia sit occupanda, quoniam sit, qui negotiatur, quandiu durabit societas. Quod si respondas te, forte jam in tuto posita, non esse de negotiatione sollicitum, tempus societatis non esse sed definitum, ad libitum, vel tuum, vel mercatoris posse finire; videbis illum minimo maximum speratum lucrum emere velle, vel omnino non velle. Quod si aideret se emere quidem, ac non persoluto tibi pretio, sed concessa parte sperati lucri; nonne tibi illudero putares? At hæc est, quod tu tuo trino contractu præstas, in quo omnia fida, fucata, chimærica sunt, & solum superest reale murum cum lucro.

XX. A 14. Immo summa inæqualitas, proindeque aperta elucet in trino contractu iniuria. Quia sic evincit, iniqua, & leonina est illa societas, in qua alter socius omne subit periculum, & sortis, & lucri; alter vero & de lucro certus est, & de sorte; porro id contingit in trino contractu: ergo iniqua & leonina in eo apparet societas. Nequaquam, reponunt adversarii, nam pericula sortis, & lucris pacto pretio ab altero socio retinuntur. At quoniam pretio? Num numerata pecunia, & quidem tanta quantitate, ut probabilitati periculi respondeat? Minime. Sed persoluto pretio chimærico, incerto, ficticio, sito in spe lucri incerti percipiendi. Quod ut clariusne percipias, sige Paulum dare mercatori mille aureos in societatem ad decem annos. Accipit negotiator nummos, & merces emit: sed secundo anno occurrente naufragio, incendio, furto, bello, aliquo infortunio totum capitale amittit.

amittit. Ubi societas? ubi non capitale? ubi lucrum speratum? Et tamen Prius singulis annis quinquaginta aureos a misero negotiatore extorquebit; & post decem annos integram sortem mille aureorum. At quo titulo, amabo? Societatis? At quomodo consistit societas sibi proposita capitali? Titulo affectionis? At ubi pretium pro ea periculum? Titulo lucris sperati? At ubi lucrum, si lucrum fundum perit? Unus igitur superest titulus & usurarius, nimirum data pecunia ad lucrum. Ad do. Conditiones appositæ ad honestandum trinum contractum non sunt nisi fuci, & linimenta ad turpem usuræ faciem obumbrandam. Nam 1. ut ipsi faciunt Salmanticenses laud. n. 102. *frequentius solent omitti, & parum de illis curatur*. Et revera, quis celebrans trinos contractus socium de negotiatione convenit, genus constituit mercium, & loca designat, pericula expendit, lucris probabilitatem ponderat? Omnia arbitrio socii recipientis pecuniam relinquere, qui, cum rationem socio reddere minime teneatur, de pecunia pro suo libito disponit; & nomen negotiationis ad fucum adhibetur. Unum respicitur lucrum ex pecunia mutuo data: unde hanc formulam celebrandi trinos contractus exhibet Lessius. *Confero mille ad mercaturam, ut quotannis solvas quinque, vel sex, salva sorte, eo modo, quo DD. decet, id esse licitum*. Tolle fucum in verbo *ad mercaturam*, & appone proprium, & verum nomen *ad mutuum*, vel *ad usuram*, & genuinam habebis contractus faciem. En quo tandem recidit servandam conditionum apparatus, qui dum una manu a Theologis orditur, altera destruitur. At siinge, postitas conditiones ad amicum timoratum negotiatorem servare, & san-

Patuazi Theol. Moral. Tom. V.

de custodire velle; statim comperies trinum contractum cum uno, & eodem socio esse impossibilem. Nam ad æqualitatem, & iustitiam servandam opereretur, ut lucrum speratum esset supra quadraginta pro quolibet centenatio, cum & ipsi mercatores peritissimi fateantur, quæcumque negotiationem etiam florentissimam in hisce nostris regionibus vix quiddecim in centum asserre. Audiatur Cardinalis de Luca lib. 5. de Usuris diff. 1. n. 16. scribens. „Hoc autem „impracticabile videtur in lucro retrahendo ex pecunia numerata, quoniam „ad effectum, ut creditor, seu mutuator assicuratus tam de forte, quam „de lucro obtineat quinque pro centenario, oportet dare lucrum in plusquam quadraginta pro centenario, „dum ex lucro detrahere prius oportet „portionem quodammodo colonicam, debitam ipsi mutuatario tanquam socio ponenti operas pro istarum congrua, & proportionata renumeratione. „Deinde vero de eo, quod superest ad commodum creditoris, tanquam species portionis dominicalia detrahenda est magna, & notabilia quantitas, quæ verosimiliter sit congrua merx dictæ duplicis assicuratio- „nis, etiam a quolibet tercio negotiatore facienda, quod videtur impracticabile. „Quod confirmat & Minutulus in sua brevi notitia just. commut. P. 1. art. 1. dicens: „In negotiationibus non solum sunt necessaria conservatoria pro mercibus, sed „famuli, scriptores, expensæ domorum, & rursus duæ pattes lucris recepti in societate debent esse alterius socii pro assicuracione capitalis, „& emptione lucris incerti sperati pro certo, & etiam pro parte ad ipsum tangente in societate de industria, &

Z

la-

„laboret ergo ridiculum est, quod
„possint praedicti socii lucrari quadra-
„ginta, & plus“. En igitur, quo-
modo etiam servatis conditionibus a
patronis trini contractus constitutis,
nunquam aequalitas haberi possit, pro-
inde nec iustitia in trino contractu.

XXI. Ad 5. Licet non omnis affecu-
ratio dominium rei assurecturæ transferat
in Asseturatorem, ut contingit in com-
modato, locato, & deposito: quia cum
eadem res & subsistat, & restitui possit
eadem numero, & præterea usus rei ab
ipsa substantia distinguitur; fieri utique
potest, ut quis & domum conducatur, &
ab omni periculo assurectur, quin tamen
domus ita dominus fiat, ut eam de-
struere, ac vendere possit pro libito: at
non ita in contractus societatis, in quo
pecunia assurectur; nam tunc posita
assuractione, pecunia in dominium
transit assurectoris, qui ea uti potest,
ut sibi liber, cum suo periculo vel pe-
reat, vel fructificet, nec alio modo
possit uti pecunia, nisi eam distrahen-
do. En igitur, quomodo contractus as-
suractionis in societate non solum sit
præter, sed etiam contra naturam so-
cietatis, quæ postulat, ut sicut pericu-
la, & detrimenta, ita & utilitates
communis sint inter socios; ut superius
luculentissime ostendimus. At posita as-
suractione, multoque magis adjecta
venditione incerti fructus, ita destrui-
tur societas, ut socius nec rationem
reddere debeat alteri socio de ejus pec-
unia, & ipsi soli fructificet, & ipsi
soli pereat, quæ veri domini aperta
sunt argumenta. At destructa societate
non superest, nisi mutuum: ergo trinus
contractus est ususæ pallium. Repo-
nunt Adversarii, nequaquam negotia-
tor, qui pecuniam ad negotiationem
accipit, potest eam, prout sibi libet,

distrahete filiam dorando, prædia emen-
do, in litibus expendendo: quod si
fiat contra societatis leges, peccabit.
At hoc cumulat quidem iniquitatem,
sed non tollit. Nam 1. Socius, qui pec-
uniam recipit, obnoxius est omni ex-
cogitabili & etiam inexcogitabili pericu-
lo pecuniæ, teneturque semper fructus
reddere: & adhuc facultate privatur de
sua pecunia pro libito disponendi? Quid
iniquius? quid perversius? 2. Concesso
etiam cum legibus societatis non posse,
nisi in negotiationem, pecuniam im-
pendere, adhuc adjecto duplici pacto
assuractionis, & venditionis, dominus
sit pecuniæ, quæ semper suo periculo
stat, vel cadit, perit, vel fructificat:
sicut fidei commissarii, licet non va-
leant bona sibi sub fide commissæ ven-
dere, nihil tamen prohibet, quin certis
illorum bonorum domini sint, cum
eorum damno pereant, vel fructificent
eorum beneficio. Scrupulus vero, quem
ingerere tentant de violata lege socie-
tatis, si negotiator socii pecuniam aliter
expendat, quam in negotiatione, ara-
nearum telis comparatur, quæ facile,
& sine labore infringuntur. Quis enim
negotiator sibi vitio, & peccato vertat,
si pecuniam aliter disponat, quam in
negotiatione; dummodo & fructum
pendat, & suo tempore aptus sit ad
sortem reddendam; sicut quis, dum
pecuniam dat negotiatori, sollicitus est
de ejus negotiatione? Satis illi, super-
que est statuto tempore fructus prompte
recipere, & securum esse de sorte
finita societate, vel, cum sibi libuerit,
recuperanda. His positis cetera flocci
faciunt, unde manifestum est solum
lucrum ex pecunia sperare, & velle,
quod usurarium est.

XXII. Ad 6. Duo sunt, quæ nego-
tiores ad hujusmodi trinum contra-
ctum

Cum celebrandum impellunt, nimirum
 necessitas, & cupiditas. Necessitas, cum
 alio modo pecuniam se reperire vix
 posse agnoscant, præsertim desperatis
 rebus, & in proximo decoctionis peri-
 culo. At hoc titulo & ipsa usura licita
 evaderet; cum ad sœneratores confu-
 giant plerique nonnisi necessitate com-
 pulsæ. Cupiditas quoque est alia causa,
 cur negotiatores malunt hanc fictam so-
 cietatem finire, quam veram: quia, ut
 inquit Auctor libri *Pecunia occupata*
 (dell'impiego del denaro), hæc (ve-
 ra societas) pedicas ponit mercatori,
 „ & speratum lucrum diminuit, & ad
 „ rationem reddendam, & negotia sua
 „ patefaciendam obstringit“. At quis
 dicat, cupiditatem titulum esse honesti
 lucri: cum hæc potius fons sit, ex quo
 sœnera, illicita lucra, iniqui contra-
 ctus featuriant? Finge utilissimum esse
 mercatoribus trinum contractum: num
 ex utilitate statuenda honestas? cum &
 juxta ethnicos Philosophos utile non sit,
 quod non est honestum. Quamobrem
 non ex utilitate honestas, sed ex honestate
 utilitas est pensanda. Porro hæc
 utilitas, & necessitas in causa fuit, ut
 Salmasius, Brodeersenius, Marchio
 Massejus, alique usuras moderatas licitas
 esse docuerint, & eas dumtaxat veritas
 dixerint a divina lege, quæ mor-
 dentes sunt, & cum pauperibus exer-
 centur. Errarunt quidem, & turpissi-
 me, ut suo loco videbimus. At saltem
 candide, & ingenue fassi sunt, lucrum
 ex ipsa pecunia mutua data usuram
 esse. Theologi autem minus candide,
 & sincere nolunt usuram esse, quæ vera
 usura est; & nomen mutantes, mali-
 tiam simul oblatam esse arbitrantur,
 quasi iniquitas sit in nomine, non in
 actione. Verum de hoc susus suo loco,
 ubi de mutuo & usura disputabimus.

XXIII. Rejeto itaque tanquam illi-
 cito, & sœneratio trino contractu,
 nunc perpendendum, an in tali socie-
 tate saltem duo celebrari possint disjun-
 ctive contractus, nimirum vel assen-
 ratio sortis, non vendito incerto, &
 sperato fructu; vel venditio fructus
 sine sortis assenratione. Utrumque ex-
 pendamus contractum, quem licitum
 existimant Billuart, & Continuator
 Tournelii. Et de primo verba faciamus
 in quo fors ab omni periculo tuta red-
 ditur. Hic duplici modo celebrari po-
 test, nimirum ut pro sortis assenratione
 Capitalista quinque, vel sex in annum
 pro singuli centenariis solvat, & qui-
 dem de sua pecunia; vel nihil solvat,
 sed tantumdem de sperato lucro socio
 condonet. Utroque modo celebratum
 contractum puto illicitum, & injustum.
 Et primo quidem modo, quia assen-
 rata sorte, sive capitali ab omni peri-
 culo, omnis abest titulus iusti lucri,
 qui solum duplex esse potest, nimirum
 vel sortis periculum, vel industria: pri-
 mus ablatu est per assenrationem,
 tunc enim pecunia transit in dominium
 socii, cujus periculo omnino stat vel
 perit, fructificat, vel sterilis manet,
 alter locum non habet, cum ad alium
 socium omnino pertineat. 2. Quia quin-
 que, vel sex in centum iustum non
 sunt assenrationis pretium ab omni
 periculo, tum obvio, tum fortuito,
 tum possibili. Et revera ubinam gen-
 tium invenietur, qui pecuniam nego-
 tiationi expositam velit ab omni exco-
 gitabili periculo tutam, & immunem
 reddere? Quæ omnia multo magis mi-
 litant contra alterum modum, quando
 scilicet pro assenratione pars assignatus
 lucri sperati: nam tunc socius, qui
 sortem tutam reddit, periclitatur, ne
 quid accipiat, si lucrum ex negotio-

ne nullum proveniat; quod meo videri majorem offendit injuriam. Utrique vero modo adversatur Sixtina Constitutio superius non semel laudata, qua tanquam usurariae omnes prohibentur societates, in quibus fors in toto posita est. Quamobrem & ipse Billuart, qui duplicem hunc contractum absolute non damnat, optime tamen subdit, „
 „ Hic tamen contractus duplex non est
 „ facile admittendus in praxi, quia
 „ facile potest irrepere usura; ut si
 „ assicuratus de sorte assignet pretium
 „ assicurationis accipiendum ex lucro
 „ sperato Similiter, si non servetur
 „ aequalitas inter pretium assicuratio-
 „ nis sortis, & ejus periculum, vel
 „ inter spem lucri, & lucrum assigna-
 „ tum. Quibus de causis posset justè
 „ prohiberi, & de facto videtur pro-
 „ hibitus per Bullam Sixtinam in locis,
 „ ubi viget “. Quae postrema verba
 sunt emendanda, nimirum dicendo,
 non videri, sed revera esse prohibitum
 in Bulla Sixti, ut legenti constabit, &
 eam ubique terrarum vim obtinere.

XXIV. In altero vero duplici contractu, in quo fors quidem periculo est exposita, sed certum redditur, & securum lucrum, nulla aperta est injuria. Nam societas integre consistit ex parte sortis, quae revera periculo stat ponentis: legitime igitur ex ea lucrari potest. Hoc vero lucrum cum incertum sit, & modo minus, modo majus esse possit, obiectum esse poterit, & materia contractus sortis, in qua & aequale sit periculum, & aequalis spes. Hanc etiam de causa insinui posse videtur, nimirum ut socius, qui aequivalentem praestet in negotiatione operam, videns hoc contractum majus, lucrum in suam reducere utilitatem, sedulius, diligentius, accuratius negotiationi va-

cat, ut sortem & accuratius conservet, & utilius occupet. Nihilominus illum nunquam adprobare auctum, cum Sixtus V. & hunc contrahendi modum, utpote qui attentra hominum cupiditate, & spectatis fraudibus, quae committi possunt, in praxi difficilissime omni culpa vacat, in sua Bulla veraverit illis verbis, ubi jubet: *Societates facere, & bona fide ita esse celebrandas, ut non ad certam summam, aut quantitatem ab omni periculo, & damno, ut praefertur, immunem LUCRI nomine persolvendam neque; AD CAPITALE, si casu fortuito perit, restituendum socius accipiens teneatur.* In quibus verbis, & capitalis assicurationem, & ipsius lucri securitatem prohibet Pontifex.

XXV. Completa vero societate sunt rationes inter socios instituendae, & debitis factis supputationibus lucra emolumenta, utilitates sunt inter socios dividenda, non arithmetice quidem, sed geometricè, inspectu scilicet cujuslibet socii praestita vel sorte, vel industria, ut superius diximus. Hinc si opera, & industria socii capitalis quantitatem aequet, lucrum est dimidiandum; si vero non aequet, aut etiam superet, & lucrum quoque servata proportionem illi accrescit, vel minuitur. Quod si initis rationibus, detractis expensis, & detrimentis, nihil lucri superfit, fors non est inter socios dividenda, sed Capitalistae restituenda, nisi vel consuetudo aliter ferat, vel aliter inter se socii contrahentes convenerint. Huic doctrinae adversari videtur Daniel Concina, qui censet, si industria socii aequet capitalis quantitatem, tum socium non solum lucri, sed etiam sortis participem esse debere: quemobrem si operæ socii aequet summam Capitalistae; tum aequaliter fors & lucrum dividenda sunt. Cui

tan-

tanti viri doctrinæ ne acquiescam, duo me movent. 1. Definitio, & declaratio ipsius Pontificis Sixti V. qui in toties laudata Bulla statuit: *Si vero finita societate ipsum capitale extet, ei, qui illud in societatem contulerit, restitatur, nisi socio recipienti fuerit communicatum, vel aliter inter ipsos contrahentes super eo legitime conventum sit.* Jabet igitur Pontifex capitale restituendum, non dividendum. Consonat hæc Pontificia definitio cum doctrina S. Th. qui 2. 2. q. 78. a. 2. ad 5. docet: *Ille, qui committit pecuniam suam vel mercatori, vel artifice per modum societatis cujusdam, non transfert dominium pecunie sue, sed remanet, ita quod cum periculo ipsius mercator de ea negotiatur, vel artifex operetur.* Igitur juxta S. Th. Capitalista semper dominium retinet sortis, adeo ut illi pereat, si perit: ergo illi salva esse debet, si non pereat. At inquit Concina, ad negotiationem non minus conferunt operæ focii, ac fors Capitalistæ. Annuo: & ideo sicut Capitalista ex sua sorte lucratur, ita socius ex opera, quam præstat, lucratur; & si unum alteri sit æquale, lucrum est æqualiter dividendum. At non video, cur dividenda fors. Uique, reponit Concina, quia aliquin non servaretur æqualitas: nam Capitalista solum lucrum ex pecunia amitteret, si nullum est, & sortem salvam consequeretur, dum socius negotiator, seu operarius & capitale operis perderet, & lucrum. Et hoc iterum concedo: ac dico hanc inæqualitatem non ex injuria societatis oriri, sed ex natura rei in societatem positæ, quæ plane diversæ rationis est: nam altera, scilicet pecunia, res permanens est, quæ etiam sine lucro consistere potest; at opera, & negotiatio focij rei est fluxa, transiens, non per-

manens, quæ proinde, si lucrum non reportet, nec in se permanet, nec in suo effectu. Præterea ex Sorte, & opera, sive ex pecunia, & negotiatione non fit unum capitale, sed una societas, in qua alter pecuniam, alter industriam ponit, proinde utrique æquale jus ad lucrum. At capitale non dicitur, seu fors, nisi illud permanens, sive pecunia sit, sive quid aliud, quod periculo exponitur, quod proinde stat, vel cadit exponenti. Ita docet Juveninus, sive Auctor. Resol. Casus Conscientiæ T. 2. tr. 12. cap. 6. Sylvestre V. Societas 1. q. 20. Sotus lib. 6. de just. & jur. q. 6. art. 1. in fine; Navarrus in Enchiridio cap. 17. n. 353. immo & Lellius lib. 25. dub. 20. a n. 18. ad 20. alique tum juris Canonici, tum Civiles Doctores. Addidi tamen, nisi consuetudo, & quidem probata, ita ferat, vel aliter conventum sit: nam focii iustas, legitimasque passionem custodire debent, ut docuit in sua Constitutione Summus Pontifex Sixtus V.

CAPUT SECUNDUM.

CONSECTARIA PRÆCEDENTIS
DOCTRINÆ.

- I. *Omnia, quæ ad societatem generalem pertinent, toti societati communia sunt.*
- II. *Quinam socius non sit, sed sui operis locator.*
- III. *In societate animalium illicitum est sortem salvam velle.*
- IV. *Quomodo sit divisio facienda in societate animalium.*
- V. *Nonnullæ conventiones licitæ, vel illicitæ in societate animalium.*
- VI. *Aliæ conventio quando licitæ, & quando illicitæ.*
- VII. *Ad quem spectent damna, & detrimenta.*

menta in societate animalium .

VIII. Num quis possit pluribus societatibus operam suam obligare .

IX. Quando socius teneatur ex proprio etiam si culpa damna societatis reparare .

X. Damna socii , & expensae sunt a tota societate faciendae , & faciendae .

XI. Quando finem habeat societas .

CONSECTARIUM PRIMUM.

I. IN societate generali , & communi omnium bonorum quidquid cuique socio ex quolibet titulo etiam personali obveniat , debet esse toti societati commune ; sicut & cuiusque socii damna , pericula , detrimenta communia sunt . Ita L. 1. §. ff. pro socio ; *Omnes res , quae coeuntium sunt , continuè communicantur* . Hinc socii ex fundo societatis sibi sumere possunt alimenta , & cetera quae suae familiae sustentationi sunt necessaria , at non dotationem filiae : dos enim tunc sumenda est ex privata portione dotantis L. 79. §. 1. ff. pro socio . Similiter nec ex communi penu sunt accipiendae , quae in ludis , volutibus , aliisque illicitis rebus infumuntur ; cum nulla sit societas in turpibus , & illicitis . Quamobrem L. 19. §. 1. ff. de Soc. dicitur : *Quod in alea , vel adulteriis perdiderit , socius ex medio non est laturus* . Non est tamen censenda generalis illa societas , quamvis in Aëris dicatur simpliciter societatem iniri inter plures , sed censenda est particularis , id est de iis solum , quae in mutuum commercium veniunt ; ut declaratur in L. 7. ff. pro Soc. ubi dicitur : *Si non fuerit distinctum , videtur coitum esse universorum , quae ex quaestu veniunt , hoc est si quod lucrum ex emptione , venditione , locatione , conductione descendit* .

CONSECTARIUM SECUNDUM.

II. Qui in societate operam , industriam , & laborem praestat , si certum , & determinatum pretium accipiat , licet proportionatum lucro ex negotiatione proveniente , socius proprie non est , sed sui operis locator ; licite tamen pretium illud potest accipere . Socius dici non potest , qui actus , quos praestat , sorti , & periculo non exponit : nam certus est de sua mercede , licet fortassis incertus de majori , vel minori quantitate juxta majorem , vel minorem lucri abundantiam . Licite tamen potest pretium etiam majus accipere ; quia tunc habetur contractus locationis cum contractu fortis ; primus mercedem justam efficit , alter sicut ejus diminutionem , ita & incrementum justum reddit .

CONSECTARIUM TERTIUM.

III. Illicita est , & usuraria illa animalium societas , in qua statuitur , ut fors , sive capita bestiarum semper salva sint tradenti , & aliquid ex animalium fructibus in annos singulos solvatur . Veritas hujus Consectarii manifesta est tum ex his , quae superius diximus ex Bulla S. Pii V. tum ex ipsa naturali ratione : nam tunc mutuum intervenit , societatis pallio obiectum ; quandoquidem animalia jam transeunt in dominium accipientis , cui pereant , si pereant : illi proinde fructum restituere debent , non tradenti , qui nullum subit periculum . Eapropter merito S. Carolus Borromaeus in secundo Mediolanensi Concilio statuit P. 2. de usuris : *In societate animalium , quae inanimata alienantur ad custodiam , sive ut operas praestent , omnes casus , etiam fortuiti , semper sint periculo ejus , qui dederit , nisi id alterius socii dolo , vel magna negligentia*

accidisse confiteris. Nec fiat pactum, ut fors semper sit salva, etiam ex primis fœtibus. Neve quidpiam certi præter sortem solvatur, aut capiatur.

CONSECTARIUM QUARTUM.

IV. In contractû animalium, si alter socius omnia præstet capita, alter vero operam in iis alendis, pascendis, curandis, si animalia pereant, tradenti pereant, si salva sunt, in fine societatis sunt domino restituenda: fructus vero dividendi juxta debitam proportionem, qua industria, & opera æquent sortem, sive capitale. Si vero socius non sola præstet opera, sed animalium partem, sive propria pecunia, sive ex novis fœtibus ponat, sive periculum ad utrumque pertinet, ita societatis lucra, & emolumenta sunt dividenda, & in fine ipsum etiam capitale partiendum. Patet hujus consecrarii veritas in utraque sui parte: nam cum socius suo periculo animalia socio tradat, fructus ex illis tanquam de re sua potest recipere, ut docet S. Th. & sicut suo periculo vivunt, & pereunt, ita si in fine societatis salva sint, ad ipsum pertinebunt, sive meliora effectû sint, sive deteriora, cum illorum dominium nunquam amiserit, vel dimiserit. Dum vero alter non solum industriam præstat, sed & animalium partem ponat, capitale factum est commune, proinde pro rata, & pro portione dividendum, sicut & fructus juxta eandem proportionem.

CONSECTARIUM QUINTUM.

V. Nec illicitus, nec injustus est contractus societatis animalium, in quibus quis rustico juvenas, vel oves tradit ea pactione, ut ex primis fœtibus pretium sibi restituatur, deinceps vero

omnia sint communia: at contra illicitus, si conveniant, ut quæ perierunt, ex fœtibus restantur, & societate finita restitutis animalibus, fœtus reliqui, & alique fructus dividantur. Nam in primo contractû cum domino animalium pretium restituatur ex fœtibus, quorum dimidia pars ad dominum pertinet, dimidia ad rusticum, hoc pacto rusticus dimidiam partem emit capitalis, idest juvenearum, & ovium, & sic æqualitas servatur, cum & fructus æqualiter dividantur, & capitale, dummodo tamen capitale, scilicet juvenæ, & oves domini periculo stent, & ipsi pereant, si fortuito pereant, antequam ex fœtibus capitale restituatur. Alioquin iniquus esset contractus, si totum periculum esset rustici; sicut pariter injustus, si periculum foret commune, quia rusticus injuste gravaretur. Ita S. Antoninus, P. 2. tit. 1. §. 39. „ Est „ illicitum, si tradens pecora velit ca- „ pitale suum salvum, grege pereunte, „ & si non perit in præsentibus, vult nihilo- „ minus prius de fructu pecorum suum „ capitale. Si vero pereunte grege to- „ tus pereat tradenti ipsa pecora, sed „ si non perit, vult tradens prius de „ fructu trahere capitale, & exinde „ facere pecora communia, secundum „ istum modum licitum esse“. At paulo post op time animadvertit S. Archiepiscopus: „ videndum in hoc contractû „ num labores, & opera rustici in „ alendis, curandis, custodiendis pe- „ coribus æquent ipsum capitale ani- „ malium, vel solum mediate respon- „ deant. Si primum, injustus esset „ contractus, nam rusticus gravaretur. „ Nam ubi male fortunentur, ipse „ amittit duo, scilicet medietatem „ pretii, seu capitalis, & laborem suæ „ custodiæ; tradens autem amittit „ unum,

„unum, scilicet medietatem pretii pecorum. Ex quo igitur rusticus recipiens, seu conducing pecora sub-
 „stat majori periculo, debet etiam
 „plus participare de lucro“. Si vero
 „opera rustici æstimentur medietati capitalis æquivalere, cum tunc perfecta
 „ad sit æqualitas, licitus omnino erit
 „contractus. At contractum secundo
 „modo celebratum injustum esse, & il-
 „licitum nullus est qui ambigat; cum
 „tradens pecora fortem salvam velit sal-
 „tem ex dimidio, & in fine societatis
 „eam non dividat, sed integre sibi re-
 „servet. Unde subdit laudatus S. Præ-
 „sul: „Injuste sit hujusmodi societas,
 „cum quis dat certa capita ovium
 „æstimata certo pretio, hoc pacto
 „quod rusticus non accipiat aliquam
 „utilitatem, donec tradens receperit
 „prius totam fortem. Hoc enim pa-
 „ctum est valde iniquum. Sicut etiam
 „si quis paciscatur, quod antequam
 „rusticus recipiat aliqua, restaurabit
 „de fortibus omnia mortua. Hoc enim
 „pacto est quasi tradere oves immor-
 „tales“.

CONSECTARIUM SEXTUM.

VI. Non est culpanda societas, qua
 socius juvenecas, vaccas, oves tradit
 rustico æstimatas, adjecta pactione, ut
 iterum post annum æstimentur, & si
 quidem plures æstimabuntur, incremen-
 tum cum fructibus dividatur: si vero
 minoris decrementum ex fructibus per
 medietatem suppleatur. Nam huic con-
 tractui adjectus est aliter contractus for-
 tis de fortuito incremento, & decre-
 mento fortis, in quo cum servetur
 æqualitas (nam æquale est periculum
 utilitatis, & damni) nulla apparet in-
 justitia; quæ tamen locum haberet, si
 socius tradens animalia æstimata, in-

crementum quidem divisum vellet, to-
 tum vero decrementum supplendum im-
 poneret rustico, qui hoc pacto ultra
 æquitatem gravaretur; cum alias rusti-
 cus teneatur decrementum solvere, si
 sua culpa contingat.

CONSECTARIUM SEPTIMUM.

VII. Quando animalia ita in socie-
 tem conferuntur, ut commune sit dan-
 ti, & accipienti utile, & damnum, &
 in fine tam fors, quam fructus divi-
 dantur, si animalia pereant ex morbo,
 vel morte naturali, danti pereunt; si
 vero pereant ex casu fortuito, puta
 bello, incurfione hostium, alluvione,
 maleficio, periculum est commune.
 Si vero pereant culpa recipientis, te-
 netur damnum refarcire, tum capitale,
 seu animalia restituendo, tum medie-
 tatem fructuum perceptorum. Ratio
 primæ partis est, quia eo modo peri-
 ssent etiam apud dominum, si apud
 ipsum mansissent, nec tradita fuissent
 in societatem: & licet sub æstimationem
 tradita sint, cum tamen in societatem
 sint data, dominium non transfer-
 tur; cum æstimatio venditionem non
 faciat. Ratio secundæ partis, quia
 sicut capitale, & fructus facta sunt
 communia, ita detrimenta, & peri-
 cula debent esse communia. Qua-
 mobrem si animalia æstimata fuissent
 centum, quinquaginta a recipiente
 danti sunt refundenda. Tertiæ vero
 partis ratio est, quia in contractu so-
 cietatis eandem tenetur curam habere
 socius de rebus societatis, ac de rebus
 propriis; proinde tenetur nedum ex
 culpa lata, sed & levi, licet non ex
 levissima, ut suo loco de restitutione
 dicemus. Tota vero responsio doctri-
 næ innititur, quam tradidimus regu-
 la 3.

CON-

CONSECTARIUM OCTAVUM.

VIII. Qui operam, & industriam suam uni societati obligavit, non iniuste agit, si alia negotia suo nomine instituat, vel alteri societati se adjungat, ut magis lucretur; dummodo tamen nec suo muneri deficiat, vel aliter conventum non sit. Ratio est, quia non nisi eam spondit operam, & industriam, quæ rebus societatis procurandis tamquam propriis necessaria est. Si igitur hoc munus recte adimpleat, non præpeditur, ne & propriis negotiis, & aliis etiam societatis vacare possit; cum jam etiam ex culpa levi teneatur, si quæ obveniant, societati detrimenta sarcire. Addidi tamen, nisi aliter conventum sit: nam tunc sponte se obstringit ad alia quæcumque negotia dimittenda, & ut ita dicam se totum uni obligavit. Hinc in ext. de Pactis cap. 1. statuitur: *Standum est pactiioni, quia pacta ex conventionem legem accipiunt, & servanda sunt, si tamen iusta sunt, & non gravetur magis una pars, quam altera.*

CONSECTARIUM NONUM.

IX. Si societatis negotia ob ingruentes calamitates sint in maximum discrimen adducta, nec reparari possint, nisi alter ex sociis magnam vim pecuniæ de suo conferat, id præstare tenetur, si commode possit. Cum enim ex lege societatis quilibet socius bona communia societatis tamquam propria procurare debeat, & quilibet ad propria reparanda damna libenter pecuniam suam impendat, ad idipsum erga societatem præstandum teneri palam est. Societas tamen adstringitur, & pecuniam ad hoc collatam in fine societatis restituere, & pro illius rata emolumenta interim communicare. Ita juvennus l. l. cap. 4. n. 3.

Patuzzi Theol. Moral. Tom. V.

CONSECTARIUM DECIMUM.

X. Expensæ, vel damna, quæ sociorum aliquis causa societatis vel subire, vel pari debet, sunt & penus societatis faciendæ; non vero quæ ob propriam utilitatem etiam occasione societatis incurrit. Hoc Consectarium applicationem continet regulæ. 4. Quamobrem si socius iter habens secum deferat & societatis communem pecuniam, & aliam privatam ad propria peragenda negotia, & in itinere a latronibus omni pecunia spoliatur, illius quidem, quæ societatis est, commune est damnum; at propriæ detrimentum nonnisi solus debet subire. Num vero ex expensis, quas in itinere pro societate subit, sint illæ detrahendæ, quas ipse socius domi fecisset, litigant Theologi: plures siquidem, Lessius, Azorius, Reginaldus, Layman, Bonacina, Reiffenstuel, alique censent non esse detrahendas hac duplici ratione permoti: primo quia leges, & jura decernentia hujusmodi expensas esse de societatis bonis faciendas, non distinguunt; ubi vero lex non distinguit, nec nos distinguere debemus: 2. addunt, consuetudinem esse optimam legum interpretem; & per eam expensæ omnes, nulla facta distinctione, a societate persolvuntur. Alii vero & contra censent detrahendas, nimirum Angelus V. Societas n. 22. Sylvester V. Societas 1. q. 12. Fillucius, Rosignolius, & alii hac ducti ratione; quia socius expensas, quas subire debet pro privatis suis rebus, ex suo, non ex societatis penu præstare debet; expensæ autem, quas domi fecisset, privatam suam respiciant & personam, & familiam. Et hanc potius verosimiliorem, & probabiliorem doctrinam. Nam revera titulum non in-

A a

ve-

venio accipiendæ, vel retinendæ pecuniæ, quam pro suis necessitatibus jam expendere debuisset: non ipsa erogatio pecuniæ, nam eam etiam domi consumpsisset; non labor, & officia societati præstita, hæc enim sunt jam ex contractu societatis debita. Cum nullus igitur adsit titulus, injusta esset illa pecuniæ vel acceptio, vel detentio. Leges autem non quid peculiare statuunt, sed quid juris sit in societate, declarant, nimirum expensas pro societate subeundas, esse de bonis societatis solvendas; de his autem, quæ ad privatarum socii personam spectant, nihil omnino decernunt. Consuetudo vero, ubi adesset, esset servanda: nam contractus omnes, nisi aliter statuatur, juxta probatas, & communes consuetudines celebrantur. Quid autem si socius, dum societatis negotia curat, domi magnum subeat detrimentum? Eritne hoc ex societate sarcindum? Non puto, nisi aliter conventum sit: nam cum societati suam operam obligaverit, quæ absentiam a domo postulat, ipse sponte hoc detrimentum subivit. Quod si per accidentem contingat, ut aliquis, socii absentie capta occasione, litem familiæ intenter, tunc detrimentum non ex societate oritur, sed occasione societatis, quæ illi facere non tenetur. Sicut ex opposito, si socius in aliqua civitate negotia gerens societatis, vel optimam hereditatem consequatur, vel pingue legatum, tota utilitas illi cedit, non societati, cum non ex societate, sed occasione societatis illi obveniret.

CONSECTARIUM UNDECIMUM.

XI. Finem accipit societas 1. elapso termino societati præstito, ante cujus lapsum non licet uni socio sine alterius, vel aliorum consensu resilire: alioquin ipse quidem socius a se liberabit, at

ipse societati obstrictus manebit, nisi resiliendi iusta adsit causa. Et in hoc sensu intelligendam puto legem 14. ff. *pro socio* statuentem: *Sed si convenit tempus societatis, & ante tempus renuntietur potest rationem habere renuntiatio.* Quod si societati nullum sit præstitum tempus, cuilibet socio licitum temper erit resilire, dummodo tamen non intempestive fiat, & cum aliorum sociorum detrimento, vel dolo malo, quia ipse velit societatis negotium ad se trahere. 2. Communi sociorum consensu, vel sententia judicis societatem dirimentis per dissolutionem contractus ob diffinitiones inter socios ortas. 3. Morte sive naturali, sive civili socii, nimirum professione religiosa, exilio, & media, vel maxima capitis diminutione, nec tunc in ejus locum succedunt hæredes; nam electio personæ et ad societatem necessaria, cujus industria præcipue respicitur: quamobrem nisi ipsi hæredes se societati in casu mortis obstringant, necesse est, ut cum illis novo consensu societas instauretur. 4. Denique, si forte, seu capitale in totum pereat, vel ita condicione mutaverit, ut non sit amplius in commercio hominum; ut si religiosa, vel Deo sacra, sive de jure regio sit facta, ut habetur *L. verum est* 63. §. 10. ff. *pro socio*, ubi statuitur; *Res vero, quæ aut nulla relinquatur, aut conditionem mutaverint; neque enim ejus rei, quæ nulla sit, quisquam socius est, neque ejus, quæ consociata sit.*

CAPUT TERTIUM.

De Affecuratione.

DOCTRINA, ET CONSECTARIA.

I. *Quid sit affecuratio, & quomodo ab aliis*

aliis contractibus discrepet.

II. *Licitus est hic contractus respectu cuiusque.*

III. *Ad ejus iustitiam nonnulla sunt servanda leges, quae enumerantur.*

IV. *Quanam asscuratio prima legi adverteretur.*

V. *Quanam illicita sit, quia opposita secunda legi.*

VI. *Refellitur opinio Ferraris.*

VII. *Asscuratio esse debet de rebus vere existentibus.*

VIII. *Et aliquo modo designatir.*

IX. *Ad quae pericula se extendat asscuratio.*

X. *Asscurator, qui non habet, unde pretium rei asscuratae solvat, si pereat, tenetur de dolo.*

I. **A**SSCURATIO definitur contractus quo quis suscipit in se periculum alicujus rei alienae pro pretio. Contractus iste, licet gratuitus esse possit, & per modum donationis, communiter tamen fit pretio. Distinguitur a fidei iustione, quia in hac, ut in sequenti videbimus, fideijussor non est debitor principalis, sed ejus obligatio est accessoria, si alter non solvat: in asscuratione autem asscurator est debitor principalis, & per se; adeoque, si res pereat, ipse illius pretium sive in toto, sive in parte, prout conventum fuerit, compensare tenetur. Præterea materia fideijussionis est solum res alienum, sive alterius debitum; asscurationis vero sunt res alicui periculo obnoxiae; Quamobrem celebratur hic contractus, quando quis pecuniam, vel mercem; aut navem per loca periculis obnoxia mittendam ita asscurat, ut, si forte pereat, vel incendio, vel naufragio; vel latronum, sive piratarum violentiis, damna asscurator compenset. Non

inter innominatos contractus, ut quidam putant, est recensendus, cum proprium nomen obtineat; nec ad venditionem revocandus, cum non sit traditio rei pro pretio, ut aliis placet, nam asscurans pretium quidem accipit, sed nihil aliis tribuit, sed solum in se periculum suscipit. Est ergo contractus nominatus, & propriae speciei, sicut sunt mutuum, commodatum, locatio, & ceteri, qui proprium obtinent nomen; & asscuratio dicitur.

II. Licitum esse hunc contractum negant aliqui Auctores, si cum illo celebretur, qui nullam rei asscuratae curam gerit, nec pro illius incoluntate aliquam præstat operam: hinc licitum solum dicunt vel cum nauta, sive alio vedore, qui rem transferre debet, vel cum illorum custode, cum aliis vero nequaquam. Verum hanc opinionem improbabilem esse, & cum quolibet celebrari posse, etiam nullam rei curam gerente, invidiam ostendunt argumenta. Siquidem contractus ille licitus est, quo uterque contrahens aliquam pretio æstimabilem in se suscipit obligationem; & alter beneficium pretio æstimabile consequitur; & uterque periculo, ac lucro exponitur: porro in asscuratione asscurator in se periculum suscipit rei, si forte pereat; quod onus in se pretio æstimabile esse nemo negaverit; qui vero pro asscuratione pretium solvit, beneficium obtinet compensationis damni, si forte obvenierit; quod profecto est pretio æstimabile: ergo licitus omnino est huiusmodi contractus. Præterea dominus sorti se exponit sibi utili, rem suam scilicet habendi, licet perierit; alter vero pecuniam lucrandi, si res incoluntis perseveret, tamen nullam operam,

nullum laborem præbet; quia contingere potest, ut pretium solvere teneatur: nihil igitur reperitur in hoc contractu, quod iustitiam legibus advescetur. His additur utilitas tum publica, tum privata, quia hoc pacto & negotia foveantur, & negotiatores utilius rem suam gerunt.

III. Ad ejus iustitiam tamen nonnullæ sunt leges servandæ, a quibus si recedat, illicitus fieri potest, & iniustus. 1. Conditio, ut pretium iustum sit, & adæquatum majori, vel minori quantitati, & qualitati periculi juxta vel emporii, vel consulatus leges, aut consuetudines. 2. Ut pericula sint vera, & tam asscuratori, quam asscuratorio comperta. 3. Denique, ut asscurator habeat, unde possit asscuratarum mercium pretium solvere.

IV. Ratione primæ conditionis inferitur, non posse asscuratorem pretium accipere proportionatum timori mercatoris gravissima existimantis pericula, quæ tanta non sunt, sed ipsis periculis in se, & juxta communem æstimationem pensatis: nam pretium non errori existenti in alterius mente proportionari debet, sed ipsi reali periculo; alioquin injustum esset pretium, & ab æquitate exorbitans. Quod pariter dicendum est de asscuratorio, qui scit majoribus periculis rem esse obnoxiam, quam paret asscurator: tunc enim & ipse æquitatem inducere debet inter periculum, & pretium, & monere asscuratorem de veris periculis, quibus subjacet, si illi sint ignota; sicut teneat venditor vitium, & defectum intrinsicum rei emporio ignotum manifestare.

V. Ex secunda conditione, qui scit merces, vel navem esse jam in tuto positam, & hoc ab alio ignoretur, qui asscuracionem postulat, non po-

test pretium accipere; sicut ex adverso, qui sciret jam merces periisse, vel esse in periculo proximo pereundi constitutas, non potest ab alio ignorante asscuracione redimere. Hinc minime probabilem puto doctrinam Lessii dicentis, si res nondum sit in tuto posita, eisi privata scientia sciat, non fore periculum, posse licite ordinarium pretium asscuracionis accipere, *quia illa obligatio ob pericula ordinaria magni æstimatur, & causa occulta, quæ periculum minuunt, non minuunt communem existimationem.* Nam, ut optime notat Clariss. Franzoja, cum nullum est periculum, sive hoc privata scientia innocentiat, sive publica, res est in tuto; rei autem in tuto positæ pretium, ac si in periculo foret, accipere idem esset, ac vendere, quod non existit: pericula vero ordinaria, si reipsa in se nulla sint, non possunt pretio æstimari, nisi ex errore, vel ignorantia, quæ profecto efficere non valent, ut quod non subsistit, sit pretio æstimabile. Nec dicas, posse aliquem frumentum vendere pretio currenti, licet sciat ob proximam superventuram copiam minuendum. Nam optime responderi S. Thom. 2. 2. q. 77. art. 3. ad 5. „Vitium rei facit rem in præsentem esse minoris valoris, quam videatur; sed in casu præmissa, in futurum res expectatur esse minoris valoris per superventum (frumentum) qui ab ementibus ignoratur, . Quamobrem si in præsentem, dum asscuracionis contractus celebratur, pericula ordinaria nulla sunt, pretium pro indemnitate ab illis juste peti non potest.

VI. Minime pariter probabilem puto & aliam Ferrarii doctrinam V. Societas n. 9. docentis, quod si merces de facto perierint, sed noticia deperditionis ha-

haberi non potuerit, quando celebratus est contractus, assicuratorem remanere obligatum: quia, inquit, onus contrahentium juxta receptam praxim est, ut periculum intelligatur susceptum etiam quoad præteritum, si mercator ignoret merces esse deperditas. Nam contractus de re, vel non existente, vel impossibili, licet putetur vel existens, vel possibilis, nullus est ipso jure naturæ; & error, vel ignorantia, dum circa rei substantiam versatur, nullum efficit contractum, ut superius diximus in Tract. de Contract. in genere. Porro eo ipso quod contrahentes merces perisse ignorant, consenti revera existere, & in hac suppositione contractum celebrant: falluntur igitur in ipsa substantia contractus, qui proinde nullus est. Deciso Rotæ, quam asserit Ferrarius, illi potius contradicit, quam favet: sic enim statuit, *dum dicitur, quod assicurationis contractus fieri potest de re perempta, id intelligitur verum, quando adest pactum expressum, ut etiam jam perempta nave assicurator teneatur de interitu: quibus verbis non ex recepta praxi, sed ex pacto onus assicuratori incumbere asserit Rota.*

VII. Cum inique necesse sit, ut res existat, sicut & texta postulat conditio, sequitur, gentem se habere merces in curru vel in nave, & postulantem assicuracionem, doli mali reum esse; & si vel currus a laironibus rapiatur, vel navis naufragio pereat, nihil posse ab assicurante accipere, cum nihil revera perdidit. Nam autem assicurans possit sibi pretium retinere pro tali facta assicuracione acceptum, affirmant Ferrarius Bonacinian citans, quia *nihil retinet*, inquit, *invito Domino*, cum quo, quantum in se fuit, voluit justum assicuracionis contractum inire. As-

sumo aliter dicendum, si assicurans nullum patiarur detrimentum vel ex cessante lucro, vel ex emergente damno; quia abest titulus justæ retentionis pretii: non enim potest sibi retinere titulo donationis, cum pecunia donata non sit; non titulo contractus assicuracionis, quippe qui deficiente materia nullus est. Quod pariter dicendum est, si quis assicuranti dicat merces assicuratas centum valere, quæ nonnisi quinquaginta valeant, cum fraus, & mendacium adsit, & quidem circa rei quantitatem, quæ ipsam substantiam multiplicat; & propterea, si merces pereant; plus accipit, quam revera periculo exposuerit; exposuit enim solum quinquaginta, & pereuntibus mercibus, recipit centum, a quibus si demaniat pura decem pro assicuracione perfoluta, lucratur quadraginta. Ita Juveninus l. l. cap. 2. Molina tamen Disp. 501. in hocce contractu sinceritatem christianam, & veritatem lædi fatetur; at justitiam minime violatam existimat. Nam sive merces centum valeant, sive solum quinquaginta, assicurans pretium solvit respondens conveniunt valori mercium, & assicurator damnum compensare debet in ea quantitate, pro qua pretium assicuracionis accepit, si merces pereant; si vero salvæ sint, datum sibi pretium juste retinet. Assicurans vero, si merces servantur indemnes a periculo, nonnisi verum valorem quinquaginta in tuto posuit, at pretium majus amittit, quod pro centenarii assicuracione perfolvit. Si vero pereant, lucratur quidem supra illud, quod periculo exposuit; at per hoc pretium jam solvit. Quamobrem si non est contractus assicuracionis, est tamen sortis, quo minori pretio spes emit majoris lucri. Verum hæc splendida mihi videtur.

dentur, sed non omnino vera. Nam 1. certum est in hoc contractu assicurationis, dolum & fraudem adesse celata veri mercium quantitate, quæ certe ad substantiam contractus pertinet, quam multiplicat. 2. Quo jure contractum assicurationis in contractum sortis commutat? Fieri non potest validus contractus cum altero omnino ignorante, & nesciente, immo dissentiente; eo enim ipso quod contractum assicurationis inire intendit, omnem alium contractum excludit. Existimo igitur, mercibus pereuntibus ab assicuratore non nisi pretium deperditarum mercium peti posse; qui pariter comperta veritate de minori valore mercium, tenetur pretium restituere pro rata, nisi vel lucrum cessans, vel emergens damnum ex alterius fraude passus sit.

VIII. Necessè est etiam, ut res non solum existant, sed & fiat aliquo modo determinatæ, & designatæ, non confusæ cum aliis, quæ assicurationi non subfunt; alioquin contractus nullus erit, cum ignota omnino non possit esse contractus materia. Quamobrem si quis navem mille oneret modis tritici, & ab assicurante postulet quingentos assicurari, illi numerum modiorum tritici manifestando, tunc si quingenti pereant, periculo assicuratoris pereant: si vero non manifestato numero, quingentorum modiorum assicuracionem petat, & quingenti pereant, salvis reliquis quingentis, nullum puto contractum; ea propter nec assicurantem teneri indemnem reddere assicuratum, nec istum ad pretium assicuracionis persolvendum obligari, cum non fuerit designata contractus materia, & objectum. At si medietatem mercium in navi positarum assuretur, licet diversi plane generis, nec tamen hoc potius, quam illo mer-

cis genere designato, puto teneri, si medietas pereat: quia non tam ipsæ merces, quam illorum valor fuit assicuracionis objectum; quod cum per medietatem determinatum sit, sufficienter contractus materiam designavit. In hisce tamen, similibusque casibus & praxis, & judicium peritorum in mercatura sunt inspectanda.

IX. Assicuratio fieri solet ab aliquibus tantum periculis: nullus enim, puto, erit, qui rem alterius ab omnibus periculis etiam inexpectatis, & inexcogitabilibus velit assicurantem se exhibere. Quamobrem assicuratio facta a tali determinato periculo, puta naufragio, non se extendit ad alia pericula, puta piratarum, vel infidelitatis naucleri: hinc si merces non naufragio pereant, sed alio infornio, non tenetur assicurans damnum compensare. Si tamen fiat in forma amplissima pro omni, & quocumque periculo, valebit; immo si unum tantum excipiat periculum, se ceteris obnoxium reddere declarat assicurans. Oportet tamen, ut res in situ maneant, in quo sunt assicuracioni obnoxie: hinc si quis merces, in tali navi sub diti naucleri regimine positas, a naufragio, vel a piratis assuretur, & deinde in aliam infcio assurentem transferantur, alique nauclero tradantur, assurentis, et si naufragio pereant, vel piratæ prædentur, non tenetur damnum compensare; cum & ipsius navis condicio, & naucleri peritia multum conferre possit, & soleat ad pericula vitanda.

X. Assurans, qui simulat se habere in bonis, unde rerum assurentarum pretium, si pereant, solvere possit, & revera non habet, injuste, & dolose agit; & tenetur tum pretium assicuracionis acceptum restituere, tum damna,

& detrimenta, quæ mercatori obvenissent, quorum est causa injusta, farcire. At si non totum pretium, sed partem pretii solvere potuisset, licebit ne sibi saltem partem pretii pro assicura-
 tione acceptam retinere? Non puto, nam adhuc dolus est dans causam contrahendi: nunquam enim asscurans cum eo asscuratore contraxisset quem novisset non esse solvendo parum.

CAPUT QUARTUM.

De Ludis præsertim Aleatoriiis & Clericorum: nec non de sponsonibus & sortibus.

DOCTRINA.

- I. Triplex Ludi genus.
- II. Ejus definitio.
- III. Ludi causa lucri illiberales.
- IV. Ludi alii mere artis, & industria, alii sorte, & fortuna innixi.
- V. Quam libérales, boni, & liciti.
- VI. Non omnes tamen Religiosos decet.
- VII. Aleatorii ludi illiberales, & illiciti.
- VIII. Aleatorii ludi, in quibus uno jactu magna pecunia exponitur, pessimi.
- IX. Illos detestantur SS. Patres, & Concilia.
- X. Jure nature illicitos pronuntiant antiquiores Theologi, & Canonistæ.
- XI. Offendit ipsa naturalis ratio.
- XII. Ludi aleatorii Clericis, & Religiosis vetiti a sacris Canonibus, & Conciliis.
- XIII. Illorum statuta antiquata dici non possunt.
- XIV. Specialiter tamen vetantur Regularibus.
- XV. Quid sit sponso, & quando licita.
- XVI. Quænam illiberalis, & illicita.
- XVII. De ludis Olle, seu Lotariæ.
- XVIII. Argumenta in favorem ludorum dissolvuntur.

XIX. Ludi etiam libérales quomodo injus-
 ti esse possint.

XX. Quando violetur justitia in ludis
 aleatoriis.

XXI. Quando in ludis arte, & fortuna
 mixtis.

XXII. Quando injusti Insores ad restitutio-
 nem teneantur.

XXIII. Num qui lucrantur in ludo aleato-
 rio, lucrum possint sibi retinere.

XXIV. Quibus restituere debeant.

XXV. Quid de legibus civilibus censendum.

I. S. THOMAS in IV. Dist. 16. art.
 2. triplicem distinguit ludorum
 speciem, scribens: „ Ludorum triplex
 „ est differentia. Quidam enim ludi
 „ sunt, qui in se ipsis turpitudinem
 „ habent, & tales ludi ab omnibus
 „ vitandi sunt, & præcipue a pœnitentibus,
 „ quibus, qui per sœtum peccata corri-
 „ gere debent; sicut ludi, qui in
 „ Theatris agebantur, ad luxuriam
 „ provocantes. Alii ludi sunt, qui ex
 „ gaudio devotionis procedunt, sicut
 „ David dixit, ludam, & vilior flam-
 „ coram Domino; & tales ludi non sunt
 „ vitandi, sed laudandi, & æmulandi.
 „ Quidam autem sunt nullam turpitu-
 „ dinem habentes, quos Philosophus
 „ libérales appellat; & hi sunt materia
 „ virtutis, scilicet Eutrapeliæ: ideo
 „ servatis debitis circumstantiis possunt
 „ laudabiliter fieri ad quietem propriam
 „ & aliis delectabiliter convivendum.“
 Quam S. Thom. doctrinam paucis com-
 plexus S. Antoninus 2. P. dist. 2. tit. 1.
 cap. 24. docet: „ Triplex est ludus.
 „ Primus proveniens ex magna devo-
 „ tione, & hic promovendus. Secun-
 „ dus contingens ex humana delectatio-
 „ ne, & hic tolerandus. Tertius pro-
 „ cedens ex diabolica suggestionem, &
 „ hic vitandus“. De ludis itaque ex
 pic-

pietate, & religione proficiscuntibus ad nos differere non pertinet. De ludis vero turpibus, & ad luxuriam provocantibus dicemus in ealce hujus disputationis. Solum igitur hic ad examen ludos revocamus, qui ad delectationem, animique levamen ordinantur.

II. Hujusmodi vero ludi ab Ang. Præc. 2. 2. qu. 168. a. 2. definiuntur *ludicra, vel jocosa dicta, vel facta, in quibus non quaritur nisi delectatio animalis*. Ludus enim, ait Genettus Traß. 6. cap. 3. qu. 1. „proprie inventus, & „introducitur tanquam remedium ad „reficiendas, teparandasque animi vires: & quemadmodum somnus ad „vires corporis refocillandas infervit; „ita ludus institutus est, ut aliquantulum a seriis averteretur animus, „& aliqua intermissione vires diuturnis „negotiis, curisque fatigatas repararet, „& deinde novis laboribus magis idoneus redderetur“.

III. Ex qua S. Thomæ, & Genetti doctrina patet a vero aberrare recentiores Casuistas, dum ludum definiunt *contractum, quo ludentes res suas periculo exponunt propter spem rei alterius acquirende*, quasi ludi natura in ea pactione posita sit, ejusque finem constituat spes lucri, quod est actum virtutis in vitium commutando pervertere. Nam, ut optime docet S. Thom. I. I. „Habitus „secundum rationem operans est virtus „moralis. Et ideo circa ludos potest esse „aliqua virtus, quam Philosophus *Eutrapeliam* vocat: & dicitur aliquis „Eutrapelus a bona conversatione, „quia scilicet bene convertit aliqua dicta, vel facta in solatium“. Lucrum itaque quæritur in ludo præsertim per se, & principaliter, statim ipsum ludum inficit, & vitiosum reddit, ut ad unum omnes fatentur antiquiores Theo-

logi. D. Raym. lib. 2. de negot. sec. „Quam magnum peccatum sit „(aleis ludere) patet inter alia ex „novem, quæ in talibus ludis attenduntur. Primum, desiderium lucrandi, di, ecce cupiditas, quæ ex radice „omnium malorum“. S. Antoninus I. cit. „Ludus aleæ est peccatum mortale secundum Raymundum. . . quod „credo verum, quando ex cupiditate „quis ludit, scilicet principaliter mortus non ob recreationem, sed ad acquirendum quid notabile per lulum, Dionysius Carthusianus de Laud. Vitæ Conjug. cap. 41. „Ludus tunc est illicitus, dum ex desiderio lucrandi „quis ludit“. Abulen. in cap. 6. Matth. q. 53. „Cum sit animo lucrandi, di ut solum lucrans habeat pecunitiam, ludus non est licitus, eo quod finis „est inhonestus, scilicet accipere id „quod est alienum, nihil conferendo „ejus, cujus est“. Et q. 55. subdit: „In ludo taxillorum cum intendat ludens spoliare proximum, quod etiam „intendit raptor, dicitur committere rapinam“. Navarrus in Manual. cap. 19. n. 18. „Legē prohibetur etiam „ludus industria, & arte potius, quam „fortuna nixus, quo æque vel principaliter luditur causa lucrandi, ac „relaxandi animum, tum quia est inordinatus lucrandi actus, cum rei in „unum finem ordinatæ fiat usus in „aliud fere semper contrarium; tum „quia ludus, ad honestam animi recreationem inventus, vertitur in negotiationem turpem“. Ex qua verissima doctrina patet, quam a vero aberraverit Recentior Probabiliorista, dum ludum, quem *contractum* definiit Casuistarum more, *quo ludentes conveniunt, ut victori præmium aliquod cedat ab ipsi depositum*, inter virtutis Eutrapeliæ actus

actus an numeravit ex doctrina plane contraria D. Thom., qui illum solummodo ludam virtutis actum appellavit, qui ad animi levamen unice inspicit. Id patet ex loc. cit. ubi dicit: „hu-
„ iusmodi autem facta, vel dicta, in
„ quibus non quaeritur nisi delectatio
„ animalis, vacantur ludrica, vel joco-
„ sa: & ideo necesse est talibus interdum
„ uti quasi ad quandam animae quietem „.
Et e contra in 4. dist. 15. q. 2. a. 4. quaestione. 3. ad 2. inter illicita enumerat, quod aliquis trahat alium ex cupiditate lucrando ad ludum. Quid, quod & ipsae seculares leges virtutem in ludo non agnoverint, nisi cum abest lucrandi animus? Tit. de Aleat. ff. 11. L. solent. „ Senatus consultum vetuit in
„ pecunia ludere, praeterquam si quis
„ cetera hasta, vel pilo jaciendo, vel
„ currendo, saliendo, luctando, pu-
„ gnando, quod virtutis causa sit „.
Immo Stagyrtes ipse, licet gentilitatis tenebris obvolutus, lucrum ex ludo inter illiberales actus enumeravit, & aleatores furibus coequavit, scribens Ethic. 4. cap. 3. „ Aleator, & fur . . . ex
„ illiberalibus etiam ipsi sunt, cum
„ turpi lucro dediti sint . . . Utrique
„ igitur cum, unde non oportet, ve-
„ lint lucrum comparare, turpi lucro
„ dediti sunt; atque omnes huiusmodi
„ acceptiones sunt illiberales „. Dis-
plicet igitur Thomistam asserere, S. Thomam evangelica luce perfunctum inter actus virtutis enumerasse ludum causa lucri, quem Aristoteles solo naturali lumine vitiosum esse, & illiberalem rectissime docuit; & quidem ex sola naturali ratione, quia ludus, cum non sit institutus ad lucrandum, qui in illo lucratur, unde non oportet, lucrum quaerit.

IV. Ludi autem alii industriae solum Patuazii Theol. Moral. Tom. V.

sunt, in quibus sola industria locum habet; cuiusmodi sunt ludus latruncu-
lorum, tabulae viridis, globorum mis-
silem, & similia: alii plane fortuiti, in quibus exitus a sola sorte, & fortuna pender; unde & aleatorii vocantur: alii denique mixti, in quibus fortuna, industria, & ars adiunguntur. Ita quidem recentiores Casuistae. At antiquiores Theologi duas tantum classes ludo-
rum agnoverint, industriae scilicet, & fortunae: mixtos enim ludos inter aleatorios connumerarunt. Unum asseram S. Antoninum loc. sup. laud. ita scribentem: „ Ludus aleae secundum Hie-
ron: intelligitur omnis ludus, qui
„ committitur fortunae, ut ludus taxil-
„ lorum; & idem videtur de chartis,
„ vel naibis, quamvis sit aliquid indu-
„ striae, principaliter tamen est fortunae
„ . . . & potest dici ludus aleae omnis
„ ludus, qui innititur fortunae princi-
„ paliter, etiam si fiat ibi aliquid de
„ industria, sicut ludus chartarum,
„ taxillorum, & alia huiusmodi „.
Hinc apparet nimium fidenter recentio-
rem Probabilioristam asseruisse: „ alea-
„ rum vocabulo illum duntaxat ludum
„ intelligi, quo sine chartis . . . mero
„ casu fortuito victoria obtinetur. Ita
„ enim communi sensu semper intellex-
„ ita fuit haec vox alea „. A quo com-
muni sensu recedit benignissimus Bu-
sembaum, qui lib. 3. tract. 5. cap. 3. dub. 13. scribit: „ Peccat item ludens
„ si ludus sit lege positiva prohibitus,
„ ut ludus alearum, & similes, qui
„ MAGIS in fortuna, & casu, quam in
„ industria fundantur „.

V. Ludi industriae, sicut & illi, in quibus robor, & dexteritas corporis adhibetur ad unicum animi solamen, & liberales dicuntur, liciti de se sunt, ut ex D. Thom. vidimus: dummodo

tamen omnes adfint prae circumstantiae, quae illos defendere valent, vel corrumpere. Huiusmodi autem sunt, quos notat S. Thom. laud. quaest. scribens: „Tria praecipue esse cavenda, quorum primum, & principale est, quod praedicta delectatio non quaeratur in aliquibus operationibus, vel verbis turpibus, & nocivis. 2. Ne totaliter gravitas animae resolvatur, unde Ambrosius dicit in lib. 1. de Officiis cap. 20. *Caveamus, ne dum animum relaxare volumus, solvamus omnem harmoniam, quae concentum quendam bonorum operum.* 3. Attendendum est, sicut & in omnibus aliis actionibus, ut congruat personae, tempori, & loco, & secundum alias circumstantias debite ordinetur, ut scilicet sit tempore, & homine dignus. 4. Ut ludus non fiat ob delectationem, & voluptatem in eo perceptam: alioquin vitiosus esset, cum delectatio, & voluptas per se non sit expehtibilis, sed in ordine ad finem honestum; cuiusmodi est quies animi ad ejus vires reficiendas reparandasque. Ita docet S. Thomas scribit: „Dicitur aliquis Entrepheus a bona conversatione; quia bene convertit aliqua dicta, vel facta ad solatium; & inquantum per hanc virtutem homo refrascatur ab immerantia ludorum, sub modestia continetur. Et in resp. ad 3. „Ipsae operationes ludi secundum suam speciem non ordinantur ad aliquem finem, sed delectatio, quae in talibus actibus habetur, ordinatur ad aliquam animae recreationem, & quietem. Et secundum hoc, si fiat moderate, licet uti ludo.“

VI. Ratione tertiae conditionis a S. Thom. positae ad honestatem ludi, non omnis ludus, etiam liberalis, Clericis,

& Religiosis decet: quia eorum gravitati, honestati, & decori status minime conveniunt, cuiusmodi sunt omnes ludi publici, & coram multitudinem habiti. Unde in Concilio Senodensi can. 25. statuitur, *ne Clerici in publico ludant pile, aut aliis ludis.* His accensenda & illae ludorum species, quae clamores, tumultus, corporis violentiam agitationem, vestium depositionem postulant, qualis est ludus Pileae pneumaticae (Pallone). Quamobrem sapientissime S. Carolus Borromaeus in Concil. I. Mediol. cap. de Armis indixit: „Clericalis Ordinis hominibus omne genus saltationis, & ludi, praesertim vero aleae, ac talorum interdicimus; prohibemus etiam globos, qui ligneis malleis impelluntur. Si autem valetudinis interdum causa parva pile, aut alio, non indecoro exercitationis genere uti contigerit, nec publice id faciant, nec pecunia intercedat in ludo.“ Ab illis quoque ludis abstinere decens est, qui vel jurgia, vel verborum contentiones secum ferunt, vel nimiam mentis postulant attentionem; cuiusmodi est larruncolorum, seu scaecorum ludus, qui mentem, animumque magis obruit, & fatigat quam levat, & leniat. Jam compertum est, quod narrat Baronius ad ann. 1061. n. 41. & 42. de Episcopo graviter a S. Petro Damiano reprehenso, quia larrunculis lussit; & quam gravem illi injunxit poenitentiam, recitandi scilicet meditando ter integrum Psalterium, abluendi pedes duodecim pauperum, eosque deosculandi, ac totidem nummos in elemosynam erogandi. Absit tamen, ut lethalis peccati reos velim Religiosos larrunculis ludentes; quin immo libenter doctrinae subscibo Peyri de Praelat. q. 2. cap. 2. §. 5. dicentem

centis: „ De ludo scecerum, seu la-
 „ trunculorum, an sit licitus, & Reli-
 „ giosis permittas, dubitant. E contra
 „ vero hunc ludum esse Religiosis per-
 „ missum alii docent. Cui opinioni sub-
 „ scribo ea lege, ut nullo proposito
 „ præmio ludatur, horis solum, & tem-
 „ poribus congruis, absque arbitris ex-
 „ traneis, & modo cultus divinus non
 „ omittatur: cum enim non sit jure
 „ aliquo prohibitus, immo concessus,
 „ cum industria nitatur, Religiosis, qui
 „ dicto modo utuntur, non est dene-
 „ gandus.”

VII. Aleatum vero ludi, sive indu-
 stria admixta sit, sive sola fortuna lo-
 cum habeat, si lucri causa fiant, illi-
 iberales sunt, & non nisi raro in aliquo
 singulari casu omni culpa vacante: sunt
 autem magis, vel minus mali, juxta
 quod magis a sorte pendent, quam ab
 industria. Et quidem males esse hujus-
 modi ludes ex ipsa lucrando cupiditate
 fateri, & Jocere vidimus nobiliores
 Theologos, & Canonistas, quos saepe-
 rius n. 3. laudavimus. Et revera D.
 Thom. 2. 2. q. 77. a. 4. docet, &
 ipsam mercaturam Reipublicæ omnino
 necessariam, si propter lucrum fiat,
 quandam habere turpitudinem: quanto
 magis igitur turpis erit lusus, qui non
 ad lucrum, sed ad animi solatium in-
 stitutus est, unde ordo pervertitur?
 Hunc autem turpitudinem magis appa-
 rere dixi in ludis illis, qui magis a sor-
 te pendent, quam ab industria: tum
 quia magis apparet desiderium lucrandi;
 tum quia fortis præmium datur,
 quod non meretur. Audiat S. Fran-
 ciscus Salesius Philothæ lib. 3. cap. 32.
 scribens: „ Taxillorum, chartarumque
 „ lusoriarum, & hujusmodi ludi, in
 „ quibus lucrum a fortuna pendet, &
 „ casu, nedum perniciosi sunt animi

„ oblectamenta ad instar chorearum,
 „ sed simpliciter, & natura mali, &
 „ viruperandi; quamobrem civilibus,
 „ canonicisque legibus interdiciuntur.
 „ At quid mali, dices, in eis? Lucrum
 „ ex eis non est secundum rationem,
 „ sed sortem, & casum sæpissime illi
 „ faventem, qui industria sua, & arte
 „ nihil meretur. Rationi igitur adver-
 „ satur. Sed ita convenimus, inquis.
 „ At id quidem ostendit, lucrantem
 „ aliis injuriam non inferre; sed hoc
 „ non impedit, quin hujusmodi con-
 „ ventio rationi non adverferet, &
 „ ludo; quoniam lucrum, quod indu-
 „ striæ esse deberet præmium, pretium
 „ efficitur casus nullum merentis præ-
 „ mium, cum a nobis nullo modo de-
 „ pendeat.” Cum S. Francisco Salecio
 consentiunt & S. Carolus Borromeus,
 & S. Bernardinus Senensis, Jo: Sarisbe-
 riensis, Thomas Cantipratensis, & in-
 numeri pene alii Doctores Theologi.

VIII. Pessimi sunt, & omnino dete-
 standi ludi lucrativi, qui unico jactu
 tesserarum, vel chartarum perficiuntur,
 quocumque vocentur, juxta varia idio-
 mata, vocabulo; in quibus, nisi par-
 vitas materiæ ludo expostæ excuset,
 lethale peccatum non effugitur. Hos
 enim ludos omnes detestantur, & ve-
 tant 1. & ipsi Ethnici Philosophi, qui
 aleatores furibus æquant, ut Aristoteles
 4. Ethic. cap. 1. Cicero pluribus in li-
 bris eos ludos insectatur, & præsertim
 Philip. 2. M. Antonium hominem omnium
 nequissimum appellat, qui non dubitaret
 vel in foro alea ludere, lege, quæ est de
 Alea, condemnatum. 2. Leges omnes
 civiles, tum Ethnicorum, ut ex Cice-
 rone vidimus, tum Christianorum Prin-
 cipum eos vetant, prohibent, detestantur,
 nedum antiquiores, sed & recentio-
 res, immo & recentissimæ; cuiusmo-
 di

di sunt novissimæ leges Regum Galliarum, Hispaniarum, Iuvicissimæ Imperatricis, & Reginæ Hungariæ, Regum Siciliæ, Sardinia, & omnium fere Europæ Principum, & Rerumpublicarum, qui severissimis interminatis pœnis, etiam infamiae, hosce ludos vetant, immo omni robore catere, proinde nullos declarant. Turcæ vero, & ceteri Infideles hosce ludos nec norunt: quod quam probro sit christianis, quisque videt, & desistere deberet.

IX. Quam acriter vero in hosce ludos, & lufores insurrexerint SS. PP. nullus est, qui ignorat; immo & ipsimet faveant Probabilitæ. Unum, vel alterum proferam. Auctor Oper. de Aleat. inter opera S. Cypriani: „Aleatrics manus libidinose studio consueverunt, id est, aleæ tabulæ; quod est Diaboli venabulum, & delicti, vulnus insanabile. Aleæ tabulam dicco, ubi Diabolus præsto est, ad capiendum summiffus. . . . Tabulam aleæ dico, ubi dementia, & furia. . . . ubi possessionum amiffio, & pecuniarum ingentium perditio, inordinum, furax dementia. . . . Alea alius mali, & supplantatio amici, quæ nec lucrum confert, sed totum consumit“. S. Isidorus Orig. lib. 18. cap. 6. de interd. ale.: „Ab alea, fraus, & mendacium, atque perjurium nunquam abest, postremo & odium & damna rerum; unde & aliquid quando propter hæc scelera interdicta, legibus fuit“. S. Ephræm ser. de Abren. „Væ alearum luforibus, quandoquidem se a corpore & sanguine, D. N. J. C. alienos reddunt, sicut Spiritus Sanctus per sanctos admonuit Apostolos“. S. Bonaventura in Spec. Animæ: „Fruftus rapinæ est ludus alearum, seu taxillorum, qui

„prohibitus est a jure canonico, & civilis: unde de hoc dicunt quidam, quod sit peccatum mortale, eo quod sit contra jus canonicum, & civile; & quod ex ludo habeatur, nullo bono titulo possideretur, nec potest retineri“. Reponunt Probabilitæ, hos Patres excessum in ludo, & circumstantias tantum vituperare, non ipsum ludum in se. Utique in omnibus excessum, & immoderantiam reprehendunt Patres, etiam in rebus de se bonis, ut in elemosynis, quemadmodum S. August. in ep. ad Edictum, in vigiliis, in jejuniis, solitudine &c. At quandam de elemosyna, de jejuniis, de abstinentia tam acriter locuti sunt Patres, sicut de aleis, & aleatoribus? Non itaque excessum, ac immoderantiam, sed ipsum aleatorium ludum in se & detestantur, & horrent. Patribus consentiunt Concilia, Can. 42. inter eos, qui Apostolici dicuntur, statuitur: „Episcopus, aut Presbyter, aut Diaconus aleæ, aut ebrietati vacans deponatur. . . . similiter & laicus“. In sexta Synodo Constantinopolitana indicitur: „Nullus omnino sive ab hoc deinceps tempore alea ludere permittatur: qui secus fecerit, excommunicetur“. At hi canones, inquam benigniores Theologi, non amplius obtrinent. Sit, ut lubet, quoad pœnam: at per hoc ablata ne est iniquitas ludi, & luforum, qui tanta pœna digni habiti sunt?

X. Canonistæ omnes, & Theologi, qui ante Probabilissimi exordium scripserunt, ludum aleatorium, qui brevi iactu perficitur, & in quo gravis pecuniæ summa periculo exponitur, tanquam illicitum jure naturæ, & graviter prohibendum agnoverunt, licet diversis pernotati rationibus. Nonnulli enim reprobarunt ratione cupiditatis rei alienæ, ut S.

S. Raymundus super. cit. quæ cupiditas profecto a ludo, de quo loquimur, nunquam abest; cum ad hoc institutus unice appareat. S. Raymundo adheret & S. Antoninus, cujus verba super. n. 3. recitavimus, & novissime Comitulus lib. 3. q. 7. idem confirmat. scribens: „Multi, in quibus gravis est innocentie vitæ, & doctrinæ auctoritas, sentiunt & probant, mortiferum hunc esse animæ ludum, quando cupiditate alicujus magnæ rei lucrificandæ infituitur“. Alii, quia utroque jure civili & canonico vetitus est. Alii, quia in ludo multa fere semper committuntur peccata; ut S. Bonaventura, qui ita in speculo scribit: „In ludo multa committuntur peccata, scilicet fraus, mendacium, perjurium, blasphemia, scandalum, amissio temporis“. Gravitate autem peccati non excusant, nisi cum levis est pecunia, quæ ludo exponitur; ut S. Antoninus, qui postquam statuit veram esse S. Raymundi doctrinam, ludos lucratorios, de quibus loquimur, esse in se graviter culpabiles, hanc unam addit exceptionem: *Ludere quid modicum, ut pueri faciunt, vel ob recreationem, & moderate, non videtur esse mortale.*

XI. Confirmat meo videri eandem veritatem & ipsa naturalis ratio. Nam ludus mere lucrativus, & aleatorius decimo adversatur Decalogi præcepto, *non concupiscas rem proximi tui*. Qui enim eum adhibet ludum, non aliud aliud cupit, & intendit, quam re sua proximum spoliare, quin illi aliquid conferat de suo: quod non contingit in aliis contractibus, in quibus alter quidem alterius vel pecuniam, vel rem concupiscit, & simul de suo aliquid confert; & æqualitas servatur. At in ludo non nisi socium secundo pecuniæ sanguine exhaustum optat videre alector, Quamobrem me-

rito & ipse Stagyrius scribit lib. 4. Ethic. „Alterius detrimento fieri locum, plerumque magis est contra naturam, quam mortes, & morbi“. Maxime, inquit recentior Probabiliorista: „qui ludit ex intentione primaria lucrandi cum communiori Cajetani, & Sotii non peccat lethaliter; quia revera non desideratur damnum proximi, sed desideratur res proximi, ut ad ludentem perveniat modo iusto“. Corrigatur igitur decimum præceptum Decalogi, ubi dicitur, *non concupiscas rem proximi tui*, sed dicatur, *non concupiscas damnum proximi tui*. Sed quando non concupiscitur damnum proximi, dum omnis adhibetur fortis conatus, ut damnum illud incurrat? Quia, scribit, *desiderat, ut res ad ludentem perveniat modo iusto: & quemadmodum non est lethale, desiderat etiam rem pretiosissimam, ut sibi perveniat modo iusto, puta donatione, vel alio iusto titulo; ita in presenti*. At quisnam Legislator inter modos iustos rem alienam obrinendi ludos aleatorios enumeravit? Nonne ipso facto, quo ludus instituitur in hunc finem, jam pravus, jam illicitus est, ut superius n. 3. ex doctrina S. Thom. & aliorum Theologorum clare ostendimus? Et quoniam pro se Cajetanum laudat, audiat, quid scribat in Sum. V. Ludus: „Septimo ex abusu, dum multi ludo, qui causa recreationis licitus, & sanctus est, abutuntur, ut negotiatione ad lucrum, ita quod non ludunt propter delectationem, principaliter, & pecuniam ponunt, quasi stimulum ad vere ludendum; sed ludunt principaliter propter lucrum“. Præterea si laudati Theologi argumentum urgeret, evinceret veram esse propositionem 14. ab Innoc. XI. damnatam, asserentem: *licere ab-*
so-

solutio d. filio cupere mortem patris, non quidem ut malum patris, sed ut bonum cupientis, quia nimirum ei obventura est pinguis hereditas. Nam iste filius non damnum patris cupit, sed rem patris, & ut ad se perveniat modo iusto; cuiusmodi est mors patris naturalis a Deo proveniens, quæ profecto nec illicita, nec iniusta. At subdit, nonne licet desiderare rem etiam pretiosissimam, ut sibi perveniat donatione? Fateor. At donatio inter legitimos contractus in utroque jure enumeratur: & qui donat rem etiam pretiosissimam iusta de causa, actum exercet virtutis liberalitatis; & ipse quidem rem amittit temporalem, quam donat, ac bonum animæ adipiscitur spirituale, scilicet virtutem. Quod si *lucrum* (prosequitur 1. Theologus) *intentum prævideretur allaturum familiæ colludentis grave detrimentum, secus dicendum.* At quare? Non & tunc ludens non detrimentum, sed rem familiæ desiderat, ut ad se perveniat modo iusto? Cur damnum, & detrimentum familiæ colludentis ludum reddit illicitum, damnum vero, & detrimentum ipsius ludentis ipsum non iniustum reddit, & illicitum? Quia, inquit, iste consentit, ille non consentit. At quis potest ne licite consentire in grave suum detrimentum, ut ludat? & colludens hoc detrimentum velle, ut ludat, & lucretur? *Sicut noxius est* (dicitur Proverb. 26. v. 18.) *qui mittit sagittas, & laqueos in viam: ita vir, qui fraudulenter noceat amico suo: & cum fuerit deprehensus, dicit: Ludens feci.* Quamobrem & falsum puto, quod subdit: „ Si quis „ autem modeste ludendo intenderet „ & lucrum, non propter ipsum lucrum „ sed ut filii dotem convenientiorem con- „ stitueret &c. tunc nec venialis forte vi- „ detur “. Nam quinam est iste mode-

ratus lusus, qui convenientiorem dotem statuere potest? Profecto lucrum unius, aut alterius obuli; vel, si lubet, etiam unius, vel alterius aurei dotem non constituit convenientiorem. Oportebit igitur, ut ludo non parvam pecuniam exponat, ut parem augendæ doti lucretur, si artifex sit, si mercator centum aureos, si nobilis, si in dignitate constitutus, saltem quingentos, vel fortasse mille. At moderatus ne dicendus ludus, in quo tanta exponitur pecunia? Verum finge hanc pecuniam in ludo amitti. Jam filii non convenientiorem, sed nec necessariam dotem dare poterit: licebit ergo ludere, ut necessariam dotem recuperet. Ea recuperata, ut convenientiorem indispiscatur, iterum ludere poterit. Quid, si plures filias habeat? pluries ludere poterit. Quid, si filios collocandos, nepotes, & nepores adjuvandos habeat? pro omnium utilitate ludere poterit. At si ludo lucrari conceditur in aliorum beneficium, quis prohibere poterit, ne in propriam utilitatem ludat, ut scilicet lucro convenientiorem vitam ducat minus laboribus, & sollicitudinibus gravem? Quædiu igitur durabit lusoria ista negotiatio? Procul dubio, si opus sit per plures annos: & tamen fortassis nec veniale peccatum committet. Ita esse oportet, ut, qui semel relicta veritatis via interstitiunt, quo magis progrediuntur, semper magis, ac magis aberrent. Verbis itaque conclusam doctrinam Comitoli lib. 3. q. 8. „ Non „ ius est ludentibus hoc flagitiosum, & „ aleatorio ludo dominium suum alii- „ quod majoris momenti in alium trans- „ ferendi. Quia ejus transferendi nul- „ lus honestus, nullus iustus est titulus: „ quandoquidem ipse ludus cupiditare „ lucri totus inficitur, nec titulum pro-
crea-

„ creare potest iustum. Nam iustus ti-
 „ tulus cur non bonus? Quare quod
 „ contra divinam, & naturalem, &
 „ humanam legem perficere conantur,
 „ pro infecto habendum erit.

XII. Ludus aleatorius, & luerativus
 Clericis, & Religiosis est omnino veti-
 tus. Si hujus prohibitionis monumenta
 omnia afferre vellem, nimius profecto
 essem: nonnulla itaque, & quidem lu-
 culentissima recitabo. Canones, qui
 Apostolici nominantur, 41. & 42. sic
 statuunt: „ Episcopus, vel Presbyter
 „ aleis, ac ebrietatibus vacans vel ces-
 „ ser, vel deponatur. Subdiaconus
 „ autem, aut lector, aut cantor simi-
 „ lia faciens aut designat, aut commu-
 „ nione privetur“. In Concil. Lat. IV.
 can. 16. in cap. Clerici indicitur, „ Cle-
 „ rici... ad aleas, vel taxillos non
 „ ludant, nec hujusmodi ludis inter-
 „ sint“. In Authent. de Sanctis. Epif.
 §. Interdicimus L. 1. tit. 3. „ Interdi-
 „ cimus Sanctissimis Episcopis, & Presby-
 „ teris, & Diaconis, & Subdiaconis,
 „ & Doctoribus, & aliis cujuslibet or-
 „ dinis... ad tabulas ludere, aut
 „ aliis ludentibus participes esse, aut
 „ inspectores esse... si quis autem
 „ in hoc deliquerit, jubemus hunc tri-
 „ bus annis a venerabili mysterio pro-
 „ hiberi, & in Monasterium redigi“.
 Quo Decreto Glossa declarat, vetitos
 esse Clericis etiam ludos aleatorios sine
 lucro, sic enim ait: „ Numquid lu-
 „ dere gratis ad tabulas potest? Resp.:
 „ quod non: cum etiam spectacula hic
 „ prohibeat“. Hos antiquiores cano-
 nes confirmavit, & innovavit Trid. Syn-
 odus sess. 22. cap. 1. de Ref. indi-
 cens: „ Statuit S. Synodus, ut quæ alias
 „ a Summis Pontificibus, & a Sacris
 „ Conciliis de Clericorum vita, hone-
 „ state... aleis, ludibus... su-

„ giendis copiose, ac salubriter sancita
 „ fuerunt, eadem in posterum inflexim
 „ pœnis, vel majoribus, arbitrio oc-
 „ dinarii imponendis, observentur“.
 Quod repetit sess. 24. cap. 14. Conci-
 lia quoque, sive Provincialia, sive Diœ-
 cesana idem præceptum frequentissime
 inculcant. Duo proferam in Italia ce-
 lebrata. Concil. Mediol. 1. præside S.
 Carolo Borromæo statuit par. 2. de ar-
 mis, & ludis: „ Clericalis ordinis ho-
 „ minibus omne genus saltationis, &
 „ ludi, præsertim vero aleæ, & talo-
 „ rum interdiciamus“. Synodus Far-
 fenfis cap. 22. „ Aleas, chartasque
 „ lusoria, ac similia... sibi omnino
 „ per sacros Canones interdicta esse
 „ scire debent Clerici“. Novissime
 easdem leges confirmavit Innoc. XII.
 Const. quæ incipit: *Apostolici*, quam
 Benedictus XIII. innovavit, & confir-
 mavit Constit. *In supremi*. Hinc Cano-
 nistæ, & Theologi etiam recentiores
 hoc præceptum sub mortali Clericos
 obligare declarant. Jacobus de Grassis
 Decif. aur. par. 2. lib. 3. cap. 9. scri-
 bit: „ Item ludus aleæ & tali dubio
 „ procul sunt Clericis prohibiti, ...
 „ igitur tales ludi cum sint in utroque
 „ jure prohibiti, ludentes peccant
 „ mortaliter secundum Hugonem in
 „ dict. cap. Episcopus“. Navarrus in
 Manuali cap. 10. n. 9. „ Lege etiam
 „ ad mortale obligante prohibentur
 „ Monachi, & Clerici beneficiarii, vel
 „ in sacris ordinibus constituti, ludere
 „ hujusmodi ludis aleæ, sive fortunæ
 „ illicitis notabilem quantitatem, præ-
 „ sertim de fructibus beneficiorum...
 „ quia Canones jubent, Clericum ob
 „ aleæ lufum deponi ab officio, vel be-
 „ neficio: quod mortalem culpam præ-
 „ supponit... dixi præsertim de
 „ fructibus beneficiorum, quia idem
 puto

„puto quoad peccatum, licet non quoad
 „restitutionem de his, quæ ludunt de
 „bonis patrimonialibus: nam ratione
 „solius ordinis, & professionis inter-
 „dicuntur eis hujusmodi ludi“.

XIII. Sed inquirunt, consuetudine ab-
 rogatos esse hujusmodi canones, & de-
 creta; cum ita obtinuerit etiam apud
 Ecclesiasticos ludendi mos, ut leges
 sint omnino antiquatæ: alioquin pluri-
 mos Ecclesiasticos dignitate fulgentes,
 & doctrina præstantes, reos lethalis
 peccati damnare deberet; quod quis
 dicere audebit? Sed audiant D. Hiero-
 nymum epist. 56. ad Ruf. „Peccantium
 „multitudo non parit errori patroci-
 „nium“; & iste non mos est, sed
 turpissima corruptela, ut dicit Innoc.
 III. cap. inter dilectos. Quamobrem
 nulla consuetudine præfatos canones,
 & decreta vel obsolescisse vel obsole-
 re potuisse optime docet, & ostendit Mo-
 nacellii par. 3. tit. 2. scribens: „Nec
 „ab hac ludendi aleis prohibitione ex-
 „cusat dictærum in ore vulgi positum
 „quod canones sint antiquati, & per
 „desuetudinem abrogati; cum passim
 „multi Clerici aleis ludant, nec pun-
 „niantur. . . . Etenim responderetur 1.
 „quod non minus ardebunt, qui cum
 „multis ardebunt, ut ait Glossa. 2.
 „Quod ludus iste prohibetur Clericis
 „sub gravi pœna depositionis ab offi-
 „cio, quæ mortalem culpam præsup-
 „ponit, & includit. . . . & sic, cum
 „asserta consuetudo sit nutritiva pecca-
 „ti, non consuetudo, sed corruptela
 „nuncupatur. . . . 3. Canones ludum
 „alearum Clericis prohibentes fuerunt
 „a Concilio Tridentino sess. 22. de
 „ref. expresse innovati, ibique abro-
 „gantur consuetudines in contrarium,
 „& injungitur Episcopis, ut eis non
 „obstantibus, canones quoad hoc obser-

„vare faciant, ne subditorum neglecta
 „emendationis ipsi condignas, Deo vin-
 „dice, pœnas persolvant (sunt verba
 „Concilii). Hinc duæ emergunt pro-
 „positiones, quæ lufosos devinciunt.
 „Altera, quod cum decretum conci-
 „liare contineat clausulam irritantem,
 „excluditur contra illius dispositionem
 „omnis prætensa contraria consuetudo
 „. . . . Altera, quod Episcopus, nisi
 „velit ipse pœnas pro culpis Clerico-
 „rum ludentium coram Deo persolve-
 „re, non potest eos in hoc malo abusu
 „tolerare, nec excusare. . . . Amplia-
 „tur iste effectus, ut in tantum sit ve-
 „rum, quod Clerici ludentes non pos-
 „sunt excusari contraria consuetudine,
 „quia talis consuetudo est damnata,
 „& dicenda potius corruptela. . . .
 „Et ut Lector adde, quod hæc con-
 „suetudo non excusat apud Deum,
 „sed accusat“. Iterum opponunt,
 „præfatis canonibus non absolute ludum
 „sub tanta pœna, tantoque rigore pro-
 „hiberi, sed assuetudinem, usum, fre-
 „quentiam ludendi: hinc non peccare
 „lethaliter Clericum si aliquando aleis
 „ludat. At his responderet S. Antoninus
 „par. 2. tit. 1. cap. 23. „Et quamvis
 „Guilelmus dicat, quod tunc est mor-
 „tale, quando ducitur in consuetudi-
 „nem, istud de se non videtur verum,
 „quia consuetudo, etiâ aggravat pec-
 „catum, non tamen mutat speciem
 „peccati, vel genus, ut de veniali
 „fiat mortale secundum B. Thomam:
 „sicut etiam vitium ebrietatis, cui
 „ludus in pœna æquiparatur, etiam
 „semel commissum advertenter est
 „mortale, sed frequenter hoc faciens
 „videtur hoc agere ex cupiditate“. Et Abul. in cap. 6. Muth. q. 83.,
 „Clerici semper peccant, quando lu-
 „dunt ad taxillos, & aleas; tamen
 „non

„ non semper eis imponitur pœna de-
 „ positio nis , aut excommunicationis ;
 „ quia nec solent ista imponi pro quo-
 „ libet peccato mortali , sed pro ma-
 „ gnis solum , ubi est contumacia , &
 „ incorrigibilitas “ .

XIV. Quod si Clericis omnibus alea-
 torii ludi vetiti sunt , multo magis Re-
 ligiosis Regularibus interdiciuntur ; immo
 ludi omnes etiam meræ industriæ , &
 qui liberales dicuntur , si lucratorii
 sint , & præsertim si pecunia ludo ex-
 ponatur , vetiti sunt habendi . Ratio 1.
 partis est , quia Regulares præterquam-
 quod iisdem canonibus , & legibus Ec-
 clesiasticis subijciuntur , etiam ex pro-
 pria cujusque Ordinis regula ab aleato-
 riis ludis etiam afflictivis pœnis arcen-
 tur . Secundæ vero partis ratio ex voto
 paupertatis ab ipsis emissio deducitur ,
 per quod omnem etiam licitum lucrum , &
 præsertim pecuniæ cupiditatem , & po-
 testatem a se abdicarunt . Hinc quoties
 ludo exponunt pecuniam , vel aliam
 rem pretio æstimabilem , peccant contra
 paupertatis votum , vel leviter , vel
 graviter juxta rei quantitatem . Nec illos
 excusat licentia Prælati , vel præsum-
 pta , vel etiam concessa : quia Superio-
 res nec præsumuntur , nec possunt veni-
 am largiri expendendi pecuniam ludo ,
 cum voti paupertatis non dispensato-
 res , sed custodes sint , & sartum te-
 stumque tueri tenentur ; nec licentiam
 pecuniam expendendi , nisi in rebus li-
 citis , & honestis , queunt elargiri .
 Porro ludi , in quibus pecunia exponi-
 tur , cum cupiditate inficiantur , & fini
 ludi adversentur , licet de se honesti
 sint , & liberales , statim perveritate
 inquinantur . Ita docet S. Antoninus
 p. 2. tit. 1. cap. 23. „ Religiosi , si
 „ quæ haberent ad usum suum , vel per
 „ administrationem , illa tamen dona-

Patuzzi Theol. Moral. Tom. V.

„ re , vel alienare non possunt illicite ,
 „ ut in ludis “ . Abulensis in cap. 6.
 „ Matth. 9. 34. Monachis ludere nun-
 „ quam liceat , eo quod ipsi nihil pro-
 „ prium habere possint , de quo lu-
 „ dant ; & daro quod interdum alicui
 „ Monacho data sit administratio ali-
 „ cujus pecuniæ ad sustentationem
 „ suam , puta si esset in studio , non
 „ liceret ludere ; quia nomine susten-
 „ tationis non intelligitur expositio pec-
 „ uniæ ad ludum , etiam quando pec-
 „ cunia debet verti in cibum , & po-
 „ tum ludentium , etiam quia repugnat
 „ honestati & gravitati Monachali sic
 „ ludere “ . Genetius Tom. 1. tract.
 „ 6. cap. 5. q. 1. „ Religiosi professi ,
 „ quibus Superiores aliquid in proprios
 „ usus infundendum relinquunt , hoc
 „ tamen in ludo alienare non possunt ,
 „ quia hic usus Religiosis licitus non
 „ est “ . Gabriel Ansoine de oblig.
 „ spec. cap. 2. q. 5. „ Qui in ludo ali-
 „ quid lucratus est ex bonis Religiosi
 „ . . . tenetur illud restituere Religio-
 „ ni , perinde ac si accepisset a fure “ .
 „ Igitur cum pecunia , vel res generaliter
 „ conceditur a Superiore , intelligi debet
 „ concedi solum in usus honestos , neces-
 „ sarios , vel utiles , & statui Religioso
 „ decentes . Non est igitur , ut probabilis ,
 „ in praxi tenenda illorum Theologorum
 „ opinio , qui docent licere Regularibus
 „ aliquid pecuniæ ludo exponere , & quan-
 „ titatem limitant ludo , ut ipsi putant ,
 „ licite exponendam , nimirum juxta quan-
 „ titatem concessi peculii ; puta cui cen-
 „ tum aurei concessi sunt , possit sex , aut
 „ septem , cui quinquaginta , solum tres ,
 „ aut quatuor , cui triginta , binos , vel
 „ ternos in anno ludo consumere . Sed
 „ quis sapiens non obstupescat , audiens
 „ Regulares Christi patrimonium a piis
 „ fidelibus oblatum posse ludo consume-
 „ re ;

C c

re; & qui offitium panem manticis super humeros delatis mendicant, vel de sponte oblati vivunt, in crumena aurum habere, quo ludant; Verum hanc spartam egregie ornavit P. Daniel Concina de discipl. Apost. Monast. par. 1. diss. 6. cap. 4. per plures paragraphos, ad quos Lectores remittimus.

XV. Ad ludos aleatorios revocantur & sponfiones, & ludus ollæ, qui novo vocabulo lotariæ dicitur. De utroque pauca dicemus. Sponfio (Italice *scommessa*) definitur potest conventio, *qua duo, pluresve de rei alicujus eventu, aut veritate dissidentes paciscuntur aliquam pecuniæ summam, vel aliud pretio estimabile, solvendum vera sustinenti*. Duplex esse potest hujusce sponfionis objectum, seu materia: nimirum vel aliquid honestum opus, quod ab arte, industria, peritia alterius omnino penderet; puta quod non valeat triginta milliaria pedestri itinere una die conficere, vel integrum Plasterium addiscere, aut memoriter recitare, & similia: vel aliquid, quod omnino a fortuito casu, vel latentibus causis penderet; puta quod tali die pluerit; quod mulier prægnans masculum pariet, quod exercitus alicujus Principis vel victor fuit, vel erit & sexcenta hujusmodi. Primum sponfionum genus nihil habet ex se turpitudinis, vel illiberalitatis; proinde licitum est, cum ab industria omnino pendeat, & arte alterius ludentis; & quandoque etiam virtuti inservire potest ad ingenium acuendum, memoriam exercendam, & studia promovenda. Quamobrem optime docet Peyrinus de Præl. q. 2. cap. 2. §. 5. „possunt Responfiones causâ virtutis probandæ sponfiones facere, v. g. quod melius recitabo memoriter, vel vulgariter, declarabo, quam alter hymnum,

„ales diei nuntius“. Fieri tamen possunt illicitæ hujusmodi sponfiones, 1. si sint de re de se mala, puta de vindicta capiendâ, de puella, vel honesta muliere sagaciter decipiendâ, de prægrandi vini copia uno haustu, vel una cœna epotandâ, & similia; vel de re periculosa, ut de voricoso flumine, vel sinu maris ventis agitato natatu pervadendo, vel de magno spatio uno saltu pervolando cum discrimine vitæ, vel membrorum: & tunc lethaliter peccant sponsores, & provocantes, & provocati. 2. Si magna sit pecuniæ copia, quæ tali sponfione promittitur. 3. Denique si frequentius, quam ratio, honestasque permittit, celebrantur.

XVI. Secundi vero generis sponfiones de se malæ sunt, illicitæ, & illiberales, & jure naturæ prohibitæ, & ab ipsis legibus civilibus simul cum aleatoriis ludis interdictæ; cum nullam habeant honestatem, & solum vel ex cupiditate oriantur, vel ex pertinacia: immo & apparente carent ludi honestate, cum nullam oblationem, vel animi levamen afferant, nisi spem illam rei alienæ sine ulla commutatione acquirendæ, & proximum spoliandi. Ita sentiunt nobiliores Theologi. S. Antoninus p. 2. tit. 1. cap. 23. „Queritur, „quid juris cum altercantibus duobus, „puta Petro, & Martino supra aliquo „rei eventu præterito, vel futuro, „puta morte alicujus Principis: unus „ut Petrus, afferit mortuum talem „dominum, vel venturum talem „Principem ad talem civitatem infra „certum tempus; quod si secus fuerit, „obligat se Martino daturum centum, „ita tamen, quod si ita est, ut asserit, Martinus, qui tenebat contrarium, vice versa teneatur dare Petro centum secundum conventionem factam:

„ factam: utrum tale lucrum sit licitum?
 „ Respondeo quod non sed turpe lucrum
 „ dici potest, procedens ex avaritia, & nul-
 „ li deserviens utilitati, sed vanitati, &
 „ prodigalitati “. Cajetanus 2. 2. q.
 „ 168. a. 3. ait: „ Turpe lucrum ap-
 „ pellatur, quod ludo acquiritur. Simi-
 „ le autem iudicium est de vocatis com-
 „ missis, videlicet cum aliqui disputan-
 „ tes de aliquo eventu futuro, com-
 „ mittunt suas pecunias, ut si evenierit
 „ pars affirmativa, lucretur mille, si
 „ negativa, perdat totum, vel minus,
 „ prout spes major pro altera parte est,
 „ detestanda quippe sunt huiusmodi “.
 „ At dum subdit, non esse peccatum
 „ mortale tantam pecuniæ copiam tali
 „ sponcione amittere, puto doctissimum
 „ virum a vero aberrare; cum prodigali-
 „ tas nunquam sit futura peccatum mor-
 „ tale, si talis non est in posito casu.
 „ Sylvestr. V. Ludus n. 6. „ Queritur,
 „ quid juris de eo ludo, qui usitatur
 „ crebro apud omnes, dum duo liti-
 „ gant super veritate alicujus sententiæ
 „ sub aliqua pœna, puta uno dicente,
 „ talis Princeps est moriuus, alio vero
 „ dicente quod non, ludunt autem au-
 „ rum lucrandum a veridico, & a fal-
 „ sidico solvendum? Et dico hoc non
 „ esse proprie ludum, cum hoc inven-
 „ tum non sit ac recreandas vires ani-
 „ malis . . . & secundum mentem
 „ Archidiaconi hoc esse peccatum, quia
 „ dicit hoc lucrum non esse licitum,
 „ sed turpe ex avaritia descendens, &
 „ nulli utilitati, sed vanitati deserviens,
 „ & prodigalitati: Peyrinus de Præl.
 „ Reg. q. 2. cap. 2. §. 102. „ Nunquam
 „ tamen licuit Religiosis, sive viris,
 „ sive feminis, sponciones facere super
 „ extractione Senatorum hic Genue;
 „ quia tales sponciones fiebant ob cupi-
 „ ditatem lucri, que omnino abesse
 „ debet a peccatoribus Religiosorum “. .

Passerius To. 2. de stat. q. 183. n.
 „ 319. „ Ego vero credo, quod cum
 „ sponcio sit ludus fortunæ, sit prohi-
 „ bitus Clericis, & Religiosis, sicut &
 „ alii fortunæ ludi. Huiusmodi enim
 „ sponciones non sunt, nisi iactus qui-
 „ dam taxillorum, ut pro puncto, quod
 „ advenerit, ludentes vel lucentur,
 „ vel perdant “. Rejicienda igitur Dia-
 „ næ sententia par. 3. tr. 9. ref. 61.
 „ docentis: „ Sponciones per se esse li-
 „ citas, quia nullo jure prohibentur,
 „ nec naturali, quia in sponcione ni-
 „ hil reperitur rationi dissonum, nec
 „ positivo, quia nullo tali prohiben-
 „ tur “. Nam manifestum est adversa-
 „ ri juri naturali, cum nonnisi ex avari-
 „ tia, cupiditate, prodigalitate, & per-
 „ tinacia oriantur: & in jure positivo ven-
 „ tantur, dum aleatorii ludi interdiciuntur.

XVII. Alter vero ludus, qui fortitio-
 „ nis, vel ollæ ab antiquioribus dicitur;
 „ sed recenter (cum novæ res novis po-
 „ stulent vocibus designari) *lotariæ* dicun-
 „ tur, sunt pariter conventionis inter
 „ plures, quibus modica persoluta a sin-
 „ gulis pecunia, magnum, immo & ma-
 „ ximum speratur lucrum; vel nullum ha-
 „ betur cum amissione pecuniæ collaræ.
 „ Et hic pariter duplex est; alter in quo
 „ nonnisi utilitas contrahentis spectatur,
 „ ut scilicet alter habeat pecuniam, quæ
 „ a singulis tribuitur; alii autem spere-
 „ nt, & aliquod obtineant lucrum majus quam
 „ quod forti expositur: alter vero, in
 „ quo non solum utilitas ludentium, sed
 „ etiam aliquod aliud bonum opus respi-
 „ citur; puta collocatio alicujus puellæ
 „ in Monasterio, Principis, vel Repub-
 „ licæ utilitas, constructio alicujus Ec-
 „ clesiæ, subventio pauperum & similia.
 „ Innumeri pene sunt Theologi, etiam
 „ sanctorum doctrinæ, qui horum ludorum
 „ inestam cerpentes consuetudinem, eos

damnare, vel reprehendere resistunt, non attendentes, quod Patres de consuetudine scribere. Clemens *Adhort. ad gentes* sub finem: „Fugiamus, scilicet, consuetudinem tanquam scopulum difficilem . . . suffocet hominem, & a veritate avertit, abducit a vita, est laqueus, est barathrum, consuetudo“. Et Tertullus, *de veland. Virg.* cap. 1. „Ex eis fere consuetudinibus initium, ob aliqua ignorantia, vel simplicitate sortita in usum, per successione[m] corroboratur, & ita adversus veritatem vindicatur. Sed Dominus noster Christus se veritatem, non consuetudinem cognominavit“. Et pius quidam Auctor optime scripsit: „Pauci admodum sunt, qui consuetudinibus vi, & efficacitati valeant obistere. Mens humana imbecillius, & infirma capere non potest, malum esse posse, quod longa consuetudine, & plurimorum exemplo corroboratur. Consuetudo est Evangelium mundi, hostis Christi. Hoc mentem obruit, & boni a malo agnitionem, & discriminationem auferit“. Hac igitur sprete, & solo veritatis lumine resurgente, res est inspicienda. Hoc itaque, nisi mea me fallit philautia, ostendit, omnes huiusmodi ludos illiberales esse, & de se illicitos. Et 1. quidem, quia omnes ad aleam legibus tum naturalibus, tum Ecclesiasticis, tum politicis veritatem pertinent: parum enim interest, num pagelle, & chartæ vel ab una manu misceantur, & aliis distribuuntur, vel ex sereniolo, urna, aliove vasculo extrahantur; semper enim fors est, quæ dominatur. Hinc in Curia Parisiensi ann. 1563. cum primum fors instituta esset, cujus materia aureum horologium constituerat, & ita orta esset inter ludentes, re ad Curiam delata, Judex su-

premus laicus homo pronuntiavit, huiusmodi fortis ludos nunquam a republica adprobatus, quippe qui (verba sunt pronuntiatae sententiæ) *hec penitus ab homine christiano aliena videntur*. 2. Quia in hisce ludis sola cupiditas dominatur, & desiderium acquirendi, quæ tanto magis accenduntur, & crescunt, quanto minus est, quod penditur, & maximum, quod inde speratur, emolumentum. Hanc cupiditatem permovere, allicere, urgere student qui huiusmodi ludos instituunt. Rem pretiosam vel in seipsa in propatulo ponunt, vel cornucopia autem nummos affatim effundente expriment, aliquos divites ex summa inopia repente factos, ob oculos ponunt, rei pretiositatem, maximum lucrum exaggerant, illud cum tenuitate oblatis pretiis conferunt. Victorum nomina recitant, numerum ostentant. Ad quid hæc omnia, amabo, nisi ad cupiditatem pecuniæ accendendam? Utique, inquit eximius Theologus cancellita meus, quem maximi facio, & diligo, sed scribit, *hoc est per accidens*. At hoc est parum humani cordis indolem nosse. Cupiditas lucri, & pecuniarum dominatur in corde; & unum est ex vulneribus per originale peccatum animæ infectis: a *maiore usque ad minorem omnes avaritia student*, inquit Dominus per os Jeremiæ cap. 6. v. 13. Hac omnes rapiuntur, & pauci admodum sunt, qui obstant, & resistunt, nisi forti virtutis lorica muniti, & bonorum temporalium contemptu admirandi. Quamobrem immo e contra per accidens est, ut unus ex millibus, qui ad hosce ludos pecuniam conferunt, id sine cupiditate faciat, & solum ut amico roganti indulgeat, de spe, & lucro nihil sollicitus. Et revera ita sentiant piissimi simul, & doctissimi Theologi. Sam-

Sambovius Tom. 2. cap. 191. animadvertit, in ludis ollæ, fortitionis, sive lotariæ inseparabilem esse a corde illorum, qui pecuniam conferunt, spiritum cupiditatis, & avaritiæ, qua quisque sibi blanditur, sperans maximum lucrum ex tenui pecunia: & animadvertit, suo tempore hosce ludos ab omnibus tanquam illiberales, & illicitos habitos fuisse, nec nisi tres recentiores recitari Theologos, qui illos licitos putarent, scilicet Jo. Briaret, D.rium, & Sylvium. Pater Le Brun, hist. crit. de superstitionibus ubi Tom. 1. q. 265. scribit, hosce ludos media esse optissima ad accendendam, augendamque hominum cupiditatem, desiderium divitiarum injiciendo, sine labore obtinendarum. Conradus Summenhert. Tract. de Contract. q. 71. Ex prædictis fundamentis (humanæ scilicet cupiditatis lucri) patet etiam sufficienter reprobari non solum ludos fortune, tavillorum, factos prædicto animo, sed etiam ludum dictum olla, ad quem ponuntur sœdulse continentes nomina ponens pecuniam. Si enim principaliter propter lucrum quarendum talis olla erigitur in civitate, & imponentes principaliter imponent propter querere suam sustentationem a fortuna sibi inde eventura; tam erigentes, quam ponentes non sunt a peccato prorsus immunes; sed de hoc latius Deo accedente in tract. de ludo dicitur, quem tamen tractatum ab Auctore editum ignoramus. 3. Hoc ludorum genus auctori illi adversarius regulæ, quam tradit Sanctus Ambrosius lib. 3. cap. 2. De Off. pro mutuis hominum commerciis. Qui perfectè sapit, nescit sua sperare commoda. . . . querens non quod sibi utile est, sed quod omnibus. Itaque hæc sit formula, ut inter duo, honestum, atque utile, errare nequeamus; eo quod justus nihil alteri detrabendum putet, nec

alterius incommodo suum commodum augeri velit. Hanc formulam tibi præscripsit Apostolus, neque quod suum ex querat, sed quod alterius: unde & alibi dicit . . . non quæ sua sunt, singuli cogitantes, sed quæ alicuius. Si igitur non liceat honesto viro, juxta S. Doctorem, suum lucrum querere alterius incommodo, & juxta Apostolum non debent singuli cogitare, quod sibi utile, sed quod & aliis vel utile sit, vel saltem non perniciosum; manifeste apparet, hujusmodi ludos illiberales esse, & illicitos. Nam nemo potest lucrari, nisi cæteri omnes perdant; & contra S. Ambrosii regulam, commodum suum solum augere potest aliorum omnium incommodo, & contra Apostoli monitum singuli quidem commodum suum cogitant, aliorum vero omnium damnum, & perniciem omnino non cogitant. At iniques, hæc iniquamenta non reperies in iis ludis fortis, in quibus saltem vel publica respiciatur utilitas, ut in ollis publica auctoritate institutis; vel Dei famulatus, ut in Templi alicujus constructione; vel bonum proximi, ut in puellis pauperibus dotandis. Fateor quidem horum ludorum institutores minus reprehensibiles esse illis, qui eos solum ob privatam utilitatem instituunt; quippe qui non cupiditate ducuntur, cum nullum ipsi lucrum, ut suppono, reportent, quod totum in publicam utilitatem, vel in Dei gloriam, vel in proximi adjutorium redundat. At ab omni labe immunes non sunt; nam aliorum saltem cupiditatem accedunt, irritant. Mirandum sane hominum ingenium, qui cupiditate utuntur, ut liberales populos constituant; & ad beneficiendum impellant pauperibus, cupiditate discendi. Quod confirmat superius dictum, nimirum hanc perversam cupiditatem in hisce

fec ludis unice dominari . Audiant Binfeldium commentario Theologico-juridico in tit. Juris Can. de Usuris, in cap. Naviganti q. 4. Concl. 4. pag. 546. & seq. Et sic. Augustæ Trevirorum ann. 1546. „ Hoc loco moveri potest „ dubium, quid sentiendum de ludo ollæ „ in Flandria, quem vulgariter lotariæ vocant, & erigitur sæpius pro „ publico, aut pio opere instituendo „ . . . In erectione talis ludi ollæ erigentes solvunt suum lucrum, & non „ sentiunt periculum; imponentes autem „ tantum experiantur anticipem „ fortunam . . . Nec videtur, quod „ etiam defendi valeat per viam emptionis, & venditionis, cum illud „ excessivum lucrum non commensuratum sit pretio mercium, & impensis „ necessariis pro ludi ollæ erectione. „ Injustitia autem committitur in emptione, & venditione, quando non est moralis æqualitas pretii, & rerum, quæ emuntur . Unde non satis apparet, quo titulo illud excessivum lucrum „ publico, aut pio operi destinatum „ acquiratur . Nec excusat, quod ob „ bonum opus ordinetur: quia injustitia nec etiam pro redemptione capitulum, & opere pio exercenda est . Si quis dicat quod imponentes doleant „ pecuniam, quam imponunt in eventum, si nihil fors dederit: hoc incertum est, cum ne no suum donare „ presumatur in dubio, nisi certo constet . Ad consuetudinem ergo putie „ recurrendum est . . . At obstat, quod „ consuetudo non derogat juri divino, „ & naturali; nec excusat a peccato, „ quando jus est clarum . . . At illorum, qui pecuniam a hoc trahunt, minime „ illiberalitatem, & turpitudinem minuit . Quippe nullo habito ad bonum commune, ad Dei gloriam, ad proximi utili-

tatem respectu, unice spei lucri respiciunt, & lucrum ipsum inhiant, & ad bonum opus solum, ut ita dicam, inviti rapiuntur; quia non alio modo quam hoc onere, speratum lucrum consequi se non posse agnoscunt . Quod ut evidenter pateat, singe ollam, sortem, lotariam institui, in qua tota pecunia irrogata in solum Dei honorem, bonum publicum, proximi utilitatem reddundet, quin ullus, qui pecuniam contulit, nec minimum lucretur . Quot inveniens, qui pecuniam conferre velint? Audax ero, si dixerò ex millibus qui libenter ollæ, & lotariæ ludunt, & magnum pecuniæ copiam lubentissime exponunt, decem reperias, qui vel unicum obulum erogare velint . Spe sublata lucri, cessat pietas erga Deum, boni communis zelus, erga pauperes misericordia . Excusandi igitur fortassis, qui hac arte & malos ad bonum facientem trahunt; & cupiditate aliena, ad bonum proximi, vel publicum utuntur . At minime excusanti, qui unica spe lucri, & quidem magni, inviti potius trahuntur ad bonum faciendum, quam sponte consentiant . Excusanti præsertim supremi Principes, & Potestates, quæ in suis Regnis, & Provinciis hosce ludos ex necessitate portus, quam voluntate instituere coguntur . Quippe qui optime percipiunt, hanc sacram auri famem populis dominari, hac lucri cupiditate subditos incessanter urgeri; qui proinde, nisi hosce ludos in propriis Regionibus institutos reperiunt, ad exterarum regiones, ubi obtinent, confugiant . Et sic infinita prope vis auri, & argenti ex eorum Provinciis in alienas migraret regiones magno Regnorum detrimento, quæ suis divitiis spoliarentur, & depauperascerent . Instituunt illos igitur in suis urbi-

bibus, ut cives, si suæ cupiditati indulgere velint, & famem auri exple-
re, hoc quidem præsent sine communi
detrimento; & eorum vitium saltem in
commune bonum redundet. Quamo-
brems illiberalitatem, & turpitudinem
illorum ludorum tolerant ad majus ma-
lum vitandum. Nam humani Legislato-
res, ut docet S. Thomas 1. 2. q. 91.
art. 4. ex S. Augustino lib. de lib. ar-
bitr. cap. 5. & 6. non possunt omnia,
quæ male sunt, punire, vel prohibe-
re; quia dum auferre vellent omnia
mala, sequeretur, quod etiam multa
bona tollerentur, & impediretur utili-
tas boni communis, quod est necessa-
rium ad conservationem humanam. En-
iterum luce meridiana clarius ostensum,
cupiditatem in hisce ludis non per ac-
cidens immisceri, sed solam dominari,
urgere, moderari ludentes. Omitto
exponere innumera pene peccata, quæ
occasione istorum ludorum committun-
tur. Quod enim sunt, qui furantur, ut
ludant, spe restituendi; qui necessaria
sibi, & familiæ subtrahunt; qui æ
alienum vel contrahunt, vel non dis-
solvunt, ut ludant; qui superstitioni-
bus operam dant; qui somnia observant;
qui rebus sacris abutuntur, ut vincant?
Nam hæc omnia & ipsi horum ludorum
Patroni execrantur. At vitia vocabunt
ludentium, non ludi: verumtamen hic
ipse quomodo honestus, quomodo libe-
ralis, & licitus dici poterit, si certo
certius portam aperit, & viam latissi-
mam tot criminibus pandit, & sternit?

XVIII. At inquit, nonne lutores
consentunt, & quadam societate con-
veniunt, ut quisque obtineat, quod illi
forte obtigent, & alii pecuniam per-
dant? Porro volenti, & contentienti
non fit injuria. Nulla ergo injustitia.

a. Nullus ad ludendum cogitur; & si

sponte ludit, & pecuniam amittit, nul-
li imputare debet, sed sibi adversæ;
ergo nec caritas violatur. Nulla ergo
in his ludis turpitudine. Verum respon-
deo ad 1., non hic de justitia horum
ludorum disputo, de qua inferius; sed
de eorum honestate. Non sint, si lu-
ber, injusti: ergo per hoc liciti: Ne-
quaquam: alioquin licita esset & socie-
tas latronum, qui conveniunt, ut rap-
ta ad æqualitatem dividantur; licet
alius minima, alius maxima rapuerit.
Sic igitur, si lubet, iusta hæc societas,
erit per hoc honesta, in qua conveniunt,
ut alter alterum spoliaret, & major so-
ciorum pars re sua privetur, ut unus
tantum, vel alter abundantius habeat:
inhonesta profecto, & turpis societas.
Ad 2. cur caritati non adversatur, cum
lucrum suum quisque optet cum detri-
mento aliorum, & sit inseparabile lu-
crum ab aliorum damno, & perniciæ?
Nonne superius ostendimus ex S. Am-
brofio, & D. Paulo, caritatis, & hu-
manæ amicitie vinculo adversari, si
quis suum lucrum quærat alieno incom-
modo, & sollicitius de sua utilitate alio-
rum damnum minime consideret? De-
unde adversatur caritati ipsius ludentis,
in quo quantum crescit cupiditas, &
dominatur, tantum decrescit caritas.
Cupiditatem vero in hocce ludo do-
minari qui non perspicit, cæcus sit, opor-
tet. Illiberales igitur sunt hujusmodi
ludi ex indole sua, & illiciti. Quod
fusus fortassis ostendi, sed, ut quod,
non inutiliter; cum pauci sint ex
Theologis, qui hanc veritatem expen-
derint.

XIX. Præter nativam, ut ita dicam,
illiberalitatem, quam ex cupiditate lu-
crativa omnes ludi contrahunt, & alia
longe turpiori labe inquinari possunt,
& defædari, nimirum injustitia, &

iniquitate, si æqualitas non servetur. De hac igitur modo differendum. Et primo quidem iniusti sunt & ipsi liberales ludi, quando lucrativi sunt, si æqualitas inter ludentes non servetur, tum in lucro, tum in damno. Æqualis sit igitur oportet, pecuniæ summa ab utroque exposita. Immo & ludentium peritia, si ludi sint, in quibus sola ars, & industria locum obtinet, pensanda est: si enim alter alterum multum excedat, adeo ut semper vincat, & lucretur, alter vero vincatur, & perdat, cum non sit æqualitas, ludere non licebit, & injustum erit lucrum. Quod si modicus sit excessus peritiæ, non damnarem, cum impossibile ferme sit omnimodam in ludentibus æqualitatem reperire, & unus altero sit semper vel oculatior, vel magis experiectus, acutior, & solers in ludendo: unde fieri etiam potest, ut attentio, & solertia unius alterius maiorem alio ex capite peritiam vincat.

XX. Pari pacto in ludis mere aleatoris iustitia violatur, si cum iis instituat ludus, qui non habent, quod perdere licite possint; cuiusmodi sunt filii-familias, uxores, Regulares, alique bona propria non possidentes, vel, ut inquit S. D. 2. 2. q. 32. a. 7. ad 2. *qui rem suam alienare non possunt*. Nec præsumenda unquam est in hisce aleatoris ludis concessio illius, qui dominium habet: cum nunquam præsumi possit, Parentes, Maritos, Tutores, Religiosorum Superiores licentiam concedere pecuniam insumendi in his ludis, omnibus legibus veritis, & illicitis. Injustitiam etiam inducit inæqualitas, quocumque ex capite oriatur, sive ex parte pecuniæ, quæ major sit una ex parte, quam ex altera, sive in punctis, sive iactibus fortis, ut quando alius plura habet pro se, quam contra se fortunæ

momenta, licet hæc compensari videantur majori præmio: cum semper, qui hos instituunt ludos, ita fortes componant, ut semper magis sint de victoria seculi, quam de amissione solliciti. Omnes autem, quæ adhibentur, fraudes in hisce ludis iustitiam lædunt; cum locum in hisce habere non possint stragemata quædam, & astutia aliorum ludorum propriæ, sed victoriæ, vel amissionis omnino a sorte pendere debeat. Nec excusantur ex eo, quod neminem ad ludum provocent, sed sponte advenientes admittant, qui inæqualitatem contractus optime cernunt, vel animadvertere possunt: proinde juri suo renuntiare videntur, &, quod amplius est, donare. Non, inquam, excusantur. 1. Quia ut plurimum, qui hisce ludis pecuniam exponunt, sunt rudes, & simplices, ut pueri, rustici, mulieres, qui fraudem, & inæqualitatem non advertunt, & decipiuntur. Alii vero, qui vel advertunt, vel advertere possunt, & nosse inæqualitatem fortis, adhuc donare non præsumuntur: nam ut optime observat Binsfeldius in Comment. Theologico-juridico in tit. de Usuris in caput naviganti q. 4. Concl. 4. pag. 546. *nemo suum præsumitur donare in dubio, nisi constet*. Præterea in hisce ludis idem contingit, ac in usuris, in quibus & mutuatarius sponte mutuum petit, & sponte auctarium pollicetur, & suo tempore sponte & sortem, & auctarium solvit; quin tamen per hoc donare præsumatur. „ Accipiens mutuum, scribit Auctor Opusculi 73. inter Opuscula S. Th. cap. 9. libera voluntate accipit, sicut is qui mutuum dat. Sed accipiens mutuum non libera voluntate amplius promittit, vel dat, sed quasi coactus, pervertitatem mutuum dantis “. Ita pari

pari passu in istis iniquissimis ludis, qui pecuniam exponit, ludere quidem vult, sed non cum illa inæqualitate sibi noxia cui ideo coactus consentit ex perversitate colludentis, qui nonnisi tali iniquo modo ludere vult,

XXI. In ludis vero, in quibus fors, & fortuna minimam, ars vero, & industria maximam partem habere dicuntur, cum fors semper varia sit, & nunquam stabilis, vel firma, æqualitas est servanda, sicut diximus de ludis liberalibus in perito ludente: hinc peritus cum imperito, licet provocatus, ludens de pecunia, vel aliqua re pretio æstimabili, non poterit licite lucrari. Absit, ideo, ut probem, quæ Recentior Probabiliorista hac de re tradit tr. 10. cap. 11. §. 3. n. 4. nimirum: „ Si „ qui ludere suscipiunt, ignorent vicis- „ sim gradum suæ peritiæ, cum uter- „ que se periculo remittat, licite lu- „ dunt, & pariter iuste lucrantur. Pro- „ sequendo tamen ludum, & cognita „ clare collusoris longe minori peritiæ, „ tenetur peritior a ludo desistere „ eo quod cognita inæqualitate contra- „ ctus, evadit injustus, si celebretur: „ ludus autem est contractus“. Si enim secunda pars positiæ doctrinæ vera est, prima falsa sit, oportet. Nam si detecta inperitiæ colludentis injustus est ludus, quia deficeret æqualitas; injustus ergo erat contractus & ante detectam imperitiā, cum & tunc deesset æqualitas. Solum vero discrimen inter primum ludum, & secundum hoc intervenit, quod bona fide primo ludit ignorans alterius imperitiā; at in secundo luderet mala fide: bona autem fides quidem a culpa excusat; at æqualitatem non inducit, nec contractum de se injustum, reddit iustum: ut patet in illo, qui bona fide rem aliquam a fure

Patuzzi Theol. Moral. Tom. V.

emens, quem putat esse rei venditæ dominum, non peccat quidem; at detecta veritate rem domino teneri restituere. Non ergo in primo ludo iuste lucratur, sed pecuniam eo modo acceptam teneri restituere ob inæqualitatem in contractu, ignotam quidem, at veram, & realem causam percepti lucris. Pari pacto non omnino verum puto, quod subdit, peritiorē posse cum imperito licite ludendo lucrari, si alter collusor velit ludum proficui: immo quod paulo post ex Molina docet, posse peritissimum cum imperitissimo ludendo licite vincere; quia in utroque casu censetur velle imperitiorē perito donare. Nam & hic quoque locum habet, quod superius diximus, nimirum nunquam censendum aliquem donare, nisi certo constet. Hic autem animum duntaxat certo constat, imperitiorē videlicet adeo esse ludo addictum, ut etiam cum suo damno, & pernicie velit ludere: quod utrum honestum, & iustum reddat ludum, quisque sapiens discernat. Alterum minus certum, sed admodum probabile, nimirum illud suam imperitiā non agnoscere, vel constiteri nolle, sed vel pertinacia animi, vel spe tandem lucrandi in sibi pernicioso ludo pertinaciter velle perseverare, quin de donatione non dicam aliquid statui, sed ne quidem cogitet. Proinde hanc donationem in eo solo casu locum habere puto, si opulentus nobilis cum paupere nobili cui auxiliari vult, nec rubore afficere, ludat ludo, in quo imperitus est, vel imperitum se simulat, ut eleemosynam nomine lucris largiatur. At in tanta ludentium turba tam piluliferos quam pauci sunt; Profecto rari nantes in gurgite vasto.

XXII. Ad restitutionem itaque tenentur male pariti lucris r. qui, ut inquit
D d S.

S. Th. 2. 2. q. 32. a. 7. ad 2. *lucrum ab his, qui rem suam alienare non possunt, sicut sunt minores, iuvenes, & huiusmodi; item filii-familias, uxores, Regulares, servi &c. Qui pariter ad restitutionem tenentur, si vincant, nam sicut perdere non possunt, ita nec iuste lucrari; cum æqualis debeat esse utriusque ludentis conditio. Hæc autem restitutio ab illo, qui lucratus est a carente potestate alienandi, facienda est non collusori, sed rei domino, nimirum parenti, domino, Monasterio &c. Si vero hi lucrentur, & vincant, collusori suo, qui paris conditionis non sit, restituere debent. Quod si sint in pari conditione constituti, neuter alteri, sed uterque domino, parenti, Monasterio reddere debent.* 2. Ad restitutionem tenetur ex eodem S. D. *qui alium traheret ex cupiditate lucri ad ludum; quia alteri injuriam irrogat, & illud plenum voluntarium, quod in huiusmodi contractibus requiritur, aufert. Quod quidem verum est, sive ad ludum, ut ita dicam, coactus fiat conviciis, irrisione, importunitate, sive verbis, aut precibus, sicut sive fiat in principio, sive in progressu ludi; cum semper irrogetur injuria, ut optime docet S. Antoninus p. 2. tit. 1. cap. 23. §. 3. „Cum quis „attraxit aliquem ad ludum per vim, vel „nimiam importunitatem, sive in prin- „cipio ludi, sive in medio, cum alius „vellet dimittere, & non finit; tunc „etiam tenetur restituere secundum Th. „& Raymundum“. Quibus accensendi sunt & ceteri D. Th. Discipuli, Sylvestri, Cajetanus, Binez, Soto. Et ex extraneis addendus Didacus Covarruvias, scribens 2. p. cap. 4. Reg. Peccatum „Datur præterea obligatio „restituendi in animæ iudicio, quoties „quis alterum, ad ludum, cupiditate*

„lucri, involuntarium attraxerit secundum Thomam, quem ceteri communi- „ter sequuntur“. Qui tamen ita coactus, & involuntarius lucratur in ludo, institui non tenebitur; cum ipse passus sit, non injuriam intulerit. 3. D. Angelicus cum ad restitutionem obstringit, qui fraudulentè ab alio lucratur, ex quocumque capite fraudetur, sive in inæqualitate periculi, sive lucri, & damni, sive alio quocumque modo. At iniquius recentiores Probabilistæ, non omnem fraudem, & deceptionem in ludo illicitam esse. Fateor ludos, sicut & bella, sua habere stratagemata, quæ maxime in ludis liberalibus ex ingenio, industria, & arte pendentibus locum obtinent, ubi ars cum arte certat, sagacitas cum sagacitate consistatur. At in ludi aleatoris, in quibus fortuna multum dominatur, artes, quæ adhibentur, ferme semper sunt veræ deceptiones, mendacia, amphibologiæ, restrictiones, simulationes, omnino ad alterum decipiendum ordinatæ; indignæ propterea vironedum christiano, sed & honesto. Id patet in iis ipsis, quæ a ludi legislatoribus (optimi profecto iudices!) licitæ putantur, & quod peius est a Theologis permittuntur. Prima (quam, sicut & sequentes, ex Henrico a S. Ignatio se transcribere affirmat Recentior Probabiliorista) est, *habere chartas meliores, unde certa sit victoria, & nihilominus augere sponsonem provocando socium, si velit tenere.* Hoc profecto non licita industria, sed aperiuntur furto mihi videtur: nam posita certa victoria, iam sublata est æqualitas in ludo, cuius tota iustitia in eo sita est, ut æquale sit periculum & victoriæ, & amissionis. Certus est igitur de victoria, & collusorem provocas certo perditurum? Ubi ha.

honestas? Ubi æquitas? Ubi iustitia? At iniques, in eo est æqualitas, quod in pari casu socius eodem utitur jure. Conveniunt ergo isti lutores, ut certo certius se invicem spoliarent, & fraudarent? At iusta ne est coram Deo, Ecclesia, honestis viris, prædatoria ista conventio? Qui sapit, judicet. Altera fraus, quæ, ut licita traducitur, est. *Habere chartas inferiores, & nihilominus simulare, & provocare sponsonem, ac si meliores haberet, ut alter recuset.* At inepta, vel perniciofa simulanti hæc fraus. Perniciofa, nam si alter teneat, non recuset, in caput suum vertitur simulatio. Si recusat, inepta simulatio, & inutilis. 3. *Habere chartas meliores, & simulare formidinem, ut alter animatus provocet, & magis perdat.* At hæc simulatio & in se iniqua est, & ad perverium finem ordinata. In se quidem, quia ut docet S. Thom. 2. 2. q. 111. a. 1. in corp. *Ad virtutem veritatis pertinet, ut quis talem se exhibeat exterius per signa exteriora, qualis est.* Signa autem exteriora non solum sunt verba, sed etiam facta. Sicut ergo veritati opponitur, quod aliquis per verba exteriora aliud significet, quam quod habet apud se, quod ad mendacium pertinet: ita etiam opponitur veritati, quod aliquis per aliqua signa factorum, vel rerum aliquid significet contrarium ejus, quod in eo est, quod proprie simulatio dicitur. Unde simulatio proprie est mendacium quoddam in exteriorum signis factorum consistens. Non refert autem utrum aliquis mentiatur verbo, vel quocumque alio facto. Unde cum omne mendacium sit peccatum, consequens est etiam, quod omnis simulatio est peccatum. Auctur perveritas ex fine, nimirum in damnum proximi, ut magis perdat, & præterea irrisioni pateat. 4. *Videre adversarium suumntem*

plures chartas, quam debeat, & flere, ut propter talem excessum perdat. Si credatur hoc ab adversario fieri fraudulenter, non repugno licitum esse flere, ut fraus in fraudatoris caput recidat: at si constet ex errore factum, honesti ludentes (si tamen ex professione aleatores honesti esse possunt) ludum in irritum revocant, & novum incipiunt. 5. *Aspicere chartas minus custoditas ab adversario, non quidem fraudulenter, sed utando ositantis adversarii.* At optime respondet Franzosa. „Qui suas chartas in ita ex negligentia disponit, ut ab adversario inspicui possint, adversarii fide, & sinceritate nritur: ergo bona fides, & honestas postulat, ut adversarius vel chartas non inspicat, vel suum adversarium suæ negligentiae admoneat. Ipsos honestos lutores ita se gerere contra recentis probabilitatis placita, atque ita in animum conduxisse putem“. 6. Denique non movere socium, dum errat in numeratione punctorum. At quæso te, si erret in tui perniciem, & detrimentum, monebis ne, an silebis? Profecto clamabis, fidem assistantem exposcens. Cur ergo alteri facias, quod tibi nolles fieri, & quidem in eodem opere, in eodem ludo? At ita consuetudo obduet, inquis. Consuetudo igitur aleatorum poterit & ipsa prima naturæ principia mutare? Flere magis lubet, quam disputare. Porro qui fraudulenter ludis, si fraus adhibita sit tota causa victoriæ, nedum quod lucratus est, restituere debet, sed & quod alter lucratus esset, nisi fraus fuisset adhibita. Si dubium sit, num fraus in victoriam influxerit, pro rara dubii retinere debet; & illud certe, quod lucratus est: nam in dubio, nemo debet. certo sua spoliari; etenim melior est con-

ditio possidentis. Si vero certa furura fuisset victoria, etiam praecisa fraude, licet collusori restituere minime teneatur, in poenam tamen a studioso Confessario lucro percepto privandus est, & pauperibus erogare jubendus, ne unquam in fraude spem reponat.

XXIII. Sed operosius inquirentium superest, num licite retinere possint aleatoris lege positiva omnino vetitis, & interdictis. S. Thom. aperte docet, eos, qui legibus Principum hos ludos vetantium subiciuntur, teneri ad restitutionem, nisi hae leges contraria consuetudine sint abrogatae. En S. Th. verba 2. 2. q. 32. a. 7. ad 2. „In „ludo aliquid videretur ulterius esse il- „licitum ex jure positivo civili, quod „prohibet universaliter tale lucrum. „Sed quia jus civile non obligat om- „nes, sed eos solos, qui sunt his „legibus subiecti, & iterum per de- „suetudinem abrogari potest, ideo „apud illos, qui sunt hujusmodi legi- „bus obstricti, tenentur universaliter „ad restitutionem, qui lucrantur: nisi „forte contraria consuetudo praeva- „leat“. Porro certum est, Principes omnes, Reges, Imperatores, Respublicas, Pontifices Summos, ut temporales Principes in suis ditionibus, immo & ipsum Mahumetem in suo Alcorano capite *de Mensa* hujusmodi aleatorios ludos districte vetuisse, etiam severissimis interminatis poenis, & legitime prohibere potuisse: nam, ut habetur in Infit. lib. 1. tit. 8. *Expediit Reipublica, ne sua re quis male utatur*. Non antiquas tantum assero leges in jure civili positas, ubi statuitur Cod. de Aleatoribus, & aleatum lusu lib. 3. tit. 43. *L. Visum; Visum in alea ludo non posse conveniri, & si solvis, babe-*

re repetitionem tam ipsum, quam bares ejus adversus victorem; & ejus heredes, idque perpetuo, & etiam post triginta annos; sed & recentes a cujunque Regionis Scripioribus recitatas. In Galiliis Ludovicus XIII. duplici edito anni 1611. die 3. Martii, & anni 1619. relato a Tontanonio T. 1. lib. 3. tit. 13. declaravit, omne es alienum (verba sunt Editi ex gallico latine redita) ex ludo contractum, nullum esse, omnes vero promissiones, obligationes causa ludi, licet alio nomine palliati, nullas esse, nullius roboris, omnem obligationem, sive civilem, sive naturalem illis denegantes. Quae Decreta identidem renovata fuerunt aliis Decretis Supremae Curiae Parisiensis, quorum postremum est anni 1710. Et novissime anno 1741. die 12. Aprilis felicissimus, & piissimus Rex Ludovicus XV. qui omnia vetustiora decreta, & Leges confirmavit, ludos aleatorios novissime adinventos, quorum nomina etiam recenset, districte vetuit, & abolitos voluit. Augustissima Imperatrix Regina Maria Theresia, quam diu D. O. M. sospitem, & incolumen conservare digneur, recentissimis Legibus hos ludos etiam sub poena infamiae interdixit, nullamque inducere obligationem statuit. Pari passo Carolus nunc Hispaniarum Rex, cum utriusque Siciliae sceptrum teneret, anno 1753. omnia antiqua Decreta, Statuta, Leges, Ordinationes variis temporibus contra aleatum ludum, & aleatores constitutas innovavit, iustauravitque etiam interminata infamiae aleatoribus nota. Quam legem & in ipsis Hispaniarum regnis constitutam fuisse nullus est ambigendi locus, licet Decreta asserere non valeam, quia mihi non comperta. Plures tamen antiquorum Regum Leges referuntur a Molina disp. 512. & Mo-

Morinæo Siculo Hispaniarum historiographo, & a Thomæ de Disciplo, a Comitolo, a Taburino, & Henrico a S. Ignatio. In hocce faustissimo Serenissimæ Venerorum Reipublicæ dominio plures sunt latæ Leges contra aleatores & domos, vel cubacula ad ludendum tenentes, & apertientes; atque interminata pœna carceris, irremis, & perpetui a toto dominio exilii: & ipsi nobiles Viri aleatores inepti, & incapaces declarantur ad ea obtinenda Officia, quæ publicæ pecuniæ procuracionem habent adnexam. Hæc Decreta, & Leges & a Barbeyracio referuntur, & a nobilissimo Viro, qui anonymam edidit Dissertationem de aleatoris ludis, Veneriis typis Simonis Occhi impressum ann. 1755. Romani vero Pontifices severius illos ludos iu suis ditionibus vetuere. His igitur constitutis manifeste patet, aleatores non posse lucrum his ludis acquisitum sibi retinere, cum Principum Decreta non solum illos interdiciant, vetent, & prohibeant, sed nullam inde oriri obligationem declarent; adeo ut, etiamsi pecunia soluta sit, repeti possit. Quamobrem minus veram puto illorum Theologorum sententiam, qui censent non teneri restituere ante sententiam iudicis. Nam adversantur doctrinæ S. Thom. aperte asserentis, *hujusmodi legibus obstrictos teneri universaliter ad restitutionem, qui lucrantur, nulla facta de iudicis sententia mentione*. Immo paulo post subdit, attractum ad ludendum de lucro elemosynam facere debere, nec aleatori restituere; quod profecto indicat S. D. non putasse expectandam sententiam iudicis. Et confirmat S. Antoninus P. 2. tit. 1. cap. 23. scribens: „Tertio dicunt, quod tali jure durante, sic acquisitum est, simpliciter restituendum ei, a quo „acquisitum est ex jure positivo; quia

„jura prohibent non solum ludum, „sed & acquisitionem per ipsum; & „malæ fidei possessor dicitur, qui contra legum jura mercatur, Cap. de „agr. & cens. Lege *Quemadmodum*. Hæc „est opinio Azonis, & Glotæ super „caput Episcopus dist. 37. & Clerici „D. 1. de Vita & Honest. Cleric. Et „Hoskensis dicit, quod fere omnes Doctores „res hoc sentiunt, & sequitur B. Thom. „2. 2. q. 32. a. 7. & in 4. dist. 15. „& Richardus in 4. scilicet, quod est „restituendum ab illis, qui sunt talibus legibus obstricti“.

XXIV. Nunc videndum, num hujusmodi lege sint contraria consuetudine abrogatæ. At rem extra omnem dubitationem ponunt præfata Decreta Principum, quæ in suo rigore persistunt, & a Principibus observari jubentur. Nec contraria inducta censenda est consuetudo, quia Principes fortassis in aliquibus locis, statim temporibus, ludos aleatorios tolerant: hoc enim præstant ad majus malum vitandum; & quædam dissimulare coguntur, ne pejora erumpant mala, & corruptelæ. Præterea præ oculis habenda aurea D. Thom. regula 1. 2. q. 97. a. 3. ad 2. „Si „adhuc maneat ratio, propter quam „prima lex utilis erat, non consuetudo legem, sed lex consuetudinem „vincit“. Porro quis inficiabitur, rationem, quæ causa fuit tot legum, nedum adhuc vigere, sed ob summam Reipublicæ, & civium ruinam nunc fortius urgere; ita ut non consuetudo legem, sed lex consuetudinem longius superet? Hinc optime observat Ludovicus Habert, nullam posse contra has leges induci consuetudinem, sicut nec contra leges canonicas hosce ludos Clericis venantes, scribens Tom. 4. Theol. Dogm. & Moral. P. 3. cap. 19. §. 2. „Ne-

„ Neque dicant, contrariam consuetu-
 „ dinem contra hujusmodi leges præ-
 „ scripsisse. Namque primo sapientiores,
 „ & qui ceteris in exemplum adduci
 „ possunt, ab aleis profus abstinere.
 „ Porro consuetudo contraria non præ-
 „ scribit contra legem, quando sanior
 „ pars multitudinis ei repugnat. . . 2.
 „ Quia consuetudo contra legem præ-
 „ scribere nequit, cum Legislator recla-
 „ mat, & contradicit: atqui ab initio
 „ Christianæ dominantis Reipublicæ Im-
 „ peratores, Reges, Principes usque ad
 „ hæc nostra tempora nova semper con-
 „ tra alcatores ediderunt edicta, præ-
 „ ferunt contra Clericos. 3. Nulla est
 „ consuetudinis auctoritas, quando con-
 „ traria est bono publico, morum di-
 „ sciplinam solvit, & innumera mala
 „ in societatem invehit. Atqui alea
 „ adeo evidenter est periculosa, & con-
 „ traria bono publico, ut jure gentium
 „ videatur interdicta. Omnes enim ho-
 „ mines cujuscumque nationis, & sectæ
 „ (etiam Mahumetanæ) illam proferri-
 „ pserunt, tanquam omnium malorum
 „ conciliatricem. Quia posita sapien-
 „ tissima, & vere christiana doctrina,
 „ omnes evanescent quæstionesculæ a Pro-
 „ babilistis institutæ de expectanda sen-
 „ tentia Judicis, de ea licite impedienda,
 „ de compensatione occulte facienda ab
 „ eo, qui pecuniam aleatorio lucro amif-
 „ sam recuperare non potest, & aliæ,
 „ quæ omnes falso, & improbabilis prin-
 „ cipio inveniuntur.

XXV. Ultimo loco videndum super-
 rest, quibus restituendum sit lucrum
 ex alea acquisitum, quando qui per-
 didit, alienare pecuniam poterat S.
 Thom. 2. 2. q. 32. art. 7. ad 2. aper-
 te docet, attractum ad ludendum non
 posse retinere lucrum ob juris civilis
 prohibitionem; nec debere perdeti

restituere, quia indignus est recipere;
 capropter esse pauperibus distribu-
 dum: Sic enim scribit: *Si aliquis lucra-
 tus sit ab eo, qui traxit eum ad ludum:
 in quo casu non tenetur restituere; quia
 ille qui amisit, non est dignus recipere,
 non potest licite retinere, tali jure positi-
 vo durante; unde debet de hoc elemo-
 synam facere in hoc casu.* Quam doctri-
 nam mox S. D. extendit etiam ad illos,
 qui dant, & accipiunt, lege dationem,
 & acceptionem vetante: unde subdit;
*Alio vero modo est aliquid illicite acqui-
 situm, quia ille quidem, qui acquisi-
 vit, retinere non potest, nec tamen debetur ei,
 a quo acquisivit; quia scilicet contra ju-
 stitiam accepit, & alter contra justitiam
 dedit: sicut contingit in simonia, in qua
 dant, & accipiunt contra justitiam legis
 divinæ agit. Unde non debet fieri restit-
 utio ei, qui dedit, sed debet in elemosy-
 nas erogari. Et eadem ratio est in simili-
 bus, in quibus scilicet & datio, & ac-
 ceptio est contra legem.* Qui igitur ab
 aleatoribus ex professione, cujusmodi
 sunt, qui mensam lusoriam semper
 paratam habent, vel domum apertam
 ludentibus, vel quacumque captata oc-
 casione alea ludunt, lucrantur, illis
 profecto restituere non debent, cum in-
 dignissimi sint, qui recipiant, & solum
 severissimis præceptis a Legibus intermina-
 tis digni; sed pauperibus clargiri debet
 reportatum lucrum. Quod pariter di-
 cendum puro, quando similes aleatores
 inter se ludunt, cum ambo pari scelere
 coinquantur. Et certe de his loquitur
 Glossa in C. Clerici off. de vi. & hon.
 Cler. ubi hæc habentur: *Sed nunquid
 potest repeti, quod perditur in alea?
 Dicunt quidam, quod non, sed pauperi-
 bus est eroganda pecunia.* Et S. Bona-
 ventura in speculo animæ cap. 2. scri-
 bit: „ Quod ex ludo habetur, nulla
 bo-

„ bono titulo possidetur ; nec potest
 „ retineri, sed debet pauperibus erogari
 „ xi “ S. Antoninus P. 2. tit. 1. cap.
 23. docet : „ Et addit Petrus de Palu-
 „ de in 4. ad hoc, quod talis retinere
 „ non potest, sed debet pauperibus
 „ erogare ante sententiam judicis ; &
 „ tunc non tenebitur, si in judicio re-
 „ peratur, si potest probare erogatio-
 „ nem factam pauperibus, sed post
 „ sententiam oportet, quod restituatur,
 „ nec sufficeret pauperibus erogare.
 „ Alii dicunt simpliciter, & indistincte
 „ non esse restituendum, sed de neces-
 „ sitate pauperibus erogandum, & hoc
 „ secundum Placen. & Hugo “. Pari
 „ pacto qui lucrantur a Clericis sola bona
 „ Ecclesiastica habentibus, lucrum non
 „ illis, sed pauperibus restituere debent,
 „ quorum sunt bona ecclesiastica, in su-
 „ perfluos, immo plane iniquos usus con-
 „ sumpta. Si vero qui ludunt, non sunt
 „ revera aleæ addicti, sed ex humana
 „ fragilitate, & dominante cupiditate
 „ aliquando, sed raro ludunt, qui lucra-
 „ tur, collusoribus suis restituere poterit,
 „ sed tamen, si pauperibus erogare vo-
 „ luerit, non culpabo ; cum semper in-
 „ digni sint recipere lucrum, contra su-
 „ premarum Potestatum Leges, & jura
 „ perceptum ; qui proinde merito puniri
 „ possunt.

CAPUT QUINTUM.

CONSECTARIA PRÆCEDENTIS
DOCTRINÆ.

- I. *Vix a lethali peccato excusari possunt, qui magnam pecunie summam etiam ludis artis, & industria exponunt.*
- II. *Qui aleatorios ludos frequentant, non sunt absolvendi, nisi desistant.*
- III. *Regulares chartis lusoris ludere absque culpa nequeunt.*

- IV. *Æqualitas semper in ludo servanda.*
 - V. *Quanam sponsones fiat de se illicitæ.*
 - VI. *Qui in sponsonem certus est de villoria, iuste lucrari nequit.*
 - VII. *Nonnulla sponsones vetitæ, & nullæ jure positivo.*
 - VIII. *Conditiones servanda in contractu olæ, vel sortitionis, ne iustitia laedatur.*
- Reflexio.*

CONSECTARIUM PRIMUM.

I. **V**IX a peccato lethali excusari possunt, qui in ludis etiam liberalibus artis, & industria magnam pecunie copiam exponunt. Nam si spectetur ludus ex parte pecunie ludo expositæ, vel illa pecunia est tibi, & tuis necessaria, vel opportuna, vel omnino superflua. Si primum, plane contra caritatem tibi, & tuis debitam graviter peccant ludentes: qui se & suos opportunis, & necessariis subsidii, a Deo fortassis liberaliter concessis, ob lucri, & ludi cupiditatem privant. Si vero plane superflua, jam est pauperibus debita, quibus, ut Christus præcipit, quod superest, in elemosynas erogandum est. Si vero spectentur ludentes, jam patet istos rem alienam concupiscere, & proximum re sua, & quidem notabili expoliare, & privare velle. Nec excusat utriusque consensus: quia ambo ex pari prava cupiditate moventur. Quamobrem ambo conveniunt, ut se invicem grandi pecunia expolient; quod profecto iniquissimum est, & sicut non licet provocare, ut duello alter alterum feriat, & sanguinem e venis extrahat; ita non licet gladio charitarum invicem ita certare, & muco ferire, donec alteruter secundum pecunie sanguinem in magna quantitate deperdat.

Re-

Rolantur ea quæ diximus cap. super. n. 8. 9. & 10. Et licet in istis ludis liberalibus non lucrum primo quæzatur, sed oblectatio; quando tamen magna exponitur pecunia, cupiditas dominatur, & tota oblectatio in spem lucri fertur. Nam si ludus prospere cedat, lætitiâ parit, & gaudium; si secus, in gravem oblectatio tristitiâ degenerat. Quod si verum est de laicis hominibus, multo magis verum erit de Ecclesiasticis, præcipue bona Ecclesiæ obinentibus, & de Regularibus voto paupertatis adstrictis. At quanta sit oportet, pecuniæ summa, ut notabilis dici possit, fateor hanc absolute designari non posse, sed respectivam esse, juxta ludentium conditionem, & opes. Principum leges, postquam aleatorios ludos prohibuere, liberales, & honestos concedentes subiungunt *L. Alæarum C. de Relig. & sumpt. func. Sed nec permittimus in his ludere ultra unum solidum, etiamsi multum dives sit, ut si quis vinci contingerit, casum gravem non sustineat*. Quam legem exponens Barbosa scribit: „Notatur ad hoc, quod non licet ludere in magna quantitate etiam in ludo permissio; & magna dicitur quantitas, si ludatur in toto tempore, quo quis ponit se ad ludendum, & ludum continuat ultra unum aureum. Et Jacobus de Grassis P. 2. lib. 3. cap. 9. n. 8. ait: In ludis omnibus, qui ex ingenio aut virtutis causa ostendendæ fieret, qualis est ludus schæcorum, pilæ &c. non videtur licitum ludere, ultra unum aureum“. Quod verum puto, si ludus non nimis frequens sit; nam quotidie unum aureum perdere, immo singulis hebdomadibus, & etiam mensibus, gravem puto etiam viro opulento materiam. Quod si frequenter ludens modo vineat, modo perdat,

adeo ut singulis annis nonnisi duos, vel tres aureos perdat, in hisce liberalibus ludis gravis culpæ non damnares.

At si sermo sit de ludis Filiorum-familias, & uxorum, non est credendum istis expressam facultatem concedi a Parentibus, & maritis, ut singulis ludia aureum exponant, & certe ludo dispendent in singulos annos, si diurnus sit ludus, supra trecentos aureos, vel si hebdomadalis, supra quinquaginta, immo nec duodecim, si ludus menstruus sit: sed id solum concedere ad summum solent, quod nec familiæ grave sit, nec ludi, & lucri cupiditatem, quæ facile suprepat, fovere possit in filiis, & uxoris. Quod si non de expressa, sed præsumpta licentia ludant, multo minus pecuniam non modicam ludo exponere illis licebit. Nam si S. Thom. 2. 2. q. 32. art. 2. ad 3. docet, cum ea, quæ sunt filii-familias, sint & Patris, ideo non potest elemosynam facere, nisi forte aliquam modicam, de qua potest præsumere, quod Patri placeat: multo magis aliquam modicam dumtaxat quantitatem poterunt ludendo infundere, cum semper præsumendum sit, liberales esse Parentes in elemosynis concedendis, quam in infundendis in ludo. Hinc minime recta, & æqua videtur regula, quam statuit recentior Probabiliorista, ad dignoscendum, num liceat filio a patre absente, & in Collegio procul a patria constituto magnam pecuniæ summam, puta centum, quæ ludo lucratus est, iterum ludo exponere, de præsumpto consensu patris, nimirum ut exploret indolem patris, an liberalis, & ad filium benevola, an restricta, & œconomiz domesticæ non modice addicta. Nam si indolem patris liberalem, ideoneam præsumendum, amplius concedere ludendi facultatem, & ludo

in

infumendi majorem pecuniæ summam ? quis hoc credat ? An non potius contrarium præsumendum ? ne filius & diutius, & frequentius ludat, unde consuetudinem, & habitum ludendi contrahat ; & ne spe æqualis lucri insatiabili cupiditate lucrandi abripiatur. Prodigalitas esset, non liberalitas Parentis, qui quidem plura concedat filio in ordine ad lautiorum victum, nobiliorem vestitum, ad servitium, ad artes addiscendas, sive ad magistrorum extrinsecus linguæ, vel soni, vel cantus, vel certaminis, prætio conducendos, nunquam vero ad ludum. Finge esse erga filium beneficium. Ideo ne concedat ampliorem ludum ? Erit ne beneficium filii, & ipsi honestum, ac utile, ut ampliorem pecuniam possit in ludo infumere, eo titulo quia ludo vicit, & sibi comparavit ? Non est igitur a doctrina S. Thom. recedendum, qui sicut docet, non nisi modicas posse filium-familias elemosynas facere, licet pater sit & liberalis, & ad filium benevolus, ita docet non nisi modicissimam posse summam ludo de præsumpta licentia patris infumere.

CONSECTARIUM SECUNDUM.

II. Qui aleatorii ludis deserviunt, eosque frequentant, præsertim si a sola fortuna pendunt, præsertim si a sola fortuna pendunt, & brevi manu perficiuntur, non sunt absolvendi, donec a prava desistant consuetudine ; qui solum vero aliquando, & raro, nisi emendationem polliceantur. Hujus Consectarii veritas patet ex iis, quæ late diximus cap. præced. cum hujusmodi aleatores æstu rapiantur cupiditate ; nec nisi lucris inhiant. Nam si lucrantur, eorum crescit cupiditas, & semper nova lucra querunt ; si perdunt, ut pecuniam depeditam recuperare, nulli non parcent studio, omnia prodigunt, sibi & familiæ

necessaria subtrahunt, bona dissipant, mercedes non solvunt, creditoribus non satisfaciunt, ut quotidiana ipsa docet experientia. Qui vero raro ludunt, si serio ludant, hoc est non est de re minima, sed ut aleatorii ludi ratio postulare videtur, de graviore summa, non sunt absolvendi, nisi omnino desistere polliceantur. Nam sensum habitus gignitur, & consuetudo efficitur, quæ repetitis actibus roboratur ; unde crescit auri fames, & pecuniæ cupiditas, quæ illos ita abripere potest, ut aleatorii ex professione fiant. Multo magis a Sacramentis arcendi sunt, qui mensas luforias pro hujusmodi ludis semper paratas habent, vel domos apertas ad lufores vel alliciendos, vel admittendos ; sicut etiam qui aleatoribus in ipso usu aleæ deserviunt, vel necessaria ad lufum suppeditando, vel accedentes excipiendo, vel pro ipso principali aleatore vel absente, vel defesso ludentes ; sicut & qui simulato ludunt, & vincere fingunt, ut adstantes ad lufum alliciant ; hi enim omnes pessime cooperantur fortis, & iniquo lucro cum summo & privatorum civium, & reipublicæ detrimento. De his optime clamat S. Bernardinus Senensis : „ Dans domum, „ ut intus ludatur, sit parriceps tot „ peccatorum, quot ibi fiunt ; dans ta- „ bulam, & præstans taxillos toties „ peccat mortaliter, quoties præstat : „ nullus Confessor poterit eos absolvere, „ donec removerit domum a tali pessimo „ usu ludendi : impossibile est illum „ salvari, nisi relinquat illas suas artes „ maledictas “. Nec immunes sunt a culpa, qui ludentibus adstant, ut spectatores in hujusmodi aleatoriis ludis, præsertim si Ecclesiastici sint, & Regulares ; quia licet non adprobent, sua tamen præsentia illis quodammodo fa-

E s

vere

vere videntur, illisque oblationem præbent; cum potius eos detestari: & alios ad eos odio habendos hortari deberent.

CONSECTARIUM TERTIUM.

III. Regulares chartas luforias in ludoadhibentes, licet non alea ludant, fed aliis ludis arte, & industria mixtis, a peccato immunes non funt, quod aliquando & lethale effe poteft. Ita docent Donatus Lainensis T. 4. tract. 17. q. 28. qui, postquam ludum taxillorum reprobavit in Regularibus, subdit: „ Jure optimo in mea religione hujusmodi lufores condemnantur ad pœnam „ gravioris culpæ, & inhabilitantur „ ad gradus. Quod dicitur de taxillis „ per allegata supra, extenditur ad illos, qui inventi fuerint ludere ad „ chartas, vel tabellas, vel fabas, aut „ ad similes ludos, qui, ut dictum est, „ principalius nituntur casu, & fortuna, quam industria, & arte humana. „ Cardinalis de Lugo de Just. disp. 31. sect. 1. „ Nec dissentit Molina disp. 52. in fine, ubi dicit, quod „ ludus chartarum Religiosis eo magis „ indecens est, & scandalosus aliis, „ quo arctiorem vitam profitentur, & „ magis in ea Religione disciplina viget, majorque est opinio in populo „ de ipsorum observantia, ac sanctitate. Unde perdoctus P. Magister Bannez indubitanter aliquando asseruisse „ fertur si hominem nostræ societatis „ vidisset chartis semel ludentem, judicaturum peccati mortalis reum. Porro non apud solos Jesuitas & regularis disciplina viget, & arctior vita ducitur. Nam & Diana p. 3. tract. 9. ref. 4. scribit: „ Et ego de mea Religione idem constanter assero, cum „ in illa tam arcte regularis disciplina

„ vigeat, ut hujusmodi ludorum (chartarum) & ipsa nomina sint penitus „ interdicta. Hinc benigniores Theologi apud Rotarium Tom. 2. lib. 3. cap. 1. q. 12. n. 13. dum a lethali culpa excusant Regulares illos, qui chartis ludunt, ubi investus est usus, subdunt tamen: „ Professis illorum ordinum, in quos chartarum luforiarum „ usus nondum investus est, & regula „ id vetante reguntur, hujusmodi ludos „ culpæ merito effe vertendos. Peyrinus de Prælati reg. quæst. 1. cap. 2. n. 102. scribit: „ Non possunt Religiosi in dictis recreationibus ludere „ aleis absque mortali etiam joco „ propter scandalum, & periculum „ infectionis. Per aleas intellige eos „ ludos, qui magis nituntur casu, & „ fortuna, quam industria, & „ arte, ut ludus foliorum, seu chartarum. Rationem autem efficacissimam reddit Passerinus Tom. 2. de stat. q. 187. art. 2. „ Semper considerandum est, quod ludi chartarum „ maxime cupiditati, & avaritiæ deserviunt, & quod de uno ex illis ad „ alium est facilis transitus; & hujusmodi ludi in secreto de facili haberi „ possunt, & valde distrahere animum „ Religiosorum a negotiis spiritualibus. Unde pensatis pensandis difficile est, „ quod possit in Regularibus dari consuetudo ludendi aliquo ludo chartarum, quæ non sit abusus; & eo magis quod non desunt alii ludi, qui „ honestæ recreationi Religiosorum possunt deservire. Quamobrem vœ „ Prælati Regularibus, hos ludos induci permittentibus, vel investis non „ extirpantibus. Legatur P. Daniel. Conc. de discipl. Apost. Monastica p. 1. diss. 6. cap. 4.

CON-

CONSECTARIUM QUARTUM.

IV. In ludis minime lucratoriis, in quibus sola inspicitur animi relaxatio, parum interest, licet magna sit disparitas peritiæ, & artis in ludentibus; cum par sit oblectatio tum in perdente, tum in victore, & nullum sit in alterutro damnum. At si pecunia interveniat, æqualitas servanda inter ludentes est quoad peritiā, & quoad sortem ludo expositam. Patet veritas hujus consecrarii ex his, quæ diximus cap. præc. n. 18. Hinc iniqui lufores sunt, qui imperitiā simulantes, minus cautos ad ludendum pertrahunt; qui chartis adulterinis utuntur, vel aliquibus notis distinctis, ut quant cognosci; qui eas ita artificiose componunt, ut meliores, & optimæ non sorte, sed fraude sibi obveniant; cum commonitore conveniunt, qui nutibus, vel signis collusoris chartas alteri significet; & denique qui aliis pene innumeris utuntur dolis, & fraudibus, quos humana cupiditas, avaritia, vel malitia adinvenit. Sed quid sentiendum de illis, qui in fine ludi, quod superest de sorte in principio ludi exposita, ludunt ignorantes, quanta sit alterutrinus summa? Resp. Certum esse, & in hisce ludis æqualitatem servandam: quamobrem, si utriusque summa sit æqualis, vel ferme æqualis, adeo exiguū sit discrimen, licitum puto, & inæqualitas illa forti committitur. At, si discrimen non leve sit, sed alicujus momenti, dico æqualitatem ludere, ac proinde justitiam. Nam vel ludentes mala fide ludunt, putantes alterius pecuniam longe suam excedere; & tunc ludus est injustus, nec dolus, aut fraus debet patrocinari; proinde victor non plus recipere debet, quam perdere poterat: vel bona fide

ludunt, sincere animo putantes æqualem, vel prope æqualem utriusque summam; & tunc si notabilis sit excessus, victor nec accipere, nec retinere potest; cum error circa substantiam nullum reddat contractum. Porro error in quantitate est error in substantia, quam multiplicat. In hoc igitur ludo intervenit hic error, cum utroque putet æqualem, vel ferme æqualem ludo summam exponere, quod profecto nullo, si veram pecuniæ agnosceret quantitatem. Et igitur inducenda æqualitas, ne alter altero magis vincere quam perdere potest. Quod quidem verum est, quando certamen ludi est singulare, & inter duos. At si plures sint colludentes, absque injustitia contingere potest, ut ex ludentibus alter nonnisi parvam, quam ludo exposuit, pecuniæ portionem amittere possit, & aliorum omnium fortasse quadruplo, vel octuplo majorem adipisci; ut contingit in illo sortis ludo, quo ludentium singuli certam pecuniæ summam exponunt, quæ tota sit victoris, illius videlicet, qui meliorem obtinuerit sortem: quod quidem ludi genus ad lotariam pertinens, si sit de bellariis, aliisque esculentis, & minima sit, quæ exponitur, pecunia, levem tantum continet illiberalitatem, & ad levandum tadium itineris præsertim fluviolis confert. At si non levis sit pecunia, quæ exponitur, in turpitudinem aleatorii ludi degenerat, & cupiditate inficitur; cum sit bellum omnium contra omnes, nec alter vincere possit, nisi ceteri omnes sua pecunia spolientur.

CONSECTARIUM QUINTUM.

V. Illicitæ sunt sponsores, vel de re, quæ nonnisi cum damno proximi evenire potest, vel de aliquo peccato, vel ab altero ex sponsoribus non com-

mittendo, vel a tertia persona committendo. Nam in primo casu argumentum præbatur spondenti, vel damnnum proximi procurandi, vel optandi, vel de illo gaudendi. At inquit Busembaum, *id est per accidens*. Verum illum egregie refellit vir christianæ Ethicæ optime meritis Franzoja subdens: „Sponsio de morte, aut alia calamitate alicuius, jus intra certum tempus, vel annum futura, considerata hominum provisione ad malum, vehementi vincendi cupiditate, avaritiæ stimulis, addita præsertim morum pravitate, quahujusmodi sponsores carere non solum, vim habet inducendi sponsores ad machinandam, aut saltem optandam mortem, vel de illa gaudendum, ergo hæc occasio non est occasio, si per accidens, sed per se“. In altero vero aperta est sceleris, cum objectum sponsonis sit peccatum, quod quilibet christianus horrere debet: ad quod tamen vel alterum sponsores spondendo impellit; vel si a tertio sit perpetrandum, & committi optat, ne sponsonem perdat, & de illo patrato ob victorium gaudet, vel non perpetrato ob amissionem tristatur: & hæc quidem omnia non nisi turpis lucelli gratia. Rejicienda est igitur opinio Cardinalis de Lugo, affirmantis, non esse de jure naturæ illicitum sponsonem facere super peccato committendo, vel non committendo ab aliquo tertio. Solum toleranda videtur sponso, quando quis spondet, alterum in tali occasione lapsurum, dum ipse gloriatur se fortiter resistaturum, quia spes lucri illum magis a peccato abstergere potest, præsertim si hæc sponso fiat a pio aliquo viro, ideo spondente, ut alter non peccet, vel occasionem peccandi fugiat. Nihilominus & hæc fugienda, cum fieri

possit, ut tristetur de non patrato crimine ob pecuniæ amissionem.

CONSECTARIUM SEXTUM.

VI. Qui in sponso certus est de ejus objecto, nec spondere potest, nec lucrari. Id ipso rationis lumine innotebit; cum enim sponso sit ludus aleatorius de re incerta, & plane dubia, posita certitudine omnino tollitur æqualitas, ad justitiam necessario requisita. Nec justa evadit sponso, si alter alteri sponso dicat, se certum esse de rei eventu, & nihilominus ille in sua opinione perseverans adhuc spondere velit nam semper verum est, in contractu non reperiri æqualitatem. Nec obstat, quod scribunt Salmaticenses, detrimentum esse alterius perniciæ, & duritici tribuendum, si probe conscius de alterius certitudine adhuc spondere velit. Nam alterius perniciæ, & duritici æqualitatem non inducit; & iniquum est alterius perverfitate abuti ad illum sua pecunia certo spoliandum sub obtentu fortis, & sponsonis. At subdant, conscius de alterius certitudine cedit juri suo. Sit, ut lubet: at hæc cessio tota in errore fundatur, & quidem ipsam rei naturam respiciente, qui error omnem contractum nullum reddit, ut suo loco diximus: non enim juri suo renuntiat sponte, ut ita dicam, & ex animo, sed ex errore intellectus, quo putat collusorem, vel falli, vel mentiri & certitudinem simulare, quam non habet. Præterea nec vere juri suo cedit, quasi cognita veritate velit donare; sed quia rem dubiam adhuc reputat, & materiam contractus fortis, quo & æque vincere possit, & perdere; & spem vincendi semper retinet, cum jure & ipse exigendi pretium victoriæ. At in hiis triciis non est diutius immorandum; cum

cum nullus cordatus sit, qui statim injusitiam contractus non percipiat. Consensus tamen libenter Salmaticensibus, qui docent illicitam esse, & injusitam sponsonem illam, qua quis quatuor, aut quinque concurrentibus ad aliquod publicum ministerium; sive officium obtinendum, cum singulis sponder munus non obtenturos: ex quo fit, ut, cum nisi unus officium consequi possit, cum illo solo pretium sponsonis perdat, & cum ceteris certo vincat. Quandoquidem duplex est inæqualitas: 1. cum singulis seorsim, quorum quilibet cum quatuor, vel quinque habeat oppositores, nonnisi unum obtinet gradum probabilitatis pro se, & quatuor, vel quinque adversus se, qui omnes pro alio sponfore crescunt: 2. cum omnibus collective sumptis; certus est enim de victoria adversus tres, vel quatuor, cum periculum non subeat, nisi cum uno licet indeterminato: quod profecto æqualitatem tollit, & injusitiam inducit.

CONSECTARIUM SEPTIMUM.

VII. Sunt nonnullæ sponsones jure civili, & Ecclesiastico omnino vitæ. Et primo quidem civili jure vetantur sponsones omnes, quæ corporis certamina spectant, odii, vel æmulationis causa susceptæ. Jure vero Ecclesiastico sponsones Summi Pontificis electionem respicientes vetantur a Gregorio XIV. sub excommunicatione latæ sententiæ, sibi, & successoribus suis reservata; & insuper eas nullas, irritasque declaravit, quarum proinde pretium sit restituendum. Quod decretum limitatum & ad solam Summi Pontificis electionem, & tempore Sedis vacantis, postea Pius IV. & pro quocumque tempore, & ad electiones etiam Cardinalium extendit

sub eadem pœna, & contractus nullitate.

CONSECTARIUM OCTAVUM.

VIII. In contractibus olæ, sive sortitionis, quæ privata auctoritate instituantur de re aliqua pretio æstimabili, puta horologio aureo, vase argenteis, & similibus, ne illiberalitatis vitio adatur & injusitiam, nonnullæ sunt servandæ conditiones. 1. Ut res, quæ sortitioni proponitur, non carius æstimetur, quam vera valeat. Hujusmodi enim sortitio venditioni analogæ est, & emptioni, & solum res summo pretio vendi poterit intra limites justæ pretii. quamobrem & pretium solvendum, & numerus contribuentium ejus valori erunt cœquanda. 2. Si qui tres labores subeundi in hac sortitione ab eo præstandi, qui ollam instituit, non sunt pretio æstimandi, cum etiam in ejus cedant utilitatem, & abunde compensentur per suum pretium: quo rem vendit: quod non consequeretur, si res foret parata pecunia uni vendenda. Injuste proinde agunt, qui hujusmodi ludis quotidianum sibi victum comparent, nec alio modo suam quærunt sustentationem, cum res ultra summum pretium vendere cogantur; & hæc ars (si tamen artis nomen meretur) nullius sit utilitatis in Republica, & totum in constituente ollam, tum in potentibus schedulas, in cupiditate lucri fundetur: 3. Ut procul sint fraudes omnes, nec res ita componatur, ut non sorte, sed arte præmium uni potius obtingat, quam alteri. 4. Ut certiores fiant, qui sortitioni concurrere volunt, & de pretio singulis constituto, & de quantitate inde colligenda, ut noverint num ipsi interfit suam pecuniam exonerare. 5. Denique non instituitur, nisi

vel

vel tacite permittant, vel expresse consentiant, qui Reipublicæ præsumunt, & communi bono invigilant.

REFLEXIO.

Jure naturæ æquum esse, neminem cum alterius detrimento, & injuria locupletionem fieri, clamant Legislatores omnes, qui hanc regulam constituunt, & frequentius in suis Codicibus repetunt, & inculcant; quæ si vel sola sancto custodiretur, proculdubio omnes ab humano convictu exularent fraudes, tollerentur doli, & in humanis contrariis sola dominaretur æquitas, & iustitia. At proh dolor! dirum illud vulnus, cupiditas, & divitiarum amor, per originale peccatum inflicto saniem incessanter emanat, & virus suum usquequaque diffundit. Hinc tot doli, tot fraudes, tot cavillationes, machinationes, studia, cogitationes in humanis contrariis ad fallendum proximum, ad corrodendum undequaque lucrum, ad augendas divitias. Hinc tot investitæ in humana Republica artes, industria, adinventiones, artefacta christianis moribus vel inutilia, vel infensa. Tot mundi muliebris ornamenta, fuci, vestes tanta licentia circumductæ, ac sinuum late inundantium laxitate, ut ad navigandum vela, non ad regendum corpus institutæ videantur, vel ex adverso adeo artæ, confictæque, ut ipsis vestibus exprimantur artus, quibus adduntur dextrariola, inaures, armillæ, capitis turrata ornamenta, scæ capillaturæ, quibus conftruendis, adinveniendis, augendis innumeri pene fundant artifices. Tot fabricatores personarum ad faciem occultandam, ne pudor, & rubor in vultu iniquitatem corde erumpentem compeſcant, & planior, ac tutior sternatur via ad scelera

perpetranda, ad Religionem irridentem, ad honestatem corrumpendam. Tot Taxillorum, tesserarum, pictarum charitarum artifices, innumerabilium, & pene infinitorum scelerum instrumenta. Tot scurræ, histiones, Mimi, Pandromini, Concelliarum Auditores, qui innumeros detinent Auditores, & magno pretio, non sine familiarum, & publici boni detrimento, & in summam animarum perniciem, a longinquis etiam regionibus adiscuntur, & detinentur. Tot saltatores, & saltatrices, tot cantores & cantatrices, Musici securiti, qui, ut aurum aucupentur, nec propriis parcunt membris, cupiditatis Martyres minime coronandi, immo summo contemptui habendi, quippe qui & virilem, quem a natura sortiti sunt, sexum sponte abijciunt. His addendi, qui culinariam exercentes, innumera gulæ irritamenta, saporum sapientes architecti, excogitantur, non ad corporis alimoniam, sed ad sanitatem pellendam, morbos accerendos, sanus ipsum properandum. Omitto mendacissimum genus hominum, qui astrologiam profitentes, aures verbis divitant alienas, suas ut auro locupletent domos, sicut & illorum, qui supervacaneo præparandi per artem auri, conficiendique studio, conficiuntur ipsi prius, quam aliquid efficiant, planeque ad ignem decoquuntur. Hos profecto omnes cupiditas invenit, conservat, & ad instar inutilium stirpium propagat.

At non cupiditas, inquit, sed necessitas impellit. At quæ, amabo, necessitas? Num Reipublicæ, & communis boni? Absit. Huic non profunt hæc artes, quin immo quam maxime obfunt. Quid enim bono communi conferunt tot Pigmentarii, Cerusarii, Unguentarii? Quid Mimi, Histiones,

Sat-

Salutatores? Quid Reipublicæ profunt tot Aleatores, & chartarum Artifices? Quid tot ludorum genera, & portentosa nomina Latina, Par Impar, Tali, tesseras jacere, micare digitis; Italica Bissecta, Faraon, Biribis; Gallica Tri-Strac, le Tope, le Quinquenove, le Dupe, le Mormonique, & alia in quovis idiomate pene innumera. Arabica tamen ne quæras, nec Torcica; nam penes has Gentes hæc prorsus ignota sunt, & inaudita. Nulla profecto horum omnium necessitas, immo nec utilitas adstruenda. Num igitur privata saltem ad vitam trahendam, & victum comparandum? Verum honestæ ne habendæ hæc artes, quia utiles? Absit, Nam ut egregie animadvertit Conradus Summehart Tract. de Contract. q. 7r. „In corpore naturali sic est, quod nullum membrum deputetur ad actum, nisi ad eum, qui natus est utilitatem afferre ceteris commembris, vel corpori; sic dicitur esse in corpore mystico, idest Republica, quod actus hominum debent esse nati afferre utilitatem Reipublicæ... Quærere autem per actum nullius utilitatis in Republica suum nutrimentum, originatur ex cupiditate; quia cupiditas est velle temporalia per vias illicitas. Opera autem otiosa, ejusmodi sunt illa, quæ nullam utilitatem Reipublicæ afferre nata sunt, sunt viæ illicitæ, sic & verba otiosa. Non igitur his artibus quærendus victus; sed illæ excolendæ, quæ utiles, quæ necessariæ bono communi, & Reipublicæ: cui quidem maxime profunt Agricola, Vinitores, Architecti, Fabri ferrarii, lignarii, lanarii, Artium liberalium professores, Mercatores, alique, qui honestum lucrum sibi comparant, non cupiditati servientes, sed Deo obe-

dientes: quia, ut inquit S. Bistius in Constit. Monac. cap. 1., „Eo consilio Dominus hominem finxit... ut esset, qui se in laboribus honestis exerceret. Quandoquidem & primo in Paradiso Adæ præcepit, ut laboraret, & Paradisum ipsum custodiret... Et tum deinde, quando ex eo ille ejus exulavit, sententiam tulit, ut pane suo in sudore vultus sui vesceretur. Quod autem, quæ Adæ dicta, tunc fuerunt, ea omnibus etiam dicta sunt, qui ab eo sunt oriundi. Hoc est, quod attendentes primorum sæculorum Christiani, nulla respuebant communi utilitati opportuna ministeria, officia, & artes. Quamobrem merito de illis dicere potuit Tertullianus in Apologetico cap. 40., „Non sine foro, non sine macello, non sine balneis, tabernis, officinis, stabulis, nundinis vestris, ceterisque commerciis commoriamur hoc seculum. Navigamus, & nos vobiscum, & vobiscum militamus, & rusticamur, mercamur, proinde miscemus artes, operas nostras publicamus usui vestro. Nullum fructum operum repudiamus, plane temperamus, ne ultra modum ausperperam utamur. Quos utinam & modo nostræ ætatis Christiani imitarentur.

CAPUT SEXTUM.

De Choreis, Spectaculis, & Theatris.

DOCTRINA.

- I. Chorea moraliter inspecta turpitudinem instam habent.
- II. Ut modo sunt a Christianis, a SS. PP. tamquam perniciose reprobandur.
- III. Et etiam ab antiquioribus Theologis.
- IV. Argumentis chorearum malitia ostenditur.

V.

- V. *Speſtacula ſunt diverſi generis .*
 VI. *Speſtaculis profanis , & publicis intereſſe raro a culpa vacat .*
 VII. *Pejora ſunt ſpeſtacula , quæ ſpeſtatores ad vitia impellunt .*
 VIII. *Nonnulla ſunt minus noxia .*
 IX. *Quanam privata ſpeſtacula illicita .*
 X. *Theatra omnia de ſe mala ſunt , & quibus addeſſe non licet .*
 XI. *Hodierna Theatra emendata non ſunt , ut liceat eis intereſſe .*
 XII. *Omnia reprobarunt Patres , nulla facta diſtinctione .*
 XIII. *Patronorum Theatri teſtimoniis offenditur turpitudine .*
 XIV. *Nulla arte ab omni nequitia purgari poſſunt Theatra .*
 XV. *Oſtenditur invidiis argumentis .*
 XVI. *Clericis , & Religioſis non licet Theatris addeſſe .*
 XVII. *Nec Regularibus Comœdias in propriis Cœnobiiis repræſentare .*

§. I.

De Choreis .

I. CUM inter ludos recenſeat Theologi ea omnia , quæ animum recreare ſolent , inter eas locum habent etiam choreæ , publica ſpeſtacula , & Theatra , ſive Comœdias exhibeant , ſive Tragœdias , ſive Dramata muſico concentu recitata . De his omnibus in calce diſputationis dicendum ſuperceſt . A choreis exordium ſumamus .

Choreæ , ſi in ſe phyſice ſpeſtentur , nihil habent vel turpitudinis , vel illiberalitatis : cum revera in ſe non aliud ſint , niſi pedum motus concentui reſpondens , & pulſationi muſici alicujus inſtrumenti . Verum moraliter inſpectæ , inquit ſapientiſſimus Pontifex Benediſtus XIV. de Synodo lib. II. cap. 3. n. 1. *inſitam habent turpitudinem , quæ nullo*

Religionis ſuo obumbrari poteſt . Nec excuſantur , ſubdit , exemplo Davidis ante Arcam ſaltantis ; quia , ut exponit S. Ambroſius de Pœnit. lib. 2. cap. 6. n. 42. , Per myſticam Davidis ſaltationem , unice Deus præmonſtrare voluit Hebræis , quibus omnia in figura contingebant , ut unusquiſque corpus adrollat impigrum , nec humi pigra jacere membra , vel tardis ſinæ corpore veſtigis : propterea cavendum , ne quis putet ſaltationis lacerationes hiſtrionicos motus , & ſcenæ deliramenta mundari .

II. Multoque magis malæ , & illicitæ & inhoneſtæ choreæ , prout a Chriſtianiſ haberi ſolent , videlicet inter mares & feminas , inter puellas & adoleſcentes , inter ſponſos & ſponſas , aliis adjunctis circumſtantiis , frequentia videlicet , ornatu , aſpectu , turpiliquio &c. Hujus poſitionis veritatem oſtendunt Sancti Patres , & Theologi , variis pro cujuſque ingenio , ſed veris adductis rationibus , & argumentis . 1. Nonnulli reprobant , quia ipſa ballandi conſuetudo de Paganorum obſervatione remanſit , ut ſcribit Auſtor ſerm. 265. al. 215. de tempore inter Opera S. Auguſtini , unde ſubdit : *„ Iſti infelices , & miſeri homines , qui ballationes , & ſaltationes ante ipſas Baſilicas Sanctorum exercere non metuunt , nec erubeſcunt , eſſi Chriſtiani ad Eccleſia revertuntur , Pagani de Eccleſia revertuntur “ .* 2. Quia turpitudine præſertim , & immodieſtiam præſertim in feminis . S. Ambroſius lib. 8. de Virgin. cap. 5. *„ An quidpiam eſt tam pronum ad libidinem , quam inconditis motibus ea , quæ vel natura abscondit , vel diſciplina velavit , membrorum aperta videre , ludere oculis , rora re cervicem , comam ſpargere ? Meri-*

„rito inde in injuriam divinitatis pro-
ceditur. Quid enim ibi verecundiæ
potest esse, ubi saltatur, strepitur,
concrepatur? Quid dicitis vos, sanctæ
feminæ? Videtis, quid docere, quid
etiam dedocere filias debeatis? Sal-
tat, sed adulteræ filia. Quæ vero
pudica, quæ casta est, filias suas re-
ligionem doceat, non saltationem.“
Alii, quia in choreis Diabolus animabus
insidias struit, ut S. J. Chryso-
stomus, 48. in Matth. „Non ad tripudia
pedes nobis præbuit Deus, sed ut
modeste incedamus; non ut impu-
denter more Camelorum saltamus,
sed ut in Angelorum choris constita-
mus. Quod si corpus deformis sit im-
pudenter saltando, quanto magis ani-
mam sædari credendum est? Hæ tri-
pudiis Diabolus saltat, hiis a Dæmo-
num ministris homines decipiuntur.“
Alii denique, & frequentius ob peccata,
quæ choreas semper comitantur, &
præsertim quia libidinem provocant.
S. Antoninus P. 2. tit. 6. cap. 6. choreis
adaptat visionem Joannis in Apocalypsi
de fornace magna, ex qua exeunt locustæ,
scribens: „Locustæ illæ sunt
mulieres chorizantes. Puteus abyssi,
unde istæ ascendent, est profunditas
infernæ, unde suggeritur tale exerci-
tium chorizandi a Dæmonibus. Fumus
fornacis magnæ, cum quo exe-
unt locustæ de puteo, est incitamen-
tum, & signum magnæ concupiscen-
tiæ, & lasciviæ, unde ortum habent
choreæ, & cum quæ fiunt. Et hic
fumus obscurat solem, & aerem,
idest concupiscentia obtenebrat viros
etiam sapientes, & doctores, & ae-
rem, idest contemplativum, & ispiri-
tuales homines. Eæ ascendant super
terram, scilicet chorizantes, discursantes
sicut locustæ saltantes, nec

„rationem habent regentem eas, sed
ut bruta animalia hinc inde discu-
runt. . . Vanæ mulieres inquirunt
de locis, ubi possint ostentari, &
currunt ad talia loca, in quibus
Diabolus deiciat, & prosternat mul-
tos gladio concupiscentiæ“. S. Ca-
rolus Borromeus in Med. part. 2.
cap. 6. „Sileant execrandæ illæ, pu-
blicæque saltationes christianorum,
castitati adeo exitiosæ, rixarum, jur-
giorum, inimicitiarum, cædiumque
radices, & occasiones, immo cuius-
cumque lasciviæ seminaria. Quid plu-
ra? Ex hujusmodi saltationum con-
fortiis oriuntur corporum, famæ,
rerum, & christianæ denique posthac
disciplinæ detrimenta. Eliminenter
ergo choreæ, & una cum his tot aliæ
morum corruptelæ, quibus hoc ma-
xime tempore solet Satanas hominum
mentes suo imperio vindicare“.

III. Hac SS. PP. auctoritate, & argu-
menti permoti antiquiores Theologi,
choreas, prout exerceri solent inter
christianos, ut graviter interdictas, &
sub lethali culpa vetitas pronuntiarunt.
Gers. Dom. 4. Adv. scribit: „Choreas
ob fragilitatem difficile sine diversis
peccatis agitari, & omnia peccata
cadere, & concurrere in choreas“.
Hic itidem 6. Decal. præcept. cap. 3.
scribit: „Eæ præterea aliud multum
peccato luxuriæ deservienti, videlicet
chorea, Angelus in Summa V.
Chorea post septem præstitutas condi-
tiones, ut choreæ immunes sint a culpa,
concludit, & „quia præstatæ con-
ditiones in choreis nostri temporis
non inveniuntur, ideo non video,
quomodo sine mortali peccato quis
eas faciat ex consuetudine, sicut
communitur sunt“. Sylvest. V.
Ludus: „Secundo est prohibitus ludus

„ratione probabilis periculi animæ
 „sua, vel alterius; & hoc etiam est
 „mortale, ut crebro accidit in cho-
 „reis“. Armilla: „bonum esset, si
 „hæ choreas modernorum temporum
 „possent annihilari, „quantam, ut
 „prius dixerat, „ut plurimum his cho-
 „reis accedunt peccata mortalia“. Denique Summus Pontifex Bened. XIV. in sua Notificat. 9. choreas pluribus titulis illicitas ostendit, & validissimis confirmat argumentis, ac denique concludit: „Cum hæc ita sint, quis in-
 „ficiari audebit, choreas (licet for-
 „tassis speculative loquendo culpa im-
 „munes videantur) esse criminosas,
 „& communiter in praxi peccatis abun-
 „dare“?

IV. Et revera si ipsa chorearum praxis spectetur, plura occurrunt, quæ ostendunt, illas in se summo-
 pere malas esse, & perniciosas, & proximas per se ferre occasiones, & pericula peccandi lethaliter. Nam ut docet S. Thom. 2. 2. q. 43. a. 1. ad 4. „Aliquis potest dupliciter esse alteri causa peccandi; uno modo per se, alio modo per accidens. Per se quidem, quando aliquis suo malo verbo, vel facto intendit alium ad peccandum inducere; vel etiam, si ipse hoc non intendat, ipsum factum est tale, quod de se rationem habet, quod sit inductivum ad peccandum. Porro licet, qui choreas instituunt, qui illis assistunt, qui in illis saltant, nulla supponantur fœdari prava intentione alios inducendi ad peccatum; nihilo tamen fecius omnia, quæ in ipsis habentur, de sui ratione habent (verbis utor S. Doct.) quod sit inductiva ad peccandum, Nam 1. occurrit aspectus mulierum, & virorum mutui, & quidem non transitorius, non fugitivus, sed permanens, & morosus, & per longum tempus: talis autem aspectus

est de se concupiscentiam movere quam-
 maxime potens, ut Scriptura frequen-
 tius inculcat. Eccl. cap. 9. *Virginem ne aspicias, ne forte scandalizeris in decore illius, . . . propter speciem mulieris multi perierunt, & ex hoc concupiscentia quasi ignis exardescit.* Et si ex Evangelio non licet alienam mulierem desiderare, nec licet aspicere juxta auream S. Augustini regulam, non licet aspicere, quod non licet desiderare, 2. Ornatus mulierum, quæ ad choreas accedunt, velut ad nundinas, ut, quidquid pulchritudinis habent, decoris, & lenocinii aspicientium oculis objiciant, ad illos in sui amorem alliciendos, Et hoc quoque incentivum est libidinis, ut testatur Scriptura loc. cit. *Averte faciem tuam a muliere compta, & ne circumspicias speciem alienam.* 3. Verba, quæ adhibentur: nam hæc, licet concedere velimus non esse turpia & obscœna (semper mala, etiam extra choreas) sunt tamen saltem dulcia, blanda, seducientia, ad amorem, & benevolentiam captandam, ad cor emolliendum, & animos alliciendos ordinata; mirum proinde in modum concupiscentiam excitant, dicente Domino: *Favus distillant labia meretricis.* 4. Contactus alterum præbet peccandi periculum. Nam, ut scribit S. Hieronymus lib. 1. contra Jovin. *Mulierum tactus per se contagiosus, & venenatus, est viro fugiendus non minus quam rabidissimi canis morsus.* Et Scriptura Proverb. 6. *Numquid potest homo abscondere ignem in sinu suo, ut vestimenta illius non ardeant, aut ambulare super prunas, ut non comburantur plantæ ejus?* Sic qui ingreditur ad mulierem proximi sui, non erit mundus si tetigerit eam. 5. Pudoris, verecundiæ, & modestiæ virginis, & mulieris profundioris, In choreis enim omnis exiit pudor,

verecundia deponitur, quæ sunt veluti
sepes, a Deo muliebri sexui adjunctæ,
ut a peccatis caveant; quemadmodum
ostime animadvertit S. Jo. Climacus
Gradu 14. *Ligavit Deus concupiscentiam
mulieris freno verecundia, aliter non fie-
ret salva omnis caro.* His igitur disjectis
castitatis repagulis, & dirutis mœnibus,
hostis ingreditur, & animam misere de-
prædatur. 6. Denique motus corporis in-
conditi, soni, concentus, astantium plau-
sus vel de pulchritudine vel de dexteritate
saltantium, periculum augent. Audiatur
in amore peritissimus Petrarca, fortassis
experientia edoctus: „In choreis non tam
„ delectatio præsens, quam speratæ de-
„ lectionis auspiciis. Veneris præ-
„ ludium, illud quidem solet stupidas,
„ ac miscellas circumducere, atque ur-
„ gere, ac stringere, ac specie urba-
„ nitatis atterere. Liberæ ibi manus,
„ liberi oculi, liberæ voces, pedum
„ strepitus, & multarum cantus disso-
„ ni, & tubarum clangor, concursatio,
„ & pulvis, & quæ sæpe ludis additur,
„ hostis pudicitia, & amica scelerum
„ nox ipsa. Hæ sunt, quæ timorem,
„ ac pudorem pellunt. Hi sunt libidinum
„ stimuli, hæc laxamenta licentiæ, &
„ hæc est, nec me falli facilem putes,
„ illa delectatio, quam simpliciter, &
„ veluti innocua chorearum appellatio-
„ ne proferimini, & ludi tegmine cri-
„ mine crimen obnubilatis“. Hæc rati-
„ onum momenta a me libenter adum-
„ brata potius, quam exposita, legere
„ poteris latius adornata a piissimo P. Pau-
„ lo Segnerio 3. P. Christiani edocti Ser.
„ 29. ubi & aperte fateatur, recentiores Ca-
„ suistas, choreas a peccato excusantes,
„ adversari doctrinæ SS. Patrum, & Ec-
„ clesiæ, & solum inepta prorsus ratione,
„ & falsa eos excusare nititur, dicens,
„ 7. SS. Patres damnaſſe choreas, prout

„ revera, & in praxi habentur, Casui-
„ stas autem a peccato absolvere, quia
„ de iisdem loquuntur speculative, &
„ abstracte “: quod quam falsum sit,
„ aperte testatur Francolinus chorearum
„ Patronus, dum scribit in suo Clerico
„ Romano lib. 2. disp. 7. col. 7. n. 32.
„ Quid? Casuistæ nostri, qui sunt Do-
„ ctiores temporum, speculative de cho-
„ reis loquuntur? Qui ergo Theologi
„ decidunt occurrentes casus? Schola-
„ stici? Dogmatici? Patres? At Patres
„ illi sunt qui abstracte, speculative, &
„ nimis universe declamant, . Redar-
„ guuntur igitur a piissimo Segnerio recen-
„ tiores Casuistæ de falsa, & laxa doctri-
„ na in Ecclesiam invocti, dum ipsos falsa
„ prorsus ratione ab ipsis Casuistis impro-
„ bata excusare conatur.

V. At dicēs: Peccati igitur lethalia
arguendi erunt omnes, quotquot cho-
reas agunt, licet id raro faciant, omni
prorsus prava intentione abjecta, & ad
modestiam compositi? Huic interroga-
tioni responderi 1. Guilelmus Rodanen-
sis Glossator S. Raymundi relatus a Jo.
Hyderio in 6. Decal. Præcep. cap. 13.
„ Si aliquis, vel aliqua mulier raro,
„ & sine aliqua corrupta intentione im-
„ misceat se huiusmodi choreis, non
„ audeo dicere, quod sit mortale pec-
„ catum; sed nec audeo eum, vel
„ eam excusare, & assecurare a pec-
„ cato mortali, cum se ingerat pec-
„ ciculo provocandi alios ad libidinem,
„ & ipso facto videtur approbare cho-
„ reas, & exemplo suo auctoritatem
„ aliis similia faciendi præstare“. Quo
recitato testimonio, subdit Hyder, *cui
„ subscribo & ipse*. 2. Respondet S. Ca-
rolus Borromæus in sua ad Confessarios
Instrucone. „Oportet eum (Confes-
„ sarium) severiorem esse circa eas
„ actiones, & exercitia, quæ Reipu-
blicæ

„blicæ inutilia sunt, aut minime ne-
 „cessaria (& quanto magis, si peri-
 „culosa sim!) quæ licet ex natura sua
 „certe homines non inducant ad pec-
 „catum mortale, dant tamen propen-
 „sionem aliquam ad malum, & sæpi-
 „sime pertrahunt ad peccata mortalia,
 „cujusmodi sunt choreis interesse (mul-
 „toque magis choreas, agere), cum
 „blasphemis versari, aut rixæ delitis,
 „popinas frequentare, indulgere otio,
 „& id generis alia, quæ consuetudi-
 „nem offerunt peccandi mortaliter;
 „tum absolutionem non debet imper-
 „titi, quin his omnibus renuntiet pœ-
 „nitens, spondeatque deinceps ea ca-
 „vere diligenter. Si tamen spem ali-
 „quam de suo Pœnitente Confessarius
 „conjecit, semel iterumque poterit ab-
 „solutionem indulgere, ea tamen sem-
 „per lege, ut si in iis diutius immo-
 „retur, eam postea differat, donec
 „certis, & evidentibus indicis constet,
 „illum ab his occasionibus penitus esse
 „segregatum“. Faxit Deus, ut Con-
 „fessarii hæc salutaria monita Sanctissimi
 „Præfulis in praxi amplectantur, & ser-
 „vent.

§. II.

De Spectaculis.

V. Ea hic respicio spectacula, quæ
 a scenicis, & theatricis distinguuntur;
 de his enim in sequentibus. Spectacu-
 lorum itaque nomine eas intelligo actiones,
 & facta publica, ad quæ five vi-
 dendæ, five agenda civium copia pro-
 miscue solet interesse. Non sunt enim
 inter spectacula enumeranda, quæ inter
 privatæ alicujus domus parietes aliqui-
 bus dumtaxat amicis, & consanguineis
 interessentibus fiunt; ut sunt solemnita-
 tes nuptiarum, & conviviorum. Hæc

porro plane varia sunt, & diversi ge-
 neris, nimirum & publica & privata,
 & sacra & profana. Inter publica sa-
 cra recensentur solemniores pompæ,
 sive Processiones, quæ vel statis diebus
 solennes habentur, vel alia de causa
 instituuntur; sicut & accessus Episcopi
 ad Episcopatus possessionem, celebratio
 alicujus Synodi, vel Diocesanæ, vel
 Provincialis, vel Generalis, & similia.
 Porro hisce spectaculis, interesse est
 omnino licitum, immo pium opus, &
 Religiosum; dummodo nihil fiat, quod
 Religionem dedecet. Privata vero sa-
 cra sunt disputationes Theologicæ, exa-
 mina, & promotiones ad munus Docto-
 ris, quæ in publicis habentur Univer-
 sitatibus, & similia: & in his quoque
 nihil est, quod illicitum reddat vel ea
 habere, vel illis interesse, nisi ea fœ-
 dent vanitas, rumor, & importuna
 contentio,

VI. Spectaculis vero profanis, & pu-
 blicis, uti sunt innocua hastiludia, igni-
 tarum machinarum explosio, taurorum
 cum canibus pugna, & similia juxta
 varios regionum mores, interesse raro
 non omni culpa vacat, ut optimo do-
 cet S. Thom. IV. Sent. dist. 16. q. 4.
 a. 2. quæstiuncula 2. ad 2. scribens:
*Dicendum, quod per spectacula sensibilia
 magis animus ad vanitates distrahitur,
 quam per intelligibilia; et ideo ista magis
 sunt cavenda, quamvis peccatum curiosi-
 tatis in omnibus cavendum sit.* Hinc ap-
 posite scribit S. Bernard. de Con. ad
 Clericos: „Spectacula vana quid cor-
 „pori præsent, quid animæ, certe
 „nihil in homine, cui curiositas pos-
 „sit, invénies: frivola profus, nuga-
 „toria, & inanis consolatio! ac nemò
 „quid illi diutius impreces quam ut
 „semper habeat, quod requirit, qui
 „jucundæ quietis pacem fatigans cu-
 rio-

„riosa inquietudine delectatur.

VII. Addit tamen A. P. 2. 2. q. 97. a. 2. ad 2. „Quod inspectio spectaculorum vitiosa redditur, in quantum „per hoc homo fit pronus ad vitia, vel „lasciviam, vel crudelitatis per ea, quæ „ibi representantur“. Unde Chrysost. hom. 6. in Matth. dicit, quod adulteros, & inverecondos constituunt tales inspectiones. Quod & repetit in IV. dist. 16. q. 4. a. 2. quæstiunc. 2. scribens: „Si spectacula sint rerum turpium, & „ad peccatum provocantium, studiosa „eorum inspectio peccatum est, & „quandoque in eis tanta potest libido „adhiberi, ut sit etiam mortale: unde „a tali inspectione omnes se arcere „debent, sed præcipue continentia. „Quamobrem ob crudelitatem, & sevitiam damnantur illa spectacula, in quibus contingere potest, & ferre semper contingit mors, mutilatio, vel periculum vitæ sive agentibus, sive adstantibus hisce spectaculis. Hinc in Concilio Lateranensi vetitum fuit militibus, ad virium ostentationem iis interesse torneamentis, in quibus sæpe mors corporum, & animarum proveniebat: & Mariana agitationem Taurorum in Hispaniæ ustratam, tam spectatoribus, quam pugnantibus illicitam ostendit; cum semper aliqui vel de vita periclitentur, vel reapse vitam amittant. Innoxie tamen cum sint pugne, quæ in aliquibus Italiæ locis sunt, Taurorum cum canibus, non adeo sunt reprobandæ, quin tamen usquequaque adprobentur, cum & ipsæ animum truem & crudelem efficiant.

VIII. Tertio denique S. Tho. I. mox cit. illa spectacula exponit, quæ, inquit, sunt de rebus utilibus, & ad vitam necessariis, sicut sunt venationes, & cætera huiusmodi; & talia spectacula di-

sturbant animum; unde quamvis possit sine peccato iis intendi, servata discretione debita, quantum ad conditiones persone, & aliarum circumstantiarum; tamen penitenti sunt vitanda propter hoc, quod debet cor ad Deum colendum habere, nisi quantum necessitas exposcit. Inter hæc spectacula, quæ sine peccato haberi possunt, iisque interesse, sunt & igniarum Machinarum explosiones, ingressus Principis, eorum vel consecratio, vel coronatio: panis, vini, pecuniarum ratione alicujus lætitiæ populo vel jactatio, vel ad prædæ dimissio; quamvis longe melius foret, si pauperibus per Parochos, idoneosque ministros distribuere; cum aliter non sine tumultu fiant, vulneribus, & periculis ex nimia rapientium cupiditate non raro provenientibus.

IX. Sunt denique privata quædam spectacula, quæ a Circulatoribus populo exhibentur, ut supra funem ambulatio, vel per funem ab editissimo loco volatus, inter gladios saltus, & similia: & hæc, si sine ullo periculo fiant, & solum dexteritas agentis admirationem excitat, non alio nomine turpantur, nisi quia vana sunt otiosa, ineptique animi juvenilis oblectamenta; quæ tamen turpiora sunt, si mulieres sint, quæ supra funes vel ambulent, vel choreas ducant, quæ proinde apparent depositis vestibus, solo indecentio, & brevi amictu, ad concupiscentiam non leviter excitandam idoneo. Si vero hæc spectacula sint cum vitæ periculo conjuncta, & illa agere, & illis interesse longe turpius, & illicitum puto, tum agentibus, tum spectatoribus. Peccant quidem talia agentes, quia sine iusta, ac legitima causa, quam certe non consistit cupiditas lucri, vitæ periculo se exponero illicitum est. Nec in sua dex-

teritate, & experientia fidant cum sæpe contingat aliquo casu ruina imminere; ut accidit duobus circulatoribus non multis ab hinc annis mihi notis, quorum alter, dum ex altissima Turri descendere sicto volatu conabarur, repente disrupto fune in terram prolapsus, prius dilaniatus apparuit, quam mortuus; alter vero inter sex spathas præacutas saltum edere volens, duabus in lateribus infixis, mortem appetiit. Hisce proinde deneganda est a Confessariis absolutio, nisi a tam inutili, & simul periculoso opere omnino abstinere polliceantur. Spectatores vero peccant, dum pecunia vel data, vel promissa ad hæc præstanda vel invitant, vel jam dispositos impellunt, & de vitæ humanæ periculo inaniter oblectantur, & gaudent. Ita docet S. Antoninus P. 3. tit. 8. cap. 4. §. 12. scribens: „ Ubi
 „ immisceatur periculum vitæ, ut ten-
 „ dere arcum supra funem, & hujus-
 „ modi, illicita est ars, & eam oportet
 „ ret dimittere: & de tali intelligitur
 „ de consecr. dist. 2. cap. de dilectione.
 „ Et peccatum est talia aspicere, &
 „ talibus pro illo opere aliquid dare, ut
 „ dicit Augustinus dist. 16. Can. *Donare*.

§. III.

De Theatris.

X. Theatra, in quibus vel Dramæ, vel Comediæ, vel Tragodiæ populo exhibentur, etiam prout modo emendata (si Superis placeat) jactantur, esse libidinis irritamenta, demonum receptacula, turpitudinis, & obscenitatis veluti publica Gymnasia, & vitiorum omnium fomenta, plures invictis argumentis demonstrarunt, & contra illorum Patronos intrepide tuati sunt etiam nostris temporibus

viri doctrina, natalibus, pietate celeberrimi, Serenissimus Princeps Coniatus, ejusque Apologista Voisnius, Illustriss. Bossuetus, doctissimus Lamy, disertissimus Vulpius, & studiosissimus Concina, productis Sacrarum litterarum, Sanctorum Patrum, Conciliorum, Theologorum, & Casuistarum ea reprobantium testimoniis. Immo & ipsi Theatrorum Patroni sponte fatentur, si in Theatris obscæna tractentur, si ea habeantur vitia, quæ ab eorum oppugnantibus arguuntur, Theatra mala esse perversa, nullo pacto vel habenda, vel frequentanda; & merito adversus ista insurrexisse Patres, Concilia, Summos Pontifices ac Theologos. At vel emendari posse Theatra subdunt, vel ita revera esse emendata, ut modo sine peccato & haberi possint, & frequentari. Ut igitur rem consciam, & Animarum Curatoribus, Parochis, Confessariis luculentissime evincam, non licere Theatris adesse, duo præstanda a me sunt, nimirum 1. Theatra nunquam emendata fuisse, & suis turpitudinibus exuta, ad nostra usque tempora; ideoque nullum esse Theatrum, adeo purum, emendatumque, ut illud adire, & illi adesse christiano viro liceat; 2. nec quacumque arte humana posse emendari. His igitur probatis firmissimum erit, quidquid Patres, Concilia, Pontifices Summi, Theologi, & Casuistæ contra Theatra scripsere, quin illorum testimoniis pagellas onerem, cum legi possint apud laudatos Auctores, & præsertim apud Concinam in duplici aureo Opere, altero latino de spectaculis Theatralibus, altero Italico de hodiernis Theatris. At, ne Lectores illis omnino fraudem, plura adducam, non in probationibus, sed in Reflexione in calce de more adjicienda.

XI. Et primo quidem nulla hæcenus fuisse honesta, & licita Theatra, quæ adire, in quibus versari liceat, ostendunt omnium SS. Patrum, Conciliorum, Episcoporum testimonia, quippe quæ nulla prorsus facta distinctione inter Theatra, & spectacula honesta, licita, & turpia, sive obscæna, universim, generatim omnia damnant, rejiciunt, execrantur Theatra. Ergo nullum unquam fuit, nec modo est honestum, & liberale Theatrum Christianis fidelibus concedendum: nisi enim maximum hoc discrimen agnovissent, profecto designassent, fideles a pravis, illicitisque Theatris avocantes, licita concedentes. Quodquam verum sit, provocho Theatrorum Patronos, ut vel unum afferant ex Sanctis Patribus, ex Summis Pontificibus, ex Conciliis, & Episcopis testimonium, in quo hoc discrimen assignetur. Invenire quidem hoc discrimen recentiores Casuistæ, ut aliquo modo Theatromaniam in Christianos vigentem excusarent: at absque ullo prorsus fundamento, ex doctrina Patrum, & antiquorum Theologorum desumpto. 2. Vix prodit anno 1694. Epistola P. Francisco Caffaro Clerico Regulari tributa, in qua Comædiæ, & Theatra tamquam ex se indifferentia, & licita omni argumentorum genere propugnabantur; & statim clamor fidei auditus est: insurrexerunt enim Galliarum Episcopi ad sacrum depositum custodiendum. Archiepiscopus Parisiensis ad palinodiam Scriptorem adiecit, illum Illustris Bossuetus opusculo typis edito, & Italice reddito confutavit; ceterique Episcopi suis editis, & pastoralibus documentis oves suas de propinato veneno monuere, & ab illo degustando prohibuere. Porro quis credat Christianum, Religiosum virum Comædias, & Theatra defendis-

se obscæna, turpia, inhonesta? Omnem deposuisse ne dum pietatem, & Religionem, sed & pudorem oportuisset. Defendit igitur Theatra honesta, bene morata, uno verbo licita. Et tamen reprobarunt opus, tanquam offensionem fidelibus præbens, tanquam bonis moribus perniciosum, piissimi Episcopi. Non igitur putavere hæc Theatra honesta, pudorata, licita reperiri. 3. Ipsemet P. Franciscus Caffaro in sua Retractione, ad Archiepiscopum Parisiensem data, non se purgavit eo nomine, quia de honestis Comædiis, Theatrisque locutus esset; sed quia *ne quidem noverat, quoniam more Comædiæ haberetur*. Comædiæ igitur, & Theatra eo tempore tales erant, ut si ea agnovisset, nunquam eorum defensionem suscepisset. Erant ergo tunc illicita, inhonesta, turpia; nec ullum erat assignabile Theatrum, cui tuta conscientia liceret interesse.

XII. Quod vero Patres, Episcopi, & Concilia omnia universim reprobaverint Theatra, si de antiquioribus sermo sit, fatentur, & sponte concedunt etiam ipsi Theatrorum Patroni, quippe qui censent antiquiora Theatra fuisse Idolatriæ superstitione inquinata, vel scortorum denudatione infamia, & execrabilia: quod profecto a modernis Theatris procul exulat. At hoc quam inepte dictum sit, vel ex se patet; quia antiquorum Patrum doctrinam successores Episcopi, & Ecclesiæ Doctores, etiam penitus extincta Idolatria, ac turpitudinum infamias expulsi, adhuc adoprarunt, & novissimorum temporum universim Theatra reprobarunt. Horum igitur hic testimonia potius indigitabo, quam proferam. S. Carolus Borromæus omnibus universim spectaculis Theatralibus bellum indixit, implorata etiam

Chri-

Christianorum Principum opera : 2. p. AA. M.d. tit. 66. dicitur : „ De his „ etiam Principes , & Magistratus com- „ monendos esse duximus , ut histrio- „ nes , & mimos , ceterosque circula- „ tores , & ejus generis perditos homi- „ nes e finibus suis rejiciant “. Dominicus B lanus Episcopus Brixienfis , secundus Ambrosius nominatus , S. Ca- rolo coeetus in sua Synodo hæc statuit : „ Christifideles loca , ubi choreæ du- „ cuntur , Comœdiæ aguntur , mimi , „ histiones , & id genus aliud adhibe- „ tur , evitent omnino “. Cardinalis Aguirre Tom. 1. Concil. hæc habet : „ Mido passim contingit , ut qui casti , „ ac pudici ad ea Theatra accedunt , „ alii omnino redeant . Quot virgines , „ quod castæ Matronæ ibi concipiunt „ amores , quos ante non senserant , „ & paulatim deposito pudore suc- „ cumbunt ? Pauci sunt , si forte ali- „ qui spectantium , quibus amatoriz „ illæ phrasæ , gestus , inventiones „ non excitent affectum aliquem mi- „ nus purum . Videant ergo Magistra- „ tus , & Gubernatores Reipublicæ , qua „ ratione possint ea permittere , & an „ non sint coram Deo rei innumerabi- „ lium scelorum inde secutorum . Vi- „ derint pariter nonnulli recentes Scrip- „ tores , quanto salutis alienæ , & pro- „ prie periculo in ea parte frenan- „ dent , innixi uno , vel altero testi- „ monio S. Tho. male intellecto “. Clarissimus Bissuetus integro opusculo modernorum Theatrorum infamiam , & turpitudinem ostendit , adeo ut totum esset hic describendum : a quocumque tamen legi potest , tum Gallico , tum Italico idiomate editum , & utinam quis reperiat qui & latio donet ! Nonnulla leviter delibabo . Reprehen- dens asserentem moderna Theatrorum

spectacula innoxia esse , ostendit mo- dernas Comœdias inhonestis scætere , & impudicis motibus , dictis , concep- tibus . Colloquia , gestus , motus , concen- tus Theatrorum nonnisi ad passionem excitandas , movendamque concupi- scentiam ordinari evincit . Quod si non præsent , displicent auditoribus , qui cum Horatio dicunt , *aut ridebo , aut dormitabo* . Omni argumentorum gene- re Comœdiarum pravitatem ostendit , demonstrat , & eloquentissime urget . Pa- tronorum Theatri sophismata circum- vellit , & ea præcipue , quæ ex experi- entia desumuntur , & ex frequentia piorum etiam , & probatissimorum Chri- stianorum , qui Theatris se innoxie ad- esse glorianur , & spiritualium Magi- strorum , interesse Theatris permittentium , aut imperitiam , aut oscitantiam redarguit . Bernardus Lamy in arte poetica cap. 11. nostri temporis Co- mœdias , & Theatra antiquioribus per- niciosiora ostendit , scribens : „ Hæc „ compertum , exploratumque iis omni- „ bus est , qui nostras animadversiones „ in Comœdias adornatas legerint . Quo- „ niam cum hodierna opera Theatra- „ lia majori concinnata artificio sint , „ necessario consequitur , periculosa „ esse juxta ea , quæ dicta sunt cap. 3. “ Jo. Antonius Vulpus in Patavino Ly- ceo publicus Professor in suo lib. de uti- litate Poetices scribit : „ Comœdia po- „ rius vulgaris , & fabulæ , quas pa- „ storales , & memorescentes hodie ap- „ pellare solemus , genus Poematis par- „ tim de Idylliis , & eclogis , partim „ a Satyrico Græcorum Dramate deri- „ vatum , apud probos , & frugi infama laborant . Hec enim Dramata „ ob nequitiam argumentorum , sen- „ tentiarum lasciviam , locutionis cor- „ ruptelam , jocosum frigus , histrio- „ num

„ num improbitatem , incredibile est ,
 „ quantum ingenii , & moribus no-
 „ ceant , quam magnam animis adole-
 „ scentium , & puellarum pestem , &
 „ perniciem afferant Hinc illud
 „ considerandum est , utrum horum
 „ temporum Comœdia , quo pacto a
 „ Gallis , & Italii excolitur , bonis
 „ ac christiano dignis moribus officiat ,
 „ nec ne . De Italorum Comœdiis fa-
 „ cillimum est judicare . Tot enim fu-
 „ tilibus , ineptis , inurbanis , obscœ-
 „ nis , frigidis jocis abundant , ut ni-
 „ hil aliud propositum habere videan-
 „ tur , nisi cachinnum pueris , & mu-
 „ lierculis , aut hominum faci vilissimis
 „ quicumque ratione excitare . . . Se-
 „ culo quidem sexto decimo bonis lit-
 „ teris valde florentibus Italorum Co-
 „ mœdiæ hac in parte minus aliquanto
 „ delirabant , & in eorum jocis minus
 „ frigoris , & quiescentiarum animad-
 „ verti poterat . . . tamen improbitatis
 „ officinas recte vocaveris in argumen-
 „ tis , moribus , sententiis . Neque ta-
 „ men existimandum est , solam in Co-
 „ mœdiis operantem obscœnitatem probæ
 „ ac pudicæ juventuti detrimento
 „ esse . Sunt alia plura , specie venu-
 „ statis , elegantie , leporis , humani-
 „ tatis fallentia , infidiarum plena , ve-
 „ neri , ac pestilentia , quibus Poetæ ne-
 „ quam hoc tempore gratiam populi au-
 „ cupantur , & moribus perniciem infe-
 „ runt “ . Prosequitur ille disertissime
 Theatrorum nostri temporis fœditatem ,
 turpitudinem , & perniciem ostendere .

XIII. Quid quod & ipsi Comœdian-
 rum , & Dramatum Auctores , & Thea-
 trorum Patroni , & Comœdii sponte fa-
 tentur , prava adhuc esse , mala , im-
 pudica , perniciofa Theatra ? Primus sit
 Ludovicus Riccoboni , qui quadraginta
 annis Comicum egit , & etiam in aris

Fatuzzi Theol. Moral. Tom. V.

suæ , & Theatricæ defensionem librum
 scripserat : sed facti poenitens anno
 1743. Gallicum Libellum edidit de
 Theatri Reformatione inscriptum , ibi
 ingenue confitetur , 1. se a primis us-
 que annis , quibus Comicum agere cœ-
 pit , prava deprehendisse Theatra , &
 semper optasse ab illis discedere . 2.
 Vere hodierna Theatra (pag. 11.) in
 suo initio appellari posse impudiciæ
 Triumphum , & post eorum emenda-
 tionem pessimæ corruptelæ , & pravitatis
 gymnasium . Pag. 18. Amores , &
 Amantes , qui exhibentur in scenis , ad
 libidinem excitandam deservire , & li-
 bidosos in suis impudiciis confirmare .
 Pag. 86. confitetur , quidquid a Patri-
 bus adversus antiquiora Theatra dic-
 tum fuit , optime & modernis Thea-
 tris quadrare . Se agnoscere propria
 experientia utilissimum fore Christianæ
 Reipublicæ , si Theatra penitus tolle-
 rentur . Alter sit Scipio Maffei , vis
 clarissimus , qui Theatrorum perniciem
 auferre quidem conatus est ; at se id
 minime obtinuisse fatetur . Nam in li-
 bro , quem adversus P. Concinam scrip-
 sit , 1. sponte confitetur cap. 1. n. 3.
 se initio hujus seculi ferre non potuisse
 italica Theatra , adeo obscœna , & tur-
 pia , ut nec illa agere , nec illis adesse
 christiano viro absolute liceret : adeoque
 longe melius foret , si non existerent , &
 eorum quoque nomen penitus tolleretur .
 Talia igitur erant Theatra , quæ habere ,
 vel adire christiano viro non liceret ,
 & hoc primis hujus seculi annis . At
 sunt ne postea ejus opera , studio , &
 sedulitate , in quibus plurimum vale-
 bat , emendata , & ita castigata , ut non
 amplius sint abolenda , sed retinenda ?
 Minime , subdit idem Maffei n. 12.
 nam adhuc superest aliquid antiquæ turpi-
 tudinis : non enim omnes statutam ab int-
 tio

tio hujus seculi reformationem sunt ample-
xi; & novæ turpitudines superaddite,
nimirum immodesta choreæ, & saltatio-
nes, quæ elapso seculo non obtinebant.
En igitur juxta Theatrorum Reforma-
torem nihil ædum: sunt omnia Thea-
tra adhuc turpia & ob veteres non de-
lectas, & ob novas inventas turpitudi-
nes. Nulla igitur nec modo habentur
Theatra, quæ agere, vel quæ adesse
christiano viro absolute liceat. Tertium
produco Goldonum, famigeratissimum
Comœdiarum Auctorem, viventem, &
scribentem: hic sponte fatetur, adhuc
populi Christiani animo insidere, non
licere honestis puellis Theatra adire.
Sic ille in sua Comœdia, cui titulus
Adolescentula honesta (la Putte onorata)
in qua Act. 3. Scena 3. sic honestam
adolescentulam Marchionissæ dicenti,
mecum ad Comœdiam venis, responden-
tem inducit (*): *Abst, Comœdiis nun-
quam interfui: honesta adolescentes Comœ-
diis non interfunt. At, quæso, unde
hoc didicisti puella, non bene educata,
non in aliquo Monasterio instructa, sed
villis, sed rudis, sed plebeja? profe-
cto non nisi ex communi sensu, & uni-
versali persuasione Theatra honestis
puellis esse infensissima. Sunt ergo &
hodierna Theatra honestatis inimica.*
Fateor quidem, laudatum Auctorem
statim inducere Marchionissam reponen-
tem: *Adolescentes Comœdiis turpibus in-
teresse non debent; at bonis, & bene
moratis interesse & possunt, & debent.*
At primum in Comico admittendum;
naturæ enim, quam imitatur, & ex-
primit, vox est: alterum rejiciendum,
tanquam emendicatum suæ artis patro-

cinium. Et certe lex, quam novus Le-
gislator puellis honestis indicit, ut de-
beant Comœdis interesse, nōdum in
nullo est juro, sive civili, sive Ecce-
siastico relata, nec referetur unquam.
En igitur invideat offensum, hodiernæ
Theatra talia esse, ut viro Christiano
fas non sit tanta conscientia illis interesse.

XIV. At saltem cura, & studio per-
ritorum tandem aliquando ita Theatra
reformabuntur, ut fiant casta, honesta
gymnasia virtutis, & Christianæ Philo-
sophiæ cathedra? Dulce somnium!
Blanda chimæra! Interim tamen mihi
pronunciare liceat Theatris abstinendum,
donec sperata inducitur sit Reformatio: qua
inducta quid agendum, quid sit Chris-
tianis consulendum, Ecclesiæ Pastores
decernent. Verum fatendum est: hoc
optarunt etiam viri omni laude dignis-
simi, 'at simul eorum desiderium chi-
mæram esse sponte agnovere, & con-
fessi sunt. Testes appello duos celebres
Jesuitas Petrum de Guzman, & Joan-
nem Marianam. Primus ser. 6. §. 8.
hæc scribit Hispanico idiomate, quæ
latine reddidit Daniel' Conc. de spect.
Theatr. Diss. 1. cap. 19. „Tor secu-
„lorum experientia condit, fieri ne-
„quaquam posse, ut ad honestatis re-
„gulas Comœdiæ reformentur, & mo-
„derentur, joci, facetiis, & discer-
„tiis inhonestis sublati. Fuerunt enim
„suntque in præsens velut hydra, cu-
„jus si unum præcideris caput, aliud
„renascitur; aut brachium grægræna
„infectum, quod salubrius est torum,
„quam ulcerosam parient amputare.
„Facilius itaque Comœdiæ e Republica
Chri-

(*) Act. 3. Scen. 3. *Beni* Verrrete meco alla Commedia. *Ben.* O la me perdona, no ghe sono mai stada: le Putte non le va alla Commedia. *Ben.* Le Putte non devono andare alle Commedie scandolese, ma alle buone Commedie, oneste, e castigate vi pollono, anzi vi devono andare.

„ Christiana exterminari, quam refor-
 „ mari queunt; sicut præstitit Catholi-
 „ cus Rex Philippus II. immortalis me-
 „ moriæ “. Alter vero lib. 7. de Re-
 „ gis Instit. cap. 16. scribit: „ Censo
 „ cum multis fore utile Reipublicæ, si
 „ histriones pretio venales penitus re-
 „ moveantur. Omnes enim pecuniæ
 „ causa omnes turpitudines suscipiunt,
 „ instillantque aliis: quæstuaria arte
 „ exhauriunt pecuniæ, & veluti sopi-
 „ tis voluprate sensibus, latenter extor-
 „ quent, quas non minori turpitudine
 „ infumant: otio, & desidia ut tor-
 „ peant Christiani, efficiunt, quæ om-
 „ nium vitiorum radix est, vitii omni-
 „ bus, & fraudibus viam. muniunt, li-
 „ bidini maxime, quæ auribus, & ocu-
 „ lis suscipitur . . . Quod si non obti-
 „ nemus, ut ludi scenici penitus amo-
 „ veantur, & placet nihilominus eam.
 „ oblectationem populis dare, quod jus,
 „ & æquitas postulare videtur; impe-
 „ trare certe æquimus, ut delectus
 „ aliquis sit, nec promiscua licentia
 „ quideis agendi histrionibus conceda-
 „ tur; sed legibus certis circumscri-
 „ bantur, & finibus, quos nemo impune
 „ transgrediatur. *Tametsi nullis legibus*
 „ (N. B.) *putabam furorẽ hunc satis*
 „ *frænari* “. Prudenter quidam: *O be-*
 „ *re* (inquit) *quæ res nec modum habet,*
 „ *neque consilium, ratione, modoque trahæ-*
 „ *ri non vult* .

XV. Revera Theatra mutari quidem
 possunt, emendari omnino non possunt.
 Murabitur, si quidem placeat Concedia-
 rum, Dramatum, Trægiarum scriben-
 darum motus; at, quod pravam in
 ipsa, non auferretur. Semper enim in
 eum scopum collineare verum erit, ut
 indomitos humani cordis affectus, seu
 passionis, aut libidinis, aut ambitionis,
 aut vanæ gloriæ, aut vindictæ, aut

desperationis excitent, existimentur,
 inflamment. Sint, si lubet, honesta
 verba: quod tamen illis exprimitur,
 amatorum, molle, effeminatum semper
 erit. Nonne superius vidimus ex Claris-
 simo Vulpio, murata quidem hoc tem-
 pore Italica Theatra, quia florentibus
 bonis literis minus aliquanto delirant,
 muratas apertas illas, & obscœnissimas
 phrasas, & turpissimas verba; at non
 per hoc emendatum sensum, & signifi-
 ficata. Nam, ut subdit laudatus Au-
 thor, *Leditur & in his verecundia,*
 „ *aut periclitatur saltem, omnibus lib-*
 „ *dis, atque intemperantia conatibus,*
 „ *& dolis oppugnata, & labefactata*
 „ *verbis, inquam & sententiis, venenum*
 „ *sub melle celantibus, ex quibus,*
 „ *tantum ex tenuissimo amictu aliquo,*
 „ *vitium satis pellucet, at non obscura*
 „ *turpium voluptatum significatione mi-*
 „ *rabiles sui amores exsuscitat* “. Tol-
 lendi forent etiam mimi, & mimmæ,
 quæ gestibus, motibus, jocis, nutibus,
 aliisque præstigiis audientes dementant,
 & effeminant. At his sublatis, quæ ho-
 nestæ mulier Theatrum conscendere, &
 in scenam apparere volet? Nullam puto
 repertum iri Christianam Matrem, quæ
 non malit filiam suam in tumultu scœne-
 tem, quam in Theatro saluantem vi-
 dere. Tollendæ essent choreæ, & sal-
 tationes, de quibus scribit Maffæjus,
Minorum saltus, denudationes, corporis
motus, quæ de mimico aliquid partici-
pant, sœnatibus movent honestati civili,
& illis qui decoris omnino vel ignari non
sunt, vel non inimici. Et tamen & ista
auferre pene est impossibile; quia plebei
his magis oblectantur, quam cantu, ut
 subdit idem Maffæjus, *Auferendus &*
cantus, & musica, de qua scribit cap.
1. n. 6. „ Plato volebat a Magistrati-
 „ *bus curam suscipiendam de musica,*
 „ *G g 2*

„ & concentu, ejusque modulis; nam,
 „ si lascivus sit, & mollis, multum
 „ in amores insuit. Quid igitur di-
 „ cendum de Dramarum musica? pro-
 „ cul dubio hæc plurimum valet,
 „ ejusque causa magnum asferre pos-
 „ sunt Theatra nocumentum “. Vê-
 „ rum hoc molli, effeminatoque, proin-
 „ de pernicioso sublimi concentu, & ejus
 „ loco gravi, honestaque investit musica,
 „ popellus non amplius ad Theatra, sed
 „ ad templa festinabit, seu potius ab
 „ utrisque abinebit. Auferendus inhone-
 „ stus!, & inverecundus vestimentorum
 „ apparatus, quam ipse Massejus damnat,
 „ illum appellans *deformem Theatralem*
pompam: At quis Theatrales mulierculas
 „ suis ornamentis spoliari posse puta-
 „ bit? Concludamus igitur verbis Georgii
 „ Grabocui, heterodoxi quidem Theologi,
 „ sed optime sic scribentis in suo judicio
 „ de hodiernis Comædiis: „ Porro dixerit
 „ „ aliquis, ea omnia Comædiis abesse
 „ „ debent. Debent omnino ex præce-
 „ „ ptis Theologorum, sed nondum, quod
 „ „ sciam, abfuerunt; neque impostum,
 „ „ quantum prævideri potest, salvo eo-
 „ „ rum statu aberunt. Sunt enim certo
 „ „ modo essentialia, immo anima Co-
 „ „ mædiarum, sunt adjuncta, quæ
 „ „ mentis quidem separatione abstrahun-
 „ „ tur, re tamen inseparabiliter con-
 „ „ juncta manent. Sunt ex eorum ge-
 „ „ nere, quorum alia perfacile, alia
 „ „ difficulter, alia raro, alia nunquam
 „ „ sine eorum interitu abesse poterunt.
 „ „ Nam sublati illis illecebris deficient
 „ „ spectatores, deficientibus spectatori-
 „ „ bus deficient Comædii, deficientibus
 „ „ autem comædiis deficient Auditores
 „ „ cum Actoribus. Hoc autem facto
 „ „ accidentia cum substantia, abusus
 „ „ cum usu, adjuncta cum subjectis

„ peribunt “. Animadvertant igitur
 „ animarum moderatores, & ab illa ca-
 „ veant distinctione inter Casuistas fami-
 „ liari, si Theatra honesta sint, si pudica,
 „ illis adesse nullum est peccatum;
 „ si obscæna, si impudica, si bonis mori-
 „ bus noxia, ab illis omnino abstinendum:
 „ & sciant, & pro comperto ha-
 „ beant, hodierna Theatra nec pudica,
 „ nec honesta haberi, sed omnia plus,
 „ minusve impudica esse, turpia, obscæ-
 „ na, bonis moribus infensa, concupi-
 „ scentiam allicientia, & passionem mo-
 „ ventia; quamobrem ab omnibus omnino
 „ abstinendum, nec unquam Sacramento-
 „ rum frequentiam cum Theatrorum fre-
 „ quentatione conjungendam; nec unquam
 „ concedendum, eos qui mane ad Eu-
 „ charistiam accedunt, vespere in Thea-
 „ tro sedere .

XVI. Quod si Laicis illicitum est vel
 „ in Theatris agere, vel in illis assistere;
 „ multo magis hoc illicitum est Clericis,
 „ tum secularibus, tum Regularibus.
 „ Hoc luculenter probat, & ostendit Sa-
 „ pientissimus Pontifex Bened. XIV. in suo
 „ Opere de-Synodo lib. 7. c. 10. n. 11.
 „ & in suis Instr. 37. & 76. ubi Sacrorum
 „ Canonum statuta refert; Laodiceni an.
 „ 372. celebrati, & in jure Canonico re-
 „ lati cap. 54. de Consecrat. dist. 5. can.
 „ 37. statuentis: „ Non oportet Ministros
 „ „ Altaris, vel quolibet Clericos spe-
 „ „ cialiter aliquibus, quæ in nuptiis,
 „ „ aut scenis exhibentur, interesse; sed
 „ „ anequam thymelici ingrediantur, sur-
 „ „ gere eos de convivio, & abire “. Synodi
 „ „ Venericæ, & Agathensis relatæ
 „ „ a Gratiano dist. 34. can. 19. quæ sta-
 „ „ tuunt: „ Presbyteri, Diaconi, Sub-
 „ „ diaconi, vel deinceps quibus ducenti
 „ „ di uxorem licentia non est, etiam
 „ „ alienarum nuptiarum evitent convi-
 „ „ via;

„ via ; nec his cœlibus miſceantur, ubi
 „ amatoria cantantur, & turpia, aut
 „ obſcœni motus corporum choreis, &
 „ ſaltibus efferuntur, ne auditis, aut
 „ obſcenis Sacris Myſteriiſ deputa-
 „ tus, turpium ſpectaculorum, atque
 „ verborum contagione polluantur. Nam
 „ Eccleſiæ mens fuit, ut habetur in
 „ Can. *his igitur* diſt. 23. hac lege Pa-
 „ trum cavere, ut a vulgari vita ſecula-
 „ ri, a Mundi voluptatibus ſeſe abſtineant,
 „ non ſpectaculis, non pompis inter-
 „ ſint “. Et Sacra Congregatio præſcri-
 „ bit Episcopis, ut vetent Clericis, ne
 „ choreas permittant fieri (& idem de
 „ ſpectaculis, & Comœdiis intelligendum)
 „ in ſuis Œdibus Canonicalibus, Parochia-
 „ libus, deputatis pro domicilio Benefi-
 „ ciati; & hoc, etiamſi talia fierent
 „ nomine conſanguineorum ibidem ſecum
 „ habitantium. Quamobrem jure merito,
 „ ut nimis laxam, erroneam, & ſcanda-
 „ loſam, rejicit doctrinam Lucii Ferrarii
 „ docentis : „ Si Comœdiæ audiantur ob
 „ ſolam vanam curioſitatem abſque pe-
 „ riculo probabili lapſus, etiamſi res
 „ turpes repræſententur, & modus re-
 „ præſentandi ſit turpis, probabilius eſt
 „ non eſſe peccatum mortale, ceſſante
 „ ſcandalo; quod modo videtur ceſſaſ-
 „ ſe, & non eſſe, quia frequentiffimum
 „ eſt Clericis Comœdiis intereſſe “. Et
 „ revera, ſi juxta Apoſtolum 2. ad
 „ Timoth. 2. *Nemo militans Deo implicat*
 „ *ſe negotiis ſecularibus*, ut ei placeat, qui
 „ ſe probavit; quanto magis non ſe im-
 „ plicare debent ſpectaculis profanis The-
 „ atralibus? Quod adeo juſtum agnovit &
 „ ipſe Julianus Apoſtata, ut Aſcario ſu-
 „ premo Decorum Pontifici ſcripſerit, que-
 „ madmodum habetur apud Sozomenum
 „ Hiſt. Eccl. lib. 5. c. 16. „ Sacerdotes
 „ hortare, ut neque ad Theatrum ac-

„ cedant, neque in Tabernis bibant,
 „ nec artiſicio, & operi alicui turpi, &
 „ probro præſint, & qui in hiſ rebus
 „ morem gerunt, eis honorem tributo;
 „ qui autem reſiſtunt, expellito “. Hiſ
 „ addendum ſcandalum, quod ſecularibus
 „ exhibent, dum eos in pulpitis theatri-
 „ cis aſſidere vident, qui contra theatra
 „ declamare deberent, & chriſtianam ple-
 „ bem arcere. Quare optime docet Car-
 „ dinalis Cajetanus 2. 2. q. 167. a. 2. ad
 „ 2. „ Quoniam communiter, qui inter-
 „ ſunt hujusmodi ſpectaculis, deſecti-
 „ ætionis cauſa adſunt; ideo ſi indecen-
 „ tia ſint (multo magis ſi turpia, ſi
 „ obſcœna) quæ repræſentantur, non
 „ excuſantur a peccato videntes, dato
 „ quod in veritate ſola eos repræſenta-
 „ tio delectaret. Et ratio eſt, quia
 „ ſaltem dant exteriori adu operam rei
 „ illicitæ, ſcilicet delectabili præſen-
 „ tia de indecentibus. Præſentia ſiqui-
 „ dem illa exterior ſuapte natura com-
 „ munitur ſit ad delectandum animum,
 „ non de ſola repræſentatione, ſed &
 „ de repræſentatis, ut patet. Præter
 „ hoc autem gravius peccant viri gra-
 „ ves ratione ſcandali, & mali exem-
 „ pli. Graviſſime autem Clerici, Reli-
 „ gioſi Sacerdotes, aut Pontifices ſi in
 „ hoc delinquerent “.

XVI. Non licet Regularibus, nec in
 proprio Cœnobio, religioſis depoſitis,
 vel occultatis veſtibus eas Comœdias,
 Tragœdias, Dramata repræſentare, quæ
 in publicis exhibentur Theatris, vel il-
 lis ſimilia; idemque dicendum de Mo-
 nialibus. Hanc quæſtionem agit Pon-
 tificius Tom. 1. V. Comœdia, Caſ. 4.
 cum hac etiam limitatione, nimirum;
 quod opus theatrale ſit ſacrum, & pium;
 & ſtatuit hujusmodi Religioſos a gra-
 vi peccato minime cenſendos immu-
 nes.

nes. Et 1. quidem ob temerariam habitus depositionem: nam quamvis habitus religiosi spoliatio non semper illi sit, temeraria tamen dimissio, vel acutatio semper est vitiosa. Spoliatio autem habetur, quando Religiosus vestem deponit iusta aliqua de causa, videlicet, ut dormiat, laboret, grave vitæ periculum evitet, vel caritatis officium erga proximum exerceat. Temeraria vero dicitur dimissio, quando sit absque ulla iusta, rationabilique causa, ut docet S. Thom. 2. 2. q. 53. art. 3. ad 2. *Ille dicitur temere fieri, qui ratione non reguntur.* Porro temerarium pronunciat Pontasius hanc dimissionem, cum non liceat Religiosis nec brevi tempore habitum religiosum deponere ob aliquam delectationem, etiam licitam, qualis esset lusus pilei; & multo minus liceat, ut theatralium induant vestem, quæ propria non est nisi Mimorum, quos Ecclesia anathemate fecit. Longe autem turpius esset, si vestem muliebrem assumeres, cum juxta S. Thom. *vitiosum sit, quod mulier utatur veste virili, & e converso; nec exousari possit, ut subdit Angelicus, nisi ob aliquam necessitatem, vel causa se occultandi ab hostibus, vel propter defectum alterius vestimenti, vel propter aliud hujusmodi.* 2. Quia hujusmodi oblectatio, cum suapte natura, & ex suis circumstantiis omnino mundana sit, & ex iis, quibus fiuntur seculares, nulla ratione convenire potest Religiosis, qui propter sui status sanctitatem debent esse quammaxime alieni a moribus, & vitiis mundi. Cui rationi addendum, quod si argumentum theatrale esset profanum, amatorium, vel tragicum, cuiusmodi sunt, quæ in Theatris exhibentur, omnia illa urgerent argumen-

ta, quæ superius contra Theatra exhibuimus: tunc enim Religiosi recitantes eos animo affectus vel amoris, vel odii, vel vindictæ concipere deberent, ut eos vividius repræsentare possent: unde si amatorii sunt, castitas multum periclitaretur; & si alterius generis, passionibus, quæ moderari debent Religiosi, in se ipsis excitarent. 3. Pontasii argumentum est scandalum secularium, qui vel hujusmodi spectaculis intersuam, vel sciunt exhiberi: quod sane scandalum grave putat, etiam dum argumentum sacrum est; & multo magis augetur, si profanum, & theatrale, & comicum. Quamobrem seculares inde arguunt, licere sibi theatris adesse, cum & Religiosi theatra habeant; vel pravam concipiunt de Religiosis opinionem, eoquæ contempniri habent. Hicæ argumentis plura alia, & quidem non minoris roboris, addit Concina de Spectaculis Theatr. Diss. 2. cap. 2. nimirum violatio voti pauperiæ, cum plura expendantur in Theatrorum constructione, in vestibus comparandis, in theatri apparatu, in luminibus. Contra votum obedientiæ, nam vel ista sunt inuitis Prælati, & Superioribus, qui solum ad maiora vitanda mala id permittunt; & tunc inobedientiæ crimine polluantur subditi Italia agentes; vel consentiant, & tunc & Superiores, & subditi Reguli, & Canonibus inobedientes sunt hæc verantibus. His addenda temporis pessundatio in comediis addiscendis, & ad experimentum primum, deinde ad spectaculum pluries recitandis; impedimenta, quæ afferunt ad disciplinæ Monasticæ exercitia, ad recitationem Officii in choro, ad sacram meditationem, & lectionem, ad sua studia excolenda. Quid denique

iu-

indignum magis Religioso viro per plures noctis horas Comœdum agere, profana e scena recitare; & in crastinum postea vel ad sacram Communionem, vel ad Sacrificium Missæ celebrandum accedere? Hæc sunt, quæ Pontasius, & Concina proferunt ad posticā doctrinæ confirmationem. Quibus consentit Jacobus de Grassis Decis. aur. par. x. lib. 3. cap. 5. n. 77. scribens: „Religiosos dimittendo habirum, vel occultando propter ludum larvarum, etiam intra Monasterium, peccat mortaliter; ut si veste feminea utatur, vel alia, quæ causa est lascivitiæ. . . . Tum etiam ob multa inconvenientia, atque mortalia, quæ evenire solent auxiliantibus ad induendum tali feminea veste, ac dum a mulieribus mutuo accipiuntur, & ex inspectione ludorum, atque ex verbis scurrilibus provocantibus ad libertatem, nec non ex memoria præteritotum. . . . Tum etiam propter scandalum evitandum, quod, etsi talis ludus exerceatur in Monasterio, tamen semper adsunt & laici, qui scandalizantur. . . . & quamvis deus sint laici, semper tamen sunt vicii religiosi timentes Deum, qui scandalizantur. Quare ad tollendum hoc scandalum debet omne quod potest, dimitti, exceptis tribus veritatibus, vitæ, iustitiæ, & doctrinæ. Cum autem hæc argumenta & de Virginibus urgeant in Monasterio Deo dicatis, & illis quoque censendum interdiciam esse Comœdilarum representationem; licet fiat fortassis per seculares puellas in Cœnobio ad educationem degentes, quod prefecto non sine magno scandalo fieret. Unde Colonjense Concilium ann. 1549. optime statuit: „Spectacula, etiam si de rebus sacris, & piis exhi-

berentur, parum tamen boni, mali, vero plurimum relinquere in sanctimonialium mentibus possunt, gestus, externos spectantibus, & mirantibus. . . . Ideo vetamus, & prohibemus, posthac vel Comœcos admitti in Virginum Monasteria, vel Virgines comœliis spectare. Hæc idem proportione servata dicendum de Clericis in Seminariis, vel Collegiis ad educationem collectis; cum eorum statum dedecet Comœcos agere, vel Theatris interesse. De laicis vero adulescentibus in Collegiis degentibus dicemus in Corollaris.

CAPUT SEPTIMUM.

CONSECTARIA PRÆCEDENTIS
DOCTRINÆ.

- I. Non licet Clericis, & Religiosis spectaculis adesse.
- II. Nec choreas habere, vel ipsis interesse.
- III. Peccant lethaliter Regulares, qui larvas, seu personam assumunt, ut spectaculis liberius adsint.
- IV. Quando illicitum non sit adolescentibus in Collegiis representationes exhibere.
- V. Histriones absolvi non possunt, nisi artem scenicam dimittant.
- VI. Qui Theatris intersunt, a lethali peccato non excusantur.
- VII. Num quis necessitate cogente possit theatricis adesse spectaculis absque culpa.
- VIII. Vitiosum est, si mulier, vel vir vestimentum suo sexui congruum mutet; & aliquando hæc mutatio lethale peccatum esse potest.
- IX. Spectaculis, & theatris adesse diebus festis culpam augeat.
- X. Iustissima Pastores, & Parochi vetant, & prohibent Rusticos choreas habere.

Reflexio.

CON-

CONSECTARIUM PRIMUM.

I. **N**ON licet Clericis, & Religiosis spectaculis profanis publicis, etiam non theatricis, interesse. Patet hujus consecrarii veritas ex iis, quæ superius attulimus, Decretis, & sacris Canonibus; quippe quia in illis non Theatrorum sola spectacula proibentur, sed cujuscumque generis, ut ea expendenti parebit, quibus, hic nonnulla addere placet. Can. non Ministros de Consecr. dist. 4. dicitur: „Non decet „Ministros Altaris, vel quoslibet Cle- „ricos spectaculis aliquibus, quæ aut in „nuptiis, vel scenis exhibentur, in- „teresse“. Concil. Trull. can. 24. „Ne cui liceat eorum, qui in Sacerdo- „tali Ordine numerantur, vel Mona- „chorum, in eorum curriculum sub- „sistere, vel scenicos ludos sustinere. „Sed etsi quis Clericus ad nuptias vo- „cetur, quando ad deceptionem com- „parata ludrica ingressa fuerint, sur- „gat, & discedat“. Concil. Cabilonen. „ann. 813. statuit: „Ab omnibus ocu- „lorum, auriumque illecebris Sacer- „dotes abstinere debent, & histrionum, „seu scurrarum, & turpium, seu obs- „cenorum jocosum insolentiam fugere“. Concil. Turonens. VIII. in Capitulari- „bus Regum Francor. insertum, statuit: „Ab omnibus, quæcumque ad aurium „& oculorum pertinent illecebras, un- „de vigor animi emolliiri posse creda- „tur, quod de aliquibus generibus „musicorum, aliisque nonnullis rebus „sensiri potest, Dei Sacerdotes absti- „nere debent; quia per aurium, ocu- „lorumque illecebras turba vitiorum ad „animum ingredi solet“. Et revera „offensum sunt populo Christiano Reli- „giosi, & Clerici, cum spectaculis ad- „esse cernuntur; & eos vel contemptui

habent, vel magis in suis vanitatibus horum exemplis confirmantur.

CONSECTARIUM SECUNDUM.

II. Choreas promiscuas agere, in il-
lis musicum instrumentum pulsare, vel
illis adesse est specialiter Clericis, tum
secularibus, tum regularibus interdich-
tum; adeo ut raro a culpa lethali ex-
cusari possint. Innumera pene sunt Con-
cilia, quibus Clericis interdicitur cho-
reis adesse, sive cumulatim cum aliis
spectaculis, sive spectatim. Concilium
Mediolanense P. 2. tit. 25. statuit:
„Clerici choreas privatas, aut publicas
„non agent, nec spectabunt“. Con-
cil. Bituricens. tit. 25. can. 6. „Cleri-
„ci . . . a choreis, ac saltationibus
„agendis, aut spectandis abstineant“.
Concilium Narbonense cap. 62. indicit:
„quod in populo veniale est, in Sacer-
„dotibus judicatur sacrilegium. Ideo;
„ut monemus periculum, ita Clericis
„districte choreas quacumque ex causa
„ducere, aut illis interesse prohibe-
„mus“. S. Franciscus Salesius (ut
„refertur lib. de Synodo lib. 11. cap.
10. n. 11.) in suis Synodalibus Con-
stitutionibus P. 3. tit. 4. ipso facto a
Divinis suspensos voluit Sacerdotes, eo
sceleris devenientes, ut choreas nedum
spectare, sed & ducere auderent. Ben.
XIV. dum Bononiensem Episcopatum
tenebat, Decreto, & dupl. Instru-
37. & 76. choreas Clericis prohibuit,
& qui eas antea habuerant, severissime
punivit. Nullaque pene est Diocesana
Synodus in ita tota Italia, in quibus
choreæ Clericis districte non prohibean-
tur sub pœna suspensionis vel lætæ, vel
ferendæ sententiæ, sive primo, sive
tertio choreas egerint, aut illis inter-
fuerint. Et jure meritoque: si enim
seculares vix a lethali peccato excu-
antur,

tur, si choreas habeant, quanto magis id in Clerico, & Religioso damnandum est, cum & scandalum accedat, quo in pravo, & vitioso actu confirmantur seculares?

CONSECTARIUM TERTIUM.

III. Peccant lethaliter Monachi, & Regulares, qui Religionis habitu dimisso, vel occultato larvam, seu personam induunt, ut extra Monasterium liberius vagentur, & spectaculis intersint, & insuper excommunicatione innotantur. De Monachis, & Regularibus sermonem instituo: nam de Clericis secularibus agam in Tract. de Sacramento Ordinis. Hanc questionem fufe, & more suo docte & nervose tractat Daniel Concina, primum peculiari differt. sub ascitio nomine Caroli Plantamura, postea in Appendice operis de Spectaculis Theatralibus, ex quo nonnulla delibabo. Et 1. quidem hic sermo est, non de quacumque habitu dimissione ad jocum intra claustra, vel ex iusta causa etiam extra Cœnobium; sed de illa, quæ ideo fit, ut assumpta larva liberius Religiosus per urbem vagari possit, theatra, & spectacula adire. Quo posito Consectarii veritas sit invide probatur. Nam ut docet S. Thom. 2. 2. qu. 186. art. 7. „Determinatio „habitus pertinet ad omnia tria vota, „tanquam signum obligationis. Unde „habitus Regularis si nullo datur, vel „benedicatur cum professione“. Quibus verbis indicat D. A. gestationem habitus religiosi, tanquam signum, ad substantiam status religiosi, pertinere. Nam ut optime notat Jacobus de Grassis Decis. aur. P. 2. lib. 3. cap. 18. „Dilatatio habitus est de substantia Monachatus; igitur, quando dicitur, „quod habitus est de accidentalibus,

Patuzzi Theol. Moral. Tom. V.

„& quod non facit Monachum, intel- „ligitur dumtaxat; sed professio, id est „habitus professionis, qui habet votum „continentiæ annexum, facit Monachum; & per consequens est de substantia Monachatus“. Quamobrem S. Antoninus 3. P. tit. 24. cap. 53. non est veritus asserere: „adeo habitus „est annexus offibus Monachorum, „quod in quibuscumque locis existentes „constanter eo uti debeant“. Hinc factum est, quod Theologi omnes unanimi consensu doceant, Regulares gravissimo obstringi præcepto suæ Religionis ad habitum, dum in publicum prodeunt, patenter deferendum. Jure igitur naturali ex solemnī religiosi status professione tenentur Regulares ita sui status insignia deferre, ut, si dimittant, censeantur statum suum ementiri. Accedit, lege quoque, & Decretis Ecclesiæ hoc præceptum urgeri. Nam in Clement. *Quoniam* de vit. & honest. Cleric. sanctum legitur: „Quoniam „qui abjectis vestibus, proprio con- „gruentibus Ordini, alias assumere, „& in publico portare, rationabili „cessante causa, præsumit, professio- „rum illius Ordinis prerogativa se red- „dit indignum, præsentī Constitutione „sancimus &c.“ pœnas videlicet non deferentibus habitum, non perceptionis fructuum beneficiorum, inhabilitatis ad beneficia obtinenda, & alias imponendas. Quod iterum confirmatur Clement. ne in agro de Statu Monachorum. Iis universalibus Decretis adduntur cujuscumque Religionis statuta, quibus hoc idem sub gravi culpa præcipitur: in Const. O. PP. hæc habentur Distinct. 1. cap. 14. text. 2. lit. E. „Religiosus habitum suæ Religionis, cum procedit in publicum, „non deferens, vel absque legitima cau-

H h

„ causa occultans , agit contra votum
 „ obedientiæ , & moraliter peccat “. Et iterum cap. 20. „ Quilibet Religio-
 „ sus tenetur deferre patenter habitum
 „ suæ Religionis , cum procedit in pu-
 „ blicum : quicumque autem suæ Reli-
 „ gionis habitum temere dimiserit ,
 „ peccat mortaliter , & est excommu-
 „ nicatus de jure Cap. ut periculose “. Quod & de aliis Regularium Ordinibus
 dicendum est . Porro quis habitum dimit-
 tit , ut larvam assumat , profecto , &
 temere dimittit , & occultat . Ergo le-
 thaliter peccat . Porro quis dicit , temerariam non esse habitus dimissionem ,
 & occultationem causa incendendi cum
 larva , & theatra , ac spectacula aleun-
 di ? Ita certe docent & benigniores
 Theologi . Summa Armilla V. Larva .
 „ Uti larvis secundum se modo debito ,
 „ pro loco , & tempore , non est pec-
 „ catum esset tamen peccatum
 „ si fieret a personis Religiosis , maxime
 „ cum depositione , vel occultatione
 „ habitus , procedendo in publicum “. Sayrus lib. 11. cap. 12. n. 4. „ Cle-
 „ ricis omnibus interdictus est lusus
 „ larvalis , quem exercent personati ,
 „ sub peccato mortali ; quia non pos-
 „ sunt habitum mutare sine causa ra-
 „ tionabili “. Candidus Betignolus
 Spec. Clericor. tr. 3. cap. 6. Resol. 8.
 „ Veruntamen hujusmodi habitus di-
 „ missio temeraria quandoque est pec-
 „ catum mortale , cum scilicet sit cum
 „ scandalo aliorum , vel cum vagatione ,
 „ vel ex turpi causa fustianæ , choreas
 „ ducendi cum secularibus , larvis eundi
 „ extra Claustrum “. Cajet. Summa V.
 Ludus . „ Clericis etiam , & Religiosis
 „ omnis ludus cum armis , ludus hi-
 „ strionalis , saltationes choreæ in pu-
 „ blico , ludus larvarum . . . in jure
 „ prohibetur ; ita ut contrasacientes le-

„ thaliter peccent “. Denique Cleri-
 catus P. 4. Discord. Forens. Disc. 43.
 omni argumentorum genere hanc veri-
 tatem confirmat , nimirum & ex oc-
 cultatione , sive demissione habitus Re-
 ligiosi , & ex periculo labendi in pec-
 catum , & ex scandalo laicis dato , &
 denique ex plurium Theologorum do-
 ctrina , quos fuso allegat , nimirum Sal-
 maticensium Tr. 15. de Statu Relig.
 cap. 5. Suarez tr. de Censur. disp. 23.
 sent. 4. s. 3. Bonacine Tom. 1. q. 2.
 p. 2. n. 1. Pellizarii , Bordonii , Bal-
 delli , quibus & plurium Canonistarum
 adjungit auctoritatem .

Immo non solum lethaliter ipsos pec-
 care , sed & excommunicatione ligari
 affirmat idem Clericatus cum pluribus ,
 immo fere omnibus Theologis , & Ca-
 nonistis , a jure lata Sexto Decretali.
 tit. 23. cap. „ Ut periculosa Religiosis
 „ vagandi materia subtrahatur , distri-
 „ ctius inhibemus , ne de cetero ali-
 „ quis , quicumque Religionem taci-
 „ te , vel expresse professus , in scho-
 „ lis , vel alibi habitum suæ Religionis
 „ dimittat . . . Si quis tamen temera-
 „ rius violatur extitit , excommuni-
 „ cationis incurrit sententiam “. Ita
 docet Bordonus var. Resol. resol. 35.
 n. 1. „ Religiosus incendens larvatus
 „ habitu deposito incidere in excom-
 „ municationem non reservatam Papæ “. Cusianus a S. Elia Tom. 4. V. Larva .
 „ Religiosi , si extra Monasterium ince-
 „ dant larvati , magis , quam Clerici ,
 „ peccant , etiam cessante scandalo , &
 „ quavis mala circumstantia ; cum lar-
 „ va repugnet habui , & statui Reli-
 „ gioso , maxime quia incurrunt excom-
 „ municationem Cap. ut periculosa “. Megalium P. 3. lib. 4. cap. 6. n. 53. „
 „ Ex quibus inferitur , quid sit dicen-
 „ dum de Regularibus , incendentes lar-

lar-

„ larvatis tempore Bacchanalium , tam
 „ sive habitum dimittant , sive oculum
 „ tunc deferant , semper sunt ex-
 „ communicati ; cum sic incedant , ut
 „ liberius vagari possint “ . S. Antonius
 „ P. 3. tit. 16. cap. 6. „ Si Mona-
 „ chi utantur habitu Clericorum secu-
 „ larium , ut non appareant Monachi,
 „ de hoc erubescences , vel ut non co-
 „ gnoscantur propter vanitatem , non
 „ evadunt peccatum mortale , & cen-
 „ suram excommunicationis “ . Hic ta-
 „ men excommunicatione non ligari puto
 „ Religiosos , licet lethaliter peccent ,
 „ quando in proprio Cœnobio habitum
 „ Religionis vel occultant , vel dimittunt,
 „ ut Comœlias , Tragœdiasque repræsen-
 „ tent , auctoritate , & ratione perrotus
 „ Passerini Tom. 3. de Stat. q. 189. n.
 „ 323. scribentis : „ Dicitur vero secun-
 „ do , dimissionem habitus intra Clau-
 „ strum non comprehendi sub hoc cano-
 „ ne . Et ratio est , quia hæc non est
 „ occasio vagandi : intentio vero Pon-
 „ tificis fuit , subtrahere a Religiosis
 „ occasionem vagandi , ut patet ex ver-
 „ bis textus “ .

CONSECTARIUM QUARTUM.

IV. Adolescentibus in Collegiis enu-
 tritis Comœlias , & Tragœdias repræ-
 sentare illicitum non est , si tamen ex
 adhibeantur Regulæ , quæ pro Collegiis
 Societatis Jesu præstitutæ leguntur in
 lib. de R. Stud. tit. de Reg. Re& art.
 13. Nimirum 1. ut non nisi latino idi-
 omate recitentur . 2. Ut non nisi rarissi-
 me habeantur . 3. Ut earum argumen-
 tum sacrum sit , & pium . 4. Ut , quæ
 interficiuntur , & intermedia dicuntur ,
 pariter latina sint , nihilque contineant ,
 quod modestiam lætat . 5. Ut nullius
 femine persona repræsentetur . 6. De-
 neque ut feminea veste non induantur .

„ Tragœdiarum & Comœdiarum , quas
 „ latinas , & rarissimas esse oportet ,
 „ argumentum sacrum sit , ac pium ,
 „ nec quidquam acribus interponatur ,
 „ quod non latinum sit , & decorum
 „ nec persona ulla muliebris , vel ha-
 „ bitus introducatur “ . Ita sapientissi-
 me constitutum , a quo si non receda-
 tur , nullus erit , qui eas audeat re-
 præsentationes improbare . E contra
 vero si Comœdiæ , & Tragœdiæ reci-
 tentur , quæ in publicis Theatris exhi-
 bentur , si femine repræsententur , &
 femine induantur vestis , ad adolescen-
 tum innocentiam labefactandam quam-
 maxime conducere valent ; ac proinde
 non leviter peccare possunt & qui præ-
 sentant , & qui recitant .

CONSECTARIUM QUINTUM.

V. Mimi , & Mimæ , Histriones , &
 similes , qui Theatra conscendunt , ut
 Comœdias repræsentent , ac Tragœdias ,
 sunt in statu peccati lethalis , nec ab-
 solvi possunt , nisi eam deferant artem ,
 & professionem turpissimam . Hujus Con-
 sectarii veritas ex his , quæ superius
 diximus de turpitudine , & malitia a
 Theatris inseparabili , sponte consequi-
 tur . Histriones enim , Mimi , & Mimæ
 hi præsertim sunt , qui voce , gestu ,
 habitu , cantu ; saltationibus animos
 adstantium movent , passione cieunt ,
 concupiscentiam excitant . Hi sunt ,
 qui vel apertis obscœnisque verbis , vel
 operis quidem , sed quæ (ut inquit
 Clar. Vulpius) sub specie venustatis ,
 elegantiae , leporis incantatos fallunt , &
 sunt insidiarum plena , veneni , ac pe-
 stilentiae , moribus perneciem inferunt .
 „ Hodie comparent in scena (scribit P.
 „ Hieronymus Florentinus Lucensis in
 „ suo Opere *Theatri contra Theatrum*)
 „ veræ mulieres comitæ , calamitosa-
 „ H b 2

,, tæ, lascivientes, ut plurimum forni-
 ,, caræ (honestæ enim vix scenam
 ,, ascendunt) hæ verbis lenocinanti-
 ,, bus plures captivos efficiunt “. Hi
 ,, denique sunt, qui efficiunt, saltem ma-
 ,, xima ex parte, ut Theatra nil aliud
 ,, sint, quemadmodum scribit P. Ma-
 ,, riana Tract. de Spectaculis c. 1. quam
 ,, officina impudicitæ, & improbita-
 ,, tis, ubi omnis ætatis, sexus, &
 ,, conditionis homines depravantur,
 ,, simulatque & ludicris actionibus ad
 ,, vitia vera informantur “. Porro quis
 ,, inficiabitur, hoc genus hominum non
 ,, esse in continuo habitu peccati lethalis;
 ,, nec esse ad Sacramenta suscipienda ad-
 ,, mittendos, nisi ita resipiscant, ut
 ,, theatricæ arti omnino abrenuntient?
 ,, Quamobrem Concilia, & Patres Histrion-
 ,, es, Mimos, Pantomimos ab Ecclesia-
 ,, stica Communione repulere. Concilium
 ,, Illiberitanum can. 61. statuit: „ Si Pan-
 ,, tomini credere voluerint, placuit, ut
 ,, prius artibus suis renuntient, &
 ,, tunc demum suscipiantur, ita ut ad
 ,, eas ulterius non revertantur. Quod si
 ,, facere contra interdictum tentaverint,
 ,, projiciantur ab Ecclesia “. Et can.
 ,, 67. „ Prohibitum est, ne quæ fidelis,
 ,, vel Catechumena aut comicos, aut
 ,, viros scenicos habeat. Quæcumque
 ,, hoc fecerit, a communione arceatur.
 ,, Concilium Arelatense: De Theatricis
 ,, ipsa placuit, quamdiu agunt, a com-
 ,, munionem separari “. In Rituali Pari-
 ,, sienti universim statuitur: „ Arcendi sunt
 ,, a communione manifeste infames, ut
 ,, Meretrices, Concubinarij, Comædij “.
 ,, Joannes Salisburgensis in suo lib. 1. de
 ,, Aulæ vanitatibus cap. 8. scribit: „ Jure
 ,, quidem communionis gratiam histrion-
 ,, nibus, & mimis, dum in malitia
 ,, perseverant, ex auctoritate Patrum
 ,, non ambigis esse præclusam “. Immo

novissime Synodus Telonenfis 1704.
 docet, & statuit: „ Cætus christianos-
 ,, rum corpus mysticum dicitur, cujus
 ,, Christus caput est, & Spiritus S. ani-
 ,, ma, & forma. Igitur qui defendit
 ,, Comædiarum occupationem dignam
 ,, esse christiana professione, confe-
 ,, quenter docet Christum in iisdem sibi
 ,, complacere, Sanctumque Spiritum ad
 ,, exercitia isthæc christianos dirigere,
 ,, quod blasphemiam redolet, quam
 ,, nemo vel eorum, qui imprudenter
 ,, ludos theatricos extollunt, proferre
 ,, ausit “. Propterea Comædiorum &
 ,, Histrionum professio infamis, & crimi-
 ,, nosa habetur vi omnium legum, ut tes-
 ,, tatur Terrull. de Spect. cap. 11. qui
 ,, falsæ ob hoc Ethnicis deridet, scribens:
 ,, Ipsi Auctores, & administratores spe-
 ,, ctaculorum scenicos . . . damnant
 ,, ignominia, & capitis minutione, ar-
 ,, centes Curia, Rostri, Senatu, Equi-
 ,, te, ceterisque honoribus simul, &
 ,, ornamentis. Quibus quanta perver-
 ,, sitas? Amant, quos mulstant, de-
 ,, pretiant, quos probant. Artem ma-
 ,, gnificant, artifices notant. Quale
 ,, judicium est, ut ob ea quis offusce-
 ,, tur, per quæ promoveretur? S. Tho-
 ,, mas ipse histriones inter infames illos
 ,, enumerat, qui turpi causa lucrum sibi
 ,, acquirunt, & cum meretricibus compa-
 ,, rat, scribens 2. 1. q. 87. a. 1. ad 2.
Quædam vero dicuntur male acquisita,
quia acquiruntur ex turpi causa, sicut de
meretrice & histrionatu, & aliis hujusmodi.
 Quid, quod & modo communiter Theo-
 logi, & Canonistæ Histriones, Comæ-
 dos, scenicos inter infames enumerant?
 Unum profero Lucium Ferrari, qui
 professio Comædij infensus non est,
 quippe qui, ut vidimus superius, Cle-
 ricos obscenis, & turpibus Comædiis
 adstantes a lethali peccato excusari: hic
 ita-

itaque V. *Infamii* n. 11. absolute pronuntiat: „ Infames: sunt artem aliquam
 „ vilem, abjectam, ignominiosam pro-
 „ ficientes, & publice exercentes . . .
 „ quales sunt *Mimi, Seneci, Comædi,*
 „ *Histriones, Joculatores* &c. “ Quod
 confirmat auctoritate sua longe præstan-
 tiori Jacobus Pignatellus Conf. 153. scri-
 bens n. 139. „ Histrio infamis est, ad
 „ Ecclesiæ communionem non admitti-
 „ tur “.

Nec huic adversatur veritati D. Ang.
 dom 2. 2. q. 168. 3. ad 3. scribit: *Offi-*
cium histrionum, quod ordinatur ad solat-
ium hominibus exhibendum, non est se-
cundum se illicitum, nec sunt in statu
peccati, dummodo moderate ludo utantur.
 Nam ut egregie animadvertit Clar. Bos-
 fuetus, ibi histrionum nomine non sce-
 nicæ, non comædos designat, sed jo-
 culatores, qui cantu, vel sono in pri-
 vatis domibus, vel si lubet, etiam pu-
 blice, populum detinebant, & non in
 theatris, sed in plateis cænebant, &
 tibi inflatis aures mulcebant; ut patet
 ex ipso tertio argumento, cui respon-
 det, ubi exemplum adducit cujusdam
 non histrionis, non comædi, non sce-
 nici, sed tibicinæ, sive symphoniaci,
 quem sibi in sanctitate patrem esse reve-
 latum fuerat Paphnutio Ansehoretæ.
 Concludamus ergo cum Aloyfio Turria-
 no in Summa Theol. Moral. cap. 185.
 n. 5. „ Histriones hujus temporis sunt
 „ in statu peccati mortalis, neque pos-
 „ sunt absolvi, quando habent animum
 „ perseverandi “.

CONSECTARIUM SEXTUM.

VI. Qui Theatralibus spectaculis in-
 terfunt, eaque frequentant, licet hoc
 faciant solius oblectationis, & solatii
 causa, & ut ipsi arbitrantur, & di-
 cunt, omnino innoxie, adhuc a lethali

peccato non excusantur. Ita docet Pi-
 gnatellus, immo & late probat in laus.
 consult. 153. scribens: „ Inspectores
 „ Comædiarum, quæ a venalibus hisce
 „ histrionibus sunt, in quibus tum vi-
 „ ri, tum mulieres in scenam prodeunt,
 „ & de amoribus, & lascivis rebus
 „ colloquuntur . . . non peccare mor-
 „ taliter, est propositio Christiano ho-
 „ mine indigna, nedum Theologo,
 „ Republicæ maxime perniciofa, Pa-
 „ trum doctrinæ directæ opposita, Theo-
 „ logorum omnium, & Scholasticorum
 „ placitis minime consentanea. Contra
 „ vero hæc: Comædiarum nostri tem-
 „ poris conspectores mortali peccato
 „ illigari, tum ratione scandali, tum
 „ ratione periculi, tum vi cooperatio-
 „ nis est propositio tutissima, Summo-
 „ rum Pontificum responsis, Concilio-
 „ rum, & Canonum oculis egregie-
 „ consona, Patrum sententis, Scho-
 „ lasticorum doctrinis omnino consen-
 „ tiens, & vera “.

Quam veritatem
 luculentissime evincendam sibi sumpfit
 P. Cæsar Franciotti Congreg. M. D. in
 opere Italico de Institut. Juvenis Chri-
 stiani cap. 15. ubi r. rationem reddit,
 cur talem susceperit laborem, scribens:
 „ Et primo quod videam homines repe-
 „ riti adeo Christiano lumine destitutos,
 „ ut hujusmodi obscenitates licitum,
 „ honestumque juvenum solatium repu-
 „ tent . . . 2. Quorundam piorum ho-
 „ minum vota, qui in communi sermo-
 „ ne rationes obtundi audiunt, quæ ho-
 „ nestas, licitasque Comædias ostendere
 „ videntur, & habere in promptu vel-
 „ lent, quid respondendum contrariæ
 „ opinionis patronis, quidque pro ve-
 „ ritatis defensione opponendum sit .
 „ 3. Utilitas, quam ex profectu Juve-
 „ num, quorum plurimi ex Comædia-
 „ rum prædigiis extremam subeunt jam-
 „ tu-

„ Auram , reportare confido “. Et prosequitur ipse omni argumentorum genere ostendens , Comœtiarum inspectores peccare lethaliter ratione occasionis , cooperationis ; & scandalii . Horum Auctorum , & præcipue Pignatelli argumenta latius ab ipso proposita compendiose proferam .

„ Et quidem 1. peccare ratione scandalii offendit Pignatellus . „ Scandalum “ (scribit) est dictum , vel factum minus rectum præbens occasionem ruinæ , estque mortale peccatum , etiam si , gravis ruinæ alterius sit causa per accidens , tunc videlicet cum contemnit quis salutem proximi , & pro ea conservanda non prætermittit , quod sibi libuerit : ita omnino , & expressis verbis D. Th. 2. 2. q. 43. 2. 1. & 4. Non ergo licet alicui alii , quid agere , quod alii illo procliviores , si suo exemplo facerent , peccarent . Peccant ergo mortaliter , qui Comœtias adeunt , & ii , quibus nulla est periculi ratio , quando ipsorum auctoritate , vel exemplo alii illas frequentant “. Suam doctrinam auctoritate Chrysostomi confirmat , ejus verba juxta antiquiorem versionem citans , quæ ego recentiori dabo hom. 38. alias 39. in Matth. circa finem . „ Quid ergo , si ostendam , inquis , nihil damni ex hac frequentia emergere ? Certe vel hoc ipsum damnum est , sine causa , ac temere tempus insumere , & aliis offendiculo esse . Nam si tu damnum non patiaris , alium hujus spectaculi studiosiorem reddis . Quomodo autem damnum non patiaris , qui prebes in spectaculis occasionem ? Nam præfiliator , corruptus puer , fornicaria mulier , omnesque illi diabolici chori in caput tuum causam spectaculorum regerunt .

„ Quemadmodum enim , si spectatores , non essent , nec essent , qui hujusmodi ludos exhiberent . Sic , quia spectatores sunt , & ipsi gestorum ignem patiuntur . Itaque licet sine castitatis dispendio id ageres , id , quod certo fieri nequit , aliorum tamen perniciem graves dabis penas , sive spectantium , sive spectacula adeuntium “. Deinde expendit doctissimus vir , quinam potissimum ratione scandalii peccent , & primo statuit : „ Singulos peccare , qui concursu suo etiam alios ad , vocant . 1. Gravius præcipuos viros , Senes , & Patres-familias , eosque , qui auctoritate in Republica pollent , qui si non adirent , plerique illos erubescerent , minusque decorum putarent ; quod contra accidit ob solam nobilitatem , ac seum præsentiam . 3. Gravissime peccare Clericos , ac Religiosos . Nec audiendum (subdit) Neotericum asserentem , non erubescendum Clericis , nec scandalum parere secularibus . Nam quam falso id asserat , petendum non a Summis Pontificibus , non a Conciliorum Decretis , non a PP. sententiis , non a Scholasticorum doctrinis , sed ab ipsa insaniente in spectaculis multitudine . Clamabunt protinus , quod ipsis Clericis displicebit , surgens , qui de seculo sunt , in iudicio , a quibus Christianam delicere modestiam , veritatem , honestatem .

Pergit offendere eos peccare ratione periculi , & proximæ occasionis peccandi , cui ultro se ingerunt . „ Proxima enim “ (scribit) occasio est spectaculum , scenæ , orchestre , ubi amores , & choreæ celebrantur . Ubi exhibentur Poetarum fabulæ , tricæ , amatorie , & actus intermedii scurriles habentur . Ubi Mimi , & Mimæ

for-

„fornicatio cantu, meretricia musica,
 „choris, motibus, saltationibus ad
 „numerum, & gestibus procacibus, &
 „ardentem amorem exhibentibus,
 „passionem, concupiscentiam titillant,
 „eamque suscitant, irritant, & mirum
 „in modum inflammant, ut &
 „in hodiernis Comediis videre contingit.
 „Porro hisce interesse, assidere,
 „plaudere, omnibus est occasio
 „proxima peccandi, & proinde ab
 „omnibus vitanda; quod ostendit hac
 „ineluctabili ratione. Ubi plurimi,
 „& ut plurimum conuunt, ea asserenda
 „cuique proxima occasio, in qua
 „potior pars multitudinis pluries offendit.
 „Nec refert, quod is non offendat. Peccat ergo mortaliter
 „quilibet, qui ei multitudini se miscet,
 „quæ ut plurimum peccat, licet ipse
 „ipse in illud idem crimen interdum
 „non incidat. . . nunquam enim tam
 „securus adstabit quis, ut minime timere
 „debeat, quando plures, & potior
 „pars omnino labitur, cum præterea
 „quis sit miser, & infelix, hoc
 „est lethali crimine adstrictus ob solum
 „impiorum voluntarium consortium;
 „peccandi enim societas proxima peccandi
 „ocasio est“. Quod confirmat
 „Tertulliani testimonio de Spect. cap. 3.
 „scribentis: „Plane nusquam inuenimus,
 „quemadmodum aperte positum est,
 „est, non occides, non idolum coles,
 „non adulterium non factum admittes,
 „ita discrete definitum, non in circum
 „ibis, non in Theatrum. . . sed inuenimus
 „ad hanc quoque speciem pertinere illam primam vocem
 „David: *Felix, qui non abiit in concilio
 „impiorum, & in via peccatorum
 „non sedit, & in cathedra pestium non
 „sedit*.

Tertio denique offendit peccare lethaliter
 Theatrorum inspectores ratione
 cooperationis: quia nimirum (scribit)
 „adstant voluntarie, & absque necessitate
 „histrionibus mortaliter peccantibus,
 „iis arident, plaudunt, sistent, & ut
 „ut plurimum foveant auctoritate, pecunia,
 „vel saltem præsentia, quod ipsis est
 „cooperari. Mortaliter vero peccantibus
 „cooperari, & in crimen quoquo pacto influere,
 „lethale est. Quod dum adstant histrionibus,
 „iisque favent, arident, iisdem cooperentur,
 „in eorumdem crimen influunt, manifestum
 „est. Nihil enim magis loquenti cooperatur,
 „quam audiens. Quippe coram populo agit,
 „a nemine magis adjuvatur, & quodammodo
 „vires in dicendo accipit, quam ab
 „auditoribus, si ii præsertim plaudant,
 „arideant, nutibus faveant, aut saltem
 „oculis intendant. Accipit, qui dicit,
 „ab Auditoribus quodammodo verba,
 „falses, sententias, quodque mirabilius
 „est vires, & latera, & ut ita dicam,
 „ingenium ex solo adstantium obtutu.
 „Ad histriones in Theatro habent
 „necdum verborum exceptores, sed etiam
 „pecuniarum datores, atque adeo non tantum
 „ab Auditorum aure, sed etiam auro vires
 „accipiunt, dum loquuntur, qui sine auro
 „nec prodeunt“. Quod confirmat
 „paritate spectantium ex industria
 „Monomachos, qui ob solam inspectionem
 „excommunicatione feriuntur. Pari ergo
 „ratione (prosequitur) convinceris, siue
 „Duelli spectator sis, siue histrionum,
 „licet enim inspectio utrobique non
 „intrinsicè mala, tamen quia utrique tunc
 „Monomachi, tum histriones rem agunt
 „intrinsece malam, hi præsertim

„ tim ob excessum in ludio, ob Dei
 „ contemptum, ob turpes gestus, &
 „ verba ad libidinem incitantia, quæ
 „ in ipse nullo sine honestari possunt,
 „ cum dent aliis evidentem ruinæ cau-
 „ sam, ideo utrique inspectione quo-
 „ dammodo cooperaris, & utrobique le-
 „ thaliter peccas“. Respondet dein-
 „ de obijcienti „ adhuc agerent in scæ-
 „ na, licet singularis ego non adeam:
 „ non ergo me adente in scenam pro-
 „ deunt, qui etiam me absente prodirent
 „ (surdens): „ Verum id om-
 „ nino respondere possent singuli Duel-
 „ lorum inspectores, singuli tamen pec-
 „ cant. Præterea cur histriones etiam
 „ a singulis pecuniam extorquent, si
 „ non a singulis foveantur? Cur nemi-
 „ nem ingredi sinunt, ni solvat, si a
 „ quolibet non sustentantur? ... Pec-
 „ cas, licet singularis adeas, hoc est
 „ namque cum *currente fure concurrere*;
 „ ut ait Plautus *Et cum adulteris portio-
 „ nem ponere*, & quod dixeram coope-
 „ rari, dum adulteriorum magistros fua-
 „ stentas, dum meretriculas pascis, dum
 „ eorum peccatis, ac sceleribus indi-
 „ viduus ades, & alis: cum fure con-
 „ curris, dum Comætos, immo ani-
 „ marum comedones, ac voratores tuo
 „ enutris argento, cibus sanguine, rui-
 „ na fulcis, sustentas periculo“. Qui-
 „ bus addendum testimonium SS. Augu-
 „ stini, & Thomæ. Hic 2. 2. q. 168. a.
 „ 2. ad 3. dicit: *Si quis superfluo sua in-
 „ sales consumant, vel etiam sustentant il-
 „ los histriones, qui illicitis ludis utuntur,
 „ peccant, quasi eos in peccato foveant: unde
 „ Augustinus dicit super Jo. tract. 100. Quod
 „ dosare res suas histrionibus vitium
 „ est immane, non virtus*.

Nonnulla denique sibi obijcit argu-
 „ menta, quæ in defensionem Theatro-
 „ rum sere in omnium ore resonant. Ni-

mirum 1. Legi possunt comædiæ, licet
 „ turpes, & de amoribus colloquentes;
 „ cur ergo & non illis interesse? 2. Plu-
 „ res comædiis intersunt bona fide, pu-
 „ tantes nullum esse peccatum: quare
 „ imprudenter agunt, qui eos admonent,
 „ cum etiam post admonitionem adhuc a
 „ Theatris non abstinebunt. At ad 1.
 „ optime reponit, magnum esse discrimen
 „ inter comædiæ lectionem, ejusque
 „ inspectionem, scribens: „ Scire aves,
 „ quid amplius scena habeat, ut quæ
 „ extra scenam vix mala, in ea sint
 „ pessima? Dicam statim. Gestus, vul-
 „ tus, voces. Vidiſti hominis cada-
 „ ver? ... At qualis, si vivat. Pla-
 „ ne idem, si lectionem, scripturam-
 „ que cum scena conferas. In scena
 „ etiam voces ad voluptatem effusæ,
 „ jucundæ ad lætitiā, ad modestiam
 „ demissæ, ad metum flebiles, molli-
 „ terque circumflexæ ad miserationem,
 „ ad iracundiam auctæ, crebroque in-
 „ cidentes. In scena os, vultusque in
 „ ira ardens, in gaudio hilaris, in
 „ probis petulans, remissus in ludi-
 „ cris ... In scena denique manus
 „ verborum comites, sive, ut melius
 „ dicam, verbi æque sæpe interpretes,
 „ quam argutæ, quam sapientes, im-
 „ plentes verba, eorumque impetum,
 „ & vim, ut recte quispiam illas dixe-
 „ rit orationis telum ... Quid, si ad
 „ hæc addis omnium membrorum fra-
 „ ctionem ad la civiam usque, pedum,
 „ cæterarum partium incessum, deni-
 „ que ejusdem scenæ pompas, appa-
 „ tus, vestes, personas, saltationes,
 „ chordarum modulationes, choreas?
 „ Et iniques, idem esse utrobique pec-
 „ riculum, voluptatisque discrimen,
 „ sive legantur comædiæ, sive audian-
 „ tur? Ad 2. vero reponit „ Ea
 „ ignorantia a culpa excusat, quæ, ut
 Thec-

19 Theologi ajunt, omnino invincibilis
 20 est, probabilis omnino, involuntaria,
 21 & quæ tota ætius malitia ignoratur
 22 . . . At quis comœdias ingreditur,
 23 qui faltem aliqualem malitiam illius
 24 ætius non novit? Qui faltem non pu-
 25 tet id veniale? Peccant ergo omnes
 26 mortaliter, si peccatum mortale est
 27 illas adire, cum ignorent se peccare
 28 mortaliter. Præterea jam ubique ea,
 29 de re agitur, nemo de ea non dispu-
 30 tat, nemo non judicat. Confessarii
 31 opinionibus pugnant. Si concedunt,
 32 laudantur; improbantur, si negant.
 33 Sapientie titulus ab iis hoc uno emi-
 34 tur si quis minime scrupulosior vi-
 35 deatur. Non iusta igitur erit, neque
 36 innocens, neque probabilis ignoran-
 37 tia hæc, quæ comœdiarum inspektionem
 38 laborant, sed vere, ut Scholastici
 39 loquuntur, affectata. Quo etiam pla-
 40 num remanet, maxime ad Dei glo-
 41 riam, & animarum salutem condu-
 42 cere, singulos quoque admonere, ne-
 43 que ullum id admonenti crimen, li-
 44 cet admoniti faciant adhuc, & gra-
 45 vius peccent. Et egregie Ambros. ait
 46 ser. 83. Ego interdum parcens vobis
 47 tacere vellem, sed malo contumeliæ
 48 causas reddere, quam negligentiam
 49 fufinere iudicium. Hæc omnia
 50 egregius ille vir non rigorista, non de
 51 longinqua regione veniens, sed qui Romæ
 52 versatus est, qui in Curia vixit, qui
 53 rem ferio expendit, cui proinde in om-
 54 nibus libens subscribo, & a cujus do-
 55 ctina nullum animarum curatorem reced-
 56 dere iura conscientia posse arboror.

CONJECTARIUM SEPTIMUM.

VII. Contingere ne unquam potest, ut quis Theatro adit necessitate compulsus, quia ex. c. sic jubet maritus, sic postulat munus, quod penes Principatuzzi Theol. Moral. Tom. V.

pem gerit, illum associandi, & similia? Difficilis sane quæstio, in qua si meum promam iudicium, vereor, ne vel nimis arguar severitatis, si negem; vel, si concedam, contradictionis his, quæ hæcenus dixi. Quid igitur duo sentiant docti Theologi, proferam, qui licet diversa sentire videantur, in idem tandem conveniunt. Primus itaque est Tournellii Continuator, qui Natalis Alexandri fane doctrinæ partem, vix absque peccato interesse spectaculi, & comedii christiani potest, pene laxiorem videri pronuntiare non veritus est Traët. de Decal. cap. 3. de 6. Præcepto, & allatis fusc argumentis, pravitatem, & turpitudinem Theatrorum ostendentibus, sic concludit: „Re sapientiorum iudicio, permissa, haud credo a noxa immu- nes esse, qui vel semel Comœdiæ vo- lentes interfuerint. 1. Quia nemo, quidvis dicunt aut cogitant, im- mobilis est animi, ut aiebat Tertul- lianus. 2. Quia Comœdorum actioni, quæ grave est peccatum, indubie coo- perantur: tolle enim spectatores, su- stuleris & actores. 3. Quia qui comœ- diam frequentant, proborum, quos eidem interesse vident, exemplo, sese confirmant, & illud obicere so- lent iis, a quibus monentur, ut ab exercitio desistant, sive iis, quos ad illud trahere volunt pene invitos“. Deinde concludit: „Quapropter cen- seo negandum absolutionem 1. Acto- ribus, qui scenicos ludos exhibent. 2. Auditoribus, qui fabulas compo- nunt. 3. Artificibus, qui ad Thea- trum proxime spectantia concinnant, nisi hi omnes sufficienter moniti re- sistere velint, & prædictis nunciis remittere perpetuum. Idem & a for- tiori de scenis musicis gallice, & ita- lica Opera dicendum. Ita anno 1694, l. i. re-

„ resolverant Doctores Sorbonici num.
 „ sex, quorum decisionem habes in
 „ Dictionario Lameri V. *Comœdia* “. Cui doctrinæ subscribit & Concina de
 „ spect. Theat. cap. 26. Juveninus vero,
 „ sive Auctor Theologiæ Moralis gallico
 „ sermone editæ tom. 2. cap. 3. §. 3.
 „ Inter 3. inquit: „ Quid agere debeat
 „ Minister alicujus Principis, qui illum
 „ ratione muneris sui comitari debet
 „ cum Theatrum adit “? Quod exten-
 „ dendum. puto & ad illos, qui quando-
 „ que Theatra adire coguntur, ut diffi-
 „ dent, jurgia, scandala, schismata evi-
 „ tent. Et resp. „ In hoc raro eventu te-
 „ neri Minister, & alium quemlibet
 „ id solum præstare, quod concedit
 „ Tertullianus Aulicis Christianis, qui
 „ Idololatrias Reges ad Deorum delu-
 „ bra comitari tenebantur, videlicet
 „ corpore adesse, animo abesse, &
 „ omnia detestari. Præterea cum majus
 „ infest periculum Christianis viris in
 „ Theatro, quam in Delubro, qui illa
 „ adire urgenti premuntur auctoritate,
 „ 1. se contra illecebras sensuum præ-
 „ munire debent oratione, mortifica-
 „ tione, eleemosyna, aliisque piis ope-
 „ ribus. 2. Oculos, auresque omnino
 „ claudere, ne quid videant, vel au-
 „ diant eorum, quæ inibi sunt. 3.
 „ Mente pias obvolvere cogitationes,
 „ & præcipue meditari, quot sint, qui
 „ in Inferno cruciantur ob præsentiam
 „ in Theatris, & inspectionem Comœ-
 „ diarum. 4. Ad scandalum averten-
 „ dum sæpe sæpius tum in ipso Thea-
 „ tro, tum extra protestari debent,
 „ & alte prædicare, se Theatro nonnisi
 „ necessitate vel muneris sui, vel
 „ majora malâ impediendi cogente
 „ adesse, & opportune docere se talia
 „ spectacula detestari, utpote animabus
 „ perniciose, bonis moribus infesta, &

„ ab omnibus fugienda. 5. Denique si
 „ his omnibus adhibitis cautionibus,
 „ adhuc experiantur spectaculorum in-
 „ spectionem sibi noxiam, omnino ab
 „ illis abstineant, muneri suo, licet
 „ sibi utilissimo, & honorifico renun-
 „ tiando, dicente Christo: *Quid prodest*
 „ *homini, si mundum universum lucretur,*
 „ *anima vero sue detrimentum patiatur?*
 „ Qui cum tanto onere Theatro assidere
 „ debebit, procul dubio abstinere.

CONSECTARIUM OCTAVUM.

VIII. Mulierem virili veste indui, &
 „ virum muliebri assumere indumentum
 „ de se vitiosum est, & turpe; multoque
 „ magis illicitum, si vestes data opera
 „ mutantur ad scenicam representationem.
 „ Primam hujus Consectarii partem docet
 „ S. Thom. 2. 2. q. 169. art. 2. ad 3.
 „ scribens: *De se vitiosum est, quod mul-*
 „ *lier utatur veste virili, vel e converso,*
 „ *& præcipue quia hoc potest esse causa la-*
 „ *scivia, & specialiter prohibetur in lege,*
 „ *quia gentiles tali mutatione habitus ute-*
 „ *bantur ad idololatriam superstitionem. Po-*
 „ *test tamen quandoque hoc fieri sine peccato*
 „ *propter aliquam necessitatem, vel causa se*
 „ *occultandi ab hostibus, vel propter dese-*
 „ *ctum alterius vestimenti, vel propter ali-*
 „ *quid hujusmodi.* In quibus verbis duo
 „ distinguit D. Ang. nimirum & morale
 „ præceptum, & cæremoniale. Primum
 „ deducit ex natura ipsius rei, idest muta-
 „ tionis habitus, quam ita de se vitiosam
 „ dicit, ut sola necessitas illam excusare
 „ possit: alterum vero ex speciali fine a
 „ Deo intento in dando Hebræis præcep-
 „ to Deuter. 22. *Non induatur mulier veste*
 „ *virilis, nec vir utatur veste femineæ, abo-*
 „ *minabilis est, qui facit hæc, scilicet arcendi*
 „ *populum ab idololatria, ad quam pronus*
 „ *erat.* Quod confirmat, & repetit 1. 2. q.
 „ 102. a. 6. ad 6. ubi considerato 1. præcepto,
 „ qua

qua cæremoniale est, de ipso ut morali subdit, *indultum ad declinandam luxuriam. Nam per commixtionem varias in vestimentis, omnis inordinata commixtio coitus excluditur. Quod autem mulier induatur veste virili, aut e converso, incentivum est concupiscentiæ, & occasionem libidini præstat.* Ex qua S. Thom. doctrina veritas quoque patet secundæ partis. Nam in scenis uti veste muliebri nulla excusatur necessitate, immo ad excitandam libidinem, movendamque concupiscentiam de se ordinatur, quippe quia assumuntur, ut muliebri amor, & affectus invidiis representetur. Hinc juvenes instruantur, & edocentur, ut gestu, voce, incessu corporis, gestulatione, amatrix femine fraudes, illicitas, versutias, insidias, vassitiam graphice exhibere toto studio astantibus conentur. Quod, quam & ipsi adolescenti, qui femine personam gerit, & adstantibus perniciosum sit, quisque facile deprehender. Audiatur D. Cyprianus lib. 1. ep. 10. „Cum in lege pro-
hibeantur viri induere muliebrem vestem, & maledicti hujusmodi judicentur, quanto majoris est criminis non tantum muliebri vestimenta arripere, sed etiam gestus turpes, & molles, & muliebres, magis serio impudicæ artis exprimere? Mirum proinde non sit, si Concilia, & Patres hanc vestium mutationem gravis culpæ accusarunt, & etiam excommunicationis pœna multarunt. Synodus Trullana VI. cap. 6. „Statuimus, ut nullus vir deinceps muliebri veste induatur, vel mulier veste viro conveniente. Eos ergo, qui deinceps aliquid eorum, quæ scripta sunt, aggredientur, ubi ad eorum cognitionem pervenerit, si sint quidem Clerici, deponi jubemus, si vero laici, excom-

municentur“. Et in Pœnitentiali Romano lib. 7. cap. 1. statuitur: „Qui faciem suam transformaverit in habitum muliebri, & mulier in habitu virili, emendatione pollicita tres annos pœniteat“. Clemens vero Alexand. adhuc vehementius declamat lib. 3. Pædag. cap. 3. dicens: „Hoc est inventum fractorum hominum, & ad libidinem propensorum... Pueri domini abnegare naturam, mulieres simulant. O miserandum spectaculum, & nefandum studium!... O quanta hæc iniquitas!... Hi non viri, sed Batai, & Femellæ dicendi sunt“. Hæc si prudens Confessarius attenderit, pueros in scenis muliebres vestes assumptas a Sacramentis arcebit. Si plura videre cupis, lege Concinam de Spectat. diff. 1. cap. 8. a n. 5. usque ad 15. unde hæc pauca delibavi.

CONSECTARIUM NONUM.

IX. Spectaculis, Choreis, Theatris interesse diebus Festis culpam anger, & peccatum aggravat. Et 1. quidem, quia Ecclesia hisce diebus spectacula haberi, vel illis interesse vetuit. Concil. Carthag. IV. can. 6. indicit: „Qui die solemnibus, prætermisso Ecclesiæ conventu, ad spectacula vadit, excommunicetur“. Patres quoque Concilii Africani an. 424. statuerunt, a piissimis Imperatoribus Theodosio, & Valentiniano petendum: „ut spectacula Theatrorum, ceterorumque ludorum die Dominica, vel ceteris Religionis christianæ diebus celebrantibus amoveantur; maxime quia sancto Paschæ octavarum die populi ad Circum magis, quam ad Ecclesiam, conveniunt, debent transferri devotionis eorum dies, si quando occurrerit, nec oportere quemquam christianum

„stianum cogi ad hæc spectacula, quia
 „in eis exercendis, quæ contra præ-
 „cepta Dei sunt, necessitas a quoquam
 est adhibenda“. Confirmat & ipsa ratio
 naturalis: nam si dies festi sanctifi-
 candi sunt, idest, ut explicat S. Th. divino cultui dedicandi, nihil magis
 sanctitati diei repugnat, quam hisce
 spectaculis, choreis, theatris inter-
 esse; cum hæc omnia quam maxime
 animum a Deo avocent, & ad terre-
 na, turpia, inutilia, deprimant; &
 præsertim cum, ut animadvertunt lau-
 dati Africani Patres, in eis exerceantur,
quæ contra præcepta Dei sunt: quom-
 brem non Deus colitur, & honoratur,
 ut ipse jubet, sed potius offenditur.
 Specialis igitur Deo irrogatur injuria,
 quæ culpam aggravat.

CONSECTARIUM DECIMUM.

X. Iustissimæ Pastores, & Parochi ve-
 rant, & prohibent rusticis choreas ha-
 bere. Hocce postremum Consectarium
 ideo posui, quia plures Casuistas repe-
 rio, qui licet choreas damnent, in ru-
 sticis tamen vel excusant, vel, pene
 dixerim, laudant. Audiantur Salman-
 ticenses tract. 26. cap. 3. punct. r. nu.
 18. scribentes: „Imprudenter prohi-
 „bentur rustici in diebus Festis chori-
 „zare, tum ob dicta, tum quia, cum
 „his choreis sint affueti, si ab eis ar-
 „ceantur, forte vacabunt otio, rixis,
 „vel aliis ludis, ex quibus Respubli-
 „ca turbabitur. Tum denique quia
 „cum publice fiant, non datur occa-
 „sio in eis turpiter saltandi“. Et de-
 inde adiunt: „Notat bene Asorius,
 „quod in istis publicis choreis possunt
 „mulieres prodire eleganter ornatae,
 „& si mos sit patriæ, nudis aliquan-
 „tulum peccatoribus“. At cur, amabo,

tanta rusticis conceditur libertas? Non-
 ne & ipsi Adæ filii sunt, concupiscentiæ,
 libidinique obnoxii? Nonne & ipsi in Baptismo pompis sæculi, & dia-
 boli operibus abrenuntiaverunt, inter
 quæ nullus est, qui choreas, & saltationes
 non enumeret? Num Patres, cum choreas
 detestantur, & *opus diaboli, exsistat exitiosas, lascivie semina-
 ria appellant*, rusticorum choreas exci-
 piunt? Nonne de rusticis præsertim di-
 ctum ab Augustino conc. 1. in Psalm.
 32. *Melius etiam in die festo tota die fode-
 rent, quam saltarent*? At iniqui,
 rustici choreis sunt affueti. Prava igitur
 consuetudo imprudentem efficit ejus cor-
 rectionem, & emendationem? Præ-
 væ consuetudines, quæ corruptelæ po-
 tius sunt, a Pastoribus, & Parochis
 sunt extirpandæ, avellendæ, non silen-
 tio, & imprudenti simulatione foven-
 dæ. Aliter & melius sentit Angelus in
 Summa V. *Chorea*, ubi aperte docet:
 „Non video, quomodo quis choreas
 „nostri temporis sine mortali peccato
 „faciat *ex consuetudine*, sicut: commu-
 „niter fiunt. Benigniores Casuistæ alii,
 „quando indulgent choreis, illasque a
 „lethali culpa excusant pluribus addi-
 „tis conditionibus: at consuetudinem
 „chorizandi nullus est, qui excusat“. *Forse*,
 subdunt, *vacarent otio*. At in-
 ceretum otium pravam ne excusare po-
 test, & libidinofam actionem? Profe-
 cto, qui male agit, non oritur; at
 quid pejus omni otio operatur. *Vaca-
 rent rixis*. Immo avertioncatis choreis,
 rixarum occasiones plures ampuantur;
 cum SS. Doctores inter alios chorearum
 perniciosos effectus & hos enu-
 merent, nimirum rixas, contentiones,
 & jurgia. Audiatur D. Carolus Bur-
 meus in Manu. part. 2. cap. 6. „Va-
 „leant

„leant execrandæ illæ, publicæque
 „saltationes Christianorum (inter chri-
 „stianos sunt & rustici connumerandi)
 „castitati adeo exitiosæ, rixarum, juri-
 „giorum, inimicitiarum, impudentia-
 „rum, pugnarum, cædiumque radices &
 „occasiones“. *Pocabunt (instant) aliis*
ludis, ex quibus Respublica turbabitur.
 Inania terribulamenta. Quinam enim
 ludi sunt, qui, in rusticis præsertim,
 Rempublicam turbare possint, profecto
 non video, nisi cædes, jurgia, intimi-
 citiæ. At hæc ex S. Carolo vidimus a
 choræis præsertim publicis prodire. Ve-
 rum sicut Parochi, & Pastores pruden-
 ter debent a chorizandi consuetudine
 rusticos avertere; ita debent & ab aliis
 perniciosius ludis evocare, quin impru-
 dentia arguantur. At instant; *Choræ*
rusticorum cum publice fiant, non datur
occafio in eis turpiter saltandi. Et tamen
 S. Carolus præsertim in *publicas saltationes*,
 quas & *execrabiles* vocat, deto-
 nat. Præterea nonne & in publicis sal-
 tationibus tactus, nutus, amplexus,
 aspectus, verba vel amatoria, vel ob-
 scœna habentur? Nonne hæc sufficiunt,
 ut turpis, inhonestæ, periculosa, libi-
 dinis incentiva saltatio efficiatur? Quid
 pejus postulant Theologi isti ad eas im-
 probandas? Quod denique ex Azorio
 referunt, dignum est patella operculum,
 nimirum posse (procul dubio licite)
 mulieres prodire *eleganter ornatas, &*
nudas, si mos sit patriæ, aliquantulum
peffloribus. Deus juberet Eccl. cap. 11.
Averte faciem tuam a muliere compta;
& ne circumspicias speciem alienam; propter
speciem mulieris multi perierunt. Sunt
 igitur ornamenta mulierum ad speciem
 augendam laquei, & foveæ, quæ perditionem
 animabus inferre validissime
 possunt; & licet mulieribus eas assue-

re, & rendere proximo in publicis cho-
 reis? Nemo sapiens licitum arbitra-
 bitur. Quid dicam de peffloris aliquan-
 tula denudatione? Quid de more patri-
 ciæ, has denudationes licitas reddente?
 Profecto hæc adeo mihi laxa videntur,
 & falsa, ut optarem nunquam a
 Christianorum Theologorum calamis ex-
 cidisse.

REFLEXIO.

Infinitus propemodum forem, si om-
 nia SS. PP. dicta adversus Theatra hic
 vel indigare vellem, nedum percen-
 sere. Hanc spartam adornavit egregie
 P. Daniel Concina in duplici suo opere
 latino, & italico de Spectaculis thea-
 tralibus. Nonnullam proferam, ut ab
 initio hujus capituli pollicitus sum, &
 illa præsertim seligam, in quibus Patres
 ideo Theatra sunt execrati, quod passio-
 nes excitantur, impudicitia inibi doce-
 tur, quia concupiscentia accenditur, quod
 & nostris Theatris commune esse nullus
 est, qui ambigat. Tertullianus itaque tr.
 de Spectaculis sic scribit: „Similiter im-
 „pudicitiam omnem emollici jubemus;
 „Hæc igitur modo etiam a Theatro se-
 „paramur, quod est privatum confi-
 „storium impudicitia, ubi nihil pro-
 „batur, quam quod alibi non proba-
 „tur. Quod si nobis omnis impudici-
 „tia execranda est, cur licet audire,
 „quæ loqui non licet? Cum etiam
 „seculitatem, & omne vanum ver-
 „bum judicandum a Deo sciamus;
 „cur æque licet videre, quæ facere
 „flagitium est? . . . Habes igitur &
 „Theatri interdictionem de interdictione,
 „ne impudicitia“. Et cap. 15. ge-
 neratim docuerat: „Omne spectacu-
 „lum sine concussione spiritus non est.
 „Ubi enim voluptas, ibi & studium,
 „quod

„ quod scilicet voluptas sapiat . Ubi
 „ studium, ibi & æmulatio, per quam
 „ studium capit . Porro & ubi æmula-
 „ tio, ibi & furor, & bills, & ira,
 „ & dolor, & cetera ex his, quæ cum
 „ his non competunt disciplinæ “ . Na-
 „ quis putet Septimium de illis esse locum
 „ spectaculis theatricis, in quibus
 „ sordidissimæ exhibebantur a Mimis, &
 „ Pantomimis actiones, meretricum pos-
 „ sulabantur denudationes, adulteria, &
 „ infandi representabantur concubitus,
 „ sed etiam quæ honesta putabantur, &
 „ decentia, subdit cap. 2. „ Sint dulcia
 „ licet, & grata, & simplicia, etiam
 „ *bonesta* quædam . Nemo venenum tem-
 „ perat felle, & holleboro, sed con-
 „ ditis pulmentis, & bene saporatis,
 „ & plurimum duleibus id mali injicit .
 „ Ita & Diabolus lethale, quod confi-
 „ cit, rebus Deo gratissimis, & acce-
 „ ptissimis inbuit . Omnia illic, seu for-
 „ tia, seu *bonesta*, seu sonora, seu ca-
 „ nora, seu subtilia, proinde habet,
 „ ac si stillicidia de ranunculo venena-
 „ to, nec tanti gulam facit voluptatis,
 „ quanti periculum “ . Et statim ratio-
 „ nem reddit, cur in Theatris & ipsa
 „ honesta fiant periculosa, & pernicio-
 „ sa, subdens cap. 14. „ Nam & si qui mo-
 „ deste, & probe spectaculi fruitur pro
 „ dignitatis, vel ætatis, vel etiam na-
 „ turæ suæ conditione, non tamen *im-*
 „ *mobilis est animi*, sine tacita spiritus
 „ passione . Nemo ad voluptatem venit
 „ sine adfectu, nemo adfectum sine
 „ casibus suis patitur . Ipsi casus inci-
 „ tamenta sunt adfectus . Ceterum, si
 „ cesserit adfectus, nulla est voluptas, & est
 „ reus jam ille vanitatis, eo conveniens,
 „ ubi nihil consequitur “ . Et cap. 25. „ In
 „ omni spectaculo nullum magis scanda-
 „ lum occurrit, quam ipse ille mulierum,
 „ & virorum accuratior cultus, ipsa con-

„ sentio, ipsa in favoribus aut conspiratio,
 „ aut dissensio, inter se : de com-
 „ mercio scintillas libidinum confabell-
 „ lant . Nemo denique in spectaculo
 „ ineundo prius cogitat, nisi videre,
 „ & videri “ .

Tertulliano consentit S. Cyprianus,
 qui libro de spectaculis (illi a peritio-
 „ ribus Criticis merito tributo) sic specta-
 „ culorum infamiam describit . „ Sed ut
 „ de hoc scenæ inquinamento invere-
 „ cundo jam transivisse faciam, pudet
 „ referre quæ dicuntur, pudet etiam
 „ accusare quæ sunt, argumentorum
 „ strophas, adulterorum fallacias, mu-
 „ lierum impudicitias, scurriles jocos,
 „ parasitos sordidos, ipsosque Patres
 „ familias togatos, modo stupidos, mo-
 „ do obscænos . . . quid loquar comi-
 „ cas, & inutiles curas? quid illas ma-
 „ gnas tragicæ vocis insanias? quid
 „ nervos cum clamore commissos? . . .
 „ Que pudica fortasse ad spectaculum
 „ Matrona processerat, de spectaculo
 „ revertitur impudica . Adhuc deinde
 „ quanta morum labe, quæ probrorum
 „ fomenta, quæ alimenta vitiorum hi-
 „ strionibus gestibus iniquari? . . . Quid
 „ non possit suadere, qui talis est? Mo-
 „ vet sensus, mulcet affectus, expugnat
 „ boni pectoris conscientiam fortio-
 „ rem “ . Nec efficaciter minus scenarum turpitu-
 „ dinem depingit Lactantius lib. 6. Di-
 „ vin. Infit. cap. 2. scribens: „ Scenici
 „ quoque nescio an sit corruptela vitio-
 „ sior . Nam & comicæ fabulæ de flu-
 „ ptiis virginum loquuntur, aut amori-
 „ bus meretricum, & quo magis sunt
 „ eloquentes, qui flagitia illa sinterunt,
 „ eo magis sententiarum elegantia per-
 „ suadent, & facilius inhaerent audi-
 „ entium memoriæ versus numerosi, &
 „ ornati . Item tragicæ historię subji-
 „ ciunt

ciunt oculis patricidia, & incesta
Regum malorum, & cothurnata sce-
lera. Histrionum quoque impudicissi-
mi motus quid aliud, nisi libidines
docent, & infligant? Quorum ener-
vata corpora, & in mulierum ince-
stum, habitumque mollita, impudi-
cas feminas inhonestis gestibus men-
tiuntur. Quid de Mimis loquar cor-
ruptelarum præferentibus disciplinam
qui docent adulteria, dum fingunt,
& simulatis erudiunt ad vera? Quid
juvenes, aut virgines faciant, cum
hæc & fieri sine pudore, & spectari
libenter ab omnibus cernunt? Admo-
nentur utique, quid facere possint,
& inflammantur libidine, quæ maxi-
me aspectu concitatur, ac se quisque
pro sexu illis imaginibus præfigurat,
probatque illa, dum videat, & ad-
hærentibus vitis corruptores ad cubi-
cula revertuntur. Nec pueri modo,
quos præmaturis vitis imbui non
oportet, sed etiam senes, quos pec-
care jam non decet. . . . Vitanda ergo
spectacula omnia, non solum ne quid
vitiatorum pectoribus infideat, quæ se-
data, & pacifica esse debent, sed ne
cujus nos voluptatis consuetudo deli-
niat, & a Deo atque a bonis operi-
bus avertat. S. Jo. Ghrysof. hom.
3. de David & Saule scribit. „ Si mu-
lier forte in foro obvia, & neglectius
cultra, sæpe curiosius intuentem cepit
ipso vultus aspectu; isti, qui non sim-
pliciter, neque fortuito, sed studio,
& tanto studio, ut Ecclesiam quoque
contemnunt, & hac causa pergunt
illuc, ac totum ibi desidentes diem
in facies abjectarum seminarum illa-
rum defixos habent oculos, qua fron-
te dicere possunt se eas non vidisse
ad concupiscendum? Ubi verba quo-
que accedunt fracta, lascivæque,

ubi cantiones meretriciæ, ubi vox
vehementer ad voluptatem composi-
ta, ubi stibio picti oculi, ubi colo-
ribus tinctæ genæ, ubi vestis curio-
sius concinnata, ubi totius corporis
habitus fucò plenus est, aliæque mul-
ta lenocinia ad faciendos, inescan-
dosque intuentes instructa: ubi so-
cordia spectantium, multaque con-
fusio, hinc ipse locus ad lasciviam
invitans, tum ab iis acromatibus,
quæ præcefferunt, tum ab iis, quæ
consecuta sunt. Clemens Alexand.
lib. 3. Pædag. cap. 1. „ Magna con-
fusione, & iniquitate ibi (in Thea-
tris) cœtus pleni sunt, & occasio
conventus, causa est turpitudinis,
cum viri, & feminæ mixti conve-
niunt, alter ad alterius spectacu-
lum; dum enim lasciviant oculi,
calefcunt appetitiones, & oculi pro-
ximos impudenter aspicere assuesca-
nt, quod concessum sibi vident otium;
intendunt cupiditates. S. Basilius
Hom. 4. „ Nescientes orchestram, quæ
spectaculis impuris abundat, his,
qui illic confident, communem, ac
publicam esse lasciviæ officinam:
quin illic tibiarum modulationes per-
quam concinnæ, ac meretriciæ can-
tiones audientium animis insidentes,
cunctis, utpote citharædorum, aut
tubicinum pulsum emulantibus, ni-
hil aliud quam obscenitatem sua-
dent. S. Augustinus in lib. 3. Conf.
cap. 2. siens confiteretur, quid sit in
theatris summo suo malo expertus. „
Tunc in theatris congaudebam aman-
tibus, cum sese fruebantur per fla-
gria, quamvis hæc imaginarie ge-
rerentur in ludo spectaculi. Cum au-
tem sese amittebant, quasi miseri-
cors contristabar, & utrumque me
delectabat tamen. Nunc vero magis

„ misereor gaudentem in flagitio, quam
 „ velut dura perpeffum detrimento
 „ pernicioſæ voluptatis, & amiſſione
 „ miſeræ felicitatis “. Rurſum fate-
 „ tur: „ capiebant me ſpectacula thea-
 „ trica, plena imaginibus miſeriarum
 „ mearum, & fomitibus ignis mei “. Et
 „ lib. 1. de conſenſu Evangeliſt. cap.
 „ 3. Theatra appellat *caveas turpitudi-
 „ num, & publicas profeſſiones flagitiorum.*
 „ Exemplum adducit Alipſi, qui ad Thea-
 „ trum a cōdiſcipulis invitatus, ſeu po-
 „ tius recuſans, & reſoluſans, familiari
 „ violentia tractus, obſcurum animo con-
 „ ſtituit nec intueri locum velle: ſed
 „ clauſis oculis ibi corpore quidem conſi-
 „ ſtens, at mente longius abſens, inter-
 „ dixit animo, ne in tanta mala proce-
 „ deret. Sed (ſubdit Auguſt. lib. 6. cap.
 „ 8.) „ utinam & aures obturaviſſet.
 „ Nam quodam pugnæ caſu, cum cla-
 „ mor ingens totius populi vehementer
 „ eum paſſaſſet, curioſitate victus, &
 „ quaſi paratus, quidquid illud eſſet,
 „ etiam viſu contemnere, & vincere,
 „ aperuit oculos, & percuſſus eſt gra-
 „ viori vulnere in anima, quam ille in
 „ corpore, quem cernere concupivit,
 „ ceciditque miſerabilius, quam ille,
 „ quo cadente factus eſt clamor, qui
 „ per ejus aures intravit, & referavit
 „ ejus lumina, ut eſſet, qua feriretur,
 „ & deſiceretur audax adhuc porius,
 „ quam fortis animus, & eo infirmior,
 „ quod de ſe præſumpſerat . . . Ut
 „ enim vidit illum ſanguinem, imma-
 „ nitatem ſimul ebibit . . . ſpectavit,
 „ clamavit, exaſcit, abſtulit inde ſe-
 „ cum inſaniam, qua ſtimularetur re-
 „ dere, non tantum cum illis, a qui-
 „ bus prius abſtractus eſt, ſed etiam
 „ præ illis, & alios trahens “. Hæ-
 „ bent igitur Sacramenti Pœnitentiæ
 „ Miniſtri, unde pœnitentes ſuos a thea-

triciſ ſpectaculis avocent, a SS. Patri-
 bus valida argumenta. 1. Theatra ſunt
 impudiciæ gymnafia. 2. Paſſiones in
 illis excitantur, & præcipue concupi-
 ſcentia inardeſcit. 3. Amatoria ſerme
 ſemper tractantur; impudicitia ſub ma-
 trimonii velamine laudatur, probatur,
 docetur. 4. Verba adhibita, vel ob-
 ſcœna, vel mollia, vel canora, & li-
 cet honeſta, ſillicidia tamen ſunt mel-
 lis de ranunculo-venenato. 5. Mulieres
 comparent vel vera, vel adſcitia pul-
 critudine oculos inſpicientium rapien-
 tes omnes vel impudicæ, vel impudi-
 citiarum magiſtræ. 6. Mimi muliebrem
 veſtitum mentientes muliebres affectus,
 & amatorias illecebras vividius repræ-
 ſentant. 7. Cantus mollis, effemina-
 tus, cum vocis tenuitate, & delicata
 corporis inflexione, & mirabili geſtuum
 repræſentatione oculorum jaculis corda
 adſtantium movent, rapiunt, ſciantur.
 8. Veſtitus, & ornatus vanus, exqui-
 ſitus, phaleratus, immodicus, impu-
 dicus, quem vocat Chryſoſt. hom. 38.
 in cap. 11. Matth. *ſcenicum*. 9. Cho-
 reæ, ſaltationes, geſticulationes, in-
 termedia omnia ad mores corrumpendos
 ordinata. 10. Scenæ, totiusque Thea-
 tri apparatus, ludicra verba, immo-
 deratus veſtitus, inconditus clamor,
 omnia denique molliſſimam, voluptatem,
 concupiſcentiam inſillant, promovere,
 accendunt. 11. Concuſſus, & coope-
 ratio ad innumera pene ſcelera, quæ
 in theatricis ſpectaculis perpetrantur;
 & quidem cooperatio efficaciſſima, ni-
 mirum præſentia, plauſu, pecunia.
 Habent etiam, unde reſellunt argu-
 menta ad theatrica excuſanda ſpectacula.
 1. Neceſſitatem alicujus ſolatii, & le-
 vaminis a ſeris occupationibus produci,
 quæ tamen ſuperfluitatem, exceſſum
 turpitudinem in ipſo ſolatio, & ludo
 non

non excusat. 2. Animi firmitatem in bono, quæ, quod delectabile est, admittunt, quod scelestum, rejiciunt: cum, ut inquit Tertullianus, *nemo immobilis est animi*; & juxta Augustinum, *hæc est temeraria præsumptio*, ut in Alipio offendit. 3. Experientia, quæ sentiunt, in theatris nulla se illicita passione rapi, nec concupiscentia exardescere, quæ tamen nonnisi ex cæcitate mentis oritur, interiora flagitia non agnoscentis, & consortium impiorum non excusat, & pravis ludis præstitam præsentiam, & pecunia cooperationem. 4. Principum obtrudunt Theatrorum concessionem; cum tamen Patres Theatra insectari, eorum impudicitias detestari non omiserint, licet a Christianis Principibus permitterentur, quippe qui non omnem populi insaniam frænare possunt. 5. Exemplum plurimum probatorum hominum, & piorum, qui sine ullo scrupulo a Theatrorum frequentatione non cessant. At quænam, amabo, sincera probitas, solida pietas in iis, qui Baptismi vota, quibus pompis seculi, & diaboli operibus abrenuntiaverunt, perfracte violant; qui sua pecunia comedos, mimos, scurras alunt, & ditant; qui periculo proximo in peccata labendi tam alacriter, & prompte se obijciunt; qui denique Deum, & Belial consociari posse arbitrantur, &

Satanam cum Christo copulare contendunt? 6. Denique Confessarios obijciunt, qui suis Pœnitentibus Sacramentorum frequentiam cum Theatrorum frequentatione concedunt, adeo ut Matrona, quæ mane modesta ad reverendum Altare accessit, vespere elegantiori ornata cultu Comædiis, Dramatis musicis, Tragicis ridens, & hilaris assistat. At hoc est argumentum descendendum magis, quam resellendum verbis doctissimi Mariana S. J. in suo Tract. de Spectaculis sic scribentis cap. 1. „ Excuseat prava hominum consuetudo „ animos, ut, quod passim fieri videmus, defendere conentur quidam „ licentiæ Patroni, magni scilicet Theologi, „ quasi juri, & æquitati consonum, voce, & litteris abutentes, „ quos redarguere facile erit testimonio, „ & auctoritate veterum Theologorum in hac re non discrepantium „ . . . Multa in omnibus nationibus „ negliguntur crimina, præsertim si „ Patroni adsint fucata ratione fallaces „ viri Theologi, quorum quanta sæpe „ sit libertas pronuntiandi, quanta quibusdam cupiditas populo placendi, „ scimus omnes, & est miserum negare non posse, quod pudet confiteri, „ quæ magna est ordinis nostri calamitas, „ nihil esse tam absconum, quod „ a Theologo aliquo non defendatur“.

DISSERTATIO III. DE CONTRACTIBUS GRATUITIS.

ABSOLUTA consideratione eorum, quæ ad contractus onerosos spectant, nunc postulat ordo doctrinæ, ut de contractibus gratuitis, & lucrativis, scilicet qui ex una tantum parte obligatione quidpiam præstandi, vel omittendi inducunt; speciatim agamus, quod modo præstandum aggredimur, ut hoc prælo Tractatus de Contractibus extremam manum imponamus.

CAPUT PRIMUM.

De Promissione, & Donatione.

DOCTRINA.

- I. Quid sit promissio.
- II. Conditiones ad valorem promissionis requisitæ.
- III. Conditione requisita, ut contractus vim obtineat.
- IV. Ex promissione oritur obligatio ex fidelitate.
- V. Num hoc sit semper sub gravi.
- VI. Probabilior sententia exponitur, & probatur.
- VII. Etiam obligatio ex iustitia oritur ex promissione.
- VIII. Conditiones ad hanc obligationem inducendam necessariae.
- IX. Quando promissio valida desinat obligare.
- X. Donantis definitio.
- XI. Eiusdem species.
- XII. Distinctio donantis inter vivos, & causa mortis explicatur.
- XIII. Quinam a facultate donandi repellantur.
- XIV. Donationes inter conjuges prohibentur.
- XV. Donationes inter patrem, & filium semper sunt revocabiles.

XVI. Quando donatio possit revocari.

PROMISSIONIS nomen aliquando generaliter sumitur, atque per omnes contractus vagatur, sicut & illud stipulationis; quoniam aliquid promitti alteri potest cum aliquo onere ex parte promissarii, quo videlicet obstringitur promittenti. Aliquando speciale est, & significat, prout in præsentis, promissionem simplicem, gratuitam, & liberalem, quæ est præambula ad donationem, seu habet pro objecto donationem faciendam. In hoc sensu definitur promissio, *Deliberata, & spontanea obligatio sue fidei alteri facta de re possibili, utili, & honesta.*

II. Itaque in hac definitione tres inducantur conditiones ad valorem promissionis requisitæ: 1. ut sit deliberata idest cum plena advertentia, atque expedito usu rationis emissâ. Cum autem plures gradus deliberationis a Theologis distinguantur, communis sententia est, talem, ac tantam ad valorem promissionis necessariam esse, ac sufficere, quanta requiritur, ut quis peccare possit mortaliter, vel validum de re aliqua votum emittere. Quapropter,

ex-

extremis rejectis nec ea ab omni perturbatione, & passione mentis tranquillitas necessaria est, quanta, ut aliquid prudentissime fiat; quemadmodum nonnulli Auctores videntur exposcere, pro nihilo habentes eas promissiones, quæ in passionis, aut cupiditatis impetu sunt: qui impetus, nisi tollat libertatem ad peccatum mortale requisitam, minime impedire censendus est promissionis valorem. Ex alia vero parte non sufficit ea semiplena advertentia, quæ ad peccandum venialiter satis est; sicut nec eadem ad valorem voti existimatur sufficiens: cum enim in promissione quis sponte, & gratis aliquid sibi onerosum imponat, videtur ex eo ipso jure naturæ desiderari, ut in illud plene consentiat, ac proinde ea perfecta animadversione, quæ non servatur in semiplena advertentia. 2. Condicio posita spontaneitatem, hoc est, ut nulla fraude, dolo, errore, vel metu extorta fuerit promissio: quod adeo verum est, ut plures Theologi existimant, & levem metum satis esse, ut promissio inde contracta irrita evadat, atque inanis, nisi alioquin juramento firmata fuerit; etenim injuria, quam infert levem metum incuriens, sufficiens morium præbet, ut promissor ab onere præstandi, quod pollicitus fuit, absolutum se credat. 3. Condicio se tenet ex parte objecti, & determinat promateria validæ promissionis res utiles, possibiles, & honestas. Implicat enim contradictionem, ut quis obligationem contrahat faciendi, & exequendi, quod sub gravi obligatione omittere, & fugere lege divina, naturali, vel positiva jubetur.

III. Præter conditiones hæcenus indicatas ex parte actus, vel objecti desumptas, tria alim necessaria requiruntur

ex parte modi, ut promissio rationem contractus habere possit. 1. Est, ut externa sit, seu aliquo sensibili signo manifestata: nam licet Deo, qui inspecitor est cordium, possint hominea actibus mere internis sese obligare, ut contingit in voto; attamen hominibus, qui solum vident ea, quæ parent, fieri non potest, ut quis nudo voluntatis proposito sese obstringat. Nihilominus disputant Theologi, utrum hæc conditio jure naturæ sit necessaria, vel solum jure positivo, quod internis promissionibus viam omnem ademerit. Sunt enim, qui sola voluntate interna obligationem contrahi posse, spectato solo jure naturæ, tuerentur, ut Sotus, Ledesma, Molina, aliique. Sed communior, & probabilior est sententia negans, ac proinde secluso quodcumque jure positivo, promissiones solo animo conceptas, sufficienti signo alteri non indicatas, minime esse obligatorias propugnat; quippe quia actus mere interni non sunt instrumenta idonea ad hominē se obligandum, qui nec acceptare potest, quod sibi ignotum est. Porro vera ad alterum obligatio non nisi ex consensu duorum ad minus induci potest. Et licet verum sit ex voluntate interna tanquam ex causa obligationem oriri; hæc tamen causa suum effectum fortiri non potest, nisi debito applicata, quæ applicatio aliquam externam requirit manifestationem. 3. Condicio, ut hæc promissio, exterius facta, sit cum animo, & intentione se obligandi. Porro animus se obligandi non exprimitur verbis solum enuntiationem continentibus rebus, quod forum est, vel existimatur, puta, hoc, vel illa faciam; sed nec illis verbis, quæ solum propositum, & præsentem voluntatem indicant, dicendo c. ex. volo hoc, vel illud.

lud facere; immo neque illis, quæ promissionem quidem formalem exhibere videntur, sed solum generali quadam formula ex consuetudine adhibita ad declarandam animi promptitudinem, vel benevolentiam, & inclinationem, vel etiam ad signa honorificentiae civilis præstanda, cum amicus alteri amico se ad quidpiam pro ipso faciendum paratum significat: sed talia requiruntur verba, quæ obligationem saltem ex honestate, gratitudine, & fidelitate inducant significent; immo & ex iustitia, nam & hanc obligationem non refugit gratuita promissio, ut quando fit coram Notario, & Testibus, cum tunc & obligationem civilem inducat, ut omnes fatentur Theologi, & paulo post declarabimus. Si autem dubium sit; quo animo quis promissionem conceperit, aut exprefferit, monent Doctores perpendendam esse verborum significationem. Si enim hæc idonea deprehensa fuerint ad obligationem inducendam, præsumendum est non defuisse animum nujusmodi verbis consentaneum. Quod si nec verborum tenore, nec alio adminiculo id sufficenter innotescat, in favorem dubitantis judicandum est, ne scilicet oneri certo in casu dubio subiciatur. 4. Est, ut promissio externa; & obligatoria sit etiam ab altero, cui facta fuit, acceptata. Et de hac conditione consimilis disputatio inter Theologos agitur, utrum videlicet solo positivo jure, an etiam lege naturali destitueretur. Covarruvias enim, & Molina arbitrantur non esse jure naturæ necessariam, eo quod nonnullæ pollicitationes, & specialiter illæ, quæ factæ sunt Universitati, aut Civitati ad ruinam munerum instaurandas, vel ad aliquod ædificium publicum inchoatum absolvendum, etiam ante acceptationem valida declarantur in jure; & revocari

prohibentur. Quod privilegium plures Doctores extendunt ad pollicitationes Ecclesiis factas, vel ad pias causas. Id autem locum habere non posset, si acceptatio esset jure naturæ necessaria ad hoc, ut gratuita, & liberalis promissio obligationem inducat. Nihilominus sentiendum est cum communissima, & mihi probabiliori aliorum Doctorum, ante acceptationem gratuita promissiones vim obligandi adipisci non posse ex ratione superius indicata; quoniam obligatio ad alterum non nisi inter duas partes, & quidem consentientes, locum habere potest, non secuta autem promissarii acceptatione nondum duorum consensus apparet. Et etiam quia promissio alteri facta hanc semper ex promittentis intentione conditionem implicare videtur, ut si scilicet acceptando suum adjiciat consensum.

IV. Expōitis conditionibus ad promissionis naturam, & valorem requisitis, nunc explicandum est, quanta sit obligatio, quæ ex promissione externa legitime acceptata confurgit. Et primo quidem certum est, promissionem acceptatam obligare ex honestate, fidelitate, & veracitate, ut egregie docet S. Th. tom 2. 2. q. 88. a. 3. ad 1. scribens: *Dicendum, quod secundum bonitatem ex qualibet promissione homo homini obligatur, & hoc est obligatio juris naturalis*: tum q. 110. a. 3. ad 5. *Ille, qui aliquid promittit, si habeat animum faciendi, quod promittit, non mentitur; quia non loquitur contra id, quod gerit in mente: si vero non faciat quod promittit, tunc videtur infideliter agere per hoc quod animum mutat*. Et patet ex ipso naturali jure: nam quilibet tenetur efficere, ut facta verbis respondeant; & infidelis, ac mendax habetur, qui quod sponte promittit, non præstat. Hinc S. Augustinus super Psal.

34. explicans ea verba, *Holocaustum & pro peccato non posuisti*, subdit: *Nunquid hoc permittit promissori, ut sit semper promissor, & nunquam liberet fidem suam? Nihil minus.*

V. Verum adhuc inquirent Theologi, num ex hoc fidelitatis debito talis oriatur obligatio, quæ in transgressore, & fidem fallente gravem culpam inducat. Et primo quidem consentiunt omnes, si promissionis violatio noxia sit promissario, esse grave peccatum; ut si quis alteri inchoato bello (sunt ex Cajetano desumpta exempla) suppetias ferre, vel secretum servare in re magni momenti polliceari, vel Medicus spondeat graviter ægrotanti mederi, & a promissis deficiat, lethaliter peccat uterque. Similiter graviter adstringeretur promissionem factam implere, & fidem datam liberare, quoties grave damnum ex violatione in promissarium redundaret; puta si adcirco ad diem conditum suo creditori solvere nequeat. At secundo loco, quando promissionis violatio non aliud afferat detrimentum, nisi carentiam rei promissæ, plures sunt, & quidem magni nominis Theologi, qui censent nunquam fidem fallentem graviter peccare, variis ducti argumentis. Nonnulli, ut Cajetanus, putant levem esse culpam: quia promissio de se non obligat, nisi ex quadam honestate morali veritatis, sive veracitatis, vel ejus tenemur nedum conformare menti nostræ, quæ dicimus, sed etiam curare, ut verbis facta respondeant. Verum hæc ratio non admodum satisfacit: etenim promittere non est affirmare dumtaxat aliquid faciendum, vel omitendum; sed ulterius se obstringere aliquo vinculo ad faciendum, vel omitendum; ita ut inde confurgat in promittente debitum; & in promissario

ius ad exigendam executionem promissæ alias ejusdem peccati reus esset, qui promissum violaret, ac ille, qui non efficeret, quod simpliciter affirmavit se facturum; quod a communi sensu propterea abhorret; immo majus peccatum esset mendacium officiosum, quam violatio promissæ: licet enim virtus veritatis seu veracitatis ad utrumque obliget, scilicet & ad conformanda verba menti, & ad conformanda facta verbis; magis tamen obligat ad non mentendum, quam ad non dicendum materialiter falsum. Hinc alii Theologi sequuntur quidem Cajetani sententiam, sed alio ducti motivo, nempe quia existimant ex sola fidelitatis virtute oriri obligationem servandi promissæ, quæ virtus, præcisè aliis incommodis superius indicatis, non videtur sub mortali obligare. Quod inde confirmant, quia plerumque homines non solent magni facere harum promissionum gratuitarum defectus, nec etiam eos, qui in illis deficiunt, reputant injustos; sicut illos, qui aut furantur, aut ex justitia debitum minime solvunt; sed ad summum homines leves, inconstantes, & minime fidos existimant. Aliud præterea indicium adjungunt: quoniam liberaliter promittentes, si ad confirmandum, quod promiserunt, chirographo provocentur, plerumque refugiant, asserentes se nolle tam stricte obligari; proculdubio quia se per simplicem promissionem, quantumvis acceptatam, vinculo justitiæ obstrictos non reputant. Quibus argumentis adit Molina, promissionem esse legem, quam sibi promittens sponte imponit, qui proinde potest solum velle se leviter obligare, & præsumendum est ita velle. Immo subdunt Salmaticenses, aliter velle non potest, cum non sit in sua voluntate efficere, ut de-

bitum

„tum morale ejusmodi est illud con-
 „surgens ex simplici promissione, eva-
 „dat debitum legale ex iustitia; cum
 „nequeat rerum naturas pervertere,
 „& virtutum objecta mutare“.

VI. Attamen pato longe probabilius,
 etiam sola fidelitate inspecta, si res
 promissa sit magni momenti, & ejus
 carentia promissario sit incommoda, &
 illi valde displiceat (ut si quis pauperi
 puellæ dorem polliceatur, vel debitori,
 qui a creditoribus premitur, & urge-
 tur, vel fidejussionem, vel solutionem
 spondeat) graviter promittentem obli-
 gari. Et 1. quidem id patet ex Can.
 Juramenti Can. 22. quæst. 5. apud Gra-
 tianum: „Dominus inter juramentum,
 „& loquelam nostram nullam vult esse
 „distantiam: quia sicut in juramento
 „nullam convenit esse perniciem, ita
 „quoque in verbis nostris nullum de-
 „bet esse mendacium; quia utrumque
 „perjurium, & mendacium divini iudicii
 „pœna damnatur, dicente Scriptura,
 „os, quod mentitur, occidit animam“.
 In quo Canone sermo est & de juramento
 promissorio, & de mendacio in pro-
 missionis factæ defectu: unde Glossa
 subdit, *item hoc argumentum est, quod*
ex nudo pacto (ejusmodi est promissio)
oritur obligatio. Et confirmat S. Antoninus
 in Sum. P. 2. tit. 12. cap. 2. §. 4. ubi
 postquam dixit, *leges quidem civiles*
hujusmodi nudis pactis, & simplicibus
promissionibus non assidere, vel favere,
subdit tamen: „E contra fecundum
 „Deum, & canones est obligatio,
 „quia mortaliter peccat recedens a pa-
 „cto“. Et revera virtus fidelitatis est
 iustitiæ proxima; ac est veluti basis,
 & fundamentum omnium obligationum,
 ejus proinde custodia maxime est Rei-
 publicæ, humanæ societati, ac bono

publico necessaria. Præterea cujuscum-
 que virtutis obligatio ex ejus objecto, &
 materia pensatur: quamobrem si hæc
 gravis sit, & magni momenti, gravis
 inde consurgat obligatio, oportet. Et
 certe maximum quisque perspicit discrimen
 inter promittentem puero fructum
 vel obulum, & pauperi puellæ dorem.
 Nec obsistat hanc promissionem legem esse
 privatam, quam sibi promissor sponte
 imponit. Nam quidem liberum ipsi est
 hanc sibi legem ponere, vel non
 ponere: at minime in manu sua
 positum, ut virtutis indolem, &
 naturam mutet, quæ in gravi materia
 graviter obligat, in levi vero leviter,
 ut late ostendimus in Tract. de Voto.
 Sicut nec verum est, quod inquirunt
 Salmaticenses, non posse promissorem
 se obligare etiam ex iustitiâ, & debitum
 morale in legale transferre, nisi chiro-
 graphum adhibeat, & Notarium, ac
 testes appellet; cum hæc quidem in ex-
 teriori foro adminicula postulentur, non
 vero in interiori foro, & coram Deo.
 Immo cur promissio civilis juxta ipsos
 Salmaticenses gravem obligationem pa-
 rit? Non profecto, quia civilis est: nam
 chirographi, aut publicæ scripturæ so-
 lemnitas coram Notariis, & testibus
 non vim tribuit promissioni, sed sup-
 ponit potius, & declarat; sed quia pro-
 missio est; ergo hæc solum vim habet
 obligandi.

VII. Et revera ex simplici promissio-
 ne non solum fidelitatis obligationem
 oriri, sed & iustitiæ docent plurimi,
 & quidem magni nominis Theologi; S.
 Antoninus l. 1. Sylvest. Covarruvias,
 Sotus, Continuator Tournely, Juvenius,
 & inter Probabilistas etiam Læsus
 lib. 2. cap. 18. dub. 8. Layman lib.
 3. sect. 5. tract. 4. cap. 12. n. 1. Ca-
 sio-

Stropalaus tract. 22. disp. 2. punct. 8. quibus me lubens adjungo, his permotus meo videri efficacissimis a-gumentis. 1. Promissio, si per stipulationem fiat, tribuit actionem in foro civili, ut possit compelli via juridica promissor ad servandam promissum. Hoc autem indicat, etiamsi stipulatio non intervernerit, tantundem virum habere in foro interno: etenim forma stipulationis solum eam corroborat in humano judicio; eo quia præsamtur facta cum majori deliberatione, quoties accedit stipulatio. Præterquamquod etsi lege ff. necessaria sit stipulatio, non tamen lege Codicis, ut patet ex lege *si quis argentum* in Cod. de donat. Nec etiam requiritur ex præscripto, & consuetudine multarum Regionum, & Rerum-publicarum. Immo nec est necessaria ex Juris Canonici dispositione, quamvis hoc exigat expressionem causæ, quæ tamen ob solam præsumptionem exposcitur, eo quod, tacita causa, potest error in promittente præsumi. Ergo quoad conscientiam obligationem quæcumque promissio acceptata tribuit actionem, & debitum justitiæ parit. 2. Cum ex promissione onerosa acceptata in communi sententia oriatur obligatio justitiæ commutativæ; cur non & ex promissione gratuita, & liberali, si pari acceptationi firmetur? Etsi enim illa prior majorem pariat obligationem, quia obligationi par obligatio rependitur; secunda ramen alterius generis obligationem nequaquam videtur inducere. 3. Ex contractibus quibuscumque obligatio justitiæ producitur, non aliunde certe, nisi ob promissionem, quæ in iisdem contractibus continetur. 4. Virtus fidelitatis inclinat ad servanda promissa ea ratione, quoniam promissio facta est, & per eam quis se obstringit. Supponit

igitur obligationem ex promissione jam ortam. Quare quantum obliget promissio, non ex virtute fidei dimetiendum est; sed potius e converso quantum obliget fides ex natura promissionis, quæ ultra simplicem assertionem adstringit, pensandum est. 5. Per violationem promissorum injuriam sibi factam existimant promissarii, & quidem merito: nam jus ad rem inde consecuti sunt, quod jus ad ipsos quoque hæredes pertransit; sicut & obligatio promittentis ad ejusdem hæredes: at nec jus, nec injuria concipi potest sine justitiæ commutativæ obligatione, vel læsione. 6. Id etiam indicat ex promissione gratuita sequi veram justitiæ obligationem; quia homines, qui cupiunt aliquid ab alio impetrare, non contenti simplici assertionem, student illum ad promittendum inducere, non alia de causa, nisi quoniam promissione reddunt eundem sibi devinctum, & obnoxium, utpote justitiæ debito obligatum. Hæc sunt argumenta, quæ vehementius positam doctrinam confirmare videntur. Cui non opponitur Ang. Præc. dum de sola obligatione honestatis locis citatis locus est. Nam, ut optime animadvertit Soto lib. 7. de just. & ju. q. 2. art. 1. justitiæ debitum minime excludit, sed solum illud, quod locum habet in foro externo, ubi nuda pacta non admittuntur; ut patet ex illis verbis, *ad hoc quod aliqui obligetur ex aliqua obligatione civili, quedam alia requiruntur*. Et Sylvius in 2. 2. q. 66. art. 2. tanquam certum, & menti D. Tho. conforme statuit: „Promissio simplex homini serio exterioris facta, & ab illo acceptata, obligat in conscientia, ita ut sit peccatum ex genere suo mortale, non servare talem promissionem“.

VIII. Ad hanc tamen iustitiæ inducendam obligationem plura requiruntur. Nimirum 1. ut in promittente sit animus serio, & veraciter promittendi: nam si quis verbis promissoriis utatur solum ad indicandam sui propositi firmitatem, & efficacitatem, & quod magis de præfenti intentione, quam præsefert, sibi ab alio credatur; iste solum ex virtute veracitatis tenebitur ad servandum promissum. Et hoc animo factæ censeri debent aliquorum promissiones, qui leviter verbis promissoriis utuntur, cum tamen nihil aliud intendunt, quam suæ præsentis voluntatis alios certiores facere, quin ullam obligationem imposterum velint assumere. Si tamen ille, cui promittitur, credat veram esse promissionem factam, & ex hoc errore grave, aliquod damnum subeat, ex iustitia obligabitur ille, qui facta promissione huius damni sit causa, ad illum immunem præstandum. Quod multo magis locum habet in promissione onerosa, si promissarius ex parte sua illud jam præstiterit, ad quod tenebatur: quoniam in eo casu teneretur ex iustitia etiam promissor vere promittere; alias fides contractuum omnino periret, si a promissis servandis excusare se possent homines obtentu factæ promissionis. 2. Est, ut promissio fuerit de re notabili, & magni momenti; aliquin materia levitas excusat a mortali violationem promissi: & quidem juxta Navarrum censetur materia notabilis in promissione etiam gratuita, quæ notabilis esset in furto, aut in contractu oneroso. Nec firmam puto illorum Auctorum sententiam, qui nimii rigoris Navarrum arguentes, censent plus duplo desiderari ad hoc, ut violatæ promissionis liberalis grave peccatum inducat, quam in aliis iustitiæ

commutativæ obligationibus; eo quod minus debitum putant ex liberali promissione causari. Sed prorsus temere, & absque ratione: quia si concedunt ex promissione debitum oriri iustitiæ, jam hujus gravitas non ex liberali donatione, sed ex ipsa iustitia dimittenda est: liberalitas enim apparuit in promissione; at iustitia vel impletur in executione, vel violatur deficientia promissi, cui proinde commensurari debent rei promissæ valor, & quantitas. 3. Est, ut materia promissa non sit interdicta a legibus, atque irritata. Et quidem jure naturæ irritæ sunt omnes promissiones de rebus peccaminosis, & illicitis, quarum videlicet impletio fieri non potest absque peccato. Et ulterius jure positivo irritantur etiam omnes promissiones, quæ, licet sine peccato possint executioni mandari, sunt tamen ob turpem causam, quæ legibus civilibus punitur. Sed hæc, quæ ob causam sunt, jam transeunt in onerosas, nec inter eas, de quibus modo loquimur, recenseri debent. Ea recollantur, quæ diximus in Tr. de Contract. in communi, ubi de contractuum materia disputavimus. Irritantur etiam promissiones, quæ præbent occasionem peccandi; ut si quis alicui promittat se nihil repetiturum de his, quæ per injuriam, fraudem, & dolum a promissario fuerint ablata: quamvis enim post acceptam injuriam, legibus non impediatur ad eam, si voluerit, condonandam; nolunt tamen leges, ipsum ad hanc condonationem faciendam sua promissione obligati. Irritæ sunt denique jure civili promissiones, per quas adimuntur promissori facultas disponendi de rebus suis, ut si quis alicui promittat se illum instituturum hæredem, vel non revocaturum testamentum.

tum in ejus favorem confectum, vel centum ei præbiturum, si hæredem eum instituerit: quæ omnia continentur in *L. Pacta* 6. in Codice de Pactis, & alibi.

IX. Explicandum tandem superest, quando, & in quibus eventibus promissio, quantumvis valida, desinat obligare. Navarrus hanc statuit regulam, ut non amplius obliget; quando talis supervenit mutatio vel in rebus, vel in personis, quam si prævidisset promissor, noluisse promittere. Quæ regula tamen in tanta amplitudine non videtur usquequaque vera, & certe facit in promissionibus Deo factis. Multi enim vovent statum vitæ religiosæ, qui, si credendum est eorum verbis, nunquam vovissent, si difficultates, quas postea experiuntur, prævidissent; nec tamen propterea liberantur ab observantia votorum: sibi enim imputare debent, quod non satis prudenter, ad quid se obligarent, perpenderit, nec juxta monitum Salvatoris prius sedendo computaverint sumptus necessarios ad turris evangelicæ constructionem: interim enim reverentia divinæ majestatis eos adstringit ad observandum, quod revera promiserunt; non quod promississent, si hæc & alia prævidissent. Sed loquendo de promissionibus, quæ sunt hominibus, dicendum est cessare obligationem promissionum. 1. si illarum materia evadat impossibilis, & illicita, quod per se clarum est. 2. Si talis superveniat mutatio in rebus, vel personis, quam juxta prædictum judicium censetur noluisse promissor in sua promissione comprehendere. Ita docet S. Thom. 2. 2. q. 110. art. 3. ad 5. scribens: „Ille, qui aliquid promittit ... si non faciat, quod promissit, tunc videtur infideliter agere, per hoc

Patuzzi Theol. Moral. Tom. V.

„quod animum mutat. Potest tamen excusari ex duobus. Uno modo, si promissit id, quod manifeste est illicitum; quia promittendo peccavit, mutando tamen propositum bene facit: *Alio modo*, si sunt mutatae conditiones personarum, & negotiorum. Ut enim Seneca dicit in lib. 4. de beneficiis, ad hoc quod homo teneatur, facere quod promissit, requiritur quod omnia immutata remaneant: alioquin nec fuit mendax in promittendo; quia promissit quod habebat in mente, subintellectis debitis conditionibus: nec etiam est infidelis non implendo quod promissit; quia eadem conditiones non extant“. Et revera, cum promissio vim obligandi sumat ex animo, & intentione promittentis, ultra hanc, & ad casus verosimiliter in ea non comprehenses ejus obligatio extendi non debet. Ita si quis promississet amico suam operam certo tempore, quo postea contingit uxorem, vel filium ægotantem decumbere, ita ut sine pietatis offensa, vel magno incommodo nequeat deferere; procul dubio a præstando promisso liberatur: & ille, qui puellæ, quam virginem existimavit, nuptias promissit, si postmodum certus fiat de vitata virginitate, ab ea ducenda excusatur. Notandum tamen aliud judicium fieri debere de eo, qui tempore debito promissum non implet, quia non vult, cum possit, & postea incidit in paupertatem, vel aliud impedimentum: hic enim non liberatur ab obligatione, quamvis durante impedimento ab ea implenda excusetur; quoniam ejus obligatio non ex sola nata fuit promissione, sed etiam ex mora culpabili, quæ damnum intulit promissario in carentia rei promissæ, quam proinde compensare tenetur, statim

L 1

tim ac impedimentum cessaverit. 3. Definit obligare promissio, seu potius consopitur, quando duo sibi invicem promiserunt, & alter non implet, nec vult implere, quod promissit. Quod verum puto, nedum quando secunda promissio facta est intuitu prioris, & velut in ejus remunerationem, ut putat Navarrus; sed etiam quando facta fuit alio fine, & respectu: quoniam enim utraque promissio gratuita, & liberalis continet jura, & debita ejusdem rationis: hinc efficitur, ut compensatione quadam possint hæc jura, & debita invicem extinguí: præterquamquod secundus promissor non videtur sese obligare ad implendum promissum in casu, quo alter, qui prior promiserat, fidem fallat. 4. Definit obligare, quando promissio facta fuit ob causam, quæ non subest; ut si quis falso existimet se ab alio affectum magno beneficio, hinc inducitur ad esse obstringendum aliqua gratuita promissione; tunc enim error contingit circa principalem promissionis causam.

X. Donatio communiter definitur: *Datio liberalis, seu contractus lucrativus, quo quis gratis se obligat ad statim transferendum dominium alicujus sue rei; vel juris in donatarium.* Dicitur *Datio*, idest talis actio, quæ sit apta natura sua ad transferendum dominium; quæ translatio fieri potest vel reali traditione, vel officio verborum. Hinc duplex donationis species a Juristis distinguitur; alia quæ incipit a traditione rei præsentis, & hæc est completa donatio; alia vero quæ incipit a promissione rei nondum præsentis, adeoque præcedit tempore traditionem. Licet autem, sola lege naturali spectata, dominium transferri possit etiam ante traditionem sola verborum efficacia; jure tamen positivo

ita impeditur translatio domini, ut, si nondum sit facta traditio, non plene & perfectum sit jus acquisitum; quo fit, ut imperfecta maneat donatio ante traditionem, & vix a simplici promissione diversa. Quapropter si quis verbaliter donans alicui equum absentem, postea mutato consilio eundem alteri tradat, iste ratione traditionis acquirit dominium in re; & donatarius ille prior solum habet actionem personalem, & jus ad rem, ut videlicet in æquivalenti sibi satisfiat. Ulterius dicitur *datio liberalis*, ad indicandum materiam donationis esse aliquid nec jure debitum, nec datum eo fine, ut aliquid sibi jure retribuatur: in utroque enim casu deberet esse contractus mere gratuitus, & lucrativus. Dixi autem *aliquid non jure debitum*, quia si tantum ratione gratitudinis debitum sit, quod donatur, non obstat naturæ donationis gratuitæ, & liberalitatis: tum quia adhuc donatio potest fieri intendendo bonum, & honestatem virtutis liberalitatis; tum etiam quia gratitudo hanc non impedit, immo liberalitas disponit ad gratitudinem; neque enim gratum præbere se potest, qui virtute liberalitatis caret. Nihilominus distinguitur a Juristis donatio in mere liberalem, & in remunerativam, quam etiam *antidoremalem* appellant; ut scilicet distinguant eam, quæ nullam vel gratitudinis obligationem præsupponit, ab ea, quæ ad hujus debitum, & officium implendum ordinatur. Et adeo hanc distinctionem curant, ut non pauci cum juris prohibitionem, qua nonnullis personis donatio interdicitur, de solis donationibus liberalibus, non autem de remunerativis interpretentur, in quibus sola munificentia non intervenit, eo ipso, quod ex parte donantis aliquid gratitudinis debitum præsupponitur.

IX.

XI. Nunc celebriores donationis species ejusdem definitioni sunt subjiciendæ. Et jam quasdam indicavimus, videlicet eas, quæ proveniunt ex divisione donationis in verbalem, & realem; in meræ liberalitatis, & remunerativam. Alias statim, addimus. Donatio alia indiget insinuatione, alia vero sine insinuatione subsistit. Item donatio alia dicitur *causa mortis*, alia appellatur *inter vivos*. Hæc posterior dividitur in permittam, & prohibitam. Prohibita continet eam, quæ est interdicta ratione excedentis quantitatæ, & vocatur *immensa*, & eam, quæ prohibetur ob ineptitudinem donatum, ad quam revocantur etiam donationes inter Patrem & Filium, inter virum & uxorem, & alia hujusmodi, de quibus dicemus post pauca. Interim de primo loco positis donationum speciebus nonnullæ occurrunt faciendæ considerationes. 1. Itaque de donationibus insinuatione indigentibus observandum, insinuationem esse legalem quandam publicationem, seu manifestationem, qua quis in scriptis coram iudice declarat se velle huic, vel alteri tantam, vel tantam pecuniæ summam, vel alterius rei quantitatem donare; adjunctis conditionibus, quibus suam implicat donationem: quæ insinuatio ad eum finem fieri debet, ut accedat approbatio, & consensus iudicis eam donationem permittentis. Porro ineffectum est hoc juris civilis remedium ad compescendas insanas, & profusas donationes, quæ patrimonialia exhauriunt, & familias redigunt ad inopiam, proculdubio cum detrimento Reipublicæ, cujus interest, subditos non nimium depauperari; & etiam ad vitandas fraudes, & dolosas artes, quibus avari, & perdit homines a simplicioribus extorquere studeant perniciosas,

& profusas donationes. Ceterum, jure naturali inspecto, necessaria non est insinuatio pro validitate cujuscunque donationis; & pecuniarum donationes, quæ brevi manu sunt, non indigent insinuatione. Ad hoc tamen profusæ illæ leges custodiendæ, ubi vigent, juxta Provinciarum, & Regnorum consuetudinem, ut, si hujusmodi donationes siant sine insinuatione, infirmæ sint, & nutantes, &que ab ipso vel donante, vel hæreditibus ejus per sententiam iudicis revocari, & in irritum reddi possint.

XII. Consideranda est secundo loco divisio donationis in eam, quæ fit *meritis causa*; & in illam, quæ dicitur *inter vivos*. Donatio mortis causa ea dicitur, quæ fit ob mortis suspicionem, vel cum illius cogitatione, & mentione. Essentiale discrimen hujus donationis a reliquis in eo situm est, quod, sive donatio fiat cum reali traditione, sive incipiat a verbali promissione, ea est mens donantis, immo alia juxta leges esse non potest, quam ut, nonnisi post mortem ipsius, completum possit effectum habere; ita ut semper censeatur revocabilis, quoadusque per mortem donantis confirmetur: ac proinde pendere dicitur a voluntate deambulatoria, sicut & aliæ ultimæ voluntates, pura testamenta, legata, & hujusmodi. Inter donationes vero, quæ sunt inter vivos, quæ dicuntur prohibita ratione materiæ, sunt donationes, quæ dicuntur *immesæ*, quales sunt, in quibus omnia bona præsentia, & futura, immo etiam jura donantur. Et quidem jure Romano eas esse invalidas nemo diffiteretur: cui etiam jus canonicum consonat; & pleræque leges municipales aliarum Regionum consimilem sequuntur dispositionem; Sed quando inter Juristas controversatur, utram etiam jure

naturali pro illicitis habendæ sint, videtur illorum, qui affirmant, opinio solido fundamento carere. Falluntur enim ex æquivocatione, quoniam in jure adversæ bonis moribus denuntiantur hujusmodi donationes. Sed is modus loquendi non indicat eas honestati naturali repugnare; sed utilitati dumtaxat Reipublicæ, & civilis regiminis intentioni incommode esse: quia per illas homines redduntur intestabiles, quod bonis moribus civilibus adversatur. Cæterum, attento solo jure naturæ, istud pro magno absurdo habendum non est, quod homo, suorum omnium donatione, testandi incapax se reddat. Quapropter plerique Theologi nullius peccati mortalis reum faciunt, qui tali donatione sese exhauriret, nisi id faceret cum pernicie suorum creditorum, vel aliorum, vel aliorum, quibus prospicere debet. Nec ad restitutionem obligant donatarius, qui ex tali donatione dominium omnium alterius bonorum adeptus esset; nisi favore legum secuta donationis revocatione ab hæredibus donantis juridice repetantur, quæ per leges civiles perperam donata censerentur. Et certe inter donationes universales legibus prohibitas, illa minime est numeranda, quæ fit Ecclesiæ, aut ad pias causas: si enim potest quis suammet personam in Ecclesiæ, aut causæ piæ obsequium tradere; quanto magis omnia sua bona? quandoquidem operibus pietatis injuste se leges seculares opponerent; sicut nec illa quæ fieret causa mortis: per hanc enim cum sit revocabilis, & deambulatoria, non admittit donanti facultas testandi; quod leges cavere intendunt, dum immensas interdiciunt donationes.

XIII. Ex parte vero donantium plures sunt, qui utroque jure a facultate

donandi repelluntur. Itaque donare non possunt, qui dominio bonorum careant; vel etiam, qui si dominium habeant, administratione per leges privantur; aut qui, si aliqualem habeant administrationem, facultatem tamen alienandi non habent. Quamobrem & recensentur illi, qui rationis defectu, aut imperfectione donare non possunt, impuberes videlicet nondum ad quartum decimum annum completum ætatis, si masculi sunt, vel ad duodecimum, si feminæ, pervenientes, sine tutorum facultate, & licentia; quæ tamen censetur non deesse in ordine ad parvas donationes, & liberalitates conditioni suæ convenientes. 2. Filii familiarum sine patris consensu, excepta bonis castrensis, vel quasi castrensis, de quibus etiam si profuse donaverint, ita ut damnum notabile inde perceperint, petere possunt restitutionem in integrum. 3. Minores, qui vigesimum quintum annum non expleverint, sine licentia Curatorum, quibus subjiciuntur, donare legibus interdiciuntur. 4. Uxores, seu de bonis mariti, seu etiam de bonis propriis, quæ a mariti pendunt administratione, disponere donando minime possunt, nisi quoad parvam aliquam quantitatem, quam consuetudo, & usus probarum familiarum, facultas domus, & conjugalis conditio permittunt distribuendam in remunerationem, & elemosynas: iis enim præsumitur suffragari consensus saltem tacitus mariti; qui tamen si repugnet, illi uxor parere debet, & etiam ab hujusmodi donationibus abstinere. 5. Ecclesiastici de iis, quæ ultra congruam, & honestam sustentationem ex redditibus beneficiorum superfluent, ad usus profanos donare non possunt juxta piam, probabiliorē, tutioremque sententiam, quam

quam suo loco fufe propugnâvimus, quæ talium bonorum simplicem administrationem illis attribuit. Multo minus Superiores Regulares, administrantes bona communitatibus, hæc possunt donando alienare; cum id non possit vel ipsa communitas, quæ directe talium bonorum est domina, nisi juxta leges Ecclesiasticas, & Pontificias Constitutiones, quibus coarctatur ipsorum dominium, & administratio. Subditi autem Regulares ex consensu suorum Superiorum eas tantum modicas donationes, & ad usus pios ordinatas facere possunt, quæ statui paupertatis, vitæ Religiosæ, & sanctionibus Ecclesiasticis non sunt repugnantes, ut in Consecrariis dicemus.

XIV. Vulgarissimum est jure civili, omnes donationes, quæ inter conjuges sunt, haberi pro invalidis in hoc sensu; quatenus ad arbitrium conjugis donantis semper revocari possint, vel expresse, vel tacite; puta si donans rem donatam alteri vendat, vel in hypothecam subiciat. Solum duobus modis hujusmodi donationes irrevocabiles constituuntur, 1. morte donantis, quæ tamen mortem donatarii præcesserit; & hæc etiam adjecta conditione, ut ante mortem ipsius donantis, res tradita fuerit donatario, ita ut hic aliquam ejus possessionem adeptus sit; secuta autem donantis morte retrahitur confirmatio, & irrevocabilitas usque ad tempus traditionis, ita ut fructus ex tunc percepti cedant donatario. Nedom autem mors naturalis donantis hanc vim præstat donationibus præbet, sed etiam mors civilis, qualis reputatur, si conjux perpetuo exilio extra patriam fuerit deportatus, vel professus sit in aliqua Religione, quæ dominii sit incapax. 2. Confirmatur donatio inter conjuges ad irrevocabilitatis effectum juramento adjecto, si videlicet donans juraverit se

non amplius revocaturum donationem jam factam. Aliquando tamen donatio, etiam si juramento firmata non fuerit, & supponatur acceptata, & licet mors donantis secuta non fuerit, nihilominus totum suum valorem, atque firmitatem sortitur: cujus exceptionis plures assignantur casus in jure. 1. Si Imperator donaverit Augustæ, & idem dicendum de donatione facta a supremo Principe propriæ uxori: quoniam Princeps vel legibus positivis donationes infirmantibus non subicitur; vel donando uxori in illis dispensare præsumitur. 2. Si conjux conjugi donet ad restaurationem ædium incensarum. 3. Si donet ad aliquam dignitatem consequendam, puta uxor marito, ut Doctoris lauream obtineat. 4. Si donans ex donatione pauperior non fiat, ut si nihil perdat donando ex bonis, & juribus jam quæsitis; nimirum si repudiet hæreditatem, legatum, fidei commissum nondum a se acceptatum, ut obtinere possit uxori, quæ jus ad illud habet defectu mariti, utpote substituta, vel heres ab intestato. 5. Si donatarius ex donatione ditior non fiat; ut si mulier accipiat a marito ad emendos sibi ornatus, ad mundum muliebrem, unguenta, & similia, vel ad eleemosynas suæ conditioni convenientes faciendas; si tamen quidpiam ex hujusmodi expensis reliquum fuerit, semper reperti poterit a donante. 6. Si donatio censetur facta in remunerationem, cujusmodi existimatur naturæ, quæ facta fuerit a marito senæ, vel ignobili, uxori juveni, & nobili, veluti in remunerationem repensam ejus juventuti & nobilitati. Remuneratoria etiam creditur confessio dotis acceptæ, etiam si revera nulla dos data fuerit; quia merito uxoris compensando existimatur facta talis confessio.

XV.

XV. Donationes vero, quæ a parentibus in filios exercentur, non minus certum est, speciato jure civili Romano, easdem semper esse revocabiles ante mortem, & extra casum confirmationis per juramentum; dummodo filii non sint emancipati, sed paternæ subiaceant potestati. Nomine autem Parentum hic intelligo solum Patrem, vel Avum, aut alios ascendentes virilis sexus, & ex latere paterno. Ideo autem leges civiles, ut constat ex Leg. 2. Codicis de inst. donati, infirmas volunt, & revocabiles præstare donationes, quia filius non emancipatus reputatur una, & eadem persona civilis cum patre; unde existimatur donare sibi, quod donat filio. Hæ leges proinde non comprehendunt filios jam emancipatos, adeoque a paternâ potestate exemptos; neque filios naturales illegitimos, qui jure Romano sub patria potestate non sunt; neque donationes factas a matre, vel ceteris se tenentibus ex latere materno, quia istis non competit paternâ potestas. Viceversa donationes factas a filiis suisve parentibus de bonis castrensis, vel quasi castrensis, extra dubium est, omnem valorem, & firmitatem habere. Addendæ tamen sunt etiam quoad hoc nonnullæ exceptiones. Valent, & firmitatem habent donationes factæ a patre etiam filio non emancipato, si collatæ fuerint ad dotem, vel matrimonio in eundem, Item illæ, quibus mobilia data sunt. proficiscentibus ad militiam, vel libri traditi professoris aliquam disciplinam: hæc enim bona statim evadunt castrensia, vel quasi castrensia. Uterius si pater filio donec usumfructum quærit habet in bonis adventitiis filiorum, valet donatio. Denique si patris donationes ordinantur ad remunerandum aliquod notabile filii meritum, &

obsequium, censentur irrevocabiles; nisi fiant ex illis bonis, de quibus pater nequit disponere, absque detrimentis aliorum filiorum, quibus per tales donationes subtraheretur alius legitima portio.

XVI. Denique ad doctrinæ complementum exponendum superest, quibus in casibus donatio jam acceptata possit revocari. Distinguendum verò est inter donationem, quæ est inter vivos, & donationem mortis causa, ac de utraque ordinate dicendum. Si donatio sit inter vivos, id est quæ donans velit absolute rem suam fieri alterius ante suam mortem, ex triplici causa revocabilis est, quamvis nedom fuerit acceptata, sed etiam executioni mandata, nimirum ex donarii ingratitudine, ex susceptione proli, & ex donationis inoffiositate. 1. Sgitur revocari potest ob ingratitudinem donarii; ut si hic injurias atroces in donantem effuderit, si violentas manus illi injecerit, si in vitæ discrimen induxerit, si grave damnum bonis ejus intulerit, si conditionem sibi impositam non impleverit. Notanda tamen sunt circa hoc caput aliqua. Primum est non habere locum hanc revocationis causam in donationibus, quæ dicuntur ob causam, videlicet quæ ad præcedentia merita donarii remuneranda ordinantur; sicut neque in donationibus, quæ sunt Ecclesiis, & ad causas piæ; hæc enim censentur factæ Deo, in quem cadere non potest ingratitudo. 2. Donatarium ingratum non teneri ad restitutionem, nisi post sententiam judicis: quapropter præmitti debet querela, & probari ingratitudo; est enim revocatio donationis quædam species pænæ, quam reus subire non tenetur, nisi juridice sibi inflictam. Quod si donatio nondum fuerit executioni

tionem mandata, quia nondum secuta est traditio, poterit donator rem sibi retinere, & repellere petitionem donatarii per exceptionem ingratitudinis: cui enim post traditionem jus competit revocandi rem traditam, ante traditionem convenit jus excipiendi. 3. Si a donatore non revocetur donatio ingrato facta, nec potest ab ejus heredibus revocari, nisi in casu, quo isti probarent ingratitudinem ignoratam fuisse a donante: nam tunc, etiam si a donante revocata non fuerit expresse, tacite tamen, & virtualiter revocata censetur ob ingratitudinem donatarii. Ex secundo capite revocari possunt donationes factae ab improbiis, si postea nascatur proles; ut constat ex *L. si unquam* §. Codicis de revocandis donationibus: in qualibet enim donatione implicita censetur ista conditio, si proles non supervenerit. Si igitur donatio antecedens facta fuerit extraneo, post prolem in totum revocata censetur. Quod si non extraneo, sed alicui ex ascendentibus, ut patri, avo, & vel alicui priori filio facta fuerit, revocatur solum pro parte, quae sufficit ad legitimam portionem proliis suscipiæ. Nonnulli Theologi hoc idem extendendum putant ad donationes factas Ecclesiis, & locis piis, cum tunc ob salutem animæ donatum intelligatur, quæ minoris haberi non debet, quam filiorum legitima portio. Monent tamen, & jure merito expedire, ut totam Ecclesiæ, vel loca pia donationem remittant ad populi edificationem, & ad cupiditatis notam vitandam; ut fecisse legitur Aurelius Carthaginensis Episcopus ex auctoritate D. Augustini, a Gratiano citata, dicentis: „Quicumque vult exheredato filio heredem, facere Ecclesiam, querat alterum, qui suscipiatur, non Augustinum, im-

mo Deo propitio nullum inveniat. Quam laudabile factum sancti, & venerandi Episcopi Aurelii Carthaginensis! Quidam enim, cum filios non haberet, nec speraret, res suas omnes reposito sibi usufructu donavit Ecclesiæ. Nati sunt ei filii postea, & reddidit Episcopus nec etiam opianti illi, qui donaverat. In potestate state habebat Episcopus non reddere. Quæ postrema verba sunt intelligenda excepta legitima, qua nati filii fraudandi non erant; & ad quam reddendam nec donantis interpellatio, nec sententia judicis erat expectanda. Immo etsi donator caverit juramento se non revocaturum donationem, hæc semper revocabilis est in casu susceptæ proliis; quia per adjectum juramentum nunquam censetur exclusa ista conditio, quæ ex intentione legum semper venit intelligenda, nisi expressissimis verbis repulsiatur. Quod si hæc expressa renuntiatio conditionis, vel privilegii citatæ legis adfuerit, tunc quidem donator revocare non poterit donationem; poterunt tamen filii post ejus mortem; quia ob patris donationem damnum sentire non debent quoad legitimas portiones, quæ sibi a Legibus destinantur. Ex tertio capite revocatur donatio inofficiosa, id est quæ est contra officium pietatis, quæ a parentibus in filios est excrenda, quando ratione donationis isti privantur legitima portione, quam ex bonis paternis accipere debent; ut patet ex toto titulo de inofficiosis donationibus in Codice. Et quidem si donatio facta fuerit extraneo, animo fraudandi liberos (qui animus præsumitur, quando alias nihil suis filiis parentes relinquunt) revocatur in totum. Si autem non tali animo facta fuerit, vel alicui ex prioribus filiis, vel etiam Ec-

cle-

clesiæ, quæ ad instar filiorum reputatur; tunc solum quoad eam quantitatem revocatur, quæ necessaria est ad constituendas filiorum legitimas. Nihilominus si ab ipso donante revocatio facta non fuerit, vel non acceptata, restitutio valet usque ad mortem ipsius, solum enim post mortem patris debetur filiis legitima; ac proinde solum post mortem ejusdem, donationis inofficiosa damna sentire incipiunt, ad quæ tollenda ipsomet jure donatio rescinditur. Nec ab hac irritatione, vel rescissione præservatur juramento adjecto ab ipso donante de non revocando. Nihil enim valet hujusmodi juramentum, utpote præstitum contra bonos mores naturales, & officium pietatis; ac de re, quæ sine peccato non potest executioni mandari. Et his quidem modis revocatur donatio, quæ est inter vivos. Illa autem, quæ mortis causa appellatur, alia triplici de causa revocari potest. 1. Si donatorem pœniteat donationis factæ: hujus enim firmitas, sicut & firmitas testamenti, & legati, & aliarum hujusmodi ultimarum voluntatum, pendet semper a voluntate donantis, quæ usque ad mortem deambulatoria, & mutabilis est. 2. Si donatio facta fuerit metu impendentis periculi, ut in casu infirmitatis, vel instante prælio, vel alio discrimine; cessante infirmitate, vel periculo evanescit etiam donatio. 3. Si Donatarius ante donantis mortem præmoriatur: nam eo ipso donatio cessat, nec ad hæredes defuncti jus ullum pertransit.

CAPUT SECUNDUM.

CONSECTARIA PRÆCEDENTIS DOCTRINÆ.

I. *Promissio, si juramento de ea non*

revocanda fulciatur, revocari non potest ante acceptationem.

II. *Promissio prediga non obligat, licet juramento firmata,*

III. *Promissio acceptata, quando acceptata censeatur silentio, vel consensu alterius persone a promissario distincta.*

IV. *Utrum promissio liberalis onere gravari possit.*

V. *Quando donatio facta ob aliquem finem, vel causam, his etiam deficientibus, valeat.*

VI. *Quando cadat donatio adveniente prælo legitima.*

VII. *De donationibus interdictis,*

CONSECTARIUM PRIMUM.

I. **P****P****R****O****M****I****S****S****I****O** alteri facta; etiam ante hujus acceptationem, si juramento fulciatur de ea non revocanda, obligat. Non desunt Theologi, qui hujusce consecrarii veritatem inficiuntur: quippe qui putant, adjectum juramentum naturam, indolemque promissionis non mutare; proinde cum promissio nondum a promissario acceptata semper revocabilis sit, talis permanet etiam adjecto juramento. Ita sentiunt Molina; Sanchez, alique a Salmaticensibus citati. At eorum opinio minus probabilis videtur. Quandoquidem licet talis promissio in se spectata revocabilis sit, tamen superaddito juramento, non ex virtute fidelitatis, sed ex vinculo religionis redditur irrevocabilis. Proinde promissionis indolem non mutat, sed sibi juramento vinculum imponit de revocatione, quæ ex indole promissionis non acceptatæ locum haberet, non faciendâ. Et revera, qui concipi potest illum perjurum non esse, qui, cum juraverit se non revocaturum, postea revocet? Nonne juramentum violat, cum, quod pollicitus est sub juramento, non præstet?

Præterea obligatio promissionis a duorum consensu pendet, promittentis scilicet, & promissarii acceptantis: unde utriusque requiritur consensus. At juramentum de non revocanda promissione a sola jurantis voluntate pendet: obligat igitur independenter ab alterius vel consensu, vel acceptione.

CONSECTARIUM SECUNDUM.

II. Promissio prodiga non obligat, licet juramento firmata. Sunt plures Theologi, qui hanc propositionem in tota sua amplitudine veram non arbitrantur: sed distinguendum censent, nimirum non obligare, quando donatio promissa ita prodiga est, ut sine peccato executioni mandari non possit; vel si fraus, & dolus ad illam extorquendam adhibita fuerint: at extra has circumstantias non est, inquit, unde efficiatur irrita promissio, de donatione alioquin prodiga, præcipue si juramento firmata fuerit; multa enim, quæ fieri prohibentur, facta tamen tenent, & quod non sine peccato promissum fuit, sine peccato præstari potest, immo nequit sine peccato omitti. Nam donatio, quæ nulla præmissa promissione, atque secundum se spectata invenitur vicio prodigalitatis affecta, supposita tamen obligatione, vel ex promissione, vel ex juramento resultante, non amplius prodigalitatem sapit, sed est debita, vel ex justitia, vel religione. At puto non esse hanc limitationem admittendam. Quandoquidem si, ut ipsi fatentur Theologi, non tenet promissio prodiga, quando sine peccato non potest executioni mandari; sequitur nunquam revera tenere, cum nunquam sit sine peccato donatio prodiga. Nam prodigalitas promissionis non in ipsa promissione invenitur, quæ, cum

sit verbalis, nec promittentem re sua realiter privat, nec alteri imprudens beneficium confert, sed in ipsa datione, seu donatione, quæ profecto si prodiga est, culpa non vacat, nec sine peccato præstari potest. Ergo non obligabit juramento etiam adjecto, quod verteretur in deteriore exitum, & esset iniquitatis vinculum. At inquit, multa quæ fieri prohibentur, facta tamen tenent; & quod non sine peccato promissum fuit, sine peccato præstari potest. Fateor; at quando prohibitio, & peccatum non in ipsam refunditur executionem, ut patet in illo; qui meretrici mercedem pollicetur pro sui corporis copia: hic enim profecto peccat promittendo ob iniquitatem, quam postulat; at non peccat solvendo consummato peccato, quia illa datio non est amplius illicita, utpote a legibus permixta in poenam libidinis. At in donatione prodiga tota reperitur prodigalitatis malitia, ex qua prodigalitate promissio malitiam accipit; ergo sine peccato executioni mandari non debet, sicut nec polliceri poterat. At urgent, non est amplius prodiga datio, quando vel ex justitia est debita, vel ex religione. Verum hæc est petitio manifesta principii, & supponit id, quod est in controversia, nimirum promissionem prodigam, & juramento firmatam, ex justitia, & religione obligare, quod aperte iustificamur; cum jam a culpa sit inseparabilis donatio prodiga, nec prodiga possit non esse promissio, si prodiga sit donatio. Nec urget paritas promittentium vel pecuniam latroni, vel solutionem usurarumeneratori, quorum promissio, si juramento firmetur, valida est, & religionis nomine implenda. Nam in utroque casu & necessitas urget promittentem, & tota ma-

lita non ex parte promittentis se tenet, sed ex parte extorquentis: præinde cum utraque solutio malitiam non involvat, ob reverentiam divini nominis licita est, & omnino facienda. Hoc denique animadvertendum puto, nimirum, si promissio prodiga sit de re dividua, impleri posse & debere pro ea tantum parte, quæ prodigalitatæ excessum declinat, præsertim si sit iuramento firmata, ob reverentiam divini nominis, hoc enim pacto res in tuto ponitur, nam fides data, & religio voti servantur, & prodigalitatæ vitium omnino vitatur. At si individua sit, implere non tenetur, quod sine peccato præstare non potest.

CONSECTARIUM TERTIUM.

III. Promissio gratuita vim habet obligandi, licet promissarius solo silentio eam acceptet, vel ab aliqua tertia persona ejus nomine acceptetur. Prima hujus consecrari pars ostenditur: quia licet silentium, & taciturnitas sit ex se indifferens ad consensum, vel dissentium; tamen, quando res cedit in commodum, & utilitatem tacentis, ejus silentium pro consensu accipitur, juxta legale axioma, *qui tacet, consentire videtur*; secus tamen in onerosis. Nonnulli tamen in aliquo casu arbitrantur, silentium consensum non indicare, licet promissio sit gratuita, & favorabilis; nimirum quando promissarius sincero animo a tali promissione abhorret, nec recusat aperte ob reverentiam erga promissorem; ut si Episcopus, vel alius Superior subdito Beneficium, vel Præbendam satis lucrosam offerat, & polliceatur, subditi vero a talibus Ecclesiasticis proventibus abhorrens, solum taceret, ne Prælatum recusatatione offendar, vel Beneficium flocci facere

videatur; tunc silentium acceptationem, & assensum non indicaret. Altera vero pars tunc solum vera est, quando acceptatio non a quocumque fiat, sed ab illis tantum, qui a jure habiles declarantur ad promissionem stipulandam, vel acceptandam pro alio. Hujusmodi autem sunt, 1. qui a promissario commissionem generalem, vel specialem habent ad stipulandum pro ipso. 2. Personæ, quæ sunt constitutæ sub jure illius, in cujus favorem cedit promissio: sic potest acceptare filius non emancipatus pro patre, servus pro domino, Religiosus pro Religione; non autem famulus mercenarius pro eo, cui famulatur, nec subditus pro Principe. 3. Qui curam alterius gerunt, ut Tutor pro pupillo, Curator pro minore, & ut aliqui censent Princeps pro subdito: hic enim cum alteri pro tertia persona stipulandi facultatem præbere possit, videtur multo magis per se ipsum ea uti posse. 4. Et ille pro alio stipulari potest, qui ex promissione absenti facta aliquod commodum reportat, vel aliquo onere liberatur; ut creditor pro debitore, socius pro socio in negotiatione, uxor pro marito. 5. Docent etiam plures Juris Canonici Doctores, quemlibet privatum posse acceptare promissionem factam in favorem Ecclesiæ, & ad pias causas, juxta Glossam communiter acceptam in Cap. *Quamvis cordis* &c. Præter has personas, si quis pro alio stipulari velit, atque promissiones gratuitas acceptare, prius inutiliter ageret; quoniam hujusmodi stipulationibus jura civilia resistunt, immoque declarant: præterquam quod lege natura etiam eandem inutilitatem, & inefficacitatem constat, cum nihil intersit ejus, qui acceptat, promissio alteri facta ad effectum, ut

ali-

aliqua obligatio in promittente confurgat. Duo tamen adhuc sunt observanda circa acceptationem promissionis a tertia persona præstitam. Primum est, requiri, ut acceptatio pro altero valeat, promissionem, saltem implicite, dirigi ad præsentem, qui pro alio acceptet: nam si quis dixerit, promitto Petro absenti me illi centum daturum, non proinde ullam contrahit obligationem, etiamsi iste, qui præsens est, pro Petro absente promissionem acceptet, utpote ad quem nullo modo pertinet promissio facta. Quod si dixerit, promitto tibi me daturum, Petro absenti centum; vel absolute nominata solum persona, in cujus Beneficium promissio cedit, dixerit, promitto me daturum Petro absenti centum; in utroque casu valide acceptatur promissio a præsentem, ad quem censetur directa, etiamsi prout in secunda formula ejus expressa mentio non fiat: sic enim, ex communi sensu, & modo contrahendi solet accipi, tanquam ad præsentem directa. Valet, inquam, promissio ad effectum, ut amplius revocari non possit; non tamen ad effectum, ut etiam executioni debeat demandari, nisi subsequuta acceptatione persona absentis, in cujus favorem est emissæ; ante istam enim adhuc pendula manet. Alterum est, promissionem acceptatam a tertia persona nomine absentis non posse condonari, juxta probabiliorem sententiam, ab ipso acceptante (si tamen gratuita sit, & liberalis; nam de onerosa, & respectiva aliter sentiendum) cum per acceptationem semel præstitam jus absenti jam sit acquisitum: quapropter nisi huic juri suo nuntium remittat, absolvi non potest promissor ab onere, & obligatione contracta. Excipiunt tamen casum, in quo qui acceptavit, vi-

cissim ad aliquid præstandum promittenti semet obstrinxerit: nam tunc potest beneficium alterius remittere, quod cum proprio gravamine comparatum est. Quod si promissio absenti fiat per internum, hæc ad promissionis valorem sunt observanda. 1. Non satis est, ut qui promissionem audit, alteri absenti ex libito, & voluntate sua renuntiet; sed requiritur, ut id fiat permissione, & mandato promittentis. 2. Ut renuntiatum hoc modo promissionem coram ipso nuntio, vel per literas ipsi datas, se acceptare promissarius manifestet. 3. Si promissor revocet promissionem, & hoc noverit internuntius, antequam scribat, vel referat promissionem, valida est revocatio: si vero hæc non internoscatur præfato internuntio, valet promissio post acceptationem promissarii. 4. Cessat obligatio promissionis, si promissarius ante acceptationem decedat; nec jus ejus ad hæredes transit, cum omnino personale sit, & promissor libenter huic promittat, vel donet, quod ejus hæredibus nec vendere vellet. 5. Si vero promittens ante acceptationem decedat, potest adhuc promissarius eam acceptare, cum promissio ex parte promittentis jam completa omnino fuerit, nec revocata, atque adhuc fortassis perseveret vel in internuntii attestazione; vel in litteris; & præterea promissio gratia, & favor est, qui cessare non censetur morte promittentis.

CONSECTARIUM QUARTUM.

IV. Promissioni gratuita ante acceptationem onus imponi potest; secus vero secuta acceptatione. Utraque pars jam de se comperta est; sicut enim totam revocare poterat promissor, sic etiam aliquo aspicere gravamine; sed secuta acceptatione novum onus imponi non

non posse pro certo habendum est; quia jam promissarius jus ad rem sine opere consequendam per acceptationem obtinuit: ergo sine onere impleri debet. Quod si quis accepit donationem, cui in favorem tertie personæ onus aliquod adjectum erat, e. ex. domum per quinquennium inhabitandam cum onere Petrum hospitem recipiendi quater in anno advenientem; tunc etiam si illa tertia persona jus aliquod adquisierit, si tamen per se ipsam non acceptaverit, censetur illud jus semper revocabile usque ad tempus impletionis, immo, ut aliqui putant, etiam transacto tempore, nisi forte ea tertia persona fuerit Civitas, Ecclesia, aut locus pius; tunc enim ad constituendam irrevocabilem promissionem sufficit donatarii acceptatio.

CONJECTARIUM QUINTUM.

V. Donatio facta ad certum usum, vel ob aliquem finem, vel imposito aliquo onere, aliquando valida est, & subsistit, licet vel finis non obineatur, vel talis usus non præstetur, vel injunctum onus non impleatur. Declaratur hujus conjectarii doctrina. Nam in hujusmodi donationibus inspicendum, num donatio solum fiat ad alliciendum donatarium, ut talem usum præstet, vel finem quærat, vel opus impleat; tunc enim his deficientibus vim habet, & revocari non potest: ut si quis centum donet puellæ alicui, ut nubat, vel ut ejus consensum ad matrimonium inflectat, etiam si puella aut moriatur, aut cælibem vitam eligat, non proinde donatio vim amittit; censetur enim facta solum alliciendi causa ad talem effectum, non vero ad obligandam puellam, ut talem usum, vel finem, vel opus præstet. Ex hujus generis sunt do-

nationes, quæ sunt a clientibus patronis suis, vel dominis, vel nobilibus eo animo, ut eos protegant, eique pro opportunitate auxilientur: qui si postea vel protectionem denegent, vel auxiliari nollint, non sunt tamen irritæ habendæ donationes. At contra, si donatio fiat animo obstringendi donatarium ad præscriptum usum, vel opus, tunc eo cessante, proculdubio revocabilis est; quoniam donator suam intentionem limitavit per eam præscriptionem, ut ea non servata locum non habeat. Non displicet etiam, quod alii Theologi docent, nimirum inspicendum, num ille finis sit principalis, vel tantum accessorius. Si enim finis principalis donationis defecerit; tunc, cum deficiat donationis objectum, & veluti substantia, donationem minime valere perspicuum est: ut si quis Monasterio donet centum, ut anniversarium pro suis defunctis celebret, profecto donatio esset revocabilis, si opus susceptum non implerent Religiosi. At si finis donationis sit accessorius, & minus principalis, censent, etiam eo deficiente, donationem valere: ut si quis puellæ pauperi centum donet, ut subveniat ejus necessitati, & simul ut consensum eliciat ad matrimonium; licet hæc nuba re nolit, non erit invalida donatio, ut superius diximus. Quod pariter est dicendum, cum donatio fit ex aliqua causa, quæ non subsistit: nimirum inspicendum, num illa fuerit causa, vel totalis, vel principalis donationis: & tunc ea deficiente nulla erit donatio, vel est solum causa minus principalis, & accidentaria; & tunc illius defectus donationem non tollet, nec irritabit.

CONSECTARIUM SEXTUM.

VI. Non cessat donatio facta, & proles illegitima subsequatur; at cessat, si hæc legitima sit subsequens matrimonium. Prima pars hujus Consecrarii ex ipsa lege eruitur, quæ solum de legitimis loquitur filiis; quamobrem non est ad illegitimos extendenda, quibus non nisi jus tribuit alimentum a parente exigendi. At, si filius per subsequens Matrimonium legitimus evadat, corrumpit donatio; cum tunc patriæ subiciatur potestati, & filius legitimus evadat. Immo licet illegitimus filius ante donationem natus fuerit, & postea per subsequens Matrimonium cum ejus matre celebratum legitimus fiat, corrumpit facta donatio. Nec obstat Matrimonium videri posse celebratum in fraudem donationis ad eam infirmendam. Nam 1. jus habet Matrimonium celebrandi cum quacumque muliere; cum per donationem hoc jus non amiserit: ergo & cum matre filii illegitimi. 2. Nato ex quocumque Matrimonio filio corrumpit donatio: ergo & ex illo, quo filius illegitimus evadit legitimus; cessabit præfata donatio, cum tunc filius inter veros, & legitimus filios annumeretur. Quod si filius post donationem natus moriatur, priusquam sit revocata donatio, subsistit ne donatio? Minime, nam ipso facto corrumpit donatio, & lex statuit esp. de reyo. dona. infantis natiuitate secuta, totum quicquid largitus fuerat, revertatur in ejusdem donatoris arbitrio ac ditione mansurum: immo ipsius donatoris heredes possunt rem donatam repetere, si id donator non præstiterit; cum penitus in nihilum sit redacta donatio, sola filii natiuitate.

CONSECTARIUM SEPTIMUM.

VII. Triplici Constitutione Clementis VIII. 28. quæ incipit *Religiosa*, & Urbani VIII. Constit. 48. quæ incipit *Nuper*, & novissima Bened. XIV. quæ incipit *Pastor bonus*, quoad donationes, vel largitiones munerum hæc statuuntur. 1. In Bulla Clem. VIII. interdicitur Regularibus utriusque sexus munera nobilitia largiri, sive per se, sive per alium, sive directe, sive indirecte, sive palam, sive occulte, sive communi, sive particulari, aut proprio nomine, nisi in generali capitulo, aut generali Congregatione, re mature discussa, unanimi superiorum permisso causa adprobata fuerit. 2. Interdicitur munera largiri, ut per ea sibi viam parent ad dignitates, & officia, & gradus, sive superioribus, sive æqualibus, sive inferioribus Clericis, vel Laicis donent. 3. excipiuntur munera de rebus minimis, aut de levioribus esculentis, & poculentis, sive de pertinentibus ad devotionem, vel Religionem. 4. Jabet, ut recipientes præfata verita munera restituere debeant non Religiosis, qui largiti sunt, sed Monasteriis, sive Conventibus, ad quæ data, seu missa de jure pertinent. 5. Declarat consuetudinem quamlibet hæc in re neminem a peccato excusare. 6. Graviter peccare Superiores, qui Constitutionem Pontificiam in Monasteriis a suis subditis observari non curant. 7. Nec licere Regularibus aliquid notabile commodare, vel mutuo dare alteri, animo amplius non repetendi. 8. Nec rem notabilem ab alio sibi datam, & expresse, vel tacite acceptam habere, vel rogare, ut alteri tradatur. 9. Nec consanguineis, vel aliis condonare solutionem legati, pensionis, alteriusve debiti. 10. Nec denique residuum vitalitatis

tiæ pensionis, vel aliorum reddituum, seu bonorum suis usibus permissorum, quando extra Cœnobium commorantur, donare. Hæc omnia sua Constitutione confirmavit Urbanus VIII. hæc solum adjectis declarationibus 1. Non peccare, qui leviora esculenta, & poculenta, & munuscula ad Religionem, & devotionem pertinentia de suorum Superiorum licentia largiuntur, modo id modestè, & discrete fiat. 2. Ex causis gratitudinis, conciliationis, & benevolentiae in Ordinem, & Conventum, vice Congregationem Religiosam: item causa pietatis, caritatis, hospitalitatis, aliisque causis ex sui natura actum virtutis, & meriti continentibus, discretam, & modestam munus largitionem cum Superiorum majorum, aut localium licentia fieri posse a viris Religiosis. 3. Remuneraciones etiam, & grati animi vice largitionem modestam, & discretam de Superiorum licentia indulget idem Pontifex Summus vero Pontifex Bened. XIV. confirmatis primum prædictis Prædecessorum suorum constitutionibus, ulterius sibi reservat crimen illorum, qui a Regularibus, exceptis rerum medicinalium, seu devotionis muneribus, dono accipiunt ultra valorem decem scutorum, nulla tamen inflicta censura. 2. Declarat nec Summum Pœnitentiarium posse ab huiusmodi delicto reum absolvere, nisi facta restitutione; vel, si de præsentii nequeat adimplere, cum obligatione eandem, quamprimum poterit, faciendi. 3. Qui vero infra prædictum valorem ejusmodi munera receperint, eos injuncta ab ipso Majoræ Pœnitentiariorum, seu Confessorio per eum eligendo elemosyna, quæ in beneficium Religionis, seu Conventus, cui de jure facienda est restitutio, si caute fieri possit, erogetur, absolvere,

seu absolvi mandare possit. Hæc Pontificiis Constitutionibus præ oculis habitis evanescunt omnes illæ quæstiones, quas instituunt plures Theologi etiam probabilioristæ, inquirentes, quantum possint Religiosi privati donare de pecuniis sibi ad usum concessis, sive a parentibus donatis, sive proprio labore, & industria partis; & statuentes posse vel duodecim ducatos in singulis annis, vel duos aut tres aureos, vel plus, minusve arbitrio prudentis, & discreti viri; cum de pecuniis in munus donandis nullus sit jota, aut apex in præfatis Bullis Clementis VIII. & Urbani VIII. Benedictus vero omnem pecuniariam elargitionem prohibeat. Quod si in itinere occurrat aliquid donare ob aliquod præstitum servitium tunc a bajiulis, sive a comitantibus, sive a deferentibus sarcinulis; hoc est dime-tiendum ex labore præstito, & ex necessitate operis, & potius mercedis locum habet, quam donationis.

CAPUT TERTIUM.

De Commodato, Precario, & Depósito.

DOCTRINA.

- I. *Commodati definitio traditur, & explicatur.*
- II. *Commodatarii munia, & onera.*
- III. *Quenam sit culpa lata, levis, & levissima exponitur.*
- IV. *Commodantis munia, & onera.*
- V. *Quid sit precarium commodato simile.*
- VI. *Quid sit precaria Ecclesiastica.*
- VII. *Depositi definitio, & natura exponitur.*
- VIII. *Depositarii munera, & onera.*

I. **H**AS tres contractuum lucrativorum species ad unum caput re-
vo-

vocamus : quia tamen de singulis latam habeant tractationem Juristæ ; pauca tamen, & facilia sunt, quæ Theologis circa easdem scitu necessaria occurrunt. Incipiamus a commodato, cuius naturam, & obligationes ex eo provenientes explicabimus. Nomen commodati sæpius in jure tribuitur rei, & materiæ, quæ commodatur : hic tamen a nobis accipitur, non pro materia contractus, sed pro ipsomet contractu. Definitur ergo ex Glossa in Cap. unic. de commodato : *Rei alicujus ad certum, & determinatum usum gratuita concessio*. Nomine rei alicujus tum res mobilis ut vestis, equus, gemma &c. tum etiam res immobilis, ut domus, fundus &c. designatur ; utriusque enim generis bona ad certum aliquem usum concedi possunt, retenta a commodante ipsorum proprietate, & jure ad quoslibet alios usus. Solum excipiuntur a materia commodati ea bona, quæ solo usu consumuntur ; ut esculentia, poculentia, pecuniæ, & hujusmodi : hæc enim, si concedantur ad usum, mutuari dicuntur, non commodari ; quia in ipsomet usu destruantur, eademque in specie, seu melius in indivisuo, ut loquuntur Theologi, restitui non possunt. Dicitur *gratuita concessio*, in quo commodatum differt a locatione, emphiteusi, aliisque onerosis contractibus, in quibus conceditur usus ob certum stipendium. Additur *ad usum determinatum*, per quam particulam differt commodatum tum ab iis contractibus, in quibus dominium transfertur, ut sunt mutuum, donatio &c. tum etiam ab illis, in quibus jus quidem rei servandæ præbetur, non autem ea utendi, ut sit in pignore, hypotheca, deposito &c. Indignant etiam hæc verba ex pluribus usibus, quibus res deservi-

re possunt, unum tantum, vel alterum a commodante posse determinari, ultra quem non possit commodatarius absque injuria, & injustitia rem concessam adhibere. Demum ut omnia, quæ ad naturam commodati faciunt, in allata ex Glossa definitione comprehensa intelligantur, eadem postrema verba *ad certum, & determinatum usum* debent extendi etiam ad certam temporis determinationem complectendam : per hoc enim commodatum maxime differt a precario, quod in hoc posteriori nulla fiat præscriptio temporis, sed, quancumque libere, dominus rem concessam precario poterit ad se revocare ; non item in commodato, in quo per certum tempus est commodatario necessario relinquenda.

II. Ex commodato uterque contrahens suas sortitur obligationes. Commodatarii hæc sunt. 1. Non potest uti re sibi concessa ad alium usum præter definitum a commodante, nec ultra tempus taxatum, si secus faciat, peccat contra justitiam ; & tenetur Domino compensationem injuriæ, atque damni, fortassis inde enati, præbere. Ut si quis equo sibi ad iter faciendum concessio utatur ad trahendum onustum plaustrum, in quo casu equus nimis defatigatur ; vel si eodem dato ad eundem Mediolanum usque ad prolixius iter utatur. 2. Tenetur commodatarius expensas ordinarias, quæ necessariæ sunt ad rei commodatæ conservationem subire, c. ex. equo sibi commodato, vel servo cibaria præbere, & medicinas ordinarias ; expensæ tamen extraordinariæ ad commodantem pertinent, ut ædes collapsas reficere : nam sicut priores cedunt in utilitatem commodatarii, sic posteriores commodantis beneficio cedunt ; ac proinde si forte

com-

commodatarius ad eas faciendas necessitate adactus fuisset, actionem haberet adversus commodantem pro sua indemnitate. 3. Tenetur commodatarius eam in conservando commodato diligentiam adhibere, quam Patres familias diligentissimi in consimilibus rebus custodiendis adhibere consueverunt: adeo ut quamvis, si res pereat ex casu fortuito, domino perire censeatur, nisi in casu, quo fortuitum illud contingeret, dum est in mora culpabili restituendi, vel alias se se obligasset expresse etiam pro casu fortuito; tamen si ex quacunque, nedum fraude, sed etiam vel levissima culpa accidat, rem datam aut petire, aut effici deteriorem, pertinet ad ipsum commodatarium, indemnem servare dominum rei; & id quidem verum est attentæ commodati naturæ, quod in solius accipientis utilitatem fieri solet, ut statuitur in jure can. cap. Cum gratia, Ext. de commodato, ubi Greg. IX. sanxit, cum gratia sui tantum quis commodatum accipiat, de levissima etiam culpa tenetur. Potest tamen quandoque contingere, ut non ad accipientis, sed ad dantis commodum, vel saltem utriusque gratiæ, res commodetur; ut si quis pretiosum aliquid sponsæ suæ commodet, ut ornatus, & decentius ad se adiugetur, id enim facit proprii honoris intuitu; vel si quis vasa argentea commodet ad excipiendum convivio communem amicum, vel æquum præbeat agenti suo, ut ad negotia familiæ suæ curanda citius iter agat; atque tunc regula data exceptionem admittit: & si quidem agatur de solo commodantis honore, vel beneficio, commodatarius solum de dolo, aut lata culpa tenebitur casu quo res amittatur, vel pereat; si autem uterque ex commodato utilitatem reportet, de levi

quidem culpa commodatarius tenebitur, non vero de levissima.

III. At quoniam frequentius & in superioribus meminimus culpæ laræ, levius, & levissimæ, & in sequentibus sæpius mentio recurrit, operæ pretium est hic hujus culpæ gradus, & species exponere. Culpa laræ quandoque in jure dolus malus appellatur; sed tunc culpa laræ non strictè, sed generaliter sumitur: dividitur enim ample sumptæ culpa, in laræm, latiore, & latissimam. Latissima culpa est dolus expressus, latior dolus tacitus, laræ vero proprie sumpta a dolo distinguitur: quoniam dolus semper conjunctum habet consilium, & intentionem data opera, ut res pereat, aut deterioretur, unde ex malitia procedit; at culpa laræ neque ex consilio, neque ex malitia progreditur, sed ex crassa, & culpabili negligentia, præterea notandum est, aliter a Theologis culpam explicari, aliter a Juristis; at exactius loquendo, aliam esse culpam juridicam, aliam Theologicam. Theologica est deviatio a regula rectæ rationis contra legem Dei, unde continet peccatum mortale, aut veniale. Juridica vero est deviatio a regulis juris positivi aliquid imponentis, & præscriptis pro custodia rei alienæ, vel damno alterius evitando. Quandoque coincidunt culpa Theologica, & culpa juridica, quandoque separantur: c. ex. Si quis monile aureum suæ custodiæ commendatum in vestibulo domus apertæ relinquit, culpam juridicam incurrit; adeoque si contigerit furto illud occupari, legibus civilibus ad restituendum pretium adstringitur, sed simul etiam hic culpa Theologica non caret; adeo ut etiam si jus positivum nihil de ejus obligatione statueret, nihilominus ex lege naturali iustitiæ commutativæ esset

restitutioni obnoxius. Culpa juridica itaque dividitur in latam, levem, & levissimam. Lata est omisso diligentiae in re aliena custodienda, vel dampno proximi vitando, quam homines diligentes, & prudentes communiter solent adhibere, & qua bonus pater-familias utitur in rebus propriis conservandis: ut si quis librum sibi commodatum, (ut exemplis in jure allegatis) relinqueret in odio aperto suae domus, vel equum alienum relinqueret per triduum sine custodia in prato, pascuali, vel poculum aureum relinqueret super mensam in domo ludi, in quam plures ingrediantur, quae culpa, ut mox dicebamus, aliquando in jure cum dolo malo confunditur, quoniam videtur illi admodum proxima, ut quando dicitur in Institut. commodatarius non teneri nisi de dolo malo; cum certo certius sit, teneri etiam de culpa lata, immo & levi, & levissima, ut superius diximus. Culpa levior est omisso illius diligentiae, quam solent homines diligentiores in custodiendis rebus specialiter adhibere: ut si quis depositum aliquod magni momenti claudat quidem in arca, non tamen fera, & clavibus firmet. Tandem culpa levissima est omisso illius diligentiae, quam solum homines cautissimi, & circumspectione abundantes praestare consueverunt: ut si quis rem, quam habet in custodia, in arca quidem clavi obferata deponat, non tamen postea manu teneri, aut explorari, utrum arca firmiter clausa sit. Sed de hoc iterum in Tract. de Restitutione.

IV. Quoad obligationes vero commodantis principalissima est, qua tenetur non repetere commodatum ante tempus determinatum, & usum completum: jam enim commodatarius jus acquisivit ex contractu commodati ad talem usum

Patuzzi Theol. Moral. Tom. V.

toto eo tempore percipiendum. Et ita statuitur a Gregorio IX. Cap. Cum gratia Ext. de commodato dicente: *Contra eum resse commodati non agitur nisi post usum expletum, cujus gratia res fuerat commodata, cum non decipi beneficio reos oporteat, sed adjuvari.* 2. Commodator, si forte rem vitiosam scieniter alteri commodaverit, c. ex. vasa vinaria, vel aliis liquoribus continendis effusa, cum latente vitio a se minime ignorato, cujus causa contingit vinum, oleum, aliosque liquores a commodatario immixtos aut corrumpi, aut effluere, tenetur hujus damni iacturas commodatario resarcire, utpote: ex fraude, & dolo provenientes; ut statuitur l. 18. §. 3. ff. Commodatum: *Qui sciens vasa vitiosa commodavit, si ibi infusum est vinum, vel oleum effusum, corruptum est, condemnandus est eo nomine.* 3. Tenetur commodans ad expensas extraordinarias occurrentes pro rei commodatae conservatione, cum in ejus beneficium redundent, ut superius diximus.

V. Precarium vero definitur a Wl-piano l. 1. ff. de Precario, *quod petenti precibus utendum conceditur, quoadusque is qui concedit, passus fuerit.* Materia itaque precarii possunt esse tum res mobiles, tum immobiles, tum corporalia tam incorporalia, c. ex. ius servitutis, & alia jura. Differt a commodato in eo, quod in precario nec usus determinatur, nec tempus; sibi enim reservat ille, qui concedit, jus repetendi, quandocumque placuerit; quod tamen ita intelligendum venit, ut non statim repetatur, aliquin illudoria, & nullius momenti foret illa concessio. Immo si non iustitia, saltem caritas concedentem astringit, ut non repetatur, quousque id fieri nequit sine gravi detrimento utentis; si aliquin damnum non immincat

N n

in

in dilatione ipsi domino. Obligationes accipientis precario sunt eadem, ac quæ commodatarium afficiunt, hoc solo secvato discrimine, quod in casu, quo res accepta precario perire contingat, non tenetur accipiens ex culpa levissima, nec ex levi, sed solum ex dolo, & culpa lata, quamvis eijam precarium sit in utilitatem solius accipientis, Ita statuitur *L. Questum est §. cum quoque ff. & L. contractus ff. de regulis juris*. Hujus discriminis ratio assignatur in ipso jure, quoniam nimirum cum dominus rei possit ad libitum repetere rem precario datam, potest hoc modo sibi abunde consilere, si forte cognoverit rem ipsam periclitari ex negligentia utentis: quamobrem si hoc medio non utatur, jam consentire videtur in damnum sibi proveniens ex culpa levi, & levissima rem habentis. Triplici vero modo finitur precarium, 1. Revocatione ipsius domini. 2. Morte illius, cui concessum fuit; cum enim sit personale beneficium, ad hæredes non transit: morte vero concedentis non semper terminatur, sed potest expectari revocatio facienda ab hæredibus de precario concessio consciis, si vero ignari, admonendi sunt. 3. Venditione facta alteri personæ a domino rei precario datæ.

VI. Est & aliud genus precarii, quod in jure canonico contractus *precaria*, seu *precaria* in singulari nuncupatur, & definitur *Contractus, quo alicui ad præces, ac plerumque causam remunerationis, usufructus alicujus prædii, vel alterius rei Ecclesiastica immobilis conceditur ea lege, ut singulis quinquenniis renovatio hujus contractus potatur*. In pluribus distinguitur a communi precario *precaria*, 1. Quia illud potest fieri etiam de rebus mobilibus, hæc vero solum de ca-
res immobiles. 2. Precarium ad nutum

concedentis revocabile conceditur: *Precaria* vero ad certum tempus, ante cuius lapsum revocari non potest. 3. Precarium sit brevi manu, & privata concessione; ad precariam vero requiruntur solemnitates juris, cum alienationem importet rei Ecclesiasticæ. Aliqui tamen juris canonici Doctores putant eas solemnitates non requiri, si non concedatur ultra triennium. Expirat autem *precaria* hæc, quando post quinquennium non est quæsitæ, & obtentæ ejus renovatio.

VII. Superest dicendum de deposito, ejusque obligationibus. Depositum nomen multoties tribuitur rei, quæ alteri traditur custodienda: sed in præsentia sumitur pro contractu gratuito, & liberali, quo aliquid gratis custodiendum alteri traditur, ut integrum restituatur, Itaque in hocce contractu nec rei dominium transfertur, ut in mutuo, neque usufructus, aut usus, ut in commodato. Dicitur autem, quo res gratis custodienda committitur, ad indicandum discrimen inter depositum, & alios contractus, per quos onus custodiendæ rei suscipitur non gratuito, sed mercedis, aut pretii gratia; si enim aliquid accipiat pro re custodienda, potius locationis, & conductionis negotium erit, quam depositi; ille enim, qui pretium recipit, locat operam suam deponenti pro custodia rei commissæ. Differt etiam depositum a pignore, quod in hoc rei custodia sit solum ad cautionem creditoris, non autem in utilitatem deponentis. Materia depositi propria sunt res mobiles, vel se moveant: nihilominus etiam in immobilibus locum habet aliquando depositum, quando videlicet controversia est de rei proprietate, & neuter litigantium possessionem potest allegare, vel qui possidet, con-
gra

tra ordinem juris possidet; tunc itaque mandato iudicis deponuntur, quæ sunt in controversia, apud tertium aliquem, qui dicitur *sequester*, vocaturque hoc depositum iudiciale; sicut & illud, quo creditore recusante accipere debitum, a debitore fit ex præcepto iudicis illius depositio, ut a debito liberetur. Sed nos hic loquimur potius de deposito privato, quod fit consensu, & voluntate deponentis, & depositarii, sive sit necessarium, quando scilicet cogitur deponere ob necessitatem aliquam, & periculum rei, dum servatur a domino; sive nulla premente necessitate fiat, in quo casu dicitur voluntarium. Perficitur autem iste contractus re, & traditione, quando scilicet & deponens rem ipsam consignat, & depositarius suscipit onus eam custodiendi: neque enim sufficit, ut res deponatur in domo alterius expresse, vel tacite non consentientia, nisi forte sit talis, cui ex officio competat custodire; cuiusmodi sunt Caupones, Aurigæ, Naucleri, & alii, qui solent res sibi commissas aut servare aut alio transferre: tunc enim si ipsi videntibus, & non repugnantibus res deponatur apud ipsos, puta in Caupone, in Curro, in Navi, tunc depositum factum esse censetur. Ita sancitur L. unica furti ad Nau. ff. In eos, qui¹ naves, couponas, stabula exercent, si quid a quoquam eorum, quosve ibi habent, furtum factum esse dicitur, iudicium datur.

VIII. Obligationes depositario ex depositi traditione consurgentes reconferendæ sunt. 1. Tenetur ille res sibi traditas ea diligentia custodire, qua solent Patres-familias prudentes proprias res conservare, cuiusque omisso constituit culpam latam: nam, si alioquin res pereat, nedum fortuito, sed etiam ex levi,

vel levissima negligentia, minime ad refarciendum damnum obligatur depositarius, eo quod depositum fit ex illis contractibus, qui sunt in solam dantis utilitatem; nam si quid præbeatur pro cura depositi, eo ipso naturam depositi amittit. Ita docet & S. Th. 2. 2. q. 62. a. 6. scribens: „Tertio modo aliquis accipit rem alterius absque iniuria, non pro sua utilitate, sicut patet in depositis: & ideo ille, qui sic accepit, in nullo tenetur ratione acceptionis; quinimmo accipiendo impendit obsequium: Tenetur autem ratione rei. Et propter hoc, si ei subtrahatur res absque sua culpa, non tenetur ad restitutionem: secus autem esset, si cum magna sua culpa rem depositam amitteret“. 2. Non potest depositarius absque peccato usu rei apud se depositæ fungi: res enim sibi tradita fuit ad meram custodiam, non ad usum: Quapropter in iure civili reus furti habetur, qui re deposita citra deponentis voluntatem utitur: & si quid damni inde oritur deponenti, ut fere indispensabile est in his rebus, quæ usu consumi solent, potest deponens compensationem exigere; & tenetur depositarius præstare; nec non & pretium pro usu rei depositæ, si talia fuerit, ut æstimationem aliquam habeat, & alias exigatur a deponente. 3. Tenetur depositarius fideliter restituere rem depositam, quoties dominus eam repetit: nec suffragatur ad eam licite, & iuste retinendam, fuisse depositam ad vitam deponentis, aut ad certum tempus, quod nondum expiravit: siquidem non obstante hac temporis præfixione, depositum ex natura sua est semper ad nutum domini revocabile, & illa temporis determinatio non fit ad obligandum deponentem, ne possit

possit antea repetere, sed solum ad obligandum depositarium, ne ante illud tempus ab onere custodiæ se absolvat. Non etiam valet ad negandum depositum titulus compensationis; quoniam videlicet depositarius aliquid a deponente sibi debitum esse prætendit. Si quidem jura civilia prohibent fieri compensationem in re deposita, ut illibata semper maneat fides depositorum. Probabilistæ asserunt, hanc prohibitionem solum tenere pro foro externo; at speculato jure naturali nihil ob stare, quin depositarius sibi retineat depositum in compensationem, dummodo debitum liquidum sit, nec alia via solutionem obtinere possit, quod indicat, humanos legislatores sanctiores esse in custodienda depositorum lege, quam sit ipse Deus auctor naturæ, qui permittit, immo adprobat aliquando violari depositum ob meritum compensationis, quæ & ab ipsa civili lege reprobatur; quamobrem Deus juste coronat compensationem occultam, quam juste homines vorant, & puniunt. Sed de hoc satis & abunde diximus in Tract. de Contractibus in communi.

CAPUT QUARTUM.

CONSECTARIA PRÆCEDENTIS DOCTRINÆ.

- I. *Commodatarius quando res commodatas propriis præferre debeat.*
- II. *Quando commodans ante tempus commodatum possit repetere.*
- III. *Quando commodatarius re commodata uti possit ultra concessionem.*
- IV. *Quando teneatur ad restitutionem ex casu fortuito.*
- V. *Num depositarius teneatur aliquando ex culpa levi, vel levissima.*
- VI. *Num possit aliquando uti re deposita.*

VII. *Quand non peccet, licet depositum non restituat.*

VIII. *Ecclēsia, & Monasterium non teneatur de deposito præstito apud Clericum, vel Rectorē Ecclēsiæ.*

CONSECTARIUM PRIMUM.

I. **L**ICET Commodatarius maximam diligentiam in re commodata custodienda, & servanda adhibere teneatur; non tamen semper tenetur proprias res abjicere, vel negligere, ad servandas ab interitu, & indemnes res commodatas. Non desunt Theologi, qui opinantur, commodatarius teneri præferre res alienas propriis etiam pretiosis, quando illas commodatas habuerit; secus vero, si tantum illas teneat ratione depositi. Hæc tamen opinio absurda videtur: sequeretur enim, quod, si quis apud me deposuerit in meo stabulo retinendum insignem equum ducentis aureis æstimabilem, casu quo stabulum incendio corripitur, ad servandam unam, vel alteram ovem propriam, possem equum tanti pretii incendio permittere. Justa igitur, & vera mihi videtur aliorum pene communis doctrina. Quando talis occurrit necessitas, ut vel res commodantis perire debeant, vel commodatarii, inspiciendum est, utrum res alienæ vel pretiosiores sint, vel æque pretiosæ, vel minus, quam aliæ vel juris. In casu igitur, quo utraque servare non possum, pretiosiores alienæ præferendæ sunt propriis, siue commodatæ illæ fuerint, siue depositæ, cum hoc tamen discrimine, quod in commodato, ut pote ordinato ad meam utilitatem, nihil possum exigere a commodante pro damno, atque interitu rei propriæ; in casu vero depositi, vel etiam commodati, si quando præter naturam factum fuerit ad
uti-

utilitatem solius dantis, compensari debet de detrimento in rebus propriis accepto. Si vero æque pretiosæ fuerint res alienæ cum propriis, facultas erit utraslibet præferre, vel servare; dummodo indemnitas servetur ille, qui in alterius commodum vel commodavit, vel deposuit. Hinc commodatarius, si rem suam æque pretiosam, ac commodato acceptam servare velit, debet commodatam indemnem servare, solvendo pretium rei commodatæ, quæ peritit; ut statuitur L. 5. §. 4. ff. *Commodatum*, ubi posita lege, ex casu fortuito non teneri de re commodata, additur statim hæc exceptio, *nisi forte, cum possit res commodatas liberas facere, suas prætulit*. Et jure merito, quia commodatarius magis tenetur res gratuito acceptas custodire, quam proprias. Denique quando vilioris æstimationis sunt alienæ, quam propriæ, nec ambigendum videtur, quin æquitas, & ratio postulet, ut proprias alienis præferam, salvo semper respectibus indemnitatis in eo, qui mea causa, vel ob meam utilitatem damno expositus fuit. Hoc naturalis ordo æquitatis postulare videtur.

CONSECTARIUM SECUNDUM.

II. Aliquando, cum nimirum grave urgeat commodantis detrimentum ex rei suæ carentia, licet illi rem commodatam ad certum tempus, etiam eo non completo, repetere. Huic propositioni adversantur Navarrus in Manuali cap. 17. n. 181. aliique, his permotionibus. In utroque jure civili, & canonico absolute, nulla facta exceptione, statuitur, rem semel commodatam ad certum tempus, ante illius lapsum repeti non posse. 1. Commodatum speciem est donationis; porro donatio

semel facta, quacunque urgente donantis necessitate, revocari non potest. 3. Qui commodavit, volens, & lubens commodando, se exponit cuicumque detrimento sibi ex rei privatione obvenruro: hoc igitur detrimentum sibi imputare debet, quod sponte subivit. Verum hæc non tanti mihi videntur ponderis, ut a proposita assertionem valeant remove. Quandoquidem semper præsumi debet, voluntatem commodantis non se extendisse usque ad talem eventum inopinatum, quem si prævidisset, noluisse alteri rei suæ usum tanto tempore tradere. Præterea in hisce gratiosis concessionibus semper implicita videtur conditio, dummodo ipse in pari, aut majori necessitate non fuerit; sicut & ille, qui se obligavit ad præbenda alimenta alicui, in casu, quo ipse alimentis indigeat, non tenetur servare suam promissionem, utpote cujus fides servanda est supposito immutato rerum statu. Ulterius ingrati animi esse videtur velle rem gratiose ab alio concessam retinere cum detrimento benefactoris concedentis, & ditescere hoc pacto alieno damno. At inquies, hoc est offendere, commodatarius teneri ex gratitudine reddere, ac commodantem non posse ex justitia repetere. At si alter ex grati animi virtute reddere tenetur, cur igitur alter quod sibi aliquo modo debitum est petere non poterit? nec in posita Consectarii propositione ulla est justitiæ mentio. At cur & non ex justitia repetere poterit, & quod jam suum est, & quod imbibita hujusmodi contractibus conditione, scilicet nisi ipse egerit, concessum esse prudentissime præsumi potest? Hinc objectis argumentis sic responderi posse puto; in utroque jure generales regulas constitui, exceptiones vero

vero aliquando apponi, aliquando omit-
ti, suppleudas ab interpretibus: & hanc
exceptionem plurimi admittunt & Ju-
risperiti, & Theologi. Ad 2. omnes
lucrativi contractus ad donationem,
sicut & omnes onerosi ad venditionem
revocari possunt; ac sicut hi discre-
pant a rigorosa venditione, & illi a ri-
gida donatione; ita non pari pacto
procedunt, nec eisdem habent effe-
ctus. Commodatum pluribus nominibus
a donatione discrepat: non enim con-
ceditur rei substantia, non omnis usus,
sed determinatus, non perpetuo, sed
limitato tempore. Sicut igitur tantum
distat a donatione propria, & rigoro-
sa; ita mirum non est, si irrevocabili-
tatem omnimodam non participet. Quod
manifeste patet in locatione, quæ ad
venditionem revocari potest; est enim
venditio usus rei, c. ex. domus pro
pretio: & tamen omnes Theologi doc-
cent, posse locatorem, si domo pro-
fe, & sua familia indigeat, locatio-
nem ante tempus revocare, ut nos quo-
que docuimus Par. 2. de Contr. oneros.
cap. 4. Non igitur locatio eam firmi-
tatem, & perpetuitatem participat,
quæ tamen veræ, & rigide venditioni
convenit; & licet sit contractus utrique
utilis, tamen revocari potest ex indi-
gentia locantis. Multo magis ergo com-
modatum, quod gratiosum est, & libe-
rale, revocari poterit urgente commo-
dantis necessitate. Ad 3. supponimus,
necessitatem imperato, & præter hu-
manam providentiam obvenire: proinde
non debet detrimentum ipsi liberali,
& gratioso commodanti imputari, qui
profecto; si prævidisset, rem commo-
dato non concessisset; sed infortunio,
& humanis vicissitudinibus sæpissime in-
opinatis, quibus prospicere potest libe-
ralis commodans, commodatum etiam

ante lapsum temporis reperendo. Fa-
ctor tamen, & libenter concedo cum
plerisque Theologis, quod, si prævi-
derit commodans, vel prudenter præ-
videre potuerat, se redigi posse ad ne-
cessitatem indigendi re commodata, &
nihilominus, nulla facta reservatione,
rem ita ad certum tempus commodave-
rit, jam videtur juri suo renuntiassè,
ac proinde non posse repetendo sibi
consulere cum detrimento commodata-
rii. Quod si par urgeret & in commo-
datario, & in commodante necessitas
usus rei, tunc putarem commodatarium
preferendum commodanti, utpote le-
gitimum rei commodatæ possessorem;
cum semper melior sit conditio possi-
dentis: nisi forte alia via, & alio com-
modato facile posset suam prospicere in-
digentiam commodatarius, commodans
vero non posset. Hæc a me sunt dictæ,
ut, quod probabilius sentio, promam,
& pyrrhonismum in re morali, quan-
tum fieri potest, evitem; non vero,
ut omnes in meam pertraham senten-
tiam, quasi ex tripode oracula pro-
nuntians.

CONJECTARIUM TERTIUM.

III. Licet Commodatarius non possit
re commodata uti, nisi pro usu, & tem-
pore concessio; contingere tamen po-
test, ut ex præsumpta prudenter domi-
ni voluntate & ad alium usum adhibe-
re possit, & ultra tempus concessum,
quin contra iustitiam peccet. Funda-
tur hæc exceptio in ipso jure, nam
Instit. lib. 4. Just. tract. 1. sic habet:
*At si permissurum credant, extra crimen
videri, optima sane distinctione, quia
furtum sine affectu furandi non committit-
ur. Et sane prudenter præsumpta do-
mini licentia omnem aufert injustitiam,
& aliquo modo concessa æquivaleret.*

Ca-

Cavendum tamen, ne alio usu, vel longiori temporis mora res magis deterioretur, quam si tantum & pro præstituto usu, & designato tempore adhibita fuisset. Nam præsumi quidem potest licentia, quoties ex usu rei nullum vel levissimum provenit commodanti detrimentum, & aliqua accedit utilitas commodatario: siquidem ut habetur in *Regulis Juris quod tibi non nocet, & alteri prodest, est concedendum*; at non quando usus concipitur noxius commodanti. Hinc injustitiam non arguerem, si quis commodato acceptum equum ad equiandum levi rhedæ subiciat, vel concesso ad diem medietatem, per totum diem utatur; si vel ob amicitiam cum commodante, vel alio probabili motivo præsumere possit tali usui, vel tali tempore, si petuisset, concedendum fore ab amico.

CONSECTARIUM QUARTUM

IV. Aliquando Commodatarius tenetur ad restitutionem, licet res commodata casu fortuito pereat. Hæc exceptio a regula generali locum habet, quando Commodatarius vel expressa, vel tacita voluntate hoc onus sibi assumit. Et quidem de explicita voluntate nullum dubium est; cum quis se possit alteri obligare, quantum sibi lipuerit. Difficultas est de voluntate tacita, & implicita, quæ de facili non est præsumenda: præsumitur tamen in jure civili, quando res commodatur æstimata: ideo enim commodans sub hac æstimatione rem concedit, quia, si pereat, certus esse vult de illius valore recuperando, quocumque modo pereat; & commodatarius, qui rem sic æstimatam recipit, censetur consentire huic oneri. Ita L. 5. §. 3. ff. *Si forte res æstimata data sit, omne periculum*

præstandum ab eo, qui æstimationem se præstiturum recepit. 2. Tenetur etiam ex casu fortuito, si in commodati restitutione nuncium a commodante mittendum ad rem recipiendam non expectaverit, licet ipse fidelissimo tradiderit. At si nullus erat expectandus nuncius, & ipse commodatum restituendum tradiderit servo pro fideli communiter habito, qui rem vel fugiendo rapuerit, vel in via amiserit, res perit domino; nec commodatarius restituere cogitur, quippe quia nulla ejus culpa perit. Ita statuitur L. *argentum* ff. tit. de Com. ubi habetur: *Argentum commodatum, si tam idoneo servo meo tradidissim ad te perferendum, ut non debuerit quis æstimare futurum, ut a quibusdam malis hominibus deciperetur, tuum, non meum detrimentum erit, si id mali homines interceptissent.* Ex qua lege universalem hanc regulam statuit Bartolus in Summario ibi. *Si res culpa nuncii perdat, perit periculo domini, si remittens non fuit in culpa mala electionis.* Exciperem tamen casum, quo res commodata foret valde pretiosa, cujusmodi sunt gemmæ, uniones, aliquæ pretiosi lapilli, vel magna auri summa: tunc enim vel ipse commodatarius per se perferre deberet, vel deferentem in via comitari; cum hæc sit illa diligentia, & custodia, quam in pretiosis istis rebus adhibere solent prudentes, & cauti Patres-familias; cujus proinde omisso sit culpa non solum levissima, sed saltem levis, ex qua tenetur Commodatarius.

CONSECTARIUM QUINTUM.

V. Licet Depositarius ex lege depositi non teneatur, nisi ex culpa lata; nihilominus aliquando & ex levi, & ex levissima obstringitur. Nimirum 1. Si ad hoc se sponte obligaverit; ut pa-

palet, quia contractus legem ex conventionem accipiunt. 1. Si Depositarius seipsum depositanti obtulerit; ut statuitur in Jure can. ubi Pontifex referens inquit: *De culpa quoque teneris, si seipsum deposito obtulisti*. Quæ verba Panormitanus, Pirhingius, alique etiam de culpa levissima interpretantur; cum ex culpa lata etiam Depositarius, qui se non obruit, teneatur. Et ratio confirmat, quia Depositarius seipsum offerens ad recipiendum depositum, hoc ipso ad diligentiorē custodiam sese obligare censetur: immo tunc videtur ipsius gratia depositum esse factum; ac proinde ex levi, & levissima culpa tenebitur: de qua teneretur etiam, si sit in mora culpabili reddendi petitum depositum, immo & de casu fortuito, ut diximus in Tract. de Cont. in genere.

CONSECTARIUM SEXTUM.

VI. Non semper peccat Depositarius, si re deposita utatur. 1. Non certe, quando id fiat concessione deponentis. 2. Quando res ex non usu vel deterior fieret, vel etiam periret. 3. Quando adest voluntas præsumpta deponentis, quæ adesse præsumitur, quando ex usu rei nullum ipsi provenit nocumentum: ut si quis apud amicum argenteas deponat pateras, quæ Depositarius aliquando utitur ad offerendum amicis sive bellaria, sive vina; cum per talem usum res minime mutetur, & consensus domini prudenter præsumatur: nam juxta citatam Consecratio 3. juris regulam, id concessum putandum est, quod concedenti non nocet, & prodest amico. Quia regula nixi Molina, de Lugo, alique casum resolvunt de Nauclero, qui vehens plures capsas sacro plenas, partim suas,

partim amicorum, in insula quadam suas quidem vendidit; sed quia has in fundo navis existentes non ita facile extrahere poterat, loco istarum tradidit illas amicorum, quæ supereminabant, & eas amicis animo applicuit, quas in fundo navis habebat ejusdem valoris, & bonitatis: sed postea navi a Piratis capta quæsitum fuit, utrum sibi, vel amicis perisset capsæ in navi captæ; resolvunt, inquam, in hunc modum, videlicet postremas capsas amicis perisse, quorum jam factæ fuerant per Naucleri commutationem, præsumptæ domini voluntati consentaneam. Si vero pecunia sit deposita, & concessa ea utendi licentia depositario, mutatur natura contractus, qui in mutuum transiit. Quando vero res traduntur obsignatæ, vel in arca clausæ, licet clavis tradatur, nunquam præsumi potest licentia domini, qui usum concedat; quoniam ex modo tradendi declarat, rem ad solam custodiam quocumque excluso usu concedi. Quod si quæretur, num grave peccatum sit existimandum, præter voluntatem domini uti deposito, quando nullum ex usu sequitur damnum? Dicendum, non esse lethale peccatum contra justiciam commutativam; cum gravitas hujus peccati defumatur ex gravitate damni consecuti: utrum vero ratione injuriæ, & displicentiæ illatæ deponenti grave peccatum judicari debeat? Mensurandum ex levi, vel gravi modestiâ, & displicentiâ deponentis, quæ in casu nullius damni gravis, rationabiliter loquendo non est præsumenda, vel non videtur iusta, & rationabilis. Leges quoque depositi, dum nullam est damnum, non videtur sub lethali obligare, cum ad majorem tutelam depositorum factæ sint.

CON-

CONSECTARIUM SEPTIMUM.

VII. Aliquando contingere potest, ut non reddens, depositum a deponente petitum, non peccet. Hæc quoque exceptio a regula generali pluribus locum habere potest. Et 1. quidem si talis restitutio vergeret in damnum spirituale, vel temporale deponentis, sive aliorum; ut in exemplo tri-o, si furiosus repetat enssem depositum, quo aburi possit ad occisionem sui, vel aliorum. „ Depositum non est reddendum (scribit S. Thom. 2. 2. q. 57. art. 1. ad 1.) ne homo perverfam voluntatem, habens male eo utatur, ut puta si furiosus, vel hostis Reipublicæ arma, deposita deposcatur. 2. Si bona deposita ob aliquod gravissimum crimen deponentis sint publicata, & fisco addicta; tunc enim fisco restituenda esse, non deponenti communiciter docent Juristæ. Excipiunt tamen Theologi casum extremæ, vel gravis necessitatis, quam incurreret deponens, si tali deposito privaretur. 3. Si fur, & legitimus dominus concurrant ad repetendum depositum; non furi, qui deposuit, sed domino, ad quem res pertinet, restituendam esse satis compertum est. Immo sine tali concursu, si depositario omnino constet rem apud se depositam furto sublatam fuisse, ejusque dominum non ignoret, huic potius referre debet, quam furi repetenti restituere; nisi prudenter præsumeret a fure depositum repeti, ut illud statim domino legitimo reddat. Quod si vero sciat quidem rem furto ablatam, at ignoret dominum, furi deponenti, & repetenti restituere debet; si tamen bona fide primo depositum acceperit, nescius rem esse furto sublatam. Ita Glossa: *Depositum restitui debet prædoni; tamen si dominus cum* Patuzzi Theol. Moral. Tom. V.

fure simul petat, domino restitui debet de aequitate. Si vero mala fide recipiat, jam non depositarius, sed furti particeps evadit; & ad restitutionem cum fure adstringitur. 4. Multo magis poterit depositarius negare, & sibi retinere depositum, si deprehenderit rem apud se depositam suam esse, & aliquando sibi furto sublatam. 5. Si duo concurrant ad idem depositum repetendum, quod uterque a se factum dicit, & depositarius verum deponentem ignoret, quia depositum habitum fuit penes patrem suum, cujus est hæres, neutri restituere debet, sed apud se retinere, ut sequester, donec a Judice verus deponent declaratur. Si vero concurrant alter titulo depositi vere per se constituti, alter titulo domini rei ut sibi ablata, debet deponenti restituere, nisi certo sibi constet de furto; nec ut sequester tem poterit retinere, cum depositi fides ipsum urgeat, cætera vero judicare minime sibi competat. 6. Si ignorans bona fide rem depositam consumpserit, ut si filius hæres rem apud patrem depositam, ignorans talem esse, absumat, non tenetur quidem de ipsa re bona fide absumpta, at de ejus pretio: nam sicut bonis patris sibi per hereditatem obvenientibus fruitur; ita & onera, ut debita patris solvere tenetur. Ita L. *Depositum* ff. *Statuitur: Si heres rem apud testatorem depositam distraxerit ignorans, an teneatur, & quia dolo non fecit, non tenetur de re.* An tamen de pretio teneatur quod ad eum pervenit? *Verius est teneri, cum hoc enim ipso, dolo facit, quod id quod ad se pervenit, non reddit.* Qui vero depositum reddere tenentur, debent & fructus restituere naturales ex ipsa re deposita prodeuntes. Ita L. 28. §. 10. ff. de usur. sancitur: *In deposito* O q

et commodato fructus quoque prestandi sunt. XI. *Quenam pignori, et hypotheca subijci possint.*

CONSECTARIUM OCTAVUM.

VIII. Ecclesia, vel Monasterium non tenetur de deposito facto penes Clericum, & Religiosum, etiam Rectorem Ecclesiam, vel Monasterii, si forte pereat, ita statuitur cap. Gravi t. de Deposito, Et ratio ipsa ostendit a Pontifice designata: quia nimirum delictum personæ (Clerici scilicet, vel Prælati, rem depositam contradicantis) in detrimentum Ecclesiæ redandare non debet juxta Reg. 76. jur. in 6. tum quia depositum personæ Clerici, vel Prælati, non Ecclesiæ supponitur commendatum. Dum tamen dantur ab hac generali regula exceptiones. Nimirum 1. nisi Prælatus una cum Capitulo, vel Conventu depositum in suam fidem, & custodiam receperit; nam Prælatus, & Capitulum Ecclesiam representant. 2. Si res deposita conversa fuerit in utilitatem Ecclesiæ, vel Monasterii; nemo enim locupletari debet alieno damno.

CAPUT QUINTUM.

De Fidejussione, Pignore, et Hypotheca.

DOCTRINA.

- I. *Fidejussione definitio explicatur.*
- II. *Conditiones ad fidejussionem constitutendam.*
- III. *Aliæ conditiones.*
- IV. *Quotuplex est Fidejussio.*
- V. *Quinam fidejubere possint.*
- VI. *Fidejussoris obligationes recensentur.*
- VII. *Quando desinit fidejussio, et incipiat actio in debitorem.*
- VIII. *Quid sit pignus, et hypotheca, et eorum diferimen.*
- IX. *Prima hypotheca, et pignoris divisio.*
- X. *Aliæ divisiones.*

XII. *Obligationes pignoris, et hypothecæ pro tempore præcedente tempus solutionis.*

XIII. *Obligationes pro termino solutionis.*

XIV. *Post elapsam terminum solutionis.*

XV. *Quando, si pignus, et hypotheca ad tertium possessorem deveniat, possit hic a creditore conveniri.*

I. **H**OSCE titulos Contractus in hoc capite petcuremus: nam neque isti multa complectuntur Theologorum cognitioni necessaria, licet apud Juristas diffusissime sint tractationis. Incipiamus a Fidejussione, quæ definitur: *Contractus, quo aliena obligatio a fidejussore suscipitur, qua videlicet se obligat ad implendam alterius obligationem, si principalis debitor deficiat.* Olim jure civili Romano ad hunc perficiendum contractum necessaria erat stipulatio, scilicet solemnis forma contrahendi per interrogationem, & responsum; qua destituta fidejussio inter nuda pacta recensebatur, adeoque actionem non progignebar in externo foro. Sed Juris Canonici moderatione, & omnium ferme Regnorum consuetudine ad fidejussionis firmitatem nulla est necessaria stipulatio; sed sufficit, ut contrahentium consensus idoneis verbis exprimatur, aut aliis æquivalentibus signis; adeo ut etiam per epistolam præstita fidejussio subsistat. Immo secundum Molinam, aliosque sola præsentis fidejussoris cum reticentia ejusdem satis esse potest ad indicandum ejus consensum; quod tamen non puto usquequæ ærum: nam agitur de onere gravi suscipiendo, quod æstimari non debet susceptum, nisi habeatur suscipientis expressa, & manifesta voluntas.

II. Quatuor condiciones communiter

a Doctoribus necessarim existimantur ad fidejussionem, ejusque naturam exprimitendam. 1. Est ut sit obligatio accessoria tantum, non principalis, hoc est relata ad alterius personę obligationem. Nihil autem refert, utrum fidejussio præcedat, vel subsequatur principalem hanc obligationem, cui accedit: potest enim quis fidejussionem præstare pro contractibus nondum factis, sed faciendis impostero ab amico; sicut & nihil refert, utrum principalis obligatio sit ex contractu, vel ex delicto, vel ex sententia judicis: item utrum eadem obligatio sit naturalis tantum, vel naturalis simul, & civilis; nam hæc omnium obligationum genera se extendere potest fidejussio. 2. Condicio est, ut fidejussor ad plus non obligetur, nec plusolvere debeat, quam principalis debitor; nam cum ejus obligatio sit accessoria, non potest evadere amplior obligatione principali: quapropter neque quoad quantitatem, neque quoad tempus, neque quoad locum potest fidejussor ad aliquid compelli, cui principalis debitor minime esset obnoxius. Ita statuitur Lege 16. §. 5. Institut. *Fidejussores ita obligati non sunt, ut plus debeant, quam debet is, pro quo obligantur: nam eorum obligatio accessio est principalis obligationis; nec plus in accessione potest esse, quam in principali re.* At quidem contingere potest, ut arctius obligetur fidejussor, quam principalis, idest cum majori vinculo, puta si ille etiam juramento, vel hypotheca, vel publico instrumento paratam habente executionem contringat; licet principalis debitor nullo ex prædictis vinculis contringeretur. Id etiam potest evenire, ut obligatio principalis debitoris sit tantum naturalis, non autem civilis, utpote cui leges civiles minime assunt; ob-

ligatio autem fidejussoris nedum naturalis, sit sed etiam civilis: quoniam enim fidejussor est sui juris, potest ita se obligare, ut ejus obligatio non dependeat ab alterius ratificatione, & consensu ad civilem pariendam obligationem; ut si quis fidejubeat pro minore contrahente sine auctoritate tutoris, vel pro muliere contrahente sine auctoritate mariti; istę enim personę solum naturaliter obligantur, ut quantum est ex parte sua contractus adimpleant, qui tamen firmitatem non habent ex jure civili; & tamen eorum fidejussores poterunt etiam civiliter conveniri. Quod multo magis verum erit, quando fidejussio tam sit in debiti securitatem, quam in securitatem contractus: nam tunc se obligat fidejussor ad illum implendum, casu quo principalis renuat illi stare, vel superior, a quo contrahens dependet, renuat eundem contractum ratum habere.

III. Tertia condicio est, ut si obligatio principalis fuerit omnino irrita, & invalida, etiam fidejussio nullam habeat vim, nullamque pariat obligationem; ut si quis fidejubeat pro solutione pretii pro re sacra vendita. Id tamen solum verum est, quando contractus a principali celebratus irritus est tum civiliter, tum naturaliter, hoc est a civilibus legibus improbat, & a naturali jure cassatus; non vero quando solum legis civilis caret confirmatione, sed vim suam naturalem non acquirit. 4. Condicio fidejussoris determinatur ex Auth. *Præsente* in Cod. de fidejuss. & in eo sita est, ut non possit fidejussor ad solvendum cogi, nisi prius excussio principalis debitoris: quod olim minime necessarium erat, nisi in fidejussore indemonstratis; talis autem erat, qui solum fidejussionem accessoriam præstabat,

O c 2

hoc

hoc est non se obstringebat, nisi in casu, quo alii immediati fidejussores sufficientes reperti non essent. Sed citatae authenticæ dispositione hæc conditio extensa fuit ad omnem fidejussionem. In aliquibus tamen casibus negligi potest principalis debitoris excusio. 1. Quando aperte constat, eum non esse solvendo, vel esse absentem, vel propria bona in territorio minime habere. 2. Quando fidejussor renuntiavit privilegio citatæ authenticæ: renuntiare autem videtur, quicumque se constituit principalem debitorem, & non in alterius defectum; ita ut immediate a creditore conveniri possit. 3. Quando fidejussor negat se esse fidejussorem: hac enim improbate amittit privilegium authenticæ. Addunt alii quartum casum, quando scilicet fidejussor juramento confirmata fuerit. Sed hoc minime verum est: siquidem juramentum non immutat naturam contractus, cui accedit; & juxta ejus naturam, & conditiones est interpretandum. Notandum etiam est, quod in casu, in quo pro eadem obligatione adsint pignora, & fidejussiones, in libito creditoris legum civilium dispositione reponitur, utro modo voluerit suæ securitati proficere, vel scilicet fidejussorem pulsando, & ab eo debitum exigendo; vel ipsius pignoris usu, & vindicatione: si tamen eligat satisfieri sibi a fidejussore, tenetur huic ipsi pignora remittere, si ab eo sibi postulerentur.

IV. Celebris est divisio fidejussionis in *judicialiam*, & *extrajudicialiam*, sive *privatam*. Judicialis est, qua quis in iudicio obligationem assumit sciendi reum vel coram iudice, vel in carcere, si forsitan fidejussionis respectu libertas ad tempus illi concessa fuerit, cum onere redeundi, vel solvendi totum id,

quod reum debere confiteri. At circa hoc fidejussionis genus, quod ad externum pertinet forum, id solum est animadvertendum, quoties reus, pro quo fidejussio facta fuit, sine fraude fidejубentis vel fugam arripuerit, vel alio modo se a iudicis persecutione subtraxerit, & vel carceris, vel flagellationis, vel etiam mortis sententia dignus repertus fuerit, non proinde fidejussorem ad hæc subeunda supplicia dammandum esse: sunt enim pœnæ delictis personalibus debitæ, quibus sua sponte nequit se subicere fidejussor, cum non sit dominus suæ vitæ, vel membrorum: solum igitur pœnis pecuniariis placendus est per sententiam iudicis. Extrajudicialis vero, & privata fidejussio dividitur in principalem & accessoriam, ut paulo ante indicavi: principalis est illa, in qua fidejussor se constituit immediate loco debitoris, ut etiam eo non excusso, statim conveniri possit a creditore: accessoria vero, quæ non nisi facta debitoris excussione fidejussorem adstringit. 3. Fidejussio dividitur in eam, quæ est plurium in solidum, & illam, quæ est plurium solum pro rata, & ad partem virilem: priori fidejussionis genere ita plures obligationem suscipiunt, ut tamen singuli seorsim conveniri possint ex creditoris libito pro toto debito; & in posteriori solum pars debiti a singulis exigi potest, occurrente debitoris defectu. Nihilominus etiam quando plures obligantur in solidum, ille qui convenitur, potest exceptionem opponere, ut a considejussoribus proportionales partes debiti reperantur ex scripto Adriani, qui hoc privilegium indulget etiam fidejussionibus factis in solidum. Hæc tamen exceptio, ut proficit, debet fieri ante sententiam iudicis definitivam, qua jubeatur solutio; im-

mo, ut pluribus Juristis placet, ante solutionem, vel spontaneam, vel vi sententiæ secutam: non vero valet, si ab eo fiat, qui præfati Rescripti privilegio renunciaverit. Fidejussor vero ex iis pluribus, qui tenentur in solidum, si solverit ipse debitum totum, potest a creditibus exigere cessionem omnium actionum, quas habebant in reliquos confidejussores, & ad hanc cessionem etiam renuentes compellere in iudicio, necdum ante, vel immediate post solutionem, sed etiam ex longo intervallo: sine vero hac cessione nullam actionem habet in confidejssores, utpote qui sibi non obligantur; sed ea habita, potest a singulis virilem partem debiti soluti exigere, immo & ab ipso principali debitore eam partem, quæ sibi specialiter contingebat.

V. Fidejubere autem possunt omnes illi, qui habentes bona, & liberam eorum administrationem specialiter a jure non repelluntur. Porro repelluntur 1. pauperes, filii-familias, qui non habent peculium castrense vel quasi castrense, & minores ante 25. an. In hoc tamen sensu isti potest, quod licet fidejubendo naturalem, & civilem obligationem quoad aliquid contrahant; eam tamen obligationem possunt elidere beneficio restitutionis in integrum, nam minor ex intentione legum semper præsumitur læsus. Firma tamen, & irrevocabilis est horum fidejussio facta pro patre in carcere detento, utpote quam tenentur præstare, ita ut in casu omissionis possint etiam exheredari. 2. Regulariter mulieres ad fidejubendum habentur inepiæ: & quidem uxoris pro marito fidejussio irrita prorsus est Legum Romanarum vigore; nisi fortasse juramento firmata fuerit, in quo casu valere Jus Canonicum statuit: pro aliis

vero a marito personis eatenus valere potest mulieris fidejussio, quatenus fiat instrumento publico, & tribus testibus, qui instrumento subscribant; quamvis ex consuetudine etiam sola eorumdem coram Notario presentia sufficiat. Sed et si fidejussio sic præstita aliquid valeat, adhuc tamen elidi potest exceptione Senatus Consulti Vellejani in favorem mulierum fidejudentium immediate editi, quo ab omni fidejussione liberantur: quod privilegium juxta plures Theologos suffragatur etiam in conscientia, ut possint fidejussionem retractare, dummodo hæc exceptio opponatur ante sententiam definitivam, postquam non datur regressus, aut repetitioni ejus, quod est solum pro fidejussione, locus. 3. A fidejubendo repelluntur Clerici, & personæ Ecclesiasticæ; ut enim dicitur cap. 1. de fidejuss. *Clericus interveniens fidejussionibus abjiciatur*. Verumtamen hæc exclusio non est universaliter accipienda, sed limitanda hoc pacto: 1. In præjudicium Ecclesiæ, & bonorum ecclesiasticorum fidejubere prohibentur. 2. In damnum suum, seu suorum bonorum patrimonialium, seu fructuum, quos ex beneficiis suos faciunt, pro Ecclesiis, vel aliis Clericis minime fidejubere verantur; dummodo tamen congrua sustentationis ipsius intacta remaneat, & ad egeatatem non reducantur. 3. Pro aliis vero personis, scilicet pro laicis, interdicta eisdem videtur Jure Canonico fidejussio. Quod tamen ita intelligendum est, ut aliqua exigente necessitate, vel pietate & pro illis fidejubere possint; non enim contra caritatem, vel pietatem militare debet, quod pro pietate, & caritate institutum est. Immo addo, factam pro laicis fidejussionem, tamen si forsitan illicite, valere tamen, & obligatione non ca-

rere, itaut debitore non solvente teneantur ipsi de bonis propriis, sive ex beneficio, sive ex patrimonio solvere, cum moderacione tamen superius insinuata. 4. Regulares, & Monachi ad fideiubendam inepti sunt, nisi consensum Prælati, & majoris partis Capituli obtinuerint. Immo nec Prælati ipsi sine consensu suorum Conventuum facere id possunt, nisi forte pro minimis rebus, de quibus ratione officii valent per se ipsos disporre. Quod si præstare audeant, ipso jure privantur administratione tam spiritualium, quam temporalium; ut habetur cap. 2. de solutionibus: *Si quis autem contra præmissa (fideiubendo) venire præsumpserit, ab administratione spiritualium, & temporalium noverit se suspensum*. Addendum est, nec Monasterium posse per fideiussionem subijcere obligationi bona immobilia, vel mobilia pretiosa, quæ servando servari possunt, absque solemnitatibus præscriptis tum in Extra. Pauli 2. quæ incipit *Ambitiosa*, tum Decretis Sacræ Congregationis editis jussu Urbani VIII.

VI. Nunc de Fideiussionis obligatione dicendum superest. Obligatio fideiussoris ad solvendum in defectu creditoris ex natura sua gravis est, utpote obligatio justitiæ ex fide data & accepta: quapropter nisi per accidens materiam parvitatis excuserit, non vacat culpa mortali ejusdem violatio. Hinc inquirunt Theologi, utrum in conscientia teneatur fideiussor solvere pro debitore, antequam ad id per sententiam judicis compellatur. Sunt, qui putant hanc expectandam sententiam, quia considerant obligationem fideiussoris non esse ultra illius intentionem extendendam: porro talem ejus intentionem præsumi (nisi de opposito aperte constet) ut minus, quam fieri po-

test, se obligare voluerit, ac. solum juxta communem consuetudinem, atque sensum. Videtur autem, inquitur, consuetudine receptum esse, ut fideiussor nunquam solvat, nisi per sententiam Judicis compellatur. Verum communiter oppositum tenent Theologi, & unice verum est, in conscientia teneri fideiussorem; siquidem jure naturali ad fidem servandam adstringitur: quapropter expectare non debet Judicis compulsivam sententiam. Falsum est autem vel esse consuetudine inceptum, vel in communi sensu, fideiussores non solvere, nisi a Judice compulsos: hoc enim solum præstant, vel qui causam non solvendi justam se habere arbitrantur; vel qui justitiam, & animæ salutem negligunt, parumque curant: nam honesti homines comperita principalis debitoris non solvendi vel impotentia, vel malitia, prompte fidem datam liberant. Immo quando ipsi certo constet principalem debitorem vel ex impotentia non valere, vel obfirmata malitia nolle æs alienum solvere, nec ipsius creditoris pulsationem expectare debent; sed elapso termino solutionis præfixo, ceterisque impletis conditionibus solvere tenentur, cum sint loco principalis debitoris: & sicut ipso expleto termino ex ratione sui debiti solvere urgetur, etiam non postulante creditore; ita & fideiussor pari onere gravatur, nisi uterque prudenter censeat a creditore dilationem concedi.

VII. Dicendum superest ultimo loco, quando desinat fideiussor, & quando fideiussor actionem in principalem debitorem habere incipiat. Et quidem perspicuum est, obligationem fideiussoris extinguí, quotiescumque principalis debitoris solvitur obligatio, sive fiat per veram debiti solutionem, sive per mutuum com-

pen-

pensationem, siue per gratuitam creditoris remissionem, ruente enim principali cadit quoque accessorium. Nihilominus queritur, si a creditore terminus solutionis debitori ex mera indulgentia prorogetur, utrum permaneat fidejussoris obligatio? Et responsio est permanere, si fidejussor sese indefinito, & nullo præfixo termino obligaverit; tempus enim indefinitum in humanis conventionibus æquiualet perpetuo. Quod si ille ad certum tempus, puta ad unum annum vel duos fidejussionem suam determinauerit, & creditor ad tertium annum differat debiti exigentiam, palam est fidejussorem ultra terminos sue intentionis, & conventionis non posse obligari. Sunt tamen aliqui casus, in quibus, etiam debitoris obligatione non extincta, potest fidejussor petere jure, ut ab onere fidejussionis liberetur. Afferuntur autem a Glossa in Cap. *finalis* de Fidejuss. & passim ab aliis tum Juris civilis, tum canonici Doctoribus, nimirum 1. Quando a principio ita conventum est, ut fidejussio post certum tempus, vel etiam ad instantiam fidejubentis tollatur. 2. Si debitor prodigus evadat, & incipiat dilapidare sua bona, unde fidejussori periculum peculiare imminet. Ratio est, quia cum tunc periculum sit in mora, nimirum ne fidejussor, sine spe aliquid a debitore recuperandi, statim tempore solvere, atque ita damnum subire debeat, merito liberationem a fidejussione postulat. Hoc tamen est intelligendum, si agatur de magna, & quidem tali dilapidatione, qua probabiliter, & cum fundamento timeatur pauperem debitorem, & ejus solvendi impotentiam; non vero de parva, & modica, per quam debitor non admodum depauperescit. 3. Si fidejussor

longo tempore, judicis arbitrio æstimando, fidejussione ligatus manserit, quo tempore commode a debitore poterat satisfaceri, unde est in mora culpabilis solutionis; ne perpetuum, & quasi continuum sit fidejussoris periculum, & onus. Hi duo postremi tituli recitantur etiam in Jure cap. fin. tit. de Fidejuss. ubi dicitur: *Cum pro quo fidejussorem te obligasti, si diu in debita solutione cessavit, aut dissipare bona sua cepit . . . jure potest convenire, ut te a fidejussione debeat liberare.* 4. Si fidejussor aut negotiationis, aut studii, causa aut ad evitandas inimicorum insidias alio migrare debeat. 5. Addunt nonnulli Juristas, si inter debitorem, & fidejussorem graves, & capitales inimicitie orta fuerint, quæ a sola debitoris culpa inductæ fuerint. In hisce tamen omnibus titulis non contra creditorem agere debet, sed contra ipsum debitorem, petendo, ut eum a fidejussione liberet, vel solutione crediti, vel alium idoneum fidejussorem designando, vel sufficientia pignora substituendo. Actio autem in debitorem competit fidejussori, statim ac vel pulsante creditore, vel sententia Judicis ad solvendum adactus fuerit; etiam si nondum fuerit sententia executioni mandata, nec solutio ipsa perfecta; quia cum sententia paratam habeat executionem, perinde est, ac si solvisset. Ita communiter Jurisperiti tum Civiles, tum Canonici Barbosa, Menochius, Pirhingius, alique.

VIII. De Pignore, & Hypotheca, quæ secundo loco ab initio hujus capituli consideranda nobis proposuimus; conjunctum agemus; quia licet rigore loquendo diversa sint; in jure tamen passim promiscue pro eodem acceptiorum.

Aliquando igitur hæc nomina significant rem, quæ alteri traditur, vel obligatur pro crediti securitate; sic anulus dicitur pignus pro mutua pecunia: aliquando conventionem, quæ prædicta res alteri obligatur; unde dicitur Sejum bona sua oppignorasse: tertio & non raro obligationem inde enasam; ut cum quis dicit, habeo bona tua oppignorata. Hic pignus, & hypotheca sumuntur pro contractu, quo res creditori, aut traditur, aut saltem obligatur, ut inde accipiat satisfactionem rei credite, si alio modo sibi non fuerit satisfactum. Nonnulli pignus ab hypotheca discernunt, quod illud non nisi in re mobili consistat, hæc vero solum in immobili; quod tamen undequaque verum non est. Hinc melius alii utriusque discrimen in hoc constituunt. Quando res oppignorata, vel hypothecæ subjecta reipsa traditur, & in creditoris manus, possessionem, vel detentionem transfertur, siue fuerit mobilis, siue immobilis, tunc proprie pignus constituitur. Quando vero nulla adhibita traditione sola partium conventionem res aliqua, siue mobilis, siue immobilis, pro securitate crediti subijcitur, & obligatur, tunc vere hypotheca constituitur. Verum quidem est, plerumque hypothecam solum in immobilibus exerceri consuevisse.

LX. Porro hypotheca, prout etiam pignus comprehendit, varias suscipit divisiones. Nam 1. alia est universalis, alia particularis. In universali omnia debitoris bona creditori obligantur, nedum præsentia, sed & futura; quamvis id differre non exprimat, sed adhibeatur formula generalis, puta *cum fidei, ex periculo rerum meorum*: ut colligitur ex cap. finali Codicis *de his, quæ pignori obligari possunt*. Non censentur tamen hæc in universalitate comprehensa, quæ

quæ verosimiliter in specie non obligaret; ejusmodi sunt vestis quotidiana, necessaria suppellex, Doctoris libri, artificum instrumenta &c. Nec impedit hujusmodi universalis obligatio, quia bona obligata possint alteri vendi: manet enim loco rei hypothecatum creditori pretium venditione acceptum.

X. Rursum hypotheca alia est *expressa*, alia *tacita*. Expressa duplici modo constituitur, nempe vel conventionem contrahentium, ad quam proinde non est necessaria præsentia, seu traditio, rei, sed sola partium declarata voluntas; vel constituitur decreto Judicis, & Magistratus: & sicut illa prior vocatur *conventionalis*, ita hæc posterior dicitur *judicialis*, seu *prætoris*, ad quam requiritur, ut auctoritate Judicis creditor habeat possessionem, vel detentionem rei obligatæ. Tacita vero hypotheca est illa, quæ sola legum dispositione constituitur. In multis autem casibus Jure Romano hypothecæ tacita locum habet: sed aliquas solum celeberrimas enumerabo. 1. Si quis ratione contractus, vel nomine tributum aliquid fisco, siue Principi debeat, omnia ejus bona hypothecata sunt fisco; si tamen minor aliquid emat a Principe, solum res emptæ subijcitur hypothecæ. 2. Omnia bona mariti pro dote uxoris hypothecæ subijciuntur, nec non & omnia bona fidejussorum, si qui fidejussores pro dotis securitate dati sunt; quæ hypothecæ habet etiam privilegium prælationis ad alias omnes priores tacitas hypothecæ in eisdem bonis constitutas, non tamen ad anteriores expressas hypothecæ. 3. Omnia bona Tutoris, & Curatoris hypothecata intelliguntur pro indemnitate minoris, & pupilli; & similis hypotheca afficit administratores bonorum Ecclesiasticorum, & illorum, quæ

quæ pertinent ad Rempublicam, Civitatem, Communitatem: siquidem tum Ecclesia, tum Respublica pupilli sibi vendicat privilegia; & idem dicendum de patre administrante bona adventitia filiorum. 4. Bona defuncti pro legatis ab eo relictis manent hypothecata. 5. Si uxori aliquid a marito, vel intuitu mariti donatum fuerit, post ejus mortem ad communes liberos pertinet: quod si mulier ad secundas nuptias transierit, omne id, quod eidem post illam donationem accesserit, manet hypothecatum prioribus liberis; & eodem modo judicandum est de illis, quæ donata fuerint marito ab uxore, vel intuitu uxoris. 6. Quod pupilli pecunia emptum fuit; ipsi manet hypothecatum pro pretio soluto. 7. Fructus rei conductæ censentur hypothecati domino fundi pro securitate pensionis; immo & quidquid illatum fuerit in prædium conductum, siue urbanum sit, siue rusticum, hypothecæ subjicitur pro pensione a conducente solvenda; dummodo, quando prædium rusticum sit, non ignorante domino fuit res in suum prædium translata, atque ad proprietatem conducentis pertinet fuerit. 8. Edificium, ad quod extruendum, vel reparandum pecunia mutuo collata fuit, manet hypothecatum mutuanti, etiam cum jure prælationis ad omnes alios habentes prius hypothecam in eodem edificio. Idem legibus dispositum invenitur de navis constructione, vel reparatione, si quis pecuniam impenderit, nec non de similibus constructionibus. Non omnia tamen hæc Juris Romani decreta ubique recepta sunt: sed in aliquibus regionibus aliæ consuetudines, vel leges vigentes debent spectari, & illis subditi se conformare.

XI. Decernendum modo est, quæ-

Patonæ Theol. Mor. Tom. V.

nam res oppignorari, vel hypothecari possint: pro quo hæc est generalis regula observanda. Omnia ea possunt vel pignori, vel hypothecæ subdi, quæ absolute, & libere vendi possunt, scilicet ab habente dominium, & administrationem non obligatam, siue illa sint mobilia, siue immobilia, siue corporalia, siue incorporalia, hoc est consistant in puro jure, inter quæ & ipsa jurisdictio, quæ non raro magni pretii æstimatur, comprehenditur potest. Contra, quæ vendi prohibentur, nec oppignorare, neque hypothecare, saltem hypothecæ speciali, permittuntur. Est enim etiam simplex oppignoratio, vel hypothecæ species quædam alienationis saltem late acceptæ: quandoquidem præbet jus rei possessori, aut detentori in pignus, & hypothecam, & est via quædam ad venditionem; ideo enim in pignus, aut hypothecam a debitore quædam traduntur, ut, si is in solutione defecerit, possit creditor ex illis distraxis, & venditis æstimationem propriæ rei recuperare. Hinc nec bona publica, aut publicis usibus destinata, nec sacra, puta Ecclesiam, Cœmeterium, sepulcrum licet hypothecæ subjicere. Unde nec juspatronatus, cum sit aliquid spirituale, & sacrum, potest oppignorari; etiam si prædium, vel castrum, cui tale jus reperitur annexum, hypothecæ subdatur; in quo casu præsentatio ad beneficium pertinebit ad dominum prædii hypothecati; si tamen istud vendi contingat, tunc ad emptorem transit juspatronatus, ac proinde & præsentatio; est enim accessorium aliquid, cujus possessio cum dominio rei principalis, cui annexum est, semper transfertur. Pretiosa mobilia divino cultui dicata, ut Calices, Patenæ, Casula &c. sicut

Pp

&

& immobilia oppignorari non possunt, quod utrum hodie vim habeat, ex Regionibus moribus, legibus, & consuetudinibus explorandum est.

XII. Ut vero dignoscere valeamus, quodnam jus, & obligatio ex pignore, & hypotheca creditori confurgat, triplex tempus spectandum est, videlicet & illud, quod præcedit terminum solutionis præfixum; deinde illud, quod subsequitur terminum solutionis, solutione non desinente; & demum tempus in eventu, quo solutio minime facta est. Circa 1. constat, creditori competere jus detentionis in rem sibi pignori traditam, ita ut tunc possit, utpote sibi obligatam, a quocumque possessore forte sibi ablatam repetere, & vindicare. Sed pariter perspicuum est, præter hoc jus detentionis, nullum aliud eidem convenire, videlicet non posse uti pignore, vel hypotheca, multominus eisdem frui durante detentione, præter consensum aut expressum, vel saltem prudenter præsumtum domini, qui dedit pignus: qui consensus non deesse prudenter præsumitur, quoties ex usu talis rei nullum sibi imminet damnum, vel etiam in commodum cedat oppignorantis usus pignoris a creditore factus, ut si vestis, quæ alioquin a tinea corrumpereetur, aliquo moderato usu a tali incommodo præservetur: si tamen usus sit aliquo notabili pretio æstimabilis, tenetur creditor in sortem, sive in partialem debiti solutionem computare; existimatur enim tanquam fructus rei in pignus traditæ, qui proinde debet in utilitatem domini cedere. Hinc usuræ crimine polueretur, qui in mutuo præstando pacisceretur usum rei in pignus datæ, quod pactum anticefco a Juristis, & Theologis dicitur, & ut usurarium damnatur. At si prudenter arbitretur cre-

di-

& immobilia oppignorari non possunt, nisi urgente causa necessaria; ut si alter debita Ecclesiæ solvi non possint, aut captivi redimi, aut famæ perituris subveniri: in quibus casibus juxta Canones vendere etiam ea licet. Et in hoc utrumque jus consentit. In jure. Can. cap. Nullus Extr. de Pignoribus sancitur: Nullus Presbyter presumat Calicem, vel Patenam, vel vestimentum Sacerdotale, aut Librum Ecclesiasticum Tabernario, vel Negotiatori, aut culti- bet Laico, vel femine in vadium dare, nisi justissima causa urgente. In jure vero Civili L. 11. Cod. de Sacr. Eccl. indicitur: Statuimus nemini licere sacratissima, atque arcana vasa, vestes, ceteraque donaria, quæ ad divinam religionem necessaria sunt . . . vel ad venditionem, vel ad pignus dare. Res alienæ pignori, aut hypothecæ tradi non possunt, nisi ex consensu domini saltem præsumpto, & per ratihabitationem postea habito; quæ ratihabitione fitione juris retrahitur ad tempus, seu initium oppignorationis. Potest creditor rem pignori sibi traditam ex consimili causa alteri oppignorare, transferendo scilicet jus, quod habet in illam, dummodo pro eadem quantitate debiti: neque enim majus, quod habeat, jus in alterum potest transfundere. Hæc tamen secunda oppignoratio extinguatur, statim ac primo creditori solutione debiti fuerit satisfactum. Item nihil prohibet, rem uni oppignoratam, aut hypothecaram aliis quoque personis obligari, salvo, & integro jure priorum creditorum, dummodo ad singulis satisfaciendum inveniatur sufficiens; secus enim non licet sine damno priorum creditorum. Ex Jure Romano civili olim non poterant exigi in pignus instrumenta aratoria, ut & animalia, & servi ad excolendam terram necessaria;

ditor, oppignoratori displicere usum rei suæ, licet sine ullo dettimento, quia veretur ne pignus secreto datum publicum fiat, eo uti nullo modo poterit: quia licet fortassis iustitiam non violet damnum non inferendo; violat tamen utendo re aliena invito domino, & peccat etiam contra fidem contractus.

XIII. Quoad secundum tempus, siue in termino solutioni præstituto, si solutio debiti integre ab oppignorante, vel hypothecante præstita fuerit, palam est obstringi creditorem ad reddendum pignus, tale, & quantum accepit, idest nec dolo, nec data culpa (non enim ex levi, vel levissima tenetur, cum pignus sit in utriusque utilitatem, immo magis dantis, quam accipientis) deterius effectum. Item si pignus, vel hypotheca res fructifera fuerit, omnes fructus interim perceptos restituere tenetur; ut docet S. Thom. 2. 2. q. 78. art. 2. ad 6. scribens: *Si quis pro pecunia sibi mutuata obliget rem aliquam, cuius usus pretio æstimari potest, debet usum illius rei illo, qui mutuavit, computare in restitutionem ejus, quod mutuavit: alioquin, si usum illius rei quasi gratis sibi superaddi velit, idem est, ac si pecuniam acciperet pro mutuo, quod est usurarium: nisi forte esset talis rei, cuius usus sine pretio soleat concedi inter amicos; sicut patet de libro aecomodato.* Immo & fructus illos, quos desidia, vel negligentia sua non percepit, alioquin a rei domino, si in ejus possessione fuisset, percipiendos, debet reddere; & demum illos etiam, qui (tamen si eos dominus ob ineuriam suam non percepisset) creditori tamen reipsa obtinere. Excipiendi tamen sunt fructus percepti ex fundo feudali, tradito pignori domino directo ipsius; nec

non percepti ex fundo, quem maritus a socio accepit pro dote promissa, & non soluta. Verum ad hoc oportet, ut gener revera onera matrimonii sustineat: nam si focer ipsum, & uxorem aleret, tunc profecto fructus dotis percipere non posset; hii etenim ex legum dispositione reddendi non sunt post debiti solutionem, sed in utilitatem convertuntur illius, qui pignus, vel hypothecam accepit. In primo quidem casu, quia, ut quidem arbitrantur, vassallus ab onere liberatur præstandi domino directo pactum servitium; & ita suspenditur quodammodo feudum, & res transit in dominium Principis, donec restitatur, & iterum consolidetur feudi cessio. Vel melius, ut plures alii censent, quia hoc ad feudi naturam pertinet, videlicet ut quamdiu penes dominium directum existit, vassallus liberetur ab obsequiis præstandis, sed simul fructibus feudi non fruatur; & vicissim dominus jus habeat fructus percipiendi, licet utile dominium adhuc penes vassallum maneat: incongruum siquidem videtur dignitati Principis, & domini, ad ipsum redeunte re feudali, ut extraneum, teneti ad rem administrandam, & rationem reddendam vassallo suo. Quamobrem præfata perceptio fructuum non tam est compensatio obsequiorum remissorum, quam legum dispositio, cui tam dominus, quam vassallus se conformare censentur. In secundo vero, quia fructus sunt marito necessarii ad onera matrimonii sustinenda, pro quibus dos datur. Addendum etiam est, expensas utiles factas pro conservatione, vel melioratione pignoris, vel hypothecæ a debitore creditori compensandas: quapropter poterit hic etiam soluto debito pignus, vel hypothecam earentes retinere,

nere, donec ab hujusmodi expensis in utilitatem domini concedentibus præstetur indemnis. Quod si solutio non ex integro facta fuerit, sed solum per partem, pignus reddere non tenetur, nec in Parte, si forte divisibile sit; cum totum pignus sit datum pro tota, & qualibet parte debiti, ut colligitur ex L. *Quamdiu*, Cod. de Distract. pignoris. Caritas tamen christiana postulare videtur, pignoris partem reddendam, quando, quod superest, tutum reddit creditorem; ne dominus usu rei suæ diutius sine ulla creditoris utilitate privetur.

XIV. Termino vero solutioni præfixo, & jam elapso, si solutio facta non fuerit, certissimum quidem est, tunc creditorem iuste, & licite ex pignore, vel hypotheca satisfactionem sibi petere posse. Sed de modo non ita compertum est. Et 1. quidem, si præcessit pactum, ut solutione ad statutam diem minime præstata, fiat venditio pignoris, vel hypothecæ, tunc ad hanc procedere poterit creditor: nam pactum & iustum, & licitum fuit, nec non naturæ pignoris, & hypothecæ accommodatissimum; neque in eo eventu necesse videtur, inspecta iustitia, creditorem præmonere, ut aliqui Theologi volunt, de venditione facienda; ipsa enim dies, ipse terminus, ipsa conventio satis admonent, & interpellant; sufficit autem, quod debitori fideliter, & integre reddatur, quod ultra exigentiam debiti ex pignoris distractione perceptum fuerit. Si vero pactum prædictum expresse non antecesserit, tunc juxta civiles leges in pignore judiciali, seu prætorio duo menses expectandi sunt, postquam pignus in manus creditoris pervenit (pervenit autem non nisi quatuor elapsis mensibus post sen-

tentiam latam a iudice) antequam ad venditionem procedatur. In pignore autem konvensionali per biennium venditio differenda jubetur, quæ etiam fieri non debet, nisi præmissa interpellatione, seu monitione debitoris, & etiam ipso præsentem, si voluerit adesse; immo trina judicatur necessaria monitio, quoties præcesserit pactum de non distrahendo pignore, etiam in mora culpabili debitoris. Prædictæ tamen leges, utpote institutæ ad evitandas fraudes, & injusta gravamina venditoris, ideoque in præsumptione fundatæ, potius ad externum forum, & judiciale, ut monent Auctores, pertinere videntur, quam ad forum conscientie, in quo cessat præsumptio, & cui satis consultum est, quoties creditor monito debitore, si pactum sit, vel etiam nulla sit facta mentio monitionis, bona fide vendit pignus, vel hypothecam, ut suæ consulat indemnitati, & si quid superabundat, suo debitori fideliter, & integre reddat. Aliud quoque legibus civilibus cautum est, ne creditor pignus, vel hypothecam distrahens emat sibi ipsi, etiam si id per interpositam personam faciat, nisi de licentia iudicis, quando nullus alius invenitur, qui pretium vel infimum offerat: in quo casu potest creditor convenire iudicem, monito prius debitore, & certo eidem ad comparandum spatium temporis dato, hoc autem annuente, vel non comparente, ex iudicis permissione rem sibi applicare, excessu, si quis est, integre reddito, cum hac tamen conditione, ut si intra duos alios annos debitor solutionem exhibeat sui debiti, & pignus, vel hypotheca in integro sit, restituere eam debeat debitori satisfaciendi. Sed etiam hæc civilis dispositio nec in omnibus regnis, & rebus-

bus publicis obtinet, & ad solum externum forum spectat, nec in interno conscientiam foro ex rigore servanda. Præterea in utroque jure, & civili, & canonico reprobatur haberi pactum legis, ut vocant *commissoria* quo scilicet convenitur, ut non præstita ad diem solutione pignus, vel hypotheca transeat in solutum, vel censeatur ipsi creditori jam venditum pretio antea constituto; reprobatur, inquam, ad evitandas fraudes usurarias, quæ sub hoc pacto facile delirescunt; cum committere pignus pretium sortis mutuo acceptæ, & datæ excedat. Nihilominus fecius, si revera pretium persolutum æquale foret rei in pignus datæ, nulla erit in contracto injustitia; dummodo tamen liberum semper sit debitori, vel creditori suo, vel aliis rem suam vendere: si enim onus impositum esset non vendendi nisi ipsi creditori, licet premium justum esset; adhuc illicitus foret contractus, & usura labe conspersus ob onus adjunctum contractui mutui. Quamobrem si & nullum in initio præcesserit pactum, & debitor suum creditorem aliis præferre malit, nulla tunc foret injustitia in venditione.

XV. Ultimo loco adnotandum. Si pignus, vel hypotheca sive venditione, sive alio justo titulo ad tertium possessorem devenierit, non potest hic a creditore conveniri, nisi prius excusso debitor, & fidejussoribus ejus, si dati sint: debet enim probare, & rem illam debiti contracti tempore fuisse in possessione debitoris, & per pignus, vel hypothecam sibi obligatam, & tandem debitorem, & fidejussores non esse solvendo; & tunc a tertio possessore pignus, vel hypothecam poterit recuperare, ei cedendo suum jus adversus debitorem, & fidejussores, ut illo se servare possit indemnem.

CAPUT SEXTUM.

CONSECTARIA PRÆCEDENTIS
DOCTRINÆ.

- I. Quando mulieres validè fidejungere possint.
- II. Fidejussor num possit petere indemnisationem a detrimento, quod subiit ob solutionem fidejussionis.
- III. Probabilius fidejussio est gratuitum officium.
- IV. Quando cadit obligatio principalis debitoris, cadit simul & fidejussoris.
- V. Peccat, qui fidejubet, sciens se non esse solvendo.
- VI. Licitum est pretio redimere liberationem a fidejussione.
- VII. Aliquando soluta obligatione debitoris remanet obligatio fidejussoris.
- VIII. Quanam in pignus saltem ex caritate recipi non possint.

CONSECTARIUM PRIMUM.

- I. MULIER, ut pro aliquo fidejubeat, renunciare potest privilegio Vellejano, cui renunciassent censeatur, si juramento fidejussionem confirmaverit. Et primo quidem renunciare posse ex eo apparet, quia hocce privilegium non immediate ordinatur in bonum publicum, sed in favorem immediatum mulierum. Debet tamen fieri quoad forum externum, ut docent Juristæ, hæc renunciatio solemniter, & coram judice, vel Magistratu; nec sufficit, ut inferatur in instrumento: nam qua facilitate mulier adducitur ad fidejubendum, præsumi potest etiam ad renuntiationem induta. At si juramento confirmet fidejussionem, jam præfatto privilegio amplius uti nequit. Nam vel sibi notum erat, & tunc clare apparet, eidem renunciassent: aliquin & mem-

mente, & animo retinuisse, se velle per idem privilegium fidejussionem rescindere, falsum omnino jurasset, & secum contrahentem decepisset. Vel ignorabat, & adhuc juramento obligatur; quia adhuc præsumitur ita affecta, ut etiam illud scivisset, nihilominus jurasset: voluit enim suo juramento omnem sibi præcludere viam ad eludendam obligationem fidejussionis; adeoque implicite privilegio suo renunciavit. Præterquamquod utendo suo privilegio iustitiam quidem non læderet; at religionem, & sanctitatem juramenti violaret.

CONSECTARIUM SECUNDUM.

II. Fidejussor, qui defectu debitoris solvit, aliquando potest ab illo exigere damna, & expensas, quibus solvendo pro debitore obnoxius fuit. Nimirum quando debitor fuit in mora culpabili solutionis debiti, tunc in causa fuit illati damni fidejussoris, proinde illum & de soluto debito, & de expensis ad hoc factis, & detrimentis, quæ subivit, sarcire debet. Si vero non fuit in mora culpabili solvendi, sufficit, si debitor restituat: fidejussor enim se solvere obstringit, non solum quando debitor non vult solvere ex malitia, sed & si solvere non valeat ex impotentia: sponte igitur fidejubendo huic oneri se subiecit. Ita quidem plures Auctores, & quidem magni nominis Theologi. Verum, ut candidè fatear, non undequoque justum perspicio, cur fidejussor, qui alterius debitum solvendo, damna, & expensas subit, non sit a debitore, licet sine culpa non solvente, compensandus; & pro beneficio gratis præstito detrimentum sentire, & pati ipsum oporteat. Hoc onus in debitore conferre censeo, non ex culpa ipsius, quam

abesse suppono, sed ex natura debiti, quod a fidejussore solvi non potest sine detrimento, & expensis: & sicut ipse debitor, si solvere suum debitum nequixerit, nisi aliqua damna, & detrimenta subiret, licet fortassis sine sua culpa, ea subire teneretur; ita & fidejussorem compensare, qui in illius gratiam, & commodum illa subivit. Adde, sicut fidejussor damnum solutionis alterius debiti certo subire debet, licet principalis debitor ex sola impotentia absque ulla prorsus culpa non solvat; ita pari pacto æquum videtur, ut & debitor damna, & expensas sarciat, quæ fidejussor subivit, licet hæc absque sua culpa illi obveniant. Ita quidem sentio, sed sapientum judicio me libenter submitto.

CONSECTARIUM TERTIUM.

III. Probabilius fidejussio est in gratiam debitoris gratuitum officium, pro quo nullum exigi justè potest pretium. Adversantur huic doctrinæ plurimi Theologi, & fere omnes Probabilistæ, & quidem hac unica ducti ratione, quia, ut sentit recentior Probabiliorista, „ obligatio solvendi debitum alterius „ est onus pretio æstimabile, nec fidejussor illud teneretur gratis assumere. „ Nec id exigitur pro solutione pecuniæ „ alterius loco datæ, vel dandæ, nam „ hoc esset usurarium; sed pro subeundo „ obligatione solvendi debitum alterius. „ Nec in mutuum virtuale pretio hæc degenerat, siquidem in mutuo etiam virtuali reperitur vera traditio, quæ non occurrit in fidejussione; cum hæc præcisè sit in susceptione obligationis alienæ reposita. Verum hæc non tanti momenti sunt, ut a posita doctrina recedendum evincant. Et primo quidem certum est, fide-

fidejussorem pro debitore nihil posse recipere, si nullum sit periculum, ut sponte fatetur laudatus Auctor. Et sic patet falsum esse, fidejussionem esse rem de se pretio æstimabilem; quia, omni sublato periculo, & molestia, inutilis est, & inanis, & nullius pretii. 2. Quando in fidejussione non intervenit nisi periculum facti, nimirum quod principalis debitor vel ex malitia nolit, vel ex impotentia non valeat debitum solvere, si hoc periculum non est idoneus titulus, ut mutuator aliquid ultra sortem exigere possit, qui tamen suam pecuniam, id est secundum sanguinem, solvit; quomodo potest esse iustus titulus in fidejussore, qui non nisi verba dat, & qui, si pro debitore solvat, potest ab ipso & pretium solum, & omnium damnorum reparationem repetere? Ita S. Antonin. 2. P. tit. 1. cap. 7. §. 49. *Nec obstat (scribit) cum in casu nostro (de fidejussione loquitur) etiam in me suscipio periculum, quia si tu illi non solvis, ego teneor solvere, quoniam tu mihi remanes obligatus ad reddendum.* 3. Si quis pro altero rogatus solvat debitum ejus, potest ne a debitore ob hanc solutionem aliquid exigere ultra solum pecuniam? Minime inquit, quia esset usura. Cur ergo poterit pretium exigere non pro solutione vera, reali, & præsentem, sed pro futura, incerta, & nunquam fore obventura? Quia, inquit, subit onus obligationis solvendi. Video. At monne & qui solvit debitum, subit onus solutionis præstite, cum periculo ne alter solvat? & tamen hic pretium exigere non potest: ergo multo minus fidejussor. 4. In fidejussione intervenit mutuum virtuale, licet nulla fiat pecunie solutio; quod sic clare, & meo videri luculenter ostendo. Finge Petrum a

Paulo postulare mutuum centum aureos; & hic respondeat, non habeo paratam pecuniam; sed perge ad Cajum communem amicum, virum pecuniosum, qui tibi mutuabitur: & ego pro te fidejubebo. Vel Petrus a Paulo præfatam pecuniam petit, ut triticum pro familia emat: & hic respondeat, pati patris subdens, perge ad Cajum fragmentarium negotiatorem, & credito eme triticum; nam pro te fidejubebo? Quis non percipit in hoc utroque contractu fidejussorem mutuantis munus exercere? quippe licet ipse suam pecuniam non det, est tamen vera causa, ut alter ejus nomine præstet: & hic locum habet, qui per alium facit, per seipsum facere videtur. Et revera ita sentit, & docet S. Anton. l. 1. scribens: *Paria quidem videntur mutuare ultra sortem, & certum quid recipere, & prees creditorem satis dare, & aliquid a debitore recipere.* Et hoc est, quod præstant omnes fidejussores, sin explicite, certe implicite, & virtualiter. Involvit ergo virtuale mutuum. Quamobrem nihil pro fidejussione licet recipere, sed officium esse debet omnino gratiosum. Ita sentiunt laud. S. Anton. l. c. Genet. Tom. 1. tract. 6. cap. 1. §. 5. Juveninus, cujus Morale Opus sane doctissimum, & sana doctrina refectum, his diebus ex Gallico sermone Latio donatum audio, & typis Simeonis Occhi editum, de usura tract. 6. cap. 4. §. 6. n. 2. Conc. diss. 3. de mutuo, & usura cap. 19. n. 19. Covarruv., Franzoza, & omnes fere juris Canonici Doctores, quibus profecto fidendum est magis, si solum pondus auctoritatis spectes, quam Petro Coletto, cujus Theologicum opus, tanquam laxitati favens, plures Ecclesiastici Episcopo Tricassino denuntiaverunt, eorumque censura typis im-

imprefsa habetur . Argumenta vero Theologorum aliter sententium facile solvuntur . Nam inquit , obligatio solvendi debitum alterius est onus pretio æstimabile ; nec fidejussor tenetur illud gratis assumere . At hoc non est argumentum probans , sed ipsa questio : nam revera inquirimus , num fidejubere pro altero sit quid pretio æstimabile ; & num fidejussor hoc teneatur gratis præstare , vel possit pretium exigere . Hoc igitur est probandum , non nude , & simpliciter affirmandum . Nec urget , quod addit obligatio solvendi pro alio : nam non omnis obligatio est pretio æstimabilis ; ut patet in mutuo , & in venditione : qui enim se obligat vel ad mutuandum , vel ad non exigendam sortem nisi post plures annos , nequit propterea aliquid accipere ; & pariter , qui se obligat ad vendendam domum , vel agrum post annum , non ideo potest vel aliquid extorquere pro hac obligatione , vel rem ultra justum pretium vendere ratione susceptæ obligationis . Ita pari pacto , qui pro alio fidejubet , nec potest vel ob susceptam obligationem , vel etiam secuta solutione , aliquid exigere , nisi sortem , & damna , & quæ subivit . At inquit , non tenetur hanc suscipere obligationem , & onus . Fateor : & ideo potest , si vult , non fidejubere . At posito , quod velit , gratis præstare debet : sicut nemo tenetur vel mutuum dare , vel rem suam vendere ; at posito , quod mutuum dare velit , non nisi gratis debet largiri , & posito quod velit vendere , non nisi justo pretio vendere debet . Urgent : pretium non exigitur a fidejussore pro pecunia data , vel danda , sed pro obligatione suscepta . Ad hoc magis ostendit , fidejussionem esse debere gratuitam : nam si non licet pro ipsa pe-

cunia , quæ a fidejussore defecta debitoris soluta fuit , aliquid exigere , quod profecto quam onerosum , durum , & grave sit nemo non percipit , cur poterit pretium exigere pro obligatione , quæ seorsum ab ipsa solutione nihil omnino valet ; vel si sit cum solutione conjuncta , jam est obligativa pro pecunia data , vel danda , proinde , ut fatentur , usuraria , ut paulo superius ostendimus ? Tertium vero argumentum , quo conantur ostendere , passionem in fidejussione non degenerare in mutuum virtuale , & superius profligavimus , & S. Antoninus sibi objicit l. l. & egregie solvit scribens : „ Quod „ non sit usura , videtur , quia solum „ in contractu mutui cadit usura : sed „ hic non est dare contractum mutui , „ sed contractum , scilicet *do , ut facias* mihi scripturam cautionis , vel „ *do , ut des* illi pro me , si non *des* , „ dero , seu *facio , ut des* . Non enim „ ad mutuum respectus habetur , cum „ nullum sit pro parte recipientis illos „ unum , vel duos florenos , sed ad „ servitium scripturæ securitatis , quam „ tibi facio ; & sic videtur potius venditio „ dictio crediti mei . Sed fundamentum „ hujus rationis faciliter destrui potest . „ Nam etiamvis usura ex forma non constituitur , „ dicit nisi in contractu mutui expliciti , „ tamen usura ex fraude bene reperitur in aliis contractibus , ubi est implicitum mutuum , ut patet ex dictis „ supra . Et sic videtur in proposito casu esse , quod præcipue videtur dicendum , scilicet esse usuram ; cum talis satisfactor faciat sibi idonee cave „ vere ab eo , pro quo satisfad , de „ indemnitate ; vel etiam sine hoc red „ dit se certum , non posse habere „ damnum , cum alias non satisfadret .“

Hinc

Hinc patet, falsas omnino esse, & laxas Tamburini, aliorumque Theologorum opiniones, qui docent, posse mutuatores vel pretium exigere pro eo, quod abtineat a petendo fidejussorem, quem petere possit, vel seipsum constituyendo fidejussorem pro suo credito, cum hæc sint nimium irrita usuræ palliola. Multoque magis iniquus est contractus fidejussionis fictæ, & circulatoriæ, quem defendit De Lugo, nimirum cum Petrus a Paulo centum mutuo postulat, qui respondet, non tibi illa mutua dabo, sed Cajo, qui postea tibi mutua dabit: dat igitur pecuniam mutuatam Cajo, qui illam dat mutuo Petro, sed postulat, ut Paulus fidejussorem se reddat pro Petro, qui propterea ob præfatam fidejussionem pretium extorquet a Petro. Ubi, ut patet, idem est mutuator, & fidejussor, cum Paulus, & Cajus scenam non ingredientur, nisi ad illudendum.

Quod si qui pecuniam mutuatam dedit, timens suæ pecuniæ amissionem, postulat ab alio, ut fidejussor pro sua securitate accedat, promittens pretium fidejussionis; tunc licitus est contractus, & pro rata periculi potest pretium accipere. Nam hic non est vere contractus fidejussionis, sed assicurationis, in quo fidejussor in se omne periculum & juris, & facti pro pacto pretio suscipit; nec ipse ullam habet cum mutuatario rem, vel negotium, cum mutuum datum sit illi plane extrinsecum; ita ut, si mutuatarius non solvat, nullam habeat cum ipso actionem, cum quo nullum celebravit contractum, vel pactum iniit. Si tamen revera nullum sit periculum in re, sed solum in mente trepida creditoris, nihil nec iste fidejussor, seu potius assicurator reci-

pere poterit; cum pretium assicurationis sit commensurandum periculo vero, & reali, non ficto & umbratili, ut superius diximus.

CONSECTARIUM QUARTUM.

IV. Quando obligatio principalis debitoris irrita est, & nulla, cadit & fidejussoris obligatio. Nam cum hæc sit accessoria alterius contractui, si contractus nullus & invalidus est, & fidejussio non obligat: qui proinde pro mutuatario fidejussit, tenetur quidem sortem reddere deficiente debitore; at minime usuras solvere, quippe quæ injuste a mutuantem exiguntur, & de usuris solvendis nulla est obligatio. Quid, si & pro ipsis usuris fidejusserit, tenetur ne solvere? Respondent utriusque juris periti teneri. Et id verum puto pro externo foro, in quo usuræ permittuntur: at in foro conscientiæ certe ex justitia non tenetur, cum sceleratius contractus sit omnino nullus; & sicut principalis debitor usuras solvere non tenetur, ita nec fidejussor. At ex fidelitate, & veracitate puto atque teneri fidejussorem, quam principalem debitorem, cum hic nonnisi necessitate cogente mutuum sub scenore acceperit, at fidejussor tali necessitate ad fidejubendum non premittitur; sed vel ex animo, vel alienis precibus adductus fidejussit; proinde magis ex veracitate, & fidelitate urgetur ad latam fidem liberandam, quod sine ullo crimine præstare potest.

CONSECTARIUM QUINTUM.

V. Qui fidejubet, sciens se non esse solvendo, si principalis debitor non solvat, graviter peccat; quia, ut oportet

time docet S. Th. 2. 2. q. 77. a. 3. *Dare aliqui occasionem periculi, vel damni semper est illicitum*; Porro qui fidejubeat impos ad solvendum, præbet alteri veram occasionem periculi, vel damni; quippe qui sine hac fidejussione non mutuum dedisset illi, quem solvendo non esse, vel posse fieri suspicabatur. Hæc doctrinæ hanc limitationem nonnulli Theologi addunt, nimirum a culpa excusari posse hanc fidejussorem, si ipse non sit causa principia dati mutui, quia etiam sine illo creditor mutuum dedisset. Verum hoc non puto admittendum: nam semper in se gravi fallit creditorem, qui ideo fidejussorem vel petit, vel acceptat, ut sit de solutione securus saltem ab hoc præstanda; qui proinde, cum optime noverit se non esse solvendo, illum in se gravi decipit.

CONSECTARIUM SEXTUM.

VI. Fidejussori licitum est a creditore petere, & obtinere liberationem a fidejussione, aliquo persoluto pretio. Nam sicut licet creditor, ut superius diximus, fidejussorem persoluta pecunia sibi comparare, qui de solutione debiti ipsum asscuret; ita licet ipsi fidejussori liberationem a fidejussione petere, soluta pecunia; nam in hisce contractibus mutuum solum tanquam materia, de qua contrahitur, spectatur, ac proinde locum non habet usura. Idem tamen dicendum, ut de creditore diximus; nimirum si fidejussor petat liberationem ob periculum, non verum, nec satis probabile, sed quod sibi fingit creditor, vel fidejussorem remittere non debet, vel omnino gratie remittere.

CONSECTARIUM SEPTIMUM.

VII. Non semper, cum ab onere solutionis liberatur principalis debitor, liberatur pariter fidejussor. Continet hoc consecrarium appendicem, & exceptionem a generali regula superius constituta, nimirum fidejussorem ita obligari non posse, ut plus debeant, quam debet is, pro quo obligantur. Nam contingere potest, ut creditor fidejussorem possidet, timens, ne debitor principalis aliquo juris privilegio, vel adminiculo se ab onere solvendi liberet; ut contingit in creditore minoris, vel prodigi, quibus interdicta est bonorum suorum administratio: ideo enim creditor fidejussorem præstat, ut de suo credito semper sit tutus; licet minor, vel prodigus a solutione liberetur: quamobrem liberato prodigo, & minore a solutione non tamen liberatur fidejussor, qui solvere tenetur pro minore, & prodigo; cum eorum contractus fuerint quidem validi, sed irritandi, ut statuitur L. 25. ff. de Fidejuss. Quod si contractus cum minore, vel cum prodigo celebratus intrinseco laborer vitio, puta, quia dolo malo induci sunt ad contrahendum, tunc cum contractus sit nullus in sua radice, si liberatur principalis debitor, censetur & liberatus fidejussor. Ita declaratur L. 2. cap. de fidejuss. min. ubi dicitur: *Verum si dolo malo apparuerit, contractum interpositum esse, manifesti juris est, utrique persona tam venditoris, quam fidejussoris consulendum esse*. Hinc apparet fidejussorem pro pupillis, & filiis-familias mutuo accipientibus, liberato a solutione filio-familias, vel pupillo, & ipsos ab obligatione penitus liberari: quia leges vetant, & prohibent filiis-familias mutuo, proinde

inde illicitum est tale mutuum, & nullus est valoris in sua radice; adeoque liberatis pupillis, & filiis-familias, soluti censetur & fidejussores.

CONSECTARIUM OCTAVUM.

VIII. Ex jure Romano civili, ut sup. cap. diximus, olim non poterant exigi in pignus instrumenta aratoria, ut & animalia, & servi ad excolendam terram necessaria, sicut nec instrumenta artis debitoris: quod utrum vim hodie habeat, docuimus ex regionum moribus, & ordinationibus explorandum. Certum tamen est pugnare cum caritate ista accipere a debitoribus in pignus, quippe qui hoc pacto privantur modo ac alienum solvendi: sicut caritati adversatur, in pignus accipere a paupere quotidianas vestes, vel lectuli opera, vel alia quotidiano usui necessaria. Unde Exodi 22. v. 26. præcipitur: *Si pignus a proximo acceperis vestimentum, ante solis occasum reddes ei. Ipsum enim est solum quo operitur, indumentum carnis ejus, nec habet, in quo dormiat.* Et rursus Deut. 24. v. 12. *Si pauper est, non pernoctabis apud te pignus, sed statim reddes ei ante solis occasum, ut dormiens in vestimento suo benedicat tibi.* Non licet creditori a debitore etiam moroso privata auctoritate pignus vel exigere, vel e domo auferre; esset enim reus furti & rapinæ, si violenter auferret. Hinc Deut. 1. l. jubetur: *Cum repetes a proximo tuo rem aliquam, quam debet tibi, non ingrediaris domum ejus, ut pignus auferas, sed stabis foris, & ille tibi proferet, quod habuerit.* Pari pacto reus esset furti debitor, si a creditore suo pignus datum auferret, vel obtentum gratis ad aliquem usum restituere renueret: quia licet sua sit res oppignoriata, est tamen

creditori debita ad sui juris securitatem; proinde reus esset furti ratione injustæ detentionis. Creditor, qui cum debitore paciscitur de pignore non alienando nisi post certum tempus, etiam post terminum solutioni præstitutum, tenetur conventis stare; non vero si convenerit de pignore nunquam vendendo, adhuc enim saltem per sententiam judicis vendi posset, cum hæc conventio adversetur naturæ pignoris, quod ideo est datum, ut creditor se possit indemnem servare. Divendito pignore, vel consensu debitoris, vel jussu judicis, creditor non tenetur de illius evictione, si vendendo emptori manifestaverit, se non rem suam, sed debitoris vendidisse, qui solum tunc de evictione tenetur: si vero pignus, ut rem suam vendiderit, cum emptorem deceperit, & quidem in substantia contractus, rem alienam vendens tanquam suam, teneretur emptorem servare indemnem.

CAPUT SEPTIMUM.

*De Mandato, Cura, Tutela,
Compromisso, Transactione,
& Dote.*

DOCTRINA.

- I. *Quid sit mandatum.*
- II. *Quinam possit mandatarii munus suscipere.*
- III. *Obligationes, & munia mandantis, & mandatarii.*
- IV. *Quando mandati munus finitur.*
- V. *Quid sit tutela, & cura.*
- VI. *Quotuplex sit.*
- VII. *Qui possint tutelam gerere.*
- VIII. *Obligationes tutorum & curatorum.*
- IX. *Quid sit negotium gestum.*
- X. *Quid compromissum. Distinctio arbitri, & arbitratoris.*

- XI. *Quinam in arbitros eligi possint, eorumque munia.*
 XII. *Quid sit transactio.*
 XIII. *Quinam transigere possint.*
 XIV. *Quid sit dos.*
 XV. *Bona dotalia duplicis generis.*
 XVI. *Quinam debeant, vel possint dotare.*
 XVII. *Quid de dote faciendum soluto matrimonio.*

I. **H**AS etiam gratuitorum contrarium species breviter discutiamus, quos inter lucrativos, & gratuitos recensemus: non quia semper tales existant, multoties enim ita sunt, ut ex utraque partem obligationem pariunt, & onus; ut patet in mandato, quod aliquando gratis, aliquando ob pretium receptum præstatur; & ipsa dos, quamvis gratuita respectu filii sit, onerosa tamen est respectu mariti, qui alimenta uxori præbere tenetur, & eam illi servare: sed quia tamen etiam gratuiti esse possunt; ideo de illis in hac tertia parte existimavi differendum. A mandato itaque incipiemus. Mandatum, quod hic non active pro jussione, sive præcepto sumitur, sed passive, definiri potest: *Contractus, quo quis officium, seu negotium honestum, & lege permixtum, gratuito, sive expresse, sive tacite suscipit, in alterius gratiam exequendum.* Dicitur *contractus de officio honesto, ac lege permixto*; quoniam de re illicita, aut turpi mandatum nec dari potest, nec suscipi, neque etiam acceptatum obligat suscipientem. Additur *contractus gratuitus*, quoniam si mercedis intuitu quis mandato se obstrinxerit, erit quidem locatio operum suorum, non vero genuinum mandatum. Hoc in Instit. lib. 3. tit. 27. §. 24. dicitur: *Sciendum est, mandatum, nisi gratuitum sit, in aliam formam co-*

dere; nam mercede constituta incipit esse locatio, vel conductio. Non tollit tamen rationem mandati, quod aliquid promittatur mandatario sub titulo remunerationis, quoniam remuneratio fit ex gratitudine, non ex obligatione justitiæ; dummodo tamen non designetur in specie, quod remunerationis loco retribuendum est; sic enim verbo tenus tantum videretur remunerationis vocabulum usurpari, scilicet ad fugiendum titulum servitutis. Additum fuit *expresse, vel tacite*, utroque enim modo mandatum imponi potest, vel verbis, & signis expressis, vel æquivalenter, quando quis sciens, & tacens patitur negotium suum ab alio procurari. Cæterum hic contractus reducitur ad innominatum, solumque contrahentium consensu sufficienter manifestato perficitur, & potest vel sub forma absoluta, vel sub aliqua conditione celebrari: nunquam tamen obligationem inducere potest, nisi post mandatarii acceptationem, quam hic semel præstitutam retractare non potest, nisi iusta, & rationabili causa superveniente; cuiusmodi existimatur, si capitali inimicitia inter mandantem, & mandatarium subsequuta fuisset, aut hic mandantem se suspensum evasisse deprehenderit.

II. Ad hunc contractum ineundum omnes illæ personæ existimantur idoneæ, quæ alias propria contrahere valent auctoritate, nec legibus impediuntur; ut certum est impediri minores, & pupillos sine tutoris, vel curatoris licentia, filiosfamilias, Religiosos, servos &c. Sic specialiter prohibetur legibus civilibus, milnibus mandatum dare de alienis rebus exportandis. Sunt etiam quædam negotia, quæ non nisi certis personis mandari possunt: cuiusmodi sunt actus legitimi per solemnes legis

legis actiones coram iudice expediendi, qui privato cuilibet mandati nequeunt, sed debent fieri per publicam personam, ut aditio hæreditatis, adoptio, emancipatio, tutoris datio, acceptatio, & similia, de quibus Iuristæ.

III. Obligationes, & munia mandantis, & mandatarii hæc sunt. Tenetur mandatarius observare formam mandati, & non excedere fines illius. Si enim contra mandatum, aut præter, vel citra quiddam agat, infideliter agit, atque invalide; cum illud agat, quam sibi mandatum fuit: & hoc quidem, quando mandatum sub certa forma compositum fuerit. Quid autem, si res incerta saltem quoad circumstantias mandetur? ut si quis mandet alicui, ut sibi emat domum nulla facta determinatione qualitatibus domus, aut pretii, quod in ea emptione eligendum est. Tunc industria, & prudentiæ mandatarii negotium intelligitur commissum, ac proinde qualicumque emptio tenebit, dummodo & domus sit apta, & commoda, & pretium pro ea solutum sit iustum, atque mandantis viribus proportionatum. Si autem mandatum fuerit, ut domus centum aureis ematur, sensus hujus mandati est, ne plures ematur: quapropter si mandatarius emerit nonaginta, non potest decem aureos sibi retinere, eo quod minus expendit, quam sibi permissum erat; sed tenetur restituere mandanti. Si vero mandatum fuerit, ut domum alterius vendat centum, & ipse venderit nonaginta, tenetur mandantem indemnem reddere, decem de suo perfolutis; quia fines mandati præterit: sicut si vendidisset centum & decem, excessus iste cederet in utilitatem mandantis: sensus enim mandati erat, ne domus minoris venderetur; & potest

quidem, ut ajunt leges, mandatarius meliorem facere mandantis conditionem, non deteriorum. Si vero ex negligentia executione mandati mandatarius damnum inferat suo principali, tenetur ad compensationem, quantum vel dolus, vel culpa lata locum habuerit; non jam si solum culpa levis, vel levissima intervenerit, quia de se mandatum est in solius mandantis utilitatem, & gratiam. In triplici tamen casu mandatarius obligatione etiam de culpa levi contraheret. 1. Si forte mandatum sit in utriusque utilitatem.

2. Si in susceptione mandati se sponte obligaverit, etiam in casu culpæ levis.

3. Si seipsum sponte obtulerit ad exequendum mandatum ei, qui alia persona uti decreverat. Siquidem hac spontanea oblatione videtur se obstringere ad summam & exquisitam diligentiam in negotio gerenda adhibendam. Ex altera parte etiam ille, qui mandat, contrahit obligationem mandatarii indemnem servandi, si quid forte incommodi in rebus suis ob executionem mandati passus fuerit: unde ad ejus damna compensanda tenetur, etiam de casu fortuito, qui tamen prævideri potuerit, etsi præmonuerit mandantem; non vero, si omnino præter expectationem acciderit. Hæc tamen obligatio locum non habet respectu eorum, qui dato pretio ad aliquid agendum conducuntur. Item locum non habet, quando quis titulo consanguinitatis, vel ex motivo pietatis aliquid pro alio gerendum assumit: nam tunc, si quod damnum incurrit, non ex mandato provenire censetur, sed ex consanguinitatis, & pietatis officio.

IV. Mandati autem contractus triplici modo finitur. 1. Per lapsum temporis constituti ad negotium gerendum.

2. Per revocationem mandari. Est enim in libertate mandantis positum illud, quandocumque voluerit, retractare, etiam si nunquam se revocaturum fortasse juraverit: est enim revocando perjurus fiat, revocatio tamen facta valida est, & irritat quodcumque adversus eam actum fuerit; dummodo tamen illa opportune, videlicet ante contestatam litem, vel inchoatum iudicium, aut negotium, mandatario innotuerit; excepto casu Matrimonii, in quo quamvis revocatio non innotuerit, invalidum reddit contractum præter eam factum. 3. Finitur morte vel mandantis vel mandatarii. Hoc postremum tamen intelligendum est, si res adhuc integra sit: sic mortuo Episcopo cessat jurisdictio Vicarii ab eo instituti. Aliquando tamen morte mandantis non illico mandatum cessat. Id contingit 1. Quando mandatum est ad aliquid exequendum post mortem. 2. Quando mandatum est in gratiam ipsius mandatarii. 3. Si qui mandat, in favorem mandantis asserat se concedere, quoad usque revocaverit; & ante mortem re ipsa non revocavit. De quibus late tractant Juristæ.

V. Secundo loco de tutela, & cura nonnulla sunt subiicienda: quamvis, cum utraque sine assensu illorum, erga quos obligatio contrahitur, sed aliunde proveniat, non tam inter contractus, quam inter quasi contractus a nonnullis utriusque juris Doctoribus recensetur. Est ergo tutela, ut dicitur in instit. *Jus, & potestas in capite libero ad tuendum eum, qui propter aetatem se tueri non potest, a lege permessa & concessa*. Quapropter tutor ille vocatur, qui pupillum, vel pupillam morte patris, vel per emancipationem sui juris effectum, vel effectum tueretur. Datur

autem tutela 1. Ad tuendas personas: 2. vero ad illorum bona custodienda, & servanda: in quo tutela differt a cura, ut alibi diximus, quæ principaliter ordinatur ad curationem bonorum; deinde extenditur ad ipsas quoque personas curandas. Propterea tutela datur impuberi, cura vero minori: illa perdurat in masculis usque ad quartum decimum annum, in feminis vero usque ad duodecimum. Cura vero protrahitur in utrisque usque ad vigesimum quintum completum.

VI. Triplex in jure celebratur genus tutelæ. 1. Dicitur *testamentaria*, quando scilicet pater decedens in testamento designat aliquem in tutorem filio, vel filiis, aut nepotibus, si sit avus. 2. Vocatur *legitima*, quæ nimirum datur a lege in casu, quo pater de tutore filiis non providerit; & comperit ei, qui conjunctior est pupillo, seu qui primus deberet ei succedere ab intestato. Is enim adstringitur a legibus ad suscipiendam præstatam tutelam. Demum 3. appellatur *dativa*, quæ videlicet a judice datur, quando nec dispositione testamentaria parentis constitutus est tutor, nec adest aliquis consanguineus, qui per leges hoc onus sabbire teneatur, vel sit idoneus.

VII. Omnes illi tutelam gerere possunt, qui ob aliquam causam non repelluntur a jure. Repelluntur autem impuberes, furiosi, dementes, infu-per furi, & muti, item prodigi, & debitores pupillorum. Mater, & avia ad tutelam suscipiendam idoneæ quidem reputantur, & recipiuntur, dummodo velint; in quo eventum etiam præferuntur tutoribus legitimis, & dativis, non vero testamentariis; si tamen nolint, minime compelluntur: quapropter tutela ab eis suscepta, esto sit legitimi-

gitima, est simul voluntaria. Quam tamen ut exerceant, duobus subjiçuntur conditionibus: 1. est, ut renuntient secundis nuptiis; altera, ut etiam renuntient privilegio Senatus Consulto Vellejani, de quo superius mentio facta est. Itaque si mater, vel avia transeat ad secundas nuprias, secuto Matrimonio, statim ipso jure tutelam amittit; & bona secundi conjugis obligata manent pro administratione hæcenus exercita. Decidit etiam tutela, si incontinenter vivere convincatur. Clerici ad recipiendam tutelam adstringi non possunt: gaudent enim Canonico privilegio, ut, licet possint alicui ab intestato succedere, ejus tamen tutelam obire non cogantur. Si tamen velint, possunt legitimam tutelam exercere, non tamen testamentariam, vel dativam. Respectu tamen miserabilium personarum etiam Ecclesiastici gerere tutelam tenentur, quam monent Canones ab Episcopo non esse per semetipsum immediate exercendam, sed per alios, puta Archipresbyterum, vel Archidiaconum. Sed Regulares nec legitimam valent administrare sine suorum Superiorum licentia.

VIII. Obligationes tutorum, & curatorum hæc sunt. 1. Tenentur pupillos, & minores a criminibus illosos servare, atque bonis moribus instruere, conductis, si opus fuerit, ad hunc finem, congruo salario idoneis pædagogis, & magistris juxta educandi conditionem. 2. Illorum bona ab injuria defendere: & si pupillus habeat mobilia inutilia, quæ commode servati non possint, debent a tutoribus vendi, & pretium converti in prædia, ex quibus illi certos redditus percipere valeant. Si pro ære alieno dissolvendo aliquis vendere oporteat, hæc q̃ illis cautio

servanda est, ut primo loco inutilia, postea quæ non magna sunt utilitatis, ultimo loco, & nonnisi ex urgentissima causa, bona stabilia distringantur. Porro si in his obligationibus defecerint tutores, & curatores, tenentur ad damna sarcienda, nedum ex dolo, & culpa gravi, seu lata, sed etiam ex culpa levi; præferim si ob tutelam, quam gerunt, aliqua eis merces fuerit constituta: tunc enim in utriusque partis utilitatem administratio tutela cadere reputatur. Præterea legibus civilibus obligantur ad inventarium exarandum coram aliqua persona publica, puta Notario. Immo ad effectum ut inventarium fidem faciat contra quoscumque pupillo litem moventes, etiam judicis præsentia necessaria decernitur. Quod si omiserit Inventarium exarare, suspectum se reddit, & ex dolo tenetur, si forte tutelam inutiliter, vel perniciose administraverint. Non desunt tamen justæ causæ vel differendi inventarium, ut si tutor morbo teneatur, vel in itin occupetur, quæ dilationem non patiuntur, vel quæ sint ante inventarium perficienda, puta in perscrutandis bonis hæreditatis: vel etiam in totum omittendi, si vel alicubi hæc consuetudo, & lex civilis non vigeat, vel iusta causa iudex a consiciendo inventario putaverat dispensandum. Vicissim tenentur pupilli, & minores suis tutoribus, & curatoribus expensasolvere, vel necessarias, vel etiam solum utiles, factas ab illis in suis gerendis negotiis; immo & solvere salarium, si quod ab initio constitutum fuerit; nam aliquin tutela, & cura sunt ex genere eorum, quæ gratis præsumuntur administrari.

IX. Cum tutela, & cura magnam habet similitudinem & affinitatem quidam quasi contractus, qui in jure ap-
pel-

pellatur *negotium gestum*, & in eo situm est, quod quis sine mandato vel explicito, vel virtuali, non tamen absque consensu tacito alterius, ejus negotia utiliter gerat. Hinc vero confimiles jam memoratis obligationes oriuntur, nempe ex parte illius, qui negotium gessit, obligatio ad reddendam rationem, & ad id, quod sibi ex tali negotio provenit, fideliter persolvendum; puta fructus rei administratæ, vel pecunias a debitoribus exactas. Ex parte vero illius, cui negotium gestum fuit, obligatio ad compensandas expensas pro se factas, nec non ad valorem solvendum, labori, & industriæ ab alio exercitæ respondentem.

X. Nunc tertio loco de compromissio aliqua sunt subjicienda. Compromissum est *contractus, quo mutuo litigantium consensu dirimenda remittitur controversia alicui arbitro, sive arbitratori, cui partes spondent se parituras*. Notandum est in hac definitione discrimen, quod inter arbitrum versatur, & arbitratorem. Is enim dicitur arbiter, qui a partibus eligitur tanquam judex, ut nimirum servata, saltem quoad substantialia, forma judicii sententiam ferat de re controversa. Sed arbitrator ille audit, qui idcirco eligitur, ut sine ordine judiciali, solum ex æquo, & bono decernat, quod est faciendum. Materia compromissi est in omni re, vel causa, quæ prohibita non invenitur. Quapropter in criminalibus compromissum locum non habet, quia de illis arbitrium non permittitur; sed nec de rebus pertinentibus ad Rempublicam, civitatem, communitatem, oppidum, & hujusmodi. Item nec de causis Matrimonialibus, quorum definitio spectat ad iudices Ecclesiasticos, ut disponit Trid. sess. cap. 24. cap. ult. Similiter

nec in rebus, quæ jam per sententiam definitivam transierunt in rem judicatam. Et tandem non datur compromissum de rebus, quæ alienari non possunt. Si autem pro aliquorum alienatione præscribitur certa solemnitas, ea quoque necessaria est ad compromissum de iisdem faciendum: sic Clerici non possunt de rebus Ecclesiæ sine licentia Episcopi compromittere; nec Religiosi de rebus Monasterii sine licentia Superioris, & Capituli; nec procuratores, tutores, curatores pupillorum, & minorum de istorum rebus sine licentia judicis.

XI. Juxta leges in arbitros eligi nequeunt, qui viginti annis minores existunt, nec surdi, nec muti, nec servi, nec mulieres (excipitur si quæ mulier alicujus loci dominum, & jurisdictionem obtineat) nec Religiosi, quippe quia arbitri officium judicii formam requirit, quæ Monachis jure Canonico est interdicta: ac arbitratores, qui ad formam judicialem servandam non sunt adstricti, Religiosos eligi nequaquam vetitum est. Denique Laici sine licentia Summi Pontificis in causis spiritualibus arbitri sedere non possunt: si tamen conjunctim cum Ecclesiasticis in arbitros assumantur, sufficit etiam Ordinarii facultas, immo & judicis delegati in ea causa, ut rite arbitrium exercent. Cæterum cum tota arbitrorum facultas pendeat ex consensu, & conventionione partium, non possunt arbitri excedere formam arbitrii sibi constitutam, nec condiciones appositæ præterire: si secus agant, invalidum, & irritum est ipsorum judicium. Non debet tamen eisdem pro conditione apponi, ut in arbitrio ferendo consilium alicujus sequi teneantur; & invalidum esset compromissum sub hac conditione

com-

compactum : oportet enim arbitros relinqui in sua libertate, quamvis peritiores consulere non prohibeantur; immo id opportunum est, ut equiorem ferant sententiam. De jure communi ab arbitrorum sententia, siue apposta fuerit pœna, siue non apposta, appellatio non datur : siquidem obligat illorum sententia, non tam ut sententia, quam ut habens vim, & firmitatem ex voluntate partium; illi etenim ad standum & conformandum se arbitrorum sententiæ adstrinxere. Si tamen aliquando appellatio locum habere possit, ad iudicem Rei, qui appellationem interponit, facienda est, post cujus sententiam pars gravata ad iudicem superiore appellare non poterit.

XII. Sed quia frequenter ex arbitratorum suggestione litigantibus transactio tanquam optimum remedium ad sopiendas controversias proponitur: ideo & de hac, licet ab onerosos accedat contractus, in hoc capite aliqua verba faciemus. Est igitur transactio, siue compositio *Contractus, quo de re dubii juris, pendente adhuc lite, passio non gratuita initur*. Inde autem nomen transactionis accepit, quia per illam transit actio, quatenus ille, qui transigit, recedit ab actione, quæ ipsi competeat in alterum. Fieri autem potest solum de re dubii juris, nedum in foro externo, sed etiam in foro conscientiæ: alioquin dicitur titulus, quo ille, qui transigit, possit aliquid sibi vindicare de re controversa. Fit etiam solum pendente lite, sed nondum finita: quia si jam lata sententia causa transierit in rem iudicatam, inutiliter, atque injuste transactio peteretur, nisi in casu, quo alteri parti super sit actio petendi restitutionem in

integrum, ut in minoribus; velâ nisi sententia ignoranter lata fuisset; vel si post sententiam appellatio fuisset interjecta; nam hæc suspendit vim sententiæ, & revocat causam in dubium, & reducit ad statum, quem habebat tempore contestationis. Nec est necesse, utilis reipsa mora fuerit, sed sufficit, si probabiliter movenda timeatur; dummodo non injuste ab aliquo metus incuriatur. Dicitur autem transactio *passio non gratuita*, quia per eam utriusque contrahenti aliquod onus imponendum est, & ita retinendum de pristino jure, ut aliquid etiam alteri concedatur: in quo tamen, ut iuste fiat, servanda est æqualitas pro ratione dubii, magis, vel minus ad alteram partem vergentis. Quapropter si ultra, vel citra dimidium valoris rei alteruter transigentium gravetur, vel accipiat; tunc alteri competit actio, ut vel transactio rescindatur, vel reducat ad æqualitatem juxta gravati petitionem, & ad normam æquitatis, & iustitiæ.

XIII. Omnes illi ad incundam transactionem idonei sunt, qui plenum habent suorum bonorum dominium, liberamque administrationem, & alioquin in jure non prohibentur. Prohibentur autem illi, quibuscumque alienatio interdicta est: nam transactio sine aliqua alienatione fieri non potest. Item qui non nisi certis servatis solemnitatibus alienare permittuntur, easdem in transactione celebranda præterire non possunt. Nihilominus si fiat supremi Principis auctoritate, etiam sine illis solemnitatibus valet; & etiam valore non caret, si maneat apud eam, qui alienare non potest, integra rei possessio; hic vel pecuniam, vel aliud aliquid libere alienabile exhibere pro transactione.

XIV. Ultimo loco & de dote nonnulla subiicienda sunt. Et quidem dos si spectetur, quatenus ab uxore traditur marito, non est inter gratuitos contractus recensenda, sed inter onerosos; datur enim marito ad onera Matrimonii sustinenda, id est, ad alendam uxorem, eique necessaria, & suo statui convenientia præbenda; ac inter gratuitos locum habet, quatenus a patre, avo, aliisque datur sponse intuitu Matrimonii. Desinitur itaque dos a S. Antonino 3. P. tit. 1. *Quæ datur viro a muliere pro onere, quod de Matrimonio sustinet*. Optime dicitur, quæ datur, non quæ donatur viro; quia dotis dominium residet penes uxorem; licet administratio, ususfructus, & usus ad maritum pertineat. Additur, ad sustinenda onera matrimonii, ut distinguatur a ceteris bonis, vel rebus paraphernalibus, quæ uxor secum deferre potest, & quæ, etiamsi marito administranda concedat, tamen non ad matrimonii onera sustinentia ordinantur; & ad ostendendum etiam solum in matrimonio locum habere dotem, adeo-ut, si nullum sit matrimonium, & nulla quocunque habeatur dos; ut habetur L. *Dotis* ubi dicitur: *Neque enim dos sine matrimonio esse potest; ubi igitur matrimonii nomen non est, nec dos est*.

XV. Dos vero, sive bona dotalia iure, aut profectitia dicuntur, aut adventitia. Prima ea sunt, & appellantur, quæ sponse dantur a patre, avo, aliisque consanguineis, aut etiam ab extraneo, sed nomine patris, aut avi mulieris; & hæc post uxoris mortem ad illos revertitur. Adventitia autem dos est, quæ neque a patre, neque ab aliis consanguineis in linea ascendenti masculina paternita constitutis efformatur; sed vel mulier sibi ipsa constituit

ex bonis matris, fratris, avunculi, vel etiam extranei, & quæ proinde ad illos non revertitur, soluto per mortem uxoris matrimonio. Materia dotis esse potest, quidquid est pretio æstimabile, sive pecunia sit, sive res mobilis, sive immobilis. Si pecunia, vel mobilia data sint æstimata, hæc in plenum mariti dominium transeunt; quomobrem ipsi pereunt, si forte pereant, & illorum deficientiam ex bonis suis supplere tenetur. Si vero vel mobilia sint, vel mobilia, & non æstimata, dominium ad uxorem pertinet; proinde ipsi pereunt, vel deteriorantur, quando id ex fortuito casu contingat, non ex culpa mariti, qui tenetur ad dotem conservandam rite, recteque administrandam, adeo-ut obligetur nedum ex dolo, sed ex culpa lata, & levi, cum ad utriusque utilitatem datur. Nam in L. 17. ff. *de jure dotium* dicitur: *In rebus dotalibus oportet tam dolum, quam culpam, quia causa sui dorem accepit, sed etiam diligentiam præstabit, quæ in suis rebus exhibet*. Ususfructus vero, & usus omnino ad maritum pertinent, qui illis vii, frui, & libere disponere potest juxta L. 75. ff. l. *Dotis fructum ad maritum pertinere debere æquitas suggerit*. Inter fructus tamen non sunt computanda, quæ partem dotis constituunt; ut si sylva in dorem data sit, arbores quilibet exduæ, rami qui abscinduntur, & eorum fructus ad maritum pertinent tanquam fructus fundi; non vero arbores, quæ a vento disjiciuntur, sed earum pretium est in dorem computandum, deductis expensis; sicut & arbores conructæ ad maritum pertinent cum onere tamen, ut novæ conferat. Ejusdem tamen paraphernalium, licet eorum administratio sit marito ab uxore concessa, fru-

fructus non ad illum pertinent, sed sunt uxoris.

XVI. Dotem dare potest quilibet, qui bona habet, & liberam illorum administrationem: hinc & ipse maritus potest dotem uxori suæ constituere, vel etiam non receptam, sed solum promissam pro data, & recepta habere. Tenentur vero 1. loco pater filiam dotare, si possit: nam sicut pater debet filiam alimenta, ita & dotem; cum dos loco succedat alimentorum. *Neque enim* (sic statuitur L. 7. C. de Dote) *leges incognite sunt, quibus eantum est omnia paternum esse affectu dotem pro sua dare progenie.* Et L. qui liberos ff. de rit. nupt. iterum indicitur: *Qui liberos injuria prohibent naorem ducere, vel nubere, vel qui dotem dare nolunt, coguntur in matrimonium collocare, & dotare.* Si vero pater non nequas filiam dotem tradere, qui loco succedit mater, quæ non minus, quam pater, filios suos diligere tenetur, & eis, si egeant, alimenta præbere juxta Glossæ doctrinam super Cap. haberet, ubi pater, & filius egeant, mater compellitur eos alere. Et 1. quidem de bonis paraphernalibus, vel aliis sibi liberis, deinde vero de mariti consensu etiam ex bonis ipsis dotalibus. Frater etiam, si ex justitia, saltem ex caritate tenetur sororem pauperem dotare. A quo caritatis officio non impediuntur Clerici bona Ecclesiastica possidentes, immo promoveantur, cum ea bona sint, quæ pauperum usibus inservire debent. Quamobrem, si bona habeant patrimonialia, ex ipsis dotem sorori dare possunt, & ipsi de redditibus Beneficii vivere; si vero non nisi bona Ecclesiæ possideant, de illis aliquid possunt sibi subtrahere, & quod superest pauperibus jam distribuendum, in subsidium sororis impen-

dere: cavere tamen debent, ut eam tantum tribuant dotem, quæ sorori juxta sui conditionem convenire potest; non vero majorem, ut conditionem mutet: & præ oculis habeant monitum S. Ambrosii de Off. lib. 1. cap. 10. relatum etiam a D. Thom. 2. 2. q. 185. a. 7. ad 2. *Hæc est approbanda liberalitas, ut proximos seminis tui non despicias, si egere cognoscas; non tamen ut illos ditiores fieri velis ex eo, quod tu potes conferre inopibus.*

XVII. Solutio vero per obitum uxoris matrimonio, tenetur maritus vel dotem distribuere juxta uxoris testamentum, si a legibus sit uxoris concessum de sua dote disponere; vel sibi aut integre, aut partim retinere, si ita conventum fuerit in celebratione matrimonii; vel filiiæ conservare, si ex matrimonio sunt liberi suscepti, & viventes; vel denique uxoris hæredibus, ad quos reverti debet, restituere. In qua restitutione jura statuunt, ut si dos in immobilibus fuerit constituta, statim ista restituantur: si vero in pecunia, & in mobilibus æstimatis, non nisi post annum. Restituere quoque tenetur cum dote etiam dotis accessorium. Demere tamen poterit expensas, quas subivit, ut dotalis fundos vel conservaret, vel augeret; ut si domos ruinosas refecerit, vel agrum ineultum, & sterilem feracem reddiderit, & fructuosum. Ita statuunt leges, nam Leg. Impens. ff. de Impens. in rebus dotalibus scilicet sic indicitur: *In necessariis impensis hoc dicendum est, eas de dotalibus decem minuire, quæ in dotem factæ sunt.* Et L. ult. de fundo dotali: *Non tam necessarius, sed etiam utiles impensas præstandas a muliere existimo, licet fortassis casu fortuito parierint: nam cum impensa facta sint in utilitatem dotis, & uxoris,*

ris, æquum est, ut sicut commodum fuerit, ita & incommodum subeat. Non sunt tamen recensendæ inter necessarias, & utiles expensæ per ipsam domum compensandas, quæ habitæ sunt ordinarie ad arandos, colendosque agros ad fructus colligendos, ad tributa solvenda: quia, ut inquit lex, hæc onera ad usumfructuarium pertinent; onus enim fructuum hæc impendia sunt. Si vero expensæ factæ fuerint ad solum commodum, & voluptatem, nec maritus ex dote detrachere, nec hæres compensare tenentur. Poterit tamen maritus sibi retinere (si hæres nolint pretio sibi comparare) duabus tamen servatis conditionibus, nimirum ne res dotalis per ablationem ornatus adjecti vel destruat, vel deterioreretur. 2. Si res ablata possit marito auferenti aliquo modo prodesse, non vero, si nihil ad ejus utilitatem conferat; cujusmodi sunt picturæ in pariete, & ornamenta lapidibus, vel lignis adherentia, quæ deleri, vel abradi non debent. Ita decernunt Leges, & quidem iuste L. 9. ff. de impensis sancitur: Pro voluptuariis impensis, nisi parata sit mulier pati maritum tollentem exactionem patitur, ceterum si non recipiant (si divisionem) relinquenda sunt, ita enim permittendum est marito auferre ornatum, quem posuit, si futurum est ejus, qui posuit.

CAPUT OCTAVUM.

CONSECTARIA PRECEDENTIS DOCTRINÆ,

- I. Mandatarius formam mandati præterire non debet.
- II. Quod mandatario penditur, non est ad justitiæ leges commensurandum.
- III. Quando furiosus, & amentibus dandi sint tutores, vel curatores,

IV. Non semper filie habentes inuitis, vel infestis parentibus dote privari debent.

CONSECTARIUM PRIMUM.

CUM prima lex mandatarii sit, juxta omnes Theologos, ut mandatum fideliter exequatur; & formam observet, nec fines excedat mandati manifeste patet, nos recte dixisse cap. 6. diss. 2. de Contr. in particulari Consect. 7. non licere amico, cui ab altero amico mandatum est, ut suum equum vendat vel infimo, vel medio pretio, nisi supremum possit habere, se in emptorem mutare, emendo equum pretio medio, vendendum postea supremo cum suo lucro: nam mandati fines excedit, nec formam mandati observat; cum enim vendere debeat, sibi emit, & ex mandatario fit emptor violat igitur justitiam, ad quam mandatum, sicut & ceteri omnes contractus pertinent. Nec tamen inferendum, eum vel graviter peccare, vel ad restitutionem teneri. Nam attendendæ sunt circumstantiæ facti, quod de se, & objective non videtur lethalem culpam inducere, & cum nullum inferatur amico damnum, restitutioni non sit obnoxius: non enim omnis justitiæ violatio restitutionem inducit; sed quæ est cum alterius detrimento conjuncta. Id patet in eo, qui argenteos crateres in pignus, vel depositum accipiens cum pacto, ne illis utatur; & postea illis utitur aliquando ad pompam: hic violat quidem legem depositi, & pignoris; at ad restitutionem non tenetur, cum nullum afferat deponenti, vel oppignoranti detrimentum. Apparet etiam discrimen inter mandatarium, & procuratorem, vel villicos nobilium virorum: nam istorum opera non ad contractus mandati referenda sunt, sed vel ad locatio-

tionem, vel ad illum contractum, qui negotii gedio dicitur, in quibus obstringatur quidem & opera sua integre impendere, & alterius negotium fideliter agere: at non impediuntur, ne si vel propriam quærant utilitatem: quamobrem ampliori gaudent libertate in agendo, quam mandatarius, qui arctioribus vinculis per legem mandati adstringitur.

CONSECTARIUM SECUNDUM.

II. Quod mandatario a mandante donatur, non est ad qualitatem iustitiae commensurandum cum pretio operæ, sed ex decencia, & gratitudine pendendum. Nam cum, ut diximus ex L. 1. ff. *mandatum nisi gratuitum nullum*; nam *originem ex officio, atque amicitia trahit*, non mercedem postulat, sed solum gratuitam compensationem, quæ vel promissa, vel sponte oblata recipi quidem potest, at omissa, vel denegata exigi non permittitur. Hinc nihil lucrari ex mandato potest mandatarius, nec operam suam computare in pretio, nec ullam compensationem pro labore expectere, sed solum, ut diximus, damnorum, quæ subivit, compensationem, dummodo de illis præmonuerit mandantem, si vel illi incomperta, sive in se incerta erant; si vero certa, & ad ipsius mandati executionem necessaria, vel comitantia, vel subsequencia, nec ipso mandante præmonito.

CONSECTARIUM TERTIUM.

III. Non solum pupillis, & minoribus, sed etiam amentibus, & fatiosis, præsertim si perpetua supponatur eorum infirmitas, sunt tutores, & curatores dandi, a quibus nunquam subtrahuntur, nisi constet illorum ad sanam

mentem rediisse; proinde horum cura, & tutela protrahitur etiam ultra 25. annum, ut habetur in Instit. lib. 1. tit. 13. *Mente captis, quia rebus suis superesse non possunt, curatores dandi sunt. Furiosi, licet majores viginti quinque annis sint, tamen in curatione sint.* An imadvertisendum tamen est, hisce solum a Magistratibus esse tutores, & curatores destinandos, apud quos de illorum infirmitate, & infania aperte constet, ne quis vel dementia forsasse fingat ad onera, & civilia munia declinanda, vel etiam aliorum malitia illis infania assignatur, aut exagereur, ut eorum bonis frui possint. Communitatibus quoque, sive Ecclesiasticis, sive secularibus Curatores assignantur, quæ vel Procuratores, vel Syndici, vel Consules, vel alio nomine donantur; & hi eadem subeunt onera, & obligationes, quæ tutoribus tribuuntur. Finiuntur autem tutela, & cura 1. alterutrius morte. 2. Quando qui sub tutoribus, vel curatoribus sunt, illis amplius non egeant, vel quia ad legitimam ætatem pervenerunt, vel quia sublata sunt impedimenta, quæ tutelæ, vel curæ causam præbebant. 3. Ex lege civili, quando vel per Judicem a tutela remouetur ob id, quod suspecti vili sint; vel quia ex iusta causa se excusant; vel onus administrandæ tutelæ deponunt.

CONSECTARIUM QUARTUM.

IV. Non semper filiæ, quæ nubunt infans, vel invitis parentibus, dote privari possunt. In Galliarum Regniæ vigent *Leges*, quæ facultatem concedunt parentibus, dotem denegandi filiabus, quæ ipsi invitis, vel ignorantibus nubunt. Optime quidem leges,

ges, quæ ad debitam genitoribus reverentiam factam restantque servandam ordinatæ sunt, quibus proinde se conformare parentibus licet, zelo justitiæ, omni seposito odii, iræ, vel vindictæ inordinato affectu. Eo vel maxime laudandæ, quia dum reverentiæ parentibus debitæ consulunt, simul etiam filiorum libertati, & indemnitati prospiciunt, statuentes, ut solum vim habeant, si filius ante trigésimum annum uxorem ducat, vel filia ante vigésimum quintum nubat: nam eo tempore elapso decernunt liberum esse filii matrimonium contrahere, etiam invitis, quamvis non inconsultis parentibus, quia per hoc vel dote filiz, vel hæreditate filii privari possint. At in aliis Regionibus, in quibus hæc minime promulgatæ sunt leges, res ad jura naturæ, & ad normam Evangelicæ caritatis est dirigenda. Quamobrem censentem 1. posse filiz dorem denegari, si hæc nubat contra parentum voluntatem, ipsique plane invitis, & dissensientibus, & quidem justis, honestisque de causis. 2. Hoc multo magis locum habere, si virum eligat sibi imparem, vilem, vel infamem, cum dedecore, & ignominia familiæ; si domo aufugiat; si ad matrimonium accedat jam prægnans cum scandalo, & offensione plurimorum. Hæc enim crimina sunt, & scelera, quæ justè a parentibus puniri possunt dotis denegatione. 3. Si vero insciis, & invitis parentibus nubat quidem, sed sibi æquali, vel parum impari, si matrimonium in dedecus non cedat familiæ, si sine scandalo celebretur; putarem non esse parentum indignationem usque ad privationem dotis, statui saltem mariti convenientis dilandam: licet enim in parentes peccaverit, & qui-

dem graviter; tamen locum habere debet misericordia, & feminæ fragilitati, infirmiorique vasculo tandem parcendum. Quod multo magis verum censeo, si dum accedant conditiones, scilicet 1. si filia veniam admitti sceleris a parentibus petat; 2. si ad vitam sustentandam dote indigeat. Ita ex doctrina colligo S. Ambrosii; hic enim Sisnii filium, qui contra voluntatem patris uxorem sibi desponderat, & ad veniam a patre petendam induxit, & patrem cum filio reconciliavit. Sic enim scribit ep. 83. „ Quod filio nostro remisisti meo rogatu, quia te inconsulto uxorem acceperat, pietati magis tribuo, quam nostro amori... pulchre itaque gestum, ut te patrem recognosceres simul quia iusta indignatio fuit, malo enim culpam faceretur, ut plus laudetur paterna indulgentia; sed & ipsa paterna offensio fuit, quoniam venturam in loco filiz, tuo debuisti eligere iudicio... fuit ergo quod succenses filio; sed fuit etiam quod remitteres, quia sibi uxorem elegit. Acquisivisti filiam sine electionis periculo. Si bonam duxit, tibi acquisivit gratiam; si erravit, recipiendo meliores facies, resutando deteriores. Fecisti igitur, quod boni parentes, ut cito ignosceres, sed obsecratus; nam antequam rogareris, non erat ignoscere, sed facere probare. Deinde diutius differre veniam, & tibi acerbum, & illis inutile; nequid enim paterna viscera diutius tolerari possunt... Utrum vero hæc misericordia locum habere debeat; & in priori causa, prudenter erit ministri ex circumstantiis expendere; & quod magis Deo acceptum, salutis animæ tum filiz, tum parentis proferre, & consulere.

CAPUT NONUM.

De Mutuo & Usura.

DOCTRINA.

- I. Mutuum inter gratuitos contractus recensendum.
- II. Quid sit mutuum.
- III. Debet esse gratuitum.
- IV. Quid sit usura.
- V. Usurum prohibet Scriptura.
- VI. Damnaverunt patres omnes.
- VII. Et concilia.
- VIII. Et quidem non solum mordentes, sed & minimas.
- IX. Et a quocumque petitas.
- X. Usura multiplex divisio.
- XI. Qui mutuum dare possant.
- XII. Mutuantis, & Mutuanti officia.

I. INTER lucrativos, gratuitosque contractus mutuum locum, & quidem primum, tenere, nullus est, qui ambigat. Non tamen quia, si onerosus fiat, & aliquid pro mutuo exigatur, naturam exuat mutui; sed quia per hoc ita inficitur, ut non amplius licitus contractus sit, sed foeneraticus, & usurarius: sicut per adulterium non tollitur matrimonium, licet commercium cum omni aliens muliere excludat; sed violatur, & polluitur. Quod statim in initio premonitum volui, ne quis putet verum, quod (ut in sequentibus ostendemus) effurunt nonnulli, sublata a mutuo ratione gratuiti, jam non amplius mutuum esse, sed in alium transmutari, & transferri contractum. De mutuo latissime disputarunt patres ab hinc annis, hinc & inde, magni nominis viri, quos accurate recenset, & quorum libros eaumerat Petrus Balarinus in suo Opere de Jure divino,

& naturali circa usuram in Pref. §. 7. & seq. Alii putarunt, mutuum lucrum vel sine usura esse posse, vel, si cum usura societur, non tamen per hoc illicitum evadere; cum non omnem usuram illicitam dicant. Alii vero omne lucrum a mutuo vi mutui ita excludunt ut, quidquid lucri mutuo accedit, usura sit legibus omnibus vetita. Hiscus villicationibus permosus sapientissimus Pontifex Benedictus XIV. Constitutionem edit anno 1745. quæ incipit *Vix pervenit*, qua perpetuam Ecclesie de mutuo, & usura doctrinam dilucide exposuit, & sua auctoritate confirmavit. Hac igitur doctrina innixus, de mutuo, & usura dogmata, & questionibus explicabo.

II. Mutuum itaque sive originem a mutatione ducat, quia nimirum non eadem res in individuo redditur; sive, ut lubet Justiniano, quia in eo transfertur dominum, adeo, ut quod meum erat, tuum fiat, desinui potest Contractus, quo res usu consumptibiles alteri traduntur possidenda, & consumenda, cum onere, ut certo elapso tempore restituantur in eadem quantitate, & qualitate. Contractus genus designat, cetera vero differentias. Et prima quidem, quod mutui materia non alia sit, nisi res usu consumptibilis, vel physice per ipsum substantie destructionem, ut in pane, vino, oleo, frumento, quæ omnia usu consumuntur; vel moraliter per alienationem, ut pecunia, cujus substantia, licet semper maneat, permutatione tamen veluti extinguitur. Ita materiam mutui explicat etiam Justinianus in Institut. lib. 3. tit. 15. dicens: *Mutui autem datio in iis rebus consistit, quæ pondere, numero, mensura consistunt, velati vino, oleo frumento, pecunia numerata, ære, argento, auro, quas res aut*

numerando, aut metiendo, aut appendendo in eo datus, ut accipientium fiant.

2. Differentiæ loco est, quod hæc usu consumptibilia ad usum tradantur, & proinde ad consumptionem: si enim alteri dentur ad custodiam, erit depositum; si ad vendendum, erit negotiatio; si ad pompam, & ostentationem, erit locatio. Id egregie explicat S. Th. q. 13. de malo art. 5. ad 15. scribens: „Duplex usus potest esse alicujus rei, „unus proprius, & principalis, alius „secundarius, & communis; sicut „calceamenti proprius, & principalis „usus est calceare, secundarius autem „commutatio. Pecuniæ autem e converso „principalis usus est commutatio, „propter hanc enim pecunia facta est. „Secundarius autem usus pecuniæ potest esse quicumque alius, puta quod „ponatur in pignore, vel quod ostentetur. Commutatio autem est usus „quasi consumens substantiam rei commutatæ, in quantum facit eam abesse „ab eo, qui commutat. Et ideo si „quis pecuniam suam alteri concedat „ad usum commutationis, qui est proprius pecuniæ, & pro hoc usu pretium aliud quærat ultra sortem, erit „contra justitiam. Si vero alter concedat alteri pecuniam suam ad usum „aliu, quo pecunia non consumitur, „erit eadem ratio, quæ est de rebus „illis, quæ usu non consumuntur, quæ licite locantur, & conducuntur. Unde si quis pecuniam signatam in faculo concedat alicui ad hoc, quod „ponat eam in pignore, & exinde „pretium accipiat, non est usura; „quia ibi non est contractus mutui, „sed magis locatio, & conductio. Et „eadem est ratio, si quis concedat alteri pecuniam ad usum ostentationis; „sicut e converso, si quis concedat

„alteri calceamenta ad usum commutationis, & ex hoc aliud pretium „quæreret ultra calceorum valorem, „esset usura“. 3. Differentiæ etiam est, res usu consumptibiles esse reddendas in eadem quantitate, & qualitate: per quod mutuum differt a donatione, quæ rem alteri concedit, non amplius repetendam. 4. Ut concedantur per aliquod tempus; alioquin nugariorum, & inutile esset mutuum, si res statim repeteretur: & per hoc differt a precario (quamvis & mutuum possit precario concedi) & ab aliis contractibus, quibus res perpetuo alienatur.

III. Mutuum debet esse omnino gratuitum; non tamen, ut contractus sit, sed ut licitus contractus: gratuitus enim est perfectio, sicut onus plus reddendi, quam acceptum sit, est vitium sœdane contractum. Quod verum est in omnibus aliis contractibus, qui semper suam indolem, & naturam servant, siue iusti sint, siue iniusti: ut patet in venditione, quæ semper est vera venditio, siue fiat iusto pretio, siue iniusto; cum hoc solum discrimine, quod venditio iusto pretio est licita, honestusque contractus, venditio vero iniusto pretio illicita est & iniusta, onus afferens compensationis. Hinc apparet, fraudulenter docere Salmasium, ejusque affectas ad essentiam mutui pertinere, quod omnino gratuitum sit, ita mutuum deficientes, *mutuum est quodcumque proximo utendum datur, ita ut sine ullo incremento reddatur*; ut inde inferant, pecuniam datam ob lucrum non esse amplius contractum mutui, sed alterius generis, puta locationis, ut statim subdit Brodersenius in Tract. bre. de usuris licitis pag. 42. n. 41. *quia si cum aliquo incremento res aliqua est reddenda, esset alius contractus, c. ex locatio, fo-*

cietas &c. Et hoc pacto jam usurae crimen chimæra evadit, & nunquam locum habere potest in mundo: nam si usura est lucrum ex mutuo, qui lucrum volunt, profecto nolunt mutuum, sed locationem. Immo ipsi foeneratores usuram committere nunquam possunt, licet velint; nam cum semper lucrum velint, semper etiam mutuum excludunt. Quo profecto nihil ineptius. Cur autem gratuitum sit, oporteat, mutuum, ut licitum honestumque sit, declarat S. Thom. & probat egregie 2. 2. q. 78. art. 1. scribens: „ Acci-
„ pere usuram pro pecunia mutuata est
„ secundum se injustum; quia venditur
„ id, quod non est; per quod manifeste
„ inæqualitas constituitur, quæ iustitiæ
„ contrariatur. Ad cujus evidentiam
„ sciendum est, quod quædam res sunt,
„ quarum usus est ipsarum rerum con-
„ sumptio; sicut vinum consumimus,
„ eo utendo ad potum, & triticum
„ consumimus, eo utendo ad cibum.
„ Unde in talibus non debet scorsum
„ computari usus rei a re ipsa; sed
„ cuicumque conceditur usus, ex hoc
„ ipso conceditur res. Et propter hoc
„ in talibus per mutuum transfertur
„ dominium. Si quis ergo scorsum vel-
„ let vendere vinum, & vellet scorsum
„ vendere usum vini, venderet ean-
„ dem rem bis, vel venderet, id quod
„ non est. Unde manifeste per injusti-
„ tiam peccaret. Et simili ratione injusti-
„ tiam committit, qui mutat vinum,
„ aut triticum, petens sibi dari duas
„ recompensationes; *nam* quidem res-
„ titutionem æqualis rei; *aliam* vero
„ pretium usus, quod *usura* dicitur...
„ Pecunia autem secundum Philosophum
„ in 5. Ethic. . . . principaliter est in-
„ venta ad commutationes facientias:
„ & ita proprius, & principalis pecu-
„ Patuzzi Theol. Moral. Tom. V.

„ nia usus est ipsius consumptio, sive
„ distractio, secundum quod in com-
„ mutatione expenditur. Et propter
„ hoc secundum se est illicitum pro usu
„ pecuniæ mutuata accipere pretium,
„ quod dicitur *usura* “. Cum igitur
„ juxta S. Thom. pecuniæ, vel alterius
„ rei mutuata dominium in mutuata-
„ rium transferatur, sicut omne rei peri-
„ culum, detrimentum, damnum in ipsum
„ redundat, qui semper, quod mutuo ac-
„ cepit, reddere tenetur; ita rei mutua-
„ tæ utilitatem, fructum, commodum in
„ ejus beneficium cedere oportet, & ini-
„ quum est ex aliena re lucrum quaerere.

IV. Usura igitur ex D. Thom est *omne lucrum, quod ex mutuo percipitur*. Quam veritatem luculenter declaravit, & in tuto posuit Bened. XIV. in laud. sua Constituit, aperte docens, & statuens: „ Peccati genus illud, quod
„ usura vocatur, quodque in contracta
„ mutui propriam suam sedem, & lo-
„ cum habet, in eo est depositum,
„ quod quis ex ipsomet mutuo, quod
„ supra natura tantumdem reddi po-
„ stulat, quantum receptum est, plus
„ sibi reddi velit, quam est receptum;
„ ideoque ultra sortem lucrum aliquod
„ ipsius ratione mutui sibi debere con-
„ tendit “. Ex quibus verbis duo man-
„ ifeste tanquam certa declarantur, sci-
„ licet 1. mutuum talem esse contractum,
„ qui nihil reddi postulat supra id,
„ quod datum est; 2. Usuram esse,
„ quando ex mutuo aliquid ultra sortem
„ exigitur. Hoc est, quod docet Scriptura,
„ & semper docuere Patres, & Concilia.

V. Revera in Scripturis tum Vet. tum Novi Testamenti usura vetatur, Deuter. cap. 23. habetur: *Non foenerabis fratri tuo ad usuram pecuniam, nec fruges, nec aliquam aliam rem. Nec moveat, quod subditur sed alieno, quasi*
S f in-

interdictum fuerit Hebræis solum a fratribus lucrum exigere tanquam illicitum; concessum vero ab aliëno extorquere, tanquam honestum, & iustum. Nam, ut optime observat D. Thom. 2. 2. q. 78. art. 1. ad 2. „Judæis prohibitum fuit accipere usuram a fratribus suis, scilicet Judæis, per quod datur intelligi, quod accipere usuram „a quocumque homine est simpliciter „malum: debemus enim omnem hominem habere quasi proximum, & „fratrem, præcipue in statu Evangelii, ad quod omnes vocantur . . . „Quod autem ab extraneis usuram acciperent, non fuit eis concessum quasi „licitum, sed permixtum ad majus „malum vitandum; ne scilicet a Judæis Deum colentibus usuras acciperent propter avaritiam, cui dediti „erant; ut habetur Isaïæ 56. „Animadvertit etiam idem Angelicus, in pluribus aliis locis Sacræ Scripturæ usuram absolutam, & universaliter prohiberi, nimirum Psalm. 14. *Qui pecuniam suam non dedit ad usuram*, Et Ezech. 18. *Qui ad usuram non commodaverit, & amplius non acceperit, ab iniquitate avertetis manum suam. hic iustus est, vita vivet, dicit Dominus*. Quod præceptum in Evangelio confirmavit Christus, dum Lucæ 6. v. 23. indicit: *mutuum date, nihil inde sperantes*. Quæ verba ita Patres interpretantur, ut consilium complectantur, & præceptum, nimirum mutuantes nihil ex mutuo sperare debere, nec titulo gratitudinis, beneficentiæ, vel amoris, immo nec ipsam sortem, si forte non reddi contingat; & hoc est consilium: deinde, ne quidquam lucri, nedum percipiant, sed nec animo ex ipso mutuo sperent; quod est præcepti. Utrumque agnovit in illis verbis & D. Thom. licet alia ratione,

laud. q. 78. a. 1. ad 4. & Quæst. de Malo a. 4. ad 3. scribens in priori loco: *Dare mutuum non semper tenetur homo, & ideo quantum ad hoc ponitur inter consilia: sed quod homo lucrum de mutuo non querat, hoc cadit sub ratione præcepti*. Potest tamen dici consilium per comparationem ad dicta Phariseorum, qui putabant usuram aliquam esse licitam; sicut & dilectio inimicorum est consilium. Sapienter autem animadvertit D. Hieronymus hoc præceptum semper in melius prefecisse, scribens in cap. 18. Ezechiel. „Sed vide profectum. In principio legis a fratribus tantum fœnus tollitur. In Propheta ab omnibus usura „prohibetur, dicente Ezechiele, *pecuniam suam non dedit ad usuram*. Porro „in Evangelio virtutis augmentum est, „præcipiente Domino: *Fœneramini* (scilicet mutuate) his, a quibus non „speratis recipere.

VI. Concilia quoque etiam antiquissima jure divino, & naturali usuram illicitam agnovere, & docuere. Nicænum I. can. 107. hæc habet: „Quoniam multi Clerici, avaritiæ causa „turpia lucra sectantes, obliiti sunt „divini præcepti, quod dictum est, „*quoniam pecuniam suam non dedit ad usuram*, fœnerantes centesimam exigunt &c. „Quibus verbis indicant, non solum Clericis lege aliqua Ecclesiastica veritum fœnerari, sed & omnibus etiam Laicis; cum dicunt *divini præcepti obliiti*. Porro præceptum hoc commune est omnibus hominibus. Quod confirmat Synodus Carthaginensis I. celebrata anno circiter 348. ubi hæc statuuntur: „In nostro Concilio statutum „est, ut non liceat Clericis fœnerari. . . „Etenim de quibus divina Scriptura „sanxit, non ferenda sententia est, „sed exequenda. Proinde quod in „Lai-

„ Laicis reprehendimus, id multo magis in Clericis oportet prædamnari. „ Univerſi dixerunt. Nemo contra „ Prophetas, nemo contra Evangelium „ fiat ſine periculo animæ“. Idem repetunt Concilium Turonenſe anni 461. can. 13. „ & ſequentibus ſæculis. Concilium Lateranenſe II. ſub Innoc. II. ann. 1139. uſurariam pravitatem divinis, & humanis legibus per Scripturam in Ver. & Nov. Teſtamento abdicatam pronuntiat. Et Lateranenſe III. ſub Alex. III. celebratum an. 1179. deſinit, *Uſuras utriuſque Teſtamenti paginis condemnari*. Hinc Summi Pontifices ſemper uſuram ſunt deteſtati. Nam, Alexand. III. lib. 5. Decretalium Cap. Super de Uſuris dicit: *Cum uſurarum crimen utriuſque Teſtamenti pagina deteſtetur*. Urbanus III. can. Conſuluiſti de Uſuris, ſcribit, *bujuſmodi homines (fœneratores) pro intentione lucri, quam habent (cum omnis uſura, & ſuperabundantia prohibeatur in lege) judicandi ſunt male ugere*. Innocent. III. ep. 399. lib. 1. ſic ad Galliæ Epiſcôpos ſcribit: *Tam in Novo, quam in Veteri Teſtamento prohibita ſunt uſuræ, cum veritas ipſa præcipiat mutuam dare, nihil inde ſperantes, & per Prophetam dicatur uſuram, & omnem ſuperabundantiam non accipies*. Et denique in Concil. Vien. ſub Clem. V. definitum fuit: *Si quis in illum errorem inciderit, ut pertinaciter affirmare præſumat, exercere uſuras non eſſe peccatum, decernimus velut hæreticum eſſe puniendum*.

VII. Patres vero omnium ſeculorum uſuram inter crimina collocaſſe, adeo certum, & exploratum eſt, ut Barbeyracius fuiſſet Proteſtantiſibus doctrinam de uſuris quandoque licitis oppugnantibus exprobrat, quod Patrum auctoritate ad eas damnandas rapi ſe ſiniant,

& ſic in Patres debacchatur ſcribens nota 6. in cap. 7. lib. 1. de Jur. Nat. & Gent. „ Omnes eorum declamationes, & contentiones nil aliud evincunt, niſi Patrum leſionem aptam eſſe ad animum, mentefque pervertendas, præcipue ſi ab ingenio exerceatur ad iram prono, & magis implendæ memoriæ quam excolendo iudicio addiſto. Si adeo cordi habent Patrum gloriam; ut pati non poſſint, iudicium poſt ſecula de illis ferri, æque, ac de Scriptoribus nuperis, prius ſolidis argumentis evincant, vel Patres fuiſſe inſallibilitate donatos, aut in errores, qui illis adſcribuntur, non eſſe prolapſos“. Nonnullos ergo ſpeciminis gratia proferam; cum eorum teſtimonia ſuſe, lateque recitata legi poſſint apud Natalem Alex., Petrum Ballatinum, Concinam, alioſque plures, qui ſuſe, & doctè hanc diſputationem expoſuere. S. Hilarius in Pſalm. 14. explicans illa verba, *qui pecuniam ſuam non dedit ad uſuram*, de fœnore ſic ſubdit: „ Fallax hoc beneficium, humanitas fraudulenta, damnoſa hæc benevolentia docetur“. S. Baſilius in præſatum Pſalmum dicit: Ezechiel in maximis malis ponit fœnus, & plus, quam ſortem, accipere; & lex illud luculenter prohibet“. S. Gregor. Nyſſ. in ep. ad Letojum cap. 6. ſcribit: „ Apud divinitam Scripturam, & ſuperabundantia, & uſura ſunt prohibita“. Et Orat. contra Fœneratores ſic clamat: „ Divina quoque Scriptura, quæ nos ad omnem pietatem informat, ubique uſuras prohibet. . . Omnes accuſant fœneratores, nec malo huic mederi, queunt Lex, Prophetæ, Evangeliftæ“. S. Ambroſ. lib. de Tob. cap. 7. „ Nil nequius fœneratoribus, qui aliena

„ damna lucra sua arbitrantur, & dis-
 „ pendio suo deputant, quidquid ab
 „ aliis possidentur “. Et Cap. 14. „ Non
 „ novum, neque perfectorium hoc
 „ malum est, quod veteris, atque di-
 „ vine legis præscripto inhibetur. Po-
 „ pulus, qui despoliaverat Ægyptum,
 „ qui pede transferat mare, monetur
 „ a fœnoris pecunia cavere naufragio,
 „ & cum de aliis peccatis semel... de
 „ fœnore sæpius innotavit “. S. Joan.
 „ Chrys. serm. de utilitate lectionis Sa-
 „ cræ Scripturæ scribit: „ O magnam,
 „ & ineffabilem Dei bonitatem! qui
 „ hominibus prohibet, usuras ne exi-
 „ gant, ipse exigit usuras “. Et hom.
 „ 4. in cap. 17. Gen. rursum scribit:
 „ Ab initio olim Deus Judæis cras-
 „ tibus tale dedit præceptum dicens,
 „ non fœnerabis fratri tuo, & proximo
 „ tuo. Qua igitur excusatione digni
 „ erant, qui Judæis sunt inhumaniores,
 „ & post gratiam, & tantam a Domino
 „ benignitatem inveniuntur iis, qui
 „ sub lege fuerunt, inhumaniores,
 „ immo peiores “? Paria habent SS.
 Hieronymus, Augustinus, Athanasius,
 Leo Magnus, Joan. Damascenus, cete-
 rique omnes.

VIII. Porro usuræ nomine præfati
 Patres non solum mordentem, & excec-
 dentem veterem docuere, sed & mini-
 mamque qualemcumque accessionem supra
 sortem reprobarunt. Nam 1. nulla pe-
 nes ipsos distinctio usuræ licitæ, & il-
 licitæ, mordentis, & benignæ; sed
 universim omnem detestantur usuram.
 2. Aperte qualemcumque accessionem
 damnant. Nam Clemens Alex. lib. 2.
 Stromatum universim statuit, *ex usuris*
pecuniam colligere iniquum est. Tertu-
 lianus usuram dicit *qualemcumque redun-*
dantiam lib. 4. ad Marcion. Lactantius
 lib. 6. Divin. Instit. *Plus accipere,*

quam dederis, injustum est. S. Ambros.
 in cap. 4. Tob. *Quodcumque sorti acce-*
dit, usura est, quid velis ei nomen im-
ponas, usura est. S. Hieronymus in cap.
 18. Ezechiel. *Usura est, si ab eo, quod*
dederint, plus acceperint. S. Augustinus
 in Psalmus 26. Serin. 3. *Si mutuum pec-*
uniam dederis, a quo aliquid plus, quam
dedisti, expectes accipere, non pecuniam
solum, sed aliquid plus, quam dedisti,
sive illud triticum sit, sive olivum, sive
viam, sive quodlibet aliud plus, quam
dedisti, expectes accipere, fœnerator es.
 Et pari pacto Scripturæ testimonia,
 quancumque etiam minimam accessio-
 nem, sive lucrum excludunt, dum ju-
 bent, ne plus, quam datum sit, ac-
 cipiamus, *ne usuras accipias ab eo, nec*
amplius quam dedisti. Levit. 25. *Ad usu-*
ram non commodaverit, & amplius non
acceperit. Ezech. 18. & 22. In his ita
 limites figuntur, ut eos nullo pacto li-
 ceat, nec minimo transilire.

IX. Pari pacto Patres, & Scripturæ
 usuram vetant, non solum a pauperi-
 bus, & egenis, sed & ab omnibus
 universim; licet sint divites negotiato-
 res, sive qui rem suam amplificare vo-
 lunt. Quandoquidem Scriptura a fratre
 usuras recipere vetat. Porro post Evan-
 gelii præsertim prædicationem, omnes
 homines in Christo fratres sunt: ea-
 propter absolute Christianis interdictam
 asserit usuram. Jam audivimus Chrysos-
 tomum Christianos Hebræis æquiparan-
 tem, immo peiores esse dicentem, quia
 a fratre usuram exigant. Nunc audia-
 mus S. Basilium hom. in Psalm. 14. re-
 centium Doctorum limitationes labe-
 factantem his verbis: „ Verum ille
 „ graves usuras mutux pecuniæ exigit;
 „ sed nos profecto aliqui remittimus,
 „ & minori daturi sumus fœnore. Ta-
 „ lia consingens, verbisque hujusmodi
 „ blan-

„ blanditus misero, ac lenocinatus, „ ubi illum syngraphis obstrinxit, atque, præter urgentem inopiam, libertatem etiam viro abstulit, abir... “ Deinde usuras damnat etiam a divitibus & negotiatoribus extortas, subdens: „ Argentum qui accepit, primum quidem splendidus, & hilaris est... mutatione vitæ inclarescit. „ Laeta enim mensa est, vestis pretiosior, famuli splendidiore habitu induti, adulatores, compotatores, fucic domorum innumeri. Sed cum sensim diffuunt pecuniæ, tempusque progrediens secum sænus advehit, tum ei requiem non afferunt noctes, non dies hilaris est, non sol jucundus, sed eum vitæ tædet... Interierim fœneratores, quæ in ædibus habes, perferuntur. Tua indignantur commercia... Quamquam videmus non necessariorum indigos ad sænus confugere; neque enim sunt, qui eis credant. At fœnore sumunt pecuniam homines, qui se in laxiores expensas, & in luxum inutilem effundunt... Arqui, inquis, multi etiam fœnore facti sunt divites (negotiis scilicet, mercatibus, empirione prædiorum &c.) At plures, arqui, bitur, ad laqueos pervenerunt. Tu vero dīratos quidem respicis, stragulos vero non numeras... S. Ambrosius pariter a negotiatoribus usuras exigere illicitum, & a lege divina vetitum prædicat laus. lib. de Tobia cap. 14. scribens: „ Ita Deuteronomio scriptum est: „ Non exiges a fratre tuo usuram pecuniæ, & usuram escarum, & usuram omnium rerum, quæcumque fœneraveris fratri tuo. Vides, quantum pondus in verbis sit? Noli, inquit, exigere usuram a fratre tuo: „ & cum quo omnia habere debes com-

munia, ab eo tu usuram exiges?... „ Et quia plerique refugientes præcepta legis, cum dedecit pecuniam negotiatoribus, non in pecuniis usuras exigunt, sed de mercibus eorum emolumenta percipiunt, ideo audiatur, quid lex dicat, neque usuram escarum accipies, neque omnium rerum, quas fœneraveris fratri tuo. Fraus enim ista, & circumscriptio legis est, non custodia. Et putas, te pie facere, quia a negotiatore velut mutuum facis? Inde ipse fraudem facit in mercium pretio, ut tibi solvat usuram... Denique rem extrinsecus omnem controversiam posuit. Benedictus XIV. dum in sua Constit. laudata docuit, declaravit, sanxit: „ Neque ad istam labem purgandam ullum accessum subfidium poterit ex eo, quod sit lucrum non excedens, & nimium, sed moderatum, non magnum, sed exiguum, vel ex eo, quod is, a quo id lucrum solius causa mutui depositur, non pauper, sed dives existat, nec datam sibi mutuo summam relinquitur otiosam, sed ad fortunas suas amplificandas, vel novis comendis præstitis, vel quæstuosis agentis negotiis utilime sit impensurus... X. Nunc multiplex usuræ dīvisio est exponenda. Et primo animadvertendum, usuræ nomen hic accipi, non solum in deteriorem partem, quatenus lucrum ex mutuo illicitum importat; sed in ampliori significatione, quatenus etiam aliquod lucrum occasione, sive causa mutui licite percipi potest. Hoc igitur pacto sumpta primo dividitur in lucratoriam, compensatoriam, & punitoriam. Lucratoria illa est, quæ lucrum affert ex solo mutuo; proinde semper illicita, & injusta. Compensatoria vero, quæ damnum refarcit, quod mu-

mutuator subiit ob præstitum mutuum; quæ quando licita sit, inferius dicemus. Punitoria vero, quæ mutuatoria infligitur ob culpam moræ in restituendo.

II. Dividitur in formalem, & expressam, seu in virtutalem, & palliatam. Prima lucrum importat ex ipso mutuo.

Altera vero lucrum usurarium sub aliqujus contractus, puta census, cambii, pignoris &c. fuco celsa, & obtegic.

III. Dividitur in realem, & mentalem. Illa pacto perficitur; hæc vero sola mente retinetur, dum quis ob præstitum mutuum se sperat aliquid a mutuatario recepturum.

Et hanc quoque mortalem usuram a suis fidelibus exulare jubet Christus, dum dicit: *Mutuum date, nihil inde sperantes.* Et præcedenti versiculo dixerat: *Si mutuum dederitis iis, a quibus speratis accipere,*

quæ gratia vobis est? Nam & peccatores peccatoribus senerantur, ut accipiant equalia.

IV. Denique in conventionalem, & necessariam dividitur: in priore lucrum ex mutuo percipitur ex pacto usurario: in altera vero non ex aliquo pacto, sed necessario lucrum consequitur ad servandum mutuantem omnino indemnem ob culpam, vel moram mutuatarii.

XI. Mutuum autem dare possunt omnes, qui suorum bonorum liberam habent administrationem, ut de ceteris contractibus diximus. Nihil enim peculiare hic notandum, nisi ex Senatus

Consulto Macedoniano vetitum esse filiis-familias, & pupillis mutuum dare sub pœna emittendæ pecuniæ mutuo datæ, a qua solvenda omnino liberantur filii-familias, & pupilli, quando etiam liberi facti sunt, & sui juris.

Quod tamen ad juris naturalis æquitatem ita temperandum est, ut si filius-familias sit mutuatus; ut de sibi neces-

sariis ad vitam, sanitatem, educationem provideret, teneatur ejus pater, vel ipse post obitum patris mutuatam pecuniam restituere.

At si mutuum datum sit ab eo, qui vel noverat, vel prudenter suspicari poterat infusendam a filio-familias, vel pupillo pecuniam in ludis, comestationibus, scortationibus, & similibus sceleribus; hic & peccat contra caritatem, & merito punitur amissione pecuniæ mutuo datæ.

Si tamen filius-familias hanc mutuatam pecuniam restituerit, & creditor retinere poterit, & nullum jus competit filio-familias, vel pupillo repetendi pecuniam; ut decernitur in præfato

Senatus Consulto Macedoniano, ubi dicitur: *Sed & ipse filius, si solverit, non repetit.* Mutuum autem accipere possunt omnes, qui indigent, dummodo

sciant, se tempore restitutionis præstito futuros esse solvendo: alioquin creditorem fallerent, & sub fuco mutui rem alienam occuparent; in causa essent ex tunc damni a creditore subeundi in suæ pecuniæ amissione.

XII. Officia vero, & munia mutuantis sunt. 1. Ut mutuatarium de vitia rei mutuo datæ moneat, puta de vino, quod facile accescat, vel de tritico non diutius servando, quia corruptioni obnoxio, & si qua sunt alia, quæ causa damni esse possunt mutuatario.

2. Ut mutuum non repetat ante statutum tempus; & si precario datum sit, non nisi elapso congruo termino.

3. Quod præcipuum, ut nonnisi gratis mutuum det, nihil vel exigendo, vel sperando, ut inferius fufe explicabimus. Mutuatarii vero officia sunt. 1. Ut statuto elapso mutui tempore acceptum mutuum reddat; si vero precario datum sit, quando opportune creditor restitutionem petit.

2. Ut si in causa sit damni

mutuantis, illud refarciat. 3. Ut acceptum mutuum reddat in eadem quantitate, & qualitate vel physice, vel moraliter, ut ex dicendis patebit.

CAPUT DECIMUM.

CONSECTARIA PRECEDENTIS
DOCTRINÆ.

- I. *Falsa usura notio exploditur.*
- II. *Falsa quoque distinctio refutatur.*
- III. *In mutuo habetur translatio domini.*
- IV. *Pecunia non est materia locationis, & conductionis.*
- V. *Pecunia de se sterilis est.*
- VI. *Lucrum ex usura perceptum est restituendum.*
- VII. *Usura parvitatem materia admittit.*
- VIII. *Reus est usura, qui ex mutuo aliquid exposcit, etiam titulo gratitudinis.*
- IX. *Quinam sint mentalis usura rei.*
- X. *Quid restituendum in mutuo.*
- XI. *Quid, si moneta pretium interim augetur.*
- XII. *Qui mutuum petit & accipit sub usuris, non semper est a peccato immunis.*

CONSECTARIUM PRIMUM.

I. **F**ALSA omnino est notio mutui, ab aliquibus Theologis tradita, nimirum quod ita sit opus misericordiæ, & caritatis, quo pecunia datur mutuario indigenti in ejus commodum ad determinatum tempus, ut hac sublata notione tollatur omnino distinctio mutui a ceteris contractibus: nam translatio domini, & debitum reddendi tantumdem reperiretur etiam in venditionibus conditionatis. At perperam, & falso hæc definitio adstruitur. Nam licet verum sit, mutuum pauperibus, & indigentibus datum, esse opus misericordiæ,

& caritatis, cum nullus ex iustitia mutuum dare teneatur; quod tamen gratis omnino detur, non ad caritatem pertinet, sed ad iustitiam; cum ex mutuo lucrum ullum absque usura percipi non possit, sive pauperi detur, & indigenti, sive diviti, & facultates suas augere volenti. Nec per hoc mutuum a ceteris discriminatur contractibus, qui pariter, licet non gratuiti, ex caritate tamen imperante prodire possunt, & ducente misericordia: ut si quis in annonæ caritate frumenta sua vili pretio vendat, vel advenæ, & peregrino testum in populosa civitate non inveniēti quis suæ domus partem locet, aliis non locaturus. Sicut & contra decepta gratuitate minime cum aliis contractibus confunditur mutuum, ut cum venditione ad tempus. Nam 1. in hac non tantumdem restituendum est; sed omnino idem, idest eadem domus, idem ager, eadem prata. 2. Res vendita non consumitur, sed permanet, & perseverat. 3. Pereunte re vendita, puta incensa domo, rapto a flumine agro, nec alter sem, quæ amplius non extat, nec alter pecuniam restituere tenetur. At in mutuo dominium quidem transfertur: sed 1. rei usu consumptibilis, quæ non perseverat, sed vel physice, vel moraliter destruitur. 2. Non est restituendum idem, sed tantumdem. 3. Si res mutuo data pereat, quocumque demum fato id contingat, semper mutuatarius reddere tenetur. Gratuitum itaque sit, oportet, mutuum, ut honestum, licitumque sit, non ut mutui naturam non amittat, quæ & in scænebri mutuo tota reperitur, sed labe usuræ inquinata.

CONSECTARIUM SECUNDUM.

II. *Falsa est in mutuo distinctio usus*
con.

consumptionis; & destructionis ab usu incrementi, & lucri. Hanc invexere nonnulli usuræ patroni, sic eam explicantes. Duplici enim causa datur alteri res usu consumptibilis, Nimirum 1. vel ut eam in suum commodum destruat; & hoc est proptie mutuum, quod omnino gratuitum esse debet, nec quidquam pro tali mutuo accipi potest. 2. Vel ut rem non in suum commodum consumat, & perdat, sed ut per eam negotiaretur, lucrumque percipiat; ut cum Mercatori datur pecunia ad negotiandum, nobili ad possessiones recuperandas &c., & tunc lucrum licet percipere. Nam, inquit, mutuum proprie est traditio rei ad usum consumptionis; ac propterea sterile est & mutuant, & mutuuario. Contra, si res detur ad usum incrementi, est contrarius quidam commercii, ex quo lucrum percipere nequaquam illicitum est. Verum hæc distinctio ad fucum faciendum, & ad usuras regendas inuenta est. Nam pecunia, siue detur ad usum consumptionis, siue ad lucrum & incrementum, semper data est, ut consumatur. Quamobrem qui pecunia mutuo accepta merces emit, ipsam pecuniam consumit; nec ad mutuum pertinet, quod pecunia virtualiter perseveret id emptis mercibus: sicut nihil refert ad mutuum, quod pecunia pauperi data perseveret virtualiter vel in pane, vel in veste per eam emptis; alioquin mutuum non diceretur datum, nisi consumptio vel pane, vel veste. E contra si pecunia data mercatori perseveret in mercibus, hisce forte consumptis, & pereuntibus, vel cessaret commercii contractus, & data pecunia vel degenerat in mutuo ad consumptionem, vel amplius repeti non potest a mutuantе pecuniam; quæ duo profecto absurdissima sunt. Ad mutuum

itaque satis est, ut res consumptibilis alteri detur cum onere tantumdem restituenti, siue postea mutuarius rem acceptam in suam utilitatem consumat, siue ad lucrum captandum adhibeat; hoc enim omnino extraneum est contractui mutui. Nam si quis mutuum ab alio pecuniam accipiat animo eam in emendis mercibus infundendi ad lucrum & postea vel mutata volumare, vel urgente necessitate in sui utilitatem consumat, non minus mutuum perseverare nemo ambigit, & mutuarium semper ad tantumdem reddendum teneri.

CONSECTARIUM TERTIUM.

III. In mutuo habetur translatio dominii, & vera alienatio rei mutuo datæ. Hanc veritatem, quam semper omnes tenuere Patres, Pontifices, Concilia, Jurisperiti, & Theologi, qui semper pro comperto habuere, dominium in mutuo mutuantе in mutuatarium transferri, recenter in dubium revocarunt usuræ Patroni Salmasius, Broderseus, Scipio Massejus, alique; sed quam falso, & inique, 1. patet ex laudato communi sensu omnium seculorum, & Scriptorum. Immo & ipsis secularibus legibus; hoc tanquam axioma, & certum principium constituitur lib. 3. Instit. art. 15. *Quoniam nobis non eadem res sed alia ejusdem nature, & qualitatis redduntur, inde etiam mutuum appellatum est, quia ita a me tibi datur, ut ex meo fiat tuum, & ex eo contractus nascitur actio, qua vocatur conditio.* Et Paulus Juristic. lib. 2. ff. de rebus creditis absolute tanquam legale axioma statuit: *Appellata est mutui datio, quod de meo tuum fit; & ideo, si non fiat tuum, non nascitur obligatio.* Consonat & jus Canon. nam in extravag. ad conditorem, tanquam certissima re-

gula constituitur: *Jus utendi separatim a proprietate, seu dominio in rebus, quæ usu consumuntur, nequid constitui.* Hujus domini translationem evincit & ipsum factum, scilicet mutuum: nam totum illud jus, quod in mutuatam pecuniam ante mutuum mutuatori competebat, totum in mutuararium transfertur: sicut enim mutuans poterat ante mutuum pecuniam illam donare, projicere, ludere, commutare; ita post mutuum, totum hoc integrum, perfectum, nullo modo imminutum convenit mutuarario, qui mutuatam pecuniam, quod sibi lubet modo, potest infumere, lubet, donare, legare, commutare. Ergo integrum obtinet dominium. Idem confirmat S. Thom. ex ipsa natura rei mutuo datæ, quæ talis est, ut concessio jure utendi, & ipsum dominium translatum omnino intelligatur. Nam quamvis in rebus usu consumptibilibus, in quibus solum locum habet mutuum, usus meri facti ab ipso dominio queat separari, seungi tamen nunquam potest dominium a jure utendi; cum totus usus sit in ipsius rei consumptione. Hinc scribit 2. 2. q. 78. a. 1. „ Quædam res sunt, quorum usus est ipsa rerum consumptio ... unde in talibus non debet seorsum computari usus rei a re ipsa; sed cuicumque conceditur usus, ex hoc ipso conceditur res, & propter hoc in talibus transfertur dominium“. At in re apud Catholicos omnes comperta adstruenda non est diutius immorandum, sed solum adversariorum sophismata diluenda.

Opponent itaque 1. Pecuniam mutuo datam adeo adhuc ad mutuantem pertinere, ut de illa libere queat disponere donando, legando, ludendo; non ergo abiecit dominium. 2. Et revera nemo mutuans intendit pecuniæ

Patuzzi Theol. Moral. Tom. V.

suæ dominium a se abicere, sed sibi adhuc retinere; non enim donare pecuniam intendit, quod profecto alienationem, & translationem inferret dominii. 3. Immo & ipsi mutuatarii mutuo acceptam pecuniam non pro sua reputant, sed mutuantis, cui debitores se constituentur. 4. Quamobrem quando facultates librantur mutuantis, inter res ejus credita enumerantur; quando vero mutuatarii, hæc in alieno ære recensentur. 5. Quid, quod & ipsæ leges hoc idem agnoscunt & statuunt. Nam L. 213. ff. de verb. signif. dicitur: *Et alienum est, quod nos aliis debemus; ac suum est, quod aliis nobis debent.* Hinc cum pecunia mutuo accepta sit debitum, merito latine dicitur *ac alienum*. 6. In pecunia, vel alia quacumque re usu consumptibili mutuo data, duo sunt distinguenda, nimirum corpus rei, ipsæ scilicet monetæ, triticum, vinum &c. & quantitas pecuniæ modii tritici, cadi vini &c. prioris quidem transfertur dominium, quia usu res consumuntur, nec eadem reddendæ sunt, aut reddi possunt; at non quantitas, quæ semper perseverat, & ad æqualitatem reddenda est, & hujus dominium minime transfertur.

Verum hæc nimium levia sunt, & imbecilla, ut a communi sententia vel leviter nos dimovere possint. Ad 1. igitur dicimus, id quod subest dominio creditoris, & de quo libere disponere potest donando, vendendo, ludendo, non est pecunia mutuo data; sed jus, quod habet ad illam suo tempore recipiendam, quod commune est omnibus contractibus: sic qui domum vendidit, nec pretium recepit, qui agros locavit, & locationis mercedem non accepit, adhuc potest libere de pretio venditionis, & locationis disporre, quia

T 1

ul-

ullum habeat amplius vel domus, vel usufructus agræ dominium. Confundunt igitur inepte, & imperiæ dominium rei, & jus ad rem, vel in re: illud abdicatum est a mutuantē; hoc adhuc in illo remanet. Quare optime Boethius explicans verba Tullii: *mutuum differt, in arca ne positum sit argentum, an in navis debeatur*, scribit: „Nam „quæ posita in arca pecunia est, juris „est nostri. In nominibus autem debita non est nostra; nam quod mutuum datur, ex meo sit accipientis“. Ad 2. Qui mutuo dat, donare profecto non vult: nam donatio non quamcumque importat translationem dominii, sed talem, quæ nullum relinquit jus in donante ad rem donatam. At in mutuo sibi reservat mutuatur jus ad tantundem suo tempore repetendum, & recipiendum: & hoc solum respicit, non dominium rei mutuo datæ, de quo nihil est sollicitus, sive res pereat, sive servetur, sive noceat, sive lucrum mutuuario ferat. Ad 3. Quod & dicendum de mutuuario, qui mutuatam pecuniam ita in suum transisse plenum dominium agnoscit, ut de illa libere, & ut sibi libere disponit, ac cum sentiat onus restitutionis suo tempore præstandæ, tale quoque se obtinuisse dominium sentit, gravatum scilicet debito restitutionis; quod & aliis quoque contrahibus commune est; qui enim eredito domum, agrum, cibos emit, illorum quidem dominus efficitur, & de illis rebus libere disponit; ita tamen, ut pactum pretium reddere teneatur. Ad 4. Nihil mirum, si in facultatum libratione pecunia mutuo accepta inter aliena computetur, sicut mutuo data inter propria; quia mutuatarium semper urget onus restitutionis, & mutuantis jus competit repe-

tendi datam pecuniam: jura autem pro ipsa re, vel debita, vel accipienda sumuntur, quasi locum ejus occupantia; ut statuunt Jurisconsulti, & habetur ff. de verb. signif. L. 143. ubi dicitur: *Non id apud se quis habere videtur; de quo habet actionem, habetur enim, quod peti potest*. Ad 5. Ratione hujus juris ex parte creditoris, & oneris ex parte debitoris pecunia mutuo data dicitur res alienum; at non quia revera in mutuo non sit translatus dominium. Audiatur Paulus Jurisconsultus L. 39. ff. de verb. signif. *Bona intelliguntur cujusque, quæ deducto ære alieno supersunt. Quod enim a me jure aliquo, aut actione auferri potest, meum non esse censetur, sed alienum; quamvis ejus dominium, & proprietas ad me pertineat*. Sic in ære alieno locum habet non solum pecunia mutuata, sed & pretium domus emptæ non solum: & tamen nemo inficiabitur in venditione transferri dominium. Ad 6. Illa distinctio in rebus usu consumptibilibus corporis a quantitate, mera chimæra est, & inane figmentum. Nam in mutuo non abstracta quedam, & generica quantitas alteri traditur; sed hæc determinata quantitas, quæ pecuniam, aut rem consumptibilem afficit, & determinat, & quæ revera inseparabilis est ab ipso corpore rei. Hinc alienatio non speciem, sed individuum respicit: quomobrem qui domum, equum, agrum emit, non solum corpus emit, sed & ejus quantitatem, & cetera inseparabilia adjuncta. At, inquirunt, in mutuo idem corpus non est restituendum, ac eadem quantitas. Utique & quantitas, quæ redditur, non est eadem nisi moraliter, ac quoad æquivalentiam; non quoad entitatem, quæ corpori adhæret, & eo mutuo, & ipsa

mutatur. Sed de his triticis sat superque.

CONSECTARIUM QUARTUM.

IV. Pecunia non est materia locationis, & conductionis. Hujus veritatem propositionis, quæ de se manifesta est, & tanquam certa per plura secula apud omnes habita, novissime oppugnaverunt Salmasius, Broderseus, ejusque Excriptor Italus in suo Opere de occupata pecunia (dell' impiego del denaro) qui censent, eodem modo posse pecuniam locari, quo locantur agri, vineæ, prata, domus; ac proinde, sicut ex istis, ita ex illis lucrum posse percipi. Verum falsitatis eos redarguunt omnes utriusque Juris periti, & Theologi, qui semper locationem a mutuo distinguerent. Nam locationis nomine intellexerunt semper concessionem usus, *dominio retento*, seu *salva rei substantia*. Quamobrem duo ad justam locationem tanquam necessaria postularunt, nimirum 1. ut concederetur usus rei, & talis quidem usus, qui utilis esset, & verus; nemo enim conducere vult, quod nulli usui deservit: 2. ut rei ad usum concessæ dominium penes locatorem remaneat; si enim transferatur dominium, non amplius pro usu rei pensio est solvenda, cum nullus unquam teneatur pretium solvere pro re sua. At in mutuo cum non alius sit usus, quam rei consumptio, non distinguitur ab ipsa re; proinde non potest concedi usus, quin concedatur dominium. Non potest igitur mutuo ratio locati convenire; cum non sit usus rei salva substantia, immo totus usus sit in consumptione substantiæ. Qui igitur ex mutuo lucrum percipit, bis eandem rem vendit, ut docet sapientissime D. Tho. sic scribens 2. 2. q. 78.

a. 1. 3. Si quis seorsum vellet vendere vinum, & vellet seorsum vendere usum vini, venderet eandem rem bis, vel venderet id, quod non est. Unde manifeste per injuriam peccaret. Et simili ratione injuriam committerit, qui mutuat vinum, aut triticum, petens sibi duas recompensationes, unam quidem restitutionem æqualis rei, aliam vero pretium usus, quod utra dicitur. Luculentius rem declarat in III. sent. dist. 37. q. 5. a. 6. Quidam dicunt, quod ideo pecuniam pro certo lucro concedere non licet, sicut domum, vel equum, vel alia hujusmodi; quia pecunia non deterioratur usu, sed aliis rebus aliquid deperit ex usu. Sed ista ratio non est generalis, quia in aliquibus rebus, pro quorum concessione aliquid potest accipi licite, nihil usu deperit; sicut in concessione, ne domus ad unum diem. Et præterea pretium, quod accipitur, non commensuratur damno, quod accidit ex usu rei; non enim tantum deperit in mutuo, quantum datur. Et ideo alii assignant aliam rationem, quia videlicet quando pecunia mutatur, transfertur dominium, quod non sit in domo, & aliis rebus. Justum autem videtur, quod pro usu rei, quæ mea remanet (scilicet domus) aliquid accipere possim; sed pro u'u pecuniæ, quæ sit alterius, ex hoc ipso, quod mutatur, aliquid accipere, nihil aliud est, quam accipere aliquid ab alio pro usu rei propriæ: & ideo videtur, quod est quedam exactio, & peccatum. Hinc Ulpianus L. 3. ff. commodati §. 6. tanquam legale axioma statuit, non posse commodari id, quod usu consumitur. Si ergo commodari; quod gratuitum quid

„quid sonat, non licet; multo minus locari, quod onerosum est. Verum hæc distinctio mutui, & locati ita semper omnium animo infedit, ut Auctor Operis Imperf. in Matthæum inter Opera S. J. Chrysost. scripserit hom. 38. in cap. 21. Matth. „Adhuc aliquis dixit: „Qui agrum locat, ut agrariam recipiat, aut domum, ut pensiones recipiat, nonne est similis ei, qui pecuniam dat ad usuram? Absit. Primum quidem, quoniam pecunia non dat aliquem usum disposita est, sicut ager, vel domus, sed ad pretium emendi, vel vendendi. Secundo, quoniam qui agrum habet, arat eum, & fructum accipit ex eo; similiter & qui locat agrum, vel domum, usum dare videtur. At pecuniam accipere, & quodammodo quasi commutare videtur lucrum cum lucro. Pecuniam autem si repositam in sacculo teneas, apud te, nullum usum capis ex ea. Tercio ager, vel domus veterascit utendo; pecunia autem, cum fuerit mutuata, nec minuitur, nec veterascit. Quæ Auctoris argumenta luculenta, & prope divina Francisco Hortomanno tom. 1. cap. 3. visa sunt, & Nodt lib. 1. cap. 7. luculentissima, & gravissima appellare non dubitavit. Non est igitur pecunia idonea locationis materia, proinde mutuo data legitimum lucrum non reddit.

CONSECTARIUM QUINTUM.

V. Pecunia de se sterilis est. Hanc quoque veritatem apud omnes certam oppugnarunt memorati Auctores; qui pecuniam distinguunt datam ad consumptionem, quæ profecto sterilis est, ab ea, quæ datur ad lucrum, ad negotiationem, ad prædia emenda, quæ profecto non sterilis, sed fecunda est.

Sed quaecumque pecuniam de se sterilem esse, adstruit S. Thom. 1. 1. ex Sententiaris subdens: „Omnes aliæ res ex se ipsis habent aliquam utilitatem. Pecunia autem non, sed est mensura utilitatis aliarum rerum; ut patet per Philosophum 5. Ethic. & ideo pecuniæ usus non habet mensuram utilitatis ex ipsa pecunia, sed ex rebus, quæ per pecuniam mensurantur, secundum differentiam ejus, qui pecuniam ad res transmutat. Unde de accipere majorem pecuniam promissi, nihil aliud esse videtur, quam diversificare mensuram in dando, & accipiendo; quod manifeste iniquitatem continet. Quod iterum repetit, & confirmat 2. 2. q. 78. art. 1. omnino legendo. Nihil docuit D. A. quod ex antiquis PP. non acceperit, qui hanc pecuniæ sterilitatem agnoverunt, & prædicarunt. S. Greg. Nazian. Orat. 15. in plagam grandinis scribit: *Alius usuris, & fœnoribus terram contaminavit, colligens, ubi non seminaverat, & metens ubi non sparserat.* S. Basilus in Psal. 14. sic usurarium increpat: *Sine terra plantas, sine satione metis.* Quod & repetit S. Greg. Nyss. Orat. cont. fœneratores dicens: *Fœnerator vult omnia sibi sine saturo, & inarata progigni.* Et iterum paulo post notat, *as, & aurum parere non solita, in fœnore partum edere;* quam fructus cum sterilitate conjunctionem, hom. 4. in Eccles. improbam appellat, *quam natura quidem non novit.* S. J. Chrysost. ho. 56. in Matth. scribit: *Fœneratorem sine terra, sine pluvia, sine aratro seminare.* Et paulo post asserit: Non minus repugnare pecuniæ fœvum, id est usuram edere, quam repugnet utero mulieris scorpiones parere, dicens: *Qui pecuniam iustis parvam laboribus sepe reddit iniquam ob iniquam*

fœtus, ut si quis fœcundum uterum cogat scorpiones parere. Quid, quod & ipsi Genules Philosophi hanc veritatem solo naturali lumine agnovere? Hinc Aristoteles laud. a S. Th. a. 1. cit. q. lib. 1. de Repub. cap. 10. de scœnebris arte sic scribit: Illa autem, quæ in permutatione nummi consistit, merito vituperatur (non enim natura consentanea est: sed in ea alter ab altero lucrum aucupatur) optima ratione omnibus in odio est ratio fœneratrix, quod ab ipso nummo questus fiat, & non ad quam rem paratus est, usurpent. Permutationis enim causa natus est; sanus autem cum auget, & multiplicat; unde etiam nomen hoc invenit. Similia enim sunt ea, quæ pariuntur iis, quæ gignunt, & procreant. In fœnore autem pecunia pecunia partus, ac fœtus est. Quapropter maxime omnium querenda pecuniæ ratio, cum abhorreat hac a natura. Seneca lib. 7. de Benef. cap. 10. Quid sanus, & Kalendarium, & usura, nisi humana cupiditatis extra naturam quesita nomina? Porro extra naturam dicit usuram; quia contra indolem pecuniæ est fructus parere. Immo & ipsi Jurisconsulticlare definiunt, usuram in fructu non esse, idest non legitime ex ipsa pecunia, quæ sterilis est, enasci. Pomponius L. 121. ff. de verb. signif. scribit: Usura pecuniæ in fructu non est, quia non ex ipso corpore, sed ex alia causa, idest nova obligatione. Papin. L. 6. de ver. vind. Usura non natura provenit, sed jure (idest concessione Principis) persolvitur. Et Just. lib. 2. Instit. tit. 4. aperte declaravit: Usum fructum nulla naturali ratione cadere in res, quæ ipso usu consumuntur. Et reverea ipsa naturalis ratio id evincit. Nam usus pecuniæ non perseverat, sed unico brevi actu, & momento perficitur, & cessat; cum nonnisi in ejus desti-

atione per permutationem consistat; non potest ergo, quod amplius non est, effectus, & fœtus producere. Quæ consumptio cum æque habeatur, sive pecunia mutuo detur ad emendos cibos, sive ad emendas merces, semper ærilitis sit, oportet; cum semper cesset existere, proindeque inepta sit partus producere.

At iniquum, immo fœcundissima est pecunia, quia per eam emuntur, & comparantur agri, vineæ, prata, quæ fœcundissima sunt, alioquin inæqualis esset, & iniqua commutatio, qua stœxile pro fœcundo traderetur. At hæc ridenda potius sunt, quam refellenda. Nam hoc posito non liceret nisi agrum pro agro commutare, vel vineam pro prato dare; non vero pro auro, gemmis, vestibus, & similibus infructuosis rebus; immo nec in solutionem pro debito tradere, cum hoc sit sterile. Quod quam absolum sit, non est, qui non videat, rideatque. Porro in æqualitate contractuum non illud est inspicendum, nimirum an qualitates, & naturæ rerum permutandarum sint æquales (alioquin non liceret cibos pecunia emere, cum illi comestioni apti sint, hæc inepta omnino) sed solum num communis æstimator rerum sit æqualis. Quæ æstimator ex plane diversis nominibus petitur, alia scilicet a fœcunditate, alia a pretiositate, alia ab usu, voluptate &c. Sic in agris sola spectatur fœcunditas; si enim nihil producerent; stœcci æstimarentur. Gemmarum vero raritas respicitur, fulgor &c. At pecuniæ æstimator non a fœcunditate, quæ nulla est, sed ab usu ejus proficiscitur; cum sit omnium apertissimum instrumentum ad cætera comparanda. Quamobrem si pro agro tanta solvatur pecunia, quæ ob ejus usum æqualis sit

valori agri frugiferi, iustus erit, licitusque contractus. Eo igitur solo nomine pecunia aliquo nomine fecunda dici potest, quatenus per eam, quæ fecunda sunt, & frugifera, queunt comparari.

CONSECTARIUM SEXTUM.

VI. Lucrum ex usura perceptum est restituendum. Sponte sequitur hæc propositio ex ipsa natura usuræ, quam cum illicitam ostendimus, tum jure naturali, tum positivo divino & humano, licitum lucrum parere non posse, optime concludimus cum S. Thom. 2. 2. l. 1. scribente : „ Proprius, & „ principalis pecuniæ usus est ipse „ consumptio, sive distractio, secundum „ dum quod in commutationem expen- „ ditur; & propter hoc secundum se est „ illicitum pro usu pecuniæ mutuatæ „ accipere pretium, quod dicitur usu- „ ra; & sicut alia injuste acquisita, te- „ netur homo restituere pecuniam, „ quam per usuram accepit “.

CONSECTARIUM SEPTIMUM.

VII. In usuræ peccato admitti potest parvitas materiæ. Hanc positionem in dubium revocarunt Alphonsus de Leone, & P. Nicolaus Gennaro in sua Usura detecta, qui omnem excludunt parvitatē materiæ in usura; & probant Evangelii præcepto indicente, *mutuum date, nihil inde sperantes*; verbo autem nihil purant omne etiam tenuissimum lucrum excludi. 2. Putant gravitatem usuræ non ex ipsa quantitate pecuniæ acceptæ, seu lucri pendendam; sed ex injuria, quæ proximo infertur, quæ gravis semper est, vim enim, & violentiam importat. Quare S. Ambrosius usuram rapinæ cœquet; Et S. Thom. coactionem agnoscit in exactione usuræ,

dum pecuniam ex mutuo acceptam *extortam* pronuntiat l. q. 78. a. 2. & mutustarium solum *coactive* usuras pendere. Eapropter ad hanc duplicem injustitiam respiciens Ecclesia in jure Canonico usuræ crimen *excecrabile* appellat, *impium*, & *inhumanum*. Verum puto a posita assertionem non recedendum. Non enim magis urget præceptum Christi dicentis, *mutuum date, nihil inde sperantes*, quam præceptum Decalogi prohibentis, *non furaberis*; & tamen in furto dari materiæ parvitatē nemo inficiatur. Vis autem, & violentia adhibita non semper tanta est, ut lethale peccatum constituat; cum & ipsa levis esse possit. Et certe levissima est in petente sponte mutuum ab eo, quem novit nisi sub usuris consuevisse dare mutuum; & præsertim si levis sit extorta usura, Ecclesia vero merito usurarium crimen dereferatur, quia raro admodum leve est scœnus quod exigitur: scœnatores enim pecuniam suam non tradunt ob leve lucrum, sed indiscriminatim aggravant ad eos confugientes, & aliena necessitate quæsum suum faciunt; quod profecto inhumanum est, & crudele.

CONSECTARIUM OCTAVUM.

VIII. Reus est usuræ, qui ex pecunia mutuo data lucrato exposcit, licet non ex iustitia debitum, sed solum ex benevolentia, & gratitudine. Veritatem hujus propositionis ostendit Innocentius XI. damnando propositionem aliquorum Casuistarum doctentium: *Usura non est, dum ultra sortem aliquid exigitur, tanquam ex benevolentia, & gratitudine debitum, sed solum si exigitur, tanquam debitum ex iustitia*. Et jure quidem, meritoque, nam Christus Dominus non solum nec minimum exigen-

dum ex mutuo nullo titulo, sed ne quidem sperandum iussit dum dixit: *mutuum date, nihil inde sperantes*. Præterea benevolentia, & gratitudo omnino libera, & voluntaria sit, oportet, tum circa quantitatem, tum circa qualitatem remunerationis; quamobrem non potest subesse pactui, & conventioni: nam his positis jam non amplius ex gratitudine, & benevolentia debetur, sed ex conventionem & pacto. Quare optime observat S. Raymundus in Summa cap. de Usuris §. 4. „Licer, obligatio gratitudinis naturalis sit, „eam tamen non potest creditor deducere in pactum expressum, vel saltem sperare effectum ipsius obligationis naturalis, quia creditor nullo modo debet pactum apponere, nec principaliter spem, vel intentionem, in tali retributione habere, sed propter Deum ex caritate principaliter debet mutuari proximo indigenti“.

CONSECTARIUM NONUM.

IX. Mentalis usuræ reus esse quis potest multipliciter. Explicatur. 1. Mentalem perpetrat usuram, qui mutuum dat spe, & animo aliquid recipiendi tanquam sibi debitum ex iustitia; licet nullum intercesserit reale pactum. Nam hæc prava intentio coram Deo reali æquivaleret usuræ: quapropter, si quid recipiat, restituere tenetur. 2. Si quid speret accipere tanquam debitum ex sola gratitudine, & benevolentia; adeo ut spes huius lucri sit causa principalis, & impellens ad lucrum, sine qua mutuum non daret; quia sicut non licet ex damnata propositione huiusmodi lucrum exigere, ita nec sperare. Præterea cum tota ratio dandi mutuum sit lucrum, satis manifeste apparet hoc a mutuantem respici, & desiderari: parum autem refert; utrum hoc speret ex me-

ra liberalitate, vel gratitudine mutuatarii; cum semper spes in datum mutuum insuat, & sit principalis causa mutui. Quare, ut laxa, rejicienda est doctrina Cajetani, Serræ, Pradi, aliorumque asserentium, licitum esse & habere hanc internam voluntatem, ac spem aliquid recipiendi, & eam mutuatario etiam manifestare, dicendo, se non ambigere de ejus liberalitate, & gratitudine, & probe nosse, se non ingrato beneficium conferre: sicut & alia Tamburini docentis, licere etiam saltem speculative rogare, & excitare, immo & cum mutuatario pacisci de aliquo dando auctario ex mera liberalitate; parum enim, ut mihi videtur, hæc doctrina a damnata distat propositione. Qui igitur aliquid tali intentione recipit, tenetur restituere. Hinc merito docet S. Antoninus in Sum. lib. 2. tit. de Usuris §. 3. dicens: „Alii dicunt, „quibus assentio, quod sola spes, sive intentio facit hominem usurarium: „unde qui sub tali spe mutuavit (id est, est mutuo dedit) pecuniam, quid, quid postea etiam gratis sine sua exactione oblatum ultra sortem accipere, rit, usura est“. 3. Si vero speret aliquid recipere a mutuatario ex ejus liberalitate, & amicitia, sed secundaria intentione, paratus alias animo dare mutuum, etiamsi nihil esset recepturus, non auderem damnare ceu reum mentalis usuræ. Nam docet S. Tho. q. 13. de malo a. 4. ad 13. „Munus aliquod „vel a manu, vel a lingua, vel ab obsequio potest usurarius sperare ex mutuo. Uno modo quasi debitum ex quadam obligatione tacita, vel expressa (*sive gratitudinis titulo, sive iustitie*) „& sic quodcumque munus speret, illi, cite sperat. Alio modo potest aliquod munus sperare non quasi debitum, sed quasi gratuitum absque obligatione

præ-

„præstandum : & sic licite potest ille ,
 „qui mutuat (*scilicet dat mutuum*)
 „sperare aliquod munus ab eo , cui
 „mutuat ; sicut si facit servitium ali-
 „cui , confidit de eo , ut amicebiliter
 „suo tempore servitium faciat “. 4.
 Nec illum damnarem , qui alicui nobili
 potenti viro mutuum daret ad ejus sibi
 captandam benevolentiam , ex qua pos-
 seas sperat opportuno tempore benefi-
 cium aliquod , sive protectionis , sive
 assistentiæ ad aliquod munus lucrosum ,
 quod sperat obtinendum . Nam cum
 primaria ejus intentio feratur in amici-
 tiam , & benevolentiam , quæ non sunt
 pretio æstimabilia , non inficitur usura
 mentali ; licet & prævideat , & speret
 non ex mutuo , sed ex benevolentia ,
 quam sibi mutuo dato comparavit , ali-
 quod recepturum beneficium ; dummo-
 do tamen hoc beneficium primario ita
 ab eo non inspiciatur , ut , nisi illud
 speraret , mutuum non præberet . Nec
 urget paritas simoniæ mentalis , cujus
 ut docet recentior Probabiliorista , est
 æqualis ratio cum usura . Nam ut opti-
 me docet S. Th. 1. q. de malo , maxi-
 mum est discrimen inter simoniam , &
 usuram : quia (inquit D. A.) „ Simo-
 „niacum non dat , quod suum est , sed
 „quod est Christi ; & ideo non debet
 „sperare aliquam recompensationem
 „sibi sciendam , sed solum honorem
 „Christi , & Ecclesiæ : sed usurarius
 „nihil alteri præstat , nisi quod suum
 „est ; unde potest aliquam amicabilem
 „recompensationem sperare per mo-
 „dum prædictum “. Idem docet &
 S. Raymundus lib. 2. cap. de Usuris
 § 4. scribens : „ Hanc naturalem ob-
 „ligationem non potest creditor dedu-
 „cere in pactum expressum , vel sal-
 „tem sperare effectum ipsius obligatio-
 „nis naturalis : quia creditor nullo

„modo debet pactum apponere , nec
 „principaliter spem , vel intentionem
 „in tali retributione habere ; sed pro-
 „pter Deum , & ex caritate debet
 „mutuare indigenti . Et tunc forte , si
 „secundario speret , quod ille debitor
 „sibi remonet , vel aliquod simile , si
 „opus fuerit , non reprobandum “. 5.
 Qui vero dubitat , num , quod sibi a
 mutuatario donari videtur , sit ex
 mera liberalitate , sed prudenter suspi-
 catur , ne ex timore progrediatur non
 amplius mutuum recipiendi non po-
 terit retinere , sed restituere , vel
 repudiare debet ; sicut & munera
 rejicere debitorum , qui non va-
 lentes præstituro tempore debitum red-
 dere , munus aliquod offerunt creditori ,
 ut meram , & longius tempus concedat ;
 quod non raro in pauperibus contingit ,
 qui a divitibus mutuum accipiunt : clare
 enim apparet , hæc munera non gratis
 dari . Uno verbo qui ex dato mutuo
 aliquid accipit , certus esse moraliter
 debet de spontanea liberalitate , & gra-
 titudine donantis , quæ de facili non
 est præsumenda ; ea tamen posita lice-
 bit recipere ; quia , ut scribit S. Thom.
 2. 2. q. 78. a. 2. „ etiam antequam
 „mutuasset , licite poterat aliquid do-
 „num gratis accipere , nec peioris con-
 „ditionis efficitur per hoc , quod mu-
 „tuavit “ .

CONSECTARIUM DECIMUM.

X. In restitutione accepti mutui re-
 stituendum est tantumdem in eadem
 specie , numero , pondere , & mensu-
 ra ; excepta tamen pecunia , de qua
 in sequenti consecratario . Ratio est ma-
 nifesta , quia ira de se postulat ratio
 æqualitatis in restitutione servanda .
 Hinc si mutuo accepti decem tritici
 modios , vel olei cados , vel panis li-
 bras

bras, totidem restituere debes, licet interim aucta, vel diminuta sint a Principe earum rerum pondera, vel mensuræ. Quoad incrementum vero valoris hæc sunt in restitutione servanda. 1. Tantundem restituendum est in pondere, & mensura, si dubium sit, vel æque probabile, num rei pretium sit vel augendum, vel minuendum: nam tunc æquale est ex utraque parte tum beneficium, tum detrimentum. 2. Si nullo habito respectu ad incrementa, vel decrements, sed bona fide darum est mutuum, tantundem pariter restituendum est; cum in hisce rebus quæ usu consumuntur, non tam spectetur valor extrinsecus, quam rei qualitas, & bonitas. At si quis alteri mutuo det triticum, quando multum valet, recepturus, quando procul dubio vilius æstimabitur; nonne absque usuræ labe poterit pacisci vel de incremento pretii persolvendo, vel de frumenti quantitate augenda? Poterit utique: & tunc non iam mutuum erit, quæm venditio; in qua tamen ne sœnus lateat, liberum esse debet emptori, sive mutustario vel pretium in pecunia solvere, vel tritici quantitate augere, donec æquet pretium accepti tritici.

CONSECTARIUM UNDECIMUM.

XI. In restitutione pecuniæ mutuo acceptæ necesse non est ad æqualitatem servandam, ut ejus physica restituatur species, pura argenti, æris, vel auri; sed satis est, si ejus valor extrinsecus reddatur. Ratio est, quia moneta dupliciter spectari potest, nimirum ut merx negotiationi subiecta, & ut pretium, siue communis mensura ceterarum rerum. Ex primo capite inspicitur quidem ipsius intrinseca bonitas, metalli qualitas, & puritas. At

Patuzzi Theol. Mor. Tom. V.

ex posteriori capite nonnisi extrinsecus valor attenditur; alioquin non esset æqua mensura, siue pretium mercium in venditionibus, cum moneta in solutum tradatur non solum juxta intrinsecum metalli valorem, sed cum auctario pro expensis officinæ monetariæ, & pro jure regio; & hæc omnia simul collecta integrum efficiunt monetæ valorem, qui etiam quandoque Principe vel annuente, vel connivente pederentim augetur in populo. Qui igitur mutuo accepit pecuniam, satis est, ut in qualibet monetæ specie tantundem reddat; nisi forte summa mutuo data sit notabilis, & restitutio fiat in viliori ærea monetæ: nam tunc servaretur quidem materialiter æqualitas; at improbus esset redditor, præsertim si nobilem accepisset monetam, cum viliores, & æræ monetæ non nisi ut pro minutis expensis inserviant, institutæ videantur, proinde merito rejici possent a mutuantem.

Quid si interim monetarum pretium augetur? erit ne restituendam tantundem juxta illarum valorem quando mutuo datæ sunt, vel quando restituuntur? Communiter Theologi dicunt, restituendum juxta valorem monetarum tempore restitutionis. Ratio est manifesta: nam cum in mutuo transferatur pecuniæ mutuo datæ dominium, hoc crescit, & decrescit domino: sicut, si monetæ valor fuisset diminutus, teneretur ampliori moneta defectum supplere cum utilitate mutuantis, apud quem nisi, mutuo delisset, fuisset diminuta pecunia; ita pari pacto in ipsius rednndat utilitatem valoris monetæ incrementum, qui tantundem restituat licet minorem monetæ quantitatem reddat. Hanc tamen communem Theologorum sententiam oppugnavit libello typis edito Venetiæ an. 1753. D. Hieronymus Constantini publicus

V v

a

a rationibus Minister, qui hunc ponit casum. Titius Sempronio mutuo dat tercentos nummos aureos Veneros (qui zecchini vocantur) quorum valor communis est libellarum Venetarum viginti duarum, intem ejus valor augetur, ascendens usque ad viginti tres libellas. Sempronius itaque restitutus acceptum mutuum non tercentos reddit nummos aureos, sed solum ducentos octuaginta sex, & libellas duodecim, quibus æquatur valor aureorum tempore mutationis: facta est ne æqualitas, & redditum tantumdem? Negat laudatus Auctor hac duplici ratione. 1. Quia licet restituat tantumdem juxta extrinsecum valorem, minime tamen reddit juxta intrinsecum: nam minorem aureorum numerum reddit, quam accepit, cum loco tercentorum nonnisi ducentos octuaginta sex recipiat; quod profecto non æquum videtur. 2. Aucto monetatum valore augetur & ceterarum rerum pretium; cum pecunia sit communis omnium rerum mensura: si igitur mutuans tercentos recipiat nummos aureos, sicut mutuo dedit, nihil lucratur, quippe quia nonnisi tantum emere posset, & sibi comparare tempore restitutionis, quantum tempore traditionis; at duplex patitur damnum, si non accipiat, quia & auctus est valor rerum, & diminuta pecuniæ summa mutuo tradita. At puto a communi Theologorum doctrina non recedendum: nam adhuc integra, & firma consistit ratio a Theologis adducta, scilicet in pecunia inspiciendum non intrinsecum valorem, sed extrinsecum, qui, ut fatetur laudatus Auctor, in memorata restitutione servatur, licet in minori aureorum summa: augmentum autem in mutuatarii utilitatem redundat ex fortuita humanarum rerum inconstantia, quæ & in illius

poterat cadere dertimentum, si valor, sicut auctus, ita fuisset diminutus. Quippe qui factus pecuniæ mutuatæ dominus, suo periculo stat, vel cadit valor monetatum. Quæ ratio etiam ad alterum argumentum solvendum deservit; cum daratum mutuantis non ex mutuo dato oriatur, sed ex rerum humanarum varietate, & inconstantia.

Quid, si conventum sit, restituendum & valorem, & speciem monetatum? Tunc ad regulam generalem superius datam confugiendum: & si periculum incrementi, vel decrementi valoris æquale sit, forti uterque se committit; & tantumdem tum in valore, tum in specie monetæ restituendum est; si vero inæquale sit periculum, tunc usura committitur, cum onus imponatur plus reddendi, quam acceptum fuerit.

CONSECTARIUM DUODECIMUM.

XII. Non semper, qui pecuniam sub usura mutuo petit, est a culpa immunis. Doctrina est S. Tho. 2. 2. q. 78. a. 4., quod nullo modo licet inducere aliquem ad mutuandum sub usuris: licet tamen ab eo, qui hoc paratus est facere, & usuras exercet, mutuum accipere sub usuris propter aliquid bonum, quod est subventio sumæ necessitatis, vel alterius; sicut etiam licet ei, qui incidit in latrones, manifestare bona, quæ habet, quæ latrones peccant diripiendo, ad hoc quod non occidatur. Ex qua A. P. doctrina manifeste patet, accipientem mutuum sub usuris non peccare, quando ad id cogitur a premente vel sua, vel alterius necessitate. At immunem non esse a peccato scandali, & qui in ipsa mutui petitione statim ultimarum solutionem pollicetur, & exhibet di-

cendo, mutuo da centum aureos, & ego octo pro usura solvam; nam offert, quod illi nec petere, nec accipere omnino licet: & quamvis ille jam sit animo paratus ad non concedendum mutuum nisi sub usuris; iste tamen hac sua oblatione hic & nunc urget ad hoc peculiare crimen committendum. Solum igitur mutuum petere licet, & usuras ex necessitate solvere. 2. Qui pecuniam mutuo petunt, non ut suis subveniant necessitatibus, sed vel ut negotia amplificent, vel in superfluis, & vanis insumant, vel, quod pejus est, ut in ludis, comestationibus, impudiciis perdant; nullus profecto honestus titulus a mutuo sub usuris petendo illos excusat; proinde foeneratoris peccato cooperantur, & illius criminis participes evadunt. Hinc egregie docet Auctor Opusc. 63. D. T. tributi. „ Mercatores peccant, tanquam „ occasionem peccandi præbentes; cum „ necessitas, quæ ponitur ad usuram „ petendam, scilicet ut honorabilius „ vivant, & majores mercationes faciant, non sit talis necessitas, quæ „ sufficiat ad excusandum peccatum „ prædictum.

CAPUT UNDECIMUM.

De duobus titulis damni emergentis, & lucri intercepti causa mutui.

DOCTRINA.

- I. In mutuo contingere potest & lucrum interceptum, & damnum emergent.
- II. Regula generalis traditur.
- III. In quo consistat emergens damnum.
- IV. Titulo damni emergentis ex mutuo licet compensationem exigere.
- V. Conditiones veri damni emergentis.
- VI. In quo situm sit lucrum interceptum.

VII. *Honestatem, & equitatem compensationis intercepti lucri in fure admittit S. Thom.*

VIII. *Cur rejecerit in mutuo.*

IX. *Quomodo se gerere debeat mutuans, ut possit intercepti lucri compensationem juxta exigere.*

X. *Primum argumentum contra honestatem tituli lucri intercepti solvitur.*

XI. *Secundum proponitur, & enodatur.*

XII. *Conditiones veri lucri intercepti.*

I. CUM contingere aliquanto possit, ut causa dati mutui beneficium mutuator vel damnum in rebus suis subbeat, vel iusto priveatur lucro; hinc expendendum, utrum hisce titulis, non ex ipso mutuo, sed causa mutui, aliquid supra datam sortem vel accipere possit, vel pacisci. Prius tamen sunt hi tituli explicandi.

II. Sed operæ pretium duo in antecessum generalem regulam statuere, & explicare, quam tradunt doctissimi FF. Ballarini pro lucro iusto, vel iniusto in mutuo dignoscendo. Regula autem hæc est. Quicumque titulus iustus, honestus, & pretio æstimabilis est in pecunia, furto, vel rapina sublata aliquid præter ipsam pecuniam accipiendi, & exigendi; idem iustus, honestus, & pretio æstimabilis est etiam in mutuo: sicut e contra, quicumque titulus iniustus, illicitus, non æstimabilis est in furto, & rapina; nec iustus sit, nec honestus, nec æstimabilis in mutuo. Quamobrem cum fur, & raptor non solum pecuniam surreptam reddere, sed & totum id facere teneatur, quod intererat domino pecunia furto sublata non caruisse; ita pari pacto, qui mutuo accipit, non solum pecuniam acceptam, sed quod revera mutuanti interest sua non caruisse pecunia, compensare

fare debet. Hinc uterque detrimenta vel lucri intercepti, vel emergentis damni sarcire tenetur. Et sicut e contra fur, & raptor, licet ex suo scelere beneficium reportare non debeat, immo gravandus sit, eo præfortim nomine, quia pecuniæ furto sublatæ non fuit dominium adepius; non tamen restituere tenetur titulo furti lucra, vel emolumenta, ex pecunia furto ablata percepta, licet magna sint & notabilia: ita nec mutuatarius titulo lucri, ex pecunia mutua percepti, adstringitur aliquid supra sortem restituere. Ad hanc igitur regulam expendendos censeo titulos omnes, qui occurrere possunt in mutuo, ut dignosci valeat, num iusti, honesti, rectique sint, & ad aliquid iuste lucrandum idonei. Et quia primo occurrunt duo laudari tituli, lucri intercepti, & damni emergentis, tum a fure, tum a mutuatario sarcienti, de his in hoc capite dicemus.

III. Primus itaque titulus est emergens damnum, quod situm est in detrimento, quod subire debet mutuans in mutuatarii gratiam, & quidem in bonis, quæ possidet; ut si quis pecuniam paratam habeat ad culturam vineæ, ad ædium refectionem, ad censum extinguendum, ad annonam opportune pro familia comparandam: quamobrem si pecuniam mutuo det, vel cogitur annonam carius emere, vel fructus censusolvere, vel domos nequit locare, nec ex vinea fructus percipere. Distinguitur autem a cessante lucro, quia per hoc non subit detrimentum in bonis, quæ possidet; sed in bonis, quæ adipisci, & obtinere sperat. Ita exponit utrumque titulum S. Thom. 2. 2. q. 78. a. 2. ad 1. scribens: „ Ille, qui mutuum dat, potest absque peccato in pactum deducere cum eo, qui mutuum accipit, recompensatio-

„ nem damni, per quod subtrahitur „ sibi aliquid, quod habere debet (& „ hoc est damnum emergens). Recom- „ pensationem vero damni, quod con- „ sideratur in hoc, quod de pecunia „ non lucratur (en lucrum interceptum „ seu cessans) non potest in pactum de- „ ducere“.

IV. Hoc porro damnum emergens esse iustum titulum aliquid occasione mutui exigendi, ad unum fatentur omnes tum juris utriusque periti, tum Theologi. Primi quidem, quia tanquam certum, & legale axioma statuunt, *neminem teneri cum damno suo de proprio beneficium facere*: secundi vero, quia cum S. Thom. 1. 1. hoc non est vendere usum pecuniæ, sed damnum vitare, optime docent.

V. Plures tamen postulant & jure merito condiciones. 1. Est, ut datum mutuum sit vera causa damni emergentis, quod profecto non subisset mutuans nisi mutuum dedidisset: non enim aliud damnum rescire tenetur mutuatarius præter illud, quod ex beneficio accepto benefactori provenit. 2. Ut damnum sit verum, reale, & non confictum, idest reapse imminet, & adit; non vero sit umbratile, confictum, & chimericum: alioquin manifeste pateret inventum ad usuras palliandas. Ut etiam caveatur L. uni. Co. de sententiis quæ pro eo quod uter. Ubi dicitur: *Ut hoc, quod revera inducitur damnum, hoc redatur, non ex quibusdam machinationibus, & immediatis perversionibus in circuitu extinguibiles redigatur, ut dum in infinitum computatio reducitur, pro sua impossibilitate cadat*. Quod si damnum, quod timetur, non certum sit, & exploratum, sed dubium, probabile, & si lubet probabilissimum; solum stipulari licebit de illo compensando, si forte con-

rigerit. 3. Ne alia via hoc damnum emergens præpediti possit, quam per compensationem mutuatarii: si enim alia via impedire illud possit, puta quia aliam habet pecuniam sepositam, mutans non potest damni compensationem exigere; quippe qui detrimentum sibi propria voluntate, non ratione mutui. 4. Ut de damno emergente moneatur mutuatarius, ut sibi prospiciat, num velit, vel sibi intersit cum tali onere mutuum accipere, ne plus graveretur beneficio mutui, quam juvetur. 5. Ne damni emergentis compensatio petatur, antequam eveniat; multoque minus ex ipsa summa mutuo data extrahatur; nam hoc pacto plus reciperet, quam daret, ut optime observat Just. lib. 4. Infit. tit. 6. §. 33. dicens: *Ne quis petat ante diem, vel ante conditionem, qua enim ratione qui tardius solvit, quam solvere deberet, minus solvere intelligitur, eadem ratione, qui prematurè petit, plus petere videtur.* 6. Denique ne amplius exigatur, quam postulet detrimentum, & damnum; nam auctarium non esset datum titulo damni emergentis, cum illud superet; sed titulo mutui, proinde sœnebre esset.

VI. Alter titulus est lucrum interceptum, sive cessans, quod obtinet, quando quis paratam habens pecuniam pro emendis mercibus tempore opportuno, puta messis, frumento, oleo, vino, ut deinde cum lucro distrahat; vel honestis, occupatus negotiationibus, merces ab exteris regionibus sua pecunia ad hoc destinata advehere solet, ut commune bonum, & suam utilitatem obtineat. De hoc titulo altum, scribit P. Concina, apud Patres silentium; deinde Sotum exscribens subdit: „Nullam juris, aut canonici, aut civilis legem

inveniens, quæ hoc permittat“. Verum quoad primum tanto, & tam celebri viro P. Concina libenter concedo, Sanctos Patres expresse nec lucri cessantis, nec damni emergentis, sicut nec moræ culpabilis, nec periculi iuris, vel facti in suis scriptis sermonem habuisse: & certe nullum Patrum attulit Concina testimonium, quod ostendat concessam ab illis pro emergente damno compensationem, quam tamen agnoscit, & fatetur. 2. Fortassis de hisce titulis non sunt aperte locuti, quia vel in praxi ita facile non occurrunt, ut putant communiter Theologi; vel ubi revera adsunt, non ita ex æquo spectari solent, ut usura vitetur: sed plerumque ex humana avaritia, & cupiditate in sœnus degenerant, & ad usuram palliandam adhibentur. Ad rem ipsam indigitantur: nam frequentissime ideo damnant sœneratores, quia de pecunia sibi plane inutili, & otiosa lucrum sœnore quærent. S. Basiliius in Psal. 14. *Inutile tibi argentum da, non gravis illud accessionibus.* S. Gregor. Nyss. in Orat. con. sœner. hos conquerentes inducit ob argentum domi repositum, quod otiosum est, & infructuosum. S. Hilarius in Psal. 14. n. 14. *Quid otiosam pecuniam tuam in redditum componis?* S. Ambrosius de Tobia cap. 2. n. 8. sœneratorem hortatur: *Da pecuniam, si habes: profit aliis, quæ tibi otiosa est.* Lactantius aperie damnum emergens indigitat, & lucrum cessans subindicat lib. 6. Infit. cap. 18. scribens: *Iustus nec se inquinabit hujusmodi questu, ut sine ULLO SUO DAMNO id ipsum, quod commodat, inter bona opera numeretur.* Quod vero subdit ex Soto, nullam repetiri juris canonici, vel civilis legem quæ hoc permittat, non est ulquequaque verum.

Nam

Nam titulus lucri cessantis continetur in omnibus illis legibus, quibus quod interest, reddendum creditoribus indicitur. Hinc L. 2. ff. de eo, quod certo loco datur, Ulpianus aperte dicit: „Quod si merces solebat comparare, „lucri ratio habeatur, non solius da- „mni? puto & lucri habendam esse „rationem“. Et L. un. Cod. de Sent. pro eo quod inter, declaratur, mea interest, quantum mihi abest, & quantum lucrari potui. Et L. 2. §. 1. ne quid in loco pub. fiat indicitur: *Damnum pati videtur, qui commodum amittit*. In Jure vero canonico Greg. IX. cap. *Naviganti* ab iniquo lucro immunem declarat mercatorem, qui pannos, vinum, granum, oleum, vel alias merces vendit, ut amplius, quam tunc valeant, in certo termino recipiat, si tamen ea tempore contractus non fuerat venditurus: ubi majus illud pretium, non alio titulo licitum esse potest, nisi lucri cessantis; quia si tunc venderet pretio currenti, minus lucraretur, quam si vendidisset tempore, quo vendendum reservaverat. En igitur agnitus a Pontifice lucrum interceptum, tanquam titulum pretio æstimabilem, & compensatione dignum. Hinc agnitus hic titulus ab omnibus etiam antiquioribus Theologis, qui illum legitimum agnoverunt in venditione. Immo & ipse P. Concina hujus tituli æquitatem agnoscit in venditione, dum scribit Diss. v. cap. 6. n. 8., Communiter quoque „augendi pretii justam causam asserunt; lucrum cessans... ut si venditor esset con- „servaturus merces in tempus futurum, „quo probabiliter pluris vendendæ essent“. In venditione, inquit, aliisque contractibus onerosis: at non in mutuo contractu plane gratuito. Sed repono, lucrum interceptum, & cessans vel est in se quid pretio æstimabile, vel nihil omnino pendendum: si primum,

sicut in venditione justum efficit compensationem, ita eam honestam reddet & in omnibus aliis contractibus; non enim quia mutuo conjungitur, suam æstimabilitatem amittit: si secundum, sicut pro intercepto, impeditoque lucro nihil licet in mutuo, aliisque gratuitis contractibus percipere, nec in venditione, aliisque onerosis contractibus licebit, in quibus tamen justum, honestumque agnoscuor & juris utriusque periti & Theologi. Cur autem hujus tituli non meminerint in mutuo, & superius indicavimus, & inferius plenius explicabimus.

VII. Honestatem, & æquitatem compensationis intercepti lucri clare agnovit, distinxit, & approbavit S. Thom. in fure, quem obstructum fatetur, & docet nedum ad damna illata sarcienda, sed & ad impedita lucra compensanda: sic enim docet 2.2. q. 62. a. 4., Quicumque „damnificat aliquem, videtur ei auferre „id in quo ipsum damnificat. Damnum „enim dicitur ex eo, quod aliquis minus „habet, quam debet habere secundum „Philosophum Ethic. Et ideo homo „tenetur ad restitutionem ejus, in quo „aliquem damnificavit. Sed aliquis da- „mnificatur dupliciter. Uno modo, „quia auferretur ei id, quod actu habet „bar. Et tale damnum est semper re- „stituendum secundum recompensationem æqualis: puta si aliquis damni- „ficet aliquem dicens domum ejus, „tenetur ad tantum, quantum valet „domus. Alio modo, si damnificet „aliquem, impediendo ne adipiscatur, „quod erat in via habendi, & tale damnum non oportet recompensare ex æquo; quia minus est habere aliquid „virtute, quam habere actu. Qui au- „tem est in via adipiscendi aliquid, „habet illud solum secundum virtu- „tem, vel potentiam. Et ideo si red-

de-

„deretur ei, ut haberet hoc in actu,
 „restitueretur ei, quod est ablatum;
 „non simplum, sed multiplicatum;
 „quod non est de necessitate restitutionis,
 „nis, ut dictum est. Tenerur tamen
 „aliquam recompensationem facere secundum
 „conditionem personarum, & negotiorum.“
 Honestatem igitur & pretii æstimabilitatem agnovit S. D. in
 lucri cessatione, quam clare distinguit a
 damno emergente: hoc enim ad omnimodam
 docet æqualitatem reddendum; illud vero
 solum per aliquam recompensationem secundum
 conditionem personarum, & negotiorum.
 Immo, fatente ipso Patre Concina, æquitatem hujus
 tituli agnovit S. D. in debitore moroso,
 qui recompensare debet non totum lucrum
 interceptum, sed partem ejusdem. Est igitur
 lucrum impedium, & cessans præstatio
 æstimabile. Nec urget, quod dicit, S. D. *loqui de vero damno, quod
 invitatus sustinet creditor a debitore moroso
 illatum.* Nam hoc verum damnum illatum
 juxta S. Thom. non est, nisi lucrum
 impeditum, ut ipse explicat dicens art. 2.
*Videtur eum damnificare in toto eo, quod
 lucrari de pecunia posset; & respondens totum
 lucrum non esse restituendum; quia ille qui
 habet pecuniam, nondum habet lucrum in actu,
 sed solum in virtute, & utrumque potest
 multipliciter impediri.*

VIII. Bene est, excipit P. Concina: ait
 S. Thom. hunc titulum aperte excludit
 & mutuante, & a debitore non moroso.
 Nam ubi ex professo de sœnore agit,
 nimirum 2. 2. q. 78. a. 2. ad 1. scribit:
 „Dicendum, quod ille, qui mutuum dat,
 potest absque peccato in pactum deducere
 . . . recompensationem damni . . . hoc enim non
 est vendere usum pecuniæ, sed damnum vitare
 Recompensationem

„nem vero damni, quod consideratur
 „in hoc, quod de pecunia non lucratur,
 „tur, non potest in pactum deducere;
 „quia non debet vendere id, quod non
 „habet, & potest multipliciter impediri
 „dici.“ Fateor ita docere S. Thom. sed
 animadverto 1. S. Thom. lucrum interceptum
 appellare damnum, ut dixi loco superius
 laudato de fure. 2. Hujus damni in lucro
 intercepto consistentis compensationem
 excludere a mutuo, eadem plane ratione,
 immo iisdem ferme verbis, quo admisit in fure,
 dicens in utroque loco, *quia non potest vendere,
 id, quod nondum habet, & potest multipliciter
 impediri*: & tamen in fure admisit. Non
 ergo titulum lucri intercepti excludit S. D.
 a mutuo, quia inhonestum, illicitum, nullo
 pretio æstimabile; alioquin nec in fure
 debitum illud compensandi admisisset: sed
 alia plane ratione. Et 1. quidem, quia cum
 mutuans voluminarie det mutuum, censetur
 hoc lucrum negligere, ut amico benefaciat.
 2. Quia hoc lucrum plerumque est magis
 possibile, quam probabile; & pro possibili
 lucro, ut inferius dicemus, nec a fure, nec a
 mutuatario est aliquid erogandum. 3. Denique
 ut occludatur via sœnoribus, quæ facile
 hujus tituli umbra, & fuso subrepere possunt.
 Ceterum, quando vere, & realiter hujusmodi
 addit titulus, & justum illum agnoscit S. Thom.
 & pretio æstimabilem, proinde aliqua
 compensatione dignum.

IX. Præterea animadvertendum, voluntarium
 illud dandi mutuum, quod reperitur in
 mutuante, dupliciter spectari posse,
 nimirum quatenus ipse vel sponte amico
 indigenti offert mutuum, vel est paratus ad
 dandum mutuum; & tunc nihil omnino
 exigere potest pro tali mutuo, quippe cui
 nihil lucri cessat,

„ exponendam subtrahere . En quam
 „ manifestum sit, quod lucrum cessans
 „ pendet ab eisdem mutuantis voluntate.
 „ Quare eo ipso quod vult mutuum, vult
 „ a lucro percipiendo ex negotiatione
 „ cessare “. Hæc quidem mihi splendide,
 „ diserte dicta videntur : at non ita
 „ efficacia sunt, ut mentem omnino con-
 „ vincant. Quandoquidem tam in illo mu-
 „ tuante, qui timet damnum emergens,
 „ quam in illo, qui lucrum cessans for-
 „ midat, duæ plane contrariæ inveniun-
 „ tur voluntates; altera, qua ambo vo-
 „ lunt mutuum largiri, altera, qua no-
 „ lunt vel damnum imminens, vel ces-
 „ sans lucrum : proinde uterque vere di-
 „ cere potest, volo mutuum dare, & no-
 „ lo damnum, vel nolo lucrum perdere .
 „ Minime, inquit Concina cum Soto, nam
 „ damnum emergens non ex voluntate
 „ pendet mutuantis. At cur? nonne tota
 „ causa damni est mutuum? neget igitur
 „ mutuum, & statim evanescit totum da-
 „ mnum. Igitur cum dicit, volo mutuum,
 „ sed nolo damnum, mentitur; cum hæc
 „ duo sint plane individua, & cum vult
 „ mutuum, velit & damnum oportet: ea-
 „ proppter vel neget mutuum, ut damnum
 „ evitet; vel mutuum concedat, & da-
 „ mnum libenter sustineat. Alioquin nec
 „ mentitur ille, qui de mutuo rogatus
 „ responderet, volo mutuum libenter con-
 „ cedere; sed nolo pecuniam negotiationi
 „ subtrahere, ex qua mihi lucrum pro-
 „ venit; quia si tibi mutuum impertior,
 „ lucrum perdo: proinde vel mutuum de-
 „ neget, vel lucri, sicut alter damni,
 „ compensationem iuste exposcit; ille qui-
 „ dem ad æqualitatem, iste vero pro lu-
 „ cri probabilitate. Hinc veritatem agnos-
 „ cit paulo post idem Concina, cum §. 5.
 „ n. 5. exemplum proponit negotiatoris,
 „ qui mercaturæ operam navat, ut videtur

Patuzzi Theol. Moral. Tom. V.

sibi honeste querat, familiam alar, filias
 doret, & rogatus ab amico indigente,
 ut sibi muuatur, & vellet amici miseri-
 am sublevare, & nollet familiam lucro
 defraudare: at misericordia morus, no-
 lens, & quodammodo invitus mutuum
 concedit, ex quo tamen, ipso faciente
 Concina, lucri intercepti aliquam jure
 postulat compensationem. Er revera
 quid aliud docent sanioris doctrinæ
 Theologi, qui cæteroquin Probabilita-
 rum laxitates delectantur, & dam-
 nant, dum lucri cessantis titulum
 honestum, licitumque defendunt? Ex
 his, quæ nos diximus, patet manifeste.

XI. Opponit 1. Concina n. 4. „ Mu-
 „ tui beneficium suapte natura gratui-
 „ tum est, ergo gratis concedendum .
 „ Si recompensationem postulas, non
 „ gratuitum beneficium confers, sed
 „ contractum onerosum celebras. Aut
 „ urget præceptum caritatis mutuum
 „ dandi, aut secus. Si primum, gra-
 „ tia illud conferre adstringeris. Si se-
 „ cundum, aut a beneficio conferendo
 „ abstinere; aut si beneficium conferre
 „ vis, ne destruas ejusdem naturam,
 „ quæ est, ut sit gratuitum “. Verum
 hoc argumentum, si quid probat, evin-
 cit, nec pro vitando imminente damno
 ex mutuo licere compensationem acci-
 pere; ut patet consideranti, & addenti
 ad illa verba, *si recompensationem postulas*,
 hanc solam vocem *damni*, cujus compen-
 sationem exigenti dici merito potest, non
 gratuitum beneficium confers, sed contra-
 ctum onerosum celebras. At, inquit Con-
 cina, incommodum istud sponte suscipis.
 Æquivocatio est in verbo illo *sponte*. Si
 enim significet mutuantem præligere
 mutuum, quam negotiationem, ut lu-
 crum certum consequatur, & simul sol-
 licitudines, & pericula negotiationis vi-

X x

ter;

ter; libenter fateor, & omnes mecum fateantur sanioris Ethices Doctores, hunc forneratorem esse, lucrum ex mutuo querere, & usuram malle, quam lucrum. At si e contra solum, ut amico roganti, pressuras, calamitates, egestatem suam exponenti subveniat, mutuum impertiatur, & pecuniam lucrosam subtrahat negotiationi, quam mallet cum sua incertitudine, sollicitudinibus, & periculis, quam mutuum dare etiam tum aliqua compensatione, dicimus tunc sponte quidem, quia vult mutuum dare, sed quasi invitum, & coactum, ut ipse fatetur Concina, concedere; adeoque compensationem recipere licite posse. Hæc tamen dicta sint, non ut tanto viro de Christiana Theologia optime merito contradicam; sed ut veritatem, quam ambo unice querimus, si fieri potest, in re tam obscura, & anticipi inveniamus. Ambo tamen egregie convenimus tum in Probabilistarum laxitatibus detestandis, & profligandis, tum in summa adhibenda cautione, ne titulo lucri cessantis (quod ille generatim reprobare videtur, & solum in aliquibus casibus concedere; ego vero generatim honestum, licitumque dico, sed raro contingere, ut honeste fiat, assero) injustitia, & usura subrepat, & serpat. Nam titulus damni emergentis facile potest dignosci, potest ponderari, & iusta compensatione sarciri: at lucrum impeditum, cum sit tantum in spe, non facile dignoscitur, & facillime præsumitur, nec iuste ponderari potest; cum nunquam, posito mutuo, futurum sit; nec proinde, quanta sit compensatio facienda, facile decerni valet.

XII. Ut autem honestus, iustus, licitusque sit titulus lucri cessantis, plures sunt attendendæ conditiones, ex quarum deficientia in formam degeneret,

neceffe est. 1. Requiritur, ut mutuam nullo modo lucrum in mutuo intendat, ut mox dicebamus; sed solum ex caritate, & misericordia ad dandum mutuum moveatur, & ad perdendum lucrum speratum, quod mallet, quam compensationem mutuantis: unde non ultro offerat mutuum; sed rogatus, & quodammodo invitatus consentiat. 2. Ut lucrum sit admodum probabile, non possibile tantum; adeo ut, si incertum, dubiumque sit, nihili æstimetur: nullus enim debet certo solvere debitum plane incertum, & dubium. 3. Ut quantitas pro lucro cessante solvenda correspondeat non spei lucri, quæ semper magna est, sed ejus probabilitati, & quidem non iudicio mutuantis taxandæ, sed peritorum, & proborum; nunquam autem majus speretur lucrum supra id, quod vel lege Principum, vel probata consuetudine taxatum invenitur. 4. Ut pecunia mutuo data, sit vere destinata vel negotiationi lucrosæ, vel emptioni fundi frugiferi; & præterea præsens sit, &urgens vel ipsa negotiatio, vel talia emptio: si enim mutuans nonnisi generalem quandam concipiat voluntatem lucrum ex sua pecunia reportandi, nihil titulo intercepti lucri recipere poterit; cum hæc voluntas omnino elidatur præsentis efficaci voluntate dandi mutuum, ex quo proinde lucraretur, si quid exigeret. Quod & dicendum, si efficacem quidem voluntatem conciperet ex pecunia lucrandi, sed nulla adesset occasio vel negotiandi, vel emendi. 5. Ne aliam habeat paratam pecuniam, qua possit lucrari legitima negotiatione; nam & tunc nullum cessaret lucrum. 6. Denique, ut debitorem moneat de cess-

cessante lucro, & ipse ejus compensationi consentiat. Harum conditionum defectu, ad quas mutuantes non ea, quæ par est, diligentia attendunt, plurimæ mutuaciones usuræ labe inficiuntur, ut ex mox subjiçendis Consecrariis patebit.

CAPUT DUODECIMUM.

CONSECTARIA PRÆCEDENTIS
DOCTRINÆ.

- I. *Nihil licet exigere a paupere in dato illi mutuo.*
- II. *De compensatione damni emergentis incerti.*
- III. *Onus sarcienti emergens damnum est mutuatario manifestandum.*
- IV. *Quando liceat cessantis lucri compensationem exigere.*
- V. *In ea exigenda facile usura subrepre potest.*
- VI. *Quando abstinendum ab exigenda compensatione lucri cessantis.*
- VII. *Si lucrum reipsa non esset, nihil pro illo est mutuantii tribuendum.*
- VIII. *Quando reipsa non cessare censendum sit.*
- IX. *Non licet intercepti lucri compensationem in ipsa mutuacione exigere.*

CONSECTARIUM PRIMUM.

Nec titulo damni emergentis, nec intercepti lucri aliquid est accipiendum a pauperibus, quando necessitate pressi mutuum petunt. Veritatem hujus Consecrarii & ipsi fatentur usuræ moderatæ patroni, qui sponte consentiunt, præceptum Christi Domini de mutuo dando absque ulla spe lucri aliquando urgere, sicut urget præceptum dandæ cleemosynæ; & urgere præcipue, quando pauperes gravi pressi necessitate mutuum petunt: si enim liberaliter es-

set illis donandum eleemosynæ titulo, quod petunt egestate contristi; multo magis mutuum est iis concedendum, nulla habita ratione vel præcepti lucri, vel occurrentis damni. Quando autem urgeat eleemosynæ erogandæ præceptum diximus suo loco de virtute caritatis. Solum addo testimonium S. Antonini part. 1. tit. 1. cap. 7. §. 15. scribentis: „Si indigentia amici esset casus, extremæ necessitatis, vel quasi, ita, quod teneretur ex præcepto hoc sciens, ad illi subveniendum, & dandum; tunc nihil debet expetere ultra caputale, cum multo magis teneatur ad mutuandum, quam ad dandum in casu hujus necessitatis“.

CONSECTARIUM SECUNDUM.

II. Quando damnum emergens est incertum, & dubium, nihil certo exigere licet: si vero certum quidem sit, at incerta quantitas, non est illicitum transigere de certa quantitate juxta æquitatis regulas, & proborum, ac sapientum judicium; quæ tamen quantitas nunquam excedat vel legum hæc de re statuta, vel adprobatam consuetudinem. Primam hujus Consecrarii partem inficiantur plures Probabilistæ, qui putant, & pro incerto damno emergente juxta ejus probabilitatem aliquid exigi posset: quod probant contractu fortis, quo quis certam pecuniæ quantitatem solvit pro incerto lucro; ut in jactu retis, quo certa stipulatur quantitas pro captura, licet vel modicum, vel etiam omnino nihil in rete illabatur. At meo videri invicem probatur posita assertio. Nam 1. Tota ratio exigendi lucrum ex mutuo est damnum emergens, verum, reale, urgens, & solum post eventum sarcientium. Si hoc igitur vere obveniret, illud sarcire tenebitur

mutuarius : si non obvenierit , ad nihil omnino adstringetur , cum tota ratio solutionis cesset . Quod si dubium , incertumque sit , probe sibi consulere poterit mutuans per stipulationem damni , si forte emerferit , & quando emerferit , faciendi . Immo , ut hoc quoque pactum statueri possit , oportet , ut damnum , quod timeretur , sit determinatum , & particulare : nam pacisci de omni damno in communi faciendum est manifestum usus pallium : cum de natura damni emergentis compensationem possulant sit , ut debitor noverit , & quid illud sit , & quantum sit , ut sibi possit prospicere , an velit cum tali onere mutuum accipere ; quod profecto non contigit , quando damnum in communi solum designatur , & in confuso . At si hoc quoque damnum , quod timeretur , determinatum sit , & peculiare , non tamen certum , sed incertum , probabile , immo & probabilissimum , non licebit aliquid certo solvendum pacisci : nam si non obveniat , lucrum illud erit ex mutuo ; si vero emerget , jam obstringitur debitor ad illius compensationem . Nec urget paritas contractus sortis : nam in illo tota aequalitas , & iustitia ab ipsa sorte pender ; hic autem non sortem , sed mutuum ipsum consequitur , in quo si mutuum verum inferat damnum , faciendum est , si nullum nihil omnino rependi debet : quomobrem affingere contractui mutui contractum sortis nil aliud est , nisi utraque pallium querere . Secunda vero pars Consecrarii nullam patitur difficultatem : nam posita omnimoda emerfuri damni certitudine contrahentes vel pacisci possunt de eo ad aequalitatem solvendo , quando contingerit ; vel in minori quantitate compensando , cum mutuans possit , si velit , aliquid de suo donare ;

vel transigendo pro bono , & aequo de certa quantitate , si forte haec referri nequeat , vel exaete ponderari , cum uterque aequale subeat & emolumenti , & detrimenti periculum . Duo tamen sunt in hac conventionem cavenda ; 1. ne amplius extorqueatur a mutuuario , quam possulet damnum , quod timeretur . 2. Quod tertio loco statuis , ne pecunia certo solvenda pro incerta quantitate damni unquam statuatur ultra id , quod leges decernunt , & adprobata invexit consuetudo : quippe quae adeo instituta sunt , ne debitores iniuste graventur ; & cum publicum bonum respiciant , sunt & in foro conscientiae servanda . Nunquam vero licet sine usurae labe five certi damni compensationem , five certam pecuniae quantitatem pro incertitudine quantitaris damni exigere in ipsa mutatione ; sed solum vel in mutui restitutione , vel quando damnum emerferit ; multoque minus ex ipsa mutuo data pecunia detrahere . Et quod de damno emergente diximus , multo magis est & de lucro intercepto intelligendum .

CONSECRARIUM TERTIUM.

III. Licet damnum emergens omnino certum , liquidumque sit , non licet ejus compensationem infcio mutuuario exigere . Nam in omnibus contractibus ad eorum valorem , & honestatem utriusque partis consensus omnino requiritur , cum ab hac solum vim obtineant ; quod multo magis locum habet in contractibus , in quibus altera pars solum gravatur . Cum itaque hic debitor sit onere gravandus facienda damni , hoc noverit , oportet , ut sibi prospiciat , si forte velit cum tali gravamine mutuum accipere ; nec sine ejus expresso consensu licebit hanc compensationem ex-

torquere . Quod verum est , licet certo præsupponat mutuans , etiam cum tali onere recipiendum a mutuatario mutuum quandoquidem hæc præsumptio consensum nec expressum , nec tacitum debitoris inducit ; quod enim omnino ignoratur , volitum nec expresse , nec implicite unquam est , juxta vetus axioma , *nihil volitum , quin præcognitum* : deficientem autem consensu & nullus , & illicitus est contractus . Addendum scandalum , quod proximo præberetur , si in mutuo amplius ab ipso exigeretur , quam datum sit ; prudenter enim suspicaretur , usuram a mutuantem committi , & auctarium illud ex mutuo reposci . Quamobrem rejicienda est opposita Lessii opinio , docentis licere , etiam non præmonito mutuatario , cum illo de auctario reddendo pacisci , quo certum , sed illi ignotum emergens damnum , reforescat .

CONSECTARIUM QUARTUM.

IV. Nisi lucrum , interceptum causa mutui , sit omnino certum , saltem quoad substantiam , illius compensationem exigere non licet . Porro tripliciter spectari potest lucrum causa mutui interceptum . 1. Quando est moraliter certum & quoad substantiam , & quoad quantitatem ; & tunc integra illius compensationis exigi potest . 2. Quando est moraliter quidem certum quoad substantiam , sed incertum quoad quantitatem ; & tunc juxta prudentis , honesti , periti que viri judicium est compensatio taxanda . 3. At si sit plane incertum , dubiumque , adeo ut fieri possit , ut lucrum sequatur , & nullum sequatur ; nihil omnino pro tali lucro intercepto postulare , vel accipere licebit . Primum sola indiget explicatione , ut ejus veritas pateat . Finge igitur Titium mille scu-

ta habere , quibus domum sibi jam oblatam , & de qua acquirenda pene convenit cum domino , emere velit ; sed ab amico indigente , & in necessitate constituto rogari , ut sibi mille scuta mutuo impetiri velit : Titius profecto ægre ab empione desistit , & prout mutuum dare decretat ; sed importunia amici precibus rogatus mutuum dat , sed cum onere , ut pensionem domus , pro qua a conductore in ea habitante quadraginta in annum penduntur scuta , sibi solvat , donec sortem reddat , qua domum emere possit . In hac hypothesi lucrum ex contractu emptionis certum est & in sua substantia , & in sua quantitate : & quidem certum quoad substantiam , quia est fructus locationis ; certum autem quoad quantitatem , quia illa quadraginta scuta , quæ conductor venditori pro locatione solvet , solvisset in posterum emptori novo domino . Hoc lucrum vero moraliter incertum dici nequit , cum moraliter intercepti , vel impediri non possit ; nec dici in spe , quia esset in re , & in jure illud obtinendi facta emptione : & solum eo solo nomine incertum dici posset , quia futurum , nec obinendum nisi post annum . Titius igitur poterit absque labe usuræ intercepti hujusce lucri determinatam compensationem , & adæquatam a mutuatario exigere , demptis tamen semper expensis ad factam rectamque domum servandam habendis . Alterum quoque explicatione patebit . Habet Titius mercator frumentarii parata mille scuta ad frumentum tempore messis emendum & eum , qui venditionem offert , invenit , & pene de pretio convenit ; rogatur ab amico , ut mutuo det mille scuta , ex quibus sperat lucrum ex venditione tritici opportuniori tempore , quando plus æstimabitur , faciendâ : decre-

Stat itaque officium; at postea solum misericordia morus indigentis amici, illi mutuum largiuntur. In hac hypothesi lucrum est moraliter certum, quoad substantiam, cum moraliter certum sit minoris aestimari frumentum tempore messis, quam tempore satiationis, vel hyemis: est etiam lucrum interceptum, quia ille huiusmodi exercet negotiarionem ad sui, suæque familiæ sustentationem, nec aliam habet pecuniam, qua negotiari possit. Est solum igitur incertum quoad quantitatem lucri, quod vel majus, vel minus esse potest. Titius itaque poterit aliquam huius intercepti lucri compensationem exigere jura peritorum, piorumque existimationem, pensatis etiam oneribus, periculis, & laboribus in tritico conservando, a quibus per mutuum liberatur. Tertium vero, quod insciantur plurimi Probabilitæ, est tamen meo videri certum juxta S. Thom. doctrinam. Nam hocce interceptum lucrum non est nec in actu, nec in habitu: non in actu profecto, quia speratur; non in habitu, quia adeo contingens est, ut non solum possit non adesse, sed plane oppositum evenire, scilicet pro lucro damnum, & fortis vel amissionem, vel diminutionem. Optime itaque scribit S. Thom. *Non debet vendere id, quod nondum habet*. Præterea istud lucrum multipliciter potest impediri: siquidem tot sunt pericula, difficultates, vicissitudines negotiationis, quæ ipsam obsepiunt, ut non solum incertum efficiant lucrum ex ea, sed aliquando suspicionem, & dubium inferant detrimenti. Nullo igitur pretio aestimabile. At, inquiant, est in spe, & in virtute; sicut contingit in jactu retis, in quo emitur quod non est nec in actu, quia speratur, nec in habitu, quia contingere potest; ut nihil omnino

capiatur. At fictitia omnino est ista spes, quæ nonnisi in humana fundatur cupiditate, qua homines semper lucris inhiantes, illa desiderant, & illis incumbunt: quod autem desideratur, & de facili speratur. Præterea ista spes non solum eliditur æquali timore nihil lucrandi, sed probabili etiam metu damnum subeundi ex ipsa negotiatione, cujus tamen lucrum vendere se posse arbitratur. Neque est in virtute: nam quoddam genus virtutis est, quæ adeo est imbecilla, & tenuis, ut non solum effectum, ad quem ordinatur, producere fortasse non valeat, sed præterea possit detrimentum afferre? Similis est profecto baculo atundineo, qui sustentare aliquo modo cadentem potest; sed ita facile confringi, ut nedum cadentem non sustentet, sed & ipsum lædat, & feriat. Nec urget paritas jactus retis, & fortis; cum hic sit contractus per se stans, nullam cum mutuo, connexionem habens. At hic agitur de ipso mutuo, cujus occasione mutuans lucrum intendit, ac proinde fingit lucrum mere probabile, cujus probabilitas & compensatur ab æquali probabilitate non lucrandi, & fortius eliditur periculo damni in ipsa sorte, quod per mutuum omnino vitatur, & quod certe nunquam futurum est, si interceptiatur negotiatio ob mutuum, ex quo oriri deberet. Præterea in jactu retis semper longe major est probabilitas aliquid capiendi, quam nihil omnino; cum talis contractus non instituitur nisi in locis, ubi certa experientia, & communi hominum sensu pisces abundant. Præterea lucrum, quod speratur in jactu retis, est quodammodo intraneum, & naturale ipsi piscationi: at lucrum est omnino pecuniæ extraneum, quæ de se

se sterile est, & infructuosa. Nisi igitur certo constet de lucro capiendi, ob ejus cessationem nihil licebit exigere.

CONSECTARIUM QUINTUM.

V. Tametsi compensationem æquam petere lucri vere cessantis usurarium in se non sit; facile tamen in hoc usura subrepere potest. Hæc propositio verissima est: nam cum plures requirantur conditiones, quas supra memoravimus, & infirius a laxitatibus Probabilistarum segregabimus, hæc vel illudunter, vel continentur in praxi; & quacumque apparente umbra lucri cessantis; statim licet non existimatur lucrum. Quamobrem non immerito & ipsi sanioris doctrinæ Theologi, qui ejus lucri honestatem defendunt, nonent tamen, rem attente perpendendam, & a tali mutuo frequentando abstinendum. Hinc Cardinalis Toletus lib. 5. cap. 23. n. 2. postquam dixit, se usuram non reputare, pacisci de lucri cessantis compensatione tamen concludit n. 5. „Securior est a „tali abstinere lucro, & gratis mutua- „re, quando nullum damnum emergit“. Et Medina de rebus per usur. rest. „Quoniam in his, qui mutantur, ra- „rissime omnia requisita concurrunt; „ideo tales contractus, in quibus ali- „quid ultra capitale ratione lucri ces- „santis exigunt, dissuadendi sunt, ut „fiant“. Et revera in exteriori foro actio non datur ratione lucri cessantis in mutuo. Quare Comitulus lib. 3. Ref. Moral. q. 36. n. 6. scribit. „Lucri „cessantis actionem mutuum suam pe- „cuniam dantibus negari apud Ve- „netos Magistratus perspicuum est; „idque mihi Patritii Veneti non semel „confirmant“.

CONSECTARIUM SEXTUM.

VI. Qui pecuniam suam sponte offert ad mutuum, non potest tuta conscientia lucri intercepti compensationem postulare. Hujus Consectarii veritatem luculenter ostendimus capite superiore, & confirmamus hic paritate desumpta ex contractu venditionis, in quo qui rem suam in tempus futurum vendendam reservare statuit, ut carius vendat, si ab amico rogetur, ut nunc sibi vendat, potest majori pretio vendere, quam tunc valeat; at si non rogatus, sed sponte rem suam venditioni offerat, non amplius illi conceditur, ut uberiori pretio vendat, sed currente. Pari igitur pacto, qui pecuniam mutuo offert, sponte abiicit lucrum, quod ex illa consequi poterat: nequit igitur illius compensationem postulare. Et revera vel mutuum offert amicitiae, & caritatis gratia; vel ob lucrum: si primum, jam patet gratuitum esse debere; si alterum, manifeste convincitur ex mutuo lucrum querere, quod profecto usurarium esse nemo inficiabitur. At inquirunt, semper verum est ex mutuo lucrum cessare. Permitto; at cessat lucrum voluntate mutuantis illud abiicientis; non voluntate mutuatarii petentis. Reponunt, non voluntas sive mutuantis, sive mutuatarii est inspicienda; sed res ipsa in se, nimirum ipsum lucrum, quod semper cessat. At falluntur, vel fallunt, dum in contractibus rem, seu materiam inspiciendam dicunt, non contrahentium voluntates; cum ex his præsertim natura pendeat contractus. Nam qui domum alteri concedit, non statim sequitur vendere vel le, sed vel locare, vel donare, vel ad usum gratuito concedere, prout sibi libuerit, & ex ejus voluntate constabit.

Ita

Ita pari pacto qui mutuum offert amico, gratuito, ut natura postulat contractus, concedere præsumitur; quod si lucrari vellet, meniem suam usurariam prodat, necesse est. Sunt igitur, ut falsæ, & laxæ rejiciendæ nonnullorum Theologorum doctrinæ, licere nimirum lucri cessantis compensationem exigere illi, qui vel sponte mutuum offert, vel pecuniam semper tenet paratam ad dandam mutuo cuique petenti; cum revera fœneratores sint illi, qui pecuniam semper paratam habent ad dandam cum lucro quibuscumque mutuum poscentibus.

CONSECTARIUM SEPTIMUM.

VII. Quando reipsa lucrum non cessat, nihil pro ejus compensatione recipere licet. Nam totus corrumpitur titulus, & fundamentum recipiendæ compensationis, nimirum lucrum illud, quod cum non cesset, nihil omnino est, & nihil valet; alioquin venderetur, quod non existit, nec unquam exarbit. Id confirmatur ex debitore moroso, & fure, qui tenentur omnia damna emergentia, & intercepta lucra sarcire: qui tamen, si nullum intervernerit vel damnum, vel lucrum interceptum, non tenentur amplius, quam debeant, reddere; alioquin, ut inquit S. Thom. *non simpliciter, quod debent, sed multiplicatum restituerent*. Ergo multo minus compensare tenentur mutuatarii lucrum, quod revera non est interceptum: alioquin non pro lucro cessante auctarium daretur, & mutuant acciperet, sed pro ipso mutuo, quod profecto usurarium est.

CONSECTARIUM OCTAVUM.

VIII. Ad justam lucri cessantis compensationem in mutuo exigendam necesse est, ut pecunia mutuo data sit

vel jam lucrosæ negotiationi applicata, vel ita proxime destinata, ut nihil remoretur ejus collocationem, & a qua mutuantem in gratiam mutuatoris subtrahat. Nam solum tunc intelligitur vere cessare lucrum, quando prudenter sperari potest. Hinc fœneratores sunt habendi, 1. qui lucri intercepti compensationem postulant, quia in locis negotiosis habitant, ubi frequenter occurrere possunt negotiandi occasiones: nam per hoc nec negotiationi est applicata pecunia, nec ipsis adest præsens efficax voluntas negotiandi. 2. Qui habent quidem efficacem voluntatem negotiandi, sed deficientibus occasionebus nequeunt negotiari; nam istis nullum cessat lucrum, nec in re, nec in spe. 3. Qui dubitant, num velint ex sua pecunia negotiari: cum isti voluntatem determinatam non habeant lucrandi ex negotiatione. 4. Qui talem concipiunt velleitatem, ut dicant, negotiari vellem, nisi multi mutuum peterent: nam isti manifeste ostendunt, se malle lucrum ex mutuo, quam ex negotiatione; quod omnino usurarium esse patet manifeste. Et revera, si fur ab istis pecuniam furripiat; nullus illum ad hæc intercepta lucra sarcienda, cum omnino incerta, conficta, & nulla sint, obstringer. Hinc falsa omnino est Caramuelis doctrina putantis, „ ipsam fore „ tam negotiandi potestatem, qua se „ privat, qui mutuum dat pecuniam, „ esse pretio æstimabilem; cum intrin- „ secum sit mutuo pecunia mutuo data „ carere “.

CONSECTARIUM NONUM.

IX. Non licet etiam veri, & certi intercepti lucri compensationem statim in ipsa mutui datione exorquirere. Vexitas hujus doctrinæ adeo est luculenta, ut

ut nullus sit, qui eam directe oppugnet; licet indirecte nonnulli probabiliter eludere conentur. Et sane, qui statim in initio mutui, lucri cessantis compensationem postulat, integrum mutuum non dat: dum enim a mutuuario, qui centum mutuo petit, mutuans subtrahit quinque, non jam centum mutuo dat, sed nonaginta quinque; unde lucrum excipit ex pecunia, saltem quoad partem aliquam, si tunc tantum mutuo data. Præterea non tunc mutuanti cessat lucrum: deest proinde præsens titulus lucri intercepti: evincitur ergo in ipso mutuo lucrum querere. Duplici autem via iniquitatem, & usuram vitari posse contendunt nonnulli Probabilistæ. Nimirum 1. Si in ipsa mutui datione lucri intercepti compensatio petatur, non in pecunia: sed in alia re, puta oleo, vino, tritico. Hinc Azorius docet, licere absque scœnore dare alteri centum aureos mutuos, ex quibus titulo cessantis lucri post annum quinque licite queat exigere; & statim in ipso mutuo pro hoc lucro cessante mensuram aliquam vini, vel olei pecuniæ correspondentem exigere. Quod, quam iniquum sit, & fraudulentum, nemo non videt; cum parum intersit, utrum lucrum in pecunia, vel in alia re æquivalenti petatur, & solvatur. Alio modo docet Tamburinus posse etiam pecuniam compensatoriam lucri intercepti in ipsa mutui datione extorqueri, nimirum si qui centum aureos mutuo dat, recepturus post annum titulo intercepti lucri octo nummos aureos, hoc jus recipiendi præfatos octo aureos nummos statim mutuans vendat mutuuario pretio quinque, vel sex aureorum statim sibi numerandum: quia, inquit, duplex tunc celebratur contractus, alter mutui, alter

Patussi Theol. Moral. Tom. V.

venditionis juris; pro primo non nisi post annum octo recipere poterit; at pro venditione juris statim ejus pretium accipere poterit. Sed hæc putidissima fraudes sunt, quas recitasse confutasse est.

CAPUT TERTIUMDECIMUM.

Alii tituli auctarii accipiendi in mutuo ultra sortem expenduntur.

DOCTRINA.

- I. Non in omni mutuo adeest titulus lucrandi.
- II. Duplex periculum sortis in mutuo, & juris facti.
- III. In mutuo etiam ex periculo juris aliquid recipiendo usuram committi declaravit Gregorius IX.
- IV. Cur usuram in eo mutuo agnovit Summus Pontifex.
- V. Quomodo ab usuræ labe immune esse possit lucrum ex juris periculo.
- VI. Quomodo dignoscendum, utrum licitum sit, aut feneratorium.
- VII. Ob periculum facti nihil licet in mutuo recipere ultra sortem.
- VIII. Argumenta proferuntur.
- IX. Respondetur Adversariorum objectis.
- X. Alia proponuntur objecta.
- XI. Quæ diluuntur.
- XII. Statutum Principis non esse potest iustus titulus auctarium accipiendi ex mutuo.

I. UCRI cupiditas, & dominans in humanis pectoribus avaritia merces acuit ad plures excogitandos titulos lucri, occasiones mutui, quod gratuitum esse deberet, capiendi: ex quibus nonnullos etiam Theologi sua comprobatione confirmant: quamobrem factum est, ut penitus evanuerit usuræ crimen, & vix unquam coningat illicitè ex mutuo auctarium accipere. Hinc optime, & opportune monet omnes Ec-

etc-

clesiæ Præfules, & Theologos Sapientissimus Pontifex Bened. XIV. in sua Encyclica: „ut illud diligenter animadvertant, falso sibi quemque, „& nonnisi temere persuasurum, rebigat licere; & nos superius ostendimus in contractu societatis ex doctrina S. Th. quamobrem de hoc genere contractus, in quo nullum intervenit mutuum, minime disputamus. 2. Si pecunia quidem mutuo detur, sed mutuans in se ipsum pecuniæ periculum suscipiat, ut, si forte absque culpa mutuatarii pereat: ipsi mutuanti pereat: qui contractus mutuo extrinsecus apparet, cum sit contractus assicurationis ab ipso creditore, seu mutuante assumptus; & dicitur periculum juris. Periculum vero facti apud debitorem se tenet, qui semper, quocumque fortuito, & excogitabili casu fors, seu pecunia pereat, semper sortem integram reddere tenetur. De hoc igitur duplici periculo disputamus, & a primo incipientes sic dicimus.

II. Primus, qui obtruditur, lucrandi titulus occasione mutui est periculum sortis, vel expensarum, quæ forte subeundæ timentur in recuperatione sortis. Pro cuius intelligentia duplex est distinguendum periculum sortis, aliud quod *iuris* dicitur, alterum *facti*. Juris periculum contingit, quando ipsa vel fors, vel pecunia creditori eam conferenti periclitatur, adeo ut, si pereat, ipsi pereat. Et hoc dupliciter potest contingere. 1. Si nimirum fortis, vel

pecuniæ dominium in accipientem non transferatur, sed in societatem tradatur ad lucrum in negotiatione capiendum, & tunc lucrum ex tali pecuniæ datione recipere, nullus est, qui ambigat licere; & nos superius ostendimus in contractu societatis ex doctrina S. Th. quamobrem de hoc genere contractus, in quo nullum intervenit mutuum, minime disputamus. 2. Si pecunia quidem mutuo detur, sed mutuans in se ipsum pecuniæ periculum suscipiat, ut, si forte absque culpa mutuatarii pereat: ipsi mutuanti pereat: qui contractus mutuo extrinsecus apparet, cum sit contractus assicurationis ab ipso creditore, seu mutuante assumptus; & dicitur periculum juris. Periculum vero facti apud debitorem se tenet, qui semper, quocumque fortuito, & excogitabili casu fors, seu pecunia pereat, semper sortem integram reddere tenetur. De hoc igitur duplici periculo disputamus, & a primo incipientes sic dicimus.

III. In mutuo, licet mutuans in se periculum pecuniæ assumat, aliquid accipere usura crimine non carere, statuit Greg. IX. & plurimi Theologi docent. Et primo quidem celebris est Gregorii IX. Decretalis anni 1206. qua statuit: „Naviganti, vel eunni ad nondinam, „certam mutuam pecuniæ quantitatem, „tradens, eo quod suscipit in se periculum, recepturus aliquid ultra sortem, usurarius est censendus“. Recentior Probabiliorista auctoritate innixus Barbosa, intrepide pronunciat mendosum textum hujus Decretalis, & deesse particulam *non*, ut contrarius sit eliciendus sensus, & legendum, *usurarius non est censendus*. Verum hujus interpretationis falsitatem evicit P. Daniel Concina in Opere de Usura Contractus Trini

Trini Diss. 1. cap. 5. §. 2. ostendens, Decretalem illam Sanctus Raymundo O. P. ornamento datam fuisse, qui eam suam Decretalium Collectioni inseruit, & postea in sua Summa, quam forte; ut putat Bollandus, ante præfatæ Decretalis promulgationem inchoaverat, & certe postea explevit, sine negante particula exscripsit: immo doctrinam in ea contentam pluribus argumentis confirmavit; & denique omnem directam controversiam affirmavit, scribens: *expressa est hodie Decretalis de hoc tentu*. Ita ne hardus, stupidusque est habendus Sanctissimus Doctor, qui & falsitatem decisionis non perspexerit, & tenoris, ac dispositionis cum subsequente decisione ineptam connexionem non deprehenderit? Hanc utique S. Antoninus vidit, qui præfatam Decretalem affirmativam agnovit, & declarantem in illo contractu usuram intercedere. Et Auctor Opusculi 41. al. 73. quod D. Thom. tribuitur, & certe est scriptoris A. P. vel synchroni, vel supparis, sine negante particula Decretalem legit, scribens: „Ratio periculi etiam circa for-“, tem non tollit rationem usuræ in mu-“, tuo, ut probatur Cap. *Naviganti* &c. Quid, quod omnes MM. SS. Codices negativæ lectioni repugnant? Asserere autem mendum irrepsisse ex scribæ oscitantia in ipsum autographum, ut asserit P. Boranga, est desperatæ causæ argumentum.

IV. Cur autem usuræ damnaverint Gregor. IX. & S. Raymundus, alique Theologi lucrum in præfato contractu, cum ibi verus appareat legitimi lucrititulus, scilicet periculum, non tam facti, quam juris, quod in se suscipiebat mutuans, adeo ut, si pecunia sive in navigatione, sive in transvectione periret, ipse nec sortem perciperet,

declarat meo videri S. Raymundus, quia inquit, *tales semper faciunt tale mutuum propter spem lucri pecuniarii, quod non licet; & præterea videtur fieri in fraudem usurarum*. Siquidem nec alter mutuum dare volebat, nisi lucrum perciperet; nec alter lucrum dare, nisi periculum transvectionis in se suscipere mutuans, quin de honesto titulo lucrit cogitarent. Ut modo contingit in illis, qui mercatoribus pecuniam mutuo dant, ut sex in centum per singulos annos recipiant, ad quod lucrum honestandum, si forte redarguantur, ad contractum trium contractuum, vel ad censum personalem confugiunt; quoniam tamen, vel quid sit contractus trium contractuum, vel quid personalis census, noverint, aut in dando mutuo cogitaverint: urpote quia „multi sunt, ut inquit Sal-“, maticenses, seculares, quorum ca-“, pta non capiunt hujusmodi tricias, &“, argutias“. Hoc tamen est discrimen, quod in istis contractibus & mens, & animus usurarius est; & titulus ipse usuram non tollit; in priori autem casu animus, & mens quidem usuraria fuit, quippe quia non nisi lucrum in mutuo expetebat: at titulus ipse honestus, licitusque esse potest. Id optime explicat Fagnanus ad Cap. *Naviganti* scribens: „Censetur creditor moveri ratione mu-“, tui, quando vult, & paciscitur, ut „sortis periculum ad se pertineat; &“, sic ex mutuo vult consequi lucrum, „non quidem immediate, sed me-“, diante periculi susceptione, quod „usurarium est“.

V. Præfatum itaque contractum a labe usuræ immunem dicerem, si hoc modo celebraretur: nimirum mutuans pecuniam navigaturo, vel ad nundinas ituro det gratis omnino, liberumque relinquat, quem maluerit, si voluerit, sua-

suarum mercium, sive pecuniæ affecuratore[m] querere: quod si ille ipsum mutuante[m] sponte eligat; licebit cum illo de periculo pacisci, & illud omnino idem lucrum, seu pretium, quod extraneo dandum esset, affecuratori persolvere. Hæc omnia complexus videtur S. Antoninus in sua Summa cap. 7. §. 21. dum rem sic exponit. „ Quid de „ eo, qui mutuaverit naviganti, vel „ eunti ad nundinas, recepturus aliquid ultra fortem pro eo, quod suscipit in se periculum, idest si pecuniam, vel merces inde emptas portaverit salvas, alias nihil recepturus etiam de sorte? Respondeo, quod „ aut illud ultra fortem recipit ratione „ mutui tantum, & sic est usura non „ obstante, quod periculum in se suscipiat, & ille est casus capituli *Naviganti* „ si “. En igitur, quomodo S. Præsul non mendum in præfata Decretali agnoscat, sed veram doctrinam, usura præfarum contractum coinquinari declarantem. Dein sic prosequitur. „ ut recipit „ illud ultra fortem ratione periculi; & sic „ non est usura, sed licitum. Nam etiam si „ non mutualet, & periculum navigantis „ in se veller recipere, licite posset recipere pretium periculi; nec propter „ hoc, quod ei servitium faciat in mutuo „ tuando, efficitur deterioris conditionis. Aut aliquid ultra fortem recipit „ partim ratione periculi, & partim ratione mutui; & tunc usura est quantum ad id, quod plus recipit respectu mutui; & illud tenetur restituere “. Ita quidem optime, inquit: at qui dignoscere potero, num poenitens, qui hunc celebravit contractum, & lucrum percepit, mentem habuerit usurariam lucrandi ex mutuo, an rectam ratione periculi? Nam si quis de iustitia huius contractus interroget, antequam illum

ineat, instrui potest de modo illum rite, recteque celebrandi ac post factum, & lucrum acceperit, si de iustitia quærat, quid respondendum?

VI. Quoad hanc practicam, & iustissimam quæstionem quid ipse sentiam, libere promam. Si qui hunc maritimum contractum celebravit, recte illius naturam, conditionesque novit, & iustum pactus est pretium affecurationis rogatus a mutuatario, profecto monte iustum lucrum quærente illud celebravit nullaque fuit usuræ labe contaminatus: & hic ad secundam a S. Antonino assignatam classem pertinet. At si qui illud iniit, nihil de ejus natura sciens, sed solum nocens ex illo lucrum reportari consuevisse ab exercentibus, & unice spe huius lucri illatus celebravit, adeo ut aliter certe suam pecuniam mutuo non dedisset; aperte constat hunc in prima a S. Antonino producta classe contineri, & usuræ reum esse, & non nisi lucrum quævisse, quocumque ex capite illud prodiret, sive ex mutuo, sive ex affecuratione. Nam quicumque contractum celebrat, in conscientia, & coram Deo adstringitur conditiones, æquitatem, honestatemque ejus expendere, ne se periculo peccandi committat; cum cupiditas lucri facile in errorem possit impellere, mentem obnubilando, ne, quod iniquum est, perspiciat. Ad dignoscendum vero, quænam tertiam occupent a S. Antonino statutam classem, illorum scilicet, qui partim ex mutuo, partim ex periculi affecuratione lucrum quæserint, hæc sunt optanda. 1. Pretium affecurationis periculi incertum non esse, & ad libitum affecurandis taxandum; sed vel juxta leges vel juxta consuetudinem, vel peritorum judicio determinatum, inspectis quantitate, & qualitate ipsius, distantia locorum, tem-

por-

poris diuturnitate &c. 2. Affecurationis contractum statim completum, perfectamque intelligi, quando merces, sive pecunia vel prospere ad terminum pervenit; vel illius amissionis habita est certa notitia; nam in primo casu solvendum est affecurationis pretium; in secundo vero vel pretium mercium, vel onus cessat restituendæ fortis, quæ mutuantis perit. Quamobrem his bene perpensis, tunc lucrum partim erit ex mutuo, partim ex affecuratione periculi, quando vel hujus pretium justam estimationem excedat, sive integrum semel solvatur, sive per partes in singulis annis, vel in singulis navigationibus, vel quando sola ratione temporis dilati ad restitutionem fortis crescat lucrum. Ratio primæ partis est manifesta ex eo, quod primo loco noravimus, nimirum non arbitrarium esse affecurationis pretium, sed determinatum. Secundæ vero partis ratio, quia cum hoc pretium sit determinatum tempore solvendum, ratione moræ in restituendo (nisi sit culpabilis) augeri sine fœnore non potest: quamobrem, si crescit, jam non ex affecuratione, sed ex mutuo lucrum provenire manifeste apparet; dummodo tamen non semper eidem subjaceat periculo pecunia mutuo data.

VII. In mutuo ratione periculi facti non licet aliquid ultra fortem recipere. Ad hujus doctrinæ intelligentiam nonnulla sunt præmittenda. 1. Duplex distinguunt Theologi periculum, alterum scilicet commune omnibus mutuataris, qui, licet divites sint, & bonis abundant, possunt tamen de repente vel communibus infortuniis, vel inopinato aliquo casu ad inopiam redigi. Alterum particulare, seu melius singulare, quod resultat ex conditione mutuataris; puta quia perfidus est, decoctor, prodigus,

vel negotiationi incumbens, negotia periculosa, incertique exitus assumit, & exercet. Nonnulli Theologi aliter utrumque periculum distinguunt, nimirum aliud, ex quo timetur damnum non reparabile; & aliud, ex quo timetur periculum quidem, sed facile reparabile, vel a quo creditor sibi cavit. Et quidem pro periculo, vel remoto, vel a quo creditor cavit, vel facile reparari potest, nihil recipi posse fatentur omnes Theologi; cum hujusmodi periculum non sit pretio estimabile. At ob alterum periculum, ex quo timetur damnum irreparabile, plures Theologi putant aliquid recipi posse, aliis ex adverso negantibus. Utrique tamen in eo conveniunt, quod, si mutuatarius velit mutuantem securum reddere vel pignore, vel hypotheca, vel idonea fidejussione, non possit cogi ad auctarium solvendum ratione periculi; nam hoc esset velle ex mutuo manifeste lucrari. At si mutuans periculum istud subeat, quippe qui nec pignore, nec fidejussione sibi caveat, sed soli fidi sygraphæ mutuataris, ejusque conscientis, & bonæ fidei, posse aliquid accipere docent laudati Theologi, non quidem universim, & absolute, sed quibusdam servatis conditionibus. Nimirum 1. Ut periculum verum, & reale sit, firmisque conjecturis innixum. 2. Ut in pactum deducatur, ut mutuatarius perspicere possit, num sibi intersit cum hoc onere mutuum accipere. 3. Ut non amplius exigatur, quam ipsa ratio periculi juxta prudentum, & peritorum estimationem exposulet. 4. Ut in pactione hujus lucri leges caritatis, & eleemosynæ non violentur. Verum ab hac opinione recedendum existimo, & nullum licere auctarium ratione periculi, sive reparabilis, sive irreparabilis, recipere per-

permotus argumentis probabilibus censeo.

VIII. Ideo, inquit Theologi adversæ sententiæ, licet ratione periculi in mutuo aliquid exigere, quia hoc periculum est ipsi mutuo omnino extrinsecum. Quod sic evincunt: illud periculum est extrinsecum mutuo, a quo cavere, vel quod vitare possum, salvo permanente mutuo: porro per pignus, hypothecam, vel idoneum fidjussorem possum illud vitare periculum, perseverante mutuo: ergo est illi extraneum: non igitur si aliquid causa hujus periculi recipitur, ex mutuo recipitur. At subsumunt: hoc periculum sponte subire est quid pretio æstimabile; nam illud subire etiam in dando mutuo nulla lege adstringor: ergo licite ejus pretium exigere possum absque ulla fœnoris injustitia. Verum hæc ratio cinatio mihi inepta ad rem probandam videtur. Nam immo retorqueri potest in arguentem hoc modo. Illud periculum est intrinsecum, & intraneum mutuo, quod semper, quocumque tempore, & a quocumque mutuatario timere possum, & ab illo immunitatem, & liberationem juste, & legitime petere: porro semper, quocumque tempore, & a quocumque mutuatario petere possum liberationem a timore periculi, & immunitatem ab illo juste, & legitime; ut contingit in Monibus Pietatis per pignus; vel per hypothecam, seu idoneam fidejussionem: ergo istud periculum est mutuo intrinsecum, a quo quidem separari potest non supponendo extrinsecum esse, sed e contra supponendo intrinsece adesse, sed ad illud vitandum indemnitate per pignus petendo. At dicent fortassis, non quodcumque periculum est mutuo extrinsecum, sed illud quod *irreparabile* dicimus; quia ejus indemnitas non est

quæsitæ per pignus, hypothecam, vel idoneam fidejussionem. Repono, sicut cuicumque mutuo in communi intrinsecum est periculum amittendæ sortis, a quo proinde cavere possum per pignus licite, & legitime; ita huic particulari, vel singulari mutuo, quo pecuniam do prodigo, decoctori, periculosis negotiis operam danti, est intrinsecum periculum amittendæ sortis, a quo possum quidem cavere, vel indemnem me servare pignore, hypotheca; idonea fidejusione, non vero illius incerti damni pretium petendo: quandoquidem hoc pretium nec periculum tollit, nec a damno liberat; nam merito timeri potest, ut qui fortem vel ex infortunio, vel ex malitia non restituet, profecto nec pretium periculi solvat. Quamobrem, qui de securitate sortis minime sollicitus, nec pignus, nec hypothecam, nec fidejussorem postulat, contentus pretio periculi, clarè ac luculenter ostendit, se non sortis securitatem quærere, sed lucrum ex mutuo. Præterea hoc periculum in ceteris contractibus nihil penditur; cur ergo existimandum in mutuo? Si quis enim mercem credito vendat, vel agros locet, pretium mercis, vel locationis post annum recepturus, nonne periclitatur de pretio? Et tamen quis dicat, hujus gratia periculi licere vel pretium sive mercis, sive locationis augere ultra justos limites, vel pro ipso periculo pretium exigere? At respondent fortasse. Hi contractus in utriusque beneficium redundant; proinde mirum esse non debet, si periculum illud flocci penditur. Nam respondeo, licet hi contractus in utriusque utilitatem sint; hoc tamen non impedit, ne venditor, & locator licite, & legitime idoneum postulet fidejussorem pro mercis, vel locationis pretio suo tempore recipiendo.

Ergo

Ergo sicut fidejussorem petere poterit, ita si huic beneficio in gratiam emptoris, vel conductoris renuntiet, pro periculo pretium repetere poterit; quod tamen certe locum non habet in hisce contractibus, ergo multo minus in mutuo. Quod luculentius patet in fure. Hic profecto cum rei furtivæ nunquam dominium indispicatur, tenetur & surreptam furto pecuniam restituere, & omnia ex furto damna, & intercepta lucra sarcire: teneretur igitur & pretium periculi, in quod dominum suo furto coniecit, restituere: quod periculum profecto longe majus est in fure, quam in mutuario; cum hic creditori notus sit, & possit semper ad restitutionem juris remediis compellere; ille vero occultus, & quem detegere difficillimum & semper incertum est: & tamen nullus justus iudex furem detestum, quem ceteroquin & ad pecuniam restituendam & ad damna emergentia, & intercepta lucra compensanda damnabit, & insuper poena carceris, virremis, flagellationis puniet, ad periculum sortis compensandum obligabit. Nec dices, furem pactum non inisse de periculo compensando, de quo paciscitur mutuatarius. Nam fur tenetur semper de omni jure ab ipso violato, licet cum domino non convenerit: quameobrem si justus foret titulus periculi, & jus daret ad illius compensationem, & istud sarcire teneretur latro, licet cum domino non convenerit.

IX. Huic argumento plane apodictico, & demonstrativo ut solutionem invenient se in omne latus versant adversæ sententiæ patroni. 1. Itaque nos interrogatione aggrediuntur. Cur, inquit, dominus a fure pignora non petit, & idoneos sponsores? Insulsa plane interrogatio; quæ tamen vim nostræ argu-

mentationis confirmat. Nam si mutuas potest pretium periculi pecuniæ mutuatæ petere, licet duplici via possit hocce periculum declinare, nimirum vel negando mutuum, vel suæ indemnitati prospiciendo pro pignus, vel idoneos fidejussores; quamobrem, si periculum non declinat, id omnino ex sua voluntate progreditur: quanto magis præfati periculi pretium exigere poterit a fure dominus, qui sua pecunia invitus spoliatur, quique irreparabili damno illam amittendi sibi prospicere non potest per pignora, vel idoneos fidejussores? At inquit: ideo mutuas potest pretium periculi petere, quia & ipse voluntarie concedit pecuniam consumendam mutuatario, & non exigit securitatem de forte recuperanda, cujus periculum in se suscipit; quæ duo requiruntur, ut justum sit pretium periculi: at dominus nec pecuniam consumendam concedit latroni, nec illius periculum vult subire, sed furem cogit ad statim restituendam pecuniam; ergo ille, non iste pretium periculi pendere debet. Bene, optime. Interim tamen verum est tam mutuantem, qui suæ pecuniæ consumptioni sponse consentit, quam dominum, qui invitus sua spoliatur pecunia: & sua pecunia carere, & periculum subire damni irreparabilis: cur igitur primus potest pretium exigere, alter vero omnino non potest? Si titulus periculi irreparabilis est justus ad pretium exigendum, dum sponte subitur; cur non erit justus, quando invito, & nolenti per injudiciam impositus? Iniquitas furti justitiam tituli non tollit, sed suger. Minime reponunt. Nam in locatione equi nihil exigi potest a conduttore, qui per hostem terram infcio, vel invito locatore transivit cum periculo amittendi equi, si illo incolu-

mi revertatur, & domino saluum restituat: & tamen locator antea pacisci poterat de pretio hujus periculi, si lubens, & volens subiisset. At, amabo, de quo periculo pacisceretur cum locatore conductor? Num de periculo facti? nimirum quod si equus revertatur incolumis, illum restituat, & pretium periculi solvat; si vero equus pereat, & pretium equi restituat, & pretium periculi. Iniqua profecto conventio, cui locator jure obstitit: responderet enim equus meo fieri periculo, adeo ut si pereat, pretium equi tibi pendere debeo, & tu adhuc postulas pretium hujus periculi, quasi tibi immineret, postquam in me transulisti? Ita profecto responderet mutuatarius: periculum pecuniæ, quam mutuo accipio, totum mihi imminet, qui semper pecuniam, quocumque pereat infortunio, tibi reddere integram debeo; & tu hujus periculi pretium, quod in me rejecisti, postulas? Pacisceretur itaque præfatus conductor de periculo juris, ut nimirum, si equus incolumis revertatur, illum reddat locatori, & periculi pretium solvat; at si equus ab hostibus rapiatur, persolvo pretio periculi, equi pretium reddere non teneatur. Et hic justus quidem est contractus, quod locum habet, & quando pecunia mutuo datur cum pacto asscuracionis, per quod, si in tali periculo pereat, non accipienti, sed danti pereat. Quid, urgent adhuc, si quis navi invitatus imponatur, poterit ne, si postea incolumis revertatur, petere pretium periculi, quod in navigatione subvixit? Minime certe; & tamen hujus periculi pretium petere poterat, si lubens, & volens in alterius gratiam periculum illud subiisset. Sed hic quoque adeest periculum non facti, sed juris. Nam qui violentiam intulisset, non teneretur de

pretio periculi; quia damna omnia compensandi onus sibi assumpsisset sua violenta actione, adeo ut, si violentiam passus incidisset in captivitatem, eum redimere teneretur: at e contra, qui in alterius gratiam navem lubens, & volens conscenderet pacto pretio, omnia navigationis pericula in se assumeret; proinde si a Piratis caperetur, non teneretur conductor eum sua pecunia redimere. Ille igitur debet periculum damni compensare, qui hoc periculum in alium transfert, sive juste, sive injuste hoc faciat. Porro tam fur, quam mutuatarius periculum transferunt irreparabilis damni in amissione pecuniæ, ille quidem sua injusta actione in dominum, iste vero, ut lubet adversariis, suo accepto mutuo sine affectuatione pignoris, vel idoneæ fidejussoris in mutuantem. Ergo si justus est titulus, tam premit furem, quam mutuatarium: illum certe non urget, ut satentur adversarii; ergo nec istum: non est igitur facti justus titulus aliquid ex mutuo exigendi. Sed, inquit adhuc, latissimum est discrimen inter furem, & mutuatarium. Nam restitutionem *veri interesse* metimur ex culpa; compensationem vero *probabilis interesse* metimur ex pacto: *verum interesse* debet compensari quantum quantum est; *probabile autem interesse* compensatur ex æstimatione partium, quæ non datur sine pacto. Hæc quidem oracula videntur ex tripode pronuntiata: at minime vera sunt. Nam 1. nonne *probabile interesse* est verum interesse? Nam si sit interesse chimericum, & confictum, nec probabile esse poterit: est igitur verum interesse in se, sed vel contingens, vel incertum in quantitate. Et hoc probabile interesse est faciendum etiam a fure absque aliqua conventionem,

ut patet in adultero, qui probabiliter judicat filium alienæ uxoris esse ex se progenerum; etenim pro rata probabilitatis damnum illatum marito, & familiæ tenetur sarcire. Falsum est igitur primum pronuntiatum oraculi; *Restitutionem veri interesse metimur ex culpa*; cum & ex culpa metiamur probabile interesse absque ulla conventionione. Verum interesse debet compensari, quantum quantum est. Utique, si non solum verum sit, sed & compertum, & certum: at si verum quidem sit, sed nec compertum nec certum a fure non debet compensari quantum quantum est, sed quantum ipse coram Deo, vel periti iuste iudicant illatum esse; & hoc iterum absque ulla conventionione partium. Igitur vel titulus periculi irreparabilis in amissione pecuniæ constituit *probabile interesse*, idest verum, licet incertum vel in se, vel quoad quantitatem; & hoc sarcire tenetur fur etiam absque ulla conventionione, ut patet ex adducto exemplo adulteri: vel non constituit *probabile interesse*; & pretium pro illo exigere non licet a mutuario. Porro certum est, furem non teneri compensare domino periculum irreparabile in amissione pecuniæ; quia hic titulus verum interesse non constituit: ergo nec licet ejus pretium a mutuario extorquere. Firmum igitur manet, & inconcussum argumentum ex paritate furis depromptum. Huic nostræ doctrinæ adhærere innumeri, & quidem magni nominis Theologi Lovanienses, & Parisienses, teste Continuatore Theologiæ Tournelianæ, immo pene omnes Juris periti, ut affirmat Leotardus de Usuris q. 23. ubi lucrum perceptum titulo periculi facti fœneratium omnino appellat, subdens, quavis id licitum esse sentiant Leonardus Lessus, & Theologi sane plurimi. . . . sed

Patuzzi Theol. Moral. Tom. V.

nostra sententia tutior est, & inter jurisperitos recepta. His accedunt Navarrus, Soto, Bannes, Rebellus, Tapia, Gutierrez, Naralis Alexander, Genertus, Juveninus, Fratres Ballarini tum in Prælect. ad S. Antonin. rum in Jure Divino &c. Nicolaus Gennaro, Toletus ipse lib. 2. cap. 51. n. 2. Antoine autem, licet rationes afferat pro sententia affirmante licitum periculi pretium, non tamen illas adprobat.

X. Opponent tamen adversarii 1. si periculum amittendæ fortis non est pretio æstimabile; cur tanta cura, & diligentia illud vitare conantur mutuantes, & præferunt Montes Pietatis, qui absque pignore, vel idonea fidejussione mutuum nunquam concedunt? 2. Onus dandi pignoris pro asscuracione restitutionis grave est mutuario, qui ab eo liberatur per modicum auctarium; & certe libentius pauper hoc modicum auctarium persolveret, quam sua re aliquamdiu, & fortassis diutius careret. 3. Celebris est decisio Congregationis de Propaganda fide, confirmata a Summo Pontifice, qua definitum fuit, ratione mutui immediate, & præcise nihil esse accipiendum; si vero aliquid accipiant (Simenses) ratione periculi probabiliter imminens, prout in casu, non esse inquietandos: licet igitur pro periculo aliquid recipere.

XI. Resp. ad 1. Cum periculum amittendæ fortis sit intrinsicum omnibus, & singulis mutuis, securitas per pignora, vel fidejussores quæsitæ non adversatur justitiæ, & est naturæ mutui omnino conveniens. Cum enim leges omnes, tum naturales, tum positivæ divinæ, & humanæ jubeant, ut a mutuario sub justitiæ rigoroso debito mutuos servetur indemnis; qui per pignora, vel fidejussorem idoneam securitatem suæ

pecuniæ petit, hisce legibus se conformat. At loco vel pignoris, vel fideiussionis pretium periculi extorquere leges nec jubent, nec concedunt; immo, ut ostendimus, lex divina, usuras prohibens, hoc damnat. Ad 2. fatemur onerosum pauperi re sua oppignorata carere, & libentius soluturum concedimus leve auctarium, quam daturum pignus: at hoc idem beneficium consequeretur pauper, si loco pignoris etiam modestas usuras perciperet. Quamobrem hocce argumentum, si honestum evincit pretium periculi, & honestas etiam evincit tenues usuras; quas tamen a paupere extorquere ne ipsi quidem usurarum Patroni concedunt, quippe qui illas solum locum habere asserunt, quando pecunia non pauperi ad consumptionem, sed negotiatori ad incrementum datur. Præterea non ideo aliquid honestum, quia utile; sed & juxta Philosophus, quod honestum est, & utile est dicendum. Si ergo onestum, justumque est pretium periculi accipere, licet fortassis pauperi onerosum, (ut est pignus dare) licite periri poterit: si vero honestum non est, nec licitum erit, ut luculenter ostendimus; & licet utile sit pauperi, non est permittendum. Ulterius, si liceret a paupere periculi pretium accipere, liceret etiam hoc pretium augere pro quantitate periculi. Porro cum periculum in mutuo dato pauperibus non leve sit, sed grave, cum eorum conditio talis sit, ut dicat Plurarchus, *egeno nomen credere*, & D. Basilus in Psal. 4. *pauperes fidem minime invenire*; posset igitur mutuius a paupere mutuatario longe majus pretium periculi extorquere, quam a divite: & sic non beneficium tentient pauperes ex mutuo, immo grave detrimentum. Sunt tamen, qui censent ratione periculi nihil recipi posse a pau-

peribus; quia, iniquum, hoc periculum intrinsecum est ipsi mutuo dato pauperi. At cur intrinsecum pariter non dicunt periculum ipsi mutuo dato decoctori, perfido, periculosas negotiationes exercenti? Certe discrimen inter utrumque periculum non perspicio; cam & in utroque periculum declinare possit per pignus vel idoneam fideiussionem, & æquale omnino sit carere pecunia vel impotentia, vel malitia debitoris: parum enim refert, num ovīs vel a lupo devoretur, vel a lanio occidatur. Præterea, qui lusoribus, decoctoribus, perfidis periculosam mercaturam exercentibus mutuum dant, vel ardenti urgentur laerandi cupiditate, qua obcæcati non perspiciunt imminens periculum integræ perdendæ fortis; vel fatuitati suæ impatere debent, ut animadvertit Salmastius, *si pecuniam illis credunt, a quibus prudentissime timent non reddendam*. At tales fatui vel rari sunt, vel omnino nulli. Ad 3. respondeo 1. Decisionem illam dubiæ esse fidei. 2. Non esse nisi determinati, & singularis casus; ex qua proinde generalis doctrina extendi non potest. 3. Esse merere tolerantem, cum in fine Decreti hæc habeatur clausula, *donec Sanctitas sua, vel Sedes Apostolica aliter ordinaverit*. Magis ad rem nostram facit Decretalis Greg. IX. quæ doctrinalis est, & in qua statuitur, nec ob periculum juris, ne usura subrepat, liceat aliquid ultra sortem accipere. Quanto minus igitur licebit ex mero periculo facti? Nam, ut optime animadvertit & ipse Tournellii Continuator, *vix contingit, ut in praxi ab usura immunes sint, qui ratione periculi aliquid supra sortem exigunt*.

XII. Alter, quem obtrudunt nonnulli Theologi, legitimus titulus exigendi au-

84-

auctarium occasione mutui est statutum Principis : quem tamen titulum non quidem adstruunt quasi vigentem , cum sponte fateantur , nullibi statutam legem , ut ex mutuo aliquid recipiatur ; sed solum posse a Principe decerni , & eo posito decreto , lucrum inde perceptum non fore amplius usuram *strictæ sumptæ* , sed solum *minus strictæ sumptæ* . Nam usura *strictæ sumptæ* tunc solum habetur , quando lucrum percipitur ex *mutuo vi mutui* , nullo alio prorsus interveniente titulo : at in posito casu legis latæ de percipiendo auctario causa mutui , non illud recipiatur *vi mutui* , sed titulo *legis , & regalis concessionis* ; ea propter non amplius usura esse vere , & rigorose talis , sed late , & nomine tenus , non re , & facto . At profecto hæc doctrina nova omnino sit , oportet , cum eam ignoraverint Patres omnes , omnesque Sacræ Scripturæ interpretes , qui putantes omnem usuram esse jure naturæ illicitam , proinde nec ab ipso Deo concedi posse , multoque minus licitam reddi ab humanis Legislatoribus ; undeque se vertunt , ut explicent , quomodo Deus Hebræis concesserit , ut usuram , quam a fratre exigere licite non poterant , possent tamen ab alieno . Quidam dixere , hanc legem esse solum permissivam , & tolerantem , ad majus malum vitandum , ut docet S. Thom. 2. 2. q. 78. 2. 1. ad 2. scribens : *Quod Judæi ab extraneis usuram acciperent , non fuit eis concessum , quasi licitum sed permissum ad majus malum vitandum* . Alii dixerunt nomine *alieni* designari Chananæos populos , a quibus poterant Judæi extorquere usuras ; quia in universa Chananæorum bona non minus , quam in vitam , jus illis dederat Deus ; & sicut eos occidere , ita & spoliare pro jure suo poterant , ut ait S. Ambrosius lib. de Tob. cap. 15.

n. r. *Quis erat tunc alienigena , nisi Amalec , nisi Amorrhæus , nisi bostis ? Ibi , inquit , usuram exige , cui merito nocere desideras . Cui jure inferuntur arma , huic legitima indicuntur , usura quem bello non potes facile vincere , de hoc cito potes centesima vendicare te . Ab hoc usuram exige , quem non sit crimen occidere . Alii denique ad supremum Dei dominium confugiant , qui potest sua infinita potestate dominium rei ab alio in alium transferre , etiam domino invito , quin ulla habeatur iniquitas . At omnes inepto prorsus studio , & labore desudarunt . Nam juxta recentem doctrinam , auctarium , quod Hebræi ab alienigenis in mutuo extorquebant , vera usura , & *strictæ talis* non erat ; sed usura *minus strictæ accepta* : non enim lucrum exercebant ex mutuo *vi mutui* sed *concessione Dei* ; proinde cum dicitur Deuteronomii cap. 23. v. 20. *Non feneratorabis pecuniam fratri tuo ad USURAM nec fruges , nec quamlibet aliam rem , sed alieno* , nomen usuræ primo loco , ubi de fratre sermo est , *veram* significat , & *strictæ sumptæ* usuram , quam nec Deus concedere potest : at in secundo loco , ubi de alieno sermo habetur , usuram denotat *minus strictæ talem* , quem non solus Deus licitam reddere potest , sed & possunt humani legislatores . Cæci igitur , & stupidi fuerunt omnes Sancti Patres , & Interpretes , qui difficultatem , & quidem maximam reperisse se putarunt in re planissima , & falso supposito existimarunt , usuras *strictæ sumptæ* , quales erant , quæ a fratre accipi vetabantur , fuisse concessum ab alieno extorquere , cum plane essent diversi generis : illæ enim natura sua illicitæ , quia extortæ ex mutuo *vi mutui* ; istæ plane justæ , licitæ , innoxie , quia extortæ non ex mutuo *vi mutui* , sed ex mutuo *vi & titulo concessionis* di-*

vine. Immo de re plane impossibili disputarunt: nam impossibile plane erat etiam divinæ omnipotentiae concedere Judæis, ut usuras *scribæ sumptas* ab alieno, immo & a fratre exigèrent, cum hac ipsa sua concessione statim ipsam usuræ naturam immutasset, sicut in nuptiis Canæ Galilææ aquam in vinum Christus mutavit. Nam illæ usuræ, quæ prævie ad concessionem erant usuræ *scribæ tales*, proinde iniquæ, injustæ, illicitæ, quia extortæ ex mutuo vi mutui absque alio titulo, jam evasissent minus *scribæ tales*, proinde licitæ, honestæ, justæ, utpote exactæ non ex mutuo vi mutui, sed ex mutuo alio titulo, scilicet concessione divinæ: quod miraculum profecto, si nuperos Theologos audias, nec omnipotentiam postulat, nec supremo eget Dei dominio, cum & ab humanis Legislatoribus facilimo negotio, paucisque verbis peragi possit, indicendo, *QUINCUNCES USURAS IN MUTUO EXIGITO*. Et ecce statim usuræ immutata natura: non enim amplius auctarium exigitur vi mutui, sed titulo lati sapientissimi (si Superis placet) Decreti. Hoc pacto ego paucis risti censui refellendam hanc novitiam doctrinam de potestate supremi Principis concedendi usuras. Quam methodo si secutus fuisset P. Concina, non adeo acriter vapulasset, non a Magistro sed (proh pudor tanti viri!) a discipulo P. Pichler. Ne autem & ego hujus plagosi Orbili ferulæ manum subjicere cogar, patrocinio P. Zech me commendo. Ceterum quoad praxim attinet, certum est antiquorum Imperatorum leges, usuras concedentes, esse Jure canonico abrogatas, & ut docet S. Th. hic qu. 78. art. 1. ad 3. concessas, non quasi æstimando eas esse secundum justitiam sed ne impediuntur utilitates multorum:

& postremis seculis a nullo Legislatore concessum, ut quis ex mutuo lucrum acciperet; & leges, quæ concedunt determinatum lucrum ex quacumque data pecunia, semper præsumunt adesse titulos veri interesse, nimirum vel lucri intercepti, vel damni emergentis, vel moræ culpabilis; & præterea illud lucrum repetendum non jubent, vel concedunt, sed, ne majus extorqueatur, prohibent.

CAPUT QUARTUMDECIMUM

CONJECTARIA PRÆCEDENTIS DOCTRINÆ.

- I. *Non licet cum Turcis, & Saracenis usuras exercere.*
- II. *Num difficultas recuperandi sortem, & expensæ faciendæ in recuperatione justum sint titulum auctarii in mutuo exigendi.*
- III. *Num utilitas, & commodum mutuatarii, sicut & angor, ac sollicitudo mutuantis similem titulum constituant.*
- IV. *Num pena conventionalis sit justus titulus.*
- V. *Num sit onus mutuum dandi, vel non repetendi sortem nisi post multum temporis.*
- VI. *Num aliquid liceat accipere in mutuo ob labores, & operas in mutuo præstando adhibendas.*
- VII. *Non licet ex paucis pupillorum, & viduarum usuras exercere.*
- VIII. *Num qui bona fide usurarium contrahum celebraverunt, putantes, & volentes licitum contractum inire, ab usura excusari possint.*
- IX. *De Montibus Pietatis.*

CONJECTARIUM PRIMUM.

- I. **F**ALSA est doctrina D. Domhousderii relata a Cornelio a Lapide in

in cap. 23. Deuter. scribentis : „ Cum
 „ Turca , & Saraceni Christiani fa-
 „ cere possunt usuram , ut sic bona Ec-
 „ clesiarum recuperent , quæ Turca , &
 „ Saraceni sine ulla ratione , jure , &
 „ æquitate , occisis tot millibus Chri-
 „ stianorum , hæcenus invaserunt . Qui
 „ ergo a Turca , a latrone , a fure infideli
 „ usutam acceperit , non rapinam fece-
 „ rit , nec fratri nocuerit , & Ecclesiam
 „ auxerit “ . Nam si usura jure naturali
 „ vetita est , illam ab ullo homine ex-
 „ tortuere non licet . Et præterea , ut
 „ egregie animadverit Nood lib. 1. de
 „ fœn. cap. 10. „ Quæ de fœnore , &
 „ usuris sunt conventiones , non belli,
 „ sed pacis , & commerciorum jure ce-
 „ lebrantur ; ideo . . . nec cum hosti-
 „ bus quidem fieri possunt ; quia hi
 „ cum inter se contrahunt , non ut
 „ hostes agunt , sed ut homines , qui
 „ utilitatis permutatione invicem sibi
 „ consulunt , idest jure gentium utun-
 „ tur “ . Quamobrem melius adnotavit
 „ ad hunc versiculum Calmet : „ Bellicæ
 „ Leges non permittunt , ut hosti fœ-
 „ nore dea ; licet permittant , ut illi
 „ ea auferas bona , quibus utitur con-
 „ tra te . Quod si nec tempore belli
 „ licet ab hostibus usuras exigere ; mul-
 „ to minus licebit , quando sub umbra
 „ pacis cum eis commercia habentur “ .
 „ Accedit scandalum , quod infidelibus
 „ præberentur , si scirent , fœnora ab ipsis
 „ extorqueri licitum a Christianis reputari .

CONJECTARIUM SECUNDUM.

II. Jussum non est titulus exigendi ali-
 quid supra sortem in mutuo . causa dif-
 ficulorum , vel expensarum pro recu-
 peranda ipsa sorte . Hoc insistantur plu-
 res Theologi etiam Probabilioristæ :
 quia putant hunc titulum esse mutuo
 plane extraneum , & accidentale , &

pretio æstimabile ; proinde jure hujus
 tituli gratia aliquid exigi posse supra
 sortem proportionaliter ad difficultates,
 vel expensas subeundas in sorte recu-
 peranda . Verum oppositam , quam sta-
 tui , doctrinam puto longe probabilio-
 rem : nam licet hic titulus dici possit
 extrinsecus mutuo generice , & abstrac-
 te spectato ; est tamen intrinsecus huic
 determinato , & singulari mutuo , quo
 tuam pecuniam mutuo das homini de-
 coctori , malæ fidei , litigioso , cavillo-
 so : quandoquidem eo ipso quod tali
 mutuum largiri vis , jam sponte hujus-
 modi difficultatibus te objicis ; eas enim
 potes , si vis , declinare vel negando
 mutuum , vel idoneum fideiussorem pe-
 tendo . Præterea urget in hac causa
 argumentum superius indicarum : ni-
 mirum nullus prudens , & cordatus pec-
 uniam suam mutuo largitur homini ca-
 villoso , litigioso , malæ fidei , perditæ
 conscientiæ , lufori , si prævidet non
 sine difficultatibus , & expensis sortem
 recuperaturum ; nisi cupiditate lucri ex
 auctario reporrandi ita obnubiletur , ut
 has difficultates libenter devoret . At
 inquirunt , quandoque denegare non li-
 cet talibus vitæ mutuum petentibus sine
 periculo indignationis , rixarum , odii
 &c. cogitur igitur quodammodo quis ad
 mutuum illis dandum : poterit igitur
 per auctarium suæ indemnitati prospice-
 re . At hæc mera sunt effugia . Nam
 si , ut hoc auctarium licite accipiat ,
 necesse est , ut causam illius exponat ,
 quia sine prævio mutuatarii consensu
 exigere non potest ; erit ne tutum istius-
 modi vitæ dicere , auctarium ab eis
 postulari , quia sunt litigiosi , malæ fidei ,
 perditæ conscientiæ , decoctores , alea-
 tores , & similia ? Nonne hoc illos of-
 fendet , ad iram provocaret , & odium ,
 & illorum indignationem ob denegatum

mutuum, ob manifestationem causæ ad auctarium petendum impellentis, sibi manibus, & pedibus accersirent? Vel causam periri auctarii fileres; & tunc scandalo ipse esses, qui te fœneratorem crederent. Ulterius, qui ab istiusmodi viris litigiosis, & perfidis vix sperat sine difficultatibus, & expensis sortem recuperandam, quomodo sperare poterit auctarium, quod novæ litis, novarumque difficultatum materiam, fomitemque suppeditaret? Denique ad expensas faciendas tenetur ipse mutuarius, si sua culpa sint a mutuantem subeunda.

CORSECTARIUM TERTIUM.

III. Iustus titulus aliquod auctarium ex mutuo percipiendi esse non potest nec utilitas, seu commodum mutuarii, nec angor, sive displicentia quam sentit mutans ob pecuniæ carentiam. Hos duos titulos proferunt duo recentiores Scriptores, nimirum Auctor libri inscripti de Moneta, qui Abbati Gagliardi tribuitur, & auctor Lektionum de Commercio Abbas Genovesi. Primus itaque sic scribit lib. 5. cap. 5. cujus verba latine reddo, in calce tamen italice rescribam. (*) „Certum tandem „est, inter homines non aliud pretio „æstimari, quam quod placet, volu- „prætemque affert, & solum emi & „comparari, quæ commoda sunt: & „cum nemo possit, quod sibi placet, „consequi sine alterius incommodo, & „molestia; hinc quod pretio penditur, „est incommodum, & privatio rei „qua carere alteri displicet. Aliquem

„in angore desinere molestum est illi: „est ergo pro hac molestia pretium „pendendum; & quod fructus pecu- „niæ dicitur, non est nisi pretium „hujus molestiæ, & angoris“. His paucis verbis eam complexus est doctri- „nam hic Auctor, quam fusc expo- „suerunt benigniores Theologi Caramuel, Lessius, & de Lugo. Ille quidem scribens disp. 14. n. 178. „Distinguo mo- „lestiam a periculo, vel damno emer- „gente, & lucro cessante. Est vero „aliqua recreatio in videndis rebus pre- „tiosis, cur & non possidendis? Pro „audienda comœdia, vel videnda be- „stia datur pretium, & nemo contra- „dicit; cur & non pro videndis, & „possidendis optimis auri partibus? „Ratione ergo hujus molestiæ, a ca- „rentia pecuniæ suborta, præcisio om- „ni alio periculo, posse quid supra „sortem accipi affirmat Medina“. Lessius vero lib. 2. cap. 10. dub. 14. n. 133. similia habet scribens: „Sicut „aliis rebus, & oneribus potest aliquod „pretium imponi; ita etiam oneri ca- „rendi sua pecunia tanto, vel tanto „tempore. Cum enim pecunia sit in- „strumentum negotiandi, & privare se „instrumento suæ artis sit pecunia æsti- „mabile; cur non etiam Mercatores „poterunt carentiæ pecuniæ pretium „aliquod communi consensu imponere, „præferim si ratio boni communis id „postulet? Adhuc tamen: „Nihilominus „sentio, non esse tam laxas habenas „mercatoribus dandas; nec illis con- „cedendum, ut quid supra sortem exi- „gant, si illis ex carentia pecuniæ nul-

(*) In fine è certo, che fra gli uomini non ha prezzo, che il piacere, e non si comprano che le comodità, e siccome uno non può sentir piacere senza incomodo e molestia altrui, non si paga altro che il danno e la privazione del piacere ad altri arrecata. Il tenere alcuno nel batticuore, è dolore, dunque conviene pagarlo.

„ nullum lucrum cessat, nullum periculum impender, nullum incommodum „ meruitur. Primo, quia illa sententia „ videtur nova, nec illam apud „ Auctores reperio; ac proinde in re „ morali tanti momenti non est facile ad „ mittenda „. De Lugo denique ad „ angorem respiciens (il tenere alcuno „ nel batticuore è dolore, dunque „ conven pagarlo) sic scribit: „ Sicut pro „ labore corporis potes pretium exigere „ ut aliquid sit tibi dolori capitis, quan- „ ti doloris illius molestia aestimari pos- „ sit; ita pro molestia, & angore men- „ tis subeundo poteris pretium exigere, „ cum non minus, sed magis aliquando „ crucietur, quam dolor corporis. Si er- „ go posses ultra sortem exigere, quan- „ do murum futurum esset tibi causa „ doloris capitis; potes etiam exigere „ quando murum futurum tibi esset causa „ doloris, & timoris interni propter peri- „ culum fortis amittendæ; quia dolor ille „ & timor, prout contradiñctus a sorte „ ipsa, est aliquid, quod in pactum possit „ pro pretio afferri¹⁴. Quid, si timor & „ angor (il batticuore) esset, effectus animi „ pusilli, nimium timidi, vel cupidi: nihilo- „ minus (conven pagarlo) ejus pretium est „ solveandum, ut confirmat laudatus De „ Lugo subdens: „ Cum enim ratio licite „ exigenti aliquid propter periculum „ sit, quia mutuans non potest hic „ & nunc mutare, quin habeat mo- „ lestiam illam, & timorem; parum „ videtur referre, quod res ipsa, vel „ indoles mutantis, & ejus dispositio „ talem molestiam afferat. Quia si ego, „ quia claudus v. g. sum, debeo subi- „ re periculum, & molestiam, ut pec- „ uniam ex dono asseram ad tibi mu- „ tuandum, quam molestiam alii non „ subirent; possum bene peculiare pre- „ tium exigere pro illa molestia a me „ subeunda. Sic ergo similiter, quia

„ mericulotus sum, & pavidus, non „ possum tibi mutare sine magno an- „ gore, & timore amittendæ fortis, vi- „ deretur, quod possem aliquid exigere „ pro hac molestia, & onere, sine quo „ ego tibi mutare non possum. Hoc „ tamen aliorum judicio relinquo¹⁵. „ Et revera benignum judicem sibi faven- „ tem reperit in Auctore laudato. Hæc „ quidem commoda sunt, & opportuna „ avaris, sœneratoribus, & cupidis ho- „ minibus: at meo videri & cum lege di- „ vine pugnant, & cum doctrina Eccle- „ siæ. Cum lege quidem divina, quia „ usuræ peccatum inter signata, & „ chimeras amandatur. Nam certum est, „ mutuatium ingentem voluptatem per- „ cipere ex pecunia mutuo accepta (ed „ è certo che fra gli uomini non ha prezo „ altro, che il piacere). debet ergo „ pro percepta voluptate pretium pendere „ (dunque conven pagarlo). Ex alio ve- „ ro parte, qui mutuum dat (nisi cari- „ tate urgeatur ad proximo subveniendum; „ & tunc certo nihil ex mutuo percipere „ volet) dolorem sentit, & angore affici- „ tur ob carentiam suæ pecuniæ (non si „ paga altro, che il danno, e la priva- „ zione del piacere) potest igitur pretium „ pro tali molestia accipere (dunque „ conven pagarlo). Nulla ergo amplius „ usura in mundo; & crimen usuræ chi- „ mæra est, signum inane in cerebro „ delirantium prognatum. Cum doctrina „ vero Ecclesiæ, quæ fundamentum, & „ basim dejecit, qua totum harum laxa- „ rum, & abominabilium doctrinarum „ ædificium innititur, & superstruitur, „ scilicet pecuniam numeratam, & præ- „ sentem esse pretiosorem numeranda, & „ absente, quam doctrinam damnavit „ Innoc. XI. in propositione 41. agente: „ Cum numerata pecunia pretiosior sit nume- „ randa, & nullus sit, qui non majris „ fa-

faciat pecuniam presentem, quam futuram, potest creditor aliquid ultra sortem a mutuuario exigere, & eo titulo ab usura excusari. Nam juxta istos Auctores pecunia praesens numerata mutuatario laetitia, & voluptatem affert; pretiosior est igitur absente, quam non habet, quippe quae nullam illi voluptatem affert. Ceterum inter homines non nisi quod placet, & voluptatem affert, pretio aestimatur (è certo che fra gli uomini non ha prezzo altro, che il piacere). E contra pecunia, quae se privat mutuans, unde fit illi absens, nec numeranda nisi post annum, minus evadit illi pretiosa, cum sit causa tristitiae, angoris, & molestiae; ergo minus pretio aestimabilis in se, proinde aequanda per auxilium, quo angorem, molestiam, & tristitiam, proculdubio pretio aestimabilia, compenset. Hoc est igitur damnatam ab Ecclesia doctrinam tueri, & renovare sub involacro voluptatis, angoris, timoris.

Alter vero Abbas Januensis, post multa philosophice dicta, & centies refutata, tandem ad Theologica progrediens, ne Theologos exasperet, & eos se audire velle proficitur, & conari, ut vocem RATIONIS benigne audire velint, cui nimia zelotypia inimici sunt. Ut igitur ostendat, posse mutuantes aliquod auxilium in mutuo recipere ob beneficium, commodum, utilitatem, quam mutuuario pauperi, & indigenti affert, nec huic auxilio adversari Patres, & Concilia, scribit: „Vellem adesse Concilio illorum Sanctorum, & doctissimorum Patrum, & ab illis haec duo sciscitari. 1. Si quis non egens beneficium (mutuum scilicet) a me postulet, solum ad luxum, ad delicias, ad divitiarum cupiditatem, teneor ne

„ego, Patres Sanctissimi, illi mutuum dare? 2. At, si sim ipse egens, nec vitam traducere valens, nisi pecunia mea lucrum mihi quaeram, possum ne hujusmodi postulanti respondere? Frater Fratrem adjuvet, mutuo adjuvemur? Ipse tuae voluptati, deliciis, & cupiditati favebo, pecuniam meam tibi elargendo; & tu quoque praebebis mihi pretium consuetum mutui. Nonne juste possem haec ab illis petere? Donec audiam, quid respondeat Concilium, aut quid Concilii nomine Theologi, pro certo habebor, nec Theologos, nec Patres usurae ad-, versari juxta exposita in petitionibus.“ Huic duplici interrogationi ut responso deatur, nec opus est Concilio, nec Patribus, nec Theologis. Quilibet Christianus in Catechismo edoctus, & sciens usuram esse peccatum, facile respondere poterit. Ad primum itaque dicit; Non teneris: potes, si vis, fratri tuo benefacere; cave tamen, ne ejus avaritiae, vel cupiditati tuo beneficio faveas, ne sis particeps alieni peccati. Ad alterum vero reponet. Si tua pecunia tibi necessaria ad vitam comparare debes, eam occupa in honestis negotiationibus, census eme, agros, vineas, domos, ex quorum fructibus, & locatione possis honestum, & licitum lucrum percipere: non autem des ad usuram, ut faveas luxui, deliciis, cupiditati alienae; hoc enim indignum est homine christiano. Tu, qui Sacerdos es naturae (sic enim ipsum vocas) vocem naturae non audis, dicentis tibi ote Ethnici Philosophi Aristotelis lib. 1. de Repub. cap. 10. usuram optima ratione in odio esse, quod ab ipso nummo quaestus fiat. Et non, ad quam rem paratus es, usurpant? Permutationis causa natus es, servus autem eam auget, & multiplicat. In so-

nore pecunia pecunia partus est, & satus est. Quapropter maxime omnium querenda pecunia rationum abhorret hæc a natura? Hoc pacto puto responderi posse duobus illis quaestis. Has responsiones confirmare possem pluribus SS. PP. testimoniis: at frustra laborarem, nam ab eorum doctrinis periculum sibi quaesivit Abbas Genovesi, subdens: *At, si mihi dicta opponantur SS. PP. plane contraria docentium, intrepide respondeam, illos non revera dicere, quod dicere videntur; nam quod dicere videntur, funditus systema destruit, quod constanter statuunt.* Quid igitur ad Patres, & ad Concilia provocat? Quid illos interrogare vellet? Ad quid eorum responsiones audire? si contradictoria docere illos credit, & intrepide pronuntiat. Proinde non ad ejus instructionem, sed ad Lectorum utilitatem definitionem profero Concilii Burdigalensis anni 1583. nemini permittentis ex pecunia mutua lucrum querere; licet ex ea indigeant lucrum sibi querere ad vitam sustentandam, sic decernentis: „No cui ex mutuo præter
„ sortem ex conventu, vel eo, quod
„ datum est, aliquod amplius accipere,
„ sive ejusdem generis, sive alterius
„ quomodocumque, etiam si opera sint,
„ liceat; etsi pecuniæ ipse sint pupil-
„ lorum, aut viduarum, aut locorum
„ piorum, vel etiam dotales, nisi qua-
„ tenus id jure nominatim permittitur.
„ Mutuum enim ex præcepto divino
„ debet esse gratuitum“.

CONSECTARIUM QUARTUM.

IV. Pœna conventionalis non videtur justus titulus aliquid exigendi ultra sortem in mutuo. In disputatione de contractibus in communem offendit probabilius esse, non licere pœnam conventionalem mutuo adjicere, utpote quæ

Patuzzi Theol. Moral. Tom. II.

usuræ larva esse potest, & solet. Solum igitur nonnulla hic subjicio, ut mentem P. Conciniæ explicem, quam non recte intellixisse videtur Cl. Franzosa, dum in sua ratiocinatione illum de petitione principii accusat. Duplici itaque causa apponi potest pactum in mutuo de pœna conventionali solvenda a frangente fidem, idest non reddente mutuum præstituto tempore, scilicet vel zelo justitiæ quia, ut inquit laudatus Commentator, cum fractio fidei culpabilis & justitia contraria sit, puniri meretur, proinde non est contra justitiam pœnam apponere fidem frangenti. 2. Ut mutuatores prompte suam pecuniam recuperet, nec ea carendo ultra præstitutum tempus damnum sentiat. Primam apponendæ pœnæ causam non assignavit P. Concina, quia putavit in paucis mercatoribus reperiri. Et certe in centum mutuatores vix unum reperies, qui hoc justitiæ zelo moveatur ad pœnam conventionalem apponendam: & si qui forent, qui vero justitiæ zelo impellerentur, hujus pœnæ emolumentum non sibi tribuerent, sed in favorem pauperum, vel Ecclesiæ illum refunderent: & revera Judices Ecclesiastici, & etiam plures Laici hujusmodi pœnas pecuniarias non sibi applicant, sed pauperibus, vel in Dei cultum dari jubent. Plerique itaque moventur, vel spe lucri in exigenda pœna, quæ in eorum redundat utilitatem, & qui hac mente mutantur, usuræ coram Deo certe rei sunt: & cum omnes cupiditate urgeantur, haud difficile est hanc cupiditatem subripere, vel qui minus cupidi sunt, ad apponendam pœnam moveri, non aliis de causis, nisi 1. vel quia de periculo fortis timent, si ejus solutio post præstitutum tempus differat; & hi, sitente ipso Franzosa,

A a a

msu-

usuram non vitant, cum periculum fortis amittendæ non sit iustus titulus ali-
quid exigendi ultra sortem, & pœnam
apponere hac de causa idem omnino
est, ac de periculo fortis sibi cavere
sub fuco pœnæ conventionalis. 2. Vel
quia timet damnum emergens, vel in-
terceptum lucrum; & ad hoc vitandum
non est necessaria pœna conventionalis,
cum morosus debitor ad illa sarcienda
etiam sine conventionem prævia in con-
scientia teneatur. 3. Vel quia timent
ex impotentia non soluturum suo tem-
pore debitum; & iniustum est pœnam
conventionalem exigere ab impotente,
& sine culpa non solvente; vel denique
quia timent ex malitia non soluturum;
& tunc inanis est ad intentum appositio
pœnæ, quia si ex malitia non reddet
sortem, nec pœnam conventionalem
solvet. Non igitur petitione principii
laborat argumentatio Conciniiana; sed
recte enumeratione causarum, quæ im-
pellere communiter solent mutuantem
ad conventionalem pœnam mutuatario
imponendam, argumentum deducit,
eamque non nisi ad usuram pallandam
induci ostendit. Et revera, si solus ju-
stitiæ zelus, ne perfidia impunita re-
maneat, licitam reddere potest con-
ventionalem pœnam, raro admodum
eam apponere licebit: nam pii, sancti-
que homines, qui soli hoc zelo moveri
solent, lubentius consilium amplectun-
tur Christi Domini dicentis Matth. 5.
v. 41. *Quicumque te angariaverit mille
passus, vade cum illo & alia duo: qui
petit a te, da ei, & volenti mutuari a
te, ne avertaris.*

CONSECTARIUM QUINTUM.

V. Nihil recipere licet in mutuo, vel
quia se quis ad mutuum dandum ob-
stinxit, vel quia ad non repetendam

sortem se obligavit ante determinatum
tempus. Ratio primæ partis est, quia
onus illud mutuandi vel ex caritate
procedit, vel ex cupiditate pecuniæ:
si ex caritate, cur proximum gravat
lucrum ab illo exquirendo? Si ex cu-
piditate, jam ex mutuo lucrum qua-
rit; quod cum obtinere non possit ra-
tione mutui, novum genus obligatio-
nis instituit, ut per ipsum lucraretur.
Præterea usurarii omnes, & fœnerato-
res mensam tenent apertam, & ad mu-
tuandum omnibus paratos, & propen-
sos se ostendunt, dummodo idonei sint
& ad sortem, & ad auxilium reddend-
um. Quomodo igitur a crimine usura
hoc titulo excusari poterunt? Denique
licet Montes Pietatis ad hoc instituti
sint, ut omnibus mutuum dent; non
tamen gratia hujus tituli, aliquid ac-
cipere possunt præter id, quod neces-
sarium est ad ministrorum sustentatio-
nem, & ad fabricæ, sive cameræ con-
servationem. Non esse igitur potest ju-
stus titulus aliquid accipiendi onus dan-
di mutuum. Altera vero pars jam Ec-
clesiæ judicio definita est in damnatio-
ne propositionis 42. ab Alex. VII. dam-
natæ, quæ asserbat: *Licetum est mu-
tuanti aliquid supra sortem exigere, si se
obliget ad non repetendam sortem usque
ad certum tempus.* Et revera si mutuum,
prout a precario differt, necessario im-
portat, ut pecunia mutuo data con-
gruo tempore mutuatario concedatur;
manifestum est concessionem congrui
temporis esse ipsi mutuo intrinsecam;
ac proinde quidquid pro dilatione exi-
geretur, ex mutuo exigeretur. Nec dic-
cas, congruum quidem tempus, at non
diuturnum convenire mutuo; proinde
si mutuator per longum tempus, puta
sex, octo, vel decem annos se obliget
ad non repetendum mutuum, ratione
huius

hujus diuturnioris temporis licitum erit aliquid ultra fortem pacisci. Non, inquam, hoc dicas: nam congruitas temporis sive brevioris, sive longioris defumitur & ex voluntate mutuantis, & ex commoditate mutuatarii. Si itaque ille consentiat mutuum concedere ad longum tempus, hæc ejus voluntas, & concessio est huic determinato mutuo intranea; non enim mutuum datur in abstracto, sed vere, & realiter hic & nunc ad tale tempus juxta voluntatem mutuantis: proinde nihil poterit pro eo mutuo exigere. Si vero spectetur commoditas mutuatarii, hæc vendi non potest a mutuantem, cum non sit nisi usus pecuniæ per longum tempus; & si juxta doctrinam S. Thom. seorsum venderet & pecuniam, & usum pecuniæ per longum tempus, quod est manifesta usura. Præterea Auditor Opusc. 73. cap. 8. scribit: „ Quidquid causa temporis accedit in contractibus, sicut in mutuis, tuis, forti accedit sine justo titulo: „ quia ipsa facit suum per fraudem vendendo tempus, quod Dei est, & „ datum communiter omnibus: & hinc „ est quod omnis contractus, in quo „ aliquid plus accipitur, quam datur, „ sive in spe, sive in re, & hoc tantum propter causam temporis, vocatur contractus usurarius “.

CONSECTARIUM SEXTUM.

VI. Labores, & opera ad mutuum dandum præstanda, non sunt semper titulus justus aliquid ultra fortem accipiendi. Veritas hujus doctrinæ explicatione patebit. Sunt enim aliqua opera, aliquique labores ad mutuum omnino necessarii, cujusmodi sunt numeratio pecuniæ, mensuratio tritici, vini, olei &c. Hæc si præstentur ab ipso mutuatore, vel ab ejus famulis sibi inferientibus, nihil pro illis recipere po-

test, cum sint ipsi mutuo intrinseca: non enim fieri possunt, ut quis mutuam det pecuniam, nisi eam numeret, vel vinum, oleum, triticum, nisi mensuret, ut sciat quantum dederit, ut tantumdem recipiat; non potest itaque ratione hujus laboris, vel operis aliquid recipere. Si vero hæc opera sint ab aliquo tertio præstanda, puta a communi mensuratore, vel ex officio publico, vel privata arte, proculdubio mutuantem debet ab istis expensis immunis reddi a mutuatario, in cujus beneficium illæ redundant; præsertim cum hujus laboris, & operis pretium non in ipsius mutuantis utilitatem cadundet, sed ministri accipientis. Idem pariter dicendum: si res mutuo datæ, puta frumentum, vinum sint de loco ad locum, de domo mutuantis ad domum mutuatarii transferendæ: expensas enim ad hoc necessarias non mutuator subire debet, sed mutuarius; ut de se patet, nec longiori indiget probatione.

CONSECTARIUM SEPTIMUM.

VII. Non licet tutoribus pupillorum pecuniam mutuo dare, ut ex ea in eorum utilitatem lucrentur; nec viduis suæ dotis pecuniæ ad sui sustentationem lucrum ex mutuo querere. Veritas hujus propositionis est de se manifesta. Cum enim usura sit jure naturali, & divino illicita, nulli est concedenda. Ita statuitur in Concilio Provinciali Mechlinensi tit. *de usuris*; ubi dicitur: „ Quoniam usura jure divino, & canonico omnibus Christianis sub pœna peccati mortalis interdicitur, neque „ facienda sunt mala, ut eveniant bona, „ Synodus statuit, & ordinat, ne „ tutor, aut curator sub prætextu „ augmentandi patrimonii pupillorum „ . . . pecuniis illorum sub certo lu-

„cro, singulis annis ultra sortem recipi-
 „piendo, mutuo dent, retenta facultate
 „tate repetendæ sortis, quando ad
 „majorem ætatem pervenerint... declarando,
 „omnes hujusmodi contractus usurarios,
 „& contra, ut præmittitur, mutuantes,
 „tquam contra usurarios ad pœnas juris procedendum
 „Quod & antea decretum fuerat a S. Carolo Borromeo in suo I. Mediolanensi Concilio anno 1564. ubi sic statuit tit. de Usuris: „Ex mutuo, vel
 „deposito etiam apud Judicem factis
 „nihil præter sortem a quovis homine
 „percipi ex conventu, vel principaliter
 „sperari possit; tamen pecuniæ
 „iple sint pupillorum, aut viduarum,
 „aut locorum piorum, vel etiam dotales,
 „nisi quatenus id jure nominatim
 „permittitur“. Legatur & Decretum
 „Concilii Burdigalensis superius recitatum
 „Consecratio 3. Debent proinde Tutores
 „sue prospicere indemnitati, & pupillorum
 „utilitati consulere per legitimos, licitosque
 „contractus, ab ipso judice, si opus sit,
 „adprobandos: Viduus vero suam sustentationem
 „comparare pecunia per legitimos census,
 „vel societates, vel alio honesto titulo.

CONSECTARIUM OCTAVUM.

VIII. Qui bona fide putans, & intendens licitum lucrum per aliquem contractum consequi, si deprehendat se usurarium, vel aliud illicitum pactum celebrasse, a culpa quidem fortassis excusabitur, at lucrum perceptum licite retinere non poterit. Plures Theologi huic doctrinæ adversantur, & præsertim Salmaticenses, qui putant, profabilliter quidem, licite contrahere, & lucrum sibi retinere posse, qui in contrahendo hoc modo fallatur; at probabilius etiam, si solum in contrahendo

addiderit, se velle obligare *omni modo iusto*, quo possit. Nalla autem asserunt hujus suæ doctrinæ argumenta, contenti solum ea rejicere, quæ Theologi professorum pro prima probabilis sententia, in qua clausula illa non fuit appposita. Verum eorum opinio sic refellitur. Contractus bona fide celebratus certe, ut supponimus, illicitus est, & usurarius: ergo non potest dominium lucri transferre. Bona fides eum quidem a culpa excusabit, si parem adhibuerit diligentiam in investiganda contractus honestate, adhibuit, ac ut cernebat utilitatem: si enim hanc solum respiciens, de illa nihil curaverit, nec a culpa excusabitur. Præterea clausula illius appositio, sicut & habitualis, & etiam, si lubet, actualis voluntas contrahendi licito quo potest modo, iustum, licitumque non efficit contractum, qui de se illicitus, & fœneratius est: non enim voluntas humana potest legem Dei, & naturæ immutare. Modus ille iustus, ad cuius normam protestatur se contrahere velle, est contrahenti omnino ignotus: non est ergo volutus, cum nihil volitum, quin præcognitum. Et revera in omnibus pene contractibus, qui publico perficiuntur instrumento, apponi solet a Notariis clausula illa, *omni meliori modo*; & tamen si contractus, si Testamentum nullum sit ex aliquo defectu, non per hoc validum, firmumque habetur etiam in humano iudicio. Ergo pari pacto verba illa licitum, ac iustum reddere non possunt, quod illicitum, & usurarium est. Nec locum habet titulus lucri cessantis, vel damni emergentis, quod subivit, cum posset licitum contractum celebrare. Nam, ut ipsi affirmant Salmaticensis: „u. possit alii, quid ultra sortem accipere, debet
 „monere mutuatarium, & illo monito
 „, da-

„damnum emergens, & lucrum cessans in pactum deducere“. Quod in presenti minime reperitur. Denique contingere potest, ut cum altero contrahente nullus adsit titulus nisi sœneratitius, unde possit ab illo lucrum accipere: non societatis, quia non negotiatur: non census realis, quia bona stabilia non possidet: non personalis, quia infirmus est, senex, ineptusque ad labores, & opera. Erat igitur tunc illa clausula omnino inepta, & solum ad fucum faciendum, & usuram regendam inventa, & apposita.

CONSECTARIUM NONUM.

IX. In Montibus Pietatis, sive puris, sive mixtis, si Ecclesiasticæ serventur leges, nihil reperitur, quod iustitiæ adversetur. Montes pietatis puri illi dicuntur, in quibus ex piorum eleemosynis summa aliqua corrogata est, ut mutua dentur pauperibus tradito pignore, & aliquo tenui auctario. Hos Montes ab iniustitiæ labe puros declaravit Concilium Lateranense sub Leone X. celebratum. Si quid enim in ipsis esset, quod iniustitiam redoleret, foret auctarium, quod exigitur a mutuatariis. Vtrum hoc auctarium, ut declaravit præfatum Concilium, non accipitur causa mutui, sed ad solas ministrorum expensas, & aliarum rerum ad Montium conservationem pertinentium, pro eorum indemnitate dumtaxat, & absque lucro eorumdem Montium. Hinc titulus hujus lucri ad damnum emergens deducitur. Quandoquidem, si ministris stipendia danda forent ex ipsis pecuniis, quæ Montis sortem, sive capitale constituunt si ex iisdem emenda domus, vel pensio pro eadem solvenda, citissime periret, & exhauriretur fundus Montis, & cessaret pauperum levamen a Fundatoribus

intentum. Non igitur usuraria est exactio auctarii, sed iusta omnino, & licita. Pro quo augmento etiam plures, & quidem sanctissimæ statuti sunt leges omnino custodiendæ. Nimirum 1. ne lucrum aliquod ipsi Monti accedat. 2. Ut nihil ultra accipiat pro auctario supra id, quod ad Montis indemnitate necessarium est. 3. Ut ministrorum stipendia moderata sint. Hinc minime laudandus Clericatus, qui in Decis. Misce. Decis. gr. n. 1. Patavinum Montem commendat, quod amplissimas mercedes ministris donet, et amplissimas eleemosynas erogat; cum ille amplissimæ mercedes ex pauperum venis extrahantur, & large illæ eleemosynæ nudos quidem vestiant, sed pauperum vestitos nudent. 4. Incrementa, quæ forte confurgunt ex minoribus solutionibus, ut quando pro octo minimis (vulgo Maggattini) quorum duodecim obulum (sol-do appellant) conficiunt, integer obulus, seu unus solidus solvitur, quod in plurimis mutuis ad grandiore quantitate pecuniæ summam ascendet, non in ministrorum utilitatem cessat, quod iniquum esset, sed, ut iussit Paulus V. pro Montibus sui Ecclesiastici status, non in alios usus distrahetur, quam in mutuum pauperum; vel, ut concessit Sixtus V. Monti pietatis Bergomensi, in capitale ejusdem montis accumuletur, vel in fundum, seu capitale constituentem, ex quo necessariæ habeantur expensæ: quamobrem absque ullo auctario pauperibus, & indigentibus mutuum in posterum detur. Absit tamen, ut ad hæc consulto auctarium augeatur, sed solum ex auctario necessario redundante hæc fieri poterunt. Sunt præterea & aliæ optimæ leges statutiæ pro pauperum levamine, ejusmodi sunt, ut pro modicis summis mutuo datis nullum exiga-

exigatur auctarium; pro majoribus vero modicum, ut ad summum quatuor, vel quinque in centum non excedat. 2. Ut pecuniæ Montis nonnisi pauperibus, & vere indigentibus dentur. Hinc peccant qui modicitate auctarii, quod Monti perfolvitur, abutentes, magnam pecuniæ summam mutuo accipiunt, non ad præsentem levandas indigentias, sed ad negotiationem, & commercia habenda; vel, quod pejus est, ut aliis mutuo impertiantur cum majori auctario: quod profecto, quam iniquum sit, nemo non videt; cum veris pauperibus noceant, quos mutuis defraudant, & illorum pecunias suæ avaritiæ faciant inservire. 3. Ut ministri Montis non amplius quid accipiant a mutuatariis, quam liceat juxta Montis statuta pro rata summæ, & temporis. 4. Ne in pignorum venditione pauperes debitores graventur, & quod superest pretium in venditione, fideliter reddatur debitori: & aliæ plures apud Auctores legendæ. Quæ omnia statuta si exacte servantur, nihil erit in Montibus istis, quod vere pietatem non redoleat, & magnum pauperibus, & vere indigentibus levamen non afferat, & subsidium.

Montes vero mixti illi dicuntur, qui instituti quidem sunt ad mutuum dandum pauperibus, sed præterea a privatis quibuscumque personis pecunias accipiunt, hisque tria, ut quatuor solvunt pro centum, quoadusque ipsam datam pecuniam recipiant, quam interim pauperibus mutuo dant, a quibus tantumdem exigit Mons, ut se indemnem servet, præter expensas ministrorum, & cetera gravamina sustinenda. Inquirendum igitur est, quo titulo licite pecuniam in Montibus deponentes præfatum auctarium possint accipere? E primò quidem sunt in duas classes hi Mon-

tes Pietatis distinguendi: alii nimirum, qui nulla habent bona stabilia, ex quibus fructus, & redditus colligant; alii vero, qui hujusmodi bona obtinent. In prioribus Montibus, qui pecuniam tribuunt, ut ex ea præfatum auctarium recipiant, usurarii habendi, sunt, sicut eos aperte declaravit S. Carolus Borromæus in suo II. Concilio Mediolanensi anni 1569. in quo sic decrevit: „Ne quisquam pecuniam apud „Montes pietatis deponat, vel eisdem „mutuo det, ut inde aliquid ne minum quidem lucri, aut ejus, quod „interest, nomine percipiat. Qui vero „eo pacto quidquam ea causa perceperit, quod Monti pietatis pecuniam „vel mutui, vel depositi nomine dederit, cum eo tanquam cum usurario „homine agatur ad juris præscriptum“. Unicus tamen esse potest titulus aliquid exigendi, a Julio III. Pontifice pro Monte Vicentino adprobatus, nimirum lucrum cessans, quando scilicet, inquit Pontifex in suo Brevis dato 8. Jan. 1554. qui pecunias suas de facili, & commode in emptionem annuorum reddituum, seu censuum licitorum, & permissorum, vel possessionum, seu pradiorum, ex quibus non solum quatuor, sed & quinque, & sex, & forsitan ultra pro centenariis, juxta illarum partium consuetudinem, perciperent, convertere possent, & nihilominus caritatis zelo, ut uberius pauperibus subveniri possit, ac nullatenus animo, & intentione sævendi pecunias in dicto Monte deponant &c. Quod & antea statuerat Paulus III. pro Monte Mutinensi; & postea ferme iisdem verbis confirmavit Greg. XIII. pro Monte Veronensi, quæ omnia Brevia, & Decreta legi possunt apud FF. Billarinos in Append. Tom. 2. de Jure Divino, & naturali circa usuram. Ut igitur ex præfatis Decretis pos-

possint; qui Monti pietatis suas tradunt pecunias in pauperum utilitatem mutuo dandas, aliquid auctarium percipere, duæ sunt omnino conditiones ex præfatorum Pontificum voluntate ad usuram vitandam necessariæ: nimirum 1. ne animo ex pecunia lucrandi eam Monti tradant, sed vere ex motivo caritatis, & misericordiæ ad subveniendum pauperum necessitatibus. 2. Ut ex præfata pecuniæ traditione ipsis vel damnum emergat, vel lucrum cesset, quippe qui possent, si vellent, eam utiliori modo occupare in aliis lucrosioribus contractibus sibi jam obviis, & ad manum: quam maiorem utilitatem zelo caritatis, & boni operis præferre malint minori beneficio, quod ex lucro Montis reportant. Alterutra ex his conditionibus deficiente, statim usura subrepat. At huc doctrinæ opponitur praxis, qua frequenter; præsertim in Italia, pecuniæ in Montibus pietatis collocantur, & inde annuæ pensionis auctarium sumitur, quin tamen huiusmodi lucri cessantis ratio habeatur. Verum respondeo hanc praxim non esse adeo uniuersalem, cum teste Clericato in superius laudata Decisione, plurimi sint qui pecunias ad Montes pios deferunt in pauperum beneficium, quin ullum nec minimum inde lucrum percipiant, contenti securitate loci, ubi pecunia custoditur, & certitudine recuperandi, quotiescumque repetere illis libuerit.

2. Non desunt etiam, qui revera vel census sibi oblatos, vel prædia sibi ad emendum proposita comparare recusant, & Monti pietatis ex caritate, & zelo tradunt. 3. Sunt denique plurimi, qui uicæ attendentes in Montibus pietatis auctarium dari deponentibus pecuniam vel ex ignorantia, vel etiam ex malitia & verum titulum lucri cessantis minime

attendentes, inibi pecuniam deponunt: & hi si ignorantes, sunt monendi, si malitiosi, cogendi, ut vel pecuniam repertant, vel auctarium recusent, & quod hætenus perceperunt, restituant, cum ab usuræ labe minime fuerint immunes. Nam illos excusare velle, & illis lucrum concedere, vel ex concessione Pontificum, ut docent Pasqualigo, & Felix Potestas, vel ex dono, & largitione Communitatis, vel ex consuetudine, & silentio plurimæ Theologorum, & Magistrorum, qui hæc videntes passim fieri, saltem suo silentio adprobant, est cum animæ detrimento usuram leni fisco tegere, & pulvillos sub cubitu forneratorem sternere, ut facilius in pravo lucro conquiescant. Quod si mos iste plurimum serpit præsertim in nostra Italia, non inepte FF. Ballarini Opusc. 1. cap. 4. n. 33. Confessoriorum negligentiz tribuunt, quippe qui hæc super re, ceteroqui frequentissima, nec penitentes suos interrogant, nec instruunt; quia fortassis & ipsi opinionibus vulgaribus usuram regentibus favent.

Si vero præfati Montes pietatis bona stabilia obineant, possunt privati illis pecunias suas legitimo censu dare, & ex ipsius Montis fundis fructus percipere: Mons postea de damno, quod patitur ex sui fundi venditione, titulo emergentis damni, in pauperum beneficium, & ex caritate suscepti, compensationem a mutuatoribus percipere; & sic nihil erit quod iustitiæ advesetur, & usuræ labe contaminetur. At hic quoque duo sunt declinandi scopuli. Alter, ne Mons plus pecuniæ accipiat, vel privati conferant, quam possit prædium, vel valor ipsorum stabiliū bonorum; alioquin illud incrementum nomen quidem præferre census, sed re ipsa mutuum esset. Alter,

rer, ne ementes hujusmodi census suam pecuniam reperant ab ipso Monte, cum sibi libuerit; sed ex parte quidem Montis redimi possint, at ex ementium parte irredimibiles sint. At inquirunt, ista vulgo non sunt. At pessimum nobis opponunt rei bene gerendae auctorem. Nam vulgo peccant, vulgo aleis luditur, vulgo commeatur ad fornice, vulgo fraudatur, potatur, insanitur. Non igitur, quod vulgo fit, sed quod recte faciendum sit ad normam divinae legis. Theologos docere oportet. Et haec dicta sufficiant. Qui plura cupit, legat praelaudatum Opusculum 1. in calce Tomi 2. Vindicatae juris divini & naturalis circa usuram.

CAPUT QUINTUMDECIMUM.

De Pactis licitis, vel illicitis, quae mutuo addi permittuntur, vel prohibentur.

DOCTRINA, ET CONSECTARIA.

- I. *Doctrina S. Thomae exponitur.*
- II. *Alia ejusdem S. D. regula.*
- III. *Non licet mutuatario onus imponere dandi mutuum.*
- IV. *Nec alicujus operis ab eo praestanti in favorem mutuantis.*
- V. *Potenti mutuum num licitum sit merces dare loco pecuniae.*
- VI. *Quid sit licitum a mutuatario exigere.*

I. **R**EGULA universalis, eaque verissima est S. Thom. non licere ex mutuo exigere aliquid praetio aestimabile. Sic enim scribit 2. 2. q. 78. a. 2. „ Si aliquis pro pecunia mutua-
ta, vel quacumque alia re, quae
ipso usu consumitur, pecuniam ac-
cipit ex pacto tacito, vel expresse,
peccat contra iustitiam: ita etiam
quicumque ex pacto tacito, vel ex-

presso quodcumque aliud acceperit,
cujus pretium pecunia mensurari po-
test, simile peccatum incurrit “. Et in resp. ad 3. ad uberius expli-
cationem addit: „ Si aliquis ex pecu-
nia mutuata aliquid expectet, vel
exigat, quasi per obligationem pa-
cti, recompensationem muneris ab
obsequio, vel a lingua, perinde est
ac si expectaret, vel exigeret munus
a manu: quia utrumque pecunia aesti-
mari potest: ut patet in his, qui
locant operas suas, quas manu, vel
lingua exercent “.

II. Altera quoque est regula ejusdem
S. D. I. l. Non esse veritum ex mutuo
aliquid accipere, quod sit omnino gra-
tuito datum, vel aliquam compensa-
tionem, quae pretio non soleat aestima-
ri; unde subdit: „ Si accipiat aliquid
hujusmodi, non quasi exigens, nec
quasi ex aliqua obligatione tacita,
vel expressa, sed sicut gratuitum do-
num, non peccat: quia etiam ante-
quam pecuniam mutuasset, licite po-
terat aliquid donum gratis accipere
... Recompensationem vero eorum,
quae pecunia non mensurantur, licet
pro mutuo exigere; puta benevolen-
tiam, & amorem ejus, qui mutua-
vit, vel aliquid hujusmodi “. Et ad
3. iterum repetit: „ Si vero munus
ab obsequio, vel a lingua non quasi
ex obligatione rei exhibeatur, sed ex
benevolentia, quae sub aestimationem
pecuniae non cadit, licet hoc acci-
pere, & exigere, & expectare “.

III. Hinc ex prima regula infero D.
A. in resp. ad 4. non licere mutuum
dare cum onere, ut mutuatarius vicem
repensens mutuatori det mutuum, si
& quanto ab illo postulaverit, scribens:
Pecunia non potest vendi pro pecu-
nia ampliori, quam sit quantitas pe-
cu-

„cuniz mutuare, & quæ restituenda
 „est. Nec ibi aliquid est exigendum,
 „vel expectandum, nisi benevolentia
 „affectus: qui sub estimationem pecu-
 „nia non cadit: ex quo potest proce-
 „dere spontanea mutuario. Repugnat
 „autem ei obligatio ad mutuum facien-
 „dum in posterum: quia etiam talis
 „obligatio pecunia estimari potest. Et
 „ideo licet mutuanti unum simul aliquid
 „aliud mutuum recipere: non autem
 „licet eum obligare ad mutuum in po-
 „sterum faciendum.“

IV. Ex eadem regula collegit S. An-
 toninus 11. P. tit. 1. cap. 7. §. 5. „Si
 „quis mutuat alteri ea intentione, vel
 „pacto, ut vadat ad molendinum, vel
 „furnum vel apothecam suam ad emen-
 „dum, vel intret scholas suas sub eo, &
 „huiusmodi, alias non mutuaturus, usu-
 „tam committit, etiamsi si non majori
 „pretio sibi vendat propter hoc, seu
 „plus ab eo, quam ab aliis petat.
 „Ratio est, quia commoditatem, seu
 „utilitatem inde recipit, quæ pretio
 „estimari potest.“ Eadem regula, &
 „ratione usum non declinant, qui ad-
 „versario contra se litiganti mutuum lar-
 „gitur, ut a lite desistat, vel ut pro se
 „fidejubeat, vel spondeat, vel officium,
 „vel beneficium conferat, vel procuret.

V. Qui mutuum pecuniam petentibus
 partim pecuniam largiuntur, partim
 merces, rei evadunt usura, si cum mu-
 tuatario pacifcuntur, ut eas merces
 emat, alias non mutuum dari, licet
 iusto pretio vendant, ut ex S. Antonio
 vidimus. Si vero integra carentes pec-
 unia summa mutuo petita, merces of-
 ferant, libere omnino a mutuatario
 emendas, nulla erit usura, dummodo
 nec pretium augeant, nec possent eam-
 dem mercedem minori pretio vel per se,

Peruzzi Theol. Moral. Tom. 7.

vel per interpositam personam emant;
 tunc enim manifeste pateret se ex mu-
 tuo lucrum querere. Sicut & qui mutuo
 dat pecuniam, sed a mutuantis debito-
 ribus non sine labore, & fortassis non
 sine expensis exigendas, labem contrahit
 usura; quia onus imponit vero pre-
 tio estimabile.

VI. Ex secunda autem regula. Non
 est illicitum petere a mutuantem, ut pro
 beneficio mutui sit tibi amicus, ut pri-
 vatas offensas condones, ut alias iuste
 tibi debita persolvat, ut ab injusta ve-
 zatione desistat: hæc enim omnia ex
 lege caritatis, & benevolentia sunt jam
 alteri debita, nec solent pretio estima-
 ri. Similiter qui mutuum dat Medico,
 Advocato, Judici eo pacto, ut paupe-
 ribus, & indigentibus operas suas sedu-
 lo exhibeat, non sunt rei habendi
 usura; cum hæc pietatis, & misericor-
 diae officia non in ipsius mutuantis uti-
 litatem redundant, sed in beneficium
 pauperum, quibus jam ex caritate, &
 pietate auxiliari tenentur. Quod si ex
 tali pacto aliquod ipse reportaret ema-
 lumentum, profecto sub specie pietatis
 latitaret usura. Optimum etiam est P.
 Concina monitum, nimirum „caven-
 „dum, ne sub ipsi amicitia pactis
 „latitet usura, Nam ut ipse ani-
 „madvertit, sæpe homines confundunt
 „amorem amicitia cum amore concu-
 „piscentie; & dum simulant, & emen-
 „tuntur amicitiam, quæ mutuum
 „amorem tantum prodit, non amorem,
 „sed effectus amoris, nempe tempo-
 „ralia bona, querunt: quoniam in
 „mutuo salubrius est ab omni pacto
 „abstinere“.

CAPUT SEXTUM DECIMUM.

*De obligatione, & penis fœneratorum,
& de cooperatione, & fœnus.*

DOCTRINA, ET CONSECTARIA.

I. *Fœneratores pecunia fœnebris dominium non adipiscuntur.*

II. *Lucrum ex pecunia fœnebris non est restituumdum.*

III. *Quid restituere debeat fœnerator.*

IV. *Pœna in fœneratores constituta.*

V. *Pœcant & qui fœneratoribus cooperantur.*

VI. *Quomodo cum usurariis se gerere debeant Confessarii.*

Reflexio.

I. DOCTRINA est S. Thomæ q. 78. a. 3. Fœneratores dominium non adipisci pecuniæ, siue alterius rei per usuram acquisitæ: & jure merito, nam cum contractus usurarius sit omnino nullus, jure naturæ, canonico, & civili, ineptus omnino est ad dominium transferendum. Nec obstat, usuras voluntarie, & libere solvi a mutuatario. Nam, ut observat Auctor Opusculi 73. cap. 9. „ Accipiens mutuum libera voluntate accipit, sicut is qui mutuum dat; sed accipiens mutuum non libere voluntate amplius promittit, vel dat, sed quasi coactus ex pervertitâ, re mutuum dantis “. Quibus postremis verbis innotetur discrimen inter pauperem ex necessitate vendentem domum, & pauperem petentem usuras: nam in primo casu necessitas vendendi domum ex ipso vendente oritur, & est ab intrinseco, proinde venditionem non infirmat; ac in mutuatario necessitas a fœneratore imponitur, qui cum possit gratuito mutuo indigenti subvenire, il-

lum cogit sub fœnore mutuum accipere; proinde assimilandus potius latroni, cui licet a viatore pecunia tradatur voluntarie, ut vitam salvet, ita tamen coactus dat, ut nullum in latronem transferat dominium. Sunt tamen Theologi, qui putant dominium usurarum in fœneratorem transferri, sed semper onere restitutionis gravatum; proinde quantum ad praxim non est diutius in hac questione agitanda immorandum.

II. Hunc sequitur, Fœneratorem teneri restituere pecuniam ex usura acceptam, non autem lucrum ex ipsa perceptum; cum istud fructus sit suæ industriæ, & negotiationis, quod est & de ceteris rebus usu consumptilibus, puta frumento, vino, oleo dicendum. Si vero, quæ pro usura obtinuit, sint res frugiferae, & res ipsæ sunt restituendæ, & fructus ex ipsis percepti. Ita S. Thom. hic q. 78. a. 3. „ Res quædam sunt, quorum usus est ipsa earum res, cum consumptio, quæ non habent usum fructuum secundum jura . . . Et ideo si talia fuerint per usuram exacta (puta denarii, triticum, vinum, aut aliquid hujusmodi) non tenetur homo ad restituendum, nisi id quod accepit: quia id quod de tali re est acquisitum, non est fructus hujusmodi rei, sed humanæ industriæ: nisi forte per retentionem talis rei alter sit dampnificatus amittendo aliquid de bonis suis. Tunc emittentur ad recompenationem nocuenti. Quædam vero res sunt, quarum usus non est earum consumptio: & talia habent utrum fructum; sicut domus, & ager, & alia hujusmodi. Et ideo si quis domum alterius, vel agrum per usuram exorsisset, non solum teneretur restituere domum, vel agrum, sed etiam fructus inde per-

„ceptos; quia sunt fructus rerum,
„quam alios est dominus; & ideo ei
„debentur“.

III. Bonæ frugifera ab usurariis usuris
acquistæ non ipsis crescunt, vel fructi-
ficant, sed mutuatariis: ac e contra,
si peteant, ipsis ceneratoribus pereunt,
utpote malæ fidei possessoribus; si vero
aliis vendant, nequeunt ab emptoribus
retineri, sed, ac si a fure emissent,
restituenda sunt, cum in alios dominium
transfere nequeant, quod ipsi non ob-
tinent. Præter perceptos fructus ob-
stringitur cenerator & illos restituere,
qui a mutuario fuisse percepti, licet
ipse sua ignavia, vel culpa non perce-
perit. Uno verbo ad ea omnia compen-
sanda, & restituenda obstringitur, ad
quæ obligantur fures, latrones, ceteri-
que malæ fidei possessoræ, de quibus
dicemus in tractatu de Restitutione.

IV. Pœna in usurarios lata, sunt:
1. Non sunt ad Sacramentorum partici-
pationem admittendi, immo nec ad
ipsam peccatorum confessionem, nisi
prius vel male parta usuris restituerint,
vel de illis restituenda idoneam præ-
buerint cautionem. Ita statuitur in Con-
cilio Lugdunensi II. „Nullus manifestos
„usurarios ad Confessionem admitat,
„sive ipsos absolvat, nisi de usuris sa-
„tisfecerint, vel de satisfactione pro
„suorum virium facultate præstent ido-
„neam cautionem“. Non sunt tamen
ipso facto excommunicati jure canonico,
sed digni qui excommunicatione feri-
antur, ut respiciant: in aliquibus tamen
Diœcesibus lata est contra ipsos sententia
excommunicationis. Altera pœna est,
ut si in sua pravitate moriantur, eccle-
siastica priventur sepultura. Ita statuit
Alexander III. cap. *Quia in omnibus*
Extrav. de Usuris: *Si in hoc peccato de-*
cesserint, nec christianam accipiant sepul-

turam. Nec ad hanc evitandam pœnam
sufficit, si in mortis articulo constituti
signa penitentiae dederint, nisi usura-
ria lucra restituerint; ut decrevit in lau-
daro Concilio Lugdunensi II. Greg. X.
can. 27. statuens: „Quamquam usura-
„rii manifesti de usuris, quas rece-
„perant, satisfieri expressa quantitate,
„vel indistincte in ultima voluntate
„mandaverint; nihilominus tamen eis
„sepultura ecclesiastica denegetur, do-
„nec de usuris ipsis (procur pariantur
„facultates eorum) fuerit plenarie sa-
„tisfactum, vel illis, quibus est sa-
„cienda restitutio, aut aliis, qui eas
„possint acquirere, vel eis absentibus,
„loci Ordinario, idonee de resti-
„tutione facienda sit cautum“. Clerici
vero, qui notorios usurarios non ad-
hibitis statutis cautionibus ecclesiastica
donarent sepultura, ab Alex. III. laud.
cap. *Quia in omnibus* ab officio suspene-
duntur: „Qui autem præfatos christia-
„ne tradiderit sepultura, ab officio
„sui maneat executione suspensus“. 3. A publicis oblationibus repellantur:
„Nec oblationes (subdit laud. Ponsi-
„fex loc. cit.) eorum quisquam acci-
„piat: qui autem acceperit, ea, quæ
„acceperit, reddere compellatur; &
„donec ad arbitrium sui Episcopi satis-
„faciat, ab officio sui maneat execu-
„tione suspensus“. 4. Nulla decla-
rantur, & irrita illorum Testamenta,
Codicilla, Legata, nisi per ea jusserint
usurarum restitutionem: „Testamenta
„quoque (sic statuit Greg. X. in laud.
„Conc. Lug.) manifestorum usurario-
„rum non valeant, sed sint irrita ipso
„jure“. Quinta denique est infamia,
ut habetur in Jure Can. Infames caus.
3. qu. 7. ubi inter infames enumeran-
tur. „Sunt infames ipso genere facti,
„ut exercentes improbum sœcus, &
B b b 2 il-

„illas exigentes usuras usurarum“. Hujus infamiae causa Clerici beneficiis ecclesiasticis licet non sint ipso facto privati, Decreto tamen Alex. III. illis privati, & ab officio suspendi possunt; eum cap. praeterea Extr. de Usuris statuatur: „Quod si parere contempserint, si Clerici sint, eos ab officio, beneficiumque suspendas“. Hæc quidem de Usurariis notoriis, sive notorietate juris, sive facti, qui absolute donandi non sunt, non solum antequam fœnora restituant, sed nisi publica restitutione, & poenitentia dato scandalo satisfaciant. Qui vero fœneratores occultis sunt, non eis Poenitentia Minister absolutionem impartitur, nisi 1. sermo polliceantur ab usuris posterum abstinere. 2. Nisi prius juxta eorum vires usurarum lucra restituerint, vel saltem de illorum restitutione moraliter certum reddiderint Confessarium.

V. Res sunt criminis usurae non solum ipsi fœneratores, sed qui illorum iniquitati aliquo pacto cooperantur. Hi autem sunt: 1. Qui fœneratores vel ad fœlos hortantur, vel illis ad hoc pecuniam suppeditant, licet de lucro fortassis non participant; eum efficaciter in ipsa fœnora influant. 2. Qui apud usurarium pecuniam suam deponit, illi concedendo, ut ea utatur ad fœnus, vel praesciens ipsum ad usuram abuturum (nisi apud alium deponere possit) aliena cooperatur iniquitati: si vero necessitate cogente apud fœneratorem pecuniam deponat, ut rutilius custodiat, licet praevideat illius abuturum, a cooperatione excusabitur; eum ex sola malitia fœneratoris professurum illius abusus, a quo abstinere potest, & debet. Ita S. Thom. hic q. 78. a. 4. ad 3. „Si quis committeret pecuniam suam, usurario non habenti, unde usuras

„exerceret, vel hac intentione committeret, ut inde copiosius per usuram lucraretur, daret materiam peccandi unde & ipse esset participes culpæ. Si autem aliquis usurario alias habenti, unde usuras exerceat, pecuniam suam committat, ut tutius servetur, non peccat; sed utitur homine peccatore ad bonum“. 3. Qui domos usurariis locat: cum non tam ad habitandum, quam ad lucrum exercendum sedem, & officinam locent. 4. Notarii, qui fœneratibus contractus sua auctoritate corroborant, & instrumenta conficiunt. De quibus optime scribit S. Antoninus P. II. tit. 1. cap. 9. §. 6. „Si scienter faciunt instrumenta, vel chartas de debito usurarum, ac si esset legitimum debitum, puta quia Notarius facit instrumentum, quod Martinus mutuaverit Petro centum hinc ad annum restituendos, cum sciat non mutuisse nisi nonaginta; tunc tenetur in solidum, si ipsi fœneratores) usuram non restituant, & peccat procul dubio lethaliter. Si tamen instrumentum non fecerit, nisi in favorem receptoris mutui; tunc non teneretur Notarius (ad restitutionem nem) peccaret tamen mortaliter hoc faciens, quia periurum incurreret faciens instrumentum falsum, & in fraudem usurarium“. Quod si instrumentum juramento non confirmaret, adhuc peccaret lethaliter, quia falsum testimonium diceret in iudicio: cum hæc Notarii instrumenta fidem faciant juribus de re peracta; & praeterea in suis Institutione juramentum praestant de falsis instrumentis non consciendis. 5. Supremi autem Principes, & Magistratus, qui ad pacis usuras solvendas compellunt, eo solo nomine excusantur, quia vel ad majus vitandum ma-
lum

malum fœnora permittunt potius, quam concedant; vel quia legibus ea permittentibus se conformare in suis iudiciis tenentur. Ubi autem non sunt leges eas permittentes, procul dubio graviter peccant, & restitutioni obnoxii sunt loco fœneratoris, si ad usuras solvendas compellant. 6. Ministri omnes usurarii, & quidem qui non solum proxime, ut quidam Theologi dicunt, usuris cooperantur, sicut qui usuras nomine principalis fœneratoris celebrant, qui ad usuras solvendas compellant; sed & illi, qui remote cooperari dicuntur, videlicet qui pecunias vel adventantibus solvunt, vel a solventibus recipiunt, & custodiunt: nam & isti vere cooperantur contractibus usurariis, & fœneratio commercio, non minus proxime, ac ille, qui scalam tenet domino ascendenti per fenestram ad stuprandam virginem. Nec audiendus Tournellii Continuator, qui, ut hosce iniquitatis ministros excuset, scribit, *vin aliud faciunt, quam manus suas denigrare*, ac si isti ministri vel superflue adhiberentur, vel ipsi nihil lucri reportarent; cum revera & necessarii sint fœneratio negotio, sine quorum ministerio exerceri non valeret, & ipsi ex tali ministerio lucrum, & victum reportent. Male itaque dixit recentior Probabiliorista, *consulendum his famulis, ut sibi alterum verum procurent*; nam dicere debebat, adigendos ad pravum ministerium abiciendum. Legantur ea, quæ diximus Tract. 4. de Viri. Theol. cap. 21. C. n. 16.

VI. Quoad restitutionem vero usurarum, deneganda est absolutio fœneratoribus publicis sive sanis, & viventibus, sive infirmis, & morti proximis, nisi male parta ædificaverint, & reversa restituant juxta eorum facultatem; vel cer-

tum faciant Pœnitentiæ Ministrum de quamprius facienda restitutione. Si vero occultus sit fœnerator, & vivus; ac sanus, differenda absolutio, donec & pœnitentiæ vera exhibeat argumenta fœneratitios rescindendo contractus non dum consummatos; & saltem in parte, nisi valeat omnimodam, tum usurarii lucri, tum damnorum respectivam restitutionem, & reparationem perfecit, & stabili, firmoque proposito polliceatur ab omnibus in posterum fœneratitiis & illicitis contractibus abstinere. Si vero sit in extremo agone constitutus, admoneri, & cogi debet, ut statim, quod potest, & in promptu habet, restituat; deinde hæredibus, & familiaribus suis onus imponat restituendi, qui ipsi Confessatio polliceantur voluntatem morientis fideliter impleturos. Restitutio vero est facienda his, qui læsi fuerunt, vel eorum hæredibus, si noti sint & comperti; si vero ignoti, iis in locis, ubi fœnora habita sunt, pauperibus fœnobia lucra distribuenda. Ita decrevit Alex. III. cap. Cum tu Extr. de Usuris: „ Qui usuras extorserint, cogendi sunt „ . . . eis, a quibus extorserunt, vel „ eorum hæredibus restituere; vel his „ non superstitibus, pauperibus erogare, dummodo in facultate habeant; „ unde ipsi possint eis restituere. „ Hæredes vero fœneratoris ad restitutionem & ipsi tenentur, cum onus restitutionis sit & personale, & reale; nec majus dominium possit quis in alterum transmittere eo, quod ipse obtinet; quamobrem cum nullum obtinuerit dominium fœnerator in lucra fœneratitia, nec illud potest in suos hæredes transferre. Quod si hæredes plures sint, & inter eos divisa fœneratoris hæreditas, quilibet tenetur ad usuras solvendas pro rata hæreditatis, non vero in solidum,

de proprio; cum ad restitutionem non teneantur nisi ratione rei acceptæ, & solum ex parte defunctum representent; nisi ipsi iniquitatis participes fuerint. Tota tamen hæreditatis summa ita est restitutioni obnoxia, ut hæredibus aliis non restituendis, quilibet totam suam hæreditatis partem in restitutionem erogare teneatur, compensationem ab aliis hæredibus repetendo, si forte pars aliqua esset, quam legitime retinere posset. Ratio est, quia omnia bona defuncti sunt pro restitutione hypothecæ subiecta, non quidem hypothecæ civili, & jure humano indictæ, sed jure naturali & divino: adeo ut in quasque manus deveniant, cum onere restitutionis deveniant, quæ solum integre perfecta, bona quæ supersunt, legitime ad hæreses deveniunt. Sed de his fortassis iterum de Restitutione sumus dicendi.

REFLEXIO.

I. Seculis decimotertio, & quattodecimo Usuram erecta fronte grassatam esse, & multas regiones oppressisse, ac pene devastasse invicem ostendunt tot Summorum Pontificum, & Conciliorum Decreta ipsi Juris Canonici Codicibus inserta. Immo ut efficacius huic pestilenti morbo obviant, & illos Magistratus, ac Judices tetterent, quibus cum cura incumberet feneratorum sacræ famæ compescendi, non solum indulgentiæ, quadam, & conniventia, sed publicæ etiam decretis, & statuta confirmata, & fovere non horrescerent, nec non & illorum ora obstituerent, qui impudentissime docere non erubescerant, usuras exercere peccatum non esse: quem errorem postea renovatum temporibus deservit sacrum Viennense Concilium

an. 1311. decrevit: „ Ut quicumque „ Communitarum Potestates, Capiranei, „ Rectores, Consules, Judices, Consiliarii, aut alii quivis Officiales statuta hujusmodi de cetero faceret scribere, vel dictare, aut quod solvantur usuræ, aut soluta cum repetuntur, non restituantur, plene, ac libere, scienter judicare præsumpserint, sententiam excommunicationis incurrant; eandem etiam sententiam incursuri, nisi statuta hujusmodi hætenus edita de Libris Communitarum ipsarum (si super hoc potestatem habuerint) intra tres menses deleverint, aut si ipsa statuta, sive consuetudines effectum eorum habentes quoquo modo præsumpserint observare. „ Decrevit insuper Clemens V. eodem sacro adprobante Concilio: „ Si quis in illum errorem incidit, „ ut pertinaciter asserere præsumat, „ exercere usuras non esse peccatum, „ cum veluti hæreticum puniendum, „ locorum Ordinariis, & hæreticæ pravitatis Inquisitoribus districtius injungens, ut contra eos, quos de errore hujusmodi diffamatos invenerint, aut suspectos, tanquam contra diffamatos, vel suspectos de hæresi, procedere non omitterent.

II. Ut hæc saluberrima, & sanctissima Decreta, quæ par erat, reverentia exciperentur, & a Christianis populis observarentur, plures etiam adlaborarunt eximii, sanctique Verbi Dei emeriti Præcones, præcipue e. D. Francisci familia, qui contra usuram, & feneratores ardentissimo zelo in sacris Concionibus declamantes ab usuris exercendis plurimos avocarunt. At, ne interim pauperibus mutuo indigentibus opportunum decisset subsidium, consilium saluberrimum inierunt, plaribus acceden-

tibus Præsulibus, eximiliq; Episcopis, de Montibus pietatis erigendis, quibus pauperibus mutuum daretur sub pignore, vel omnino gratis, vel modico addidit auctario, ad Ministrorum, & domorum sustentationem omnino necessario. Non defuere tamen alii doctrina, zelo, & pietate viri Jurisconsulti, & Theologi, qui sub auctarii nomine pro præfata ministrorum, & domorum sustentatione usuram latere existimantes, illos non approbandos, sensere. Commendabilis profecto fuisse inter adversa opinantes ex una parte iustitia, zelus ex altera pietatis, & misericordie studium, si tamen intra æquos limites constitissent: sed disputationis æquum nonnullis abrepit nimium invicem exarsere, non sine christiane caritatis læsione, & offensa. Donec tandem re attentè discussa, & omnibus rite, rectèque perpenſis, argumentis etiam contradicentium auditis, in Concilio Lateranensi V. sub Julio II. inchoato, & per Leonem X. continuato, commendatis utriusque partis studiis, alterius quidem iustitiæ, zelus, ne vorago aperiretur usurarum, alterius pietatis, & veritatis amor, ut pauperibus subveniretur, sacro adprobante Concilio declaravit, & statuit præfatus Pontifex, „Montes pietatis, in quibus pro eorum impensis, & indemnitate aliquid moderatum ad solas ministrorum impensas, & aliarum rerum ad illarum conservationem pertinentium, pro eorum indemnitate dumtaxat, altera sortem, abique lucro eorum montium accipitur, necque speciem mali præferre, nec peccandi incentivum præstare, neque ulla pacto improbari, quinimmo meritum esse, ac laudari, & probari debere tale mutuum, & minime usurarium putari“. Adjiciendum ta-

men existimavit Pontifex, „multo peius, fecius, multoque sanctius fore, & omnino tales montes gratuiti constituerentur, hoc est, si, illos erigentes, aliquos census assignarent, quibus si non omni, saltem vel media ex parte hujusmodi montium ministrorum solvantur impensæ, ut ad leviores æris solvendi portionem medio hoc pauperes gravari contingat.

III. Sed, proh dolor! hoc medium, tam salubre pauperibus, nonnullis factum exitiale, & aliquibus factum est odor mortis in mortem, quod, ut omnibus esset odor vitæ ad vitam, fuerat institutum: adeo nihil est tam pium, & sanctum, quod hominum malicia, & Saranæ versutia corrumpi, depravarique non possit. Nam montes, qui Christi misericordie, & pietatis dicuntur, qui deposita Apostolica, patrimonialia pauperum, miserorum refugia audiunt, facti sunt non pauci montes lucri, emolumentorum, & etiam divitiarum. Jam vidimus ex Clericato, ministros splendidissima accipere ex monte emolumenta; & dum ipsi pauperibus modica ad vitæ sustentationem suppeditant, ipsi unde laute, splendideque vivant, & familiam etiam copiosam commode, ut minus dicam, alant, lucrantur. Facti sunt etiam odor mortis in mortem illis, qui non tenuem pecunie montis portionem privatis suis negotiationibus, commode, utilitatibus applicant, qui fictis falsisque davis pignoribus mutuum accipiunt. Qui pignora sub hasta exposita vel per se, vel per interpositas personas vili emunt, qui denique expilata pecunia aufugiunt. Unde pinguissimi aliquando montes, de repente, vel etiam sensim sine sensu exhausti omnino pecunia, depauperescunt non sine maximo miserorum detrimento, quorum

rum plerumque bona diripiuntur. Op-
tandum itaque esset, ut ad horum moni-
tium ministeria solum probi, piique
viri diligerentur, qui tenui contenti,
vel etiam nullo, si fieri posset, stipen-
dio, pauperum negotium agerent, am-
plissimam expectantes suæ misericordiæ
a Deo retributionem; & tot solum eli-
gerentur, quot necessitas postulat, ne
plus iusto graventur pauperes, quam
necessarium sit ad pii operis officium,
& ministerium. Sed præ omnibus op-
tandum, maximeque in vocis habendum
ut omnes Christi fideles serio mediten-
tur, & præ oculis habeant aureum illud
monitum Augustini Valerii Episcopi Ve-
ronensis de Eccl. Rethor. lib. 2. c. 16.
„Artem quæstuosissimam esse elecmofy-
„nam, misericordiæ filiam, licitam,
„& sanctam quandam fœnerationem,
„distributionem in pauperes“.

IV. Hanc sanctam fœnerationem lau-
dat quoque, & commendat S. Ambro-
sius de Tobia cap. 16. scribens. „Da-
„te murum iis, a quibus non spera-
„tis vos, quod datum fuerit, receptu-
„ros. Nullum hic damnum est, sed
„compendium: minimum datis, mul-
„tum recipietis: in terra datis, ac
„id vobis reddetur in cœlo: fœnus
„amittitis, mercedem magnam habe-
„bitis: fœneratores esse definitis,
„filii eritis Altissimi: estis misericordes,
„quo vos Patris æterni probetis hære-
„des. Sed fœneratorum vos delectat,
„& usurarum vocabulum. Id quoque
„non invideo: docebo, quomodo boni
„fœneratores esse possitis, quomodo bon-
„nas quæratæ usuras. Dicit Salomon:
„Fœneratur Domino, qui miseretur pau-
„peri, secundum datum autem ejus re-
„tribuit ei: Ecce bonum fœnus de
„malo factum est. Ecce irreprehensibilis
„fœnerator. Ecce usura laudabilis“.

CAPUT DECIMUMSEPTIMUM.

De Testamentis, & ultimis voluntatibus.

DOCTRINA.

- I. Notio Testamenti exponitur.
- II. Quotuplex sit Testamentum.
- III. Quid sit Testamentum clausum, & apertum.
- IV. Quanam sint, quæ valori Testamenti non efficiant.
- V. Testamenta privilegiata dicantur, quæ ad pias causas sunt facta.
- VI. Nec non quæ a privilegiatis personis sunt.
- VII. Testamenta per fraudem, & dolum extorta nulla sunt.
- VIII. De Testamentis imperfectis nonnulla Regula.
- IX. Regula I. X. Regula II. XI. Regula III.
- XII. Regula IV. XIII. Regula V.
- XIV. Regula VI. XV. Regula VII.

I. QUONIAM plerumque donationes, alique dispositiones gratuite Testamentis, Legatis, aliisque ultimis voluntatibus includuntur: ideo de his agere postremo loco propositum est, quibus etiam totum hunc tractatum de Contractibus concludamus. Testamentum igitur, quod ex mentis testatione nomen habet, ut notat Justinianus in Instit. definitur ab Ulpiano L. 1. ff. de his qui testamentum facere possunt (ejusque definitio ab omnibus Jurispræcitis, atque Theologis adprobatur) nostre mentis iuxta sententia de eo, quod quis post suam mortem vult fieri. Dicitur iuxta sententia, eo quod dispositionem legitimam, & juri congruam complecti debet, quod est illi commune cum omnibus aliis contractibus, & con-

VEN-

ventionibus, quæ eatenus valere possunt, quatenus legibus consentire, aut saltem non repugnare inveniuntur. Additur de eo, quod post mortem quis fieri velit. Siquidem testamentum ad tempus mortis refertur, in quo solum suam vim obinet, & firmitatem; ut etiam Apostolus ad Heb. 9. confirmat illis verbis: *Testamentum in mortuis confirmatum est, nondum enim valet, dum vivit, qui testatus est.* Nihilominus per hanc Ulpiani definitionem Testamenti constitutio perfecte non explicatur. Omnia enim verba in ea adhibita verificantur de ultimis voluntatibus, quæ Testamenti conditiones non obinent, puta de codicillo, legatis, de fideicommissariis restitutionibus, de donationibus causa mortis &c. Quapropter ad rationem Testamenti integre comprehendendam communiter a Doctores hæc alia verba adjiunguntur, *cam directa hæredis institutione.* Revera enim Testamentum in eo positum est, ut per illud fiat hæredis institutio, qua si caret, Testamentum non est. Si autem præter hanc alias quoque dispositiones contineat, puta legata, fideicommissa &c. reputantur accessorie, & accidentales, utpote etiam sine quibus Testamenti vim obtineret. Non desunt tamen Regna, & Principatus, in quibus Testamenta vim obinent, licet nulla facta in eo sit hæredis institutio.

II. Testamentum dividitur in solemne, & non solemne. Primum illud est, quod solemnitatibus, & conditionibus a jure humano positivo præscriptis ad ipsius validitatem fulcitur. Siquidem jure spectato naturæ, nulla determinata solemnitas ad Testamenti valorem necessaria existit, sed sufficit, ut hæc quatuor non desint. 1. Facultas in eo, qui testatur disponendi de re-

Paruagi Theol. Moral. Tom. V.

bus. 2. Capacitas in eo, in cujus favorem editur testamentum, easdem res possidendi. 3. Libertas dispositionis non vi, nec dolo extoræ. 4. Sufficiens expressio, & manifestatio propriæ voluntatis in disponendo. Jure tamen gentium aliquid amplius exigitur, ut videlicet ad minus duo testes dispositionis a testatore factæ præsto sint: quandoquidem ad evitandas fraudes remedium apertissimum omnium fero nationum consensu reputatum est, ut nemo cum suo, vel alterius præjudicio stare reneatur assertioni unius, quantumvis fide dignissimi, sed, ut etiam divinum oraculum Deut. 17. pronuntiavit, *in ore duorum, vel trium testium stet omne verbum.* Testamentum vero non solemne est, quod solemnitatibus, præter supra recitatas ex jure gentium, a jure civili dumtaxat introductis, minime gaudet, de quibus mox dicemus. Et idud plerumque nullum valorem sortitur: aliquando tamen effectum non caret, etiam si solemnitates deficient; & tunc dicitur testamentum privilegiatum, quia solum vel ob favorem personæ, ut testamentum parentum inter liberos conditum, militis in expeditione bellica factum, vel tempore pestis a morientibus &c. vel ob respectum causæ, puta si agatur de causa pia, valere permittitur.

III. Rursum testamentum solemne civile, dividitur in clausum, sive scriptum, & in nuncupativum, seu apertum. Primum adhibetur, quando testator vult latere id, quod disponit: & tres has condiciones jure Romano (quod tamen non ubique servatur) indispensabiliter ad sui valorem requirit. 1. Ut in scripturam testatoris, vel alterius manu efformatam redacta fuerit dispositio. 2. Ut adsint septem testes idonei,

nei, videlicet qui alias a testificando non repellantur; & insuper omnes sint masculi, sint puberes, sint liberi, sint ad id specialiter rogati; demum sint omnes simul praesentes, videntes, & audientes, coram quibus testator profiteatur, sive scripturam legerit, aut legendam praebuerit, sive non, in illa contineri suam voluntatem, & supremam dispositionem de rebus suis: statimquo eidem scripturae, vel sua manu subscribat, vel si id facere non poterit, aut nesciverit, adhibeat alium octavum testem, qui ejus vice subscribat. 3. Ut omnes illi septem advocati testes uno, & eodem tempore sine interruptione videlicet, nisi quam brevissimam, & parvi momenti aliqua necessitas naturalis induxerit, eandem scripturam suis subscriptionibus firmet, atque sigillo proprio, vel alieno muniant; quamvis sufficiat, etiam si omnes eodem utantur sigillo. Haec, inquam, sunt conditiones testamenti clausi, seu scripti jure Romano ita rigorose constitutae, ut sine aliqua earumdem testamentum suum valorem amittat. Verum cum haec, ut dixi, non ubique gentium obtineant, illae sunt ad valorem testamenti servandae, adhibendaeque sollemnitates, & conditiones, quas Leges, & consuetudines Regnorum, & Provinciarum servandas sanciverit. Testamentum vero apertum, sive nuncupativum appellatur, quando coram septem testibus, eodem modo qualificatis, ac supra, Testator sive ex charta legit, sive oratenus pronuntiat suam supremam voluntatem, ac dispositionem, nuncupando, & appellando heredem, & reliqua sive legata, sive alio modo disposita non reticendo: quae dispositio debet fieri coram testibus, non dum audientibus, sed etiam videntibus

ipsum Testatorem: nam si tantum ejus vocem velo, vel cortina interposita exciperent, non valeret ipsorum praesentia ad Testamenti valorem, quantumvis se testantis vocem probe nosse profiteantur, Quod inductum fuit ad evitandas fraudes, quae ex callida simulatione alienae vocis a dolosa persona contingere possent.

IV. Testamenti autem nuncupativi conditioni non officit, quod pronuntiata a Testatore dispositio postea a Notario coram testibus in scripturam redigatur. Id enim ad substantiam actus nequaquam fit, sed solum ad majorem probationem, & etiam ad suppleendum defectum testium, si contingerit, hos vel mori, vel reddi inhabiles ad testificandum in judicio, vel oblivisci eorum, quae audierunt a Testatore. At si Testamentum scripturae mandetur, debet coram Notario a Testatore scribi, vel ab alio ab ipso ad hoc nuncupato; cum publicae scripturae sint ab exhibentibus signandae. Item valori Testamenti nuncupativi non obest, si fiat ad interrogationem alterius, puta Notarii, vel alius personae coram idoneis testibus interrogantis, utrum velit talem, vel talem heredem instituire, vel haec, & alia legata relinquere: dummodo qui interrogatur, etiam si corpore infirmus, sana sit mentis, & praesens spiritu, ita ut cognoscatur interrogationem probe intelligere, eique distincta, & articulata voce respondeat; secus si solum capite annuat, vel aliquid imperfecte respondeat, quasi ad interrogantis importunitatem evitandam. Notandum etiam est, non valere Testamentum nuncupativum, si imperfectum relinquatur, hoc est, si, antequam Testator omnia exprimat, quae dicturus erat, aut mo-

ria-

riatur, aut loquelam amittat, etiam si institutionem hæredis, & aliqua legata jam pronuntiaſſet. Si tamen legata iſta eſſent pia, vel hæres declaratus illa eſſet, qui ab inſtituto deberet ſuccedere, Teſtamentum ſic imperfectum pro perfecto habendum eſſe plures tenent Auctores; ita ut prævaleat etiam Teſtamento perfecto, in quo extraneus aliquis hæres inſtitutus fuiſſet. Cæterum tam in Teſtamento clauſo, quam in nuncupativo conditio indiſpenſabilis a jure civili Romano ad ejus valorem præſcripta conſetur, ut in utroque inſtitutio hæredis contineatur; & ulterius hæres ſit aliqua perſona determinata, nec ſolum in genere deſigneretur. Sed quid? Si Teſtator ſchedam aliquam coram teſtibus exhibeat, in qua hæres ſit ſcriptus, vel quoad hæredis designationem referat ſe ad id, quod continetur in ſcheda aliqua alicubi depoſita, ſed ſolum poſt ejus morrem invenienda, & legenda? Affirmant non pauci, & quidem probabilius valere, ac ſic hæres oretenus declaratus fuiſſet. Nonnulli tamen excipiunt, ut quoad hæredem univerſalem minime ſufficiat hæc designatio ſolum ſemiſſiva. Certius autem plerique docent, non valere Teſtamentum nuncupativum factum hoc modo, ut Teſtator aſſerat ſe illum in hæredem aſſumere, quem talis, vel talis perſona, cujus voluntati rem committit, poſtea declaraverit.

V. Teſtamenta vero privilegiata non tor poſtulant ſolemnitates. Inter hæc præcipue ſunt Teſtamenta ad pias cauſas, nimirum illa, per quæ non aliquod pium legatum relinquitur, alioquin pene omnia Teſtamenta eſſent ad pias cauſas, ſed quando ordinantur ad Dei honorem, & cultum, & ſpirituale bonum, cujuſmodi ſunt Teſta-

menta, per quæ hæredes indiſtuntur Eccleſiæ, Monaſteria, Hoſpitalia, vel etiam Virgines; Viduæ, Orphani, nec non relictæ pro pauperum alimentis, pro dote puellarum, vel monacharum, & in ſubſidium aliorum miſerabilium perſonarum, puta captivorum, carceratorum &c. uno verbo, qualibet diſpoſitio facta vel intuitu divini cultus, & obſequii, vel pro ſalute animæ propriæ, & aliorum, vel ad ſublevandam temporalem, ſeu ſpiritualem neceſſitatem, cauſa pia dicitur &c. Immo dicitur etiam Teſtamentum ad pias cauſas, quotieſcumque in Teſtamento decernitur, ut mortuo hærede inſtituto, vel hæreditatem non acceptante, vel præſtitutas conditiones non implente, hæreditas ad pia loca, vel pia opera devolvatur. Porro ad horum Teſtamentorum valorem ſatis eſt, ſi duo adhibeantur tantummodo teſtes, & non a publico Notario, ſed etiam a ſolo Teſtatoris Parocho excipiantur. Ita ſtatuit Alex. III. cap. *Cum eſſet*, Extr. de Teſtamentiis, ubi decernit: „ Teſtamenta, quæ Parochiani coram „ Presbytero ſuo, & tribus, aut duobus aliis perſonis idoneis in extrema „ fecerint voluntate, firma decernimus „ permanere, ſub interminatione anathematis prohibentes, ne quis hujuſmodi audeat reſcindere Teſtamenta. „ Fatendum tamen eſt, in præſata Decretali Pontificem non ſpecialiter de Teſtamentiis ad pias cauſas decernere, ſed univerſaliter de omnibus Teſtamentiis, etiam prophanis, ut ex ipſo textu maniſeſte patet: ubi emolliſſe velle videtur Legum civilium rigorem, quæ plures requirunt teſtes, & alias ſolemnitates. Quæ tamen Decretalis, utrum vim obtineat in omnibus temporalium Principum regionibus, meſito

tiro ambiguit. Magis autem ad rem facit cap. 2. *Relatum* de Testamentis, ubi specialiter decernitur: „*Relatum* „est, cum ad vestrum examen super „relictis Ecclesiae causa deducitur, vos, „nisi septem, vel quinque idonei testes intervenerint, inde postponitis „iudicare. . . . mandamus, quatenus „cum aliqua talis causa (nimirum pia) „ad vestrum examen fuerit deducta, „eam non secundum leges (civiles, „sed secundum Decretorum statuta) „tractetis tribus, aut duobus legitimis „testibus requisitis“. Porro hoc privilegium ex praxi, & consuetudine universalis in utroque foro obtinere constanter affirmant Canonistae omnes teste Reiffenst. lib. 3. tit. 26. §. 4. n. 140.

VI. Privilegiata etiam sunt testamenta parentum inter liberos, illa videlicet, quae parentes, nempe pater, mater, avus, proavus; alique ascendentes in linea recta faciunt, per quae haeredes liberos, vel nepotes instituunt. Porro haec testamenta ita privilegiata sunt, ut, licet solemnitatibus careant, si duobus testibus quibuscumque probari possint, valida habeantur: imò nec duo testes necessarij sunt ad eorum absolutum valorem, sed solum ad probationem in foro externo. Hinc valent haec testamenta, si in scriptis testatorum testamentum manu propria scribat, licet nullus adsit testis, nec ipse subscriptio: at si aliena manu exaratum sit, propria tunc manu subscribere debet; dummodo tamen in testamento appareat, et tempus scriptiois, vel subscriptiois, & omnium filiorum propria nomina; nec non uncias, seu partes, quae cuique relinquere statuit, designet, & quidem non signis numerorum, sed clavis, & indubitatjs verbis exprimat. Si vero non scriptum sit,

sed nuncupativum, valet, etsi omni alia careat solemnitate, dummodo per duos testes constet de voluntate testatoris: hi autem testes, non est necesse, ut sint, rogati, & possunt esse etiam foeminae. Valet vero non solum respectu liberorum, qui omnes haeredes institui debent, & hoc nomine donari, licet inaequaliter ad eos perveniat haereditas, sed etiam respectu extraneorum, dummodo non tamquam haeredibus aliquid relinquatur, sed tantum per modum legati, aut fideicommissi. Privilegiata sunt etiam testamenta militum in expeditione bellica, sive fiant in ipsis castris, & tentoriis, sive in actuali conflictu cum hostibus, vel eo instante: nam quocumque modo hi suam voluntatem ultimam manifestaverint, sive voce, sive scripto, in quacumque materia, puta charta, clypeo, pulvere, artamento, vel sanguine, vel gladii muctone, & haec illorum dispositio excipitur a duobus testibus, sive masculis, sive foeminis, sive vocatis, sive fortuito praesentibus, omnem firmitatem, valorem, & fidem assequitur. Vim etiam retinet per annum integrum, ex quo miles a militia, vel castris dimissus degerit in loco tuto. Hoc tamen privilegium non conceditur militibus, qui existunt in fortaliis, quae actualiter non obsidentur, aut in urbibus, & locis extra occasionem pugnandi, aut qui custodiae Principis sunt addicti. Sunt etiam privilegiata testamenta rusticorum, sive rure obuantium, quippe quae approbantur a legibus etiam civilibus, sine pleno numero testium; ita tamen ut saltem quinque interfuerint, quamvis minime subscripserint ob litterarum ignorantiam; si tamen inter hos aliqui litterati reperti fuerint, isti etiam pro alijs subscribere debent.

Quod

Quod tamen privilegium plures, Juristæ minime ad nobiles pertinere autumant, qui in pagis, & villis habitant; cum leges rusticis faveant, non ratione loci, sed eorum simplicitatis, & imperitiæ, ut ipsa verba legis aperte indicant, cum dicitur: „Homines rustici, & in quibus non est litterarum peritiæ, quomodo possunt tantam legum subtilitatem custodire in ultimis voluntatibus? Ideo necessarium doximus per hanc legem eorum simplicitati subvenire“. Denique & privilegio gaudent testamentaria illorum, qui tempore pestilentis decedunt, quod privilegium in eo situm est, ut, si pestis non ita sæviat, ut testes alias requisiti haberi possint, adhibeantur quidem, licet non simul, & semel congregati sint, sed successive adveniant; proinde nec necesse est, ut testamentum uno contextu fiat: si vero acriter sæviante pestilentia incolæ partim per mortem sublati sint, partim ad loca tuta confugerint non requiruntur septem testes, sed sufficienti etiam quinque, vel duo. Testamentaria vero, si plura sint ab aliquo confecta, semper postrema, priora revocant, & ultimo standum est, licet fortassis suum effectum non sortiatur; ut si hæres hereditatem repudiet, vel ante testatorem decesserit.

VII. Testamentaria, quæ fraude, vel dolo extorquentur, nulla omnino sunt in foro conscientie, licet in foro externo valida habeantur, quia dolo, & fraus ignoratur. Nam, si hæc ceteros vitiant, & annullant contractus, multo magis testamentum, in quo plena requiritur libertas. Hinc qui per hujusmodi testamentaria aliquid adipiscerentur, & lethaliter peccarent, si fraudis, vel doli in causa essent; & ad restitutionem faciendam iis, ad quos defuncti bona

pertinerent, tenerentur. Idem pariter dicendum de testamentis ex metu etiam reverentia extortis, quippe quæ non omnino libera essent. Quam libertatem admittit etiam error circa personam hæredis; puta si quis hæredem institueret aliquem, falso existimans esse vel filium, vel consanguineum, cum talis revera non sit; nam persona ad substantiam pertinet testamenti, utpote cui benefacere intendit testator. At qui iustis fussionibus, & honestis precibus testatorem moverit vel ad se hæredem instituendum, vel ad aliquod legatum sibi relinquendum, nec peccaret, nec ulli esset obnoxius restitutioni.

VIII. Sed quid dicendum de imperfecto testamento? Dupliciter contingere potest testamenti imperfectio, nimirum vel quia non certo constat de voluntate testatoris; vel solum quia omiffæ sunt vel aliquæ, vel plures ex solemnitatibus a jure constitutis. Et primo quidem certum omnino est, quando de testatoris voluntate non constat, nullam vim habere quæ factæ ab ipso dicuntur dispositiones: unde enim vim accipient? Non profecto ex ipso testamento, quod non perfectum supponimus: non ex voluntate testatoris, quam exploratam, compertamque non habemus; præsertim cum agatur de damno hæredis ab intestato, qui certo se sibi ex legibus debita privaretur ob causam omnino incertam. At quando certo constat de voluntate testatoris, & hæc non est solemnitas a jure requisitis munera, est ne saltem in foro conscientie servanda? Tres sunt Theologorum, & etiam iuris tum canonici, tum civilis peritorum sententiæ. Alii siquidem censent, testamentaria, & ultimas voluntates necessariis destitutas conditionibus omnino robore cætere tum in externo, tum in in-

interno conscientię foro. Alii vero censent in conscientia obligare, quippe quia voluntas testatoris clare cognita est omnino implenda. Nonnulli vero media via incedentes, putant vim habere hujusmodi testamenta, & in foro conscientię obligare, donec a iudice rescindantur; ac facta per iudicem rescissione omnem vim amittere, nec in foro conscientię esse adimplenda. Quid ipse probabilius censeam, nonnullis Regulis aperiā,

REGULA PRIMA.

IX. Certum est Summis Potestatibus facultatem convenire jubendi, ut testamenta certis desitura solemnitatibus nulla sint, & irrita, nedum in foro externo, sed & in foro conscientię. Veritatem hujus regulę ostendimus in Tract. de Contract. in Com. cap. 10. §. 3. n. 18. Nam ad ipsos pertinet providere, quod bono communi expedit. Porro quam maxime expedit communi bono, ne testamenta, & ultimę civium voluntates fraudibus, & dolis subjaceant, sed talibus muniantur adminiculis, & solemnitatibus, ut omnis pręcludatur fraudibus, & dolis aditus. Porro cum hæc leges justę sint, & ad commune bonum ordinatę, vim obtinent obligandi nedum in externo, sed & in conscientię foro; cum omnis potestas sit a Deo, & terrenis Principibus sit parendum non solum quia gladium portant, sed etiam propter conscientiam. Hinc qui testamentum confecerit, omnis data opera solemnitatibus a legibus præstitutis, & peccaret, & nulla esset habenda ratio suę dispositionis. Peccaret quidem, quippe quia licet nemo absolute obstringatur testamentum condere, posito tamen quod testari velit, debet justas præstitutas leges observare. Nulla effor-

sua dispositionis ratio habenda, quippe qui in contemptum legis eam omisisset, probe sciens suum testamentum nullius esse valoris. Hinc vero regulam puro veram non solum in testamentis ad profanas causas, sed etiam ad pias; cum hujusmodi leges pro omnibus testamentis sint latę, & tum personę testantes, tum bona testamento relicta supremis. Potestatibus subjaceant, & Principum legibus.

REGULA SECUNDA.

X. Leges tum civiles, tum canonicę, licet ceteras jusserint servandas in testamentis solemnitates, non omnem tamen ademisse vim naturalem obligandi etiam nudis testatorum voluntatibus videntur. Et certe in Instit. statuitur tit. 24. „ Si quis hæres constitutus, „ sibi injunctum a testatore, ut alteri „ aliquid donet, licet sine juris solemnitatibus, teneatur, quod relictum „ est, exsolvere “. Quare dicitur, si „ is, a quo relictum dicitur, constitutus „ reatur quidem aliquid a se relictum „ esse, sed ad legis subtilitatem requiritur, „ omnino solvere cogendus est “. Pręterea clarius adhuc in Instit. §. per traditionem 20. aperte indicitur: „ Nihil tam convenientius naturali æquitati, „ quam voluntatem domini, volentis rem suam in alium transferre, „ ratam habere “. Quod confirmatur etiam ex Cod. de test. *L. non dubium* 16. ubi indicitur: „ Qui ex testamento, vel „ ab intestato hæres extiterit, etsi voluntas defuncti circa legata, sive „ fideicommissa, seu libertatis legibus „ non sit subnixus, tamen si sua sponte „ agnoverit, implendi eam necessitatem „ habere “. Et iterum Cod. de Fideicommissis *L. est* 2. statuitur: „ Etsi inutiliter (idest sine solemnitatibus a jure

„ requisitus) fideicommissum relictum
 „ sit, tamen si hæredes, comperta vo-
 „ luntate defuncti, prædia ex causa
 „ fideicommissi avo suo præstiterunt,
 „ frustra ab hæredibus ejus de ea re
 „ tibi questio moveret, cum non ex
 „ sola scriptura (solemnitatibus muni-
 „ ta) sed ex conscientia relictæ fidei-
 „ commissi voluntati satisfactum esse vi-
 „ deatur“. Luculentissime denique Cod.
 „ de Fideicom. L. *Quæstum*. „ Cum res
 „ per testium solemnitatem ostenditur,
 „ tunc & numerus testium, & nimia
 „ subtilitas requirenda est. Lex enim,
 „ ne quid falsitatis incurrat per duos
 „ forte testes compositum testamentum,
 „ majorem numerum testium exposulat,
 „ ut per ampliores homines perfectissi-
 „ ma veritas reveletur. Cum autem is,
 „ qui aliquid ex voluntate defuncti lu-
 „ cratur, & maxime ipse hæres, cui
 „ summa auctoritas totius causæ com-
 „ missa est, dicere compellitur verita-
 „ tem per sacramenti religionem, qua-
 „ lis locus testibus relinquitur, vel
 „ quemadmodum ad extraneam fidem
 „ decurratur, propria, & indubitata
 „ fide relicta, cum & in leges respexi-
 „ mus, quæ iustis dispositionibus testa-
 „ torum omni modo hæredes obedire
 „ compellunt, & sic strictius causam
 „ exigunt, ut etiam amittere lucrum
 „ hæreditatis faciant eos, qui testato-
 „ ribus minime paruerunt“. Id vero
 „ multo apertius indicitur in jure canonico,
 „ nam cap. *ultimo voluntas* 4. cau.
 „ 11. q. 2. universim statuitur verbis ex
 „ S. Gregorio desumptis: „ *Ultima vo-*
 „ „ luntas defuncti modis omnibus serva-
 „ „ ri debet“. Quibus verbis hanc no-
 „ tam addit S. Antoninus 3. p. tit. 10.
 „ §. ult. „ Nota, quod cum quis sanus,
 „ vel infirmus, qui est sanæ mentis,
 „ ultimo disponit de bonis suis, de

„ quibus potest disponere per simplicem
 „ scripturam, vel per verba solum,
 „ non violentatus, non circumventus,
 „ sed libere sine notario, & testibus,
 „ standum est ejus dispositioni in foro
 „ conscientie; & hæredes, quibus con-
 „ stat certitudinaliter, tenentur ad ob-
 „ servandum illud, etiam si prius per
 „ solemne testamentum aliter disposue-
 „ rat“. Præterea Cap. *Indicente* 4. de
 „ testamentis, universaliter statuitur, va-
 „ lere legatum, etiam si nudis verbis ex-
 „ primitur. Sic enim ibi legitur: „ Co-
 „ „ gnovimus, quod moriens conjux con-
 „ „ cham argentream nudis verbis jussit
 „ „ venundari, & sua dari liberis, &
 „ „ scutellam argentream cuidam Mona-
 „ „ sterio reliquisse: in quibus volunta-
 „ „ tem ejus per omnia volumus adim-
 „ „ pleri“. Quando igitur eadem leges
 „ decernunt, testamentum solemnitatibus
 „ destitutum, vel non valere, vel pro
 „ infecto haberi, vel voluntatem defuncti
 „ non tenere, præsertim externum, &
 „ judiciale forum respiciunt, in quo sen-
 „ tentia ferenda sit adversus testamenta
 „ præstitiis destituta solemnitatibus.

REGULA TERTIA.

XII. Ubi Romane vigent leges, &
 „ jus canonicum custoditur, licet hæredi,
 „ vel legatario hæreditatem, vel legatum
 „ sibi ex testamento solemnitatibus caren-
 „ te obvenientia, si nullus obstat, re-
 „ tinere, donec aliter judicis sententia
 „ statuatur. Sequitur hæc regula ex præ-
 „ cedentibus. Nam cum ex testamento
 „ imperfecto certo constat de voluntate
 „ testatoris, cui non omnem vim ad-
 „ mittere præstare leges, jus confurgit in
 „ hærede, & legatario rei dominium ac-
 „ quirendi, subique retinendi: quod jus
 „ confirmatur, si a nullo de valore testa-
 „ menti moveatur controversia. Quando
 „ qui-

quidem (ut optime observat celeberrimus Jurisconsultus) „ vidum, quod
 „ leges civiles ex defectu solemnita-
 „ tum praeſumebat, hic cessare vi-
 „ detur. Præſupponitur enim, testato-
 „ rem hunc sibi hæredem serio dele-
 „ gisse: & revera ad neminem propius,
 „ quam ad hunc, ea bona pertinent,
 „ postquam illi adquiescunt, & tacite
 „ juri suo cedunt, quos alias lex ge-
 „ neralis ad successionem vocaret. Se-
 „ ria enim voluntas minus solemnibus de-
 „ clarata carens tantum a legibus ci-
 „ vilibus ad transferendum jus insuffi-
 „ ciens declaratur, quatenus per eam
 „ aliis sunt excludendi, qui ex alio
 „ fundamento jus ad eandem rem pos-
 „ sunt prætere. Ubi ad forum ci-
 „ vile negotium non trahatur, absentia
 „ solemnium juris positivi id haudqua-
 „ quam vitiat, si adfuerint, quæ ge-
 „ nerali natura lege alias ad jus con-
 „ stituendum sufficiunt. Ergo videtur
 „ defectus solemnium scriptis hæredi-
 „ bus tantum nocere contra eos, qui-
 „ bus in defectum hæredum testamen-
 „ torum lex successionem dedit. His
 „ silentibus censetur ad dominium
 „ transferendum sufficere, quod serio
 „ testificaverit testator, quem sibi hæ-
 „ redem velit. Quod certe tunc magis
 „ verum puto, dum & defectus testa-
 „ menti notus est; & qui illud impugna-
 „ re possint, nec vi, nec metu, nec alio
 „ injusto modo ab impugnatione impedi-
 „ untur. Quod si res ad forum conten-
 „ tiosum deducatur, hæres ex testamen-
 „ to non solemnibus, ubi præsumuntur
 „ tum civiles, tum canonice leges, jus
 „ suum tueri poterit, donec per judicem
 „ in irritum revocetur. Ita sentiunt plu-
 „ rimi, tum Theologi, tum Jurisperiti
 „ apud Roßensüch, & Ferrarium.

REGULA QUARTA.

XII. Ubi vero Romanæ leges vim
 non obtinent, nec jus Canonicum at-
 tenditur, Regula illa tenenda est, quam
 tradunt Genetius Tract. 2. cap. 7. Na-
 talis Alex. Reg. 13. Juven. Resol. Caf.
 Conf. Tom. 1. Tr. 7. cap. 5. §. 4. In
 conscientia illud est observandum, quod
 decerneret iustus iudex, qui rei verita-
 tem recte cognosceret: ita ut in regio-
 nibus, in quibus hæres, qui fateretur
 oneratum se fuisse a testatore aliquo
 legato, non tamen in foro externo ob-
 stringeretur ad illud solvendum, si so-
 lemnitates a jure requisitæ observatæ
 non fuissent; pariter non obligari in
 conscientia foro, cum certum sit justam
 sententiam a iudice prolatam in con-
 scientia obligare, quando nulla falsa
 innuitur suppositione. Hinc qui per mi-
 nus solemnne testamentum hæres insti-
 tuitur, jatis periculosissimum consulere de-
 bet, num juxta patrias leges illud suf-
 ficere possit, & tueri: & si certus fiat
 de futura rescissione, hereditatem di-
 mittat; si res dubia sit, cum legitimo
 hærede se componat, ne periculo injus-
 tiæ se committat, & rem alienam
 mala fide possideat, & in hæredes trans-
 ferat cum summo sui, & suorum æter-
 no periculo.

REGULA QUINTA.

XIII. Testamenta, & legata omnia
 ad pias causas, quando certo constat
 de voluntate testatoris, sunt semper
 implenda, licet careant solemnitatibus
 a jure requisitis; dummodo illæ serven-
 tur, quæ jure naturali, & gentium ne-
 cessariæ reputantur ad ceteros contra-
 ctus. Ita communiter pene omnes, tum
 Jurisperiti, tum Theologie Doctores,
 nixi auctoritatibus juris Canonici, &

con-

consuetudine etiam juris civilis. Hinc inferunt 1. Validum esse testamentum in utroque foro, quando manifesta sit voluntas testatoris, sive privata ejus scriptura, sive per duos testes, etiam solemnas. 2. Licet testamentum nullum sit ex deficientia solemnitarum in causa profana, valet nihilominus quoad legata pia in eo relicta. 3. Testamentum inchoatum, sed imperfectum ob supervenientem testatoris mortem, licet alias invalidum, subsistit tamen quoad pia legata. 4. Si hæres ab intestato absque omni teste piam voluntatem defuncti ab eo audivit, illam tenetur implere. 5. Quando testamentum ad pias causas validum habetur, licet solemnitatibus careat, valet etiam quoad legata in eo relicta, licet ad pias causas non spectent; cum legata sint quid accessorium ad testamentum, cujus proinde naturam sequuntur. 6. Si in testamento minus solemniter instituantur hæredes agnati, vel extranei simul cum pia causa, licet fortassis corruat quantum ad institutionem hæredis agnati, vel extranei, subsistit tamen quoad institutionem piæ causæ. Plura alia congerunt privilegia Canonistæ, & Theologi apud eos legenda. Solum hic superest perpendendum, num sufficienter constet de voluntate testatoris etiam in pia causa ex testimonio unius tantum, licet omni exceptione majoris, puta Confessarii. Non desunt qui affirmant, cum sufficienti modo per talem testem constet de voluntate testatoris; nec hæres solidum habeat fundamentum tali testi fidem negandi. Verum probabilius puto, posse quidem hæredem, si velit, fidem attribere, at in conscientia non teneri: & colligo ex ipso jure canonico, quod dum saltem postulat testes ad fidem faciendam de voluntate testatoris. Porro hi testes, ut

Patuzzi Theol. Moral. Tom. V.

ipsimet farentur & Jurisperiti, & Theologi, necessarii minime sunt, quando certo constat alio modo de voluntate testatoris. Nam, ut inquit Reiffenhuell lib. 3. tit. 26. §. 6. n. 143. „ Duo testes non sunt necessarii ad substantiam, & valorem testamenti ad pias causas, sed tantum ad probationem, in casu, quo aliunde non constat, nec probari possit voluntas testatoris, nisi per testes“. At in nostro casu non constat de voluntate testatoris, quæ probari non potest nisi per testes: ergo ex juris canonici statuto, & Pontificis decreto duplex requiritur testis ad fidem faciendam, nec unus ullo modo sufficit ad obligationem inducendam hæredi onerosam. Quod confirmat laudatus Auditor n. 151. scribens. „ Quando per scripturam propriam testatoris, vel aliunde de voluntate testatoris sufficienter non constat, tunc... requiruntur duo testes legitimi juxta canones, adeoque nec in foro interno hæres ab intestato credere teneatur uni testi, licet omni exceptione majori, testimonium suum etiam juramento confirmanti“. Quamobrem sapienter subdit, improvide, ac periculose agere tam testatorem qui uni soli v. g. Confessario manifestat, quam ipsum Confessarium, qui suscipit voluntatem ultimam referendam hæredi ab intestato: hoc ipso enim, quod uni soli, quisquis ille sit, credere non teneatur hæres ab intestato, dispositio talis ultima periculo nulli, tatis semper exponitur. Et revera, sicut æquissimus judex, si sententiam ferre deberet, nunquam unius innixus testimonio hæredem cogeret ad solvendum; ita a pari nec hæres ipse cogendus est ad standum unius testimonio. At inquirunt, si judici comperta esset

D d d

ve-

veritas illius etiam unici testimonii, pro veritate judicaret. Fateor. At pariter hæres, si certo eandem veritatem nosset; teneretur implere legatum: sed sicut nec ille unico testi assentiri sua sententia potest; ita nec iste illius stare testimonio. Præterea, posito quod veritatem adducti testimonii nosset, jam non ex unius tantum testificatione sententiam ferret, sed ex veritate sibi præter testem alio modo comperia. Quapropter non assentior laudato Rescissus, dum docet „licere pauperi, culæ famulum, vel famulo, cui dominus, nus dicat, post mortem meam accipe, in her, vel illo loco has, vel illas pecunias, vel aliam rem, quam tibi, tuasque pauperculo lego, secreto, ea accipere, & sibi retinere“. Nam non solum providere tenemur bona coram Deo, sed etiam coram hominibus. Porro reus scandali foret servus ille, qui clam, & inscio hærede post mortem domini rem occuparet, & furti ipsum arguere posset hæres, & iustus iudex ipsum damnare. Teneretur igitur hæredem de dono sibi facto monere, & ab eo, si consenserit, rem legatam accipere: si vero neger, suo adscribat infortunio, si re illa careat, in quam ius habere non potest nisi de consensu hæredis, ad quem cum omnia bona defuncti ex certo, & legitimo testamento, vel ab intestato pertineant, aliqua illorum parte clam spoliari non potest obtentu privatæ donationis.

REGULA SEXTA.

XIV. Rescisso per iudicem testamento, ejusque declarata inutilitate, corrumpunt legata omnia nedum ad profanas sed etiam ad pias causas. Hujus regulæ veritatem admittunt Theologi omnes, & juris canonici Doctores quoad legata

ad profanas causas; at plurimi negant quantum ad pia legata, quæ vim suam obtinere potius præsumunt, quam probent. Contra ipsos tamen hæc militanti, meo videri, invicta argumenta. Judicis legitimæ sententiæ etiam in foro conscientiæ parendum est: at iudex legitima, justaque sententia nullum declarat, irritumque testamentum: ergo hujus sententiæ parere potest, & debet hæres, & proinde testamento stare non tenetur. 2. Dominum bonorum legibus subjicitur Principum Supremorum, quæ illius translationem ob commune bonum vel impedire possunt, vel nonnullis certis adminiculis, & conditionibus servari concedere; & his legibus, ut pluries diximus, parendum est etiam in foro conscientiæ: cum ergo juxta has leges decernendo, iudex nullum declarat testamentum, domini translationem vetat, & impedit; nullum proinde ius in legatario ad rem illam, nullum onus hæredi ad illam solvendam confurgit. Et revera non alio ex capite oritur ius in legatario ad legatum, nisi ex testamento defuncti: at hoc fundamentum omnino tollitur, & evertitur per sententiam iudicis: corrumpitur igitur, necesse est, & ius illi innixum. Nec dicant, adhuc superesse certam testatoris voluntatem, & pietatem causæ, ad quam ordinatur. Nam ad dominium transferendum non sufficit, ut diximus, sola voluntas domini, sed & observantia, & subiectio legibus iustis supremarum Potestatum necessaria est. Nam dominium, ut ostendimus in Tract. de Contract. est quidem *facultas utendi re sua*, sed *modo legibus non interdicto*; unde translatio domini legibus regitur, iisque subjicitur. Hinc etiam in testamento ad pias causas certæ sunt præstitutæ solemnitates, ut suum valorem

for-

fortiantur, quis potius corrumpunt, quam explicant, & interpretentur Theologi, dum adeo extendunt, ut etiam illis minime servatis, & fortasse etiam contemptis, adhuc testamenta valere affirmant quidem, sed minime probant. Pietas vero causæ, nimirum quod legatum, & testamentum cedat in utilitatem animæ testatoris, non subtrahit materiam a subjectione legum, cum hæc in rebus temporalibus sita sit, quæ Principum iustis legibus subijcitur, quæ certe sunt, & Sanctæ custodiendæ; & non licet illas juxta privatorum interpretationem plus justo vel extendere, vel corrumpere, sufficiat quidem hæc voluntas testatoris ex testamento minus solemni, & pietas causæ, ut ante sententiam judicis vim habeat obligandi; at illam extendere etiam post sententiam judicis, est ordinem pervertere, & debitam Principibus, & legibus obedientiam, & subjectionem excutere. Sibi autem impiare debet testator, si pia ejus voluntas non impletur, quippe qui sibi consulere poterat, vel dum in vivis erat pia opera per se præstando, vel idoneo, & legitimo testamento de rebus suis juxta leges disponendo. Præterea & hic locum habet regula a Genetto, & Natali Alexandro tradita, cujus meminimus reg. 4. nimirum heredem teneri testatoris voluntatem implere eo plane modo, quo justus iudex judicaret. Porro justus iudex judicavit testamentum nullum esse: cur igitur huic sententiæ tuta conscientia hæres se conformare nequibit? Legatur Juveninus Tom. 1. Resolut. Caf. Conf. cap. 5. §. 4. quæst. 10.

REGULA SEPTIMA.

XV. Si hæres Auctori suo viventi pollicitus est, se legata pia in testamento constituta fideliter adimpleturum, licet testamentum per judicem rescindatur, ea adhuc adimplere tenetur. Ratio est aperta: quia tunc præter testamenti obligationem, quam nullam supponimus, alia adest obligatio ex fidelitate, & justitia, qua se testatori obnoxii, & a qua per sententiam judicis non liberatur. Nec alia de causa heredis promissio a testatore exigitur, nisi ut certus sit in quocumque eventu de fidelis suæ dispositionis, & voluntatis executione, quam hæres sponte, & libere pollicetur, nisi forte legata totam abforberent hereditatem, vel excederent, tunc enim abrenuntia: a hereditate a suscepto onere se liberare possit.

CAPUT DECIMUMOCTAVUM.

CONSECTARIA PRECEDENTIS
DOCTRINE.

- I. *Quinam testamentum condere teneantur.*
- II. *Testes in testamento quas habere debeant conditiones.*
- III. *Qui hereditatem adiit ex testamento minus solenni, & legata implere debet.*
- IV. *Falsa nonnullorum Theologorum doctrina rejicitur.*
- V. *Hæres testatoris voluntatem quantum ad implere tenetur.*

CONSECTARIUM PRIMUM.

I. LICET nullus præcepto aliquo positivo ad testamentum condendum obstringatur, plures tamen esse possunt, qui naturali lege ad hoc obligentur, nimirum, qui ære alieno gravantur, quod solvere viventes non valuerunt,

D d d 2

luere; qui provident, nisi de rebus suis rite disponant, lites, & discordias inter hæredes consecuturas; qui hæredes habet, alios quidem locupletes, alios pauperes, & indigentes; ut istis potius auxilietur, quam illis ex lege caritatis. Omnibus autem utile est de rebus suis pie, recteque disponere, illis eas relinquentes, ad quos de jure intelligunt pertinere; nec se rapi sinant ad iis beneficiendum, quos magis fortassis carnaliter, quam spiritualiter diligunt, præsertim si vel iustitia repugnet, vel obstet caritas. In iis, quæ a suo omnino pendent arbitrio, & gloriam Dei primo loco respiciant, & proximi necessitates; at regulam servant, quam tradit S. Ambrosius lib. 3. de Offic. cap. 48. nimirum res suas distribuunt *fide sincera, & perspicaci providentia, & dirigente caritate cum prudentia, & prudentia cum caritate conjuncta*, ut monet S. Greg. M. 3, p. Past. ad 21. Quod recte implere nunquam poterunt, nisi testamentum conficiant, dum non solum mente, sed & corpore valent; cum res sit gravissimi momenti, & solerti providentia, cura, & studio tractanda. Hinc merito Jo. a S. Tho. in sua adjuvandi moribundos methodo scribit: „Non pauci peccant in materia, tam gravi peccato negligentem, quæ, illos postmodum plurimum turbat, & affigit, quod de his non disposuerint, cum integræ essent valetudinis, & iudicii, dum cogitant in se de die in diem distulisse, existimantes se illico morituros, ubi testamentum condiderint, Debent Confessarii talium perfonarum, aut ii quos consulunt de rebus suis conscientiæ, illis serio inculcare, tanquam negotium maximi momenti, quod sine magno scrupulo, omitti non potest, maxime si perso-

„næ sint provectionis ætatis, vel im-
„plicitæ ministeriis, & occupationibus
„periculosis, ut quantocius ab illis se
„expediant“.

CONSECTARIUM SECUNDUM.

II. Testes in testamento tum scripto, tum nuncupativo ex præscriptio juris plures debent habere condiciones. Nam, ut superius diximus, esse debent omnes masculi, puberes, liberi, & non servi, sintque ad hoc specialiter rogati. Quamobrem excluduntur muli, cæci, surdi, furiosi, & impuberes. Excluduntur etiam personæ suspectæ, nimirum ipse hæres in testamento institutus, & ille, qui in potestate testatoris sive læredis est. Non excluduntur tamen affines, nec consanguinei testatoris, sicut nec ejus famuli, ministri, domestici: immo & fratres jam emancipati, sicut & pater in testamento filii testis esse potest, si iste per emancipationem sit a patria potestate solutus. Nec maritus excluditur a testificando in testamento uxoris. Clerici vero, tam sæculares, quam regulares, extra casum necessitatis in testamentis testes licite sine licentia vel Episcopi, vel suorum Superiorum esse non possunt, cum in Synodo Romana ab Eugenio II. celebrata statuatur: „Quamquam Sacerdotum testimonium credibilis habeatur, tamen ipsi in secularibus negotiis pro testimonio, aut in consciendis testamentis non rogentur, quia eos in talibus rebus esse non convenit“. Validum tamen esse testimonium affirmant plures utriusque Juris periti, nec per hoc impugnari posset valor testamenti; cum præfatum Eugenii Decretum non necessitatem, sed honestatem tantum importet, ut ea verba indicare videntur, quia eos in talibus rebus esse

non

non convenit : & contraria prævalet consuetudo . In hoc tamen Provinciarum leges , & mores sunt attendendi .

CONSECTARIUM TERTIUM.

III. Qui hæreditatem adiit titulo testamenti minus solemnis, tenetur & omnia in eo contenta legata implere. Ratio est manifesta: nam tota ratio, cur ex huiusmodi testamento hæreditatem percipiat, est clara, & cognita voluntas testatoris: porro hæc non minus constat in hæreditate, quam in legatis: ergo sicut ipse putat se posse hæreditatem percipere; quoadque per iudicem ab ea deturbetur; ita exillimare debet, se etiam ad legata reddenda obligari. Iniquus propterea esset, qui & hæreditatem adire vellet ex clara voluntate testatoris, & simul denegare redditionem legatam, quia testamentum est minus solemnne. Nam hoc pacto duplex adhiberet pondus, duplici uteretur mensura, alia pro se, alia vero pro ceteris; quod est profecto detestabile. Unde Deut. cap. 25. v. 13. præcipitur: *Non habebis in sacculo diversa pondera, majus, & minus: pondus habebis iustum, & verum.* Et Proverb. 20. v. 23. *Abominatio est apud Dominum pondus & pondus: scatera dolosa non est bona.* Quamobrem non sunt audiendi Theologi illi, qui ob probabilitatem, quam supponunt, utriusque sententiæ, nimirum valere, & non valere in foro conscientie testamenta solemnitatibus destituta, id licitum docere non erubescunt. Quod si hæres huiusmodi testamentum existimet rescindendum a iudice, & propterea se ad hæreditatem restituendam cogendum, cum legatariis convenire poterit de restituendis in eo casu acceptis legatis, & ita suæ prospicere indemnitati.

CONSECTARIUM QUARTUM.

IV. Falsa quoque, & laxa est rejicienda opinio Theologorum, qui docent hæredes ab intestato, & hæredes, vel legatariis institutos ex testamento minus solemnii, de valore huius testamenti sibi magis faventem opinionem eligere posse, ut proinde & hæres ab intestato legatariis legata negare, & hæredes, ac legatarii instituti testamenti minus solemnii sibi queant & hæreditatem, & legata occupare, & si non valeant, uti oculis compensatione. Audiantur Salmanticenses Tr. 14. cap. 1. pun. 6. n. 52. scribentes: „ Cum igitur „ utraque dicta sententia probabilis sit „ qui primam sequi vellet (de valore „ testamenti minus solemnii) poterit, „ si hæres, aut legatarius instituetur „ testamenti minus solemnii, hæredic „ tatem procurare, & si adipiscatur, „ retinere . . . Et sequendo nostram „ sententiam poterit hæres ab intestato „ non dare hereditatem, aut legatum „ testamenti minus solemnii; quia sec „ cundum illam invalidum manet te „ stamentum etiam in foro conscientie, „ ideoque succedit hæres ab intestato, „ ac si confectum non esset. Sed quia „ probabiliorum diximus hanc senten „ tiam, poterit dictus hæres uti occul „ ta compensatione, si legatarius, aut „ hæres institutus aliqua via lega „ tum, aut hæreditatem adierit; quia, „ ut diximus, datur locus compensa „ tioni, quando est probabilior senten „ tia, quod sibi talia bona debeantur. „ Sed hoc non poterit hæres, aut le „ gatarius facere, si hæres ab intesta „ to nolit reddere, quod in testamen „ to minus solemnii redditum est, etiam si „ conformare se velit alienæ opini ni „ nisi eam iudicet probabiliorē; quia „ co

„ eo quod sit probabile aliquid deberi ,
 „ locus compensationi non datur . . .
 „ Sed adhuc posse, utramque sequendo
 „ opinionem solum ut probabilem , te-
 „ nent Villalobos , & Lessius “. Ex
 qua doctrina quisque cordatus perspicit,
 quot sequantur in humano convictu ab-
 surda, perturbationes, & scandala, dum
 licet alteri alterius bona vel clam oc-
 cupare, vel compensatione sarcire : &
 quam perversa sit doctrina, quæ oc-
 cultam compensationem permittit; cum
 juxta hos Theologos non solum locum
 babear, quando jus aliquid habendi
 certum, exploratumque est, sed etiam
 cum probabilius, vel etiam solum pro-
 babile; & quique facile possit de sibi
 faventis opinionis probabilioritate judi-
 cium efformare.

CONSECTARIUM QUINTUM.

V. Hæredes, & testamentorum exe-
 cutores testatoris voluntates implere
 quantocius tenentur. Veritas hujus pro-
 positionis est de se manifesta : nam hoc
 esset rem alienam detinere, cum ex
 voluntate testatoris legata, elemosynæ,
 remunerationes, aliæque similes dispo-
 sitiones jam statim ab ejus obitu, & co-
 gnita voluntate ad illos pertineant, qui-
 bus legata donata, & concessa inven-
 niuntur : rem autem alterius detinere
 nec per modicum tempus licet, ut docet
 S. Thom. 2. 2. quæst. 61. a. 8.
 Nec valet concessio juris, quod unius
 anni spatium concedit ad implendas
 testatorum voluntates, si sint ad profa-
 nas causas, sex vero mensium, si le-
 gata pia sint. Quandoquidem, ut opti-
 me observat Reiffenstuel Tom. 3. Jur.
 Can. dist. 26. §. 23. n. 786. illud tem-
 pus est designatum in ordine ad non in-
 currendas pœnas, non ad vitandam
 culpam. Hinc optime inferunt Sylve-

ster, & Layman graviter peccare, si
 ex negligentia diutius differant exequi
 testatoris voluntatem. Hoc tamen exe-
 cutionis tempus latitudinem patitur.
 Nam 1. non urget, nisi prius hæredi
 innotueit defuncti hæreditatem esse ad
 omnia implenda sufficientem. 2. Nisi
 ab ipso testatore executionis tempus fue-
 rit designatum; tunc enim sat erit ejus
 voluntatem statuto tempore implere :
 quod tamen prævenire hæredi, vel exe-
 cutori concessum est, cum hoc volunta-
 ri testatoris non adversetur. Qui vero
 vel intra annum, vel sex menses testa-
 toris jussa non impleverint, compelli
 possunt per iudices, sive seculares, sive
 Ecclesiasticos ad impletionem; immo
 ad ipsum Episcopum, si pia sint lega-
 ta, ut statuit Greg. IX. Jus executionis
 devolvitur. Elapso vero anno, si con-
 tempta monitione iudicis ea exequi ne-
 glexerint, omni hæreditatis emolumen-
 to privantur; excepta tamen tota legiti-
 ma, si hæredes sint necessarii, ut
 statuitur in jure Can. tit. 26. cap. 6.
 ubi ex Concilio Mogantino indicitur :
 „ Si hæredes jussa testatorum non adim-
 „ plexerint, ab Episcopo loci illius om-
 „ nis res, quæ eis relicta est, canonici-
 „ ce interdicatorum cum fructibus, & ce-
 „ teris emolumentis “.

CAPUT DECIMUMNONUM.

*De his qui testamenta condere possunt,
 & de heredibus instituendis.*

DOCTRINA.

- I. *Quinam possint testamentum condere.*
- II. *Quinam non possint.*
- III. *Num Clerici testamentum facere valeant.*
- IV. *Num Regulares.*

V.

- V. *Quinam possint institui heredes.*
 VI. *Illegitimi, alii spurii, alii naturales.*
 VII. *Naturales quomodo heredes esse possint.*
 VIII. *Spurii quomodo ex hereditate repellantur.*
 IX. *Heredes multiplicis generis.*
 X. *De heredibus necessariis.*
 XI. *Heredes liberi quinam.*
 XII. *Quinam substituti, & de variis substitutionibus.*

I. **ILLI** omnes testamentum rite condere possunt, qui nec jure naturali, nec positivo prohibentur. Porro jure naturali testandi carent facultate, qui ratione destituuntur: sicut enim alios contractus, qui sunt actus humani, ita etiam testamentum condere prohibentur; cujusmodi sunt infantes amentes furiosi, mente capti &c. Si tamen furiosi, & amentes subinde lucida habuerint intervalla, in his testari nequaquam impediuntur; dummodo constet revera in illis sufficienter sanam obtinuisse mentem. Quod si hoc in dubium vertatur, examinanda est illorum dispositio, & testandi modus, utrum rationi congruere, nec ne, reperiatur: si post tale examen adhuc dubium perseveret, presumendum est sufficienti mentis libertate nequaquam fuisse potitos, ac pro nullo eorumdem habendum testamentum; si quidem constet de amentia in quam inciderunt, nec constet de amentiae cessatione. E converso nemo in amentia testamentum condidisse presumendus est, nisi cujus infirmitas perspicue probata fuerit, si alias prius mente constabat, ob oppositam rationem, quia videlicet constat de pristina istorum sanitate, & non constet de consequente amentia. Testamentum inceptum tempore sanæ mentis, sed non

completum, puta quia durante actu testandi testator incidit in amentiam, vel furorem, etiam si hæcenus heredis institutionem fecisset, aut aliqua legata declarasset, etiam quoad ista remanet infirmum, & cassum; exceptis tamen, ut communiter sentiunt juris Canonici Doctores, piis legatis. Jure naturali a testando repelluntur, qui bona non habent, de quibus possint disponere, sufficiente materia: si tamen vel sperent se habituros, vel jus habeant ad bona, quæ licet hæcenus non possideant, aliquando tamen sciunt sibi obventura, de his testamento valet disponere.

II. Jure vero positivo testamentum condere prohibentur 1. Impuberes, scilicet qui nondum quatuordecimum annum, si masculi sunt, aut, si feminae, duodecimum complerent; ita tamen, ut si ultimus dies prædictorum annorum inchoatus fuerit, jam pubertatem attigisse censentur. Horum tamen testamenta quoad bona, quæ in eorum dominio sunt, juxta non paucos Auctores, & juxta secundam regulam cap. 17. constitutam, valent in foro conscientie, saltem quoadusque judicis sententia rescindatur. 2. Fili-familias, qui jam puberes sunt, possunt quidem de bonis castrensisibus, vel quasi castrensisibus item de bonis adventitiis, quæ post Clericatum adepti sunt (nam hæc evadunt quasi castrensis) etiam ad profanas causas testamento disponere: sed de profectitiis, vel etiam adventitiis ante Clericatum acquisitis, neque cum patris consensu testari possunt nisi ad causas pias; nam hæc exceptio colligitur ex cap. *Lites de sepulturis* in 6. 3. Testamentum condendi incapaces æternuntur, qui a nativitate sunt surdi simul, & muti; non item, si hæc vitia contraxerint solum casu, vel ex aliqua infirmitate, dummodo alia scribere possint,

sint, vel alio pacto suam mentem exprimere. Surdus autem a nativitate, sed qui mutus non est (si hoc fieri aliquo modo possit) item naturaliter mutus, sed qui surdus minime existit, valide testantur, ille quidem & oreturus, & in scriptis, posterior vero solum per scripturam. 4. Prodigii, quibus interdicta sunt suorum bonorum administratio, valide testari non possunt saltem ad causas profanas: testamenta autem antea condita suo valore non carent. 5. Captivi, & obditi apud hostes, dum in tali statu detinentur, testari prohibentur; quorum tamen anteriora testamenta subsistunt. 6. Damnati ad mortem naturalem, vel civilem, hoc est ejecti in perpetuum exilium, vel perpetuo carceri mancipati olim ad testamentum faciendum inepti reddebantur; quin immo & testamenta jam facta, præter donationes factas uxoribus, rescindebantur: nunc temporis hæc poena non tenet, nisi damnationi conjuncta fuerit confiscatio bonorum. Item antiquo jure damnati ob libellos famulos, sicut etiam legibus tum civilibus, tum Canonicis hæretici, & eorum credentes, defensores, receptores, fautores, qui intra annum Ecclesiæ non satisfecerint, testandi facultate privantur. De quibus tamen observandæ sunt leges Regnorum, & Provinciarum, quæ iustis de causis has leges vel temperant, vel mutant. In jure Canonico ex cap. *felicis* de poenis in 6. jure testandi privantur, qui hostiliter insecuti sunt S. R. Ecclesiæ Cardinales, vel eos ceperunt, aut percusserunt. Et ex cap. *Quamvis* de usuris in 6. Usurarii manifesti, qui vel usuras non restituerunt, aut de illis restituendis idoneam non præstitierint cautionem.

III. Quoad Clericos vero, & Religio-

fos. 1. Certum est Clericos de bonis patrimonialibus, aut quasi patrimonialibus libere testari posse etiam ad causas profanas; cum & sint bona omnino laicalia, quorum plenum obtineant dominium, nec ab ullo jure, quomodo sibi libet, disponere prohibeantur. 2. Licet non ita certum sit, probabile tamen admodum est, posse tali modo disponere de redditibus beneficiorum, quæ propria parsimonia congruæ suæ sustentationi subtraxerunt, non dissentiente S. Th. qui 2. 2. q. 85. a. 7. ad 2. scribit: „Bona Ecclesiarum non sunt solum expendenda in usus pauperum, sed etiam in alios usus. Et ideo si de eo, quod usui Episcopi, vel alicujus Clerici est deputatum, velit aliquis sibi subtrahere, & consanguineis, vel aliis dare, non peccat; dummodo illud faciat moderate, idest ut non indigeant, non autem ut ditiores inde fiant“. 3. De bonis vero meritis Ecclesiasticis, quæ superabundant eorumdem congruæ sustentationi, etiam ad causas pias, sine Summi Pontificis licentia testamento disponere prohibentur; ut constat ex pluribus juris Canonici legibus, passim ab Juristis adductis: idque optime institutum affirmant, ne Clerici vacent rebus, & bonis accumulandis, scientes de his pro suo libito minime disponere posse. Quoad consuetudinem vero testandi ad causas profanas de præfatis bonis pro certo habendum est, hujusmodi consuetudinem tamquam iniquam, & lege naturali, & divinæ adversantem, vim obtinere non posse; nec licere Clericis vi talis consuetudinis vel ad causas profanas disponere, vel ab intestato decedere, ut consanguinei ab intestato succedant, nec illis hæreditibus hujusmodi bona sibi licite retinere. Quandoquidem non ma-

jus

ius dominium sive per testamentum, sive quocumque alio contractu quis transferre in alium potest, quam ipse obtineat. Porro late ostendimus, & fute probavimus, Clericos nullo modo esse bonorum Ecclesiasticorum, quæ suæ congruæ superabundant sustentationi, dominos, sed meros æconomos, & distributores. Non ergo amplius dominium in alios transferre possunt, nec hæredes bona pauperum, & Christi patrimonium sibi retinere. Nec contraria consuetudo prævalere potest. Nam, ut dicit Cap. *Finali* de consuet., „Nemo „sanæ mentis intelligit naturali juri „(cujus transgressio periculum salutis „inducit) quacumque consuetudine „(quæ dicenda est verius in hac parte corruptela) posse aliquatenus de „rogari“. Porro & ipsi adversarii fatentur, hanc consuetudinem efficere quidem posse, ut validum sit testamentum Clericorum de bonis Ecclesiasticis ad profanas causas; at illos lethaliter peccare: consuetudo igitur ista ex multiplicatis oriretur criminibus. 4. Quoad consuetudinem vero testamentum condendi ad pias causas, ut testantur juris Canonici Scriptores, adeo fere ubique invaluit, ut beneficiati minores, idest infra Episcopalem dignitatem constituti etiam non obrenta dispensatione, & testamentum condant ad pias causas, & ea rata, & valida habeantur: quæ consuetudo eo nomine non est improbanda, quia cum istis Ecclesiasticis ab intestato decedentibus succedant non Ecclesia, sed consanguinei, cavetur, ne bona Ecclesiastica ab ipse occupentur, & de illis, vel in proprium commodum, & utilitatem disponant. Quamobrem Ecclesiastici hujusmodi super sua bona possidentes, & dum vivunt, ea pauperibus erogare tenentur, vel ita

Patuzzi Theol. Moral. Tom. V.

caute rebus suis consulere, ut saltem post suum obitum in pium usum, & pauperum levamen convertantur.

IV. Religiosis vero professis, qui ob votum paupertatis proprium non habent, & ob votum obedientiæ sui juris non sunt, proculdubio minime licet testari, vel de illis, quorum administratio sibi spermissa fuit, etiam de Superiorum suorum licentia. Concedente vero Summo Pontifice ad pias causas testamentum facere possunt Religiosi illi, qui beneficium seculare, aut regulare obtinuerunt, aut qui extra claustra viventes, licitum peculium sibi compararunt. Non professi vero, sive ante, sive post Religionis ingressum, etiam sine licentia Episcopi, vel alterius Ecclesiastici Superioris, libere de suis rebus testari possunt, eorumque dispositio subsequente professione tanquam morte confirmatur; ita tamen ut, dum vivunt, illorum bonis frui possit Monasterium, si possidendi capax sit, alias statim ad hæredes devolvantur. Signanter dixi, præfatus testamentum conficere posse etiam sine licentia Episcopi, vel alterius Ecclesiastici Superioris. Nam licet Trident. Concilium sess. 25. de Regul. cap. 16. statuerit: „Nulla quoque renuntiatio, aut obligatio antea facta, etiam cum jramento, vel in favorem cujuscumque causæ piæ, valeat, nisi cum licentia Episcopi, sive ejus Vicarii, fiat „infra duos menses proximos ante „professionem; ac non alias intelligatur effectum suum sortiri, nisi secuta „professione: aliter vero facta, etiam si „cum hujus favoris expressa renuntiatione, etiam jurata, sit irrita, & „nullius effectus“: in hoc tamen Decretum Concilium tantum loquitur de dispositionibus inter vivos, donationibus, E c c

„re-

, renuntiationibus, cessionibus &c. ne per illas, utpote de jure illico validas, novitii temporalibus bonis privati libertatem ad seculum revertendi amittant, & in Religione inviti quodammodo manere cogantur. Quod profecto locum non habet in testamento, cum per illud, utpote ad professionem usque semper revocabile, & ea non emissâ nulum habiturum effectum, novitius nec bonis suis, nec sua libertate spoliatur.

V. Omnes, sive sint singulares personæ, sive sint Communitates, attento jure, tum naturali, tum positivo hæredes institui possunt, nisi specialiter a jure repellantur: siquidem nil aliud requiri videtur, ut quis hæres legitime instituat, quam plena potestas in disponente, forma a jure præscripta, & capacitas in eo, in cujus favorem disponitur. Plures tamen in jure incapaces declarantur ad hæreditatem consequendam. Et 1. quidem Hæretici, & Apostatæ, item credentes, receptores, defensores, eorundem, circa quos tamen leges, conventiones, & pacta Regnorum, & Provinciarum sunt attendenda. Item jure canonico, ut superius diximus, vedum testamenti condendi, sed & hæreditatis capiendæ incapaces declarantur, qui hostiliter S. R. E. Cardinales insectantur, capiunt, vel percutiunt. Immo universaliter ex Juristarum recepta sententia quicumque ex delicto, vel culpa intestabiles active constituuntur, etiam intestabiles passive debent existimari: non vero qui ex aliquo defectu testamentum condere non possunt. Hinc hæreditatis, & legatorum capaces sunt infantes, pupilli, minores, pauperes, infirmi, cæci, muti; immo & nondum nati, qui in utero matris continentur, vel in posterum nascituri sunt. Servos, si a dominis

hæredes instituantur, libertate donari censendum est. A domina vero hæres nequit institui servus, pendente accusatione de adulterio cum ea patra'o. Hæredes quoque, qui testatores interfecisse convincuntur, sunt ipso facto a bonis hæreditatis exclusi: quæ num ad hæredem ab intestato devolvantur, vel ad fiscum pertineant, digladiantur Juristæ. Similiter qui gravem ingrati animi affectum, vel graves inimicitias contra testatorem exercuerunt, & qui illum vel testamentum condere prohibuerint, vel conditum revocare, hæreditate, & legato privantur. Ex Clementina *Exivi de Verborum significatione* fratres minores strictioris observantiæ hæredes, vel legatarii, sive in particulari, sive in communi institui non possunt, itaut ex hujusmodi institutionibus, si factæ fuerint, nihil juris obtineant. Per hanc tamen Constitutionem minime interdictum censetur, ut eis aliquid per modum eleemosynæ relinquatur, ad Ecclesiæ constructionem, altarium ornatum, & sacras suppellectiles. Immo & potest alteri personæ hæreditas, vel legatum relinqui cum onere, ut vendatur, & pretium eisdem fratribus distribuatur, vel certæ eleemosynæ summa, sive esculentorum, sive potabilium portio singulis annis erogetur. Alii vero, qui professi sunt in Religione, quæ possidendi in communi capax habetur, valide institui possunt hæredes, vel legatarii; ita tamen, ut non sibi, sed Monasterio hæreditas, vel legatum obveniat, etiam absque ullo facto ipsius Monachi, vel Religiosi, qui institutus fuerit hæres, vel legatarius: ita ut, etiamsi iste moriatur, antequam adeat hæreditatem, vel eisdem proprio motu renuntiaverit, nihilominus Monasterium, cui jam jus est acquisitum, eam percipere possit.

VI.

VI. De illegitimis vero controversia est, utrum hæredes institui possint. Notandum vero, duas distingui in jure illegitimorum species, alii qui *naturales* dicuntur, alii *spurii*: Naturales olim dicebantur, qui ex unica concubina domi retenta erant orti. Sed postea jure canonico, cujus determinatio etiam in foro civili recepta fuit, omnes illi, & soli vocantur: qui procreati sunt ex parentibus solutis, id est inter quos nulum erat tempore conceptionis, vel nativitatis impedimentum dirimens Matrimonium; licet fortassis intercederet impedimentum aliquod ex iis, quæ simpliciter impedientia dicuntur, puta votum simplex castitatis: immo nonnulli Theologi, ut Lessius, sub hoc nomine comprehendendi existimant & illos, quorum parentes tempore nativitatis, vel conceptionis obligabantur quidem vinculo impedimenti dirimentis, quod tamen erat ignotum vel utrique parti, vel etiam solum alteratri. Filii autem spurii illi dicuntur, qui ex parentibus procreati sunt, quos inter tempore conceptionis, vel nativitatis extabat impedimentum dirimens; ut si intra quartum gradum consanguinei, vel affines fuissent; aut illorum uterque, vel alteruter aut solemnii voto castitatis obstrictus, aut Sacro Ordine initiatus fuisset. Hi vero in jure civili etiam ex damnato concubitu geniti dicuntur.

VII. Si itaque de filiis naturalibus sermo sit, isti ex juris civilis dispositione possunt institui hæredes universales a patribus non habentibus legitimam prolem; ita tamen ut, si ascendentes patris non defuerint, istis legitima portio reservetur, quamvis hanc reservationem non esse usu receptam noverit plures Auctores: ideoque, ubi talis non viget lex, vel consuetudo, potest a patribus,

in defectu legitimorum, naturalibus totum relinqui. In Gallis vero, test: Juvenino, ea lex viget, ut filii naturales totius hereditatis capaces non sint, sed a parentibus legati nomine aliquid accipere possint. Si verò pater illorum sine testamento decedat, naturales filii hæredes ex asse ab intestato esse non possunt, sed solum ad sextam hereditatis partem legibus admittuntur. Quod si pater habuerit filios legitimos, tunc naturalibus nihil competit ab intestato; possunt tamen testamento patris accipere unciam, id est duodecimam partem hereditatis. Aliter vero res se habet respectu hereditatis maternæ, siquidem naturales filii succedunt matribus ab intestato in totum, si filii legitimi desint; si vero adsint, æ quo cum aliis partiantur hereditatem. Immo non possunt prætermitti naturales in testamento matris; sed aut hæredes institui debent, aut exposita causa exheredari; alioquin testamentum prætermittens irritum foret, & tanquam inofficiosum suo careret effectu. Semper tamen præ oculis habendæ sunt peculiares leges, & statuta Regnorum.

VIII. Quoad spurios vero aliter res se habet: isti enim Juris Romini dispositione nihil a patre percipere possunt neque testamento, neque ab intestato, neque ex donatione inter vivos; ut patet ex Authentica *Licet* in Cod. de filiis naturalibus. Ibi enim a quocumque beneficio excluduntur, qui ex damnato coitu sunt procreati, cujusmodi spurii censentur. Et novella 74. præcipitur: *nullam esse eis clementiam participandam*, ut si etiam quoddam supplicium patris agnoscere nihil eos habituros ex suis bonis. Maternæ quoque hereditatis iidem incapaces

E e e 2

exi-

existunt: qui enim non potest saltem aliquo modo patri succedere nec matri heres esse potest, nisi aliqua exceptio juris pro eo limitet, quæ nulla pro spurciis invenitur. Et licet nonnulli filium conjugati, vel Sacerdotis ex soluta posse matri succedere arument, quia hujusmodi conjunctiones non tam acriter civilibus legibus vindicantur; nihilominus esto minus puniantur, negari tamen non potest, eos inter damnatos coitus comprehendendi; quapropter nisi lex, statutum, recepta, & approbata consuetudo vel innovaverit, vel alio modo statuerit, aliter ac de aliis spurciis de ipsis judicandum non videtur, quibus stando juri civili nec alimenta essent concedenda. Verum, si his non suppetat, unde sustententur, alimenta esse danda jus canonicum statuit, ut patet ex Cap. cum haberet 8. de eo qui duxit in Matrimonium &c. ubi dicitur: „Sollicitudinis tuæ interest, ut uterque „parentum liberis suis, secundum quod „eis suppetunt falcutares, necessaria „subministrer „, temperans in hoc sua æquitate rigorem legum civilium, tanquam pietati naturali minus consentaneum: jure enim naturæ pater ad alendum filium indigentem adstringitur; & hæc moderatio etiam in foro civili omnium Regnorum, & rerum publicarum ut justissima suscepta fuit, & vim obtinet. Porro nomine alimentorum intelliguntur quæ sunt necessaria pro conditione personæ ad victum, vestitum, habitationem, medicinalia, & hujusmodi: quare & dores filiarum continentur, cum dores in locum succedant alimentorum, etiam si parentes Sacerdotes esse contingerit. Nec huic obligationi satisfaciit pater, exponens filium spurcium in aliqua hospitali domo, nisi aut pauper existat, aut ad id compellatur

ad evitandam infamiam occulti criminis; cum & in hunc finem aliquæ hospitalis domus fundatæ inveniantur. Semper tamen expensas compensare debet ab hospitali factas, nisi paupertate impediat, ut diximus in IV. Decalogi Præcepto.

IX. Quoad alios hæredes vero hi communiter in quatuor dividuntur classes: alii necessarii dicuntur, alii ab intestato, alii voluntarii seu extranei, alii denique substituti. Necessarii hæredes dicuntur, qui in testamento præteriti nullo modo possunt, sed debent vel hæredes institui, vel nominatim exhæredari, expressa iusta exhæreditationis causa: alioquin testamentum, quod eos prætermittit, omni proorsus valore ex legum dispositione, privatur. Tales autem sunt filii, nepotes, alique descendentes in linea recta, sive masculi, sive femine, sive emancipati, sive sub potestate constituti; & his deficientibus ascendentes in linea recta pater, avus, proavus &c. lia tamen, ut semper ascendentes excludantur, quamdiu aliqui descendentes extiterint. Fratres, & sorores non recensentur inter hæredes necessarios, ita ut testamentum, in quo eis prætermittis, extraneus institutus est hæres, non propterea suo careat robore. Qui tamen ex eodem patre sunt fratres, & sorores, possunt impugnare querela inofficiosi testamenti illud, in quo instituta fuit hæres persona turpis. Turpes autem dicuntur personæ, quæ habent infamiam juris, vel facti, ut concubinarii, meretrices, mimi, lenones, hororum dilapidatores, & hujusmodi; quæ tamen querela minime conceditur illorum filiis, neque etiam fratribus, vel sororibus uterinis ex diverso patre prognatis.

X. Hæredes ab intestato 1. sunt filii,

2. Nepotes, alique descendentes in linea recta, sed hi per stirpem, non per capita. Siquidem nepotes cum repræsentent personam patris, plures nepotes ex eodem filio illum solum repræsentant, & omnes simul sumpti eam possunt hæreditatis consequi portionem, quæ uni soli testatoris filio competere potest. Si desint descendentes in linea recta, succedunt ab intestato adscendentes in eadem linea puta pater, avus, proavus, suo quisque ordine, & gradu; & in hac successione locum habet etiam mater posthumi: ut si testator relinquat uxorem prægnantem, ex qua post ejus mortem nascitur filius, qui statim moriatur, mater succedit loco talis filii in ea hæreditatis portione, vel legitima, quæ eidem deberetur. 3. Adscendentibus quoque non extantibus succedunt fratres, sorores, alique collaterales per capita usque ad decimum gradum inclusive, itaut semper præferantur, qui sunt in gradu proximior, sive sint consanguinei ex parte patris, qui etiam cognati dicuntur, sive ex parte matris, qui agnati appellantur. Fratri itaque defuncto ab intestato succedunt fratres, & sorores ex iisdem parentibus, excludentes eos, qui ex parte unius dumtaxat parentis sunt fratres; & isti posteriores alios excludunt collaterales magis remotos. Quod si simul concurrant fratres consanguinei, & uterini, primi in bonis paternis, alii in maternis præferuntur; quamvis non desint jurisperiti, qui utrosque ex æquo succedere affirmant: quia bona, quæ pervenerunt ad fratrem defunctum ab intestato, quando facta sunt ipsius, deservunt esse vel paterna, vel materna: At in his leges sunt attendendæ, quæ variæ sunt juxta varias dominiorum rationes.

XI. Hæredes vero liberi, sive extra-

rei sunt illi omnes, qui a testatore institui necessarii non debent, sed vel cum hæredibus necessariis, vel etiam, si nulli adsint, libere assumentur; & hi omnes esse possunt, quos enumeravimus n. 5.

XII. Hæredes denique substituti illi dicuntur, qui ad hæreditatem vocantur in locum hæredis primam a testatore instituti, nempe in casu, quo is vel nolit hæreditatem acceptare, & adire, vel morte possit; aut quia ante testatorem moriatur; aut quia ob aliquod crimen, vel impedimentum legale evaserit impotens percipiendæ hæreditatis. Sex autem modis contingit aliquem substitui jure communi, seu Romano, sive sex substitutionis species distinguuntur: appellantur autem vulgaris, pupillaris, exemplaris, fideicommissaria, reciproca, & compendiaris. *Vulgaris* substitutio est, qua quisvis testamenti condendi capax substituit in locum primi hæredis quam maluerit personam, quæ legibus non excludatur. Extinguitur autem hæc substitutio, cum si is, qui primus est institutus hæres, adierit hæreditatem; tum si substitutus moriatur ante testatoris mortem, vel antequam primus hæres adeat hæreditatem. Substitutio *Pupillaris* est, qua pater siis impuberibus hæredibus a se institutis alias personas unam, vel plures substituit in casu, quo contigerit filios ante pubertatem decedere. Cum enim impuberibus leges nequaquam permittant testamentum condere; ideo indulgent patribus, ut vicem filiorum suppleant, & pro ipsis testamentum condant. Ut autem valida sit hæc substitutio, tria necessaria sunt. 1. Ut is, cui fit substitutio, sit sub potestate patria: quapropter mater non potest pupillariter substituere, quia patriam potestatem non ha-

habet; nec ipse pater ob eandem rationem filio illegitimo potest substitueret. 2. Ut idem, cui sit substitutio, per mortem testatoris evadat sui juris, nec recadat in potestatem alterius: quare nec pater vivente avo, nec avus vivente patre potest sic substituere; quia pupillus alterutro deficiente sub alterius potestate constituitur. 3. Ut hæc semper implicita intelligatur conditio, quod videlicet ante pubertatem decedat, cui facta est substitutio; alias eadem locum non habet. Substitutio *exemplaris* sic dicta, quia fit ad exemplum pupillariæ, est, qua pater, aut alius ascendens filiis amentibus, aut furiosis, vel surdis simul, & mutis, vel prodigis, quibus bonorum administratio sit interdicta (nam sic scilicet prodigi, & surdi simul ac muti solum ad pias causas testari permittuntur) substituit heredem, si eos in tali statu mori contigerit. Differt hæc substitutio a pupillari, quia habet locum respectu filiorum etiam puberum; immo & illorum, qui a patria potestate sunt emancipati. Fieri autem potest non solum a patre, sed etiam a matre, præsertim quoad bona, quæ ab ipsa proveniunt; immo & ab avo, & proavo, siquidem jus sic substituendi non tam intuitu patriæ potestatis, quam titulo humanitatis concessum fuit. Ad hoc tamen ut valida sit, debitus ordo servandus est in personis substituendis; ita ut, si filios habeant ii, qui testari impediuntur, filii necessario substituantur; & his deficientibus illorum fratres sunt præferendi. Si tamen nec fratres, nec sorores adfuerint, potest & extraneus ex libito testatoris substitui. Substitutio *fideicommissaria* est indirecta, & obliqua substitutio, qua heres primo institutus gravatur, ut hæreditatem totam, vel

partem ejus aliquotam, puta dimidium, tertiam, quartam &c. restituat alteri, qui fideicommissarius vocatur. Est, inquam, indirecta, & obliqua substitutio, quia hæreditas ministerio alterius deferretur ad substitutum; idcirco etiam in Codicillo fieri potest, licet aliæ substitutiones non valeant, nisi in testamento contineantur; quia per codicillum esto hæres non possit institui, institutus tamen gravari permittitur. Sic autem gravatus potest ex legum dispositione retinere sibi quartam partem hæreditatis, quam alteri restituere jubetur: & hæc quarta pars vocatur Trebellianica, quia Senatus Consulto Trebellianico, a Trebellio Consule auctore, concessa & decreta fuit, tum ne vana foret hæredis institutio, tum ut hac utilitate alliceretur ad id faciendum, & exequendum, quod eidem testator imponit. Si ergo hæres institutus fuit ex asse, quartam totius hæreditatis integræ; si in dimidia parte, seu ex semisse fiat hæres, quartam hujus dimidii portionem sibi vendicabit; & sic proportionaliter discurrendo. Notandum hic discrimen, quo distingui debent legitima Trebellianica & Falcidia. Legitima est illa portio hæreditatis, quæ hæredibus necessariis debetur, quæ non relicta, nisi fiat expressa, & justa exhæredatio, testamentum irritum est. Complectitur autem tertientem, seu tertiam partem hæreditatis jure communi, si filii non sint plus quam quatuor; si vero hunc numerum excedant, semissem, seu dimidiam hæreditatem æqualiter singulis dividendam, ut etiam alibi diximus. Trebellianica vero est quarta pars hæreditatis, detracta ære alieno, & expensis funeris, quæ conceditur hæredi, fideicommissario universali gravato. Quod si

iste sit etiam hæres necessarius, juxta communiohem sententiam nedum legitimam, sed etiam Trebellianicam poterit ex hæreditate restituenda detrahere. Tandem Falcidia (sic dicta non a falce, ut imperiti aliqui censuere, sed a Cajo Falcidio Tribuno plebis, ejus auctore) est quarta pars bonorum testatoris, quam hæres scriptus potest sibi retinere ex hæreditate nimis gravata legatis, singulis pro rata detrahendo. Id autem fides sit aliqua causa pia: nam tunc detrachere Falcidiam poterit; quia causa piæ contra causam piam non datur privilegium. Nec etiam habet locum, quando res, quæ legata est, in perpetuum alienari prohibetur. Substitutio *reciproca*, seu breviloqua est, qua plures hæredes instituti etiam sibi invicem substituuntur: ut si dicat testator instituo Cajum, & Sempronium meos hæredes, & invicem eos substituo, est substitutio breviloqua, quia brevibus exprimitur verbis; est vero reciproca ob mutuam substitutionem. Tandem substitutio compendiaria est, quæ plures complectitur substitutiones relative ad varia tempora: ut si dicat testator, instituo filium meum hæredem; & ei substituo Titium, quando-cunque filium mori contigerit: æquivaleret vero hæc substitutio *pupillari*, si filius ante pubertatem moriatur: *exemplari*, si eundem contingat in amentiam, vel aliud impedimentum incidere; *fideicommissaria*, si post pubertatem decesserit, salvo tamen jure legitimæ, & Trebellianicæ, & vulgaris, si filius ante patrem moriatur, vel alio modo incapax evadat hereditatis.

CAPUT VIGESIMUM.

CONSECTARIA PRÆCEDENTIS
DOCTRINE.

- I. *Pater nequit sine justa causa filium exheredare.*
- II. *Justa adesse possunt cause filios hereditate privandi.*
- III. *Sicut respectu filii exheredandi parentes.*
- IV. *Quinam filii non sint inter illegitimos recensendi.*
- V. *Num liceat parentibus filium spurium heredem instituere.*
- VI. *Quinam ordo servandus in testamentis.*
- VII. *Non omnis inequalitas in testamento etiam respectu filiorum injusta habenda est.*

CONSECTARIUM PRIMUM.

I. **P**ATER nequit absque injustitia sine legitima causa filium exheredare, & sua legitima privare. Ipsum jus naturæ hujus propositionis veritatem ostendit, quod parentem obstringit ad proprium filium alendum, eique necessaria ad victum suppeditanda, & quidem non quocumque modo, sed juxta sui status conditionem. Quamobrem, ut in 4. Decalogi præcepto diximus, tutus non esset in conscientia genitor, qui, ut aliquem ex filiis diutorem, splendidioremque relinqueret, vel alios filios necessariis privaret, vel sola donaret legitimam, quæ satis non esset ad sui status conditionem servandam. Accedunt & Leges civiles pene omnium Regnorum, quæ irrita declarant, & nulla testamenta, quibus filii legitimæ hereditate privantur, vel etiam solum prætermittuntur: ut habetur L. i. ff. de igit. Test. *Testamentum nullius est no-*

menti, cum filius, qui fuit in patris potestate, & prateritus est. Legitima vero debetur filiis ex omnibus, & singulis bonis utriusque parentis, & libera ab omni gravamine, & onerosa conditione, nisi forte legitima detur filiis in aliqua re determinata, puta pecunia, bonis stabilibus &c. dammodo tamen res assignata & portioem jure debitam adæquet, & sine hujus minima diminutione, imposita possit onera sustinere. Descendentibus, filiis, & descendantibus legitima, ut diximus, ascendentibus debetur. Verum in hac designanda dissentiunt utriusque Juris Doctores, cum certa lege, sicut in descendantibus, taxata non sit. Quidam enim docent eandem esse, quæ debetur filiis, idest vel trientem, vel semissem totius hereditatis juxta numerum hæredum. Alii duas hereditatis partes pro legitima assignant, tertiam solum Testatoris arbitrio relicta. Alii communiter tertiam partem statuunt. Sunt igitur in hoc municipales leges consulendæ. Uxori vero nulla debetur legitima ex bonis mariti, licet eam sine dote acceperit: in aliquibus tamen locis, Leges quartam bonorum partem uxori non habenti, unde decenter vivat, dandam statuere.

CONSECTARIUM SECUNDUM.

II. Juxta adesse possunt causæ filios hereditate privandi: hæ autem partim in jure civili communi, partim peculiaribus locorum legibus decernuntur; sunt autem quæ sequuntur. 1. Si filius violentam manum in parentes iniecerit, nisi forte in sui, vel patris defensionem; aut mortem ipsi machinatus fuerit, etiam effectum non secuto. 2. Si gravi eos vel injuria, vel contumelia affecerit, quæ gravitas est prudentum iudicio ponderanda, inspectis causis, circumstantiis, & conditionibus tum pa-

rentum, tum filiorum. 3. Si eos in causa criminali accusaverit, exceptis tamen criminibus læsæ majestatis, & hæresis; vel in judicio contra ipsos delator, vel testis fuerit de gravi crimine, ob quod plectendus esset pœna mortis, vel perpetua exilii, vel infamiae. 4. Si parentes in carcere ob æs alienum deventos vel liberare neglexerit, cum posset; vel pro illis fidejubere detrectaverit; vel in captivitatem redactos redimere, cum posset, omiserit, vel in dementia lapsos non curaverit. 5. Si paternum totum violaverit, indigenti patri alimenta denegaverit, novercam uxorem patris sui vel occiderit, vel necare, tentaverit. 6. Si illum impedierit, ne Testamentum conficiat, vel confectum revocare coegerit. 7. Si filius infamem, & propudiosam artem amplexus sit, & exerceat; vel maleficus sit, & excantator, vel maleficorum socius: & similiter filia, si oblatam ad honestum matrimonium dorem repudiaverit, & luxuriosam vitam, seu meretricium elegerit; vel si filii a Catholica Religione apostataverint juxta Principatus leges. In Galliis conceditur parentibus, ut filios, & filias, sine illorum consensu matrimonium celebrantes, possint exheredare. Verum quoad hanc legantur ea, quæ diximus cap. 8. de dote filiabus danda, & doctrina ibi tradita huic aptetur loco.

CONSECTARIUM TERTIUM.

III. Quemadmodum filios parentes exheredare possunt; pari pacto & filii parentes suos justis de causis ipsis debita privare hereditate valent. Juxta vero causæ sunt ferme illæ, quas superius recensuimus: Nimirum, si filium amentem non curaverit, si captivum non redemerit, vel mortem illi intenterit, aut

aut de gravi crimine mortem, exilium, infamiam, gravioremve aliam pœnam incedente vel accusaverit, vel testis fuerit; exceptis tamen criminibus proditionis patriæ, læsæ majestatis, vel hærese. Si filius uxorem vel concubinam corruperit, vel matrem filii enecaverit, vel interficere contaverit &c. In utraque tamen exheredatione nec parentes filijs, nec filii parentibus alimenta ad vitam sustentandam, aliunde non habentibus, denegare possunt; licet lautiora, & eorum congrua statui tribuere non teneantur: nam priora denegare idem est, ac illos interficere. 2. Licet patrata sint crimina, quæ exheredatione puniri merentur, nisi tamen revera secata sit exheredatio, impedita fortassis vel morte patris, vel ignorantia delicti, nec filius hæreditate patris, nec pater hæreditate filii privatur, sed tuta conscientia eam occupare possunt: tum quia nemo sibi ipsi pœnam ante Judicis sententiam infligere tenetur; tum quia præsumi potest, condonatam a patre filio pœnam. Quamobrem leges jubent, patrem in Testamento, non nisi adducta exheredationis causa, eaque probata, posse filium hæreditate spoliare. 3. Semel remissa injuria locum amplius non habet exheredatio, quæ pœna est; licet fortassis Testamentum, in quo illa inscripta erat, revocatum non fuerit, & condonatio non expresse, sed tacite facta sit: similiter, si reus publica pœnitentia, vel per Religionis ingressum patri offensa satisfecerit, non vero si solum privata pœnitentia de patrato delicto doleat; cum hæc non videatur sufficiens ad tollendam pœnam in foro exteriori infligendam, Ita communiter tum Theologi, tum Juristæ.

CONSECTARIUM QUARTUM.

IV. Inter filios illegitimos, vel spurios
Patuzzi Theol. Moral. Tom. V.

rios illi habendi non sunt, qui orti sunt ex matrimonio bona fide contracto, licet ex aliquo ignorato impedimento nullum fuerit, & irritum. Nam id expresse declaratum fuit in Jure Can. cap. ex Tenore Extr. qui sunt filii legitimi, ubi Pontifex statuit in favorem prolis ex tali matrimonio natæ esse judicandum, scribens: *Intelligentes, quod Pater R. Matrem ipsius in facie Ecclesiæ ignoram, quod ipse sibi aliam matrimonio copulasset, duxerit in uxorem, dum ipsa conjux ipsius legitima putaretur, dictum R. suscepit, ex eodem in favorem prolis potius declinamus, memoratum R. legitimum reputantes.* Quod plures Theologi extendunt etiam, saltem ex parte, ad filium natum ex matre vel violenter compressa, vel per fraudem decepta ab aliquo se maritum simulante: cujus filius respectu ipsius ita habetur legitimus, ut simul cum aliis filiis tum ex testamento, tum ab intestatō matri succedere possit. Qui vero per subsequens matrimonium facti sunt legitimi, & per omnia legitime natis æquiparantur; quia ut docet Glossa, *tanta est vis matrimonii, ut omnia præcedentia purget.* Legitimati vero gratia Principis æquali jure succedere possunt parentibus suis, si hæc adsint conditiones; nimirum si nulli extant liberi legitimi; si pater post generationem filii iusta causa impeditus matrem in matrimonium ducere non potuerit, & subsequens matrimonium filium legitimare; si denique filii legitimi legitimationi consensum præbuerint.

CONSECTARIUM QUINTUM.

V. Non licet filium spurium hæredem paternorum bonorum constituere substitutione fideicommissaria: num vero pupillari, incertum, & juxta Regionum leges, & consuetudines dijudicandum. Explicatur. Fideicommissariam substit.

F f f

ta-

tutionem capite præcedente eam diximus, quæ Testator hæredem quidem instituit, sed cum adjuncto onere hæreditatem vel integram, vel in parte alteri tradendi. Sic Pater, cum legibus promittatur, ne filiis spuris aliquid donet præter alimenta, ut tamen ipsum hæredem faciat in fraudem legis, alterum hæredem constituit cum pacto, & promissione vel integram, vel ex parte hæreditatem tradendi filio spurio. Hinc queritur, num licite, & valide possit hic hæres ante iudicis sententiam hanc hæreditatem spurio tradere, & hic valide, & licite retinere, vel potius sit hæredibus ab intestato tradenda. Et quidem 1. conveniunt Theologi, omnes illicite agere, & graviter peccare tum parentem ita testantem, tum amicum promittentem; cum iustissimam legem, & providam cautionem, ut eam appellat S. Hieronymus ep. 11. violent, illicque illudant; proinde Confessarius Testatorem monere debet, & denegatione absolutionis cogere, ut voluntatem mutet, & legibus Principum, qua par est, reverentia, ut Deus jubet, omnino obtemperet. Docent etiam communiter Auctores, post sententiam iudicis teneri fideicommissariam hæc bona fisco redere, ad quem devolvuntur; ante hanc sententiam tamen nonnulli censent, posse eam sibi retinere; cum enim hæc privatio hæreditatis pœna sit, nemo eam sibi infligere tenetur. Num autem valide possit & fideicommissarius hæreditatem filio spurio tradere, & hic valide retinere, disputant Theologi. Nos partem negativam, utpote probabiliorē & proposuimus, & tuemur, his ducti firmissimis rationibus. Hæres iste nullum hæreditatis dominium adipiscitur, cum nullus adsit iustus dominii titulus; nam voluntas Testatoris omnino

est invalida, quia legibus verita, proinde iustum titulum nequit constituere. Præterea hæc testatoris voluntas non transfert dominium in hæredem, quem hæreditatis dominum minime constituere intendit, sed merum ministrum iustum, & illicite voluntatis: non ergo idonea est ad dominum transferendum. Si igitur hæres dominium non obtinet, profectò nec illud in alium transferre potest; cum nemo plus juris in alium queat transfundere quam ipse obtinet. Superest igitur, ut dominium in spurium descendat ex voluntate patris, qui in fraudem legis hoc pacto hæredem illum instituit. At patri illicitum, & vetitum, interdictum est sic bona in spurium transmutare; si enim licitum foret, hæc fraudolenta substitutione minime uteretur. Non est igitur idonea hæc patris voluntas ad iustum titulum constituendum dominii in filio spurio. Et ita quidem sentiant ex Jurisconsultis Bartholus, & Gomez, ex Theologia vero Sotus, Ledesma, & Juvenius Tract. 7. cap. 1. §. 2. n. 5. Huic tamen opinioni nonnulli adversantur, qui putant fideicommissarium verum esse hæredem; proinde posse & valide sibi hæreditatem retinere, saltem donec a Iudice priveretur; vel etiam, si sibi placet, spurio tradere. Nonnulli vero inter quos Salmaticenses, & verum hæredem illum agnoscunt, & in conscientia obstrictum ad hæreditatem spurio tradendam, Priores his moventur argumentis. Fideicommissarius est verus hæres, quia institutus a Testatore, & a nulla lege repellitur. Privari quidem potest hæreditate in pœnam promissionis contra legem datæ; at hæc privatio locum non habet, nisi ex sententia iudicis, quam ipse prævenire non tenetur. Præterea cum hæc conditio turpis sit, pro

non adjecta haberi debet: eapropter hæreditatem sibi retinere poterit. Porro si legitimus est hæres, si hæreditatem consequi potest, poterit illam illicite quidem, quis in fraudem legis, et valide spurio tradere, qui tunc hæreditatem non a patre consequitur, sed a fideicommissario. Addunt Salmaticenses, teneri hæreditatem ex iustitia filio tradere: quia promissio onerosa obligat ex iustitia: cum igitur fideicommissarius pollicitus sit testatori hæreditatem transmittendam, ex iustitia fidem datam implere obstringitur. Verum hæc non tanti ponderis sunt, ut a statuta doctrina recedere cogant. Nam ad 1. resp. Fideicommissarium non verum esse hæredem, sed umbratilem dumtaxat, & nomine tenus, quippe qui nec ex voluntate testatoris sibi obtinere valet hæreditatem, & a legibus ab ea capeffenda arceatur, ad quas tantummodo eludendas hæres dicitur. Ad 2. privatur quidem hæreditate non in solam patrati delicti pœnam, sed quia legitimo caret titulo eam retinendi; unde in *L. Prædo* dicitur, non quia contra legem fidem suam obligavit Testatori, ut inepte dicunt Salmaticenses, sed quia rem alienam & invito domino, & reluctantibus legibus sibi usurpat. Quamobrem dum dicimus, eum teneri hæreditatem cedere hæredibus ab intestato, non pœnam sibi infligere cogimus, sed quod iuste, & illicite accepit, restituere compellimus. Ad 3. conditio vero adjecta tradendi spurio hæreditatem non solum turpis est, sed ipsam hæreditatis perceptionem omnino inquinat, & injustam reddit: siquidem omnem repellit justum titulum, nimirum voluntatem testatoris, qui non in ipsam transfundere intendit hæreditatem, sed in spurium; & ipsam Testamentum nul-

lum irritumque legibus declaratur, & tanquam illicitum prohibetur. Nequit igitur hæreditatem sibi retinere, nec spurio tradere; sed hæredibus ab intestato est dimittenda. Id vero, quod subdunt Salmaticenses de obligatione promissionis ex iustitia, hic locum habere non potest; cum agatur de re omnino illicita, & legibus vetita: unde & ipsi Salmaticenses n. 97. scribunt: *Sicut tam parentes, quam filii, qui contra legum tenorem . . . aliquid donant, & recipiunt, peccant mortaliter, eo quod agunt in materia gravi contra leges iustas, & sanctas, ita testator, & fideicommissarius in dicta casu peccant mortaliter, quia contra leges iustas operantur, que fidem præstare in hac materia prohibent.* Quomodo igitur esse potest obligatio aliquid ex iustitia faciendi, quod est contra leges iustas, & sanctas? Profecto hæc obligatio esset vinculum iniquitatis. Porro leges non solum prohibent promittere; sed & implere promissum: igitur æque peccant, & dum promittunt, & dum fidem illicite datam illicite implent.

Quoad substitutionem vero pupillarem num hujus capaces sint filii spurii, diverso plane modo sentiunt & Jurisconsulti, & Theologi. Nonnulli concedunt, quia tunc non patris, sed scarris hæredes sunt; & revera, cum hæc substitutio locum habeat solum, si pupillus ante pubertatem moriatur, & facultas concessa sit parentibus substituendi Pupillos, ut vicem filiorum suppleant, quibus non interdiceretur, & puberes forent, fratribus suis spuris hæreditatem; vel in partem, vel in totum relinquere non videtur hæc substitutio in lege, spurios ab hæreditate paterna excludente, comprehendere, præsertim cum lex illa sit maxime odiosa, proinde, quantum fieri potest, restringenda. Alii vero limitant

solum quoad bona propria ipsius pupillæ, non vero quoad bona paterna, quæ per pupillum ad ipsos perveniant. Alii denique ab hac substitutione omnino excludunt, quia semper verum est spurios hoc pacto paternorum bonorum hæredes fieri, quod legibus est interdictum. In hac igitur controversia leges, & consuetudines Regni, & Provinciæ sunt expendendæ, & juxta illas etiam in conscientiæ foro dijudicandum.

CONSECTARIUM SEXTUM.

VI. Qui consanguineos, vel affines habent pauperes, & indigentes, licet hæredes necessarii non sint, illis potius, quam extraneis, immo & causis piis, bona sua relinquere testamento tenentur. Et revera ita postulat ordo caritatis, quæ jubet, ut nobis magis propinquis auxilium feramus. Quod multo magis verum est in Testatore habente superfluitates fratres, vel sorores egere pressos: istis enim nullo modo præferre potest extraneos, non solum quia contra caritatem, sed etiam ob scandalum, quod hoc pacto præberent: non enim hæc fratrum, & sororum præteritio aliunde orti merito crederetur, nisi ex defectu fraterni amoris, vel etiam ob odium, & indignationem adversus ipsos; præsertim si inimicitia, vel similitates inter ipsos præcesserint. Nec extrema sit, oportet, vel admodum gravis fratrum, vel sororum inopia & egestas, ut ex caritate suo Testamento illis beneficiare teneatur; nam in casu extremæ, vel gravis admodum necessitatis etiam extraneis auxiliari tenemur: sed sufficit, si impares sint vel ad filios congrue juxta proprium statum alendos, vel ad filias congrue dotandas; quibus inspectis, qui majore premuntur angustia, & necessitate, abundantiorem hæreditatis partem accipiant.

Nam, ut optime animadvertit P. Concina, Testamentum exemplum esse debet & caritatis, & justitiæ, & pietatis. In eo igitur hæc virtutes, quæ quidem omnem Christiani actionem ornare debent, in Testamentis, & ultimis voluntatibus maxime elucescant, oportet. Sunt etiam & ipsis piis causis præferendi præfati consanguinei, & affines indigentes; quia caritas ceteris omnibus virtutibus supereminet, & ipsa largitio hæreditatis indigentibus, & affinibus pro pia causa haberi potest, & certe pietatis officium est. Quod suo exemplo, & doctrina confirmavit S. Augustinus, qui, ut testatur Possidius in ejus vita, aliquas piis hæreditates recusavit, non quia (scribit) pauperibus, bus inutilis esse possent, sed quia „justum, & æquum esse videbat, ut „a mortuorum vel filijs, vel parentibus, vel affinibus magis possiderentur, tur, quibus ob eas deficientes dimittere noluerunt“.

CONSECTARIUM SEPTIMUM.

VII. Non est vetitum parentibus inæqualitatem aliquam inter filios in suo Testamento inducere; dummodo tamen hæc non ex inordinato affectu, sed justa de causa, videlicet vel ob inæqualia filiorum merita, vel ob specialia alicujus sibi præstita curæ, & benevolentia officia progrediatur. Quod si parentes, relicta filiis solum legitima portione, quod superest de suis bonis extraneo relinquunt, licet hoc Testamentum validum haberetur in foro externo, coram Deo tamen, & in conscientia foro illicitum esset, utpote caritati; & fortassis etiam justitiæ adversum, præsertim si ex animo prodiret filiis parum propenso. Quod verum puto, licet

licet pia causa esset ad hæreditatem vocata .

CAPUT VIGESIMUMPRIMUM.

De Legatis , Codicillis , & Donationibus mortis causa .

D O C T R I N A .

- I. *Quid sit Legatum .*
- II. *Legata duplicis generis .*
- III. *Quando sint Legata reddenda .*
- IV. *Partes , & adjuncta legato debentur legatario .*
- V. *Sicut & fructus rei legata .*
- VI. *Quanam sint legata conditionata .*
- VII. *Quanam legata sub demonstratione .*
- VIII. *Quid sit Codicillus .*

I. **L**EGATUM I. 2. Inst. Just. definitur : *Donatio quedam a defuncto relicta , & ab hærede præstanda .* Differt ab hæreditate , tum quia hæc non est alicui rei determinata alligata ; tum quia legatum est ab ipso hærede præstandum . Differt etiam a donatione causa mortis , quia legatum nonnisi post mortem Testatoris in dominium pervenit legatarii ; dum res donata etiam vivente donatore ad donatarium transit , & ab ipso Testatore , non ab ejus hærede proficiscitur . Quamobrem illi legata relinquere possunt , qui possunt Testamentum condere : sicut e contra illi , quibus concessum non est testari , nec legata valent constituere . Et vicissim percipiendi legati capaces sunt , qui hæres institui possunt ; qui vero ab hæreditate sive per Testamentum , sive per Codicillum aliqua de causa repelluntur , nec legata valent percipere , nisi alimentorum causa , quæ nulli denegatur , licet civiliter mortuo . Nonnulli Legatarios in universales par-

tiuntur , & in particulares : priores voce tenus legatarii dicuntur , cum revera sint hæreses ; posteriores vero proprie legatarii sunt .

II. Legata alia pura dicuntur , alia conditionata . Priora statim ab adita hæreditate debentur Legatario , jure naturali inspecto ; jure vero Romano L. *Finali*, Cod. de usur. & fruct. L. *solum* post legatarii petitionem . Alia vero nonnisi completa conditione , quæ tamen , si sit de re vel impossibili , vel contra bonos mores , pro non adjecta haberi debet , & legatum transit in purum . Legata non debentur nisi detracto ere alieno : quamobrem , si debita hæreditatem superent , nihil debetur legatariis . Materia vero legari esse possunt non solum quæ actu sunt in dominio legantis , sed etiam futura ; ut habetur L. 7. ff. de Legatis : sic legari possunt fructus in agro , vinea , horto post annum oritur : immo ex L. 30. etiam aliena legari possunt , si tamen Testator sciverit rem esse alienam , quam tunc hæres a proprietario emere debet justo pretio , & tradere legatario . Quod si dominus rem vel vendere nolit , vel nonnisi injusto , & excedente pretio , non tenetur hæres nisi justum rei pretium persolvere . Quod si Testator putavit rem legatam non alienam , sed suam esse , tunc hæres ad nihil tenetur , cum desit materia legati . Legatario proinde incumbit probare , defunctum testatorem probe novisse rem legatam non suam , sed alienam esse , ut legatum percipere valeat , sicut habetur lib. 2. Inst. tit. 10.

III. Legata pura , ut diximus , debentur statim ab adita hæreditate . Quod si hæres repudiaverit hæreditatem , licet communi jure censentur cadere legata omnia , tam conditionata , quam

quam pura, cum tamen superius cap. 17. n. 10. ostenderimus, & ipsas leges civiles statuere, ut comperit Testatoria voluntas executioni mandetur, hinc hæres ab intestato eam implere tenebitur, ut plura etiam particularia jura præcipiunt; & certe legata ad pias causas sunt semper a quocumque hærede implenda. At si legatarius vel ante Testatorem moriatur, vel ante impletam conditionem legato præstitutam, corruit legatum, quod minime ad hæredes transit, cum nunquam in dominium, & potestatem legatarii pervenerit: quamobrem in alios nequit transmitti, quod ipse non obtinuit. Quod si Legatarius, licet legatum non perceperit vel ex mora hæredis, qui rem legatam non tradidit, vel ex sua, quia non postulavit, cum tamen statim post aditam hæreditatem plenum jus obtinuerit ad rem consequendam, hoc ad hæredes transmittitur. Durant autem legata juxta voluntatem Testatoris, ut patet ex propositione damnata ab Alex. VII. n. 43. *Annuum legatum pro anima relitum non durat plusquam per decem annos.*

IV. Res legatæ debentur Legatariis eo in statu, quo sunt in morte Testatoris, & cum omnibus, quæ illis connexa, vel accessoria sunt, & fructibus ab illa pendentibus. Quamobrem si legatum tempore conditi Testamenti pluris æstimabatur, quam tempore mortis, detrimentum cedit in Legatarii damnum; sicut in ejus utilitatem redundat incrementum, quod additum esset eodem tempore: nam cum per mortem Testatoris legatum firmetur; tunc solum vim obtinet, & jus accedit legatario ad rem sibi legatam. Accessoria vero, seu adjuncta rei legatæ duplicis generis sunt. Alia, quæ ipsam rem constituunt, & sunt veluti partes; & hæc debentur Legatario; si legata domo, legatum &

intelligitur adnexum viridarium; & legato vicidario etiam concessæ censentur plantæ, & arbores. Alia sunt accessoria, quæ licet partem non constituent rei legatæ, ipsi tamen adherent, & conjunguntur, vel tanquam conjuncta, & adhærentia reputantur; quod verum est, licet ipsa accessoria rei pretium superent: sic legato viridario concessa censentur statux, & ornamenta, legato horologio sunt legatæ gemmæ quoque, quibus splendet, legata veste aurum quoque, & argentum, quo ipsa vestis ornatur. Si quis alicui usumfructum leggeret alicujus fundi, concessa censentur etiam instrumenta omnia ad illum colendum: immo addunt Jurisperiti, si legatarius sit agricola, legata censentur etiam horrea domus, cella vinaria, nec non triticum ad sationem determinatum.

V. Fructus vero rei legatæ, ante Testatoris mortem percepti, hæredi cedunt, non legatario; nisi forte sint rei legatæ aggregati, ipsique conjuncti: quamobrem si res legata sit grex, capita quæ ante Testatoris mortem gregi sunt aggregata, immo & recentior empta, & gregi adjuncta, legatario debentur; sicut & ipsi decrescunt, si ex illis aliqua vel pereant, vel a Testatore fuerint divendita. Si in fundo legato fuerint fructus pendentes, nec collecti ante obitum Testatoris, ad legatarium pertinent. Hujusmodi autem fructus, ut superius diximus, inspecto jure naturali debentur legatario statim post mortem Testatoris; ideoque hæres, vel executor testamenti, qui mala fide legati distulit traditionem, fructus inde perceptos restituere debet. Ubi vero viget jus Romanum, statuens legatum non deberi nisi post legatarii petitionem, pluris Theologi censent, hæredem,

dem, qui bona fide Testamentum publicavit, vel apud Notarium deposuit, ad quem omnes accedere valent, posso rei legatæ fructus sibi retinere, donec a legatario res legata postuletur: quia, inquit, ad leges pertinet statuere, quando, & quomodo rerum dominia transferantur per humanos contractus. Cum itaque decreverint, legata non deberi nisi facta per legatarium petitione; ante hanc res ad hæredem spectat jure positivo. Verum probabilius meo videri decent alii Theologi, legatum statim deberi legatario; cum statim jus in re adipiscatur ob Testatoris dispositionem: leges autem non huic naturali juri derogant, sed ad lites dirimendas, & ad fraudes vitandas tempus constituunt, ultra quod differri non liceat; non vero jus alterius diminutum volunt, ut optime docent Vasquez, Molina, Gomez, aliique. Et certo de legari fructibus non mihi videtur ambigendum: nam licet hæres legatum dare non teneatur, nisi a legatario pulsetur, facta tamen petitione dominium rei legatæ, fictione juris retrahitur ad tempus vel mortis Testatoris, vel aditæ hereditatis; quamobrem fructus a tali tempore ad eum pertinere dicendum est. Omnes tamen faterentur, pia legata statim ab adita hereditate absque ulla pulsatione, vel petitione causæ piæ esse implenda.

VI. Legata vero conditionata alia sunt ad diem, idest implenda solum statuto tempore; ut si quis leget nepiti suæ centum aureos eidem tradendos post biennium. Alia sub conditione, quæ si sit de præterito, vel præsentem, legatum transit in purum; si vero sit de futuro contingente, est expectandus eventus: dummodo tamen conditio appositæ non sit turpis, vel impossibilis; tunc enim

pro non adjecta habetur. Alia sunt sub modo, quæ licet sint legatis conditionatis pene similia, aliquo tamen modo ab istis distinguuntur. Dicitur autem legatum sub modo, quando testator alteri aliquid legat cum aliquo onere, vel gravamine adjecto: ut si quis mille aureos leget, dummodo singulis annis decem amico persolvat, vel domum habitandam concedat. Discrimen a conditionato in eo situm est, quod impletio conditionati legati usque ad conditionis eventum suspenditur; capropter si legatarius ante conditionis impletionem moriatur, evanescit legatum: e contra vero legatum sub modo statim debetur legatario, & ad ejus hæredes transit cum eodem onere. Legatum ex causa dicitur, quando testator causam exponit, vel finem, sive præteritum, sive præsentem, cujus gratia aliquid alteri legat: puta si dicat, lego centum Petro, qui negotia mea gessit fideliter, vel quia mihi opportunum est auxiliatus. Jurisperiti censent, hujusmodi legata semper esse valida, licet causa appositæ falsa sit. Nam, ut habetur *L. Demonstratio falsa* 17. §. *Quod autem*, & *L. Cum tale* 72. §. *falsum* 6. ff. de condit. & demonstr. *Falsa causa legatio non obest, quia ratio legandi legato non coheret*. Excipiunt tamen, nisi certo constet, & hæres sufficienter probet, quod testator non legasset, si causam non subsistere cognovisset; vel si error testatoris fuerit in legatarii persona, puta si existimaverit legatarium esse filium, vel nepotem, vel fratrem; tunc enim absque alia probatione præsumitur, quod testator minime legasset, si agnovisset errorem.

VII. Ad conditionalia legata pertinent & illa, quæ dicuntur cum demonstrati ratione, quæ cadere potest vel su-

pet

per personam legatarii, vel supra rem legatam; Prior habetur, quando legatarii persona aliqua circumstantia designatur; puta lego centum Titio amico benefactori meo; posterior vero, quando circumstantia rem legatam afficit; puta lego Titio centum aureos in vidulo contentos, vel quæ mihi Cæsus debet. Quando designatio super personam cadit, licet falsa sit, legatum non tollit; quia ut habetur L. Proxima 30. Infit. de lege, *juris regula est, falsa demonstratione legatum non perimi*. Excipitur tamen, si demonstratio supra personæ substantiam cadit, ut si quis dicat, lego Titio fratri, filio, nepoti meo; tunc enim nullum est legatum, ut diximus numero præcedenti: sed valet, si error circa accidentalem aliquam personæ circumstantiam cadat; puta si dicat, relinquo Titio procuratori, vel benefactori, licet nec ille testatoris negotia procuraverit, vel illi nullum beneficium contulerit. Quando vero demonstratio super rem legatam cadit, si demonstratio falsa sit, vel in totum, vel in partem, cadit pari passu legatum; ut si quis dicat, lego Titio centum, quæ mihi debet Sempronius, qui severa nihil debet, corrumpit legatum; si vero dicat, lego centum in vidulo repositos, & in eo vel nulli reperiuntur nummi, vel solum in minori quantitate, vel omnino perit legatum, vel solum pro ea parte subsistit, quæ in loco demonstrato habetur. Ita communiter docent juris utriusque periti.

VIII. Codicillus est velut appendix testamento addita, quæ præter hæredis institutionem directam, legata, & fideicommissa institui possunt, & ea, quæ sunt in testamento constituta, declarari, mutari, minui, augeri que valent. Dixi præter directam hæredis institutio-

nem, nam indirectam per fideicommissionem hæredem instituere in Codicillis nulla lege vetatur. Pro Codicillorum valore non alia præstituitur solemnitas, quam quinque testium præsentia simultanea, qui mares esse possunt, ac feminæ, & vel rogati, vel etiam si fortuito venerint, qui se subscribere debent, si in scripta redigatur codicillus, non vero ad hoc tenentur, si oretenus fiat. Omnes vero illi possunt codicillos exarare, qui valent testamentum condere, sive oretenus, sive in scriptis: possunt etiam plures fieri codicilli, nec priores per posteriores tolluntur, nisi contrarii sint, & de eadem re aliter omnino disponatur, vel Testator alterum annulet. Immo codicillus etiam ante Testamentum exaratus valet, dummodo clare appareat Testatorem a voluntate, quam in codicillo expresserat, non recessisse; vel expresse illam in subsequenti Testamento confirmet. Distingueendus tamen a clausula codicillari: hæc enim ipsum afficit Testamentum, illudque corroborat, & confirmat; adeo ut si forte omnimodam non sortiatur validitatem ob defectum alicujus legalis solemnitatis, valeat tamen ut codicillus. Porro hæc codicillaris formula duplex esse potest, videlicet & tacita, & expressa. Hæc posterior habetur, si Testator dicat, volo, ut hæc mea ultima dispositio, nisi ut Testamentum valeat, valeat ut codicillus. Tacite vero apposita reputatur, si dicat, hæc mea dispositio, sin ut Testamentum, somni tamen meliori modo, quo potest, valeat & servetur.

CAPUT VIGESIMUMSECUNDUM.

CONSECTARIUM SECUNDUM.

CONSECTARIA PRECEDENTIS
DOCTRINE.

- I. *Res legata, tradita Legatario a Testatore, quando illi iterum debeatur.*
- II. *Legata pia non corrumpat, licet impleri non possint.*
- III. *Quomodo implenda sunt pia legata indeterminate constituta.*
- IV. *Quid de legato relicto sub conditione, dummodo matrimonium non contrahat.*
- V. *Num legata relicta pro puellis nubere volentibus danda sint Religiosum statum eligentibus.*
- VI. *Non est recedendum a verbis Testatoris, nec obtentu melioris boni.*
- VII. *Quid agendum de Legatis, que impleri non possunt.*
- VIII. *Legata incerta, & indeterminata quomodo distribuenda.*

Reflexio.

CONSECTARIUM PRIMUM.

I. **R**ES in Testamenta legata, si ad legatarii minus ante Testatoria mortem pervenerit titulo gratuito, cadit legatum; secus vero, si titulo oneroso. Ratio primæ partis est, quia ut in L. *Omnes debitorum*, ff. de oblig. & act. statuitur, neminem duplici titulo gratuito in rem eandem jus obtinere posse; & censendum est Testatorem, rem donantem legatario ante obitum, per se jam legatum implevisse, & suam voluntatem executioni demandasse: quæmobrem rei pretium legatarius ab hærede nequit exposcere. Secunda vero pars opposita ratione manifesta est: nam cum Testator suo legato legatario benefacere voluerit, hic beneficio privari non debet: poterit igitur rei legatæ pretium ab hærede repetere; & hic dare tenebitur.

Patuzzi Theol. Moral. Tom. V.

II. Legatum ad pias causas, licet impleri non possit ad litteram ipsius Testatoris, non tamen corrumpit, sed est in aliud pium opus tradendum, & quietum non ad voluntatem hæredis, nec solum Episcopi, sed de utriusque consensu. Declaratur: si quis pecuniam leger ad Altare construendum, quod jam ab alio extructum est, vel alicui Hospitali, quod non amplius existit, vel etiam alicui pauperi, non ut amico, vel in ipsius commodum, sed per modum elemosynæ, & moriatur pauper, in hisce casibus non cessat legatum, nec in hæreditatem transit; quia cum tota causa legati fuerit Legatarii pietas, hæc semper persistere præsumitur. Quod vero nec solus hæres, nec solus Episcopus scorsum possint legatum mutare, ideo statuitur, ut & utrique, quod ipsis convenit, servetur, nimirum hæredi jus exequendi, quod sibi a Testatore mandatum est, & Episcopo facultas prospiciendi, legatum pium ita commutari, ut, quantum fieri potest, voluntas defuncti sancte custodiatur. Quod si hæres, vel Testamenti executor injuste voluntati Episcopi obluatur, hæc erit præferenda. Ita docent Covarruvias, Molina, Lamy, & plurimi Juris Canonici Doctores.

CONSECTARIUM TERTIUM.

III. Legata pia alicui personarum generi, vel alicui pio operi destinata, sunt juxta Testatoris voluntatem implenda; quæ vero solum in genere, & in confuso designata sunt, puta pro pauperibus in communi, non ad libitum, & beneplacitum hæredis, vel executoris sunt distribuenda, sed debito servato ordine, & inspecta implicita Testatoris voluntate,

te, ac mente. Primam hujus Consecrationis partem omnes admittunt Theologi, & Canonistæ: quia voluntas Testatoris est lex omnino servanda, a qua solum iustitia, vel iniustitia distributionis pendet; proinde hanc voluntatem nec in quid longe melius, & perfectius hæres, vel executor commutare potest: ut si quis legaverit magnam pecuniæ summam Hospitali diviti, & opulento, non licet hæredi legatum transferre, vel in toto, vel in parte ad Nosocomium pauperius, & magis indigens. Sic nec legatum relictum pauperibus, ad januam familiæ Testatoris concurreribus, transferri potest ad pauperes in Hospitali domo degentes, ut docet Barbosa de Off. & Potest. Episcopi n.2. Altera vero pars ostenditur. Nam licet Testatoris dispositio nihil particulare statuât, sed in genere dicat, lego centum pauperibus, vel Ecclesiæ; semper tamen est aliquis ordo servandus, & ratio habenda ad implicitam ejus mentem. Hinc qui legatum alicui Ecclesiæ reliquit, nullam designando, præferenda est Parochialis Ecclesia, præsertim si in ea Sacramenta susceperit, & in ea ejus sit cadaver tumulatum. Similiter, quando quis in genere pecuniæ summam pauperibus distribuendam indixerit, sunt 1. consanguinei, & affines testatoris aliis pauperibus præferendi, & inter istos, qui magis indigent, juxta ordinem caritatis, juxta quem est præsumendum Testatorem maluisse legata distribui. 2. Pauperes patriæ, ubi Testator domicilium obtinebat, sunt extraneis præferendi; & inter pauperes loci est magis indigentibus succurrendum. 3. Fœminæ pauperes ceteris paribus sunt masculis indigentibus præferendæ. 4. Non plus uni dare debent, quam egeat; cum relictæ pauperibus censeantur ad

eorum indigentiam levandam ordinata, non ad superflua habenda. 5. Quod in pauperes distribuendum legatur, non licet regulariter uni dare, sed est in plures distribuendum; cum hoc indicent verba Testatoris in plurali loquentis. 6. Non prohibetur tamen Executoribus testamentorum hæc legata pauperi Hospitali tradere, præsertim si vel in fundo frugifero, vel in annuo censu legatum constitutum sit. Non vero alicui familiæ etiam pauperi, & indigenti in perpetuum applicare; cum contingere possit familiam ditiozem fieri, & sic Testatoris voluntatem minime impleri. 7. Sicut nec prohibetur ipsi Executori testamenti, si vete pauper sit, & indigens, sibi per modum elemosynæ partem legati suæ indigentie levandæ sufficientem applicare; ut docet etiam S. Th. 2. 2. q. 32. art. 9. ad 3. scribens: *Cum aliquis distributor ponitur elemosynarum, potest & ipse sibi accipere, si indiget, eo tenore, quo & aliis ministrat.* Excipiendum, nisi aliter constet de voluntate Testatoris, qui certe nihil illi concedi voluisse præsumitur, quando aliquo legato, vel beneficio ipsum Executorem affecit. Nec prohibetur eidem Executori etiam suis, sive affinibus, sive consanguineis partem legati juxta eorum indigentiam impertiri. Quod si minus pauperes pauperioribus præferat, licet contra justitiam non peccet, quia eam prælationem non præstituit Testator, qui solum pauperes legatarios designavit; fidelitas tamen postulat, ut implicitam Testatoris mentem sequatur, qui procul dubio voluit ordinem caritatis servari, & magis indigentibus subveniri. 8. Si quis legatum reliquit pro dote trium suarum consanguinearum pauperum, liberam hæredi permittendo illarum electionem,

hic

hic ex pluribus confanguineis poterit, quas sibi libuerit, nulla habita ad proximiorum sanguinis conjunctionem ratione, deligere, si vero hanc electionem expresse ipsi non reservaverit, sed absolute tres dixerit confanguineas pauperes, tenebitur proximiores remotioribus præferre; cum præsumere jure possit, Testatorem ordinem caritatis servandum voluisse, & successionis.

CONSECTARIUM QUARTUM.

IV. Licet legatum alicui relictum sub conditione, dummodo non contrahat matrimonium, dandum sit legatario etiam matrimonium celebranti; quippe quia talis conditio habetur pro non adjecta, cum bono matrimonii, & Reipublicæ adversetur: tamen si vel vidua sit, cui tale datur legatum, vel conditio sit limitata, ne tali nubat viro, legatum non nisi servata conditione poterit obtinere. Pari pacto legatum debetur, quando legatarius sine sua culpa, & voluntate a conditione implenda impeditur: ut si frater fratri pecuniæ summam legato relinquat, dummodo Bertam in matrimonium ducat; si hæc vel matrimonium recuset, vel Religionem ingrediatur, non cadit legatum, sed fratri dandum est, cum a beneficio repelli non possit absque sua culpa. Nec pariter privatur legato mulier, si nubat, quando a Testatore dicitur, quod detur mulieri, si caste, & honeste vivat; cum & in ipso matrimonio honeste, castique vivere possit.

CONSECTARIUM QUINTUM.

V. Quamvis legata alicui determinatæ puellæ relictæ sub conditione, si nubat, aut quando nupserit, illi debeantur, licet religiosum statum amplectatur; non tamen legata universum pro

puellis nuptui tradendis, sunt virginibus ingredi Religionem volentibus concedenda. Prima pars hujus Consectarii communis est apud Theologos, & Juri Canonici Magistros, & definita legitur in *Autbent.* de Sanctis. Episc. §. & *hoc præfente*: & quidem jure meritoque, ne videlicet temporale beneficium impedimentum sit melioris boni spiritualis; & puella ob temporalis boni consecutionem, & emolumentum a perfectiori statu, ad quem a Deo invitatur, & a divino servitio retrahatur. Sed secundæ parti plures adversantur Theologi, quos inter Salmanticenses, qui putant legata pro puellis nuptui tradendis in communi, posse etiam concedi puellis volentibus ingredi Religionem, his permoti argumentis. 1. Ex ipsa authentica rationem desumunt, quia ibi, quod de certa, & determinata puella statuitur, extenditur potest in fine ad omnes, addit enim Justinianus, *sive alteri cuicumque persone*; quæ clausula, cum generalis sit, omnes universum complectitur puellas. 2. Quia hoc pacto impeditur assumptio status Religiosi; quod impedimentum sua lege auferre voluit Imperator. 3. Quia, si decernatur legatum dandum esse solis puellis nubere volentibus, non vero Religionem amplectentibus, supponitur voluntatem Testatoris hanc conditionem involvisse, *si non ingrediantur Religionem*; quæ conditio, cum turpis sit, a lege rejicitur; proinde vel supponitur non posita. & sic licebit legatum & Religionem ingredi volentibus dare; vel supponitur apposita, & tunc, cum merito rejiciatur, & tanquam apposita non habeatur, non impeditur, ne legatum & illis dari possit. Verum hæc tanti non sunt facienda, ut a communi nos avocent sententia, & quidem longe probabilior

ri, afferente legatum, determinate reliquum pro puellis in genere nubere volentibus, non esse licite concedendum puellis Religiosum statum amplexuris. Nam, voluntas Testatoris est sola lex in Testamentis, & legis attendenda, nec ab ea recedendum: cum itaque ille bona sua legaverit puellis nuptui tradendis, non est, cur virginibus Religionem ingressuris tradantur. Nec obstat dispositio Authentice: non exorbitans est a jure communi, & naturali poscente, ut voluntates Testatoris ad litteram, & exacte impleantur; proinde non est ad alios usus trahenda. Nec quid amplius dicunt postrema verba, seu alteri cuicumque personæ: nam semper lex loquitur de legatis relictis certæ, & determinatæ personæ, non de illis, quæ in genere, vel specie solum personas determinant. Præterea manifesta est ratio, cur Authentica statuerit dandum legatum puellæ determinatæ, licet matrimonium recuset, & Religionem eligat; nimirum quia aliter legatum illud impleri non posset: nam si alteri feminæ nupturæ tradatur, beneficio fraudatur puella a Testatore delecta, cui cum specialem ostendat suo beneficio dilectionem, præsumendum est voluisse & illi legare, etiamsi Religionem ingrediatur. At quando in genere sunt designatæ puellæ nupturæ, legatum realiter, & perfecte impleri potest; nulla proinde apparet legitima ratio mutandi Testatoris voluntatem. Nec hoc legati genus inpetit status Religiosi electionem; cum pro illis puellis decernatur, quæ jam Religionis statum deligere nolunt, & matrimoniale jugum subire malunt. Quamobrem falsum omnino est, & ineptum, quod asserunt Salmanticenses, in illis legatis implicitè contineri hanc conditionem,

si Religionem non ingrediatur: cum de hoc ne quidem cogitent Testatores, sed attendentes non omnes virgines ad Religionis statum vocari, sed aliquas optate matrimonium, quod ob paupertatem opportunum non inveniunt, istis suo pio legato auxiliari intendunt: quod profecto cum iustum, honestum, piumque sit, nullam turpem nec implicitè, nec explicitè conditionem involvit; nihil proinde impedit, ne ejus voluntas ad litteram impleatur, & legata non volentibus Religiosum, sed matrimoniale statum puellis sint tradenda. Et revera ita sentiunt inter Juri Canonici peritos Barbosa, Gutierrez, Covarruvias, inter Theologos vero Sanchez de Matrimonio, Molina, Lugo, alique plurimi. Quod si nullæ sint pauperes puellæ, quæ ad matrimonium legato indigeant, nihil prohibet, ne inutile sit, quod & puellis Religionis statum diligentibus tradi possit.

CONSECTARIUM SEXTUM.

VI. Universim in legatis implendis tum ab herede, tum ab executoribus non est a voluntate, aut a verbis Testatoris recedendum, nec obtentu melioris boni. Hec regula omnino certa videtur, & quæ, si præ oculis habeatur, innumeras resolvit quæstiones, quas fusius versant Theologi. Certa, inquam, est, & iusta: nam, ut prius diximus, sola voluntas Testatoris legem indicit, & aperte in jure statuitur: *Disponat unusquisque super suis, ut dignum est, et si lex ejus voluntas*. Et rursum Novel. 1. in Præf. dicitur: *Justum est competentes deficientium dispositiones, quæcumque non repugnet legibus, omnibus modis adimpleri*. Nec attendendum ab Executoribus testamentorum, quod melius est, vel utilius di-

disposuisset testator ; sed quid revera ordinaverit , & faciendum jussit ; ut declaravit etiam Clemens V. in Concilio Viennensi , ubi indicitur : *Cum ea , quæ ad certum usum largitione sunt destinata fideliter , ad illum debent , non ad alium (salva quidem Sedis Apostolica auctoritate) converti .* Quamobrem veram non puto doctrinam Reiffenstuel , Molinæ , & Dianæ , docentium aliquando licere Episcopo , hæredibus , & executoribus per epikejā voluntates testatorum interpretari ; ut si quis c. ex. pecuniam reliquit Ecclesiæ ad sacra vasa , & calices casulæque comparandos , Ecclesia vero reparatione , vel alia re magis necessaria indigeat , poterunt executores saltem de consensu Episcopi pecuniam non in vasis , & casulis , ut voluit testator , sed ad reparationem Ecclesiæ infumere : hoc enim est , meo videri , non voluntatem testatoris interpretari , sed aperte mutare contra Decretum Clementis V. perspicue dicentis , *quæ ad certum USUM sunt destinata , ad ILLUM , non ALIUM debere converti .* Immo contra jus civile L. 23. ff. de leg. indicente : *Cum in verbis nulla ambiguitas est , non debet admitti voluntatis questio .* Nec locum hic habere potest epikejā , quæ solum tunc obtrinet , quando actus legi conformis , vel malus sit , vel communi bono noxius ; ut docet S. Thom. 1. 2. q. 96. a. 2. qui dicit , tunc licere a legis verbis recedere , quando manifestum est per evidentiam nocuenti , Legislatorem aliud intendisse . Vel ut clarior scribit 2. 2. q. 120. a. 1. *Quando malum est sequi legem positam , bonum autem prætermisissis verbis legis sequi id quod poscit justitia ratio , & communis utilitas ad hoc ordinetur epikejā* : sive quando mens legislatoris est dubia , nam ex eodem S. Thom. 1. q. 120. art. 4.

ad 3. *Interpretatio locum habet in dubiis , sed in manifestis non est opus interpretatione , sed executione .* Porro in casu nostro nec ullum est manifestum nocumentum , quod a Legislatoris verbis , & voluntate recedere compellat ; & verba testatoris aperta , & clara sunt quæ preinde , cum interpretatione non indigeant , executioni sunt demandanda . Nec urgeat , etiam testatorem , si viveret , & præfers esset , mutationem adprobaturum ; quippe quia illis mutatio rationalis est , & pia . Nam , non quid voluisset , sed quid revera præscripserit , est attendendum ; & hæc mutatio nec rationalis est , nec pia , si penitus introspectiatur ; cum universaliorem legem feriat latam in jure canonico C. ultima q. 2. caus. 3. verbis S. Gregorii jubentem : *ultima voluntas defuncti modis omnibus conservari debet .* Pari præto legatum relictum pro puellis nubentis indefinite , non licet concedere puellis jam nuptis , vel exigua , vel sine dote . Dixi indefinite : nam si relictum sit pro determinatis puellis , puta affinibus , vel consanguineis testatoris , cum in tali legato specialis appareat affectus , & voluntas illis beneficiendi , centerem posse etiam nuptis tradi ; præsertim si puellæ desint in tali classe matrimonio copulandæ . Quod & dicendum de legatis relictis pro nuptui tradendis orphanis , quæ dari non debent puellis parentes habentibus inutiles , & pauperes , nisi ex prima classe deficient : nec viduis , quæ virginibus sunt destinata . Quando vero legarum pro nubendis virginibus est assignarum , non sunt ab eo excludendæ puellæ , quæ , licet secreto corruptæ , in communi tamen opinione pro virginibus habentur , cum in tali designatione non secreta attendatur notitia , sed publica fama ; præ-

præsertim si ex legati denegatione bonum puellæ nomen periclitaretur.

CONSECTARIUM SEPTIMUM.

VII. Quando in legatis mens testatoris dubia est, interpretatione est explicanda: si vero certa, & explorata, sed impleri non possit, commutandum legatum, si pium sit, vel in commune, etiam prophanum bonum institutum. Prima pars est manifesta: nam cum voluntas testatoris lex sit, jure gentium; & civili est servanda, & ob dubium non est abolenda. Hec autem interpretatio fieri poterit a quolibet in tali re perito; verum inspectis verbis, & voluntate testatoris, nec non circumstantiis. Ut si quis legeret alicui Parocho aliquid, & dubium occurrat, num Personæ relictum sit, an Ecclesiæ, ex circumstantiis est dijudicandum. Nam si legatum relictum sit ab extraneo, nulla præcedente necessitudine cum Parocho; tunc censendum relictum Ecclesiæ, & Parochi nomen assumptum, non ad designandam personam, sed officium, & administrationem. Si vero legatum sit ab amico consanguineo familiari Parochi vel Episcopi, censetur relictum intuitu personæ, & nomen dignitatis, vel officii ad honorem, & designationem adhibitum. Attendenda est etiam legati qualitas, quæ, si talis sit, ut servitio Ecclesiæ ordinetur, puta sacra paramenta, calices, lampades, & similia, censentur Ecclesiæ, non personæ legata: si vero talia sint, ut privato de se sint destinata servitio, puta equus, rheda, retia, & similia, licet ab extraneo relictæ, non ad Ecclesiam pertinere censendum est, sed ad privatum Parochi, rectoris, vel Episcopi personam. Quando vero legatum impleri non potest, ut si quis domum legeret nepoti ad inhabi-

tandum, qui jam Religionem professus est, caducum sit, & ad hæredem devolvitur. Si vero in bonum publicum cedat, puta pontis, vel fontis constructionem in tali loco ad communem utilitatem, hæresi per modum legati imponatur, & pons, vel fons jam ab aliis fuerant constructi, non sit caducum legatum, ut statuitur L. 16. ff. de usu & usufruc. & reddit. Legat. sed in aliud opus publico bono inserviens ad Principis beneplacitum erit convertendum. Et jure merito: quia præsumitur testatorem primo, & principaliter publicam respexisse utilitatem, & commune bonum, ad quod legatum destinavit; & solum secundario tale opus determinasse. Quod multo magis verum est, cum de piis legatis agitur, ut superius ostendimus, & constat ex Concilio Tridentino sess. 25. cap. 8. & sess. 22. cap. 6. ubi statuit: „In commutationibus ultimarum voluntatum, quæ non nisi ex justa, & necessaria causa fieri debent, Episcopi, tanquam de legatis Sedis Apostolicæ, summario, & extrajudicialiter cognoscant, nihil in precibus, tacita veritate, vel suggestionibus falsitate, fuisse narratum, priusquam commutationes predictæ executioni demanentur. Summus vero Pontifex rationabili de causa testatorum voluntates potest commutare in pia legata, & testamenta ad causas pias.

CONSECTARIUM OCTAVUM.

VIII. Legata incerta, & indeterminata juxta leges, & naturalem æquitatem sunt distribuenda. Et primo quidem, si incertitudo, & indeterminatio supra ipsam rem legatam cadit, adeo ut dignosci nequeat, quam legaverit; c. ex. Si quis legeret prædium talis ap-

pellationis, quæ communis est duobus prædiis ad testatorem pertinentibus, sed diversi, & longe disparis pretii, nam unum duobus millibus, alterum quatuor millibus æstimatur; jura statuunt legatum esse caducum, quia commode executioni demandari non potest. Nam, si executor testamenti prædium minoris valoris Legatario tradat, ipsum fraudabit; si majoris, fraudabit hæredem: quod & continget, si domum relinquat Petro amico suo, & duos habeat ejusdem nominis amicos, unde dignosci nequeat, quem designare maverit. At æquitate naturali inspecta, præsertim in secundo casu, putarem rem esse inter amicos ejusdem nominis dividendam; sicut & in priori cum hærede a Legatario transigendum. Et hic locum habet regula, quam superius tradidimus, nimirum inspiciendum, quid iudex iustus juxta leges, & consuetudines locorum decerneret pro æquitate, & iustitia; & tunc standum decisioni. Quando vero res legata determinata quidem est in specie, ac non in individuo; puta, si dicat, lego amico meo unum ex meis vestibus, horologiis, anulis; tunc inspiciendum est, num aliquod exierit in testamento argumentum, quod indicet, a quo sit faciendæ electio, & illi est relinquenda. Nonnulli Canonistæ, ut Molina, hanc regulam tradunt: si verba dirigantur ad hæredem, vel executorem testamenti, puta dicendo, det legati nomine amico meo unam ex meis vestibus; tunc determinatio ad hæredem, vel executorem testamenti pertinet: si vero verba dirigat ad Legatarium, puta dicendo, Petrus in amoris argumentum unam vestem, vel anulum habeat: tunc electio ad Legatarium spectabit. Alii vero aliter distinguunt, nimirum, si res legata sit

in patrimonio testatoris, ad Legatarium pertinere electionem; si vero non sit, sed ab hærede, vel executore testamenti sit acquirenda, electio ad hæredem, vel executorem spectabit, ut censet Layman. At probabilius, meo videri, censent alii, & magis apparet æquitati consonum; quando electio non datur expresse Legatario, semper ad hæredem, vel executorem testamenti pertinere electionem. 1. Quia semper præsumendum est, testatorem magis favere voluisse hæredi, quam Legatario. 2. Quia cum res omnes testatoris ad hæredem pertineant, cum onere & æs alienum solvendi; & legata implendi, videtur non nimis gravandus, & re pretiosa spoliandus pro jure legatarii incerto, & indeterminato. Hinc si testator duo habuerit horologia, alterum aureum, alterum argenteum, duos anulos, unum altero pretiosorem; poterit hæres horologium argenteum, & anulum minus pretiosum tradere legatario. At non ita, si agatur de rebus multis ejusdem naturæ, puta de veste danda inter plures, quas habet testator, vel de equo, vel de pictura; tunc enim nec hæres, si ad eum pertineat determinatio, infirmum dare potest, nec legatarius optimum, & pretiosissimum, deligere; quia naturalem læderent æquitatem: sed mediocritas inter supremum, & infirmum præligere debent; nisi aliter vel ex verbis testatoris, vel ex circumstantiis colligi possit. Semel autem facta designatione, sive per hæredem, sive per legatarium, mutatio pro libito, & voluntate non est facienda, sive facta sit designatio coram iudice, sive privata conventionne; quia jus eligendi a testatore concessum tunc integre consummatum est. Quam regulam puto & in piis legatis fer-

servandam . Quod si ante designationem res pereat omnino , tum hæredi , tum legatario periri ; ut si quis leget Titio unum ex duobus equis , quos possidet , & ante electionem ambo moriantur , nihil debet legatario hæres . Si vero unus tantum pereat , & quidem fortuito casu ; equus superstes debetur legatario , cum ex legato jus habeat ad unum equum testatoris . Hoc jure tamen decidit , si provocatus ab hærede , vel executore sive ad eligendum , sive ad recipiendum designatum equum , sit in mora culpabili vel eligendi , vel recipiendi ; tunc enim ipsi periret equus : sicut ex adverso , si hæres provocatus a legatario ad designandum , vel tradendum equum sibi relinquitur : ex dolo , vel mora culpabili designationem , & traditionem differret . Designatione facta rei legatæ sive per ipsum legatarium , sive per hæredem , statim res ipsa pertinet ad legatarium , cui perit , si forte perit , licet apud hæredem sit ; nisi pereat hujus culpa , qui rem custodire tenetur eadem diligentia , qua sua parvi valoris , & æstimationis custodit . De evizione vero traditi legati non tenetur hæres , quando res est in individuo a testatore designata , ut si quis vineam , vel domum determinatam , & designatam leget nepoti suo , & hæc ab alio in judicio evincatur ; non tenetur hæres aliam vineam , vel domum cedere legatario : quia præsumendum est , quod vineam non legasset , si suam esse non putasset ; ut inquit Justinianus in Instit. de leg. 54. *Forſitan enim , ſi ſciſſiſſet alienam rem eſſe , non legiſſet* . Si tamen in evizione vineæ , vel domus ejus pretium eſſet perſolvendum , hoc non ad hæredem ſed ad legatarium pertineret . At ſi res legata non in individuo , ſed in ſpecie fuerit a teſtato-

re designata , puta dicendo , lego unam ex meis vineis , vel domibus nepoti meo ; tunc ab hærede alia eſt tradenda vinea , vel domus ex iis , quæ ſunt in patrimonio teſtatoris ; quia eſt præſumendum , teſtatozem voluiſſe nepoti ſuo beneficium non proſus inutile conferre , ut ſtatuitur Leg. 29. §. 3. ſi. de Legatis . Denique nulli legatario licet propria auctoritate rem legatam occupare ; ſed ab hærede , vel executore teſtamenti eam accipere debet : qui ſi detrectet , non vi , & violentia , vel occulta compenſatione res eſt occupanda ; ſed juris remedio ad , quod ſuum eſt , obtinendum uti debet . Et hæc de Contractibus diſſa ſufficiant .

REFLEXIO.

I. Utinam ſaperent Chriſtiſſideles , & noviſſima provident , ideſt ut egregie explicat S. Bernardus ep. 292. *ſuperent , quæ Dei ſunt , intelligerent , quæ mundi ſunt , providerent , quæ inferni ſunt* . Si quidem ſaperent multo graviora Deo eſſe beneficia , quæ pauperibus , Eccleſiæ , piſque locis offeruntur , dum homines vita fruuntur , & proſpera valetudine gaudent , quam cum morti proximi , vel non ex plena voluntate , ſed ex quadam neceſſitate deferunt potius , quam elargiantur . Hinc Eccleſiaſtici 24. ſic omnes admonet Dominus : *Filli , ſi babes , benefac tecum , & Deo dignas oblationes offer* . . . *Ante mortem benefac amico tuo , & ſecundum vires tuas exporrigens da pauperi* . Non defrauderis a die bono , & particula boni doni non te prætereat . Da , & accipe , & juſtifica animam tuam . Saperent majoris eſſe meriti , & uberioris ſatiſfactionis apud Deum pia , quæ a vivis exercentur , opera , quam quæ a morituris præſtandæ hæredibus , & ſucceſſoribus man-

dantur. Hinc optime S. Carolus Borromeus in suis Instructionibus de visitatione infirmorum mandat Parochis, & Confessariis: „ Legata pia, quæ fecerit, præstari quam primum, aut etiam eo vivente monebunt; cum hoc ei plurimum suffragari possit ad animæ salutem “. Quod maxime verum est, si de rebus alienis restituendis agatur, cum hoc iustitiæ munus sit, & semper urgeat, nec sine periculo animæ differri possit, & ipse per se testator implere debeat; nec nisi summa urgente necessitate est posteris dimittendum. Quamobrem subdit laudatus SS. Præsul: „ In primis monebunt, quæ quamquam semper præstanda sunt, tali tamen tempore in primis, ut si quid alieni habet, si per facultates potest, quamprimum restituat, aut saltem id præstari testamento caveat “.

II. *Intelligerent, quæ mundi sunt*, nimirum omnia denique in morte dimittenda, & nudos de ventre matris egredientes, nudos in terram omnium matrem tandem reversuros: frustra igitur tantis curis, sollicitudinibus, sudoribus hæc terrena comparari, & quæ tandem parata nesciant, cujus erunt. Hinc verba Christi meditentur, dicentis diviti plurima bona sibi cumulasse gaudenti: *Stulte, hac nocte animam repotent a te, & hac, quæ parasti, cujus erunt? Parum siquidem prodest plurima bona in plurimos annos corrogasse, si desint anni, quibus corrogatis fruamur bonis*. Intelligerent, quam optimum, opportunum, & salutare sit de rebus suis disponere, vel dum sani sunt ium mente, tum corpore; & quam graviter errent, qui de condendo testamento tunc solum cogitant, cum morbo ingravescente, & urgente morte, & quidem non sponte, sed ab amicis, & consan-

Petrucci Thesol. Moral. Tom. V.

guineis coacti, vix quid dicant, quid faciant, norunt, & delirare potius videntur, quam loqui, & de re tanti momenti sapienter, & iuste disponere. Unde tot oriuntur perturbata confusa testamenta, quæ postea innumeras, & pene interminabiles generant inter consanguineos, affines, hæredes, contentiones, lites, dissidia, quæ omnia facile vitare potuissent, si mature de rebus suis disposuissent; adhibitis etiam, ut optime monet laudatus S. Archiepiscopus Carolus „ Religiosis hominibus, doctrina, & pietatis usu præstantibus, de quorum consilio, non ex arbritio, non ex inordinato amore, vel bus suis statuatur, ut iustitiam, pietatem, caritatem respiciant, & in remedium animæ suæ pro facultatibus aliqua pia opera jubeant “. Duo autem præsertim attendant, nimirum 1., ut testamentum efficiant, dum sunt in gratia; ut actus iustitiæ, & caritatis, quos in disponendo de rebus suis exercent, nec non pia opera, quæ fieri mandant, sint Deo grata, ipsæ salubria, & meritoria: alioquin non ipsa proderunt ad vitam æternam, nec efficere poterunt, ut in æterna recipiantur tabernacula. Quamobrem, si forte contigerit, conditum ab aliquo testamentum fuisse, dum erat lethali peccato inquinatus, post recuperatam per Pœnitentiæ Sacramentum gratiam, confirmet, adprobet, ratumque iterum habeat, quod pie in eo disposuit, ne meritum perdat. Alterum vero, quod attendere debent testatores, est, ne perpetuis piis legatis hæredes ouerent; plerumque enim contingit, ut post plures annos, pluresque generationes, immo & aliquando non post multas, illarum vel obliviscantur, vel indigenia

H h h

omit-

omitant, vel etiam plena malitia contemnant, non sine magno familiarum detrimento, tum temporali, tum spiritali. Nec arbitremur, se magno privari beneficio, si non perpetua, sed tantum temporaria sibi suffragia relinquunt. Nam hic erga Deum amor, & Christiana sollicitudo, ne huiusmodi omissionibus offendatur, ipsis quam maxime poterit in salutem animæ prodesse.

III. *Providere, quæ inferni sunt*, cogitantes parum, vel minimum sibi profutura suffragia, Sacrificia, pia opera in testamentis pro animarum suarum remedio relicta, si talem non duxerint vitam, per quam ista sibi prodesseauerint. Ut enim optime monet S. Augustinus in Enchir. cap. 119. „Negan-
„ dum non est, defunctorum animas pie-
„ rate suorum viventium relevari, cum
„ pro illis Sacrificium mediatoris offertur
„ vel eleemosynæ in Ecclesia fiunt. Sed
„ eis hæc profunt, qui, cum viverent,
„ hæc sibi, ut postea possent prodesse,
„ metuerunt. Frustra igitur de mul-
„ titudine Missarum sibi blandiuntur post
„ mortem in eorum levamen celebranda-
„ rum qui in hac vita degentes, pro suis
„ peccatis dignos facere penitentiae fructus
„ & debitam Deo exhibere satisfactionem
„ neglexerint: sunt enim hæc suffragia,
„ sicut & indulgentiæ, impotentiæ nostræ
„ subsidia, non negligentie, desidia, &
„ obstitantiæ nostræ supplementa. Quamobrem non raro Deus iustus iudex, qui
„ omnia summa sapientia, & providentia
„ regit, ac moderatur, hæc suffragia ab
„ hæredibus vel omitti, vel negligenter
„ suppleri permittit, ut sic beneficio, de
„ quo nimum confiderent sibi blandiebantur,
„ careant, & sperato fraudentur levamine.
„ Ut enim optime docet S. Th. Quodl. 6. q. 8. a. 3. per suffragiorum
„ tarditatem, multoque magis omissionem
„ retardantur orationes, & Sacrificia,

quæ fierent pro anima defuncti, ex quibus plurimum juvaretur: unde ex huiusmodi tarditate defuncti anima patitur detrimento. Ad cuius intelligentiam, ne error subrepat, sic mentem suam aperit S. D., duplex distinguens detrimento. Nam quoddam (scribit)
„ detrimento est, quod pertinet ad
„ tolerantiam pœnæ secundum illud 1. Corinth. 3. *Si cuius opus arserit, detrimentum patietur.* Aliud autem, quod
„ pertinet ad subtractionem remedii. Secundo etiam distinguendum est ex
„ parte eleemosynæ, circa quam potest considerari detrimento ipsius
„ eleemosynæ, & effectus illius. Quantum ergo ad meritum eleemosynæ
„ nullum detrimento patitur defunctus ex prædicta tarditate, maxime
„ si, quantum in ipso fuit, curam adhibuit, ut huiusmodi eleemosynæ cito darentur; quia meritum principaliter ex voluntate, & intentione dependet. Sed quantum ad effectum
„ eleemosynæ patitur detrimento, non quidem, ut pro huiusmodi tarditate puniatur, sed quia remedium
„ ei non adhibetur, dum suffragia differtur, ex quibus plurimum juvaretur. Porro hæc S. Th. doctrina, quam refert S. Antoninus in Sum. P. IV. tit. 19. §. 6. & vellicatur a Javenino To. 1. Kelol. Tr. 7. cap. 8. n. 20. doctrinæ non adversatur S. Augustini lib. de Cura pro mort. geren. docentis, impiorum malitiam nocere non posse defunctis. Nam, ut optime subdit S. Thom. l. 1. in resp. ad 1. „N-
„ gligentia unus non imputatur alteri
„ ad pœnam; potest tamen redundare
„ in alterum quantum ad effectum remedii, secundum quod unus homo
„ ab alio adjuvari potest. Præterquam quod S. Augustinus l. 1. de Ty-

rannorum sævitia loquitur, qui corpora Martyrum infsepulta volebant, ut ab avibus, & feris discerperentur, vel igne concremabant, & pulveres vel in flumen projiciendos, vel in aerem dispergendos jubebant: & hoc dicit, nec gloriam, quietem, & gaudium Martyrum impedire, nec obesse, ne Deus in extremo judicio ad gloriam in vitam revocet.

IV. Hinc suam agnoscant, & detestentur crudelitatem hæredes, & testamtorum executores, qui suffragia, & pia opera sibi a testatoribus injuncta vel differunt, vel negligunt, vel omittunt. Quamvis enim (ut scribit S. Antoninus

l. l.), non noceat hoc animabus defunctorum quantum ad meritum, quia, minui non potest post transitum eorum; nec noceat quoad augmentum pœnæ; nocet tamen quoad subtractionem suffragii: quia, cum non sunt, non ita cito liberatur a pœnia anima, sicut liberaretur, si facta fuissent. Et illi quidem, qui negligunt implere notabiliter, & sine causa urgente differendo, & multo magis non faciendo, peccant mortaliter, quia inferunt damnum notabile proximo. Unde d. 13. q. 2. *Qui oblatio- nes dicitur: Tales, ut nocatores egentium, excommunicentur* 44.

TRACTATUS VIII.

DE RESTITUTIONE.

NAMETSI non uno ex capite alterius damni reparandi onus exurgat, cum tamen frequentius ex contractibus oriatur, humana impellente avaritia, per quam commutative justitia jura integre non servantur, quamobrem illius reparanda necessitas incumbit: hinc post disputationem de Contractibus aliam subjicimus de Restitutione, in qua omnia, quæ ad eam pertinent, duobus dissertationibus in plura capita distributis enucleabimus.

DISSERTATIO I.

DE RESTITUTIONIS NATURA, NECESSITATE, MODO, ET CAUSIS.

CAPUT PRIMUM.

Quid sit restitutio, quomodo necessaria, & quibus ex causis generatim oriatur.

DOCTRINA.

- I. *Quid sit restitutio proprie dicta.*
- II. *Quanam impropria.*
- III. *Quid satisfactio.*
- IV. *Restitutio est ad salutem necessaria.*
- V. *Restitutionis præceptum affirmativum simul, & negativum.*
- VI. *Locum non habet nisi in violatione justitiæ commutativæ.*
- VII. *Nulla interveniente culpa theologia num dari possit onus restitutionis.*
- VIII. *Num ex sola culpa veniali.*
- IX. *X. Nonnullorum Theologorum sententia exponuntur.*
- XI. *Illorum argumenta refelluntur.*
- XII. *In contractibus, etiam sine culpa theologia, locum habet onus restitutionis.*
- XIII. *Ex quibus causis oriatur debitum restitutionis.*

I. **R**ESTITUTIO definitur potest *Actus justitiæ commutativæ, qua dominus iterum in possessione rei ad se aliquo modo pertinentis statuitur.* Desumpta est hæc definitio ex S. Thom. 2. 2. q. 61. a. 1. scribente: *Restituere nihil aliud esse videtur, quam iterum aliquem statuere in possessionem, vel dominium rei sue.* Dicitur *actus commutativæ justitiæ*, quia cum restitutione attendatur *æqualitas*

(subdit S. Thom. l. l.) *rei ad rem, quod pertinet ad justitiæ commutativam* . . . *restitutio est actus commutativæ justitiæ, quando scilicet res unius ab altero habetur, vel per voluntatem ejus, sicut in mutuo, vel deposito, vel contra voluntatem ejus, sicut in furto, & in rapina.* Nec obstat aliquando restitutionem esse facientiam etiam ob violatam distributivam justitiæ, ut quando cui majus debetur præmium, minus responditur. Nam & tunc, ut egregie animadvertit S. Thom. cum adhuc fiat recompensatio rei sibi debitæ ad rem minorem, quam accipit, ut inducatur æqualitas, hæc non jam ad distributivam justitiæ, sed ad commutativam spectabit. Sic difficultatem sibi objectam solvit S. D. a. 1. scribens: „ Restitutio „ est quasi quædam recompensatio ejus, „ quod subtractum est. Sed aliquid po- „ test homini subtrahi non solum in „ commutatione, sed etiam in distribu- „ tione, puta cum aliquis distribuens „ minus dat alicui, quam debet ha- „ bere, Ergo restitutio non est magis „ actus commutativæ justitiæ, quam „ distributivæ “. Cui difficultati sic re- „ spondet ad 3. „ Recompensatio, quam „ facit distribuens ei, cui dedit minus „ quam debuit, sit per comparisonem „ rei ad rem, ut quanto minus habuit, „ quam debuit, tanto plus ei detur. „ Et ideo jam pertinet ad justitiæ „ commutativam “.

II. Dicitur *restitutio, qua iterum quis statuitur in possessione.* Nam ad restitutio-

nem requiritur, ut alter vel per ablationem, vel detentionem injustam, vel saltem injusta actione re sibi debita sit ante privatus: unde restitutio solum nomine tenus dicitur illa, qua res dono accepta donanti restituitur. Etenim inquit S. Thom. laud. art. ad 1. *Illud, quod alteri non debetur, non est proprie loquendo ejus, etsi aliquando ejus fuerit. Et ideo magis videtur esse nova donatio, quam restitutio, cum quis alteri reddit, quod ei non debetur. Habet tamen aliquam similitudinem restitutionis: quia res materialiter eadem est. Non tamen est eadem secundum formalem rationem, quam respicit justitia, quod est esse suum alicujus: unde nec proprie restitutio dicitur.*

III. Dicitur restitutio Rei, quia licet etiam ex rigorosa justitia quis restituere debeat, & sarcire læsum sive in fama, sive in honore, sive in membris corporis, tamen hæc restitutio proprio nomine vocatur satisfactio, ut notat S. Th. in IV. Dist. 15. q. 1. art. 5. qu. 1. *Restitutio est reparatio inequalitatis existentis in rebus. Reparatio autem inequalitatis existentis in actionibus, & passionibus satisfactio nominatur.* Præterea in hac restitutione, seu satisfactione non servatur æqualitas rei ad rem, sed rei secundum quamdam proportionem, respectu nimirum habito ad ipsam personam offensam, & ad offendentis personam. Hinc docet S. Thom. 2. 2. q. 62. a. 1. ad 2. *Secundum primam impositionem nominis, restitutio videtur locum habere præcipue in rebus exterioribus, quæ manentes eadem, & secundum substantiam, & secundum jus domini, ab uno possunt ad alium devenire. Sed sicut ab injusto modo rebus nomen commutationis translatum est ab actiones, vel passionibus, quæ pertinent ad reverentiam, vel injuriam alicujus personæ, seu nocumentum, vel*

profectum: ita etiam nomen restitutionis derivatur ad hæc quæ licet realiter non maneant, tamen manent in effectu; vel corporali, puta cum ex percussione ladi-tur corpus; vel qui est in opinione hominum sicut cum aliquis verbo opprobrioso remanet infamatus, vel etiam minoratus in suo honore. Denique extenditur etiam nomen restitutionis ad illas solutiones, quæ alicui debentur ex aliquo contractu; ut cum quis operario mercedem solvit, vel locatori pretium conductionis: cum & hæc solutiones, licet injuriam non supponant a debitore illatam creditori, ex justitia tamen commutativa debentur, ejusque legibus reguntur: quomobrem hæc duo solutio, & restitutio pro eodem usurpantur.

IV. Necessariam esse ad salutem restitutionem nullus est qui ambigat, cum aperte doceatur in Scripturis. Tob. 11. *Videte ne furtivus sit, reddite eum donis suis, quia non licet nobis edere ex furtivis.* Et confirmant SS. Augustinus, & Gregorius Papa; ille quidem Epistola 54. ad Macedonium scribens: *Si res aliena, propter quam peccatum est, cum reddi potest, non redditur, penitentia non agitur, sed fingitur. Si autem veraciter agitur, non remittitur peccatum, nisi restituatur ablatum; sed, ut dixi, cum restitui potest: si enim non habet, unde restituat, huic certe non possumus dicere, redde, quod abstulisti.* Alter vero, cujus verba referuntur in Jure Can. Can. Falsus de pœnit. dist. 6. scribit: *Qui bona alterius injuste detinet, veram penitentiam non potest pergere, per quam ad æternam vitam pervenire valet, nisi bona, quæ injuste abstulit, restituat.* Rationem autem reddit S. Thom. non quidem ad probationem, cum hæc veritas sit ipso naturali lumine per se nota, sed ad explicationem scribens art. 2.

Re-

Restitutio est actus commutative justitiæ, quæ in quadam æqualitate consistit. Et ideo restituere importat redditionem illius rei, quæ injuste ablata est. Sic enim per iteratam ejus exhibitionem æqualitas reparatur. Si vero justè ablatum sit, æqualitas erit. Et ideo non necessarium erit, ut ei restituatur; quia justitia in æqualitate consistit. Cam ergo conservare justitiam sit de necessitate salutis, consequens est, quod restituere id, quod injuste ablatum est alieni, sit de necessitate salutis.

V. Restitutionis naturale, & divinum præceptum non solum affirmativum est, ut verba ipsa sonant, & omnes Theologi consent, sed & negativum, duo enim per illud præcipiuntur. Primum est ut res aliena domino restituatur: & licet hoc modo inspectum non obliget semper, & pro semper, sed solum cum possis, & data opportunitate, unde affirmativi præcepti rationem habet, includit tamen & ex hac parte præceptum negativum, obligans semper, & pro semper, ut scilicet nunquam animum, & voluntatem deponas rem alienam, cum poteris, restituendi. Alterum est, ne rem alienam nec per molicum tempus retineas, sed statim domino suo reddas: & hoc modo negativum est, quod semper rem alienam possidentem urget; adeo ut injustus sit, quotiescumque restituere valens restitutionem omittat. Ita S. Thom. hic a. 8. scribens: *Sicut accipere rem alienam est peccatum contra justitiam, ita etiam detinere eam: quia per hoc quod aliquis detinet rem alienam invito domino, impedit eam ab usu rei suæ; & sic ei facit injuriam. . . . Et ideo quilibet tenetur statim restituere, si potest, vel petere dilationem ab eo, qui potest usum rei concedere. Et in resp. ad 1. subdit: Præceptum de restitutione faciendâ, quamvis secundum formam sit affirmativum, implicat tamen in*

se negativum præceptum, quo prohibemur rem alienam detinere. Et iterum in resp. ad 3. Quia per dilationem restitutionis committitur peccatum injustæ detentionis, quod justitiæ opponitur, ideo necesse est tempus esse determinatum, ut statim restitutio fiat.

VI. Cum ex solius justitiæ, & quidem commutantis, violatione onus oriatur restitutionis faciendæ, ut ostendimus ex D. T. n. 1. (in ceteris enim virtutibus caritatis, liberalitatis, misericordiæ locum non habet) ad illud inducendum culpa aliqua injustitiæ præcedat, oportet. Porro duplicem distinguunt Theologi culpam restitutionis debitum inducentem; alia quæ *Theologica* dicitur, alia *Juridica*. Culpa theologica ea est, quæ semper cum Dei offensâ conjungitur, & verum peccatum infert vel lethale, vel veniale. Culpa vero juridica est deviatio a regulis juris positivi aliquid statuentis, vel pro rei alienæ majori custodia, & conservatione, vel pro alterius damno vitando. Non infrequenter consociantur culpa theologica, & culpa juridica; ut si quis rem proximi pretiosam sibi ad usum concessam ita incuriose custodiat, ut relicta in atrio domus sacripiatur, hic profecto & a legibus civilibus cogitur ad rei pretium solvendum, & his etiam non urgentibus ex commutante justitiâ ad damnum faciendum jure naturali obstringeretur. Aliquando tamen dissociari possunt; ut contingit in contractibus, in quibus res alienæ etiam legitime acceptæ sunt reddendæ, licet sine ulla theologica culpa perierint; si tamen omissa fuerit diligentia a legibus pro illis constituta. Hæc juridica culpa plures gradus habet, unde in latissimam dividitur, latiore, latam, levem, & levissimam. Culpa juridica latissima do-

dolo, & fraudi æquiparatur, & revera in expresso dolo consistit; ut si miles excubias habens se dormire fingat, ut hostes ingrediantur. Culpa latior est doli tacitus; ut si custos gregis, qui potest clamando furem, vel lupum fugare, silet tamen. Culpa vero lata est omisso illius diligentie in rei alienæ custodia, vel damno vitando, quam prudentes, & cordari viri communiter adhibere solent in propriis rebus curandis; ut si servus nocturno tempore ostium domus claudere negligat. Levis vero in ommissione consistit illius diligentie, quam specialiter adhibere solent viri, & Patres-familias diligentiores; ut si quis aureum vas commodatum in suo quidem cubiculo reponat, clauso etiam ostio, sed seris non obductis. Levissima denique culpa omissionem importat illius diligentie, quam soli cautissimi, & circumspicione abundantes solent adhibere; qualis est illius, qui gemmas in arca clauderet, sed manu non experiretur, vel exploraret, num firmiter oclusa sit. Recolantur, quæ superius diximus Tract. præced. cap. 3. num. 3.

VII. Inspecto naturali jure, & extra contractum, quando vel sola interna, vel nulla intervenit theologica culpa, nullum urget restitutionis, seu compensationis onus, licet aliquod proximo damnum ex actione proveniret. Hoc omnino certum est, & exploratum de culpa mere interna, cum hæc apta non sit ad damnum inferendum; ut si quis vel alterius damnum efficaciter desideret, vel inducere etiam firmiter statuat, peccabit quidem, ac nulli subiacebit vel restitutioni, vel compensationi, licet fortassis optatum malum vel fortuito calu, vel alterius causa proximo obveniret. Pari pacto non minus certum

videtur, nullum esse restitutioni locum, quando actio externa, ex qua damnum alteri emerit, omni culpa careat; ut si quis ligna cadens ex manubrio avulsa securi, alterum sibi vicinum vel feriatur, vel mutiletur: quandoquidem, ut iniustitia perpetretur, non sufficit, quod actio externa sit iniusta & alteri nocens, sed necesse est, ut sciat, vel nosse debeat se injustum facere, sicut egregie docet S. Thom. 2. 2. q. 59. art. 2. scribens: *Si aliquis faciat aliquid, quod est injustum, non intendens injustum facere, puta cum hoc facit per ignorantiam, non existimans se injustum facere, tunc non facit injustum per se, & formaliter loquendo, sed solum per accidens, & quasi materialiter faciens id, quod est injustum: unde talis operatio non denominatur iniustificatio.* Et revera, cum actio illa coram Deo omni vacet culpa, nec pro illa Deo satisfacere teneatur, nec proximo aliquid debebit; cum detrimentum, & damnum, quod illi forte obvenit, prorsus præter omnem agentis intentionem, ac voluntatem proveniret.

VIII. At eodem naturali jure inspecto etiam ex sola veniali culpa onus exurgit restitutionis. Et quidem hoc certum exploratumque est, quovisculumque levitas culpæ ex sola parvitate oriatur materiæ: nam qui aliquid per leve furtum abstulit, ad rem ablata restituendam tenetur, immo, si quod per plura minuta furtiva ablatum est, sit magni momenti, & gravis materiæ, ad restitutionem sub lethali culpa adstringitur; ut manifeste patet ex propositione 38. ab Inuoc. XI. damnata, quæ asserbat: *Non tenetur quis sub pœna peccati mortalis restituere, quod ablatum est per pauca furtiva, quantumvis sit magna summa totalis.* At, si levitas culpæ non ex parvitate materiæ, sed ex imperfe-

ita oriatur deliberatione, vel levi inadvertentia, num onus inferat restitutionis, dissentiant Theologi: qui tamen in duobus convenire videntur, nimirum 1. non teneri ad restitutionem reum ex culpa levi, si damnum inde secutum leve omnino sit. 2. Si debium sit, num culpa vel levis fuerit, vel gravis, & inde grave ortum sit proximo detrimentum, reum teneri ad totius damni reparationem; cum porior ratio habenda sit innocentis, quam delinquentis, nec alter certe rei suæ possessione privandus, vel damno certo subjiaciendus ob incertitudinem de gravitate culpæ damnum inferentis. At, si culpa certe levis sit ex deficientia perfectæ advertentiæ, & grave inde exortum sit damnum, nonnulli censent nullam onus consurgere restitutionis, ne quidem sub veniali culpa. Sic censent Salmanticenses Tr. 13. cap. 1. §. 2. num. 16. & plures alii Theologi ab eis citati, his permoti argumentis. 1. Quia qui venialiter peccat, solum eam omittit diligentiam, quam cautissimi homines solent adhibere, at non illam, quam adhibere solent communiter prudentes & cordati viri; & ad hanc solum quisque obstringitur, non ad illam. Ergo, si inde sequitur damnum, non est ab ipso reparandum, cum ex efficaci ejus culpa non oriatur, licet ex aliquali oriatur. 2. Levis culpa non est simpliciter injuria: ergo nec actio ex ea procedens simpliciter injusta. 3. Obligatio, sicut pœna, debet culpæ proportionari. Si cui igitur, ubi gravis culpa est, gravis etiam inferenda est pœna; ita pari pacto ubi gravis culpa non est damni illati, statuenda non est gravis obligatio illud reparandi. Nec dicas, item oriri levem obligationem magni damni reparandi. Nam cum materia de se

apta est ad inducendam obligationem gravem, nequit inferre levem obligationem; sed vel gravem inducat, necesse est, vel nullam: hic gravem inducere non potest, ergo nullam. Et revera sic judicamus de votis indeliberatis Deo nuncupatis, & de promissionibus hominibus factis, quæ si gravem non inferre obligationem judicamus, profecto nec levem statuimus, sed nullam omnino esse pronunciamus.

IX. Alii vero, ut Henricus a S. Ignatio lib. 9. cap. 16. cum Dicastillo, & novissime Clarif. Franzoja censent, etiam ex veniali culpa gravem oriri obligationem restituendi in gravi materia, vel damno gravi illato. Quia, inquit, restitutio non tam ex gravitate culpæ, quam ex granditate damni est pensanda. Et revera vix concipi potest, ut sola veniali culpa grave inferatur damnum proximo: & si hoc proveniat, illa inconsideratio, & inadvertentia, quæ de se fortassis venialis videtur, cum agatur de gravissimo malo proximi, jam graviter culpabilis evadit. Immo subdit Franzoja: „Cum de damni reparatione, sermo est, illa quæstio, utrum culpa mortalis fuerit, an venialis, in damno dato locum non habet. Quia cum damnum illatum grave est, inconsideratio, sive negligentia mortalis est ex D. Thom. 2. 2. q. 54. a. 3. ubi ait: *Potest dupliciter contingere, quod negligentia sit peccatum mortale. Uno modo ex parte ejus, quod prætermittitur per negligentiam; quod quidem si sit de necessitate salutis, sive actus sit sive circumstantia, erit peccatum mortale. Ex qua doctrina inferet: „Cum prætermittitur per negligentiam id, unde grave damnum proximo inferitur, id prætermittitur, quod est de necessitate salutis: ideoque negligentia non potest*

„ potest esse venialis, sed est mortalis“⁶.
 Exscribit postea ex jure canonico nonnullos canones : qui statuere videntur , damnum ex culpa datum sine ulla distinctione reparandum , quibus recitatis sic tandem concludit : „ Hi canones „ nullam mortalem , aut venialem culpam „ in damno dato mentionem faciunt ; „ sed damnum ex culpa illatum esse „ reparandum absolute sine ulla distinctione decernunt . Horum præscripta „ veneratione excipienda , & ad præxim redigenda fidenter pronuntio „ .

X. Nonnulli denique media via incedunt , docentes , damnum grave ex veniali culpa inferentem nec ab omni restitutione liberandum , nec ad integram & adæquatam damni reparationem cogendum , inter quos Tournelius, P. Fulgentius Cunitati tract. 9. cap. 4. §. 3. n. 4. quia , inquit , non est potior habenda ratio fontis , & innocentis , ita ut iste totum damnum ex illius culpa , levi quidem , sed tamen culpa , sentire debeat ; ille vero ab omni onere reparationis liberetur , qui tamen causa fuit damni . Nec pari pacto gravandus hic reus venialis culpæ , ac si reus esset mortalis criminis : nam sicut non pari poena plestendus est reus gravis delicti , ac levioris culpæ ; ita nec eodem onere restitutionis , qui ex levi negligentia damnum infert , quam qui ex aperta malitia : & sicut jure naturæ , ubi nulla prorsus intervenit theologica culpa , nullum sequitur restitutionis onus , licet grave sit damnum illatum ; & ubi gravis est culpa , grave oritur totius damni reparandi debitum : ita ubi nec omnis adest culpa , nec gravis adest malitia , nec ab omni liberetur onere , nec integro gravetur pondere restitutionis . Inter has sententias hanc postremam probabiliorem judico , immo & tutiorem .

Patuzzi Theol. Moral. Tom. V.

Nam , licet tutius sit ex parte inferentis damnum ex culpa levi , ut totum damnum refarcias ; non tamen tutius est ex parte læsi , ut integram reparationem ab eo repositat , qui fortassis ad id obnoxius non est . Ne igitur vel alter plus gravetur , quam oporteat , nec alter amplius recipiat , quam æquitas postulet ; tutius judico definiendum , ut pro modo culpæ & modus statuatur compensationis . Et certæ , quæ proferuntur argumenta , sive pro integra restitutione , sive pro liberatione ab omni onere in causante malum ob culpam leviem , non adeo luculenta sunt , & apodictica , ut mentem omnino convincant ; sed ad summam prudens dubium inducunt , dirimendum proinde eo , quo statuis , tutiori modo , ne scilicet vel ille plus solvat , quam debet , nec alter amplius accipiat , quam æquitas postulet .

XI. Et certe Franzoæ argumenta non plane evincunt . Nam 1. supponit levem negligentiam , sive inadvertentiam locum non habere , quando inde grave damnum proximo emergat : nam tunc , inquit , illa negligentia non levis est ; sed gravis . At hoc verum solum est , quando ad summam diligentiam ex aliquo justitiæ debito obstringatur ; non vero , quando solum ad illam adhibendam teneatur diligentiam , quam quilibet cordatus , & prudens in suis rebus servantis , sive damnis vitandis solet adhibere . Præterea quæstio procedit , quando revêra negligentia est solum venialiter culpabilis , non quando lethalliter , proinde quæstionem potius declarat , quam solvat . Ceterum falsum est , semper graviter culpabilem esse inadvertentiam , & negligentiam , quando ex ea grave sequitur damnum proximo . Nam gravitas culpæ in negligentia , & inadvertentia non tam ex effectu pe-

fatur, quam vel ex debito eam adhibendi, vel ex facilitate præcognoscendi damnum, vel denique ex ipsa prava animi dispositione, quæ levem culpam, & negligentiam non vitet, quia de gravi damno proximi non curat. At fieri potest, ut quis ad summam non obstruat, ut diximus, diligentiam, vel non ita facile, & prompte perniciosum effectum inde consequentem perspicere queat, & nullo moveatur pravo animo ad actionem illam; quæ cum levi inadvertentia conjuncta damnum proximi producit, proindeque in se ipsa negligentia gravis non sit, & lethaliter culpabilis. Nec oppositum docet S. Thom. in verbis a Francoja citatis, ubi S. D. loquitur vel de negligentia respiciente immediate ea, quæ sunt necessaria necessitate medii ad salutem, vel quæ ita sunt absolute necessaria, ut ad exquisitam diligentiam adhibendam ex gravi præcepto adstringamur. Et de his loquitur Apostolus ad Hebr. 2. cum dicit: *Quomodo nos effugiemus, si tantam neglexerimus salutem? quæ cum initium accepisset enarrari per Dominum ab eis, qui audierunt, in nos confirmata est.* Quæ verba sic explicat S. Thom. *Quia si negligentes, fuerimus, puniemur, non tantum amittendo bonum, sed incurrendo malum damnationis, quod effugere non poterimus.* Et revera mentem suam explicat S. D. I. a Francoja laudato post verba ab eo recitata, subdens: *Si negligentia consistat in præmissione alicujus actus, vel circumstantiæ, quæ non sit de necessitate salutis, nec hoc fiat ex contemptu, sed ex aliquo defectu servoris, qui impeditur per aliquod veniale peccatum, tunc negligentia non est mortale peccatum, sed veniale.* Canones autem a laudato Auctore citati, licet non distinguant gravem, vel levem negligentiam, ita ta-

men loquuntur, ut supponent, negligentiam, & ignorantiam esse graviter culpabilem; quia eam æquiparant culpæ, & injuriæ irrogatæ. Id patet ex 1. canone ab ipso citato, qui sic statuit: *Si culpa tua datum est damnum, vel injuria irrogata, seu aliis irrogantibus opem forte tulisti, aut hac imperitia tua, seu negligentia evenerunt, jure super his se satisfacere oportet, nec ignorantia te excusat, si scire debuisti ex fallo tuo injuriam verosimiliter posse contingere, vel jacturam.* Hec tamen dicta sunt solum, ut offendam, argumenta cl. Viri non esse ita apodictica, ut omnem vim obtineant, sed rem dubiam facere, proinde tutiorem partem esse eligendam: quæ tamen, ut dixi superius, non consistit in rigidioris sententiæ electione, cum in ea periculum sit, ut justitia violetur, & plus justo graveetur, qui damnum dedit ex levi culpa: sed pro modo culpæ, & omnibus inspectis circumstantiis ea statuenda satisfactio, & restitutio, quæ prudenti viro videbitur justa: quæ proinde si materiam gravem, & notabilem constituit, ad eam reddendam sub lethali culpa teneretur, quia tunc grave damnum inferret proximo, illum re notabili fraudando, quæ illi justitiæ titulo debetur. Salmanticensium vero argumenta imbecilliora quidem mihi videntur. Nam ad 1. dico, omissionem illius diligentis, quam & cautissimi adhibere solent, quando de alterius gravi damno vitando agitur, urgere, & esse servandam saltem sub veniali culpa, quæ, licet non ita efficaciter in damnum influat, influit tamen aliquo modo: quæmodum & aliquo modo reparandum damnum ex ipsa proveniens. Ad 2. levis culpa non est simpliciter injuria, sicut culpa gravis; est tamen aliquo modo

do Injuria, & etiam in suo ordine vera injustitia: ut patet in eo, qui levem furatur materiam; qui licet levem committat culpam, cum hæc damnum proximi respiciat, & injustitiæ culpa est. Ad 3. fatemur, pœnam culpæ respondere debere: quapropter diximus, nec ad totum damnum reparandum reum obstringi, nec ab omni onere liberandum. Paritas autem ex votis Deo nuncupatis, vel promissionibus hominibus factis non urget, cum nulla sit homini obligatio, vel emitendi voti, vel promissionis faciendæ, quæ proinde, ut efficares sint, & effectum suum omnino forisiantur ex perfecta oriuntur deliberatione oportet. At de proximi gravi damno vitando, independenter a voluntate nostrâ, urget obligatio ex jure naturali, & divino: eapropter qui hoc præceptum etiam venialiter violavit, onus subit reparandi damni, culpæ suæ gravitati respondentis, quæ obligatio non est sub levi, sed sub gravi, ut mox diximus.

XII. In contractibus quis etiam sine ulla culpa theologica, sed solum ex culpa juridica, etiam levi, & levissima ad restitutionem adstringitur sub lethali, etiam in conscientiæ foro. Inficiantur Salmanticenses, qui putant onus restitutionis in foro conscientiæ semper præsupponere culpam theologicam, ac proinde leges statuentes onus restitutionis procul ab omni culpa theologica, & ex sola culpa juridica, videri tantum in foro externo, & post sententiam judicis; cum nemo jure naturæ inspecto amplius obligetur, vel se obligare intendant ad rei alienæ custodiam, vel conservationem, quam in propriæ. Porro quisque in propriis rebus servandis non majorem adhibere solet diligentiam, & sedulitatem, quam communiter ad-

hibent prudentes, & cordati Patresfamilias. Ergo hac sola deficiente, quæ cum culpa theologica juncta est, tenetur in foro conscientiæ ad restitutionem. Ad oppositam, quam statuit, sententiam ut probabiliorē tenendam censeo. Quandoquidem leges justæ contractuum sunt servandæ, & legibus justis etiam in foro conscientiæ est parendum. Porro, qui contractus celebrant, eos juxta statutas leges ineunt, & voluntarie illis se subjiciunt. Ergo & in foro conscientiæ illis est obsequendum. Quamobrem si se obligant ad restitutionem ex culpa etiam levissima in aliquo contractu, ea commissa restituendum est. Et vel maxime, quia hujusmodi leges sunt institutæ ad bonum commune, ut fides contractibus firma sit, & quilibet noverit, ad quid teneatur, quando contractum aliquem celebrare intendit. Præterea, si quilibet privatus se potest obligare ad rem restituendam, licet pereat absque ulla sua culpa, vel juridica, vel theologica, sed ex mero fortuito casu, ut contingit in contractu assurationis mercium a naufragio, vel a piratis; cur supremæ Potestates statuere non poterunt, ut in quibusdam contractibus contrahentes ex sola vel levi, vel levissima culpa ad restitutionem teneantur, ipsa exponente natura, & æquitate contractus, qui aliquo titulo exquisitissimam postulat diligentiam? Quinam autem sint hi contractus, qui ex levissima quoque culpa obligant, dicemus suo loco.

XIII. Licet S. Thom. onus restitutionis ex duplici fonte 2. 2. q. 62. art. 6. promanare doceat, nimirum & *ex re accepta*, & *ex rei acceptione*, art. 4. & alium designaverat fontem, scilicet *damnum alteri illatum*, licet qui intulit, nihil omnino acceperit: cui

merito & quantum addi potest, nimirum voluntaria obligatio aliquid præstandi ex aliquo contractu. Ad quatuor igitur, capita revocari possunt tituli restitutionis faciendæ, nimirum 1. ob rem alterius habitam, sive iusta de causa, sive iniusta. 2. Ob injustam acceptionem, scilicet furto, rapina, aliove modo commutativam iustitiam lædente. 3. Ex damno illato nedum rebus proximi, sed & ejus corpori, vel famæ per injuriam, calumniam &c. 4. Denique ratione aliqujus contractus cum altero iniiti, sive gratuiti, sive onerosi. De his igitur dicemus singillatim sequentibus capitibus.

CAPUT SECUNDUM.

CONSECTARIA PRÆCEDENTIS
DOCTRINÆ.

- I. *Quomodo necessaria sit restitutio necessitate & præcepti, & medii.*
- II. *Peccant, qui mercedes, & a alienum non solvunt.*
- III. *Non est differenda restitutio.*
- IV. *Ex fortuito casu onus non oritur restitutionis.*
- V. *Sicut nec ex ignorantia invincibili, & inculpabili.*
- VI. *Culpa etiam levissima, animo nocendi perpetrata, onus inducit restitutionis.*

CONSECTARIUM PRIMUM.

I. **R**ESTITUTIONEM ex iustitia debitam necessariam esse non necessitare medii, sed præcepti naturalis, & Divini, communiter affirmant Theologi: & ipsa ratio manifestat. Nam, quæ necessaria sunt medii necessitare, nullo pacto omitti possunt; & si desint etiam sine culpa, salutis impediunt consecutionem. At a restitutione quis excusari potest ob morealem, vel physicam impotentiam. Unde agebat S. Au-

gustinus ep. 54. *Si res aliena, cum reddi potest, non redditur, penitentia non agitur, sed fingitur.* . . . Sed, ut dixi, cum restitui potest: si enim non habet, unde restituat, huic certe non possumus dicere, *redde quod abstulisti*. Ita quidem, si de reali restitutione sermo sit. At restitutio in animi præparatione, immo, & in studio, & sollicitudine restituendi necessaria est medii necessitate; nunquam enim remissionem consequi poterit admitti sceleris, qui vel restituendi animum penitus abjicit, vel qui de hoc onere nihil curat, qui nullam adhibet diligentiam, & studium restituendi. Qui enim hoc prequantur onere, omnia superflua refecare tenentur, & semptis, quæ absolute sunt sibi, suisque necessaria, cætera omnia ad restitutionem seponere; ut si simul non possint, saltem paulatim restituant. Et in hoc invigilent Confessarii, & gravissimum hoc præceptum clare penitentibus exponant, & ejus impletionem urgeant: & dum impotentiam exaggerant, & paupertatem, ipsis præ oculis ponant, quid præstaret iudex temporalis, si restitutionis onus, quod occultum est, & solum Deo notum, publicum esset, & a creditore pergeri posset per judicem ad præstandam solutionem: Iudex enim profecto debitorem obstringeret ad solvendum, limitatum tempus concederet, determinatam pecuniæ summam singulis vel hebdomadibus, vel mensibus solvendam præstaret usque ad integram debiti solutionem. Porro hoc, quod præstarent temporales iudices ex officio suo, tenentur & Confessarii, qui & Iudices sunt, præstare; alioquin nulla unquam fiet restitutio in summam tum penitentium, tum Minorum perniciem.

CON-

CONSECTARIUM SECUNDUM.

II. Cum ad restitutionem pertineat etiam solutio tum mercedis, tum æris alieni, gravissime peccant, qui mercedis operariis non solvunt, qui diminunt, qui differunt. Priores Deus Eccles. 24. homicidis cœquat, dicens, *Qui effundis sanguinem, & qui fraudem facit mercenario, fratres sunt.* Et D. Jacob. cap. 5. scribit: *Ecce merces operariorum, qui messuerunt regiones vestras, quæ fraudata est a vobis, clamat: & clamor eorum in aures Domini Sabaoth introivit.* Hinc merito fraudatio mercedis operariorum inter peccata, quæ vindictam clamant, & Deum ad ulciscendum provocant, enumeratur. Pari pacto, proportionem servata, hujus criminis rei sunt, qui, quamvis non integra, ex parte tamen mercede debita operarios fraudant: cum hæc iniquitas sit quidem minor quantitate inspecta, at non minor in malitia, cum ob tenue lucrum pauperi injuriam faciat, & majus fortassis damnum inferat, quam ipse sentiat emolumentum. Unde Auctor Commentarii in Epist. S. Jacob. inter Opus. S. Thom. fraudem agnoscit tam in negatione mercedis, quam in diminutione, scribens in cap. 5. *Fraudata est a vobis, scilicet non reddendo, sed diminuendo.* Solutionem vero differentes peccant in divinum mandatum naturale, & morale, latum Levit. 13. *Non morabitur opus mercenarii apud te usque mane.* Et inter salutaria monita seniore Tobia filio suo data hoc habetur cap. 4. *Quicumque tibi aliquid operatus fuerit, statim ei mercedem restitue, & merces mercenarii tui apud te omnino non remaneat.* In quo crimine & attendendum est damnum pauperis mercenarii, quod non in sola

privatione suæ mercedis sistit, sed in detrimento, quod patitur; cum aliquando ex denegata, vel dilata mercede sua, quæ diurnum sibi, familiæque suum victum comparat, cogatur suppellectilem, vel vestem, vel alia oppignorare, & auxilium solvere, sive Monti pietatis, sive sœneratoribus: quod detrimentum facere tenentur iniqui isti mercedum fraudatores, cum ipsi illius in causa sint. Non peccant tamen, qui integram mercedis solutionem in finem hebdomadæ differunt, suppeditantes interim eam, quæ indigent, & quam petunt pecuniam; cum in hoc & ipsi operarii consentiant. Sunt tamen inter injustos pauperum oppressores connumerandi, qui probe scientes, se non posse illis debitam mercedem solvere, tamen eos conducunt, & eorum opera utantur. Nam sunt aperti fures, & latrones, qui non pecuniam, sed sudores, & sanguinem pauperum furantur. Nec impotentie titulo excusantur; cum hæc voluntaria sit, & ipsis comperta. Quamobrem a conducendis operariis abstinere debent, nisi ipsi, impotentia solvendi mercedem eis manifestata, dilationi consentiant.

CONSECTARIUM TERTIUM.

III. Debitores vero, præsertim si divites sint, & æs alienum solvere possint, differre sine iniquitate non queunt ejus solutionem: sed vel transacto præstituto ad solutionem termino; vel petente justo creditore statim solvere tenentur: alioquin detentores sunt rei alienæ; quia ut vidimus ex D. Thom. *impediunt eos ab usu rei suæ, & sic eis injuriam faciunt.* Multoque magis rei sunt, si ob moram solutionis in causa sint, ut mercatores, alique creditores detrimentum patiantur, si petentes quod suum est, accer-

bio-

bioribus verbis repellant, si per vim, nimirum minis, vel fastidium simulando eos a petitione, & exactione arceant, si respondeant se soluturos, cum maluerint, quando sibi commodum, opportunumque videbitur. Et tamen heu, quot sunt, qui hisce modis negotiatores, mercatores, opifices gravant, & pene dixi opprimunt, & sæpe in causa sunt, ut misere deficient, & bonis cedere cum magno non solum privatæ familiæ, sed etiam communis boni detrimento cogantur. Ipse pluries negotiatores, & mercatores audiivi conquerentes de summo cedendi bonis periculo, in quo versabantur, hac una de causa, quia nimis, quod sibi debitum erat, recuperare nullo modo poterant, non quidem a pauperibus & egenis, quibus vel parum, vel omnino nihil credito fidunt, sed a divitibus & opulentis viris, a quibus precibus, quod suum est, flagitare inutile, quos in iudicium provocare periculofum. Quamobrem ad hoc præcipue attendere debent Confessarii Procerum, Magnatum, Nobilium, & divitum, & eos ad alienum æs solvendum urgere, & compellere omni humano abjecto respectu, etiam denegata absolutio-
ne, nisi vera, & reali teneantur impotentia, vel eorum creditores dilationi, & quidem sponte, & lubentes consentiant.

CONSECTARIUM QUARTUM.

IV. Ex fortuito casu non oritur onus restitutionis. Ratio est, quia casus fortuiti consentent extra omnem humanam diligentiam; ut si domus a te conductæ terremotu deiciatur, vel igne per fulmen accensa comboratur. Excipitur tamen, nisi de hoc periculo pactum initum sit; ut contingit in afectione, in qua a fortuitis quoque casibus, sive naufragiis, sive prædiis, merces in tutam ponantur. Sunt tamen in Jure civili

nonnulli casus, in quibus etiam citra omnem culpam, & ex fortuito eventu ad aliquam compensationem quis compellitur. Primus casus est, si animal tuum alterius animal occidat, vel feggetes conculet, aut devoret, vel hominem læserit, aut damnum aliquod irrogaverit, teneris vel animal tradere læso, vel damnum reparare, si id absque tua culpa contingerit; nam si culpa tua factum est, totum damnum refarcire teneris; ut habetur Tit. Si *Quadrupes pauperiem fecisse dicatur* in Inst. ff. Quod si animal tuum invasum sit ab alio, vel accedat ad feram, quam ligatam tenes, vel fur ad furandum hortum tuum ingrediens a canibus custodibus lædatur, ad nihil omnino teneris. Alter casus est, si mancipium tuum absque tua culpa alterum lædat culpabiliter vel in bonis, vel in persona mancipium tradere debes læso, vel damnum compensare: dicitur culpabiliter; nam si servus inculpabiliter damnum inferat, sicut nec ipse, ita nec dominus ad aliquid teneretur. Tertius casus. Si a domus tuæ fenestra aliquid in viam publicam projiciatur, nec proclamatum fuerit ut transeuntes sibi cavere possent, teneretur Pater-familias, sive caput domus ad duplum dati damni, quando non accidit capiti hominis; tunc enim & curationis expensas subire debet, & omne damnum compensare. Pari pacto, si aliquid e domo tua fuerit appensum, quod cadens nocere poterat, & revera nocuit, damna compensare teneris: si vero non decidit, nec nocuit, qui appensit, decem aureos solvere debet, & toridem Pater-familias, vel caput domus, si scivit, aut vidit, quod appensum erat, nec jussit auferri. Quæ tamen pœnæ, & solutiones, ut animaladvertunt Theologi, locum non habent nisi post sententiam

judicis, non quia leges sint mere pœnales, ut quidam censent, sed quia usu ita receptum est.

CONSECTARIUM QUINTUM.

V. Ex ignorantia invincibili, & prorsus inculpabili damnum ortum onus non inducit restitutionis; licet qui damnum intulit, operam rei illicitæ daret. Nam actio illa, quæ est damni illativa, prorsus inculpabilis est, quia prorsus involuntaria; proinde nec ad restitutionem obstringit. Nec nocet, quod actio illa alias sit illicita. Nam adhuc quoad effectum damni inde secuti, quod prævideri prudenter non poterat, involuntaria est, & damnum ex illa per accidens sequitur, & extra omnem agentis voluntatem. Quod si ignorantia non sit antecedens, sed mere concomitans, ut in illo, qui tormentum explodens ad occidendam feram, cavet quidem, ne hominem vulneret, sed ita dispositus est, ut si homo transiret, adhuc illum feriret: negant Salmaticenses ex tali ignorantia ortum detrimentum esse sarcicendum: quia, inquiunt, actio illa non est causa vulneris infligendi, quia ex voluntate ferendi non procedit, & licet non sit contra voluntatem, non tamen est a voluntate cum cognitione mali illati. Verum optime oppositum docet Concina hic cap. 4. animadvertens 1. involvere contradictionem, cum, qui paratus est animo hominem, si forte transiret, vulnerare, revera omnem adhibere diligentiam, ne feriat. 2. Quotiescumque actio non est damni causa, procul dubio non inducit restitutionis debitum, licet in se mala; ut patet in eo, qui gaudet de alieno detrimento. At quando actio jungitur cum damno, jam est causa damni. Es dispositus ad ferendum, revera feris, sed improvi-

de, & ignorans; jam actio tua cum tua voluntate conjungitur, & damnum inducit: illud igitur sarcire teneris; & licet explicite damnum non cognoscas, implicite tamen vidus, cum dispositus sis ad illud inducendum.

CONSECTARIUM SEXTUM.

VI. Culpa etiam levis, immo & levissima sed animo nocendi perpetrata, onus restitutionis inducit, si detrimentum sequatur. Hanc propositionem oppugnant nonnulli Theologi, Lessius, Sanchezius, immo & Navarrus a Salmaticensibus citati, his permoti rationibus. Ad onus restitutionis inducendum necessaria est actio externa injusta. Porro omisso illius diligentia, quæ culpam levem, vel levissimam inducit, non est secundum se injusta, quia ad eam non teneri supponimus: nec pravus animus de se sufficit ad præfatum inducendum restitutionis onus, cum de se inefficax sit; ut patet in iudice ex odio, & inimicitia reum ad pœnam damnantem, vel carnificem ex pari odio sententiam exequente, qui peccant quidem, verum ad restitutionem minime adstringuntur. Ex revera, si quis omnem quidem adhibeat diligentiam, & tamen optet rem evenire cum damno proximi, quod revera subsequitur, reus quidem erit pravi desiderii, at restitutioni minime obnoxius; cum nec animus nocendi sine reali nocumendo, nec levis, aut levissima culpa, etiam cum animo nocendi, inducere restitutionis onus minime valeant. Verum posita doctrina longe probabilior est, & D. Th. doctrinæ ianixa. Scribit itaque A. P. 2. 2. q. 62. a. 2. *Aliquis potest impedire aliquem, ne habeat præbendam; multipliciter. Uno modo iuste; puta si intendens honorem Dei, vel utilitatem Ecclesiæ, procuraret, quod datur*
ali-

alicui persona digniori ; & tunc nullo modo tenetur ad restitutionem , vel ad aliquam compensationem faciendam . Alio modo iniuste ; puta si intendat ejus nocumentum , quem impedit propter odium , vel vindictam , vel aliquid hujusmodi , & tunc si impedit , ne præbenda detur digno , consulens , quod non detur , antequam sit firmatum , quod ei detur , tenetur quidem ad aliquam compensationem , pensatis conditionibus personarum , & negotii secundum arbitrium sapientis . Ex qua S. Th. doctrina manifeste apparet , unam eandemque actionem exteriorem , quæ in altero debitum restitutionis non inducit , quia sine animo nocendi factam , in altero tamen ex pravo affectu nocendi procedentem præfatum onus inducere . Quod confirmari potest innumeris pene exemplis . Nimirum si quis crematumbibat ob voluptatem , alter vero ad excitandam in somnis pollutionem , licet hæc ambobus contingat , uni tamen , non alteri imputatur ad culpam . Pari pacto , qui furem in domum recipit , ejus latrocinij favens , reus est furti , & restitutioni obnoxius ; qui vero eum recipit solum , ut amicum , vel consanguineum , nec peccato , nec restitutioni sit obnoxius . Confirmat & ipsa ratio . Nam sicut datur quidem effectus ita cum causa conjunctus , ut nulla agentis voluntate , vel conatu separari possit , ut abscissio capitis cum morte ; quomobrem qui unum vult , & alteram velle convincitur , licet animo obliuatur ; ita nonnulli sunt , qui cum causa immediatam conjunctionem de se non obtineant , conjungi tamen possunt agentis voluntate ; sic blasphemia de se non est cura ebrietate conjuncta ; si quis tamen ebrius soleat blasphemare , dum ebrietatem vult , & blasphemiam cum

ea conjunctas velle convincitur . Sic itaque contingit in re nostra : Damnum non est quidem de se conjunctum cum omissione illius diligentiae , quæ culpam levem , vel levissimam inducit . Quomobrem si quis eam committat , quia ad illam se non teneri novit , fortassis onus restitutionis non subibit . At si animo nocendi omitat , jam nocumentum cum ipsa prava omissione conjungitur , & obnoxius fit restitutioni . Hinc medici , chirurgi , advocati , artifices , cutodes , qui pacta mercede operam suam locant , non tenentur , si ex eorum culpa levi , vel levissima damnum aliquod clientibus obveniat ; quis nemo illorum se obstringit ad majorem adhibendam diligentiam ea , quam adhibere solent ceteri experti , & solertes ejusdem artis professores : at si isti hanc majorem omitant diligentiam animo nocendi , jam & culpæ rei fient , & obnoxii restitutioni . Nec opposita argumenta persuadent . Nam licet illa omisso de se , & absolute graviter injusta non sit , nec immediate conjuncta cum damno alterius ; graviter tamen evadit injusta , & cum detrimento proximi conjungitur per pravam affectum , & animum , a quo profuit : quo fit , ut illud detrimentum sit omnino volitum . Nec est par ratio vel de iudice damnante , vel de carnifice puniente ex odio reum : quia hic jus non habet ad vitandam poenam sicut quilibet jus habet , ne ab altero talis ponatur culpa quæ illi in detrimentum cedat . Pari pacto qui omnem adhibet diligentiam , & tamen cupit detrimentum proximo sequi , cum nullum externum opus ponat , jam in damnum non influit , quod ex solo interno affectu progredi nequaquam potest .

CAPUT TERTIUM.

De restitutione facienda titulo rei accepta.

DOCTRINA

- I. Quinam possessor bonæ, & malæ fidei.
- II. Possessor bonæ fidei quando ad restitutionem teneatur.
- III. Hic durante bonæ fidei de re tanquam sua disponere potest.
- IV. Prescriptionis beneficio legitimus fit rei dominus.
- V. Quando restituere, vel retinere possit fructus rei alienæ.

I. **R**ES aliena ea dicitur, quæ licet in alicujus sit possessione, dominium tamen ipsius ad alium pertinet, a quo in possessionem transiit, vel absque ulla injustitia, vel quia injusta aliqua actione fuit occupata. Si primo modo, possessor dicitur *bonæ fidei*, si vero posteriori modo, vocatur possessor *malæ fidei*: uterque tamen ad restitutionem rei adstringitur: primus quidem unico titulo, scilicet ob rem alienam bonæ fidei acceptam; alter vero duplici titulo, nimirum & rei, quam accepit, & injustæ acceptationis. De primo, id est bonæ fidei possessore in præfatis dicemus, de altero in sequentibus.

II. Possessorem bonæ fidei, qui rem alienam vel justo titulo se obtinuisse, vel suam esse prudenter putat, vel certe inculpabiliter ignorat rem esse alienam, statim ac deprehenderit ad alium pertinere, ad restitutionem teneri omnia jura docent, unde & ortum illud adagium, *res clamat domino suo*. Unde egregie docet S. Thom. 2. 2. q. 62. a. 6. Circa illum, qui rem alienam accepit, Patuzzi Theol. Moral. Tom. V.

duo sunt consideranda, scilicet ipsa res accepta, & ipsa acceptio. Ratione autem rei tenetur eam restituere, quoad eam apud se habet; quia quod habet ultra id quod suum est, debet ei subtrahi, & dari ei, cui deest secundum formam justitiæ commutativæ. Quod si restitutionem detrectet, cum inevitabiliter debetur restitutionis ignorare non possit, jam in possessorem malæ fidei transit; quippe qui, licet rem alienam injuste non accepit, injuste tamen detinet: unde furi comparatur, ejusque onera subire debet, de quibus postea dicemus.

III. Quamdiu rem alienam detinens possessor est bonæ fidei, de re illa, prout sibi lubet, seu verus dominus disponere potest, eam consumendo, vendendo, donando: re vero bonæ fidei consumpta, ad restitutionem non obstringitur, cum nullus addit restitutionis titulus, non injusta acceptio, quam locum non habere supponimus, non ex ipsa re accepta, quæ jam consumpta non amplius existit. Illud tamen animadvertendum; rem alienam etiam consumptam adhuc remanere posse apud possessorem bonæ fidei, non in se quidem, sed in æquivalenti; ut si vestem alienam, quam bonæ fidei putabas tuam, commutasti cum equo, vestis virtualiter in ipso equo subsistit; si alienum panem, & vinum consumpsisti parcens tuis, in his illa virtualiter subsistunt, unde factus es ditior alieno detrimento. In utroque casu possessor tenetur dominum compensare, vel aliud æquivalens restituendo, vel id, in quo factus est ditior. Quamobrem, si neque æquivalens habeat, nec in ullo factus est ditior, restituere non tenetur. Qui itaque rem alienam consumpsit, puta panem, vinum, oleum &c. nihil de suo consumptu-

K k k

pturus, nihil restituere tenetur; quia non est factus ditior: si vero æquale de suo absumpisset, tenetur rei pretium reddere. Si equo alieno iter habuisti parcens expensis subeundis in locando equo, hoc pretium pendere debes domino: quod si vel ab itinere abstinuisse vel pedibus iter peregrisses, nihil dare debes. Quod si res aliena consumpta longe potior fuerit re tua, cui pepercisti, non rei consumptæ pretium reddere teneris, sed solum valor rei tuæ, quam absumpisses, cum solum in hoc factus sis ditior. Qui itaque res alienas bona fide possessas in rebus voluptuosis insumpsit, puta lautius vivendo, familiam splendidius alendo, filios accuratius educando, quas expensas aliter non fecisset, ad nullam restitutionem adstringitur. Hujus doctrinæ veritas & ex ipsa naturali æquitate apparet, & in utroque jure statuitur: nam regula 49. in 6. dicitur; *locupletari non debet aliquis cum alterius injuria, vel jactura*.

IV. Qui rem alienam bona fide possidet, elapso ad legitimam præscriptionem tempore, legitimus rei dominus evadit, nec amplius ad restitutionem tenebitur, licet res in se existat; nam, ostendimus tract. 6. de Dominio cap. 12. §. 1. præscriptio legitimis munita conditionibus dominium in possidente confirmat. Quod si dubitare incipiat, num res sit aliena, licet, ut fusc ostendimus l. 1. cap. 13. Consect. 2. hocce dubium bonam fidem possessionis non abruptat, ac proinde non teneatur nec pro rata dubii rem restituere, sed retinere possit, donec vel veritas innotescat, vel tempus præscriptionis præterlabatur, interim tamen non potest rem consumere, sed conservare tenetur, & quamdiu veritatem inquirat, & donec præscriptionis tem-

pus finiatur, ut, si forte contingat detegi rem esse alienam, possit eam domino reddere. Quod si rem vel servare non possit, vel solit, poterit quidem absumere, & de ea disponere, paratus tamen animo, ut, si res detegatur aliena, ante tempus præscriptionis, domino suo illius pretium, vel æquivalentem restituat. Ratio est manifesta: nam in eo dubio periculo se exponeret rem alienam absque justo titulo consumendi. Titulus siquidem, quo rem possidet, ipsi dubiis evadit. Titulus præscriptionis nondum advenit. Solo igitur possidet dubio titulo, proinde in periculo versatur rem alienam injuste consumendi. Conservare itaque rem debet, vel animo paratus sit, oportet, ad legitimum dominum, si forte innotescat, pro re sua compensandum. Quod tamen verum est, si dubium possessioni cum bona fide inceptæ superveniat. At si dubium cum ipso titulo possessionis conjungatur, jam bonam fidem inficit: ut si quis rem emat, quam furto sublatam prudenter dubitat. Hic itaque, si rem illam emat animo eam domino restituendi, ne a fure absumatur, & a culpa immunis est, & domino beneficium præstat: quomobrem si vel casu fortuito, vel absque ejus culpa, sive lata, sive levi res pereat, ad restitutionem non tenebitur. Interim tamen rem servare debet, & diligenter rei veritatem inquirere, ac, si legitimum dominum reperiat, illi rem restituere debet. Et quidem si emit parvo, & tenui pretio, poterit hoc a domino petere, qui tenebitur ei refundere, cum utiliter ejus negotium gesserit, at si emat pretio æquali, vel fere æquali rei, tunc dominus non totum pretium debet refundere, sed quantum ad arbitrium viri prudentis videbitur mereri, qui rem domini uti-

litter redemit. Quod si dominum non delegat, jam possessor fit bonæ fidei, & rei dominium acquirit. Quod si dubium perseveret, res erit inter pauperes dividenda, pretio tamen pro rata dubii retento; cum hic locum non habeat regula, *melior est conditio possidentis*, quæ solis possessoribus bonæ fidei favet.

V. Quoad fructus vero rei possessæ, hi, si mere industriales sint, restituendi non sunt, sive exierint, sive consumpti sint; nam hi ejus industria, & labore percepti fuerunt: quamobrem ad ipsum pertinent. Quod commune est possessori etiam malæ fidei, qui, si ex pecunia furto ablata, vel ludo, vel mercatura aliquid lucratus fuerit, hoc perceptum lucrum non cogitur restituere. Quoad fructus vero naturales, si extant, eos restituere tenetur: si illos consumpsit in nihilo factus ditior, nihil restituere debet: si vero in aliquo factus sit ditior, hoc tantum, quo ditior factus est, debet domino rependere. Ratio primæ partis est: quia res domino suo fructificat, non possessori etiam bonæ fidei. Quod intelligendum est non de fructibus solum adhuc pendentibus, & quæ partes rei sunt, sed & de collectis, modo extant, deductis tamen expensis, & operis æstimatis in illis sive colligendis, sive servandis; immo & de illis quoque, quos fortassis dominus percipere neglexisset, cum semper sint fructus rei suæ. Ratio secundæ, & tertiæ partis & ex superius dictis patet, & legibus confirmantur. Nam L. 1. Cod. de petitione hæred. statuitur: *Bonæ fidei possessores fructus reddere cogendi non sunt, nisi ex his locupletiores evaserint*. De fructibus vero mixtis eos solum restituere tenetur, si extant, qui naturæ rei respondent;

qui vero industriae, illos sibi potest retinere. Quod si bonæ fidei possessor fructus ex sua negligentia, & culpa non percepit, unde non est factus ditior, puta agrum non coluit, nihil restituere tenetur; quia bona fide putans agrum esse suum, nulli, nisi sibi culpabiliter nocuit: immo si rem ita neglexit, ut perierit, & consumpta sit, non tenetur pretium reddere domino; nam prudenter judicavit rem suam esse, & se nulli nocere ejus consumptione. Fructus vero cujuscumque generis sint, cum inter mobilia comprehendantur, sub sunt triennali præscriptioni: quamobrem eo elapso termino, licet in se extant, non cogitur bonæ fidei possessor restituere.

CAPUT QUARTUM.

CONSECTARIA PRECEDENTIS
DOCTRINÆ.

- I. *Quando rem alienam restituere debeat possessor bonæ fidei.*
- II. *Quando solum id, in quo factus est ditior.*
- III. *Quid in rebus usu consumptibilibus, licet fur, possit restituere?*
- IV. *Non semper repetere potest integram compensationem expensarum.*
- V. *Nec omnes utilitates ex re aliena perceptas sibi retinere.*
- VI. *Num possit rem furi restituere, ut pretium recuperet.*
- VII. *Num, si rem alteri vendiderit, pretium acceptum debeat domino reddere.*

CONSECTARIUM PRIMUM.

- I. **P**OSSESSOR bonæ fidei rem aliquam apud se extantem restituere tenetur, sive possit alter eum compensare, sive non possit. Emissi bona fide equum

K k k

equum a fure, five hic possit pretium restituere, five non valeat, domino equum reddere debes; & solum tibi actio competit contra furem. Veritas hujus consectorii est de se manifesta, cum res semper clamer domino suo, & dominium rei non sit translatum: non enim amplius dominium potest quis in alium transferre, quem ipse obtineat. Porro fur nullum dominium obtinet in rem furtivam. Nequit igitur illud in alium transferre, quem ipse obtineat. Hinc contra justitiam peccant, qui rem alienam bona fide a fure emptam domino reddere recusant, nisi persolutum pretium recipiant.

CONSECTARIUM SECUNDUM.

II. Quando res usu consumptibiles quis a fure bona fide emit, vel consumit, si fur impotens sit ad restituendum, emptor, & possessor tam bonæ, quam malæ fidei rem extortam restituere domino tenentur: vel si consumpta sit, possessor bonæ fidei solum illud restituere debet, in quo factus est ditior, malæ vero fidei possessor totum rependat, oportet. In hac doctrinam conveniunt Theologi omnes, & res est de se comperta. Nam si res extat, clamat domino suo: si vero consumpta sit, cum remaneat in æquivalenti, idest in eo, quo alius factus est ditior, pariter hoc restituendum est, ne quis ditetur alieno damno. Quod si in hoc æquivalenti non supersit, adhuc possessor malæ fidei totum restituendum tenetur, cum reus sit furti, ut dicemus in sequentibus.

CONSECTARIUM TERTIUM.

III. Si fur rei consumptibilis venditor, habeat unde possit dominum compensare, nihilominus res; si extat, debet a possessore bonæ fidei restitui; vel, si consumpta sit, id, in quo factus est ditior, dandum domino: a

possessore vero malæ fidei restituendum totum pretium. Rem exemplis illustro. Emissi vinum, triticum, oleum a latrone, accepisti ab eo furtivam pecuniam pro tua re illi vendita, vel convivio, aut cœnæ de rebus furtivis instructæ interfuisti, tantumdem in domo tua consumpturus, teneris domino pretium reddere; licet fur habeat aliud vinum, aliud oleum, triticum, pecuniam, per quæ possit domino compensare, five possessor sis bonæ, five malæ fidei: hoc solum posito discrimine, nimirum possessorem bonæ fidei ad id solum, in quo factus est ditior, alterum vero ad totum integre restituendum obstringi. Et quidem doctrinam hanc absolute veram puto in possessore malæ fidei, quippe qui furi ipsi æquiparatur, & in solidum cum ipso ad restitutionem tenetur, five fur habeat, unde restituere possit, five non habeat, cum ex duplici titulo ad restitutionem urgeatur, nimirum & rei acceptæ, & injustæ acceptionis. Quamobrem non essentior Salmaticensibus, & Concina, qui in hoc pares faciunt tam possessorem bonæ, quam malæ fidei. At quoad possessorem bonæ fidei eam inficiantur nonnulli Theologi his permoti argumentis. Quia non magis sunt restitutioni obnoxie res usu consumptibiles, quæ apud furem adhuc extant, quam sint illæ, quas distraxit, vel infamendas dedit: sicut enim poterat priores dare, ita per illas potest restituere. Qui ergo a fure bona fide emit oleum, vinum, triticum, non tenetur restituere; cum fur alio vino, oleo, tritico apud se existentibus possit restituere. Et revera ipse dominus jus non habet repetendi a fure rem eamdem numero, sed vel res similes, vel ejusdem valoris. Porro res similes, ejusdemque valoris sunt apud furem. Ergo illæ ob-

noxie erant restitutioni; proinde possessor bonæ fidei ad furem remittere poterit dominum pro compensatione.

At alii distinguunt, & animadvertendum jubent, Num fur eas res usu consumptibiles, quas vendidit, vel insuendas dedit, a suis separatas habuerit, an immiscuerit, & pari pacto num possessor bonæ fidei res easdem emptas cum suis miscuerit. Si nulla ex parte facta sit commixtio, cum res sit omnino eadem, clamat domino suo; & hic jus habet eam repetendi a quocumque possessore; quamobrem etiam a possessore bonæ fidei est restituenda. Si vero ab utroque, vel alterutro facta sit commixtio, cum per eam sint totius accervi domini, jam fur non amplius rem alienam, sed suam vendit cum onere compensandi dominum; & pari pacto, qui emit, jam non amplius rem alienam habet, sed quæ in ejus dominum transit per commixtionem,

Verum primæ opinionis argumenta nimis imbecillia sunt, ut vel tenuem probabilitatem inferre possint. Nam res istæ usu consumptibiles, quandiu in se ipsæ existunt, semper domino suo clamant, & ipsæ per se sunt restitutioni obnoxie; eapropter semper primo, & per se restituendæ, apud quemcumque existant possessorem. Et licet absolute possint per res æquivalentes restitui; tamen & dum in se existunt, a vero domino, nedum in æquivalenti, sed & in individuo repeti possunt; & semper ad ipsum non solum in specie, sed & in individuo pertineat, ad quem incessanter reclamant, qui jure suo minime spoliatur per hoc, quod possit in æquivalenti ipsi satisfieri per alias res similes. Immo hoc debium restituendi, saltem in æquali jus evincit domini in

res ipsas sibi furto ablatas.

Altera vero sententia, quæ probabilior P. Danieli Concina, licet non omnino tuta, viderur, mihi, ut ingenue fatear, vix probabilis apparet in omnibus rebus usu consumptibilibus, una excepta pecunia, & quidem non solum argumentis a laudato C. V. allatis ad ostendendum turam non esse, sed aliis meo videri validissimis. Nam factentibus Theologis hujus doctrinæ propugnatoribus, & præcipue Salmanticensibus; si fur restituere non possit, possessor bonæ fidei vel rem usu consumptibilem, si extet, restituere tenetur, vel id, in quo factus est dñior. Sic enim scribunt n. 43. „ Si enim alium „ de fur sit impotens ad reddendum, „ nulli dubium est te teneri ad rem „ reddendam, si extet, vel id in quo „ dñior factus es: & loquimur in foro „ conscientie, quidquid sit de foro ex- „ terno “. At quare, posita impotentia furis, est a possessore restituendum? Profecto quia nec fur dominium obtrahit, nec possessor bonæ fidei. Ergo in hoc casu impotentie furis per commixtionem non est translatus dominium vel in furem, vel in possessorem bonæ fidei. Nam alioquin hic nullo modo esset ad restitutionem adigendus; cum & rem in dominium furis jam translata accepisset, & ipse per commixtionem in suam transtulerit dominium. Quo igitur miraculo sit plena translatio domini rerum usu consumptibilium, quando fur potest restituere, & non sit, quando est ad restituendum impotens? Profecto hæc, siue potentia, siue impotentia nihil conferre ad dominium transferendum: sed hoc unum præstat, videlicet posse possessorem bonæ fidei compensationem accipere

pere a fure habente in bonis, quam sperare non valet ab egeno ad id solvendum inepto. Præterea: vel onus restitutionis est furi personale, vel reale. Si solum personale, profecto non transit ad possessorem bonæ fidei, siue fur sit potius ad restituendum, siue impositus: si vero reale, profecto transeat, oportet, & in illum, qui rem restitutioni obnoxiam obtinet etiam bona fide, siue fur sit ad reddendum aptus, siue ineptus. Porro concedentibus Salmanticensibus, & omnibus Theologis, restitutionis onus incumbit accipienti rem a fure. Ergo hoc onus reale est, & rem ipsam afficit. At obligatio realis rem ipsam sequitur, in quacumque manus deveniat: igitur qui eam rem habet in se, vel in æquivalenti, restitutioni sit obnoxius, siue fur idoneus sit ad restitutionem, siue ineptus. His addantur argumenta P. Concinae, nimirum non clare apparere, qua ratione permixtio possit dominum spoliare suo jure, & res vera in cumulo illo simul cum rebus furis continentur & res domini, quæ licet admixtæ adhuc clamant domino suo, qui per eam confusionem, & commixtionem jure non privatur vero & reali, quod obtinet in partem illius cumuli.

Dixi tamen hanc doctrinam veram esse in omnibus rebus usu consumptibilibus, excepta pecunia, quæ quidem si nec a fure, nec ab accipiente cum suis commixta sit, restituenda omnino est domino vero, & legitimo: at facta commixtione, per quam ab alia discerni non valeat, puto in dominium transire possidentis, qui, si fur sit, illam expendere potest valide cum onere restituendi: si vero sit possessor bonæ fidei, ad restitutionem minime tenetur.

Rationes hujus exceptionis attulimus Tract. de Dom. cap. 11. Confess. 3. ibidem legendæ.

CONSECTARIUM QUARTUM.

IV. Possessor bonæ fidei a domino omnium expensarum compensationem non semper repetere potest. Explicatur. Expensæ, quæ pro aliqua re fieri contingunt, in triplici classe collocari possunt. Aliæ enim sunt omnino necessariæ ad rem conservandam, vel fovendam, ut pabulum animalibus, agris cultura, domibus restitutio, & quæ ut dicitur L. 79. ff. de verb. signif. *si factæ non sint, rei aut peritura, aut deterior futura sit*. Et hæc omni jure possessori bonæ fidei (immo & possessori malæ fidei, ut dicemus) sunt a domino compensandæ, & si opus sit, in restitutione detrahendæ; cum æquum non sit, ut dominus ex alienis laboribus, & impensis, commodum reportet, & ditescat. Expensæ vero, sicut & labores, quibus res melior effecta est, sunt possessori bonæ fidei restituendæ a domino, cum aliqua tamen limitatione. Nimirum 1. si expensæ meliorationem excedant, tunc non omnes expensæ reddere debet, aliquin rem suam carius emere dominus cogeretur; sed eas tantum, quæ meliorationi, & utilitati inducæ respondent, vel quantum labor, & industria æstimatur. 2. E contra, si melioratio, seu utilitas inducæ expensas excedit, ut plerumque contingit, non pretium meliorationis, & utilitatis inducæ compensare dominus debet, sed solum vel expensas factas, vel pretium respondens labori, & industrie: nam melioratio illa ad dominum pertinet, cujus utilitate, vel detrimento res sua siue melior, siue deterior efficitur, ut habetur L. in fund. ff. de rei vend. 3.

Si

Si dominus beneficium meliorationis, & utilitatis vel absque ullo impendio, vel minori impendio per se obtinuerit, tunc non teneretur, nisi illas refundere expensas, quas ipse fecisset: non enim teneretur emere pretio magno, quod nullo, vel modico pretio per se obtinere potuisset: & possessor bonæ fidei, si quando cogitur totum damnum rei sustinere, ut si quis gemmam a fure ignoto bona fide emit, quam postea domino restituere debet, pretii totius damnum sustinere debet, mirum non est, si & aliquando damnum aliquod expensarum subeat, quas dominus vel minores subiisset, vel omnino non subiisset. 4. Si possessor bonæ fidei ex re aliena tantum utilitatis, & fructuum percepit quantum expendit, nihil pro expensis pergere poterit; quippe qui illarum jam compensationem in fructibus est consecutus: quod si ditior factus sit, quia amplius lucratus, quam expendierit, hoc amplius, in quo ditior factus est, debet domino restituere. 5. Si possessor bonæ fidei in re melioranda expensas fecerit, licet hæc melioratio non existat, eas a domino poterit repetere, cum bona fide factæ sint, & in utilitatem domini: & sicut ipsi accrevisset melioratio, licet pretium expensarum longius excesserit, perfoluto meliorationis pretio; ita ipsi pereunt simul cum pretio meliorationis: quod tamen non conceditur possessori malæ fidei, ut statuitur L. 38. ff. de Hæred. pet.

Quoad expensas vero voluptuarias, ut sunt picturæ, statux, alique ornamenta in domo, aut viridario alieno facta, si auferri, & separari possunt a re, ea omnia auferre poterit, & sibi vindicare possessor tam bonæ, quam malæ fidei, cum sua sint, & ad ipsam

pertineant. Si vero auferri non possint sine fundi, vel rei læsione, possessor quidem malæ fidei damnum sentire cogitur, quippe qui injuriam fecit in re aliena manum immittendo; licet in utilitatem: quod & ad possessorem bonæ fidei extendunt Theologi, sed alia de causa, quia scilicet non tenetur dominus sumptus, nulla re urgente, sed voluptatis causa factos, quos ipse certe non subiisset, persolvere, ut statuitur L. 27. ff. de negotiis gestis. Nihilominus, legibus æquitatis inspectis, putarem rem judicio prudentum, & piorum transigendam, ne dominus commodum sentiat, & utilitatem ex alieno damno, & possessor bonæ fidei expensarum in re, quam suam putabat, factarum detrimentum sentiat: quod tamen possessori malæ fidei non censeo concedendum, ut inferius ostendam.

CONSECTARIUM QUINTUM.

V. Possessor bonæ fidei nec omnes utilitates ex re aliena perceptas domino restituere cogitur, nec omnes sibi retinere potest. Explicatur. He utilitates seu fructus vel sunt aliquo modo naturales, & de his Regulæ sunt servandæ, quas statuiamus cap. præced. n. 5. vel sunt fructus mere civiles, minimi qui non ex ipsa re sponte fluunt, sed sine ipsa haberi non possunt, ut lucrum ex pecunia, locatio domus, venditio cum lucro, & similia. Quamobrem si hæc utilitates, sive fructus civiles solum ex mera possidentis industria proficiantur, eos domino reddere non tenetur possessor; ut de fure ex alienæ pecuniæ negotiatione lucrante loc. cit. diximus. Pari pacto, si quis sericum a fure bona fide emit, ex quo vestem confecit, non vestem restituere tenetur, sed sufficit, si pretium serici domi-

domino persolvat. At si hæc emolumenta partim ex industria proficiantur, partim ex re aliena, possessor bonæ fidei illud solum repetere potest, quod suæ respondet industriæ, licet emolumentum perceptum longe sit copiosius. Hinc qui alienam domum bonæ fide locavit, locationis pretium restituere debet domino, qui eam locare consueverat: hoc enim habetur tanquam fructus civilis, immo & naturalis ipsius domus. Quid autem, si dominus eam locare non consuevisset, sed alteri gratis concedere, immo si res ipsa locabilis non erat penes dominum, ut sunt gemmæ, & anuli alicujus nobilis matronæ, tenebitur ne possessor bonæ fidei pretium locationis reddere? Inficiantur nonnulli Theologi, qui putant tunc locationem fructum esse industriæ possessoris bonæ fidei. Verum opposita opinio probabilior, immo unice vera videtur. Nam 1. nullam locatio industriam postulat, vel certe exiguam. 2. Res istæ de se locabiles sunt, & earum locatio independentem a quacumque persona locante pretio est æstimabilis: est igitur fructus saltem civilis rei, & proxime ad naturalem accedit: est ergo restituentus domino a possessore bonæ fidei: si vero non extet, id in quo factus est ditior. Nec refert, quod dominus rem illam locare non consueverit: immo turpe sibi putaverit eam locare. Nam adhuc semper verum est, rem esse pretii locabilem, & pretium ex ipsa rei utilitate manare; eapropter ad restitutionem tenebitur. Pari pacto, qui rem a fure bona fide emit, sed villiori pretio, si postea carius vendat, excessum pretii non sibi semper retinere potest. Nam si pretii incrementum totum ex industria profuxerit venditoris, totum in illius cedit utilitatem:

verum si pretii incrementum partim ex ipsa re, partim ex industria exortum est, tunc possessor bonæ fidei pretium quidem suæ respondens industriæ sibi retinere potest, vel a domino exigere, at incrementum rei domino restituere debet. Rem exemplo illustro. Emisti bona fide equum a fure in loco, ubi propter equorum abundantiam, vel emptorum paucitatem minoris æstimantur equi, puta viginti aureis; deinde alio equum transfulisti, ubi ob equorum caritatem, & emptorum abundantiam plurimi penduntur, quare equum viginti aureis emptum vendis sexaginta: hoc incrementum non inegre tibi retinere potes, sed solum quantum expensis in alendo, transferendoque equo, & tuæ industriæ respondere judicio prudentum censetur. Ratio luculentissima est, quia licet industriæ tuæ fuerit, ut equus ad talem locum transferretur, ubi carius venduntur equi; quod tamen inibi equi carius vendantur, non tua præstat industria, sed ipsa natura ea, quæ eo in loco plurimi æstimantur, independentem a quacumque industria, & alia extrinseca de causa, raritate scilicet equorum, & abundantia emptorum. Solum igitur tibi retinere potes æstimationem expensarum in equo transferendo, & quantum tuæ industriæ responderet, & labori. Præterea: res, ubicumque sit, est domini sui, illi proinde valet, quantum inibi æstimatur, sive tanti valuisset in manu domini, sive non valuisset; cum omne rei incrementum, sive intrinsicum, sive extrinsecum semper domino suo accedat, licet illud dominus non percepisset: & solum sunt deducenda expensæ, & pretium laboris ob illud incrementum suscepti. Et re vera, si equus ille, sive res alia quæcumque in manu possessoris bonæ fidei

vel

vel perisset, vel deterior evasisset, licet hoc damnum, vel detrimentum non subisset in manu domini; quippe, damnum illud, vel detrimentum in ipsum dominum incidisset, quod bonæ fidei possessor facere non teneretur? Ergo ex opposito æquum est, ut dominus beneficium sentiat meliorationis, & incrementi, & solum onus subeat compensandi laborem, induitiam, & expensas possessoris bonæ fidei. Ita sentiunt Henricus a S. Ignatio, alique Theologi.

CONSECTARIUM SEXTUM.

VI. Qui rem alienam bona fide dono accipit, eam restituere domino suo tenetur. Si vero pretio emit, & certus moraliter sit, rem a fure restituendam domino, vel ipsum dominum nullo negotio rem suam a fure recuperaturum, & ipse nequeat pretium a latrone recipere, nisi illi rem restituendo, potest rescindere contractum, & pecuniam suam recuperare: si vero noverit furem non restitutum rem domino, non potest rescindere cum fure contractum, ut pretium suum recuperet, sed rem domino suo restituere debet. Prima pars est de se comperta, & omnium consensione firmatur: cum & res illa ad dominum suum clamat, & nemo debeat alieno damno discedere. Altera quoque pars manifesta est: nam non fit injuria domino, qui rem suam recuperabit; & ipse innocens emptor pretium persolutum recipiet, nec damnum ex aliena iniquitate reportabit. At tertia pars subest disputationi. Et quidem magni nominis Theologi, Navarrus scilicet in Manuali, Sylvestri, Angelus, Vasquesius, Alensis, alique censent, posse bonæ fidei emptorem, nisi aliter persolutum pretium valeat, recuperare,

Patuzzi Theol. Moral. Tom. V.

rem furi restituere, licet noverit ab illo nequaquam domino restituendam, his permoti argumentis. 1. Nullam intulit domino injuriam emptor bonæ fidei emendo; potest igitur sine ulla injuria rem in eum restituere statum, in quo ante emptionem reperiebatur, ut ipse suum evitet detrimentum. 2. Revera nemo tenetur cum proprio damno rem alterius in meliorem statum constituere, ut contingeret, si emptor bonæ fidei cogeretur non recuperato pretio rem domino restituere: hic enim rem suam tuto consequeretur, quod sperare non poterat, si in manu furis permanisset. 3. Certe dominus non potest esse huic restitutioni in manu furis rationabiliter invitus: nam sicut ipse jus habet in rem suam, ita emptor jus in pretium furi persolutum. Sicut igitur rationabiliter dominus exprocat rem sibi restitui; ita pati debet emptorem persolutum pretium sibi vindicare, rem in pristinum, in quo erat, statum restituendo. 4. Presertim cum contractus ille nullus fuerit, proinde tanquam infectus habendus, & res, ut antea erat relinquenda: ante contractum penes latronem erat: illi igitur restitui poterit absque ulla domini injuria. Hanc tamen doctrinam nonnulli limitant, nimirum si restitutio rei furi fiat mox, vel paulo post celebratum contractum, non vero post multum temporis, puta post mensem, vel annum.

Verum opposita, quam statui, doctrina, & ipsis fatentibus adversariis, probabilior est, ac proinde sola in praxi tenenda, eamque docent Cajetanus, Soto, Medina, Major, Molina, & ut scribit Reiffenstuel Juris Can. Tom. 3. lib. 3. tit. 16. n. 105, ac Covarruvias, frequentissimo Theologorum, & Canonistarum consensu recepta est. Et sane firmiter
L 11
simis

Amis nititur argumentis . Primo quidem conformis est doctrinæ S. Tho. qui 1. docet 2. 2. q. 62. art. 1. *Restituere nihil aliud esse, quam iterato aliquem statuere in possessionem, & dominium rei sue.* Deinde 2. loco docet art. 6. *Ratione rei accepta possessorem teneri eam restituere, quandiu eam apud se habet; quia quod habet ultra id, quod suum est, debet ei subtrahi, & dare ei, cui desit, secundum formam commutative iustitie.* Quod & reperit in resp. ad 1. scribens: *Tenetur ad restitutionem & ille qui rem abstulit ratione injuriosa acceptionis, & ille, qui rem habet, ratione ipsius rei.* Ex mente igitur, & doctrina S. Tho. aperte constat, possessorem rei alienæ, quocumque titulo eam obtinuerit, teneri domino restituere, non alteri, & legitimum dominum in possessionem, & dominium statuere rei sue. At qui rem a fure emptam non domino, sed furi reddit, ut suum recuperet pretium, non statuit dominum in possessionem rei sue. Injustitiam ergo committit, & restitutioni est obnoxius . 2. Res aliena, in cuiuscumque manum deveniat, clamat domino suo, non alteri: res a fure empti in manus venit emptoris: in his igitur ad dominum suum clamat, non ad furem: est igitur non huic, sed illi restituenda . 3. Si dominus re sciens emptorem, & possessorem rei sue, illam ab eo exposceret, possessor, & ipsi fatentibus adversariis, nequiret amplius rem furi restituere, sed domino potenti deberet reddere, sicut & ad eam restituendam a iusto iudice cogeretur . Ergo tenetur restituere, licet dominus & emptorem, & possessorem nesciens, non petat, vel petere non possit; cum hæc domini pulsatio per accidens se habeat ad onus restitutionis, quæ non ideo est facienda, quia

a domino depositeur, sed quia ex ipso iure oritur, quod dominus habet in rem suam . 14. Et revera, si emptor bonæ fidei ius legitimum haberet ad suum damnum vitandum, rem restituendo iniusto venditori, hoc iure uti posset etiam ipso domino sciente, & contradicente; immo iuste non posset a iudice hoc legitimo, quo fruitur, iure spoliari; at oppositum & ipsi fatentur adversarii, & experientia certo constat, iudices jubere, ut res domino restituantur. Ergo emptor bonæ fidei hoc jus non habet se servandi indemnem, rem furi restituendo, ut suum recuperet pretium . 5. Si res furi venditori reddi non possit, quia absens est, vel mortuus; licebit ne emptori bonæ fidei rem alteri vendere, ut suum recuperet pretium? Minime, reponunt & ipsi adversarii. Ergo jus non habet ad suum recuperandum pretium, quo si gauderet, utique culcumque rem vendere posset: & sicut mors, vel absentia latronis jus adstruunt domini rem suam repetendi a possessore; ita præsentia latronis hoc jus non tollit, nec minuit, quippe quæ extranea omnino est debito restitutionis . Est ergo res domino reddenda, non iniusto venditori .

Nec adversantium Theologorum argumenta eorum doctrinam probabilem efficiunt . Nam ad 1. respondendo, fatemur emptorem bonæ fidei nullam domino sua emptione injuriam itrogasse; eapropter ad restitutionem non teneri ex iniusta acceptione, sed ex ipsa re accepta, quandoquidem . statim ac in ejus manus devenit, clamat domino suo, etiam in eo meliori statu, quo per emptionem constituta est: qui statim cum ipsi rei adhiereat, ab eo de jure non potest sine injuria domini: ut si quis rem naufragio, vel incendio erep-

tam,

tam, recusaret domino restituere, quia hic præmium sui laboris, & industria illi denegat, & vellet iterum eam in mare, vel in ignem projicere, dicens, se rem restituere in primum, in quo erat, statum. & a quo ipse sua industria, & labore eripuit; profecto hic injustitiam patrarat: ita pari passo agit, qui rem furi reddit, domino non restituendam. Ad 2. res semper vel melior, vel deterior efficitur domino suo; melior itaque effecta est, cum devenit in manus emptoris, quam quando erat in manu furis: in hoc igitur meliori statu clamar domino suo, & est illi restituenda. Dum igitur illam furi restituere intendit, ut pretium recuperet, ab illo meliori statu eam dejicit, in quo domino suo clamabat. Nec valet, quod dicitur, neminem teneri cum suo damno rem alterius in meliori statu constituere. Nam optime respondet Molina disp. 722. n. 3. „ Aliud esse, possessio-
 „ rem bonæ fidei perducere rem ad
 „ meliorem statum, quam esset, an-
 „ tequam illam emeret; aliud longe
 „ diversum, extrahere illam de statu,
 „ ad quem jam usu, & re ipsa deve-
 „ nit. Et quidem ad primum nemo
 „ tenetur cum suo gravi damno, sive
 „ incommodo: cujusmodi foret, si fa-
 „ ciendæ essent expensæ, & subeundi
 „ labores, ut dominus posset suam rem
 „ recuperare, quas ipse postea non ef-
 „ fet soluturus. At secundum vero tene-
 „ tur, nihil impediens, quod inde per-
 „ accidens sequatur aliquod suum dam-
 „ num ex malitia alterius. Neque enim
 „ præjudicare potest juri, ac commodo
 „ domini rei, ut se protegat a damno,
 „ quod ipsi malitia alterius immineret.“
 Ad tertium minime dominus juste pati
 debet, ut cum jactura rei suæ alter
 pretium recuperet, rem furi restituen-

do: sed jure exigere valet, ut res sibi
 restitatur ab emptore bonæ fidei, cui
 liberum jus relinquit repetendi pretium
 a fure. Ad quartum nullitas contractus
 efficit, ut rei alienæ legitimum non sit
 translatum dominium, proinde jus ha-
 beat emptor repetendi pretium ab in-
 justo venditore, etiam re illi minime
 reddita: at non impedit, quo minus
 res de manu furis in manum transierit
 emptoris, qui eam domino, legibus
 justitiæ ita poscentibus, tenerur, non
 furi, restituere cum injuria, & detri-
 mento domini.

Nec probabilis est habenda Lacroixii
 doctrina, asserentis non licere quidem
 domino rem furi restituere, sed permi-
 ttere posse, ut fur rem alienam vendi-
 tam sibi recipiat, ut ipse suum recu-
 peret pretium. Nam hæc permissio non
 videtur, nisi verbo tenus, ab ipsa re-
 stitutione differre; immo est ipsa resti-
 tutio fuco permissionis oblita. Liben-
 tius acquiesco doctrinæ Molinæ, & Co-
 varruvias, & Reiffenstuel, asserentium
 emptorem bonæ fidei, qui rem alienam
 a se emptam injusto venditori restituit
 recuperato pretio, putans id sibi lice-
 re, non teneri ad restitutionem domino
 faciendam, licet inde ipsi domino dam-
 num sequatur, qui rem suam a fure
 recuperare non potest; cum nullus hic
 appareat justus titulus ad restitutionem
 adstringens: non titulus injustæ accep-
 tionis, quia bona fide emit; non injus-
 tiæ, vel justæ derentionis, cum rem
 amplius non possideat; non damni illa-
 ti, quia bona fide processit; non de-
 nique quia factus sit ditor, cum so-
 lum perfolutum pretium accepisse sup-
 ponatur.

CONSECTARIUM SEPTIMUM.

VII. Qui rem alienam bona fide emit, ac deinde alteri bona pariter fide vendidit, pretium, detecto legitimo domino, vel emptori, vel domino rei restituere debet. Hanc propositionem non nulli inficiantur Theologi, qui docent, tunc nec emptori, nec domino ad restitutionem teneri, nisi factus sit ditior: quia, inquit, non tenetur ex re accepta, quam apud se non amplius habet; non ex injusta acceptione, cum bona fide emerit; quod si in venditione lucraus sit, debet domino hoc lucrum per quod factus est ditior, restituere. Verum hæc opinio mihi falsa videtur. Nam si emptor rem restituit domino, tunc jus habet repetendi a venditore pretium, quippe qui, cum rem alienam vendiderit, de eversione tenetur. Obstringitur ergo pretium restituere emptori. Nec sufficit, si illi actionem cedat, quam habet in primum injustum venditorem: quandoquidem cum illo nihil ille negotii habet, vel habuit. Immo puto hanc sententiam confirmari posse doctrinâ S. Thom. qui 2. 2. q. 77. art. 2. loquens de defectibus rei venditæ vel in specie, vel in qualitate, aut quantitate, docet quod *si venditore ignorante aliquis prædictorum defectuum in re vendita fuerit, venditor quidem non peccat, quia facit injustum materialiter, nec ejus operatio est injusta: tenetur tamen, cum ad ejus notitiam pervenerit, damnum recompenfare emptori*. Porro, quando rem alienam bona fide vendis, defectum essentialē rei; nimirum quod sit aliena, non tua, ignorans, & quidem invincibiliter, quamobrem a culpa es immunis, facis enim injustum materialiter; at detecto in re vendita essentiali defectu, nimirum quod sit alie-

na, proinde omnino inutilis emptori, qui eam domino reddere debet, juxta S. Thom. damnum recompenfare teneris; quod profecto non alio præstari potest modo, nisi pretium restituendo. Et revera sic docent Salmaticenses, quando emptor damnum sit passurus ob rem domino restitutam, vel restituendam. At subdunt, si emptor nullum sit passurus damnum, quia nimirum, cum longius abest, ab eo dominus, rem repetere nequit, non tenetur venditor domino pretium reddere, quia & bona fide vendidit, & in nullo factus est ditior. Sed oppositum probabilius mihi videtur, & censeo venditorem ad pretium domino reddendum teneri, & quidem titulo rei acceptæ, quæ, licet in ejus non sit potestate in se ipsa, est tamen in æquivalente, idest in pretio pro re aliena vendita accepto; nam hæc duo, res, & ejus pretium pro eodem reputantur. Ita Juveninus, cui accedit & Concina, qui merito tanquam inefficacem reputat rationem, & doctrinam Salmaticensium, affirmantium ad nihil teneri venditorem, si emptor in longinquas regiones digressus non cogi possit ad rem domino restituendam; cum adhuc pretium rei apud venditorem existens loco ipsius rei ad suum dominum clamet.

Sed quid, si emptor rem alienam sibi venditam tibi venditori non restituat, cum possit, sed legitimo domino, & per hoc impediat, ne tu pretium a primo injusto venditore recuperes? Poteris ne illi pretium, quod a te peti, denegare? Affirmant Lessius, Bonacina, alique. Verum non audeo huic opinioni adhærere, nisi aliqua interveniat injusta actio, quæ tibi sit damno, cujusmodi certe non est restitutio rei legitimo domino. Quod si ex hac justa, & æqua

situtione proveniat amissio tuæ pecuniæ pro pretio solutæ, hoc non ex culpa profluit emptoris, qui, quod iustum est, præstitit, sed ex malitia primi iniusti venditoris, qui forasisti tibi pretium denegat, nisi rem ab ipso furto ablatam recipiat, quam cum sciat domino redditam ab emptore tuo, certo novit sibi a te dari non posse. Et hæc furis iniquitas innocentis emptori tuo nocere non debet; nec quia tu injuriam a fute recipis, injuriam innocentis rependere debes, & injustitiam committere illi denegando, quod debes. Quod si aliqua interveniat iniusta actio præter traditionem rei domino, qua impediaris tuum pretium consequi, non tibi denegatur facultas repetendi compensationem damni, a quocumque illud tibi fuerit illatum.

CAPUT QUINTUM.

De restitutione facienda a possessore mala fidei, tum ratione rei acceptæ, tum iniusta acceptionis.

DOCTRINA.

- I. Quinam dicantur mala fidei possessores.
- II. Quid debeant restituere. 1. Rem alienam, vel pretium ejus.
- III. Res aliena in manu iniusti possessoris ipsius bono non augetur, sed ipsius detrimentum minuitur.
- IV. Qui tenetur restituere in meliori statu.
- V. Quale pretium rei aliena reddere debeat.
- VI. Quos fructus, & emolumenta reddere, & compensare.
- VII. Quas expensas perdere, & quas expetere iuste possit.

I. **M**ALA fide possidet tam qui rem alienam iniusta sibi usurpat

actione, quam qui bona fide, & honesto titulo occupatam, detecta veritate, sibi retinet: & sicut sunt in crimine ferme pares; ita sunt in restitutione facienda æquales. Primo itaque uterque possessor rem alienam, sive iniuste acceptam, sive iniuste retentam restituere tenetur, si extet, nec satis est, si pretium restituat: nam tunc restitutio transiret in emptionem; qui contractus sine consensu utriusque partis fieri nequit. Præterquamquod fortassis peculiariter affectus erga rem suam cam minime vel vendere, vel commutare dominus voluisset; & res semper clamat domino suo. Non inficior tamen, aliquando contingere posse, ut quis sine gravi culpa non rem ipsam, sed ejus pretium restituat; quod ex peculiaribus circumstantiis est dijudicandum.

II. Si vero res non extet, ejus valor est domino rependendus, sive res pene iniustum possessorem perierit ejus culpa, sive etiam ex solo fortuito casus nam ratione injuriæ sit, domino obnoxius pro re sua, quam illi semper restituere debet, vel pretium ejus; ut docet S.Th. l.l. q.62. a.6. scribent: *Tunc tenetur ad restitutionem non solum ratione rei, sed etiam ratione injuriosæ acceptionis, etiamsi res ipsa apud ipsum non remaneat. Sicut enim qui percussit aliquem tenetur compensare injuriam passæ, quamvis apud ipsum nihil maneat, ita etiam qui furatur, vel rapit, tenetur ad compensationem damni illati, etiamsi nihil inde habeat. Quod verum est, licet res casu fortuito peritura fuisset etiam apud dominum; ut si quis pretiosas supellectiles domus incendio absumendas eripiat, & sibi attribuat, licet postea alio incendio, vel casu fortuito apud ipsum pereant, ad pretii restitutionem cogentur. Nam rei alienæ occupatio in proprium*

prium commodum facta, cum injusta sit, onus secum semper affert restitutionis, a quo minime liberatur injustus possessor, licet res ipsa pereat; sed sue iniquitati adscribere debet rei alienæ perditionem. Quod si rem alienam incendio, vel naufragio subtrahas animo eam domino restituendi, sed postea casu fortuito apud te pereat, quæ tamen apud dominum non periisset; adhuc rei pretium restituere teneris, si fueris in mora culpabili restitutionis: nam effectus es per hoc injustus alienæ rei detentor, quam domino suo, statim ac opportune poteras, restituere tenebaris: at si nulla interfuit mora culpabilis, ad restitutionem minime teneris, cum injusta non fuerit acceptio, & res, quæ fortuito casu perit, domino suo pereat.

III. Res aliena, in manu injusti possessoris, & detentoris quandiu existit, non in bonum ipsius crescit, augetur, melior efficitur, at in ipsius damnum decrescit, minuitur, deterior efficitur. Nam res semper domino suo crescit, sive extrinsece, sive intrinsece, cum semper sub ejus jure maneat. Quamobrem qui pullum equinum furatus est, qui crevit, & equus factus est ad cursum, & rhedam utilis, quare plurimi valet, debet illum in hoc statu restituere; ut docet S. Raymundus lib. 2. tit. de furtis §. 6. scribens: *Tenetur (fur) restituere rem . . . & si melioravit eam, pascendo forte equum, vel porcum furtivum, vel simile, non potest perire, vel retinere expensas*. Similiter qui vinum, aut oleum alienum abstulit, quando ob talium rerum copiam minoris æstimabantur, & modo ob carentiam plurimi penduntur, debet in hoc statu res eas extantes domino restituere; licet fortassis dominus nec ser-

vaturus fuisset pullum equinum usque ad provectiorem ætatem, & consumpturus, vel venditurus oleum, & vinum tunc temporis, cum minori pretio vendebatur: nam res semper domino suo crescit, fructificat, melior efficitur. E contra vero, si res in manu injusti detentoris vel pereat, vel deterior fiat, hoc in ejus dominium cadit. Ita docet laud. Auctor l. cit. §. 2. ubi sic scribit: *Quando mala fide emit, tenetur indistincte ad restitutionem, nec liberatur vendendo, vel alias alienando rem alteri, vel etiamsi res pereat morte, vel alio casu, vel sibi violenter auferatur, vel furtive subtrahatur, vel alio simili modo: & est ratio, quia furtum committit contrahendo rem alienam invito domino, & sur semper est in mora restituendi; unde nec pretium, quod dedit, poterit repetere ab illo, cujus res est, nec expensas, quas ibi fecit; & omnem utilitatem, quam ex illa habuit, tenetur restituere. Si restituit rem etiam deteriorem; quam ad ipsum pervenit, non liberatur, sed si aliquo tempore medio melior fuerit res, quam tempore emptoris, sive cum postea vendidit alteri, ejus quod plurimi fuerit, erit æstimatio facienda. Quamobrem juxta S. Raymundum, si rem in deteriori statu surripuisti, & deinde melior effecta est; at postea iterum est ad deteriorem statum reversa, in quo eam vel vendidisti, vel consumpsisti, restituere debes valorem secundum meliorem, quem habuit, statum: quod certe verum est, quotiescumque dominus erat rem conservaturus usque ad meliorem statum; vel detrimentum, quod apud furem passa est, non subiisset in manu domini: nam possessor malæ fidei tenetur de omni damno emergente, & lucro cessante domino ob injustam vel acceptionem,*

vel

vel detentionem. At si res a domino fuisset consumpta tempore deterioris status, in quo fur quoque rem vel vendidit, vel consumpsit, non videtur cogendus ad pretium restituendum juxta valorem rei in meliori, vel optimo statu consideratæ; cum restitutio sit facienda juxta mensuram illati damni, vel cessantis lucri. Porro in nostro casu non aliud est illatum damnum, nisi in valore rei, quem percepisset dominus, rem vel vendens, vel consumens in deteriori statu; & nullum illi cessasset lucrum, quippe qui, ut supponimus, lucrum nullum ex re sua expectasset dominus. Ergo juxta hunc valorem esset restitutio commensuranda. Quare qui pullum equinum abstulit, postea factum robustum, & iterum debilitatum, & claudum, debet domino restituere secundum illum statum, quem apud dominum obtinuisse: similiter qui vinum furatus est, quando minoris valebat, quod postea pretio crevit, & iterum decrevit, & tunc a fure vel venditum, vel consumptum fuit, sic pretium restituat, quod prudenter a domino percipiendum existimaret.

IV. Non ita tamen sentiendum puto, si injustus possessor, vel detentor rei alienæ eam in deteriori statu acceptam, & postea meliorem effectam vel consumat, vel vendat cum lucro; licet dominus non esset rem suam conservaturus, & ad meliorem statum perducturus. Repugnant nonnulli Theologi, inter quos Molina, & Layman censentes, non teneri restituere, nisi pretium rei, quando occupata fuit, his permoti argumentis. 1. Restitutio æqualis esse debet illato detrimento. Porro non aliud sensit detrimentum dominus præter privationem pretii, quod ex re in inferiori statu vel vendita, vel consum-

pta percepisset. Ergo hoc solum est ab iniquo possessore reparandum detrimentum. 2. Et revera majus illud lucrum, quod ex re per faciem meliorem effecta percipitur, fructus est industriæ, quod in ipsius utilitatem cedit, non domini, qui eam industriam apponere nec volebat, nec statuerat. 3. Qui mutuam accepit pecuniam, vel aliam rem usu consumptibilem, æquale restituere dicitur, licet vel moneta, vel alia res interim valore decreverit. Ergo idem dicendum & de nostro injusto possessore. Verum, quam statui, sententiam puto probabiliorem, & censeo restituendum valorem rei secundum meliorem illum statum, in quo a fure redacta postea vendita fuit, vel consumpta, his meo videri efficacioribus argumentis. 1. Nam res aliena, quoadusque existit in manu injusti possessoris, sicut domino suo inelamat, ita ipsi crescit, augetur, melior efficitur; quemadmodum & minueretur, & deterior fieret, nisi impediret injusti detentoris delictum, quod legitimo domino prodesset quidem potest, ac obesse omnino non debet. Incrementum igitur, & melioratio, quæ rei accrescit, domino accrescit. Ipsi igitur valor ipsi est attribuendus; cum valor rem ipsam sequatur, & loco illius sit. 2. Juxta S. Raymundum, immo & ut ipsum naturale restitutionis præceptum ostendat, injustus possessor semper est in mora culpabili restituendi; restituere etenim rem debebat & tunc temporis, quando rem meliorem effectum vel vendidit, vel absumpsit. Ergo, cum rem non habeat, illius pretium, & valorem restituere tenetur, qui respondere debet rei, non eum primo occupata fuit, sed cum vendita & consumpta; quia & tunc domino suo clamabat, & erat illi resti-

restituenda; nec sine iniustitia vel vendita fuit, vel consumpta. Argumenta autem adversantium Theologorum facile solvi possunt. Ad 1. enim dicimus, restitutionem esse faciendam non solum ad normam damni aliquo tempore illati, sed damni quocumque tempore domino obvenientis ob suæ rei iniustam detentionem. Porro detrimentum habuit dominus, quando res vendita, & consumpta fuit: tunc enim erat illi restituenda; & iniustus fuit, [qui restitutionem omittens rem distraxit, & absumpsit. Tunc temporis autem res melior effecta pluris aestimabatur, & revera pluris fuit dividenda. Ergo loco rei ipsius pretium illi debetur, & est pendendum, Ad 2. negamus incrementum illius rei esse fructum industriæ, sed ipsius rei apæ & natæ, si fervetur, ad illud incrementum obtinendum; & si quid est industriæ, hæc locum habet solum in tempore, quo venditur, cum nimirum melior effecta est. At tunc quoque ad dominum pertinere; & tunc quoque venditor est moræ culpabilis reus. Ergo totum pretium est domino reddendum. Ad 3. in contractu mutui cum legitime transferatur dominium, res suis dominiis crescit, vel decrescit, meliores efficiuntur, & deteriores; proinde ex his fortuitis casibus nihil repetendum, sed satis erit, si res in specie restituatur.

V. Quoad pretia vero rerum, a possessore malæ fidei consumptarum restituenda, hæc sunt ex variis circumstantiis dimittenda. Nam 1. desumitur ex valore ipsius rei, vel quando surripitur, vel quando absumitur: si enim fur rem pretiosam surripiat, quam postea vili vendit, vel cum inferiore commutat, valorem rei in se restituere debet; si vero rem furetur, quando mi-

noris valebat, & carius vendit, ut mox diximus, hoc majus pretium restituere debet. 2. Ex lucro cessante, & damno emergente: Sic qui pullum equinum furatur, & statim vendit, non vendendum a domo, nisi cum major, & robustior fuisset effectus, non satis facit, si pretium pulli restituat; sed, ut docet Auctor Op. 70. D. Th. attributi, debet *equi perfecti valorem reddere*, detractis tamen expensis necessario ab ipso domino subeundis ad equi conservationem, & non secundum quod in re valuisset equus, sed solum in spe, cum potuisset vel equus perire, vel deterior fieri, proinde ad prudentis viri arbitrium. Si res pretium habeant summum, medium, & infimum, non ad supremum cogendi sunt fures, nec infimo satisfaciunt, sed medium rependant, oportet; nisi ex circumstantiis argui possit, rem non nisi summo pretio fuisse a domino vendendam. Quæ doctrina tamen aliquibus jurisperitis fortassis non immerito displicet. „Cur enim, inquirunt, ullo favore hic sumus, rem prosequimur? Et cum recte sumus, num pretium exigere queamus, quando in gratiam alterius rem vendo, alias mihi non venalem; quare furi, qui rem invito abstulit, aliquid remittere debeam?“ Similiter qui rem multo ante ablatam restituere tenentur, debent pretium medium rei, quod tunc valebat, restituere. Quod si existimarent rem a domino conservandam diutius, & ad rempus restitutionis, juxta præsentem valorem facienda est restitutio. Pretii vero quantitatem requirere debent, si ignorent, vel ab iis, qui ex officio hujusmodi pretia in actis habere solent, vel a peritis, & æquis similibus rerum æstimatoribus.

VI. Quod fructus vero, malæ fidei pos-

possessor, vel detentor tenetur restituere fructus omnes; tum civiles, tum naturales, tum mixtos, siue extent, siue consumpti sint, quamvis per hoc non sit factus ditior; & quidem licet dominus ees non fuisset percipiturus: nam eo ipso, quod producti sint, ad rei dominum pertinent, cui soli res fructificat. Quod si iniustus possessor fructus non percipiat, quos percipisset dominus, ad illorum valorem compensandum tenetur. At si nec ipse dominus illos percipisset, puto non cogendum ad compensationem, cum nec ipse ex re aliena lucrum reportaverit, nec dominus ex iniusta occupatione detrimentum, ut decent Cajetanus, & Soto. At iniustus detentor, si antequam culpabilem moram incurrat, fructus ex re aliena perceptos consumat, solum illud tenetur restituere, in quo factus est ditior, cum tunc solum ex re accepta ad restituendum obstringatur. Compensare præterea tenetur omnia damna emergentia, & lucra cessantia, cum his dominum sua iniusta actione spoliatur, & privet. Quamobrem ad hæc reparanda tenetur, qui pecuniam negotiationi expositam, vel ad colendos agros, domum restaurandam, annonam opportune comparandam sepositam furripiunt, qui mercenarios, operariosque sua mercede fraudant, unde coguntur vel credito carius emere sibi necessaria, vel res suas oppignorare, unde viduum sibi, familieque comparent: sicut etiam qui artis instrumenta furantur, ut qui piscatoribus retia furripiunt, vel lacerant, hi enim non liberentur, si res restituant, sed necesse est, ut & damna compensent; solos fructus, quas industriales vocant Theologi, reddere non tenentur etiam male fidei possessores, ut superius di-

Patuzzi Theol. Mor. Tom. V.

ximus, cum hi ex sola illorum industria proficiantur.

VII. Num autem expensas iniustus possessor a domino repetere possit, & sibi in restitutione compensare, non consentiunt Theologi. Certe S. Raymundus loc. sup. cit. docet, nec necessarias expensas esse a fure pro re surtativa mala fide empta repetendas; sic enim scribit: *Quando mala fide emit... nec pretium, quod dedit, poterit repetere ab eo, cujus res est, nec expensas, quas ibi fecit.* Immo in libello Synodico Ecclesiæ Nemurenensis edito anno 1284. apud Natalem Alexandrum lib. 4. de Decal. cap. 9. art. 4. reg. 22. sic tit. de Pœnitentia statuitur: *Tenentur ad restitutionem omnes illi, qui scienter rem raptam, vel alienam emerant cum mala fide, scilicet animo eam sibi retinenda, nec taliter mentes possunt recuperare, seu repetere pretium, quod dederunt pro ipsa, nec possunt recuperare, seu retinere expensas si quas fecerunt, ipsam rem custodiendo, vel meliorando, et hoc propter malam fidem, quam habuerunt emendo.* Nihilominus tamen penes omnes conveniunt, expensas necessarias, sine quibus res servari non poterat, & quas dominus ipse necessario subiisset, esse possessori etiam malæ fidei compensandas; cum nemo debeat ditescere alieno damno. Quod si forte dominus sua industria absque expensis, vel minoribus, rem conservasset, tunc possessori malæ fidei vel non sunt expensæ compensandæ, vel non in totum, sed juxta illas, quas dominus subiisset. Expensæ vero utiles, si vere, & realiter manent in re domini, quæ revera melior effecta sit, possessori malæ fidei videntur compensandæ, non tamen ad omnimodam æqualitatem, sed quantum in ipsa re perseveravit, & ma-

nent.

nent. Nam si expensæ valorem superent incrementi, & meliorationis, facit pretium hujus incrementi rependere: immo nec istud integre, cum & ipsa rei melioratio ad dominum pertineat; sed ad arbitrium prudentis, peritque viri, quantum labor, & industria æstimantur. Sunt etiam civiles leges, quæ possessoribus malæ fidei actionem denegant ad hujusmodi expensas repetendas, quæ tamen non obligant, nisi post sententiam judicis; præsertim cum aliæ leges hunc rigorem mitigaverint, ut patet ex L. Plane 38. de hæreditatis petitione ff. de acquir. rer. dom. ubi sic statuitur: *Sed benignus est in hujus quoque persona (scilicet malæ fidei) haberi rationem impensarum, non enim debet petitor ex aliena jactura lucrum facere. Plana potest in ea differentia esse, ut bona fidei quidem possessor omnimode deducat, licet res non extet ... prædo autem non aliter, quam si res melior sit.* De expensis vero voluntariis, & ad meram voluptatem spectantibus, puto non teneri dominum compensare malæ fidei possessorem, qui sibi imputare debet rem alienam contrectasse, sciens esse alienam, si tamen a re aliena separari possint sine ipsius detrimento, sibi licite poterit auferre; si vero nequeant separari sine damno rei, eas cogitur amittere. Nec in praxi puto verum, quod subdit Concini, nimirum rem esse prudentem arbitrio transigendam, & si dominus sentit commodum, recipiendo domum autem picturis, viridario, aliisque ornatus, non est, cur ab onere impensarum liber omnino esse debeat. Nam est, cur liber esse debeat, nimirum quia nemo invitus cogendus est ad emendum, quando renuit. Porro dominus invitus cogereetur emere ornatum illum. Cur autem hic debemus potius furi ini-

quo favere, quam innocenti domino, & hujus libertatem violare, ut alterum a detrimento, quod sponte subiit, liberemus? Hinc æquissimam puto legem 27. §. de neg. ger. quæ sic indicit: *Non tenetur dominus rei sumptus, nulla re urgente, sed voluptatis causa factor, a quibus ipsa abstinuisse, solvere.*

CAPUT SEXTUM.

CONSECTARIA PRÆCEDENTIS
DOCTRINÆ.

- I. Rem alienam restituere debet possessor mala fidei, licet penes ipsum pereat, eodem periculo, & tempore peritura penes dominum.
- II. Quando majus pretium ex re aliena vendita restituendum.
- III. Possessor mala fidei nihil ultra id, quod revera accepit, restituere debet ante judicis sententiam.
- IV. Quando heredes possessorum mala fidei ad restitutionem obligantur.

CONSECTARIUM PRIMUM.

I. **R**EM furto surreptam injusta acquisitione tenetur furi restituere, si penes ipsum perierit, licet eodem periculo, & tempore peritura fuisset apud dominum. In exemplis illustro. Vestem quis furatur mox incendio domus comburendam: eam in loco collocat quem tutum putat, ut sibi eam usurperet; sed incendium illuc pervenit, vestem comburit. Imminet naufragium, alter alteri vas argenteum surripit, animo, si naufragium evitet, sibi retinendi: naufragium subsequitur, & vas argenteum a mari absorbetur penes furem, absorbendum & penes dominum. Dicimus utrumque furem & vestis, & argentei vasis adhuc ad restitutionem teneri. Hoc insistant Salmanticenses,

ses, quia inquit, nullum damnum intulit domino, penes quem peritura erat res, sicut apud furem perit: nec quis tenetur ex iustitia rem alienam in meliorem statum reducere. Quibus argumentis & hæc addi possunt. Hic fur vel tenetur ratione injustæ acceptionis, vel ratione rei acceptæ. Non primo titulo: quia non omnis actio etiam injusta onus infert restitutionis, nisi cum damno; & detrimento alterius de facto conjuncta sit. Porro hæc actio injusta furripiendi rem alienam non est reuera cum damno proximi conjuncta, quippe quia dominus rem suam adhuc certo certius perdidisset. Peccabit igitur, & furti reus erit; at restitutioni minime obnoxius. Non secundo titulo rei acceptæ, quia res est jam incendio, aut naufragio consumpta; proinde non tenetur illius pretium rependere. Nam quodnam pretium? profecto non nisi illud, quo valebat res, quando a fure injusta sua acceptione occupata fuit. At res, puta vestis, mox igne comburenda, & paulo post eodem incendio consumpta, quanti æstimabitur? puto nec pili, nec teruntii, nec assis. Tandem igitur reddere debet. Erit igitur ab onere restitutionis immunis. Verum puto probabilior, quam statui, opinionem, & quidem S. Thom. doctrina fulcitam, qui 2. 2. q. 62. art. 1. aperte docet: *Tenetur ad restitutionem & ille, qui rem abstulit, ratione injuriosæ acceptionis; & ille, qui rem habet, ratione ipsius rei*. Igitur juxta D. Thom. sola injuriosa acceptio onus inducit restitutionis, siue res accepta maneat penes injustum raptorem, siue penes alium, siue salva sit, siue consumpta. Et reuera iniqua actio injustæ acceptionis tantæ est perverſitatis, & malignitatis, ut statim totum periculum

rei injuste occupatæ a legitimo domino transferat in furem, cui proinde perit, si pereat, quocumque fortuito, casuali, inopinato casu pereat, quin ullum inde emolumentum percipere queat. Nec urgent argumenta Salmanticensium, nullum esse damnum illarum domino, apud quem res erat peritura. Nam damnum intulit fur rem illius occupando, quæ in manu sua statim salva facta, statim cœpit esse sibi periculo, non amplius domino, ratione suæ injustæ occupationis: & licet eodem tempore, & eodem periculo pereat, jam ratione suæ injustæ acceptionis illud tempus furi elabatur, illud periculum furi imminet, non domino, a cujus possessione rem abstulit; & in suam transferre tentavit. At urgent, certo certius domino perisset. Utrique, si in ejus possessione fuisset; & ab ejus possessione erepta, & injusta actione in possessorem injustum translata, jam domino amplius perire non potest, sed ipsi furi pereat, necesse est. Nemo tenetur, inquit Salmanticenses, rem proximi in meliori, quam antea erat, statu collocare. Concedimus. Quamobrem, si rem incendio non eripuisset fur, certe contra justitiam non peccasset. At cum veritum sit rem alienam furripere, fur hoc præceptum transgressus est, quia rem alienam a possessione domini eripuit, sibi que usurpavit. Ejus igitur stabit periculo, & ipsi peribit, si perierit, non amplius domino. Sed quodnam pretium, inquit, persolveret? profecto illud, quo æstimabatur res, quando injusta actione occupata fuit. At tunc, ut ostendimus, nihili æstimabatur: ergo nihil restituendum. Minime. Illud rependendum est pretium, quod res valebat eo momento temporis, quo per actionem injustam occupata a fure erat in ejus

M m m

ma-

manibus : tunc enim periculo crepra respectu domini , a cujus possessione subtrahita est , proprium , & intrinsecum obtinebat valorem , quem revera domino persolvere debuisset , si rem legitime comparare voluisset , perito ad summum idoneo præmio pro industria adhibita ad rem domino conservandam , si hoc animo eam ab igne extraxisset . Periculum vero , quod vel prosequitur , vel subsequitur , cum non amplius ad dominum pertineat , a cujus possessione subtrahita res est , sed ad furem , qui rem injuste in suam transulit possessionem , rei pretium domino non minuit , cui proinde justum pretium rependere debet .

CONSECTARIUM SECUNDUM.

II. Majus pretium rei , quod conficitur possessor malæ fidei ex aliena re vendita , non ad ipsum , sed ad dominum pertinet . Emisti pullum equinum , vitulum , vestem , gemmas mala fide , sciens hæc esse aliena , pretio infimo , & vendis supremo , hoc supremum , non illud infimum teneris domino reddere . Non desunt Theologi , qui censent , si majus illud pretium sit infra latitudinem justii pretii , esse fructum industrie , proinde etiam injusto possessori concedendum . At oppositum ceu probabilius tenendum . Et certe 1. Si res plane immutata & secundum substantiam , & secundum locum , & tempus plus vendatur , quam empta fuerat , ut docent Salmanticensæ , fructus esse non potest industrie , sed ipsius rei , proinde nec a possessore bonæ fidei retineri potest pretium , sed est domino rependendum . At , si pretii incrementum oriatur ex mutatione ipsius rei , vel intrinseca , qua res est melior effecta , puta vitulus evasit bos , vel qui macer erat , & infirmus , fa-

ctus , est pinguis , sanus , & fortis ; vel ab extrinseco , quia res vendita fuit loco , & tempore , quo plus æstimabatur , adhuc pretii incrementum possessor malæ fidei domino reddere tenetur ; quia res domino suo crescit , & melior efficitur , & semper , ac in quocunque statu clamat ad dominum suum , cui semper reddenda est , nimirum & quando melior effecta est , & quando ad aliud tempus reservata , & ad aliud locum translata , ut carius vendatur ; & cum rei locum pretium teneat , hoc integre est restituendum , detractis solum necessariis expensis , quas ipse dominus in re conservanda , & transferenda subiisset . Quod certe , ut diximus , verum est , quando & ipse dominus rem servasset ad aliud tempus , ad aliud locum transulisset , cariusque vendidisset ; tunc enim hoc lucrum ipsi cessaret : proinde esset ab iniquo possessore compensandum . Immo , licet dominus non rem servasset , nec alio tempore , vel loco vendidisset , sed , quando minoris valebat , consumpsisset , adhuc tenetur fur majus pretium , quod percepit , reddere domino . Et quidem ratio est , meo videri , efficacissima , quam affert Sporerius , nimirum , quia quando possessor malæ fidei rem alienam consumit , sive vendendo , sive donando , tunc statim absque mora titulo injustæ consumptionis tenebatur ex justitia restituere totum valorem , seu pretium , quantum eo tempore res valebat , & non quantum valere poterat vel antea , vel post : res enim tunc secundum suum valorem ad dominum pertinebat : non ad possessorem malæ fidei , eaque quocumque modo consumpta , cum remaneat virtualiter in percepto pretio , hoc totum est domino restituendum . Hinc non facta .

tis capio, quod Concina docet diss. 2. de rest. cap. 1. n. 26. dum scribit: *Merces, quæ in manu mercatorum, & opificum reperiuntur, habere solent incrementum pecuniarum præter illud pretium, quod habent in se ipsi.* Hoc enim verum ideo in rebus propriis mercatorum & opificum: hi enim, præter valorem intrinsecum rei, alias subire debent expensas, & pro officinæ conductione, & pro ministris, & Principi vectigalia solvere, & ipsi arte sua vivere: unde profecto res penes ipsos majoris sunt pretii & valoris, quam penes alios, qui similibus non premuntur oneribus. At non capio, quomodo id verum esse possit de re non ipsius mercatoris propria, sed aliena. Nam vel mercator est mercium iniustus, & malæ fidei possessor, & tunc & merces restituere debet, & totum incrementum, ut docet Concina, cum furti æquiparetur: alioquin mercatores ex furtis lucrum reportarent: nam certo scirent se solum teneri ad valorem intrinsecum rei restituendum, extrinsecum vero tanquam industriæ fructum posse sibi retinere; quod profecto, quam iniquum sit, & rectæ rationi contrarium, nemo non videt. Si vero mercator sit merciam alienarum possessor bonæ fidei, sicut rem ipsam, si existit, & ut existit, restituere teneretur, nec petere posset a domino pretium in ea comparanda persolutum, multoque minus pretii incrementum, quod merci accrescit, quia in manus ejus devenit; hoc enim ridiculum esset petere: ita si bona fide consumatur, id teneretur restituere, in quo factus est ditior; non enim in mercatorum gratiam exceptio est apponenda illi certo ineluctabili naturali principio, *nemo debet discedere alieno damno.* Puto igitur cautius ab istis generalibus sta-

tuendis doctrinis pro cætu aliquo personarum, quæ in praxi innumeris subiacent difficultatibus, abstinendum; sed peculiare, qui occurrere possunt, casus, inspectis circumstantiis juxta communes regulas in utroque jure, tum naturali, tum humano, sive civili, sive canonico positas pro possessoribus bonæ, vel malæ fidei definiendos.

Ab hac tamen universali regula D. Thom. 2. 2. q. 78. a. 3. excipit res usu consumptibiles, scribens: *Res quædam sunt, quarum usus est ipsa earum rerum consumptio, quæ non habent usum fructum secundum jura; & ideo si talia fuerint per usuram extorta (puta denarium, triticum, vinum, aut aliquid hujusmodi) non tenetur homo ad restituendum, nisi id quod accepit; quia id quod de tali re est acquisitum, non est fructus hujusmodi rei, sed humane industriæ, nisi forte per detentionem talis rei alter sit damnificatus, amittendo aliquid de bonis suis.* Quamobrem qui vinum, triticum oleum furatus est, quando minoris æstimabatur, & vendidit, quando plus pendebatur, attendere debet, num dominus esset reservaturus rem vendendam tempore majoris pretii, & tunc tenetur restituere pretium juxta tempus non furti, sed venditionis ab eo factæ, & a domino faciendæ. Et idem dicendum, si ratione parati furti coactus est dominus triticum, & vinum sibi emere majori pretio: quia in priori casu detrimentum patitur in rebus suis, scilicet in lucro cessante, quod jure ex re sua percipere poterat; in altero vero detrimentum fuit in damno emergente, cum cogatur plus emere rem sibi necessariam, qua ob alterius iniquitatem privatus est. Quod si nullum revera obveniat domino vel lucrum cessans, vel damnum emer-

gens,

gens, incrementum pretii rei consumptibilis non tenetur fur reddere, quia, ut docet S. Thom. *non est fructus rei, sed industria*. Hinc pariter, qui pecuniam furatus est, licet ludo, vel alio modo plurimum lucretur, non nisi sublatam pecuniam reddere tenetur, nisi dominus ex tali furto damnum passus sit, quia vel bonis est coactus cedere, vel aliam pecuniam sibi necessariam sub usuris comparare: ad hæc enim detrimenta sarcienda fur obstringitur.

CONSECTARIUM TERTIUM.

III. Possessor malæ fidei, quocumque nomine talis sit, nihil ultra restituere debet supra id, quod accepit, nisi sententia iudicis damnetur. Ita docet S. Thom. q. 62. art. 3. scribens: *Cum aliquis injuste accipit rem alienam . . . addibetur remedium* (quoad illarum damnum) *per restitutionem: ad quod sufficit quod restituat tantum, quantum habuerit de alieno; sed quantum ad culpam addibetur remedium per pœnam, cuius inflictio pertinet ad iudicem: & ideo antequam sit condemnatus per iudicem, non tenetur restituere plus, quam accepit; sed postquam condemnatus est, tenetur pœnam solvere*. Quamobrem qui legale iustum pretium a Principe taxatum in venditione excedit, excessum restituere tenetur; pœnam autem transgressoribus legis inflictam solvere non tenetur, nisi iubente iudice. In rapina vero, cum, ut docet S. Th. q. 66. a. 9. *non solum inferatur alicui damnum in rebus, sed etiam vergat in quandam personam injuriam, sive injuriam*, satisfacere tenetur non solum pro illato rei damno, sed etiam pro injuria; ut inferius fufius dicemus.

CONSECTARIUM QUARTUM.

IV. Qui possessori malæ fidei in bonis succedit, si succedat ut hæres immediatus, & rem titulo hæreditatis acceptam bona etiam fide consumat, neque inde factus sit dior, tenetur adhuc restituere ex injusta acceptione, non sua, sed sui Auctoris, rem, & fructus & damna compensare, & lucra cessantia ex culpa antecessoris exorta, quantum hæreditatis vires patiuntur. Et ratio est manifesta. Nam 1. hæreditas non dicitur, nisi ære alieno soluto. Porro præfatum debitum restitutionis, & compensationis est æs alienum, cuius solutioni reali tota est obnoxia possessoris malæ fidei hæreditas. 2. Bona fides hæredis non illi prodest: quia cum in omne jus defuncti succedat, in omnibus ejus personam representat: unde sequitur, ut succedat in vitium, & malam fidem defuncti, quæ propterea & illi etiam nocet, ut statutum legitur in jure etiam civili in leg. *Litigator Cod. de fructibus & litium expensis*, ubi discernitur: *Hæredis succedentis in vitium par habenda fortuna est &c.* & Leg. *Cum hæres ff. de diversis temporal. præscript.* statuitur: *Cum hæres in jus omne defuncti succedat, ignorations sua defuncti vitia non excludit*. Et ita sentiunt De Lugo, aliique plures, qui hoc onus non imperite etiam hæredibus licet mediatis imponunt; ut docet etiam S. Raymundus in Sum. lib. 2. tit. de Rapr. §. 24. scribens: *De hæredibus autem raptorum dico, quod quilibet hæres, sive filius, sive extraneus non distincte, utrum raptoris, vel alterius, tenetur jure canonico ad omnia debita defuncti persolvenda, sive fuerint ex contractu, vel quasi, sive maleficio, vel quasi, sive permaneat res illa, pro qua debitum fuit contractum ad eum, sive*

sive non ; sive lis fuerit intestata cum defuncto, sive non . . . Plura deinde citat juris Canonici loca . At si succedat possessori malæ fidei , non ut hæres , sed ut legatarius , vel donatarius , vel alio titulo , non tenetur ex injusta testatoris acceptione , sed tantum ex re accepta : quomobrem tunc illi prodest bona fides : cum enim unam cum testatore personam non efficiat , censetur succedere in juribus realibus , non vero in vitis personalibus ; sic proinde erit , si rem existentem restituat , vel si consumpserit , id in quo factus est ditior .

CAPUT SEPTIMUM.

De restitutione facienda ex contractu .

DOCTRINA.

- I. *Contractus sunt in triplici differentia .*
- II. *Regula I. pro contractibus in solius dantis utilitatem celebratis .*
- III. *Regula II. pro contractibus in solius accipientis utilitatem .*
- IV. *Regula III. pro contractibus ex utroque utriusque utilitatem .*
- V. *Regula IV. pro quasi contractibus , officiois , & ministeriis .*
- VI. *Contractus de re illicita nulli sunt .*
- VII. *Quando ad restitutionem obligent , Reg. I.*
- VIII. *Reg. II.*
- IX. *Quibus facienda restitutio .*
- X. *Reg. III.*

I. **C**UM in superiori tractatu de contractibus eas tradiderimus regulas , quæ ad illorum æquitatem custodiendam servandæ sunt , quibus proinde violatis , sicut statim læduntur iustitia , ita onus illius per restitutionem reparandæ confurgit ; solum superest , ut hic eas exponamus regulas , quæ vel

legibus , vel consuetudine , vel contrahentium conventionem statutæ sunt , & ex quarum violatione debitum inferitur restitutionis . Pro quarum intelligentia , contractus in triplici differentia constitui possunt : alii sunt , qui in favorem sunt solius rem dantis , ut in deposito : alii in solius accipientis , ut in commodato : alii denique in utriusque commodum , & utilitatem , ut in locatione , conductione , emptione , venditione , cerevisque penes omnibus contractibus onerosis . Recolenda etiam sunt , quæ superius diximus de culpa lata , latiori , latissima , nec non levi , & levissima . Quibus positis sequentes sunt observandæ leges ad discernendum , quando , si res pereat , sit facienda restitutio .

REGULA PRIMA.

II. In contractibus celebratis in solius dantis favorem , accipiens ad restitutionem obstringitur solum , si ex dolo , vel culpa lata res pereat . Et quidem ex dolo ad restitutionem teneri manifestum est , cum fraus , & dolus nemini patrocinetur ; & ipse dolus sit iniustitia erga proximum , qui re sua fraudatur . Pariter teneri ex culpa lata certum est , cum hæc consistat in omissione illius diligentie , quam communiter homines adhibere solent in rebus propriis custodiendis ; quæ proinde culpa etiam est nedum juridica , sed & theologica . Cur autem arctiori non obstringatur obligatio , docet S. Thom. qui hanc regulam confirmat , & ratione corroborat hic q. 62. a. 6. scribens : *Aliquis accipit rem alterius absque injuria non pro sua utilitate ; sicut patet in depositis ; & ideo qui sic accipit , in nulla tenetur rationis acceptionis ; quinimmo accipiendo impendit obsequium : tenetur autem ratione rei . Et propter hoc , si e*
sub-

subtrahatur res absque sua culpa, non tenetur ad restitutionem: seu autem esset, si cum magna sua culpa rem depositam amitteret. Hanc regulam confirmant etiam tum civiles, tum canonice leges. Jus. lib. 3. Instit. tit. 15. statuit: Is, apud quem res aliqua deponitur, re obligatur, teneturque actione depositi; quia & ipse de ea re, quam accepit, restituenda tenetur. Sed is ex eo solo tenetur, si quid dolo (vel culpa lata, quam dolo proxima habetur) comiserit. Culpa autem nomine, idest desidia, vel negligentia (quibus nominibus culpa levis, & levissima designantur) non tenetur. Itaque securus est, qui parum diligenter custoditam rem furto amiserit, quia qui negligenti amico rem custodiendam tradit, non ei, sed suae facilitati imputare debet.

REGULA SECUNDA.

III. In contractibus vero celebratis in solius accipientis beneficium, ut in commodato, commodatarius tenetur etiam ex culpa levissima, non vero de casu fortuito. Ita statuunt utriusque juris, tum civiles, tum canonici leges. Greg. IX. Cap. Cum gratia statuit: Cum gratia sui tantum quis commodatum accipit, de levissima etiam culpa tenetur; licet casus fortuitus, nisi acciderit culpa sua, vel intervenierit pactum, seu in mora fuisset, sibi non debet imputari. Et in jure civili L. In rebus §. 2. ff. commodati, decernitur: In rebus commodatis talis diligentia praestanda est, qualem quisque diligentissimus pater-familias suis rebus adhibet. Et L. obligationes 1. §. is quoque ff. de obligationibus, & actionibus lib. 4. tit. 7. indicitur: Is vero, qui utendum accipit, exactissimam diligentiam custodienda rei praestare compellitur. Et ipsa naturalis ratio suadet. Nam quo majus est beneficium, eo magis

cavendum, ne pro beneficio damnum, vel injuria rependatur. Quamobrem hae leges nedum in foro externo, sed etiam in interno foro vim obinent: tum quia iustae sunt; tum etiam quia in naturali aequitate fundantur: adeoque tenetur commodatarius etiam ante sententiam judicis ad reparationem damni, etiam ex levissima culpa dati; licet fortassis nulla intervenierit theologica culpa ut optima docent Molina tr. 2. disp. 295. n. ult. & Covarruvias in Epit. 4. decis. 40. & alii plures. Excipitur tamen ab hac lege precarius, quod licet sit in utilitatem solius accipientis, hic tamen non obligatur, nisi ex culpa lata, ut diximus diss. 3. de contr. grat. cap. 3. n. 5.

REGULA TERTIA.

IV. In contractibus in utriusque partis utilitatem celebratis tenetur ad restitutionem utraque pars solum ex culpa lata, & levi, non vero levissima, ut in locato & pignore. Ita decernitur in Instit. lib. 3. tit. 17. §. 4. Creditor, qui pignus accepit, re obligatur, quia & ipse de ea re, quam accepit, restituenda tenetur actione pignoratitia. Sed quia pignus utriusque gratia datur, & debitoris, quo magis pecunia ei credatur, & creditoris, quo magis ei in tuto sit creditum, placuit sufficere, si ad eam custodiendam exactam diligentiam adhibeant, quam si praestiterint & fortuito aliquo casu rem amiserint, securum esse, nec impediri creditum potere. Aequitatis hujus legis ratio, & causa in ipsa lege adducitur: quia nimirum, cum res locata in locatarii concedatur utilitatem, aequitas postulat, ut diligentem in ea servanda curam adhibeat. At, cum simul in domini utilitatem redundet, qui locationis pretium lucratur, necesse non est, ut exquisitissimam diligentiam adhibeat. Quod paucis ver-

bit

bis complexus est S. Antoninus 2. P. tit. 1. cap. 13. n. 6. dicens: *In hoc contractu venit et culpa levis, quia gratia utriusque celebratur.*

REGULA QUARTA.

V. In quasi contrahibus, seu officiis, & ministeriis, cujusmodi sunt ministeria tutoris, curatoris, advocati, consiliarii, medici, chirurgi, pharmacopolarum, theologi, confessorii, ad dignoscendum, quando restitutionis premantur onere, animadvertendum, num hæc officia præstent vel omnino gratis, vel ex debito iustitiæ, vel ex sola caritate. Ideoque, qui ex suo officio quidem, sed omnino gratis, & solum in alterius commodum; nulla ab ipsis percepta utilitate aliquid operantur, restitutioni obnoxii non censentur, nisi ex culpa lata. Nam, dum gratis hæc officia præstant, censentur nec sibi assumere velle, nec alteri se obstringere ad maiorem adhibendam curam, & diligentiam, quam communiter adhibere solent in consimilibus casibus viri cordati, & prudentes. Ita docet Sylvius. Sapienter tamen monet Sylvester, & animadvertendum proponunt alii Theologi, nimirum tene-ri de culpa levi 1. si ipsi vel diligentio-rem sponponderint attentionem, vel se sponte obrulerint, quando aliter præsto erat attentius rem perfuncturus; tunc enim censetur spondere non solum æqua-lem diligentiam, sed & uberiores. 2. Si res, de qua agitur, sit summi, & magni momenti: quæ non nisi exquisi-tissima diligentia ad bonum finem ad-ducì potest; tunc enim hæc exquisita diligentia respectu illius negotii evadit communis; cum communiter cordati, & prudentes Patres-familias in rebus ma-ximi momenti exquisitissimam adhibeant diligentiam. 3. Negligentiam, quæ res-

Patuzzi Theol. Moral. Tom. V.

pectu aliorum levis esset; fieri gravem in illis, qui ex officio huiusmodi peragunt negotia; præsertim si res male cedat ob eorum ignorantiam, & negligentiam addiscendi, quæ ad proprium pertinet ministerium. Nam, ut docet S. Thom. 1. 2. q. 76. art. 2. *Omnes scire tenentur ea, quæ sunt fidei, & universalis juris præcepta; singuli autem ea, quæ ad eorum statum, vel officium pertinent.* Multoque magis obligantur ex levi culpa, si hæc ministeria exerceant, mercede sive privata, sive publica conducti: tunc enim, cum officium, & ministerium cedat etiam in ministri utilitatem, ad maiorem obstringuntur diligentiam præstandam; quare & levi culpa tenentur. Optime itaque docet S. Thom. de advocatis, quod & cæteris munia, & officia exercentibus est aprandum. *Illicitum est* (scribit 2. 2. q. 71. a. 3.) *alicui cooperari ad malum faciendum, sive consulendo, sive adjuvando; quia consulens, & adjuvans quodammodo est faciens; & Apostolus dicit ad Rom. 1. quod digni sunt morte, qui faciunt, & consentiunt facientibus.* Unde & supra dictum est, quod omnes tales ad restitutionem tenentur. *Manifestum est autem, quod advocatus & auxilium, & consilium præstat ei, cujus cause patrocinatur. Unde si scienter iniustam causam defendat, absque dubio graviter peccat, & ad restitutionem tenetur ejus damni, quod contra iustitiam per ejus auxilium altera pars incurrit. Si autem ignoranter iniustam causam defendit, putans esse justam, excusatur secundum modum, quo ignorantia excusari debet.* Et de iudiciis scribit S. Raymundus lib. 2. tit. de Prescript. 6. 35. *Judices servant aliquando sententiam dolo malo, aliquando per imprudentiam. . . In secundo casu, scilicet cum per imprudentiam, tenentur secundum leges*

N n n

leso

leso . . . in iudicio anime credo, quod teneatur ad restitutionem, in culpa enim fuit, cum scivit, vel scire debuit se insufficientem, & tamen talem causam iudicare præsumpsit. Et idem, si erat sufficiens quoad scientiam, si voluisset libros evolvere, & studere; sed quia negligens fuit, & noluit studere, quem debuit condemnare, absolvit, & e converso. In consiliis autem dandis cauti esse debent, sive medici, sive confessarii, sive theologi, ubi agitur de vita, sanitate, & rebus proximi; nam licet fraudem omnem vitent in dandis consiliis; nihilominus cum ad ipsos conflant infirmi, ignorantes, simplices, tanquam ad peritos in arte, si eos ex ignorantia decipiant, a culpa non excusantur, & a restitutione non liberantur. Nec illis prodeß regula juris statuentis nullum ex consilio, dummodo fraudulentus non fuerit, obligari, cum ibi sermo sit de iis, qui bona fide consilia dant in iis rebus, quæ ad proprium munus non spectant, & qui etiam ad illos extendi potest, qui non definitive, sed caute respondent, insinuantes, quid ipsi sentiant coram Deo, quid illis magis rectum videatur, & honestum: tunc enim qui eorum sequuntur consilia, suæ debent imprudentiæ adscribere, si forte aliquod damnum vel ipsi incurrant, vel aliis inferant. Sed de hoc iterum inferius.

VI. Ex contractu etiam ad restitutionem tenentur, qui pacta, & conventiones illicitas celebraverunt. Hac de re abunde, & late disputavimus in Tr. de Contract. in gen. diff. 1. c. 7. n. 9. & seq. ostendentes, ex huiusmodi contractibus ad restitutionem alterum contrahentium, scilicet accipientem teneri. Ne igitur, quæ inibi dicta sunt, supervacaneæ repellantur, solum quosdam peculiares contractus illicitos, ex quibus

debitum oritur restitutionis, & quibus facienda sit restitutio, expendemus; sum scilicet illi, qui rem iniuste, & illicite dedit, an aliis, puta pauperibus: pro quibus sequentes statuimus regulas.

REGULA PRIMA.

VII. Qui aliquid accepit pro aliquo contractu, nec juri naturali contrario, nec jure positivo irritio, sed solum vitio, ad restitutionem non tenetur. Nam licet isti peccent iustas Principis leges violando, puta vendendo merces vetitatas, serica, & pannos ex aliena ditione, vel quia illis vetitum est tales merces vendere; cum tamen huiusmodi contractus non irritentur, & ut habeatur in jure, multa fieri prohibeantur, quæ facta tamen tenent, contractus rescindere non tenentur, nec alter mercem, nec alter pretium restitueret; dummodo tamen iusta fuerit venditio, & æqualitas servata tum in merce, tum in pretio.

REGULA SECUNDA.

VIII. Qui aliquid accipiunt pro re licita in se, sed pro qua aliquid accipere est lege positiva, vel naturali vetitum, restitutioni obnoxii sunt, illi faciendæ, qui dedit, exceptis simoniacis & aleam ex professo exercentibus. Plura sunt officia, & ministeria, quæ gratis exerceri jubentur, & pro quibus aliquid accipere prohibetur vel lege positiva, vel naturali; cuiusmodi sunt pro iusta sententia, pro legitimo testimonio, pro suffragio ferendo, pro deposito reddendo, pro ære alieno solvendo, pro re inventa restituenda, pro reparanda fama, & sexcentis huiusmodi & pariter pro abstinendo ab aliquo opere illicito, ut cum latro pecuniam extorquet, ne hominem occidat, uxor,

ne

ne adulterium committat, testis, ne falsum dicat testimonium, vel iudex, ne iniquam ferat sententiam. Non desunt Theologi, qui huic Regulæ adversantur, saltem in ea parte, qua iudicibus, testibus, ministris iustum iudicium, verum testimonium vendere prohibetur: hos enim ab onere restitutionis liberant, quippe quia putant, huiusmodi leges solum in externo foro obligare, non vero in foro conscientiæ, proinde ante iudicis sententiam non temerè acceptionem pretium restituere. Verum hæc opinio plane falsa est, & omnino probabilis quippe quia huiusmodi leges omnino iustæ sunt, & naturali æquitati ac iuri conformes, proinde in conscientia obligant; ut testatur S. Augustinus ep. 54. ad Macedonium scribens: *Non ideo debet iudex vendere iustum iudicium, aut testis verum testimonium, quia vendit. Advocatus iustam patrocinium, & Jurisperitus verum consilium. Illi enim inter utramque partem ad examina addibentur, isti una parte consiliunt. Cum autem iudicia, & testimonia, quæ nec iusta, nec vera vendenda sunt, iniqua, & falsa venduntur, multo sceleratius utique pecunia sumitur. Ille tamen (qui scilicet pro iusta sententia, vel iusto testimonio dedit) solet tanquam male sibi oblatam pecuniam repetere, qui iustum iudicium emit, quoniam venale esse non debuit. Cui consentit & D. Thom. qui 2. 2. q. 32. a. 7. ad 2. loquens de lucro vetito iure positivo civili, tanquam omnino certum statuit: *Illos, qui sunt huiusmodi legibus obstricti, teneri universaliter ad restitutionem qui lucrantur.* Et rationem reddit q. 62. a. 5. scribens: *Quia qui accepit contra legem, non debet sibi retinere.* Quoad reliquos vero, qui aliquid extorquent, vel ut, quod præstare ex iustitia tenentur, exequantur, vel ut a malo, quod inferre prohibeatur, ab-*

stineant, palam est onere restitutioni obstringi: cum nullus sit iustus titulus, ex quo, quod illi datur, recipere valeant; & qui dant: non ex animo, & voluntate libera dant, sed ut vexationem redimant. Unde optime scribit Auctor Opuscoli de Regimine Principis, quod D. Thom. nomen præfert: *Sicut enim iniustus esset, qui cappam meam mihi vendere vellet, ita iniustus est, qui iustitiam (vel aliud quodlibet officium, vel ministerium) quam debet gratis ex officio (& ex iustitia) facere, non vult facere nisi accepto munere.* Ita statuunt & ipse civiles leges, ut habetur ff. L. 2. de condit. ob turpem causam, ubi statuitur: *Si turpis causa accipientis fuerit, repeti potest, ut puta dedi tibi, ne sacrilegium facias.* Et L. 3. ff. de Maleficio: *Si ob maleficio ne fiat, promissum sit, nulla est obligatio ex hac conventionione.* Hinc, ut falsa & laxa est reji-cienda doctrina Lessii, docentis posse iudicem vendere sententiam suam in favorem alterutrius partis, quando utriusque partis pariter rationes esse æque probabiles; & sic Probabilissimum in iudice esse venditionis materiam.

IX. Restitutionem autem dixi iis esse faciendam, qui munera, vel pecuniam dederunt; quia supponimus bona fide dedisse, ut, quod sibi debebatur, iuste consequerentur, & vexationem redimerent. Quapropter nulla apparet culpa, cur sua debeant re, & pecunia privari. Quod si mala fide dederunt, ut iudicem c. e. corrumpenter, essent re sua privandi pauperibus distribuenda. Ita vere docet S. Raymundus l. sup. laud. §. 26. *Non licet iudici vendere iustum iudicium. Sed cui restituit? Licet quidam aliter dixerint, dico, quod illi qui dedit, si bona intentione dedit, scilicet ut ius, & quietem sibi conservaret. Si dedit, ut ani-*

num iudicis sibi, sub specie recti, inclinaret, & ita indirecte, & tacite intendebat ipsum corrumpere, non illi, sed pauperibus, & illi, in cujus injuriam data fuit, juxta arbitrium Ecclesia est restituenda pecunia. Ab hac tamen universalis doctrina excipiendi sunt 1. simoniaci: nam, ut diximus in tract. de simonia, simoniacum pretium amittere debent & qui dedit, & qui accepit. Hic, quia injuste vendidit, quod pretio estimabile non est; & quia, ut scribit S. Thom. 1. q. 62. art. 3. ad 2. *Ille qui accepit, contra legem accepit, non debet sibi retinere, sed in pios usus convertere.* Ille vere, quia ut subdit S. Th. 1. q. 72. a. 7. ad 2. *Non est debitum ei, qui dedit, sed meretur amittere.* Et quia ut scribit q. 62. a. 1. au. ipsa datio est illicita, & contra legem, talis meretur amittere, quod dedit. 2. Etiam aleatores, ubi leges hujusmodi lodos vetant, quia, ut inquit S. Th. *Qui hujusmodi legibus obstricti sunt, tenentur universaliter ad restitutionem; & si quis lucratus sit ab eo, qui traxit eum ad ludendum, non tenetur ei restituere, quod amisit, quia non est dignus recipere, nec potest licite retinere tali jure positivo durante; unde debet de hoc elemosynam facere in hoc casu.* Recolantur ea, quæ diximus in Tr. de Contr. oner. c. 4. n. 22. 23. 24.

REGULA TERTIA.

X. Pretium acceptum pro opere nefario, naturali, & divina lege vetito, est omnino restituendum, non illi, qui dedit, sed vel pauperibus, vel illi, in cujus detrimentum datum fuit. In hujus regulæ veritate confirmanda non est, cur laboremus; abunde enim, & late probavimus, lo. n. 6. cit. omnino legendo. Solum hic addimus, a v. Gallicana Ecclesia in Comitibus anni 1700. congregata doctrinam hanc confirmatam fuisse in damnatione hujus propositio-

Incantatores, alique hujusmodi deceptores, Magi, Astrologia judiciaria professores, Arioli, Conectores ex pessimis quibusque artibus captantes lucrum, licite servare possunt bona his mediis acquisita. Quam doctrinam hac censura notavit: *Hec propositio intellecta de predictis falsis, & deceptoris artibus falsa est, temeraria, fovendis fallaciis etiam diabolicis idonea.* Porro quod restitutio non sit illi facienda, qui turpe pretium dedit, ex D. Thom. doctrina colligitur 2. 2. q. 62. a. 5. ad 2. scribentis: *Aliquis dupliciter aliquid dat illicitè: Uno modo, quia ipsa datio est illicita, & contra legem; sicut patet in eo, qui simoniace dedit; & talis meretur amittere, quod dedit.* Unde non debet ei restitutio fieri de his. Et quia etiam ille, qui accepit, contra legem accepit, non debet sibi retinere, sed debet in pios usus convertere. Patet autem manifeste omni lege divina naturali, & civili prohiberi, ne flagitia pretio vendantur, & ne qui ad iniquitatem inducitur, pravi sui operis mercedem accipiat, & lucrum exporet. Non solum igitur ipsum flagitiosum opus interdicatur, sed & ipsa datio pro malitioso opere. Quamobrem quod pro tali opere quis accepit, sibi non potest retinere, nec qui dedit, meretur iterum recuperare; quia cum dominium pretii a se abjecerit, & illo privati meretur. Simoniacus vero contractus, ex quo D. Thom. exemplum desumit, non unicus est, in quo datio ipsa sit mala; sed unus est ex illis, de quibus Canonice leges in particulari statuerunt, dantem mereri pretii dati amissionem, quod recuperare non debet, sed est pauperibus distribuendum. Quod pariter docet S. Raymundus tum de iudice, qui pretium accepit, ut sententiam sive justam sive injustam ferat, tum de accusatore,

tum de teste . De primo siquidem scribit lib. 3: tit. de Præscript. §. 26. Si iudex accepit pecuniam . . . si vero tulerit sententiam iniquam , siue justam , tenetur restituere , non ei qui dedit , cum turpiter , dederit , sed ei in cuius injuriam recepit , vel pauperibus . Et §. 40. de teste docet . Tenetur testis ad restitutionem omnium , quæ per suum falsum testimonium proximus ejus amisit . Si verò accepit testis pecuniam pro testimonio ferendo , turpiter accepit , & credo eum teneri ad restitutionem . Si quares , cui debeat fieri restitutio , distingues , sicut distinximus in iudice . De accusatore vero scribit §. 41. Si aliquis accusator accepit pecuniam ad accusandum , vel non accusandum , crimen concussionis commisit , & tenetur ad restitutionem faciendam ei qui dedit , si non turpiter dedit ; alias ei , in cuius injuriam data fuit . Quod pariter est extendendum ad omnes , qui turpiter dant , quia contra leges , tales vetantes contractus , & donationes . Nec huic doctrinæ adversatur S. Augustinus , dum in ep. ad Macedonium scribit : Justus dicitur advocato , redde , quod accepisti , quando contra veritatem stetit , iniquitati adjuisti . . . Et cuiquam in quolibet officio militanti , redde , quod accepisti , quando jubente iudice cuiusque causa necessarium hominem tenuisti , ne resisteret , vinxisti , ne fugeret , inclusisti : postremo aut permanente lito exhibuisti , aut finita dimisisti . Nam restitutionem quidem imperat , & absolute faciendam dicit ; at , cui facienda sit , non dicit . Et , si ipsi danti facienda sit , monet tamen non in ipsius dantis utilitatem , sed ut illi , qui damnum passus est , restitatur . Unde Advocatum poenitentiam de pravo præstito patrocinio sic loquentem inducit . Recipe , quod mihi dedisti , & redde adversario tuo , quod me agente inique abstulisti .

CAPUT OCTAVUM.

CONSECTARIA PRECEDENTIS;
DOCTRINÆ

- I. Quando in contractibus ad restitutionem quis teneatur etiam ex levissima culpa , & ex casu fortuito .
- II. Quando sit addibenda summa , & exquisitissima diligentia .
- III. Uxor , & virgo pretium ob usum sui corporis concessum sibi retinere non potest , nec danti restituere debet .
- IV. Data impudice mulieri quando accipi , & retineri ab ipsa possint .
- V. Mulier bonefæ liberaliter sibi donata ob turpem suam restituere debet .
- VI. Data ob actionem , & opus ex iustitia debitum sunt restituenda .
- VII. Data ob opera debita ex motivo alterius virtutis a iustitia destinate oneri non subsunt restitutionis .
- VIII. Data ob actionem bonam , utilem solum facienti , liberaliter data censentur .

CONSECTARIUM PRIMUM.

- I. **C**ONTINGIT quandoque in contractibus , etiam in solius dantis utilitatem celebratis , accipientem seu culpa levi ex iustitia teneri , & etiam ex fortuito casu . Habetur hæc exceptio a communi regula in jure canonico , in quo Depositarius ex levi culpa tenetur , si se ad custodiendum depositum sponte obtulerit ; quippe qui in causa fuit , ne res a depositante apud diligentiores fuerit deposita : sicut & maiore fidei suspectus redditur depositarius , qui , salvis suis rebus , res penes se depositas perire permiserit . Sicut etiam ex fortuito casu , si ita vel pacto convenierit , vel ob restitutionis moram res perierit .

Om-

Omnia hæc habentur C. *Bona fides*, Ext. de Depósito, ubi Gregorius IX. sic statuit: *Bona fides abesse præsumitur, si rebus tuis salvis existentibus, depositas amissisti. De culpa quoque teneris, si te ipsum deposito obtulisti, vel si aliquid pro custodia recepisses. Pacto vero, culpa, vel mora præcedentibus, casus etiam fortuitus imputatur.*

CONSECTARIUM SECUNDUM.

II. In contractibus in utriusque utilitatem iniis quandoque altera pars ad restitutionem tenetur etiam ex levissima culpa, nimirum quando res summam, & exquisitam exposcat diligentiam. Hanc quoque exceptionem inducunt leges civiles, & quidem ad normam æquitatis naturalis. Nam cum res, circa quam celebratur contractus, talis sit qualitatibus, ut, nisi exquisitissima adhibeatur diligentia, servari non possit, de hac ab altero contrahente pactum initum censetur. Quamobrem qui de rebus admodum fragilibus de loco ad locum transferendis mercede conductus pactum init, ad hanc exquisitam diligentiam adhibendam tenetur: ea propter, si & ob levissimam culpam pereant, damnum sarcire tenetur. Quod & dicendum est de illis, qui res pretiosissimas vel custodiendas, vel expoliandas pacto pretio, qui vasa vino, oleo, aliisque liquoribus plena, transferenda suscipiunt; cum ex ipso naturali lumine pateat, hæc omnia exquisitam potestatem diligentiam, & ad hanc se obstringere; nec non talem exquirant, qui eos conducunt. Quapropter illius diligentiae omisso vel culpa levis non est dicenda, sed gravis respectu ad opus; vel ex levissima quoque culpa teneri illos dicendum est. Ita statuitur L. *Si emptor* lib. 19. ff. tit. 2. locati &

conducti §. 6. *Qui columnam transportandam conduxit, si ea, dum tollitur, aut portatur, aut reponitur fracta sit: ita id periculum præstat, si qua ipsius, eorumque, quorum opera uteretur, culpa acciderit. Culpa autem abest, si omnia facta sint, quæ diligentissimus quisque observaturus fuisset. Idem scilicet intelligimus, si delicta, vel signum transportandum aliquis conduxerit. Idemque ad ceteras res transferri debet. Pati pacto in negotiis agendis, licet qui aliena negotia gerit in alterius utilitatem, non nisi ex culpa lata ad restitutionem teneatur; si tamen ipse se ultro obulit, cum alius haberi posset diligentior, tenetur ex culpa levi: nam sua oblatione pollicitus est se maiorem adhibiturum diligentiam supra communem, & consuetam, quæ debitum non infert, nisi ob culpam latam; proinde & ex levi tenebitur. Sic statuit etiam jus civile. In Institutionibus siquidem lib. 3. tit. 8. de obligat. statuitur: *Sicut is, qui utiliter gerit negotia, dominum habet obligatum negotiorum gestorum: ita & contra ille quoque tenetur, ut administrationis reddat rationem. Quo casu ad exactissimam quisque diligentiam compellitur reddere rationem: nec sufficit talem diligentiam adhibere, quam suis rebus adhibere solet, si modo alius, diligentior eo, commodius administraturus esset negotia.**

CONSECTARIUM TERTIUM.

III. Virgo, vel uxor, quæ pacto pretio sui usum corporis alteri concedit, pretium acceptum retinere sibi non potest nec danti restituere, sed pauperibus vel in alia pia opera elargiri tenetur. Et quidem retinere non posse, & ex dictis inferitur, & late probavimus de Contract. in communi l. sup. cit. Quod vero danti restituere non debeat, ex

ex doctrina profuit S. Thom. quippe quia; cum turpiter dederit, meretur quod dedit amittere. Erogandum ergo est scelestum pretium vel in subsidium pauperum, vel in pium opus. Quando vero virgines dolo, vel fraude seductæ sub spe matrimonij sponso usum corporis concedunt; possunt aliquid recipere in illati damni compensationem, ut dicemus in Tr. de Sponsal. Nec audiendi sunt, qui docent, lucrum ex adulterio perceptum præbendum esse marito, tanquam corporis uxoris domino. Nam in ordine ad adulterium uxoris nullum jus habet maritus in corpus ejus, sed solum ad legitimos filios procreandos. Pari pacto nec viris licet pretium retinere datum ab impudica muliere ad pravam opus, sed & ipsi tenentur illud in elemosynas elargiri.

CONSECTARIUM QUARTUM.

IV. Quando absque ullo proflus pacto, & iniquo opere patrato, aliquid impudica mulieri sponte dono datur ab habente potestatem sua alienandi, non tenetur ex justitia restituere; debent tamen Confessarii eas ad munera abjicienda, & in pauperes distribuenda compellere. Et primo quidem non teneri ad restitutionem accepti doni manifestum est; quippe quia nec ullum intervenit illicitum pactum, nec pro mercede datum supponitur, sed ex mera dantis liberalitate, qui pravo opere consummato, possit libere, si vellet, a munere illo abstinere. Dixi tamen, si, qui largitur, potestatem habeat disponendi: qua si careat, sicut tunc nec ipse licite dare, ita nec illa licite possit recipere. Hinc data a filiis-familias, pupillis, minoribus, & religiosis, etiam muneris nomine, retineri non possunt, sed sunt restituenda

non ipsis dantibus, sed vel eorum parentibus, vel tutoribus, vel curatioribus, vel Monasterio Religiosi dantis; cum ad illos ea bona pertineant, quibus ob alienum scelus privati non debent. Addidi hujusmodi mulieres impudicas compelli debere a Confessario ad munera accepta abjicienda, & pauperibus distribuenda. Et hoc quidem jure merito. 1. Ne lucrum ex iniquitate reportent, & aliquam, hac privatione, patrati sceleris poenam luan. 2. Ne spe similis donationis, & lucris pravo operi imposterum facilius assentiantur. 3. Ne ob præfatorum munerum detentionem & patrati sceleris memoria menti hæreat, & impudicam amorem vel exciter, vel foveat cum periculo complacentiæ, & novi lapsus. Quod si pauper sit, & rem acceptam jam consumpserit, non erit acriter urgenda restitutio; sed admonenda mulier, ut imposterum & a pravo opere abstinat, & iniqua hæc munera abjiciat. Quod si quis vel concubinam, vel aliam a se defloratam mulierem, facti poenitens, in tuto collocare velit, vel honesto matrimonio copulare, vel in pio aliquo loco recludere, nec illi prohibetur dare, nec huic recipere, quæ necessaria sunt ad ejus honestam sustentationem, cum hæc, licet ex criminis suppositione dentur, donantur tamen tum in compensationem damni, tum ad ipsum tollendum peccatum, vel occasionem peccandi: unde elemosyna potius est dicenda, quam donatio.

CONSECTARIUM QUINTUM.

V. Mulier, quæ ab amato munera recipit, etiam sibi liberaliter oblata, sed libidinoso animo sibi cognito, peccat graviter recipiendo, licet ipsa nullum

lum malum intendar; & teneretur munera accepta amasio restituere. Et primo quidem eam lethaliter peccare omnes concedunt; quippe quæ talium munerum acceptatione impurum amorem in alio fovet, & spem nutrit, ac fovet copulæ aliquando obtinendæ; quod est gravissimum scandali crimen. At ad restitutionem non teneri plures arbitrantur: quia, inquit, & sunt liberaliter data, & ipsi animum non habet ejus impuris affectibus consentiendi; sibi proinde imputare debet nimis credulus amasius, si sibi plus polliceatur, & speret, quam debuerit prudenter vel credere, vel sperare. Verum quidquid sit, num ex justitia restituere debeat, certum est teneri ad munera accepta restituenda ad fœdi amoris fomentum, & scandalum tollendum. Et revera, si oblata munera non sine gravi peccato recipere possunt, ut fatentur & ipsi Auctores, & tenebatur ea respuere, ne scandalum esset impuro donatori; pari pacto jam iniuste acceptata retinere non poterit eadem de causa, ne scilicet scandalum perseveret, & ut omnem auferat ab impudico amasio spem aliquid obtinendi, & scandalum in accipiendo datum restituendo resarciat. Ita optime & clarissime docet P. Concina hic cap. xi. n. 11. Prodigam autem omnem promissionem ex se non obligare ostendimus differt. 3. de Contr. gratuitis cap. 2. consecr. 2. Multo minus igitur obligationem inducet, si facta sit ob turpem causam, ideoque non tenebitur turpis amasius ad prodigam implendam promissionem, factam mulieri ob ejusdem corporis usum; quippe quæ & nulla est ob prodigalitatem, & nulla ob turpem finem, cujus gratia habita fuit.

CONJECTARIUM SEXTUM.

VI. Munera data pro actione ex justitia debita, sunt danti restituenda. Hujus doctrinæ veritatem ostendimus cap. præced. n. 8. Solum hic nonnullos hoc titulo restitutioni obnoxios designamus. Sunt itaque isti, Ministri principum, Judices, Notarii, Tabelliones, & præsertim Thesaurarii, qui publica stipendia, vel publicam pecuniam ex officio creditoribus solvere tenentur; quippe qui, si se ad solutionem morosos exhibent, occupationibus distentos simulant, solutionem de industria retardant, ut hoc pacto creditores cogant ad aliquod præmium, sive xenium erogandum, ut prompte sibi debitam pecuniam accipiant, nec diutius fatigentur: hi profecto furibus sunt æquiparandi, & ad restitutionem cogendi; cum pretium illis erogatum, licet titulo remunerationis, vel doni nomine oblatum, sit vi extortum, & solam redimendam vexationem erogatum. Parum autem interest, num hæc munera ipsis Thesaurariis, Judicibus, aliisque non ab ipsis creditoribus, vel litigatoribus dentur, sed ab alio extraneo; cum isti nunquam sint munera daturi, nisi aliqua cum ipsis creditoribus, vel litigatoribus necessitudine sint obstricti, vel ab ipsis de largitione mandatum acceperint. Mera igitur illusio est, & levissimus fucus ad iniquitatem regendam putare, ut censent nonnulli Theologi, posse a Judice, a Thesaurario, aliisque justitiæ ministris ea accipi, & retineri munuscula, quæ ab extraneo dantur, non vero ab ipso creditore; cum semper præsumptio obtimeat, munuscula illa manu extranei a creditore, vel litigatore dari, immo plerumque iniqua ista commercia non

nisi

nisi mediante aliquo lenone persurgant. Hoc tamen non impedit, ne iudices, alique ministri aliquid gratuito, & liberaliter datum recipere possint, dummodo tamen certo ipsis constet, munus ex mera dantis liberalitate proficisci. Quod quidem constabit 1. si munus datum sit quid leve, si post factum, si nulla præcedente vexatione, si ab homine opulento, & assueti liberaliter erogare proficiscatur: quod si dubiter, debet munera modestè respicere. Pariter nec illorum Theologorum doctrinæ lubens acquiesco, qui docent posse huiusmodi ministros titulo mercedis aliquid & petere, & accipere a creditoribus, si sint a Republica ad illud munus conducti absque sufficienti stipendio. Nam 1. debent ab ipsa conducente Republica iustum stipendium exigere, & si non obtineant, officium dimittere. 2. Non ipsi sunt, qui a Republica conducuntur, sed ipsi se offerunt, & ultro se ingerunt, immo sæpius omnem movent lapidem, ut hæc lucrosa officia consequantur: quod eum præstent, etiam quando stipendia norunt non esse sufficientia, se obligant ad ea exercenda etiam tenui illo stipendio, nec creditores gravare possunt. 3. De stipendii sufficientia quis iudicabit? Num ipsi ministri? Num creditores? At stipendium illud, quod prioribus insufficientis dolebunt, isti superabundans iudicabunt, & utrique in re propria iudices sedebunt. Ad Rempublicam igitur pertinebit de sufficientia stipendii iudicare, quæ jam sententiam protulit, cum ultro petentibus hæc munia & talia stipendia destinavit, non nolentibus & reluctantibus imposuit.

CONSECTARIUM SEPTIMUM.

VII. Quando aliquid datur pro opere ex motivo caritatis, vel alterius virtutis a iustitia commutante distinctæ præstando, licet detur tanquam pretium operis, non est ab accipiente de se, & absolute restituendum. Veritas huius propositionis ex ipsa eruitur S. Thom. doctrina, qui hic q. 62. art. 1. aperte docet, onus restitutionis non oriri, nisi ex violata iustitia commutativa, scribens: *In restitutione attenditur æqualitas iustitiæ secundum recompensationem rei ad rem, quod pertinet ad iustitiam commutativam: & ideo restitutio est actus commutativæ iustitiæ*. Porro qui accipit aliquid pro opere, quod ex iustitia præstare non tenetur, licet teneatur ex alia virtute, puta caritate, vel pietate, peccabit quidem contra has virtutes, at in iustitiam omnino non peccabit: non erit ergo restitutioni obnoxius. At inquit recentior Probabiliorista: *In iuste venditur, quod quis jam præstare tenetur*. Minime gentium, quando tenetur præstare non ex iustitia, sed ex caritate: tunc enim illicite vendit, non iniuste vendit: vendit illicite, quia caritatem violat, cum accepta mercede præstet, quod sine mercede præstare debebat: at non iniuste vendit, quia nullo iustitiæ onere tenebatur præstare. Et revera, si officium, quod ex caritate rependere tenetur, recuset, violabit ne iustitiam? Nequaquam, cum ista sic locum non habeat. Non ergo eam violabit vendendo opus ex caritate debitum, cum nec tunc iustitia locum obtineat. Præterea non satis capio, quid sibi velit præstans Auctor, dum dicit, *huiusmodi opera (scilicet ex caritate præstanda) non esse pretio æstimabilia, utpote altioris, & omnino*

O o o

di-

diversi ordinis a quovis pretio vel erogato, vel erogando. Fateor quidem omnium virtutum, non solius caritatis, actus, esse altioris ordinis, si spectentur, quatenus sunt spirituales actus intellectus, & voluntatis in ordine ad Deum; at non si spectentur, prout quibusdam exterioribus, & corporalibus operibus ad alterius utilitatem exercentur, Rem exemplo illustro. Cadit quis in foveam, a qua exire sine alterius ope non valet. Clamat auxilium petens. Accurrit clamoribus rusticus, qui procul dubie lapso ex caritate auxiliari tenetur: at opem ferre detrectat, nisi pecuniam accipiat, quam missellus ille vel pollicetur, vel statim erogat. Nunc quæro; quidnam est in hoc opere, quod dici possit altioris ordinis, & omnino diversi a quovis pretio vel erogato, vel erogando? Num actus interni voluntatis succurrendi proximo in ordine ad Deum? At hos nec alter vendere vult, nec alter emere curat: immo nec sunt in rerum natura, cum tantum absit, ut actum caritatis eliciat, quin immo graviter peccat contra caritatem: igitur solum quærit opus materiale, & physicum manibus peragendum, quo a periculo liberetur. Et hoc est, quod alter vendit, alter emit, Fateor & has actiones physicas, & materiales deberi ex caritate: sed quia hoc nomine sunt præstandæ, non ideo sunt ordinis superioris, & altioris, adeo ut pretio æstimari non possint. Quamobrem, qui exhibere detrectet gratis, peccat quidem, non iustitiam violando, sed caritatem omittendo, quæ ad ea præstanda obstringit. Meretur tamen a Confessario puniri privatione pecuniæ certo illicite acceptæ, & ad restitutionem obstringi, ne ex hac iniquitate lucrum reportet.

Fieri tamen quandoque potest, ut quis ad restitutionem teneatur; non quidem rigorose talem, sed minus proprie, quando nimirum pecuniæ receptio impediatur, ne debitum ex alia virtute, præter iustitiam, perfectè impleatur. Ut si quis ex voto teneatur offerre alicui Ecclesiæ crucem, vel lampadem argenteam valoris centum aureorum, & recuset votum implere, nisi ab Ecclesiæ Rectore, vel ab alio viginti aureos recipiat; hic præfatos aureos reddere tenetur non restitutione rigorosa, sed sola satisfactionis causa, quia nimirum illos viginti aureos recipiendo, non integre voto satisfaceret, nec totam poneret voti substantiam. Similiter & ad restituendum acceptum pro aliquo actu virtutis adstringitur accipiens, quando talis datio, vel receptio a Legibus & interdicitur, & irritatur; ut contingit in acceptis ab Ecclesiasticis Visitatoribus ratione visitationis ex speciali dispositione Tridentini Concilii sess. 24. cap. 3. de Reform. statuentis: *Si quisquam (Visitatorum) aliquid amplius in supradictis casibus accipere præsumpsit, is præter dupli restitutionem intra mensem faciendam, aliis etiam penis . . . sine spe veniæ multabitur.* Quæ restitutio non ex virtute iustitiæ progreditur, sed ex juris dispositione. Sic etiam statuit jus civile L. 2. ff. de conditio. ob turpem causam indicens: quod si turpis causa accipientis fuerit, etiam si res sequuta fuerit, repeti potest, ut puta dedi tibi, ne sacrilegium facias.

CONSECTARIUM OCTAVUM.

VIII. Quotiescumque aliquid datur ob actionem bonam alias debitam, sed vel ex mera liberalitate damis, vel quia actio bona solum in ipsius accipien-

accipientis redundat utilitatem, quod datum est, licite retineri potest, nec est restituendum. Prima pars hujus confessorii est manifesta: nihil enim prohibet, ne liberalitas locum habeat. Hinc qui alicui opportunam opem tulit in necessitate constituto, licet ad hoc ex caritate teneatur, si liberatus a periculo naufragii, latronum, incendii benefactori suo aliquid remunerationis loco elargiatur, accipi ab isto, & legitime retineri potest. Quod verum est, etiam si officium præster ex iustitia debitum: ut si quis repertam gemmam, vel crumenam auro repletam domino restituens, ab isto liberaliter pecuniam accipiat, poterit tuta conscientia retinere, cum virtutum officia non se mutuo excludant, sed sancto fœdere consociari possint. Similiter si quis officium cuiuscumque virtutis, etiam iustitiæ, alias debitum præstando, vel gravia subierit incommoda, & pericula, vel industriam suam posuerit, vel expensas fecerit, nedum sponte oblatum recipere poterit, sed & petere aliquam compensationem, tanquam sibi debitam, vel iustitiæ nomine, si expensas subierit, vel certe rigorosæ gratitudinis ob exantlatos labores, & adhibitam industriam.

Altera vero pars, quæ affirmat retineri posse, quod datum est ob actionem aliquam bonam in solius faciebat utilitatem redundans, est de se manifesta; eum clare appareat tunc datum munus ex sola dantis liberalitate prodisse: nemo enim emit, quod non sibi danti, sed accipienti est solum utile. Ut cum parentes filiis aliquid donant, ut Missam devote audiant, ut ad primam Communionem devotius accedant, ut in sabbatis quadragesimæ jejument, & similia: hæc enim munuscula sunt pie-

tatis excitaamenta, non contractus, lucra, & emolumenta.

CAPUT NONUM.

De Restitutione faciendâ vel ob illatum damnum, vel ob impeditam boni alicujus affectionem.

D O C T R I N A.

- I. *Dupliciter quis alteri damnum inferre potest.*
- II. *Regula nonnulla pro restitutione faciendâ causa illati damni. Regula I.*
- III. *Regula II. IV. Regula III.*
- V. *Regula IV. VI. Regula V.*
- VII. *Regule pro restitutione faciendâ ab impediendâ bonum alicujus.*
- VIII. *Regula I. IX. Regula II.*
- X. *Regula III. XI. Regula IV.*
- XII. *Regula V.*

I. **Q**UARTUS titulus, ex quo onus confurgit restitutionis, est illatum proximo damnum; licet qui intulit, nullam vel rem proximi acceperit, vel lucrum reportaverit. Porro aliquis (verba sunt S. Thom. hic q. 62. a. 4.) *damnisfecatur dupliciter. Uno modo quia auferitur id, quod actu habet; ut cum quis alterius domum diruit... alio modo impediendo, ne adipiscatur, quod erat in via habendi; ut cum quis effodit semina, damnisfecat alter; non in rota messe futura. At licet uterque damnum inferat, non æqualitamen premitur restitutionis onere: quomobrem sunt ab invicem sejungendi: & primo de illo, qui damnum infert auferendo alteri, quod actu habet; postea de altero damnum conferente impediendo, ne quis aliquid bonum adipiscatur, dicendum erit. Præterea potest quis alteri damnum inferre non
O o o in*

in solis bonis fortunæ, sed & in aliis, nimirum vita, corpore, fama, honore, & bonis etiam spiritualibus. Verum hic solum de damno illato in bonis fortunæ tractabimus, de ceteris vero in peculiari Dissertatione.

II. Cum superius capitibus 1. & 2. offenderimus, quando onus restitutionis locum habeat in damno illato, vel ob injustam acceptionem, vel ob rem acceptam, & quando ab illo, qui damnum intulit, liberetur; hic solum nonnullas Regulas breviter statuimus, quæ inibi dicta clarius illustrabunt. Sic itaque

REGULA PRIMA.

Qui alicui actioni honestæ, sibi que utili iuste operam navet, licet periculum timeat damni alterius, nullo adstringitur onere restitutionis; si tamen eam non omittat diligentiam ad alterius damnum præcavendum, qua uti solent ceteri homines cordati & prudentes, quamvis damnum inde sequatur. Veritas hujus regulæ ipso naturali lumine patet. Nam 1. hic utitur jure suo honesto, sibi licito, & utili. 2. Caver, ne damnum alterius sequatur. 3. Si damnum sequitur, hoc præter voluntatem provenit agentis, qui illud nec vult, nec intendit, sed ex naturali rerum ordine, & dispositione. Sic licite quis in proprio fundo puteum excavat ad aquas proprio usui comparandas; licet timeat ex hujusmodi excavatione aquas a puteo vicini avertendas, & revera ita contingat. Quod & ex Regula juris confirmatur L. Nullus de reg. jur. ubi statuitur: *Nemo damnum fecit, nisi id fecit, quod facere jus non habet.*

REGULA SECUNDA.

III. Qui præfatæ actioni indulget, licet honestæ, & sibi utili, si tamen eam non adhibeat diligentiam ad alterius damnum præcavendum, quam communiter prudentes viri adhibere solent, ad damnum faciendum tenetur. Ratio est manifesta: quia, licet actio in se iusta sit & licita; injusta tamen evadit, & alteri perniciofa quoad modum, & ex ejus culpa. Hinc Pastor, qui ad lupum gregi suo insidiantem capiendum foream in via aperit, ad damnum tenetur, quod illac transeunti nocturno tempore forte ex lapsu in ipsam obvenit. Hinc Exodi 21. v. 33. dicitur: *Si quis aperuerit cisternam, & foderit, & non operuerit eam, cecideritque bos, aut asinus in eam, reddet dominus cisternæ pretium jumentorum; quod autem mortuum est, ipse erit.* Et in jure civili statuitur, quod si multo plus nimio mulum, vel asinum oneraverit, quare cadens in terram vicinum læserit, ad damni restitutionem teneatur. Legis verba sunt L. 1. ff. *Si quando quadrupes pauperiem fecerit. Si propter loci iniquitatem, aut propter culpam mulonis, aut si plus justo onerata quadrupes in aliquem onus averterit, hæc actio cessabit, damnumque injuria agitur.*

REGULA TERTIA.

IV. Si actioni vacaveris inutili, otiosæ, multoque magis illicitæ, ex qua alterius damnum secuturum prævidere poteris, & tenebaris, licet omnem adhibueris diligentiam, ne sequeretur, adhuc, si consequatur, ad illud faciendum teneris. Hanc regulam nonnulli inficiantur Theologi: quia, inquit, ille utitur jure suo, & alterius damnum præcavere studet, Verum fal-

fallantur. Nam 1. non utitur, sed abutitur jure suo, quod datum non est ad actiones inutiles, vel malas facien- das, præsertim cum alterius damno conjunctæ sint; sed ad quod honestum, licitum, & utile est, perficiendum. 2. Violat jus alterius, qui damnum passus est, in eo situm, ne quis actione sibi inutiles, otiosa, vel mala periculo se exponat inferendi alteri damnum. 3. Est vera causa damni illati, quod prævidit, & ad quod præcavendum nequaquam omnem adhibuit diligentiam: prima enim, & præcipua diligentia erat cessare ab opere inutiles, otioso malo, quod alteri nocere poterat, ut egregie docet S. Thom. 1. 2. q. 20. a. 5. Dicendum, quod eventus sequens aut est præcogitatus, aut non. Si est præcogitatus, manifestum est, quod addit ad bonitatem, vel malitiam actus. Cum enim aliquis cogitans, quod ex opere suo multa mala possunt sequi, nec propter hoc dimittit, ex hoc apparet voluntas ejus esse magis inordinata. Et L. 30. de reg. jur. in 6. dicitur: *Qui occasionem præstat, damnum fecisse videtur.* Hinc qui domum ad furandum ingrediens, licet caute lumen deferat, si tamen incendiū inde exoriat, ad damnum faciendum tenetur.

REGULA QUARTA.

V. Si rei otiosæ, inutiles, & malæ des operam, licet ex illa plerumque, & communiter nullum alteri obveniat detrimentum, si tamen hoc intendas, & velis, & revera sequatur, ad damnum reparandum obstringeris: nihil enim deest ita agenti, ut reus sit illati damni, non voluntas nocendi, quam adesse supponimus, non opus damnum inducens, quod revera ponitur. Hinc si quis socium moveat, vel hortetur,

ut murum transcendat ad furandum eo animo, & mente, ut o muro dilabens damnum in membris patiatur, tenetur, qui impulit, ad damna facienda; licet ille pluries præfatum murum sine læsione ascenderit, quare nullum ipse timorem conceperit.

REGULA QUINTA.

VI. Qui alterius damni in causa est, tenetur totum damnum sarcire, & cetera onera subire, quæ possessori malæ fidei sunt imposita, cum furi equiparetur. Ita docet S. Thom. hic q. 62. a. 4. scribens: *Qui damnificatur, quia aufertur ei, quod actu habebat; tale damnum est semper restituendum secundum recompensationem equalis; puta si aliquis damnificat aliquem diruens domum ejus, tenetur ad tantum quantum valet domus.*

VII. Qui vero alterum ab alicujus boni consecutione injuste impedit, num ad restitutionem teneatur, hæc sunt animadvertenda. 1. Nam vel juste impedit, vel injuste. 2. Num ille, qui bonum non obtinuit, jus aliquod habuerit sive in re, sive ad rem; vel nullum jus habens, bonum dumtaxat ex dantis liberalitate expectaret. Jus in re habere dicitur, qui rem possidet in se, vel in æquivalentis jus ad rem, qui licet actu rem non possideat, quando tamen obtinebit; ut jus filii in hereditatem patriæ, Clericus ad Beneficium, quod petiit. His prænotatis sequentes tractantur Regulæ.

REGULA PRIMA.

VIII. Qui justè, aliquem impedit a consecutione alicujus boni, quod ille obtinere sperat, nec peccat, nec ad restitutionem tenetur. Veritas hujus regulæ est de se manifesta: nemo enim, quod justum est, agens peccare potest, nec

nec alterius jus violat, quod non habet, quia iuste arceri potest ab ejus consecratione. Hinc qui impedit, ne indignus Ecclesiasticum Beneficium consequatur, ne officium judicis obtineat imperitus, ne pecunia donec aleatorum, prodigo, scortatori, qui ea ad scelerata abuteretur, nec peccat, nec ad restitutionem tenetur: dummodo non hoc faciat ex odio, inimicitia, vel alio trans inordinato affectu; tunc enim peccabit, nec tamen ad restitutionem obstringetur. Desumpta est hæc regula ex D. Thom. doctrina hic q. 62. a. 2. ad 4. scribentis: *Aliquis potest impedire aliquem, ne habeat præbendam, iuste, puta si intendens bonorem Dei, & utilitatem Ecclesie, procuraret, quod detur alicui personæ digniori: & tunc nullo modo tenetur ad restitutionem, vel ad aliquam recompensationem faciendam.*

REGULA SECUNDA.

IX. Qui fraudibus, dolo, vi, aliove modo injusto impedit, ne bonum aliquis assequatur, ad quod jus aliquod obtinebat, iustitiam violat, & ad restitutionem tenetur juxta gradum spei, vel juris, quod in bonum illud obtinebat. Hæc quoque regula est ex D. Th. desumpta, qui l. cit. subdit: *Aliquis potest impedire aliquem ne habeat præbendam (quod & de quocumque alio bono, vel beneficio est intelligendum) injuste; si intendat ejus nocumentum, quem impedit propter odium, vel vindictam, aut aliquid hujusmodi. Et tunc si impedit, ne præbenda detur digno, consulens quod non detur, antequam sit firmatum, quod ei detur, tenetur quidem ad aliquam compensationem, pensatis conditionibus personarum, & negotii secundum arbitrium sapientis: non tamen tenetur ad æquale; quia illam nondum sus-*

rat adeptus. . . . Si vero jam firmatum sit, quod alicui detur præbenda, & aliquis propter indebitam causam procuraret, quod revocetur, idem est, ac si jam habitam ei auferret. Et ideo tenetur ad restitutionem æqualis, tamen secundum suam facultatem. Ratio ipsa S. Thom. doctrinam confirmat. Nam quilibet jus habet, ne dolo, fraude, vi a consecratione alicujus emolumenti, doni, beneficii impediatur: quod jus violatur ab impediante præfatis modis, ne alter præfata emolumenta consequatur. Quoad vero quantitatem damni illati, hæc, ut optime observat D. A. pensanda est juxta qualitatem juris, aut majoris, aut minoris, quod ad illud bonum habet, & juxta gradum spei, seu probabilitatis, quem obtinet in ordine ad illius consecrationem; cum solum juxta hos gradus damnum pariatur, ut inferius iterum dicemus.

REGULA TERTIA.

X. Qui pravo nocendi animo, & ad vindictam, non dolo, nec fraudibus, sed suasionibus, precibus, consilio impedit alteri consecrationem alicujus boni sperati, alias illi non debiti, peccat, & ad restitutionem tenetur. Hanc regulam, in quantum asserit ira agentem peccare saltem contra caritatem, ad unum omnes fatentur Theologi, & est ipso lumine naturali nota. At quantum ad crimen injustitiæ, & onus restitutionis non omnes consentiunt Theologi; immo plures præsertim ex recentioribus censent, hunc nec iustitiam violare, nec ad restitutionem teneri: quippe quia, inquirunt, animus perversus, & injustus minime præstat, ut opus externum sit contra iustitiam, quando de se talis non est: porro ex solo actu externo injusto iustitia viola-

tur,

tur, & onus exurgit restitutionis. At opposita doctrina in hac regula constituta mihi est probabilior, & doctrinæ innitur S. Thom. mox citatæ aperte docentis: *Impedientem alterum a consecutione alicujus beneficii ex odio, aut vindicta, vel alio hujusmodi, teneri ad restitutionem* Solum naque odium, & vindicta cum exteriori actione conjuncta damnum inferendi ex S. Thom. onus inducit restitutionis: & licet nec seorsum odium, & nocendi desiderium, nec seorsum consilium, preces, suasiones vim habeant iustitiam violandi, simul tamen conjunctæ hanc inducunt pravitatem; & actio externa malitiam desumit ex pravo interiori animi affectu. Nec obstat exceptio, quam apponit Card. Gotti, nimirum S. D. loqui de illis, qui aliquod jus habent ad bonum illud. Quandoquidem qui tale jus impedit, & violat, licet hoc non præstet ex odio, vel vindicta, sed solum ob aliquam suam, vel alterius utilitatem, semper est obnoxius restitutioni. Ergo S. D. non ex jure violato, sed ex motivo damni inferendi onus desumit restitutionis. Sicut nec ex modo illicito inducendi tale damnum, nimirum fraudibus, dolis, calumniis: nam supponit solum adhiberi consilium, scribens, *consulens quod non datur*. Ergo ex S. Thom. qualicumque sit modus damnum inferendi, si ex odio, vindicta &c. oriatur, onus inducit restitutionis. Præterea vere jus alterius violatur: quilibet enim jus habet, ne sine iusta causa ab alicujus boni consecutione, quod sperat, quocumque modo repellatur; quod tamen jus non habet, si repellatur ex iusta causa, ut ex ipso intimo naturæ sensu patet. Nullus enim indignatur, nec dolet, si alter illud ædem bonum, emolumentumque, quod

ipse sperat, sibi licitis, iustisque modis procuret: at jure merito conqueritur, si ex odio, inimicitia, vindicta hoc bono ab alio se privari conspiciat. Quod confirmatur exemplo illius, qui venam aquæ in vicini fontem, vel puteum influentis præcidit in suo fundo, per quem transit: si hoc enim faciat in sui utilitatem, & commodum, & licitum illi exit: & vicinus conqueri iuste non poterit de aqua sibi erepta: at si hoc faciat animo damnum inferendi vicino ex odio, inimicitia, vindicta, id omnino non licere omnes affirmant, & leges statuunt; & alter injusto ea utilisce privatur. En igitur, quomodo non ex solo externo opere, nec ex sola animi dispositione, sed ex utroque simul concurrente injustitia desumitur, & onus oritur restitutionis. Non me latet Cajetanum (quem tanquam nostræ sententiæ faventem citant & Salmanticenses, & Concina, cum revera aperta adversetur) ad positam paritatem respondere, præcidentem venam aquæ *auferre vicine aquam propriam, licet dependentem a fundo alterius, propterea oportere auferrentem ex legitima causa auferre*: quod non contingit in eo, qui alium impedit a consecutione boni, quod illi non est proprium, sed solum ex alterius liberali voluntate obvenire potest. Nam meo videri fallitur Eminentiſſimus Scripſor: siquidem aqua, quæ jam in vicini fontem, vel puteum est derivata, illi est quidem propria, qua privari ab alio sine injustitia omnino non potest, sive id faciat ex odio, & vindicta, sive solum in suum commodum, & utilitatem. At aqua, antequam in ejus fontem influat, non est illi debita, nisi (ut ita dicam) ex quadam liberalitate, & dono naturæ, quam liberalitatem alter impedit canalem præcidendo: quod

quod si faciat in sui utilitatem, & bonum, nullam injuriam irrogat vicino, nullique est restitutionem obnoxius; at si id efficiat ex odio, malitia, vindicta, & irrogat injuriam proximo, & ad restitutionem obstringitur: & hoc est, quod contingit in casu nostro, & ex sequenti regula clarius apparebit. Sed prius est aliud Cajetani argumentum solvendum nostram assertionem pulsans. Si quis, inquit, statuit animo aliquid alteri donare, vel exarato jam Testamento legatum designaverit, & postea ex odio, & vindicta voluntatem mutet, & Testamentum revocet, resecto ceu injustitiam reum illum nemo redarguet; & tamen est tota causa damni alterius. Ergo nec qui illi consulit, suadet, precibus movet, ut voluntatem, & Testamentum mutet, licet id ex ira, & odio, ac mala voluntate faciat, reus erit violatæ justitiæ, & restitutioni obnoxius. At resp. latum esse discrimen: nam donator, vel testator, quamdiu vel donationem non implevit, vel testamentum morte sua non confirmavit, jus habet naturale suam voluntatem mutandi absque ulla alterius injuria. Quod si id præstat, peccabit quidem contra caritatem proximi, at contra justitiam omnino non peccabit: cum tota ratio spei de bono, & emolumento obtinendo in alio ex unica ejus liberali voluntate pendeat. Sed qui ex odio, & malitia alterum movet suasionem, consilio, precibus ad benevolam suam deponendam, vel mutandam voluntatem, ad hoc præstandum nullum jus habet, immo faciendo peccat: & præterea jus alterius violat, postulans, ne a boni, vel emolumenti consecutione, quod ex alterius liberalitate sperat, ex odio, & nequitia quocumque tandem modo arceatur. Ceterum nostræ doctrinæ

assentiuntur Bannez, De Lugo, & ipsi benigniores Salmaticenses Tr. 13. cap. 1. p. 4. n. 103. Immo & S. Antoninus, qui P. II. tit. 2. cap. 2. §. 1. sic docet *Patet, quid dicendum sit de his, qui scholares retrahunt, & subtrahunt Doctoribus, cum quibus audiunt: quia aut hoc faciunt ex odio Doctorum, vel volentes sibi providere &c.* . . . Si primo modo aut subtrahit scholarem, qui jam intrabat scholas, & tunc tenetur ad restitutionem scholaris, sive salarii, & honoris sibi subtrahit . . . Si autem nondum scholas intravit, sed intrare disponebat, non tantum tenetur, licet obligetur scholarem inducere, ut redeat ad primum.

REGULA QUARTA.

XI. Qui non ex illicito motivo, scilicet nec ex odio, malitia, invidia, sed ob suam vel alterius sibi magis conjuncti utilitatem impedit alium a consecutione alicujus boni, illi ex sola collatoris voluntate provenientis, licet fortassis peccet contra caritatem, justitiam tamen non violat, nec ad restitutionem tenetur, si hoc præstat non dolo, nec fraude, sed solis hortationibus, consiliis, precibus, & hujusmodi. Veritas hujus doctrinæ ex superioribus profluit, & patet rationis lumine. Hic jus alterius non violat, nec quoad substantiam, nec quoad finem, nec quoad modum: non quoad substantiam, quia revera alter ex sola interna alterius voluntate, & animi dispositione jus strictum, & rigorosum non est ad bonum, & emolumentum illud consecutus: non ex fine, non enim pravo animo erga illum sed a sua, vel alterius sibi magis aliquo necessitudinis titulo conjuncti utilitate movetur: non denique quoad modum, cum nec dolum, nec fraudem adhibeat, sed solum consilium, hortationes, preces,

ces, quæ vim non inferunt, nec injuriam irrogant. Hinc non sunt injustitiæ arguendi mercatores, opifices, magistri, medici, causatum patroni, qui clientes sibi procurant, precibus invitando, blanditiis alliciendo; majores utilitates promittendo, licet per hoc alios clientibus suis privent, vel, ne ad alios accedant, impendant. Ita docet S. Antoninus l. laud. subdens: Si autem hoc faciat volendo sibi providere, puta, est Doctor, & vult sibi de scholaribus providere, si hoc sine fraude facit, & scholaris nondum se dederat alicui Doctori, non credo, eum in aliquo obligari, cum cuiuslibet sit licitum modo licito, & debito procurare utilitatem suam. . . . Si autem hoc facit, volens aliis providere, sicut quando scholaris alicujus Doctoris subtrahere conatur scholares alius Doctoribus, ut intrent cum Doctore suo, in hoc solum bonorem, & utilitatem sui doctoris intendunt, si subtrahat jam intrantem cum alio doctore, credo ipsum obligari, nisi forte illius doctoris, cui subtrahit eum, insufficientia, & scholaris aliqua specialis cura, qua sibi tenetur, excuset. Si autem subtrahat intrare volentem, cum ex hoc nullum jus doctori sit acquisitum, & hoc faciat sine fraude, non credo eum doctori in aliquo obligari.

REGULA QUINTA.

XII. In restitutione ob illatum damnum compensatio non est facienda semper secundum valorem impediti boni, sed juxta gradum vel spei, vel probabilitatis illud consequendi. Hanc regulam tradit S. Thom. hic q. 62. a. 4. ubi distinguit inter illum, qui spem aliquam habet alicujus emolumenti consequendi, & illum, qui proximus est ad præfati boni consecutionem, & denique inter illum, qui rem jam est consecutus.

Patuzzi Theol. Mor. Tom. V.

Et de priori quidem statuit, restitutionem non esse valori boni sperati æquandam, sed solum spei juxta prudentis arbitrium. Unde sic scribit a. 2. ad 4. Qui impedit, ne præbenda detur digno, consulens quod non detur, antequam sit firmatum, quod ei detur, tenetur quidem ad aliquam recompensationem, pensatis conditionibus personarum, & negotii secundum arbitrium sapientis; non tamen tenetur ad æquale; quia illam nondum fuerat adeptus, & poterat multipliciter impediri. Quod generalis repetit, & confirmat a. 4. subdens: Si damnificet aliquem impediendo, ne adipiscatur, quod erat in via habendi, tale damnum non oportet compensare ex æquo; quia minus est habere aliquid virtute, quam habere actu. Qui autem est in via adipiscendi aliquid, habet illud solum secundum virtutem, vel potentiam: & ideo si redderetur ei, ut haberet hoc in actu, restitueretur ei, quod est ablatum, non simpliciter, sed multiplicatum: quod non est de necessitate restitutionis. De illo autem, qui adeo proximus est ad boni sperati consecutionem, ut moraliter reputetur affectus, impediens tenetur ad integrum valorem rei: quia inquit S. Thom. idem est, ac si jam habitam ei auferret; & ideo tenetur ad restitutionem æqualis, tamen secundum suam facultatem, quia juxta Aristotelem, quod modicum deest, quasi nihil deesse videtur. Circa quod axioma Aristotelis a D. Thom. adoptatum inepte Cajetanus cavillatur, dicens, locum non habere in moralibus: nam quando parum abest, ut quis peccet, non ideo peccat; & cum parum abest, ut quis hominem occidat, non per hoc homicida est, & restitutioni obnoxius. At, si attentius mentem S. D. efficit specularus, suam æquivocationem, & amphibologiam detexisset. Aliud enim est, pa-

P P P

ram

rum abesse, ut *damnum des*; aliud *damnum dare in re*, quæ parum abest, ut sit. D. Thom. nunquam docuit, aut putavit, quando parum abest, ut quis damnum det, teneri ad restitutionem, sed solum, quando quis damnum dedit in re, quæ parum aberat, ut esset. Rem exemplo illustro. Si venatores currentes cum equis, & canibus circa vineam, aut sata, quorum fructus jam sunt colligendi, parum abest, ut ea conculcent, vel pessundent, ad nihil omnino tenentur; cum revera damnum nullum intulerint: at si vineam, vel sata ingrediantur, & vites, ac sata conculcent, pessundent; dissipent, ad totum fructum pretium sarcientium tenentur: quia revera damnum dederunt in fructibus, qui parum aberant, ut essent in possessione domini: & de hoc damno ad æqualitatem rei compensando loquitur S. Thom. At, quando spes rei non est adeo proxima, ut consecutioni possit comparari, non est cum tanto rigore compensatio faciendâ, sed juxta sapientum judicium; ut primo loco docuit D. A. Quando vero quis rem speratam est jam consecutus, pater manifeste ad integrum valorem rei restituendum teneri, quia illius rei veluti fur, & prædo habetur. Unde scribit arr. 4. *Quando quis aufert alteri, quod actu habet, tale damnum est semper restituendum secundum recompensationem æqualis: puta si aliquis damnificet aliquem diruens domum ejus tenetur ad tantam, quantum valet domus*

CAPUT DECIMUM.

CONSECTARIA PRÆCEDENTIS DOCTRINÆ.

- I. *Actiones nonnullæ a legibus vetitæ, quæ licet honestæ damnum alteri inferunt.*
- II. *Quando quis damnum reparare debeat illatum a bestia.*
- III. *Quando ob ruinofam domum super vicinam adem lassam cum ejus detrimento.*
- IV. *Cui restituere debeat, qui beneficium confert indigno, vel digno, sed prætermisso digniori.*
- V. *Quando distribuens bona communia, vel sibi legata ad restitutionem teneatur.*
- VI. *Quando quis repellens aliam a beneficio teneatur ad restitutionem.*
- VII. *Num ad restitutionem teneatur, qui precibus, aut consiliis alium ab emolumento spirati consecutione repellit.*

CONSECTARIUM PRIMUM.

- I. QUAMVIS juxta primam regulam liceat unicuique per actionem licitam, honestamque, quod sibi utile est, procurare, tamen inde damnum aliquod alteri obveniat; excipiendæ tamen sunt actiones illæ, quæ, licet honestæ & utiles, a legibus tamen prohibentur, tanquam proximo noxiæ: cujusmodi sunt leges statuentes, ne domus altius attollatur, ne fenestra aperiat, ne lumen vicino impediatur, & alia hujusmodi; cum leges istæ in commune bonum sint positæ, & illis obtemperare debeant subditi etiam in foro conscientiæ, antequam per judicis sententiam cogantur ab opere desistere.

CON-

CONSECTARIUM SECUNDUM.

II. Qui ad vineæ, siue horti custodiam canes feroces detinet, si noctu aliquem ingredientem moribus lætant, ad restitutionem minime tenetur: at si interdiu ostium solum pessulo oblectum relinquit, & solutos canes, ad restitutionem damni adstringitur, si forte ingredientem lædant. Prima pars hujus Consectarii est manifesta: nam quilibet potest rem suam eo honesto modo custodire, quod opportunum judicat; licet fortassis prævideat alteri damnum obventurum, ut in 1. Regula diximus. Modus autem fructus hortorum, & vineæ muro circumseptæ tuendi a furibus est per canes custodes suæ igitur vel impropriæ, vel malitiæ imputare debent qui noctu ingrediuntur. Altera pars constat: nam dominus januas interdiu aperire non debet, ne prius canes custodes loro vinxerit, ne ingredientibus ab ipsis lædantur; cum hujusmodi animalia non sint eo loco, & tempore retinenda, ubi alii communiter ingredi solent. Quamobrem in culpa esset damni illati, quod rescarcire teneretur. Hoc indicatur etiam L. 1. ff. Si quadrupede, ubi hæc duo statuuntur. 1. Si canis, cum duceretur ab aliquo, asperitate sua evaserit, & alicui damnum dederit, si contineri firmius ab alio poterat, vel si per eum locum induci non debuit, tenebitur qui canem tenebat. Et lege 2. Si quis aliquem evitans magistratum forte in taberna proxima se immisisset, ibique a cane feroces laesus esset, non posse agi canis nomine, quidam putavit, at si solutus fuisset, contra. Scilicet, si hujusmodi fugitivus tabernam ingrediens damnum subisset a cane levis vincto, dominus canis ad nihil teneretur: at damnum reparare deberet, si canis solu-

tus fuisset; nam hæc animalia non sunt in loco, ubi ingressus omnibus patet, detinenda.

CONSECTARIUM TERTIUM.

III. Si domus firma, repentinò casu super vicinam domum cadens, illi damnum afferat, ad nullam restitutionem dominus domus tenebitur: at si domus sit ruinosa, & super conterminum ruat, ruinosa domus proprietarius, si admonitus fuerit, de toto damno tenebitur. Prima pars hujus consectarii certa est: nam nemo de fortuitis casibus, qui extra humanam providentiam sunt, respondere tenetur, nisi pacto, vel contractu aliquo conveniat, hinc si domus firma ex fluminis impetu, vel ventorum violentia super vicini domum corruat, etiam cum magno illius detrimento, dominus nulli erit obnoxius restitutioni. Altera vero pars ex eo constat, quia admonitus de periculo ruinæ cum detrimento alterius, ad ejus reparationem & lege naturali, & legibus civilibus tenebatur. Quamobrem dominus ruinosa domum non reparans est vera subsecuti damni causa, ad quod sarcendum obstringetur. Excipitur, si ruinosa domus dominus impos ad faciendam, & sarcendam domum, ipsum vicinum roget, ut eam vel fulciat, vel sarciat, expensarum compensationem exhibens ex locatione ipsius domus; si vicinus id recuset, sibi imputare debebit, si domus ruens sua damnum afferat, nec dominus erit ulli restitutioni obnoxius. Dixi tamen, si admonitus dominus de imminente domus ruina reparationem recuset: nam si talis non præcefferit admonitio, leges statuunt, ad restitutionem damni non teneri, si fundum, & ipsam lapsum domus materiam damnum passo re-

linquat; et, si velit & materiam sibi vendicare, & fundum sibi retinere, & ad rudera tollenda, & ad damnum reparandum tenebitur. Sic statuitur L. 6. ff. de dam. inf. *Evenit, ut nonnunquam damno dato nulla nobis competat actio, non interposita antea cautione, velut si vicini aedes ruinosae ceciderint, adeo ut plerisque placuerit, ne cogi quidem eum posse, ut rudera tollat, si modo omnia, quae jacent, pro derelicto habeat.* Quæ lex in naturali fundatur æquitate. Nam æquum est eum, qui non admonuit de damno sibi imminente, actionem non habere; sed illi satis esse, si rudera, & fundus domus ipsi permittantur, & alter, qui ruinosam domum reparare omisit cum vicini detrimento, ipsam domum pro damno dato amittat: quæ si majoris sit preiit supra illatum damnum, ipsi liberum est damnum sarcire, aut rudera, ac fundum sibi vindicare.

CONSECTARIUM QUARTUM.

IV. Qui beneficium Ecclesiasticum confert indigno, vel solum digno, relicto digniore, extra concutsum, & lethaliter peccat, & restitutioni est obnoxius, non digniori prætermisso, sed Ecclesiæ: si vero ita se gerat in concursu, ad restitutionem tenetur etiam respectu ipsius dignioris prætermissi. In Tract. de beneficiis cap. 7. & 8. ostendimus, beneficium esse semper dignioribus conferenda, & lethaliter peccare qui vel indignis, vel minus dignis confert. Qua posita doctrina certissima, & verissima, quodnam restitutionis onus incurrant, qui indignis, vel minus dignis beneficia conferunt, in nostro consecratio statuimus. Ejus veritatem sic probamus. Nam qui extra concursum beneficium indigno, vel minus digno, prætermisso digniore con-

fert, respectu hujus non nisi distributivam violat justitiam, cum dignior nullum jus habeat ad hoc, vel illud beneficium obinendum; sed & justitiam commutativam violat respectu Ecclesiæ, quæ jus habet strictum, & rigorosum, ne sibi præstancur, & dentur Pastores, & ministri vel indigni, vel minus digni. Ita egregie docet Sotus de just. & jur. lib. 4. q. 6. scribens: *Provisior tenetur per justitiam commutativam dignum Ecclesiæ providere, quod ideo quod non facit, sed illo repulso præfert indignum, tenetur non illi, quem prætermisit, sed Ecclesiæ restituere . . . quia ille non peccat contra justitiam commutativam nisi in Ecclesiam, quæ stipendia solvit; nam dignus (vel dignior) nullum habet jus acquisitum, nec ejus causa, quæ præcipua fuit, instituta sunt decime. Et confirmatur similitudine . . . Si enim pater-familias ad eorum suum conductum operarios mitteret, ille autem illos studio conduceret, qui non essent ad operas idonei, restituere profecto teneretur non illis idoneis, quos prætermisit; sed domino cui damnum dedit. Quod si in ipso concursu indignum digno, vel dignum digniori præferat, jam non solum distributivam violat justitiam, & commutativam respectu Ecclesiæ, sed etiam respectu ipsius dignioris, qui jam per concursum jus acquisivit, ne sine justa causa a beneficio repellatur: repellitur autem injuste, si indigno, vel minus digno postponatur. Fateor tamen laudatum C. V. Sotum huic nostræ opinioni non adhærere; quippe qui putat stipendia, & emolumenta non meritis dari, sed operi: quod cum non præstetur a digniori, jus non habet ad ea, quibus proinde per rejectionem a beneficio non privatur. Subdit tamen, quod illum trepidantem ostendit: Haec*

ta-

tamen diffidendum, quia ob violatam distributivam justitiam debeat Prelatus illius dignioris prætermitti, ubi alia electio occurrerit, accuratorem rationem habere. Nostræ tamen sententiæ adhærent communiter Theologi, ut testatur Ferraris V. hesitatio cap. 5. num. 5. & eam egregie tuctur Concina Diss. 2. de restit. cap. 8. q. 5. n. 17. & seq. omnino legendus. Porro hæc doctrina de eligente indignum, vel minus dignum, prætermisso digniore, est etiam illi aptanda, qui impedit, ne dignior eligatur; est enim præfati damni causa.

CONSECTARIUM QUINTUM.

V. Qui bona communia, vel alia sibi ad distribuendum legata in plures partiiri debet, si partitio a sua omnino pendeat voluntate, justitiam non lædit, nec restitutioni sit obnoxius, si plus uni, quam alteri pro libito suo tribuat. Nam licet tota concio, sive cætus personarum, quibus facienda est distributio, jus habeat ad illa bona, quæ non sunt in dominio dividendi, sed solum in distributionis ministerio; nullus tamen privatus jus habet ad hanc, vel illam distribuendorum bonorum partem, cum partitio tota in distribuentis omnimoda voluntate sit constituta: qui proinde justitiam non violat, si uni potius, quam alteri majus aliquid de bonis distribuendis partiatur; quamvis fortassis caritatem violat. Hinc pariter, qui hunc distributorum non fraude, dolo, aut vi, & violentia, sed solum precibus, consilio, suasionibus impelleret ad quid majus uni dandum, quam alteri, non esset restitutioni obnoxius. At e contra, si quis bona communia, aut alia sibi legata, vel determinatis personis, vel juxta personarum indigentiam distribuere reneatur, peccat nedum contra ju-

stitiam distributivam, sed & commutativam, si non illis, sed aliis distribuatur, ac propterea est restitutioni obnoxius. Eapropter qui vel bona communia, vel sibi ad distributionem legata distribuere debet certis personis, puta virginibus, aut viduis; contra justitiam distributivam peccat, si non illis, sed aliis ea concedat, cum præfata persone ratione suæ conditionis jus habeant ad illa bona obtinenda: quod jus violatur, dum ipse subtrahuntur, ut aliis dentur. Pari pacto, qui præfata bona jubetur distribuere inter pauperes juxta cujusque paupertatem, reus est violatæ justitiæ commutativæ, si minus pauperi plus tribuat, & pauperioribus minus largiatur: nam tunc quilibet habet jus ad illa bona juxta suæ inopie qualitatem; quod jus violat distributor sua prava partitione, & ad damnum faciendum adstringitur. Cui restitutioni foret obnoxius & ille, qui licet sine fraude, & dolo, sed solum consilio, & precibus distributorum moveret ad injustam illam distributionem, cum quilibet jus habeat, ne ullo modo a rei sibi ex justitia debitis consecutione atceatur. Quare optime docet Layman, belli Ducem dividendum spolia hostium inter milites, pro singulorum meritis, & dignitate distribuere debere: quod si non præster, quia vel in proprios usus convertit, vel largitur iis, quibus non competit, & distribuentem justitiam violat, & commutantem; quomobrem ad restitutionem secundum leges commutativæ justitiæ obstringitur. Quomodo autem in his distributionis locum habeat justitia commutativa ex D. Thom. ostendimus cap. 1. n. 1.

CONSECTARIUM SEXTUM.

VI. Qui indignum repellit a beneficio; vel emolumento, quod ab altero solum illi est destinatum, non peccat, si zelo justitiæ faciat, nec ad restitutionem tenebitur. Consecrarium exemplis illustro. Prælati destinavit Beneficium conferre alicui Religioso tanquam digno quem tu indignum noscīs. Amicus tuus hæredem, vel legatarium scripsit virum, quem sibi amicum putat, & tu illum scīs esse aleatorem, scortatorem, ebriosum, qui legatum, & hæreditatem in pessimis suis vitiis fovendis insumet: si zelo motus & Prælatus avertas a collatione beneficii, & amico suadeas, ut testamentum mutet, non peccas, quia & recta mente, & optimo fine indignum repellis; non ad restitutionem teneris, cum neuter jus vel ad beneficium, vel ad hæreditatem sit consecutus, & præterea uterque emolumento indignus est. Hinc nonnulli Theologi docent, licere etiam occultum, sed verum crimen detegere vel collatori, vel testatori, si hoc opus sit ad eos a proposito dimovendos; dummodo tamen & crimen talis sit generis, ut illos indignos destinato beneficio ostendar, & ipsum crimen ita cause, & prudenter manifestes, ut inde infamia non sequatur. Quod si imprudenter manifestes, & inde infamia sequatur, teneberis quidem ad restitutionem famæ, meliori quo poteris modo, non vero ad restitutionem damni illati ob denegatum Beneficium, vel mutatum testamentum, si denegatio, vel mutatio voluntatis non ex infamia processerit, sed a privata criminis noticia, quæ sola voluntatis mutationem induxerit.

CONSECTARIUM SEPTIMUM.

VII. Qui precibus, suasionibus, consiliis impellit amicum, ut donationem, legatum, hæreditatem alteri ab ipso destinatam revocet, & convertat in sui, vel suorum utilitatem fortassis contra caritatem peccabit, at nulli erit restitutioni obnoxius. Continet hoc consecrarium applicationem Regulæ IV. n. 12. præced. capitis. Et primo quidem illum contra caritatem peccare posse, facile est intelligere, cum alteri faciat, quod certe nollit sibi fieri: a culpa tamen excusari etiam potest, si ipse vere indigeat, & alter vel abundet, vel indignus sit beneficio. At contra justitiam non peccare manifestum est, cum nondum alter jus sit consecutus sive ad rem donandam, sive ad legatum, & hæreditatem destinatam, quæ omnino ab arbitrio Donatoris, & testatoris adhuc pender. Nec dicas cum Franzoja citante doctrinam P. Concinae T. 7. pag. 197. n. 10. *Jus habet, ne impediatur a consecratione boni sibi jam destinati.* Nam hoc jus solum eousque protenditur, ne vel ex odio, & malitia, & mediis injustis, puta fraude, vel dolis repellatur a boni sperati consecratione; non vero ne alter & suam quærat utilitatem, & bonum obtinendum licetis utatur mediis, licet postea consequatur in altero privatio illa, quæ non tam ex petentis officiis, quam ex voluntate conferentis proficiatur, qui voluntatem suam licite, & pro suo libito mutare potest. Concina autem loquitur de illo, qui occultam compensationis gratia rem alteri dono missam furripit. Quod profecto & ipse injustum censeo, cum occultam compensationem injustam esse & reputem, & fusus ostenderim, tum quia, etiam si licita aliquo casu rarissimo foret, hanc sem-

semper postulat, etiam juxta ejus Patronos, conditionem, ne fiat cum damno, & detrimento alterius. Ceterum laudatus Auctor licet scribat: *Ego, ne unquam id facias, desino*, non per hoc putat injuriam committi, sed caritatem plerumque lædi. Nam paulo ante a nostra sententia non recedens dixerat: *Si acceptata non fueris promissio, & precibus, sublata fraude, impediatur, ad nihil teneris; quia promittentis voluntatem preces, & suaves non mutant*, scilicet modo illicito, & injusto, ut ego interpretor, ne verborum sensus vel contradictionem involvat, vel truncus sit, & imperfectus. Immo paulo post de impedimento, ne Beneficium conferatur Paulo digno, ut detur Petro æque digno, docet, illum, si fraude, & dolo hoc præstet, teneri Paulo rescire damnum pro quantitate spei ad illud obtinendum beneficium. . . . Si vero solis precibus impedimentum adjiciat, aut si Paulus indignus sit, nullum esse restitutionis debitum. Non adhuc tamen acquiescit Cl. Franzoja, qui sic concludit: *Itaque communem, & La-Croixii sententiam quoad hereditates, legata, & donationes inter vivos fidenter quidem improbare non audeo, eam tamen nec certam habeo, nec tutam, nisi forte adversarii in meliori lumine collocent*. Verum tanti viri pace dicam, hanc doctrinam ab ejus propugnatoribus in satis claro lumine collocatam, dum dicunt, 1. Donatarium, & Legatarium ex sola destinatione, & voluntate donantis nullum jus fuisse adeptum sive in re, sive ad rem proinde nullum ejus jus violari. 2. Id non fieri ex odio, vindicta, aut alio turpi motivo. 3. Non adhibere illicita media, nimirum fraudem, dolum, mendacium, sed licita, cujusmodi sunt preces, suaves, hortamenta. 4. De-

nique quia Franzoja postulat, ut id fiat etiam ex justa causa; hæc quoque hic non deest, nimirum, ut suæ, vel suorum, sive indigentiae, sive utilitati consulat; quod nulli verum est, nisi fiat modis iodebitis, injustis, illicitisque. Moraliter itaque certa mihi hæc doctrina videtur, & satis tuta, ut injustitiam argui, & ad restitutionem obstringi non debeat, qui præfatis modis est usus ad bonum aliquod sibi, vel suis procurandum.

Observandum tamen Decretum Clementis V. in Conc. Viennensi (Clem. lib. 5. tit. 5. inq. 1. §. 1.) inhibentis in virtute sanctæ obedientie, & sub interminatione maledictionis aternæ, ne Religiosi, cum confessionibus testamentorum intererunt, a restitutionibus debitis, aut legatis Matricibus Ecclesiis faciendis, retrahant testatores, nec legata, nec debita, aut male ablata incerta sibi, vel aliis singularibus sui Ordinis fratribus, vel Conventibus in aliorum præjudicium fieri, seu erogari procurent. Cui Decreto ab omnibus Religiosis, ea qua par est, reverentia obtemperandum est, cum ex parte, quod juris est naturalis, exponat, partim jure positivo, quod certe maxime conveniens est, præcipiat: nam ne Religiosi retrahant testatores a restitutionibus debitis, jure naturæ præceptum est; sicut, ne cum præjudicio aliorum ad legata, vel bona sibi, vel Monasterio suo relinquenda sollicitent, pariter jure naturali ad justitiam pertinet. Ne autem hoc idem faciant, etiam cum contingit sine alterius præjudicio saluberrime præceptum est. Nam ut optime animadvertit Concina, nihil efficacius secuti, odium, invidiamque adversus Religiosos concitat, quam testamenta a Confessariis penitentibus suggesta in suarum Ecclesiarum, seu domorum favorem. Hæc deri-

tionem, hæc contemptiorem abominationemque constant. Hoc odium, hæc invidia summpere devitanda est, quoniam hæc impediunt, ne Religiosi animabus lucrandis idonei repententur. Ne autem retrahant testatores, a legatis Ecclesiis Matricibus faciendis, jus est mere positivum, & iuste quidem positum: quod tamen exceptionem aliquam admittere potest: & certe illam, quam statuit S. Augustinus Serm. 355. ali. 4. de diversis cap. 5. *Quicumque vult exheredato filio heredem facere Ecclesiam, querat alterum, qui suscipiat, non Augustinum.* Immo Deo propitio neminem inveniat. 2. Si quis intermissis debitis restitutionibus, bona sua legare vellet Ecclesiæ, sive Matrioni, sive cuicumque, ab hoc pernicioso consilio esset a probo, & studioso Confessario avocandus; cum prius, quæ iustitiæ sunt, impleri oporteat deinde quæ pietatis, & Religionis: & iniqua esset huiusmodi testamentaria dispositio, quæ Ecclesiæ non prodesset, & animæ testatoris quam maxime noceret.

CAPUT UNDECIMUM.

De restitutione facienda a cooperantibus ad damnum alterius. Nonnulli cooperationis modi expenduntur.

DOCTRINA.

- I. Qui alterius damno cooperantur, sunt restitutioni obnoxii.
- II. Modi recensentur directe cooperandi alterius damno.
- III. Modi indirecti exponuntur.
- IV. Generalis doctrina de cooperantibus damno alterius.
- V. Qui movent ad damnum inferendum, restituere debent, licet sciant ab alio

idem damnum procurandum.

- VI. Nec non aliquando, qui movent ad modum damni inferendi.
- VII. Quanam sint vera causa alterius damno cooperantes.
- VIII. Ad quid teneatur, qui dubitat, non alieno damno sit cooperatus.
- IX. Restitutions est obnoxii iubens, sive mandans.
- X. Et quidem primo, ac principaliter.
- XI. Quando liberetur a restitutione.
- XII. Sicut & qui consensum præbet.
- XIII. Nec non recipientes fures.
- XIV. Quanam excusentur.
- XV. De in furto participantibus.
- XVI. Nonnullæ Theologorum opiniones resselluntur.
- XVII. Non obstrictes damno alterius sunt restitutioni obnoxii.

I. **C**UM, juxta Apostoli Pauli monitum, rei apud Deum sint non solum qui iniqua faciunt, sed & qui facientibus consentiunt, iustitiæ labe atperguntur, & restitutionis onere gravantur non solum, qui aliis damnum quoquo modo inferunt, verum etiam qui tale damnum inferentibus aliquo modo cooperantur, sive id positive præstent, sive negative, scilicet, vel quando in damnum proximi influunt, vel illud, quando tenentur, non avertunt, aut impediunt. Hæc omnia sapientissime & clarissime exponit S. Th. hic q. 62. a. 7. scribens: *Dicendum, quod ad restitutionem tenetur aliquis non solum ratione rei aliena, quam accepit, sed etiam ratione injuriose acceptionis. Et ideo quicumque est causa injuste acceptionis, tenetur ad restitutionem. Quod quidem contingit dupliciter; directe scilicet, & indirecte. Directe quidem, quando inducit aliquis alium ad accipiendum. . . Indirecte vero, quando aliquis non impedit,*

dit, cum possit, & debeat impedire.

II. Modos vero directe cooperandi alieno damno enumerat, ac explicat S. D. A. subdens: *Tripliter quis directe cooperatur alterius detrimento. Primo modo ex parte acceptantis, movendo ad ipsam acceptionem; quod quidem fit precipiendo, consulendo, consentiendo expresse, & laudando aliquem quasi strenuum de hoc, quod aliena accepit. Alio modo ex parte ipsius accipientis, quia scilicet eum acceptat, vel qualitercumque ei auxilium fert. Tertio modo ex parte rei acceptae; quia scilicet particeps est furti, vel rapinae, quasi socius maleficii.*

III. Modos vero indirecte cooperationis sic exponit S. D. Indirecte damno cooperatur alieno, quando aliquis non impedit cum possit, & debeat impedire; vel quia subtrahit præceptum, sive consilium impediens furtum, vel rapinam; vel quia subtrahit suum auxilium, quo posset obistere; vel quia occultat post factum. Omnes autem modos tum directos, tum indirectos his versiculis contineri subdit:

Iussio, consilium, consensus, palpo, recursus.

Participans, mutus, non obstant, non manifestans.

De his omnibus modis singillatim disputabimus: sed ob materię amplitudinem nonnullos cooperandi modos, illos videlicet, qui semper onus restitutionis imponunt, in hocce capite expendemus; ceteros, vero, qui non semper ad restitutionem adstringunt, sequenti reservamus.

IV. Prima tamen nonnullę generaliores doctrinę sunt explicandę, antequam ad singulos expendendos modos progrediamur. Et prima quidem generalis doctrina est illa, quam modo ex Patruzi Theol. Moral. Tom. V.

D. Thom. attigimus, videlicet nec semper, nec omnes alterius damni cooperatores restitutionis onere gravari. Sic enim docet S. D. Sciendum, quod quinque pręmissorum semper obligant ad restitutionem: Primo iussio; quia scilicet ille qui jubet, est principaliter movens: unde ipse principaliter tenetur ad restituendum: Secundo consensus, in eo scilicet, sive quo rapina fieri non potest: Tertio recursus; quando scilicet aliquis est receptor latronum, & eis patrocinium præstat: Quarto participatio; quando scilicet aliquis participat in crimine latrocinii, & in præda: Quinto tenetur ille qui non obstat, cum ob stare teneatur: sicut Principes, qui tenentur custodire iustitiam in terra, si per eorum defectum latrones incrementum, ad restitutionem tenentur: quia redditus, quos habent, sunt quasi stipendia ad hoc instituta, ut iustitiam conservent in terra. In aliis autem casibus enumeratis non semper obligatur aliquis ad restituendum. Non enim semper consilium, vel adulatio, vel aliquid huiusmodi est efficax causa rapinę. Unde tunc solum tenetur consiliator, aut palpo, id est adulator, ad restitutionem, quando probabiliter estimari potest, quod ex huiusmodi causis fuerit iniusta acceptio subsecuta.

V. Altera generalis doctrina. Qui alium inducit, & efficaciter movet ad damnum aliquod inferendum, de quo non cogitabat, ad restitutionem tenetur, licet certo sciret impellendum ab alio ad idem erimen. Prima hujus doctrinę pars de restitutione faciendā ab efficaciter movente alium ad damnum aliquod inferendum, est ipso naturali lumine nota: cum hic sit revera damni illati efficax causa, non minus quam ipse inferens: & definita fuit ab Innoc. XI. in damnatione propositionis 39. agentis: *Qui alium movet, aut inducit*
Q q q ad

ad inferendum damnum tertio, non tenetur ad restitutionem ipsius damni illati. Altera vero pars non minus est certa, & manifesta, & evincitur ratione. Nam hic vere causa est illati damni, parumque interest ab alio fuisse impellendum: nam tu revera es, qui impellis: & sicut alter qui impulisset, patrati facinoris comparticeps, immo & causa fuisset; ita & tu, qui primus impellis, parti crimine coinquinaris. Alioquin a restitutione liber esset, qui rem certo ab alio furto auferendam furaretur, & qui hominem ab alio occidendum occideret; quod quis dicere audebit? Immo & Christus Dominus dixit quidem, *neceffe est, ut veniant scandala*; sed statim subdidit, *ut homini illi, per quem scandalum venit; idest, licet scandalum, per alium dandum esset, ille tamen, per quem datur, in culpa est*.

VI. Tertio. Qui in causa est, ut facinus aliquod, non quoad substantiam, sed quoad modum, puta celerius, atrocius, libentius committeretur, ad restitutionem tenetur, aliquando integre & totaliter, aliquando solum ex parte. Et primo quidem ad totius damni reparationem tenetur, quando dubium, incertumque sit, num sine tali consilio, & impulsu ad celerius, atrociusque committendam facinus, patratum revera fuisset: nam tunc non solius circumstantie, sed etiam ipsius facinoris in causa habendus esset hortator, consiliator, suavor; cum fortassis sine ipso damnum illatum non fuisset. At posito, quod certissime facinus esset committendum, & damnum inferendum, attendendum puto ad consilii, suasionisque objectum, ut onus restitutionis imponatur. Si enim suadeas, ut atrocius facias, ut libentius, puto solum teneri ad illud majus detri-

mentum, & damnum, ad quod malefactorem impulisti. Sic c. ex. dispositum ad verberandum hominem suum, suasisi, ut etiam vulneret; paratum ad furandum quinquaginta, hortatus es, ut centum furetur; ad solam illati damni partem, quam tua suasionem, & hortamento intulisti, faciendam teneris, cum hujus tantum revera in causa fueris. Quod & objectum tui impulsus, vel hortationis fuit celeritatem temporis, ut cum paratum ad occidendum, vulnerandum, furandum; sed post plures dies, vel mensem, impellis, ut statim furetur, ambigunt Theologi, an ad totius damni reparationem tenearis, an solum ad eam detrimenti partem, quæ ex celeritate, & anticipationem facinoris profuit. Salmanticenses hanc potremam partem tuerentur, & non ad totum damnum, sed solum ad partem damni faciendam moventem teneri putant. 1. Nisi, ut ipsis videtur, doctrinam S. Thom. in IV. Dist. 15. q. 5. a. 5. ad 3. agentis, duo requiri ad onus restitutionis in consulente, nimirum ut probabiliter credat consilium suum fuisse efficax: alterum; quod sine eo injusta ablatio non esset commissa. Porro cum supponatur malefactor ad damnum certo inferendum determinatus, dici non potest, hortantem, & consulentem, ut citius damnum præter, ita esse illius causam, ut sine eo damnum non esset illatum; cum certo fuisset datum, sed solum post aliquot dies. 2. Quia malefactorem non ad furti, vel damni inferendi substantiam impellit, ad quod jam est certissime determinatum, sed solum ad modum, & circumstantiam temporis: & pro hac sua opinione citant S. Antoninum, aliosque plures Theologos. At oppositum tenent alii plures ab ipsis Salmanticensibus citati, quorum opi-

opinionem, utpote probabiliori, assentior. Nam 1. qui movet alium ad damnum celerius inferendum, ad verum peccatum movet hic & nunc committendum, unde reus est culpæ: at ejusnam culpæ? profecto injustitiæ, quæ onus secum infert restitutionis. 2. Qui alium horrat, ut potius hodie, quam cras hominem occidat, licet paratum ad eum occidendum in crastinum, nedum ad circumstantiam temporis, sed & ad ipsam operis substantiam impellit, cum hodiernæ occisionis circumstantia sine ipsa occasione haberi non possit: quomobrem movens ad alium occidendum hodie, nedum ad circumstantiam, sed & ad ipsum opus impellit. 3. Quia in dilatione occisionis semper spes est, ne crimen fiat, & tanto major, quanto diutius differtur: nam occisio futura pluribus modis & causis impediri potest: etenim præter mutabilitatem voluntatis humanæ, sunt & alia plura, quæ currere possunt impedimenta, ex parte tum damnum inferre volentis, tum patientis, tum aliorum, tum ex variis humanis eventibus. Nec urget, quod subdunt Salmanticenses, se nimirum loqui loqui in hypothesi, quod nulla sit spes mutationis in animo damnum inferre volentis. Nam hæc hypothesi in humanis rebus, quæ firmitatem non habent, chimerica est. Et revera singulus poenitentem se accusare in confessione de consilio dato homini parato ad alterum occidendum post mensem, ut statim eodem die occidat; quod exequitur. Quid agere debebit prudens Confessarius? Interrogabit profecto primo, num certo post mensem foret ille occidendus. Profecto hærebis poenitens. & quid respondeat, non habebit. At supponamus, attenta perversa occisoris voluntate, vehementi ira concepta,

perversi animi firmitate fore, ut certo certius homicidium committeretur, postulabit, num aliqua externa causa impediri poterit. Quid regerere poterit poenitens, qui jam peracto homicidio nihil de illo amplius cogitavit, multoque minus animadvertit, num potuisset impediri? Quid ergo statuet Confessarius, absolutum dimittet, nullo imposito restitutionis onere? Non puto. Opponebit igitur, ut ipsum tanquam ejusdem delicti cooperatorem cum ipso reo confundat, & ad restitutionem obstringat, saltem pro rata dubii. Nec oppositum docet S. Thom. 1. 1. Nam 1. certum est, datum consilium fuisse efficax: etenim revera homicidium paratum est; & certe dici non potest sine ipso consilio adhuc fuisse homicidium committendum, cum plura poterint occurrere ad illud post mensem perpetrandum impedimenta, tum interna, tum externa, tum ex parte interficientis, tum ex parte interfecti, & humanarum vicissitudinum. Præsumendum est igitur ex consilio dato homicidium esse subsecutum, tum quoad substantiam tum quoad temporis circumstantiam. Præterea, si S. D. verba ad litteram accipiantur, doctrinam continent omnino falsam. Nam in multitudine pravorum hominum, conspirantium ad incendendam alicujus domum, quod incendium a singulis perfici potuisset, cum nemo singillatim ille sit, sine quo, incendium non contigisset (ab unoquoque enim seorsum committi poterat) nemo singillatim dicendus esset vera causa illati damni, & nullus ad restitutionem foret cogendus; quod quam falsum sit, nemo non videt. Quomobrem, dum S. D. docet, tunc consilium esse efficax, quando sine eo injusta ablatio non esset commissa, solum eff-

efficacitatis consilii indicium clarum afferre voluit; quin tamen per hoc negaverit, licet commissa fuisset etiam sine illo consilio prava actio, perversum consiliatorem vel a culpa esse habendum immunem, vel ab onere restitutionis sublevandum; cum revera suo consilio ad damnum inferendum impulerit. Quod manifeste patet ex eo, quod in summa hic art. 7. de consiliatore perverso loquens scribit: *Tunc solum tenetur consiliarius, aut palpo, id est adulator, ad restitutionem, quando probabiliter estimari potest, quod ex huiusmodi causis fuerit injusta acceptio subsequuta*. Audisti? Non postulat, ut sit adeo principalis causa subsequutae injustae acceptionis, ut sine ipsa non fuisset subsequuta injusta acceptio; sed solum postulat, ut consiliator sit aliquo modo causa injustae acceptionis. S. vero Antoninus verba solum S. Thom. rescribit; eadem proinde adhibenda explicatio.

VII. Hic itaque operæ pretium censéo exponere, quomodo quis possit aliqujus effectus, sive criminis causa dici. Nam causa vere efficax, sicut in physicis, ita & in moralibus, non ea tantum dicitur, quæ vel de se sola sufficiens est, vel absolute necessaria ad inducendum effectum: quantoquidem efficacitas causæ non a sufficientia, vel a necessitate, sed ab efficientia, influxu, & cooperatione in effectum desumitur; ideoque causa, quæ in effectum influat, quacumque sua, sive sufficienti, sive necessaria, sive unica, sive totali, sive partiali, sive principali, sive accessoria vi, & virtute, vera causa efficax est dicenda; quod pluribus physicis exemplis compertum est. Nam si seni equi rhedam trahant, omnes in cursu rhedæ efficaciter concurrunt; licet duo tantum sufficerent, & quo principaliter rhedam trahant:

pari pacto, si vir fortis, & robustus feram moveat ad secandum lignum simul cum puero, ambo ad ligni sectionem efficaciter concurrunt; licet vir robustus solus potuerit feram trahere, & puer solus omnino non potuerit. Haud aliter in Moralibus: si quis Mandatario jubeat, ut hominem interficiat amplo promisso stipendio, deinde ab alio quoque idem mandatur homicidium sed adeo tenui oblata mercede, ut sine priori mandato crimen perpetrandi onus non assumpsisset: quis inficiabitur, utrosque esse homicidii reos, & ad restitutionem teneri, cum ambo vera causa sint homicidii? Hæc autem doctrina locum habet etiam in humanis judiciis: si enim sex latrones hominem aggredientes strictis ensibus interficiant, omnes rei homicidii habentur, omnes suspensio puniuntur, licet fortassis non nisi unus illum interfecerit: nec expendit iudex, num quilibet ita sit reus homicidii, ut sine eo homicidium non fuisset commissum; sed cum omnes deprehendat ad homicidium concurrisse, omnes reos habet, omnes plectit. Haud inficior tamen, unum magis altero peccare posse in prava actione, quo magis ad pravam opus concurrat. At quoad restitutionem non gravitas culpæ, sed vis, & influxus in damnum alterius sunt spectanda, & ex his onus restitutionis inferendum. Hæc doctrina in sequentibus uberiores lucem accipiet, magisque perspicua fiet.

VIII. Cum vero dubium suboritur, num quis sua qualicumque actione, puta consilio, hortatione mandato &c. in damnum influxerit, expendendum est, num dubium sit vel juris, vel facti; videlicet num dubites, an consilium, mandatum, concursus præsteris; vel certus de consilio, mandato, & con-

sensu, dubites, num consilium, mandatum &c. causa fuerit efficax illati damni. Non desunt Theologi, qui, nulla facta distinctione, statuunt, dubitantem non esse ad restitutionem obstringendum, eo innixi axiomate, & principio, *melior est conditio possidentis*. Verum quantum obineat in Moralibus hoc principium, ostendimus late Tr. 2. de Rat. humana diss. 3. cap. 7. n. 7. & in aliis Opusculis, & præsertim in Tr. de proxima humanarum actionum regula in opinionibus deligendis. Hic itaque dicimus, dubitantem de suo facto, nimirum num mandatum, num consilium dederit, num consensum præstiterit, minime ad restitutionem teneri; cum delicta non sint præsumpta, sed probanda, & nemo est præsumendus malus, nisi certo constet. At, si certus sit de mandato, consilio dato, vel consensu præstito, ad restitutionem tenetur, saltem pro dubio gradu. Nam duo hic habentur omnino certa, nimirum 1. datum pravum consilium, mandatum &c. 2. damnum certe subsecutum. Porro hæc duo certa periculum inducunt, & validissimam præsumptionem de damno dato, proinde saltem juxta gradum incertitudinis reparando. Quod confirmari potest ex jure civili statuente ff. de act. emp. l. Si jactum. *Qui jactum retis emit, si piscator rete jactare recuset, ad rei incertam estimationem teneri, idest ad illud lucrum: quod ex jactu retis emptor sperare poterat; licet contingere potuisset, ne quid in rete illaberetur. Immo A. P. hic art. 7. aperte docet, ad integram restitutionem teneri, quando consiliator, aut palpo, idest adulator probabiliter estimare potest, quod ex hujusmodi causis fuerit injusta acceptio subsecuta.* Quæ probabilitas 1. in præsumptione

fundatur: nam juxta Regulam in 46. in 6. *Inspicimus in obscuris, quod est verissimilius, & quod plerumque fieri consuevit*: consilium dedisti, vel mandatum Petro de furto committendo in domo Pauli; factum: revera commissum est in ea domo: est igitur præsumendum ex dato vel consilio, vel mandato profluxisse. 2. Confirmatur ex praxi Juris Canonici, in quo statuitur, vulnerantem hominem, deinde mortuum, licet dubium sit, num mors sit ex vulnere secuta, habendum esse tanquam homicidam, & irregularem. 3. Denique ex praxi in criminalibus judiciis custodita: dum enim constat de mandato homicidii dato, & de subsecuto homicidio, nisi reus clare ostendat, vel se mandatum revocasse, vel non ex suo mandato profluxisse, homicidii reus habetur. Et hæc quidem generaliora exposuimus; nunc ad singulos modos damnificandi explicandos progredimur.

IX. Primus modus a S. Thom. ponitur justio, vel mandatum, sive hoc subditis detur, puta a patre illis, a domino servis, a Principe subditis, sive etiam aliis nullo modo mandanti subiectis: satis enim est si quis mandet, ut ejus justione delictum patratum dicatur; ut explicat Alex. III. cap. Mulieres de sent. excom. dicens: *Cum is committat vere, cujus auctoritate, vel mandato delictum committi probatur*. Fieri autem potest justio vel explicite, vel implicite. Primo modo cum aperte dicitur, occide inimicum, rape rem alienam, domum incendere &c. 2. Implicite, cum quis præsertim Superior coram inferioribus conqueritur, se neminem habere, qui de sibi illata injuria ulciscatur, qui hostis sui temeritatem non cohibeat; vel qui dicit sibi gratum fore, si quis furtum, homicidium, vindictam exe-

que-

queretur; vel denique si præmium polliceretur hæc crimina patranti, licet nulli hoc mander, vel nullum in particulari designet. Quando vero mandatum non expressis verbis, sed tacite datur, pensanda sunt loquentis verba, ut inde colligatur, num vim mandati contineant; cum fieri possit, aliquem imprudenter ex alterius vel querimoniis, vel ira, vel desiderio vindictæ incaute manifestare animum arripere nocendi proximo contra, vel alteri mentem, & voluntatem conquerentis, & irascentis.

X. Mandans, cum sit prima, & principalis causa illati damni, ut docet S. Thom. ad ejus reparationem omnino tenetur: nam ille qui jubet (verba sunt S. D.) est principaliter movens; unde ipse principaliter tenetur ad restitutionem; nisi forte res proximi, ex alterius mandato furto sublata, sit in mandatarii possessione: tunc enim ratione rei acceptæ hic primus domino restituere obstringitur. Jubens, & mandans non solum reparare tenetur damnum sua jussione inductum, sed etiam alia omnia detrimenta, quæ prævidere poterat obventura ex circumstantiis: ut si quis jubeat incendi domum vicini, & flammæ vento agitata etiam alias conterminas domos incendiant, ad totum damnum reparandum obstringitur. Immo & damna, quæ ipse mandatarius subire cogitur in executione mandati, si tamen mandans sit ejus Superior: nam Superioris jussa respectu inferioris habent quandam vim, ac moralem coactionem, qui propterea non sponte, sed quodammodo coacte obtemperat. At si subditus non sit, sed pretio conductus, vel precibus illectus, tum cum mandatarius totum periculum in se suscipiat contentus mercede, ad damna & detrimenta, quæ subire cogitur,

reparanda non tenebitur mandans.

XI. A damni reparatione liberatur mandans 1. si præceptum maleficium patratum non sit; nullo enim illato damno, nullum habetur restitutionis onus. 2. Si expresse, vel tacite mandatum revocet, dummodo revocatio ante executionem fiat, & mandatatio innotescat: tunc enim si damnum inferatur a mandatario, ejus est malitiæ, non mandantis jussioni tribuendum. Verum si mandati revocatio ad notitiam mandatarii non perveniat, licet id fiat ex negligentia, & culpa famuli missi ad revocationem vel verbo, vel litteris illi manifestandam, adhuc mandans erit restitutioni obnoxius, cum semper ejus mandatum in causa fuerit illati damni: quod locum patirer haber, si ipse mandatarius audita revocatione mandati, vel credat serio non esse factam, vel vi extortam, vel etiam ejus obliviscatur, quapropter jussione exequatur, & damnum inferat, semper verum est damnum secutum vi injusti mandati. Tacite autem censetur revocatum mandatum, quando qui jussit damnum inferendum alicui sibi inimico & infenso, postea cum ipso reconcilietur, & amicitiam, ac familiaritatem, vel etiam affinitatem cum ipso contrahat; tunc enim mandatarius prudenter judicare potest revocatum mandatum, ut animadvertit Sylvius hic supra art. 7. qu. 6a. scribens: *Revocatio potest fieri dupliciter, aut expresse, ut exprimendo suam contrariam voluntatem, verbo, scripto, vel nuntio aut tacite, ut signo, nutu, amicitia, familiaritate, vel affinitate interea temporis contracta cum eo, qui prius erat inimicus.* Lapsus vero longioris temporis a dato mandato ad executionem, tacite revocationis vim non obtinet, cum mandatarius præsumere possit sibi deli-

ctum

stum & tempus & occasionem executionis.

XII. Secundo loco est quis restitutioni obnoxius ratione præstiti *consensus* ad damnum alteri injuste inferendum, & quidem non cujuscumque consensus, sed talis, qui revera in damnum ipsum influat: si enim nullo pacto influat, peccabit quidem, sed restitutioni non erit obnoxius: ut si Magnati dicenti familiari suo, se mandatum jam dedisse de interficiendo homine sibi infenso, iste humano respectu annuat, vel dicat hoc sibi quoque gratum esse; hæc enim complacentiæ in jam destinatum scelus non influat. Quamobrem illi consentientes præcipue hic designantur, qui ex officio, & munere suo tenentur non consentire, & alterius damnum impedire, ut consiliarii Regis, qui bello injusto, vel legibus iniqua consentiant, qui suffragium ferunt in sententia injusta, in electione indigni, qui consentiunt liti injustæ a consanguineis, vel affinibus motæ. Et hæc omnia communiter a Theologis docentur, & est ex ipsa æquitate naturali satis manifestum. Quod igitur solum disputationi subest, illud est, nimirum si in suffragiis ferendis, in quibus ad definitionem non omnia exquiruntur suffragia, sed solum major pars attenditur, omnes qui suffragio suo iniquæ sententiæ, vel injustæ electioni consentiunt, peccent, & ad restitutionem teneantur. Et quidem omnes peccare certum est, cum omnes ad injustum facinus concurrant. Præterea & illos restitutioni obnoxios censent Theologi, 1. quando omnium suffragia ad judicium, vel electionem requiruntur. 2. Quando omnes secreto suffragium ferunt, cum tunc quilibet secretum, & de se faci-

nori consentiat. 3. Quando suffragia aperte feruntur, qui primi suffragium injustum ferunt, licet prævideant ceteros quoque suffragaturos indignæ electioni, vel injustæ sententiæ, quia revera primi influunt in actionem injustam, immo suo exemplo vel alios excitant, vel in sententia confirmant. 4. Si videntes post aliorum suffragia se sua contradictione, & voto opposito efficere posse, ut qui jam suffragantur, sententiam mutant, peccant, & ad restitutionem tenentur, si non obstant, & si voto aliis se adjungant, cum hoc pacto in malum cum aliis conspirent, immo ita efficaciter conspirent, ut sine hoc suo suffragio crimen non patraretur, & damnum non sequeretur. Difficultas solum in eo sita est, quando major pars suffragatorum necessaria, & sufficiens ad effectum jam pro injusta sententia, vel pro indigni electione votum dedit; ideoque nihil ad rem conferunt reliqua suffragatorum vota, siue consentiant, siue dissentiant, nam qui ex humano respectu, vel pusillanimitate votum suum adiungunt, sine restitutioni obnoxii. Et quidem a restitutione eos liberant plures, & quidem magni nominis Theologi, hoc mori argumento: Quia, inquit, licet peccent, tamen suo suffragio in damnum proximi non influunt; quippe quod jam independentem omnino ab eorum consensu illatum fuerat per priora suffragia. Id confirmant & auctoritate S. Th. hic a. 7. aperte dicentis, *onus restitutionis inducere consensum in eo sufficit, sine quo rapina fieri non possit*. Porro iniqua sententia, vel electio jam sine horum consensu nedom fieri poterat, sed revera effecta est. Ergo nullo pacto in illam suo consensu influunt. At oppositum ten-

tunt.

tiant alii non inferioris subtelii doctoris Theologi, & quidem, ut mihi videretur, probabilius. Nam illi omnes ad damnum faciendum tenentur, quorum nomine damnum illatum fuit: porro damnum inferitur nomine omnium suffragantium: ergo ad illud faciendum obstringuntur: nam sententia non aliquorum tantum nomine profertur, & executioni demandatur, sed omnium illorum, qui suffragio suo illam tulerunt. Nec obstat, postremos suffragatores damnum impedire non posse. Nam licet non valeant absolute impedire, valent tamen, quantum de se est, efficere, ut eorum nomine damnum minime inferatur. Præterea non excusantur, quia etiam sine illorum suffragio damnum datum fuisset: fat enim est, ut & ipsimet ad damnum concurrant, ut vera causa damni habeantur: quemadmodum contingit, si duo inimicum gladiis aggressi, illum vulnerent animo interficiendi, & tertius forte præteriens ipsis associetur in occisione; quis hunc homicidam non appellabit, & restitutioni obnoxium? licet sine ipso adhuc illam ita alii interfecissent. Pari pacto, si incensa domo, alii supervenientes novam igni materiam subministrant ad ejusdem domus incendium, quis iudex iustus eos ceu incendiarios non puniet? licet domus etiam sine ipsorum concursu fuisset comburenda. Pari itaque ratione & de suffragatoribus idem dicendum est. His accedit, eo promptius, & celerius iniquam sententiam, vel electionem executioni demandari, quo major est suffragantium numerus in eam conspirans. Verba vero S. Thom. ita sunt intelligenda, ut explicent efficacitatem consensu, qui certe, & maxime influat in damnum proximi, quando sine

illo rapina fieri non poterat; non vero quod ita limitent consensum, ut nifi talis sit, non inferat onus restitutionis, ut superius diximus. Nam paulo post de conciliatore, & palpone, quos non semper ad restitutionem teneri docet, scripsit eos ad restituendum obstringi, quando probabiliter estimari potest, quod ex huiusmodi causis fuerit subsecuta injusta acceptio. Immo paulo superius hanc generalem regulam statuerat, quicumque est causa injustæ acceptionis, tenetur ad restitutionem. Hoc enim pacto indicat D. A. ad restitutionem satis esse, si consilium, vel adulatio probabiliter in effectum influat. Porro quis inficiabitur, suffragatores omnes in injustam vel electionem, vel sententiam suis suffragiis non influxisse, & veram subsecuti effectus causam non fuisse? Quare optime scribit Continuator Tournely par. 3. de Restit. sect. 4. punct. 3. *notare oppositam opinionem, quæ Laymani temporibus communis erat, passim nunc rejici.* Recolantur, quæ paulo superius diximus n. 7.

XIII. Tercio loco S. D. inter eos, qui proximo damnum inferentes ad restitutionem obligantur, enumerat recipientes (receptio enim designatur verbo *Recurfus*) quando scilicet aliquis est receptor latronum, & eis patrocinium præbet: vel, ut paulo ante dixerat, *directe quidem inducit alium ad injuste accipiendum . . . quia scilicet illum accipiat, vel qualitercumque ei auxilium fert.* De his quonque S. Augustinus ep. 54. *Illud vero fidentissime dixerim, eum qui pro homine ad hoc intervenit, ne male ablata restituat, & qui ad se confugientem, quantum bene se potest, ad rectitudinem non compellit, socium esse fraudis, & criminis.* Nam misericordius opem nostram talibus subtrahimus, quam impendimus.

dimus. Non enim opem fert, qui ad peccandum adjuvat, ut non potius subvertit, atque opprimit. Itaque juxta hos sanctos Doctores rei sunt illati damni, & ad restitutionem tenentur 1. causam Patroni, qui fures, latrones, grassatores apud judices defendendos suscipiunt, impediunt, ne damnum passi redintegrentur, & rei a judice puniantur; qui præterea reos consulunt, ne crimen fateantur, licet juridice interrogentur. 2. Qui fures, sicarios, latrones hospitio recipiunt, protegent, defendunt, instrumenta furti, & latrocinii penes se servant, & custodiunt. 3. Qui prædas emunt, custodiunt, servant, cum ex his omnes, & singuli suppeditent hujusmodi malefactoribus securitatem, tutelam, opportunitatem ad damnum injuste inferendum, vel efficiunt, ne injuste ablatum restituatur. His accensendi sunt Magnates, & potentes viri, nec non belli duces, qui optime scientes famulos, & milites suo abuti patrocinio, & favore suo ad rapinas, furta, damna, violentias, oppressiones, illos non coercent, domo expellunt, protectione non privant, ad restitutionem non cogunt; quippe qui in causa vere sunt illati damni, quod perdit illi viri inferre non audent, nisi ab his se defendi, atque protegi certo noscerent.

XIV. Rei tamen non sunt habendi, & ad restitutionem cogendi, qui hujusmodi malefactores recipiunt causa hospitalitatis, ut caupones, stabularii, ut eis vel hospitium præbeant, vel cibum; cum hæc communia officia nihil in eorum facinora influant: Sicut nec ii, qui illos recipiunt, celant, occultant ratione amicitiae, vel misericordiae, ne a liberis capiantur, vel ad fugam arripiendam adjuvant; cum hæc

Ratuzzi Theol. Mor. Tom. V.

sint quædam humanitatis officia, quæ illis exhibent, non ut eorum sceleribus faveant, sed ut ad pœnas vitandas adjuvent. Hinc licet ad sua facinora revertantur, non propterea, qui illis ad fugam auxilium suppeditant, ad restitutionem tenentur; cum sequentia, sicut & præcedentia furia ex eorum tantum prava voluntate proveniant, non ex istorum qualicumque misericordia.

XV. Participantes enumerat 4. loco S. Thom. inter eos, qui damnum illatum refarcire adstringuntur. Quæ participatio esse potest vel in injusta acceptione, vel in re accepta, vel in utroque; quod exponit A. P. hic q. 7. his verbis: *Quando scilicet participat in crimine latrocinii, & in præda: &, ut paulo ante dixerat, ex parte rei acceptæ, quia scilicet particeps est furti, vel rapinæ, quasi socius maleficii.* Quocumque autem modo quis participet, & reus est furti, & restitutioni obnoxius. Nam illum, qui rem furto acceptam detinet, licet bona fide acceperit, ad restitutionem teneri, nemo est, qui ambigat; multoque magis, si mala fide acceperit. Si vero rem non habeat, adhuc ad restitutionem ipsum teneri docet, & ostendit hic a. 7. l. D. A. scribens: *Dicendum, quod ad restitutionem tenetur aliquis, non solum ratione rei aliena, quam accepit, sed etiam ratione injuriosæ acceptionis: & ideo quicumque est causa injustæ acceptionis, tenetur ad restitutionem.* Porro participantes in re accepta illi sunt, qui partem prædæ accipiunt, qui res furto ablatae levi pretio emunt, qui, ut eas vendant, mercedem accipiunt. Ex parte vero injustæ acceptionis particeps sunt 1. qui auxilium præbent ad damnum inferendum, cuiusmodi sunt, qui ad-

R r r

juvant

juvant ad occisionem, vulnerationem, effractionem, ablationem rei alienæ. 2. Qui ad furum, rapinam, vel damnum proximi instrumenta suppeditant, scalas deferunt, claves adulterinas conficiunt. 3. Qui furem gratia defensionis ad securitatem comitantur, excubias agunt, transeuntes terrent, & ne viam prosequantur, impediunt, qui portas aperiunt, seras effringunt, prædam asportant, vel custodiunt, & hujusmodi. 4. Notarii, & scribæ usurarios contractus auctoritate sua confirmantes, iniquam sententiam scribentes, vel testamenta fida conficientes in gratiam hæredum contra sibi compertam testatoris voluntatem.

XVI. Nonnulli tamen Theologi hanc apponunt conditionem, si nimirum alterius injustitiæ participes sint, & cooperatores per actiones de se malas, & illicitas; secus, si per actiones indifferentes, quas præstare cogantur metu gravius mali: & sic rusticos illos excusant, qui coacti a militibus, vel prædonibus post furum, vel rapinas, eis suppeditarent curros, equos, immo & suam operam ad prædam asportandam. Et quidem eos excusant vel ratione operis præstari, quod indifferens putant. At hoc aperte falsum est, cum inter participes furti illi ab omnibus enumerantur, qui prædas asportant, licet de illis non participent: & insuper latroni auxiliari in asportanda præda profecto opus indifferens dici non potest. Vel excusant metu gravius mali ipsis intentari, si renuant. At nec ista iusta est excusatio: nam non licet peccare metu mortis, & vita est abjicienda, & perdenda, cum agitur de peccato committendo. Quamobrem mirum non est, si hisce ceteris relictis doctrinae digladiantur, & invicem discre-

pent in operibus assignandis, quas licite sine onere restitutionis exercere possunt rustici in favorem militum, & prædonum. Nam Sylvius alia distinguit opera, quæ rusticis præstare nullo modo licere putat, alia vero, quæ illis concedit. Quæ illicita appellat, nec metu gravis damni præstanda censet, sunt fores effringere, pecora, vel armenta e stabulis abigere, per fenestras conscendere, scalas & instrumenta suppeditare. Quod vero illis concedit, est prædas jam coadunatas vehere. At si rationes, quas proferit, expendantur, vel omnia licere dicendum est, vel nec hoc postremum. Nam ideo licitum hoc purat 1. quia vehere prædam est aliquid indifferens, quod dominum non lædit, nisi ex iniqua intentione furis. 2. Quia dominus irrationabiliter invitus est, nec iuste expetere potest, ut alter cum propriæ vitæ dispendio, & periculo rebus suis consular. 3. Quia prædas vehere non est furum facere, sed factum supponere. Quæ omnia argumenta vel nimis probant, vel nihil probant. Nam & fores effringere, & pecus e stabulo abigere, & scalas, & alia instrumenta suppeditare est quid de se indifferens, quod domino non nocet, nisi ex iniqua furis intentione. Minime, reponit Sylvius: nam licet de se hæc actiones sint indifferentes, hic & nunc tamen malæ sunt, quatenus hic & nunc alterius injuriæ acceptioni cooperantur. At hoc idem dici potest & de vectura prædæ injuste acceptæ, quæ, licet sit de se indifferens, tamen hic & nunc mala est, quia adjuvat furem in re aliena asportanda, quam sine tali auxilio domino relinquere cogetur. Pari pacto, si dominus est irrationabiliter invitus, quia expetere non

po-

potest, ut alter cum propriæ vitæ periculo, & dispendio res suas conservet; ergo nec est irrationabiliter invitus, quod scalas subministrat, jumenta & stabulo abigat, fores aperiat, cum hæc officia sine suæ vitæ periculo, & dispendio omittere non possit: & si est rationabiliter invitus, quando rusticus scalas suppeditat, fores effringit, oves abigi, erit & rationabiliter invitus, quando bona sua alio transfert, & in locum ubi ea nunquam poterit recuperare. 4. Denique, si prædam vehere non est furum facere, sed factum supponere, ita præbere scalas, pecora & stabulo emittere, fores effringere non est furum facere, sed faciendum permittere, quod impediti non potest. Quamobrem puto non recedendum a regulis, quas posuimus, & latè explicavimus Tract. 4. de Virt. Theol. Diss. 3. de Caritate capp. 20. & 21. de cooperatione ad malum, & hic ad memoriam sunt revocandæ.

XVII. Obnoxios restitutioni ultimo loco declarat S. Thom. non obistentes damno alterius, in qua classe collocat præcipue Principes, qui tenentur custodire justitiam in terra, si per eorum desertus latrones incrementum, ad restitutionem tenentur: quia redditus, quos habent, sunt quasi stipendia ad hoc instituta, ut justitiam conservent in terra. His accensendi sunt custodes nemorum, & vinearum, qui stipendio conducuntur ad eorum custodiam: capropter obfistere tenentur volentibus vel ligna cedere, vel fructus auferre. Pari pacto Ministri Principum, & Magistrarum præpositi vestigalibus, & mercibus vetitis, si sciunt vel vestigalia fraudari, vel merces introduci, quarum ingressus a summa Potestate prohibetur, & ideo pecuniam accipiunt: multoque magis peccant, & ad restitutionem tenentur, si ipsi eas merces vel introducant, vel

introducunt societ, & tucantur, ne forte ab aliis Ministris impediuntur.

XVIII. Omnes illi qui in causa sunt alterius damni, ad restitutionem tenentur in solidum, non secundum partem vel industi damni, vel percepti lucri; adeo ut altero non restituyente, vel reparante damnum, ceteri omnes singulatim teneantur: & ratio est manifesta, nam omnes sunt vera causa injustæ actionis, & illati damni: omnes ergo damnum reparare tenentur. Hinc ab aliquibus Theologis carminibus causas cooperantes exprimentibus versiculus hic præmittitur:

*Quilibet in solidum reddat prius injurioso.
Jussio, Consilium etc.*

CAPUT DUODECIMUM.

CONSECTARIA PRÆCEDENTIS
DOCTRINÆ.

- I. Qui alium ad damnum inferendum rogant, restituere tenentur.
- II. Qui mandat damnum inferendum, licet limites præscribat, ab integra damni reparatione non semper liberatur.
- III. Restitutioni non subest, qui ratum habet damnum suo nomine illatum.
- IV. Quando qui suffragium ferre recusant, sunt restitutioni obnoxii.
- V. Quinam inter furum receptores sint numerandi.
- VI. Milites singuli ad totam damni reparationem tenentur.
- VII. Non vero qui simul non conspirant.
- VIII. Quando, & quomodo custodes vinearum etc. ad restitutionem obligentur.
- IX. Quando vestigalium exactores, & vindices.
- X. Satellites, & vestigalium custodes quid restituere debeant.

CONSECTARIUM PRIMUM.

I. QUI alium rogat, vel illi desiderium suum manifestat de damno inferendo proximo, causa est illati damni, si sequatur, & ad restitutionem tenetur; immo si solum exemplo suo pravo alios ad damnum inferendum moveat. Prima pars hujus consecrarii est de se aperta, & evidens: qui enim rogat, vel desiderium ostendit alteri, illum efficaciter movere ad damnum inferendum, de quo non cogitabat. Nec audiendi sunt laxiores illi Theologi, qui docuerunt, nec mandantem, nec suadentem ad damnum inferendum onere restitutionis obstringi, ea absurda, & imbecilli ratione, quia consentiens, & exequens mandatum, vel precibus annuens hoc ex sua praestata voluntate benigna, & benevola erga rogantem, vel mandantem; cum hujus non benignae, nec benevolae, sed iniquae, & injustae voluntatis in causa sit qui rogat, vel mandat; nec hujus crimen, illius tollit, vel minuit iniquitatem. Perverse vero abutuntur auctoritate Dominici Soto, docentis adolescentem, qui puellam ad stuprum precibus attraxit, si ipse convertatur, non teneri ex iustitia, sed ex caritate ad conversionem quoque seductae puellae procurandam. Cum longe dispar sit factum; hic enim agitur de conversione complicitis sponte in crimen consentientis; ibi vero agitur de damno a duobus iniquis innocenti tertio illato. Praeterquamquod Soto aperte docuit lib. 4. de iust. & jure quest. 7. art. 3. inter eos, qui ad restitutionem obligantur, primo recensendos illos, qui auctores fuerunt illati damni. Alteram vero partem probavimus in Traët. de Virt. Theolog. Diss. 3. de Caritate cap. 19. consecr.

14. & hic solum addimus, multo magis veram esse doctrinam positam in eo, qui pravo animo videam alterius ingressus uvas furripere, ut alios quoque videntes ad idem damnum inferendum excitaret, juxta ea quae superius diximus; cum actio de se iniqua sit, & pravus adsit animus eam ordinans ad damnum alterius etiam ab alio inferendum, & revera sequitur desideratum detrimentum: quare a culpa in iustitiae eximi non posse, & a restitutionis onere non liberari censuimus.

CONSECTARIUM SECUNDUM.

II. Qui mandat aliquod damnum inferendum, licet mandatario certos terminos praescribat, quos ista praetergreditur, non semper ab onere faciendi etiam majus damnum illatum liberatur mandans. Explicatur. Mandas, ut inimicum tuum fuisse percutiat, & mandatarius gladio vulnerat; mandas, ut decem aureos furetur, & ille triginta abstulit: si res absolute spectetur, ad excessum illum non teneris, quod ex sola prava mandatarii voluntate prodit. At si res in praxi spectetur, non ita sentiendum est. Nam animadvertendum 1., num quos praestituti limites observare moraliter possit mandatarius; nam aliqui occurrere possunt casus, qui difficile reddant custodiam praestituti limitis. 2. Num mandatarius propria pravitate impulsus non curet limites servare, quos cum tu, qui mandas, & praevideat possis, & tenearis, te obnoxium conditis restitutioni, cum majoris illius damni vere in causa sis, sin directe, indirecte tamen, & implicite in prava actione per te mandata. Et revera ita statuitur ipso iure canonico cap. 15. *Qui mandat de homicidio*, cap. 6. ubi Innoc. IV. sic decrevit: *Ii*

qui

qui mandat aliquem verberari, licet expressè jubeat, ne occidatur ullatenus, vel membrum aliquod mutiletur, irregularis efficitur, si mandatarius fines mandati excedens mutilet, vel occidat; cum mandando in culpa fuerit, & hoc evenire post se debuerit cogitare. Pari ratione, & causa, si præcepti, ut Petrum occideret, mandatarius vero per errorem Paulum interficit, reus es homicidii, & teneris ad totum damnum ex Pauli morte obveniens, cum illius tua jussione in causa fueris.

CONSECTARIUM TERTIUM.

III. Qui damnum proximo suo nomine illatum ratum habet, & adprobat, quod tamen ipse inferendum nullo modo voluit, ad restitutionem non tenetur. Ratio est manifesta: nam ratihabitio, quæ factum subsequitur, non potest influere in effectum ipsam præcedentem; nulla enim causa esse potest suo effectu posterior: & licet mandatarius damnum intulerit, ut rem gratam domino, vel Patrono præstaret, & hunc finem unice respexerit; verum tamen semper est, dominum nullo pacto damnum antea vel voluisse, vel jussisse. Nec obstant leges, quæ statuunt, ratihabitioem retrahere, & mandato sine dubio comparari; sicut nec declaratio Bonifacii VIII. statuentis de sent. exc. in 6. *Cum quis absque tuo mandato manus injicit tuo nomine violentas in Clericum, si hoc ratum habueris, excommunicationem latam in Canone incontinenti incurris.* Nam leges solum præsumptione nituntur, & præsupponunt cum, qui ratum habet contrarium vel homicidium nomine suo vel initum, vel patratum, mandasse: quæ tamen præsumptio locum non habet in foro conscientie, quod non præsumptione in-

nitur, sed veritate. Similiter Bonif. VIII. ideo excommunicatos declaravit, qui ratam habent violentam manuum injectionem in Clericum, quia hæc excommunicatio extenditur in Cap. *Cum quis*, & Cap. *mulier* de sent. excom. in 6. non solum contra violentas manus injicientes in Clericos, vel Monachos, sed etiam in illos, qui nomine suo factum ratum habent. Contingere tamen potest, ut quis sua ratihabitioe ad restitutionem teneatur, si per eam damnum passus damnorum reparationem consequi impediatur; & ille qui damnum intulit, in injuria detineatur: tunc enim, cum injusta sua actione alterius damni impediatur reparationem, ad illud faciendum obstringetur.

CONSECTARIUM QUARTUM.

IV. Rei sunt præstiti consensus, & damni illati, ideoque restitutionis onere gravati, qui suffragium ferre recusant in iis circumstantiis, in quibus certo norunt ex sui suffragii deficientia injustam ferendam sententiam, vel indigni electionem faciendam: tunc enim cum possint, & teneantur ratione juris ferendi suffragii ad impediendam suo voto vel injustam sententiam, vel iniquam electionem, huic consentire, immo & concurrere censentur. Licet enim qui suffragii ferendi jure gaudent, non semper teneantur consiliis interesse, vel in illis suffragium ferre; tamen quando norunt, se iniquitatem suo calculo impedire posse, nequeunt vel conventum declinare, vel a suffragio ferendo abstinere: ideo enim eo jure donati sunt, ut justitiam exerceant, & iniquitatem impendant. Præterea juxta 5. Th. ille certo certius est in causa damni, *sine quo damnum non feret.* Et sane, nisi ille

iste abstinere a ferendo suffragio, damnum, injusta scilicet vel sententia, vel electio non fieret: ergo est certa damni causa, propterea restitutioni obnoxii.

CONSECTARIUM QUINTUM.

V. Inter furum, & aliorum injuste damnum inferentium receptores illi sunt recensendi 1. qui filios-familias, pupillos, aliosque propria bona, vel illorum administrationem non habentes, in suas domos ad ludendum, & bona, quæ sua non sunt, dissipanda recipiunt; multoque magis si eis charas aleatorias, talos, taxillos ad ludendum suppedient. 2. Qui fraudulentos aleatores recipiunt, quos norunt in ludendo colusores decipere, & inique lucrari. 3. Qui proprium nomen usurpari permittunt in fisis, & fraudulentis contractibus, ut alios suos iusto jure rem sibi vendicandi, vel lucrum legitimum recipiendi fraudent; idem enim est, ac si ipsi pretium injusta venditionis, vel emptionis reciperent: quamobrem sunt restitutioni obnoxii. 4. Qui furibus, & damnisicis fugientibus auxilium præbent, non solum ut poenam, & satelitem manus effugiant, sed ut rem furto ablatam, vel retinere possint, vel in tuto ponere; tunc enim sunt vere furum receptores, & ipsi recursum in furto præbent. Quamobrem optime, ut Cap. præced. n. 13. notavimus, S. Augustinus ad Macedonium scribit: *Qui ad se confugientem, quantum honeste potest, ad rectitudinem non compellit, socius est fraudis, & criminis*. Quapropter qui misericordiæ titulo furem vel abscondit, vel ad fugam adjuvat, ne a licentibus comprehendatur, & in carcerem tradatur, prius ab ipso rem ablatam, quantum honeste potest, re-

petere debet, & extorquere, ut eam domino reddat: & sic hominem quidem recipiet, furem vero non recipiet.

CONSECTARIUM SEXTUM.

VI. In direptione, & depopulatione agri, oppidi, urbis causa injusti belli, primo ad integram restitutionem tenentur in solidum Duces, Principes, qui direptionem vel mandant, vel permittunt; sicut etiam ipsi milites diripientes, & præsertim illi, in quorum manibus sunt prædae violentere ereptæ. Verum respectu militum benigniores Theologi eos a restitutione, saltem in solidum, liberare conantur, sed absque solido rationis fundamento. Nam inquirunt, licet doctrina de onere restituendi totum damnum illatum sit speculative vera, præfice tamen milites excusantur per accidens 1. Quia non possunt totum restituere. At hæc ratio vim habere potest quantum ad ipsam restitutionem in re & facto, non in jure & debito. 2. Quia dominorum voluntas non est, nec expectatio, ut plus restituant, quam partem suam. Ar unde hanc dominorum competentem voluntatem habent? immo non est potius præsumendum, dominos velle restitutionem quam iustitia postulat, & sua, quantum fieri potest, recuperare? Similiter non expectant: at non quia, quod sibi ereptum est, liberaliter donent; sed quia rapientium iniquitatem agnoscentes, desperant de suorum damnorum reparatione. Præterea, ubinam gentium auditum est, nullam spem, vel omnimodam recuperandi desperationem in injuste spoliato rebus suis, ab onere restitutionis iniquos spoliatores liberare; maxime cum hæc desperatio totam basim habeat in ipsa spoliatoris iniquitate? 3. Dum milites castrum di-

ri-

ripiunt, cum singuli ad totam reparationem non sufficiant, sed omnium necessarius sit concursus, singuli sunt causa partialis damni partialitate causæ & quamquam singuli influant in totum damnum, tamen non influunt totaliter, idest damnum non habet totum suum esse a singulis, tanquam a causis seorsum sufficientibus ad ipsum totum ponendum: ergo non ad totum damnum reparandum tenentur. At hæc sunt mera sophismata, & verborum portenta, quæ mentem confundunt, veritatem obnubilant, iniquitatem defendunt. Nonne omnes, & singuli ad totum damnum concurrunt, & illud inferunt? Omnes ergo, & singuli ad totius damni reparationem obstringuntur. Hæc aperta, clara, manifesta sunt lumine ipso naturali. 4. Si singuli milites non moveant alios, & sublato singulorum concursu adhuc hæret totum damnum, singuli non tenentur ad totum, sed tantum ad partem; quia singuli non posuerunt, ne quidem moraliter, rem causativam totius damni, nec illud poterant, aut saltem non tenebantur impedire. At & hoc quoque sophisma est. Nam nonne factio, & opere omnes, & singuli consentiunt in totum damnum inferendum? Cur ergo ad totum damnum reparandum non obstringentur? Quia, inquirunt, singuli totum damnum non efficiunt. Fateor, si hoc intelligatur physice, idest singuli manu, & armis non totum inferunt damnum. At inficior, & pernego, si intelligatur moraliter: nam hoc pacto singuli ad totum damnum efficiendum concurrunt; cum singuli singulos adjuvent ad ipsum damnum totum, & totaliter efficiendum. Rejicienda est igitur ut probabilis hæc doctrina, quæ ab integra damnorum

reparatione hos milites liberat. Quod & intelligendum est de pluribus grassatoribus unum viatorem simul spoliantibus, cum par sit ratio.

CONSECTARIUM SEPTIMUM.

VII. Quando plures vineam, vel hortum ingressi, racemos, vel alia furantur, si non simul conspirent in furtum, sed alius alio ignorante fructuum partem surripiat, non singuli in solidum tenentur ad restitutionem, sed solum pro rata rei sublatæ. Ita docet S. Raymundus in Summa. *Si non iurant simul, sed quilibet pro se separatim faciebat damnum quilibet tenetur pro eo quod fecit.* Et ratio confirmat: nam damnum illatum est non communi consensus conspiratione, vel participatione, sed seorsum a singulis; proinde non una communi morali actione, ad quam singuli concurrant: non sunt ergo singuli ad totum reparandum damnum obstricti, sed singuli pro portione illati detrimenti. Recolamur, quæ dicta sunt de septimo Decalogi Præcepto cap. 1. n. 14.

CONSECTARIUM OCTAVUM.

VIII. Qui vineas, olivera, agros custodiendos suscipiunt mercede conducti, ad restitutionem illati damni tenentur, cui non obstituerunt, cum ex iustitia illud impedire teneantur; dummodo non majus ipsi subeant periculum in membris, vel vita: tunc enim satis est, si dominum de illato damno admoneant, ut satisfactionem sibi procuraret: nemo enim tenetur, etiam pretio conductus cum suo majori damno alterius minus damnum impedire, sed solum pro publico bono tenei quis potest se periculo vel vitæ, vel mutilationis exponere, ut

ut contingit in militibus. Pari pacto & de illis dicendum est, qui conducuntur ad impediendam venationem, piscationem, lignationem, & similia; cum pari obligatione ex iustitia premantur. Quare si non obfistunt, & impediunt detrimentum dominorum, ad reparationem illati damni tenentur. Non vero tenentur ad multas pecuniarias, quas subirent rei, & in domini utilitatem recundassent; licet non desint Theologi, qui & hoc onus illis imponant: nam revera conducuntur ad res sibi commissas defendendas, custodiendas, & indemnes servandas, non vero ad dominos locupletandos lucro multarum, & penarum: ac si, ut mox innui, ipsi damno inferendo obfistere non possint, illudque impedire; tunc saltem tenentur domino reos illati detrimenti denunciare, ut ipse sue consulat indemnitati. Possunt etiam aliquando se abscondere, & finire, ut aliquod leve inferant damnum, ut in facinore deprehensi fortius a damno inferendo coerceantur, & corrigantur, maxime si assueti sint delinquere. A peccato tamen, non contra iustitiam, sed contra caritatem illum non excusarem, qui fineret damnificatores agros, lucos, vineas ingredi, & grave damnum inferre, ut deprehensi graviore luant multas, & penas, de quorum lucro ipsi participarent vel ex conventionem cum domino, vel etiam solum ex huius liberalitate. Dixi, eos non peccare contra iustitiam, nec respectu domini, qui de illato sibi damno & compensationem obinet a damnificatore, & penam lucratur; nec respectu damnum inferentis, nam cum ad damnum inferendum non impellunt, vel hortantur, sed solum sue malitiae relinquunt, & furari permittunt. Caritatem tamen

eos ledere puto, quia, cum possint muneri suo satisfacere, & damnum domini impedire sine Rei detrimento, id caritati conformius videtur. Sylvius tamen eos ab omni culpa liberat, præsertim si vel sint delinquendo assueti, vel id opportunum iudicaverint ad damna coercenda, ut sint aliis exemplo.

CONSECTARIUM NONUM.

IX. Diximus cap. sup. n. 16. Littores, & Satellites, & Custodes ex officio conductos ad impediendos vestigalium fraudatores, vel mercium veterarum ingressum, & contra iustitiam peccare, & esse restitutioni obnoxios: nunc, quid restituere debeant, inquirendum. Plerique Theologi putant, non nisi ad vestigalium fraudatorem restitutionem teneri, quo lucro vel vestigalium conductores, vel ipsi Principes iniuste privantur; non vero ad multas pecuniarias, quas subire deberent præfati fraudatores ob rationem superius allatam. Alii vero distinguunt inter merces, quarum ingressus conceditur, sed vestigalium onere gravatur, & inter merces, quas supremus dominus, vel magistratus ab omni commercio semotas jubet, nec pro iis vestigalia exigit, sed fraudulentè investas fisco attribuit. De prioribus quidem aliqui Theologi consentiunt, ac de posterioribus dicunt, eos teneri ad pretium ipsarum mercium rependendum; & jure merito, cum hoc lucro supremum magistratum privent. Nec obstat solere plerumque magistratum has merces in propatulo comburere; vel si opportuna sint, in eleemosynam vel Ecclesiis, vel Monasteriis mittere. Quandoquidem jus habet de re sua, prout sibi lubet, disponendi etiam sine suo lucro; quod jus semper violant, quando ingressum

veritis mercibus permittunt: sicut non licet domino rem surripere, quamvis sciam, dominum rem inutiliter consumpturam. Addendum & ad restitutionem illos teneri pretii iniuste accepti pro vestigialium fraude, vel harum mercium clandestino ingressu; cum non solum ipsum iniquum opus, pro quo pretium datur, sit a lege tum divina, tum humana vetitum; sed legibus Principis, & ipsa ratio vetita est: proinde, ut docet S. Thom. ubi huiusmodi leges vigent, pretium nec recipi, nec retineri potest, sed est restituendum, non danti, qui turpiter dedit, & meretur amittere, sed pauperibus, vel ad pium aliquod opus impendendum.

CONSCETARIUM DECIMUM.

X. Impedientes ministros, qui obistere debent ex officio damno alieno, ne obstant, restitutioni illati damni obnoxii sunt: nam hac vi, & violentia vera sunt alterius damni causa; immo, etiam si nullam violentiam adhibeant, sed pecunia illos corrumpant, adhuc Principem, & fisco & dominos suo iusto lucro privant. Præterea restitutioni obnoxii sunt, qui etiam ex officio, & iustitia non obstrictos ad alterius damnum impediendum, si tamen velint obistere ex caritate, dolo, vel fraude, aut violentia impediunt, cum quilibet jus habeat, ne illicitis mediis ipsius defensionem, vel liberationem ab aliquo detrimento impediunt, non vix si precibus, consilio, hortationibus avocent; licet caritatem violent.

CAPUT TERTIUMDECIMUM.

De ceteris modis cooperandi ad damnum proximi, nimirum consulendo, adulando, tacendo, & non manifestando.

DOCTRINA.

- I. Male consulentes quoniam, & quid restituere debeant.
- II. Num revocato consilio a restitutione liberentur.
- III. Palpo quando restitutioni subiaceat.
- IV. Mutus quoniam, & quando restitutioni obnoxius.
- V. Non manifestans quomodo a muto distinguatur.
- VI. Quando famuli non manifestantes sint restitutioni obnoxii.

I. DE hisce alterius damni cooperandi modis pauca habet D. Th. qui hanc dumtaxat regulam tradit, scilicet ad restitutionem obstringi, quando probabiliter estimari potest, quod ex huiusmodi causis fuerit iniusta acceptio subsequuta. Consulentes autem ii dicuntur, qui consulunt, persuadent, hortantur, blanditiis alliciunt ad damnum proximo inferendum. Hi peccatum incurrun, & ad restitutionem obstringuntur 1. quando dolo, fraude, & malo animo aliquem consulunt ad vindictam sumendam, aut ad detrimentum inferendum: 2. Quando ex ignorantia, & imperitia pravum præbent consilium: & quidem si consilium dent accepto pretio, tenentur etiam de levi culpa; nam tunc est contractus qui in utriusque utilitatem cedit: si vero sine mercede, sed ex officio, uti sunt jurisperiti, medici, Confessarii, non tenen-

tur nisi ex culpa lata, idest si culpabili ignorantia errent; tenentur enim scire, quæ ad proprium pertinent officium, cum ad illos, consilio indigentes tanquam ad peritos confugiunt. Hinc & in jure cap. si culpa de injuriis, & damno dato statuitur: *Si culpa tua datum est damnum . . . aut imperitia, & negligentia tua evenit, jure super his te satisfacere oportet; nec ignorantia te excusat, si scire debuisti ex facto tuo injuriam verosimiliter posse contingere, aut jacturam*. 3. Si vero qui consilium præbet, ex amicitia id faciat, & simpliciter sine dolo, & fraude, licet ex aliqua imprudentia damnum sequatur, non ipsi erit imputandum, sed consilium acceptanti, & exequenti, & pro his tantum, ut etiam alibi diximus, valet regula juris: *Consilii non fraudulentum nulla obligatio est*: sicut, & alia, nullus ex consilio, dummodo fraudulentus non fuerit, obligatur. Quod si hujusmodi consiliatores impediunt consilium ab ipsis petentem, ne alios peritiores, & cordatiores adeat, ut illorum sequatur consilium, erunt restitutioni obnoxii, si damnum vel ipsi consulenti, vel tertio sequatur; cum iniquum sit alium impedire, ne consulat peritos & cordatos viros in re, ex qua ipsi vel alteri detrimentum obvenire potest: eapropter in causa est subsequens damni, quod non obligasset, nisi illum ab adiendo meliori consiliario impedivisset, a quo salubrius, & melius obtinivisset consilium, per quod damnum vitasset. Habenda tamen est ratio tum persone dantis, tum persone accipientis consilium, tum materię, supra quam consilium cadit, nec non circumstantiarum.

II. Datum consilium duplici inniti potest fundamento, nimirum facto ali-

quo, vel rationibus & argumentis. Primo, cum quis putans injuriam amico factam fuisse, ipsi consilium præbet de vindicta sumenda, & detrimento inferendo. 2. Cum quis pravum opus suadet, puta homicidium, furtum, vel quid simile, tanquam conveniens, utile, necessarium vel ad injuriam reparandam, vel ad suæ indigentię consulendum. Quæ distinctio noranda est ad discernendum, quando ex revocatione dati pravi consilii onus cesset restitutionis. Si enim consilium factum ininatur, quod verum putabat, quando consilium dedit, & postea falsum apprehendit, si consiliarius veritatem alteri detegat; & dehortetur a pravi consilii in ea suppositione dati executione, integre ab onere restitutionis liberatur; sicut alter datum pravum consilium exequi velit: cum per hanc revocationem omnem tollat dato consilio vim, & efficacitatem. At, quando argumentis ex utilitate, facilitate, necessitate, & securitate desumptis pravum suum, & perniciosum consilium confirmavit, plures Theologi censent, etiam revocato consilio, adhuc restitutionem teneri, cum per eam revocationem non destruat omnino, & tollatur causa efficax damni; adhuc enim in mente vigent, & perseverant argumenta proposita c. ex. ad vindictam sumendam tanquam decoram, ad abortum procurandum tanquam necessarium ad infamiam vitandam, ad injustum contractum celebrandum tanquam unicū, & efficax, medium ad res suas restaurandas. Hinc inferunt, arctius restitutionis onere urgeri consulentem, quam mandantem: hic enim revocato mandato liber est & a peccato, & a restitutione; at consulens, etiam revocato consilio, licet peccatum videret, ab onere

onere tamen faciendi damnum suo consilio illatum non liberatur. Et revera ita sentiunt, & docent plures Theologi etiam ex benignioribus, ut Lessius. Oppositum tamen pluribus aliis placet, qui putant ab onere restitutionis liberari consiliarium, si sincero animo pravum datum consilium revocet, & rationibus ex divinæ legis præceptis, ex gravissimo animæ periculo, ex Dei offensa supra omne malum vitanda conetur perversum consilium destruere, & ex mente alterius delere: nam tunc licet materialiter, ut ita dicam, ac physice supersint in aliena mente pravi consilii argumenta; hæc tamen moraliter delera, abolita, & ab rasa novis rationibus, & melliori consilio reputari possunt: proinde liberum haberi censent ab onere restitutionis consiliarium; cui opinioni & ipse assentior.

III. Palpo, seu adulator juxta S. Th. hic q. 62. a. 7. ille est, qui alterum laudat, & extollit quasi strenuum de hoc, quod aliena accepit. De his loquitur Regius Psaltes, dum canit psal. 9. Laudatur peccator in desideriis animæ suæ, & iniquus benedicitur. Hoc crimine coquinantur juventutis, & adolescentiæ seductores, dum eos laudant, quod bona paterna furripiunt, quod lusibus vacant, comessationes, & ebrietatem festinant, & similia; sicut & illi, qui magnatibus, & potentibus hujus sæculi adulantur, laudantes eorum excellentiam, generositatem, nobilitatem, potentiam, & vires, quibus abutuntur pauperes percipiendo, pares supplantando, de injuriis ulciscendo, & similia: atque ita, ut scribit S. Gregorius, dum malefacta hominum laudibus effertur, augent quæ increpare debuerant. His accensendi sunt, qui irratione, scemati- bus, vituperatione, exprobrando igna-

viam, recordiam, pusillanimitatem efficaciter movent ad vindictam, vel ad damnum proximo inferendum excitant, & urgent. Et licet D. A. scribar, non semper adulationem esse causam efficacem rapinæ, subdit tamen. *Palpones, & adulatores ad restitutionem teneri, quando probabiliter estimari potest, quod ex hujusmodi causa fuerit injusta acceptio subsecuta.* In qua S. Tho. doctrina duo sunt notanda. 1. Non potestulari evidentiam, & omnimodam certitudinem de damno per adulationem illato; sed sufficere probabilitatem, idest prudens, & fundatum judicium de detrimento per adulationem inducto. 2. Necesso non esse, ut adulatio sit sola, & unica damni illati causa; sed sat esse, si in damnum influxerit efficaciter. Nec a culpa exusantur, vel a restitutionis onere liberantur, quia non pravo animo, nec perversa mente se adulos esse dicant; sed satis est, si ipsa sua adulatione in causa damni fuerint. Attendendæ tamen sunt circumstantiæ omnes, quæ adulationem comitantur: hæc enim sicut plurimum vel augere, vel minuire possunt culpam, ita & restitutionis debitum: cui tamen obnoxii dicendi non sunt palpones, qui de patrato iniquo opere etiam contra justitiam aliquem commendant: nisi forte sua adulatione ipsum in injuria detineant, & a resarciendo illato damno efficaciter retrahant.

IV. Mutus in ordine ad restitutionem ille dicitur, qui cum possit, & debeat loqui contradicendo, dissuadendo, prohibendo, clamando, non monet, non præcipit, non clamat, non dehoratatur ad impediendum damnum, quod alteri imminet. Dixi, cum possit, nimirum nisi vel vi impediatur, vel timore majoris mali, & detrimenti sibi provenien-

tis: nemo enim tenetur suo majori damno minus alterius damnum avertere. Addidi, & *debet*, nimirum ex iustitia, non ex sola caritate; alioquin peccabit quidem, at minime erit restitutioni obnoxius. Quicumque igitur ex officio, vel ex contractu tenentur aliorum damnum avertere, id omittentes inter muros restitutioni obnoxios connumerantur: cujusmodi sunt parentes, domini, tutores, curatores, advocati, medici, chirurgi, & quidem respectu illorum, quorum curam habent, ne videlicet damnum incurrant, vel inferant, scilicet filiorum, servorum, minorum, curatorum, clientum, infirmorum &c.

V. Non manifestantes denique in hoc solum a mutis distingui possunt, nimirum quia illi tenentur loqui, & monere damnum præveniendū, ut impediatur; isti vero post illatum damnum, quod impedire vel non potuerunt, vel non tenebantur, ut repararetur. Quamobrem quod de prioribus diximus, & istis aptandum est.

VI. De servis, & famulis, num manifestare teneantur, & impedire damna, quæ dominis obveniunt, fures manifestando, vel illata detrimenta, hæc statuunt communiter Theologi. 1. Famulos, & ancillas, quibus cura, seu specialis custodia domus, vel cellarii commissæ est, teneri ad restitutionem, si non impediunt furta, & damna illata dominis, sive hæc ab extraneis fiant, sive a domesticis in rebus sibi commendatis, suæque curæ specialiter commissis. Quæ doctrina conformis est menti S. Thom. hic q. 62. art. 7. ad 3. docentis: *Non semper ille, qui non manifestat latronem, tenetur ad restitutionem, aut qui non obstat, vel qui non reprehendit, sed solum quando incumbit*

alicui ex officio. 2. Docent præfatos famulos ex iustitia teneri, & sub onere restitutionis manifestare extraneos invasores bonorum domini; quippe qui ratione famulatus ad eorum bona custodienda tenentur. 3. Quoad conservos vero, & domesticos, qui damnum inferunt domino in rebus domesticis, pro certo habent ex caritate teneri ad eum admonendum de damno imminente, antequam inferatur, ut impedire possit, sive post illatum, qui sibi prospicere valeat. At eos ex iustitia teneri, & cum onere restitutionis, nonnulli aperte inficiantur: quia, inquit, non conducuntur, ut res domini ab aliis conservis, & domesticis custodiant, cum ipse dominus sibi prospicere debeat, & attendere, quos servos in domum suam vel inducat, vel domesticos habeat. Præterea addunt, nimis arduum esse, & difficile, quemlibet servorum suis propriis curis dissentum teneri etiam aliis conservis invigilare, & illorum furta præcavere. Verum alii oppositum sentiunt, quibus & ipse adhæreo, qui censent ex iustitia non posse servos vel mutire, dum norunt conservos, aut domesticos bona dominorum discipere, vel non manifestare illata detrimenta dominis, ut sibi prospiciant. Nam profecto arctius ad hoc obstringuntur huiusmodi famuli, quam quilibet alius domino extraneus: at quilibet etiam extraneus ex caritate tenetur proximi damna impedire: ergo famuli ex iustitiæ vinculo. 2. Ex tacita conventionē cum domitis, qui illos famulos certe in suam nolent domum inducere, nec in famulatum recipere, qui expresse protestarentur se nolle generali huic custodiæ subicere. Nec obstant, quæ opponuntur, argumenta. Nam inter officia famulatus, ad quem conducuntur

tur ferri, & illud est ut res dominorum custodiant, nec illis damnum inferri suo silentio permittant; & domini rebus suis se prospexisse arbitrantur, dum famulos fideles sibi adfciunt, quos arbitrantur rerum suarum eam curam, & custodiam adhibuituros, quas ab ipsis postulant, & iustitia, & fidelitas. Nec nimium gravantur, dum hoc illi onus imponitur. Non enim coguntur vigilare, & perferutari, num res domini ab aliis conservis, vel domesticis diripiantur, sed solum, si noverint, domino revelare, ut vel damnum impediat, vel suam consulat indemnitati. Quamobrem hoc est discrimen inter servos, quibus aliqua peculiaris cura, puta cellarii, horrei, rei vestiarie commissa est, & ceteros servos ad communia officia destinatos: illi videlicet tenentur vigilare, custodire, omnem adhibere curam, ne res ipsis commissæ dissipentur, pereant, pessundentur; unde tenentur etiam ex culpa levi: ceteris vero solum incumbit, si & quando noverint res domini a domesticis pessundari; illam de damno vel imminenti, vel allato commonefacere; eapropter non nisi ex culpa lata tenentur.

CAPUT QUARTUMDECIMUM.

CONSECTARIA PRECEDENTIS
DOCTRINE.

- I. Num ad restitutionem teneatur, qui minus damnum consulit parato ad majus inferendum?
- II. Quando Confessarii non monentes teneantur ad restitutionem.
- III. Refellitur laxa doctrina P. Pauli Segneri.
- IV. Num qui veritate in iudicio tacet, vel declinat testimonium ferre, ad restitutionem teneatur.

V. Qui ex iustitia clamare non tenetur peccat contra caritatem, non tamen sit restitutioni obnoxius.

VI. Impediens clamare volentem ex caritate ad impediendum alterius damnum aliquando onus subit restitutionis.

VII. Ordo servandus in restitutione ab iis, qui ad damnum inferendum aliquo modo concurrunt.

VIII. Quando plures in solidum ad restitutionem tenentur, ut ab ea liberentur, certi esse debent de restitutione ab aliis facta.

CONSECTARIUM PRIMUM.

I. QUI parato ad gravius damnum proximo inferendum, consilium dat de minori inferendo damno, peccat quidem, sed non ad restitutionem tenetur: ut, cum quis disposito ad furtum centum aureorum consulit, ut non nisi quinquaginta furetur, paratum ad occidendum inimicum suadet, ut solum verberet, vel mutilet. Et quidem hunc peccare ostendimus contra nonnullos Theologos, & præsertim Sorum in Tract. de Virt. Theol. cap. 19. Consect. 4. 5. & 6. ea meo videri validissima ratione, quia licet minus sit illud malum, quod suades, respectu majoris mali, semper tamen de se malum est, & divinæ legi contrarium; nec ulla tibi imponitur necessitas suadendi minus malum, ut majus evites: satis enim esse debet a majori malo absterre, & a minori precibus, suasionibus, monitis dehortari, quia minus malum suades. Non teneri vero ad restitutionem manifestum est: quia non est suo consilio vera causa damni; nec in illud influit, nisi minuendo, & impediendo majus proximi detrimentum; dummodo tamen semper idem sit subiectum, sive persona, cui damnum est.

est inferendum . Nam , si subjectum muretur , injustitiæ crimen committitur , & restitutionis onus urget . Hinc si parato vi auferendam pecuniam a Paulo , suadeas , ut Petro furetur ; vel determinato quidem ad furtum , ac indeterminato , cui furetur , consilium des , vel furetur huic determinatæ personæ , puta Titio , teneris ad restitutionem ; quia es vera causa damni illati determinatæ personæ . Quod verum puto , etiam si accipiti , num damnum furto inferat Sempromio pauperi , an Francisco diviti , suadeas , ut huic potius , squam illi , pecuniam auferat ; quia licet tuo consilio minuas peccati malitiam in fure , es tamen vera causa damni furto viro diviti illati . Quod si determinato ad furtum suadeas in genere , ut potius diviti noceat , quam pauperi , a restitutione excusant plures Theologi , cum consilii , & suasionis objectum sit solum , quod in se minus malum est , non vero damnum huic potius , quam illi , huic diviti potius , quam illi pauperi inferendum : proinde tui consilii efficientia nulli determinato nocet . At restitutioni subjacebit , qui furi dispositio post mensem ad gravius damnum inferendum proximo , consulerit , ut hodie minus damnum inferat : hic enim vera est causa præsentis illati damni .

CONSECTARIUM SECUNDUM .

II. Confessarius tenetur Pœnitentem restitutioni obnoxium monere , ut restituat : quod si facere omittat , ipse sit restitutioni obnoxius , sive hæc omisso sit ex malitia , sive ex ignorantia crassa , vel culpa lata , vel etiam ex ignorantia , & negligentia . Ad unum ferentur omnes etiam benigniores Theologi hunc Confessarium lethaliter peccare ,

quia ex officio tenetur Pœnitentem instruere ; adeoque peccat omitendo necessariam instructionem . Pari pacto obnoxium censent restitutioni , quando vel ex malitia , vel ex ignorantia crassa , vel culpa lata Pœnitentem monere omittit . At nonnulli , ut Lessius , Bonacina , Layman , aliique putant , non esse huic oneri subjiciendum , si solum ex ignorantia , & negligentia monitionem omittat : quia , inquiunt , non tenetur vi officii sui alicujus tertii utilitatem procurare , aut ejus damnum cavere ; cum Sacramentum Pœnitentiæ sit institutum ad salutem spirituales pœnitentis , non ad utilitatem aliorum (qui rem habent cum Pœnitente) procurandam . Verum hæc doctrina mihi laxa videtur , & certe improbabilis . Nam juxta S. Thom. doctrinam hic a. 7. ad 3. *Non semper ille , qui non manifestat latronem , tenetur ad restitutionem , aut qui non obstat , aut qui non repræbendit ; sed solum quando incumbit alicui ex officio ; sicut Principibus terra , quibus ex hoc non multum imminet periculum .* Porro quis inficiabitur , Confessarium præcipue ex officio Sacramentum ministrantem , ut Parochus , teneri ex debito sui ministerii monere damnificum , eumque ad restitutionem urgere ? Quando ergo hoc suum rigorosum munus omittit , est vera causa damni illius , cui est restitutio facienda . Nec per negligentiam , vel ignorantiam excusatur , eum utraque sit in talibus vere culpabilis , nec levis , sed lata . Nam juxta S. Th. *Quilibet nosse tenetur , quæ ad proprium statum , & officium pertinent .* Quod confirmatur ex Jure Canonico : *Si culpa tua datum est damnum . . . satisfacere te oportet ; nec ignorantia te excusat , si scire debuisti ex facto tuo injuriam verosimiliter posse contingere .* At qui

qui Confessarius scire debebat, pratermissa admonitione damnicum, creditorem rem sibi ex iustitia debitam minime recuperatum. Est igitur vera causa illati damni. Quamobrem optime docet S. Bernardinus Senensis Ser. 25. in iv. Domin. Quadrag. Si quis ex officio suo teneatur a damno alterum defendere, vel preservare, non tantum si ex malitia, verum etiam si ex negligentia, vel incuria, vel imperitia officio suo notabiliter indebita, contingit, illum damnicum fieri; cui sic debetur, totum illud damnum restituere obligatur . . . ut Medici corporum, & animarum, & maxime Confessores ignari, & negligentes. Nec urget positum argumentum. Nam fateamur, Confessarium non teneri ad damnum tertii avertendum per se & directe, sed indirecte & per accidens, quando nimis ad suum Tribunal deferretur: tunc enim cum monere debeat damnicum de restitutione facienda, tenetur etiam alterius bonum procurare: quod si non praestet, injuriam inferit: quilibet enim jus habet, ne imperitia, & negligentia ministri vel bonum impediantur sibi ex iustitia debitum, vel damnum inferatur. Nam ut scribit I. S. Bernardinus Senensis l. cit. *Horum imperitia, & negligentia habent quendam efficacem causalitatem: damnificationis illo-*

rum, juxta modum, quo privatio est causa privationis. Si vero Confessarius bona fide, & absque culpa vel a restitutione liberum declarat suum Pœnitentem, licet eidem obnoxium, vel ad restitutionem adstringat, cui minime est subiciendus, ad restitutionem non tenebitur: detecto tamen errore, & veritate comperta, debet ex iustitia Pœnitentem monere: quod si praestet, etiam quando ex negligentia, & ignorantia de restitutione facienda Pœnitentem commonefacere omisit, ab onere restitutionis liber erit.

CONSECTARIUM TERTIUM.

III. Falsa. & laxa est doctrina, circa onus Ministri Pœnitentiae monendi Pœnitentem de restitutione facienda, quam tradit P. Paulus Segnerius in suo libello vere plumbeo, & stramineo, cui titulum facit *Confessarius Instruitus* cap. 10. Hoc opusculum ante aliquot annos studiosus quidam Theologus nonnullis appositis notis emendandum curavit, adhuc tamen plura supersunt spongia, & emendatione digna. Sic itaque scribit „ (*) Quando Pœnitens „ bona fide putat, vel se nihil alteri „ debere, vel solum partem percepti „ lucri, liceat revera in solidum teneatur, vel quia arbitratur se posse per „ plu-

(*) Quando il Penitente ritrovassi in buona fede, o perchè si creda di non dover niente, o perchè stimi di dover solo la sua rata parte, benchè egli per verità sia tenuto al tutto, come dicono *in solidum*, o perchè egli giudichi, che gli basti soddisfare in più paghe quello, che può in una sola, e la speranza di fuor non è probabile, lasciategli in quell' ignoranza a lui salute, e purchè sia questa veramente invincibile, a cagione che egli non ha principio veruno di dubitare della sua obbligazione. Piacesse a Dio, che talvolta non si avesse da pensar più a fare, che uno di questi ribbi dall' ingorde fauci quella roba mal posseduta, che a non fare che un petti-guato Elefante si scuota alla fine dalla bocca il suo avorio, e lo getti via. Non gli date dunque imprudentemente la caccia, se prima non vi accorgete d'essere alquanto sicuro di farne preda. Perchè se l' ignoranza, in cui vivete, non larà quella, che scusi dinanzi a Dio molte trasgressioni di quella sorte, converrà certo, che una gran parte del nostro mondo Cristiano si dannì. Ma come disse S. Agostino in *quibusdam* &c. E quello ci giova credere, che quel attinga *.

„ plures vices reddere, quod integre
 „ statim restituere tonetur, & potest,
 „ nisi spes probabilis adsit profuturam
 „ monitionem, est in sua salutari igno-
 „ rantia relinquendus; dummodo igno-
 „ rantia sit vere invincibilis: quia ni-
 „ mirum nullum ipsius menti occurrit
 „ dubium de restitutione facienda. Uti-
 „ nam aliquando non major esset exan-
 „ landus labor pro extrahenda ab imis
 „ avidis faucibus istorum re aliena in-
 „ iuste ablata, vel possessa, quam ad
 „ cogendum elephantem, ut ex ore suo
 „ eburneos dentes excutiat, & a se
 „ abjiciat. Ne illos igitur imprudenter
 „ urgeas, nisi prius certo putes profu-
 „ turam monitionem, & casses tuas li-
 „ benter ingressurum. Nisi enim ob
 „ eam, in qua vivitur, ignorantiam
 „ plures ab hujusmodi omisssæ restitui-
 „ tionis culpis excusentur, dicendum
 „ erit, maximam Christianorum par-
 „ tem in æternum perituram. At, ut
 „ scribit S. Augustinus, in *quibusdam*
 „ *homo fallitur magno malo, in aliis*
 „ *parvo, in aliis nullo, in aliis etiam*
 „ *utiliter*. Et hoc est, quod in re no-
 „ stra evenire credere lubet. Vix
 „ oculis meis credidi, cum hæc porten-
 „ ta legi, adeo mihi videntur falsa, ab-
 „ surda, & homine, nedum Theologo,
 „ sed & Christiano indigna. Nam s. quis
 „ crederet, tam esse inter Christianos
 „ ignorantiam, & quidem invincibilem
 „ de onere restituendi iniuste ablata, vel
 „ iniuste possessa, ut, nisi ipsa excusa-
 „ ret, maxima pars Orbis Christiani in
 „ æternum periret? Quid igitur faciunt
 „ Pastores, Catechistæ, Concionatores,
 „ Magistri, Parochi? Sunt ne omnes ca-
 „ nes muti, vel idola sine voce, non do-
 „ centes gregem, non instruentes popu-
 „ lum? 2. Est ne dicendum, præceptum
 „ de restitutione facienda adeo esse ar-

duum, difficile, sublime, in cælo po-
 situm, vel in inferioribus partibus ter-
 ræ abditum, ut illum novisse difficilli-
 mum sit, ignorare vero, & quidem
 invincibiliter, facillimum? Quis adeo
 hebes, & stupidus, qui nesciat rem
 alienam, vel perverse acquisitam, vel
 iniuste possessam, esse restituendam,
 & peccatum non remitti, nisi restitu-
 tur ablatum? Fatebor quidem fieri
 posse, rudem aliquem rusticum, vel
 mulierculam ignorare c. ex. rem, a
 fure emptam, esse domino restituend-
 dam, non accepto pretio persoluto.
 At *maioram christianis orbis partem* in-
 vincibiliter ignorare præceptum resi-
 tutionis, res est plane incredibilis.
 Sed fingamus, hanc dari invincibilem
 ignorantiam, non in uno, vel altero,
 vel paucioribus, sed in majori chris-
 tiani orbis parte, est ne igitur foven-
 da, ac retinenda? Utique, inquit Se-
 gnerius; nam ea ignorantia est illis sa-
 lutaris. O portentum! Ignorantia, quæ
 recte ipso Patre Segnerio cap. 7. præ-
 fati libelli, est *virus mentem insciens*,
 modo ipso docente facta est pharmacum
 salutare, non uni, vel alteri, sed ma-
 jori christiani orbis parti, quæ, si ve-
 ritatem agnosceres, ob talem cognitio-
 nem periret; dum per hanc salutarem
 ignorantiam pœnas devitat æternas.
 Frustra igitur Christus dixit, *Ego sum*
via, veritas, & vita, & nemo venit ad
Patrem nisi per me; cum ad Patrem
 pervenire possint, immo & perveniant
 in magno numero Christiani, non per
 Christum veritatem, sed per errorem,
 & ignorantiam invincibilem; & via,
 quæ ducit ad vitam, non est arcta via
 veritatis; sed latissima, & spatiosa
 ignorantia, & erroris. Præterea, quo-
 modo invincibilis ea ignorantia, quæ
 & est prava dispositionis effectus, quia
 ad

ad rem alienam iniuste retinendam in-
servit ; & crimen subsequitur vel ini-
stæ ablationis , vel iniustæ detentionis ?
Quomodo invincibilis illa ignorantia ,
qua , dum debitum agnoscitur restitu-
tionis faciendæ , tamen iniquus vel pos-
sessor , vel raptor rei alienæ sibi blan-
ditur , non teneri nisi ex parte , cum
ad totum teneatur , vel ad paulatim ,
& per partes reddendum , quod subito
restituere & potest , & tenetur ? Deni-
que , quomodo invincibilis illa igno-
rantia , quæ facillime expelli potest per
instructionem , & commotionem Con-
fessarii ? At inquit , admonitus restitu-
tionem detestabitur ; & ita veritas erat
illi perniciofa , cui antea salutaris erit
ignorantia . Sic , ut lubet : at pernici-
es illi obveniet non ob Confessarii neces-
sariam opportunam debitam instructio-
nem , sed ex prava pœnitentis disposi-
tione , qui restitutionem recusabit ex
perversa illa avaritia , quæ , ut dicit
Segnerius , efficit , ut facilius *compel-
latur elephas ad eburneos dentes excutien-
dos , & abijciendos* , quam ut avari isti
rerum alienarum detentores ab imis
faucibus rem alienam evomant : & ra-
men certum est vel emovendam rem
illam , vel subeundum æternum supplic-
cium . Moneant igitur intrepidi Con-
fessarii hos ignaros Pœnitentes , qui ,
si ex sua avaritia numerum augere vo-
lent reproborum Christianorum restitu-
tionem omitendo , ipsi in numero non
recensentur Confessariorum reprobo-
rum ; sed cum Regio Psalte gloriosi
poterunt dicere : *Insitiam tuam non ab-
scendi in corde meo , veritatem tuam , &
salutare tuum dixi* . Quod tamen sum-
mopere detestandum mihi videtur in
P. Segnerio , illud est , veritum non
esse , perversam hanc , & falsam do-

Patzuzi Theol. Mor. Tom. V.

ctrinam D. Augustino tribuere ; & ejus
auctoritate confirmare , aperta verbo-
rum ejus interpolatione , & sententiæ
corruptione . In libro enim Enchiridii
cap. 19. post verba a Segnerio laudata
statim subdit S. Præsul : *Magno malo
fallitur homo , cum hoc non credit , quod
ad vitam ducit æternam , vel hoc credit ,
quod ad mortem ducit æternam* : quæ
verba Segnerius qua mente prætermi-
serit , Deus judicavit . Certe si recita-
set , omnes statim agnovissent ibi S.
Doctorem non de errore , & ignoran-
tia locutum in rebus ad salutem animæ
pertinentibus ; sed de errore , & igno-
rantia aliquando in humana eventibus
contingente : & de hac ignorantia , &
errore dixit , aliquando hominem falli
magno malo , aliquando parvo , ali-
quando nullo , aliquando etiam utili-
ter ; quod sibi ipsi contigisse ostendit ,
quando per errorem viâ infidias Dona-
tistarum vitavit . Sic enim scribit Au-
gustinus : „ Nam nobis ipsi accidit
„ ut in quodam bivio falleremur , &
„ non iremus ad eum locum , ubi op-
„ periens transitum nostrum Donatista-
„ rum armata manus subsederat ; at-
„ que ita factum est , ut . . . cognitis
„ infidiis illorum gratularemur erras-
„ se , atque inde gratias ageremus Deo“ .
En igitur , de qua ignorantia , & de quo
errore loquatur Augustinus , nimirum
de illo , quo divina disponente provi-
dentia malum aliquod temporale vitat-
ur , & si , ut ipse mentem suam ex-
plicans subdit , *per errorem evadat quis-
que perniciem , sicut superius dixi nobis in
itinere contigisse , etiam boni aliquid bo-
mini errore confertur* . Porro quis patien-
ter ferat tam enormem abusum doctrinæ,
& auctoritatis S. Augustini ad Con-
fessariorum non instructionem , sed se-
du-

T t t

ductionem, qui putant sibi licere Peccantes suos in ignorantia, & erroris tenebris retinere, ne viam salutis amittant, dum S. Augustinus solum docet in humanis casibus, & eventibus errorem, & ignorantiam posse prodere? Caveant igitur Confessarii ab hac laxa, & falsa Segnerii doctrina, immo totum illum libellum e suis manibus abjiciant; quippe qui laxitates omnes, & falsas doctrinas in Probabilistarum libris, contentas, in virulentum succum contrahas, & blando eloquio propinatas in animarum perniciem complectitur.

CONSECTARIUM QUARTUM.

IV. Non solum testis a Judice vocatus, & interrogatus scienter falsum testimonium dicens, ad reparationem damni illati tenetur; verum etiam si a Judice legitime citatus, & interrogatus fuga, silentio, tergiversatione veritatem in detrimentum innocentis celat. Primam consecrarii partem nullus est qui inficietur: nimis enim aperta est, patens, & manifesta perversa hujus calumniatoris iniquitas, & injustitia, quæ causa est damni innocenti ob falsum testimonium obvenientis. At alteram partem non ita certam agnoscent plures Doctores, inter quos Molina disp. 739. nu. 6. Lessius, Laymanus, Sporerius, alique, qui fatentur quidem. tunc testem peccare lethaliter contra caritatem, obedientiam, & observantiam Judici, ac Superiori debitam, & contra etiam justitiam legalem, non vero contra justitiam commutativam; eapropter minime onere restitutionis gravandum; quia, inquirunt, pars læsa, vel innocens nullum habet jus hunc testem cogendi ad veritatem dicendam. Verum posita in consecrario doctrina & probabilior mihi videtur, & unice ve-

ra. Nam testis legitime citatus, vel interrogatus a judice, eo ipso quodammodo publica persona efficitur, & officii speciem exercet, quo obstringitur ad ea promenda, quæ conferre possunt ad rectum pronuntiandum judicium, & æquam ferendam sententiam. Præterea, sicut falsum dicens testimonium, quamvis & tunc pars læsa, vel innocens nullum habeat jus cogendi ipsum ad exprimendam veritatem, proinde falsum dicens contra veritatem peccet contra obedientiam, & contra justitiam legalem, at non contra justitiam commutativam; tamen quia suo falso testimonio est vera causa damni, ad restitutionem obstringitur: ita qui veritatem dicere refusat, qui fugit, qui tergiversatur, est vera causa damni: ergo non minus erit restitutioni obnoxius. At nec satis capio, cur jus habeat pars innocens, ne testis in sui detrimentum falsum in judicio dicat, & jus non habeat pariter, ne in suam perniciem veritatem in judicio legitimo celer, & non manifestet. Nam in utroque casu jus confurgit & ex forma judicii, & ex damno, quod inde innocentem emergit. Porro si falsum dicat, si verum taceat, si declinet, & formam judicii pervertit, & est vera damni causa: ergo in utroque eventu pari pacto & justitiam violat, & sit restitutioni obnoxius. Ita sentiunt Genetius, alique Theologi, & aperte docuit S. Bernardinus l. c. dicens: *Negans in judicio testimonium perhibere in alterius detrimentum, ei ad restitutionem recepti damni obligatus est.*

CONSECTARIUM QUINTUM.

V. Qui ex justitia non tenetur alterius damnum impedire, peccat quidem contra caritatem tacendo, vel non manifeste-

nifestando; at minime sit restitutioni obnoxius, nisi vel pecuniam recipiat, vel silentium polliceatur injusto damnificatori. Prima pars confectarii patet: quia cum, juxta toties repetitam S. Thom. doctrinam, onus restitutionis non nisi ex violatione commutativæ justitiæ confurgat, hæc violatio cum hic locum non habeat, nec restitutionis onus confurgit. Quoad vero binas appositæ in secundo membro exceptiones, non eas admittunt communiter Theologi. Nam nonnulli censent, multos hujusmodi, licet taceant ex accepta pecunia, vel ex facta promissione, non per hoc fieri restitutioni obnoxios; sicut enim tacere poterant sine violatione justitiæ sine pretio, & nulla facta promissione; cur tacere non poterunt post acceptam pecuniam, vel datam fidem de silentio servando? Et ita sentiunt Salmanticensis. Alii distinguunt, vel pretium silentii est desumptum ex re alterius furto surrepta, & tunc accipiens pretium sit obnoxius restitutioni, quia de furto participat: si vero pretium est datum de re propria damnificatoris, non obstringitur restitutioni. Verum nostræ exceptioni favent plurimi Theologi, & præsertim Sylvius, Concina, & Cuniati: quia acceptio pecuniæ, & fides data de silentio servando jam in ipsum influunt furtum; reddunt enim fures, & damnificatores animosiores, & secures ad damnum inferendum, & quoddam velut invicem foras ineunt, ille quidem, ut sit in suo facinore tutus, iste vero, ut lucreretur; quod, licet non tam aperte, at in ipsa gratuita silentii promissione contingit; hæc enim promissio securitatem auget in latrone, & hujus silentio sibi conciliat affectum, & benevolentiam.

CONJECTARIUM SEXTUM.

VI. Qui licet ex justitia non obstrictum, sed ex caritate reclamare volentem contra injustum raptores, vel damnificatores impedit, & ad silentium cogit, aliquando oneri subjicitur restitutionis. Et primo quidem juxta communem Theologorum doctrinam, si dolo, fraude, minis a clamando, vel manifestando impediatur: quippe quia quilibet jus habet, ne illicitis, injustisque modis a bono aliquo obtinendo, vel malo vitando impediatur. 2. Si solia precibus, hortationibus, consiliis, sed animo erga innocentem iniquo, ut ejus bonum impediatur, tunc enim, ut in superioribus diximus, duo iniqua conjunguntur, & animus scilicet damnum inferendi, & ipsa actio damnificativa. Si vero precibus, vel suasionibus ad silentium impellat, non ex odio erga innocentem, sed ex falsa misericordia, & imprudenti clementia erga furem, & damnificatorem, ne deprehensus mulctetur, & puniatur; peccabit quidem contra caritatem, at, cum justitiam non violet, restitutionis oneri non erit subjiciendus.

CONJECTARIUM SEPTIMUM.

VII. Ordo servandus in restitutione ab iis, qui ad damnum inferendum concurrunt, sic communiter a Theologis præstituitur. 1. Ille proximius ad restitutionem tenetur, qui rem alienam possidet, vel in se, vel in suo æquivalenti: hic enim duplici coarctatur titulo, nimirum & injustæ acceptationis, & rei acceptæ. Immo licet esset possessor bonæ fidei, ad restitutionem teneretur, etiam prævie ad alios ratione rei acceptæ, quæ semper domino suo clamat: si vero re consumpta

factus

T t t 2

factus effere ditior, hoc augmentum reddere teneretur, quippe quod pars esset rei alienæ inperthes. 2. Post possessorem vero bonæ, vel malæ fidei, si res non existat, nec in se, nec in æquivalenti, ad restitutionem tenentur causæ principales illati damni, cujusmodi sunt mandantes, ut superius diximus, nec non qui dolis, fraudibus, minis, aliisque illicitis modis damni in causa fuerit: & hi non solum damnum passio addringuntur, sed etiam illis, qui eorum minis, dolis, fraudibus ad inferendum damnum fuerit compulsi. Ita docet S. Thom. hic q. 62. art. 7. ad 2. scribens: „Principaliter restituere teneatur ille, qui est principalis in facto; principaliter quidem præcipiens, secundario vero exequens illi, qui sunt principales in facto, & ad quos res pervenit, tenentur, aliis restituere, qui restituerunt“. Si enim restituerint, refarciendi sunt a principali movente, & instigatore, qui damni principalis causa fuit, ut repetit a. 6. ad 3. dicens: „Postquam restitutio sufficiens facta est per unum, alii non tenentur ei ulterius restituere, re, sed magis restitutionem facere ei, qui restituit; qui tamen potest condonare“. Huic tertio loco succedunt executores rapinæ, vel irrogati damni, quibus restituentibus, qui subsequuntur, a restitutione liberi sunt: quibus tamen, si restituerint, executor compensationem debet, ut mox ex D. T. didicimus. Si vero plures fuerint æqualiter principales causæ ad damnum concurrentes, singuli in solidum damnum passio restituere debent; sibi autem invicem (posito quod alter illorum integre restituerit) tenentur juxta vel reportatæ utilitatis, vel commodi quan-

titatem, vel pro rata parte juxta numerum causarum. His quarto loco subsequuntur causæ minus principales: & primo quidem quæ positivæ causæ fuerunt illati damni, nimirum consulentes, palpones, participantes, refugium præbentes &c. Quæ pariter si plures sint æque ad damnum concurrentes, sicut causæ principales, singulæ tenentur in solidum damnum passio; invicem vero sibi obstringuntur, ut mox diximus. Denique causæ mere negativæ in damnum influentes, quæ vel in solidum restituere tenentur, si ad totum detrimentum concurrerint, vel pro parte illati damni, si nullus fuerit concursus: hoc tamen ordine, ut primo teneantur, qui majori urgebantur debito impediendi proximi detrimentum; deinde qui minori onere premebantur. Quapropter 1. tenentur Principes, & Superiores, qui impedire omiserunt. 2. Rerum custodes, quia eas defendere, tueri, ac servare tenebantur. 3. Qui ex officio clamare, monere, vel manifestare illatum damnum obstringebantur. 4. Denique testes, qui juridice interrogati veritatem manifestare omiserunt, & sua restitutione damnum poterant impedire.

CONJECTARIUM OCTAVUM.

VIII. Quando plures in solidum ad illatum damnum reparandum obstringuntur, nemo illorum ab integra restitutione liberatur, nisi certo noverit confocios pro sua parte restituisse. Huic doctrinæ obstitunt Salmanticenses, qui hanc statuunt distinctionem. Vel aliquis ex sociis certo novit, alios minime illatum damnum compensasse; & tunc fatentur ipsum ad integram compensationem teneri; vel ignorat, num causæ principalis, vel alii criminis confocii resti-

restituerint; & tunc non teneri docent, nisi ad suam illati damni partem: nam, iniqui, præsumere jure potest, factam ab illis compensationem; cum nullus non sit malus præsumendus, & injustus rei alienæ detentor, nisi constet: vel denique etiam post adhibitam ad inquirendam veritatem diligentiam, dubitat, num restituerint; & tunc quoque illum ab integra restitutione exonerant, quia durante hoc dubio incerta omnino est integræ restitutionis obligatio, & onus: porro, cum in materia justitiæ melior sit conditio possidentis, pro incerta obligatione non est ad certam solutionem obstringendus: satis itaque erit, si pro sua ratione restituat. Verum hæc doctrina in secundo, & tertio membro mihi probabilistica videtur, & falsa, utpote non solitis innixa argumentis, sed sophismatibus, & argutiis. Nam licet ignoret, an principalis causa, vel alii consocii restituerint, certus tamen est, eos reos esse patrati criminis ad restitutionem obstringentis. Porro præsumptio, potius est, eos in injuriis perseverare; *semel enim malus semper præsumitur malus in eodem genere mali*, nisi oppositum certo constet: alioquin nunquam locum habere onus solutionis in integrum, quando plures concurrerunt ad damnum inferendum: semper enim quilibet socius præsumere possit alios restituisse, & satisfecisse; & sic nonnisi pars damni, licet maximi, sarciretur. Præterea, sicut certus est de damno illato simul cum sociis, ita, ut æqualitas in justitia commutante servetur, certus quoque esse debet de restitutione simul cum sociis facta: non enim certum debitum solvitur restitutione incerta, & præsumpta; & debitum certum, ac solutio incerta a nemine æqualia habentur.

Similiter sophisma est ex illo principio, *melior est conditio possidentis*, inferre, hunc debitorem certum de damno illato cum sociis, & incertum de reparatione ab aliis inducta, ab onere restitutionis liberari. Nam omnia, quæ possidet injustus ille damnificator, cum sint obnoxia restitutioni, ea possidet dubia fide, num videlicet possit sibi retinere, vel consumere, vel num debeat damnum passo restituere. Porro certus est de damno illato; incertus, & anceps de restitutione facta: ne igitur se exponat periculo utendi re aliena tanquam sua, tenetur vel certam veritatem inquirere, vel in integrum datum damnum reparare. Uterius illa, cui illatum est damnum, certum possidet jus & inconcussum ad accipiendam reparationem detrimenti, quod subdit. Ergo hoc jure certo, & inconcussio spoliandus non est per incertam, & dubiam reparationem. Denique certum est, omnes, & singulos damnificatores ad integram reparationem damni obstringi: dubium est, num satisfecerint; ergo illud certum tenendum est, & hoc incertum dimittendum; eapropter restitutio facienda. Nec objiciant, certus est de possessione suæ pecuniæ damnificator; incertus est de restitutione pro sua cujusque parte ab aliis facta: ergo non est certa suæ pecuniæ possessione privandus ob dubium de æqualitate non inducta, & restitutione ab aliis non facta. Non hoc, inquam, objiciant: nam & hoc sophisma est: etenim certus esse non potest de legitima suæ pecuniæ possessione, nisi certus sit eam non esse alteri obnoxiam. Porro certus est illam esse obnoxiam restitutioni ob illatum damnum. Ergo illam legitime possidere nequit, nisi vel certus de restitutione facta, vel ipse restituas.

tuat . Fateor hic contingere , quod superius ex P. Paulo Segnerio retulimus , scilicet facilius cogi elephantem ad eburneos suos excutiendos , abjiciendosque dentes , quam istis integram illati damni restitutionem suadere , cujus ipsi vel nullam , vel exiguam percipere utilitatem . At propterea est ne veritas deferenda , divina lex restitutionem jubens abolenda , furtis & rapinae favendum ? Absit hoc ab animo Theologi Christiani , & Deum timentis , ac ad animarum salutem studiosè procurandam ratione sui muneris obstricti .

CAPUT QUINTUMDECIMUM.

De adjunctis , & circumstantiis Restitutionis . Nonnulla exponuntur , & explicantur .

DOCTRINA.

- I. *Circumstantia Restitutionis enumerantur.*
- II. *Prima , nimirum quis restituere debeat , explicatur .*
- III. *Secunda , res scilicet restituenda declaratur .*
- IV. *Si rei dominus sit ignotus , cui sit facienda restitutio .*
- V. *Aliquorum Theologorum doctrina refellitur .*
- VI. *Probabilior doctrina exponitur .*
- VII. *Tempus restitutionis quando urgeat , explicatur .*
- VIII. *Quando per injustam rei alienae detentionem peccata multiplicentur .*

I. **C**IRCUMSTANTIÆ , quæ restitutionem ipsam partim constituunt , partim comitantur , hisce duobus continentur versiculis :

Quis , quid restituat , cui , quantum , quomodo , quando ,

Quo ordine , quovo loco , qua causa excuset iniquam .

Dixi , quæ partim restitutionem ipsam constituunt , quia sine ipsis nequit haberi restitutio , nimirum sine debitore , qui restituere debeat , sine creditore , cui sit facienda restitutio , denique sine re restituenda : quamobrem de his satis in superioribus diximus , & solum aliqua hic sunt ad uberiores intelligentiam , & explicationem addenda .

II. Ille itaque ad restitutionem tenetur , qui rem alienam possidet , sive bona , sive mala fide , vel qui damnum quoquo modo injuste intulit , vel a boni assentione alterum impedit . Hinc restitutioni obnoxii sunt 1. qui rem alienam commodato , deposito , precario , vel mutuo obtinent , qui bona fide emerunt , vel donatione sunt consecuti : quia licet iusto titulo sint eam consecuti , tamen res semper , juxta tamen diversas contrahentium conditiones , domino suo clamor opportuno , vel statuto tempore restituenda . 2. Qui rem alienam sine iusto titulo obtinent , puta furto , rapina , iniqua detentione , licet rem amplius non habeant , sed consumpserint , cum duplici premantur titulo & rei acceptæ , & injustæ acceptionis . 3. Damificatores , & impediētes injuste alios a boni sperati consecutione , licet ipsi nullam inde perceperint utilitatem , vel emolumentum ; cum injusta eorum actio eos restitutioni subiciat . Sed de his satis ex superius dictis constat .

III. Res aliena , si extat , est in se restituenda : quare , ut superius diximus , non licet de se , & absolute pro libito

libito pretium reddere, nisi aliqua legitima addit ratio, quæ excuset, puta, quia sine gravi reſtituentis damno, vel in fama, vel in bonis, fieri non poſſit identica reſtitutio. Eapropter falſam puto Navarri, & aliorum opinionem, qui cenſent a peccato lethali excuſari, qui rem alienam in individuo poſſidens, & reſtituere valens ſine incommodo, vel aliam æque bonam, vel juſtum pretium perſolvit; licet noverit creditorem eſſe invitum, quia ſpeciali affectu rem diligit: nam illi ſemper gravem irrogat injuriam, & ad vendendum cogit, vel permutandum, quod ille nec vendere veller, nec permutare. Deinde non ſolum res in ſe, ſed quanta eſt, reſtitui debet. Nam cum, ut inquit S. Thom. a. 5. *per reſtitutionem fiat reductio ad æqualitatem juſtitie commutative, quæ conſiſtit in rerum adequatione*; ſi res non reſtituatur, quanta eſt, hæc æqualitas non habetur, & ita violatur juſtitia commutativa. Quod pariter eſt intelligendum ſive de damno ilato, ſive de boni conſecutione impedita, quæ non quocumque modo ſarcienda ſunt, ſed ad æqualitatem, juxta tamen regulas ſuperius pro poſſeſſoribus tum bonæ, tum malæ fidei conſtitutas.

IV. Ad dignoſcendum cui facienda ſit reſtitutio, hæc ſunt attendenda. 1. Illi eſt facienda reſtitutio, qui rem juſto legitimoque titulo poſſidebat, licet dominus non eſſet: quamobrem ſi rem furatus ſit apud Depoſitarium, Comodatarium, aut Adminiſtratorem, vel in pignus habentem, non dominus, ſed iſte reſtituenda res eſt. Hinc egregie docet S. Thom. hic a. 5. *Per reſtitutionem ſit reductio ad æqualitatem commutative juſtitie, quæ conſiſtit in rerum adequatione*. . . *huiusmodi autem ada-*

quatio rerum fieri non poteſt, niſi ei qui minus habet, quam quod ſuum eſt, ſuppleretur quod deſt. Et ad hanc ſuppletionem faciendam, neceſſe eſt, ut ei fiat reſtitutio, a quo acceptum eſt. Nam juſtitia quodcumque jus ad alterum ſancte cuſtodit, & violari vetat. Porro licet ille, a quo res ablata fuit, jus non habeat domini, habet tamen jus vel cuſtodie, vel adminiſtrationis, vel alterius tituli; ac proinde nec iſtud violandum eſt: illi igitur res ablata reſtituenda. Solam duo excipiuntur caſus: nimirum 1. ſi parum referat, num res vel poſſeſſori, vel domino reſtituatur, quia nulli ſit injuria. 2. Si certo conſtet, rem in manu poſſeſſoris periclitari, & conſumptioni injuſtæ eſſe obnoxiam; tunc enim non ipſi poſſeſſori, ſed domino foret reddenda. In dubio vero poſſeſſor præferendus eſt: tum quia melior eſt conditio poſſidentis; tum quia nemo eſt malus præſumendus, niſi certo conſtet. 2. Si rem aliquam a poſſeſſore bonæ fidei titulo gratuito accepiſſi, puta donationis, vel commodati &c. rem domino reſtituere debes, non poſſeſſori: nam illi eſt facienda reſtitutio, qui juſ aliquid in re habet: dominus jus habet domini, poſſeſſor vero etiam bonæ fidei nullum obtinet jus, quippe qui & ipſe ad reſtitutionem tenetur: ergo domino eſt reſtituenda. Si vero titulo oneroſo accepiſſi, puta emptione, potes quidem rem poſſeſſori reſtituere, ut tuum recuperes pretium; Jammodo tamen certo putes, rem domino ab ipſo poſſeſſore reddendam: ac ſi certo ſcias a poſſeſſore non reſtituendam, debes non ipſi, ſed domino reſtituere; nam idem eſſet, ac ſi a fure accepiſſes: licet enim ille ſupponatur bonæ fidei poſſeſſor in acceptione, evadit tamen poſſeſſor mala

læ fidei in detentione ; proinde rem illi restituendo injuriam irrogares domino , cujus rem in periculo ponerēs injustæ detentionis . Recolantur ea , quæ diximus cap. 4. confect. 6. 3. Quando restitutio futura sit domino pernicioſa , non est tunc illi faciendâ , sed vel differenda , vel in aliena custodia depōnenda , Ita docet S. Thom. hic a. 5. ad 1. dicens : „ Quando res restituenda apparet esse graviter nociva ei , „ cui restitutio faciendâ est , vel alteri , „ non ei debet tunc restitui ; quia restitutio ordinatur ad utilitatem ejus , „ cui restituitur . Omnia enim quæ possidentur , sub ratione utilis cadunt . „ Nec tamen debet ille , qui detinet rem alienam , sibi appropriare , sed „ vel reservare , ut congruo tempore restituat , vel etiam alii tradere committenda . „ Ita non licet gladium furioso restituere , vel poscenti ad occidendum inimicum , vel depositam pecuniam infundendam in partem perniciosam .

V. Si vero rei dominus sit omnino ignotus , inquirunt Theologi , cui sit restitutio faciendâ . Et primo quidem hic de rebus inventis non loquimur ; satis enim diximus in Tract. de Domin. cap. 8. n. 16. sed de rebus vel malis , vel bona fide occupatis . De his autem 1. statunt Theologi , omnem esse diligentiam adhibendam , ut dominus reperitur , qui si obitus deprehendatur , ejus est hæredibus restituendâ , ut docet S. Thom. hic q. 62. art. 4. *Si mortuus sit ille , cui est restitutio faciendâ , debet restitui hæredi ejus , qui computatur quasi una persona cum ipso* : hæredi scilicet vel ab intestato , vel ex testamento , non vero Legatariis . Si vero omni adhibita diligentia nec dominum , nec ejus hæredes reperire datum sit ,

tunc subdit S. Thom. *debet homo restituere secundum quod potest , scilicet dando eleemosynam pro salute ipsius , sive sit mortuus , sive sit vivus , præmissa tamen diligenti inquisitione de persona , cui est restitutio faciendâ* . Huic tamen S. D. doctrinæ non omnes acquiescunt Theologi , qui aliam excitant quæstionem , nimirum num hæc restitutio faciendâ pauperibus ex ipso naturæ jure descendat , an solum ex jure positivo . Et quidem positivi juris esse contendunt cum Salmanticensibus plures Theologi , qui inquit : jus naturæ solum præscribit , ut bona dominis suis restituantur , quando id possibile est ; at si fiat impossibile , minime præcipit , ut in pauperum dominium transferantur , & usum , quippe qui nec legitimi domini nec necessarij hæredes habentur . Cum igitur hæc bona dominum amiserint , ad pristinum illum revertuntur statim , in quo erant bona ante divisionem jure gentium inductam ; proinde in potestate sunt Communicatis , Reipublicæ , Regum , & Summorum Pontificum , qui valent ea in commune bonum , & utilitatem convertere . Hinc Principes in civili jure , & Pontifices in Jure Canonico statuunt , bona per simoniam , & usuram acquisita esse in pauperum levamen distribuenda . Hinc inferunt jure positivo possessores malæ fidei teneri ad ea bona pauperibus distribuenda ; at possessores bonæ fidei , si detegant se rem possidere , quam licet certo sciant ad se non pertinere , ignorant tamen , immo repetire non possunt ejus dominum , licet diligenter conquestum , posse eam sibi vindicare quia bona jure naturæ ad communem statum devoluta , sunt primi apprehendentis .

VI. Verum aliter sentiunt , & quidem probabilius plures alij Theologi cum

cum Cajetano, Covarruvia, Tapia, aliisque, videlicet, hæc incerta bona a possessore tum bonæ, tum malæ fidei esse jure naturæ in pauperes distribuenda; quia hæc præsumitur voluntas dominorum, optantium semper, quod sibi temporaliter prodesse non potest, saltem in spirituale suum bonum converti; quod fit, quando in pauperes bona eorum distribuuntur. Accedit consuetudo, & communis pene omnium hominum consensus, qui hæc incerta bona pauperibus esse distribuenda censuerunt. Hujus autem communis consensus testes sunt S. Thom. & ceteri sui temporis Doctores, immo & Pontifices Summi, inter quos Alexander III. scribens Archiepiscopo Salernitano, ut patet Cap. *Cum tu*, de *usuris* & in 6. Cap. *Cum sit*, de *Judeis*: quibus in locis licet solum sermo habeatur de lucris per usuram, & simoniam obtentis; communiter tamen extenditur ad omnia incerta bona, quorum dominus ignoratur. Nec tamen, ut optime animadvertit Sotus lib. 4. qu. 7. laudatus Pontifex primus fuit hujus dispositionis auctor, sed exemplo adductus est antiquorum Sanctorum, Augustini scilicet, ut ex locis juris canonici citatis constat, quia & naturali jure edoctus, & Evangelio; nam quod cuique superest, erogandum est in pauperes; ejusmodi autem bona redundare censetur in republica. Et certe ipso naturali jure inspecto, licet hæc bona supponantur in communem usum venisse, ab eorum participatione non sunt pauperes excludendi, cum & ipsi in Republica sint: excluderentur autem omnino, si hæc vacantia bona ipsi possessoribus, licet illegitimis, libere concederentur. Fateamur quidem horum bonorum dominium in pauperes non transire, quasi creditorum hæredes ef-

sent; sed dum ipsi distribuuntur, ipsi quasi loco creditorum solvitur: sicut nec ita necessario transire arbitramur, ut supremæ Potestates, & præsertim Summi Pontifices non possint aliquando in alium pium usum, vel in commune bonum ea applicare; cum & ipsius communis boni cura ad jus naturale pertineat, & privatum etiam alicui bonum ipso jure naturæ debitum, possit in commune bonum transferri, quod privato est præferendum.

VII. Quoad tempus restitutionis, hoc semper quoad animi preparationem urget: quamobrem lethaliter peccat alienæ rei detentor, quotiescunque animum restituendi abjicit. Quoad executionem vero urget, statim ac potest restituere: si enim restituere valens non restituit, reus est injustæ detentionis, ut docet, & probat S. Thom. hic a. 8. scribens: *Sicut accipere rem alienam est peccatum contra iustitiam, ita etiam detinere eam, quia per hoc quod aliquis detinet rem alienam invito domino, impedit eum de usu rei sue, & sic ei facit injuriam. Manifestum est autem, quod nec per modicum tempus licet in peccato mortali morari, sed quilibet tenetur statim peccatum deferere, secundum illud Eccl. Quasi a facie colubri fuge peccata. Et ideo tenetur quilibet statim restituere, si potest, vel dilationem petere ab eo, qui usum rei potest concedere. Quod luculentius confirmat in Suppl. q. 6. a. 5. ad 3. Retentio rei alienæ invito domino contrariatur præcepto negativo, quod obligat semper, & ad semper; & ideo tenetur semper ad statim restituendum.*

VIII. Qui diutius in detentione injusta rei alienæ sordescit, est in statu damnationis; eoque gravius peccat, quo diutius in tali pravo animo perseverat; & hæc diuturni temporis circum-

cumstantia, cum peccatum aggravet, est in confessione aperienda. Quando vero peccata numero multiplicet, non facile est definire. Quæ mihi probabiliora videntur, promam. 1. Quoties propositum restituendi retractavit, & postea ad illud rediit, ut docent etiam Salmanticenses hic n. 264. 2. Quando res injuste detenta repetitur a domino, illique denegatur: hinc qui occulte detinet rem alienam, quam dominus repetere non valet, censetur interpellari a domino, quando a Confessario illi restitutio injungitur; ipse enim tunc pro domino interpellat. 3. Quando ex hujusmodi dilata restitutione grave damnum patitur dominus ob suæ rei privationem. 4. Quotiescumque rem alienam apud se existentem consumit; tunc enim ad eam restituendam ineptum se voluntarie reddit: nec excusatur, quia pretium restituet; nam nova injustitia est rem alienam ita distrahere, ut dominus non ipsam rem, sed ejus pretium cogatur recipere. 5. Denique quotiescumque rei suæ prodiga consumptione se ineptum reddit ad restituendum. Extra hos casus persistencia in injusta rei detentione peccatum augeri arbitror, non multiplicari.

CAPUT SEXTUMDECIMUM.

CONSECTARIA PRECEDENTIS
DOCTRINÆ.

- I. Restitutio ad æqualitatem, quantum fieri potest, facienda.
- II. Modi nonnulli restituendi res incertis dominis reddendas.
- III. Res est domino restituenda, non ejus creditori.
- IV. Num qui bonis cedunt, ab integra restitutione excusentur.
- V. Depositum aliquando ex justitia, ali-

quando ex caritate tenetur Depositarius negare.

- VI. Quando ad iterandam restitutionem semel factam quis teneatur.
- VII. Quot modis quis peccare possit restitutionem differendo.
- VIII. Differentibus restitutionem deneganda absolutio.
- IX. Ad restitutionem non differendam tenetur aliquando injustus possessor ex proprio statu decidere.

CONSECTARIUM PRIMUM.

I. **R**ELI injuste ablata quantitas est ad æqualitatem restituenda; quia alioquin justitiæ debitum non impleretur. At quando ista quantitas ignoratur, ut contingit in illis, qui per plura minuta furta, vel etiam majora uni, aut pluribus pecuniam furantur, & in illis qui domum pluribus supellestilibus ornatam vel diripiunt, vel incendunt; tunc serio & Pœnitens, & Confessarius expendere, & excutere debent tempus, nimirum num per plures annos in tali rerum aliarum usurpatione perseveraverint, quantum singulis vicibus absculerint, & serio examine rem ad calculum deducere, ut, quantum fieri possit, ad æqualem restitutionem accedat. Quod si rei pretium ignoratur, tunc qualitas rei, & tempus, quo ablata fuit, & quantum utilitatis percipiebat dominus, sunt expendenda, & coram Deo, quod justum est, decernendum.

CONSECTARIUM SECUNDUM.

II. Dupliciter contingere potest, ut ignoretur rei restituendæ dominus, idest in communi, & in particulari. Quando dominus licet in particulari ignotus sit, in communi tamen noscitur, ut contingit in militibus injude pagum, villam, oppidum, agros diripientibus, & in

anopolis, salsamentariis, aliisque panem, comestibilia, vel pannos vendentibus, qui in pondere, mensura, pretio emptores fraudant; tunc non recte fit restitutio, si pauperibus surrepta bona distribuuntur, sed in priori casu restitutio facienda est illis oppidanis, rusticis, civibus, ubi damnum illatum est, ut vel ipsi, vel saltem eorum hæredes restitutionis sentiant beneficium, qui injustæ deprædationis detrimentum perferere. In altero vero casu restitutio est facienda incolis illius loci, ubi præfatæ fraudes habitæ sunt, vel vilius merces vendendo, vel mensuram, & pondus augendo. Quod si injustus iste rei alienæ possessor artem illam non amplius exerceat, in hoc eventu, sicut & in alio militum prædantium, puto locum habere S. Thom. doctrinam in xv. Sent. dist. 15. q. 1. a. 5. docentis *illos debere pauperibus illius villæ restituere, vel in alios usus communis illius civitatis expendere secundum arbitrium Episcopi, vel illorum, ad quos pertinet cura illius civitatis*. Ubi, ut vides, S. D. liberum non relinquit istis injustis detentoribus restitutionem quibuscumque faciendam, sed eam arbitrio Episcopi, vel Magistratus remittit; utpote qui & melius uniuscujusque jacturam cognoscere possunt, & tutius debitam restitutionem servare, vel saltem ita disponere, ut restitutio in commune bonum redundet. Quando vero dominus tum in particulari, tum in generali ignoratur, restitutio est facienda pauperibus ad libitum etiam restituentis: qui si consanguineos, vel affines habeat vere pauperes, poterit & illis auxiliari: nam alios pauperes, vel inter ipsos pauperiores eligere caritatis est, non necessitatis. Quoad Bullam compositionis, quam suggerunt plerique

Canonistæ, ipsius impetrationem minime ipse concederem possessoribus malæ fidei, ne ex sua iniquitate lucrum reportent. Unde si sunt in bonis, & restituere possunt, ad integram restitutionem obstringerem: si vero pauperes essent, & ad integram restitutionem inepti, quod possunt, restituere deberent, & quod superest, orationibus, & aliis piis operibus compensare, eo tamen semper animo, ut, si quando re, & factis restituere valeant, restituant. Quoad possesores vero bonæ fidei, qui nimirum in hæreditate sibi relicta plura detegunt illicite acquisita, & incertis dominis restituenda, permitterem, ut compositionem impetrarent sincere, & procul ab omni fraude, & dolo veritatem exponendo, & magis pro conscientie quiete, quam pro temporali utilitate, & proprii commodi gratia, & sine pauperum detrimento. At hæc in particulatibus occurrentibus casibus sunt a prudente, docto, & studioso ministro atente, & accurate tractanda. Quando res ad alterutrum ex duobus pertinere dignoscitur, sed, quinam sit verus dominus, ignoratur, inter utroque est dividenda pro rata dubii.

CONSECTARIUM TERTIUM.

III. Non licet, quod uni debetur, alteri restituere, licet hic ab ullo tantumdem recipere debeat. Obstant huic doctrinæ nonnulli Theologi, putantes licere debitori Petri restituere Paulo ejusdem Petri creditori; quia, inquit, mere materialis est subiecti mutatio; nam dare Paulo, qui centum debet a Petro recipere, idem omnino est ac ipsi Paulo centum restituere; liberatur enim ab onere solvendi præfatum debitum. Et revera ita invicem absque ulla injuria debita compensantur: si enim tibi cen-

centum debeo ratione mutui, & ut centum mihi causa venditionis, a solutione abstinendo iusta inquit compensatio. Verum non puto a præsata doctrina recedendum. Nam iustitia non solum servanda est, sed & iustitiæ ordo custodiendus; quem pervertere semper iniquum est. Si ergo Petro debes, illi suum æs solve: si nihil Paulo debes, nihil illi ex re aliena reddere potes, sed solum, quod tuum est, donare. Præterea, sicut non licet tibi bona alterius surripere, ut debita ejus solvas; ita nec quod uni debes, alteri dare, ut eum ab ære alieno liberes. Hinc in omni sive civili, sive ecclesiastico iudicio hæc perturbata solutio, seu restitutio reprobatur. Denique jus violas creditoris tui, qui a te accipere suam pecuniam debet, & de illa disponere, prout sibi lubet, inagisque utile est, qui fortassis præsentī pecunia carere sine detrimento non potest; differre autem solutionem creditori suo potest sine illius damno. Nec urget paritas mutue compensationis: tunc enim nec ordo iustitiæ pervertitur, nec jus alterius violatur: si enim debes Petro centum ratione mutui, & ille tibi totidem causa venditionis, & utriusque solutionis tempus urgeat, mutui restitutionem denegando tibi centum retines, quæ Petrus tibi debet ex venditione, nec potest denegare, & sic, cum æqualia sint jura, & reciproca, & cum idem sint vicissim & debitor, & creditor, iustitiæ ordo minime violatur in mutua compensatione.

CONSECTARIUM QUARTUM.

IV. Qui bonis cedere coguntur, non ideo ab integra restitutione exculantur. Ad hujus doctrinæ intelligentiam animadvertendum, duplici ex causa posse

contingere, ut quis cogatur bonis cedere. 1. Ex infortunio aliquo, & sine sua culpa, quia vel naufragium passus est, vel ministros infideles habuit, aut alieni infortunii particeps ratione societatis effectus est. 2. Ex sua culpa, aut gravi negligentia, quia nimirum splendide vivendo, ludendo, comestationibus indulgendo, non lucrum solum, sed & capitale consumpsit; vel quia necessarium non adhibuit in suis negotiis studium, sed lucri aviditate rebus alienis se oneravit. In priori casu legum, & juris beneficio, in Cap. *Qui bonis* Cod. poss. & ff. & lege *qui bonis* eodem titulo, uti potest, bona omnia creditoribus cedendo, reservatis dumtaxat necessariis ac honestam, & frugi viro convenientem sustentationem: quibus legibus, & ipsi creditores subesse debent, utpote quæ sunt æquitati, & bono communi conformes, & pati aliquam suorum bonorum jacturam, ne proximus ex infortunio ad egestatem, & mendicantem cogatur, & ut tempus illi concedatur, quo rebus suis compositis etiam integram perficere valeat restitutionem. Si vero bonorum cessio ex alio capite, idest ex culpa, vel gravi negligentia oriatur, nihil sibi tenere debet, nisi quod cuique licet habere in extrema necessitate, ne fame pereat; sed omnia bona sunt plene, & fideliter creditoribus & manifestanda, & tradenda: tam quia ad eos pertinet iustitiæ titulo, rum quia ipse in culpa est suæ decoctionis, unde furi æquiparatur, vel saltem infideli imitatur, qui ex sua iniquitate lucrum minime reportare debet. Hinc tui in conscientia minime sunt hujusmodi decoctores, sicut nec priores, qui ex infortunio bonis cedunt, si bonorum partem occultent, ut commode vivant, vel

vel creditores cogant suorum bonorum maiorem partem cedere, ut saltem minorem recuperent fraude enim utuntur, & dolo, quæ nulli debet patrociniari; quare ad integram restitutionem sunt cogendi. Num vero, qui bonis cesserunt, si forte ad pinguiorem pervenerint fortunam, teneantur in foro conscientie restituere, dubitant nonnulli Theologi, qui censent per eam ignominiam, quam patiuntur, & quam in aliquibus regionibus cuiusdam significatione ostentare coguntur, legi, & creditoribus satisfecisse. Sed oppositum & superius innuimus, & nunc constanter affirmamus. Nam leges solum illis suffragantur, ne carceribus mancipentur: ceterum declarant, semper ad satisfaciendum integre creditoribus illos teneri, ut habetur L. i. cit. in Cod. *Qui bonis jubente, qui bonis cesserint, nisi creditor receperit, non sunt liberi.* Et L. Cum filii eod. tit. statuitur: *Si quid pinguius postea eis accesserit, hoc iterum usque ad modum debiti, potest a creditoribus legitimo modo avelli.*

CONSECTARIUM QUINTUM.

V. Qui gladium penes se depositum latroni, vel furioso deponenti restituit, quando illum petunt vel ad se, vel ad alium interficiendum, peccat & contra iustitiam, & contra caritatem; quod pariter est dicendum de pecunia ratione mutui, vel alterius titulo debita, si restituatur creditori petenti ad opus contra iustitiam: si vero petat in aliquem abusum ab injustitia sejunctum, puta ad comestationes, scottationes, ludas &c. solum ex caritate tenetur debitor vel declinare, vel differre restitutionem. Et quidem depositum in positis casibus non esse reddendum aperte docet S. Th. & hic q. 62. a. 3. dum

scribit: *Quando res restituenda est gravior nociva, cui restitutio facienda est, vel alteri, non ei debet tunc restitui.* Et 2. 2. q. 37. a. 2. *Quia quandoque contingit, quod voluntas hominis depravatur, est aliquis casus, in quo depositum non est reddendum, ne homo perversam voluntatem habens male eo utatur; ut puta, si furiosus, vel hostis reipublice arma deposita depositat. Reddendam vero in hoc casu contra iustitiam peccare manifestum est, cum, ut inquit Sotus lib. 4. q. 7. reddendo causam det injuriam, & in damnum proximi insuit ejus occisioni cooperando: & sicut reus est iustitiae latro occidens, ita qui illi arma ad occisionem suppeditat, ejusdem sceleris particeps efficitur. Num vero excusari possit a culpa, si restitutionem gladii denegando de vita periclitetur, quia latro, vel furiosus idem illi minatur, dissentiant Theologi. Soto lo. cit. Sylvius, & novissime Javennus a culpa excusant, his permoti argumentis. 1. *Quia nemo tenetur cum proprio gravi damno vitare alienum, quod non est ipse causaturus, sed quispiam alius.* 2. *Quia occisio illa a latrone, aut furioso committenda, nec directe, nec indirecte est volita a reddente gladium, & arma: non directe, quia minime vult hujusmodi homicidium, immo illud detestatur; non indirecte, quia, ut aliquid sit indirecte volitum, non satis est, ut possit impediri, sed ulterius, ut debeat impediri. Porro in prælati casibus impedire non tenetur: ergo nec indirecte volitum homicidium dici poterit. Ad hæc mihi sophismata dici poterit. Ad hæc mihi sophismata potius videniur, quam solida argumenta. Nam 1. certum est ex D. Th. gladium in positis casibus non esse reddendum. At cur? quia tunc redditio esset intrinsece mala: quod autem in-**

tū-

trifecce malum est, nullo metu mortis vel etiam majoris mallicitum fieri potest: alioquin liceret famulo scalam tenere domino conscendere volenti ad furandum, vel adulterandum, si illi mortem comminaretur, quod falsum esse ex damnata propositione patet, & tamen certo certius minus, & remotius domini sceleri cooperatur famulus scalam tenens, quam præbens gladium latroni, vel furioso. Nec urget x. argumentum: nam hic non agitur de impediendo alieno damno, sed de cooperando alieno crimini: impedire alienum damnum proprio detrimento non semper homo vel ex caritate, vel ex iustitia tenetur; at alieno sceleri cooperari omnino non licet. Latro occidere volens viatorem non solum damnum infert proximo, quod tu pari tuo damno fortassis in alio casu impedire non teneris, sed & injuriam maximam Deo irrogat: propterea hic non tam proximi detrimentum est attendendum, quam injuria Creatoris. Qui igitur gladium præbet, vel restituit ad occisionem, huic injuriæ Deo irrogatæ cooperatur, illiusque particeps efficitur. Ergo illi hoc præstare nec metu mortis unquam licebit. Alterum vero argumentum vitiosum est, apertam involvens petitionem principii, probat siquidem homicidium illud reddenti gladium nec directe, nec indirecte esse velitum: non directe (quod concedimus) quia homicidium non vult, sed detestatur; non indirecte (quod negamus) quia impedire non tenetur. At hoc est, quod queritur, nimirum utrum teneatur homicidium impedire gladium depositum denegando. Et hoc est probandum, non ut verum supponendum: alioquin licebit argumentum detorque-
re, dicendo, est indirecte volunta-

rium, quia tenetur impedire. Et revera quod impedire teneatur, patet manifeste, quia nunquam licet alieno sceleri cooperari: præbere vero, dare, reddere gladium, vel arma etiam deposita latroni viatorem interficere volenti, vel furioso ad se, vel alium occidendum petenti, est illorum crimini cooperari, & quidem proxime criminis instrumentum præbendo. Hujus argumenti vim persensit ipse Juveninus, qui cum in interrogatione questionem movisset, num liceat gladium reddere latroni volenti viatorem occidere, vel furioso volenti interficere, in responsione vi verborum mutata, & lenita asperitate questionis, dicit, licitum esse depositario, si ipsi mortem minitentur, nisi reddat depositum gladium, *snere, permittere, ut sibi suum gladium accipiant*; reddere autem horruit affirmare: quare minus fideliter ejus doctrinam reddidit latinus interpret. Altera vero pars est manifesta, quia tunc nulli sit injuria: quamobrem iustitia non violatur, læditur tamen caritas, jubens, ut, quantum possumus, aliena peccata impediamus, & alieno sceleri ne communicemus, quæ communicatio, & cooperatio ab hac restitutione abesse omnino potest. Nam cum pecunia sit de se indifferens ad plures usus licitos, & redditio pecuniæ mutuo acceptæ honesta, & iusta, quod recipiens ea ad comestiones, ebrietatem, scortationes, abutatur, ejus videtur malitiæ tribuendum, non reddenti pecuniā. Quare doctrinæ inhæremus S. Th. mox citatæ, non esse restitutionem faciendam; quando restitutio est nociva accipienti, quia restitutio ordinatur ad utilitatem ejus, cui restituitur. Diximus tamen ex caritate solum posse vel declinare, vel differe
restitu-

restitutionem , ut subdit idem Angelicus dicens : *Nos debet tamen ille , qui detinet rem alienam , sibi appropriare , sed reservare , ut congruo tempore restituat , vel etiam alii tradere tutius conservandam .*

CONSECTARIUM SEXTUM.

VI. Non semper , qui rem alienam domino aliena manu restituit , si res ad dominum non perveniat , ab iteranda restitutione liberatur . Explicatur . Non semper res aliena immediate reddi potest a debitore creditori suo , sed interdum aliena manu uti debet , & per delatorem transmittere ; quamobrem quandoque contingit rem restituendam perire : merito proinde quaeritur , num sit iteranda a debitore restitutio . Pro cuius quaestione solutione 1. distinguendum est , num restitutio sit facienda a possessore bonae fidei , vel malae . Et primo , si ab utroque fiat per personam ab ipso creditore ad recipiendum electam , vel facultate ab ipso accepta mittendi per aliquem ex suo arbitrio deligendum ; si ministrum fidelem eligat , ab omni onere restitutionis liberatur , licet res pereat ; cum tunc domino suo pereat , a quo tanquam accepta habetur : quod pariter verum est , si designatio delatoris a iudice determinetur . Si vero debitore ipso deligatur delator , tunc distinguendum inter possessorem bonae fidei , & malae fidei . Possessor bonae fidei , qui rem apud se habet , quia vel inventam , vel forte domi suae relictam , si per virum probum transmittat , & qualem adhibere solet etiam ad sua vel custodienda , vel transmittenda , si forte pereat , non tenetur iterum restituere ; quippe qui ad restitutionem faciendam usus est diligentia , quam adhibere solent commu-

niter homines cordati , & solertes : proinde si perit , cum absque sua culpa pereat , liber est ab onere restitutionis , ad quam non tenetur nec ratione receptae , quam apud se non amplius habet , nec ratione acceptionis , quae iniusta non fuit . Si vero rem alienam penes se habeat ratione contractus , expendendum , num sit per contractum , qui dominium transferat , vel solum usum . Si primum , quandiu res non sit in domini manum reddita , tenetur debitor ad restitutionem ; quia res domino suo perit si perit . Si vero sit ad usum concessa , vel ratione depositi , si per fidelem nuntium mittatur , & omnis absit in debitore culpa , juxta contractum legis ipsi creditori perit , cum ad ejus dominium pertineat . Hinc si quis alteri anulum mittat sibi commodatum , & simul pecuniam mutuo acceptam , & haec per viam vel famulus amittat , vel illis spoliatur , vel fuga secum auferat , pecuniam restituere tenetur , secus anulum ; illam quidem , quia sibi domino perit , illam vero creditori , in cujus erat dominio . Si vero , qui restituere debet , sit malae fidei possessor ob injustam acceptionem , vel ob injustam detentionem , nunquam ab onere restitutionis liberatur , donec per restitutionem sit aequalitas inducitur : nam possessor malae fidei tenetur etiam de eventu fortuito ; eum ratione suae injustitiae semper laesum indemnem servare tenetur . Non acquiescent huic doctrinae Soto , & Ledesma , alique censentes , scilicet facta ab injusto possessore restitutionem per Consecrarium , si forte iste ab assumpto munere deficiat , sibi que pecuniam usurper , non teneri ad restitutionem iterandam . Nam inquam , poenitens seipsum proderi non tenetur , sed eo meliori modo , quo fieri potest , salva

salva ejus fama, restituere debet. At
 tutissimus, & consuetus restituendi mo-
 dus est per Confessarium, quem credi-
 tor excludere non potest. Ergo per
 hunc facta restitutione, muneri suo ip-
 sum satisfecisse censendum est; & onus
 restitutionis in Confessarium redunda-
 bit. Verum hæc argumenta non plene
 convincunt. Nam tenetur quidem Pœ-
 nitens suæ famæ consulere, ita tamen,
 ut alter, quod ipsi ex justitia deberur,
 certo recipiat, & æqualitas ex justitia
 debita inducatur. Consentit quidem
 dominus restitutioni per Confessarium
 faciendæ, salvo tamen semper jure suo,
 idest ut res certo in suas manus perve-
 niat, & interim periculo stet debitoris,
 qui semper ratione suæ injustiæ rationis,
 etiam fortuitis, & inexcogitatis casibus
 subjacere debet. Idcirco egregie mo-
 net S. Antoninus p. 2. tit. 2. cap. 4.
 „ Si vitium usuræ, vel furti, vel al-
 „ terius damni est occultum, & resti-
 „ tutio occulto modo per se, vel per
 „ alium facienda est, ut non detega-
 „ tur persona, caveat etiam diligen-
 „ ter, quod, cum per alium facit,
 „ ita faciat caute, quod is recipiat,
 „ cui debet, & non ille sibi retineat,
 „ quia non esset propter hoc liberatus:
 „ nec confidat de Prædicatoribus, &
 „ Confessariis, & quæstuariis, qui quæ-
 „ runt pecunias, non animarum salu-
 „ tem “. Sapientissime autem monet
 Navarrus, tum ad Confessarii tutelam,
 si aliquando onus restitutionis assumere
 cogatur, tum ad debitoris quietem, &
 securitatem, ut restituens chirographum
 habitæ restitutionis a creditore
 exigere, & accipere non negligat.

CONSECTARIUM SEPTIMUM.

VII. Pluribus modis crimen commit-
 titur restitutionem differendo. Et pri-
 mo quidem peccant, qui, cum possint

statim restituere, differunt restitutio-
 nem, ut superius ex D. Th. ostendi-
 mus. Nec excusantur, quia creditor
 ex dilatione nullum patitur detrimen-
 tum. Nam semper ejus jus violatur,
 cum priveretur usu rei suæ, & divina
 lex infringitur jubens, ne aliena, do-
 mino invito, retineantur, 2. Qui, cum
 possint totum restituere, solum partem
 reddunt, ut minus incommodam ex-
 periantur restitutionem, non attenden-
 tes se interim rem alienam injuste reti-
 nere, & dominum integro rei suæ usu
 privare: & hæc dimidiata restitutio non
 minus incommoda est, & damnosa cre-
 ditoribus, præsertim si mercenarii sint,
 opifices, negotiatores, qui sua pecu-
 nia indigent, vel ad sui, familieque
 sustentationem, vel ad sua promovenda
 negotia. 3. Qui vel ære alieno gravari,
 vel res alienas possidentes de die in
 diem solutionem, vel restitutionem dif-
 ferunt, licet interim sibi blandiantur
 de proposito firmo aliquando solvendi
 vel restituendi; sicut & illi, qui resti-
 tutiones, vel solutiones reservant man-
 dandas hæredibus in suo testamento:
 hi enim in statu damnationis versantur,
 & si forte improvise occupentur morte,
 in æternum pereunt; cum non satis sit
 propositum, & animus restituendi, sed
 ipsa restitutio statim facienda sit in præ-
 cepto. 4. Qui in fine vitæ constituti,
 cum possint per se restitutionem facere,
 recusant, obediendo hoc ab eis in
 suo testamento mandatam, & quidem
 strictissime: Siquidem, ut optime ob-
 servat Sorus lib. 4. q. 7. art. 4. *isti*
non habent sincerum, & candidum animum
restituendi. Nam qui mæ non restituant,
judicium apertum porbent, quod neque
si vixerint, restituant, atque adeo resti-
tuendi intentio illis non nisi conditionalis
est, si moriantur, quæ profecto ad pœ-
nitentiam non sufficit. Atque periculum
ignus

istud potissimum magnatibus imminet, quorum testamenta nunquam, aut fere nunquam heredes complent, se satis se fecisse arbitrantur, ut quam restitutionem avus patris, & pater sibi testamento praecepit, eamdem ipse aliis recentibus debitis onustam, filio jubeat, quam ipse possea committit nepoti. Nescio, an hic sit legitimus illius verbi Evangelici sensus, impossibile est divitem intrare in Regnum Caelorum. 5. Qui cum revera flammam, vel proxime restituere non possint, pollicentur restitutionem faciendam, cum ad uberiores statum venerint, quem potius possibile credunt, quam sperent futurum; interim tamen nihil curant de sollicitudine, studioque adhibendo, ut fiant ad restituendum idonei, omittendo expensas supervacaneas, a ludis abstinendo, a comessationibus, a recreationibus, aliisque tum naturae, tum statui suo superfluis. Et heu, quot sunt, qui ad hoc non attendentes, nec a Confessariis admoniti, sordent in peccato detentionis alienae rei, & licet fortassis Sacramenta frequentent, aeternum pereunt!

CONFESSARIUM OCTAVUM.

VIII. Praefatis omnibus deneganda est absolutio, nisi resipiscant, & juxta cujusque modum restituant; praesertim si semel, & pluries moniti non paruerint. Ita docent Patres, Concilia, Pontifices, & ipsa ratio evidenter ostendit. S. Augustinus ep. ad Macedonium scribit: Nolentes reddere, quos novimus & male abstulisse, & unde reddere possint, habere arguimus, increpamus, & detestamur, quosdam clam, quosdam palam, sicut diversas personarum diversam videtur posse recipere medicinam, nec in aliorum perniciem ad majorem insaniam concitare. Aliquando etiam, si res magis

Potuzzi Theol. Moral. Tom. V.

vitanda non impedit, sancti altaris communione privamus. S. Thomas de Villanova Conc. Fer. 6. post 4. Dom. Quadrag. Prius vadat. . . pecuniam alienam restituat, contractus usurarius rum- pat. . . & tunc ad Confessarium redeat, ut absolvatur. Synodus Neapolitana anni 1576. a Greg. XIII. confirmata statuit: Caveant Sacerdotes, ne ante debitam vel sanam, vel pecunia satisfactionem, cui restituendi facultas fuerit, aliquem absolvant, praecipue ubi Penitens datum in superiori confessione praeceptum neglexerit. Concordiensis anni 1587. Par. 3. de Penit. Si Penitens proximo damnum dederit, vel aliquid furto abstulerit. . . illam ante satisfactionem ne absolvat Sacerdos, nisi iusta de causa satisfactionem ei Parochus, ad aliquod tempus distulerit. Idem repetit Anagnina Synodus anni 1569. cap. 20. de Penit. Caveant, ne ante debitam satisfactionem quempiam absolvant, cui sit facultas restituendi aliena, vel pia legata adimplendi. Denique haec universalis regula tanquam omnino certa praestituitur in Rituali Romano de Sacram. Penit. his verbis: Nec absolvat eos, qui talis beneficii sunt incapaces, quales sunt qui sit facultas restituendi aliena, vel pia legata adimplendi: Ab hac regula non recedendum docent Theologi, inter quos Cajetanus scribens: *His, qui semel admoniti, ut vel debita solvant, vel aliena restituant, mandatis non parere cum possint, sed sancte pollicentur hac vice restitutos, respondendum vobis quidem credo, sed ite hoc passu, & firmum, quod geritis, consilium executioni mandate, ut postea absolvamini.* Et revera quomodo prudens, & studiosus Confessarius sibi persuadere poterit, hos toto corde, tota anima, totis viribus ad Deum converti, ut oportet ad beneficium abso-

X x x

luti.

tionis obrinendum, qui admoniti semel, & fortassis pluries, ut debita solvant, & aliena restituant, nunquam parere, vel nullam adhibere diligentiam, quae se ostenderent animo ad restitutionem sibi possibili modo faciendam paratos?

CONSECTARIUM NONUM.

IX. Ad restitutionem re faciendam, quandoque necesse est etiam a proprio statu decidere. Huic doctrinae adversari sunt nonnulli benigniores casuistae, quos false deridet Montaltius ep. 8. scribens ex Escobario. *Rogo, an cedent bonis tuta conscientia possit sibi; & familiae suae, ne indocora vivat, necessaria retinere?* Cum Lessio assero posse: quod quidem est verum, licet debita, pro quibus cedit, sint ex injustitia, & notario delicto contracta; quamvis tunc non possit tantum, quantum alius, sibi retinere. Verum haec doctrina, utpote falsa, improbabilis, & laxa, ab omnibus Theologis rejicitur, qui cum Sylvio 2. 2. q. 62. a. 8. Concl. 2. sentiunt: Non excusat a restitutione statim facienda detrimentum etiam magnum bonorum, vel status, si illa bona, & status sint inique parva. Quod adeo verum est, ut quamvis ad laborem manuum, vel etiam ad mendicitatem, in qua prius fuerat, redigendus sit talis alienorum bonorum occupator, nihilominus debeat statim restituere, siue dominus ex restitutione damnum patiatur, siue non; quia nihil est quod huiusmodi occupantem queat excusare ab accelerata restitutione; nullum enim damnum patitur in suis bonis, cum ponantur omnia esse aliena. Addit tamen, nisi forte, qui omnia restituens, & ad deteriores statum redactus, famam, & bonum nomen amitteret. Quod & confirmat S. Antoninus p. 2. tit. 2. cap. 8. dicens: *In certis casibus non tenetur quis ad sta-*

tim restituendum actualiter, etiamsi habeat modum ad restituendum, ut . . . dum ex subita restitutione ille, qui restitueret rem ablatam, per furtum, vel aliud vitium detegeretur, & inde infamaretur; cum fama sit quid notabilius, quam substantia corporalis. Cum ergo quilibet debeat providere conservationi famae suae, potest differre restitutionem usque ad tempus, quo non deprehendatur in crimine, & diffametur, si aliter provideri non potest. Quod quidem verum esse censeo, quando agitur de sola dilatione restitutionis: nam, si ageretur de omissione totali restitutionis, aliter sentiendum esset, ut post pauca dicemus. At si statum, quem obtinet, iuste possideat, tunc optime docet Sylvius loc. cit. Si quis non potest statim restituere sine notabili detrimento suarum rerum, vel sui status iuste acquisiti, potest restitutionem, siue solutionem differre, donec sine tali detrimento id possit; modo tamen ipse creditor non patiatur ejusmodi damnum. Quae clausula, ideo additur, quia debitor etiam cum magno suo damno teneatur statim restituere, vel debita solvere, si aliquin creditor pateretur gravem iacturam. Extra casum enim extremae, vel quasi extremae necessitatis, in pari casu damni, potior esse debet conditio creditoris. Sed de his iterum redibit sermo in sequentibus capitibus.

CAPUT DECIMUMSEPTIMUM.

De aliis restitutionis circumstantiis, nimirum ordine, loco, & modo.

DOCTRINA.

- I. Quando omnibus satisfactis creditoribus, parum interest ordinem servare.

II.

II. *Varia debitorum classes, pro quibus varia regula.*

III. *Regula I.*

IV. *Regula II.*

V. *Regula III.*

VI. *Regula IV.*

VII. *Regula V.*

VIII. *Ordo servandus inter creditores hypothecarios.*

IX. *Inter creditores non privilegiatos, & simplices.*

X. *Inter istos nonnulli ex privilegio ceteris præferendi.*

XI. *De loco, ubi facienda est restitutio a possessore bonæ fidei.*

XII. *Ubi vero a possessore malæ fidei.*

XIII. *Quibus, & quantis impensis sit restitutio facienda.*

XIV. *De modo restitutionis.*

I. **D**E ordine, quo qui damnum intulerunt communi consensu, vel conspiratione, restituere teneantur, diximus in superiori capite: nunc dicendum de ordine in restitutione facienda injuste læsis servando. Et primo quidem, si debitor sit solvendo omnibus suis creditoribus, parum interest, utrum uni prius, quam alteri restituatur; dummodo & iusta fiat restitutio, & nulla inter sit respectu aliquorum injusta dilatio. At difficultas est, quando debitor non omnibus suis creditoribus satisfacere valeat, quos præferro teneatur. Pro cuius questionis solutione nonnulla sunt præmittenda.

II. Et primo quidem variae sunt tum debitorum, tum rerum reddendarum distinguendæ classes. 1. Debita alia sunt plane certa, alia incerta, vel quia ignoras creditorem, vel quia dubitas, num solvere tenearis. 2. Alia sunt realia, alia tantum personalia. Priora dicuntur illa, pro quorum solutione bo-

na debitoris vel generali. vel speciali hypotheca obligata sunt. Posteriora vero, quando creditor in personam quidem debitoris actionem habet immediate, non vero immediate in ejus bona. 3. Alia sunt debita, quæ privilegiata dicuntur, quia eorum creditores ex legum favore, & privilegio aliis sunt præferendi: alia simplicia, sive ordinaria, pro quibus non est creditoribus speciale privilegium concessum. 4. Alia debita sunt ex delicto, ut ex furto, rapina, injusta rei alterius detentione: alia ex legitimo contractu, vel oneroso, puta emptione, locatione &c. aut gratuito, & liberali, puta promissione, legato, donatione &c. Denique res aliis debita vel in possidentis transferunt dominium, sive extent, sive non extent, ut pecunia mutuo accepta, domus emptæ, & similia; vel non sunt in ejus dominio, ut res in pignus acceptæ, vel in depositum, vel titula commodati, & similia. His prænotatis sequentes statuantur regulæ.

REGULA PRIMA.

III. Leges tum civiles, tum canonicæ, quæ aliquem servandum præstunt ordinem inter creditores, ut alios scilicet alii præferatur, obligant in conscientia foro, & sunt custodiendæ. Nam hujusmodi leges & iustæ sunt, & institutæ ad pacem inter cives conservandam, & ad commerciorum æquitatem fovendam. Præterea ad Supremas Potestates pertinet regulas, & leges statuere pro legitima possessione, translatione, alienatione rerum temporalium, ut alibi ostendimus. Id docet S. Th. 2. 2. q. 96. a. 9. scribens: „Leges positæ hominibus, si iustæ sint, habent vim obligandi in foro conscientia a lege æterna, a qua derivantur,

X x x

„tur, secundum illud Proverb. cap. 8. *Per me reges regnant, & legum conditores iusta decernunt*“. Non licet propterea creditoribus sibi debita præoccupare cum aliorum detrimento, sed juris ordine servato, quod suum est, recuperare debent. Nec solum hæc leges sunt attendendæ, sed, ut optime animadvertit S. Antoninus p. 2. tit. 2. cap. 7. etiam servandæ leges municipales, & vigentes consuetudines. *Verum* (scribit I. Doctor) *ubi lex municipalis, seu statutum civitatis aliter disponeret, illi est standum, etiam in foro conscientie, si non sit expresse contra Deum*.

REGULA SECUNDA.

IV. Debita ex delicto, vel titulo oneroso præferenda sunt in solutione debitis ex solo gratuito titulo. Veritas, & æquitas hujus Regulæ est de se manifesta: nam in omni gratuita promissione, donatione, vel legato hæc subintelligitur annexa conditio, si nullum sit tertii detrimentum, & res immutata permaneat; alioquin injusta foret præfata largitio, quæ vergeret in damnum alterius, & ipsum largientem ineptum redderet ad justitiæ officium implendum, solvendo quod alteri debet. Non licebit igitur acceptare legata, vel donationes, si donator hujusmodi largitionibus imposceret ad res alienum titulo oneroso dissolvendum.

REGULA TERTIA.

V. Res, quæ sunt in debitoris quidem possessione, ac non in ejus dominio, sunt dominis suis restituendæ. Ratio aperta est: nam hujusmodi res clamant domino suo, nec inter bona debitoris sunt connumeranda, proinde non possunt in ejus cedere utilitatem,

& ad ejus res alienum solvendum inservire. Expropter depositum, pignus, commodatum sunt restituenda, sicut & res furto, aut rapina ablata, si in sua specie existant; secus, si sint vel res domini permixtæ, ut pecunia, vel consumptæ, tunc enim censentur in debitoris transisse dominium onere restitutionis gravatum.

REGULA QUARTA.

VI. Debita certa prius solvi debent, quam debita incerta, sive de quibus dubitatur, num revera debeantur; sive, licet sciatur certo deberi, ignoratur tamen, cui debeantur. Prima pars hujus Regulæ est certa, & pene unanimi gaudet Theologorum consensu. Nam certi creditores non sunt re sua sibi certo debita privandi, pro servando incerto jure alieno. Accedit consensus pene omnium Regnorum, & populorum, qui satis indicat quodammodo inter se convenisse, ut prius certa solvantur debita, quam incerta. Altera vero pars non ita communiter recipitur, immo a multis, & quidem merito oppugnatur; suis enim premittitur difficultatibus: nihilo tamen secius esse probabiliorum censeo tum auctoritate, tum ratione. S. Antoninus l. sup. c. n. 3. scribit: *Restitutio certorum proponenda est restitutioni incertarum. Sciendum igitur, quod certa omnia obligata restitutioni, idest cum sciatur persona, quibus facienda est, prius integraliter solvenda sunt, quam restituantur incerta, quando scilicet sciatur, vel dubitatur bona restituentis non sufficere ad utrumque. Quam doctrinam hac ratione confirmat: Non enim succedit in pauperibus ipse Christus, nisi quando non reperiuntur persona certa, quibus restitui debeant certa. . . . Præterea pauperibus non tenentur*.

tur heredes dare pro restitutione incertorum, nisi unica ratione, scilicet in foro Dei; sed creditoribus certis tenentur duplici ratione, scilicet in foro Dei, & in foro mundi, quia possunt a creditoribus in iudicio conveniri. Consentit S. Bernardinus Senensis l. 39. Fer. 6. post Dom. 4. Quad. art. 3. cap. 1. *Quod restitui debet certis personis, dum etiam aliis incognitis debetur, non potest pauperibus dispensari; alioquin hæc nova rapina est, & est quodammodo facere rapinam Christum in pauperibus suis.* Ita sentiunt Cajet. Sylvest. Less. Lugo. Genetius, Besombes; & novissime Tournelius, ac Juvenius cum aliis pluribus. Rationes autem hæc præferuntur. Debita certa magis proprie, & specificè sunt debita, quam incerta; nam creditores jus certum habent in bona debitoris, unde eorum ratio est specifica, naturalis, & civilis. Debita vero incerta, cum ad pauperes pertineant, vel ad Ecclesiam, vel ad Communitatem, istorum actio non est nec specifica, nec civilis, quippe quæ in iudicio non admittitur: & si dentur Ecclesiæ, nulla sit pauperibus injuria; sicut nec Ecclesiæ, si pauperibus distribuuntur; nec utrique, si ab habente potestate in bonum communitatis expendantur: quod indicat istorum jus non esse specificum, & rigorosum. Præterea præsumi potest, incertorum bonorum dominos consentire, ut prius certa solvantur debita, quam sua incerta. 1. Quia hoc pium est, dum consentiunt opem ferri debitoribus ære alieno gravatis, & a creditoribus pressis; & est quædam eleemosynæ species Deo gratæ. 2. Quia ipsis utile, nam solutis debitis certis, integre manet eorum jus, & quod eis est debitum: quod, si debitor ad pinguiores devenerit for-

tunam, integre solvere poterit, in pauperes distribuendo, vel in pium opus impendendo. Hoc tamen intelligendum, quando res furtis, & rapinæ partæ in se non exsistunt, si enim exsistant, sunt omnino a bonis debitoris segregandæ, qui debet de rebus suis, non de alienis æs alienum solvere. Si quis itaque rapina domum alienam usurpaverit, licet ignoretur ejus dominus, non est pro certis debitis danda, sed in pauperes distribuenda, cum nunquam in debitoris dominium transferitur: at, si domus illa pecunia furto acquisita, emptæ fuerit, cum in debitoris dominium transferit, licet gravatum onere restitutionis, inter ejus bona connumerata, creditoribus certis sit obnoxia, proinde in eorum solutionem eroganda. At qui contra sentiunt, hæc opponunt argumenta. 1. Ignotus, & incertus dominus æquale omnino jus habet in bona debitoris, ac creditor notus: non minus igitur ipsi solvendum, quam alteri. Et revera, si mitteret personam, quæ ejus nomine debitum peteret, esset ipsi æqualiter restituendum, ac ceteris creditoribus. Porro personas ab hoc creditore missas gerunt pauperes, Ecclesia Communitas. Ergo æqualiter est illis restituendum, ac ceteris creditoribus. 2. Subdit Concina: *Tutum non videtur, ut creditor ditari debeat ex bonis furtis, spoliis, rapinis, quæ sublati.* Fac bona debitoris, quæ supersunt, uturis, furtisque parta esse majori ex parte, idque certo constare, ut debita certa in integrum solvantur, præfata bona turpi quæ, si quæsitæ ingredi solutionem debent. Quis vero Christianorum, qui sincere suæ æternæ salutis amore flagrat, vellet in solutionem sui debiti talia recipere bona? Fateor hæc argu-

men-

tá non esse omnino contemnenda : at non sunt tantæ efficacitatis , ut rem omnino evincat , & nostrarum rationum vim enervent . Nam ad 1. dici potest , jus ignoti creditoris esse quidem æquale juri aliorum creditorum , si in abstracto spectetur , & præcium a circumstantiis ; secus vero , si , ut ita dicam , in concreto & in se considerentur . Nam creditorum , qui noti sunt , credita in his circumstantiis & liquida sunt , & certa ; ignoti vero solum præsumpta , quia nimirum præsumitur velle , quod sibi debetur , & reddi non potest , ut in pauperes distribuatur . Quæ præsumptio alia eluditur præsumptione , nimirum velle huic pauperi debitori potius subvenire in solutione æris alieni certi , & jus sibi reservare , ad quod suum est recipiendum per pauperes , si debitor ad meliorem statum devenierit . Ad 2. Pauperes , Ecclesia , Communitas non vere substituantur ab ignoto creditore , sicut substitueretur aliqua determinata persona , ad quod suum est exigendum ; sed fictione juris præsumitur missa , ac proinde totum illius jus in præsumptione fundatur : quæ num locum habeat in his circumstantiis , merito dubitatur , ut mox diximus ob aliam oppositam præsumptionem . Ad argumentum vero ex P. Concina desumptum resp. 1. invidiam constari oppositæ nostræ opinioni per verbum *ditari* , dum dicit Concina „ quod „ debeat creditor *ditari* ex bonis furtis , „ rapinique sublati , tutum in conscientia non videtur “. Nam hic nullo pacto creditor *ditefecit* : non enim ille dives fit , qui tantum accipit , quantum dedit ; sed qui supra id , quod erogavit , lucratur . Quamobrem si verbi auferat invidiam , jam nulla superest ratio probans , sed mera controversæ expositio . Itaque corrigatur Con-

cinae propositio hoc pacto , quod creditor *sibi debitum ex justitia recipiat ex bonis debitoris , etiam furto , spoliis , rapinis sublati , tutum non est in conscientia* : at nunc ejus falsitas non adeo luculenter , & clare apparet , immo est id , quod in controversia ponitur ; maxime si addatur , hæc bona furtis , rapinique parta esse incertis , ignotisque dominis restituenda . 2. Dum addit „ nullum Christianorum suæ æternæ salutis amore „ flagrantem fore , qui velit in solutione „ nem sui debiti talia bona recipere “ , rem iterum nimis exaggerat . Nam nec Ecclesia , nec pauperes debent velle , accipiendo hujusmodi bona ditefcere bonis usuris , rapinis , furtisque partis , sed ea rejicere , & dominis suis restituenda mandare . At inquires , non est huic restitutioni locus . Si ergo legitimis dominis reddi non possunt ; cur non interservire poterunt ad æs alienum ex justitia debitum dissolvendum , quod hic & nunc urget debitorem , qui semper , si meliorem statum nanciscatur , restituere poterit ignotis dominis eleemosynas largiendo ? Flagraret quidem sincero suæ salutis amore creditor , qui , sicut ei consultit Concina , pauperes in partem suæ solutionis admitteret , de salute autem non periclitaretur , quis , quod sibi certo debetur , ex bonis debitoris reciperet sibi obnoxius . At inquit forsassis aliquis . Unde tibi tanta scientia , ut in plane ambigua , & difficili questione definire audeas , quod doctissimus , & sapientissimus Theologus in suspensio reliquit , & Theologi Christiani esse dixit , quæ ignorat , indefinita relinquere ? Resp. Ma a Pyrrhonismo , sicut & a Probabilismo in re Morali abhorreret ; & potius male , quid ipse sentiam , quidque probabilius mihi videret , libere promere , quam Lectores meos , præfer-

tim Tyronce, in incerto relinquere. Quæstionem non definio, quid mihi probabilius videatur, profero, a sapientioribus corrigendus, si erravero.

REGULA QUINTA.

VII. Debita ex delicto, puta rapina, furio &c. non sunt prius solvenda, quam debita ex contractu oneroso, nisi tempore præcederent. Huic regulæ non omnes consentiant Theologi. Sunt enim, qui putant, debita ex delicto esse debitis ex oneroso contractu præferenda, quippe quæ duplicem secum asferunt obligationem, nimirum tollendi injuriam Deo irrogatam per opus iniquum, & inducendi æqualitatem erga proximum; dum ex contractu oneroso debita non nisi posteriore inferunt obligationem. Et huic sententiæ favere videtur Auctor Opusculi 73. de usuris D. Thom. tribuit. Qui hanc tuentur sententiam, hunc ordinem inter debita ex delicto statuunt, nimirum. 1. Solvendum, quod ex rapina debetur. 2. Quod ex furto. 3. Quod ex usuris: postea subsequuntur debita ex titulo oneroso, semper præferenda debitis ex contractu gratuito, promissione, donatione, legatione. Alii vero ex opposito præferenda docent debita ex contractu debitis ex delicto, & certe debitis ex usura. Pro qua sententia citatur Natalis Alex. qui tamen potius adhærere videtur priori sententiæ, quam postea regulæ a nobis traditæ subjicit, ut mox videbimus. Denique alii putant, nullam esse ordinis servandi obligationem, sed omnibus pro rata solvendum; cum nulla sit lex, quæ hanc prælationem vel statuat, vel concedat. Inter has opinionis, quam præstui regulam, puto probabiliorē, & æquitati magis ref-

pondentem: nam bona debitoris sunt obnoxia danti, quando est solvendo; & tunc creditor jus certum obtinet in ea bona, quo jure expoliari non potest per posteriora debita, quibus non sunt obnoxia bona debitoris jam alteri creditori obligata. Hinc, si debita ex delicto præcesserint debita ex contractu, illa sunt præferenda; secus si hæc illa præcesserint. Id optime docet S. Antoninus P. II. Tit. 2. cap. 7. Sicut enim si acciperetur ab aliquo divite, ut daretur elemosyna pauperi, ut dicitur 14. quæst. 5. Canon. forte: Ita & injustum videtur de eo, quod juste debetur alteri, puta titulo honesti mutui, vel emptionis, vel alicujus liciti contractus, restituere alienum, & non sunt faciendæ, mala, ut eveniant bona. . . Indecens videtur usuram restitui de re juste alteri obligata. Nam per hoc non tollitur injuria facta proximo, & Deo, sed additur nova, quia alienum auferitur; nec enim tenetur Deo: aut proximo ratione usura perpetrata, vel alterius mali oblata, nisi in quantum potest de jure. Nemo enim ad impossibile obligatur. Si igitur non potest restituere usuram, nisi subtrahendo jus alterius, pro tunc excusatur a restitutione. Hinc patet, quid respondendum sit argumento in favorem primæ sententiæ, nimirum in furto duplicem reperi injuriam Deo, & proximo irrogatam, dum in contractu oneroso non nisi injuria habetur proximo; respondendum; inquam, injuriam Deo irrogatam tolli per penitentiam, & restitutionem debito, & justo ordine peractam, scilicet ut prius restituatur, quod prius est alteri obnoxium, & debita ex delicto solvantur ex re propria debitoris, non ex re aliena, illa scilicet, quæ jam est creditori per onerosum contractum obnoxia. Auctor autem

O. ul-

Opusculi 73. D. Th. tributū, licet in favorem primæ sententiæ proponat argumentum mox solutum, tamen non illi absolute adhæret: nam postquam dixit, *secundum hoc videntur prius restituenda ablata, quam solvenda debita*, statim subdit, *sed contrarium fit ut in pluribus, quod tamen habere potest rationem ex duobus &c.* At si ignoretur, quænam sint priora, an debita ex delicto, an ex contractu, vel ita invicem mixta, ut discerni non possint; tunc certum est adhærendum sententiæ, nullum in solutione servandum ordinem, sed ex bonis debitoris omnibus creditoribus tum ex contractu, tum ex delicto esse pro rata satisfaciendum. Quod verum puto, etiam quando debita ex delicto præcedunt illa ex contractu, si leges humanæ spectentur, quæ inter hujusmodi debita non distinguunt; & in foro exteriori non major habetur ratio debiti ex delicto, quam ex contractu: quamobrem judicis legitimi sententiæ standum esset in restitutione facienda.

REGULA SEXTA.

VIII. Privilegia quibusdam creditoribus concessa a legibus, sunt & in foro conscientiæ observanda. Nam hujusmodi privilegia sunt a legitima potestate concessa, & etiam in naturali æquitate fundata. Sunt itaque locorum leges, & consuetudines servandæ circa hujusmodi privilegia, quæ jure Romano inspecto in tres dividuntur classes. 1. illos complectitur, qui tali gaudent privilegio, ut omnibus etiam hypothecam habentibus præferantur. Hi sunt, qui pecuniam crediderunt ad domum, vel turrim sive ædificandam, sive reparandam, & his similia, qui præferuntur cæteris creditoribus hypothecam non so-

lum generalem, sed & specialem habentibus in re. Æquitas hujus prælationis in eo sita est, quia sine tali subsidio res non extitisset, vel perisset; atque ita primus creditor nihil, vel parum commodi ex re sibi obnoxia percipisset. 2. Pari passu privilegio tali gaudet, qui pecuniam mutuo dedit, ut alter rem immobilem, & frugiferam emeret, nam æquitati consonum est, ut in eam rem jus habet hypotheca supra alios creditores, qui suo mutuo effecit, ut debitor rem talem possideret. 3. Illi, qui pro mercium vectura domino mutuum dededere, sicut & qui domum locaverunt: quibus in illis mercibus, & suppellectilibus a jure tribuitur hypotheca, per quam aliis præferuntur creditoribus specialem, vel generalem hypothecam habentibus.

IX. Inter creditores vero hypothecarios hic ordo servandus. 1. Præferendi sunt illi, qui specialem, vel generalem hypothecam habent in rebus debitoris, respectu illorum qui creditores personales dicuntur: & merito, quia illi jus habent non solum in personam, sed & in bona debitoris sibi obnoxia. Inter hypothecarios vero privilegio prælationis gaudet hypotheca dotalis, per quam omnia bona mariti obnoxia sunt pro dote uxoris, sed solum respectu illorum, qui habent hypothecam generalem: nam communiter tum Juristæ, tum Theologi aliquibus solum reclamantibus, hoc privilegium doti non concedunt contra illos, qui specialem habent hypothecam. Hinc doctus Jurisperitus Bosius tract. de Dote cap. 18. num. 45. constanter affirmat, *ita in praxi servari, & ab hac consuetudine nec in consulendo, nec in judicando esse recedendum*. Et revera asperum nimis, & minus æquum videtur, creditores superveniente mari-

trimonio anteriores suo jure jam acquisito per expressam hypothecam in bona mariti spoliari. Si qua tamen foret Provincia, vel Regnum, ubi contraria lex, vel consuetudo vigeret, illi standum esset; cum omnes contractus, ut non semel diximus, sed præcipue dotes juxta leges celebrari debeant, & effectum sortiri. 2. Ante alios creditores habentes hypothecam solvenda est pecunia data a Tutore nomine pupilli, seu impuberis ad emptionem domus, prædii oliveri, & hujusmodi, licet de hypotheca nulla fiat mentio in contractu; & hoc ex speciali privilegio statui pupillari concessio. 3. Privilegio prælationis gaudet etiam Fiscus respectu illorum, qui anteriorem habent hypothecam generalem, non vero illorum, qui speciales tenentur hypotheca: quæ mobitem si concurrant & dos uxoris, & jus fisci, præferuntur, quod prius est tempore. 4. Præferuntur etiam aliis anterioribus creditis jus illius, qui pecuniam causa militiæ dedit, nempe pro sustentatione in castris, pro armorum, vel equorum emptione. Sunt & nonnullæ hypothecæ privilegiatæ apud Juristas legendæ, & in pecuniaribus casibus examinandæ. Inter illos vero, qui hypotheca privilegiata non gaudet, sola est servanda prioritas temporis juxta regulam 54. juris in 6. *Qui prior est tempore, potior est jure*. Et jure merito, nam quando res hypothecæ subjicitur, quodammodo alienatur in favorem creditoris: quapropter æquum non est, ut contra ipsius creditoris voluntatem ad posteriora dissolvenda debita vel adhibeatur, vel rursus obligetur. Hinc communiter docent Theologi, vim obtinere præfatam regulam, etiam si hypotheca prior tacita sit, & posterior expressa: cum enim hypothe-

Patuzzi Theol. Mor. Tom. V.

ca tacita ea sit, quæ licet in contractu non expressa, ex favore tamen legum inducitur, & expressa, quæ id contrahendo exprimitur; non minus priori, quam posteriori hypotheca res facta est creditori obnoxia; quapropter contra voluntatem primi creditoris distrahari non potest: sicut sive prior generalis sit, & posterior specialis paritate ratione, quia & ipsa pars rei, quæ speciali hypothecæ subjicitur, jam generaliter priori creditori erat obnoxia. Hinc l. 6. ff. *Qui potior in pignore statuitur: Si generaliter bona sunt obligata, & postea rei alii specialiter pignori datur; quoniam ex generali obligatione potior habetur creditor, qui antea contraxit, si ab illo priore tempore te comparasti, non oportet te ab eo, qui postea credidit, inquietari*.

X. Inter creditores vero mere personales, & simplices nullo privilegio donatos, vel hypotheca munitos, si naturale jus spectetur, procul dubio, ut optime docet Concina, sunt priores in tempore posterioribus præferendi: quia illi primi jus adipiscuntur directe quidem in personam debitoris, indirecte vero in ejus bona, quæ obnoxia sunt, Creditori pro solutione; cum non ipsa persona debitoris vaneat, sed ad solutionem per sua bona præstandam obligetur. At fallitur, ut puto, laudatus Auctor, dum scribit, nihil expresse in jure de hoc esse statutum. Nam r. certum est, ut omnes testantur Theologi Galli, quod lex est, & consuetudo viger in Galliis, quæ nullam concedit his creditoribus prælationem, sed omnibus chirographarios, & simplices creditores æquales omnino facit, & si debitoris bona ad omnibus satisfaciendum minime sufficiant, jubet, ut de iudicibus Y y bona

bona pro rata creſciti inter creditores dividantur, ut teſtantur Habert, Juveninus, & ceteri omnes. Immo & in ipſo jure civili iſſe eſt ſtatutum, affirmat S. Antoninus P. 11. tit. 2. cap. 7. §. 3. qui legem pro debito 6. Cod. ff. de rebus auctoritate judicis poſſidendis ita ſtatuentem allegat: *auali portione pro rata debiti quantitate omnibus creditoribus conſuli poteſt*. Cui additur & alia lex Privilegia 31. *Privilegia non ex tempore æſtimantur, ſed ex cauſa, & ſi ejuſdem tituli fuerint, concurrunt* (ideſt æqualis ratio habenda eſt) *licet diverſitate temporis in hiſ fuerint*. Deinde laudatus S. Præſul conſuetudinem aſſert Florentinam, per quam creditoribus omnibus pro rata ſatiſſit, quando non omnibus integre, quod ipſis debetur, reddi poteſt. Denique concludit: *Sexto, & ultimo veniunt chirographarii pro rata, non attenda prioritare contractuum, quia licitum eſt debitori pro cumulo creditorum facere deteriore cauſam creditorum piorum* (minus ſcilicet ſolvendo, quam ipſis debeat) *nec dominium, nec hypothecam, nec privilegium habentium*. Quapropter nonnulli Theologi, qui juri naturali ſtandum contendunt, dicunt hæc leges Juris civilis fuiſſe a Jure canonico correctas illa generali regula, *Qui prior eſt tempore, potior eſt jure*; cum tamen illa regula nonniſi pro creditoribus hypothecariis data ſit. Immo hoc idem ſateri videtur Concina, dum quaſitionem movens n. 22. num poſſit debitor uni ex creditoribus ſolvere integrum debitum, ſi impotens hinc evadat ad ſolvenda cætera debita; poſitis quibuſdam limitationibus, & exceptionibus concludit, *non poſſe*, hac quidem validiſſima ratione: *Quandoquidem, cum jure naturæ omnes creditores ſint æquales in jure exigendi, neceſſario conſequitur, ut*

ſint quoque æquales in ſolutione, & ut pro rata ſingulis ſolvatur, quod ex bonis debitoris competit. Quæ reſponſio profeſſo locum non haberet, ſi prioritates temporis eſſet ſpectanda: tunc enim prioribus ſatiſfacere deberet etiam cum detrimento poſteriorum; & ſupponere omnes eſſe æquales, necum in jure, ſed & in tempore, ridiculum foret, cum impoſſibile ſit, ut uno, & eodem tempore plures, & plane diverſi celebrentur contractus, ex quibus plurima emergant debita. Dicendum eſt igitur, & ex civili lege, ſed ex pene univerſali conſuetudine creditores mere perſonales, & chirographarios, & ſimplices nullum inter ſe jus habere prælationis, ſed omnibus pro rata tum crediti, tum facultatis debitoris eſſe tribuendum.

XI. Sunt tamen & inter iſtos, qui privilegio prælationis donantur. Nimirum 1. præferuntur ſumptus funeris; quo nomine comprehenditur quidquid ratione corporis erogandum eſt; qui præferuntur etiam tacitæ hypothecæ anteriori, immo juxta nonnullos etiam hypothecæ anteriori expreſſæ; dummodo tamen ſumptus conſueti ſerent, & moderati. 2. Debita tempore ultimæ infirmitatis apud Pharmacopæos, Medicos, Chirurgoſ contraſta, ne ſcilicet infirmi omni auxilio deſtituantur, & ex deſicientia medicinarum mortem oppetere cogantur: niſi enim hujusmodi creditores hoc privilegio donarentur, infirmis remedia denegarent, cum ſcirent, vel ſuſpicarentur ſe ſuam mercem, vel operam, vel laborum pretium, & mercedem non fore conſecuturos. 3. Sponſa, quæ ante matrimonium dotem tradidit ſponſo, matrimonio minime ſecuro, privilegio gaudet prælationis ceteris creditoribus nec ſacram, nec expreſſam hypo-

hypothacam habentibus . 4. Qui pecuniam deposuit apud publicum depositarium, vel nummularium aliis ejusdem creditoribus personalibus præfertur; si tamen usuram non perceperit: tunc enim non depositarius, sed mutuator forer, & aliis creditoribus æquiparandus . 5. Qui primi in judicio creditum suum postulant, obtinentque sententiam in sui favorem; quia lex vigilantibus favet: quamobrem nonnulli sentiunt; quod si aliquis creditor ante executionem sententiæ in favorem alterius creditoris latæ, ipse & parem obtineat sententiam, & executionem opere compleat, esset alteri præferendus, nec re occupata privandus . In quo tamen fori leges, Principum statuta, & legitimæ consuetudines sunt attendendæ . Falso tamen nonnulli Theologi hoc privilegium concedunt creditori, etiam privatim a suo debitore solutionem petenti: nam, ut in Confessariis dicemus, non licet debitori alterum ex suis creditoribus præferre cum aliorum detrimento .

XII. De loco vero, ubi facienda est restitutio, & de expensis ad eam perficiendam subeundis loquentes, nonnulla distinguamus, oportet . 1. Est, num qui restituere debet, sit bonæ fidei possessor, vel malæ: aliter enim de illo sentiendum, ac de altero . Possessor itaque bonæ fidei solum tenetur rem restituere in loco, ubi eam possidet; nec ullas subire tenetur expensas, sed solum dominum monere de re sua apud se manente, & illi restituenda . Hujus doctrinæ ratio est manifesta: quandoquidem, cum bonæ fidei possessor nullam irrogaverit domino injuriam, nec ullum detrimentum sentire debet; quapropter si rem domino transmittat, expensas repetere poterit . Excipiendum

tamen, nisi forte possessor bonæ fidei, negligens dominum rei inquirere, rem secum alio transfulerit; tunc enim teneretur rem propriis expensis ad dominum traducere, illis dumtaxat detractis, quas dominus pro re sua transferenda subiisset . Dixi, si ex possessoris culpabili negligentia translatio fiat; nam si vel bona fide adhuc ignorans rem esse alienam, vel causam domini agens, & in ejus utilitatem rem alio transfuisset, tunc restitutio non ipsius, sed domini expensis esset facienda . Si vero dominus longissime absens, vel commonefieri non possit, vel sine magnis expensis mitti non possit; tunc possessor rem penes se conservare poterit, donec opportunum vel monitionis, vel transmissionis tempus occurrat: poterit etiam juxta varias circumstantias rem in tuto loco deponere, ut docet S. Thom. hic . qu. 62. art. 5. ad 3. scribens: *Si vero sit multum distans, debet sibi transmitti, quod ei debetur; & præcipue si sit res magni valoris, & possit commodè transmitti: alioquin debet in aliquo loco tuto deponi, ut pro eo conservetur, & domino significari, vel consanguineis, & propinquis domini tradere, vel denique si res sit exigui momenti, & valoris, in subsidium pauperum distribuere.*

XIII. Si vero res sit alteri debita a possessore malæ fidei ex delicto vel injustæ ablationis, vel detentionis, vel illati damni; tunc restitutio facienda est, non in loco, ubi res extaret, si ablata non fuisset, sed ubi dominus eam haberet, nisi injuste ablata, deventa, vel destructa fuisset: & quidem ratione clarissima: nam ex delicto obstrictus rem domino restituere, ita tenetur reddere, ut dominum omnino servet indemnem; iniquum enim esset, si innocens ex alterius culpa damnus

sentire deberet, ut confirmat etiam Regula 22. de Regulis juris in 6. *Non debet aliquis alterius odio pręgravari*: gravaretur autem dominus, & indemnis non servaretur, si rem suam eo in loco non haberet, ad quem eam vel nullis, vel exiguis impensis transfunderet, nisi eo invito ablata, vel detenta fuisset. Tenetur igitur injustus possessor suis expensis rem ad locum transferre, ubi dominus est, ut ei reddatur.

XIV. At inquebas, quibus, & quantis impensis? Num magnis etiam, & gravissimis, puta, ut expendat centum pro restituendis decem? Disseniunt hac de re Theologi, & in tres differtuntur sententias. 1. Nonnulli sentiunt, debitorem ex delicto teneri rem alienam restituere quantiscumque suis expensis, etiam rei valorem longius superantibus: quia inquiunt, cum dominus jus habeat in re sua, quæ domino suo semper clamat, æquum non est ipsum alterius culpa, & nequitia re sua carere; & debitor suæ debet imputare malitiæ, quod sine tantis expensis, & gravi suo detrimento nequeat restituere. Immo non raro contingit, ut quis ad reparationem lucris cessantis, vel damni emergentis ad quadruplum, & ultra restituendum reneatur. Proinde mitum esse non debet, si æquales, vel majores expensas subire debeat ad rem suam creditori restituendam. Ita sentiunt Cajet. 2. 2. q. 62. art. 5. & Pontasius V. Restitutio casu 189. 2. Alii vero benigniores docent, non teneri ad restitutionem, si expensæ faciendæ ipsius rei valorem superent; sed tunc differre posse restitutionem, donec opportuna occurrat occasio restituendi sine tanto onere; quod si nulla super sit spes commodæ occasionis, est res restituenda vel proximis consanguineis, vel hæredibus,

& his deficientibus, in pauperes eroganda. 3. Alii media via incidentes docent, debitorem teneri subire eas expensas in re transmittenda, quæ non superant duplo damnum creditoris: quia iniquum cum creditor sit innocens, debitor vero nocens, duplo major est ratio, ut damnum subeat debitor nocens, quam re sua careat creditor innocens; quamobrem, si ille pro restitutione faciendâ vel æquale damnum, vel etiam duplo majus subire debeat, quam creditor ex carentia rei suæ, tenetur cum tanto onere restituere. Ex his opinionibus primam nimis rigidam puto, quæ, dum justitiæ favere videtur, caritatem lædit, quæ & est finis omnium virtutum, & omnes regit, & sibi subordinat, non enim præsumendum est, dominum velle debitorem suum, etiam culpabilem, restitutionem facere cum maximo suo detrimento; adeo ut pro uno aureo restituendo centum expendere teneatur, si tot sint necessaria ad restitutionem faciendam. Quamobrem & ipsa Cajetanus ad quadruplum onus restitutionis extendit: at nemo, puto, erit, qui ad decuplum, vel centuplum onus dilatare auderet. Secunda vero sententia & nimium benigna est, & nullo solido fulcitur fundamento, dum limitat non ad majores teneri expensas, quam ipsa res in se valeat, cum fieri possit, ut damnum, quod patitur creditor ex carentia rei suæ, sit ipsi gravius, quam debitori restitutio etiam duplicatis expensis. Quamobrem tertiam sententiæ tanquam mihi verosimiliori assentior; dummodo tamen quantitas damni a debitore subeundi non materialiter, & arithmetice comparetur cum quantitate damni creditoris, sed geometricè, & moraliter. Nam fieri potest, ut pauper creditor majus patiatur

tur damnum ex carentia decem aureorum, quam debitor ex carentia viginti; proinde tenentur ad pauperis damnum reparandum, etiam cum damno suo viginti aureorum. Sunt itaque expendenda damna, & detrimenta utriusque creditoris, & debitoris: & quando æquale, & paulo majus est damnum creditoris ob carentiam rei suæ, & debitoris ob expensas faciendas ad restitutionem, tunc reus debitor eas subire tenetur, ut alterum servet indemnem; si vero damnum debitoris longius excedat detrimentum creditoris, tunc potest differre restitutionem opportunius faciendam ex præsumpta creditoris voluntate, qui ex caritate velle nec debet, nec potest, ut debitor cum tanto suo detrimento restituat. Rem exemplo illustro. Quis ex furto centum restituere debet, & reddere non potest, nisi centum expendat, cum æquale sit damnum & creditoris carentis sua pecunia, & debitoris in solvendis expensis, debitor tenetur cum tali damno restituere: non enim æquum est, ut damnum subeat innocens creditor ad liberandum nocentem debitorem a pari damno. Si vero pauper a divite centum furatus sit, & restituere non possit, nisi centum, vel etiam quinquaginta expendat, quod ipsi maximum affert detrimentum, & quidem longe majus, quam diviti carentia centum, differre poterit restitutionem, vel in tuto pecuniam collocare, donec opportuna sibi occurrat occasio restituendi sine tanto detrimento. E contra, si dives pauperi rustico damnum intulerit decem aureorum, quod compensari non possit, nisi per expensas viginti, vel etiam triginta aureorum, cum hoc onere restituere debebit; nam longe majus detrimentum patitur pauper rusticus carentia decem aureo-

rum, quam dives carentia viginti, vel triginta: in qua tamen comparatione non est pecunia debita computanda, cum per eas simplicem restitutionem nullum debitor patiatur damnum, cum ad ejus bona non pertineat. Hoc pacto puto, & justitiæ jura servari, & caritatis leges temperari.

XV. Denique quoad modum, restitutio ita est facienda, ut res perveniat ad manus creditoris. Hinc possessor malæ fidei nunquam ab onere liberatur restitutionis, nisi res tuto, & certo ad manus pervenerit creditoris: hoc enim solum modo inducitur æqualitas in justitiæ præcepta. Recolantur ea, quæ diximus cap. 16. consecr. sexto.

[CAPUT DECIMUMOCTAVUM.]

CONSECTARIA PRÆCEDENTIS DOCTRINÆ.

- I. *Doctrina omnino improbabilis a Salamancaensibus prolata refellitur.*
- II. *Num res credito vendita sit reddenda venditori.*
- III. *Qui bonis cedunt, non semper ab onere integræ restitutionis liberantur.*
- IV. *Quid recipere possint privilegiati creditores.*
- V. *Non licet debitori alium creditorem alteri præferre, quando non omnibus est solvendo.*
- VI. *Debita ex contractu ubi, & quomodo solvi debeant.*

CONSECTARIUM PRIMUM.

I. **F**ALSA habenda est, & laxa Salamancaensium doctrinam, quæ affirmant, non improbabilem esse illorum sententiam, qui asserunt, leges præcipientes servandum ordinem in creditorem prælatione esse mere penales, & in conscientia non obligare. Fateor qui-

quidem laudatos Theologos contrariam opinionem, ut veram, & probabiliorē defendere, & docere: at dum hæc addunt, & a veritate animos lectorum averunt, & ad fabulas eos convertunt. Nam cur non est improbabilis prædicta assertio? At paucorum Theologorum, & quidem Probabilistarum auctoritas valet ne veritatem mutare, & tutum redde in conscientia operantem? Præterea, si concederemus eam doctrinam non esse improbabilem, quid inde sequeretur, nisi adhuc esse omnino rejiciendam? Nam si damnata est propositio 3. quæ asserbat: *Generatim, dum probabilitate sive intrinseca, sive extrinseca, quantumvis tenui, modo a probabilitatis finibus non exeat, confisi, aliquid agimus, semper prudenter agimus*: quanto magis falsa erit, & damnanda propositio, quæ docet, licere sequi sententiam non improbabilem, & hoc pacto innovare damnatas propositiones, & eas defendere, quod a Summis Pontificibus sub anathematis pœna vetitum est? Quænam denique ratio movere potuit Salmanticenses, ceteroquin sanam doctrinam tenentes, & propugnantes, ut hujus laxæ doctrinæ meminerint, eamque proposuerint? Hoc ipsi ultro fatentur, nimirum ut faveant creditorum cupiditati, & iniustitiæ, dum non servato ordine juris sibi debita præoccupant. Scribunt enim: *in gratiam eorum, qui sibi debita præoccupant, non servato ordine juris, non desuam hic adnotare, non esse improbabilem sententiam illorum, qui offerunt tales leges in conscientia non obligare*. Sed hoc quid aliud est, nisi pulvillos ponere sub omni cubito manus, & cervicalia sub capite, ut mollius in iniquitate quiescat?

CONSECTARIUM SECUNDUM.

II. Res vendita credito, cujus pretium solum non est, reddi debet venditori, si extet in specie, non vero, si cum alia emptor permutavit. Huius doctrinæ non omnes consentiunt Theologi, qui eam veram esse solum agnoscunt, quando agitur de rebus Ecclesiæ, Minorum, & Fisci, qui privilegio prælationis super alios creditores gaudent; cum in jure statutum sit talium rerum dominium non transferri per solam ventilationem solutione pretii non secuta; at quoad alios negant hoc argumentum. Res vendita non est amplius in dominio venditoris, quod in emptorem translatum est: quàmobrem venditor repetendi suam mercem jus non habet, sed solum pactum pretium exigendi. Et revera nos quoque docuimus, venditione transferri dominium. Sunt igitur res venditæ cum ceteris debitoris bonis confundendæ, & inter alios creditores dividendæ pro rata, ut eis satisfiat. Ita sentiunt Covarruvias, Molina, Henricus a S. Ignatio, alique plures. Sed oppositam, quam statui, opinionem probabiliorē puto. Nam licet venditione transferatur dominium; tamen, ut alibi ostendimus, non plene integreque transferitur, sed diminute: quia donec pretium solum sit, si res existit in se, obnoxia est hypothecæ pro solvendo pretio. Et revera quicumque vendit, eo animo vendit, ut, nisi ei pactum persolvatur pretium, rem suam possit recuperare; sicut qui credito emit, eo animo emere debet, nisi injustus esse velit, ut, si pretium solvere non valeat, rem extantem restituat. Et revera ita Leges ipsæ statuunt. Nam in Institutionibus lib. 2. tit. x. de re-
rum

rum divis. dicitur: *Vendita vero res, & tradita non aliter emptori acquiruntur, quam si is venditori pretium solverit.* In Gallis quoque, ut fatetur illius Genis Theologi, venditor rei immobilis, si pretium non recepit, non solum aliis creditoribus præfertur, sed jure donatur rem suam persequendi, in quorumcumque manus transierit; si vero res sit mobilis, solum occupare potest, & sibi vendicare, quandiu est in manu debitoris. Et revera æquitas ipsa naturalis postulare videtur, ut quandiu res vendita in propria specie existit, & penes emptorem, non aliis tradatur in solutione, ipso invito venditore, ad quem semper clamare videtur. Ita docent Cajetanus, Navarrus, Medina, Sylvius, & novissime Juveninus tract. 21. de Restit. cap. 5. qu. 9. alique plures. Dixi tamen, restituendam rem venditori, si in se existit; si enim vel consumpta sit, vel in aliam permutata, vel alteri vendita, cessat jus venditoris; quia, ut animadvertit Sylvius, *res, vel pecunia, quæ in rei venditæ locum subrogata sunt, non subsunt hypothecæ in favorem venditoris.* Cum autem variae hac de re sint in Regnis, & Provinciis leges, & consuetudines, illæ sunt expendendæ, & observandæ. Sic, ut notat Continuator Tournelli, in Gallis viget consuetudo, quæ concedit creditori, qui sperans se proxime pretium receperum, rem vendidit sine præfixione diei, & termini, jus repetendi, & insequendi rem etiam mobilem. Nostram quoque doctrinam nonnulli, & quidem, ut mihi videretur, non irrationabiliter, nec injuste limitant, nisi pro pretio non solum dati sunt vel fidejussores, vel pignora; quia hæc loco pretii stare videntur. Et revera his munitus venditor, cum de recuperando pro-

rio tutus sit, non videtur æquum, ut rem suam cum detrimento, & damno aliorum creditorum valeat repetere, quam repetendi, quando pretium obtinere potest, omnino jus amisit.

CONSECTARIUM TERTIUM.

III. Cum quis certo novit, rem penes se extantem alienam esse, sed ejus verum dominum ignorat, nec potest tuta conscientia sibi retinere, nec ad certa debita extinguenda expendere. Nam cum & certo sciat alienam esse, & in se res existat, ad dominum suum clamat, cui omnino est reservanda. Sit itaque omni adhibita diligentia dominum invenire non possit, rem debet tuto in loco collocare, ut domino reservetur, si forte spes sit, ut aliquando comperiat: si vero nulla sit spes, vel res servando servari non possit, est in bonum pauperum, vel Ecclesiæ applicanda. Si vero sciatur rem ad duas, vel tres personas pertinere, & ignoretur: cujus illarum fuerit, tunc vel inter illos est dividenda pro rata dubii, vel forte, earum præhabito consensu, cui danda sit, definiendum.

CONSECTARIUM QUARTUM.

IV. Creditores privilegiati ita prælatione gaudeant, ut integre sit solvendum, quod illis debetur, licet posterioribus creditoribus nihil superfit. In hoc enim situm est prælationis privilegium ob commune bonum aliquibus personarum cœtibus concessum: frustraneum enim alicuius esset hujusmodi privilegium, si cum aliis debitoribus concurrerent & æqualiter cum illis pro rata debitoris bona partiti deberent. Inter hos vero privilegio prælationis donatos illi præferuntur, qui nobiliore gaudent privilegio, licet posteriores sine temp-

tempore. *Privilegia* enim (ut habetur L. 32. ff.) non tempore estimantur, sed causa. In pari vero privilegii gradu prioritas temporis attenditur; & hic locum habet juris regula, *qui prior est tempore, potior est jure*. Inter creditores vero simplices & non privilegiatos paupertas unius creditoris iusta causa non est praelationis supra divitem creditorem; quia nec lege positiva, nec naturali illi conceditur praelatio; non enim paupertas, & opulencia naturæ leges valent commutare, quippe quæ justitiæ omnino extraneæ sunt. Nec movet, quod creditor pauper majus patiatur detrimentum ex carentia rei suæ, quam dives, ad quod detrimentum sarcindum tendere videtur justitia. Nam illa eadem justitia, quæ jubet damnum illatum sarcindum, mandat etiam & certum ordinem in reparatione servandum; & solum caritas urgere potest opulentos creditores ad concedendum, ut illis pauperes creditores præferantur. Ita sentiunt Natal. Alex. de just. reg. 41. num. 11. Concina, alique. Oppositum quidem legitur in Opusc. 73. D. Thom. tributo cap. 18. verum cum certum pene sit, illud non esse D. Thom. genuinum opus, ab ejus sententia recedere minime religioni ducimus.

CONSECTARIUM QUINTUM.

V. Non licet debitori inter simplices creditores ita uni integrum debitumolvere, ut impotens fiat ad satisfaciendum aliis creditoribus: qui vero hanc solutionem reciperet, teneretur ad restitutionem. Prima pars hujus consecrarii certa est apud omnes, qui fatentur, hunc lethaliter peccare contra justitiam cum ita uoi faveat, ut alios defraudet; obnoxius proinde restitutioni etiam hoc

titulo, si forte ad meliorem conditionem, & statum assurgat. Verum secundæ parti non acquiescunt plures Theologi, Diana, Lessius, Dicaillus qui putant, creditorem posse tuta conscientia sibi retinere integrum persolutum pretium, licet debitor solvendo peccaverit. Nam inquirunt, hoc persolutum pretium, five bona loco pretii concessa nulli erant hypothecæ, ut supponimus, obnoxia: non magis ergo alteri creditori, quam accipienti obnoxia, & tradenda. Præterea creditor nihil ultra recipit, quam sibi debebatur: poterit igitur sibi retinere, præsertim cum durum admodum sit, & difficile ab isto creditore extorquere pecuniam jam receptam, quam sibi certo debitam noverit, & jam possidet. Verum omnino rejicienda est hæc doctrina vix probabilis. Nam cum omnes creditores jus æquale habeant ad bona debitoris; sicut huic non licet in aliorum detrimentum uni integrum debitumolvere; ita nec uni licet cum aliorum damno recipere. Cur enim ille peccat? Profecto quia justitiam violat, dando uni, quod in plures est dividendum. Ergo eum pariter hic integre recipiat, quod pluribus est distribuendum, violatæ justitiæ reus est habendus. Et licet bona illa nulli sint speciali hypothecæ subjecta, sunt tamen obnoxia generali hypothecæ omnibus creditoribus pro rata crediti. Qui igitur integram recipit solutionem, alterum fraudat jure, quod pro sua parte habet in illa bona: & quamvis nihil recipiat ultra id, quod sibi absolute debetur, recipit tamen ultra id, quod in hoc casu respectivo ad alios creditores sibi debetur: nec licet debitori alterum ex suis creditoribus alteri præferre; & in judicio hujusmodi solutiones,

utpote dolose, minime probarentur. Verum quidem est, durum esse, & difficile ab hujusmodi creditoribus acceptam vel pecuniam, vel bona extorquere. At per hoc non sunt iustitiæ jura violanda, nec avaritiæ, & humanæ cupiditati indulgendum. Ita docent Bannezius, Azorius, Juveninus, aliique plures, quibus adherent novissime Concina, & Cuniliati.

Salmanticenses licet hanc nostram sententiam tanquam probabiliorē tuerentur; tamen putant licere debitori integrè pretium solvere suo creditori primo petenti, sive in judicio, sive privatim extra judicium: quibus & nos consensum præbuimus cap. sup. n. 10. si agatur de creditore in judicio petente, & sententiam in sui favorem obtinente. At acquiescere non possumus eorum sententiæ, dum hoc privilegium dilatant ad primo privatim petentem, licet ipsis assentiat Natal. Alex. quandoquidem cum æquale jus habeat, ac alii creditores, prioritas petitionis non majus jus addit, nec taliter urget, ut ad integram cogat solutionem, nec diligentia in petendo melioris illum efficit conditionis; cum hæc solum in foro judiciali privilegio donetur, non extra ipsam dilaranda, ut optime docent Molina, & Vasquezus. Immo nec licitum arbitror debitori monere creditorem sibi amicū, ut prior petat in judicio, & ita aliis præferatur: hoc enim beneficium in alienum detrimentum redundat, & fraude ac dolo non caret. Nam, ut prudentissime animadvertit Concina, creditores frequenter conqueruntur id contingere in decoctoribus, qui amicis, & patronis, a quibus futura subsidia sperant, integra debita solvant, licet posteriores sint, cum gravissimo aliorum creditorum,

Petrucci Theol. Mag. Tom. V.

qui sunt anteriores, detrimento.

CONSECTARIUM SEXTUM.

VI. Debita ex contractu reddi, vel solvi debent in loco, de quo vel tacite vel expresse fuit inter contrahentes conventum. Si vero nulla fuerit conventio, standum est legibus, & consuetudinibus Regnorum, & Provinciarum. Communiter debita ex oneroso contractu, sive plenum dominium, ut in venditione & emptione, transferatur, sive diminutum, ut in locatione & conductione, nisi aliter pacti sint contrahentes, solvi debent in loco, ubi res tradita fuit, & accepta: siquidem attentis & iustitia contractus, & contrahentium voluntate convenientior assignari nequit locus illo, in quo celebratus est contractus; si enim alium intendissent locum, profecto aperte in contractu indicassent. Similiter debita ex contractu gratuito, donatione, Testamento, Legato solvenda sunt in loco, ubi res erant, quando donata fuerunt vel legata: & ratio est manifesta: dum enim quis alicui rem gratis largitur, aut legat, præsumitur nolle vel se, vel heredem suum alio onere gravare, quam ad rem donatam, vel legatam tradendam, nisi aliter inveniantur voluntate donantis, vel legantis statutum. Quamobrem si res ex contractu vel gratuito, vel oneroso debita alio transferentis sint, expensæ ab eo sunt subeundi, in cujus commodum, & utilitatem iniurus est contractus. Hinc in donationibus, & legatis expensæ sunt faciendæ a donatariis, & legatariis; in deposito autem ab ipso deponente, in cujus utilitatem cedidit depositum, & sic de ceteris, procul tamen semper omni fraude, & dolo, ut contingere potest in mutuo, in quo pecunia accepta, est in loco, ubi data fuit, restituenda;

Z z z

nec

nec onus addendum mutuuario pecuniam alio solvendi, nisi fortè mutuum datum sit in itinere; tunc enim & manifeste apparet tam accipientis, quam dantis mentem non esse, ut restitutio fiat in loco, sed ubi mutans se transfert; illuc enim, nisi mutuum dedisset, pecuniam suam transfuisset.

CAPUT DECIMUMNONUM.

De Causis excusantibus a mora restitutionis, & ab ipsa restitutione.

DOCTRINA.

- I. *A prompta restitutione excusat impotentia physica.*
- II. *Inmo & moralis, quæ ex pluribus capitibus oriri potest.*
- III. *Num, ut quis restituat, teneatur a suo statu cadere.*
- IV. *Quando timor infamiae a prompta restitutione excusat.*
- V. *Quando ratione scandali differri possit restitutio.*
- VI. *Quenam causa a totali liberant restitutione.*
- VII. *Condonatio a restitutione liberat, si legitima sit.*

QUANDO iustitiam violent, qui restitutionem differunt, jam superius pluribus in locis exposuimus: superest igitur, ut explicemus, quando mora restitutionis inculcata sit, & innoxia. Certum siquidem est ex S. Thom. hic q. 61. art. 8. ad 2. *Quando aliquis non potest statim restituere, ipsa impotentia absolvit eum ab instanti restitutione faciendâ, sicut etiam totaliter a restitutione absolvitur, si omnino sit impotens.* Prima igitur causa excusans a restitutione itatim faciendâ juxta S. Th. est impotentia, quæ duplex est, physi-

ca, & moralis. Et de physica quidem scribit S. Augustinus: *Plurimque ille, qui aufert, amittit, sive alios patiendos malos, sive ipse male vivendo, nec aliud habet, unde restituat.* Huic certe non possumus dicere, reddo quod abstulisti, nisi eum eum habere credimus, & negare. Et iuste quidem, nam ad impossibile nemo tenetur; quamvis teneatur satagere, ut parsimonia, diligentia & labore, quod sibi nunc impossibile est, fiat aliquando possibile.

II. Alia vero impotentia moralis ex pluribus capitibus oriri potest, quos enumerat, & exponit S. Antoninus P. II. tit. 2. cap. 8. Et primo quidem evenit, quando ex restituendo (verba sunt Sanctissimi Præfatis) statim, sequeretur evidens, vel probabile damnum spirituale, vel temporale notabile ipsius restituentis, vel aliorum, quod præponderaret damno ejus, quod debet habere ex carentia illius rei. Quod damnum (subdit) triplex esse potest, mortis, infamiae gravis, & scandali notabilis mortalis culpa. Hinc ex capite mortis, in quo comprehenditur grave damnum, excusantur a prompta restitutione, qui restituendo periculum vitæ subirent. Nam, ut optime docet Sorus lib. 4. q. 6. art. 3. *Cum nemo sit dominus vite sue, neque ob ultimum delictum teneatur se morti offerre, aut mortem, ad quam condemnatus est, adsciscere, consequens esse apparet, ut cum ejus periculo ad restitutionem non teneatur.* Partipacho, qui prævident, vel creditorem re sua accepta abutuntur, vel in suam, vel in proximi, vel in boni communis perniciem. Tertio si prompta restitutio in grave, & majus delictum cedat restituentis, quod ipsius acceptantis, ut scribit laudatus Præfatus: „ Si imminet ex restitutione, subita periculum damni incompara-

„ bi-

„ bilnet prævalens damno, quod inde
 „ habet creditor ex carentia rei suæ
 „ quia creditor magis debet velle in
 „ huiusmodi casibus, ut maximum in-
 „ commodum, seu damnum ejus, qui
 „ debet restituere, evitetur in modica
 „ restitutionis dilatione, quam suum
 „ incommodum modicum, vel damnum
 „ ex carentia ad tempus rei suæ . .
 „ Nec dicas, dominus tui hoc agit in-
 „ vite, quia non vult, quod per quan-
 „ tumcumque tempus, suum retineat-
 „ tur. Nam dicendum, quod domino
 „ inordinate volente statim reliquere
 „ suum, & per consequens contra re-
 „ ctam rationem nolente proximum re-
 „ tinere suum, tunc tenens non est de-
 „ tentor injustus. Sicut nec injustus
 „ detentor est dicendus, qui restitutionem
 „ differt, ne incurrat vel vitæ, vel sa-
 „ lutatis notabile detrimentum; quia sta-
 „ tim restituendo vel esset fame peritu-
 „ rus, vel in gravem morbum lapsurus,
 „ vel ex deficientia comparandæ medici-
 „ næ, & accersendi Medici in infirmitate
 „ permanens.

III. Immo & prompta restitutione ex-
 „ cusatur & ille, qui restituere non va-
 „ let, nisi à suo statu iuste acquisito de-
 „ cidendo; ut si nobilis deberet vel men-
 „ dicare, vel artem mechanicam exerce-
 „ re: nequit enim creditor rationabiliter
 „ vel restitutionem sibi fieri cum tanta
 „ proximi jactura; quandoquidem huiusmodi
 „ status iuste, & honeste acquisiti amissio
 „ contingere nequit sine infamia, & gra-
 „ vi dedecore tum debitoris, tum fami-
 „ liæ: nisi tamen res aliena in se, & in
 „ individuo exierit; tunc enim absolute fa-
 „ cienda est restitutio. Tenetur tamen
 „ huiusmodi debitor nobilis in epulis lau-
 „ ritiam tollere, in vestibus, famulis,
 „ quadrigis, equis superfluatorem refeca-
 „ re, & ad mediocrem, immo infimum

fui status gradum se reducere. Debet
 „ pariter a ludis, conviviis, itineribus
 „ voluptuosis, aliisque supervacaneis ex-
 „ pensis abstinere, statufque sui splendo-
 „ rem, & pompam, quantum fieri po-
 „ test, imminuere, & moderari. Quod
 „ si præstare recuset, minime est absolu-
 „ tionis dignandus; cum iniquum sit hu-
 „ iusmodi delinquentes ex mercatorum, &
 „ opificum creditorum sudore, sanguine,
 „ & pecunia luxuriari, opipare vivere,
 „ sumptuose vestiri. Ita docet Sylvius 2.
 „ 2. q. 62. art. 2. conc. 3. scribens:
 „ Si quis non potest statim restituere,
 „ aut debita solvere sine notabili detri-
 „ mento rerum suarum, vel sui status
 „ iuste acquisiti, potest restitutionem,
 „ seu solutionem differre, donec sine
 „ tali detrimento id possit: modo tamen
 „ ipse creditor non patiarur ejusmodi
 „ damnum: quæ clausula ideo additur,
 „ quia debitor etiam cum suo magno
 „ damno teneatur statim restituere, vel
 „ debita solvere, si alioquin creditor
 „ pateretur gravem jacturam. Et S.
 „ Antoninus P. II. tit. 2. cap. 8. docet
 „ de nobilibus, & opulentis, qui resti-
 „ tutioni obnoxii sunt. Et si retineant
 „ sibi quodammodo necessaria pro su-
 „ stentatione sui, & familie ad vitan-
 „ da multa pericula animæ, & corpo-
 „ ris, quæ verosimiliter sequi possunt
 „ bonis suis cedendo, omnibus se spo-
 „ liando pro restitutione faciendâ (quod
 „ forte tutius esset, & in Deo confide-
 „ re, etiam si oporteret mendicare se-
 „ cundum Raymundum) ad hoc tamen
 „ non teneri de necessitate salutis. Non
 „ teneri, inquam, ad cessionem om-
 „ nium bonorum, & spoliantium se om-
 „ nibus, relicta sibi summarie veste,
 „ & baculo. Non debent tamen tales
 „ laute vivere, & pompose vestiri cum
 „ familiis suis, & filias suas cum ma-
 „ gnis

„gnis dotibus nuptui tradere, sicut
 „si non essent obligati ad restituendum;
 „sed potius vivere, & parvas dotes
 „tradere, & si non possunt nobili, vel
 „mercator: nuptui dare, artificii &
 „plebejo debent tradere, & alia su-
 „perflua refecere“.

IV. Ex capite vero infamiae a prom-
 „pta excusantur restitutione, qui si sta-
 „tim restituant, de bono nomine, &
 „fama iuste sibi comparata periclitarentur.
 „Ira docet S. Antoninus l. l. „Idem
 „dicendum videtur, dum ex subita
 „restitutione, ille, qui restitueret rem
 „ablatam per furtum, vel aliud cri-
 „men, detegeretur, & inde infamaretur;
 „cum fama sit quilibet notabilior,
 „quam substantia corporalis. Cum ex-
 „go quilibet debeat providere confer-
 „vationi famae suae, potest deferre re-
 „stitutionem usque ad tempus, quo
 „non deprehendantur in crimine, &
 „diffametur, si aliter provideri non
 „potest“. Præ oculis tamen habenda
 „prudenter Soti de just. & ju. lib. 4.
 „q. 6. art. 3. animadversio scribentis.
 „Profecto non est, quod ambigi possit,
 „quin pecunie debeat nonnunquam cum
 „detrimento famae restitui. Primum
 „enim nemini fas est cum detrimento,
 „& injuria alterius suum protegere ho-
 „norem, & famam; neque alter, qui
 „læsus est, tenetur juri suo etiam pe-
 „cuniario cedere, ut, qui injuriam
 „intulit suam protegat famam. Suffu-
 „ratus est verbi gratia amplam pecu-
 „niam; haud dubium, quin debeat
 „omnem adhibere diligentiam, ut fe-
 „re restituas. Si tamen neutiquam
 „sine famae, & honoris periculo potes-
 „non jam debet alter sua denudari
 „substantia, maxime cum damnum
 „illius grave est. Haud enim negamus
 „quin debeat respectus haberi famae,

„& pecuniae, sed tamen ceteris pari-
 „bus majus est jus innocentis, qui a
 „te læsus est. Secundo quavis meta-
 „physicam rationem inire velimus, etsi
 „fama suo genere præstantior sit, quam
 „pecunia; tamen tantum potest æris ac-
 „cumulari, ut cumulus ille multo pre-
 „tiosior sit fama tua. Est quidem au-
 „rum suo genere pretiosius, sed ta-
 „men tantum esse potest argenti pon-
 „tus, ut multo aestimetur pluris,
 „quam minus auri“.

V. Differtur etiam licite restitutio ra-
 „tione scandali, nimirum si ex prompta
 „restitutione sequatur spiritualis ruina in
 „accipiente, qui re sua tunc accepta
 „abuteretur in sui salutis perniciem, ut
 „superius diximus; in dante vero, si in
 „periculo peccandi constitueretur. Id
 „docet S. Antoninus l. sapiens laud. scri-
 „bens: „Quando ex hujusmodi restitui-
 „tione subita sequi posset mors spiri-
 „tualis, seu peccatum mortale proba-
 „biliter in restituente, vel familia ejus,
 „puta restituendo, quæ habet aliena,
 „ad tantam venit paupertatem, vel
 „miseriam, quod non potest vivere,
 „vel providere filiis de victu, & ve-
 „stita, & cum sint alicujus nobilis
 „conditionis mendicare nimis erubesc-
 „cunt, ab amicis ad sufficientiam non
 „inveniant, laborare nesciunt, vel
 „non possunt, quia parvuli, vel in-
 „firmi, & sic restituendo exponitur
 „periculo cum familia sua furandi,
 „vel prostituendi filias, vel despera-
 „tionis, ubi retinendo aliquid, cum
 „ipso ex industria sua providet, & pat-
 „et sibi, & familiæ, & disponitur ad
 „satisfaciendum paulatim; Hoc senti-
 „re videtur Scotus“.

VI. Hæ sunt causæ, quæ sicut a
 „prompta excusant restitutione, ita etiam
 „ab omni moda, si perpetuæ sint: quod
 „ta-

tamen raro aut nunquam contingit. Sed perpendenda sunt S. Thom. verba docentis: *Eum, qui non potest vel statim, vel absolute restituere, teneri dilationem, vel remissionem petere ab eo, cui debet, vel per se, vel per alium.* Et quidem hoc videtur de necessitate salutis, quotiescumque huiusmodi petitione speret se vel remissionem obtenturum, vel dilationem; & grave damnum non timeat præter ruborem illum, quem pati debet, vel suam fatendo inopiam, vel injustitiam. Quid enim æquius, ut saltem hæc modo per sola verba, & preces suo satisfaciat creditori, cui pecuniam solvere debet? præsertim cum Doctor Angelicus concedat hoc fieri posse etiam per alium, quo modo & ruboris sensus delinitur, & fieri potest etiam injusti debitoris nomen reticendo, & misericordiam, ac condonationem pro ipso petendo. Circumstantiæ tamen sunt attendendæ: nam si debitor vel remissionem, aut dilationem petendo de fama, nomine, vel honore, & dignitate periclitetur, poterit ab huiusmodi postulatione cessare, ut diximus n. 4.

VII. A restitutione facienda liberat creditoris libera condonatio: sicut enim quilibet, quod suum est, donare libere potest, poterit & quod sibi debetur, plene condonare, & elargiri; ita debitor legitime accipere, & retinere. Sed ut hæc condonatio legitima sit, tribus muniti debet conditionibus: nimirum 1. Ut fiat ab habente potestatem condonandi. 2. Ut non prohibeatur a legibus. 3. Ut voluntaria plane sit, & libera, non fraude, non dolo, non minis extorta. Primæ conditionis æquitatem adstruit S. Thom. 2. 2. q. 62. a. 6. ad 3. dicens: *Ille solum condonare potest, qui potest donare; quia*

scilicet dominium, & liberam habet potestatem rei suæ: quomobrem nec filiusfamilias condonare potest, quod est patri debitum, licet sit omnium paternorum bonorum hæres fururus; nec Regularis sine Superiorum licentia condonare, quod Monasterio, vel sibi etiam specialiter deberetur, cum omne dominium a se abscerit. Secunda vero conditio ex Jure canonico pendet, in quo nonnullæ condonationes interduntur. Prohibetur enim Cap. statutum de Rescriptis in 6. Iudici delegato aliquid a litigantibus accipere præter necessarias ex enses ob necessum a proprio domicilio subeuntias: *Quod si quid ultra reciperet, ad restitutionem compellitur omni spe condonationis præcisa.* Sic enim statuit Greg. IX. indicens: *Si quid contra Constitutionem præsentem receperit, ad ipsius restitutionem integram teneatur, nulla eorum, quibus restitutio facienda fuerit, remissione ullatenus præstutura eidem.* 2. In Concilio Trid. sess. 24. cap. 12. de Refor. præcipitur Canonicis restitutio distributionum perceptarum in absentia; nec suffragari illis aliorum Canonicorum, in quorum utilitatem redundant, condonationem. Sic enim statuit S. Synodus: *Distributiones vero, qui statim horis interfuerint, recipiant, reliqui quævis collisione, aut remissione exclusi, his careant.* 3. Ad restitutionem tenentur Visitatores, qui in visitatione præter necessarias, & consuetas procuraciones aliquod munus etiam gratis oblatum quovis prætextu, vel quovis colore receperint, quin illis prodesse possit ulla condonatio, ut decernitur loc. cit. de Rescriptis in 6. Tertia vero conditio, quæ ad jus naturale spectat, ad legitimam condonationem & est necessaria, & attendenda: nam cum condonatio sit quedam gratuitas,

& liberalis donationis species, sit oportet immunis ab omni fraude, dolo, vi, & violentia; alioquin illegitima fiet, nec condonatorio prodesse poterit. Hinc irrita, & invalida est condonatio oblata a debitore præpotente creditori comminante, quod, nisi partem debiti remittat, totum perdet; vel extorquente condonationem per viros potentes, quos creditores timent, vel verentur; sicut & a debitore simulante se impotentem, pauperem, & obrepente se vel nullum lucrum reportasse, vel damnum grave passum esse, cum revera & possint restituere, & in paupertate, vel detrimentis exaggerandis mentiantur. Mercatores pariter, qui ad asylum confugientes vel sacrum, vel profanum, cum suis creditoribus transigunt, fraudes adhibendo, & dolos in rebus suis occultandis; & licet creditores transactioni, vel compositioni assentiantur, minime tamen ab onere restitutionis liberantur; cum huiusmodi condonatio libera non sit, sed vi extorta, in quam coacti creditores consentiunt, ne totum creditum amittant. Quamobrem fraudis, & doli rei sunt etiam mercatores illi decocti, qui uni, vel alteri creditori secreto integram sui crediti solutionem pollicentur; dummodo publice simulent se partem condonare, ut ad similem remissionem ceteros pertrahant creditores: hoc enim non est liberam condonationem obtinere, sed furtis, & latrociniiis creditores re sua spoliare. Ita docet S. Antoninus P. II. tit. 2. cap. 4. §. 1. scribens: „Ubi certum, & clarum debitum . . . nisi creditor liberaliter remittat illud quod promittit . . . si hoc facit, quia putat se aliter non posse residuum habere, nihil valet illa remissio facta ex pu-

blico pacto quoad animam. Unde, cum mereator infortunia passus fallit, & occultans multa de bonis suis mobilibus, ut non perveniant ad manus creditorum, quævis compositionem cum eis de minori quantitate, quam debeat, puta promittit respondere singulis creditoribus ad rationem quindecim solidorum pro libra, cum tamen possit totum dare, vel cedere bonis, cui compositioni assentiunt creditores, & ira recipientes liberant eum de residuo, certum est, quia quoad Deum adhuc tenetur de residuo. Cum illi non sponte, sed coacte fecerint illam remissionem, volentes illa potius parte carere, quam toto . . .

CAPUT VIGESIMUM.

CONSECTARIA PRÆCEDENTIS
DOCTRINÆ.

- I. *Debitor ab onere restitutionis aliquando liberatur præscriptione.*
 - II. *Nemo tenetur vita dispendium subire, vel se in servum vendere, ut restituat.*
 - III. *Num ere alieno gravatus possit religiosum statum amplecti?*
 - IV. *Num ob speratum lucrum liceat restitutionem differre.*
 - V. *Quando condonatio debiti, uni facta, aliis debitoribus prodest.*
 - VI. *Num ad debiti extinctionem sufficiens condonatio tota.*
 - VII. *Num debita extinguuntur per donationem liberaliter factam.*
 - VIII. *Num per compositionem a Summo Pontifice concessam.*
- Reflexio.*

CONSECTARIUM PRIMUM.

I. **A**B onere restitutionis debitor liberatur etiam titulo præscriptionis. Hujus consecrati veritas ex superius dictis in Tract. de Dominio apparet, ubi offendimus præscriptionem iustis munitis titulis dominium conferre, inter quos præcipue enumeratur bona fides: quamobrem præscriptionis titulus nunquam prodesse poterit furi- bus, raptoribus, aliisque malæ fidei possessoribus.

CONSECTARIUM SECUNDUM.

II. Nemo tenetur vel viæ manifestum discrimen subire, vel se in servum vendere, ut, quod debet, restituat. Nam cum vita sit bonum longe superioris ordinis, quam pecunia, & bona fortunæ, non tenetur alterius detrimentum cum suo longe majori detrimento sarcire; nec creditor id iuste potest exigere. Potest tamen debitor militiæ operam navare, ut, quod alteri debet, solvat; quia licet in militia de vita milites periclitentur, hoc tamen discrimen vitæ vel ut remotam spectatur, vel ut adnexum arti, & muneri per se licito: si enim licet militare, ut quis vel vitam sustentet, vel divitias, honores, & dignitates sibi indiplicatur; cur non licebit, immo & tenebitur, si ejus conditio, & circumstantiæ personæ non impediunt militiam agere, ut, quod alteri debet, ex justitia perfolvat? Pari pacto nec tenetur se in servum vendere; quia, ut optime docet S. Thom. 2. 2. q. 189. art. 6. ad 3. *Propter pecuniam persona liberi hominis secundum jura civilia non obligatur, sed solum res; quia persona liberi hominis superat omnem affirmationem pecunie.* Et quavis olim contrarium in

usu fuerit, ut habetur 4. Reg. cap. 4. Math. 18. modo tamen locum amplius non obtinet illa consuetudo, immo lege contraria sublata est. Nam in Codice Justinian. L. *Ob es de act. lib.* refertur Syntagma juris lib. 14. cap. 3. n. 12. *Ne personæ libera ob es alienum serva fiant.* Nec obstat, debitores aliquando carceri mancipari, ibique detineri, donec æs alienum solvant. Nam, præterquamquod carcer non est servitus, id solum fit ad coercendos prævios homines, ne debita contrahant, quæ solvere se non posse agnoscunt. Denique cum pene apud omnes Christianos Principes abolita sit servitus, & in aliquibus Regnis etiam omnino vitata, locum habere non potest nec quando necessaria est ad vitam sustentandam, multo minus ad æs alienum solvendum. Ita commaniter docent Theologi.

CONSECTARIUM TERTIUM.

III. Qui ære alieno gravatur, a quo se liberare intra breve tempus non potest, non impeditur ab ingressu Religionis. Priusquam hujus Consecrati veritatem ostendam, nonnulla præmittenda sunt. Et primo quidem quoad praxim, omnium ferme Religiosorum Ordinum lex est, ut nullus ad habitum recipiatur, qui sit vel obnoxius rationi reddendæ, vel ære alieno obstrictus: & ideo exigitur, ut publico Instrumento, & per testes etiam sacramento astrictus constet, candidatum nec ære alieno gravari, nec esse ratiociniis adstrictum. 2. Qui ingredi Religionem cupit, & debitis premittit, quæ vel statim, vel infra breve tempus dissolvere potest, nonnisi illis perfolutis amplecti poterit Religiosum statum. 3. De illis loquimur, qui vera vocatione, & sincero animo ad æternam salutem suam procu-
ran-

randam, de qua periclitari merito timeant in seculo, non de illis qui humano tantum affectu, vel alio temporali motivo Religionem ingredi statuunt. De his itaque dicimus liberum illis, ac licitum esse, omnibus suis bonis creditoribus obrenuntiatis, Religiosum statum amplecti. Huic nostræ assertioni consentiunt pene omnes Theologi; sed solum quando vel debitori impossibile omnino sit, etiam permanendo in seculo, quod debet, reddere, vel certus sit de æterna sua salute periclitari, nisi in Religiosis portum se recipiat: quædam conditiones cum aliquibus Theologis vileantur raro admodum reperiri, consent absolute, & generatim pronuntiandum, non licere debitori Religiosum statum amplecti, nisi omnibus persolutis debitis, vel obtenta a creditoribus condonatione. Hæc est autem illorum unica ratio. Præceptum æs alienum solvendi licite, & multo magis illicite contractum, est naturale, & divinum; Religiosi vero status electio est solum consilii, non præcepti: non igitur debitor naturalis, ac divinum præceptum omittere, ut perfectionis consilia sequatur. Et licet fortassis vel statim, vel brevi tempore noverit se non esse solvendo, sperare tamen merito potest, in seculo manendo, sua opera, industria, negotiatione, aliisque licitis mediis ita posse discescere, ut creditoribus, quod debet, ad æqualitatem reddat, qua spe se, & creditores omnino privat, & quidem injuste, ad claustra confugiendo. Verum, quam in principio statui opinionem, & veriorē puto, & probabiliorē, quam docet etiam aperte S. Th. 2. 2. q. 199. a. 6. ad 3. scribens: *Si debeat (quis) aliquam pecuniam, & non habet, unde reddat, tenetur facere, quod*

potest, ut scilicet cedat bonis suis creditoribus. Propter pecuniam autem persona liberi hominis secundum jura civilia non obligatur, sed solum res: quia persona liberi hominis superat omnem estimationem pecunie; unde licite potest exhibitis rebus suis religionem intrare, nec tenetur in seculo remanere, ut procuret, unde debitum reddat. Prius autem docuerat, illum, qui reddere potest certum debitum, non posse Religionem ingredi, nisi eo persoluto. Unde dicit: *Ille, qui est obligatus ad aliquid certum, non potest illud licite pratermittere, facultate existente: & ideo si aliquis sit obligatus, ut alicui rationem ponat, vel ut certum debitum reddat, non potest hoc licite pratermittere, ut Religionem ingrediatur.* Distinguit igitur S. Thom. inter illum, qui potest debita solvere, & de hoc pronuntiat non posse ipsum ingredi Religionem, nisi rationibus redditis, persolutisque debitis; & illum, qui facultatem non habet vel statim, vel brevi tempore restituendi, sed qui remanendo in seculo procurare potest, ut debita reddat. Hunc aperte docet, posse Religionem ingredi, nec teneri in seculo remanere, ut procuret (profecto negotiando, agendo, laborando) unde debitum reddat; sed sat esse, ut omnia sua creditoribus relinquat. Unde (verba sunt S. D.) *licite potest exhibitis rebus suis Religionem intrare, nec tenetur in seculo remanere, ut procuret, unde debitum reddat.* Rationem vero reddit: quia nimirum propter pecuniam persona liberi hominis non obligatur; & libertas superat omnem estimationem pecunie. Et reversa, spes illa probabilis, quam debitor potest concipere reddendi debita, si omisso statu Religioso in seculo remaneat, non tanti est facienda, ut eum privet ea libertate, qua quisque gau-

gauder eligendi perfectiorem statum, & se divino servitio perpetua oblatione nuncupandi; cum æque probabile sit, ut manens in seculo non tantum laeretur, ut debitoribus satisfaciatur, immo fortassis majora contrahat debita; & interea certe & sua libertate, & summo spirituali bono privatur. Nec obstat oppositum argumentum de præcepto naturali solvendi debita; quippe quod non obligat, quando ejus impletio est moraliter impossibilis: hujusmodi autem reputatur, quando quis non nisi & propria libertatis jactura, & spirituali animæ detrimento (quod merito timere potest, qui sincera sunt donati vocatione ad Religiosum statum) se alienum potest solvere: & sicut debitor potest artem deserere animæ suæ perniciosa, licet necessarium ad restituendum; ita potest seculum relinquere, cum remansio in eo sit salutis ætæ periculosa: immo & ipsi creditores rationabiliter inviti esse non possunt, cum ex caritate teneantur pro salute proximæ propria fortunæ bona exponere. Ita sentiunt Cajetanus, Salamanticenses, Concina, & alii.

Quandiu autem differre teneatur Religionis ingressum, qui sperat se posse aliena restituere, non est facile definire; sed juxta circumstantias tum debitoris, tum creditorum, tum summæ restituendæ pensandum est; & sicut dilatio duorum, vel trium annorum, quam observandam tenent plures Theologi, mihi nimis diuturna, & prolixa videtur: ita satis convenientem puto opinionem illam, quæ statuit tenei per annum differre, si intra illud spatium prudenter præsumere valeat debitor, se suis posse creditoribus satisfacere.

Opponent Decretum Sixti V. qui statuit

Statuti Theol. Mor. Tom. V.

ne ære alieno gravati ad professionem Religiosam admittantur, quam etiam invalidam pronuntiat. Et licet Clemens VIII. illud revocaverit quoad invaliditatem professionis, quoad interdictum vero hujusmodi debitores recipiendi ratum habuit, & confirmavit. Ex quo inferunt, illicitum esse debitoribus alieno ære non persoluto religiosum statum amplecti. Verum resp. præfatos Pontifices non omnes debitores ab ingressu Religionis exclusisse: nam & excipiuntur Moniales, & qui bona habent, quæ licet statim solvere non possint, possunt tamen successive per reliquos census, vel redditus; sicut nec qui omnino impotes sunt ad solvendum; sed illo dumtaxat, qui dilapidando bona sua ludis, crapulis, libidinibus, licet sint de præsentibus solvendum inepti, possunt parsimonia, & industria suis creditoribus satisfacere, ut ipsemet Pontifex declarat hæc verbis: *Multi decessores post dilapidatam rem familiarem, & contractam vim æris alieni, religiosum statum amplectuntur.*

Hinc colligitur, illum multo magis licite posse Religionem ingredi, qui solum debita contraxit ex gratuitis contractibus, puta liberali promissione: hic enim satis est, si relictis bonis suis promissariis, & donataris, reservando sibi, quod ad Religionis ingressum oportet, & sufficit, Religionem amplectatur; cum in hujusmodi gratuitis contractibus ea semper habeatur implicita conditio, nisi meliorem statum elegero, & res in eodem permaneant statu. Sicut etiam qui gravatur debitis omnino incertis, unde restitutio esset facienda pauperibus: tunc enim cum obligatio non tam ex iustitia, quam ex pietate confurgat, nec illi, qui damnum passus est, fiat

restitui-

restitutio; ideo coram Deo satisfacere intelligitur, qui se ipsum totum Divino servitio emancipat, & omnia, quæ habet, bona in pauperes dispergit.

Num vero Religionem ingressus tenetur manualibus operibus vacare, vel alio modo lucrum quærere, quo possit suis creditoribus satisfacere, affirmant quidem nonnulli Theologi, præsertim antiquiores, quos citat S. Antoninus, Sylvester, Tabiena, & alii. Immo nonnulli addunt, & Prælatum teneri ad hanc veniam illi dandam, quam si denegeret, adhuc potest subditus sibi usurpare, ea perficiendo opera, quæ suum statim minime dedeant, & quibus lucrari possit, unde sua debita extinguat. Verum magis adductis rationibus conforme videtur, nec Religiosum ultra teneri ad restitutionem procurandam, nec Superiorem ad facultatem lucrandi concedendam. Ille quidem, quia jam per solemnem professionem alieni juris est effectus, & omnia sua, personam, opera, labores, industria Deo, & Religioni dicavit; quamobrem quod adipiscitur, si quid adipiscitur, Monasterio, non sibi acquirit. Ille vero, quia in Religioso acceptando cum ejus creditoribus pactus non est de ejus dissolvendis debitis, nihil creditoribus debet, nulloque pacto est illis obnoxius; & præterea, cum ignorat Monasterium non dominus sit, sed merus administrator, non tenetur concedere Religioso, ut operetur, & laboret, unde lucrum percipiat ad res alienum in secuto contractum dissolvendum. Puto tamen Religiosum teneri, & posse, si quid habet suo concessum usui, sibi aliquid suberahere, ut inde eo, quo potest, modo suis creditoribus satisfaciat, & quod debet restituat.

CONSECTARIUM QUARTUM.

IV. Non excusat a prompta restitutione spes magni lucri ex dilata restitutione percipiendi; licet creditori dilatio non noceat. Nam spes illa lucri, cum sit ex injusta rei alienæ detentione, non est inter bona debitoris anumeranda; proinde, ut egregie animadvertit Nanarrus in Manuali cap. 17. hoc lucrum perdere non est amittere suum, sed relinquere alienum, & non uti re aliena; quilibet autem nec momento temporis rem alienam detinere potest, quæ incessanter clamat ad dominum suum; ergo restituere statim debet, nulla habita lucri sperati ratione. Nec obstat ex hujusmodi dilatione nullum obvenire creditori detrimentum: nam, ut diximus cap. 16. Confess. 7. ea injusta detentione jus proximi violatur, qui privatur usu, & possessione rei suæ. Fateor tamen, si dilatio esset brevissima, nullumque detrimentum domino afferret, & spes lucri magna esset, & proxima; per quod lucrum detentor rei alienæ & rebus suis consulere posset, & creditoribus satisfacere, præsumendum esse creditorem hujusmodi brevem dilationem concedere velle, juxta illud naturale principium, quod tibi non nocet, & alteri prodest, est concedendum. Verum, ut sapienter notat P. Concina: „Spes lucrum frequenter debitores decipit. Hac halucinatione illud debitores solutionem differunt, ut & sibi providere valeant, & debita solvere absque incommodo; & frequentissime nec debita solvunt, nec lucra comparant; aut, si lucra assequuntur, tunc avartitia præstigiis infatuati, tenaciores sunt, & inhumani, & solutionem longius differunt“.

CON-

CONSECTARIUM QUINTUM.

V. Condonatio uni facta ex pluribus debitoribus ob illatum damnum non semper omnes liberat a restitutione. Distinguendum est enim inter hos debitores. Qui damnum reparare tenentur, tanquam illius principalis causa, ut mandans, & consulens, si condonationem obtineant, hæc & aliis prodest, qui a restitutione liberantur; cum ad restitutionem non obstringantur nisi ob alterius deficientiam. At si qui damnum intulerunt, sunt causæ vel æque principales, vel æque secundariæ, cum omnes per se ad restitutionem teneantur, putat Concina condonationem uni factam alios non liberare. Verum & hic quoque distinctio opus est. Nam si omnes in solidum, & integre tenentur ad illati damni reparationem; tunc puto condonationem uni factam omnibus prodesse. Hæc etenim condonatio locum habet, & vicem supplet restitutionis. Porro si ille, cui fit condonatio, pervera damnum reparasset, profecto ceteri omnes a restitutione forent immunes: non enim duplum accipere debet, qui damnum passus est, & solum indemnem servare deberent, qui restituit. Ita igitur pari pacto, quando condonatio integra debiti est uni concessa, jam sublatum est omnino onus restitutionis, non solum respectu petentis condonationem, sed & aliorum, cum nemo amplius teneatur restituere. At si restitutio fit non integre ab omnibus, sed per partes facienda, tunc condonatio uni facta alios non liberat; cum possit damnum passus uni quidem remittere, alteri vero nolle condonare.

CONSECTARIUM SEXTUM.

VI. Condonatio virtualis non est de facili admittenda. Plures Theologi censent debitorem ab alieno ære liberari, non solum expressa creditoris condonatione, sed quandoque virtuali & tacita, quæ tunc habetur; quando prudenter præsumitur, creditorem rogatum libenter condonaturum debitum; vel quando debiti sibi alias comperti solutionem non urget, quam facile exigere possit, & obtinere, si vellet. Sic parentes virtualiter condonare censentur restitutionem rerum domesticarum, quas clam filii-familias abstulerunt; sicut & domini condonant famulis lucra ex furtis esculentorum, vel poculentorum, quæ sibi usurpant. Similiter, si dominus servi detecta infidelitate in levioribus furtis, a suo expellit servitio, nullam exigens restitutionem, censetur illa tacite remittere, cum facile posset exigere. At, licet hæc fortassis aliquando vera sint, caute tamen est hæc adhibenda doctrina, quæ alæ plena est, & periculi, & satis dubia. Quamobrem, quod tutius est amplectendo, vel petenda est condonatio, vel illatum damnum faciendum. Multo minus nimium dilataranda, præsertim ad militiæ duces, qui cum statum militum numerum non habeant completum, tamen omnia stipendia accipiunt, arbitantes ea, quæ superabundant, a Principe, vel Republica sibi condonari; quod certe falsissimum est, & iniquum, nulloque modo a Sacramenti Pœnitentiæ ministro tolerandum.

CONSECTARIUM SEPTIMUM.

VII. A restitutione non liberatur debitor, qui vel restitutionis faciendæ immemor, vel ad eam minime attendens,

dens, æqualem debito summam creditori suo liberaliter elargitur. Veritas hujus doctrinæ ex eo manifeste patet, quia confundenda non sunt officia liberalitatis, & justitiæ. Porro, qui gratuito donat, liberalitatem exercet, non justitiæ implet munia. Adhuc igitur gravatur onere restitutionis faciendæ, cum justitiæ præceptum urgeat adhuc, quod profecto per gratuitam donationem minime implevit. Quamobrem donatarius adhuc solutionem sui crediti urgere posset, & ab omni æquo judice debitor ad solvendum cogeretur. Nec obstat, quod si vel debiti sui meminisset, vel illud animadvertisset, minime liberaliter donasset, Nam hoc licet fortasse verum sit, pender enim a voluntate donantis; non tamen attendendum est, quid eo in casu præstitisset, sed quid revera fecerit. Porro non debitum solvit, sed liberaliter donavit. Adhuc igitur ad restitutionem obstringitur: a qua tamen liber censendus esset, si ea mente, & animo præstitisset largitionem, ut per eam, si quid ex justitia deberet, pro soluto haberetur; vel si in conscientiam foro occultæ obnoxius restitutioni, & famæ suæ consulens, largiri simularet, quod ex justitia reddere teneretur.

CONSECTARIUM OCTAVUM.

VIII. Debita incerta extinguere etiam possunt per compositionem concessam a Summo Pontifice, vel per Bullam Cruciatæ, vel alio legitimo, & æquivalenti modo. Et quidem sermo est de debitis incertis, nimirum quorum creditores facta per debitorem pro ratione debiti solerti diligentia inveniri non possunt; quamobrem restitutio esset vel pauperibus, vel in publicam utilitatem facienda. Porro hæc debita quomodo

per compositionem extinguere possint, egregie docet Sotus noster de just. & jur. quæst. 4. cujus verba, & doctrinam libenter exscribo, utpote a sapiente, & prudentissima mente productam. Sic itaque scribit ille: „Nulla videretur esse „ambigendi ratio, quin, si legitima „ad sit causa, possit Summus Pontifex „ejusmodi compositiones facere; quantum „doquidem jure naturæ, ut dictum „est, illa bona sunt Reipublicæ, quæ „tunc in tali casu illis indiger. Quia „vero, ut proxime insinuaui, quantum „de Reipublicæ necessitas esset aperta „tissima, Rex quoque forte posset id „facere; tamen quia Summus Pontifex „justior est elemosynarum judex, „neque causa ita semper est evidens, „ille adeundus est, cujus auctoritate „id fiat. Quod si quis urgeat, ignotum „creditorum forsitan non consentire „id negatur: immo consentire videntur, „quia illa habent pro amissa, „& liberius quisque, ac gratantius „contribuet centum, quæ pro perditis „omnino ducit, quam quatuor quæ „habet in crumena; & quamvis non „consentirent, Respublica id potest „facere. Sed rursus arguis, quamvis „illa Papa colligere possit, qui tamen „habet facultatem remittendi partem? „Respondetur, quod tanquam legitimus „jam tunc bonorum administrator „propter ingentem instantemque „publicam necessitatem, ut facilius „expeditique fiat collectio, potest „partem condonare, ut reliquum solvatur. Hæcenus de jure. De facto „enim, & executionis modo nihil loquimur. Equitas tamen juris hujus hæc est, ut per hujusmodi compositiones tanta conficeretur pecunia publica, quæ vel alia tributa, vel bona „eorum partem posset excusare; „idque

„ idque sic fieret, ut non offerretur
 „ iniquis suæ iniquitatis ansa; & tamen
 „ ex centum & quinquaginta argenteis,
 „ quæ Reipublicæ, & pauperibus de-
 „ bentur, tantum colligere duo, ac
 „ remittere reliqua plus detrimenti af-
 „ fert pauperibus, quorum Papa est
 „ Pater, Rexque Patronus, quam
 „ emolumenti in bonum publicum con-
 „ ferat. Præterea præsentissimum crea-
 „ tur periculum istis coemptoribus, &
 „ rectoribus, ut hujus fiducia nihili
 „ faciant quocumque passim defrauda-
 „ re; atque idem periculum sit inde
 „ præsentius, quod certi sunt tertio
 „ quoque anno ejusmodi indulgentias
 „ proventuras. . . . Sed tamen, post-
 „ quam jus probavimus, admonere sub-
 „ vinde cogimur fraudatores istos pu-
 „ blicos, coemptores, inquam, & ne-
 „ gotiatores, ne fiducia hujusmodi im-
 „ modicæ remissionis freti contrahere
 „ pergant fraudibus æs alienum, quod
 „ si fecerint, restituere non tardent.
 „ Nam qui propositum non habet re-
 „stituendi, quousque veniat indulgen-
 „ tia, in peccato mortali se sciat per-
 „ sistere; quoniam habita restituendi
 „ opportunitate per nullum tempus li-
 „ cet alienum retinere“. Hæcenus
 doctissimus Theologus.

REFLEXIO.

Heu quanta abundant in mundo fur-
 ta, rapinæ, iniustitiæ, alienarum re-
 rum direptiones, usurpationes, frau-
 des, doli! & heu quam paucæ, quam
 nullæ restitutiones! Quor sunt Zachæi
 peccatoris imitatores, qui fraudibus,
 & iniquitatibus divitias sibi comparant,
 & divites sunt! at quam pauci Zachæi
 penitentis sectatores, qui reddant il-
 lia, quos fraudarunt, non quadruplum

sed simplum! Conqueruntur pene om-
 nes, nullam in negotiatoribus fidem,
 sed lucri studium, & quidem non quod
 iustitia regat, sed quod vastrities, doli,
 fraudes agglomerant; a tribunalibus,
 & iudicibus æquitatem exulare, ubi re-
 gina sedere deberet, & solum aurum
 dominari, & iudiciâ extorquere, & ad
 eam lancis partem pendere sententiam,
 quam pecunia, & munera premunt,
 & inclinant. Quor usurarum pallia in
 contractibus! quanta pecuniarum co-
 pia mutuo accepta! quor fideiustores
 precibus, lacrymis, & promissis ad
 fideiubendum moti pecuniam solvere
 coguntur! & tamen ubi sunt mercato-
 res, Zachæi penitentis vestigia se-
 quentes, qui male parta restituant,
 iudices, qui munerâ reddant, & dano-
 na resarciant, sceneratores, qui usura-
 rum lucrum evolvant, mutuatariis mu-
 tuum redcentes, principales debitores
 fideiustoribus solutam pro eis pecuniam
 restituentes? Nulli profecto, aut ad-
 modum pauci sunt sicut racemi, qui
 supersunt finita vindemia, & paucæ
 olivæ reliquæ in cacumine oleæ. Lata
 proinde, & spatiosa via, quæ ducit
 ad mortem, & angusta, quæ ducit ad
 vitam. Hi divites illi sunt, de quibus
 Christus Dominus aiebat in Evangelio,
 facilius esse Camelum ingredi per fo-
 ramenum acus, quam illos introire in Re-
 gnum Dei: nisi enim a se sarcinam
 projiciant rapinarum, & rerum aliena-
 rum, quibus onerantur, per angustam
 portam ingredi nequaquam poterunt.
 Unde apposite de Zachæo scriptum Be-
 da: *Eccæ Camelus deposita sarcina per
 foramen acus transit, idest relicto divitiarum
 amore benedictionem dominicæ sus-
 ceptionis accepit. Hac est enim sapiens
 illa stultitia, quam de sycomora Publi-
 canus quasi fructum vitæ legret, rapta
 red-*

reddere, propria relinquere, visibilia contemnere.

At amabo, quænam est in istis avaris hominibus tanta dementiæ causa, ut propter vilem pecuniam, quam injuste detinent, in æternam perire velint, nec attendant ad Christi verba: *Quid prodest homini, si mundum universum lucretur, anima vero sue detrimentum patiat?* Profecto non diffitebor, hoc pessimo avaritiæ vitio tribuendum, quod ita animæ inhæret, ita illi dominatur, ut ab ea divelli vix possit. *Insatiabilis* (inquit Eccles. 4. v. 9.) *oculus cupidi in parte iniquitatis non satiabitur, donec consumat arefaciens animam suam.* Verum dissimulandum non est, Morales Theologos, & Sacros Pœnitentiæ Ministros in causa esse, quandoquidem priores facile a restitutione istos excusant; ut videre est & in propositionibus damnatis, & apud Segnerium in sua Confessarii Instructione, cujus doctrinam & paulo superius, & alibi oppugnavimus, & detestati sumus. Posteriores vero non satis urgent suis pœnitentibus restitutionis necessitatem; sed vel facile promissis, quæ nunquam implentur, credunt, vel avaris hominibus impotentiam restituendi obtenantibus fidem præstant. Oportet igitur, ut Ministri Domini, quasi tuba, vocem suam exaltent, & hisce avaris hominibus inclament, *vel restituendum, vel in æternum arduendum, vel restitutio, vel gebenna.* Ostendant, nullam sibi a Christo datam facultatem rei alienæ condonandæ. Nihil non restituentibus vel Sacramenta prodesse, vel plenarias Indulgentias, vel Jubileum, vel Anni Sancti plenitudinem remissionis. Nullam esse in Ecclesia potestatem concessam a Christo vel Episcopis, vel Patriarchis, vel ipsi Summo suo Vicario

Romano Pontifici, debitum restitutionis relaxandi. Non illis acceptas in aliis confessionibus absolutionem, & remissionem prodesse, si sincera defuit rei alienæ restituendæ voluntas, & animus. Dicant cum S. Gregorio Nazianzeno Or. 40. „ Quid tibi proderit, ita peccati veniam impetrasse, ut tamen, in quem læseris, damnum non faciat, cum tu duplici scelere constrictus tenearis, altero quia scelere, ratis artibus facultates tuas auxisti; altero quia male parvas opes retines? Non credant, non acquiescant, cum restitutionis allegant impotentiam: sed eorum conscientiam excutiant, opera perpendant, & facile invenient non parvam pecuniam consumi in ludis, comestationibus, ebrietatibus, voluptatibus, commodisque minus necessariis; illisque ostendant hæc omnia refecunda omnino, & quod in illis infumitur, esse creditoribus reddendum. Si vero adhuc impotentiam urgeant, eos terreat divino iudicio, in quo suæ impotentis veritatem sustinere cogentur, & ingerant illud Proverbiorum 24. v. 12. *Si dixeris, vires non suppetunt, qui inspektor est cordis, ipse intelliget.* Repetant denique, inculcent, infarciant, aut *restitutio, aut gebenna, aut restitutio, aut sempiterna combustio.* Quod si inveniant post non semel factam restitutionis promissionem adhuc non eam implevisse, omnino denegata absolutione dimittant, & non nisi post peractam reipsa restitutionem imperiantur. Si profecto ita se gerent Ministri Pœnitentiæ, & saluti consulens suæ, & Pœnitentium.

DISSERTATIO II.

DE RESTITUTIONE IN PARTICULARI.

BONA, quibus homo ornari potest, & ab alio spoliari, at tres classes reduci possunt; alia enim sunt bona animæ, alia corporis, alia plane utrique externa, facultates scilicet, quæ extrinsece possidentur; & denique media, ut honor, fama, & existimatio. Verum cum de rebus externis restituendis dixerimus superiori dissertatione, de famæ, ac honoris redintegratione fuse tractaverimus in octavo Decalogi præcepto; hic solum superest, ut de restitutione ob illata damna in rebus vel animæ, vel corporis disputemus.

CAPUT PRIMUM.

De restitutione ob damnum alteri
illatum in bonis spiritualibus,
& supri causa.

DOCTRINA.

- I. Num damna in bonis superioris ordinis sint compensanda pro bona ordinis inferioris.
- II. Argumenta oppositæ doctrinæ solvuntur.
- III. Damnum in bonis supernaturalibus quomodo sarcindum.
- IV. Quomodo in bonis spiritualibus ordinis naturalis damna reparanda.
- V. Ad quid teneatur, qui proximum a Religioso statu amplectendo impedivit.
- VI. Qui Virginem leviter consentientem, vel ultro se tradentem ad suprum, violat, quid teneatur ipsi restituere.
- VII. Quid Parentibus, vel tutoribus.
- VIII. Quid qui Vinum repetitis precibus, blanditiis, & munusculis seduxit.
- IX. Quid si vi, dolo, fraude constupraverit.

X. A quo alendus filius ex supre natus.

DAMNA illata in bonis superioris ordinis aliquando & possunt, & debent sarciri per bona ordinis inferioris. Hæc generalis doctrina præmittenda est, in qua illud adnotandum, non absolute dici, semper bona superioris ordinis posse sarciri, & esse ex iustitia sarcienda, sed solum aliquando; ut excludantur bona spiritualia animæ, quæ nec sarciri possunt, nec qui damnum intulit, ad ea sarcienda, bona inferioris ordinis pro eis tribuendo, ex iustitia tenetur: quia, ut inferius suo loco dicemus, bona mere spiritualia non solum sunt superioris ordinis, sed plane disparati, & diversi; proinde nulla inter illa, & temporalia bona proportio. Nostra autem assertio, quæ a pluribus, & quidem magni nominis Theologis defenditur, Cajetano, Soto, Tapia, Molina, aliisque, ostenditur & auctoritate, & ratione. Exodi 21. v. 22. Statuitur: Si rixati fuerint viri, & percusserit quia mulierem pregnantem.

rem, & abortivum quidem fecerit, sed ipsa vixerit, subiacebit damno, quantum damno, quantum maritus mulieris expetierit, & arbitri judicaverint. Et v. 16. Si percusserit quispiam oculum servi sui, aut ancilla, & luscior eos fecerit, dimittet eos liberos pro oculo quem eruit. Et v. 27. Dentem quoque si excusserit servi, vel ancilla suae, dimittet eos liberos. En satisfactio imperata pro damno illato & in abortivo, & in oculi privatione, & quidem per bona inferioris ordinis, cujusmodi sunt pecunia, & libertas. Accedit & D. Th. qui aperte doctrinam nostram sua auctoritate, & ratione confirmat 2. 2. q. 62. a. 2. ad 1. scribens. In quibus non potest recompenfari aequivalens, sufficit, ut ibi recompenfetur, quod possibile est. . . . Et ideo, quando id, quod est ablatum, non est restituibile per aliquod aequale, debet fieri compensatio, qualis possibilis est; puta cum aliquis alicui abstulit membrum, debet ei recompenfari vel in pecunia, vel in aliquo honore, considerata utriusque personae conditione secundum arbitrium boni viri. Et revera per ablationem bonorum superioris ordinis puta vitae, membrorum, vel famae violatur iustitia, & quidem commutativa, cur eam separare non tenebitur iniquus violator?

II. Contrariae tamen sententiae Patroni opponunt: Bona superioris ordinis non esse pretio, & fortunae bonis aestimabilia; ideo in lege decernitur: *Cum liberi domialis corpus laesum fuerit, iudex computet mercedes praestitas medicis, ceteraque impendia, quae in curatione facta sunt. Praeterea operarum, quibus curavit, vel cariturus est ob id, quod inutilis factus est: cicatricum autem, aut deformitatis nulla fit aestimatio, quia liberum corpus nullam recipit aestimationem.* Immo & in ipsa Dei lege Exod. cap. 21.

v. 18. Si rixati fuerint viri, & percusserit alter pro ximum suum lapide, vel pugno, & ille mortuus non fuerit, sed jacuerit in lecto, si surrexerit, & ambulaverit foris super baculum suum, innocens erit qui percussor, ita tamen ut operas ejus, & impensas in medicos restituat. Verum haec argumenta rem omnino non evincunt, nec a sua probabilioritate nostram sententiam dejiciunt. Nam ad 1. resp. ideo bona superioris ordinis dici non esse pretio aestimabilia, quia nunquam nec in se ipsis reddi possunt, nec ad aequalitatem compenfari; cum tamen sint intra genus bonorum temporalium, aliquam merentur. & accipere debent compensationem; & ut docet S. Th. ab eo, qui damnum intulit, fieri debet compensatio, qualis possibilis est. Quod & docuerat in IV. sent. dist. 15. art. 3. quaestiuicula 2. scribens: *In his quae non possunt ad simile bonum restitui, debet fieri restitutio, qualis possibilis est, secundum arbitrium bonorum: sicut Deo, & parentibus, quia iustum reddere non valemus, sufficit eis reddere, quantum possumus.* Nec obstant leges, quae vel solum exteriora iudicia respiciunt, vel de iusta aestimatione loquuntur, quae membra, & liberum corpus non recipiunt. Hoc enim non impedit, ne alius qualis detur compensatio. In Exodo vero innocens dicitur, non quia nihil revera reddere debeat pro illato damno, sed respectu homicidii, ut explicat hunc locum Iunienus dicens: *Innocens erit, id est immunis a poena talionis, quia censetur mors ex negligentia curationis, vel alia causa contigisse.*

III. Damna in bonis mere spiritualibus supernaturalis, cujusmodi sunt salus animae, gratia sanctificans, virtutes infusae, Sacramenta &c. illa, non sunt bonis inferioris ordinis compen-

da

da ex iustitia, sed ex caritate vel emendanda, vel impedienda. Prima pars postre doctrina aperta est; quia huiusmodi bona, cum sint ordinis plane superioris, nec ullo pretio aestimabilia, obiectum non sunt iustitiae, nec cum bonis inferioris ordinis ullo modo comparanda. Præterea qui temporalia bona surripiunt, id præstant contra voluntatem Domini, eoque invito, & nolente; proinde illi vere injuriam inferunt. At qui alium allicit, vel pertrahit in peccatum, nullam vim illi infert, nullam impunit necessitatem, cum semper, si velit, possit obstitere; proinde proprie nullam infert injuriam, quæ sit ex iustitia compensanda bonis temporalibus. Et revera, ut optime advertit ex Sylvestro Sorus noster, cum *D. Tb. solertissimus omnium scrutator de hoc genere restitutionis suspicam moneat, nullatenus judicavit esse necessarium*. Immo oppositum insinuare videtur 1. 2. q. 73. a. 8. ad 3. ubi dicit: *Spiritualis mortis nullus potest esse alteri causa per se, & sufficiens; quia nullus spiritualiter moritur, nisi propria voluntate peccando*. Altera vero pars est etiam aperta; nam damna spiritualia illata ex caritatis præcepto eo meliori, quo fieri potest, modo sunt reparanda. Hinc qui alterum ad peccatum impulit vi, aut fraude, tenetur veritatem docere, & liberum relinquere, ut resipiscat, & ad bonam redeat mentem. Ideo si quis errores in fide docuit, tenetur palinodiam canere, & quantum poterit, semina iniquitatis sparsa convellere, & præfocare. Pari pacto qui inimicitias exercens cum proximo, alium in eodem crimine sibi sociavit, qui propterea illius causa & ipse inimicitias gerit, tenetur illum liberum relinquere, & ad pacem hortari: & qui

Patuzzi Theol. Mor. Tom. V.

dem duplici titulo, nimirum & quia est causa mali, & quia in causa est, cur alter in malo inimicitiae perseveret. Si quis vero alium sine fraude, & dolo licet consulto, & ex animo in peccatum compulit, quo alter optime novit se coinquinari, & libere se emendare potest, si velit, tenetur generali præcepto correctionis fraternæ, & scandalum tollendi cum a peccato revocare salutaribus monitis, & bonis exemplis. Quisquis vero alios pravo suo exemplo ad peccatum impulit, non tenetur singulos corripere, nec singulos monere; sed satis est, si bonis exemplis, & Christiana vita datum scandalum reparare conetur, & aliquando etiam publica pœnitentia, sine qua Ecclesia notos, & publicos peccatores ad reconciliationem recipere non consuevit. Denique probabilissimam puto Paludani, Adriani, aliorumque antiquorum Theologorum sententiam, qua docent, omnem, qui alium in peccatum induxit, præsertim verbis, suasionibus, blanditiis, teneri eo, quo potest, convenienti modo in Dei gratiam revocare, illum ad resipiscendam hortando, emendationem suadendo, orationibus adjuvando, & pro posse ad bonam frugem reducendo; dummodo tamen & spes fructus appareat; & ipse nullum subeat damni spiritualis periculum: non enim prudentis Confessarii esset pœnitentem, qui cum meretrice, vel alia perversa muliere in sordibus jacente crimen lividinosum commisit, hortari, ut eam adeat correctionis gratia, & emendationem suadeat; nam præsens periculum adesset, ne rursus laberetur in crimen.

IV. Sunt & alia bona spiritualia, sed ordinis naturalia, ut sunt intellectus, artes, studia litterarum, & similia; & B b b b dam;

damna in his illata ex iustitia commutante, eo, quo possunt, modo sunt compensanda. Ratio aperta est: quia licet spiritualia sint, quia in potentia spirituali resident; sunt tamen simpliciter temporalia, & per restitutionem reparanda. Ita si quis proximum virulentis pharmacis a sana mente dimovit, vel debilitavit, tenetur ad expensas pro ejus curatione, & ad damna inde secuta larcienda, & illatam injuriam compensare. Pari pacto, qui alium per vim, & fraudem vel a literarum studio, vel a suæ artis etiam liberalis exercitio avocavit, tenetur damnum ad arbitrium prudentum restituere; & qui maleficio aliquem infecit, & ad sibi noxia faciendam induxit, nedum maleficio tollere tænetur, sed & mala ex eodem progenita omnino compensare. Si vero alium in errorem induxit practicum, puta docendo aliquem contractum non esse usurarium, qui revera usurarius est, si hoc bona præstita fide, & ipse errans, putans licere contractum, vel actionem non esse malam, ad restitutionem non tenebitur, sed solum ad datum consilium revocandum juxta ea, quæ diximus cap. 13. ad quod Lectores remitto: si vero ex dolo, & fraude, non solum errorem corrigere, & veritatem docere, sed & damna illata reparare.

V. Hinc inquit Theologi, num ad restitutionem teneatur, qui aliquem a Religio statu amplectendo est dehortatus, vel impedit. Et primo quidem omnes communiter docent, nec illum peccare, nec esse restitutioni obnoxium, qui iusta de causa alium a Religioso statu amplectendo vel dehortatur, vel impedit; puta quia sinceram, & legitimam non esse novit ejus vocationem; vel quia ineptum ad Re-

ligionem putat; vel quia in Exnobio, aut Religione, quam amplecti statuit, nec regularis viger observantia, nec vita communis, nec claustralis disciplina servatur. Nam hoc pacto non solum nullum inferi proximo damnum, vel Religioni, sed immo beneficium confert, & quod utile, justum, honestum est, suadet. 2. Qui pravo animo, sed solum suasionibus, adhortationibus, precibus a proposito Religionis amplectendæ revocat, vel impedit, licet graviter peccet, non tamen est restitutioni obnoxius, vel personæ, vel Religioni faciendæ ex iustitiæ commutativæ rigore, sed ex caritatis lege; & correctionis fraternæ tenetur ab impedimento cessare. Et quidem illum gravissime peccare manifestum est; nam spirituale bonum proximi impedit, & quidem ex pravo animo, vel inordinato affectu. Quamobrem, si de virgine, & muliere agatur, anathemate per Concilium Tridentinum sess. 25. de Regularibus, & Monialibus cap. 18. fertur his verbis: *Anathemati subjicit Sanctæ Synodus eos, qui sanctarum virginum, vel aliarum mulierum voluntatem vel accipiendi, vel voti emittendi quoquo modo sine justa causa impederint*. At nulli esse obnoxium restitutioni hæc argumenta suadent. Non ipsi candidato, cui nullam vim inferi, nulla fraude, nullo dolo decipit, sed solum suadet, quod ille libere rejicere potest; proinde nullam ei irrogat injuriam, cum semper possit, si velit, contemptis precibus, & suasionibus religiosum statum amplecti, a quo sua sponte, & voluntate recedit. Non Religioni, quia, ut docet Sylvius 2. 2. q. 62. art. 1. ante legitimam vororum emissionem Religio non habet jus ad personas, etiam si ipsæ voto simplici se obstrinxissent; & præterea,

terea, si quod jus illi tribuitur, semper tamen omnino dependet a libera voluntate personæ, quæ potest pro libito a suo proposito recedere; quæ proinde cum alienis precibus, & suasionibus jam mentem mutaverit, omne cessat in Religione jus ad illam. Tenetur tamen ex caritate & pravum animum deponere, & impedimenta remove-
 re, & ipsum contrariis abhorratio-
 nibus suadere, ut Religionem ample-
 ctatur, & adjuvare etiam, non qui-
 dem pecunia, sed precibus, & com-
 mendatione, ut ad Religionem reci-
 piatur. 3. Si vero dolo, fraude, mi-
 nis violenter aliquem idoneum, & le-
 gitime vocatum a Religioso statu am-
 plectendo impedit, ad aliquam tum
 ipsi, tum Religioni restitutionem teneri
 probabilius puto contra Sotum nostrum
 sic lib. 4. de iust. & iur. scribentem
 q. 6. *Si quis alium vel minis, vel frau-*
di- bus seu retraxerit, seu extraxerit a
vita Monastica, utpote dicendo, non esse
bonam, ille, qui contra iustitiam fecit,
involuntarium hominem pervertendo tene-
tur, fateor, detesta fraude veritatem
docere, & vim amovere, ut libere possit
redire, teneturque forsitan propter illam
injuriam procurare, ut iterum in Conven-
tum recipiatur. Si tamen non redit,
nullum superest restituendi ligamen. Hæc
 tamen ligamen superesse, hæc mihi
 validissima suadere argumenta viden-
 tur. Et primo quidem erga personam,
 cui fatente ipso Soto, injuriam intulit,
 quæ profecto sarcinda est, præsertim
 si temporali bono privavit, puta quia
 impedit Religionem ingredi, quando
 a benefactore ea suppeditabantur, quæ
 ad ingressum necessaria sunt, quæ mo-
 do illi cessant, licet velit ingredi: in
 hocce enim casu non solum veritatem
 docere, & vim illatam remove-
 re de-

bet, sed & ea suppeditare, quæ illi
 sunt ad ingressum in Religionem ne-
 cessaria, & quæ ne illo opportuna
 tempore haberet, injuste, & vi, seu
 violentia impedit; & sine tali resti-
 tutione nunquam veram eam, personam
 fraude, aut dolo deceptam, vel vi
 impeditam in pristinum statum restitui.
 Respectu vero Religionis ad aliquam
 restitutionem teneri puto; quia licet
 Religio jus non habeat in personas ante
 votorum emissionem; jus tamen habet,
 ne fraude, & dolo impediatur perso-
 næ ad Religiosum statum capeffendum,
 vel in eo perseverandum, si amplexe
 sint: sicut qui fraude, & dolo impe-
 dit, ne alius per testamentum, vel do-
 nationem bonum aliquod illi ex alterius
 voluntate designatum consequatur, ad
 reparandum damnum tenetur. Dixi
 tamen ad aliquam restitutionem teneri;
 tum quia quantum utrique damnum il-
 latum sit, cognosci certo non potest;
 tum quia hic locum habet duplex S.
 Th. doctrina. Alia generalis hic q. 62.
 a. 4. qua docet: *Qui damnificat aliquem*
impediendo, ne adipiscatur quod erat in
via habendi. & tale damnum non oportet
recompensare ex aquo... tenetur tamen
 ad aliquam recompensationem secundum
 conditionem personarum, & negotiorum.
 Alia particularis de Beneficiis a. 2.
 ad 4. scribens: *Qui impedit, ne præ-*
benda detur digno, antequam sit firma-
tum, quod ei detur, tenetur quidem ad
aliquam compensationem pensatis circum-
stantiis personarum, & negotii secundum
arbitrium sapientis, non tamen tenetur ad
equale, quia illam nondum fuerat adeptus,
& poterat multipliciter impediri.
 4. Denique qui Religiosum jam per pro-
 fessionem Religioni additum, & ipsi
 utilem, & frugi ab ipsa abstrixit, &
 quoddammodo eripuit, tenetur de dam-
 no

no illato, non quidem ad integrum, sed prudentum arbitrio: ut si quis aliquis cathedræ moderatorem vel fraude dementaret, vel vi descendere cogeret, & illi abrenuntiare, de damno illato, & lucro illi cessante teneretur. Pari igitur pacto & hic Plagiarius Religioni, ac ipsi Religioso restituere teneretur. Hec sunt, quæ mihi hæc de re & probabiliora videntur. & magis iustitiæ, & rationi consona.

VI. Ad animi ornamenta, sicut & ad corporis integritatem spectat in mulieribus ipsa virginitas, quæ licet inter spiritualia bona connumerari merito possit, tamen exploratum certumque est, & inter temporalia esse annumerandam, quæ proinde, & facienda sit, & etiam ad æqualitatem solum in humano iudicio fæceri potest. Inquirendum igitur est, ad quid reddendum teneatur suprador, qui virginem defloravit. Et primo quidem, si virgo nec vi, nec fraude, nec importunis precibus, aut alio modo sollicitata, sed vel petenti consentiat, vel multo magis se ultro supradori exhibeat (non enim ratæ sunt nostris hæc temporibus virgines adeo satuæ, & impudentes, quibus virginitas ipsa sit oneri) ad nullam restitutionem tenetur: nam volenti, & consentienti nulla sit injuria; & si quod damnum sive in fama, sive in merito difficultius inveniendo incurrant, suæ tribuant vel levitati, vel impudentiæ. Veritatem hujus doctrinæ & agnoscit, & admittit P. Concina. Verum eam caritate temperare nititur, admonens Confessarios, ut cauti sint, & ne hujusmodi defloratores absolvant, nisi prius virginibus defloratis providerint. Quod consilium quidem caritati consentaneum agnosco, & scandalo averruncando idoneum, at minime a iustitiâ

progrediens, & non semper a caritate sub lethali præcepto impositum. Dum vero asserit, *raro virginem reperiri, quæ suam prodigat virginitatem nulla spe illæsa, nullis blanditiis, vel munusculis seducta*, a præsentī controversiæ longe abest, ubi agimus de virgine, vel sponte consentiente, vel etiam supratorem invitante. Præterquamquod virgo, quæ levibus blanditiis, quæ tenui munusculo cedit, jam statim ostendit se virginitatem fœcici facere, & pro vili habere. Dum vero subdit: *Si quæ est tanta percita libidine, & dementia, ut ipsa virum aggrediatur, tunc vir illius stultitia commoveri, & a tanto naufragio eam subducere debet*. Debet utique, at quo titulo? iustitiæ? minime: solum igitur caritatis, & quidem in tanto tentationis anfractu eximie, & heroicæ, quæ proinde debitum restitutionis ex iustitiâ inferre non debet. Addit, *si ambo eodem furore abriperentur, & pereant, ambo se adjuvare tenentur, ut in tuto se collocent, aut matrimonii vinculo, aut pecuniæ beneficio*. Utique admitto, ambos se adjuvare teneri; at non video, cur ad alium portum confugere nequeant vel matrimonii, vel solutionis. Sibi enim invicem satis consulunt, si ab invicem descendunt, si abrupto ipso commercio de admissio scelere pœnitentiam agant; quin alter ex iustitiâ pecuniam rependere debeat. Quæ quidem a me dicta sunt, non ut tanto viro quod optimum, quod utrique salutare est, suadenti obstitam; sed solum ut limites iustitiæ a finibus caritatis disjunctos ostendam, & quid iustitiâ in his circumstantiis imperet, & quid caritas suggerat, & consulat, ob oculos tyronum ponam.

VII. Quod si ipsi virgini supro violatæ, & sponte consentienti, vel se

oſc-

se offerenti nihil ex iustitia debet fluprator, num saltem parentibus, & tutoribus virginis restituere debeat, inquirendum est. Et quidem ad satisfactionem aliquem exhibendam illis teneri non ambigo, & libenter cum S. Antonino concedo, ex iustitia teneri patri (ut ipse scribit par. 1. tit. 1. cap. 6. §. 1. *quia injuriosus est ei, unde in aliquo satisfaciat, vel saltem eum placet*: at propter hoc vel pecuniam solvere, vel dotem augere, non semper ex iustitia teneri puto; nisi forte crimen occultum per ipsum stupratorem publicum fiat cum ignominia, & infamia tum virginis, tum parentum, ut in Confessariis dicemus. At, si crimen publicum fiat alio pacto vel imprudentia parentum, aut tutoris, vel pragnatione, vel partu, non video, cur totum onus refarciendi damna exinde fortassis consurgentia, nimirum quod puella vel nubere non possit, vel dos sit augenda, in stupratorem rejici debeat. Nam hocce detrimentum non minus ex ipsa virgine vel consentiente, vel sollicitante provenit; quæ proinde sibi debet suum imputare detrimentum, quod prævidere poterat, & tenebatur. Injuria quoque parentibus illata major est in ipsa puella, quæ non solum honestatem, sed & pietatem erga parentes violavit, & quæ tamen ex sua iniquitate lucrum reportat, scilicet abundantiorē dotem, ut isti Theologi volunt. Jus denique custodiæ, quod parentibus competit, ab ipsa virgine violatum fuit, & quidem vel sponte, vel ob levem impulsū. At quænam, amabo, dicenda est adhibita puellæ custodia, quæ tam facile vel se corrumpti passa est, vel corruptorem ipsa ascivit? Frequentius itaque puto officijs, & beneficiis, non pecuniæ solutione hujusmodi injuriis satisfieri, ut docet S. Antoninus.

VIII. Qui virginem seduxit, & ad stuprum pertraxit vel repetitis precibus, vel multiplicatis munusculis, vel promissis alicujus momenti, licet matrimonij inveniendi pollicitationem non continerent, ei restituere tenetur, vel in uxorem ducendo, vel dotando. Sunt, qui hanc doctrinam limitant ad preces importunas, & molestas blanditias, præsertim ab homine idoneo ad reverentialem merum incutiendum. Verum probabilius puro, hanc non admittendam limitationem, & onus restitutionis urgere, si preces repetitæ sint, licet non nimium molestæ, & a viro potente emissæ, & blanditiæ quoque, licet repetitæ non sint: tamen adeo importunæ, & assidue, ut violentiæ æquivalent. Et revera nihil aptum magis ad virginem seducendam, quam repetitæ preces, quæ animos sēdunt, & assidue blanditiæ, quæ alliciunt, & munera, quæ rapiunt animum, & de quibus dicitur Exodi 23. v. 8. *Quæ excoecant prudentes, & subvertunt verba iustorum*. Quamobrem hisce tractus famulis, & dementatis præstigijs, difficile admodum est, ut obstat debilis infirmusque sexus: proinde ab onere restitutionis hujusmodi deceptorem liberare non ausim. Restitutionem vero esse faciendam vel matrimonio cum puella, vel danto dotem, probat S. Thom. ex Scriptura scribens 2. 2. q. 154. a. 1. ad 3. „Stuprum habet duplicem annexam injuriam, unam quidem ex parte virginis, quam est, non vi corrumptat, tamen eam seducit, & sic tenetur ei satisfacere. Unde dicitur Exod. 22. v. 16. *Si seduxerit quis virginem nondum desponsatam, dormieritque cum ea, dotabit eam, & habebit uxorem*. Si autem

„ pater

„ pater virginis dare noluerit , reddet
 „ pecuniam juxta modum dotis , quam
 „ virgines accipere consueverunt . Aliam
 „ vero injuriam facit patri puellæ ; unde
 „ de & ei secundum legem tenetur ad
 „ pœnam . Dicitur enim Deuter. 22.
 „ v. 28. Si invenerit vir puellam virgi-
 „ nem , quæ non habet sponsum , & ap-
 „ prebendens concubuerit cum illa , & res
 „ ad judicem venerit : dabit , qui dor-
 „ miuit cum ea , patri puellæ quinquaginta
 „ siclos argenti , & habebit eam
 „ uxorem , quia humiliavit illam : non
 „ poterit dimittere eam cunctis diebus
 „ vitæ suæ , & ideo ne videatur ludibrium
 „ fecisse , ut Augustinus dicit “ .
 Et quidem in uxorem ducere tenebitur,
 quando per dotem non satisficit decori
 puellæ ; & qui eam humiliavit , nullum
 majus patitur damnum præter necessi-
 tatem talis conjugii . Si vero & satisficit
 decori , & famæ puellæ eam dotando ,
 vel deflorator magnum damnum subire
 debeat , eam sibi matrimonio copulando ,
 satis erit dotem augere , & parentibus
 satisfacere , vel veniam petendo ,
 vel beneficiis honestando , vel etiam
 pecunia , præsertim si pauperes sint .
 Sunt itaque attendendæ circumstantiæ
 puellæ stupratæ , & stupratoris , ut inferius
 dicemus .

IX. Qui virginem vero vel vi , vel
 minis oppressit , vel uxorem ducere debet ,
 etiam sine dote , & licet ipse detrimentum
 aliquod pariat , quia conditione superior ,
 mulier vero inferiori , eum hoc postulat
 gravitas injuriæ virginis illatæ : vel eam
 ita abunde dotare , ut æqualem omnino
 nanciscatur gradum , conditionem , & statum ,
 ac si talem ignominiam passa non fuisset .
 Hinc alere , & de necessariis providere
 tenetur , si forte parentes , vel qui illius
 curam habent , domo pellant , vel

a se abjiciant , vel illatam violentiam non
 credentes , vel dedecori sibi vertentes eam
 penes se retinere recusent ; cum hujus
 detrimenti , quod illa innocens subit ,
 violentus stuprator in causa sit . Denique
 ipsis Parentibus , Tutoribus , vel
 Curatoribus satisfacere , & eos omni
 meliori modo pro gravi injuria illata
 placare tenetur .

X. Si vero dolo , & matrimonii promissione
 virginem seductam violet , fidem matrimonii ,
 sive vere , sive fide dederit , eam in
 uxorem accipiendo , tenetur implere , si
 sponfor sit vel æqualis , vel melioris
 conditionis ; nec sufficit eam dotare . Ita
 docet S. Thom. in IV. dist. 28. q. 1. art. 2. ad 4. scribens :
 „ Qui virginem defloravit sub specie
 „ matrimonii , tenetur eam ducere , si sint
 „ æqualis conditionis , vel si sponsa sit
 „ melioris conditionis “ . Et ratio ipsa
 satis veritatem hujus doctrinæ ostendit .
 Quandoquidem iustitia commutativa postulat ,
 non solum ut reddatur æquale , sed illud
 idem , quod promissum est : qui enim furatus
 est equum , non equi pretium , sed ipsum
 equum , si potest , restituat oportet , non
 enim alterum pro altero creditore invito
 reddi potest . Porro seductor non dotem , sed
 matrimonium promittit : hoc igitur reddere
 debet , nec sufficiet dotare . Quod profecto
 verum est , licet non vere , sed fide
 promiserit ; non solum quia fraus , &
 dolus nemini facere debet ; sed etiam
 quia hoc postulat ipsa fidei consensus
 deceptio : nam licet violatæ virginis
 damnum pecunia , & dote sarciri possit
 etiam , si lubet , ad æqualitatem ; injuria
 tamen , & deceptio fidei consensus nunquam
 æque compensabitur , nisi ablatione
 inquit doli , & appositione veri consensus .
 Tenetur igitur & verum consensus

sum apponere, & pactum matrimonium celebrare.

XI. Si ex stupro nascatur proles, 1. certum est utrumque parentem teneri ad eam alendam, altero vel nolente, vel non valente: cum jus naturæ parentes ad alendam prolem simul & in solidum obstringat. 2. Si vir vi, dolo, fraude puellam, vel viduam ad copulam induxit, tenerur ad expensas partus solvendas, damnaorum reparationem præstandam, & puerum alendum, quandiu ineptus est ad alimenta sibi comparanda. 3. Si vero virgine, vel vidua consentiente crimen admittatur, mater illegitimæ proles ad eam alendam tenerur solum usque in annum tertium completum, detaceps vero pater, & quidem donec proles sibi prospicere valeat, & victum comparare. Quod si hospitali alenda tradatur proles, tenerur, si in bonis sint, & paupertate non premantur, pium locum ab impensis indemnem servare, & tantum solvere, quantum expenditur in ejus alimonia, ut alibi diximus de 4. Decalogi Præcepto cap. 7.

CAPUT SECUNDUM.

CONSECTARIA PRÆCEDENTIS
DOCTRINÆ.

- I.** Quid restituere debent artium Magistri.
- II.** Non tenerur Religionem ingredi, qui alium ab ingressu dimovit.
- III.** & **IV.** Quando stuprator teneatur seductam virginem sibi ducere in uxorem.
- V.** Quando obsequendum sententiæ judicis ad matrimonium, vel dotationem stupratorem damnantis.
- VI.** Quando stuprator liber sit ab onere matrimonii promissi.
- VII.** Quando tenerur, licet nullum intercesserit stuprum.

VIII. Quod de virgine dictum est, etiam bene esse mulieri aptandum.

CONSECTARIUM PRIMUM.

I. **R**ESTITUTIONI obnoxii sunt, qui vel ex officio etiam gratie assumpto, vel stipendio, & mercedo conducti ad scientias, vel artem aliquam edocendam, negligenter onus suum implent, & discipulorum profectum impediunt; multoque magis, si prave, & perverse erudiant. Et quidem ex iustitia illos ad restitutionem teneri manifestum est; quia licet scientiæ, & artes ad animum perficiendum ordinentur, inserviunt tamen & ad bona temporalia obtinenda. Quamobrem qui vel negligenter, vel perverse docet, damnum iniuste infert proximo, ad quod reparandum tenerur; & si male docuit, ad suam corrigendam doctrinam, vel instructionem; alioquin non solum ad sarcinendum damnum, quod discipulo intulit, tenebitur; sed & ad illa omnia, quæ discipulus ex perversa doctrina a iis inferret. Summa itaque salutis prospiciant Magistri, & Præceptores puerorum, & adolescentium, qui legere, scribere, Grammaticam, Arithmeticam, Rhetoricam doceant; sicut & artium mechanicarum instructores, si forte in tuis implendis officiis, & muneribus negligentes fuerint: tenerur enim eam stipendii partem restituere suæ pigritiæ, negligentique respondens; & si quod inde consecutum est, damnum reparare.

CONSECTARIUM SECUNDUM.

II. Qui alium a Religioso amplectendo statu impedivit, licet ille dolo, & fraude fecerit, ad damnum reparandum ipse Religionem ingredi non adstringitur. Non defuerunt præfatum inter

ter antiquiores Theologi, qui hunc criminofum obstringunt vel alterum loco ejus quem a Religione ingreffu impeditur, fubrogate, fuadendo illi Religionis ingreffum, vel eandem ipfum intrare. Et ita quidem fentiunt Paludanus diff. 4. art. 4. q. 2. S. Antoninus II. P. tit. 2. cap. 2. Adrianus, Major, alique: licet fuam limirent doctrinam, folum quando aliquis odio, vel malo animo contra Ordinem illum, quem alius ingredi volebat, ab eo abducat; fecus vero, fi folum ex amicitia, vel inordinato amore erga amicum, vel ex commiferatione erga parentes moveatur. Verum nunquam ipfum obstringi vel ad alteri fuadendum ingreffum, vel ad ingrediendum, quæ fequuntur, momenta mihi luculenter fuadere videntur. 1. Confilium de Religiofo ftatu amplectendo nemo amplecti teneretur, nifi libera omnino voluntate, & lubentia animo: nullo itaque metu, vel in patrati delicti pœnam cogi potes ingredi Religionem, dicente Chriſto: *Si vis perfectus eſſe, vade, & vende omnia, & da pauperibus, & ſequere me*. Solum igitur perfectionis deſiderium, & ardens caritas impellere poteſt ad perfectionis ſtatum amplectendum. 2. Nec ſolum ingredi Religionem teneretur, ſed & in ea proſiteri. At ſi Religionem ingreſſus, eam ſibi non congruere deprehenderit, nunquid adhuc invitus, & nolens proſiteri compelleretur? Minime. Statutis enim Eccleſiæ cautum eſt, ut nemo profeſſionem emitat, niſi poſt annum probationis, in quo experiatur, quid valeat animus, & quid ferre reſufer. 3. Canonice leges aliquando hæreſarchas, ſeditioſos, ſchiſmaticos, adulteros in archiſſimum Cœnobium deſtruxerunt, verum ad profeſſionem emitendam minime coegerunt: quod iuri-

ſe oſtendit ad Religioſum ſtatum amplectendum nullum, ne quidem ex graviffimo delicto, cogi poſſe. Nec urgent, quæ opponunt argumenta. Nimirum 1. in Jure Canonico cap. *Si ſervus* 1. juberi Epifcopo ordinanti ſervum, vel neſciente, vel invito ejus domino, duplicem reddere. 2. Hæ obligatione ſe teneri putavit S. Raymundus, qui ea de cauſa Ordinem noſtrum ingreſſus dicitur. Nam non eſt idem judicium ferendum, & de ſervo, & de Monacho, nam mancipium in ipſius domini utilitatem, ſicût ceteræ res ab ipſo poſſidentur, & eſt veluti pars temporalium bonorum quæ poſſideri; at Religioſi, qui divino ſe mancipant obſequio, licet Religioni archiſſimis votorum vinculis obligentur, minime tamen poſſidentur, ut ſervi, ob temporale Superiorum, vel Communitatæ commodum, ſed ob ſuam ſpirituale bonum & in animæ ſuæ ſalutem. Si vero Raymundus non ad quid teneretur, attendens, ſed quid Deo gratum, ſibi que utiliſſimum eſſet, proſpiciens, conſilium Evangelii ſecutus, Religioſum ſtatum amplexus eſt, in quo divino favente auxilio adeo profeſcit, ut inter Sanctos coli promeruerit.

CONSECTARIUM TERTIUM.

III. Si puella ſpe matrimonii ſeducſa Ruptorem admiſſit, & poſtea matrimonium reſpuat, eam dorare non tenetur Ruptor, ſecus vero, ſi parentes, & quidem juſte dote reſcuent. Et quidem primæ partis veritas ex eo manifeſta eſt, quia contrahens ad contractus ſtatutas conditiones ſolum cogi poteſt, non vero ad alias. Porro pactum fuit de matrimonio contrahendo, ad quod implendum deſolator paratus eſt.

Ad

Ad hoc igitur solum tenetur. Quod si sponsa matrimonium respuat, sibi imputare debet, non defloratori: nec ab ipso dotem poterit extorquere. Altera vero pars, licet contradictione non careat, mihi tamen probabilior apparet hisce momentis. Puella vere injuriam passa est, quæ ex justitiæ debito est facienda. Porro licet de matrimonio convenerit, cum tamen per ipsam non fiat, ut non fiat, sed a parentibus impediatur, & fortassis iuste, quia nimirum vel stuprator homo est vitii coinquatus, vel vilioris conditionis; non per hoc ipsa damni reparatione privari debet, quæ omni modo possibili facienda est. Ergo cum fieri non possit matrimonii celebratione, per dotem præstanda est. Ita Juveninus de Restit. cap. 4. §. 6. Quod omnino certum habendum est, etiam respectu puellæ matrimonium respicientis, si stuprator se sinxerit vel nobilem, vel divitem, cum talis revera non sit; unde jure puella accipere, vel ejus parentes in matrimonium dare recusent, nam tunc etiam ex dolo dotare tenetur.

CONSECTARIUM QUARTUM.

IV. Si puella importunis precibus, largis muneribus, fraude, & dolo seducta fuerit, non tamen apposita fide de matrimonio contrahendo, non tenetur stuprator absolute eam ducere in uxorem; sed satis est ita dotare, ut æque bene nubat, ac si violata non fuisset. Verum, si ipsa, ejusque parentes omnem respuant compensationem præter matrimonium; & in illud consentire tenetur, si par sit omnino conditionis, nullumque aliud pariarur stuprator damnum præter ipsum matrimonium. Primæ partis hujus consecrarii, in qua pene omnes consentiunt

Patuzzi Theol. Moral. Tom V.

Doctores, veritas ex eo constat, r. quia injuria illata puellæ, & parentibus, & damnum inde subsequens sarciri æquivalenter possunt pecunia, & tanto dotis incremento quantum sufficit, ut matrimonium sibi conveniens puella talis conditionis inire possit. At si parentes, & ipsa puella omnem aliam respuant compensationem præter matrimonium, probabiliorem judico, quam statui, doctrinam, cui tamen plures adversantur Theologi, quicum matrimonium promissum non sit, putant jure non posse a parentibus, & puella extorqueri ab invito, qui jam alio modo paratus est & ad injuriam illatam, & damnum subsequens sarcendum ad æqualitatem. Nam, qui oppositum sustinent cum Azorio, optime animadvertunt, injuriam illatam, & honorem ac honestatem puellæ non æque compensari pecunia: & nunquam tam integre reddi dotatione, quam matrimonio. Et revera in judicio semper hujusmodi stupratores ad puellam ab eis viatam in uxorem accipere coguntur, & solum dotationem præcipiunt Judices quando haberi non potest matrimonium. Immo in ipsa Scriptura tum Exod. 22. tum Deuter. 22. semper matrimonium indicitur cum puella deflorata, & quidem indissolubile per libellum repudii; & dos tunc sola conceditur quando pater virginis eam dare nolit in matrimonium. Utriusque loci verba recensimus cap. præced. n. 8. Præterea & parentes, & puella satis honeste de causa omnem aliam respuunt satisfactionem præter matrimonium, ne videantur virginitatem, & honestatem pretio vendidisse, quod & in puellæ, & in familiæ dedecus non leve redundat. Dux tamen sunt apponendæ limitationes: Nimirum 1. si crimen præsertim

C c c c

cul-

culpa stupratoris factum sit publicum : nam si violatio puellæ sit omnino occulta , cum cesset publicum dedecus , cessare videtur & onus ipsam ducendi in uxorem ; proinde in iudicio semper matrimonium indicitur , quia publica jam est infamia & familiæ , & puellæ , quam integre non tolli censent iudices , nisi per matrimonium . 2. Si , ut dixi , æqualis ambo sint conditionis , nec maritus subit detrimentum defloratori in matrimonio ineundo ; tunc enim plus redderet , quam abstulisset . Et revera , si ab hoc onere liberantur stupratores , etiam quando sub spe matrimonii virginem seduxerunt , ut inferius dicemus ; multo magis ad hoc opus obstringi non debent , qui sine tali promissione virginem violarunt . Si vero iniquus stuprator vi , & violentia , vel metu mortis intentato virginem omnino reluctantem oppressit , cum huiusmodi crimen capitale sit , nulla satis idonea videtur tantæ injuriæ satisfactio , eam proinde si exposcat sibi matrimonio copulare tenebitur etiam cum aliquo suo detrimento .

CONSECTARIUM QUINTUM .

V. Licet per iudicem cogatur stuprator ad ducendam in uxorem puellam , vel ad eam dorandam , si tamen puella probe noverit se vel sponte petenti consensisse , vel ipsum in crimen pertraxisse , tenetur & matrimonium respuere , & dorem non accipere , nam huiusmodi sententia præsumptione nititur , per quam iudices præsumunt & puellam seductam & virginitate spoliata , quæ cum locum non habeat injustam constituit sententiam iudicis , quam obrem favere puellæ non debet , quæ etiam & litis injustæ intentatæ expensas sarcire debet , & cætera damna reparare . Si vero stu-

prator puellæ volentis , & consentientis stuprator crimen divulget , & infamiam illi creet , quæ proinde nubere amplius non possit juxta suæ conditionis statum ad famam puellæ reparandam , & dorem dandam tenetur , non quidem ratione injuriæ stupro illatæ , quam nullam esse supponimus , sed ob injuriam in criminis vulgatione illatam , quæ puellæ adeo est perniciosa .

CONSECTARIUM SEXTUM .

VI. Qui fide data ineundi matrimonii virginem violavit , non semper tamen datam fidem solvere tenetur ; sed satis erit , si vel dote vel alio modo illatum damnum reparet . Hujus exceptionis a communi regula superioris constituta casus plures a Theologis enumerantur . Et quidem duo a D. Thom. asseruntur in Suppl. q. 46. a. 2. ad 3. & 4. Nimirum primo , si deflorator longe nobilioris conditionis sit , quam virgo deflorata ; puta si vir sit eximie nobilitatis , vel in dignitate constitutus , puella vero abjecta , plebeja , vilis , fabri , vel agricolæ filia . Sic enim scribit D. A. *Ducere in uxorem non tenetur , si sponsus sit multum distantis conditionis , non solum in generis nobilitate , sed & in divitiis ; subdit enim , vel quantum ad nobilitatem , vel quantum ad fortunam .* Hujus autem exceptionis plures assignant rationes Theologi . 1. Quia cum contracta sit puellæ nobilioris sponsi conditio , merito suspicari poterat , & credere ipsum fide promittere , & ad eam seducendam . Et hanc rationem ipse S. Thom. adoptat scribens : *Quia præsumi probabiliter potest ; quod sponsa non fuerit decepta , sed decipi se finxerit .* 2. Quia huiusmodi matrimonia in dedecus redundant familiæ . 3. Quia plerumque ex talibus matrimoniis dissidia oriuntur

inter consanguineos, & non levia etiam scandala. 4. Quia majus esset detrimentum, quod pateretur vir in tali matrimonio, quam damnum amissæ virginitatis in puella: quod incremento dotis sarciri potest. Si vero vir nobilitatem suam oculuisset, & se parem virgini traduxisset ad eam seducendam, adhuc ad eam ducendam minime teneretur; quia puella viri nobilitatem eximiam ignorans non tam eximium matrimonium in pactum deduxit, sed suæ conditioni æquale; quod cum obtinere non possit sine detrimento sponsi, & familiæ dedecore, dote, vel alia iusta compensatione contenta esse debet. Quid, si vir, licet eximie nobilitatis, non valeat tamen ob bonorum inopiam virginem dotare, & læsæ virginitatis damnum sarcire, tenebitur ne tunc saltem sibi matrimonio copulare? Utique: nam cum una ex parte damnum illarum sit, & injuria irrogata, & utrumque sit ex iustitia reparandum; ex altera vero, cum non nisi per matrimonium, licet conditionem puellæ excedens, reparari possit, hujusmodi excessus debitus videtur ad illud præstandum, quo se obstrinxit, quando stuprum admisit, cuius damnum, & injuriam non alio modo se reparare posse noverat, nisi dispari matrimonio. Quod certe verum est, quando hujusmodi matrimonium non nisi sibi facit injuriam, nec rimenda sunt inter consanguineos diffidia, vel magnum inferatur familiæ dedecus.

Altera vero exceptio ex D. Thom. si in matrimonii promissione aliquod signum fraudis evidens fuerit, unde credit possit, sponsum non fuisse decipiam; sed decipi se finxisse. Quænam autem sint hæc fraudis evidentia signa, haud facile est designare; sed ex cir-

cumstantiis personarum sunt a prudente, & cordato viro dignoscenda. Hæc tamen recenseri possunt: si sponsus promissionem suam scripto, vel juramento confirmare recuset; si nullum externum datæ fidei pignus dare velit; si inconflans sit, & aliis puellis promiserit, vel sponsalia cum alia muliere inierit, quæ abrumperet pollicetur; si in promittendo vel ambigua utatur verbis, vel promissioni plures addat exceptiones, & limitationes; si non nisi post longum vel indeterminatum tempus matrimonium promittat, & ut quidam ajebar puellæ quam seducere conabatur promissione matrimonii, ad hoc celebrandum *non metas rerum, nec tempora pono*, & alia hujusmodi.

Addunt tertio loco Theologi, si puella se pro virgine vendidisset, vel sponsus putasset virginem, cum foret corrupta, non teneretur in matrimonium ducere; nam in priori casu illa virum decepit; in posteriori vero iusta adest causa rejiciendi matrimonium, tenetur tamen eam dotare, ut illatam injuriam resarciat: immo si noverit corruptam, & adhuc copulam extorserit promissione matrimonii, tenetur eam ducere; quia jam juri suo cessit, & volenti nulla sit injuria. Ita si post desolationem sub fide matrimonii puella cum alio fornicetur, liber est sponsus ab ea ducenda; at non a dote danda, cum adhuc vere ipsi injuriam per stuprum intulerit. De viro autem vel voto castitatis obstricto, vel cum consanguinea stuprum committente promissione matrimonii, num teneatur dispensationem petere, dicemus in Tract. de Matrimonio.

CONJECTARIUM SEPTIMUM.

VII. Qui ab honesta puella sub spe futuri matrimonii actiones impudicas, oscula &c. extorsit, si sit equalis conditionis, nec ea occurrant impedimenta, quæ a matrimonio celebrando frustratorem absolvant, tenetur fidem datam liberare, eam sibi in matrimonio copulando. Si enim sola celebrata sponsalia ad conjugium urgent, & adstringunt; multo magis si eo obtentu sponsa injuriam passa sit. Si vero iusta de causa a data fide liberanda excusetur, eam solum compensationem puellæ dare debet, quæ illius damna, si quæ passa est, compenset: si vero nullum sit omnino illarum damnum, quia crimen occultum est, & fama virginis integra, non pecuniariam compensationem dare debet, quæ solis convenit meretricibus, nec perceptæ voluptates sunt pretio æstimabiles, sed de dato scandalo veniam petendo, de illa bene loquendo, beneficentiæ officia aliqua præstando, & solum, si vere pauper, sit, non in pretium impudicarum actionum, sed titulo elemosynæ aliquod temporale subsidium elargiendo. Si vero quis cum honesta puella, quæ sibi de matrimonio fortassis blandiebatur, frequentes habeat confabulationes, visitationes, colloquia, familiaritates, quæ illius famam minuerent, vel denigrare possunt, videndum, num in his habendis fraus aliqua, dolusque sit adhibitus, num mendaciis, & blanditiis illexerit, vanaque spe matrimonii allectaverit; tunc enim ita famæ, & honoris læsionem reparare debet, ut nullum in matrimonio sibi conveniente reperiundo discrimen fubeat: si vero sine ulla fraude, mendaciis, blanditiis, sed sola juvenili levitate colloquia, &

familiaritates habuerit, licet sit puellæ fama imminuta, nulla erit onerandus compensandi obligatio; ipsa enim puella suæ imputare debet, fatuitati, & imprudentiæ in huiusmodi colloquiis, visitationibusque admittendis, & in vana spe concipiendi; quæ omnia, ut honestas decet puellas, a se amovere tenebatur, & amicum a se repellere, quod facile consequi poterat, si voluisset.

CONJECTARIUM OCTAVUM.

VIII. Quæ de puella virgine sunt dicta, & ad honestam viduam sunt aptanda. Qui itaque copulam ab honesta vidua sub spe matrimonii sive fidei, sive vere data extorsit; eam ducere tenetur: si autem a matrimonio celebrando iusta causa excusetur, damna læsæ famæ reparare debet, & ita illi consulere, ut vel conveniens matrimonium inveniat, vel a via meretricandi avocet. Quod si nullum sit inde exortum damnum, & mulier honeste vivere possit, non pecuniariam mercedem, sicut meretrici, dare debet, nec nefarii operis pretium pendere, sed pro illata injuria, & fraudulenta deceptione veniam petere, patrocinium ejus suscipere (procul ab omni peccandi occasione) illam in opportunitatibus, auxiliis, beneficiis, atque officiis, prout occasio tulerit, prosequi & honorare.

CAPUT TERTIUM.

De restitutione adulterii Causa.

DOCTRINA, ET CONJECTARIA.

I. *Adulterium non solum castitati, sed & justitiæ adversatur.*

H.

- II. *Quando non afferat onus restitutionis.*
 III. *Quid præstare debeant adultera, & mæchus circa natam prolem.*
 IV. *Quid restituere marito.*
 V. *Quid filius, & hæredibus.*
 VI. *Quid restituendum, si dubium sit, num proles sit adulteri.*
 VII. *Si ex duobus mæchis nascatur proles, ad quid teneantur.*
 VIII. *Si alter deceptus ab adultera prolem suscipiat alendam, ad quid alter teneatur.*
 IX. *Quenam damna ab adultera sint compensanda.*
 X. *Si dubitetur, num ex adulterio natus sit filius, quid debeat præstare.*
 XI. *Num teneatur crimen suum manifestare.*
 XII. *Quid, si mulier non esset integra fame, & vilioris conditionis.*
 XIII. *Quid, si splendida, & nobilissima dignitatis.*
 XIV. *Num saltem spuris teneatur manifestare.*
 XV. *Quomodo adultera possit illata damna sarcire.*
 XVI. *Modus quidam sarcienti damna non adhibendus.*
 XVII. *Num filius spurius teneatur credere matri, illius illegitimitatem testanti.*

I. **A**DULTERUM, & adulteram reos esse violatæ non solum castitatis, sed & justitiæ, manifeste patet, tum quia gravem irrogant injuriam marito, cujus uxori corporis possessionem alter sibi usurpat, altera alii viro concedit, & præterea damnum inferunt si forte adulterinum filium in familiam obtrudant; ad restitutionem igitur & reparationem tenentur. Verum quænam esse debeat, modo est inquirendum. Et primo quidem, si crimen

omnino occultum sit, nullumque inde secutum damnum, nullum quoque confurgit restitutionis onus; nec teneatur adulter occultæ injuriæ ullam compensationem marito reddere, nec adulteræ pretium dare pro nefario crimine; quod solum licitum est meretricibus, & quidem non ut merces iniquitatis, quæ nullo est pretio æstimabilis, sed, ut alibi in Tract. de Contractibus ostendimus, tanquam pecuniaria pœna fornicatoribus imposita. Immo etiam maritus pro injuriæ compensatione pecuniam petere non erubesceret, non teneretur adulter dare; quia talis conventio in jure reprobatur, ne maritus videatur uxori suæ lenocinium præstare, ut habeatur C. *transigere* cap. de transact. lege miles ff. ad Legem Juliam: si tamen pauper esset, nec peteret, titulo elemosynæ pecuniam illi suppeditare posset in solatium injuriæ; immo Confessarius talem pecuniariam satisfactionem adultero posset imponere secreto dandum.

II. Si vero crimen innotescat, tunc tenetur adulter injuriam marito irrogatam compensare, veniam vel per se, vel per mediatores petendo, ipsum beneficiis proteſtando, illius protectionem suscipiendo, & peculiari, quo potest, modo in suis necessitatibus adjuvando; pecuniam tamen absoluteolvere non tenetur, potest tamen dare, si petat, vel pauper sit, & vere pecuniario subsidio indigeat.

III. Si vero ex adulterio certa proles nata sit, dispiciendum primum, quid præstare debeat adulter respectu enatæ prolis, mariti, & aliorum filiorum, si forte ex marito habitii fuerint ab adultera. Primo igitur quoad filium, si adulter sceminam blanditiis, repetitis precibus, munusculis, multoque magis dolo

dolo, fraude, violentia in crimen pellexerit, ipse solus ad omnes ventris expensas, nec non ad alimoniam filii, usque dum sibi victum compareret, tenebitur. Si vero mulier sponte in adulterium consenserit, vel virum provocaverit, adulter solum post triennium ad alimenta filio suppeditanda obstringitur: & si femina vel nolit, vel non valeat etiam primo triennio filium alere, tenetur adhuc adulter, cum hoc onus ambobus commune sit, & jure naturæ filiis alimenta a parentibus debeantur.

IV. Respectu vero mariti tenetur adulter, saltem post triennium: vel etiam pro ipso triennio, si mater vel nolit, vel non valeat, omnia damna facere, quæ illi obvenerunt in alendo, vestiendo, nutriendo alieno filio. Non desunt ramen Theologi, inter quos Sotus noster, ceteroquin sapientissimus Theologus, qui ab hac restitutione adulterum liberant; præsertim quando ipse mulieri non suavit, ut maritum decipiat, illi filium supponendo. Sic enim scribit: „Enim vero, etsi fuerit
„ causa remota, quia adulterium com-
„ misit, ipsa (adultera) sibi vidisset,
„ quid sibi esset de suscepto filio dis-
„ ponendum; quocirca si domi nu-
„ trit, sibi impuretur. Revers non pla-
„ ne video, cur adulter ad aliquam de
„ justitia teneatur restitutionem“. Sed
urgente interno conscientiae stimulo hæc
sabbat: „Nihilominus adjecerim, quod
„ dum certissimum est filium genuisse,
„ potensque est aliquam facere marito
„ . . . compensationem, aut filium ci-
„ tra periculum, atque scandalum nu-
„ trire, tenetur id ob honestatem & de-
„ centiam facere“. Verum tanti viri
pace dixerim, hanc ejus doctrinam
falsam esse, improbabilem, & rejectien-

dam. Nam revera adulter est causa
saltem æque prima, & principalis, ac
adultera damni, quod marito conse-
quitur, qui injuriam gravem passus,
tenetur filium non suum alere, & de
omnibus sibi necessariis providere. Nec
excusatur, quia adultera vel non sua-
sit, vel non consensit, ut filium sup-
poneret. Quandoquidem hæc suppositio
necessario consequitur ex ipso adulterio:
certo enim scit adulter non posse adul-
teram hanc suppositionem præmittere,
nisi seipsam infamando, & vitam
etiam discrimen incurrando. Nec dicen-
dum, adulteram teneri ad hanc
compensationem. Hoc enim utique ve-
rum est, sed & in solidum tenetur adul-
ter; proinde altero non satisfaciente,
alter obstringitur, cum ambo sint æqua-
les causæ damni marito obvenientis,
licet adulter supponatur in adulterium
a muliere pertrahum: quamobrem,
nisi adultera præfata compenset damna,
tenebitur adulter. Non est igitur a
communi sententia recedendum, quam
docet S. Antoninus in Sum. P. II. tit.
2. cap. 7. §. 7. scribens: „De adul-
„ tero autem, cujus est filius, dicen-
„ dum videtur, quod si scit, vel cre-
„ dit verosimiliter illum esse suum, ubi
„ mater ipsa satisfacere non valet, vi-
„ detur quod teneatur de expensis edu-
„ cationis patri putativo, quia causam
„ efficacem tali damno dedit“. Immo
hæc doctrina & continetur, & colli-
gitur ex generali regula a Greg. IX.
constituta cap. Si culpa de injuriis, &
damno dato sic statuente: Si culpa tua
datum est damnum, vel injuria irrogata,
sive aliis irrogantibus opem forte tulisti,
jure super his satisfacere te oportet, nec
ignorantia excusat, si scire debuisti ex fa-
cto tuo injuriam verosimiliter posse contin-
gere, vel jacturam.

V. Idem est omnino dicendum de damnis illatis filiis legitimis; ceterisque necessariis hæredibus; quippe qui ob intrusionem illegitimi filii legitima hereditate paternorum bonorum vel ex parte, vel in toto privantur: quæ proinde damna adulter compensare tenentur, nisi adultera satisfaciat. Quamobrem subdit l. l. Sanctus Antoninus: *De hereditate, vel dote, si dotaretur a putativo, tenetur ad arbitrium boni viri, attentæ suæ facultatē.*

VI. Si vero dubium sit, num filius sit legitimus parentis, vel adulteri, tunc res expendenda & juxta externum forum, & internum. In externo foro statuitur, *illum esse filium, quem nuptia demonstrant*: quapropter filius pro legitimo habetur, nec a possessione sui status ob dubium est deiciendus; cum semper *melior sit conditio possidentis*. Hinc Salmaticenses, aliique Theologi censent, adulterum ad nihil solvendum teneri, nec in foro conscientię, cum nec ipse spoliari debeat possessione suorum bonorum ob damnum alteri incerte datum. Verum probabiliorē puto plurium Theologorum, inter quos est Molina, doctrinam, qui censent ad restitutionem teneri pro rata dubii: nam quando dubium est, num sit totum restituendum, vel pars, restitutio est facienda proportionē servata ad dubium. Porro qui incertus est, num filium spuium in alienam familiam intruserit, procul dubio merito anceps est, num totum damnum sarcire debeat, si intrusit, vel nihil, si non obtrusit: tenetur itaque pro rata suæ dubitationis. Nec obstat, possessionem propriorum bonorum prævalere debere. Nam hic non dubitatur de legitima possessione bonorum, in quibus possessio prævalere debet; sed utrum ex bonis, quæ le-

gitime, & certo possides, debeas partem erogare pro reparando alieno damno, quod prudenter dubitas a te alteri injuste illatum. Sicut si quis alterius equum vulneret, & dubiter, num ex vulnere infecto mortuus sit, vel ex superveniente intrinseco morbo, ad damna reparanda juxta proportionem dubii tenetur, & ad partem pretii pro equo solvendam, non quia dubium sit, num suam pecuniam legitime possideat, sed quia dubium est, num damnum sarcire debeat sua pecunia, quam certo, & legitime possidet. Præterea, nonne regula illa juris, *melior est conditio possidentis*, favet & marito innocentis, quem æquum non est certa suorum bonorum possessione privari, ut filium, de quo dubium est, num ejus sit, an adulteri, aliat, nutriet, & servet? Cur igitur in hoc dubio est innocens maritus spoliandus, ut iniquus adulter indemnis fervetur? Quare regula illa locum habet, quando omnia sint paria; non quando certum est actionem positam, esse causam damni, licet incertum sit, num damnum intulerit. Nec judicium externi fori ab hac restitutione in foro conscientię liberat. Quandoquidem illud & præsumptionibus innititur, & id statuit, quod communi bono, & paci familiarum conducit: eapropter non valet ad conscientię quietem in eo, qui dubitat, num revera familiæ grave damnum intulerit. Hæc sunt, quæ mihi hanc opinionem probabiliorē, & unice in praxi servandam suadent. Eo vel maxime, quod impune passim committerentur adulteria: nam fere semper communis est congressus marito, & adultero; & raro admodum uxor adulterum admittit, quando ex ortu probris facile est adulterium detegi: proinde

de nunquam damna reparare teneretur adulteri, qui tamen non infrequenter genealogias confundunt, & in alienis familiis filios illegitimos intrudunt. Hinc S. Antoninus l. sup. n. 4. laud. onus restitutionis imponit mæcho, non solum quando scit filium esse suum, sed & quando *credit verosimiliter esse suum*. Fateor tamen graviora esse debere indicia, quæ dubium prudens inducere valeant, & a prudenti Confessario expendenda, priusquam adulterum ad solutionem damnet, & urgeat.

VII. Si duo cum muliere adulterium committant, ex quo certo proles nascatur, uterque pro rata dubii damnum facere teneretur, & filio sustentationem, ac alimenta præbere. Huic doctrinæ adversantur Salmanticenses, qui docent probabilius esse, neminem teneri vel prolem alere, vel damna reparare. Horum doctrinam sequitur & Cardinalis Gotti, qui etiam omnia argumenta, & rationes ab ipsis adductas pene de verbo ad verbum exseribit, Salmanticensibus, quorum pannis se vestit, nec laudatis. Satis itaque erit priora argumenta afferre. 1. Uterque dubius est, num sit enati filii parens: neuter ergo suorum bonorum est possessione certo spoliandus: & licet mala fide ad alterius uxorem accesserint; certum tamen non sunt filium ad se pertinere. 2. In foro externo re non probata reus absolvitur: ergo a pari in casu nostro paternitate non probata neuter obstringi potest ad alimenta puero suppeditanda. 3. Si quis occisus reperiatur in via, & ignoretur, an a Francisco, vel Paulo sit occisus, uterque absolvendus est, ne periculum sit, ut innocens puniatur; vel si uterque puniatur, certo innocens poenam subibit; a pari igitur neuter est obstringendus ad damna reparanda, ne

vel innocens gravetur, vel utrumque gravando certo innocentem injuria fiat.

4. Nec ulla misericordia est habenda filio innocenti, qui hoc modo parente caret, a quo subsidia, & alimenta requirit; sed suo debet impurare infortunio, quia ob incertitudinem patrem suum agnoscere non potest. Verum merito hanc sententiam Concina nedum probabilior non putat, sed saltam omnino, & rejiciendam. Nam certe constat, alterutrum natum filium genuisse, & ambo per patratum adulterium onus paternitatis, scilicet alenda proles, subisse: cur igitur immunes ab ea alenda dici debeant? Incertitudo solum efficit, ut neutri totum onus attribui possit, non vero, ut ambo liberi sint. Nec ullum est periculum innocentem gravandi. Nam nullus innocens est, immo uterque reus patrati delicti, ex quo oritur filius alendus, nutriendus, sustentandus. Et licet certe filius non sit nisi ab uno progenitus; certum tamen est utrumque reum esse, cum causam præbuerit securi damni, & enata proles. Teneretur itaque uterque ad ea pensanda, & filio providendum pro rata, idest ad dimidium alimentorum & sustentationis. Nec argumenta proposita urgent; immo nec movent cum sint mera sophismata falso innixa supposito de alterutro innocentia; cum immo uterque reus sit, & causa consecuti damni per iniquam poenam actionem: nam ad 1. de possessione satis responsum est num. præcedenti. Ad 2. dicimus etiam in externo foro, licet certo non constet de patrato delicto, si constet tamen de iniqua actione posita, licet reus statuta poena non puniatur, puniatur tamen juxta prudentem judicis estimationem. 3. Vero argumentum con-

contrarium omnino probat : nam si occisus reperitur in via , & cetero confectus Petrum , & Franciscum simul breve tormentum bellicum in ejus corpus explosisse , licet non nisi unico vulnere interfectus sit , uterque tamen reus homicidii habetur , & poena mortis puniatur : cum enim certum esset de morte intentata ab utroque , & certum de morte subsecuta , uterque homicidii reus haberetur ; licet ignoraretur , cuius fuerit glans plumbea , quæ mortem intulit . Nec quis putet me hæc gratis dicere . Nam præter communem sensum , qui de veritate convincit , audiat Lucium Ferrarium V. *Adulter* pari exemplo rem confirmantem . Sic enim scribit : „ Si duo sagittam projiciunt in „ equum Petri , quorum una ipsum in- „ terfecit , licet nesciatur , cuius sagitta interfecit sit , tenentur singuli „ compensare illud damnum pro „ portione dubii ; cum constet utrum- „ que causam injustam illius damni ap- „ posuisse , & ab illis vere damnum „ provenisse “. Quare nobiscum sentiens concludit , „ Sic a pari cum in nostro ca- „ su singuli suo adulterio generationis „ causam dederint , & constet ex illis „ vere prolem genitam esse , licet ne- „ sciatur , a quo determinate , debent „ singuli pro portione dubii damna „ illa compensare “. Hanc sententiam docet non solum rigidiores Theologi , sed & ipsi laxiores , ut Diana , Castropalao , Bonacini , La Croix , & alii ab ipso Ferrario citati . Qui etiam subdit , illorum aliquos , nimirum Dianam , Castropalao , Salas , Oviedum docere , quod si unus ex adulteris sit alio nobilior , & ditior , debet plus contribuere , quam minus nobilis , minusque dives ; quia ex se ditiores , & nobiliores filijs præstantiora alimenta suppeditare

Patruzi Theol. Mor. Tom. V.

debent . Hoc tamen minus verum existimo : nam huic spurio filio , & ex damnato coitu nato , non alimenta juxta conditionem parentis sunt præstanda , sed juxta conditionem suæ natiuitatis , quæ infima est , & abjecta ; quamobrem , si in potestate patris esset hunc enutrire , solum alimenta plebejorum suppeditare teneretur . Non itaque hic filius infortunio suo debet tribuere , si parente careat , a quo sustentetur , sed Theologorum crudeli , falsæ , & ab humano sensu abhorrenti doctrinæ , per quam tanquam probabiliorem dividendam , sed falsis ratiunculis , & apertis sophismatibus , ipsum debito privant subsidio .

VIII. Sed quid dicendum , si hæc adultera ex duobus præfatis adulteris unum eligit , cui filium supponat , asserens ex illius concubitu conceptum , tenetur ne alter conscius ejusdem criminis pro rata alienius expensas in eo alendo sarcire ? Soto nostræ aperte pronunciat non teneri licet sortassis & ipse patet esse suum , non alterius : quia inquit „ ipse in causa non est alterius „ deceptionis , sed vel ex sua levitate , „ vel ex mulieris impostura est deceptus “. Immo ex hac doctrina arguit in favorem suæ sententiæ , quam n. 4. confutavimus , nec adulterum teneri damna mariti rescarcire ; cum ipse in causa non sit deceptionis mariti , sed fraus , & dolus totus sit ex parte adulteræ . At data etiam veritate prioris sententiæ , non adhuc sequeretur , quod inferret Soto : nam , ut diximus superius , licet ipse non decipiat directe maritum illi supponendo filium , hujus tamen suppositionis in causa est : quippe probe novit uxorem nunquam crimen suum marito asporturam , sed necessitate urgeri ad simulandum esse maritum .

riti filium . Quod non contingit in casu nostro , in quo mulier nec ab alio adultero movetur ad supponendum filium alteri , nec ipsa necessitate admitti criminis ad hoc adigi .ur ; cum ambobus dubium suum aperire possit , & ingenue veritatem fateri , & ita neutrum plus iusto gravare . At directe ad propositi casus solutionem progrediens , non abhorreo a sententia Soti , quam puto probabiliorē , & veram : quia revera tota causa damni in altero alicui , & nutriendi filium , de quo dubius est parens , non ab adultero progreditur , sed ab adultera , quæ adulterum decipit illi supponendo filium dubium ; proinde non videtur alter cogendus ad reparandum damnum , cujus revera in causa non est nec directè , nec indirectè , non priori modo , quia ipse non suaver suppositionem , non indirectè , quia ex patratu adulterio non necessario sequitur suppositio pueri dubio parenti , sed tota ex adulteræ malitia progreditur .

IX. Hætenus de adultero , modo de adultera dicendum . Et primo quidem & ipsa filium alere debet , & de necessariis providere , quouscumque id vel nolit , vel nequeat præstare mixtus , & , si ipsa sponte in adulterium , non seducta consensit , expensas ventris & alimenta usque ad triennium teneatur suppeditare . Deinde teneatur vel præcavere , vel compensare damna , quæ marito , & filiis legitimis obveniunt ob spurcum filium in familiam intrusum . Ad quoniam pacto hoc præstare possit , & teneatur , inquirendum est .

X. Et primo quidem , si dubium prudens illi in mentem veniat , num ex admissio adultero prolem suscepit , non teneatur nec filio , nec marito , nec

aliis suam suspicionem , & dubium aperire : nam cum filius sit in possessione sui status , ab ea non est ob dubium ullo modo perturbandus . Teneatur tamen ipsa pro rata sui dubii de suis rebus , de quibus disponere libere potest , partem aliquam marito relinquere pro rata dubii de damno ipsi dato , & abundantius dare ceteris filiis , minus relinquendo ipsi filio , de cujus legitimitate prout dubitat . Ratio huius doctrine est manifesta : nam una ex parte cum libere de bonis suis disponere possit , nisi irrogat injuriam , si plus uni , quam alteri distribuat ; ex altera vero parte suæ satisfacti conscientie , damnum , si forte illatum sit , marito , & filiis sarcendo .

XI. Pro universali , & communi regula puto statuendum , uxorem honestæ fœminæ fama gaudientem non teneri ad damnum mariti , & filiorum evitandum suum crimen manifestare cum periculo vitæ , & boni nominis iactura . Ita docet S. Raymundus in Summa lib. 1. tit. de raptoribus cap. 10. *Mulier , quæ de adulterio suscipit filium . . . debet laborare quibuscumque modis , ut legitimi hæredes non fraudantur hereditate , caute tamen . Revelare enim simpliciter marito , vel etiam ipsi spurco non expedit , tum quia guerra , homicidia , & adulteria fierent , cum maritus forte dimittat eam , & non valentes forsitan continere , utrique adulterarentur , & alia multa pericula possent oriri , quia forte non crederent sibi .* Innocentius III. in sua Decret. C. officii Eccl. de Pœnit. & Remiss. hanc regulam confirmasse videtur , dum statuit , non cogendam mulierem adulteram per absolutionis denegationem ad suum crimen fatendum , licet ex ea legitimis hæredibus consequatur detrimentum , teneatur :

bens : Mulieri, quæ ignorante marito de adulterio prolem suscepit, quamvis id viro suo timeat confiteri, non est penitentia deneganda. Ad quæ verba hæc addit Glossa : Mirum est, quod durante suppositione, per quam fraudantur consanguinei debita successione, hæc mulier penitere potest . . . Sed ipsa non potest detegere suppositionem, quia ei non crederetur, obstante presumptione, quæ habetur ex matrimonio, quod filius natus sit ex nuptiis . . . Et etiam periculosum esset mulieri illi detegere. Ab aliquibus Theologis laudatur etiam in hac doctrina S. Thom. verum nihil a S. D. dictum invenitur de hoc peculiari casu ; sed solum 2. 2. q. 62. a. 6. ad 2. inquit, quid sit faciendum ab eo, qui per occultum crimen vel rem sibi usurpavit alienam, vel alteri damnum intulit, & num se proderet teneatur : & respondet, quod tunc crimen esset Confessario revelandum, & per ipsum restituendum. Si vero restitutio fieri non possit secreto modo, quid tum faciendum super sit, nihil dicit S. D. Ita tamen sentiunt communiter Theologi, quibusdam tantum appositis limitationibus, quas mox expendemus. Ratio quoque confirmat : nam vel adultera nullam spem habet damna reparandi ex sua publica confessione, & delicti manifestatione ; & tunc non teneret manifestare, quoniam esset temeraria, inutilis, & scandali plena hæc manifestatio : vel dubitat, num sit profutura manifestatio, & tunc quoque abstinere debet ; certa enim essent subsequutura mala, nimirum ipsius infamia, & bona incerta, proinde imprudenter famam suam, & bonum nomen prodigeret ; vel spem concipit per manifestationem obviandi emergentibus detrimentis ; & tunc cum vita, & fama periclitetur,

non est cum tanto onere cogenda ad confessionem, cum bona inferioris ordinis non sint semper per superiorum amissionem longe maiorem reparanda.

XII. Sed si mulier sit exiguæ famæ, quia levioris conditionis, & fortassis etiam non integræ, quia ejus bonum nomen alias diminutum est, & agatur de pingui, & eximia hæreditate legitimis filiis, vel hæredibus arripienda ; tunc consent plures Theologi teneri, etiam cum dispendio famæ, suum crimen manifestare, & nos quoque superius docuimus, non semper posse suam famam quempiam tueri cum gravi detrimento alterius, & teneri aliquando eam perdere, ut innocentem servet indemnem. Verum adhuc puto non obstringendam ; nam quo vilior est mulier, quo magis suspectæ famæ, minus illi fides esset adhibenda ; & sic criminis manifestatio & illi noceret, & alteri non proderet. Præterea imprudentis esset consilii de statu, & hæreditate pinguissima filii ob dictum talis mulieris villioris, & non integræ famæ, & infamiam suam manifestantis, judicare, & discernere.

XIII. Quid, si hæreditas non solum ingens foret, sed splendidissima, & regalis, quæ spurio, & ex adulterio nato cederet cum detrimento legitimi filii, teneretur ne mater regalis adultera crimen suum fateri ? Minime. Nam tunc in pari gradu essent & fama mulieris, quæ excellentissima foret, & clarissima, & prædicta hæreditas ; atque cum superet fama, utpote superioris ordinis, bona fortunæ, cum ejus dispendio revelare non teneretur. Præterquamquod quis crederet Reginæ, & Principi adulteræ ? Quot bella, quot cædes inde exorirentur ? Quod, si spurius filius regni hæres foret pessime indolis, catho-

licæ fidei infensus, ex quo bono communi magna exorirentur detrimenta, tueretur ne tunc adultera, etiam cum viæ, & famæ periculo, crimen confiteri, ut, illo a folio rejecto, legitimus succederet filius optimæ spei, & ad Principatum aptissimus? Procul dubio, quia tunc ageretur de bono communi, cui cedere debet quodcumque bonum particulare, & privatum. Sed casus iste adeo rarus est, ut eum expendere relinquamus Principum Confessariis, & Theologis, qui profecto nostra non egent instructione, & magisterio.

XIV. At saltem spurio, illegitimoque filio tenebitur crimen suum aperire mater adultera, ipsumque hortari, ut hereditarij cedens vel Religiosum statum amplectatur, vel ita suis rebus consulat, ut nullum afferat legitimis filiis, & hæredibus detrimentum. Ternerī plures Theologi docent, cum nulla pene sit in muliere famæ jactura: non enim bonum nomen amittit, & famam perdit, qui crimen suum alteri ob bonum finem secreto communicat; & præsertim, si spes probabilis sit, filium probum, & docilem consilium matris amplexurum. Verum, quam caute in hoc negotio agendum sit, docet S. Raymundus, a cujus sapienti consilio recedere non debent prudentes Confessarii. Sic itaque ille scribit lo. sup. laud. „Revelet in pœnitentia factum suo Sacerdoti Parochiali, vel de „licentia ipsius alii magis perito, & „postea cum ipso, vel etiam sine ipso „si vult, revelet Episcopo suo similiter in pœnitentia; & tunc Episcopus, „vel etiam Sacerdos, vel, quod tutius est, ambo simul inquirant diligenter, & caute, si ille spurius sit „homo spiritualis, & timens Deum, quo

„invento, vocent eum secreto, & coram muliere, si videbitur expedire, „recepto prius Sacramento ab ipsa, „quod calumniose non procedat, & „etiam ab illo, quod factum secretum „teneat, potest revelare sibi, & „inde consulere, quod ingreditur „Religionem, vel transferat se ad „longinquam regionem, ut sic nihil „percipiat de bonis illius, quem credebatur esse patrem suum. Si vero illi spurio non potest revelari sine periculo, vel etiam si sibi revelato „secundum formam prædictam non „vult acquiescere consilio, tunc etiam „injungatur mulieri, quod de sponsalicio suo, vel aliis rebus, quas habet, „satisfaciat juxta posse“.

XV. Si itaque adultera nequit criminis manifestatione illata marito damna, & filiorum consecutura detrimenta reparare, quænam illi supersit via ad salutem suam consulendum, indicandum est. Plura suggerunt Theologi media. S. Raymundus lo. laud. postquam dixit generatim, laborare debet, quibuscumque modis potest, ut legitimi hæredes non fraudentur hereditate paterna, caute tamen, specialiter postea suggerit Confessario, ut injungat mulieri, ut de bonis suis dotatibus, si de illis potest disponere, vel de paraphernalibus, si habeat vel de aliis, quæ in futurum habere potest, satisfaciat juxta posse, dolens semper de peccato; & quia non potest plene satisfacere, proponat firmiter in animo, quod satisfaciet, quam cito poterit, & si poterit. Hoc tamen fiat per medicum pœnitentialem, vel per personam religiosam secreto, & caute. Tenetur præterea de suo sumptu, & mundo muliebri, quantum potest, minuire, & etiam pro sui status conditione labori manuum operam dare, ut iade uberius lu-

rum redundet marito, & legitimis filiis. Si spurium idoneum agnoscat religioso statui, illi caute, & prudenter, & sine ulla vi, præsertim si fœmina foret, suadeat, ut cum amplectatur, & ita hæreditas in commune bonum aliorum filiorum redundet; & alii si qui occurrant modi reparandi damna, & detrimenta, sunt illi injungendi, & ab ipsa adhibendi, qui prudentiæ relinquantur Ministri Sacramenti Pœnitentiæ.

XVI. Inter hos tamen modos legitimos non est ille admittendus, quam fortassis adinvenit aliquis Theologus, & matri suggestit, & ut narrat Alciatus lib. 3. cap. 12. contingit Avenione, nimirum matrem adulteram in confinio vitæ constitutam omnes ad se filios congregasse, illisque aperte fassam esse, illorum unum non esse legitimo complexu natum: quamobrem ipsis optionem dabat, num vellent illum suo nomine designari, an omnes consentirent occultum, & innominatum ea communi hæreditate participem fieri; & filios omnes consensisse, ut ignotus remaneret, sibi invicem damnum condonando. Hunc itaque modum pene omnes tanquam illicitum, & illegitimum rejiciunt, & præsertim Juveninus his argumentis, quæ tamen omnia vim suadendi non habent. 1. Scribit, quia non videtur opportunum, ut hæc mater suam prodigar famam, & filiis crimen suum pandat. Verum hoc probat ad summum, adstringi non posse reluctantem per denegationem absolutionis a rigido Confessario indictam; sed non evincit, volenti, & consentienti in articulo mortis suam prodigere famam, ut meliori, quo putat, modo detrimentis legitimorum filiorum consulat, permitti non posse, & concedi. 2.

Quia, inquit, consensus præstitus filiorum liber non esset, upore vi, & metu extortus; quilibet enim sibi de infamia, & privatione hæreditatis metueret. 3. Quia iniquum est per metum gravem legitimos filios adgere ad abrenuntiandum juri suo, & dividendam hæreditatem cum extraneo. Et denique 4. quia hoc modo detrimenta non præcaveret; semper enim verum esset, legitimos filios parte hæreditatis spurio condonata privati. Et hæc argumenta efficaciora videntur ad veritatem positæ doctrinæ stabilendam, & confirmandam.

XVII. Denique, ne quid desit Tyrone instructioni, examinandum superest, num, si mater minus prudens, & cordata filio spurio crimen suum pandat, illique illegitimum esse denuntiet, num hic matri fidem adhibere teneatur, & dictis ejus acquiescere. Mox laudatus Auctor, doctissimus Theologus, & sanioris doctrinæ Magister, Tract. de Restit. cap. 4. §. 4. nu. 4. q. 18. docet, teneri quidem in foro conscientiæ matri fidem adhibere, & evidenti argumento illi ostendat per integrum annum ante ejus ortum, & toto tempore prægnationis absentem maritum fuisse. Verum tunc non acquiesceret dicto matri, sed evidentia facti convinceretur. Quamobrem, quando agitur de solo testimonio matris, absolute pronuntiat non teneri dictis matri, ne quidem sacramento testimonium suum in articulo mortis confirmantis credere, vel acquiescere in foro conscientiæ. Expropter non teneri abrenuntians hæreditati sibi obtingenti hisce probat argumentis. 1. Quia de matre, quæ sponte fateatur datam marito fidem turpiter se violasse, præsumi merito potest, posse etiam calumniam filio

filio sibi minus dilecto nocere velle. 2. Timendum etiam esset de fraude in hoc testimonio, per quod veller alium filium quem magis diligit, & deperit, prodesse, eumque ditare. 3. Quia cum filius in domo paterna natus, educatus, semperque legitimus habitus ab omnibus, sit in possessione certa sui status, pari non debet se spoliari, nisi contrarium manifestis, & evidentibus argumentis ipsi proberetur, & ostendatur. At, ne huic opinioni, & doctrinæ prompte acquiescam, me mover Sancti Raymundi auctoritas, qui, ut supra vidimus, docet, teneri mulierem crimen suum Parocho in Confessione manifestare, Episcopum cum eo adire, & ambos simul filium ad se vocare (si spes sit, ut quiescat), & illi sub juramento secreti statum suum pandere, ut renuntiet hæreditati. Porro, si filius nec matri juranti credere teneretur, non solum frustra, sed & importune hæc omnia fierent. Existimavit igitur S. Doctor, filium teneri acquiescere matri sub juramento crimen suum testanti. Nec dicas, hoc dictum a S. Raymundo per modum consilii, non præcepti: nam quis prudens, & cordatus arbitrabitur, filium fidem habitum matri, ut sponte donet hæreditatem, quam non credens matri, jam tuta conscientia potest vel adire, vel retinere, licet sit pius, & Deum timens? Agnovit igitur S. Raymundus in filio debitum, & onus credendi matri. Nec adducta argumenta rem omnino suadent. Nam commissio adulterio, præsumptio non sequitur calumniæ, & odii in filium: etenim juxta juris regulam *semel malus semper præsumitur malus, sed in eodem genere mali*, non in plane diverso, cujusmodi est adulterium & odium, crimen luxuriæ, & scelus calumniæ.

Præterea crimen adulterii ex humana fragilitate, & sexus infirmitate, ab exteriori impulsu proficiscitur, proinde facile locum habere potest in infirmiori vasculo; at crimen odii, calumniæ, & damni intentati non nisi ex pura & quidem pertinaci malitia ac violenta passione oriri potest; proinde ex uno alterum prudenti judicio non præsumitur. Denique hæc qualicumque præsumptio omnino abolita esse potest, si mulier post patratum crimen sancte, pieque vixit, sacramenta frequentavit, erga filium illegitimum signa odii non exhibuit, & in extremo vitæ discrimine Sacramentis munita in conscientie suæ levamen crimen suum filio detexit; tunc enim nulla esse potest prudens suspicio odii, vel calumniæ adversus filium illegitimum, & amoris eximii, & singularis erga alium, vel, alios. Quod autem dicitur tertio loco, verum est, si præsumptio externi tantum fori attendatur; at hic de foro conscientie loquimur, in quo constat possessionem status, quem obtinet filius, falsa omnino niti præsumptione; & confessio matris suppeditat in interno foro sufficiens argumentum præsertim in illia circumstantiis de falsitate tituli suæ confessionis. Quamobrem libentius acquiesco Concine dicenti: *Si probus, doctusque Confessarius mulieris testimonium confirmaret, non video, cur filius fidem denegare matri posset*. Et P. Cuniliati idem confirmat his verbis. *Si adultera filio spurio revelaret crimen . . . in articulo mortis constituta, & Sacramentis munita cum juramento affirmaret, teneretur sub mortali filius eidem credere, & conscientie suæ providere, tanquam possessor bonæ fidei hæreditatem paternam non consumptam relinquendo*. Nec locum habere in hoc casu potest præsumptio etiam diuturna;

cum

cum ea præscribi non possint, quæ nec vendi, nec alienari possunt. Porro jus legitimæ inalienabile est, propterea nec præscriptioni subiectum.

CAPUT QUARTUM.

*De restitutione ob mutilationem,
& homicidium.*

DOCTRINA.

- I. *Quid mutilationis nomine designetur.*
- II. *Pro injuria personali facienda est restitutio.*
- III. *Quenam sit realia detrimenta ob mutilationem facienda.*
- IV. *Homicida quoque pro personali injuria restituere debet.*
- V. *Quomodo sit personalis injuria reparanda.*
- VI. *Quomodo damna realia compensanda offenso.*
- VII. *Quomodo detrimenta illata familie.*
- VIII. *Num & illis satisfacere, qui non ex iustitia beneficium aliquod percipiunt.*
- IX. *Num & creditoribus occisi satisfacere.*

I. **M**UTILATIONIS nomine non solum intelligitur alicujus membri injuriola obruncatio, sed etiam & illius debilitatio, per quam membri usus vel omnimode, vel graviter impediatur; sicut etiam quodcumque aliud vulnus, quod, licet membrorum usum non eripiat, deformem tamen personam reddit, præsertim si femina sit, ut vulnus in facie, vel alio loco oculis omnium expositio. Homicidium vero designat cædem injustam proximi. In utroque crimine duplex damnum solet inferri, nimirum personale, & naturale, quod in membri, vel viæ pri-

vatione, aut insigni deformitate consistit; & reale scilicet in bonis fortunæ, ejusmodi sunt expensæ in curatione faciendæ, lucra cessantia, & emergentia damna sive ipsi vulnerato, vel occiso, sive aliis cum ipso arcte conjunctis, cujus detrimenti participes sunt. De horum omnium compensatione, seu restitutione est agendum.

II. Et a personali detrimento incipientes per mutilationem allato, dicimus injustum mutilatorem teneri satisfacere, & restituere pro ipsa personali injuria; licet fortassis nullum sit inde vel damnum, vel lucrum cessans consecutum. Veritas hujus doctrinæ patet tum ex iis, quæ diximus cap. 2. n. 1. ubi ostendimus bona superioris ordinis compensari posse, & esse compensanda per bona inferioris ordinis; tum ex iis, quæ late disputavimus in VIII. Præc. Decal. cap. 8. & 9. hic recollenda, & legenda. Præterea eam confirmat S. Th. sua auctoritate, & doctrina hic q. 62. a. 2. ubi, postquam ostendit, restitutionem esse semper in præcepto, sibi objicit primo loco, aliquando impossibile esse restituere id quod est ablatum; puta cum aliquis abstulit alicui membrum, vel vitam. Et objectionem solvens respondit; quod in quibus non potest recompensari æquivalente, sufficit, quod ibi recompensatur, quod possibile est. . . . Et ideo quando id, quod ablatum est, non est restituibile per aliquid æquale, debet fieri recompensatio, qualis possibilis est, puta cum aliquis alicui abstulit membrum, debet ei recompensare vel in pecunia, vel in aliquo honore, consideratis conditione utriusque personæ, secundum arbitrium boni viri.

III. Detrimenta vero realia injustus mutilator ad æqualitatem sarcire tenetur. Quamobrem 1. expensas omnes solvere ob-

obstringitur, quæ in curatione factæ sunt, & lucra cessantia, si artifex sit, & operarius, qui suorum membrorum usu aliquid lucretur. Ita statuitur & in lege divina Exodi 21. ubi de viro proximum percussiente dicitur, ut operas ejus & impensas in medicos restituat. Et in lege civili ff. de his qui effunderint, vel deiecerint l. ult. indicitur: *Cum liberi hominis corpus laesum fuerit, iudex computet mercedes medicis præstitas, ceteraque impendia, quæ in curatione facta sunt*. Et jure meritoque: nam quandoque ex injusta actione mutilatione hæc omnia necessario profluunt damna, quæ injusto mutilatori imputantur, & ab eo sunt facienda.

IV. Quæ de injusto mutilatore dicta sunt, & de interfessore iniquo sunt dicenda. Nam 1. pro injuria illata personæ vitam illi eripiendo tenetur aliquid restitutione ipsi interfectori, elemosynas, sacrificia, aliaque pia opera pro ipsius animæ requie exhibendo. 2. Et familiæ defuncti, uxori, parentibus, filiis, fratribus veniam, & pacem petendo, eorum curam gerendo, beneficiis & officiis prosequendo, quod non est omittendum, licet ab eis condonationem injuriæ, & offensæ obtinuerit; cum hoc in ejus utilitatem redundet, quippe qui mitius a iudicibus puniretur, & commissum facinus, quod vita expiare deberet, aliquando sola pecunia, vel brevi carcere condonaretur. Quomobrem ex collato beneficio damnum sentire non debet, nisi forte in condonatione injuriæ, & in danda pace de aliqua determinata satisfactione, vel compensatione convenerint; tunc enim pactis utraque pars stare debet, & conventa servare.

V. Quantum vero restituendum sit pro injuria personali in mutilatione,

vel occisione patrata, non alia est statuenda regula ab ea, quam tradit S. Th. 1. 1. nimirum satisfactionem, & restitutionem esse faciendam *considerata conditione utriusque personæ* (mutilantis & mutilatæ, occidentis & occisæ) *secundum arbitrium boni viri*. Quomobrem egregie animadvertit Sotus libi 4. q. 6. art. 3. „ In hoc arbitramen- „ to habenda est ratio personatum „ tam occisi, quam occidentis, quin „ etiam hæredum. . . Quapropter hæc „ est regula, quæ prudentibus habetur „ in usu, atque adeo plus huc condu- „ cit prudentum sententia. quam „ Theologorum scientia, vel juris con- „ sultorum. Quando enim homicida „ est divitiis præpotens, major est ei „ restitutio injungenda, quam si ege- „ ret; & si occisus inutilis erat suis, „ minor, quam si erat frugi. Et præ- „ terea in hisce injuriis considerandum, „ quod qualitas defuncti non tam pen- „ sari debet ex utilitate ipsius, indi- „ gentiæque suorum, veram etiam ex „ valore, & dignitate personæ. Nam „ qui virum ingenuum, litterisve, aut „ alia ratione insignem occidit, ad ma- „ jorem multo restitutionem tenetur, „ quam si personam inferioris classiæ „ trucidaret. Falluntur ergo, qui ar- „ bitrantur ob id, quod non reliquit „ familiam inopem, non esse restitu- „ tionem necessariam; quoniam talis „ persona multo pluris erat, quam „ alia. Quin vero & occidendi mo- „ dus, si per insidias, aut fraudem, „ aut per insignem atrocitatem homi- „ cidium perpetratum est. Hec, in- „ quam, omnia venire debent in con- „ silium, ut restitutio legitime fiat. „ Et de mutilatore quoque scribit S. An- „ toninus; *Quod debet respondere non so- lum damno, quod quis intulit per muti-*

la-

lationem pro toto tempore futuro, & expensis appostis pro curatione. sed ultra hoc tenetur ad placationem læsi, quantum in ipso est, & consolationem ipsius afflicti, quæ afflictio perpetua est.

VI. Quoad damna vero realia per homicidium, & mutilationem inducta 1. occurrunt expensæ, si forte factæ sint pro curatione vulneris, ex quo possea mortuus est, & pro ipsius vulnerati sustentatione, & ceteris expensis in ejus conservationem necessariis, iis tamen deductis, quæ ipse sanus, vel vivens necessario fecisset. 2. Expensæ pro funere, & sepultura ab interfectore non sunt faciendæ, cum eas hæredes subissent; nisi forte occisus extra propriam patriam esset alio transferendus, ut in suorum majorum sepulcro tumularetur, tunc enim expensarum excessus esset ab occidere faciendus. 3. Mutilator teneatur mutilato compensare totum illud, quod luctatus fuisset sua arte, industria, labore cum ipso conveniendo juxta arbitrium prudentum, & sapientum virorum, in qua conventionem nulla est habenda ratio laboris, molestiæ, & incommodi, quæ in suæ artis exercitio subire debet; tunc enim nihil foret restituendum, cum lucrum operi, & industriæ respondeat: sed cum per injustam actionem ipsum a suo opere, industria, labore adhibendis impeditur, totum lucrum, quod per illa acquisivisset, rependere debet. Habenda tamen est ratio incertitudinis: nam, quod est in spe, equipollere non potest ei, quod est in re; cum, ut inquit S. Th. pluribus modis possit impediri. Et revera posset mutilatus cito mori, vel alio morbo languere, unde nec sua arte posset uti, nec sua industria lucrari.

VI. Homicida vero damna realia,

Patuzzi Theol. Mor. Tom. V.

quæ familiæ obvenirent, sarcire tenetur. Hinc, si nulla sequantur familiæ detrimenta, ex hoc capite a restitutionis onere liberabitur. Sic inter nobiles, qui redditibus, & prædiis vivunt, nulla compensatio, restitutio nulla fieri solet; licet fortassis interfectus ex aliquo officio, ministeriove publico stipendium, & lucrum perciperet, quia tale lucrum solummodo in ipsius utilitatem redundare solet. At si nobilis iste vel mercator ex officio, vel negotiatione sua in augmentum, & utilitatem familiæ congregabat, licet hæredes necessarii non egeant, & aliunde habeant unde vivant, a restitutione tamen non liberatur homicida: nam, ut optime advertit Sotus; Si commutativam justitiam consideres, nihil interest, sint ne hæredes divites, an pauperes, sed præcipit, ut quantum ablatum est, reddatur. Si vero sequantur detrimenta, ea omnia certe sunt facienda emolumenta, quæ cæsus ex justitia præstare tenebatur. Quamobrem si cæsus sit paterfamilias, qui parentes, uxorem, filias, nepotes habet, tenetur interfectori illis alimenta præbere, filiis providere, filiabus dotem suppeditare juxta illorum statum, & conditionem: quod enim istis careant, ipse sua injusta actione in causa est, proinde ad reparationem tenetur.

VIII. Si vero fratres, aliosque consanguineos, vel affines alebat, ad istis quoque consulendum cogendus non videtur homicida; licet sperare possent ab interfecti beneficia alimentorum, hereditatis & similia; quippe quia hæc illis non debebantur ex justitia, sed ex mera concedentis beneficentia, proinde ad illa nullum jus obtinebant. Nec obstat, quod alio loco diximus nimirum licet quis non habeat jus ad aliquod donum, largitionem, & beneficium ab alio

E e e

alio

alio præstandum, jus tamen habere, ne ab illius consecratione injuste præpediatur, ut contingere videtur in nostro casu, ubi per injustam occisionem beneficia consanguineis a cæso præstata omnino, & injuste tolluntur. Nam respondemus, hoc quidem verum esse, si interfecto in cæde illa animum habeat nocendi consanguineis, & ad hoc solum ordinet homicidium: at si cædes non nisi ex ira, rixa, odio progrediat, & solum ultio quærat, quæ sequuntur consanguineorum damna, per accidens, non ex occidentis intentione sequuntur, proinde ab illo minime ex iustitia sarcienda. Animadvertendum tamen, cum ex ista cæde & ipsi consanguineis sit irrogata injuria, qui propterea persequi in judicio possunt injustum interfectorem, est illis aliqua debita satisfactio, vel per judicem taxanda, vel mutua conventionem statuenda.

IX. Num autem teneatur debita ab interfecto relicta creditoribus solvere, quando prudenter judicare potest a debitore vivente fore solvenda, disputant Theologi. Et primo quidem ab omni onere solutionis liberant, quotiescunque hæredes & de cessante lucro, & de emergente damno homicida compensavit; tunc enim ab ipsis hæredibus debitorum solutionem expetere possunt. At, si interfecto aliquo modo, sed non integre hæredibus occisi satisfecerit, sed solum pro injuria illis illata, & pro detrimentis, quæ ipsi passi sunt, nonnulli censent ad debitorum solutionem teneri. 1. Quia occisor in causa fuit, ne creditores id consequerentur, quod sibi ex iustitia debitum erat, & quod vivente debitore recuperassent. 2. Jus habent creditores, ne debitor injuste in eo statu ponatur, in quo nequeat debita ex iustitia solvere; quod tamen præstat occisor debitorem inter-

sciens. Verum alii censent ad restitutionem non teneri, inter quos, præter antiquiores, novissime Concina, & Juveninus, quorum sententiæ utpote communiori, & probabiliori adhæreo his argumentis. 1. Quia nec in foro externo ulla ratio creditorum habetur; nec illi auctio datur in occisorem, dum e contra in judicio externi fori adigitur occisor ad damna familie reparanda. 2. Quia creditores jus quidem habent in personam, & bona creditoris; ita tamen, ut, sublata persona, obnoxia remaneant ipsius bona: quamobrem si supersint bona creditoris occisi, hæc subiacent restitutioni, & hæredes ex illis debita solvere tenentur; quippe qui hæreditatem adire non valent, nisi ære alieno soluto: si autem nulla supersint bona, & debitor periit, nihil superest, unde solutionem accipiant creditores. At urget Molina argumentum primo aspectu prævalidum, scilicet occisor tenetur damna sarcire, quæ subeunt hæredes necessarii: at istis non debetur hæreditas, nisi soluto ære alieno: ergo prius, & multo magis debet occisor debita occisi solvere, quam hæredibus satisfacere. Verum respondeo, hoc potius contrarium evincere. Nam vel supersunt bona occisi, quæ hæredes consequantur & tunc ex illis prius debent debita solvere, & postea hæreditatem adire; cum æque exsolviscent ex hæreditate, si casus naturali morte obiiisset. Vel nulla supersunt bona, & tunc hæredes (nisi & ipsi debitores sint aliquo titulo) ad debita solvenda non tenentur. Si vero hæredes necessarii, filii uxor parentes, occisi labore, arte, industria alebantur, vel beneficium aliquod sibi debitum consequerentur, cum hæc emolumenta sint illis sublata ab iniquo occisore, sunt quoque & ab illo sarcien-

facienda; non solum quia debita ex titulo iustitiæ, sed etiam quia, ut dicemus ex Salmaticensibus, sunt adeo cum cæso conjuncti, ut moraliter una persona censeantur cum illo, quod de creditoribus dici non potest. Si vero hæredes omnimodam consequantur ob occisore compensationem, tunc si totum beneficium sentiant hæreditatis, quod ab occiso sperare poterant, ira debent & onus sentire solvendi æs alienum, quo ille premebatur. Non ergo, quia occisor tenetur damna hæredum sarcire, sequitur statim multo magis teneri ejus æs alienum dissolvere. Opposita vero Theologorum aliter sentientium argumenta sic solvuntur: erant quidem debita ex iustitia solvenda a debitore, sed quod ex ejus occisione insoluta maneat, hoc per accidens sequitur ad homicidium: non enim occidit, ut creditores suis creditis privet; sed morte secuta debitoris, & nullis existentibus ipsius facultatibus, de se cadunt creditorum jura. Nec urgeas, hoc dici posse etiam de alimentis præstandis filiis, & familiæ, nimirum perunte patre-familias, & nullis existentibus facultatibus cadere jus alimentorum. Quandoquidem non solum occisus tenebatur ex iustitia filios, & familiam alere; sed filii, & familia censentur una persona, &, ut inquirunt Salmaticenses, qui occidit Patrem-familias, uxori, filiis, & parenti damnum infert, & eos damnificat in re sua, & veluti abscindit partem sibi strictissimo nexu conjunctam, & a qua sibi utilitas proveniebat. Ad secundum vero respondeo jus habere creditores, ut data opera, & directâ intentione debitor a facultate solvendi non deiciatur; non vero, ut alius in quacumque sua actione arguatur, ne per accidens, & præter

suam mentem alterius damnum sequatur; ut contingit in illo, qui ex ira, vel odio alium interficit.

CAPUT QUINTUM.

CONJECTARIA PRÆCEDENTIS
DOCTRINÆ.

- I. Qui alterum debonestat, & injuriam, damna sarcire debet.
 - II. Aliquando damna, etiam non necessariis hæredibus provenientia, sunt sarcienda ab injusto occisore.
 - III. Non ad restitutionem teneatur, qui injustum invasorem occidit.
 - IV. Quando, & quomodo condonatio occisi ab onere restitutionis occisorem liberet.
 - V. In homicidio casuali non semper occisor liber est a reparatione damnorum.
 - VI. Quando innoxius ob homicidium vexatur, nam reus teneatur ejus damna sarcire.
 - VII. Num homicida pœna capitis multato, ejus hæredes ad restitutionem teneantur.
- Reflexio.

CONJECTARIUM PRIMUM.

- I. QUI vulnere in facie, vel alia parte corporis proximum debonestat, non solum pro injuria satisfacere debet, sed & damna inde emergentia, vel lucra cessantia reparare; ut si quis servum, vel puellam ita vulnere defecerit, ut nec ille dominum inveniat, qui illum in servum conducatur, nec ista maritum, tenetur illi alimenta subministrare, & huic dotem augere, quantum sufficiat ad suæ conditionis æquale matrimonium reperendum. Huic tamen doctrinæ adversatur Natalis Alexander

E c c e 2

de

de homicidio reg. 27. non alia ratione innixus, nisi lege civili, quam superius attulimus, statuentem: *Cicatricum autem, aut deformitatis nulla fit æstimatio, quia liberum corpus nullam recipit æstimationem*. Verum, præter quam quod hæc lex locum habet in foro externo, ubi vel jubetur restitutio ad æqualitatem, vel pœna infligitur, solum loquitur de ipsa deformitate, in quantum est personalis injuria, non vero quando etiam transit in realem, damna inferendo in re temporali; ut contingit in duobus positis casibus juxta aliam communionem legem statuentem, *qui occasionem, seu causam damni dat, damnum dedisse videtur*.

CONSECTARIUM SECUNDUM.

II. Licet cap. super. n. 8. dixerimus, non teneri interfectorem ad damna compensanda, quæ ex homicidio proveniunt hæredibus non necessariis, puta fratribus, sororibus, aliisque confanguineis; tamen si aliqua emolumenta sint illis debita ex justitia, quia per judicis sententiam ad ea præstanda addictus fuerit, quippe qui fortassis eorum patrimonium dissipavit, tunc homicida ad restitutionem obstringitur; cum jam de familia facti sint occisi, & ejus personam representent. Sicut si quis eo pravo animo interficiat alium, ut confanguineos non necessarios, vel alios etiam pauperes liberalitate defuncti elemosynis sustentatos, hoc beneficio spoliaret, ad restitutionem tenebitur: alia autem emolumenta, quæ ex liberalitate defuncti aliquibus proveniebant, non sunt ab interfecore compensanda, cum nullus ad ea jus habuerit, sed gratuita omnino fuerint. Ita Socus, Navarrus, aliique.

CONSECTARIUM TERTIUM.

III. Qui occidit, vel mutilat injustum infauctorem, servato moderamine inculpate tutelæ, ad nullam est adigendus compensationem; quia injuste aggrediendo sibi imputare debet, quæ illi consequuntur damna; & occisor jus habet se, & propriam vitam tuendi, id præstando, quod necessariam absolute est ad se indemnem, illæsumque servandum. Si vero limites excedat moderatæ, & inculpate tutelæ, adhuc nulli obnoxium restitutioni declarant Sporerius, & Tamburinus saltem probabiliter: quia, inquit, moderamen inculpate tutelæ excedendo peccat qui contra caritatem, at justitiæ jura non violat, cum injustus infauctor censetur totam remittere ex sui occisione exorientem obligationem, voluntarie enim tanto periculo se objicit, immo sua invasione sibi accersit. Verum hæc doctrina falsa omnino mihi est, & improbabilis. Nam onus restituendi ex homicidio injusto ex ipsa divina lege oritur, quæ in sui defensione moderamen inculpate tutelæ servandum jubet, nec plus nocendum proximo, quam sit necessarium ad sui defensionem. Nec censendum est, infauctorem cedere juri suo in compensatione damnorum; sicut non plus jus tribuit adversario in sua bona, & vitam, quam ipsi ex divina lege concedatur. Hinc si fuga potest injulti infauctoris, & suam mortem declinare, tenetur fugere, reus aliouquin homicidii, & restitutioni obnoxius, si provocatus ad pugnam, eam acceptet, ne notam timidi, ignavi, & vilis hominis incurrat; & si provocantem occidat, ad restitutionem & compensationem obstringitur. Nam humanum honorem contemnere tenetur, nec ob illius

lius tutelam suam, vel proximi vitam periculo exponere. Quamobrem jure merito laxam appellat P. Concina Vivæ doctrinam, asserentis: *Quamvis aliquando non fugiendo peccat contra caritatem, si scilicet sine dispendio bonis fugere poterat; at non peccat contra justitiam, ergo non tenetur ad restitutionem.*

Hinc alii distinguunt, si moderamen inculpatæ tutelæ non nihil, & leviter excedat, ad restitutionem ex homicidio non obstringitur; cum admodum difficile sit in tanto discrimine nec leviter excedere: si vero graviter excedat, erit reparationi obnoxius; tunc enim injuste occidit. Animadvertunt tamen minus teneri restituere, quam si non provocatus occidisset: quod certe verum puto respectu personalis injuriæ occiso illatæ; sed non respectu damnum ex injusta occisione hæredibus provenientium, quippe qui & provocationis innocentes sunt, nec illius causa; secus vero, si ad vindictam interfectorem impulerint.

CONJECTARIUM QUARTUM.

IV. Quando occisus ante mortem suo occisori pacem concedit, & offensam remittit, non censetur & damna inde sibi, vel suis provenientia condonare. Nam injuriæ condonatio condonationem non inferit damnum: illam enim lege evangelica concedere sincero corde, & animo renetur, ista non condonare sine culpa potest. Quid si & damna condonet, & omnes expensas remittat? Liberum hunc ab omni restitutionis onere decernit Concina; quia, inquit, plano jure petitur ille præfata omnia remittendi: & solum addit, ipsum contra caritatem peccare, si cum gravi præjudicio filiorum, uxoris, nepotum, qui ad gravem redigantur inopiam, præ-

fata debita remittat; subdens tamen validam esse condonationem. At non satis perspicio, cur valida sit hæc condonatio, & quomodo occisus pleno jure gaudeat præfata omnia detrimenta condonandi. Nam uxor ob datam dotem, quam fortassis maritus consumpsit, jus habet ad alimenta, æquali jure gaudent & filii titulo natiuitatis: quomodo igitur occisus potest istis juribus hos innocentes spoliare, & ad mendicitatem reducere? Puto igitur nec jure potiri hæc contonandi, nec validam esse condonationem; sed probabiliorum censeo doctrinam Juvenini, & Caniliati, adhuc respectu filiorum uxoris, parentum teneri interfectorem ad eorum detrimenta reparanda. Quod & dicendum puto de illis, qui mutuo se se provocant ad duellum, vel pugnam, tunc enim Concina putat nihil esse restituendum, quia uterque cessit juri suo. Juri quidem suo, sive personalij, sive reali cedere illicite quidem, sed valide, facile perspicio: at juribus realibus uxoris, filiorum, & aliorum qui ab occiso necessario fuissent alendi, omnino non perspicio, nisi forte uterque in pugna moriatur; tunc enim mutua sit forsitan damnum compensatio. Nec dicas, superius a nobis statutum, filios, uxorem, parentes unam constituere moraliter personam cum occiso, proinde eis ab occisore emolumenta, & damnum reparationem deberi: ex quo sequitur, & factam ab occiso condonationem validam esse habendam, & ab onere compensationis erga illos liberari occisorem. Nam respondeo hanc moralem conjunctionem non tollere privata jura, quæ unicuique conveniunt, sed semper facta testis permanere: quorum proinde violatio sine eorum consensu facienda est, nec ab alio, quam ab ipsis remitti

ri potest. Sic pater, & filius pro una habentur moraliter persona; & tamen pater filium legitima spoliare non potest, nec alimenta denegare; quamvis filius habens bona castrensis, vel quasi castrensis, possit & legitimæ, & alimentis renuntiare. Pari pacto licet maritus, & uxor in jure una persona habeantur, non potest tamen maritus uxorem dote sua spoliare; quamvis uxor, si aliunde habeat, possit eam in utilitatem familiæ, vel mariti in aliquo saltem casu donare. Quomobrem & ita sentiendum arbitror in casu nostro, cum uxori dos, filiis alimenta ex justitia debeantur, ea præstare debet injustus homicida: cumque jura ad dotem, & alimenta sint in filiis, non potest maritus, vel parens occisus ea condonare occisori valide, cum nequeat illos hoc stricto jure privare.

CONSECTARIUM QUINTUM.

V. In homicidio casuali non semper occisor liber est ab onere damni reparandi. Nam tunc solum hoc non premitur onere, quando omnem adhibuerit diligentiam, & cautelam, ne homicidium sequeretur, licet fortassis dederit operam rei illicitæ; ut in Clerico vetiram venationem exercente: tunc enim homicidium est prorsus involuntarium; secus vero, si debitam cautelam omisisset, & diligentiam. Et idem dicendum de ebrio, qui alterum occidit, qui ad restitutionem non tenetur, si vel non prævidit securum homicidium; vel, si prævidit, cavit diligenter, ne sequeretur; secus vero, & prævidit, & non cavit. Pari pacto onere non premitur restitutionis, qui alium vulnerat dumtaxat vulnere de se non lethali, si forte imperitia medici, vel chirurgi vulneratus decedat; tunc

enim ipse vulnerans non est causa mortis, damna proinde ex solo vulnere reparare tenetur: aliter tamen dicendum, si ex vulnere, licet de se non lethali, alter obeat ex deficientia medici, vel chirurgi, qui vulneri medeatur; tunc enim vulnus est tota, & sola causa mortis. Non liberatur vero ab onere restitutionis, qui volens occidere hostem suum, aliam loco ejus per errorem occidit: nam est causa vere voluntaria hujus homicidii, quippe qui voluit vere hominem occidere, licet in persona erraverit. Ita statuunt & ipsæ civiles leges in *L. cum qui nocentem* 18. §. 3. *Si injuria mihi sit ab eo, cui sum ignotus, aut si quis putat me Lucium Titium esse, cum sim Cajus Sejus, praevalet, quod principale est, injuriam eum mihi facere velle: nam certus ego sum, licet ille putet me alium esse, quam sim, & ideo injuriarum habeo actionem.* Si quis hostem aggrediatur non armis, sed verbis contumeliosis, & valde dehonstantibus, & ab isto injuriam repellente occidatur, non pauci recentiores illum ab onere restitutionis liberant: quippe qui injusta sua actione alterum provocavit, & suæ neci causam præbuit. Verum falsa habenda est, & improbabilis hæc doctrina, quia illarum verbalis injuria, licet gravis & gravissima, non ad vindictam armis capiendam jus præbet, sed petendi coram judice, vel alio plane moderato modo justam satisfactionem. Sed quid, si non verbis, sed armis aggrediatur hostem, a quo posita, ut se defendat, illum occidit, licet in occisione moderamen non excedat inculpatae torule? Aliter est homicidium, & restitutioni obnoxius, quia injusta sua aggressionem se in necessitatem voluntariam conjecit vel occidendi, vel moriendi. Quod si rixantibus duobus, & armis pugnantibus,

bus, alii sponte sua accurrant, vel causa alterutri auxilium ferendi, vel eos dividendi, & horum unus alterum enecet, principales rixantes ad restitutionem non tenentur, nec rei habendi sunt illius homicidii: nam solum remota causa sunt occisionis, cum ipsi sua voluntate, & sponte accesserint. At si alter rixantium amicum, vel transuentem in suum auxilium vocet, qui accurrens opem laturus ab alio rixante occiditur, qui auxilium imploravit, ad restitutionem teneri nonnulli etiam benigniores Casuistæ sentiant; quippe qui in causa fuit illius necis, eum ad pugnam vocando, movendo, excitando. Verum cum hic nec fraude, nec dolo, nec vi usus sit, sed solis precibus, & suasionibus, quibus ipse occisus se moveri consentit, iustitiam non violasse videtur, licet fortassis in caritatem peccaverit; proinde obnoxium restitutioni non censeo. Qui latronibus, vel mandatariis domum Petri, vel ipsum Petrum ad necem quærentibus ostendit, quem revera enecant, reum homicidii habent plures Theologi, & compensationi obnoxium, si sine ulla coactione, vel metu mortis id egerit; at secus, si gravi metu coactus ob intentatam a latronibus, vel mandatariis mortem, domum, vel personam Petri ad necem quæriti, & interfecit pandat; quia, inquirunt, non tenetur sua morte alterius mortem vitare, vel alterius vitam suæ vitæ dispendio fervare. Sed hoc verum puto, quando quis sine culpa potest se morti subducere alterius mortem permittendo, puta auxilium non ferendo cum propriæ vitæ discrimine. At hic non agitur de sola alterius mortis permissione, sed de vera, reali, & efficaci ad ejus necem cooperatione: nam non

minus Petrum interficiunt latrones, & mandatarii gladiis vulnerando, quam ipse gladio linguæ manifestando; & est vera causa necis magis, quam sit causa stupri, qui scalam tenet domino volenti fenestram conscendere ad virginem constuprandam: & sicut hic famulus nec metu mortis potest domino obsequi; ita nec iste saronibus & mandatariis interrogantibus respondere; reus proinde patratu homicidii. Num vero & restitutioni obnoxius? proculdubio, sed secundo loco, non restituentibus scilicet latrone, & mandatario; quippe qui ejusdem sceleris, idest homicidii reus est, quod debuit inferre restitutionis. Durus, inquires, est hic sermo. Uuque. Sed hic locum habet monitum Eccles. 33. *Agonizare pro anima tua, & usque ad mortem certare pro iustitia.*

CONSECTARIUM SEXTUM.

VI. Qui alterum occulte interficit, cujus mors innocentis iniuste imputatur, præter, immo contra ejus voluntatem, quæ huic innocenti sequuntur damna, compensare minime tenetur. Nam illius damni, & detrimenti non ipse est in causa, nec directa, cum innocentis damna nolit; nec indirecta, cum ex homicidio non sequatur, huic innocentis potius quam alteri adscribi debere. Quamobrem quæ sequuntur detrimenta, iudicis vel Testium, vel accusatorum ignorantia seu malitia sunt tribuenda. Causa tamen directa damnorum fiet, si homicida aliquod opus fecerit, quod efficaciter influat in alterius innocentis imputationem; puta si se, eo inscio, vel invito, ejus vestibus amictur; si ejus gladio usus sit, quem cruentatum in ejus vagina postea reposuit, vel prope cadaver reliquit;

si occisi corpus sepeliat, vel abscondat in horto innocentis: hæc enim argumenta validiora sunt, quæ innocentem in suspicionem criminis adducunt; propterea quæ sequuntur damna, sunt ab hoc dolo, & fraudulento homicida refarcienda. Si vero occisum hominis cadaver e domo sua asporret, & penes alterius domum reponat, non ea quidem mente, & voluntate, ut alteri homicidium imputetur, sed solum ut a se suspicionem patrati criminis amoveat; si forte propter hoc innocens vexetur, non videtur immunis ab omnimoda damnorum compensatione, ut plures docent Theologi: quia licet inventio cadaveris hominis occisi prope alicujus domum non sit prudens causa, sed solum levis occasio innocentem vexandi, cum frequenter contingat hominem in uno loco vulneratum, in altero cadere, & mori; inficiari tamen non potest id aliquo modo in causa esse detrimenti, & vexationis, quam innocens subit: propterea dixi, non esse ab omnimoda damnorum compensatione immunem, sed solum pro rata modi, & efficacitatis, quo in detrimentum, alterius influit ad arbitrium prudentis viri.

CONSECTARIUM SEPTIMUM.

VII. Si homicida, vel fur a justitia capite plectatur, num ejus heredes ad damnorum reparationem teneantur inquirunt Theologi. Plerique de juris rigore docent teneri, cum per capitale, quam subit, pœnam justitiæ quidem vindictivæ, quæ publicum bonum respicit, satisficiat at non commutativæ, quæ privata detrimenta reparanda jubet. Hunc tamen rigorem per contrariam consuetudinem emollium dicunt, per quam, pœna mortis inflata, censentur omnia damna remissa, & condonata. At ipse cenſeo di-

ſtinctione opus eſſe. Nam ſi a læſa parte vindicta urgeatur, & pœna poſtuletur, ea a judice inflata, & a reo perſoluta, tunc omnia jura læſæ patriæ ceſſant; cum quod exquiſierat, punitionem ſcilicet rei, ſit conſecuta: & hæc eſt conſuetudo, quæ inter nobiles viros, & præparentes viger, qui ſive juſtitiz zelo, quod rarum eſt, ſive vindictæ ſtudio punitionem Rei urgeant, hanc ubi ſint conſecuti, reliqua negligunt, & condonant. At ſi reus capitali ſententia puniatur a judice ex officio ſuo, non urgente læſa parte, multoque magis injuriam condonante, non puto hæredes rei habendos immunos ab onere ſarciendi damna, præſertim ſi divites ſint, & bona occiſi habeant, læſi vero pauperes & egentes, quippe quia pœna mortis crimen quidem expiat, at aliena damna non reparat, quæ innocentes patiuntur. Quod ſi mors ob furtum ſit inflata, & res furto ablata exiſtant, non video, cur non ſint reſtituendæ, & quo titulo hæredes ſibi uſurpare valeant, licitumque dominium nanciſci. Dices forte liberali conceſſione patriæ læſæ. At hæc de facili non eſt præſumenda, præſertim ſi rei punitionem non poſtulaviſſet, & injuriam perſonalem condonaviſſet. Et revera, ſingamus latronem, & ſpoliatorem alicujus templi, cujus pretioſa vaſa aurea, & argentea abſtulit, ſuſpenderi puniri, quis dicere audeat, licere hæredibus, ea vaſa, & ſupelleſtilia ſibi retinere, & ab Eccleſiæ miniſtris illis condonari? Tenetur igitur hæres non obſtante rei ſacrilegi punitione ea reſtituere. Hinc locum ſolum habere puto hanc condonationem, quando agitur de peculatu; tunc enim ſi Princeps, punito per mortem reo, publicam pecuniam ab hæredibus non expoſcit, quod

quod ipsi facile est & in promptu, censetur mortis rei contentum cetera condonare.

REFLEXIO.

I. Gravissima profecto sunt in se, & specie sua crimina stuprum, adulterium, homicidium, & quæ non nisi Sacramento Pœnitentiæ expiari possunt. Sed quod in ipsis magis timendum illud est, ne inutilis sit & ipsa Pœnitentia cum enim præter detestationem criminis exposculent & damnorum reparationem, plures quidem Pœnitentiam amplectuntur crimina consuevit, de iis etiam, si lubet, dolent, sed ad restitutionem usque, & reparationem damnorum pauci perveniunt, de quibus merito dici potest, quod alio plane sensu dixit Isaias: *veniunt filii usque ad partum, & virtus non est parienti*. Sed quid istis proderit Pœnitentia, quæ nec plena est, nec sincera? Non plena quidem, & perfecta, quia non totum præstat, quod debet; non sincera, quia adhuc in injuria perseverant, quod alteri debitum est, retinendo.

II. Et revera, quomodo vere pœniteres habendi sunt supratres illi, qui postquam precibus blanditiis, promissionibus, additis etiam osculis, amplexibus, aliisque illecebrarum præstigiis virginis constantiam oppugnaverunt, ad libidinem provocarunt, & ad stuprum vel reluctantem propulerunt, illico deserunt, despiciunt, vel virginitatis carentiam in ea mentientes, vel se fide promississe jactantes, vel sponte consentienti potius annuisse, quam reluctantem pertraxisse; proinde vel Matrimonio, vel iusta dote defraudant, atque ita illis meretricandæ viam aperiunt, & aliquando etiam necessitatem imponunt?

Patuzzi Theol. Mor. Tom. V.

Quam sperare possunt a Deo veniam, quam sibi polliceri misericordiam, quam consequi salutem, qui virgunculam innocentem in libidinis baratrum præcipitem dederunt, & a virtutis tramite abductam in semitas iniquitatis deduxerunt? Metuere merito sibi possunt, nisi lacrymis, pœnitentia, & bonis operibus se redimant, ne in illam labantur captivitatem, de qua ingemiscit Propheta Jeremias: *Virgines mee, & juvenes mei abierunt in captivitatem. Vera enim* (subdit S. Ambrosius lib. de virgine lapsa) *hæc est captivitas, ubi anima a peccato captive ducuntur ad mortem, & a diaboli dominatione possidentur*.

III. Sed durius objurgare debent faceri Pœnitentiæ ministri stultas illas virgines, & columbas non habentes cor, quæ se decipi sinunt ab amasis, & virginitatem prodigunt; ipsæ enim sunt suæ deflorationis præcipua causa. Si enim se solitudine, pudore, modestia tanquam fortissimis armis munirent, inexpugnabiles profecto forent; immo nullus esset procax adeo, & infrunitus adolescens, qui eas tentare, & aggredi auderet. Si dum in publicum solius titulo necessitatis, vel iusta causa prodeunt, modestiam in vultu, in oculis verecundiam, in incessu gravitatem, in vestitu decentiam præferrent, quis eas non veneraretur potius tanquam virginitatis, & pudicitie templa, quam perverse concupisceret ceu libidinis objecta. At ipsæ sunt, quæ sibi ruinam accersunt oculorum petulantia, incessu procaci, gestu libero, & ad inverecundiam composito: ipsæ quæ, dum venustatem ostendant, facis adaugent, peccatis nuditatem offerunt contemplandam, ostendunt etiam pudicis se velle vendere, quod in propatulo ponunt, & quærere suæ mercis emptores, quos etiam

F f f f

etiā ad prædā invitāt, alliciunt, & pene dixerit trahunt; & postea æstu libidinis percitos clementia repugnantia, simulata honestate, miro artificio, & dolosa vafritie in rete promissi Matrimonii implicāt, & illaqueant: qui postea, quod mirum non est, pari dolo, & vafritie, perceptam voluptatem odientes potius, quam fastidientes, fallunt, & a promissione resiliunt, non sine insanæ virginis & coram Deo, & coram hominibus infamia, familia dedecore, & civitatis scandalo. Ad tam igitur immane facinus pœnitentia delendum has stultas virgines hortentur verbis Ambrosij de lapsu virginis: „ Pœnitentia „ non verbis agenda est, sed facta. „ Hæc autem sic agit, si tibi ante „ oculos ponas, de quanta gloria rueris, & de quo libro vitæ nomen „ tuum deletum sit, & si te jam credas „ prope ipsas postam tenebras exterior „ res, ubi erit fletus oculorum, & „ stridor dentium sine fine . . . Lugubris tibi accipienda est vestis, mens „ ac membra singula digna castigatione „ puniēda. Amputentur crines, qui „ per vana gloriā occasionem luxuriæ præstiterunt. Desuāt oculi lacrymis, qui masculum non simpliciter aspexerunt. Palleseat facies, quæ „ quondam irrubuit impudice. Denique „ totum corpus injuriis, & jejuniis maceretur, cinere aspersum, & operum cilio perhorrescat, quod male „ sibi de pulcritudine placuit. Cor vero „ sit liquefcens tamquam cera jejuniis, inquietans se ipsum, & cogitationibus veritatis, quare sit ab inimico subversum. Sensus etiā crucietur, qui „ in membra corporis cum haberet dominationem, malo cessit imperio. „ Talis vita, talis actio pœnitentiæ, si „ fuerit perseverans, audebit sperare,

„ etsi non gloriā (amisse virginitatis) „ certe pœnæ vacationem.

IV. Adulteris vero in memoriam revocet, exponat, incutet studiosus Pœnitentiæ minister terribilia illa, & immania Apostoli ad-Heb. potius tonitrua, quam verba. *Adulteros judicavit Deus*. Et oh quam terribili judicio! Nam, ut dicitur Proverb. 6. v. 30. *Non grandis est culpa; cum quis furatus fuerit: furatur enim, ut esurientem impleat animam: deprebensus quoque reddit septuplum, & omnem substantiam domus sue tradet. Qui autem adulter est, propter cordis inopiam perdet animam suam: turpitudinem, & ignominiam congregat sibi, & opprobrium ejus non delebitur*. Et quoniam illa cordis inopia, per quam perdet animam suam? Profecto non alia, nisi damna compensandi incuria, & negligentia. Nunquam adduci possunt, ut credant, se ad mariti, & familiæ detrimenta reparanda teneri, & innumeras prætexunt causas, & excusationes, ut hoc onus declinent. At illis non parcant Sacerdotes ministri Domini, & quantum possunt, omnibus bene perpensis vel absolute, & integre, vel pro rata prudentis dubitationis ad restitutionem, & compensationem urgeant. Mulieribus vero adulteris verba Ecclesiastici explicant, dicentes cap. 23. v. 32. *Dedecus erit omnibus mulier omnis relinquens virum suum, & statuens hereditatem ex alieno Matrimonio: primo enim in lege Altissimi incredibilis fuit: secundo in virum suum deliquit: tertio in adulterio fornicata est, & ex alio viro filios statuit sibi . . . dedecus illius non delebitur*. Quibus verba tota explicatur tanti facinoris gravitas, & injustitia, ob quam merito mortis pœna afflicbantur in veteri lege statuta Levit. cap. 20. *Si maritus fuerit quis cum uxore*

alterius, & adulterium perpetravit cum
conjugis, proximi sui, morte moriantur
marchus, & adultera. Ostenditur enim
gravitas adulterii ex injuria in Deum,
cujus minas; & pœnas non timent;
& in Christum, cujus Sacramenta pro-
fanant; in meritum, cujus jura vio-
lant, cui turpitudinem asserunt, quem
ignominia aspergunt; in familiam, quam
confundunt, perturbant, commiscunt
alienos obtrudendo; in Rempublicam,
cujus cives dehonestant, jura pertur-
bant, dignitates, & bona indignis
communicant; in Ecclesiam denique,
quam scandalis defœliant. Mirum igitur
non sit opprobrium adulteræ non
deleri, nec in hoc mundo, ubi raro
admodum condignis pœnitentiæ fructi-
bus crimen suum detergant, neque in
altero, ubi sine vera pœnitentiâ in vivis
pœnitentia locum non obtinet miseri-
cordia.

V. Homicidas vero terreat, ut ad
pœnitentiam revocent, sui sceleris im-
manitatem ob oculos exponentes verbis
Catechismi Concilii Tridentini, sic Pa-
rochos, & Pœnitentiæ ministros in-
struente. „ Sunt homicidæ humani ge-
„ neris hostes, atque adeo naturæ ho-
„ stes acerbissimi, qui, quantum in
„ eis est, universum Dei opus ever-
„ tunt, cum hominem tollant, cujus
„ causæ is omnia, quæcumque procrea-
„ ta sunt, se fecisse testatur: immo
„ vero in Genesi cum prohibitum sit
„ hominem occidi, quia illum Deus
„ ad imaginem suam, & similitudinem
„ creavit, iungens Deo injuriam in

„ facit, & quasi violentas illi manus
„ videtur inferre, qui ejus imaginem e
„ medio tollit. Hinc lex Mosaica mor-
„ ti addidit homicidas. Ex. 21. Qui
„ percussit hominem, inquit, volens
„ occidere, morte moriatur. . . Si quis
„ per industriam occiderit proximum
„ suum, & per insidias ab altari meo
„ avelleret eum, ut morte moriatur “. Veneris Ecclesiæ severissimam in homi-
cidas disciplinam exponat, quæ eor
statuto Ancyranæ Concilii can. 22. per-
petuæ per totam vitam adjecit pœni-
tentiæ; & postea benignissime cum il-
lis agendum putavit, cum quam per
totam vitam agere debebant, pœniten-
tiam ad magnum annorum spatium li-
mitavit: Quinimmo nec ipsos involun-
tarios homicidas, qui scilicet non ex
pravo animo, sed per imprudentiam
proximum enecassent, sine magna
quinq; & etiam septem annorum
pœnitentiâ ad Sacram Communionem
admittebat. Ad damna etiam omnia,
& detrimenta facienda, quantum pos-
sunt, urgeant, & impellant. Hoc tri-
bus modis fieri posse suggerant, nimi-
rum 1. vel per sententiam æquam ju-
dicis, qui modum, & quantitatem
compensationis decernat. 2. Vel arbi-
trio proborum, & sapientum virorum,
qui omnibus bene perpensis, quod ju-
stum est, determinent, 3. Vel deni-
que conventionem, & pacto cum parte
læsâ, quæ non minis territa, nec do-
lo decepta justæ consentiat satisfactio-
ni.

TRACTATUS IX.

DE PRÆCEPTIS ECCLESIAE.

EXPOSITIS quæ ad Divina tum naturalia tum positiva spectant Præcepta, ad ea progredimur, quæ ab Ecclesia lata sunt mandata, non quidem temere, & pro arbitrio imposita, sed summa sapientia & studiosa providentia, ut fideles facilius divinis obtemperent præceptis: quæmobrem non novæ leges dici possunt, sed pro legis divinæ iam constitutæ observantia novæ & faciliora præstituta media & validiora excitamenta. Porro non de omnibus Ecclesiæ præceptis hic agendum sumimus, sed de illis dumtaxat, quæ ad omnes pertinent fideles, non vero ad peculiarem aliquem vel Personarum, vel Religiosorum cætum. Hi sex enumerantur nimirum 1. Missæ auditio diebus festis. 2. Abstinencia a carnibus in omnibus sextis feriis & sabbatis, nec non jejunium in quadragesima, aliisque diebus designatis. 3. Annua sacramentalis Confessio. 4. Communio sive pia sumptio Eucharistiæ in Paschate. 5. Decimarum solutio. 6. Nuptiarum solemnitas certis anni temporibus interdicta. De his omnibus, postremo excepto, de quo agemus ubi de Sacramento Matrimonii tractandum erit, disputabimus, & totum Tractatum in plures partiemur disputationes singulis præceptis explicandis ordinatas.

DISSERTATIO I.

DE PRIMO ECCLESIAE PRÆCEPTO

Sacrum Missæ Officium in diebus Festis reverenter audire.

I. HOCCE primum Ecclesiæ Præceptum Theologi communius extendunt & dilatant, ita ut Missæ auditio pars sit præcepti, non totum integrumque præceptum, unde sic illud indicunt: *statutos Ecclesiæ dies festos celebrato*. Nec immerito, nam licet præceptum de Festorum sanctificatione & naturale sit, & Divinum, Ecclesiasticum tamen est quoad dierum festorum designationem; nam præterquam quod loco Sabbati in veteri lege pro Dei cultu exhibendo designati, Apostolica

traditione dies Dominica subrogata fuit, sunt & alia plura Festa ab Ecclesia universali de præcepto constituta. Verum cum nos de Festorum omnium sanctificatione fuisse tractaverimus in III. Præcepti Decal. explicatione, hic solum de peculiari hujus præcepti parte agendum assumimus. Quatuor igitur expendemus. 1. Hujus præcepti subiectum, videlicet quinam teneantur Missæ in die festo interesse. 2. Modum illud pie implendi. 3. Locum, & tempus. 4. Denique causas ab hujus præcepti

cepti implatione excusantes expendemus.

II. Antequam tamen tabulæ manum admoveam, illud generale principium statuendum est, omnia scilicet hæc Ecclesiæ præcepta sub mortali culpa fideles omnes obligare; quamobrem quicumque absque legitima causa illa transgreditur, esse semel faciat & ex fragilitate, peccat tamen mortaliter, contra aliquorum Theologorum doctrinam affirmantium tunc solum lehalis peccati reatum incurri quando quis hæc præcepta vel ex contemptu, vel cum scandalo violat, quæ doctrina damnata est ab Innoc. XI. n. 52. quæ aiebat: *Præceptum servandi Festæ non obligat sub mortali seposito scandalo, & si absit contemptus*. Et ab Alex. VII. n. 22. *Frangens jejunium Ecclesiæ ad quod tenetur non peccat mortaliter nisi ex contemptu, vel inobedientia hoc faciat, puta quia non vult se subicere præcepto*. Et licet hæc propositiones solum duo respiciant Ecclesiæ præcepta observanda, scilicet Festorum & Ecclesiastici jejunii, palam tamen est ad cætera etiam extendi, cum eadem sit ratio legislativa, scilicet potestas Ecclesiæ filios suos ad aliqua observanda obligandi. Hæc doctrina jam communis est apud omnes non solum Theologos, sed & Christianos, proinde in ea adstruenda diutius non est immorandum, præsertim cum fufe hæc de re egerimus Tract. de Leg. Diss. 3. cap. 5.

CAPUT PRIMUM.

De Subiecto præcepti audiendi Missam, scilicet quinam hoc præcepto obstringantur.

DOCTRINA.

- I. Præceptum audiendi Missam antiquissimum in Catholica Ecclesia.
- II. Obstringuntur omnes fideles ubi ad annos discretionis perveniunt.
- III. Et quidem integram audire tenentur.
- IV. Peccant qui notabilem partem omitunt.
- V. Notabiles partes Missæ quanam sint.
- VI. Quanam sit pars levis, ejus ommissio nonnisi veniale sit.

I. PRÆCEPTUM de Missa diebus festis & præcipue Dominicis audienda non recens est & ab aliquibus tantum sæculis in Ecclesia constitutum, sed antiquissimum sanæ, & ad primordia Ecclesiæ revocandum. Nam S. Justinus, qui circa medium secundi sæculi floruit, aperte docet, omnes fideles etiam qui in villis vel oppidis morabantur consuevisse omnibus diebus Dominicis Missæ sacrificio interesse, sic enim scribit in Apologetico: *Solis qui dicitur dies omnium, qui in oppido, vel ruri degunt conventus sit peractis precibus, panis offertur, vinum, & aqua*. Quam consuetudinem non ut noviter inventam adstruit S. Martyr, sed tanquam longe ante apud Christianos constitutam, & jam in more positam; quamobrem dicendum est juxta regulam a S. Augustino in Epist. ad Januarium 54. statutam: *Illæ quæ non scriptæ, sed traditæ custodimus, quæ quidem toto terrarum orbe servantur, intelligi vel ab ipsis Apostolis, vel plenariis Conciliis, quo-*

quorum est in Ecclesia saluberrima auctoritas, commendata, atque statuta, retineri. Hanc autem consuetudinem non liberam esse, sed in præcepto jam positam, & a primis sæculis jam vigentem declaravit Sardicenfè Concilium habitum medio IV. sæculo, in quo Osius Episcopus dixit: *Memini superiore Concilio Fratres nostros constituisse, ut si quis Laicus in ea, in qua moratur Civitate reperiat tres Dominicos dies, idest per tres septimanas, non celebrasse conventum, communionem privetur*. Porro nomine Convenius, cui interesse debent Laici, designari sacram Synaxim, in qua populus cum suo Pastore ad sacra celebranda mysteria conveniebat, adnotant Canonistæ & rerum Liturgicarum Expositores. Sardicensem Canonem vero renovavit, & ad memoriam revocavit Concilium Quinifextum sæculo septimo desinente celebratum can. 80. statuens: *Si quis in civitate agens, tribus diebus Dominicis, in tribus septimanis, una non conveniat, si sit quidam Clericus, deponatur, si vero Laicus, segregetur*. Et denique hoc præceptum insertum habetur in Jure Canon. Missam de Consecrat. dist. 1. & Can. Omnes Fideles de Consecr. & licet in iis soli laici designentur ærtum tamen est ex communi interpretatione ab consuetudine etiam Clericos & Sacerdotes non celebrantes, comprehendi, cum enim celebrant, excellentius, & perfectius sacro assistunt.

II. Huic itaque præcepto Missam audiendi de festo parere debent omnes fideles tum mares tum femine, cum ad ætates discretionis pervenerint. Immo & ipsi pueri, cum septennium complerint, tenentur sacro interesse, licet fortassis nondum tanti mysterii sublimitatem agnoscant, quod si & ante se-

pennium in illis plenius rationis usus illuxerit, tenentur Missæ adesse. Sacerdotes quoque non celebrantes tenentur Missam audire, ut mox diximus, adeoque si in die festo alium non habeant Sacerdotem, cujus sacrificio assistant, ipsi celebrare Missam obstringuntur, ut huic præcepto satisfaciant. Hæretici & Excommunicati, quando ipsi liberum est solutionem a suo vinculo obtinere, peccant, quando Missæ non interfunt in die festo, cum hæc omisso sit ipsis voluntaria in sua causa; qui enim aliquo præcepto obstringitur, tenetur omnia voluntaria removere obstacula, quæ ipsum a præcepti implezione impediunt. Si vero per ipsum non fiat, ne absolutionem obtineat, sed hæc illi disciplinæ justo rigore differtur, tunc & potest & debet ab auditione Missæ abstinere, & se humiliter Ecclesiæ subjicere, quæ illum fidelium communione privat, & a sacris arceat. Non tenentur vero nec Infideles qui legibus Ecclesiæ non subjiciuntur, sicut nec Catechumeni, cum nondum per baptismum membra & subditi Ecclesiæ effecti sint, nec ad eam Missæ parrem tenentur, cui adesse ipsis permittitur.

III. Ad integram Missam audiendam obligat fideles omnes hoc primum Ecclesiæ mandatum, ut in pluribus statuitur Conciliis in Jure canonico recitatis: in Concilio, siquidem, Agathensi celebrato anno 506. indicitur. *Missas de Dominico totas audiri speciali ordine præcipimus, ita ut ante benedictionem Sacerdotis egredi populus non presumat, quod si fecerint, ab Episcopo confundantur*. Et in alio Aurelianensi ann. 511. decernitur can. 26. *Cum ad celebrandas Missas in Dei nomine convenitur, populus non ante discedat, quam Missæ solemniter complentur, & ubi Episcopus non fuerit, benedictio*

tionem accipiant Sacerdotis. In omnibus ferme Catechismis ad plebem erudiendam institutis, cum Ecclesiae praecepta numerantur, semper sic hoc praeceptum effertur, *Missa integra* audiat in Dominicis & aliis festis. Et quidem integra & tota ab uno Sacerdote celebrante: quomobrem praecepto non satisfacit qui plures Missae partes uno tempore a plane diversis Sacerdotibus audit, ut evincit damnatio propositionis 53. ab Innoc. XI. assentientis. *Satisfacit praecepto Ecclesiae id audiendo sacro qui duas ejus partes, immo quatuor simul a diversis celebratas, audit.* Nec pariter implet praeceptum, qui duas Missae partes, inverso praesertim ordine, audit, ut si quis Ecclesiam ingrediens Sacerdotem invenit consecrantem, ejus Missae assistit usque in finem, deinde ab alio Sacerdote succedente Missam audit a principio usque ad consecrationem, quia licet hæc doctrina non contineatur in damnata propositione, ea tamen ex damnata propositione consequitur, ut advertit benignissimus Tamburinus scribens lib. 4. cap. 11. n. 1., In rigore vero, tam autumo contrariam sententiam, quia ex illis duobus partibus nequaquam constatur unum sacrificium, cui interesse jubet Ecclesia. Adde & absurdum, quod ex prioris opinione consequitur, nam sic posset quis simul ab uno Sacerdote dimidiam Missam audire, & ab alio celebrante eadem hora in vicino Altari aliam dimidiam, & hoc pacto satisfacere; cum ad utrumque Sacerdotem moralis praesentia haberi possit. Sed quidquid sit de hoc duarum opinionum nexu, certum est falsam esse hanc doctrinam ratione quam innuit laudatus Tamburinus, quia nimirum Missa est actio & sacrificium suis partibus sibi invicem

succedentibus, & debito ordine dispositis constans, & hujus Missae auditionem praecepit Ecclesia; porro praefata dimidia partes unum integrumque sacrificium minime constituunt, proinde Missae praeceptum minime implet, qui hoc pacto Missam audit. Quomobrem audiendi non sunt Salmanticenses docentes, probabile esse, hoc facere sine justa causa esse solum peccatum veniale, cum revera sit transgressio praecepti Ecclesiae, quod sub mortali obligat. Sicut nec audiendi sunt cum docent, audientem Missam ab uno Sacerdote a principio usque ad consecrationem, & quod superest ab alio Sacerdote, non peccare nisi venialiter, quia, esto illae partes, independentes sint, neque unum Sacrificium constituere possunt, ideoque illis assistens nequaquam integro sacrificio proprio & in rigore assistat, at tamen ex benigna interpretatione Ecclesiae communi doctorum judicio approbata, reputandae sunt partes unum Sacrificium componentes quoad effectum audiendi sacrum & satisfaciendi Ecclesiae praecepto. Nam si, ut illi fatentur, ex illis duabus partibus unum Sacrificium constitui non potest, ergo sacrificio nullo modo assistit qui tali pacto Missam audit, quapropter praeceptum Ecclesiae non implet. Nec locum hic habere potest benigna interpretatio Ecclesiae, quandoquidem hæc Missae partitio non nisi vel ex necessitate progredi potest, puta si Sacerdos post consecrationem moriatur, & tunc adesse eidem Missae ab altero Sacerdote supplente celebratae nihil esset quod reprehendi posset, quia unum & integrum immo idem Sacrificium esset; vel ex libito & mero audientis arbitrio, & quia credere potest, Ecclesiam velle legem suam, suum praeceptum voluntati, &

temeratio audientis arbitrio accomodare, & in ejus favorem laxare? Nemo certe prudens & cordatus putabit, præsertim cum agatur de præcepto obstringente ad assistendum Sacrificio omnium sanctissimo, & summa veneratione habendo. Nec prodest jactatum Doctorum judicium, quippe qui, & nimis recentes sunt, & Probabilissimi sequaces ac patroni, & plures etiam damnatæ propositionis assertores & defensores. E contra vero hæc doctrina, ut refert juveninus de Sacram. Euchar. cap. 16, qu. 6. reprobata fuit a Facultate Theologica Lovaniensi, & a pluribus Belgicis Episcopis, quorum auctoritas laudatis Theologis est merito præferenda.

IV. Non satisfacit præcepto qui notabilem Missæ partem audire omittit. Nam revera tunc integram Missam non audit. At quænam sit hæc pars notabilis, non conveniunt Theologi. Illorum tamen mihi arridet sententia, qui hanc notabilem partem non tam ex materiæ quantitate quam ex partis dignitate & præstantia mentiuntur. Quapropter qui a Sacrificio abesset vel tempore consecrationis vel assumptionis, profecto Missam integram non audiret, licet aliis partibus interesset, quia tametsi præfata actiones breviori tempore expleantur quam ceteræ, tamen sunt partes sacrificii essentialis, intrinsecæ, præcipuæ, & quæ ipsum sacrificium constituunt: jure itaque juveninus l. l. ut falsam rejicit recentioris Theologi opinionem docentis: „satisfacere præcepto pro Ecclesiæ, qui negliget Missæ interesse tempore consecrationis, si adesset tempore assumptionis, quippe qui adhæreret opinioni probabiliori docti, essentialiam Sacrificii non in consecratione sitam esse, sed in assumptione a Sacerdote peracta, cum

„longe probabilior sit opinio docens, Sacrificium haberi, quando, ut scribit S. Cæcilius Hom. 19. munera offeruntur, vel et Corpus et Sanguis Domini consecrantur“, & nos suo loco fusius ostendimus. Assumptio quoque sive communio Sacerdotis pars est, quæ ut docet S. Thom. 3. p. q. 82. a. 4. est complementum Sacrificii. Immo & Salmanticensium doctrinæ libenter subscribo, assertentium tract. 5. cap. 6. punct. 1. n. 2. non satisfacere præcepto, qui a peracta consecratione usque ad Patrem noster exclusive non assisteret, quia est pars gravis & notabilis in dignitate, orta ex propinquitate ad substantiam Sacrificii.

V. Quoad reliquas vero partes non integre Missam audit, nec præceptum implet, qui illi non adest a principio usque ad Evangelium inclusive, quia pars illa Missæ, quæ Catechumenorum dicitur, est pars notabilis, proinde scandalosam appellat juveninus illorum doctrinam, qui docent, implere præceptum qui Missam ab Offertorio audire incipit. Pari pacto qui a Missa discedit peracta communione Sacerdotis usque ad finem Missæ, cum & illa pars sit Missæ notabilis, & ut vidimus ex Concilio Agathensi, illi sint ab Episcopo confundendi, scilicet acriter objurgandi, qui ab Ecclesia ante Sacerdotis benedictionem discedunt, & Episcopi ac Synodi Gallicanæ Ecclesiæ, ut refert juveninus, insurrexerint contra falsam nonnullorum doctrinam affirmantium, satisfacere Ecclesiæ præcepto qui Missam interfuit solum usque ad consumptionem Sacrificii inclusive. Multoque magis rei sunt violati præcepti, qui ambas, scilicet primam Missæ partem usque ad Offertorium, & postremam a consumptione usque ad finem audire omittunt, cum

cum hoc sit terriam partem Missæ omittere, quod lethale esse peccatum etiam laxiores Casuistæ affirmant.

VI. Levem vero absolute materiam puto, omittere auditionem Missæ ab initio usque ad Epistolam exclusive, sicut & negligere Evangelium in fine Missæ, licet nonnulli Juris Canonici Doctores, inter quos Pax Jordanus censeant, & priorem omissionem a lethali peccato excusari non posse. Duo tamen a sacro Penitentis Ministro notanda cupio: 1. Levitatem vel gravitatem omissionis etiam ex ipsa omittentis dispositione esse pensandam, siquidem si quis in more haberet ex accidia, desidia, & rerum spiritualium fastidio accedere ad Missam audiendam vel ante vel post Epistolam, vel ante benedictionem recedere, cum ceteroquin liberum illi foret & opportune accedere, vel aliam Missam integre audire, quod omittit ut ludis, voluptatibus, solatiis, vel etiam negotiis in die festo non vetitis vacet, multo magis vetitis, esset in tali prava animi dispositione, ut vix illum a lethali peccato excusarem, & certe absolute non dignaret nisi serio, & firmiter mihi polliceretur a tali prava consuetudine se recessurum, & Missam imposterum integre auditurum. Alterum qui vel iusta de causa impeditus, vel etiam ex negligentia ac desidia Missæ interesse inieperet ea jam cepta, & longius progressa, teneretur, si aliam Missam habere ea die non valeret, totam reliquam partem Missæ usque ad finem audire, & sic eo quo posset modo Ecclesiæ præceptum implere.

CAPUT SECUNDUM.

CONSECTARIA PRÆCEDENTIS
DOCTRINÆ.

- I. *Aliquo sensu destituti Missa adesse tenentur.*
- II. *Missam quocumque legitimo modo celebratam audire sufficit.*
- III. *Qui integre Missa adesse non potest, partem quam potest audire debet.*
- IV. *Ex præcepto Ecclesiæ non nisi ad unius Missæ auditionem fideles obstringuntur.*

CONSECTARIUM PRIMUM.

I. QUI aliquo destituuntur sensu, puta visu, vel auditu, licet sacrificantem Sacerdotem & Sacrificii ordinem vel non videant, vel non audiant, Missæ tamen interesse tenentur, cum adhuc possint pie & devote implere præceptum, & sacro adesse. Quid si cæcus quis simul sit & surdus, & consequenter mutus, teneatur hic Missæ interesse? Negant plures Theologi, quippe qui putant quidem esse materialiter & physice sacrificio assistentem, at non moraliter & religiose, cum nulla quæ per sensus adveniunt Religionis excitatione percipiat. Verum cum & hic quoque interiori sensu pietatis moveri possit, & aliquo modo devote assistere, teneatur præcepto Ecclesiæ satisfacere, & Missæ interesse. Sicut & pueri qui licet etiam completo septennio Mysterii dignitatem & sacram actionem non percipiant, tamen probe nosse possint se Deo cultum reddere, & rei sacræ interesse, & aliqua tum exteriori tum interiori devotione moveri. Infantes vero nec obstringuntur præcepto, nec expedit eos ad Ecclesiam Missæ tempore

G g g g

de.

deferre, cum facile admodum sit ut clamoribus, ejulatu, risu & per Ecclesiam discursu Sacerdotem celebrantem & fideles audientes distrahant & conturbent, nisi forte indolis sint placidæ adeo & pacatæ, ut quietos omnino consistere merito præsumi possit. Catechumeni cum nondum per baptismum sint in Ecclesiæ gremium recepti, ejusque legibus nondum obstringantur, nec integræ Missæ, nec ei parti, quæ Catechumenorum Missa dicitur, interesse tenentur, multoque magis ab ejus auditione Infidelis arcentur.

CONSECTARIUM SECUNDUM.

II. Præceptum hoc implent qui Missam audiunt sive solemnem & cum cantu, sive privatam & sine cantu, sive propriam alicujus Sancti, sive de tempore, sive vorivam, & quocumque idiomate, & ritu catholico ab Ecclesia adprobato celebretur, cum præceptum absolute solam Missæ auditionem jubeat, non vero ritum & officium Missæ. Pari pacto implet præceptum qui Missam audit celebratam a Sacerdote catholico, qui tamen nec excommunicatus denunciatus sit, vel degradatus, vel notorius Clerici percussor, ideoque deficiente alio Sacerdote potius est Missæ auditio omittenda, quam in divinis cum hujusmodi Sacerdote communicare. Si vero excommunicatus sit, sed toleratus, licebit ejus Missæ Sacrificio interesse, cum vetitum non sit cum excommunicatis toleratis etiam in divinis communicare. Hinc optime docet S. Thom. 3.º P. q. 72. art. 9. „Hæretici schismatici & excommunicati sunt per sententiam Ecclesiæ executione consecrandi privati, & ideo peccat quicumque eorum Missam audit, aut ab illis recipit Sacramentum,

„Sed non omnes peccatores sunt per sententiam Ecclesiæ executione hujus potestatis privati, & sic quamvis sint suspensi quantum ad se ex sententia divina, non tamen quantum ad alios ex sententia Ecclesiæ, & ideo usque ad sententiam Ecclesiæ licet ab eis communionem accipere, & eorum Missam audire. Nemo tamen debet hujusmodi Sacerdotes ad celebrationem impellere, vel hortari, immo si alii sint Sacerdotes, istorum Missæ interesse, & ab eis Sacramenta percipere tenetur, ne aliorum peccatis participes efficiatur, ut pariter docet S. Thom. Quodl. 11. q. 8. art. 1. scribens: „Aliud quantum ad jus naturale est per se malum, & aliquod malum est quantum ad jus positivum. Quicumque enim Sacerdos in peccato mortali existens celebrat, peccat mortaliter, unde si constaret mihi eum esse in peccato mortali, & inducerem eum ad celebrandum, peccarem mortaliter, & hoc est secundum jus naturale, quia hoc est eum provocare ad peccatum mortale. Jus autem positivum addit plus, quod non solum non debeam inducere eum ad celebrandum, sed etiam si audiam ejus Missam, pecco mortaliter; quod quidem institutum est in peccatum, nam Sacerdotis fornicarii. Attentandum tamen est, quod hoc non intelligitur de quolibet Sacerdote fornicario, sed de publicis fornicatoribus, quando judicio & sententia Ecclesiæ habentur publici fornicarii.

CONSECTARIUM TERTIUM.

III. Qui integram Missam audire non potest, ei saltem parti interesse debet quæ superest, nisi minima pars sit. Huic doctrinæ adversantur cum Joanne San-

Sancho nonnulli Theologi, qui docent, probabile esse accendendum ad audiendum sacrum tempore quo Præfatio dicitur, & non extra aliud celebrandum, minime teneri reliquis illius Missæ interesse; sed audiendi non sunt, cum improbabilis sit & falsa hæc opinio, quandoquidem quæ Præfationem sequuntur Missæ partes substantialia Sacrificii complectuntur, consecrationem scilicet & communionem, respectu quorum præcedentes partes præparatoriæ sunt, & accidentales. Immo nec verum puto & tutum in conscientia qui accedens jam peractâ consecratione reliquum Missæ omitteret, nam licet actioni Sacrificii non addit quod consecratione perficitur, tamen quantia adest Corpus Christi & in Sacramento præfens est, a fidelibus Deo cum Sacerdote offerri potest, & propterea pars Missæ quæ superest adhuc notabilis est, nec omitti debet, at peractâ jam communionem cum reliqua accidentalia sint, & sacrificium peractum consummatumque supponatur, ea omittere veniale tantum peccatum erit.

CONSECTARIUM QUINTUM.

IV. Ex præcepto Ecclesiæ fideles non nisi uni Missæ interesse tenentur, at sola Missæ auditione præceptum sanctificandi dies festos omnino non implent. Et quidem nonnisi unicam audiendam Missam ex præcepto esse, certum est, & ad unum omnes Theologi fatentur, adeoque & in ipso die Natalis Domini, licet quilibet Sacerdos tres Missas celebret, vel celebrare possit, unam tamen audire tenentur fideles. Verum hæc sola Missæ auditione diem festum minime sanctificari, id est divino cultui dedicari late ostendimus in III. Decalog. Præc. cap. 3. & 4. ubi satis de hac re

disputavimus. Hic solum adorare & adire lubet, ideo de hac sola Missæ auditione ex Ecclesiæ præcepto mentionem fieri, quia ipsa Missa usque ad duodecimum sæculum plura complectebatur pia opera, quæ non breve spatium sed quæ horæ occupabant, sed per longum tempus fideles in divino servitio detinebant. Nam præter longiorem forsasse Liturgiam Fideles Sacrificio ab Episcopo vel proprio Parocho celebrato adesse tenebantur, in quâ post Evangelium sacra Canticum, Instructio, vel Catechismus habebatur, sacra Communio saltem pluribus ex assistantibus distribuabatur, collectæ fiebant, & elemosynæ in pauperum subsidium & levamen, populus vel ante Missæ initium, vel post peractum Sacrificium Psalmos, aliasque orationes decantabat. Porro cum post duodecimum sæculum & refrigerante caritate, & crescente celebrantium numero hæc omnia pia exercitia, quæ Missæ Sacrificio jungebantur, non omissa quidem, sed ad alia diei horas translata sint, solum in Missa ritus Liturgiæ servatus est; quomobrem censendum est, non sublatum Fidelibus onus diem festum sanctificandi per pia opera & spiritualia exercitia juxta cujuscunque devotionem, & opportuno tempore exercenda ad Deo debitum cultum in festis diebus præstandum, quem cultum certe Deo non in regre exhibet, qui uia contentus breviori Missa aliis piis operibus eo die non vacat. Illud etiam animadvertendum, posse fideles peccare, licet Missæ intersint, si illud omitteendi se gravi periculo exponant, licet postea fortuito potius quam ex mente & intentione Missæ tardius forsasse celebratæ intersint; sicut & contra fieri potest, ut omnis sit culpa expertus, qui sedulo studens

dens Missæ adesse, reperit tamen vel citius celebratam, vel Sacerdotem defuisse qui eam celebraret. Quamobrem non tam ex facto sive omisso sive præstato de culpa pœnitentis iudicandum, sed ejus piæ voluntatis, intentionis & operæ præstite ad Missam audiendam, & Ecclesiæ præceptum implendum ratio est præsertim habenda.

CAPUT TERTIUM.

De modo audiendi Missam.

DOCTRINA.

- I. *Præsentia exterior Missæ qualis esse debeat.*
- II. *Non sufficit physica & corporalis, sed requiritur pia & religiosa.*
- III. *Intentio quomodo requiratur.*
- IV. *Attentio mentis & cordis necessaria.*

I. **C**UM Missæ assistentia & audiitio actus sit religionis & pietatis in Deum, oportet ut fiat modo plene pio & religioso tum exterius tum interius, & debita reverentia tum exteriori tum interiori adhibeatur. Et quidem quoad exteriorem reverentiam primo requiritur præsentia in loco ubi Sacrificium offertur, & licet absolute necessarium minime sit, ut Sacerdos celebrans vel videatur, vel audiatur, aliquoquin cæci & surdi Missæ non interessent, requiritur tamen ut sit in loco ubi Sacrificium offertur, & ita ceteris audientibus associetur, ut eum illis unam moraliter societatem censetur constituere, & sensu aliquo percipiat quid in Missa agat Sacerdos, saltem ex signis illorum qui sunt in conspectu Altaris, adeo ut cum illis surgentibus surgat, se signantibus, se quoque signet, pectus tundat, genuflectat, surgat &c. Hinc præsentia moraliter censetur qui Missam

audiunt in Oratoriis a lateribus Altaris positis, in Choro, in Sacristia, quæ tamen vel ostium patens in Ecclesia, vel fenestras habeat apertas & in Ecclesia prospicientes, sicut qui consistunt in exteriori Atrio Ecclesiæ, vel extra Ecclesiam, in platea, campo, si Templum audientium multitudinem nequeat continere, dummodo tamen cum aliis ita associantur, ut unum moraliter constituere existantur. Sicut e contra moraliter præsens non habetur qui in alicujus Cathedralis magno Templo existens, sed in loco & angulo ab Altari distito, & a multitudine sejuncto Missam in aliquo Altari celebratam audire intendit, quia nec est moraliter præsens Sacerdoti celebranti, nec cum ipso moraliter jungitur aliorum fidelium societate, a quibus omnino est disjunctus; quamobrem non tam physica quam moralis præsentia ad præcepti implementationem est spectanda.

II. Porro hæc præsentia non solum materialis esse debet, sed & pia & religiosa etiam exterius, ut statuit Tridentina Synodus sess. 22. Decreto de observandis & vitandis in Missa, jubens Episcopis, ne patiantur Sacrificium peragi, nisi prius qui intersunt decenter composito corporis habitu deciderint se mente etiam ac devoto affectu cordis, non solum corpore adesse; „ eapropter statuit, ut ab Ecclesiis musici concentus, in quibus „ sive sono sive cantu lascivum aut impurum aliquod miscetur, item secularis omnes actiones, vana atque adeo „ prophana colloquia, deambulationes, „ strepitus, clamores omnino removeantur & prohibeantur. Quamobrem qui solemnæ Missæ assistunt, debent se ritibus Ecclesiæ conformare stando, genuflectendo, sedendo, quando Ministri & Cho-

Chorus sedent, flant, genuflectunt. Qui vero privata Missæ interest, nisi infirmitate excusetur, non sedere debet, sed aperto capite, & genibus flexis, vel stando si multitudo genuflectionem impediat, ut etiam exterius ostendat se peccatorem Deo propitiatorium Sacrificium cum Sacerdote ad placationem offerre. Et jure merito, nam ut docet S. Th., Religio, quæ, auditionem Missæ dirigit, habet quidem actus interiores quasi principales, sed per se ad Religionem pertinentes, & exteriores etiam actus & ad actus interiores ordinatos.

III. Pietas vero & Religio præsertim in interno animi affectu residere debet, & explicatur per intentionem & attentionem mentis sacro operi. Intentio sita est in voluntate deliberata implendi præceptum Ecclesiæ, & exercendi actum Religionis & divini cultus, quæ tamen intentio necesse non est ut directa sit, & per reflexum actum prodatur, sed sufficit virtualis in ipsa pii & religiosi operis executione, quotiescumque enim quis ad Ecclesiam pergit, Missam expectat, ipsi assistit pie, devote, & reverenter; censetur velle Ecclesiæ præceptum implere; quamobrem hæc intentio directe non excluditur, nisi vel contraria vel alia prava intentione, ut si quis vel solius curiositatis gratia, vel etiam irridendi animo Missæ adesset, præceptum non impleret, quemadmodum & ille qui coactus ad Templum raperetur, illic Missæ tempore detineretur, nisi mutata voluntate vel necessitati se accommodans serio & ex animo Missæ assisteret. Nec illa Missæ esset auditor, qui Templum ingrediens Missam auditorurus, eo minime advertente egreditur Sacerdos qui Missam celebrat usque ad Præstationem, & tunc

ex campanulæ tinnitu excitatus auditor advertit Missam celebrari, nam licet & fuerit præsens corpore, & voluntatem habuerit Missam audiendi, revera tamen moraliter Sacrificio non adfuit, cum illud offerri non adverterit, nec se Sacerdoti offerenti conjunxerit.

IV. Intentioni conjungenda est & attentio tum externa tum interna: prior illa est, quæ omnem excludit occupationem live opus animi attentionem impediens; hinc qui Missæ tempore scriberet, luderet, prophanos libros legeret, de negotiis cum alio tractaret, confabularetur, profecto nec externe se Mysterio attendere aperte demonstraret; quod & de illis dicendum, qui per Templum deambulant, ingredientes egredientesque conspicerent, amicos per Ecclesiam quærerent, salutationes perpetuas & urbanitatis officia cum assistantibus exercerent & similia, hæc enim nec cum exteriori attentione conjungi possunt. Attentio vero interna est mentis applicatio ad divina, & ad sacrum quod peragitur Mysterium, quod tripliciter fieri potest, nimirum primo attendendo ad Mysterium & sacrificium quod in Missa offertur, & ad memoriam cruenti Sacrificii in cruce consummati, cujus Missa est repetitio, & iterata commemoratio, & hæc attentio est optima, quam habere debent fideles cum Missæ assistunt, & inculcare ac docere debent Pastores ovibus suis eos monendo, ut præsertim dum consecratio perficitur, ab omni vocali oratione cessent, & Christum adrent præsentem, & Patri offerant, actus fidei spei & caritatis efliciendo. 2. Attendendo ad exteriores Missæ ceremonias, orationes & ritus ad Deum colendum ordinata, quibus & ipse sua mentis attentione conjungat, ut debitu

eam Deo cultum exhibeat. 3. Attendendo solum generaliter ad Deum colendum & laudandum oblatis Sacrificii tempore, quod proinde infumit in piis precationibus & orationibus fortassis etiam alias debitis, & hæc est minima attentio, quæ necessaria est ad præceptum implendum, quam attentionem habere censetur qui in Missa ministrant, non solum munera Diaconi. Subdiaconi, Acolyti exercendo, sed vel privarè Missæ inserviando, & reliqua præstando ad Dei cultum, quæ mentem ab ejus adoratione non impediunt. Hinc Præcepto minime satisfaciunt, nec Missam devote audire censendi sunt, qui Missæ tempore de negotiis tractant, de rebus suis seriis sive lubricis confabulantur, qui prophanos libros, epistolas legunt, qui dormiunt, aliis corripunt, annunt oculis, eosque quaquaversum in introcuntes & excuntes convertunt, picturas, imagines, epitaphia, inscriptiones contemplantur. Multoque minus qui mentem vagari sinunt in vanas, inutiles, liberaeque cogitationes, nec eam ad rem sacram revocant. Itaque ut falsa & omnino laxa rejicienda est illorum doctrina, qui docent satisfacere præcepto per reverentiam exteriorem tantum, animo licet voluntarie in aliena, vana, & prava cogitatione defixo, quam propositionem merito Clerus Gallicanus in Comitibus generalibus an. 1700. scandalosam, erroneam, præceptis Ecclesiæ illusentem declaravit. Non enim Ecclesiæ solum externam & corporalem Missæ præsentiam postulat, sed internam, religiosam, & piam, quæ in Dei cultum cedat, qualis certe ea non est, quæ solo corpore, non vero mente præstatur. Legantur ea quæ Tract. 1. de Legib. cap. 5. n. 7. dicta sunt.

CAPUT QUARTUM.

CONSECTARIA PRÆCEDENTIS
DOCTRINÆ.

- I. *Qui pravo sine Missæ intersunt, præceptum non implent.*
- II. *Qui Missam audit ignorans esse diem festum num præcepto satisfaciatur.*
- III. *Quando quis præsens Missæ reputatur licet recedat.*
- IV. *Quenam pie actiones haberi possint tempore Missæ.*
- V. *Nam canentes, & pulsantes instrumenta Missæ præceptum impleant.*
- VI. *Nonnullorum laxa sententia exponitur & rejicitur.*
- VII. *Qui cum affectu habituali ad peccatum Missæ intersunt, præcepto non satisfaciunt ut oportet.*

CONSECTARIUM PRIMUM.

I. **D**EBITAM non afferunt Missæ audiendæ intentionem, qui ad Ecclesiæ accedunt, & Missæ intersunt ob finem pravam impudice adspiciendi feminas, vel determinatam mulierem, vel qui ut alios honoris gratia comitentur, vel ut Ecclesiasticam functionem suæ præsentia honestent. Hujus confessionis veritatem ostendimus Tract. 1. de Legib. Diss. III. cap. 9. reg. 11. ubi quæ ibi dicta sunt relegantur, & hic confirmamus. Nam dum Ecclesiæ Missæ auditionem præcipit, in die festo actionem præbet piam, devotam, & quæ in Dei cultum, & in salutem agentis cedat; porro qui præfato animo & mente ad Missam audiendam accedit, quam longissime abest a cultu Deo præstando, & ad salutem suam consulendum, quia in primo casu Deum in ipsa Sacrificii assensu offendit, & sibi æternam perditio-

tionem parit; in aliis autem casibus, licet sine, quem sibi præfigit, criminofus non fit, non est tamen pius & religiosus, qualis ab Ecclesia suo præcepto expofcitur. Nec est admittenda aliquorum Theologorum diftinctio inter substantiam præcepti, & modum præcepti, adeoque qui præceptum implet prava intentioni peccet quidem ex modo, at non omittat substantiam actus; quandoquidem hæc diftinctio damnata videtur & reprobata in propofitione 55. ab Innoc. XI. afferente. *Præcepto annuæ Communionis satisfieri per facriligam Domini manducationem*; quandoquidem & hujus pravæ doctrinæ patroni affirmabant quidem facriligium committi in modo fufcipiendi annuam communionem, at præcepti substantiam impleri. Testis est ipse Suarez in 3. p. disp. 70. sect. 5. fcribentis: „ Qui voluntarie fufcipit Sacramentum Eucharistiæ, etiamfi indigne fumat, implet præceptum communicandi, etiamfi alias peccet mortaliter per facriligium divinæ fumptionis . . . nam præceptum tum in Sacramentis, tum in aliis materiis impleri poffunt per actionem peccaminofam, ut patet fi quis Miffam audiat prava intentione“. Et paulo poft fubdit: „ Quamvis quis eat ad Ecclefiam ex libidinofa intentione videndi feminam, vel etiam fi officio Miffæ cum eadem intentione affiftat, tamen fi non excludat voluntatem implendi hoc præceptum ecclefiafticum, & fufficienter fit attentus, illud implet . . . ut in fimili fuperius dictum est tractando de præcepto communionis, est enim eadem ratio, quia fcilicet ille implet substantiam actus præcepti“. En igitur quomodo corruat laffa & laxa diftinctio horum Theologorum, quæ ficut da-

mnata est in præcepto annuæ communionis, ita & pro damnata habenda est in illis Ecclefia præceptis, quæ fine pietate, devotione, & pia intentione impleri non poffunt. Si vero quis ad Miffam quidem accedat vol præfato pravo animo, vel inani alia & prophana intentione, fed pœnitens & voluntatem mutans poftea devoto & attento animo Miffæ interfuit, præceptum impleviffe nemo inficiabitur.

CONSECTARIUM SECUNDUM.

II. Qui Miffæ in die fefto, quem tamen ipfe profectum puiat, devoto affiftit, quando poftea advertit præceptum audiendæ Miffæ, ad quod ante non attenderat, non tenetur iterum Sacrificio adesse, ficut ille qui ftatuit primò ex devotione audire, aliam fubiinde auditurus ut fatisfaciat præcepto, fi mutet voluntatem, ea auditione præcepto, fatisfacit. Utriusque confeftarij veritas est repetenda ex iis quæ diximus Tract. 1. de Legib. Differ. 3. cap. 9. reg. 10. & in Tract. de II. Decal. Præc. differ. 2. cap. 7. confeft. ult. Et primum quidem, quia ut docet S. Thom. 2. 2. qu. 104. art. 3. ad 1. „ Licet actus virtutis cadat fub præcepto, poteft tamen aliquis implere actum virtutis non attendens ad rationem præcepti“. Cum itaque ille, qui Miffæ interfuit, attente & devoto actum ponat lege præceptum, Ecclefia optemperat, quæ talis actus pofitionem imperat, non reflexam attentionem & animum illud ponendi tanquam præceptum. Qui vero ex devotione Miffam fe audire profitetur, animo aliam audiendi ut præceptum impleat, vel etiam animo non audiendi, peccabit quidem hic pofterior ex prava animi dif-

dispositione, at mente mutata, neuter iterum Missam audire cogendus est, cum uterque & actum præcepto imposui-
tum impleverit, & voluntatem implendi, quam antea non habuit, postea sibi assumit, & sic omnia quæ Ecclesia jubet plene ponit. Præterquamquod, ut advertimus locis sup. citatis, qui ita agunt vel stulti sunt vel scrupulosi; stulti utique, dum quod præceptum est exacte ponunt & implent, & simul non ponendi animum habent & voluntatem; scrupulosi quia timentes & anxii ne debito modo audiant Missam, ad anxietatem tollendam, tollendumque timorem propositum concipiunt aliam Missam audiendi, quod onus postea sibi ob scrupulos grave detrahet. Et quis non videat, cum hisce imbecillibus mi-
nistris esse agendum?

CONSECTARIUM TERTIUM.

III. Præsentes moraliter censentur Missæ sacrificio, qui eidem inservientes coguntur ab Altari recedere, ut aliqua ad Missam necessaria deferant, puta vinum, aquam, thus, vel ad campanas pulsandas, proinde ab Ecclesia ad sacrarium, vel ad campanariam turrim discurrunt & divertunt, quia licet corpore & physica præsentia absint, adsunt tamen moraliter, & ipsi Sacrificio absentes etiam inserviunt. Tres tamen sunt attendendæ conditiones; 1. ut bona fide procedant, idest nec sine necessitate recedant, nec plus morentur quam opus sit, nec quæ desunt parare ex industria omiserint, ut ipsis liceret ab Altari recedere. 2. Ut sacrarium, vel turris campanarum sint Ecclesiæ conjuncta. 3. Denum ut modicum sit tempus recessus, si enim diutius immorandum esset, & interim Sacerdos in ce-

lebratione Missæ progrediretur, profecto Missam aliam audire tenerentur, ut contingit mihi ruri moranti videre in Clerico, qui cum Missæ Parochi interviret cum alio Clerico, vix peracta consecratione domum Parochi adit, Thuribulum & thus accepturus adhibenda pro sepultura defuncti post Missam petenda & sic tandiu moratus est, ut nonnisi post communionem redierit; & tamen se Missæ præcepto satisfecisse pertinaciter tuebatur, qui tamen ad aliam audiendam Missam a Parocho merito coactus fuit.

CONSECTARIUM QUARTUM.

IV. Attente Missam audiunt, qui Sacrificii tempore actus fidei, spei, caritatis, contritionis eliciunt, etiam ordinaros ad Confessionem post Missam habendam. Non vero qui conscientiam discutunt & examinant ut peccata explorent in Confessione pandenda; sicut nec qui peccata vel constituentur, vel audiunt, quia licet hæc pia opera sint, omnino tamen mentem a Sacrificio avocant, nisi vel examen brevissimum foret, vel accessus ad Confessarium pro sola petentia & accipiendæ benedictione, & venia suscipiendæ Eucharistiæ. Pari pacto devoto sacrificio assunt, qui preces & orationes eo tempore attente recitant, licet ad eas teneantur ex alio præcepto, puta ex opere recitandi horas canonicas. Attentionis tamen in his est Regula XII. in Tr. de Legib. Diff. 3. cap. 9. quæ statimur, quando uno & eodem actu impleri aut non impleri valeant plura legis distincta præcepta, colligendum esse ex Legislatoris mente & voluntate; hinc diximus, unica Missæ auditione satisfieri non posse, & præcepto Ecclesiæ, & præcepto Con-

fessarii de Missa pro peccatorum satisfactione audienda, quam doctrinam puto extendendam ad omnem aliam poenitentiam a Confessario impositam, quam semper est speciatim & distincte peragenda, nisi forte vel aliter Minister Sacramenti Poenitentiae declaraverit, vel prudenter præsumi possit voluisse, ut quando injungit poenitenti quotidianam per annum Missæ auditionem; tunc enim in die festo ad duas audiendas non esset cogendus. Quod pariter intelligendum est de voto, qui enim Missam audire ex voto tenetur, non huic oneri satisfacit per auditionem Missæ ex præcepto Ecclesiæ debitam, cum peculiare sibi onus imposuerit, secus vero si per annum quotidianam Missæ auditionem voverit, tunc enim satisfacit & voto & præcepto in diebus festis unicæ Missæ præsentia, cum per annum hæc duo onera simul necessario concurrant, ut diximus etiam Tract. de II. Decal. Præc. Diff. 2. cap. 8. consecr. 10. satisfaceret proinde qui in Missa de præcepto orationes ex voto debitas persolveret, nisi aliter vovens sibi statueret, cum hæc duo onera & Missam audiendi & orationes recitandi sociari possint, & una Religionis virtute eliciantur.

CONSECTARIUM QUINTUM.

V. Plures Theologi docent, musicos, tympanistas, tibicines, chyliaistas, organædos satisfacere Missæ præcepto, si dum canunt & instrumenta pulsant, simul ad sacrum Altaris officium attendunt, omnes tamen subdunt hanc duplicem & ad cantum & instrumenti pulsationem, & ad rem sacram attentionem difficilem esse, quamobrem illis suadent ut Missam audiant. Ipse puto esse distinctionem adhibendam, nimi-

Patuzzi Theol. Moral. Tom. V.

rum si cantores vel organi pulsatores adeo sint in sua arte periti ut modica attentione, & ex continua praxi, & usu vel canant vel pulsant, puto posse sui muneris exercitium cum debita sacrificio attentione sociare; at si vel cantus & sonus in se difficiles sint, & magnam postulent cantantis & pulsantis attentionem, ut concentum fervent, quis non vider, eos certe Missæ debitam piam attentionem præstare omnino non posse? Quod verum maxime puto in iis, qui tempore vel consecrationis, vel communionis vel soli, vel duo simul concentus canunt, in quibus attendere debent quomodo sonum illidant impliceant, expliceant, suspendant, varient, producant, suspiciis, trepidatione, modulatione exornent; & idem dicendum de tibicinis, fidicinis, chyliaistis, qui hujusmodi cantoribus & musicis sono & concentu se sociare debent, & modis conformare. His itaque auctor sum non ut ex consilio, sed ad præceptum implendum allam audiant pie & devote Missam. Idem puto dicendum & de eleemosynarum collectoribus, qui brevi tempore & modica attentione explere munus suum possint, non abnuo Missæ attendere posse, at si in frequentissimo populi concursu eleemosynas colligant, adeout vel totam vel maximam Missæ partem hoc in opere insumant, & vigilantibus oculis hac illaque prospicere debent, ne quem offerre volentem omitant, certe censo non posse debitam mentis attentionem Sacrificio præstare. Nec obstant & muscos concentus & eleemosynarum collectionem in Dei cultum & honorem redandare, nam hoc quidem ultro & lubens concedo, at animadverto qui hæc præstant, non illum Dei cultum, quem Ecclesia postulat, attentum sci-

H h h h

licet

licet & devorum animum ad Sacrificium præstare, proinde opus quidem bonum & laudabile perficere, at non illud quod est in præcepto, obstringi proinde ad aliam Missam audiendam.

CONSECTARIUM SEXTUM.

VI. Ut falsa & laxa rejicienda est nonnullorum Probabilistarum sententia, qui docent non lethaliter peccare eos, qui in Missa fabulantur, legunt, scribunt, pingunt, modo hæc interruptum sicut & internam relinquunt attentionem, licet illam imminuant. Quandoquidem vel hujusmodi inopportune actiones notabile Missæ tempus sibi usurpant, vel solum breve & modicum. Si primum, jam certum est taliter assistentem Missæ præcepto non satisfacere, cum integram Missam non audiat. Si vero interruptum sed per breve tempus in hujusmodi occupetur actionibus, animadvertendum attentionem & tolli eo temporis spatium quo operibus illis vacat & imminui eo tempore quo illis non vacat; nam hujusmodi actiones avocant a re sacra, qui tam facile posita colligi & ad se redire non potest, præsertim si sit dispositus post modicam attentionem iterum ad opus per modicum tempus reverti, & rursus ad attentionem regredi; qui enim hoc pacto Missam audiunt, profecto ostendunt se nihil minus velle quam Deo vacare, & revera ferme toto Missæ tempore eorum mens distrahitur, & divagatur, proinde præceptum minime implent.

CONSECTARIUM SEPTIMUM.

VII. Non est ut falsa & nimis rigida rejicienda illorum Theologorum doctrina, qui asserunt peccatores Missæ tre-

mendo adstantes Sacrificio in habituali peccato, sine ullo poenitentiae sensu, Ecclesiæ præceptum de audienda Missa, non sicut oportet, implere. Quandoquidem Ecclesia omnibus etiam peccatoribus Missæ auditionem præcipient, illud præcipue jubet, & intendit, ut hoc pium opus præstent eo quo decet animo pie erga Deum affecto, & dum Sacrificio assistunt, cum Sacerdote offerente offerant hostiam propitiations pro peccatis peccata sua detestentur & desinant. Et revera qui in habituali peccato existentes Missæ debito modo adesse putant, quia exterius corpore compositi, & mente orationibus intenta assistunt, dum tamen animum gerunt habituali affectu peccato inhærentem & firmum, Judam imitari videntur, qui Christum blando vultu, ore sereno, & amico oculo excipiebat eo tempore, quo ipsum proderere meditabatur, & milites qui in sua Passione coram ipso genuflectentes illum se adorare ac venerari simulabant, dum revera conviciabantur ei, & illudebant. Unde optime agebat S. Augustinus Enarrat. in Psalm. 63. *Simulata innocentia non est innocentia. Simulata equitas non est equitas. Sed duplex iniquitas, quia iniquitas est & simulatio.* Ut itaque hoc præceptum eo quo decet animo, & ad Ecclesiæ mentem impleant peccatores in habituali peccato existentes, debent aliquem actum doloris elicere, vel pium desiderium concipere obtinendi a Deo gratiam a pravo statu recedendi, & in Dei gratiam revertendi. Hoc est minimum quod in Scripturis a populo hostias & sacrificia offerente ante omnia exoptabat Dominus Isaia 1. *Ne offeraris ultra sacrificium frustra: incensum abominatio mihi est. Neomeniam, & sabbatum, & sollicitudines alias non feram, int-*

iniqui sunt cætes vestri . . . Lavamini, mundi estote, auferte malum cogitationum vestrarum ab oculis meis : quiescite agere perverse, discite benefacere. Quem Prophetæ locum explicans D. Hieronymus scribit : „ Omnis conventus, qui non offert hostias spirituales, nec audit „ quod in quinquagesimo Psalmo canitur, *Sacrificium Deo spiritus contributus, cor contritum, & humiliatum* „ Deum non despiciet, abominabile est „ Deo. Audiat etiam Erasmus Theologus certe minime severus, qui in Colloquio cui titulus *Pietas puerilis* sic pium adolescentem respondentem inducit. Er. Nihil audio de sacris. Gerardus. Nec in hac parte mihi desum diebus præcipue fecisti. Er. In his quomodo teneris? Ger. Primum omnium exultio me ipsum, num qua peccati labe sit animus contaminatus. Er. Id si comparias quid tum? Subducis te ab Altari? Ger. Nequaquam corpore sed animo me submoveo, ac veluti procul stans, nec audens attollere oculos ad Patrem Deum, quem offendi, tundo pectus meum dicens illud ex Evangelio cum Publicano : *Domine propitius esto mihi peccatori* : deinde si sensero quempiam offensum a me, ecce curro placandum e vestigio si licet, si minus statuo in animo mihi, cum primum licebit, reconciliare proximum. Si quis offendat me, remitto vindictam, doque operam, ut qui læsti agnoscat errorem suum & resipiscat. Sin ejus rei nulla spes est, vindictam omnem Deo relinquo. Hæc sunt quæ a Christiano peccatore Missam audituro sunt præstanda, ut sicut oportet, & juxta Ecclesiæ mentem & præceptum pie ac devoto Sacrificio intersit. Absit tamen ut quis pu-

ter, assidentem Missæ sacrificio in peccato lethali, vel novum peccatum committere, aut non implere absolute præceptum Ecclesiæ, nisi contritionis & caritatis æquum eliciat. Nam ut egregie docet S. Thom. 2. 2. q. 44. a. 1. ad 1. *Non requiritur status gratiæ ad præceptum implendum de aliis virtutibus ab ipsa caritate distinctis*. Modus (subdit S. Thom.) dilectionis non cadit sub illis præceptis, quæ dantur de aliis assibus virtutum, puta sub hoc præcepto *honora patrem tuum & matrem tuam* (quod & dicendum de præcepto, *Memento ut diem Sabbati sanctifices*) non cadit, quod hoc ex caritate fiat. Qui hæc quætionem subius pertractatam videre cupit, adeat Natalem Alex. Tom. 3. Theol. Dægm. Mor. lib. 4. in Decal. Reg. 9. nec non ejus apologeticam epistolam 78. Conc. de præcept. Eccl. Diff. 3. cap. 5. Juveninum de Sacram. Eccl. T. 1. cap. 16. q. 16. & seq. Auctorem Moralis Christianæ in Dominica Orat. lib. 3. art. 4. punct. 2. Solum declarandam puto hic mentem P. Danielis Concina, qui loc. cit. n. 6. sic doctrinam suam concludit : Sententia quam hic docemus . . . prout a nobis explicata est, cujusque severitatis specie caret. Quandoquidem non dicimus mortale sacrilegium perpetrare, qui peccato lethali inquinatus Missæ assistit, sicut gravissime peccat Sacerdos, qui gravis delicti conscius Missam celebrat, sed dicimus, Christianum hunc præceptum audiendi Missam exequi quidem & secundum litteram implere, secus vero secundum spiritum & intentionem præcipientis, & ut oportet. Dicimus qui cum actuali affectu peccati mortalis Missam audit, non levem profanationem committere, infra tamen mortalem

„culpam“. Puto itaque in his verbis mendum irrepsisse, & pro *actuali* affectu, legendum *habituali* affectu, quandoquidem actualis affectus ad peccatum, cum actus jam sit, ut ex ipso verbo apparet, est in se peccatum mortale, & quidem non exterius sed interius in ipso animo, mente, & affectu; quando igitur iste actus in corde existit & elicitur, de se omnem pium actum ab anima excludit; non potest igitur cum pia attentione & devotione ad Sacrificium quod offertur sociari; proinde qui actu tempore Sacrificii oblectatur vel de capta vindicta, vel de illicitis gustatis voluptatibus (hæc enim importat actualis affectus ad peccatum) jam nedum peccat interno peccato, sed nec debitam habet attentionem ad oblationem & sacrificium Missæ, proinde reus etiam est violati præcepti Ecclesiastici, ut ipsemet Concina paulo superius cap. 4. n. 2. docuerat de illo, qui pergit ad audiendam Missam ob finem pravam aspicienti impudice seminam. Et revera si quis diutius distractus per inutiles cogitationes divagetur, præceptum non implet, multo magis non implet qui ab actuali affectu lethali mente detinetur. Corrigendum itaque laudatum Concina dictum & legendum cum habituali affectu, quippe qui cum actum non importet, sociari potest cum actibus pietatis, & cum attentione & mente devota, unde peccator habitualis impleat quidem materialiter, & ad litteram præceptum audiendi Missam, at spiritum præcepti & Ecclesiæ mentem non attingat. At nec materialiter, nec ad litteram præceptum audiendi Missam implet Sacerdos, qui sacrilege celebrat, cum ipsa Missæ celebratio sit continuum sacrilegium, & perpetua prophanatio Dominici Corporis & Sanguinis, & sicut

præceptum non impletur paschalis communionis per sacrilegam Dominici Corporis manducationem, ita nec præceptum audiendi Missam per sacrilegam Sacrificii sanctissimi prophanationem.

CAPUT QUARTUM.

De loco & tempore audiendi Missam.

DOCTRINA.

- I. *Nonnullorum Theologorum opinio refellitur.*
- II. *Quid Ecclesiæ nomine pro Missa auditione intelligatur.*
- III. *Quanam sint publica Oratoria.*
- IV. *Quenam privata, & quibus in illis liceat præceptum implere.*
- V. *Audienda Missa omnibus festis diebus.*
- VI. *De hora audiendi.*

I. **N**ON defuere Theologi, qui docuerunt Fideles Matri Ecclesiæ præceptum implere quocumque loco Missam audiant, cum Ecclesiæ præceptum nullum verbum habeat de loco, sed solum præcipiat Missæ auditionem. Hinc inferebant satisfacere huius præcepto audientes Missam etiam in privatis Oratoriis; licet enim in Brevibus privata Oratoria concedentibus expresse dicatur non censi illos, qui non sunt de familia, liberos ab obligatione audiendi Sacrum in Ecclesiâ, aiebant tamen ideo additam hanc clausulam ne præjudicium inferatur, si forte alicubi jus, consuetudo, præceptum extet de audienda Parochiali Missa, cui consuetudini, juri, vel præcepto nullum inferre detrimendum innuit Pontifex in Brevis concedendo; quamobrem concludunt, cum in præsentī Ecclesiæ disciplina nullum sit præceptum de Missa in propria Parochia

audienda, liberum erit cuique eam audire ubicumque celebretur. Verum hac sententia omnino rejicienda est tanquam falsa & improbabilis. Cum enim Pontifex discretis verbis declararet illos, quibus privilegium Oratorii concessum non est, non esse liberos ab obligatione Missam audiendi in Ecclesia, aperte indicat fideles omnes, nisi speciali donentur privilegio, teneri ad Missam in Templo, & Ecclesia audiendam, aliqñin præcepto minime satisficiant.

II. Nomine vero Ecclesiae non solum Templum intelligitur, ubi sacrae peraguntur functiones, sed Ecclesiae & Oratoria quæ publica sunt, & habentur. Hinc de necessitate præcepti Ecclesiastici fideles non tenentur Missam audire in propria Parochia, ut declaravit & definivit Sapientissimus Pontifex Bened. XIV. in suo de Synodo præclaro opere lib. 11. cap. 14. ubi postquam num. 7. ostendit jure communi cautum esse, ut singuli fideles diebus festis Missæ adsint Parochiali, num. postea 8. scribit, huic consuetudini, & antiquis sanctionibus derogatum nunc esse non solum contraria consuetudine, sed pluribus posteriorum Pontificum constitutionibus, quibus aperte declaraverunt fideles Ecclesiae præcepto satisfacere, si Missæ intersint vel aliis Paræciis, vel in Ecclesiis Regularium. Dein num. 9. Juvenini, & Van-Elpen opinionem rejicit putantium præfatis Constitutionibus non esse juri communi audiendi Missam in propria Paræcia derogatum, cum in illis clausula sit apposta dummodo audientes extra propriam Parochiam id non faciant in contemptum Parochialium Ecclesiarum; cum, ut ipsa videtur, impossibile sit con-

temptum abesse in illis, qui absque ulla rationabili causa à propria se subducunt Parochia. Egregie enim animadvertit sapientissimus Pontifex, hac interpretatione Summorum Pontificum iudicia penitus everti, cum nullo unquam opus fuerit privilegio, ut fideles legitima urgente causa alienam adirent Ecclesiam, ut ibi Missæ assisterent Sacrificio. Quamobrem nomine contemptus designari actum aliquem distinctum ab ipsa auditione Sacri extra Parochiam, quo quis sive expresse, sive tacite se a proprio Pastore aversum ostendat, quod minime sequitur in illis, qui vel devotionis causa, vel majoris commodi gratia Missam in Ecclesiis Regularium audiunt. Postea vero n. 10. ostendit ex pluribus Theologis, in præsentī Ecclesiæ disciplina integrum esse omnibus in qualibet Ecclesia, modo non sit Capella, seu Oratorium privatum, Sacriæ Mysteriis interesse, cum enim versemur in lege mere Ecclesiastica, etiam Juveninus admittit, potuisse legitimam præscriptione abrogari, & Van-Elpen, quamvis eam in Belgio minime abrogatam contendat, fatetur solere Episcopos monere quidem atque hortari, nullo vero judiciali actu populum compellere ad interveniendum Missæ Parochiali. Tuta itaque est hæc sententia, quæ docet, fideles posse audiendæ Missæ Ecclesiasticum præceptum implere in quacumque publica Ecclesia sive Oratorio sive Capella; nec ut declaravit Alexand. VII. in suo ad hoc emissō Decreto an. 1699. die 30. Januarii, nullam censuram mereri qui docent, in foro conscientiae nullum teneri in diebus festis Parochiæ suæ interesse ad Missam audiendam.

III. Oratorii autem sive Capellæ publicæ nomine intelligantur 1. illæ, quæ pu-

publice patent, utpote in loco publico-erecta auctoritate Episcopi, habentque hostium in via publica, & campanam publicam ad populum convocandum, ubi non una tantum, sed plures celebrari possint Missæ. 2. Oratoria & Capellæ Episcoporum nedom in Palatio urbano, sed etiam in domibus rusticis, ubi se recipiunt aliquando vel ad solamen, vel ad temporalium Ecclesiasticorum proveniuntur curam. 3. Oratoria etiam S. R. E. Cardinalium publica habentur, in quibus fideles Missam audientes in die festo satisfaciunt præcepto Ecclesie, ut declaravit S. Congreg. Concilii 17. Feb. 1623. & Congreg. Episcoporum 22. Septemb. 1640. 4. Publica etiam sunt & habentur Capellæ & Oratoria Regularium sive in Sacristia, sive in Capitulo, sive in alio Monasterii loco firmiter erecta, ut optime ostendit & probat Passerinus To. 8. Tr. 7. q. 3. n. 11. scribens: „Oratoria & Capellæ erectæ intra Monasterium Regularium non sunt omnino extra Ecclesiam, sed intra Ecclesiam censendæ sunt, & ideo non esse contra Concil. Trident. si huiusmodi Oratoria vel Capellæ de licentiæ Prælatorum regularium, ad quos illam dare pertinet, erigantur, & in eis Missæ celebraretur in terminis privilegiorum, quæ in hac parte non sunt receptæ“. 5. Novissima etiam concessione Benedicti XIV. publica etiam habentur Oratoria FF. Prædicatorum erecta & existentia in domibus, possessionibus, & membris ad Conventus Ordinis nunc & pro tempore presentibus & pertinentibus, quæ ab Ordinariis locorum juxta jus visitari & approbati soleant, debeantque, licet ab illis nec visitata nec approbata fuerint, nihilominus Sacrosan-

ctum Missæ Sacrificium tant per Regulares sive ejusdem, sive alterius Ordinis, quam seculares Præbiteros tuto celebrari possit, Missamque ibi audientes in diebus festis præcepto Ecclesie hac de re edito satisfacere intelligantur, absque tamen ullo iurium Parochialium præjudicio: verba sunt Constitutionis datæ 22. Junii 1755. incipientis: *Exponi nobis*, & habetur integre infera Actis Capituli Generalis 1756. Romæ celebrati. In his omnibus itaque Capellis & Oratoriis, quæ Missæ interfunt, præceptum impleant Ecclesiasticum Missæ auditionem in die festo præcipiens.

IV. Oratoria vero privata illa dicuntur, quæ privatis in domibus sola secularium Dominorum potestate eriguntur, quæ sunt omnibus concessa & permessa jure communi; sed ad orationem tantum, non vero ad Missæ celebrationem, nisi ex privilegio a solo Summo Pontifice concedendo, ut habetur in Cap. de Consecr. dist. 1. cap. 33. ubi sic statuitur: „Unicuique fidelium in domo sua Oratorium licet habere, & ibi orare, Missas autem ibi celebrare non licet“. Quando vero a Summo Pontifice licentia conceditur ut vel Oratorium erigi possit, vel jam erecto Missa celebretur, tunc omnes sunt clausulæ & conditiones servandæ, quæ in Brevis concessionis præstituntur, quas expendemus suo loco, quando de Sacramento Eucharistie agemus. Interim dicimus 1. facultatem concedendi ut Missa in Oratorio celebraretur solum illis convenire, quibus Breve privilegii concessum est, sive a tergo Brevis numerentur, sive in ipso Brevis tali potestate donati designentur, ut declaravit Summus Pontifex Bened. XIV. in sua Encyclicæ data die 2. Junii 1751.

§. 15. & 16. Hinc Sacerdos, qui sine illorum præsentia celebrat, graviter peccat, nisi speciali donetur privilegio personali celebrandi in Oratoriis privatis, & illi qui Missæ adsunt præcepto non satisfaciunt. 1. Illos dumtaxat præceptum implere, qui in Brevi designantur, & ferme semper hi sunt 1. omnes de familia Privilegiati. 2. Hospites nobiles. 3. Familiars & servi, qui actu sunt vel ipsi domino, vel alicui de familia necessarii, cujusmodi sunt nutrices, quæ pueros alere, vel custodire debent, quæ infirmum deferere non possunt, & similia. 3. Cum de jure communi cap. 1. Sicut, & cap. Unicusque dist. 1. de Consecrat. & juxta Tridentinæ Synodi mandatum sess. 22. de observ. & evitan. in celeb. Missæ Missa sit celebranda & audienda in Ecclesia, Indultum Oratorii privati tanquam odiosum, & divini cultus immutivum, est stricte & non late interpretandum, ut egregie animadvertit Fagnanus, adeoque extendi non debet ultra privilegiatos, & ministros minime necessarios.

V. Quoad tempus vero, Missa est de præcepto audienda omnibus diebus festis sive Ecclesiæ universalis, sive particularis alicujus diocesis vel civitatis. Non vero in festis sive ex voto, sive ex devotione, sive jussu secularis potestatis institutis. Hinc præceptum Missæ audiendæ non urget nec in vigilia Nativitatis Christi, nisi Dominica sit, nec in postremis tribus diebus hebdomadæ majoris, nec in primo die Quadragesimæ, nec in diebus Rogationum. Si vero festi S. Joseph, vel Annunciationis incidant feria sexta in Parasceve vel Sabbati S. tunc cum eorum solemnitas transferatur in feriam secundam post Pascha: transferatur etiam Festum

cum onere audiendi Missam, & abstinentiæ ab omnibus servilibus: at si in aliis diebus minoris hebdomadæ incidant transferatur quidem Officium Ecclesiasticum, & festus dies habetur in quo audiendum est sacrum.

VI. Quoad horam vero audiendi Missam, cum nulla præsenta habeatur, sat est si fideles Missam audiant ab hora, qua ex præcepto communi Ecclesiæ, vel fortassis ex aliquo speciali privilegio incipit tempus ad Missæ celebrationem destinatum usque ad ejus terminum, qui de jure communi est paulo ante auroram, & paulo post meridiem, in quibusdam autem Ecclesiis & locis ex privilegio concessum est celebrare per horam ante auroram & post meridiem. Immo ubi ex privilegio in Vigilia Nativitatis Domini Missa celebratur ante mediam noctem, qui sacrificio interfunt, præceptum ecclesiasticum implent pro ipso die Natalis Domini, in quo licet omnibus Sacerdotibus concessum sit tres Missas celebrare, fideles tamen præcepto satisfaciunt si unam audiant, ut diximus cap. 2. Consect. 4. Minime vero præceptum implent qui in vigilia Nativitatis Domini in Dominicam diem cadente Missam audierint, quæ celebratur ante mediam noctem, hora scilicet tertia, vel quarta noctis, cum Missa, quæ celebratur, non ad vigiliam pertineat, sed ad festum Natalis Domini, est enim Missa de Nativitate. Qui Missæ audicionem post meridiem differunt, peccare possunt etiam lethaliter, si periculo se exponant non audiendi Missam, licet fortassis ex aliquo fortuito casu contingerit invenisse Sacerdotum sero celebrantem juxta ea, quæ cap. 2. Consect. 4. diximus. Qui probe noverit nisi vade mane surgat vel Missam non audientem,

rum, quia unica est in loco Missæ, vel ab ejus auditione alijs horis impedendum, tenetur surgere ut Missæ intersit, quia illa est unica.

CAPUT SEXTUM.

CONSECTARIA PRÆCEDENTIS
DOCTRINÆ.

- I. Quando licet præceptum implere Missam audiendo in loco minime sacro.
- II. Num satisfaciatur præcepto qui Missam audit ex fenestra.
- III. Num satisfaciunt audientes extra propriam Parochiam.
- IV. Qui privilegio donati sunt Oratorii domestici, tenentur Missam audire in die festo.
- V. Quando satisfaciunt præcepto qui Missam audiunt in Oratorio privato ob Ecclesiam distantiam.
- VI. Celebrantes in privatis Oratoriis licentiam obtinere debent a suis Superioribus.

CONSECTARIUM PRIMUM.

I. **E**X privilegio & Apostolicæ Sedis concessione licitum est etiam in loco minime sacro & Missam celebrare, & præcepto eam audiendi satisfacere vel omnibus vel aliquibus tantum. Nam militibus conceditur, ut in castris & campo audire Missam possint etiam præforibus stantes Tabernaculorum; similiter & existentibus in navi, in qua concessum est altare erigere, immo & stantibus in liore nisi adeo distent ut pene nihil videant aut percipiant, cum existentibus in navi moraliter consocientur in assistentia Sacrificii. Similiter in locis infidelium, in quibus liberum non conceditur & publicum Religionis exercitium, possunt Pastores &

Missionarii vel in campo sub dio, vel in privatis domibus Missam celebrare, cui qui assunt implent præceptum; immo cum hujusmodi privilegia non sint quoad assistentes aliqua limitatione affecta, præceptum implebunt qui Missam audiunt cum militibus & cum navigantibus, licet ipsi nec milites sint, nec navigantes. Denique quibus concessum est altaris portatilis privilegium, illud erigere possunt etiam extra locum sacrum, dummodo tamen decens sit, & Missam audiendo præceptum implere, servatis tamen conditionibus & limitationibus in Brevi apposis, quoad locum, tempus, & personas.

CONSECTARIUM SECUNDUM.

II. Libenter consentiunt Theologi eos vere esse præsentem Missæ, qui illam audiunt ex fenestra suæ domus cum Ecclesia ipsa conjuncta, & respiciente in ipsam Ecclesiam, quia moraliter præsentem sunt, & cum alijs fidelibus conjuncti, cum quibus unum morale corpus efficiunt, & simul facile & vident & fortassis etiam audiunt, quæ præstat & legit Sacerdos. At si inter Ecclesiam & domum mediat via, etiam angusta, licet videat altare & Sacerdotem celebrantem, plures sunt, inter quos Concina, Cuniliati, Ferraris, alique bene multi, qui putant non implere præceptum audiendi Missam, quia inquirunt nec physice neque moraliter sunt Sacrificio præsentem: non physice, quia revera corpore non sunt in Ecclesia; non moraliter nam via intermedia, licet angusta, omnino Ecclesiam a domo dividit, & assistentes Sacrificio in Templo ab iis, qui per præfatam fenestram Missam audiunt, dissociat, proinde cum illis unam moralem societatem constituere non possunt.

sunt . At dissentit Clarissimus Franzoja , & quidem meo videri non contemnendis argumentis , quæ hujusmodi sunt . 1. Ecclesia solum jubet , ut Missa integra audiat pie & devote , de loco autem nihil statuit , præcipit , aut vetat (exceptis privatis Oratoriis) licet ergo omni loco Missæ interesse , dummodo & actiones Sacrificii distincta videatur , & fortassis ipsius celebrantis verba audiantur . 2. Corporalis præsentia in loco non per se requiritur , sed solum ut Missa audiat , & Sacerdos Sacra Mysteria peragens videatur , ergo si etiam sine corporali præsentia in loco & Sacerdos celebrans videatur , & Sacra actiones percipiuntur , jam in præcepto amplius non est præsentia corporalis . 3. Moralitas conjunctio cum cæteris assistentibus tunc solum necessaria est , quando ob frequentiam adstantium , & distantiam celebrantis non alio modo cum Sacrificium offerente conjungi possunt assistentes ; proinde si e prædicta fenestra audiens Missam non viso nec altari , nec Sacerdote , sed solum ex assistentium motibus Missæ ceremonias perciperet , profecto præcepto non satisfaceret , cum tunc moraliter non conjungeretur nec adstantibus nec celebranti , at quando ipse per se suis oculis sacrificantem Sacerdotem intuetur , & fortassis verba audiret jam omnino independentem a cæteris adstantibus Missæ interesset , & præcepto satisfaceret . 4. Denique rei cuiusque videndæ vel audiendæ aliquis non solum moraliter sed physice præsens dicitur , quando ipsam rem & oculis suis intuetur , & aure percipit . Porro Missæ Sacrificium est res oculis videnda , mente contemplanda , auribus percipienda , hæc omnia præstat qui per præfatam fenestram Missæ inter-

est , ergo physice illi præsens est , & præcepto satisfacit . Et revera si quis e præfata fenestra videret hominem hostem suum interficientem , & miselli auxilium implorantis vocem audiret , nonne absque ullo mendacio in judicio sacramento testari posset se cædi præsentem fuisse , nonne perjurus esset si obtentu defectus præsentis & moralis & physice juret se cædi nullo modo interfuisse , & se habere tanquam omnino absentem ? Quis hoc credat vel sentiat ? Nimis igitur materialiter præsentiam exposcere videntur laudati Auctores , cum assistentes e laudata fenestra a legitima & ab Ecclesia præcepta auditione Missæ excludunt . Fallitur autem Concina dum asserit , Tamburinum lib. 3. de Sacrificio Missæ huic contrariam opinionem defendere tanquam probabiliorē , nam Tamburinus non in Tract. de Sacrificio Missæ hanc questionem versat , sed de 4. Decal. præcept. cap. 2. n. 14. ubi pro certo habet audientem e præfata fenestra Missæ præcepto satisfacere , & in sui favorem citat Cardinalem de Lugo disp. 22. de Euchar. sect. 2. n. 10. idem omnino sentientem . His tamen non obstantibus fatendum , aliquid esse concedendum communi hominum sensui & judicio ; porro communiter a Theologis , immo & ab ipsis rudibus præsens non reputatur moraliter , qui e præfata fenestra Missam audiret , quandoquidem , ut ipse fatetur Franzoja , omnes , nisi necessitas aliud exposcat , Missam die festo audituri Ecclesiam aut loca propria ad hoc destinata ingredi debent quoad fieri potest , ne periculum violandi præceptum subeat . Porro laudata fenestra dici non potest locus destinatus ad Missam audiendam , ergo saltem dubium est , num præcepto satisfaciatur , proinde

tutior pars est eligenda, & Templum adeundum ad Missam audiendam; itaut qui bona fide eo modo Missæ interfuit, non sit lethalis criminis culpandus, sed monendus ut impoſterum ab eo audiendi modo abſtineat.

CONSECTARIUM TERCIUM.

III. Licet concessum ſit in præſenti Eccleſiæ diſciplina fidelibus omnibus, ut Miſſæ audiendæ præcepto ſatisfaciant etiam extra propriam parochiam, ſunt tamen a Sacris Pœnitentiæ Miniſtris monendi omnes, & præſertim ruſſici, ut Parochiali Miſſæ interſint præſertim Dominicis diebus, aliique per annum præcipuis ſolemnnitatibus tum ad debitam exhibendam Paſtoribus ſuis reverentiam, tum ut Catheciſmo & Paſtorali inſtructioni interſint, tum ut ſi forte contrahenda publicentur Matrimonialia de ſiſ concilii ſint, & ſi quæ noſunt impedimenta detegere poſſint. Immo & cogendi ſi forte doctrinæ Chriſtianæ ignorantia laborent, quam non alio meliori modo expellere poſſint quam Parochiali Miſſæ aſſiſtendo, omnibusque conſiderandum proponant quod ſapientiſſime ſimul & piſſime docet S. Cærolus Borromæus in ſuo IV. Concilio Mediolanenſi, nimirum, „ non ſolum Parochialem Eccleſiam ſibi datam eſſe, „ in qua primum Baptiſmo ſuſcepto „ Chriſto Domino renataliſ Sacramentis aluntur ad perpetuam ſalutem, „ ſed Parochum etiam Sacerdotem ſibi „ loco parentis eſſe debere, quem diligant, colant, atque obſervent, hoc „ ſibi proponentes illum pro fidelibus „ ſibi commiſſis apud Deum internuncium, ac deprecatorem eſſe, divinæ „ legis interpretem, diſpenſatorem Myſteriorum Dei, chriſtianæ vitæ „ & morum diſciplina Magiſtrum, a

„ quo omne petant pie recteque vivere, „ di conſilium, ac denique Miniſtrum „ omnium ſere, quæ ad ſalutem eiſ „ neceſſaria ſunt“. Sunt pariter monendi maguares nobiles, aliique publica habentes præſertim in villis Oratoria, ne permittant Miſſam celebrari niſi poſt expletam Parochialem Miſſam, ne ab ea audienda villici nacti occaſionem brevioris Miſſæ, abſtineant, & a propria Parochia avertantur, ut ſere in omnibus Synodis optime monent, & ſtatuant Epifcopi, quibus omnino parendum eſt.

CONSECTARIUM QUARTUM.

IV. Qui privilegio gaudent Oratoriæ domeſtici, vel altaris portatiliſ; ſi forte legitime præpeditantur Miſſæ in publicis locis celebratæ intereſſe, tenentur ad curandum, ut Miſſa vel in Oratorio, vel in altari portatili celebretur, cui ipſi aſſiſtentes præceptum impleant Miſſam audiendi in die feſto. Contrariæ opinioni adhærent communiter Probabiliſtæ, qui etiam opinionem ſuam nedum ut veram, ſed & communem appellant, hiſ perſuoti rationibus.

1. Quia nemo cogitur uti privilegio ſibi conſeſſo, quod ad commodum conſeſſum eſt, non ad onus & incommodum.
2. Quia donatus hoc privilegio non tenetur pretium ſolvere, ut Miſſam ſibi procuraret, & ſtipendium dare Sacerdori celebranti, cum jam alias legitime ſit a præcepto Miſſæ audiendæ præpeditus. Verum hæc argumenta adeo mihi videntur infirma & imbecillia, ut hanc doctrinam nec tenuiſſime probabilem reddere poſſint. Nam 1. Privilegia Oratoriæ & altaris portatiliſ ad devotionem quidem fovendam, & pietatem promovendam conceduntur, ſed præſertim ad præcepta tum divina tum Eccleſia-

sica promptius & alacriori animo implenda utpote commodiori & suaviori modo. Tenentur igitur qui præfato privilegio donantur eo uti in diebus festis, non quia sit illis onerosum, sed quia urget præceptum Missam audiendi eo meliori modo, quo quilibet potest; potest autem infirmus absque incommodo, & facillime Missam in privato Oratorio vel altari portauili celebratam audire; ergo tenetur præceptum implere, proinde Missam sibi procurare. Onus autem stipendii Sacerdoti celebranti ad suam sustentationem elargiendi adeo leve est & tenue, ut illo abuti ad Missam non audiendam solius avaritiæ effectus sit, proinde non excusat, immo & avaritiæ & irreligionis accusat, præsertim cum huiusmodi privilegia non nisi nobilibus & divitibus concedantur, quibus illius elemosynæ largitio facilis omnino est & levis; nam casus, quo nonnisi gravissimi stipendii solutione accessit possit Sacerdos, qui Missam celebret, rarus adeo est, ut regulam efformare non possit, cum regulæ juxta id quod communiter accidit, non quod raro evenit, statuantur. Denique nonne privilegii beneficium sentiunt qui domi in privato Oratorio absque incommodo Missæ adesse possunt, ad hoc enim privilegium petunt? æquum igitur est, ut & onus sentiant accersendi Sacerdotem, cui celebranti in die festo juxta Ecclesiæ præceptum assistant. At inquiunt Salmanticenses: „Privilegium celebrandi Missam in Oratorio privato, est odiosum, legi communi adversum, reverentiæ Sacramenti parum conformem, ergo illo uti nemo cogendus est“. Utique ad illud impetrandum nemo cogendus, ac impetrato privilegio odioso, legi communi adverso, reverentiæ Sacramenti parum conformi uti licebit

pro libitu ad proprium commodum, & quando præceptum urget Missam audiendi usus privilegii omitti poterit, & potius omittenda Missæ auditio, quam ejus celebratio in Oratorio privato? Qui hoc sibi persuadeat? Hæc mihi adeo absurda & absurda videntur, ut vix in mentem venire viro pio & religioso Deumque timenti credere possim.

CONSECTARIUM QUINTUM.

V. Non omnino ceram & veram puto doctrinam Lucii Ferraris Verb. Miss. art. 16. n. 24. absolute affirmantis, in Oratorio rurali ultra dimidium miliare ab Ecclesiâ distante satisfacere præcepto Ecclesiæ omnes familiares eam audientes. Nam in Brevi Oratorium concedente non attenditur distantia Parochialis vel alterius publicæ Ecclesiæ, sed sola & mera necessitas privilegiati, qui tempore Missæ, vel pro se, vel pro familia, familiaribus eget, si enim non indiget, Ecclesiâ adire tenentur. Nec certa & absolute vera est ratio ab eodem Auctore citata, omnes familiares habendos esse tanquam actu necessarios, quia propter talem distantiam, & longam moram accessus & recessus servitium domini detrimentum patitur. Nam dato etiam dominum ob famulorum petitas horas absentiam aliquod detrimentum pati, nonne illud libenter subire debet, ut familiares sui Ecclesiæ præceptis obtemperent? Præterea hoc qualecumque detrimentum respectivum est, non absolutum, dominus enim, qui unum vel alterum servum, vel dumtaxat servam habet & ancillam, fortassis ambobus carere tanto tempore non poterit sine familiæ incommodo, ac qui plures habet, nullum detrimentum patietur, cum non semper servi in familiæ servitium occupentur, sed

multum otii habeant præsertim diebus festis. Attendenda est igitur necessitas dominorum, quæ vere eo tempore omnium familiarium exposcat servitium, non absolute pronuntiandum, solam Ecclesiæ distantiam hanc inducere necessitatem. Quod & pariter intelligendum est & de tempore hyemali, & de magna pluvia cadente, nam iterum repeto, non familiarium & servorum incommodum spectandum est, sed necessitas servitii eo tempore domino vere præstandi. Ipsemet ruri cum nobili familia diutius versatus sum, quæ plures famulos & ancillas suo mancipatos servitio habebat, & illos in duas dividebat partes, quarum altera Ecclesiam valde mane adibat, eaque reverente altera pars circa meridiem ad Missam audiendam pergebat, & sic nec necessario carebat servitio & familiares Ecclesiæ præcepto obtemperabant; Oratorii autem privati Missæ nonnisi una ex ancillis & servus qui Missæ interserviebat assistebant. Cur autem ita & fieri non possit, & etiam sub præcepto non debeat, vix percipio.

CONSECTARIUM SEXTUM.

VI. Sacerdotes, qui in privatis Oratoriis celebrant, si sæculares sint ab Episcopo, si Regulares a proprio Superiore licentiam celebrandi in iis & petere debent & obtinere. Ita aperte declarat & statuit Pontifex in privilegio Oratorii privati, in quo disertis verbis dicitur *Cedimus & indulgemus, ut in privato . . . Oratorio . . . per quemcumque Sacerdotem ab eodem Ordinario approbatum Sæcularem, seu de Superiorum suorum licentia Regularem celebrari facere libere ac licite possit*. Scio Tamburinum docere, sufficere generalem eam approbationem, quam obtinet quilibet Sacer-

dos sive secularis sive regularis in sua ordinatione, celebrandi in omni loco ad Sacrificium destinato; vel illam specialem tacitam, per quam Sacerdos nulla vel Episcopi, vel Superioris regularis celebrandi prohibitione detinetur. At hanc sufficere non puto, quandoquidem generalis illa, & tacita hæc licentia necessaria requiritur pro celebratione in quocumque Templo, sive Oratorio etiam publico, cum celebrare non possit valide nisi qui Sacerdos est, & licite nisi qui nulla prohibitione detinetur, specialis igitur aliqua requiritur a Pontifice, qui Oratorium concedit, licentia pro Sacerdote seculari & regulari ut possint licite in privato Oratorio celebrare, alioquin plane supervacanea esset apposita conditio contra regulam a Glossa statutam cap. *solite* lib. 17. tit. 39. cap. 6. *ad ditionem tanquam*: „nulla disto debet vacare, in rescripto, alioquin frustra membranas occupat“. Nec obstat præxia Sacerdotum etiam piorum, & timorata conscientia, quia fortassis ad hanc clausulam non advertunt, vel eam ignorant. Non tamen peccati lethalis damnarem Sacerdotem sine huiusmodi speciali licentia celebrantem, cum præfata verba non rigorosum contineant præceptum, nec ulla indicatur poena omittenti, nisi forte ex contemptu licentiam petere sciens, & volens omitteret.

CAPUT SEPTIMUM.

De causis legitime excusantibus a præcepto audiendi Missam in die festo.

DOCTRINA.

I. Causæ enumerantur excusantes a præcepto audiendi Missæ. II.

- II. *Quando moralis impotentia excuset.*
 III. *Num & quando caritas a præcepto eximat.*
 IV. *Qui ex officio excusantur ab audienda Missa.*
 V. *Num ignorantia excuset.*
 VI. *Num consuetudo.*
 VII. *Num pudor & veracundia.*
 VIII. *Qui Missam audire non potest, ad alia pia opera tenetur.*

I. **T**RES a Theologis assignantur causas ab auditione Missæ excusantes, nimirum impotentia, caritas, officium, quibus & nonnulli consuetudinem addunt, quæ tamen potius corruptela dicenda est, ut videbimus. Impotentia alia physica est, alia moralis. Physica, quæ & naturalis dicitur, legitima est causa omissionis Missæ, audiendæ, cum ad impossibile nemo teneatur. Hinc excusantur infirmi, in carcere detenti, vel domo inclusi sive iuste, sive iniuste, navigantes in mari, qui in terris Infidelium degunt, ubi vel Sacerdotes non adsunt, vel celebrandi libertas non conceditur; si tamen carceribus inclusis concessum foret Capellam adire, vel e fenestra Missæ adesse, tenerentur præcepto, sicut & navigantes, qui privilegio donati Sacerdotem habent in navi celebrantem. Cum vero id, quod sine peccato fieri non potest, impossibile merito dicatur, a Missæ auditione excusantur interdicti, vel in loco interdicto morantes, item & excommunicati, dummodo tamen ipsi in causa non sint interdicti vel excommunicationis, a quibus si vellent absolvi possent, tunc enim sunt in causa suæ voluntariæ impotentis.

II. Impotentia vero moralis consistit in gravi difficultate vincenda, vel ma-

gno detrimento & damno subeundis ad Missam audiendam. Quamobrem legitime dispensari ab hoc præcepto censentur convalescentes, qui sine periculo domo exire non possunt, & quando pestis grassatur, vel hostium incursum prudenter timetur. Mulieres prægnantes partui proximæ, & per aliquod tempus post partum, quando ex egressu in publicum grave damnum merito timent. Puellæ, quæ ex occulta fornicatione prægnantes de sua fama periclitarentur, si ad Ecclesiam accederent dummodo tamen eadem de causa nec in publicum prodeant, sed domi maneant, frustra enim periculum famæ amittendæ timerent in Ecclesia, quod non paverent in vicis, plateis, aliisque publicis locis. Nonnulli eximunt etiam uxores, quæ a marito ob zelotypiam Ecclesiam adire impediuntur ad Missam audiendam, & si uxor exire velit, in blasphemias, imprecationes ex gravi ira prorumpunt. Sed hic notandum quod diximus de scandalo c. 19. confess. 12. scilicet, hocce maritorum scandalum utpote pharisaicum esse omnino contemnendum, præsertim si uxor se paratam dicat Templum adire cum ipso marito, & inibi ab eo non separari. Iustius excusantur Patres familias, qui timent, ne, si domo discedant, graves in familia oriantur rixæ, jurgia, dissensiones, & alia mala, ut diximus lo. 1. conf. 13. S. Anthonius in Sum. p. 2. tit. 9. cap. 10. etiam itinerantes ab auditione Missæ excusant, quando ex necessitate iter habentes in aliorum societate, qui nolunt expectare Missam, & suæ societate illa non bene possunt iter facere, vel quia ignorant viam quæ difficilis est, & periculosa, vel quia non est tuta a latronibus, vel quia ab illis habent ex-

pen-

penfas itineris (quas tamen aliunde obtinere non possint) & *huiusmodi*, *excusantur hi sine dubio*. Distantia etiam a loco Missæ, & itineris difficultas ob pluvias ingruentes, nivese vel labentes, vel lapsas excusare potest. Sed hoc respective, non absolute esse potest legitimum Missæ audiendæ impedimentum, nam distantia trium millia passuum, quam sufficiens impedimentum nonnulli Theologi censent, tale quidem esse potest respectu senis, puelarum, & etiam feminae, at tale profecto non est respectu rustici vel alterius hominis juvenis robusti & bene valentis qui ad invisendam amasiam, vel ad venationem exercendam longius etiam iter non reformidant.

III. Caritas quoque, quæ virtutum omnium princeps est, & regina, ab auditione Missæ excusat matres, quæ domi filias relinquere non possunt, nec secum ad Templum ducere, sicut & nutrices ac famulas, quæ lactentes & parvulos nec domi relinquere, non secum deferre possunt. Qui infirmis graviter morbo affectis & in vitæ periculo versantibus assistere debent, qui propterea ex famuli absentia grave malum pertimescerent. Item si incendium extinguendum occurrat, vel vasa domorum a flammis eripienda, sicut & ad avertendum quodcumque aliud grave malum sive spirituale sive corporale proximi. Non tenetur tamen, ut plures docent Theologi, immo nec debet puella, vel vœnusta mulier ab audiendo Sacro abstinere ex caritate, quia vel in via, vel in Ecclesia sit impudice a juvene vel a viro aspicienda vel concupiscenda, quia, ut diximus de scandalo cap. 18. reg. 2. & seq. scandalum quidem pusillorum est vitandum, at

scandalum pharisaicum est contemnendum, ad quod avertendum ex caritate quidem possumus ab aliquibus operibus liberis & voluntariis abstinere, verum a præceptis sive divinis sive ecclesiasticis servandis omnino non possumus, nec debemus. Recolantur mox citatæ regulæ. In dubio autem de periculo quod timeretur, vel si infirmus deferatur, vel si parvuli domi relinquantur, vel ne jurgia & lites ex absentia insurgant, vel ne convalescens relabi possit, consulendi essent, si fieri potest, Parochus, Superior, medicus, vel alius, qui posset rectum consilium dare; si vero non est consilii locus, putarem caritatem esse præferendam, utpote nobiliorem virtutem, & non sit via tuta quæ amplectenda occurrat.

IV. Ex officio denique ab auditione Missæ excusantur 1. milites & duces, qui præli imminenti tempore nec stationem, nec curam exercitus deferere debent, ut Missam audiant, ob grave quod inde imminere posset detrimentum. 2. Custodes ovium, & armentorum pastores, qui oves & armenta in nemoribus vel pratis relinquere non possunt sine gravi damno. 3. Famuli, qui a dominis ita in suo famulatu detinentur, ut tempus audiendæ Missæ non relinquunt. 4. Opifices qui in ferrariis vel vitrariis fornacibus aut alio ministerio detinentur, a quibus recedere non possunt sine gravi detrimentum sui, tum dominorum. Hæc tamen omnibus non permittitur omisso Missæ in die festo nisi titulo moralis impotentiae, ad quem tandem eorum opera reducantur. Hinc milites & duces & hæc se disponere possunt, ut alii stationem teneant, alii Missam audiant, & vicissim, ab hoc præcepto liberi non censentur, quod & dicendum & de
bu-

bubulcis & pastoribus ovium & armento-
rum, ac de præfatis opificibus. Servi
vero, qui ita a dominis in ministeriis
desinentur, ut tempus adeundi Eccle-
siam non relinquunt, nisi gravi pre-
matur necessitate, debent ab horum
dominorum injusto servitio, quo citius
possunt, recedere, quod si alios domi-
nos reperire possunt, etiam cum mi-
nori stipendio, istorum servitio se man-
cipare tenentur, cum, ut dicemus in
Consecrationis, majus lucrum non sit
legitima omittendæ Missæ in die festo
causa.

V. His causis excusantibus, nonnulli
Theologi adjungunt, ignorantiam, con-
suetudinem, & pudorem; & quidem si
sermo sit de ignorantia sive inadverten-
tia invincibili facti, per quam quis
ignorat, vel non advertit diem esse fe-
stivum, procul dubio legitime excusa-
tur. At certe legitima non est illa igno-
rantia, per quam, ut docent nonnulli
Probabilistæ, quis, bona fide credat
se non teneri Præcepto audiendæ Missæ,
nam si hæc fides bona non sit, quippe
quæ non progrediatur ex justo funda-
mento, sed ex umbratili & ficta per-
suasione, profecto coram Deo non ex-
cusabit, quandoquidem conscientia
nostra, seu persuasio non est recta
agendi regula, nisi sit legi conformis,
a qua si discrepet, vel dissentiat, nisi
invincibilis sit, quod raro contingit in
sciencia & advertentie ad urgens præcep-
tum, non excusat, ut inquit S. Th.
a toto, licet fortassis in rudibus, &
imbecillibus a tanto.

VI. Consuetudo quoque, quæ in ali-
quibus locis viget, per quam r. viduæ
per aliquod tempus post viri obitum
domi se continent, nec foris exeunt,
unde a Missa audienda diebus festis ab-

stinent, quædam diutius ut nobiles,
quædam per breve tempus ut ignobiles.

1. Femina licet a partu bene conva-
luerint, tamen per aliquot tempus ab
Ecclesiæ ingressu abstinent. 3. Nobiles
puellæ nuptui proximæ ira domi se con-
tinent, ut foras non prodeant, nec ad
Missam audiendam. Porro hæc omnes
consuetudines minime sunt adproban-
dæ, quippe quæ non veritati innixæ,
corruptelæ sunt a mundanis respec-
tibus & superbia inducæ, & ju-
sta aureum Sancti Cypriani dictum:

*Consuetudo sine veritate vetustas er-
roris est, propter quod relicto errore
sequamur veritatem.* Non omnes tamen
sunt æqualiter reprobandæ; nam ter-
tio consuetudo omnino est extirpanda,
quippe quæ merus abusus est, & ad
filix custodiam minus idonea; nam tu-
tius mater filiam secum ad Ecclesiam
duceret Missam auditura, quam domi
relinquat in venalium ancillarum vel
servorum custodia: præterea hæc puel-
læ, quæ honestatis titulo ad Ecclesiam
non veniunt, ne oculis intuentium pa-
teant, minime postea verentur ornatæ
& fucatæ se inspectandas e fenestris ex-
hibere, ludis, spectaculis, theatris
interesse. Alteram vero viduarum ob-
luctum domi per aliquod tempus ma-
nentium, dummodo brevius sit, & pa-
trix consuetudine firmata non omnino
reprobat S. Antoninus P. II. tit. 9. cap.
10. §. 2. scribens: *Quod Vidua aliqui-
bus diebus, vel hebdomadis in morte vi-
rorum maneat domi, videtur toleran-
dum, si est de more patriæ. Sed quod
maneant per integrum annum, vel per sex
menses, excusari non possunt, quia magne
abuso est.* S. Carolus Borromeus in l.
suo Conc. Mediolan. per mensem tole-
randam censuit, at in III. Synodo om-
nia

nino averruncandam iussit, indicens: *Festis diebus Sacrosanctæ Missæ Sacrificio fideles omnes interfint. Neque vero excusentur puella nubiles, neque deinceps viduæ ne permissu quidem primi nostri Concilii ob recentem mariti mortem, neque ullo alio enjusvis consuetudinis prætextu.* Quamobrem si qua forte vidua obrentu hujus consuetudinis per aliquas hebdomadas domi oclusa Missam omisit, non est statim lethalis peccati rea habenda, sed perpena ejus animi dispositione, & bona fide, qua putavit se posse morem patriæ absque culpa servare, & quem si illicitum putasset, profecto contempsisset, excusanda est si non a toto, saltem a tanto. Tertia vero consuetudo tolerabilior videtur, cum eam non improbandam dicat Innoc. III. cap. unic. de Purif. statuens. *Si femina a partu recentes ex veneratione voluerint aliquandiu ab accessu ad Ecclesiam abstinere, devotionem earum non credimus improbandam.* At in hoc statuto illud animadvertendum, abstinendam ab accessu ad Ecclesiam non ex consuetudine repeti, sed ex peculiari femine pietate & devotione; quæ igitur non ex motivo pietatis, nec humilitatis sensu, sed ex desidia, vel ne incommodum subeat ab Ecclesia adunda abstinere, & Missæ Sacrificium audire negligit, profecto non excusatur ab hujus præcepti violatione. Præterea femine, quæ sincera & non fucata pietate reguntur, ob suam privatam devotionem Ecclesiæ præcepta non negligunt, sed statim ac a partu convalescunt, se Ecclesiæ & Sacerdoti sistant, ut ab eo benedictæ juxta ritum a Romano Rituali præscriptum in Ecclesiam introducantur, & Missæ Sacrificio interfint.

VII. Pudorem etiam nonnulli ad-

struunt tanquam legitimam omittendæ Missæ in die festo causam, at non usquequaque recte & iuste. Nam certe primo non legitima consuetudo, sed perversus abusus esset ab auditione Missæ eximere mulieres, dum consuetis subjacent mensibus, nisi forte tanta ex ipsis consequeretur debilitas, ut egredi domo non possent, tunc enim ratione infirmitatis excusarentur. 2. Nec legitima de causa excusantur, ut docet La-Croix, a adolescentes & puellæ, quæ Missæ audicionem omittunt, quando inter ejus solemnia eorum Matrimonii habentur proclamationes, si vel aliam Missam, vel alium locum non habeant, quam, vel in quo audiant, quia, inquit, *aspiciuntur, videntur, verecundantur, proinde ubi confutudo sit abstinendi, legitime excusantur.* At hæ causæ nimis leves sunt & ridiculæ, quamobrem ineptæ habendæ ad eos ab hoc gravissimo præcepto liberandos. Hinc si alicubi consuetudo sit, ut suis proclamationibus non interfint, servanda consuetudo, dummodo Missæ auditio non omitatur, at ob hujusmodi consuetudinem Missæ non interesse licitum dici non potest. 3. Nonnulli Theologi etiam sanioris doctrinæ viros & mulieres præferim nobiles ab hoc præcepto eximunt, si vestitu careant suo statui conveniente, quia nimium verecundantur. Verum ad dignoscendum, num decentis ornatus carentia legitima esse possit causa omittendi sacri, illud censeo animadvertendum, num videlicet ob eandem vestium carentiam domo nunquam exeant, nec ad sua peragenda negotia, nec ad suæ indigentia & paupertati auxilium querendum; si enim ab istis abstinent, merito credi potest decenti vestitu carere, & non le-

ven pati ruborem & dedecus, si cogantur in publicum prodire, & si hæc carentia non eos impediat, ut saltem aliquibus horis intempestivis foris prodeant ad temporalia emolumenta sibi aliquo modo procuranda, non excusantur ab auditione Missæ saltem in Ecclesiis vel Oratoriis infrequentibus, vel illis matutinis horis, ubi & quando minor est adiutorium frequentia. Immo saluberrime animadvertit Franzoia, quod si aliqua verecundia pro implendo Ecclesiæ præcepto sit subeunda, eam Christianus subterfugere non debet, nec, ut mihi videtur, potest, quia nonnisi gravia incommoda ab Ecclesiæ lege excusant. Tamen si id quod ipse sentio adicere licet, puto gravissimum esse incommodum nobili Matronæ vel puellæ Ecclesiam frequentem ingredi sine calceis & lacera ac sordida tunicula, quæ vix carnes tegat, proinde nec ad eleemosynam petendam auderet domo exire. Sed ut opportune notat Juveninus de Sacr. Eucar. cap. 17. n. 15. *Raro adnolum contingit, virum vel puellam nobilem nec anam habere, quæ decenter tegatur, vestem.* Abstinere vero ab audienda Missa ob carentiam non decentis vestitus, sed splendidi ornatus, & servorum comitatus, quibus alias proflire solebat nobilis, superbia vitium esset, non legitima a præcepto implendo causa & excusatio.

VIII. Qui Missam in die festo audire non potest legitima præpeditus causa, alias preces & orationes Deo offerre tenetur. Ita docuimus in III. Decal. Præc. cap. 3. n. 3. & hic confirmamus illorum Probabilistarum doctrinam proligando, qui docent huic legitime præpedito sufficere, si a servilibus operibus abstinat, in cultum Dei, immo adiunt, obligationem hujus intentionis

non urgere in festis ab Ecclesiâ institutis. Nam, ut lo. cit. cap. 2. ostendimus, non directe in diebus festis præcipitur interior cultus Dei, qui in primo Decalogi præcepto indicitur, sed exterius officium Religionis, ut declarat Catechismus Tridentini Concilii, cujus verba ibi retulimus, & antea docuerat S. Th. 2. 2. q. 132. a. 4. scribens in III. Decal. Præcepto, præcipitur exterior Dei cultus, qui igitur impeditur ab auditione Missæ non alio exteriori cultu Deum colit contentus sola intentione Deum colendi per abstinenciam ab operibus servilibus, diem minime sanctificat; nec dicas, etiam cessationem ab opere servili esse exteriorem, nam 1. ea cessatio si ab alio pio opere exteriori sejuncta feceratur, non est nisi merum otium, ut illud appellat S. Augustin. serm. 257. de Temp. & mera inertia. 2. Hæc cessatio non per se præcipitur, non enim est negativum textum Decalogi præceptum; sed positivum iubens diei sanctificationem positivis actibus Religionis, ut aperte docet S. Th. 1. q. & a. ad 3. dicens: „In observantia Sabbathi duo sunt consideranda. Quorum unum est, sicut finis, & hoc est, ut homo vacet rebus divinis, quod significatur in hoc quod dicit: *Memento, ut Mem Sabbathi sanctifices.* Illa enim sanctificari dicuntur in lege, quæ divino cultui applicantur. Aliud autem est, cessatio operum quæ significatur cum subditur: *Septima die Domini Dei tui non facies omne opus.* Dum autem Concina docet, se non audere damnare peccati lethalis, qui loco Missæ, quam audire ex legitima causa non potest, nullo alio cultu exteriori Deum colit, puto intelligendus de illo, qui non cogitat forsasse de aliquo ope-

re bono Missæ substituendo, licet alia bona opera exerceat, non autem de illo, qui nullum aliud omnino opus bonum exterioris Religionis elicit: hic enim procul dubio a lethali non excusatur, non præceptum Ecclesiæ violando de Missa audienda quam audire non potest, sed præceptum non implendo de festi diei sanctificatione, quam nullo modo sanctificat, idest divino cultui dedicat, non Missæ auditione, cui adesse non potest, non alio pie externo bono opere quod nullum efficere supponimus, non nuda abstinentia ab opere servili, quæ in abstinentie ab omni bono opere in turpe otium & seignitatem degenerat; nullo ergo modo præceptum implet sanctificationis festi, eapropter lethalis peccati reus efficitur. Præterea si reus est lethalis peccati, qui Missam non audit in die festo cum possit audire, multo magis peccabit, qui Missam audire non valens, nullum aliud omnino bonum opus Religionis exercet. Denique si probabilissima sententia est, illum, qui unica contentus Missa nullum aliud opus pium exercet, diem festum non sanctificare, ut late, & meo videri efficacissime ostensum est in III. Decalogi præcepto, multo profecto minus sanctificationis diei festi præceptum implebit, qui licet legitime impeditus nec Missam audit. Errant vero turpius dum docent, animum colendi Deum in die festo saltem per internam intentionem & voluntatem abstinenti ab operibus servilibus in ejus honorem, non esse necessarium in eo, qui Missam audire non potest in festis ab Ecclesiâ institutis. Errant quidem primo, quia supponere videntur diei Dominicæ sanctificationem esse juris divini, alia vero festa esse solius Ecclesiastici juris, cum certum sit & ex do-

ctrina S. Th. & Catechismi Romani omnes dies festos etiam dominicos, quoad temporis determinationem, esse juris mere Ecclesiastici, sic enim scribit D. Aug. 2. 2. q. 122. a. 4. ad 4. *Observantia diei Dominice in nova lege succedit observantia Sabbati non ex vi præcepti legis, sed ex constitutione Ecclesiæ, & consuetudine populi christiani.* Errant 2. dum hac doctrina insinuant fidelibus, in reliquis festis a Dominica die distinctis, si Missa audiri non possit, nullum esse onus Deo debitum cultum præstandi per meram intentionem abstinenti ab operibus servilibus in Dei cultum & reverentiam; quod quantum a mente Ecclesiæ, a pietate christiana, a divino præcepto abhorreat, nemo est qui non videat.

CAPUT OCTAVUM.

CONJECTARIA PRÆCEDENTIS DOCTRINÆ.

- I. *Rejiciuntur nonnulla laxiores doctrinæ.*
- II. *Quando ab auditione Missæ excusentur qui degunt inter infideles.*
- III. *Spes lucri acquirendi non est legitima causa omittendi Missam.*
- IV. *Num liceat ponere opus impediens Missæ auditionem.*
- V. *Qui in locis Interdicto Ecclesiastico obnoxii commorantur, quando possint Missæ interesse.*
- VI. *Qui a Missa auditione legitime præpediuntur, Missam siccam vel nauticam audire non tenentur.*

CONJECTARIUM PRIMUM.

I. **T**ANQUAM minus veræ rejicienda mihi videntur nonnullorum Probabilistarum binæ opiniones: 1. quæ statuunt dispensatos esse contentos a præcepto audiendi Missam convalescentes,

scientes, qui timent ne exitus e domo & accessus ad Ecclesiam eorum saluti oblit; non enim quodcumque leve nocumentum ab implatione præcepti excusat, sed grave damnum & incommodum; si enim leve incommodum statuatur ceu iusta causa omittendi Missam, facili aperitur via violationi huius præcepti, præsertim cum certe convalescentes non sine levi aliquo incommodo, cui non subest qui firma gaudet valetudine, & domo exire, & Templum adire possint. Altera, quæ addunt licere huic convalescenti ad incommodum vitandum Missæ audicionem in die festo omittere, licet ad alia negotia exeat; si enim incommodum non timeret nec refugit ut temporalibus negotiis operam navet, cur illud sive leve sive grave refugere & timere debet cum agitur de divino cultu, & de præcepto Ecclesiæ servando? Nonne anima plus est quam esca, & corpus plusquam vestimentum? Nonne hæc doctrina plane adversa videtur Christi doctrinæ docentis: *Querite primum regnum Dei, & iustitiam ejus, & hæc omnia* (scilicet sanitas, incolumitas, temporalia bona) *adjicientur vobis?* Nec ab his multum distare videtur Bonaciæ doctrina, quæ asserit, qui ægris solatio sunt, posse Missam præterire, & qui cibos coquere debent, vel alia præstare, quæ omitti non possunt. Professio multum urgens sit oportet infirmi necessitas, quæ non patiat vel cibi per modicum tempus Missæ coactionem differri, nec alius adsit, qui idem officium præstare possit, dum alter Missæ interest. Caritas quidem, ut diximus, excusare potest, gulæ beneficium, vel infirmi solarium & commodum liberare omnino non potest a præcepto implendo.

CONSECTARIUM SECUNDUM.

II. Qui in infidelium vel hæreticorum terris & regionibus degunt vel morantur, nisi illorum in illis locis commoratio necessaria sit vel coacta, sed libera & voluntaria, tenentur ab illis recedere, ut præceptum Ecclesiæ de audicione Missæ implere possint. Solum enim vel publicum bonum, vel privata, eaque gravis necessitas excusare potest Christianidelium commorationem in illis locis, non vero vel negotiatio, vel lucrum, vel divitiarum aviditas. Mercatores itaque, vel milites non subiti, qui solius lucri gratia diutius inter infideles versantur, vel domicilium figunt, in habituali statu peccati versantur. Famuli quoque qui grave malum a dominis suis timent, excusantur quidem si una vel altera vice Missam omittant, verum tenentur ab hujusmodi dominorum servitio recedere etiam cum aliquo lucri detrimento, ut superius diximus.

CONSECTARIUM TERTIUM.

III. Spes lucri acquirendi esse non potest legitima causa Sacram omittendi in die festo. Opposum plane docent plures benigniores Theologi, præcipue si omittens sit tenuis fortunæ, adeo ut lucrum duorum ducatorum vel etiam unius tantum ab audicione Missæ liberet, cum hoc lucrum respectu illius sit notabile, quo illum benignam matrem Ecclesiam privare velle non est judicandum. Verum hæc opinio falsa est & improbabilis; sola enim necessitas videtur comparandi, sicut licitum reddere potest servilium operum exercitium, ita & Missæ omissionem. Ita docet S. Thom. in IV. dist. 15. q. 3.

K k k k 2

a. 2. quæstioncula 4. ad 3. ubi de præcepto jejunii loquens sic primo docet : *Si (pauperes artifices) jejunando possunt competentem victum pro sua persona habere , & pro familia , cujus cura eis incumbit , sive quia alias divites sunt , sive quia de eo quod minori labore , qui secum jejunium compariatur , lucrari sufficientia possunt , a jejunio non excusantur .* Deinde hanc generalem tutissimam statuit regulam : *Ex quo patet , quod intentio majoris lucri eos a peccato non excuset .* Et revera in hujus lucri amissione , si res introspectiatur , nullum obvenit verum artifice vel pauperi damnum , quandoquidem ille vere damnum patitur , qui ea re privatur , ad quam jus & dominiū habet , non ille qui solum avaritiam & capacitatem ad illam : porro lucrum , quod provenit in die festo omittenti Missam , non est illi aliquo titulo debitum , sed solum avaritiam habet & capacitatem omnibus communem ad illud habendum : quamobrem si ob hujus lucri cessationem liceret Missam omittere , passim ab ejus auditione excusarentur pauperes operarii & artifices qui semper putant se magnum pati damnum quando non lucrantur . Nec excusat lucrum magnum esse & extraordinarium , tum quia hæ voces ad fucum faciendum jactantur , passim enim Theologi ad unius ducati summam extendunt , & præterea quilibet magnum reputat , & extraordinarium lucrum illud , quod sibi nec cogitanti nec opinanti forte fortuna obvenit . Pietas autem & clementia Ecclesiæ benignissimæ matris non talis est , ut velit lucrum temporale præferri bono spirituali , & præcepto , sed juxta Christi monitum , primum queramus regnum Dei , certi quod cetera bona temporalia adjiciantur nobis .

CONSECTARIUM QUARTUM.

IV. In Tra&t. x. de Lagibus differt. 3. cap. 8. n. 15. & cap. 9. Consect. 17. docuimus , nemini licere voluntarium impedimentum ponere , ut legis observantiam declinet , & laxam diximus aliquorum Theologorum doctrinam affirmantium , illum , qui sive bona sive mala fide impedimentum apponit , quo a præcepto implendo præpediatur , ab impletione præcepti excusari , quia semel extractus ab obligatione legis , jam incapax effectus est ejus impletionis . Quamobrem hic inferimus , nemini licere voluntarie impedimentum ponere ne Missam audiat , sive hoc præstet opere illicito , puta ebrietate , vel licito , puta iter arripiendo , vel a loco ubi urget præceptum recedendo , cum hoc fiat in fraudem legis ; fraus enim & dolus nemini patrocinatur . Solum igitur vel necessitas , vel maxima convenientia excusare potest qui opus aliquod licitum aggreditur non ad præcepti obligationem declinandam , sed vel suæ necessitati subveniendum , vel utilitati consulendum , licet prævideat fore ut præceptum non impleat . Hinc distinctio temporis vel proximi , vel remoti ab urgente præcepto non est attendenda , ut quis putet se opus aggredi posse , per quod impediatur ab ejus impletionis , sed est attendenda causa justa , necessitas , opportunitas rei faciendæ . Hinc qui mare navigaturus navim conscendit biâuo vel triduo ante diem festum , cum æque possit discendere sine ullo incommodo vel vespere diei festi , vel die festum subsequente , non excusatur , cum nulla sit potior ratio præveniendi , quam differendi diffensum : e contra vero qui justa causa etiam pri-

pride ad festum navem conscendit, quia non aliud habet navigium, vel diutius expectanda alia occasio navigandi, vel non ita tutum est iter alio navigio, licet prævideat die sequenti Missam non auditurum, merito excusatur, quia iusta urget ratio ita agendi. Adprobare itaque non possum recentioris Probabilioris doctrinam, asserentis, si actio etiam honestæ recreationis gratia assumatur aliquot diebus remote a die festo, tunc cum tale præceptum non obliget nec sit proxime obligaturum, vere homo utitur jure suo. Nam titulus honestæ recreationis esse non potest legitima causa omittendi observantiam præcepti, cum recreationi christianam opus & debitum sit præferendum, alioquin si iusta esset causa, posset assumi etiam proxime ad urgens præceptum. Nec distantia temporis iustus est titulus. Nam quando actio illa de se præcepti impedit impletionem, primum interest num proxime vel remote impediatur, revera enim semper impedit; causa autem iusta non est nec legitima; ergo talis fieri non potest ex majori vel minori distantia urgentis præcepti. Non igitur tempus est, sed ratio, causa, & urgens motivum actionis est, expendendum, & ex eo dijudicandum, num uratur vel abutatur jure suo, qui actionem assumit impeditivam impletionis præcepti. Nec urget ratio Theologorum contra opinandum, scilicet actionem assumptam non esse impeditivam impletionis præcepti, quod tunc nec urget, nec in proximo urgebit. Fateor, hoc præceptum audiendi Missam nec nunc urgere, nec de proximo urgere, at urget generale præceptum, ne unquam ullo tempore absque iusta, legitima & gravi causa obstacula de industria apponamus, quæ divinorum

vel ecclesiasticorum præceptorum observantiam impediatur. Ad hanc veritatem exemplo illustrandam liceat mihi Gabat imitari, qui cism venatorium proponit. Plures nobiles feria 2. conveniunt de venatione habenda cum famulis & venatoribus necessariis. Illorum alter postulat ubi habenda sit venatio. Locus valde distans in montibus assignatur. Nobilis ceteris religiosior & magis pius sic obijcit, biduum infumendum est in itinere, biduum in venatione, biduum in reditu, ubi Missam audiemus Dominica die? Si cæteri respondent: Quid tibi curæ de Missa, cujus auditio nonnisi post sex dies urget? si audire nequibimus, omitemus. Hæc responsio est ne christiano homine digna habenda?

CONSECTARIUM QUINTUM.

V. Qui in locis Interdicti Ecclesiæ sico subjectis commorantur, tenentur, si possint sine gravi incommodo, ad loca Interdicti non illigata accedere, ut præcepto Missam audientis satisficiant, nam Ecclesiæ præcepta sunt, dum commode possunt, immo etiam levi incommodo implenda; si enim gravia tolerantur onera pro corporis & salutis cura, cur saltem levia non erunt subeunda ob salutem animæ? Qui vero tempore Interdicti privilegio donantur Missam audiendi, tenentur suo uti privilegio, & Missam audire; nam ut acriter & solide animadvertunt Salmanticenses, hoc privilegium non obiectum præcepti mutat, vel aliquid opus ponendum concedit, sed tollit obstaculum quod præcepti impletionem impediebat: tenetur itaque privilegiatus ex præcepto Ecclesiæ Missam audire, cum per privilegium sublatum sit impedimentum eam audiendi; igitur illi de-

vote interesse tenetur, & audire.

CONSECTARIUM SEXTUM.

VI. Sacerdotes, qui Missam celebrare, vel fideles qui audire non possunt in die festo legitime impediti, nec illi Missam, quam siccam sive nauticam appellant, celebrare, vel isti audire tenentur. Sicca seu nautica Missa illa olim dicebatur, quam Sacerdos sacris vestibus quidem indutus, at sine factis vas & hostia, & ut describit Durandus, „ suo ordine celebrabat usque „ finem offerendæ, dimittens secreta „ quæ ad Sacrificium pertinent, præ- „ fationem vero dicere poterat... De „ Canone nihil dicebat, sed Oratio- „ nem Dominicam non prætermitte- „ bat, & quæ sequuntur sub silentio „ dicenda non dicebat... nec de „ his quæ super calicem seu Eucharis- „ tiam dicuntur vel sunt, nihil dice- „ bat, vel faciebat, poterat tamen „ dicere *Pax Domini sit semper vobis-* „ *cum*, & exinde Missæ officium suo „ ordine paragebat“. Hæc Missa, ut „ observat Cardinalis Bona „ ab indiscre- „ ta & privata quorundam devotione „ duxit originem, cui nimium indul- „ gentes fuerunt Sacerdotes, Larva „ & simulatio quædam Missæ est, sicca „ procul dubio & jejuna, utpote ca- „ rens non solum consecratione, sed „ etiam sumptione Corporis Christi, „ similis cernæ lignæ & lapideæ, quam „ Lampadius, & alii referunt sæpe con- „ vivis suis Helioabalum exhibuisse“. Ipsam reprobant & damnant Ætius Orat. 13. De ea scribit Petrus Cantor in Verbo abbreviato cap. 29. „ esse Missam „ vere siccam, quia sine gratia & hu- „ more, quæ nihil fidelibus prodest“. Eam provida Episcoporum cura ubique

gentium oblitteratam & abrogatam putat præfatus Cardinalis Bona. Audio tamen adhuc in aliquibus navibus haberi, in quibus ea omissa omnino satius foret, si Capellani collectis omnibus navigantibus Evangelium legerent & explanarent, deinde piis aliis precationibus detinerent eo saltem spatio, quo Missa foret celebranda.

REFLEXIO.

Lex audiendi Missam in diebus festis ab ipsis Apostolis indita videtur, ejus siquidem initium post Apostolorum tempora non reperimus, qui enim subsequuntur Apostolici Patres, de ipsa loquuntur tanquam in Ecclesia jam constituta, in more posita, ab omnibus fidelibus attente custodita. Et sane S. Leo Magnus ita cultui D. O. M. reddendo in diebus festis Missæ auditionem opportunam, convenientem, necessariam existimabat, ut plurium Missarum celebrationem habendam juxta Ecclesiæ Romanæ morem in diebus festis etiam in Orientalibus Ecclesiis indixerit Dioscoro Alexandrino Episcopo, cui sic scribit ep. 11. al. 81. *Ut in omnibus observantia nostra concordet, illud quoque volumus custodiri, ut cum solemniter quædam festivitas conventum populi numerosioris indixerit, et ea fidelium multitudo convenerit, quam recipere Basilica simul una non possit, Sacrificii oblatio indubitanter iteretur, ne his tantum admissis ad hanc devotionem, qui primi obtulerint, videatur hi qui postmodum confluerint non recepti, cum plenum pietatis atque rationis sit, ut quoties Basilicam, in qua agitur, præsentia novæ plebis impleverit, toties Sacrificium subsequens offeratur. Necessè est autem ut quædam pars populi sua*

sua devotione privetur, si unius tantum Missa more servato Sacrificium offerre non possint nisi qui prima diei parte conveniant. Studiose ergo dilectionem tuam & familiariter admoemus, ut quod nostra consuetudinis ex forma paterna traditionis insedit, tua quoque cura non negligat, ut per omnia & fide, & actibus congruamus.

II. Sed his Sancti Pontificis, immo totius Ecclesiae studiis, quam negligenter & oscitanter obsequuntur non pauci fideles! Nun desunt enim quibus merito exprobratio convenit S. Augustini, seu alius Auctoris serm. 281. in Appendice: *Qui ita otiosi, & secularibus fabulis (vel vanis cogitationibus) occupantur, ut nec ipsi audiant, nec alios audire permittant, qui minus a nobis culparentur, si ad Ecclesiam non venirent, quia ibi probantur amplius Deum ledere, ubi peccatorum poterant indulgentiam promereri.* Sunt, ut scribit S. August. serm. 251. de Tempore, alii, qui & maxime potentes ipsius mundi, qui cum veniant ad Ecclesiam, non sunt devoti ad Dei laudes celebrandas, sed cogunt Presbyteros ut abbrevient Missam, & ad eorum libitum cantent, non eis licet morem Ecclesiasticum sequi propter illorum gulam & avaritiam, quatenus unus punctus diei ad Dei officium, & reliquum diurnum spatium cum nocte simul ad eorum deputatur voluptates. Nolite, fratres mei dilectissimi, hoc facere, quia non solum qui hoc faciunt, sed etiam, qui consentiunt facientibus peccant. Sunt denique qui Missam tempore vagis oculis hac, illaque respiciunt, accedentes, recedentes contemplantur, & dum corpore sacrificio adesse videntur, mente alio plane ita vagantur, ut nil minus percipiant quam sacra quae a Sacerdote peraguntur mysteria, & dum illos Sacerdos ad Deum corda converte-

re invitat dicens *Sursum corda*, sine mendacio respondere non possunt *Habemus ad Dominum.* Audiant hi Missam non auditores sed prophatores Chrysostomum, sic merito illos increpantem & confundentem serm. 38. Tom. 5. *Quid facis homo? Non promissisti Sacerdoti qui dixit Sursum mentem & corda, & dixisti Habemus ad Dominum? Non revereris & erubescis & illa ipsa hora mendax inveniris? Mensa mysteriis structa est, & Agnus Dei pro te immolatur, Sacerdos pro te angitur, ignis spiritualis ex sacra mensa refluit, Cherubim adsunt, Seraphim advolant, & Spiritus sanctus alas habentes faciem tegunt, omnes incorporeae virtutes pro te cum Sacerdote intercedunt, igois spiritualis a Christo descendit, Sanguis in cratere ad tuam purificationem ex immaculato latere haustus est, & non erubescis, revereris, & confunderis, neque Deum tibi propitium facis.*

III. Sed o utinam ad hæc postrema verba Chrysostomi attenderent peccatores, qui sceleribus onusti, qui in illis tanquam in molli culcitra quiete cubantes, seu potius ut onagri in rete & laqueis dormientes nihil omnino cogitant de sarcina peccatorum deponenda, de Dei misericordia imploranda, de fructu propitiatorii Sacrificii percipiendo. Hi profecto non ea qua decet reverentia Missam assunt, in qua & ipsi cum Sacerdote sacrificante Sacrificium offerunt; nam ut S. Petrus Damiani pendens illa Canonis verba: *Unde & memores Domine nos servi tui, sed & populi tui sancti . . . offerimus praeclaram maiestati tuae &c.* optime animadvertit, hisce verbis luce clarius constet, Sacrificium, quod a Sacerdote

sacris Altaribus superponitur, a cuncta Dei familia generaliter offerri. Quia igitur fronte, quo infrunito animo audient regalis Sacerdotii munia obire, corde perverso, & conscientia cauteriata, anima sordibus & iniquitatibus co inquinata? Hi Deum minime colunt, nam dum & ipsi se spirituales hostias exhibere & proferre deberent, sunt immunda animalia & abominandæ vitæ, quas Deus horret, averfatur, rejicit per os Jeremiæ dicentis: *Incesum abominatio est mihi; festivitates vestras non feram, iniqui sunt cætus vestri*, Et vehementius per Malachiam: *Dispergam super vultum vestrum fœcus sollemnitatum vestrarum*. Hi profecto Ecclesiæ spiritum in præcipienda Missæ auditione minime penetrant, & agnoscunt, & solum corticem ad instar carnalium Hebræorum rodunt. Hæc eo animo & spiritu mandat fidelibus Missæ sacrificio adesse, ut & de ipso participes esse possint, adeo ut qui indignus est participatione Corporis Christi, indignum habeat & præsentia Sacrificii. Eandem enim puritatem pro utroque postulat, cupit, commendat. Audiant Chrysostomum hanc veritatem disertissime simul & luculentissime exponentem Constantinopolitano populo hom. 3. in Epist. ad Ephesios n. 5., Frustra est, quotidianum Sacrificium, frustra adstatum Altari, nemo est qui participet. Hoc dico non ut temere participetis, sed ut vos dignos reddatis. Non es dignus Sacrificio, neque participatione? ergo nec prece. Audi præconem sanctum & dicentem: *Qui cumque estis in pœnitentia, abite*. Omnes qui non participant sunt in pœnitentia. Si es ex his qui sunt in pœnitentia, non debes participare, nam qui non participat, est in pœnitentia. Cur ergo dicit: *Abite qui*

non potestis precari? Tu autem stas impudenter? At non es ex his, sed ex iis qui possunt participare, & nihil curas? Rem nihil esse putas? Considera, quæso, adest mensa regia, adsunt Angeli ministrantes, adest Rex ipse, & tu stas oscitans? Vestes tibi sunt sordidæ, & nulla in te hujus est ratio? At sunt mundæ. Accumbe igitur & participa. Venit, quotidie ut videat accumbentes, omnes alloquitur, & nunc in vestra dicit conscientia: amici quomodo hic statis non habentes vestem nuptialem? Non dicit cur accubisti? Sed ante accubitus & ingressum eum dicit esse indignum. Non dixit enim 'cur accubisti? Sed cur intrasti? Hæc ergo nunc quoque dicit omnibus, qui impudenter & inverecunde stamus. Quicumque enim est, qui Myfteriorum non est particeps, is impudenter stat, & nimis audacter. Qui sunt in peccatis, proprietas prores ejiciuntur. Quomodo enim cum Dominus adest in mensa, non oportet adesse famulos, qui offenderunt, sed procul amandantur: ita hic quoque, cum offertur Sacrificium & Christus sacrificatur & ovis Dominica... Quomodo nullos oportet adesse qui mysteriis non sunt initiati, ita nec ex iis qui sunt initiati & sordidi... Tu adfuisi, hymnum cantasti, cum dignis omnibus te esse professus, eo quod cum indignis non recesseris. Quomodo mansisti, & mensæ non es particeps? Sum, inquis, indignus. Ergo illa quoque communione & societate, quæ est in precibus, es indignus. Non enim solum per propostam, sed etiam per cantica descendit spiritus. Non vides famulum non stum mensam spongia lavantem &

„manum mundantem, & discos men-
 „sæ respondentem? Hoc fit per preces,
 „per clamorem præconis. Tāquam
 „spongia lavamus Ecclesiam, ut in
 „munda Ecclesia sint omnia proposita,
 „ut nulla sit macula, nulla ruga.
 „Sunt & oculi eorum indigni his spe-
 „culaculis, & aures indigne. *Et si be-*
 „*stia*, inquit, *montem tangat, obruet*
 „*tar lapidibus*. Aleo nec digni qui-
 „dem erant qui ascenderent. Atqui
 „postea etiam accesserunt & viderunt
 „ubi steterat Dominus. Licet postea
 „accedere & videre. Sed quando id
 „fuerit, ubi; non enim tibi magis
 „sicut quam Cathumeno. Non sunt
 „enim paria, Sacramenta nondum esse
 „assequuntur, & postquam fueris asse-
 „curus, & offenderis, despiciere, &
 „ea re te indignum reddere. Liebat
 „plura, & terribiliora dicere, sed ne

„mentem vestram gravem, hæc suffi-
 „ciant”

Discant igitur peccatores, quam ir-
 religiose in Daum, irreverenter in Sa-
 crificium, sibi inutiliter & infructuose,
 Sacrificio adiungunt cum habituali ad pec-
 catum affectu, non quidem ut ab eo
 abstineant, sed ut corde dolenti, ani-
 mo contrito: conversionis desiderio as-
 sistant, & divinam sibi concilient mise-
 ricordiam, & iustitiæ avertant indigna-
 tionem. Sic orationem suam claudit
 Chrysostomus: „Ne ergo vobis majus
 „faciamus iudicium, rogo quidem vos,
 „non ut non additis, sed ut præsentia
 „& additione vos, reddatis dignos.”
 Hæc loquantur, hæc exhortentur Sa-
 cerdotes Ministri Domini penitentes
 suos, ut præceptum Ecclesiæ ea, qua
 par est, reverentia & devotione adim-
 pleant.

DISSERTATIO II. DE SECUNDO ECCLESIAE PRÆCEPTO.

Jejunia & abstinentiam certis diebus temporibusque indicta servato.

JEGUNIUM de se abstinentiam a cibo & esca suo vocabulo exprimit.
 Jejunus enim dicitur, qui nullum cibum gustavit. Quoadristariam di-
 vident communiter Theologi jejunium, in spirituale seu mysticum, in
 naturale, morale, & ecclesiasticum. Spirituale seu mysticum jejunium
 est abstinentia a peccatis & iniquitatibus, quod perfectum & salutare
 jejunium commendant quammaxime acra littera Isaie 58. Nonne hoc est
 magis jejunium quod elegi? dissolve colligationes impietatis, solve fasci-
 culos deprimentes. Unde apposite S. Augustinus sive Auctor serm. 175. in
 Append. To. 5. dicebat: Jejunia Christianorum spiritualiter potius, quam
 carnaliter exercenda sunt. Unde a peccatis specialiter jejunamus, ne je-
 junia nostra sicut Iudæorum jejunia, a Domino respuantur. Quale est enim
 ut a cibis, quos Dominus creavit, nescio quis impostor abstineat, & pecca-
 torum sagina pinguescat? Concinit & S. Hieronymus epist. ad Calentiam sub-
 dens: Tunc præclara est abstinentia corporis, cum est animus jejunos a vi-

tiis. Et S. Basilii dixerat hom. 1. de jejuniis: Verum jejunium est ab omnibus vitiis esse alienum. Naturale vero jejunium in abstinence consistit ab omni prorsus etiam minima vel cibi vel potus degustatione, quod tamen non est in precepto, nisi quando a sanis sumenda est Eucharistia. Morale jejunium est actus virtutis temperantia appetitum dirigentis in usu cibi & potus secundum regulam recte rationis: quamobrem ut docet S. Thom. 1. 2. q. 143. duas habet subjectivas partes abstinentiam, quæ cibis, sobrietatem, quæ potui rectam mensuram præscribit. Jejunium denique Ecclesiasticum illud est, quod lege Ecclesiæ certis temporibus & modis servandum indicitur. Hoc jejunium bene definitum a D. Isidoro, quod sit parsimonia victus, abstinentiaque ciborum, ostendit D. Th. in IV. dist. 5. q. 3. a. 1. quæstioncula 1. in corp. eo quia id complectitur quod est de necessitate virtutis, & superadditur quod est de fervore & satisfactioni: & penitentia. Audiatur D. A. sic scribens: „Jejunium dupliciter dicitur: scilicet jejunium naturæ & jejunium Ecclesiæ. „A primo jejuniis dicitur aliquis quolibet die jejunus antequam cibum sumat, „a secundo autem dicitur jejunans, quasi ordinatam ab Ecclesia propter peccatorum satisfactionem abstinentiam servans. In satisfactionem autem peccatorum non solum oportet quod ab illis homo abstineat, quæ lex virtutis prohibet, sed etiam ab illis, quibus salva virtute uti possumus, quia qui illicita commisit, oportet etiam a licitis abstinere, ut Augustinus dicit: „Unde jejunium ab Ecclesia institutum præsupponit abstinentiam illam, quæ ad virtutem exigitur, & addit abstinentiam quandam ab illis, quæ medium non corrumpunt, & ideo Isidorus hæc duo in prædicta definitione jejunii comprehendit, scilicet abstinentiam ab illis, quæ virtutem corrumpunt, in hoc quod dicit parsimonia victus, & ab illis quibus salva virtute alias, uti liceret, in hoc quod dicit abstinentiaque ciborum“. De hoc itaque Ecclesiastico jejuniis a virtute temperantia dicto, & a penitentia imperato sumus in hac Dissertatione disputaturi. Ejus initium, fundamentum, subiectum, objectum, modum, tempus, aliasque circumstantias dilucide & breviter per plura capita exponemus.

CAPUT PRIMUM.

De Jejunii Precepto, institutione, primordiis & temporibus.

DOCTRINA.

- I. Jejunium est lege naturæ præceptum.
- II. Quo sensu dicatur præceptum Ecclesiæ.
- III. Est actus virtutis.
- IV. Per præceptum jejunii non imminuitur christiana libertas.
- V. Triplex complectitur præceptum jejunii, scilicet unicam comestionem.

VI. A carnibus, ovibus, & lacticiis abstinentiam.

VII. Et comestionis tempus, quod varium fuit in Ecclesiæ disciplina.

VIII. Primum & præcipuum jejunium est Quadragesimale.

IX. Succedit jejunium quatuor Temporum.

X. Subsequuntur plures Fæstorum vigiliæ.

XI. Olim jejunium urgebat feria 4. & 6. modo urget abstinentia a carnibus feria sexta, & sabbata.

XII. Jejunium Adventus non est in anniversarii præcepto.

XIII. Nec illiusdierum Rogationum præcedentium Ascensum Domini.

I. PRÆCEPTUM jejunii non solum quatenus negativum est, & vetat quæ virtuti temperantiae adversantur, sed quæ positivum, & jubet abstinentionem ab ea cibi vel potus quantitate & qualitate, cujus usus medium virtutis non corrumpet, non ex lege aliqua positiva sive divina sive humana, sed ab ipsa naturali lege progreditur. Ita docet & egregie probat A. P. 2. 2. qu. 147. a. 3. in corp. scribens: *Jejunium utile est & ad deletionem, & prohibitionem culpa, & ad elevationem mentis in spiritualia; unusquisque autem ex naturali ratione tenetur tantum jejunii uti, quantum sibi necessarium est ad prædicta; & ideo jejunium in communi cadit sub præcepto legis naturæ.*

II. Hinc infert & quidem apposite laudatus D. A. præceptum jejunii certis diebus vel modis servandum eatenus Ecclesiasticum dici, non quæ propria voluntate & pro libito ab Ecclesia indicatur, sed quia ad ipsam pertinet determinare, quæ solum in communi a lege naturali præscribuntur, quæmobiem I. cit. scribit: *Sicut in secularibus Principes pertinet præcepta legalia juris naturalis determinativa tradere de his, quæ pertinent ad utilitatem communem in temporalibus rebus; ita etiam ad Prælatos Ecclesiæ pertinet ea statutis præceptis, quæ ad utilitatem communem fidelium pertinent in spiritualibus bonis...* ideo jejunium, quod in communi cadit sub præcepto legis naturæ, quoad determinationem temporis, & modum jejunandi secundum convenientiam, & utilitatem populi christiani, cadit sub præcepto juris positivi, quod est a Prælatibus Ecclesiæ institutum: & hoc est jejunium Ecclesiæ.

III. Hoc autem jejunium opus esse virtutis ostendit idem A. P. laud. quæst. a. 1. scribens: „ Ex hoc aliquis

„ actus est virtuosus, quod per rationem ordinatur ad bonum honestum. „ Hoc autem convenit jejuniis. Assumitur enim jejunium principaliter ad tria. Primo quidem ad concupiscentias carnis reprimendas, unde Apost. dicit 2. Cor. 6. v. 5. *In jejunio, in castitate*, quia per jejunia castitas conservatur. Ut enim Hieronymus dicit lib. 2. cont. Jovin. cap. 6. in fine *sine cerere*, & *baccho friget verus*, id est per abstinentionem cibi & potus repressit luxuria. Secundo assumitur ad hoc, quod mens liberius eleveatur ad sublimia contemplanda. Unde dicitur Daniel. 10. quod post jejunium trium hebdomadarum revelationem accepit a Deo. Tertio ad satisfactionem pro peccatis. Unde dicitur Joel. 2. *Convertimini ad me in toto corde vestro, in jejunio, & fletu, & planctu*. Et hoc est quod Augustinus dicit serm. de Oratione & jejunio (230. de Temp.) *Jejunium purgat animam, mentem sublevat, sensum, carnem spiritui subicit, cor facit contritum, & humiliatum, concupiscentias nebulas dissipat, libidinum ardores extinguit, castitatis verum lumen accendit*. Et 3. p. q. 40. a. 2. ad 3. observat a Christo assumptum jejunium, ut discamus, quam magnum bonum est jejunium, & quale scutum est adversus diabolum, & quoviam post Baptismum non lasciviam, sed jejunia intendere oportet; ideo & ipse (Christus) jejunavit, non eo indigens, sed nos instruens. Nec huic veritati obest aliquando in Scripturis jejunium Deo dictum: ut habetur Isaie 58. *Quare jejunavimus, & non afflexisti?* nam ut egregie adnotat D. Thom. laud. quæst. 147. a. 1. ad 1. „ Quod contingit aliquando quod aliquis actus qui ex ge-

LIII 2 „ nec

„nere suo est virtuosus, ex aliquibus
 „circumstantiis adjunctis redditur vicio-
 „sus. Unde ibidem dicitur: *Eccē*
 „*in diebus jejunii vestri invenitur volun-*
 „*tas vestra*: & paulo post subditur:
 „*Ad lites, & contentiones jejunitis, &*
 „*percutitis pugno impie*. Quod expo-
 „nens Gregorius in Pastor. par. 3. cap.
 „10. *Voluntas ad levitiam pertinet, pu-*
 „*gnus ad iram*. Incassum ergo per ab-
 „sinentiam corpus atteritur, si inordi-
 „natis motibus dimissa menti vitia dissi-
 „patur. Et Augustinus in prædicto
 „Serm. dicit, quod jejunium verborum
 „tatem non amat, divitiarum superflui-
 „tatem judicat, superbiam spernit, bu-
 „militatem commendat, præstat homini
 „seipsum intelligere, quod est infirmum,
 „& fragile“.

IV. Per jejunii Ecclesiastici præcep-
 tum non christianam minui libertatem,
 nec ad necessitatem traduci quod coar-
 ctum pretium amittit (ut mentiuntur
 Heterodoxi) sed potius ad peccati ser-
 vitutem excutiendam quammaxime de-
 servire docet & evincit D. Th. 2. 2.
 q. 147. a. 3. ad 3. scribens: „Jeju-
 „nia, quæ sunt in præcepto, sunt in
 „Conciliis Episcoporum statuta, &
 „consuetudine universalis Ecclesiæ ro-
 „borata. Nec sunt contra libertatem
 „populi fidelis; sed magis sunt utilia
 „ad impediendam servitutem peccati,
 „quæ repugnat libertati spirituali, de
 „qua dicitur ad Galat. 5. *Vos enim*
 „*fratres in libertatem vocati estis, tan-*
 „*tum ne libertatem detis in occasionem*
 „*carnis*“. Et revera quis viatori im-
 „minutam dixerit libertatem ab eo, qui
 „viam ipsi ostendit inter plures, quas
 „eligere fortassis posset, per quam &
 „tutius a latronibus & facilius posset ad
 „terminum ad quem tendit pervenire?

V. Jejunii Ecclesiastici præcepto tria

indicantur jejunantibus. 1. Ut a car-
 nibus abstineant. 2. Ut unica sint re-
 fectione contenti. 3. Ut solam definitio
 tempore reficiantur, cibumque sumant.
 Secundum jejunii partem & in antiquis
 Judæorum jejuniiis fuisse custoditam tes-
 tificantur Sacre Litteræ; legitur enim
 Jud. cap. 10. & 2. Reg. cap. 1. Judæos
 jejunantes non nisi semel & quidem sub
 vespas comedis, nam 1. loco dicitur:
 „Omnes filii Israel venerunt in do-
 „mum Dei, & sederunt stantes coram Do-
 „mino, jejunaveruntque die illo usque ad
 „vesperam. Et 2. loco David vestimenta
 „sua scidit, omnesque viri qui cum eo
 „erant, & planxerunt, & fleverunt, je-
 „junaveruntque usque ad vesperam. Hanc
 „autem jejunandi formam non fuisse ab
 „Apostolis immutatam testantur primo-
 „rum seculorum Patres, qui unam re-
 „fectionem, & quidem sub vespas sum-
 „ptam a Christianis jejunantibus testan-
 „tur. S. Gregorius Nyssenus Orat. in
 „principio jejunii, eæ arguit, qui refe-
 „ctionis morositatem usque ad vespas
 „minus patienter ferebant, & gravaban-
 „tur (ut ipse scribit) *sole tardius ad oc-*
 „*casum tendente*. Et S. Ambrosius Serm.
 „8. in Psal. 118. *Indistum est jejunium,*
 „*cave ne negligas, & si te fames quoti-*
 „*dianum cogit ad prandium, ut intempe-*
 „*rantia declinet jejunium, tamen celesti se*
 „*magis serva convivio, ne celestibus fias*
 „*vacuus sacramentis, differ aliquantulum,*
 „*non longe est finis diei*. Hujus præcepti
 „partem honestam esse & convenientem
 „jejunantibus ostendit & declarat S. Th.
 „2. 2. q. 147. a. 6. scribens: *Jejunium*
 „*ab Ecclesia instituitur, . . . : ita tamen*
 „*quod natura salvetur. Ad hoc autem suf-*
 „*ficere videtur unica comestio, per quam*
 „*homo potest natura satisfacere, & tamen*
 „*concupiscentiis aliquid detrahit diminuendo*
 „*comestianum vices. Et ideo Ecclesie ma-*
 „*dera-*

deratione statutum est, ut semel in die a jejunantibus comedatur.

VI. Prima præcepti pars, quæ abstinentiam a carnibus præcipit, antiquissima est in Ecclesia, quæ nunquam carniem esum in diebus jejunii admisit, ut videre est in antiquioribus Patribus tum Græcis tum Latinis, qui jejunantes fideles a carnibus abstinuisse non præcipiunt, sed supponunt. Sic S. Basiliius hom. 1. de jejuniis ajebat: *Carnes non edis, a vino abstines, vesperam expetas ut cibum sumas.* Theophilus Alexandrinus ep. 3. *Nequaquam in diebus Quadragesimæ carniem edulio delectamur.* Inter Latinos vero S. Augustinus cont. Faustum lib. 30. cap. 5. scribit: *Christiani (non hæretici sed catholici) edomandi corporis causa . . . a carnibus abstinent vel semper, sicut pauci, vel certis temporibus, sicut in Quadragesima fere omnes; exceptis scilicet, quos aut atas incurvat, aut languor extenuat, aut necessitas arctat, ut loquitur VIII. Tolerantium Concilium can. 9. S. Hieronymus in cap. 10. Danielis: Docemur . . . tempore jejunii a cibis delicatioribus abstinere, nec carnem comedere.* Non me laet Launojum integra Dissertatione probare conatum, non in omnibus Ecclesiis morem fuisse abstinendi a carnibus in diebus jejuniorum, sed pro eorum varietate variam quoque fuisse jejunandi morem. Sed ejus argumenta & doctrinam egregie refutavit Pater Nicolai Doctor Parisiensis Ord. Præd. Nec solum a carnibus abstinentiam præcipit lex jejunii, sed etiam ab ovis, caseo & lacticiis, ut decernitur in Trulana Synodo, ubi sic statuitur: *Omnis Ecclesia Dei quæ est universa terrarum Orbe unum ordinem sequens, jejunium perficit, & abstinet sicut ab omni masticabili, sic et ab ovis, & caseo, quæ quidem sunt fructus eorum a*

quibus abstinemus. Tamen hi Concilii Trullani canones ab Ecclesia Latina acceptati minime fuerint, certum tamen est, hanc abstinentiam & decretam Capr Denique de Consecr. dist. 4. & perpetua consuetudine & usu firmatam. Hujus abstinentiæ convenientiam in ecclesiastico jejuniis declarat & ostendit D. Th. 1. q. 147. a. 8. scribens: „Jejunium, est ab Ecclesia institutum ad reprimendas concupiscentias carnis, quæ quidem sunt delectabilia secundum tactum, quæ consistunt in cibis & venereis. Et ideo illos cibos Ecclesia jejunantibus interdixit, qui & in comedendo maximam habent delectationem, & iterum maxime hominem ad venerea provocant. Hujusmodi autem sunt carnes animalium in terra nascentium & respirantium, & quæ ab eis procedunt, sicut lacticia ex gressibus, & ova ex avibus. Quia enim hujusmodi magis conformantur humano corpori, plus delectant, & magis conferunt ad humani corporis nutrimentum. Et sic ex eorum comestione plus superfluit, ut vegetatur in materiam seminis, cujus multiplicatio est maximum incitamentum luxuriæ. Et ideo ab his cibis præcipue jejunantibus Ecclesia statuit esse abstinendum.“

VII. Tertia jejunii conditio sive pars, est hora determinata comestioni. Hæc ab Ecclesiæ incunabulis vespertina erat, idest post solis occasum, ut testantur Patres, & præsertim S. Basiliius hom. 1. de jejuniis: *Vesperas expetas ad sumendum cibum.* Assentiuntur & alii Ecclesiæ Doctores, quorum, nonnulla superius retulimus testimonia, & perduravit usque ad seculum XII., ut primum est colligere ex ser. S. Bernar. V. de Quadrag. ubi sic ajebat Monachis suis:

suis : Hactenus usque ad nonam jejunavimus soli, nunc usque ad vesperam jejunabunt nobiscum universi Reges & Principes, Clerus & populus, nobiles & ignobiles, simul in unum dives & pauper. Et hoc quidem de solo Quadragesimali jejunio verum est, nam in ceteris per annum jejunii post Nonam fideles cibum iument, ut pater ex Tertulliano, qui suos laudat Monachos omnia jejunia usque ad Vesperam producentes, catholicorum vero jejunia per irrisionem semijeiunia appellabat, quia ea ad horam nonam solvebant. At rigor jejunii Quadragesimalis usque ad vesperam paulo post S. Bernardi sæculum minui cœpit; nam seculo XIII. testibus Alexandro Alensi & D. Thoma jam in vesta erat consuetudo solvendi jejunium & comedendi ad horam nonam, id est tertiam post meridiem; sic enim scribit Alex. Alenf. P. 4. Sum. Theol. q. 28. memb. 7. ar. 2. *Quia afflictio in jejunio debet esse tolerabilis, non corruptiva naturæ, debet etiam esse conformis afflictioni Christi in Cruce, & ideo magis conveniens ad reficiendum tempore jejunii est hora nona.* Cansioit D. Ang. l. q. 147. a. 7. scribens : *Jejunium ordinatur ad deletionem, & prohibitionem culpæ. Unde oportet, quod aliquid addat supra communem consuetudinem; ita tamen quod per hoc non multum natura gravetur. Est autem debita & communis consuetudo comedendi hominibus circa horam sextam: tum quia jam videtur esse completa digestio nocturno tempore naturali calore interius revocato propter frigus noctis circumstantes, & diffusio humoris per membra, cooperante ad hoc calore diei usque ad summum solis ascensum: tum etiam quia tunc præcipue natura corporis humani indiget juvari contra exteriorum aeris calorem, ne humores*

interius adurantur. Et ideo ut jejunans aliquam afflictionem sentiat pro culpæ satisfactione, conveniens hora comedendi taxatur jejunantibus circa horam nonam. Verum adhuc mitigatus est quod refectiois tempus jejunii quadragesimalis rigor, nam subsequenteribus sæculis consuetudo invaluit non ab Ecclesia inducitur, sed tolerata solvendi jejunium, & comedendi hora sexta, id est in meridie, quæ profecto non obtrinit nisi vel labente xv. vel incunte xvi. seculo; nam ut testatur S. Antoninus in Sum. P. 11. tit. 6. cap. 2. §. 10. ævo suo quadragesimale jejunium usque ad horam nonam protrahabatur. Porro licet ex varia hac Ecclesiæ disciplina constet, non ita horam comedendi ad substantiam jejunii pertinere, sicut abstinentiam a carnibus & unicam refectioem, nemo tamen inferre potest, ut suo loco dicemus, licitum esse cuique horam comedendi pro suo libito sibi deligere, & meridianam horam prævenire, sed tolerantiam Ecclesiæ, & consuetudini studium est.

VIII. Hactenus de jejunii partibus, nunc de tempore dicendum est, quod urget Ecclesiasticum jejunandi præceptum. Et primo quidem est quadragesimale tempus, quod modo a feria xv. Cinerum usque ad Festum Paschæ decurrit, exceptis diebus Dominicis. Quadragesimæ jejunium verissimum esse in Ecclesia constat; nam ejus initium designati omnino non potest, quamobrem ad Apostolorum tempora ejus est revocanda institutio juxta S. Augustini regulam, quod universa tenet Ecclesia, nec Concilii institutum, sed semper retentum est, non nisi auctoritate Apostolica traditum redivivisse creditur. Nec audiendus Samuel Basnagius asserens a Telephoro Papa insti-

institutum Quadragesimale jejunium, sed solum vel ab ipso fidelibus commendatum, vel a gliscentibus abusibus confirmatum, vel usque ad septem hebdomadas integras protrahendum, ut testatur Rabanus Maurus, qui de Instit. Cleri cap. 34. scribit: *Notandum tamen est, quod a Quinquagesima jejunium incipere Telephorus Papa statuit, ut per septem hebdomadas ante Pascha corpus jejuniis castigemus. Quoad initium & durationem hujus quadragesimalis jejunii non una fuit in Ecclesia uniformis disciplina & consuetudo. Illud solum semper retentum fuit, ut unicum esset in toto anni tempore quadragesimale jejunium, licet Hæretici, & præsertim Montanistæ tres jejunarent quadragesimas, ut testatur S. Hieronymus ep. ad Marcellam: Nos unam Quadragesimam secundum traditionem Apostolorum toto anno, tempore congruo, jejunamus. Illi (Montanistæ) tres in anno faciunt Quadragesimas, quasi tres passi sint Salvatores. Alterum, ut dies quadraginta circiter completeretur. Hinc cum Ecclesia Græca non jejunaret in Sabbatis & Dominicis, eorum quadragesimale jejunium septem completebatur hebdomadas; in Ecclesia vero Latina cum & in Sabbatis ferventer jejunium sex absolvitur hebdomadibus, quibus superadditi sunt dies quatuor Dominicam Quinquagesimæ subsequentes, ut integer habeatur quadragenarius dierum numerus.*

IX. Præter Quadragesimale jejunium sunt etiam solemnia in Ecclesia jejunia quatuor temporum, quæ pariter vetustissima sunt in Ecclesia, & certe V. seculo a cunctis Fidelibus religiose servabantur, ut testatur S. Leo Papa in pluribus suis sermonibus horum jejuniorum tempore habitis. Occurrunt autem hæc jejunia in quatuor anni temporibus,

unde & nomen desumpserit, ut nulla sit anni pars, quæ non sit jejunio sanctificata, & primum Deo Ecclesia supplicet pro terræ frugibus obtinendis, deinde de eis obrentis gratias agat, ut explicat laud. Pontifex. Et etiam ut observat D. A. hic q. 147. a. 5., quia „ consuetudo Ecclesiæ habet, ut in singulis quartis anni sacri Ordines conferantur: ad quorum sumptionem „ oportet per jejunium preparari et eos „ qui ordinant, & illos qui ordinandi „ sunt, & etiam totum populum, pro „ cujus utilitate ordinantur “. Olim solum menses quibus celebrandi erant observabantur, verum enim jejunium sub initium Martii habebatur: æstivum vero secunda hebdomada Junii: autumnale hebdomada tertia mensis Septembris: hyemale denique tertia Decembris hebdomada: modo vero sunt ita hæc jejunia disposita, ut primum occurrat post primam Dominicam quadragesimæ, licet in mense Februarii incidat; secundum hebdomada Pentecostes, sive in Maio sive in Junio occurrat; tertium hebdomada post Festum Exaltationis S. Crucis mense Septembris; quartum vero post tertiam Dominicam Adventus, quæ circa medium Decembris occurrit, ut diserte docet S. Leo M. serm. decimi mensis scribens: „ Jejunia ex doctrina Spiritus S. ita per „ totius anni circulum distributa sunt, „ ut lex abstinentiæ omnibus adscripta „ sit temporibus, siquidem jejunium „ verum in Quadragesima, æstivum „ in Pentecoste, autumnale in mense „ septimo, hyemale autem in decimo „ celebremus, intelligentes divinis nihil vacuum esse præceptis “. Trium dierum spatio absolvitur, nimirum feria iv. vi. & sabbato, & abstinentiam importat a carnibus & alicubi etiam a lacte.

lactiniis, unicam cœmessionem, sicut & horam meridianam pro jejuniis solutione.

X. Subsequuntur plures vigiliatum dies, ita dicti, quia primi fideles ad Christi Magistri sui exemplum, qui, ut habetur Lucæ 6. *erat pernoctans in oratione Dei*, pridie solemnitates aliquas ad Martyrum sepulcra orantes noctes ducebant infomnes cum die præcedenti jejunassent. Fuerunt hæ vigiliæ prudenti œconomia, & Ecclesiastica disciplina tandem omnino suolatæ, licet per plura secula in usu fuerint, & rectentum dumtaxat præcedentis diei jejuniæ, non illis substitutum, ut quidam arbitrantur. Hæ autem vigiliæ aliæ sunt universales in tota Ecclesia, aliæ particulares alicujus Provinciæ vel Civitatis: priores in Ecclesiasticis Kalendaril recensentur, peculiare vero statutis diebus ab Episcopis indicuntur vel semper tali die servandæ, ut in pervigilio alicujus Sancti Patroni, vel solum certis diebus ad aliquid a Deo impetrandum, & in istis abstinentia, unica cœmestio, & hora determinata comedendi servanda sunt.

XI. In veteri disciplina mos erat etiam jejunium quartæ & sextæ feriæ in memoriam Dominicæ passionis, quæ feria quarta incepit ac feria sexta consummata est, institutum. At in præcepto non fuisse ex eo conjici potest, quod frustra indictum esset jejunium quatuor Temporum, si fideles jam ex præcepto obstricti fuissent toto anno feria iv. & v. jejunare. Temporis decursu abolitum jejunium feriæ iv., & inducta in Ecclesiis Occidentalibus ferme omnibus consuetudo non jejuniis, sed abstinentiæ a carnibus in feriis sextis & sabbato, quæ sub præcepto cadit, & sub gravi culpa obligat.

XII. Tempus quoque solemniter præcedens Natale Domini, quod Adventus dicitur, quia Christi in carnem advenientis commemoratio celebratur, jejunio a fidelibus consecrabatur, ejus tamen nulla habetur mentio apud antiquos Patres, & Scriptores, qui V. seculum præcessere. Servabatur tum a Laicis tum a Monachis, sed diverso plane ritu; isti siquidem quotidie jejunabant a Festo S. Martini usque ad diem Nativitatis, illi vero solum ter in hebdomada, licet postea & isti quotidianum ex poenitentia fervore jejunium amplexati sint. Nullum tamen unquam fuit universale præceptum in Ecclesia de servando hoc jejunio, quod tamen semper a Monachis, & Religiosis custoditum fuit, sed non eodem rigore eademque disciplina; nonnulli enim illud incipiebant a Festo S. Martini, nonnulli a Festo omnium Sanctorum, nonnulli a Dominica prima Adventus, omnes tamen ante Festum Nativitatis complebant. Sunt etiam nonnulli Religiosi Ordines, in quibus sub gravi hoc jejunium injunctum est, & quidem æqualiter ac jejunium quadragesimæ, quomobrem omnes partes Ecclesiastici jejuniis completitur; at alii non nisi ex præscripto suarum Constitutionum observant, quæ nullum imponunt præceptum, vel solum ad summum sub veniali culpa Religiosos obstringunt. His itaque statutis parere, & se conformare tenentur Religiosi omnes.

XIII. Festum Ascensionis Domini tres dies præcedunt, quæ Rogationum dicuntur, quia in eis Ecclesia publicis, & supplicationibus, & precibus Dei misericordiam implorat. Illarum non primus inventor sed restaurator fuit Mamertus Episcopus Viennensis, qui ut scribitur Sydonius-Apollinarijs lib. 15. cap.

4. ad Aprum : „ Cum autem vagæ ,
 „ tenentes , insequentesque & osci-
 „ tantes essent supplicationes , quæ
 „ & sæpe interpellantium prandiorum
 „ obsecibus hebetabantur . . . ad quas
 „ ut nihil amplius dicam sigulo pari-
 „ ter atque horiulano non oportuit
 „ convenire , suo exemplo & utilissi-
 „ mo experimento invenit , instituit ,
 „ innoxit “ . In his nullum est univer-
 „ sale jejunium , vel abstinentiæ præcep-
 „ tum ; ubi tamen vel præceptum est ,
 „ vel consuetudo viget , vel abstinendi a
 „ carnibus , vel jejunandi sive totis tri-
 „ bus diebus , sive hebdomada quarta
 „ observanda est & custodienda suæ Ec-
 „ clesie disciplina .

CAPUT SECUNDUM.

CONSECTARIA PRÆCEDENTIS
DOCTRINÆ.

- I. Præceptum jejunii & abstinentiæ obli-
 gat sub gravi culpa .
- II. Est & affirmativum simul & negati-
 vum .
- III. Num abstinencia a carnibus , vel uni-
 ca refectio sit potior in jejuniis .
- IV. In diebus Dominicis nullum est indi-
 ctum jejunium .
- V. Statuti juniorum dies commutari
 iuxta de causa possunt .

CONSECTARIUM PRIMUM.

I. **P**RÆCEPTUM jejunandi & absti-
 nendi a carnibus certis diebus
 ex se obligationem inducit , idemque
 illud frangens ex gula vel alio illegiti-
 mo titulo lethali peccat . Postea est
 hæc assertio ad confutandam falsam &
 erroneam nonnullorum Theologorum
 doctrinam , assertentium præcepta Ec-
 clesie , & specialiter de jejunio & ab-
 stinentia graviter non obstringere fide-

Patuzzi Theol. Mor. Tom. V.

les , qui proinde solum tunc lethali-
 ter peccant , quando jejunium & abstinen-
 tiam violant per contemptum , quæ
 erronea doctrina damnata fuit ab Alex.
 VII. 1666. in propof. 23. adherente :
Frangens jejunium Ecclesie , ad quod tenetur , non peccat mortaliter , nisi ex contemptu vel inobedientia hoc faciat , puta quia non vult se subicere præcepto . Et revera nos clare Tract. 1. de Leg. diff. 3. cap. 7. & 8. ostendimus , Superiores tum Civiles tum Ecclesiasticos potestate a Deo donatos esse ferendi leges , quibus subditi parere debent non solum timore pœnæ , sed amore justitiæ , & ut D. Paulus loquitur , non solum quia gladium portant , sed propter conscientiam : & cap. 18. confect. 8. ostensum est , contemptum semper esse damnabilem non solum dum præcepta ex ipso violantur , sed etiam cum ea de causa & consilia Evangelica , & leges Monasticæ , & pia opera vel omittuntur vel negliguntur . Unde & S. Augustinus serm. 61. de Tempore agebat : Aliis diebus jejunare remedium est , aut præmium ; in Quadragesima non jejunare peccatum est ; & remedia spiritalia ex contemptu relinquere , præmia æterna ex contemptu negligere semper peccatum est . Quare optime hanc generalem regulam statuit S. Antoninus : Ex statuto Ecclesia universali , jejunia qui omittit ex negligentia vel gula , non infirmitate vel oblivione , cum credit se posse jejunare , mortale est & pro qualibet die omissa anum . Legantur citata loca .

CONSECTARIUM SECUNDUM.

II. Præceptum jejunii & affirmativum est , & negativum . Affirmativum quidem , quatenus & unicam sumendam concedit comestionem , & ciborum delectum præcipit & horam comestionis

mmmm

Ratu-

statutam : est vero negativum , quatenus unicam permittendo comestionei repetitas prohibet refectioes , ciborumque indicens delectum , verat ne carnis vascantur fideles , & ne horam praeveniant . Nam vero qui pluries vel carnes comedit , vel pluries reficitur eodem die , plura multipliciter peccata , inferius dicemus .

CONSECTARIUM TERTIUM.

III. Certissimum est , ecclesiastica christianorum in Quadragesima , aliisque esurialibus diebus jejunia , duplici praeterit parte integrati , abstinentia scilicet a carnibus , & unica comestione . At paucis ab hinc annis magno animorum aestu decertarunt Theologi , quenam ex his duobus esset pars praecipua , substantialis , & essentialis , qua deficiente deficeret & jejunandi praecceptum . Quaestio , quae licet prima facie speculativa solum videatur & metaphysica , in mores tamen quammaxime influebat , & ex ejus decisione magna jejuniorum pars pendeat ; qui enim essentiam & substantiam jejunii in abstinentia a carnibus esse collocandam arbitrabantur , inde inferebant , dispensatos ab hac abstinentia , & ab alia jejunii parte liberos immunes esse censendos , quippe quia non amplius locum habere possit , deficiente substantia , verum jejunium : alii vero , qui essentiam jejunii in una comestione collocandam censebant , inde colligebant dispensatos ab abstinentia a carnibus adhuc lege jejunii obstrictos , teneri unica comestione jejuniorum dies sanctificare . Verum nostris haece temporibus inutile foret , & vanum hac de re longiorem disputationem texere , postquam sapientissimus & semper venerandae memoriae Benedictus XIV. duplici Bulla ,

quarum inferius non semel commemorationis occurrerit , statuit & declaravit , a carnibus dispensatos minime esse a lege jejunii solutos , sed teneri unica comestione jejunare , sive unica comestio essentialis habeatur , sive minus principalis , ea quidem aequissima causa & ratione , ut qui integrum servare jejunium non valet , saltem quantum potest observet . Quam doctrinam jam antea plurimi nobiliores Theologi contra pauciores obscurioris nominis Probabilistas propugnabant , etiam ex illis , qui putabant jejunii substantiam in abstinentia a carnibus esse positam . Immo ita esse jejunandum declararunt Summi Pontifices Greg. XIII. Alex. VII. Clemens XI. qui a dispensatis ab abstinentia a carnibus unicam comestionei servandam declararunt , sicut statuiebant plures Episcopi vel in suis Diocesanis Synodis , vel in pagellis , quibus dispensationem largiebantur . Nihilominus tamen lubet & quidem brevissime aliqua de prima illa quaestione pauca subicere , & ostendere , jejunii essentiam & substantiam in unica comestione esse collocandam ; & r. quidem , quia ex Scriptura ipsa certe constat , a Judaeis servatam fuisse in diebus jejunii unicam comestionei , ac simul a carnibus abstinuisse non certo constat , ut animadvertit Cajetanus 2. 2. q. 147. art. 7. scribens : *Jejunium A. T. ex abstinentia a carnibus & unica comestione constat tanquam ex substantialibus* , ita quod *unica comestio est essentialior jejunio* , utpote a principio jejunii constituta in veteri Testamento , in quo usque ad vespertinam affigendum hominem jejunio statutum est . 2. Multo in ipsa Ecclesia Catholica dies Dominici inter dies jejunii non connumerantur , licet in iis indicta sit a carnibus abstinentia ; quamobrem ad integrandum quadraginta die-

dierum numerum superadditi sunt quatuor dies primam Dominicam præcedentes . 3. Idem docet & S. Thom. qui in IV. Sent. dist. 15. q. 3. art. 4. aperte dicit : *In hoc distinguuntur jejunantes a non jejunantibus, quia semel manducant : qui igitur pluries manducat, quocumque utatur cibo, a jejunantibus distinguitur ; jejunium igitur in unica comestione velut in parte principaliore consistit .* Confirmat denique ipsa jejunii ratio & finis, ad quem assumitur, nimirum corporis maceratio, & concupiscentiæ refrenatio. Porro ad hanc inducendam magis confert abstinencia ab omni cibo, quam ab aliquo tantum : hinc adolescentibus ante vigesimum annum conceditur, ut pluries refici possint dum usus carniū illis interdicitur, non alia profecto de causa, nisi quia cum majore indigeant nutritione, longe gravius affliguntur in privatione plurium refectionum, quam in abstinentia ab esu carniū . Quod confirmatur etiam ex Regularium Ordinum statutis, in quorum pluribus perpetua quidem indicta est abstinentia ab esu carniū, at perpetuum jejunium unica comestione servandum in nullo etiam rigidissimo Instituto indictum reperio ; quippe quia Sancti Fundatores Religiosorum Ordinum humanæ imbecillitatis rationem habentes, quod minus grave esse agnoscebant, perpetuo indixere, quod vero gravissimum, non semper, sed solum certis designatis anni temporibus servandum sanxere, optime scientes, fame laborantes non cibi qualitatem, sed quantitatem in repetitis refectionibus quærere. Manifestum est igitur communi sensu id quod maxime ad affigendum corpus conducit in jejunio, esse a pluribus refectionibus cohibitionem, quam a carnibus abstinentiam,

proinde illam in jejunio principaliorem partem sibi vindicare . Qui plura veler, legat Concinam tum in Opere Mor. Diff. 2. de jejunio, tum in aliis duobus Operibus italicis : *La Quaresima Appellante, & La Disciplina antica e moderna della Romana Chiesa intorno al Digiuno .*

CONSECTARIUM QUARTUM.

IV. In diebus Dominicis nullum est indictum jejunium, immo & vetitum aliquando ab Ecclesia, sicut & nunc si ex aliqua superstitione fiat, non vero si ex pietate vel poenitentia gratia suscipiatur. Et quidem nullum impositum jejunii præceptum in die Dominico ab Ecclesia ipso facto apparet, cum in Dominicis Quadragesimæ quilibet possit pluries refici, immo si aliquis Sanctæ vigilia incidat in diem Dominicam, jejunium præcedenti Sabbato celebratur, ut statuitur in Jure Canon. cap. ex parte 1. & cap. Caus. 2. de Observat. jejun. Vetitum vero aliquando jejunium in die Dominico, testatur S. Augustinus ep. 118. ad Casulanum scribens : *Die autem Dominico jejunare scandalum est magni, maxime postquam innotuit detestabilis, multumque fidei catholice . Scripturisque Divinis contraria Manichæorum hæresis, qui suis auditoribus ad jejunandum, istum tanquam legitimum constituerunt diem, per quod factum est, ut jejunium diei Dominice horribilius haberetur .* In detestationem igitur hæresis Manichæorum Ecclesia interdixit aliquando jejunium in tali die, proinde & modo ex aliqua superstitione assumptum, profecto impium foret & detestabile . At nullum esse diem, in quo laudabile sensu id jejunium ex pietate, religione, & devotione assumptum testatur D. Hieronymus ep. 28. scribens : *Utinam omni tempore jejunare possemus ;*
M m m m 2 quod

quod in *Astibus Apostolorum diebus Pentecostes*, & *die Dominico Apostolum Paulum*, & *cum eo credentes*, fecisse legimus. A primordiis tamen Ecclesiæ inuenta est consuetudo non jejunandi diebus Dominicis, & illis sator Pascha & Pentecostem incidentibus, in quibus in universali Ecclesia nullum est inditum jejunium, excepto sabbato ipsam Pentecostes Dominicam præcedente. Hinc Felix Potestas testatur in suæ Provinciæ Panormitanæ Archivio asseruari Decretum Sacræ Universalis Inquisitionis prohibentis, ne ullum imponatur, sive assumatur jejunium etiam in honorem B. Virginis, quod indifferenter complectatur Dominicos dies, & alios in Ecclesia solemniores. Verum quidquid sit de hoc Decreto, certe si quis vovisset per annum, vel toto suæ vitæ tempore jejunium servare eo die, in quo incidit festum Annuntiationis, vel Assumptionis, vel Nativitatis B. V., & hæc solemnitates incidere in die Dominico, illi auctor esset, ut jejunium in alium diem transferret, tum quia privata fidelium vota de jejunio eo animo emissa videntur, ut sint conformia praxi & consuetudini Ecclesiastici jejunii, porro consuetudo est in Ecclesia ut jejunium cadens in diem Dominicam, in præcedenti die celebretur; tum quia ecclesiasticis ritibus se conformare magis pium mihi videtur & religiosum, quam ab ipsis ex privata devotione recedere. Quod tamen intelligendum est de voto rigoroſi jejunii, abſtinentiæ scilicet a carnibus, & unicæ comestionis; si enim esset solum de abſtinentia a carnibus vel lactariis, profecto & in die Dominico esset servandum, cum plures sint in Ecclesia sacri Religiosi cœtus, qui perpetuo & a carnibus & a lactariis abſtinent, nullo die

nec Resurrectionis, nec Natalis Domini excepto.

CONSECTARIUM QUINTUM.

V. Licet statuti sint in Ecclesia Catholica jejuniorum dies, eos tamen aliquando mutare licet vel ex universalis concessionis Romani Pontificis, vel etiam ex peculiari Episcoporum statuto. Et quidem certum est, ut mox diximus, Festorum Vigiliis cum die Dominico concurrentes in præcedentem diem transferri, licet sit etiam in vigilia Nativitatis Domini. Item si festum Corporis Christi cum vigilia S. Jo. Baptistæ concurrat, anticipatur jejunium feria IV. ex Decreto Urbani VIII. 24. Octobris 1638. Constit. 45. incipiente *Cum evenire*, ne tanti diei solemnitas rigore & austeritate jejunii minuat. Hinc pari ratione inferunt plures Theologi licere Episcopis diem jejunii commutare, si forte occurrat in die solemniori alicujus Patroni principalis Urbis vel Provinciæ. At licitum non est, nec illis concessum vigiliam S. Mathiæ in diem ultimum bacchanalium incidentem in alium diem transferre, licet oppositum nonnulli docuerint Theologi. Ita declaravit Sacra Rituum Congregatio die 23. Jan. 1694. & confirmavit 11. Julii 1699. & ostendit & probavit Benedictus XIV. sua Encyclica Italico sermone exarata, & data ad Archiepiscopos & Episcopos Status & Domini Ecclesiæ, cum enim, inquit Pontifex, Vigilia S. Mathiæ præcepto statuta sit Innoc. III. pro tota Ecclesia, & infernum præceptum in Jure Can. Cap. *De observantia jejuniorum*, palam est non licere Episcopis sua ordinaria auctoritate, statutis a Romano Pontifice, & a Jure Canonico derogare. Ipsa tamen veniam concessit, ut possent

anno

anno 1751. Vigiliam S. Mathiæ in præfato poſtremo bacchaalium die occurrente in præcedentem ſabbatum tranſferre, Qui tamen vel ex voto, vel ex regulæ præcepto jejunare obſtringuntur die determinata, puta feria III. vel VI. ſi forte eo die incidat feſtum Nativitatis Domini, tenentur jejunium ſervare, nec illud in alium diem tranſferre poſſunt. Num autem qui ex Regula etiam ſub culpa gravi vel nulla obſtringente ab eſu carniſum abſtinent, poſſit eo die Natalis Domini in feria VI. vel ſabbato occurrente licite uti privilegio omnibus fidelibus conſeſſo veſcendi carniſum, inferius diſcutiemus.

CAPUT TERTIUM.

De prima j. junii parte, abſtinentia ſcilicet a carniſum, & lacticiis.

DOCTRINA.

- I. Carnium eſus in die jejuniorum vetitus.
- II. Immo & olerum cum carniſum, & juſ carniſum.
- III. Nec non & eſus ovorum, & lacticianorum, licet alicubi conſeſſus.
- IV. Abſtinentia ab ovis & lacticiis eſt ſub præcepto.
- V. Non vero abſtinentia a vino.
- VI. Immunes ab hac lege abſtinentia ſunt infantes & perpetuo amentes.
- VII. Non vero ſemper qui ſolo pane vivere deberent.
- VIII. In tranſgreſſione hujus præcepti datur parvitas materia.
- IX. Quenam ſit putanda materia parvitas.

I. PRIMAM Jejunii Eccleſiaſtici partem diximus eſſe a carniſum abſtinentiam, quæ ſemper, quando unica comeſſio præcipitur, eſt ſervanda,

& in ſolis feriis ſextis & ſabbatis per annum extra quatuor tempora, aliasque occurrentes vigilias, ab ea ſejungitur, cum in iſtis non jejunium, ſed ſola præcipiatur abſtinentia. Nomine vero carniſum intelliguntur non ſolum cibi ſumpti ex animalibus quadrupedibus, & avibus in terra viventibus, & ex illa nutritionem accipientibus, ſed etiam ex avibus illis, quæ licet in aquis libentius morentur, & ex illis alimoniam ſibi comparent, diutius tamen vivere poſſunt extra aquam, ut ſunt fulicæ & ſimiles aves aquaticæ, quæ licet odorem & ſaporem piſcium referant, inter carnes tamen connumerantur, & illis veſci diebus vel jejuni, vel abſtinentiæ vetitum eſt. Sicut e contra licet veſci carniſum animalium, quæ tamen iſti in terris vivant, inter piſces tamen communiter numerantur, ut teſtudines terreſtres, & marinæ, limaces, conchæ, ranæ, & ſimiles; inter piſces annumeratur etiam Lutra amphibium animal, italice Lotra; non vero enumerandi terreſtres echini ſeu herinacci.

II. Carnium nomine comprehenduntur & olera cum carniſum cocta, ſicut & juſ ex iſtis carniſum in aqua decoctis, cum non levem carniſum ſubſtantiam imbibant, multoque magis interiora animalium, illorumque extremitates, nec non ſanguis, ſagina, laridum, quæ partes ſunt animalium, & ſubſtantiam carniſum participant. Si quod vero dubium occurrat, num eibus aliquis ſit inter vetitos, vel permiſſos reſententur, conſulendi periti hac de re, & religioſi Medici, & Theologi.

III. Sunt etiam in Quadrageſima vetita ova & lacticia, quæ in aliis jejuniorum diebus per annum permittuntur, niſi contraria obſt conſuetudo

ab

ab illis & tunc abstinendi, sicut etiam permittuntur in aliquibus locis etiam quadragesimali tempore sive antiqua consuetudine ab Ecclesia tolerata, sive privata & peculiari dispensatione. Hujus autem tum prohibitionis, tum concessionis testes habemus Summos Pontifices S. Gregorium M., & Nicolaum I. Ille quidem in Epist. ad Augustinum Anglorum Episcopum sic scribit, ut relatum hab. 1. par. Decr. dist. 4. Cap. Denique: „ Par autem „ est, ut nos qui his diebus a car- „ nibus animalium abstinemus, ab „ omnibus quoque, quæ sementinam „ carnis trahunt originem, jejunemus, „ a lacte videlicet, caseo & ovis, quæ „ quidem sunt fructus & fetus eorum, „ a quibus abstinemus “. Alter vero Photio Romanæ Ecclesiæ exprobranti quia in quadragesima a lacticiis non abstergerent Occidentales, sic respondet Epist. ad Imperatorem: „ Quod septem „ ante Pascha hebdomadas a caseo & „ ovorum esu more suo non cessamus, „ calumnia est, cum in Italia nunquam „ in usu fuerit. Trans mare tamen id „ ex magna causa alicubi apparet con- „ cessum “. Æquitatis tum præcepti verantis, tum consuetudinis permittentis rationem reddit S. Thom. 2. 2. q. 147. art. 8. ad 3. scribens: *Ova & lacticia jejunantibus interdiciuntur, in quantum sunt ex animalibus exorta carnes habentibus. Unde principaliter interdiciuntur carnes, quam ova & lacticia. Similiter etiam inter alia jejunia solemnius est Quadragesimale jejunium: tum quia observatur ad imitationem Christi, tum etiam quia per ipsum disponimur ad redemptionis nostræ mysteria devote celebranda. Et ideo in quolibet jejunio interdicitur esus carniū. In jejunio autem*

quadragesimali interdiciuntur universaliter etiam ova & lacticia, circa quorum abstinentiam in aliis jejniis diversa consuetudines existunt apud diversos, quas quisque observare debet secundum morem eorum, inter quos conversatur. Unde Hieron. dicit (ep. 28. ad Lucinium) Unaquæque provincia abundat in suo sensu, & præcepta majorum leges Apostolicas arbitretur. Et licet D. Thom. hic de ea solum loquatur consuetudine, per quam in jejniis extra Quadragesimam ovis, caseo, & lacte nonnulli vescuntur, paulo post tamen hanc eandem consuetudinem in Quadragesima investiam aliquibus in locis agnoscit & fateatur subdicens in editione Nicolai: Cum sola ergo abstinentia generali carniū in præcepto remansit, ut a lacte, caseo, & ab ovis in jejunio Quadragesima communiter debeat abstineri. . . Quamvis nunc satis communiter in aliquibus locis propter necessitatem in lactis & casei abstinentia dispensatur.

IV. Abstinentiam ab ovis & lacticiis præsertim in Quadragesima (nisi accedat vel legitima contraria consuetudo, vel dispensatio) sub mortali esse præceptam, licet non desint Theologi qui inficiuntur: tamen certum omnino est tum ex propositione ab Alex. VII. damnata asserente: *Non est evidens quod consuetudo non comedendi ova & lacticia in Quadragesima obliget*; tum ex doctrina mox allata S. Thom. qua evincit, non minus vetitum in Quadragesima esum carniū, quam ovorum, casei & lacticiinorum; tum denique Decreto Gregorii M. & perpetua consuetudine, qua fideles se obstrictos sub lethali culpa ad præfatam lacticiinorum abstinentiam agnoscunt; & quidem non in solis Quadragesimæ, jejunii diebus, sed & in ipsis Dominicis festis, in quibus li-

cet si relaxatum jejunium, non tamen concessum lacticiuorum etum, quidquid in contrarium pauci Casuistæ docuerint, quibus non est acquiescendum, cum in Decreto Gregorii in Jure Canonico relato absolute in Quadragesima lacticiuia vetentur, nulla facta dierum distinctione, immo designatis etiam ipsis Dominicis diebus, inquit enim SS. Pontifex: *Par autem est, ut nos, qui his diebus a carnibus animalium abstinemus, ab omnibus quoque, quæ sementinam carnis trahunt originem, jejunemus, a lactis videlicet, caseo, & ovis: porro & in diebus Dominicis a carnibus abstinemus, ergo par est ex mandato Pontificis ut iisdem diebus etiam a lacticiis abstinemus.* Oppositam nonnullorum Probabilistarum doctrinam tanquam improbabilem & falsam improbavit & ipse Diana Ref. 54. n. 2. scribens: *Atibi hanc sententiam (de licito usu lacticiuorum in Dominicis Quadragesimæ) improbavi, & nunc iterum improbo, & caveant Auctores ne imposterum illam vel absolute teneant, vel tanquam probabilem admittant. Nam Sacra Congregatio Sancti Officii, & Indicis mensibus elapsis mandarunt, hanc sententiam a quodam libro deleri: ut factum fuit. Et recte quidem, nam est contra communem sententiam.*

V. Abstinencia a carnibus & lacticiis fuisse olim conjunctam abstinentiam a vino & piscibus, animadvertit laud. D. Angelicus, quam tamen abstinentiam Ecclesiæ tacita dispensatione sublatam fuisse subdit scribens loc. cit. „Li-
„cet olim in jejunio non a carnibus
„tantum, sed & a vino abstinere (præ-
„sertim vero in jejunio Quadragesimæ)
„Christiani solebant, facilius tamen
„subinde circa vini abstinentiam quam
„carnium generaliter dispensatum est,
„ut jam uij liceat vino, sed non car-

„nibus, quantum usus licitus commu-
„niter omnibus nunquam fuit. Quod
„autem simul cum carnium abstinen-
„tia conjungeretur olim abstinentia vi-
„ni, patet ex verbis Augustini dicen-
„tis Dom. 1. Quadragesimæ *Qui abstinemus*
„*nos a carnibus, quibus aliis diebus uti*
„*licet, qui nos abstinemus a vino, quæ*
„*moderate uti licet &c.* Et Serm. 2.
„*Cessent vina, vel carnes, ut qui nobis*
„*viximus toto anno, saltem vel paucos*
„*dies vivamus & Domino.* Item ex ver-
„bis Hieronymi super 10. Caput Da-
„nielis, ubi dicitur: *Panem desideravi*
„*bilem non comedisse, nec introisse vinum*
„*vel carum in os ejus. Hoc exemplo*
„*docemur tempore jejunii a cibis delicia-*
„*rioribus abstinere. . . nec carnem come-*
„*dere, nec vinum bibere.* Et deinde
adductis alijs testimoniis & S. Basilii hom. 1. de jejunio & Theophilii Alex. epist. 3. paschali sic concludit: „Abstinentia
„carnium magis visa est Ecclesiæ ne-
„cessaria quam abstinentia vini ad je-
„junii rationem, & sic in vino, non
„in carnibus dispensavit. Unde absti-
„nencia vini modo in jejunio consilii
„tantum est, non præcepti, sicut &
„abstinencia piscium, a quibus tamen
„olim abstinuissent Christianos in jejunio
„illo Chrysostomus indicat hom. 3. ad
„Popul. & similiter usus tantum aridus
„cibi, hoc est panis & aquæ, quibus
„ultima hebdomada Quadragesimæ an-
„te Paschatis diem vespcebantur.“

VI. A præcepto abstinentiæ a carnibus & lacticiis statutis ab Ecclesiâ temporibus non dispensati, sed immunes potius dicendi sunt tum infantes ante usum rationis, tum perpetuo amentes; priores quidem, quia nondum ob defectum rationis legibus Ecclesiæ subjiciuntur, posteriores vero, quia infantibus comparantur ob usus rationis
fide

sive carentiam sive amissionem. De infantibus quidem consulto dixi ante usum rationis, non ante septennium, nam licet non ante præfatum tempus communiter censeatur rationis usu præditos fieri pueros, nihilo tamen secius si prævie ad septennium rationis lumen in ipsis refulgens detegeretur, a carnibus abstinendum esset, quia tunc legibus Ecclesiasticis subicerentur, quæ nec ætatem, nec determinatum obligandi tempus statuunt. Immo si dubium foret, num puero lumen rationis affulserit, censeretur teneri legibus Ecclesiæ de abstinencia se subicere, non quidem paritate legis divinæ & naturæ, quæ profecto fortius urgent quam leges Ecclesiæ, sed 1. quia in dubiis tutior pars est eligenda. 2. Quia præceptum est certum, & immunitas a lege incerta. 3. Quia Ecclesia tempus non determinavit, sed solum ex communi opinione censetur esse septennium, quia tunc non solum in pluribus lumen rationis exurgere solet.

VII. Num autem qui omni cibo careret præter panem posset carnes in Quadragesima vel feria vi. & sabbato comedere, puto sub distinctione judicandum. Non quidem illa, quam adhibent nonnulli benigniores Casuistæ inter nobilem & plebejum, inter delicatè comedentem, & crassiori cibo utentem; quandoquidem & nobiles & delicatè viventes si unico die, vel per biduum solo pane viverent, non propterea grave detrimentum experirentur, immo fortassis salutaris ipsis esset infusa inedia, & sæpius vel levi tentati febricula, vel gravi negotio occupati integros dies vel sine vel exiguo cibo transigunt; experirentur fortassis molestiam sed porius animi quam corporis, faucium quam valetudinis; verum eos

hæc molestia a jejuniis & abstinencia non excusat. Distinctio itaque, quam innuo, hæc est, nimirum si periculum imminet valetudinis amittendæ, & ægritudinis subeundæ, quod facile contingere potest, si hæc inedia ad plures dies protrahatur, præsertim in delicatis & feminis; tunc licitum erit carnes ex aliorum ciborum deficiencia comedere, nec solo pane vivere; si vero unius vel alterius diei inedia prudenter judicetur non nisi levem alacritatem corporis debilitatem, vel etiam nullam, ut contingit in robustioribus rusticis & artificibus, qui alias solent vel pane & pulmento vivere, & raro admodum obsonii aliquid panibus adiiciunt, profecto non liceret illis carnes comedere.

VIII. In transgressione hujus præcepti admittendam esse parvitatem materiæ, puto ipso naturali lumine conspiciendum; si enim & in his, quæ lege naturali & divina vetantur, ut in furto, adeo exigua esse potest materia, ut lethale crimen non constituat, cur & quantitas comestæ carnis ita exigua esse non poterit ut comedentem a lethali noxa eximat? Oppositum tamen tenere videtur doctissimus Laurentius Berti in suo de Theologicis Disciplinis Opere de Legibus agens, qui ob excellentiam Apostolicæ institutionis quadragesimalis abstinentiæ, & feriæ vi. & sabbati, & quia veluti tessera est, & distinctio catholici ab heterodoxis, censet & jejuniis & abstinentiæ violationem etiam in exigua materia gravem culpam inferre; sic enim scribit: „ Si in parva quoque „ materia fregeris quadragesimale jeju- „ nium, aut feriæ vi. vel sabbato car- „ nem gustaveris, quoniam sunt hæc „ Apostolicæ traditionis capita, ac Ro- „ manæ communionis ab hæreticorum „ se-

„secūs divulsæ singularis character, „secleri obnoxius eris gravissimo“. Verum pace tanti viri, quem plurimi facio, ne ejus subscribam sententiæ hæc me movent argumenta. Apostolicæ traditionis præcepto profecto majoris non sunt habenda ponderis & auctoritatis, quam præcepta Decalogi, & tamen in his datur parvitas materiæ ut in furto, & in ipsa divini nominis usurpatione sine judicio vel iustitia; cur igitur non erit locus parvitati materiæ etiam in præceptis jejunii & abstinentiæ? 2. Præfata jejunia & abstinentiæ sunt quidem Romanæ communionis ab hæreticis conventiculis distinctio & tessera, ac non talis, cujus violatio abnegatæ præfate communionis statim reum efficiat; si enim hoc ex loci, temporis, & personarum circumstantiis sequeretur, profecto lethalius peccaret carnem comedens & jejunium violans, at non quia non detur in his materiæ parvitas, sed quia tunc vel abnegatæ fidei, vel ejusdem confessionis ommissa quando fidei consistendæ urgebat præceptum, reus haberetur: at si quis in Catholicis regionibus, & inter Catholicos, ut Catholicus agnitus ab omnibus, leviter vel jejunium frangat, vel frustum carnis comedat, quis arbitrabitur, cum a Romana communione descivisse, & in hereticoxum castra migrasse? Nemo sane cordatus & prudens. Immo non immerito plures etiam rigidiore Theologi Jovinianus, Concina, Cuniliati aliique docent, nec carnes comedentem, vel ecclesiastica jejunia violentem etiam inter heterodoxos reum esse lethalis criminis judicandum, quævisque nimirum hujus præcepti observantia gravi illum detrimento sive vitæ sive bonorum exponeret, tunc quia præcepta

Patuzzi Theol. Mgr. Tom. V.

Ecclesiæ cum tanto onere & periculo non obligant, tum quia & ipsi heterodoxi optime norunt & Catholicos vel ex gula carnes illicite comedere, vel ad pericula vitanda, vel ex adversa valetudine ab hoc præcepto esse solutos, quia ex carniū comestione legitime inferre possint, illum esse a catholica communione alienum. Hinc plures sunt in exercitiis, vel navibus Anglorum & Batavorum Catholici, qui tales se esse protestantur, & ab omnibus cognoscuntur, qui tamen vel deficientia aliorum ciborum, vel infirmitatis causa, vel etiam in sufficienti & illegitimo adducti motivo carnes comedunt, nec tamen illos per hoc censent Catholicæ Ecclesiæ nuncium remisisse. Quamobrem & nos cum ipsis docemus licere fidelibus per hæreticorum terras in itinere transseuntibus, si grave timent periculum & detrimentum, carnes comedere, vel jejunium non servare; sicut pariter qui in navibus hæreticoxum navigant, si alii non sint præsto cibi, carnibus vesci possunt: non tamen hæreticorum famuli, nisi & ipsis grave imminet damnum, a quorum servitio etiam recedere deberent, si ab juniorum sancta observatione impedirentur. Si vero nullum illis imminet periculum, nec aliud subire possint detrimentum quam inopiam ciborum esurialium, vel delicatioris alimonie, tenentur cum hoc levi incommodo Ecclesiæ præcipienti obedire. Semper tamen ea cautione, ne hoc in abjuratæ Romanæ communionis argumentum cedat, quando consistendæ fidei illos urgeat præceptum. Legamur quæ diximus de Legibus Diss. 3. cap. 9. n. 9. & 10. & cap. 10. conf. 10. & seq.

IX. Quanta autem esse debeat materia, quæ levis dici possit, & a lethali
N n n
pec-

peccato excusate, non consentiunt Doctores; nonnulli infra duas uncias levitatem materiæ consistere censent, quod falsum & periculosum arbitror: alii ad unam unciam limitant, nonnulli octavam partem uncia nonnisi leve peccatum constituere docent, a qua sententia non abhorreo; nam certe exigua res sit oportet, quæ unius drachmæ pondus non exsuperat, sicut exiguae sunt illæ carniæ & jusculentorum partes, quas coqui & pincernæ degustare solent ad ciborum saporem discernendum.

CAPUT QUARTUM.

CONSECTARIA PRÆCEDENTIS DOCTRINÆ.

- I. *Quando Regulares in suis jejuniis ovis & lacticiis vesci possint.*
- II. *Ubi viget consuetudo vescendi lactariis in Quadragesima, non licet tamen vesci sanguine animalium, vel larido, vel pinguedine.*
- III. *Nec bellariis, placentis, crustulis ex ovis & similia confectis.*
- IV. *Qui pluries in die jejunii carnes comedit, plura committit peccata.*
- V. *Idem dicendum de vovente vel abstinentiam a carnibus, vel jejunium.*

CONSECTARIUM PRIMUM.

I. **R**EGULARES in suis jejuniis ab eorum Regula constitutis vesci possunt ovis & lacticiis, modo aliter ab ipsa regula non sit constitutum, ut in Ordine Minimorum. Ita declaratum fuit pluries a Sacra Congregatione Episcoporum & Regularum, cujus declarationes citantur in Bibliotheca Ferraris. Pari pacto in illis regionibus, in quibus vel ex antiqua adprobata consuetudine,

vel ex peculiari dispensatione concessum est in Quadragesima, aliisque peccatum jejunii vesci ovis & lacticiis, & ipsi regulares eodem jure & privilegio gaudent, cum & ipsi sum pars communis, nec in concessis dispensationibus excipiuntur, nisi tamen aliter a Regula & constitutionibus cautum sit, quas Religiosi omnes consulere debent, & perpendere, iisque se conformare. Vicissim vero Regulares consuetudini vigenti penes plures Provincias & Civitates abstinendi a lacticiis & ovis in jejunio extra Quadragesimam tendendi sunt obnoxii, tum quia legitimæ consuetudines in locis vigentes sunt ab omnibus incolis servandæ, tum quia & ipsi regulares consuetudini universaliter investæ consentisse præsumunt, cum illis obstitisse non constet.

CONSECTARIUM SECUNDUM.

II. Ubi consuetudo legitima viget, vel concessum est vesci in Quadragesima ovis, cæleo & lacticiis, minime tamen concessum est vesci sanguine animalium, & larido suillo, vel pinguedine ex asneribus sumpta & servata, ista enim carnis nomine comprehenduntur vetiæ in Quadragesima. Quamobrem optime animadvertit Reiffenstuel consuetudinem utendi hisce condimentis nec in Germania, ubi piscium & olei penuria est, esse admittendam, sed potius illorum usum vetandum ne introducat. Non tamen admittendum puto quod idem Auctor subdit, scilicet concedi posse pauperibus in Germania vesci pinguedine sive suilla sive asnerina ob causam paupertatis & inopiam butyri. Nam si sermo sit de pauperibus non alios cibos habentibus, nec sibi comparate valentibus, profecto

hi possunt ova & lactinia & etiam carnes comedere ut vivant : si vero sermo sit de pauperibus, qui ob pecuniæ carentiam oleum, & butyrum, quæ caro venduntur, emere non possunt, profecto si alios efutiales cibos ad sufficientiam obtineant, non possunt ea vesci pinguedine, sed efutialibus cibis sint contenti, & legumina, herbas, aliasque res, quibus vesci plerumque solent aceto, sale, uvis siccatis, vel alio fructuum succo condire debent, cum hic non tantum de cibi substantia agatur ad sustentationem necessariam, quam de condimento ad palati saporem. Pari passo explicandum puto, quod subdit laudatus Auctor, permitti posse famulis & famulabus, ut cibos dominis suis iubentibus pinguedine conditos parent & coquant; & cocta etiam comedant si illis a dominis comedenda proponantur: primum enim, idest tali pacto coquere & parare conceditur aliquando famulis dominis suis toto anno in coquinæ ministerio inservientibus, ut comedere nisi urgente necessitate ob aliorum ciborum carentiam non possunt. Inne-rantes quoque si in diversorio eam ciborum efutialium copiam reperiant, quæ iustæ comestioni sufficiens est, licet sine piscibus, non possunt ova & lactinia comedere, sed aliis cibis contenti sint. Quando vero etiam a jejuniis liberentur, dicemus infra suo loco.

CONSECTARIUM TERCIUM.

III. Non licet Quadragesimæ tempore, vesci bellariis, crustulis, placentis ex farina subacta & ovis compositis vel butyro immixto, nisi in iis locis,

in quibus lactiniorum usus concessus est. Nam hac sublata licentia non minus vetitum est uti propria ovorum substantia in se, ac ea cum alia re immixta. Nec uget ratio Pasqualigi contrarium docentis & probantis ex eo quod ova licet in se & seorsim lumpna satis sint ad jejunii violationem, cum farina tamen immixta ita absorbeniur & commutantur, ut sibi ex ovis denominationem amittant. Nam inutilis est & puerilis ratio illa, cum semper composita partium componentium denominationem ponant, & aliam assumant sibi propriam & peculiarem. Sic farina aquæ immixta nec farina dicitur nec aqua, sed panis; similiter farina ovo, butyrove immixta nec ovum nec butyrum dicitur, sed placenta, bellarium, crustulum, & semper verum est substantiam cibi vetiti, licet immixtam alteri rei, subsistere, ac ad nutritionem deservire; quamobrem cum ovorum usus absolute vetitus, sit nec hoc modo illis immixtis & commutatis vesci licet. Excusabit tamen fortassis a gravi culpa parvitas materiæ, si nimirum tenue ovi frustulum, quod nec seorsum sumptum violaret jejunium, sit farinæ immixtum. Hoc tamen a gravi culpa non excusat hujusmodi placentarum & bellariorum venditores & comestores, nam licet quilibet emptor & comestor fortassis graviter non violet jejunium, in causa tamen sunt, a Communitate abstinencia non integre fervetur; quamobrem permittendum illis non est, ut jejuniorum tempore obtentu parvitatibus materiæ hæc bellaria conficiant & divendant, sed oburgandi, & nisi emendationem polliceantur, deneganda absolutio,

CONSECTARIUM QUARTUM.

IV. Qui in diebus jejunii carnes comedit, vel ova & lacticia ubi eorum usus vetitus est, toties peccat quoties comedit. Ita communiter Theologi, qui ad unum omnes fatentur, præceptum carniū & lacticianiorum verans comestionem, negativum esse, quod semper obligat toto jejunii die, proinde toties infringitur, quoties carnes comeduntur, nec excusat parvitas materiæ, quæ tamen si pluries in die sumatur in fraudem præcepti, tunc ad lethale peccatum pervenit quando gravem materiam constituit, non enim differt opinio contraria a doctrina damnata ab Alexander VII. asserente: *Qui in die jejunii modicum quid comedit, etsi notabilem quantitatem in fine comederit, non frangit jejunium*: sicut enim repetita modicæ quantitatis cujuscumque cibi comestio jejunium frangit, quatenus repetitas prohibet comestiones, ita repetita modicæ cibi vetiti quantitatis sumptio eidem præcepto opponitur abstinentiam præcipienti a carnibus & lacticiis. Illic multo magis inferendum, qui ob ignorantiam vel inadvertentiam a culpa immunem semel carnes comedit, non posse eo die iterum comedere obtentu impossibilitatis servandæ præceptæ abstinentiæ, cum adhuc præceptum implere possit quod per totum diem jejunio addictum obligat. Non tamen peccata multiplicantur, si quis carnes comedat in pervigilio S. Marthæ, si forte in Quadragesima & in die quatuor temporum incidat, sed unum peccatum committit, cum sint omnia ea præcepta unius rationis, idemque respiciant objectum & finem; secus vero si præcepto adjunctum foret & privatum votum, quia hoc posterius etiam virtuti

religionis specialiter adversatur.

CONSECTARIUM QUINTUM.

V. Qui vovit carnes non comedere, vel ova & lacticia c. c. feria terna in honorem S. Antonii, toties peccat, quoties ex illis comedit. Ratio est manifesta, nam præceptum & legem sibi imponit omnino negativam, id est abstinentiæ toto eo die a præfatis escis: porro sicut, ut superius diximus repetita præcepti negativi violatio multiplicat peccata, ita repetita hujus voti violatio peccatorum numerum augebit. Quid si voveat jejunium in die quo nullum est ab Ecclesia indictum præceptum, peccabit ne si pluries comedat carnes? Negat Concina hoc argumento. Quia qui vovit jejunium, non directe vovit abstinentiam a carnibus, sed indirecte ratione jejunii, proinde violato semel jejunio per carnium comestionem nequit amplius eo die jejunare, proinde peccat in prima comestione, non vero in secunda & tertia. Deinde asserti discrimen inter præceptum Ecclesiæ & privatum votum, nimirum in illo duo contineri præcepta, & abstinentiæ a carnibus, & unicæ comestionis; in voto vero animadvertit, voventem hæc duo non distinguere, sed jejunium per modum unius promittere. Verum hæc distinctio nimis metaphysica mihi videtur, & ipse P. Concina in hac ipsa jejunii materia conqueritur cap. 4. n. 3. *maximum damnum passam esse morum Theologiam, ex quo a non paucis ad metaphysicas regulas revocari capit*. Res igitur non secundum metaphysicas præcisiones, sed secundum morum regulas est expendenda. Ad has igitur voventem revocemus. Competitum est, voventem sibi legem ferre, & secundum ejus voluntatem esse obnoxium: porro

porro potest quis vovere jejunium pluribus modis, in pane & aqua e. g. vel pane & vino, vel cum sola abstinencia a carnibus, & unica comestione &c. si vero nihil circa hoc determinet, sed solum in communi voveat jejunium intelligitur tale vovisse jejunium, cujusmodi haberi solet in Ecclesia, & est vel in usu vel in præcepto, & vocatur jejunium commune & Ecclesiasticum; hoc igitur jejunium vovet. Porro hoc de se duo complectitur, nimirum & abstinenciam a carnibus, & unicam refectionem; hæc duo igitur directe vult, & sibi præcipit; si enim unum sine altero maluisset, in sua positum erat voluntate statuere. Utiq; inquit Concina, sed hæc duo vult *per modum unius*. Sed quid sibi vult hæc verba *per modum unius*? Quantum sapio, quantum capio, unico voto vult jejunando abstinere a carnibus & a repetita refectione, eo plane modo, quo Ecclesia vult *per modum unius* (scilicet præcepti) jejunium in Quadragesima, & sicut Ecclesia jubet *In Quadragesima jejunato*, ita & hic unico voto sibi indicit *volo jejunium*: quamobrem sicut jejunium ab Ecclesia præceptum duas complectitur partes, ita & votum duas habet partes; sicut violatur jejunii præceptum carnes comedendo, & toties violatur quoties comeduntur, & violatur jejunium per votum assumptum comedendo carnes, & toties violatur quoties comeduntur; eapropter non aliud verum & reale discerni reperitur inter utrumque jejunium, nisi quod illud sit ab Ecclesia impositum omnibus fidelibus, hoc autem sit voluntarie assumptum a vovente; ceterum idem onus in utroque, eadem obligatio, eadem jejunii partes, Fallitur etiam Concina, dum absolute pronuntiat, voventem teneri alia die jejunare;

& votum implere; nam inspiciendum est, num tempus jejunio præstitutum sit ad finiendam obligationem, an solum ad urgendam: si primo modo positum sit, violato jejunio non amplius urget onus jejunandi, si vero secundo modo, adhuc urget & tenetur voto satisfacere. Quomodo autem dignosci possit, quando tempus præstitutum est ad finiendam obligationem, quando solum ad urgendam late explicavimus in 2. Decal. Præcepto diff. 2. cap. 5. §. 3. n. 13. & seq. omnino legendum, immo & videndus ipse Concina de 2. Decal. Præcept. diff. 2. cap. 3. n. 3. & 4. Nam vero qui præceptum repetitam comestionem vetans violat toties peccet quoties reficitur, dicemus post pauca,

CAPUT QUINTUM.

De dispensatione ab abstinencia a carnibus, & causis ab ea excusantibus.

DOCTRINA.

- I. *Necessitas interna liberat ab onere abstinendi a carnibus.*
- II. *Sicut & externa.*
- III. *Dispensatio a carnibus pro tota Communitate quomodo petenda.*
- IV. *Privata dispensationes gravem possulant causam.*
- V. *Quid animadvertere debeant petentes a medicis schedam de necessitate dispensationis.*
- VI. *Quid ipsi medici concedentes.*
- VII. *Quid Parochi & animarum Pastores.*
- VIII. *Dispensatus ab abstinencia carnum non est ab unica comestione solutus.*
- IX. *Quibus concessus est carnum esus non licet epulas permiscere.*
- X. *Nec carnibus vestii in scrotina restiuncula.*

I. **P**RIMA & præcipua causa, quæ ab abstinentia a carnibus liberat & excusat, est necessitas sive interna sive externa. Necessitate interna illos urgeri dicimus, qui sine gravi detrimento valetudinis a carnibus abstinere non possunt. Hinc primo ab ea dispensantur infirmi aâuali morbo, ut qui vel quotidiana, vel tertiana, vel quartana febris affliguntur, vel alio tentantur præfenti & premente gravi incommodo. 2. Convalescentes & valetudinarii, quibus immineret ex esurialium ciborum usu vel relapsus in morbum, vel nova infirmitas, vel quia indigent prostratas vires recuperare. 3. Qui ex usu ciborum Quadragesimalium aliquod & quidem non leve patiuntur nocumentum, vel qui ob nauseam piscis comedere non valent, in quo tamen illud animadvertendum: 1. nocumentum non qualecunque, sed grave esse oportere, certum est enim esurialium cibum diuturnum per quadraginta sex dies & debilitatem virium asserere, & ventris inflationes, ructus, insomnia, & alia leviora incommoda producere, quæ certe ab abstinentia non excusant, cum sit jejunium institutum ad concupiscentiam frænandam, ad ejus debilitandas vires, & ad satisfaciendum Deo pro peccatis, quod utique sine incommodo obtineri non potest. 2. Non esse omnino ab hac abstinentia solutos, sed juxta exigentiam, & ad necessitatis mensuram, qui enim abstinere possunt sine gravi incommodo per aliquot dies, eam abstinentiam tolerare & subire debent, contenti usu carniū solum in aliquibus diebus.

II. Altera vero necessitas exterior est illa, quæ ex carentia cibi oritur, vel ex metu gravis periculi si abstinentia servetur. Hinc ex primo capite legi-

mus apud Socratem lib. 1. hist. Eccles. cap. 1. factum Sancti Spiridionis, qui excipiens hospitem valde de via festum, jussit filiæ ut cibum pararet, cui respondentem nec panem esse in ædibus nec potentiam, dedit mandatum filiæ, ut carnes fuillas, quas forte in ædibus habebat, sale conditas coqueret, quibus coctis hospitem fecit accumbere, deque carnibus apposis comedere cœpit, hortaturque hospitem ut ipsum imiatur, qui cum illud facere recusaret, diceretque se Christianum esse: Hanc ob causam (inquit Spiridion) minus recusare debes, nam omnia munda mundis Sacræ Scripturæ pronuntiant. Et revera necessitas legem non patitur: quamobrem & pauperes, qui ostium victum querunt, quem aliunde sibi comparare non valent, si non nisi carnes in eleemosynam acciperent (quod tamen raro evenire potest in christianis locis quadragesimali præsertim tempore) illis vesci possent. Nam vero & ab illis abstinere deberent, qui nonnisi panem haberent, diximus superiori capite. Metus quoque gravis mali etiam ab externo provenientis ab eadem excusat abstinentia, cum leges Ecclesiasticæ cum tanto onere non obligent; proinde transeunt per loca hæreticorum carnes comedere permittum esse superius diximus ad evitandum vel vitæ periculum, vel carcerem, vel bonorum amissionem, nisi forte hæc abstinentia abnegatæ Romanæ Communionis indicium præberet.

III. Secunda causa, quæ ab abstinentia excusat, est Ecclesiæ dispensatio, quæ & generalis esse potest pro toto Regno, Provincia, Civitate, Oppido, vel particularis & privata huic vel illi private personæ petenti concessa. Et quoad generalem dispensationem, quam

impetrare vel elargiri non nisi Supremis Potestatibus Ecclesiasticis conceditur, qui nostra profectio non indigent doctrina & instructione, satis erit illis ea exhibere documenta, quæ Sapientissimus Pontifex Benedictus XIV. tribus Bullis datis omnibus Prælatibus, Patriarchis &c. communionem Sedis Apostolicæ habentibus tanquam opportuna suggessit, nimirum 1. „A nemine tui multitudinis, „ veluti populo, aut civitati, aut genti „ indifferenter, non nisi gravissima & „ urgente necessitate, & in casibus per „ Sacra Canonum statuta præscriptis, „ cum debita hujus Apostolicæ Sedis „ reverentia a quadragesimali jejunio „ dispensationem toties quoties opus „ fuerit esse concedendam, nec auda- „ cter fidenterque usurpandam, nec „ superbe & arroganter ab Ecclesia, „ sicut in aliquibus in more positum „ esse accepimus, postulandam“. In Bulla, quæ incipit *non ambigimus*, data die 30. Martii 1741. 2. Hanc dispensationem ab abstinencia a carnibus non esse vel concedendam, vel usurpandam nisi cum onere servandi unicam comestionem, & vitandam esurialium ciborum & concessarum carnium permixtionem. In eadem Bulla, & confirmavit alia data 22. Augusti 1741. 3. Hanc dispensationem esse toties quoties petendam & obtinendam, nec valere utrumque eam imperandi, etiam a pluribus annis invalescentem, nam. ut admonet Concilium Tridentinum sess. 25. cap. 18. de Reformatione: *Sicut publice expedit, legis vinculum quandoque relaxari, ut plenius eventibus casibus, & necessitatibus pro communi utilitate satisfiat; sic frequentius legem solvere, exemploque potius, quam certo personarum, rerumque defectu petentibus indulgere, nil aliud est, quam unicuique ad leges transgrediendas aditum aperire*. 4. Carnium

etiam minime toti populo vel civitati concedendum, si laici & ovorum usu satis esse videatur. 5. Non esse inter sufficientes causas dispensationis ab esu carnium connumerandum, quod pisces, vel ova caro pretio vendantur. Sicut enim urbes habent egenos cives, ita etiam opulentos, e quibus etiam alii vitæ sustentationem labore ac sudore sibi comparant, alii vero patrimonio ac divitiis satis superque abundant. Itaque si emendis piscibus grave pretium solvendum sit, id quidem egenis civibus, non vero divitiis sustentatur. 6. Nec esse ab abstinencia Quadragesimæ solvendas Civitates, vel Dioceses, ubi exercitus versantur, eo quod milites iis in locis permanentes abstinenciæ leges minime observant. Id potius animos civium inflammare debet ad jejuniium rite religiosèque suscipiendum, ut nempe milites tanta virtute temperantiæ permoneri ipsorum exemplum sequantur. 7. Si copiarum militum tantæ sint, ut summam afferant penuriam herbarum atque olei, ideoque harum rerum pretium summo opere augeatur, tunc id statuendum quod dictum est superius, n. 5. 8. Denique, dispensationem ab abstinencia a carnibus semper cum aliqua Hierum limitatione esse concedendam, & excipiendis præfectis dies Cinerum, Quatuor Temporibus, Vigiliis præcepto servandis, & majoris hebdomadæ dies a Dominica Palmatarum. Si hæc saluberrima iuncti Pontificis monita servabunt Ecclesiæ Præsules, vel difficiles se præbunt optantibus hujusmodi dispensationes, vel iusta de causa petentibus tunc conscientia concedere poterunt, & ab Apostolica Sede impetrare.

IV. Quoad privatas vero dispensationes

nes certis personis concedendas, attendendum, ut inquit Fagnanus, *quod causa dispensationis debet esse magna, seu quod idem est, major, maxima, iusta, evidens, urgens, et his consimilis . . . alioquin si huiusmodi causa desit, non est dispensatio, sed dissipatio*, & sic fiet coram Deo, dantibus periculosa, accipientibus vero perniciofa. Non enim quodcumque detrimentum, quod ex abstinencia a carnibus & diuturno esurialium ciborum usu timeretur, legitimam constituit petendæ dispensationis causam, sed oportet grave sit, urgens, & ex ipso esurialium ciborum usu imminens; hinc usque ad seculi XVI. dimidium nonnisi languor evidens & gravissima infirmitas ab abstinencia eximebant; & quidem quia opus esset dispensatione, ut definivit Tolerantium Concilium VIII. can. 9. *Quisquis absque inevitabili necessitate, atque fragilitatis evidenti languore, seu etiam ætatis impossibilitate esum carnum diebus Quadragesimæ presumpserit attentare, non solum reus sit Resurrectionis Dominicæ, verum etiam alienus ab ejusdem diei Sanctissima Communione*. At his, qui non tanta premebantur necessitate, opus esse dispensatione statuit, subdens: *Illi, quos aut ætas incurvat, aut languor extenuat, aut necessitas arctat, non ante prohibita violare presument, quam a Sacerdote permissum accipiant*. At nostris hæc temporibus tot sunt injuriæ leves causas dispensationis, ut jam esus carnum in Quadragesima nonnisi Regularibus, pauperibus, & paucis artificibus reservatum videatur; unde merito fixerat Sapientissimus Pontifex Bened. XIV. in sua Bulla *Non ambigimus*: „Nos „fane lacrymis deplorare non possumus „augustissimam Quadragesimalis „jejunii observantiam ob nimiam nullis

„legitimis urgentibus causis ubique indifferenter discriminatim dispensandi facilitatem „plane sublatam esse, ita ut orthodoxi „et quidem Religionis cultores meriti „to querantur, hæreticum vero sectatorum illudant, & exultent“.

V. At quia harum dispensationum origo & fons præcipue ex medicorum nimia indulgentia & benignitate progreditur, 1. admonendi sunt fideles, ne benigniores hos medicos querant, qui faciles se præbent in schedis dandis fitem facientibus de necessitate abstinendi ab esurialibus cibis. 2. Ne illis suis exaggerent morbos, pericula, timores amittendæ valetudinis, & infirmitatis incurrendæ, alioquin dispensatio hoc modo obventa coram Deo illos minime a violata quadragesimali abstinencia excusabit. Sed adveniant non qualecunque incommodum, quod fortassis ex cibis esurialibus perperitur, vel grave etiam quod aliquando experti sunt, justum præbere motivum petendæ dispensationis; nam huiusmodi incommoda facile est, non ex ciborum qualitate, sed ex ipsa humani corporis constitutione, quæ facile tentatur, vel profluere, vel olim profluxisse, cum & ipse cibus qualiscumque sit non raro ex interna humorum constitutione morbum gignat, quapropter nisi vel præsens urgeat infirmitas, vel certum imminet amittendæ sanitatis periculum, ad dispensationem petendam non cogitantur.

VI. Medici vero in concedendis attestationibus de indigentia petentium dispensationem, præ oculis habeant ea, quæ hæc de re præbent clarissima monita & documenta duo clarissimi medicæ doctores christiani Zachias & Hequetius. Ille siquidem lib. 3. tit. 1. quæst. 5. scribit 1. „Admonendum

ante

ante omnia primo, non omnes san-
nitatis incommodum a jejuniis pro-
veniens illico hominem a jejuniis ex-
cusat, nam vix dici potest jejunare,
qui ex jejuniis nullum perceperit in-
commodum, idcirco enim jejunium
definitur, maceratio seu afflictio car-
nis. 2. Nec quilibet morbus legitime
a jejuniis excusare potest. Neque
etiam idem morbus, qui ab una ob-
ligatione solvit, ab omnibus absol-
vere potest. Non enim quovis morbo
a quavis jejunii conditione excusare
debet indifferenter; sed alter qui-
dem ab usu carnis, alter ab usu
tantum ovorum, non carnis, al-
ter ab unitate comestitionis, alter ab
hora refectiois, alter ab omnibus
simul immunem hominem reddere
potest. Hinc 3. infert: „Ex qui-
bus discant tam medici, quam eorum
consultores, non esse petendam ab-
solutionem a jejuniis obligatione illico
aque laesum quis se sentiat a jeju-
nio, sed potius querendum, an
aliqua jejunandi ratio sit, quæ sit
magis salubris quam præterita. Sunt
enim qui ab aliquo cibo particulari
in jejuniis consueto noxam perci-
piunt, hi si hunc abusum omiserint,
jejunium de cetero commodissime
servare poterunt. Alter vero sci-
licet Hequetius citans Condroualium
de Christi, medendi ratione p. 1.
cap. 32. sic docet: „Medicus per-
peram & inique agit, si valerudina-
rio & morbofo, vel debili, qui se
ovis & lacticiis cibis tueri facile
potest, esum carnis etiam concedit
maxime in quadragesima. Et de
jejun. Thef. 5., Prevaricantur com-
plices, qui ex præpostera valetudi-
nis cura esum piscium sibi officere
illico censent, & ideo ad abstinen-

dum carnibus se non obstringi dicunt:
prevaricantur, inquam, & si me-
dicos consulant, a quibus schedulas,
quibus impetrant facultatem edendi
ova aut carnes, obtinent vel saltem
extorquent. Neque a violati jejunii
peccato immunes sunt ejusmodi me-
dici, qui indulgentius quam par est
agunt cum multis e. e. nobilibus. Si
christiani medici hæc vere christiana
documenta præ oculis habeant, & se-
rio coram Deo considerent, non tam
faciles erunt in schedulis testatoris con-
cedendis, sed clientis suos ad salutem
jejunium amplectendum & hortabuntur
& excitabunt.

VII. Similiter Parochi & animarum
Pastores, qui præhabita medici attesta-
tione dispensationem impetrantur ab-
stinentiæ quadragesimalis, ruti non
sunt in conscientia, si solum visis me-
dicorum schedulis & attestationibus,
statim veniam impetrantur, & conced-
ant: nam & ipsi de legitimitate pe-
nitentiæ dispensationis judices sunt, nec so-
la in ipsis spectatur auctoritas, sed &
consilium exigitur & judicium. Pontifi-
ces enim Summi statuunt & declarant,
non licere Christianis se ab abstinen-
tia quadragesimali subtrahere sine
legitima causa, & de utriusque medici
consilio. Audiant quomodo eos moneat
Sapientissimus Theologus Elizaldo 2. p.
lib. 61. q. 17. §. 11., Duæ scientiæ co-
gnitionesque in utroque medico defi-
derantur, alia corporis, alia animæ.
Hinc jure supponit Ecclesia in Parocho.
Nam bonus Pastor, & qui mercenarius
non est, cognoscit oves suas & ob hoc
ejus licentiam requirit. Quare licentia
ista non est clavis gravis potestatis sed
clavis scientiæ saltem principalis.
Nec solum pendet a sola scientia cog-
nitioneque medici corporis, cum in
O o o o hac

„ hac re solum fit Parochi scilicet, vi-
 „ dere quid medicus corporis existima-
 „ verit & subscribere ejus dicto. Tra-
 „ ctatur itaque de duplici salute cor-
 „ poris quippe & animæ. Et ideo
 „ utriusque medici judicium requiritur
 „ & potior est medicus animæ, & si
 „ unum huic, alterum illi videretur,
 „ & invaletudo aliqua corporis peteret
 „ Petrum non jejunare, sed lætari &
 „ epulari, multitudinem autem peccatorum
 „ ejus magna pœnitentiam postularet.
 „ Item si in concupiscentiis totus ar-
 „ deret, & in magno esset periculo,
 „ postponi corpus debet & medicus
 „ ejus, & medico animæ standum est,
 „ & jejunandum, & corpus affligen-
 „ dum, & castigandum, quousque in
 „ debitam servitutem redigatur, nec
 „ animas nostras, idest vitam nostram
 „ pretiosiorum facere debemus quam
 „ nos, idest quam salutem animæ no-
 „ stræ, & nostram. Hæc attendant
 „ animarum Pastores, ne sint canes mu-
 „ ti non valentes latrare, timentes ne
 „ invidiam subeant & odium magnatum
 „ & potentum, sed sint dispensatores
 „ fideles constituti super familiam Domi-
 „ ni, quam regant non ad illius volunta-
 „ tem, sed juxta legem Dei & Ecclesiæ
 „ præcepta. Si enim (inquit S. Th. 1.
 „ 2. q. 197. „ 2. 4. absque ratione pro
 „ sola voluntate licentiam tribuat,
 „ non erit fidelis in dispensatione, aut
 „ erit imprudens: infidelis quidem, si
 „ non habeat intentionem ad bonum
 „ commune, imprudens autem si ra-
 „ tionem dispensandi ignoret.

VIII. Qui juxta de causa dispensatio-
 nem obtinuit, per quam ab abstinentia
 carnium solutus est, non ideo censen-
 dus est ab alia jejunii lege de unica
 comestione dispensatus. Affirmant
 pluribus auctoritatibus & rationum mo-

mentis adductis, oppositum propugna-
 runt paucis ab hinc annis plures Theo-
 logi, aliis e contra pro veritate decer-
 tantibus. At quæstionem omnem dire-
 mit Sapientissimus Pontifex Bened.
 XIV. duplici Bulla, quibus declaravit
 jussit, ac statuit, dispensationem ab
 abstinentia concessam sive Communi-
 tati integre, sive alicui determinatæ
 personæ non inferre dispensationem ab
 unica comestione, sed cum usu carnium
 jejunium esse conjungendum, & licet
 scholasticam illam & speculativam quæ-
 stionem, num essentia jejunii sit in
 abstinentia a carnibus, vel in unica
 comestione collocanda, definire sapien-
 tissime noluerit, novam tamen se non
 inducere præceptum aperte declaravit,
 sed indolem & naturam quadragesima-
 lis jejunii exponere, in quo nemo igno-
 rare debet (verba sunt sapientissimi
 Pontificis) cum hujusmodi necessitate
 (carnibus vescendi) servandam esse po-
 tissimum unicam comestionem. Et jure
 merito dictante ipso naturæ lumine,
 leges omnes esse omnino servandas, &
 sin integre, saltem eo meliori quo fieri
 potest modo, ut diximus dist. 3. de
 Leg. Hum. cap. 9. num. 16. reg. ult.

IX. Non licet quibus concessus est
 carnium esus promiscue vesci & carne
 & piscibus, & utrasque epulis simul
 permittere, alioquin violati quadragesima-
 lis jejunii graviter culpabiles sunt.
 Ita declaravit laudatus Pontifex in suo
 Brevis ad postulata Archiepiscopi Com-
 postellani, & alia Bulla ad universos
 Episcopos, in qua præfaram responsio-
 nem tori Catholicæ Ecclesiæ commu-
 nem fecit. In utraque itaque declara-
 vit 1. dispensationem a carnibus nulli
 sive communitati, sive privato esse
 concedendam, nisi conditio servandi je-
 junii sive unius comestionis interponatur,

et illud quoque monitum addatur, nequam licere mensam eandem carne & piscibus instruere. 2. Has binas condiciones sub gravi esse observandas tum in dispensationem concedentibus, qui sub lethali culpa eas apponere condiciones obstringuntur, tum ab eis, qui huiusmodi facultatibus utuntur, quippe qui sub gravi ad binas ipsas condiciones implendas obligantur.

X. Quibus concessa est facultas vendendi carnis, interdictum tamen semper ipsi erit sub lethali culpa uti dispensatione in sorotina collatiuncula, in qua iidem solum vesci eibis poterit, quibus aliis fidelibus vesci concessum est. Ita in prefata Bulla declaravit laudatus Pontifex. Hinc cum & in Quadragesima vetitus sit & usus lacticianorum & ovorum, concessa dispensatione, his uti non licebit nisi in unica meretricia comestione, in collatiuncula autem interdicta omnino sunt ut declaravit etiam Clemens XIII. in sua Bulla Appetente data anno 1759. ubi confirmans declarationem Prædecessoris sui Benedicti XIV. qua indixerat, dispensatos a carnis abstinence, unica excepta comestione in omnibus æquiparandos iis esse, quibus cum nulla est dispensatio, ipsi addidit: *propterea tantummodo ad unicam comestionem posse carnem, vel que ex carne trahit originem adhibere.* Sed de hoc fusius Consect. 10.

CAPUT SEXTUM.

CONSECTARIA PRÆCEDENTIS
DOCTRINÆ.

- I. *Quinam possint a carnis abstinence dispensare.*
- II. *Quinam indigeant dispensatione.*

III. *Non est dispensatio a carnis abstinence, si sufficiat lacticianorum usus.*

IV. *Quando medici gravissime peccent in dandis sedibus pro dispensatione.*

V. *Quando pariter Parochi & Pastores animarum dispensent.*

VI. *Graviter peccant qui æconomia causa domesticos ad carnes comedendas cogunt.*

VII. *Dispensati a carnis abstinence non nisi salubribus carnis vesci possunt.*

VIII. *Dispensati a carnis vel lacticianorum abstinence illis vesci possunt in secunda resurrectione in Dominici diebus Quadragesima.*

IX. *Dispensatis licitum est & ova pisces permiscere, sicut & ova, & carnes.*

X. *Non autem carnes & lacticia usurpare in sorotina collatiuncula.*

XI. *Præcepta de unica comestione et de non permiscendis epulis urgent etiam in jejuniis extra Quadragesimam.*

XII. *In sextis Feriis sola est præcepta abstinence a carnis.*

XIII. *Qui ex voto vel regula ad jejunium vel abstinence feris sexta vel Sabbato obligantur, non possunt vesci carnis in Natali Domini iis diebus occurrente.*

CONSECTARIUM PRIMUM.

I. **E**PISCOPI cum suis subditis, Parochi cum suis ovibus, Superiores Regulares cum suis Religiosis iusta intercedente causa dispensare possunt ab abstinence carnis in particulari necessitatem habente; at si dispensandum sit cum tota Diocesi, Parochia, vel Communitate, reverentia est Sedi Apostolicæ habenda, & ad ea petenda licentia. Et quidem licere præfatis privatis indigentibus dispensationem

O O O O 2

con-

concedere nemo ambigit, & ipsa confirmatur praxi; nam Episcopi subditos suos dispensant propria auctoritate, Parochi ex concessione Episcopi & consuetudine, regulares Prælati facultate & privilegiis sibi a Sede Apostolica concessis. Eccevera ita postulat humani regiminis conditio, nam cum frequenter occurrat dispensationis necessitas, & subditi non nisi cum magna difficultate ad Summum Pontificem valeant confugere, æquum est, ut in suis Pastoribus eam reperiant potestatem, qua proinde indigentibus subditorum consulere valeant. At quando agitur de integræ diocæsi, civitati, oppido, vel communitati dispensatione concedenda, debitam esse Sedi Apostolicæ reverentiam exhibendam & docet, & rationum momentis evincit Benedictus XIV. tum in suo Brevis ad Episcopos suæ temporalis ditionis pro translatione Vigiliæ S. Mathiæ a postrema die bacchanalium, cum qua aliquando concurrat, ad præcedentem alteram diem, ostendens non licere Episcopis propria auctoritate eam vigiliam transferre, utpote eo die statutam ab Innoc. III. & insertum Decretum pro toto Christiano Orbe in jure Can. cap. ex parte de observ. jejun. & confirmatum in III. Conc. Lateranensi c. 27. in Appendice, in iis autem, quæ a Summis Pontificibus & Generalibus Conciliis statuta sunt, non conceditur privatis Episcopis dispensare: tum fustis de Synodo Diocæsans lib. 9. cap. 1. ubi invicte ostendit, non esse usquequaque veram doctrinam, quam adstruunt plures Auctores, & velut indubitatum axioma venditant, scilicet quidquid potest Pontifex in universo orbe, si ea excipias quæ totius Ecclesiæ statum respiciunt, ut fidei articulum definire, potest Episcopus in sua Diocæsi, nisi specialiter Papa illud reservavit, sed non esse Episcopis con-

cessum nec in sua Diocæsi dispensare contra legem universalem Ecclesiæ, Concilii Generalis, & Summorum Pontificum. Porro lex indicens a carnibus abstinere & antiquissima est in Ecclesiâ, & toto orbe custoditur, & pluribus tum Conciliorum Decretis, tum Summorum Pontificum statutis confirmata; in ea igitur pro tota Diocæsi, vel integra civitate sine Sedis Apostolicæ licentia non valent Episcopi dispensare; & revera ita in praxi servatur certe in tota Italia, ubi Episcopi etiam pro sola dispensatione ab ovibus & lactiniis ad Sedem Apostolicam, vel ad ejus a latere legatos, si sint tanta potestate donati, confugere solent. Hinc de privatis dispensationibus loquitur Concina, quando dicit cap. 36. Diss. 2. de jeju. n. 3. *se arbitrari Episcopum vero dispensare in esu carnis.* Non tamen censéo adprobendam quam assert rationem subdens *Quoniam licet lex universalis pro tota Ecclesiâ sit supra facultatem Episcopi, prout tamen hac lex spectat hanc Diocæsim, subiacet jurisdictioni Episcopali, quatenus Episcopus valet legem illam interpretari, & ex justa causa ab eadem suos subditos dispensare.* Hac enim semel constituta doctrina jam Episcopi in omnibus Ecclesiæ canonibus de impedimentis Matrimonii, de irregularitatibus, de morte Ordinandorum &c. dispensare possent cum suis subditis, quia licet hæc jura & hi Canones legem constituent universalem pro tota Ecclesiâ, semper tamen stat, spectare etiam ad quæcumque privatam Diocæsim, cum Ecclesiâ universalis nonnisi ex privatis Diocæsimus conficiatur; ergo in hac vel illa Diocæsi poterit Episcopus dispensare, non quatenus legem constituat universalem, sed quatenus hanc vel illam Diocæsim foret, quod profecto absurdissimum foret. affe-

asserere, & ut observat laudatus Baed. XIV. in laudato capite citati Operis ex Fagnano, inferiorum posse contra legem Superioris absolute dispensare, nihil aliud est quam caput membris, & superiora inferioribus subicere, & ordinem naturalem invertere, & Ecclesiasticam Hierarchiam confundere Dei ordinatione institutam, præsertim vero quia mos Sacrorum Canonum & Conciliorum est fere ubique præcipere aut prohibere quid faciendum sit vel non faciendum, raro autem descendunt ad prohibitionem dispensationis. Unde si liceret Episcopis dispensare quotiescumque dispensatio, in specie non prohibetur, consequenter esset in eorum facultate totum jus commune & Concilia universalia subvertere in singulis casibus dispensando, quod est erroneum asserere. At inquires, qua igitur potestate Episcopi suos subditos in quadagesimali abstinence dispensant? Ratio est in promptu, quandoquidem eadem Concilia & jura, quæ statuunt fideles singulos ad quadagesimalem abstinenciam teneri, addunt etiam quod, gravi urgente necessitate & causa, possint carnis vesci *Sacerdotis permissione*, sed de *consilio atriisque medici*; nomine autem Sacerdotis & medici spiritualis certo & præcipue designantur Episcopi: data igitur Episcopis facultas singulos dispensandi. Hinc & limitandum quod docet idem Concina n. 7. scilicet posse Episcopos urgente causa belli, pestis, similisque necessitatis cum tota Diocesi vel civitate dispensare, nimirum si necessitas ita urgeat, ut recursus ad Apostolicam Sedem vel difficultas admodum sit, vel impeditus, tunc enim dispensare potest, tum quia necessitas legem non patitur, tum quia præsumendus merito est Sedis Apostolicæ consensus. Legantur quæ

diximus Tr. de Leg. Diff. 4. cap. 9. & 10. Quod autem de Episcopis dictum est, Prælaris quoque Regularium aptandum, cum & ipsi in suos subditos jurisdictionem quasi Episcopalem obtineant. Cujus jurisdictionis cum capaces non sint Abbates vel Priori, Moniales sibi subditas dispensare non possunt, sed solum tanquam matres familias statum indigentis sororis expendere, & agnoscere, num quadagesimalem abstinenciam valeant tolerare, & si perpexerit non posse, declarare ad eam servandam non teneri, quod tamen judicium est saltem Confessoris judicio submitendum, & ab eo dispensationem petendam juxta facultatem illi ab Episcopo concessam.

CONSECTARIUM SECUNDUM.

II. Qui certa premitur infirmitate vel necessitate carnis vescendi, nulla eget dispensatione, cum jam lex abstinenciam certe in tali casu debilem & infirmum non urgeat; et qui dubitat, vel omnino certus non est de legitima jejunii vel abstinencia a carnibus causa, dispensationem ab Ecclesiæ Pastoribus necessario postulare tenetur. Ita docet S. Th. hic q. 147. a. 4. scribens: *Statuta communia proponuntur, secundum quod multitudini conveniunt. Et ideo Legislator in eis statuendis attendit id, quod communiter, & in pluribus accidit. Si quid autem ex speciali causa in aliquo inveniat, quod observantia statuti repugnet, non intendit talem Legislator ad statuti observantiam obligare: in quo tamen est discretio adhibenda. Nam si causa sit evidens, per seipsum licite potest homo statuti observantiam præterire, præsertim consuetudine interveniente, vel si non posset de*
sa-

„ facile recursus ad Superiorem haberi.
 „ Si vero causa sit dubia, debet ali-
 „ quis ad Superiorem recurrere, qui
 „ habet potestatem in talibus dispen-
 „ sandi. Et hoc est observandum in
 „ jejuniis ab Ecclesia institutis, ad quæ
 „ omnes communiter obligantur, nisi in
 „ eis fuerit aliquod speciale impedi-
 „ mentum “. Quam regulam adopta-
 „ vit, & confirmavit S. Antoninus par. 2.
 „ cap. 2. dicens “. Si sit dubium, utrum
 „ in causa necessaria, petenda est ab
 „ Episcopo loci si commodè haberi po-
 „ test dispensatio, vel a proprio Sacer-
 „ dote, si tamen adiri non potest Epi-
 „ scopus. Non tamen querat cæcum
 „ pro consilio in hujusmodi “. Hæc
 „ regula quoque servanda est & ab iis,
 „ qui licet necessitatem suam clare evi-
 „ denterque cognoscant, quia tamen for-
 „ tassis occulta est, nec aliis comperta est
 „ quibuscum vivant & conversantur, ne
 „ scandalum ipsis afferant, dispensatione
 „ maniri debent, ut omnis tollatur pro-
 „ ximi etiam pusilli offensus, Ad quam
 „ etiam omnimode virandam optime sta-
 „ tuunt Concilia Mediolanense V. sub S.
 „ Carolo, & Tolosanum anni 1590. ut
 „ *qui carnem prohibitis diebus ex licentia*
 „ *comedunt, soli, ne ulli scandalo sint, so-*
 „ *coque separato comedant.* Quod antea
 „ docuerat & S. Casarius Arelatenſis ſerm.
 „ in Quad. 3. & 142. inter Sermones de
 „ Temp. in Append. Serm. S. Augustini:
 „ Qui jejurare (inquit) non prævalet,
 „ secretis sibi soli, aut si est alius in-
 „ firmus, cum ipſo ſibi in domo ſua
 „ præparet quod accipiat, & illos qui ſani
 „ ſunt, & jejungere prævalenti, ad pran-
 „ tium non invitet, quia ſi hoc fece-
 „ rit, non ſolum Deus, ſed etiam ho-
 „ mines intelligere poſſunt, illum non
 „ pro infirmitate non poſſe, ſed pro
 „ gula jejungere non velle. Sufficiat illi,

„ quod ipſe jejungere non prævalet, &
 „ magis cum gemitu & ſuſpirio, & ani-
 „ mi dolore manducet pro eo quod aliis
 „ jejuantibus ille abſtinere non poſteſt.

CONSECTARIUM TERTIUM.

III. Nec licite petere poſteſt diſpen-
 ſationem ab abſtinentia carnum, nec
 ea legitime uti, qui poſteſt ſuæ valerudi-
 dini conſulere ſolo laſticiſiorum uſu,
 Veritas hujus propoſitionis eſt mani-
 feſta: quandoquidem diſpenſatio a lege
 univerſali ſolum ad menſutam & indi-
 gentiam neceſſitatis conceditur: porro
 qui ſolo uſu laſticiſiorum ſuæ poſteſt
 valetudini providere, proſecto non ul-
 tra diſpenſationem extendere debet.
 Ita docet Theophilus Raynaud. ſcri-
 bens, „ medicus perperam & inique
 „ agit ſi valetudinario, & morboſo, vel
 „ debili, qui ſe ovis & laſtariis cibis
 „ tueti facile poſteſt, uſum carnis etiam
 „ concedit maxime in Quadageſima “. Et Bened. XIV. in ſuo Quadageſimali
 edicto jubet medicis, ne carnum eſum
 ullo modo concedant illis, qui ovis &
 laſtariis ſuæ neceſſitati, & indigentia
 proſpicere valent. Præterea jejunium
 eſt, eo meliori modo, quo fieri poſteſt,
 obſervandum, & qui integrum & rigo-
 ſum ſervare non poſteſt, ſaltem eam
 partem ſuſtinere debet, quam ſibi gra-
 viter noxiam, vel pernicioſam non ex-
 peritur; at ſola abſtinentia a carnibus
 eſt huic noxia & pernicioſa, ut ſuppo-
 nimus; igitur eam ſervare non adtrin-
 gitur & cuſtodire; ſed debet laſticiſio-
 rum eſu contentus eſſe. Immo ſi quis
 prudenter crederet ſolam pulmento ju-
 re carnum cocto & condito, cum ovis
 & laſticiſiis, vel etiam piſcibus, poſſe
 quadageſimale tempus ſine gravi nocu-
 mento decurrere, carnibus veſci non
 deberet, ſed hoc quoque modo jeju-
 nare,

nare, cum satis hoc pacto suæ indigenæ & necessitati censuleret: ut etiam docuit claræ memoriæ Cardinalis Quirinus in sua Pastoralis Epistola ad Vicarios foraneos data 15. Feb. 1742. scribens: „Non probamus eorum sententiam, qui putant, dispensatis, quorum stomacho satis foret de utriusque medicis consilio pulmentum in jure coctum, aut quid simile degustare, non amplius licere post illam degustationem in reliquo prandio sive ovis, & lacteicinis sive piscibus uti, eaque ratione prohiberi. Contra censendum est, illam pro cujuscumque viribus, temperantiam, dum a christiana pietate & abstinentiâ ipsius amore ortum trahat, potius esse laudandum. Ideoque puto fideles omnes teneri prius experiri, num & quantum sibi nocere possit quadragesimalis abstinentiâ, & primo quidem per aliquot dies eam custodire, quam si sibi noxiam experiantur, lacteiciniâ & ovorum usu imminenti periculo valetudinis obviare, qui postea si nec sufficiens deprehendatur ad grave malum, quod juste timeatur, vel tollendum vel avertendum, tunc ad esum carnum erit confugiendum, quod Ecclesia certe non denegabit, & ita experto libenter largietur. Hinc tuti certe non sunt in conscientia, qui vel ipsis primis Quadragesimæ diebus vel etiam in precedentibus, statim dispensationem petunt, & libere utuntur carnum usu, panico quodam timore ex inordinato vitæ affectu manante, ne grave damnum, quod in pluribus phantasticum est, incurant.

CONSECTARIUM QUARTUM.

IV. Medici gravissimi peccati rei sunt, si absque legitima causa & re bene comperita & perpensa consilio suo, vel te-

stimonio in causa sint, ne quadragesimalis servetur abstinentiâ. Veritas hujus doctrinæ, quæ probatione non indiget, adeo luculenta, manifesta, patens est, vix a medicis consideratur, quorum plerique in causa sunt, cum tam pauci quadragesimalem custodiant abstinentiâ, ut eis merito exprobat Theophilus Raynaudus Tom. 10. in sua Ros. Med. scribens: „Ceterum est sanctum per quadragesimam abstinendi, & ejunandi usum non aliunde magis eviguisse, quam ex laxitate per Medicos inducâ: sive quod minus diligenter de hac praxi catholica sentiant, sive quod blandientes iis, qui suam ignaviâ tectorio necessitatis obducunt per humanæ gratiæ cum divini collidentis captationem, & ob corporis statum optimum, quem Medici propositum habent, animam negligentem, parvi fecerunt legem sacrarum severitatem, tueri“. Merito itaque eos ita monet S. Carolus Borromæus: „Medici minerint ita suarum esse partium corporis incolumitati prospicere, ut non obliviscantur potius haberi debere animatum salutem. Quapropter caveant diligenter, ne alienæ culpæ participant nimia facilitate sua in faciendis necessariis utendi cibus vitis“. Medicorum vero Confessarii illos hac de re serio examinent, & monent, non solum reos esse violatæ abstinentiæ, sed & perjurii, cum schedas testimoniales de necessitate petentis Sacramento confirmant: quoniam etiam ex hoc capite teneri diligentius sui Clientis statum, vires, valetudinem, modum vivendi expendere, ut rectum valeant de re testificanda iudicium ferre, quos autem deprehenderint nimium faciles & benignos corripiant, & si quos invenerint nullo defectu schedas in officinis Pharmacopolarum deponere petentibus

ribus indifferenter tradendas, beneficio absolutionis non dignentur, nisi serio polliceantur ab hujusmodi perverſo more recedere.

CONSECTARIUM QUINTUM.

V. Episcopi, Parochi, Confessarii, & ipsi violati jejunii rei sunt, si temere absque examine, sola visa medicæ reſtitutione dispensationem ab abſtinentia carniū petentibus largiuntur. Non enim, ut præcedenti capite diximus, ab Ecclesia eorum exigitur & consilium & auctoritas, ut clausis oculis absque ulla consideratione medicorum dictis acquiescant, sed ut expendant & videant, num verum sit quod exponitur, & si viderint medicos nimium faciles & benignos, petentes nimium dedicatos, dispensationem infraſto animo denegent. Hinc in jure Canonico dist. 5. Can. *Contraria monentur: Contraria studioſe ſunt divine cognitioni præcepta medicine. A jejuniō revocant, lucubrare non ſiunt, ab omni intentione meditationis abducunt. Itaque qui se medicis dederit, se ipsum ſibi abnegat.* Præterea optime novit Ecclesia, medicos in duas claſſes a Paulo Zachia optime diſtingui, quorum „ quidam corporeæ ſalutis adeo ſunt ſtudioſi, ut eam ſpirituāli ſanitari . . . „ præſerre cum ſumma temeritate audeant, dummodo corpori ne per ſomnium quidem quidpiam detrimenti adveniat. Spirituālia remedia ad animæ morbos melandos omnino reſpuere ac damnare conſueverunt. Eorum alii non tanta temeritate conſpici, ſed nimis ex alia parte corporeæ ſaluti indulgentes jejuniū inter prædicta remedia præcipuum damnare non audent, ſed vel minima ex cauſa legitime quemcumque excuſari ab ejus obſervantia volunt, unde non

„ modo levioris præſentia, ſed timore „ futuri mali jejuniū quantum in ſe „ eſt a ſuis conſultoribus & ægrota „ frangi permittunt, putantes tam hi, „ quam Superiores jejuniū omnino & „ undequaque ſanitati officere. . . . „ priores in hoc impie invehantur; poſte- „ riores vero nimia & irrationabili cor- „ poris indulgentia ducti illud ſolvendi „ leviffima ex cauſa auctores ſunt. „ Ut igitur priorum temeritatem, & poſteriorum damnoſam licentiam coerceat, juſſit Eccleſia & Sacerdotale judicium eſſe expectandum, nec medicorum valere ſuffragium, niſi & Eccleſiaſticus calculus accedat. Porro vanum omnino eſſet & futile hoc Eccleſiæ ſtudio & cura, ſi Parochi, ſi Paſtores nonniſi medicorum ſchedas legere, & ſua auctoritate munire deberent, nec quid ultra ab ipsis expectandum. Sum igitur conſulant ſaluti animarum Paſtores, & in hujusmodi concedendis diſpenſationibus cauſiores ſint, & moroſiores ſe præbeant.

CONSECTARIUM SEXTUM.

VI. Gravis peccati rei ſunt tum violati jejunii, tum ſcandali, Domini, patres-familias, alique Superiores, qui cum in ſui favorem abſtinentiæ a carni- bus impetraverint diſpenſationem, tirulo æconomæ & pauperum etiam filios, ſervos, alioſque domeſticos cogunt ad carnes comedendas, ne, ut inquit, menſæ duplicentur. Quis enim unquam audivit, hunc titulum diſpenſationis, qui proſectus non niſi ab avaritia progreditur, immo contemptum præſeſcere ſanctæ jejuniorum legiſ, cogere domeſticos ad vetitos ſumendos cibos, quia diſpenſati ſunt patres-familias? Iſi reſpondentur filiis ceteriſque domeſticis jure divino & humano victum ſuppeditare juxta

juxta leges & præcepta Ecclesiæ, non juxta temporalem eorum œconomiam, cui toto anno studere deberent & incumbere, abstinendo a superfluis ludis, symposiis, oblectamentis, aliisque expensis vanis & inutilibus, ut possint cibum præbere opportunum in tempore suo. Tantum vero abest a mente Ecclesiæ, ut domesticæ carnes cum dominis dispensatis comedant ne mense duplicentur, quin immo jubet in Quadragesima ita menses duplicari, ut quibus permittum est ob infirmam valerudinem, vel ob aliam causam quadragesimæ diebus carnes aut aliis cibis vetitis vesci ne publice neve etiam cum domesticis, sed separatim in remotiori ædium loco ejus generis cibum capiant, ut ob corporis imbecillitatem aut morbum potius quo laborant, quam ob ingluviem id facere dignoscantur. Legatur Institutio XV. Bened. XIV. n. 25.

CONSECTARIUM SEPTIMUM.

VII. Qui a carnium abstinencia relationem impetrant, non nisi salubribus carnibus vesci possunt. Oppositum plane docuerant fere omnes Probabilissimi sectatores, aliquibus dumtaxat exceptis, qui antiquorum doctorum sententiam covitia doctrina corrumpere non sunt ausi. Tælis tum novitatis doctrinæ, tum ejus probabilitatis invectæ, sit Probabilissimum Princeps Diana Thom. 4. Coord. Tr. 6. Ref. 71. ubi postquam dixit, ita sentire Joannem de la Cruz Dominicanum Probabilissimum subdit: *Contrariam opinionem tamen sustinendam esse puto, quam NOVISSIME docet Villalobos . . . Itaque habenti licentiam ad usum carnis licetis quodcumque genus comedere, scilicet tardum, leporum, badum, leuæ, & alia infirmis dispensentia, etiamsi tota refectio ex illo carnis genere* Petrus Theol. Mir. Tom. V.

fiat; nam in tali casu edendo carnes saluti nocuas, peccabit adversus præceptum naturale temperantia, non autem adversus præceptum positivum de abstinendo a carnibus in die jejuniorum. Verum hanc laxam opinionem omni probabilitate spoliarent duo Romani Pontifices Clement XI. in solo edito anni 1703. ita statuens. „Animadvertant & medici, „& qui perunt licentiam, ut attendant „qualitatem carnum, quod nempe „sint salubres, quia hæ SOLÆ per „mittuntur in Quadragesima his, qui „ex justâ causa nequeunt vesci cibis „quadragesimalibus“. Et novissimus Benedictus XIV. in suo edito anni 1741. ubi ipsissima Clementis XI. verba italico sermone ad omnium intelligentiam descripsit & decretum confirmavit. Idem antea tanquam Ecclesiasticæ disciplinæ conforme, & quadragesimali jejunio conveniens indixerat S. Carolus Borromeus in suis aureis pro exacta quadragesimali observantia regulis statuens. „Non vendantur cujusque generis carnes, sed „vitulinæ tantum, alteriusve animalis, „quod medicorum judio usui dumtaxat infirmorum congruum est. Nec „culliber vendantur, sed iis solum, „qui facultatem a destinatis medicis „habuerint“. Et revera, si juxta Canonistarum, & Theologorum axioma, dispensatio non extenditur ultra limites necessitatis postulantis, cum valetudinarii, debilis, languentis, infirmi necessitas sit in solo usu salubrium carnum, ad hunc solum concessa dispensatio se extendit.

CONSECTARIUM OCTAVUM.

VIII. Quibus concessa est legitima de causa dispensatio sive a carnium, sive a lacticiniorum abstinencia, vetitum non est in diebus Dominicis, carnibus & la- Pppp Si-

lactiniis uti in secunda comestione. Op-
positum plane censet, & publica etiam
dissertatione typis edita & probare &
confirmare conatus est doctissimus & eru-
ditissimus ex meo Ordine Theologus,
quem veneror, colo, & diligo. Illi tam-
en pariter eruditionis Theologus respon-
dit altera disputatione pariter typis
edita Lucæ 1769. qua argumenta om-
nia dissolvit, & doctrinam quam statui
confirmavit. Audax profecto nimium
forem, & temeritatis merito arguen-
dus, si judicem me constituere auderem
inter tantos Theologos, quibus si me
comparare præsumptero, ut locusta vi-
debor ridendus, proinde & vituperan-
dus. Nihilo tamen secius cum de re
moralis fatali necessitate mihi durissima
scribere compellat, hanc quæstionem
præterire non possum; solum igitur quid
ipse sentiam candide promam. Poste-
rioris itaque Theologi sententiæ sub-
scribo, & positam doctrinam probabi-
liorem censeo. 1. Quia inter plurima
dubia tum ab Archiepiscopo Compostel-
lano, tum ab aliis Benedicto XIV. pro-
posita circa editas ab eo de jejuniis
constitutiones nulli in mentem venit am-
bigere, num liceat dispensatis vesci
carnibus vel lactiniis in secunda co-
mestione diebus Dominicis concessa, li-
cet quæritum sit, num liceat præfatis
Dominicis diebus epulas permiscere;
quod argumentum licet negativum, satis
tamen ostendit omnium mentibus in-
sedisse, præfatis constitutionibus non
aliud indixisse sanctissimum Pontificem
nisi custodiam & observantiam jejunii,
unius scilicet comestionis, & vetuisse
permixtionem epularum illis, qui vel ge-
nerali vel particulari donati sunt facul-
tate vescendi carnibus vel lactiniis. Et
revera ita omnes sensisse fatetur con-
trarius opinio Theologus scribens, „

„ omnes a jejuniis dispensatos carnibus
„ vel ovibus & lactiniis in Dominicis
„ diebus in comæ vesci, quin Ponti-
„ fex, qui hoc probe noverat, recla-
„ maret“. Immo & ipse Concina, qui
responsa laudati Pontificis ad Archie-
piscopum Compostellanum longo Com-
mentario illustravit, & binas de jejuniis
Bulles *Non ambigimus*, & *In superna* ob-
servationibus Theologico-Historico-Cri-
ticis exposuit alio Opere Italico cui Ti-
tulus *Disciplina antiqua & recens Roma-
ne Ecclesie in Quadragesimali jejuniis*, hanc
quæstionem nec attingit, nec movit,
quippe qui locum habere posse nun-
quam suspicatus est, nec rigidior do-
ctrinam de unica comestione carni-
um etiam in diebus Dominicis Quadragesi-
mæ custodiendam in omnibus præfatis
Constitutionibus vel contineri vel legiti-
me posse consecutione deduci. Præ-
terea quod meo videri rem omnino con-
fiscit illud est, Pontificem Summum so-
lum voluisse sacrum testumque servare,
quantum fieri potest, sacrum jejunii præ-
ceptum, ut quantum fieri potest ab om-
nibus aliquo modo servetur, ideo 1.
juber ut omnes a carnibus & lactiniis
abstineant, & unicam comestionem ser-
vent, quod integrum perfectumque je-
junium constituit. 2. Qui solis piscibus
vesci non potest legitima causa, non
statim carnibus vescatur, sed solis uta-
tur lactariis, si hæc ejus sufficiant ne-
cessitati, & unicam servet comestionem.
3. Qui vero premitur necessitate vescen-
di carnibus & hoc quidem concedit, ab-
jacet ne pisces & carnes permisceat,
& unica servetur comestio, si hæc il-
lius valetudini non officiat. In Domi-
nicis vero diebus cum lex de unica co-
mestione non urgeat, manifestum est,
eam solam jejunii superesse partem,
quæ in abstinentia consistit. At hæc
sub-

sublata est per concessam carnium & lactaciniorum dispensationem, ergo non urget. Non urget itaque præceptum abstinentiæ, non urget præceptum unicæ comestionis; quodnam est igitur præceptum illud, quod obstringit ad unicam tantum comestionem sive carnium, sive lactaciniorum in præfato die? Nullum profecto; gratis igitur novum fingitur præceptum, quod nunquam latum legitur in Ecclesia. At inquit clarissimus Theologus, dispensatio a carnium vel lactaciniorum esu non est universalis, sed data pro unica comestione, nam dicit Pontifex *Legem unicæ comestionis servandam*, & iterum reperit, *firma manente lege unicæ comestionis*. At amabo de qua lege loquitur Pontifex, num de nova, quam ipse indicat lege, vel de antiqua jam in Ecclesia vigente? Non certe de nova, quia ut observat Concina tum in Opere latino, tum in Italico, tum in tota sua Morali Theologia, nulla novam indixit legem Pontifex, sed antiquam & in Ecclesia ab ejus incunabulis vigentem solum confirmat, munit, ruerit contra fidelium corruptelas, & Theologorum laxas opiniones. Loquitur igitur de antiqua; at nunquam fuit in Ecclesia lex unicæ comestionis in Dominica; ergo dicendum hanc indictam a Benedicto, quod absurdum est; vel si non indicta, ergo nec onus abstinendi vel a carnibus, vel a lactariis in secunda comestione. Idem dicendum & de illis, qui ad tertium non pervenere septennium, si enim vel dispensati sint a carnium abstinencia, sive in locis degant, ubi vel ex privilegio, vel ex consuetudine ovīs & lactariis vesci concessum, tuta conscientia carnes & ova etiam in omnibus juniorum diebus in secunda refectio-

ne & carnibus & lactariis vesci poterunt. Et revera intolerabile foret præceptum non utendi dispensatione præferri ab abstinencia lactaciniorum & ovorum nisi in unica comestione ab iis, qui lege unicæ comestionis non obligantur. Nam in pluribus civitatibus, ubi præfata ob piscium & olei penuriam dispensatio conceditur, plures sunt in Monasteriis Monialium, in Seminariis Episcoporum, in Collegiis nobilium, in domibus privatorum adolescentescens, qui lege unicæ comestionis non ligantur; quomodo igitur eorum indigentia providere deberent Abbatissæ, Superiores, Rectores, Patres-familias in secunda comestione? Num piscis præbendō? Minime; hi enim defuncti, & ideo concessa dispensatio. Num lactaria & ova? Ne quidem; his enim, posita Auctoris doctrina, non licet vesci nisi in unica comestione. Cogentur itaque novo præcepto jejuna, quod certe nemo prudens dixerit. Idem dicendum si forte alicui civitati concessum sit aliquibus Quadragesimæ diebus carnibus vesci ob lactaciniorum penuriam, tunc enim non possent ista suppedicare cum desint, ergo nisi & carnes dentur in secunda comestione, jejuna cogendi forent. Quare sapientissime Clemens XIII. in sua Constit. *Apparente* data anno 1759. ubi statuit non licere uti dispensatione concessa ab abstinencia ab ovīs & lactariis nisi in unica comestione, addit ab illis, qui *quovis modo jejuant*, idest qui tenentur lege unicæ comestionis conjungendæ sive cum esu piscium, sive cum esu carnium, sive cum esu lactaciniorum, ut significaret, illos non posse uti lactariis in serotina collatione, vel in aliis porionculis, quas sibi vel prudenter vel imprudenter concessas

pppp a

arbit

arbitrantur. 2. Ab hac lege unica comestionis solutos non teneri præcepto ab his abstinendi cum nullo modo jejunent, non abstinencia a qua sunt dispensati, non unica comestione, ad quam observandam nulla lege obstringuntur. Hæc sunt quæ mihi probabiliora, & veritati magis consona videntur, & libere exposui ut Pyrrhonismum in re magali deviterem. Qui rem accuratius discussam videre cupit, binas præfatas legat Dissertationes, & lectionis non poenitebit.

CONSECTARIUM NONUM.

IX. Tamen si verita sit ciborum esusialium & concessorum in Quadragesima permixtio, certum tamen est, quibus concessum est vesci ovis & lactariis, posse & pisces cum illis conjungere, & vesci simul & piscibus & lactariis: num autem quibus usus carniū concessus est, possint simul & ova & lactaria comedere, non ita compertum & exploratum. Primam positi consecrarii partem manifestam facit & compertam sæpius laudatus Pontifex Bened. XIV. in suis ad Posulata Archiepiscopi Tolertani responsionibus, ubi postquam declaravit in resp. ad 4. postulatum, nomine interdictarum epularum iis, quibus concessa est facultas vescendi carnibus, intelligi *pisces*, & nomine concessarum epularum *ipsas carnes*, statim subdit, piscibus tamen edendis non interdicitur illi, quibus datur tantum facultas adhibendi ova & lactinia; licet igitur istis in una eademque comestione, & pisces, & ova, & lactaria comedere. Prævia ad Apostolicam declarationem ita sentit & Eminentissimus Card. Quitinus in sua Pastorali superius consecrario 3. laudata, ubi sic Parochos & Consecrarios instruit: „Quod, itaque in litteris cautum est de illi-

„citis & interdictis epulis minime ap-
„ponendis nemo vestrum ignoret re-
„ferri quidem ad carniū, non autem
„ad ovorum etiam & lactiniorum cum
„piscibus aliisque licitis jejunii tem-
„pore epulis usum. Nam omnibus pa-
„tet, quemadmodum in nostra, ita
„in aliis quoque regionibus ovorum &
„lactiniorum usum licitum ex vi so-
„lammmodo consuetudinis adhiberi in
„quatuor anni temporibus, in vigiliis
„pariter, ac proinde illa non ita pro
„interdictis epulis habenda esse diebus
„jejunii ac carnes habentur“. Jam
doctissimo Præsuli consenserat & P. Con-
cina in sua Appendice ad Librum Ita-
licum, cui titulum fecit *Disciplina Ve-
tus & Moderna &c.* ubi ea, quæ Theo-
logum Christianum decet, modesta
scribit, „se quidem sentire non prohi-
„beri a Summo Pontifice lactiniorum
„& ovorum cum piscibus in una co-
„mestione conjunctionem: „sed sub-
„dit: se sua sensa promovere omnimoda
„indifferentia & demississima animi sub-
„missione si aliter declaratum foret &
„constitutum“. Hanc igitur mode-
stiam imitatus & pari animi submissione
licet existimem admodum probabile, li-
cere & ova & lactaria carnibus etiam
cumulare, fateor tamen non esse omni-
nino certum, cum sicut de priorie pia
scium & lactiniorum conjunctione, non
ita sit ab Apostolica Sede de hac se-
cunda definitum. Incertam etiam rem
efficit clariss. Franzoja, qui censet,
præfata in uno prandio lactiniorum
& carnis copulationem vetitam in du-
plici Bulla *Non ambigimus*, & *Is superna*,
nec non confirmatam in responsione ad
Posulata Archiepiscopi, ubi aperte
Pontifex declaravit epulas licitas pro
iis, quibus permixtum est carnes come-
dere, esse carnes ipsas, epulas inter-
di-

dictas esse pisces, unde infert dispensatos jejunii diebus quoad carnes non intelligi dispensatos etiam quoad ova & lacticia cum carnibus comedenda. Et severa inquit 1. „ Si dispensatus quoad carnes, simul cum iis ova & lacticia, „ nia comedere posset, multo magis „ pisces, quod tamen certo veritum est. „ 2. Si dispensatus quoad carnes, salubres tantum ut vervecinas, vitulinas „ &c. comedere posse concedunt Pontifices, cur ova & lacticia permittunt? 3. Dispensatio ex natura sua spectat ut necessitati satisfaciatur, non ut genio & gulæ inserviat; at usus carniū sine ovis & lacticiis quoad necessitatem satis est, ergo dispensatio ova & lacticia simul cum carniibus non permittit. Ista quidem pie & sancte ad quadragesimalis jejunii rigorem servandum opportuna argumenta esse possunt. At non meo videri efficientissime ad suadendam rigidam opinionem. Nam ad 1. resp. Pontificem quidem declarasse cibos licitos pro iis, quibus datum est carnes comedere, esse ipsas carnes, sicut postea dixit epulas vetitas esse pisces, at cum postmodum declaravit concessum usum piscium cum lactariis & ovis, ita non declaravit vetitam conjunctionem carniū cum præfatis lactariis, quod facile fuisset addere, præsertim cum antea inter illicitas epulas solum pisces connumeraverit. Ad 2. fateamur & nos, & supra ostendimus, solas esse concessas salubres carnes, at cur inde infertur & ova interdita & lactaria? Num hoc ciborum genus ita insensum est sive sanis, sive valetudinariis & debilibus, ut non necessitate urgente, sed sola impellente gula & voluptate usurpentur? Profecto nihil minus verum, cum & præfatis cibis vivant & quotidie fectine alantur

plures Religiosorum cœtus toto vitæ decursu, quin per hoc vel infirmi fiant, vel de valetudine periculentur; immo & ab ipsis Medicis infirmis etiam & a morbo convalescentibus sponte concedantur tanquam ad nutriendum aptiora, & minus adhuc debile stomachum gravandum; non igitur piscibus cœquanda, a quorum abstinence ideo dispensatio patitur, quia vel nocimento sunt, vel fastidio. Ad 3. Dispensationem quidem necessitati consilere, non gulæ & genio; at hæc necessitas non est in indivisibili collocanda, ita ut unius tantum generis cibi sit usurpandum, alioquin non nisi unicum ferculum foret adhibendum ad panem, cum hoc necessitati sufficiat, proinde qui vitulina carne vescitur, pulmentum addere non possit ex jure carniū conditum: cum & ipsa caro sola necessitati sufficere possit; sicut nec vitulinæ carni, alias columbarum, sive torturum, sive gallinarum carnes consociare; cum alterutrus necessitati sufficiat, immo nec poma, nec nuce, cum & hæc quoque necessitati superabundent, quod certe nec ipse Frangoza affirmabit. Necessitati itaque illi succurrat dispensatio, quæ gulæ opponitur, frugalitati adversatur, & solum vel deliciis vel luxui inservit. Hinc ut optime scribit Concina in Appendice laudati Italici Operis Christiani: „ si „ ceteri veritatis amatores Brevia Pontificis de vitanda epularum permissio „ ne ita interpretantur, ut veritum sit „ quadragesimali tempore epulas instruerent & mensas cumulare duplici ciborum genere carniū & piscium, delicias in jejuniis querere & sarcinias, excogitare gulæ placencia, non vero „ ad angustias redigere bene moratos „ & Deum timentes fideles, qui ab

„ abſtinentia laſticiniorum diſpenſati
 „ non ſemper vel ſolis laſticiniis vive-
 „ re poſſunt, vel ſolis eſurialibus ci-
 „ bis: quæ poſtrema verba aptari
 poſſunt diſpenſatis a carnium abſtinen-
 tia, qui non ſemper ſola carne veſci
 poſſunt, vel quia ſatiſdium generat,
 vel quia in ſufficienti quantitate non
 habent, vel quia ſumpta in ea ſuffi-
 cienti quantitate nimium gravaret:
 proinde ad integram ſuſtentationem
 quantitate carnis diminuta caſeum ad-
 jungunt, vel modicum laſtis ſive preſſi,
 ſive coagulati, ſive recocti, vel unum
 aut bina ova ſive liquida, ſive aſſa,
 ſive frixa. Quis enim putabit ita pran-
 dentes vel epulari, vel laute vivere,
 vel gulæ indulgere? Ego certe damna-
 re non ſuderem; dum tamen hæc pro-
 fero, Eccleſiæ iudicium expectans,
 illi jam ex tunc me ſubmitto. Legan-
 tur & Additamenta ad Theologiam Cu-
 niliari Traſt. XII. cap. 1. ſ. 2. n. 5.

CONSECTARIUM DECIMUM.

X. Quibus conſeſſus eſt eſus carnium
 vel laſticiniorum, non illis veſci poſ-
 ſunt in ſerotina reſectiuncula. Oppoſi-
 tum plane docuerunt 1. omnes illi Pro-
 babilisæ, qui diſpenſatos ab abſtinen-
 tia a carnibus, eos & a lege jejunii ſo-
 lutos pronuntiant, qui proinde non
 ſolam reſectiunculam concedebant, ſed
 & integram cœnam ex carnium cibis.
 2. Illi Probabilisæ recentiores, qui
 tanquam veram, tutam, firmamque
 ſtatuunt regulam in collatione vesperti-
 na non qualitatem ciborum eſſe pen-
 ſandam, ſed ſolum quantitatem;
 quamobrem ſi hæc modica ſit, ex om-
 nibus cibis adhiberi poterit, qui in
 prandio aſſumuntur. Ita poſt Bonſeci-
 nam alioſque vetuſtiores recenter P. Pa-
 ritiſius Sporer ſcribens append. ad 3.

Decal. præcept. ſect. 2. n. 32. „ Spe-
 „ data moderna conſuetudine præſertim
 „ in noſtra Germania jam diu tolerata,
 „ & plane invaleſcente, cenſeo . . .
 „ omnino probabilem & tutam eſſe ſen-
 „ tentiam oppoſitam, nimirum in col-
 „ latione vespertina jejunii non eſſe
 „ attendendam qualitatem ciborum,
 „ ſed quantitatem tantum, adeo ut
 „ ex omnibus cibis qui die jejunii li-
 „ cere poſſunt ſumi in prandio, etiam
 „ leguminibus, piſcibus, placenis,
 „ ovis, laſticiniis &c. in quantitate
 „ modica & determinata, etiam liceat
 „ ſumere in cœna“. Deinde auctori-
 tatem addit & teſtimonium P. Petri
 Marchant docentis: „ In collatiuncu-
 „ la vespertina de qualitate cibi non
 „ eſt altercandum, ſed de quantita-
 „ te duntaxat . . . ideo cenſeo
 „ qualitatem cibi (modo ex prohibitis
 „ in die jejuniorum non ſine) collatio-
 „ nem non vitari, ſi in quantitate
 „ non excedat“. At hujus doctrinæ
 apertam falſitatem & manifeſtam laxi-
 tatem ex ea tantum parte, qua vel
 carnes permittebat, vel certe ova &
 laſticinia in collatione concedebat,
 detexere & præcavere duo Summi Ponti-
 fices Benediſtus XIV. & Clemens XIII.
 ille in ſua Reſponſione ad Poſtulate Ar-
 chiepiſcopi Compoſtellani ad ſecundum
 poſtulatam ſic petenti, an illi, quibus
 conſeſſus eſt veſci carnibus, poſſint in
 vespertina reſectiuncula veſci ea quan-
 titate carnis, quæ jejunantibus permit-
 titur: reſpondet *Non licere, ſed opus
 habere eo cibo, eaque uti portione, qui-
 bus utuntur homines jejunantes reſta mor-
 ticuloſa conſcientia*. Alter vero in ſuo
 Brevi ſuperius citato, ubi ſtatuit, eos,
 quibus conſeſſus eſt carnes comedere
 ſive ova ſive laſticinia, non poſſe con-
 ſeſſis cibis veſci niſi in unica conſeſſio-

ne, scribens: *Tam dispensatos a carnibus abstinentia, quam quovis modo jejunantes, unica excepta comestione, in omnibus equiparandos iis esse, quibuscum nulla est facta dispensatio, ac propterea tantummodo ad unicam comestionem posse carnem, vel quæ ex carne trahunt originem addibere.* Ita etiam declarasse Benedictum XIV. refert Ferraris in noviss. Add. ad suam Bibliothecam V. Jejunium, ubi refert, quemdam Confessarium rogasse laudatum Pontificem, ut explicare dignaretur, an revera liceat in feretina collatiuocula parum caesi lumere iis, qui in Quadragesima & vigiliis sunt dispensati ad lacticiuia, & remissa supplicatione Sacre Pœnitentiariæ, ab ipsa responsum datum est in hæc verba: *Sacra Pœnitentia optime conficia mentis Sanctitatis suæ speciali auctoritate ejusdem respondet, non licere, hanc reddens rationem, quia nimirum illud jejunantes expressum in Bulla Libentissime (ubi dicitur dispensatos ad carnem vel lacticiuia, opus habere eo cibo, &que uti portione quibus utuntur homines rectæ meticulosæ conscientie) intelligitur de rigore jejunantibus quadragesimali jejuniis, in quo tam carnes, quam ova, & lacticiuia vetantur.*

CONSECTARIUM UNDECIMUM.

XI. Prædicta præcepta de unica comestione servanda, & non permittendis epulis urgent etiam extra Quadragesimam in aliis jejuniis per annum statutis: quomobrem qui in præfatis jejuniis a carnium abstinentia dispensationem obtinent, vel ex consuetudine ovis & lactariis vescuntur, tenentur & unicam comestionem servare, nec extra illam vel carnibus, vel lactariis vesci, nec in eodem prandio pisces cum

carnibus permiscere. Ita declaravit Benedict. XIV. in responsione ad septimum postulatam Archiepiscopi Toletani rescribens: *Uigere extra Quadragesimam utramque præceptum, illud scilicet unicam comestionis. . . & alterum non permittendi epulas licitas cum interdictis.* Et confirmavit Clemens XIII. concedens usum carnium & lacticiuorum in unica tantum comestione, ut mox vidimus.

CONSECTARIUM DUODECIMUM.

XII. In sextis feriis & sabbatis nullum est indicium jejunium per abstinentiam a pluribus refectionibus, vel ab esu ovorum & lacticiuorum, sed sola in præcepto est abstinentia a carnibus juxta Ecclesiæ receptum morem & consuetudinem etiam quod aliquos alios per annum dies. Et quidem abstinentiam a carnibus esse præceptam constat ex ipso Ecclesiæ mandato, eam simul cum Quadragesimali jejuniis præcipientis, quomobrem sub mortali peccato obligat, ut jejuniis diximus; non esse autem præceptam vel unicam comestionem, vel abstinentiam ab ovis & lacticiis, constat ex communi sensu, & consuetudine semper custodita plures in illis diebus comedendi, & vescendi ovis & lactariis, nisi forte dies aliquis esurialis cum ipsis concurrat. Immo in aliquibus Provinciis concessum est, ut in sabbatis animalium extremitatibus, nec non extis, sive intestinis vesci possint, & hujusmodi moribus & consuetudinibus se conformare populi licite possunt. Sicut & in iis provinciis & Ecclesiis, ubi consuetudo est vel jejunandi vel abstinendi a carnibus vel totis tribus Rogationum diebus, vel in aliquo illorum, ut in Provincia Mediolanensi, & ut testatur Barbosa, in Lukitania, fideles ad eam servandam.

ob-

obstringuntur. Hæc tamen abſtinentia a carnibus ſublata eſt, quando Natalis Domini ſolemne feſtum incurrit in feria vi. vel ſabbato, ut ſtatutum legitur in Cap. *Explicari* de obſervantia jejuniorum n. 2. ubi dicitur: „ Illi, qui „ nec voto nec Regulari obſervan- „ tia ſunt adſtricti, in feria ſexta, ſi „ Feſtum Nativitatis Dominicæ die „ ipſo evenire contigerit, carnibus „ propter Feſti excellentiam veſci poſ- „ ſunt ſecundum conſuetudinem Eccle- „ ſiæ generalis. Nec tamen hi repre- „ hendi ſunt, qui ob devotionem vo- „ luerint abſtinere “. Licet autem in hoc Decreto mentio fiat de ſola feria ſexta, idem tamen dicendum eſt ex paritate rationis & præcepti, nec non ex communi praxi & conſuetudine & de ſabbatis, in quibus occurrat Natalis Domini.

CONSECTARIUM DECIMUMTERTIUM.

XIII. Qui ex voto, vel ex regulæ præcepto ſive ſub culpa obſtringente, ſive etiam ſine ulla prorsus culpa ſtatuente abſtinentiam a carnibus obligantur, illis veſci non poſſunt in die Nativitatis Domini in feria ſexta vel ſabbato occurrente. Tres habet partes hocce conſectarium: 1. Eſt de illis, qui ex voto tenentur vel jejungere vel abſtinere a carnibus in præſatis diebus feriæ vi. & ſabbati. 2. De Regularibus, qui ex voto, vel præcepto ſub mortali obſtringente tenentur præſatis diebus vel jejungere, vel abſtinere. 3. De illis Regularibus, qui ex Regula quidem ſtatutum habent ut jejunent, vel a carnibus abſtineant, ſed vel ſine ulla culpa, vel ſolum ſub veniali. Qui itaque voto ſe obſtringere vel ad jejunium, vel ad abſtinentiam, proſecto illud obſervare tenentur, cum ſit vo-

tum de re bona, & abſolutum, cum talem diem minime exceperint, & Pontifex ipſe declaret, non eſſe reprehendendos, qui ob devotionem, multoque magis ex voto vellet abſtinere. Oppoſitum tamen cenſent nonnulli Theologi docentes, hunc voto obſtrictum a ſuo vinculo ſolvi in tali die, hæc duplici, & meo quidem videri, inſiſtiſſima ratione, nimirum 1. quia probabile eſt in illa ſua generali promiſſione abſtinentiæ non eſſe complexum diem Natalis Domini, quem ſi advertiſſet, exceptum omnino voluiſſet. 2. Quia ſua eſſet familiæ oneroſus, ſi pro ipſo ſpecialis eſſet in tali die apparandus cibus. Nam cur non in generali promiſſione abſtinentiæ continetur & dies Natalis Domini? Nonne promiſſio & votum plene libera fuerit? Nonne in tali die abſtinere licitum bonum, ſanctum eſt? Nonne abſolute & ſine ulla limitatione, ut ſupponimus, votum emiſit? Cur ergo ab ejus impletione liberabitur? At, inquirunt, ſi prævidiſſet, omnino exceptum voluiſſet. Verum quo fundamento hanc futuram exceptionem certam conſtitueret, cum æque probabile ſit forte non apponendam; & revera, cum obvia ſit exceptio, ſciunt enim fideles, aliquando Natale Domini feria ſexta, & ſabbato occurrere, appoſita minime fuit, & præterea non quid ipſe promiſiſſet attendendum eſt, ſed quod revera promiſiſſi; poſſo abſolutam voviſſe abſtinentiam, ad hæc igitur ſervandam tenetur. Tertio circumſtantiæ minime præviſæ non ſtatim a voto liberant, ut diximus in Traſt. de Voto, alioquin actum eſſet de votis Religioſorum, aliorumque, cum frequenter tales occurrant circumſtantiæ, quas ſi voverent prævidiſſent, fortaliſ a vovendo abſti-

nuiſ-

sent, nec propterea fuit a suis votis vel liberi, vel soluti. Altera vero ratio ineptissima est, personale quidem votum abſtinentiæ non est onus grave familiæ, sed ipsi jejunanti, qui eo die votum suum ſervare debet eo meliori quo potest modo juxta suæ conditionis statum, eos sibi procurando cibos, qui & suæ congruant promissioni, & familiam non gravent.

Regulares vero, qui ex vi voti vel regulæ sub gravi præcipiente tenentur vel jejunare, vel a carnibus abstinere in præſatis diebus, profecto graviter peccant si non abſtineant vel jejunent, cum & ex præcepto Regulæ graviter obligentur, a qua Pontifex minime eos dispensat. Et ita communiter sentiunt omnes Theologi, immo in Capitulis horum Ordinum pluries statutum & declaratum fuit, ut testantur illorum Ordinum Theologi, ut videre est apud Ferraris V. *Jejunium* n. 27. & seq. At major est difficultas de illis Religioſorum Ordinibus, qui jejuniis quidem vel abſtinentiis tenentur ex vi Regulæ vel Constitutionis sub nulla tamen, sed ad summum sub veniali culpa obligantis. Et quidem eos a lege abſtinentiæ solutos affirmant Theologi hac potissimum, immo unica ratione, quia inquirunt eo die duæ occurrunt leges abſtinentiæ, alia universalis Ecclesiæ, alia particularis Legis & Constitutionis, prima a Pontifice sublata fuit, non remanet igitur nisi secunda, quæ proinde cum nullius peccati onere obſtringat, vel solum culpa veniali, reus erit, qui abſtinentiam violat, vel culpæ venialis, vel pœnæ obnoxius fit a lege sub culpa non obligata transgressoribus constituta: eapropter si Superior, qui potestatem habeat, eo die a Regulæ obligatione dispenseret, nec culpæ veniali, nec

pœnæ erunt obnoxii qui carnes comederent. At oppositum plane ſuſtinent plurimi Theologi, & quidem merito & certissime; quandoquidem Theologi oppositum sentientes plane falso inniuntur supposito, nimirum sublata a Pontifice respectu istorum Ordinum legem universalem Ecclesiæ de abſtinentia a carnibus, Quod quam falsum sit apparebit manifeste consideranti tum obiectum hujus privilegii & dispensationis, quod est universalis abſtinentia omnibus fidelibus indicta, non particularis ex voto vel Regulæ resultans; tum subiectum sive personas, cui hocce privilegium sive dispensatio ab abſtinentia concessa est a Pontifice. Non enim universaliter omnes fideles hoc privilegio & dispensatione donantur, sed illi soli, qui nec ex voto, nec regulari observantia abſtinenti sunt; hi igitur non comprehendunt inter dispensatos ab obiecto dispensationis, scilicet ab abſtinentia: si igitur dispensati non sunt, illos procul dubio urget præceptum, non peculiare suæ Regulæ vel Instituti, sed universale Ecclesiæ: peccant igitur & violant hoc præceptum, si a carnibus præſato die non abſtinent. Sunt quidem eo die duæ leges, alia universalis, alia particularis; at universalis lex non tollitur, & in ea non dispensat Pontifex illos, qui ex aliqua particulari lege obligantur. At inquit Natalis Alex. siquidem Regula non obligat transgressores ad aliquam culpam, ut in Ordine FF. Prædicatorum, in quo similes transgressionibus non obligant ad culpam neque mortalem neque venialem, sed solum ad pœnam præscriptam ſuſtinendam. . . . tunc certum est Religioſis licere vesci carnibus in die Nativitatis Domini. Sed unde haust hanc certitudinem doctissimus Theologus? Non certe ex ipsa De-

cretali Pontificis, in qua diserte dicit, non dispensatos a lege universali abstinence qui ad illam ex voto vel regulari observantia sunt adstricti. Non enim distinguit Pontifex inter Regularem observantiam obligantem ad culpam & ad solam poenam, sed universaliter a privilegio dispensationis eos excludit, qui ex regulari observantia, quæcumque illa sit, ad abstinendam obligantur. Et hæc iusta, & meo videri certa animadversione exclusum manet confugium P. Magistri Millante dicentis, Dominicanos posse vesci carnibus in die Natalis Domini, quia Pontifex solum excipit illos, qui vel voto vel regula, a carnibus abstinere tenentur, & FF. Prædicatores nec ex Regula, nec ex voto, sed solum ex suis Constitutionibus a carnibus abstinere; quandoquidem Pontifex non dicit exceptos, qui ex Regula, sed qui ex Regulari observantia adstringuntur; at quis inficiabitur Dominicanos teneri ex Regulari observantia ad perpetuam abstinendam a carnibus, sive hæc ex Regula prosuar, sive ex Constitutionibus, cum regularis observantia vel ex uno, vel ex altero, vel ex utroque fonte dimanet? Vere itaque docuit Medina in sua Instruæ. Confess. lib. I. cap. 14. §. 10. scribens: „Mihî certius videtur non posse carnes comedere in die Natalis Domini, qui Regulam D. Dominici professi sunt. Nam dicit privilegium, ut possit quis vesci carne illo die veneris, nisi aliis, qui ex voto vel regulari constitutione prohibeatur comedere. Nobis igitur hanc habentibus Constitutionem non prodest hoc privilegium, & sic remanet ratio juris communis in suo antiquo vigore, & de jure communi est, ut non comedatur caro in die veneris. Religiosus ergo

„S. Dominicus non potest illa vesci, cum tale non habeat privilegium“. Quod confirmat Ildefonsus Manrique in sua Summa Morali P. I. cap. 5. §. 3. n. 4. dicens: „Ex verbis supra allatis Innoc. III. sequitur, quod Religiosi, qui profitentur abstinendam a carnibus, quando dies Natalis Domini in feria, vi. incidit, vel sabbato non possunt illas edere, etiam si illorum Constitutiones ad peccatum non obligent, ut constat ex verbis Bullæ“. Hinc inferendum, qui ex voto teneretur abstinere a carnibus in diebus veneris vel sabbati, eis vescens quando occurrit Natale Domini, duplex peccatum committeret, aliud contra Religionem, alterum contra Ecclesiæ præceptum; qui vero ex præcepto Regulæ, non nisi unum, licet gravius, crimen committeret, cum idem sit objectum & subiectum peccati, scilicet abstinencia ex virtute penitentiae; qui vero ex Regula teneretur non obligante sub gravi culpa, solum contra præceptum Ecclesiæ graviter peccaret.

CAPUT SEPTIMUM.

De secunda jejunii parte, unica scilicet comestione concessa.

DOCTRINA.

- I. *Præceptum de unica comestione de se obligativum quo sensu positivum dici possit.*
- II. *Contra temperantiam peccant, qui lautiores & delicatiores cibos quarunt.*
- III. *Quomodo unica comestio abruptatur & finiat.*
- IV. *Quandiu refectio perdurare possit.*
- V. *Non licet repetitis vicibus, etiam in levi quantitates cibum sumere.*

VI.

- VI. *Nec obtentu ne potus noceat.*
 VII. *Quenam liquida certo jejunium frangant.*
 VIII. *Quando electuaria frangant jejunium.*
 IX. *Num liceat chocolata potus de se ratione liquidi.*
 X. *Num ratione parvitatit materia.*
 XI. *Num ratione indulta consuetudinis.*
 XII. *Quenam liquida jejunio non opponantur.*

I. PARS hæc secunda jejunii, quam unicam comestionem concedit, ut animadverit D. Thom. hic art. 6. Ita concupiscentiam reframat, dum illi plures detrahit comestiones, ut tamen natura salvetur; cui una comestione satis confutitur, nullum revera positivum affert præceptum, sed solum negativum. Non enim una præcipitur comestio, aliequin non jejunaret qui ab omni refectioe per totam diem abstineret, multoque minus qui biduo vel triduo tantum reficeretur; solum igitur affirmativum dici potest, quatenus jubet, ut qui comedere vult, in die jejunii una sit comestione contentus.

II. Quantitas cibi in hac unica comestione taxari non potest, ut docet S. Thom. q. 147. art. 6. ad 1. Propter diversas corporum complexionem, ex quibus contingit quod unus majori (scilicet abundantiori) cibo, alter minori (idest pauciori) indigeat. Quamobrem licet præceptum Ecclesiæ non transgrediantur, peccant tamen contra virtutem temperantiæ, qui lautiores menas instituunt, delicatiores cibos quærent, & de quibus merito dici potest, quod lugens de quibusdam Monachis dicebat S. Bernardus: „Fercula ferculis apponuntur, & pro solis carnibus, a quibus abstinent, grandia piscium corpora duplicantur. Cumque prioribus fueris satiat, si

„secundos attigeris, videberis tibi nedum gustasse priores; tanta quippe accuratione & arie coquorum cuncta apparantur, quatenus quatuor vel quinque ferculis devoratis, prima non impediunt novissima, nec satietas minuat appetitum. Palatum quippe dum novellis seducitur condimentis paulatim diffuefcere cognita, & ad succos extraneos vel adhuc jejunum avidè revocatur in desiderio. Venter quidem, dum nescit, oneratur, sed vanitas tollit fastidium, quia enim puras & quas natura creavit epulas famulidimus, dum aliæ aliis multifarie permiscuntur, & spretis naturalibus, quas Deus condidit, rebus, quibusdam adulterinis gula provocatur satioribus, transitur nimirum meta necessitatis, sed nec dum delectatio satiatur. Ipsa denique qualitas rerum talis deforis apparere curatur, ut non minus aspectus quam gustus delectetur, & cum jam stomachus crebris ructibus repletum se indicat, nec dum tamen curiositas satiatur, sed dum oculi coloribus, palatum satioribus alliciuntur, infelix stomachus, cui nec colores luceant, nec saporès demulcent, dum omnia suscipere cogitur, oppressus magis obruitur, quam reficitur. Hoc est profecto, ut inquit S. Augustinus serm. 205. al. 68. „Sub specie abstinentiæ mutare affectus, potius quam refecare delicias, ut pretiosos cibos quærat qui carne non vescitur... & per occasionem quasi domandæ carnis, magis negotium agere voluptatibus... & cibos extra carnes multiplici varietate ac jucunditate conquirere, & suavitates quas alio tempore consecrari pudet, huic temporis quasi opportuna colligere, ut vide-

„sicut observatio Quadragesimæ non
 „sit veterum concupiscentiarum repres-
 „sio, sed novarum deliciarum occa-
 „sio“. Hoc attendant præcipue Con-
 „fessarii Nobilium, & divitum, illisque
 exprobrent, sibi inepte blandiri de
 Quadragesimali observantia, quia a car-
 nibus abstinent, dum interim gulæ vo-
 luptati & deliciis inserviunt, offen-
 datque eos carnaliter quidem jejunare,
 & Ecclesiæ præcepto Judæorum more
 serviliter obtemperare, ut nec jejunii
 spiritum concipere, nec fructum refer-
 re, nec Deum placare, immo intem-
 perantiæ crimine offendere, & ad ira-
 cundiam novis sceleribus provocare,
 ut docet & S. Thom. hic qu. 147. art.
 6. ad 2. *Si quis immoderate potu utatur,
 potest peccare, & meritum jejunii
 perdere, sicut si immoderate cibum in una
 comessione assumat. Nec oppositum docet
 S. Th. dum q. laud. 2. 3. ad 2. docet:
 legislatoris auctoritatem si quis
 transgrediendo statutum contemnat, vel
 hoc modo transgrediatur, quod impedia-
 tur finis quem intendit, peccat mortaliter
 talis transgressor.* Loquitur enim S. D.
 de illo modo, qui ita est substantiæ
 præcepti conjunctus, ut sine illo nec
 præcepti substantia observari possit, ut
 in præcepto audiendi Missam, quam si
 quis non attente, nec devote audiat,
 licet extrinsece Missæ quietus interfit,
 præceptum non implet; non vero de
 illo modo, qui præcepto est extrinse-
 cus, & sine quo haberi potest substan-
 tialis obedientia præcepta, ut patet in
 eo, qui parentes honorat, & eleemo-
 synam largitur inanis gloriæ affectu,
 peccat quidem, sed præcepta & hono-
 randi parentes, & eleemosynam lar-
 giendi implet; ita pari pacto qui
 & a carnibus abstinet, & unicam
 servat comessionem, id quod bonum
 in se est facit, & præceptum implet,
 licet postea sua intemperantia opus ex

objecto bonum inficiat, & corrumpat.
 Legantur quæ diximus in Tr. de Le-
 gibus Diff. 3. cap. 3. n. 7. Nisi tamen
 in fraudem jejunii hoc faciat, ut in
 sequentibus explicabimus.

III. Si unica conceditur refectio, hæc
 profecto continua esse debet, non inter-
 repta, alioquin refectioes multiplican-
 rentur. Interrupta autem dicitur &
 animo finiendi comessionem, & per phy-
 sicam a comedendo cessationem. Qua-
 mobrem qui prædium abruptum ut ali-
 cui negotio vacet animo ad mensam
 redeundi, eo expleto non censetur co-
 messiones multiplicare, sed una adhuc
 moraliter comessio repetatur; dummo-
 do tamen longa non sit in negotio mo-
 ra, quam aliqui etiam ad duas horas
 dilatant, alii ad dimidiam tantum
 coarctant, & in hoc & bona fides pran-
 dium abruptantis, & negotii necessi-
 tas, urgens causa, gravior, sunt at-
 tendenda, & juxta illas dijudicandum.
 Dixi animo reassumendi, si quis enim
 a mensa surgat ad negotium aliquod ob-
 eundum animo non revertendi, si postea
 iterum mensæ assideat & comedat,
 censetur comessiones multiplicare;
 quod si nec animo reassumendi, nec
 cessandi surgat ad opus aliquod, tunc
 tempus interruptionis pensandum est,
 quod si breve sit, moraliter una co-
 messio censeri poterit, si vero longum,
 tunc ex ipsa physica cessatione arguen-
 da voluntas non repetendi prandium.
 Addidi & per physicam a comessione
 cessationem, cum sola intentio cessandi
 non videatur sufficere: ut si quis pu-
 tans consummarum prandium, mapu-
 lam plicet, si forte novum offeratur
 ferculum, non putabitur comessiones
 multiplicare, si & de illo comedat,
 cum revera prandium novum imple-
 ritur sit per realem abruptionem, sed
 per solam animi præsumptionem, qua
 putat

putat expletum. Improbabilis tamen & falsa est habenda illorum Theologorum doctrina, quam refert in sua Bibliotheca Ferrarius, quæ asserit, si quis finierit prandium, & a mensa surrexerit, etiam gratiis actis, potest intra quadrantem circiter, mutata voluntate iterum assidere, & comedere, quia moraliter censetur una comestio. Qui fieri enim potest, ut una reputetur, etiam moraliter, comestio in illo, qui impleta jam prima comestione tum animo non amplius comedendi, tum physica cessatione per recessum ab ipsa mensa, & per gratiarum actionem, postea de novo ad mensam accedat, & iterum comedat?

IV. Ut unica sit comestio, oportet ne in longum tempus protrahatur, præsertim si fieret in fraudem jejunii, quandoquidem quoad corporis nutritionem idem plane est & plures sumere refectioes, & unam ad longum tempus protrahere. Quare optime & false deridet Theophilus Rynaudus Tom. 10. de R. & Med. cap. 7. pag. 483. Theologum decentem, licere prandium quantumlibet protrahere, scribens: „Non puduit quempiam nuper typis „evulgare, posse absque jejuniis violatione prandium hora solita inchoatum, puta hora una ante meridiem „prostrari usque ad noctem, ut fert „usus Germanorum multorum. Sic „enim protrahendum prandium cum sit „unica comestio, qualem jejunii lex „inducit, non est visum huic *Mirabiliano* Auctori adversari legi Ecclesiasticæ circa jejunium præscriptum. Itaque si idem ille laico tunc expletum, ret orbem, & manducans sine intermissione recurrisset ad punctum ante meridiem, quo prandium oc-

„ceperat, dicendus esset jejunasse, „quia esset unica comestio. Ed tamen „hoc jejunium portentosum, ut jam „non debeant videri paradoxa, quæ „toto illo opere ad inducendam „in jejunium laxitatem passim occurrunt“. Quamvis autem perdurandum prandium debeat, ut una tantum sit comestio, non virtualiter duplex, non consentiunt Theologi, nec facile est definire: benigniores Doctores censent excedere non debere duas horas, quod profecto in communi & vulgari prandio est plusquam satis, & in solemnioribus (si tamen in Quadragesima aliisque jejunii diebus licet solennes epulas instituere) ob adventum hospitum, receptionem consanguineorum, vel affinium tolerari potest, ultra tamen duas horas prandium protrahere profecto culpa non vacat. Non desunt Theologi, qui inter solemniores epulas, in quibus diutius prandium licet protrahere, enumerant nuptialia convivia; ac hæc profecto in Quadragesima minime sunt permittenda; nam Ecclesia tunc temporis licet Sacramenti Matrimonii celebrationem urgente causa gravi permittat, sacras tamen & spirituales solemnitates suspendit, & ad aliud transfert tempus: si ergo illicitæ sunt spirituales solemnitates, qui fieri poterit ut concessæ sint carnales & solennes epulæ cum licitæ; solennes autem & sacras benedictio non liceat? Nec patitur assentior opinioni Lucii Ferrarii docentis V. *Jejunium* n. 35. ex honestate licere, ut quis possit prandium in una domo inchoare, deinde eo abrupto ad aliam transire domum ubi spectatur, & ibi complere ad novam assidenda mensam; nam hic omnia duplicari cerno, locum, mensam, convivas, prandium,

& unicus est ille, qui duplicatum prandium sumit: absque igitur urgente necessitate, quæ a jejuniis excusaret, hanc duplicem comestionem non approbarem. Pari pacto nec admittenda ut probabilis alia doctrina ab eodem Authore allata, qua conceditur fervientibus vel legentibus in mensa, ut per horam ante prandium, etiam in magna quantitate, cibum fumant, quasi prandium inchoantibus, quod postea prosequantur expleto post horam servitio vel lectione, hoc est enim revera comestiones multiplicare; nec mover, hoc concedi in Regula S. Benedicti cap. 13. ut scribit Boranga, nam 1. in ea solum permittitur Lectoribus & Ministris mensæ, ut frustulum panis & cyathum vini aqua diluti accipiant, non ad inchoandum prandium, sed ad vires modicum reficiendis. 2. Hoc conceditur solum in jejuniis Monasticis, non vero in jejuniis Ecclesiæ, ut videre est in Monastico Cisterciensi. Concedi itaque potest & famulis, & mensæ lectoribus si revera indigeant, & stomachi notabili debilitate affligantur, ut modicum cibi ad refocillationem fumant, non vero magnam cibi quantitatem gustent ad prandii inchoationem.

V. Hoc autem præceptum violant non solum qui pluries in die jejuniis comedunt, ut de se jam apertum manifestumque est, cum directe multiplicata comestio jejuniis opponatur, sed qui etiam pluries sumunt aliquid cibi, etiam in parva quantitate, dummodo ad notabilem perveniant quantitatem, cum notabilis quantitas cibi opponatur jejunandi præcepto, sive simul sumant, sive divisim, ut patet in furto: hinc merito oppositam doctrinam damnavit Alex. VII. contentam in propositione asserente: *In die jejunii qui*

modicum quid comedit, est notabilem quantitatem in fine comederit, non frangit jejuniu.

VI. Ab hujus damnatæ propositionis laxitate parum distat alia nonnullorum Theologorum doctrina, qua affirmant, licere toties quoties libuerit aliquid cibi sumere ne potus noceat, dummodo tamen non fiat in fraudem jejunii, quia, inquiunt, tunc cibis non ad nutriendum sumitur, sed ad medicinæ modum gratia avertendi damnum, quod repetitus potus asferre posset. At hæc speciose dicta sunt, & ad fucum faciendum; quandoquidem ille qui bibit vel necessitatis causa potum sumit, vel ex libidine & pro arbitrio. Si primum, cum jam natura potum exigat, sumptio illius moderata ad sitim extinguendam, nocumentum inferre non potest, ut luculentissime probat ac evincit & argumentis & experientia doctissimus Medicus Hequetius, & præterea hoc semel, vel ad summum bis contingere potest, & quidem homini non assueto vini porationi, cui, si vehementi uteretur siti, concedi posset ut coactus vinum bibere ad ardentem extinguendam sitim, semel tantum modicum cibi sumere, at hoc extra necessitatem præstare in bibendo pro libito & arbitrio aperte est frangere jejuniu, & sub medicinæ obtentu doctrinam damnatæ propositionis ad praxim deducere; Engamus enim hunc decies bibere, cum possit, juxta Theologos hujus doctrinæ patronos, infra dimidiam unciam panis sive amygdalarum, sive alterius cibi qualibet vice sumere, profecto hic jam quatuor uncias vel panis vel amygdalarum sumit; notabilem igitur quantitatem cibi sumpsit, licet in qualibet potu modicam, & sic ad praxim damnatæ propositionis doctrina

nam

vam fuco, medicinæ illitam deducit. Immo hic mos est hominum vino se ingurgitantium, qui semper toto anno modico & brevi cibo contenti sunt, dummodo copia non desit vini, qui proinde toto anno jejunare dicendi forent.

VII. Num vero liquida frangant jejunium, penes recentiores Theologos Probabilistas non solum minime sub Iudice ponitur, sed adeo certum exploratumque habetur, ut adagium conflaverint, & tanquam in morali doctrina certum axioma statuerint *liquida non frangere*. At perperam & injuria: quod ut patet, liquida in tres veluti classes dividi possunt: prima liquidorum, quæ de se ad nutriendum sunt apta, ut lac, & vinum, jusculum, amygdalarum cremor &c. secunda illorum, quæ licet de se ad nutriendum inepta, ex alterius tamen rei admixtione nutrire possunt, ut aqua saccharo vel cocholate saturata: tertia denique liquidorum, quæ alterius rei non substantiam continent, sed solum sapore & colore imbuuntur, ut rheum, cassetum, salviata & similia. Ut a primis liquidis sermonem exordiamur, certum est apud omnes, jusculum, lac, & amygdalarum cremorem, cum nutritioni quam maxime inserviant, adeo ut potius quam potus, cibi liquentes dici possint, jejunium frangere si extra refectorem sumantur, nisi materis tenuitas excuset. De vino autem exploratum est, ut superius diximus, primis seculis in more Ecclesiæ fuisse, ut ab ipso sicut & a carnibus in Quadragesima omnino fideles abstinerent, et postea permixtum est, ut docet S. Thom. in prandio vinum adhibere, ex qua concessione factum est, ut & vini potus etiam extra comestionem sumeretur non quidem ad nutritionem, sed ad

sitim sedandam, & ad ciborum digestionem, ut docet S. Thom. hic q. 147. 2. 6. ad 2. scribens: „ Jejunium Ecclesiæ non solvitur nisi per ea, quæ „ Ecclesiæ interdiciere intendit instituen- „ do jejunium. Non autem intendit Ec- „ clesiæ interdiciere (legendum indicere) „ abstinentiam potus, qui magis sumitur „ ad alterationem corporis, & digestio- „ nem ciborum assumptorum, quam ad „ nutritionem, licet aliquo modo nu- „ triat, & ideo licet pluries jejunanti- „ bus bibere “. Quod & repetit in 4. dist. 15. q. 3. ad 4. scribens: „ Quam- „ vis aliquis potus aliquo modo nutriat, „ tamen de se non ordinatur ad nu- „ triendum; unde sumptio potus man- „ ducatio non dicitur; & ideo ille, qui „ potat extra horam unicæ comestionis, „ non dicitur bis manducare, & per „ hoc nec statutum Ecclesiæ fran- „ git “. Absit tamen ut ex hac D. A. doctrina quis inferat, veram esse plu- rimum Doctorum sententiam, licere nimirum bibere vinum quoties quis voluerit ad famem etiam repellendam, & nutriendum corpus. Nam ut docet S. D. in sent. l. cit. „ Qui vinum bibit in „ fraudem jejunii, non solum peccat „ contra temperantiam, sed ipsum præ- „ ceptum jejunii violat “: subdit enim statim post laudata verba „: nisi in frau- „ dem faciat, quia legem violat qui in „ fraudem legis aliquid facit “. Immo, quod mirum est, & splendide veritatis argumentum, ita sentit & docet benignissimus Probabilista Thomas Hur- tado Tra&. 10. cap. ult. scribens: „ In „ Tractatu typis edito . . . latissime „ probavi, quod si vinum sumatur ea „ intentione ut nutriat, frangit jeju- „ nium, quia assumitur in fraudem le- „ gis, & fraus nulli debet patrocinari. „ Hæc tamen doctrina omnium anti- „ quo-

„ quorum aliquibus modernis nimis dura visa est, mihi verissima apparet, „ ad quod sufficit ut eam tradat D. Th. „ quem secuti sunt duodecim Auctores „ gravissimi, quorum nomina dabo loco „ citato, quibus addo Archidiaconum, „ Lopez, Azorium, Alenssem, Lessium „ &c. “ Nec urgent contraria Probabilistarum argumenta, nimirum 1. intentionem fumentis vinum ad nutritionem vel famem sedandam ipsam naturam potus non immutare, quæ de se & indole sua non est ad nutriendum instituta; Ecclesia autem per jejunium vetat ea, quæ nutritioni deserviant, & ad hoc sunt de se ordinata. 2. Et revera talis est omnium Christianorum sensus, qui se bibere posse credunt, quoties sibi libuerit absque jejunii violatione. Porro primum argumentum ostendit quidem directe & per se vini potum a lege jejunii non vetari, quod & nos fatemur; at non probat malitia bibentis in fraudem legis assumi non posse, proinde legem violare. Quid enim est in fraudem legis operari? nisi cortice legis servato, & materiali verborum rarento sono id quod tamen ipsa lex vetat perficere, ut contingit in Justice, cui lege vetitum est pretium & munera pro sententia accipere, qui si avaritia compellente ipse nec cum litigatore de pretio conveniat, immo nec accipiat, ad finem uxorem, filios, servos pacifici & pretium accipere, profecto violatæ legis reus efficitur: pari pacto interdicitur Regularibus habitum suæ Religionis deponere, quid si Religiosus, eo reatento, illum tamen alia veste tegat & occultet? Qui inficiabitur statutum materialiter quidem servasse, at fraude utens revera formaliter violasse? Pari igitur pacto dicendum & de bibente vinum pluries in die, & præsertim de mane ut jejunii pontus non sentiat, corpus cor-

roboret & nutriet, hic profecto verba legis jejunii materialiter custodit, quippe qui non manducat sed bibit, at legi fraudem facit, nutritionem enim quaerit in potu, quam lex jejunii prohibet; reus proinde efficitur violati jejunii. Quod quam verum sit experientia ipsa testatur in potatoribus & meribululis, qui magis vino (ut mox diximus) quam cibo nutriuntur, & tenui esca contenti in calicibus epotandis decumbunt, ex quibus & nutritionem hauriunt & sustentationem, quos profecto jejunare aemo cordatus dixerit. Quoad communem vero sensum Christianorum distinguendum inter fideles, vini haustum amantes, & eos qui vino moderate & pro necessitate utuntur: illi quidem apertis ulais morale axioma *liquida non frangunt* tanquam certum & inconcussum arbitrantes putant sibi quidem licere toties quoties sibi placuerit vino seingurgicare, quin jejunium frangant; at horum sensus erroneus est, abusus, & corruptela, quæ potam licitum reddere non valet, immo evincit in fraudem jejunii assumi: alii vero licitam quidem putant bibitionem, sed solum quoties sitis ipsa non vitiosa sed naturalis ex ipso cibo orta postulat, non ad nutritionem, sed digestionem; quamobrem non bibunt nisi sibi eos adigente, non voluptate vel gula incitante, & isti cum legi fraudem non faciant, jejunium minime violant, & istorum sensum rectum existimamus & adprobamus. Quæ vero de vino dicimus, sunt intelligenda de cervisia, cidro, melle, cremato, spiritu vini, aliis liquoribus, qui in aliquibus rationibus vini cerevinsæ sapient, & loco vini ad potum adhibeantur; quamobrem ut falsam, & laxam tenuimus Tamburini doctrinam affirmamus: „ Licet bibere vinum, mu-

sum,

„flum, cervisiam, aquam ex herbis
„vel eodem vino distillatis, etiam de
„mane, etiam ob solam delectationem
„etiam multoties in die, etiam in
„fraudem jejunii“.

VIII. Liquida vero, quæ in se reum nutritientium substantiam continent, sed dissolutam & liquentem, profecto nutritioni inserviunt, ac proinde in die jejunii verita & interdicta habenda est illorum sumptio, nisi forte loco medicinæ fumanter, cujusmodi de Elestuariis docuit S. Thom. hic q. cit. art. 6. *Electuaria licet aliquo modo nutrant, non tamen principaliter assumuntur ad nutrimentum, sed ad digestionem ciborum, unde non solvunt jejunium, sicut nec aliarum medicinarum assumptio*. Porro electuarii nomine illa designantur liquida, quæ rei alias solidæ, & ad nutriendum aptæ, sed dilutæ substantiam complectuntur, ut sunt composita ex saccharo, malis aureis, citrinis, punicis, seu granatis, persicis, ex bacchis lauri, olivæ, corni, myrti, ex uvis, aliisque fructibus, qui in morem raceni constant ex pluribus granulis liquore aliquo repletis, quæ proinde vel dulcia sunt palato, vel amara vel acrida juxta reum, ex quibus conficiuntur, saporem & indolem; & hæc olim quando mos erat sumendæ refectiois hora nona, ut cibi concoctionem & digestionem promoverent, adhibebantur; proinde a S. Thom. ut medicinæ spectantur, & tali pacto ea sumere concedit; qui tamen subdit: „quod si in magna quantitate fumanter per mo- dum cibi in fraudem jejunii“, profecto nedum temperantiam sed & jejunium violant; & jure merito, cum hæc electuaria & nutritiva sint, & ex rebus ad nutriendum aptis & ordinatis composita, eorum itaque sumptio

Patuzzi Theol. Mor. Tom. P.

excusari non potest, nisi vel ad actua- lem infirmitatem, quæ tale remedium postulat depellendam, vel in modica quantitate ad fovendam digestionem, vel denique ob præsentem aliquam necessitatem, quæ hujusmodi subsidium deposcat, ut contingere potest in Concionatoribus, causarum Patronis, Cantoribus, aliisque, qui vel ad corroborandum pectus, vel ad fauces consolandas, prævie ad suum ministerium congruam horum electuariaum portio- nem sumere possunt: sani propterea, qui nulla vel cogente necessitate, vel postulante officio, ob solam delectationem hujusmodi liquidis abutuntur, profecto violati jejunii rei habendi sunt, si in notabili fumanter quantitate,

IX. Quamvis inter electuaria connumerari possit & cocholatis potus, quia quandoque medicinæ loco adhibetur, & a Medicis etiam præscribi solet, hoc tamen proprium non est hujus positionis usus, nec ad infirmitatem obviandam de se adhibetur. Supervacaneum puto longam texerer de hac portione disputationem, postquam fusc & latissimo disputavit cl. vir Daniel Concina in pluribus libris, nimirum & in Opere Morali Diss. 2. de Jejun. cap. 9. 10. 11. a pag. 205. usque ad 247. & in duplici opere Italico Disciplina Ecclesiæ de Jejunio, & Monumenta historica de usu cocholatis. Solum igitur ex his Operibus ea delibabo, quæ certa, probabiliora & tuta coram Deo cenfeo. Primo itaque certum est cocholale componi & coalescere ex rebus de se nutritivis & comestibilibus, cujusmodi sunt cacao, cinnamomum, saccharum, & vaginule, quæ si in propria specie sumerentur, profecto non potus, sed cibi materia forent. 2. Præfata omnia in unum compacta so-
li-

R x x x

lidum corpus constare, quod cibi naturam, non potus, exhibet, proinde quicquid ita sumeres, non biberet, sed comederet, ut & ipsi fatentur potus cocholatici patroni Hurtadus; & Leander, ille quidem Tr. 10. cap. 1. scribens: *Conveniunt omnes, quod si ea materia, quæ aqua diluta est, manducetur, frangit jejunium, amittit enim formam potus*. Alter vero Tr. 5. disp. 5. quæst. 5. dicens: *Non est difficultas inter Doctores nec quæstio, an sumptio cocholatis in se, hoc est in miga, pasta, o pastillos sit fractiva in se jejunii, nam hoc apud omnes certum est, quod cocholates in se sumptus sit vere cibus*. 3. Tanquam omnino certum est hæcenus distis infero, cocholatis potionem de se nutritivam esse, & ad alimoniam, non ad potum institutam, proinde ejus usum dversari præcepto jejunii; nec enim quia humana arte cocholates ad potus formam eliquatione reducitur, per hoc sit ut cibi naturam exuat, induatque potionis, ut idem Hurtadus l. laud. cap. 4. n. 55. sponte fatetur scribens: *Si substantia talis sit, quod sitim extinguere ex sua natura non possit, homines non possunt illam potum per artem constituere, sed semper cibus manebit*. . . . & hominum institutio non dat rationem potus alicui substantiæ liquida; retinet igitur vim cibi liquidi nutritivæ, sustentantis, alentis. Et revera quis unquam cocholate usus est ad sitim extinguendam? cum immo ad ejus sumptionem præmitti soleat aquæ potus, quasi stomachum diluens, magisque aptans ad substantiam & nutritionem a cocholate induendam, & de mane sumatur, quando nec ulla urget sitis, nec sumptus jam multo ante cibum amplius stomachum non gravat. Inter falsæ igitur

& laxas opiniones illa recensenda est, quæ affirmat, licere in die jejunii cocholatis potum toties quoties libuerit assumere inviolato jejunio. Audiantur duo benignissimi Theologi Tamburinus scilicet & Lezana: ille lib. 4. in Decal. cap. 5. §. 2. n. 9. scribit: *Cocholata sui Ecclesiæ jejunium præcipientis omnino adversatur, quia sivis Ecclesiæ est prohibere extra unicam refectionem cibos ex se nutritivos, solumque concedere veram portionem, distributioni alimentorum servientem: at cocholata compositur ex cibis multum substantiæ & nutritivis, nec per se ordinatis ad vebendum, distribuendumque per venas alimentum, nam propterea mane & sero jejuno ventriculo sumi consuevit. Fateor quidem hunc Auctorem & oppositam sententiam probabiliter appellare, at hoc non ex suo animi sensu, sed ex statuta inter Probabilistas lege, ut quamlibet sententiam, etiam si scribenti falsa appareat, probabilem tamen & habere & appellare non desinant, si ab aliis Auctoribus ut probabilis defendatur. Alter vero Tom. de Consul. consil. 48. n. 88. ait: „Sententia, quæ affirmat, potionem illam ex Indis in Hispaniam adductam vulgo cocholata non frangere jejunium (intellige quando in aliquoties notabili quantitate sumitur) non videtur mihi probabilis, sed potius falsa. Quod quidem salva pace meorum Hispanorum, quos valde veneror, dictum sit*.

X. Non dissentient ab hac doctrina nostris hæc temporibus plerique Doctores, qui revera oppositam opinionem ceu improbabilem & falsam rejiciunt, sed ut cocholaticæ potioni aliquo modo faveant non dubitant asserere, unum cyathum in die jejunii concedi posse, vel ratione parvitatæ materiæ, vel in-

videtur

vestæ jam consuetudinis, vel medicinae titulo. Quod num verum, & sat probabile sit, expendimus. Et primo quidem quoad tenuitatem materię libenter concedimus fieri posse, ut hæc portio tam tenuis sit & exilis, & revera jejuniū non frangat, ut de ceteris cibis dicimus, qui nonnisi in magna quantitate sumpti gravem inducunt præcepti violationem. Verum sequitur, saltem esse veniale peccatum, & levem inferre transgressionem jejunii, quod timoratis conscientis amaram reddit hanc ceteroquin jucundissimam potionem. Præterea quenam sit materię tenuitas, difficile admodum est statuere; quandoquidem, ut egregie & oprime docet benignissimus Pasqualigo Decif. 141. Cum (ad parvitatem materię) sit attendenda quantitas formalis, nempe virtus nutritiva, utpote quæ in jejuniis præcipitur abstinencia a cibo tanquam a nutritivo, illa habenda est pro parva materia, quæ parum nutrire potest. Porro quantum ad nutritionem conferat saluberrimus cocholatæ potus, testes sint bini benigniores Theologi Cardinalis Branciacius & Tamburinus, ille auctoritate sua, iste testimonio suo & experientia: sic iraque scribit ille, apud Cardinalem Cozza, To. de Jejuniis 3. par. art. 1. dub. 9. n. 109. & seq. Cocholatæ potus roborat naturalem calorem, generat potiorem sanguinem, cordis substantiam vivificat, dissipat flatum, & prodest ad stomachum, roborandum. Quid ergo melius exoptare possumus a pinguioribus, selectioribus, optimisque cibis? Alter vero lib. 4. in Decal. cap. 5. §. 2. nu. 10. sic rem experientia confirmat, & roborat auctoritate scribens: Semel ego virum nobilem mihi familiaritate conjunctum conveni mane diluculo, cum eo quadam negotia collaturus. Cum-

que primo ingressu observassem ejus vultum insolenti pallore, suffusum, macilentum, cadaverique persimilem, interrogavi, ut sit, & ejas valetudine. Is infirmus satis se habere subtremla voce respondit, meque peramanter rogavit, ut post mediam horam reverterer. Parvi, ivi, rediivi. Adverti ejus faciem pristino colori restitutam, oculos, bilares, vocem validam, ex morte in vitam jam rediisse non gratis dixisses. Quare cibaria non potui quominus exclamarem: Deo Superisque sint gratiæ. Bene immo optime valere gratulor Dominationem vestram. Unde nam tam subita ac tanta virum resurrectio? Subridens respondit amicus. Nam mirare Pater amantissime, modo enim cocholata potionem sumpsi, quæ miraculi instar colorem, vires, vitam fere instanti mihi parere consuevit. Hac facta narratione exclamat benignissimus Theologus: Deus immortalis! Hanc meram potionem, non vero validam cœlestionem jejunii fini ex diametro oppositam appellaveris? Theologorum auctoritati addere lubet & Medicorum testimonium, & doctrinæ pondus. Jacobus Sponius Medicus Lugdunensis, qui triplicem edidit Dissertationem de potu Cafeti, Thei, & Cocholatæ, in 3. Tract. cap. 2. scribit: Ceterum non solum nutrit optime, sed etiam impinguat cocholata. Et confirmat experientia subdens: Cocholatam quicunque bibunt, eam multum nutrimenti corpori suppeditare sentitur, ita ut jusculum ex carne, nec tam diu, nec tam fortiter nutriet, viresque sustentet ... Amicus quidam meus vulgaria alimenta ob morbum ferre non valens, Parisiis Lugdunum rheda vectus, per undecim dies tres dumtaxat cibatos quotidie bauribat, ac bene se habebat. Omnes ferme Concionatores ab ejus usu sive ante sive post Concionem optime se habent. Ante Concionem pectoris & vocis vires diutius

tius quam jusculum sustinet, post vero enbaustus corporis vires reparat. His igitur positis certe minus vera minimeque probabilis habenda est Theologorum sententia docentium binas uncias, vel sesquinciunciam aqua concoctam & elaboratam parvitatem materiæ non excedere. Num autem una uncia sit tenuis materia, non omnino liquidum est. Affirmat quidem Cardinalis Brancacius in sua Dissertatione scribens: *Hæc valde mihi aridet conclusio, quod scilicet ebololatis potus unius uncia non excedens quantitatem, cum quinque unciiis simplicis aut dissillate aquæ non inferat jejuni injuriam, gravem scilicet ob tenuitatem materiæ. At ipsi obstitit Pasqualigus in laxanda jejunii lege non benignissimus, sed & laxissimus scribens Decis. 141. Solum parvitas materiæ posset excusare a mortali. Sed difficultas est, quam sit parva materia. Cum enim talis potio adeo nutrit, & corroborat, diversa ratio est de ipsa, ac de ceteris cibis. Antonius Leon loc. cit. putat dimidium uncie ebololata posse in potione misceri tanquam parvam materiam. Sed hoc ego nimium existimo, quia proportionaliter loquendo, uncia dimidia ebololatis plus nutrit & corroborat, quam sex uncie alterius cibi valde nutritivi. Unde cum ad hoc sit attendenda quantitas formalis, nempe virtus nutritiva, utpote quis in jejuniæ præcipitur abstinentia a cibo tanquam a nutritivo, illa habenda est pro parva materia, quæ parum nutrire potest: unde puto non posse excedere octavam partem uncie, aut ad summum sextam partem, alioquin semper assert notabile nutrimentum. Ex his omnibus me recte inferre posse censeo 1. a chocolatæ potione in diebus jejunii a suæ æternæ salutis curam habentibus esse omnino abstinendum, nec pro tali esca se sacri jejunii violandæ legis*

periculo exponere. 2. Non esse tamen gravis culpæ statim damnandos, qui urgente necessitate, premente senectute, gravante officii vel muneris labore, tenuem citum chocolatæ infra unciam de mane sumunt.

XI. Quod vero de se non liceret, subdunt alii Theologi, licitum efficitur consuetudine prævalente, & sicut hæc licitam reddit serotinam collantiunculam licet unius comestioni legi adversam, ita censet & consuetudine licitam effici matutinam collantiunculam ex chocolatis potu. Hanc vero consuetudinem jam invaluisse probant: quandoquidem hunc potum sumunt & de mane & interdiu Prælati, Cardinales, Episcopi, viri docti & pii, immo & ipsi Religiosi severioris etiam Instituti, immo in ipsa Urbe scientibus Pontificibus & supremis Pastoribus chocolatæ potus distribuitur in symplosis, in conversationibus, in multorum adunationibus, sive ad negotia tractanda, sive ad gratulationis vel visitationis officia exhibenda, quin tamen unquam correcta hujusmodi abusus nec monstraverint Pastores & Pontifices. Fateor quidem, licet non sine animi sensu, id verum esse, ac minime ad legitimam consuetudinem deservire. Quandoquidem, ut dictum est Traët. de Legibus Diss. 4. cap. 13. & 14. res requiruntur conditiones ad legitimam inducendam consuetudinem. 1. Ut sit utilis bono communi, vel saltem ei non adversetur. 2. Ut proficiatur a Communitate perfecta. 3. Ut accedat consensus habentis potestatem legislativam. Porro omnes præfate conditiones Jesu: omnino abusus chocolatici potus. Nam nihil confert ad bonum commune, immo ipsi bono communi ab Ecclesia intento in lege jejunii & diametro adversatur; nam jejunium in-

indictum est, ut concupiscentia per nutrimentum subtractionem comprimitur, ut per pœnitentiæ opera Deo pro peccatis satisfaciat, divina ejus indignatio & vindicta avertantur: porro chocolatis potione concupiscentia minime frænatur, immo cum validum sit nutrimentum, eam promovet magis & urget; famis sedatur, pœnitentia impeditur, immo tollitur, & delicias in jejunii tempore quærendo divina provocat indignatio. Nec minus abest secunda conditio, nimirum ut a perfecta proficiatur communitate, idest a majore illius parte. Porro quis asserere audeat, in toto Orbe Catholico, vel saltem in tota Catholica Europa a majiori christianorum parte chocolaticæ portionis usum usurpari, cum vix in singulis fidelium myriadibus decima pars sit, quæ præfatam potionem usurpat, ideoque vix centesima pars fidelium eam sequatur consuetudinem, & a viris piis Deum timentibus ceu jejuniio insensa rejiciatur? Præterea sicut diximus Regula l. l. Reg. 4. n. 7. ad consuetudinem inducendam requiritur frequentia actum, qui liberi sint in ipsa elicientibus; quomodo libera est potio chocolatica, quæ ex errore inducitur & ex errore usurpatur? Inventa est enim quia putabatur potus, & talis habetur apud Indos, & Hispanos, quo nihil minus verum; sustinetur modo & ad praxim reducitur ex errore inveniæ jam consuetudinis, quod pariter falsum esse constat, & adductis patet argumentis. Quot enim sunt in ipsis amplioribus & illustrioribus Civitatibus, ubi hic potus abundet, qui eum fumant? Profecto paucissimi. & vix decem in singulis centenariis, & ferme dimidia pars ejus usum tanquam corruptelam detestatur, ac propterea plu-

res Theologi adversus hanc corruptelam vociferantur, & clamant admonentes fideles, ne se seduci patiantur. Deest autem consensus legislativam potestatem habentium. Non me latet asserri a benignioribus Theologis, & præsertim ab Hurtado, vivæ vocis Oracula S. Pii V. Pauli V. Gregorii XIII. & XV. qui chocolatæ sumptionem potum esse declararunt, & potum certum est jejunium non frangere. At hæc Oracula, si etiam vera forent, nihil ad rem facerent, cum data referantur pro usu chocolatis eo modo, quo apud Indos in America usurpatur, & horum Oraculorum Monumenta in America servantur: deinde ea omnia minus vera esse satis ostendit ipse Cardinalis Brancacius potus chocolatici patronus in sua Dissert. scribens: *Non abstineam mihi in hac assertione præsidium ex assertis Summarum Pontificum Pii V., Greg. XIII., Pauli V., Greg. XV. declarationibus relatis post ceteros ab Hurtado, aut ex Bulla sel. mem. Urbani VIII. cujus meminit Henricus Stubbeus, & prius Pellier ab Hurtado relatus, negativam nostram sententiam confirmantibus. De his enim mihi legitime non constat. Neque illas vidi, neque id a viris, quorum certe cognitionem sugere non poterat, audiui. Immo cum plerumque coram Pontifice in Episcoporum examine, me præsentem, hæc controversia fuerit proposita, nulla de assertis Bullis mentio facta est. At si non expressus, saltem tacitus accedit Supremarum Potestatum consensus, qui probe norunt chocolatæ potum usurpari & in publicis conventibus & in symposiis, & in visitationibus officii alicujus gratia, sive ob novam dignitatem, sive ob matrimonium exhibitis, sive ob Religiosæ vestis assumptionem, & professionem, vel*

ali-

aliquo alio titulo, quin tamen contra hunc abusum vocem extulerint, immo nec musticaverint. Verum nec hoc solidum esse potest adoptatæ consuetudinis argumentum, 1. quia certum exploratumque est, plurimos esse nobiles Viros, Prælatos, Religiosos, qui ab eo potu religiose abstinere, & consuetudini suo facti obstant. 2. Quia cum hæc consuetudo non universalis sit, sed solum penes divites, & nobiles viros vigeat, qui expensas comparandæ chocolætæ subire valent, non est cur huic particulari corruptelæ obstant, cum ad Confessarios pertineat eos emendare & corrigere. 3. Quia cum legitima fortassis de causa a pluribus chocolætæ potus usurpetur sive ob debilitatem stomachi, sive ob labores, quos subire debent, sive quia adversa valetudine a jejunii observantia solvuntur, ad quod, eo meliori quo possunt modo, custodiendum chocolætæ potum in auxilium assumunt, non decet Supremas Potestates universaliter prohibere, quod non universaliter usurpatur, nec fortassis illicite a pluribus, sed cuiusque conscientiæ judicium de licito vel illicito usu relinquere. Denique, vel consuetudo isthæc solum chocolætæ potum adoptat, & concedit, vel alium quemcumque sive potum sive cibum pari in quantitate & qualitate æqualem: si primum, ergo hæc consuetudo solum nobilibus, divitibus, & pecuniosis favet, ceteris autem christianis, qui delicatam hanc sortitiunculam sibi comparare non possunt, jejunii pondus & rigorem sustinere debent, atque ita aliud erit divitum, aliud pauperum jejunium. Si vero alterum eligant, licebit igitur mane omnibus sumere tantum cibi vel potus, puta tantum amygdalatum, vel aucum cum pinearum, sive avellana-

rum nucleorum, vel etiam panis quantitatem, quæ æquet nedum quantitatem, sed & substantiam chocolætæ potum, & sic novum inducetur jentaculum, seu collatiuncula matutina; quod quam falsum sit, nemo non videt, cum exploratum compertumque sit, potum chocolætæ sumere non valentes minime sibi licitum arbitrari, & concessum alium vel cibum vel potum sumere. Nullum igitur & imbecille est argumentum a consuetudine deductum. Quamobrem minime audiendus Militante, dum Exercit. 23. in propositiones ab Alex. VII. damnatas sic scribit: *Dico igitur idcirco in præsentiarum esse absolute licitam chocolætæ potionem in moderata sesqui-uncia quantitate, quia parvitas materiæ ex consuetudine introducta, et tolerata ab Ecclesia, excusatur a culpa, licet ex se absque tali permissione nullatenus excusaretur . . . Ex quo principio sequitur quod qui eodem esuriali die post epotam chocolætæ sesquiunciam, si aliam quoque propinare vellet, peccaret venialiter ob parvitatem materiæ, non permissam ex tolerantia Ecclesiæ. Sed insuper, si quis tertio id faceret, peccaret mortaliter.*

XIII. Quoad reliquas vero potiones Thei, Cassiei, Salviatæ, vel aquæ succo melli citrini, vel medici, & saccharo conditæ, vulgo limonæ, puto non ita cerre jejunio adversari, nam parum vel nihil substantiæ in eis continetur, quæ post coctionem in fundo vasis relinquuntur, sed solus superest, color, odor, & sapor; unde veræ potiones dici possunt, vel ad calefaciendum stomachum, vel ad rictus vel inflationes reprimendas conducunt, quare multo magis quam eleusaria, de quibus loquitur S. 7 hom. sumi possunt, & juxta ejus doctrinam permitti, cum, ut dixi, non rei

rei solidæ substantiam nec liquentem continent, sed solum colore, sapore, odore imbuantur; at & in his abulus irrepere potest, si in fraudem jejunii, & in magna quantitate fumantur, quemadmodum de electuariis docuisse S. D. n. 8. diximus.

CAPUT OCTAVUM.

CONSECTARIA PRÆCEDENTIS
DOCTRINÆ.

- I. *Urbanitatis gratia non licet jejunium violare.*
- II. *Qui ex inadvertentia maxime comedit, tenetur jejunium servare.*
- III. *Qui pluries comedit in die jejunii, juxta comestionum numerum peccata multiplicat.*
- IV. *Jejunium violant, qui pluries bibentes modicum cibi potioni præmittunt.*

CONSECTARIUM PRIMUM.

I. **N**ON licet urbanitatis gratia amico juniorum diebus invitanti obtemperare, cibum ultra unicam comestionem sumendo, quod si sit in exigua quantitate, solum venialem culpam inducit, si vero in notabili, violati graviter jejunii reum comedentem constituit. Et certe urbanitas ratio est admodum levis & imbecilla, ut a sanctissima jejunii lege eximere valeat, quinimmo diabolica videtur illa urbanitas, quæ & invitans & invitatus se mutua offensione ad Ecclesiæ præceptum violandum sollicitant. Pari pacto non licet cum hospite, cui sero adventanti & impranso coenam parare debes, assidere, & cum illo comedere, sed ingenue confiteri te jam permissam comestionem sumpsisse: proinde ad secundam tibi progredi non licere: quod si ille tibi assentiatur, & tuo muneri fa-

tisfecisti, & hospitem tuum optimo exemplo ædificasti: si vero illæ tuæ irrideat simplicitati, & objurgatione vel avaritiæ vel inurbanitatis ad comedendum vel invitum compellat, ejus irrisiones & verba contemne, memor verborum Christi Domini dicentis Lucæ 8. 26. *Qui me erubuerit & sermones meos, hunc Filius hominis erubescet, cum venerit in majestate sua, & Patris, & Sanctorum Angelorum.* Nec patiter a violatione jejunii excusar, ut affirmant nonnulli Theologi, necessitas sive caritas ad excitandum scilicet aliquem infirmum nauseatorem ad comedendum, cum, ut optime animadverit Franzoja, infirmis christianis operibus & exemplis prodesse debemus, non offensionem afferre fractione sanctissimi jejunii provocare itaque ad comedendum possumus vel eos suppeditando cibos, qui infirmo magis placent, vel ad comestionem horiando blandis verbis & suasionibus, non vero præceptum Ecclesiasticum violando.

CONSECTARIUM SECUNDUM.

II. Qui jejunium frangit ex inadvertentia, adhuc tenetur jejunium servare eo meliori quo potest modo, videlicet ab ulteriori comestione abstinendo. Adversantur huic doctrinæ plures Theologi, quippe qui putant, semel fracto jejunio non amplius locum esse ejus custodiæ, nec præceptum amplius urgere, quod unicam imperat comestionem, quam observare amplius non valet qui jam bis comederit. Verum hæc opinio falsa est & laxa, nam adhuc Ecclesiæ præcipienti obtemperare debet eo quo potest modo, abstinendo a repetitis comestionibus, quas omnino prohibet, unicam concedens in die jejunii comestionem, ut magis ex sequenti consecratario pateat.

Con-

CONSECTARIUM TERTIUM.

III. Unice vera & solum probabilis est illa Theologorum sententia, quæ docet, pluries comedentem in die jejunii toties peccare, quoties novam sumit comestionem. Veritatem hujus doctrinæ solidissime meo videri, & omnium argumentorum genere evincit Auctor Anonymus Dissertatione cui titulum fecit: *Responsio data cuidam Theologo; sive examen illius axiomatis, semel fractum semper fractum*, typis edita Casenæ 1755. & sic evincitur. Præceptum de unica comestione in die jejunii usurpanda, licet verbis affirmativis expressum, revera tamen negativum est, quandoquidem ut superius notavimus, non unica præcipitur comestio, alioquin jejunium violaret qui toto jejunii die prorsus ab omni cibo abstineret; prohibentur igitur plures comestiones, præter unam; proinde mandat ne pluries comedas: qui ergo pluries vescitur, pluries mandatum violat, & peccata multiplicat.

2. Non minus præcepto jejunii interdicitur carniū comestio, quam plurium refectioſum sumptio, porro qui pluries in die carnes comedit, peccata multiplicat; ergo & qui plures usurpat comestiones, plura perpetrabit peccata.

3. Licet præceptum affirmativum supponatur, & unicam non solum permittere & concedere comestionem, sed & præcipere saltem illis, qui vesci volunt, adhuc tamen infert plariam comestioſum abſtinentiam; qui enim unam dumtaxat concedit, omnem pluralitatem excludit, ut patet in Communione & in Miſſa vel conceſſis vel præceptis: nam Eccleſia concedit Sacerdotibus ut unam Miſſam celebrent in ſingulos dies, & laicis ut ſemel tantum communicent, proinde & plurium

Miſſarum vetat celebrationem, & plurium Communionum ſumptionem eadem die: quonobrem qui pluries vel celebrat, vel communicat, plura committit peccata, adeo ut peccent Sacerdotes non ſolum cum ſecundo celebrant, & fideles cum ſecundo communicant, ſed etiam cum tertio & quarto idem faciant, nam ſemper iterato præceptum violant de unica celebranda Miſſa, de unica Corporis Chriſti ſumptione, ergo pari paſſo qui pluries in die jejunii comedunt, pluries peccant, quia pluries præceptum conculcant, unicam tantum comestionem vel concedens, vel indicens. Ita revera docent & ſentiunt nobiliores Theologi, Medina, Covarruvias, Sylviuſ, Natalis Alex., Henricuſ a S. Ignatio, & noviffime Antoine, Concina, Franjoiſ. Argumenta vero Theologorum contrariæ ſententiæ, ut poſte ſita in metaphyſicis ſpeculationibus, bene moratam mentem movere non valent, inquit igitur 1. Præceptum unicam concedens reſectionem omnino violatur per ſecundam comestionem, adeo ut amplius ſubſiſtere non poſſit, ſicut præceptum de non frangendo vaſe, ita violatur prima fractione, ut ſi jam fractum iterum in plures etiam minores partes frangatur, non cenſetur iterum violari præceptum. 2. Jam violato per alteram comestionem jejunio ſinis præcepti obtineri nequit, qui in carnis caſtigatione conſiſtit, quæ profeſſo locum amplius non habet in eo, qui jam bis ad ſatietatem comedit. 3. Mens Eccleſiæ non eſt, eum, qui bis comedendo jejunium fregit, non amplius præcepto jejunandi obſtringi, cum ejus obſervantia jam illi ſit reddita impoſſibilis. At hæc mihi mera videntur ſophiſmata, & pueriles argutioſæ, quæ feminis quidem & pueris impon-

ponere valent, at Christianos vicos, & mente ornatos nedum non movent, sed vel ad commiserationem, vel risum excitant. Ad primum itaque dicimus, positum argumentum & allatam de vase fracto similitudinem nimium probare; evinceret enim semel violatis præceptis Ecclesiasticis, immo & divinis per primam transgressionem, cum eorum observantia jam facta sit impossibilis, non amplius peccare iterantem delicta; sic violato præcepto monogamiæ in matrimonio per secundam superinductam uxorem non amplius peccabis si tertiam, quartam, decimam adjicias; violato semel voto castitatis per fornicationem, subsequentibus impudicitis peccata quidem multiplicari contra præceptum non mereaberis, non vero contra votum castitatis, cujus custodia jam facta est impossibilis. At quis hoc dicat? Violato igitur præcepto per secundam comestionem, & observari potest adhuc eas non iterando, & violari iterum multiplicando comestiones, cum æque eo præcepto & vetita sit secunda refectio & tertia & quarta. Ad 2. finis præcepti, licet post secundam comestionem obtineri non possit perfecte & plene, obtinetur tamen aliquo modo per abstinendum a multiplicatis refectionibus, eo prorsus modo, quo per unicam carnium comestionem ad satietatem finis præcepti jam obtineri perfecte non potest, proinde peccat qui etiam semel carnes comedit; quia tamen aliquo modo obtineri potest abstinendo ab iteratis carnium comestionibus, ideo toties quis peccat quoties carnes comedit; ita pari pacto per secundam ciborum sumptionem impeditur finis præcepti, proinde peccat qui secundo comedit, quippe qui adhuc

Patuzzi Theol. Mor. Tom. V.

obtineri possit abstinendo a multiplicatis refectionibus; expropterea toties peccabit, quoties eam multiplicabit. Ad 3. petimus, unde constat Theologis de mente Ecclesiæ nolente amplius obligare ad jejunii præceptum, qui illud fracto semel fregit? Licet enim fateamur ita Ecclesiæ velle potuisse, quod autem sic voluerit & decreverit, quomodo probant Adversarii? Gratis omnino fingunt, Immo oppositum esse præsumendum de Ecclesiæ mente hæc ostendunt argumenta. 1. Ne iniqui jejunii violatores utilitatem ex sua iniquitate reportent, ut revera reportarent, si semel fracto jejunio ipsis liceret pro libito comestiones repetere. 2. Quia Ecclesia nunquam favere intendit helluonibus, qui scientes ablatum jam per secundam comestionem jejunii præceptum, licitum sibi putarent multiplicare comestiones. 3. Denique, quia ut egregie docet Benedictus XIV. in sua ad Archiepiscopum Compostellanum epistola ad dirimendas de jejunio emergentes difficultates, semper inspicendum quo tendat Ecclesiasticarum Constitutionum scopus, sic enim scribit: Habens hunc scopum, ut dubia, quæ facile pro ingeniorum varietate disputando emergunt, penitus dirimantur, nec diuturna disputatione fluctuent animi, præsertim cum Constitutiones Apostolicæ scopum, in quem protendunt, aperte demonstrant, & illuc prompte dirigi potest quicquid dubitando interturbare videtur. Porro scopus Ecclesiastici præcepti, & Apostolicarum Constitutionum est, corpus affligere, concupiscentiam domare, poenitentiae opera amplecti, cui scopo profecto adversantur Theologi, dum a peccato excusant eos, qui semel fracto per secundam comestionem jejunio, non cessant repetitis comestionibus corpus

S f f f

cu-

curate & nutrire, & concupiscentiam inflammare, & poenitentiam omnem a se abjicere. Mens igitur Ecclesiae jejuniū præcipiens est, ut si quis vel ex fragilitate, vel ex passione, vel ex malitia semel jejunium fregit, solum comestiones non iteret, nec cibo se ingurgiet. Nec ab hac nostra doctrina multum distant Theologi, qui S. Antonini sententiam amplectuntur. Ille siquidem scribit 2. p. tit. 6. n. 9. „ Itera-
 „ re comestiones secundum Durandum
 „ in 4. non est nisi unum peccatum
 „ mortale, quia violatio præcepti pro
 „ uno die, sed tanto gravius, quanto
 „ pluribus vicibus comedit illa die,
 „ & hoc communis tenetur “. Nam
 quod vel peccata numero multiplicen-
 tur, vel plures malitiæ in uno peccato
 coadunentur, parum refert, præsertim
 cum isti Theologi fateantur, in Con-
 fessione non solum violari jejunii crimen
 esse aperiendum, sed & quoties illud
 violaverit, ut peccati gravitatem dig-
 noscere valeat Poenitentiae Miniiter.
 Non enim repetitam comestionem put-
 ant circumstantiam leviter peccatum
 aggravantem, quæ proinde omitti pos-
 sit sed notabiliter crimen augmentem,
 proinde manifestandam. Legantur quæ
 diximus Tract. 3. de Ois. hom. differt.
 3. cap. 8. reg. 1. n. 2. ubi, & alia
 habeantur argumenta nostram doctrinam
 confirmantia. At certe falsa est & om-
 nino laxa illa aliquorum Doctorum sen-
 tentia, quæ asserit, in iteratis post se-
 cundam comestionibus nec peccatum
 veniale committi, a qua doctrina certe
 non abhorret Bussembaum, dum scri-
 bit: *Unica comestio ita est necessaria, ut
 secunda comestione peccet mortaliter, re-
 liquis autem supra secundam ad summum
 venialiter tantum.*

CONSECTARIUM QUARTUM.

IV. Graviter præcepto unicæ comestionis adversatur mos & consuetudo aliquorum, qui post prandium in diebus Quadragesimæ vel aliis efusialibus diebus mensæ assidentes vinis varii generis & optimis referiæ, vel ludendo, vel confabulando, per plures horas morantur, interim vini ciathos identidem fumentes, & ne potus noceat, simul vel aliquot amygdalas, vel crustulum panis, vel bellaria sumunt; vel alio modo de taberna in tabernam, de domo in domum amicorum transmi-
 grantes vel bines, vel ternos vini scyphos hauriunt, semper aliquid prægu-
 stantes, vel ne potus noceat, vel ut sapidius bibant. Quis enim non dicam rigidus Doctor, sed honestus & probus Christianus non statim percipit, hos christiano jejunio illudere, & frustra sibi blandiri de servato jejunio, quod turpissime violant, tum comedendo tum bibendo? graviter proinde a Confessarius increpandi, nec absolutione dignandi, nisi serio polliceantur, & facto probent, se ab hujusmodi perversa consuetudine velle omnino recedere. Nec permittendum servis & ancillis, qui dominorum mensis servire debeant postea pransuri, ut aate dominorum prandium notabilem cibi quantitatem sumant, quasi prandium inchoantes, quod justa causa se abrumpere posse purant ob dominorum servitium præstandum, & postea veluti reassumunt propriæ mensæ assidentes, quandoquidem hæc interruptio non ex urgente aliqua causa, nec præter expectationem occurrente negotio, sed data opera, & ex consilio adhibetur, proinde revera comestiones multiplicant. Eccevera quis unquam inter legittimas ab uni-

unica comestione servanda excusantes causas enumeravit servitium dominis præstandum in mensis : At inquirunt, famis ex aliena comestione irritatur & urgetur, gula quoque impellit, ut identidem de reliquis ex patris aliquid capiant, tanquam partem suæ refectiois. At quis credat, vel famem nolle pati, vel gulæ irritamenta esse legitimis violandi jejunii rationes & causas : Profecto qui ita sentiunt, certe ad ea non attendunt, quæ Bened. XIV. animadvertenda proposuit, *jejunium scilicet esse inter orthodoxæ discipline præcipua capita adnumerandum, esse militiæ nostræ tesseram, qua ab inimicis Crucis Christi seceramus, & celestis præsidium, quo in dies adversus Principes tenebrarum munimur . . . Quamobrem lacrymis deplorandum, languissimam quadragesimalis jejunii observantiam plane sublatam nullis urgentibus legitimis causis, cujusmodi sunt famis sensus, gulæ irritamentum, potus nocumentum, erga amicos urbanitas, & aliæ hujusmodi fuitiles vanæque causæ a Theologis inverte, a quibus studiosus Pœnitentiæ Minister abhorre omnino debet, ut sanctitatem jejunii in suis Pœnitentibus conservet & promoveat.*

CAPUT NONUM.

De tempore concessæ refectiois, nec non urgentis & desinentis jejunii.

DOCTRINA.

- I. *Semper in jejunio hora illud solvendi præstituta fuit.*
- II. *Præceptum urget de hora expectanda.*
- III. *Quod præcavit Benedictus XIV.*
- IV. *Falsa refertur opposita Theologorum doctrina.*
- V. *Et argumentis refellitur.*
- VI. *Quanta requiratur hora præoccupatio ad jejunii violationem.*

VII. *Num liceat prandium in vespas deferre sumpta prius collatiumcula.*

VIII. *Quodnam sit tempus incipientis & desinentis jejunii.*

IX. *Num parvitatem admittat.*

I. AD complementum & integram sacri jejunii perfectionem, est & determinata sumendæ concessæ refectiois hora servanda. Porro certum exploratumque est, in omnibus sive veteri sive novi Fœderis jejuniis præstitutum fuisse sive lege sive consuetudine tempus & horam jejunii solvendi, & sumendæ refectiois, quam prævenire jejunantibus non licebat, licet protrahere & etiam omnino omittere concessum fuerit. In Veteri Testamento solum ad vespas jejunium solvebatur, quod & in Catholica Ecclesia in Quadragesimali jejunio custoditur primis Ecclesiæ seculis superius vidimus, deinde solvendi jejunii mos invaluit ad horam nonam, nostris vero temporibus ex nova consuetudine inverte circa seculum XVI. jejunium solvere hora sexta, idest in meridie, conceditur. Legantur quæ diximus cap. 1. n. 7.

II. Nunc igitur expendendum est, num urgeat præceptum sub gravi adstringens ad horam meridianam pro Jejunii solutione expectandam. Negant plurimi Probabilistæ his ducti rationibus, quia, inquirunt, tempus sumendæ refectiois nec ad essentiam nec ad substantiam pertinet jejunii, quod plenum & perfectum habetur & per abstinentiam a carnibus & a pluribus refectioibus; quamobrem tempus & hora pro refectioe statuta non est nisi appendix & veluti conditio jejunio sive comestioni unius refectiois adjuncta, quæ proinde si omitatur, & quidem sine justa ratione, veniale peccatum erit, non-
Siff 2 quam

quam vero lethalem culpam inducet. Si vero aliqua de causa hora præveniat, ne culpæ venialis reatum pariet. 1. Horæ præventio non officit nec fini jejunii, nimirum carnis inacerationi, & concupiscentiæ refrænationi, nam satis affligitur corpus per unicam refectiois sumptionem in 24. horarum spatio, tot enim interfluunt, & tantum temporis spatium decurrit ab una ad aliam refectionem quacumque sumatur hora; proinde parum refert, non hæc sumatur vel in meridie, vel etiam ante meridiem. - Verum hujus doctrinæ falsitatem, & argumentorum futilitatem evincit 1. omnium Christianorum sensus, qui non se jejungere arbitrantur, si horam sumendæ refectiois ab Ecclesiâ constitutam multum præveniant, & si quos vident de mane prandere, eos minime jejunare arbitrantur. 2. Semper ab initio Ecclesiæ in more fuit omnium Christianorum horam aliquam & tempus servare, in quo refectioem sumerent, quod quidem varium fuit; & hæc eadem varietas ostendit, hanc consuetudinem & morem semper viguisse, & solum ex Ecclesiæ consensu mutatam esse. Immo hæc horæ & temporis designatio non jejuniæ extrinseca habenda est, sed ipsi intrinseca, cum semper penes omnes nationes, nedum vera religione illustratas, sed etiam penes gentes, Turcas, Indos jejunii solvendi certum tempus & hora determinata fuerint & præscripta. 3. Antiquiores Patres, & Theologi, immo & Concilia semper necessitatem expectandi determinatam sumendæ refectiois horam, partem esse Ecclesiastici jejunii ita agnoverunt, ut ejus gravem obligationem nec in dubium unquam revocaverint; ideoque hæc gravis obligatio in Jure Canonico statu-

ta & declarata fuit; statuit enim cap. solent de Consecrat. dist. 1. *Nullatenus jejunare credendi sunt, si ante manducaverint, quam vespertinum celebretur officium.* Et in Concilio Rothomag. an. 1072, indicitur: *Nullus in Quadragesima prandeat, antequam hora nova peracta, vespertina incipiat. Nam jejunat, qui ante manducat.* S. Thom. 2. 2. q. 147. certam hanc obligationem ita agnovit scribens ad 2. *Ad jejunium requiritur hora determinata, non secundum subtilem existimationem...* *fusscit enim quod sit circa horam nonam, ut eam probandam non assumpserit, sed solum congruentes attulerit rationes horæ præscriptæ, quæ suo ævo erat tertia post meridiem.* Et in IV. sent. dist. 15. q. 3. a. 4. quæst. 3. aperte docet: *Ille jejunium solvit, qui Ecclesiæ determinationem non servat. Unde cum Ecclesiâ instituerit certum tempus comedendi jejunantibus, qui nimis notabiliter anticipat, jejunium solvit.* Quod confirmat in resp. ad 2. ubi discrimen ostendit inter *præprope* manducare, idest prandii anticipationem, & alios defectus, qui jejunium vitiale quidem possunt, at violationem præcepti non inducunt, cujusmodi sunt *laute* comedere, idest, reconditos cibos quærere, *nimis* scilicet in quantitate cibi excedere, *ardenter*, idest cum aviditate comedere, & *studiose*, videlicet exquisito modo cibaria præparare. De his enim defectibus sic scribit: „Ea, „ in quibus non potest accipi certa „ mensura, non cadunt sub determi- „ natione legislatoris. Et ideo quia „ non potest accipi certa mensura in „ quantitate cibi, vel aliis conditioni- „ bus numeratis, sicut *in tempore* „ accipi potest, ideo conditiones illæ „ non cadunt sub determinatione præ- „ cepti

cepti Ecclesiæ, & ideo quavis per
 inordinationem circa illas *quatuor* cir-
 cumstantias peccet, & *meritum jejunii*
amittat (vel in toto vel in parte)
 non tamen *Ecclesiæ statutum* transgre-
 ditur, & ideo jejunium non solvit.
 Adeo exploratum erat apud S. Tho. ho-
 ram refectiois cadere sub præcepto,
 & per ejus anticipationem solvi, idest
 violari jejunium. Consentiant & alii
 Theologi. Durandus in IV. dist. 15.
 q. 9. n. 7. scribit: *Tempus comedendi*
die jejunii esse horam sextam, unde in-
 fert q. 10. n. 4. *Aegros jejunii lege esse*
solutos, quia non possunt horam servare
jejunii. Paludanus in IV. Dist. 15. q.
 4. n. 4. *Jejunium frangitur notabili hora*
anticipatione sine causa, & in Quadra-
gesima oportet expectare non vespere diei,
sed officii. Ricardus de Mediavilla ib.
 art. 1. qu. 7. *Sub determinationem je-*
junii Ecclesiastici non cadit nisi semel co-
medere in die naturali, & hora determi-
nata, & abstinentia ab esu carnum, &
ab ovis, & caseo in quadagesimali jeju-
nio. S. Antoninus II. P. tit. 6. cap. 2.
 §. 10 *Tertio vitriatur jejunium ex hora*
nimia anticipatione. Cajetanus in laud.
 q. 147. art. 7. scribit: *Ex hoc quod*
omnes homines communiter judicant, non
jejunare illos, qui tam notabiliter ante
consuetam horam, qua jejunantes solent
prandere, comedunt; evidenter patet
quod hora consueti comedendi pro jejunio,
quæcumque hora sit, illa est de necessitate
jejunii. . . Tenetur igitur quilibet ad
 consuetam horam prandii in jejunio, sicut
 tenetur ad jejunium ipsum. Idem docent
 Sylvestr, Añens, Tapia, Rotella,
 Medina, Navarrus, Covarruvias, Co-
 minolus: novissime vero Antoine, Cu-
 biliari, Boranga, uno verbo, omnes
 sanioris doctrinæ Magistri, immo &
 plures inter Probabilistas, nimirum San-

chenius, Azorius, Reginaldus.

III. Sed uno videri, rem extra om-
 nem controversiam posuit Benedic-
 tus XIV. in sua ad Archiepiscopum Com-
 postellanum responsione. Hic enim Se-
 dem Apostolicam consuluit, num qui ex
 dispensatione carnibus vescuntur, te-
 neantur horam consuetam sumendæ re-
 fectiois cum cæteris jejunantibus ser-
 vare. In qua petitione animadverten-
 dam, sapientissimum Archiepiscopum
 nec dubitasse de gravi obligatione ex-
 pectandæ horæ, tum quia pro re levi
 dirimenda ad Sedem Apostolicam non
 confugisset, tum quia non postulavit,
 num horæ observantia sub gravi obli-
 gatione obstringat, sed hac supposita,
 num ab ea censeantur dispensati, qui
 carnibus ex indulgentia & concessione
 vescuntur. Pontifex vero respondit &
 jejunantes, & dispensatos teneri obser-
 vare horam ab Ecclesia constitutam,
 proinde hanc agnosceat obligationem, &
 quidem gravem. Et revera nonne om-
 nes fideles necessitatem horæ servandæ
 agnoverunt? Nonne Patres eam custo-
 diendam indixere? Nonne Concilia hoc
 onus portandum statuere? Cur autem
 tanta sollicitudo de re minima, & so-
 lum sub levi, ut videntur Probabilistæ,
 obligante? Nec dicant, hanc horæ ob-
 servantiam non ingredi jejunii essentiam
 & substantiam, sed ejus esse solum cir-
 cumstantiam accidentalem: quandoquid-
 em nonne hoc idem noverant & Pa-
 tres, & Concilia Theologi antiquiores,
 & totus denique Christianus populus?
 qui tamen hanc appendicem, hanc cir-
 cumstantiam ita sub gravi urgere cen-
 suebant, ut qui eam notabiliter præ-
 ventrent, nec jejunare censerentur, &
 ut diximus ex Cajetano, teneri quem-
 libet ad consuetam horam prandii in
 jejunio, sicut tenentur ad jejunium ip-
 sum?

sum? Præterea nonne Probabilistæ olim docebant abſtinentiam a carnibus esse ſolam de jejunii eſſentia, & unicam comestionem tantum appendicem, unde inferebant, & acriter defendebant, dispensatum a carnium abſtinentia, esse & a lege unicæ comestionis ſolutum, & tamen contrarium definitum fuit, & reprobata eorum doctrina a Benedicto XIV. non quidom declarando unicam comestionem esse de eſſentia jejunii, ſed ab hac ſpeculativa opinione præſcindendo, & dumtaxat indicendo, qui carnes comedit teneri ſub gravi obligatione unicam comestionem ſervare? Cur igitur & horæ expectatio, licet eſſentiam jejunii non ingrediatur, gravem obligationem non inferat, cum & eam ſervandam declaravit idem ſapientiffimus Pontifex & a dispensatis ab abſtinentia: Nec urget altera Probabilistarum ratio de ſine jejunii non violato ex horæ anticipatione, cum idem tempus ſuat inter refectionem c. e. ſummo mane ſumptam ad eandem ſequentis diei horam, ſicut interſuit ab una meridiana ad alteram meridianam. Nam licet hoc verum ſit quidem mathematicæ, minime tamen verum deprehenditur moraliter; quandoquidem communi conſtat experimento, corpus ſummo mane a ſomno recreatum non fame urgeri, at quo tardius differtur comestio, eo acrius ſtomachus laborat, & comendendi deſiderio premitur: quamobrem omnes Nationes in ſuis quibuſcumque jejunii in tardiorem horam refectionis ſumptionem differendam cenſuere; quod proſecto oſtendit in communi omnium ſenſu cunctationem ſumendi cibi humano corpori moleſtam, & gravem eſſe, proinde jejunio propriam & convenientem.

IV. Falfa igitur eſt habenda doctrina

plurium Probabilistarum & præſertim Tamburini & Vivæ, ille quidem docentis lib. 4. in Decal. cap. 5. §. 4. n. 2. *Ajo primo, non eſſe de eſſentia jejunii Eccleſiaſtici, nec de præcepto horam comedendi meridianam. . . Non de præcepto vel conſuetudine obligante; quia quamvis non nemo illam quævere ſatagat, nunquam invenit tamen. Ajo inſuper conſequenter, non eſſe mortale horam prædictam anticipare, etiamſi comedatur ſummo mane.* Iſte vero in Curſ. Theol. Tom. I. P. II. q. 10. art. 2. ſcribit: *Falſum etiam dari aut præceptum, aut conſuetudinem graviter obligantem ad non anticipandam comestionem ante meridiem.* His aſſentiuntur Layman. Filliucius, Bonacina, Toletus, & alii, & noviffime Lucius Ferraris in ſua Bibliotheca V. *Jejunium* art. 1. n. 28. qui nec in Append. ſententiam mutavit, licet reſponſionem retulerit Bened. XIV., qui ſtatuit horam jejunii eſſe ab omniſibus ſervandam.

V. Non licet itaque notabiliter antevertere comestionis horam ſine gravi culpa, ut docent omnes laudati Theologi n. 3. & quidem jure merito & coherenter doctrinæ ſtatutæ de hora ſumendæ refectionis ſervanda. Si enim ex præcepto Eccleſiæ hora conſtituta ſervanda eſt, qui eam notabiliter prævenit, jejunium proſecto violat, cum legem Eccleſiæ graviter obligantem non ſervet. Ita docet S. Thom. in 4. diſt. 15. q. 3. art. 4. quæſtiuncula 3. cujus verba ſuperius n. 2. recitavimus. Et revera ſi antiqui Chriſtiani, immo omnes uſque ad XV. ſeculum tenebantur expectare vel horam vespertinam, vel tertiam poſt meridiem, adeout eam prævenientes graviter peccarent, ut fateatur ipſe Layman traſt. 8. cap. 1. n. 11. cur igitur modo licebit eam ordinationem negligere, & tempus nota-

bili-

biliter prævenire? Quia, inquit laud. *Aud. Spectata bodierna Ecclesie consuetudine, per quam cœna in prandium, sive tempus, quo communiter homines prandere solent, translata est, non videtur tertium illud requisitum ad substantiam jejunii pertinere, sed vel accidentarium esse, vel secundarium, cujus prætermissio, adeoque anticipatio temporis conferri debeat tantum culpa venialis. At qua amabo ratione affirmat Laymanus, tertiam conditionem de hora expectanda in jejunio non esse de substantia hodierni jejunii? Nonne fuit de substantia jejunii, ipso farente, per quatuordecim secula? quo igitur fato, qua lege, qua ordinatione, quod substantiale erat in jejunio, modo factum est accidentale & secundarium? Nonne sicut antiquitus, ita & modo Ecclesiasticum jejunium integratur ex abstinentia, unica comestione, & hora constituta? cur igitur non erit idem cum antiquiori; & sicut in illo vel abstinentiam violare, vel comestiones multiplicare, vel horam prævenire, erat Ecclesiasticum frangere jejunium, cur & idem modo dicendum non est? Quia, inquit, consuetudo Ecclesie mutata est, que cœnam in prandium transiit. Utiq; & ideo licet in meridie prandere, & non ita mutata est disciplina Ecclesie, quæ statuit determinata hora cibum sumendum, ut liceat cuique pro libito sine gravi violatione jejunii comedere. Sicut itaque clapsis seculis graviter peccabant fideles horam prævenientes, quia legem & consuetudinem tunc vigentem Ecclesie violabant, ita modo graviter peccabunt, qui meridianam horam notabiliter prævenient, quia consuetudinem & legem modo vigentem violant. Immo tanto gravius peccabunt quam veteres fideles, quod mitius fa-*

ctum sit jejunium, & tempus sumendæ refectonis per tres horas ante occupatum, unde & hoc tempus prævenire sit hominis ab omni etiam levi poenitentia abhorrentis.

VI. At quanta temporis requiritur anticipatio, ut graviter violatum dici possit jejunium? Si Probabilitas audiamus, quantumque sit anticipatio, nunquam ad lethale peccatum pertinet, proinde solum dissident, quando sit culpa venialis tempus prævenire. Tamburinus putat non esse veniale prævenire tempus per horam in hyeme, & per duas horas in æstate. Immo addit Mendicantes, & qui eorum privilegiis gaudent, posse prandere duabus horis ante meridiem in hyeme, & tribus in æstate. Nam unam, inquit, *aut alteram* dat moraliter meridiei, reliquas Papæ concessio. Tunc igitur solum veniale peccatum erit, si hoc tempus præveniatur: unde subdit; *Quia multi probabiliter censent, concedere sibi horam ante statutum, vel concessum tempus, etiam sine causa, non esse notabilem culpam, quia parum pro nihilo reputatur; idcirco in hyeme poterunt illi duabus horis cum dividio, æstate tribus cum dividio ante solarem meridiem mentis accumbere, & quidem ex causa studii, itineris, negotii, ac etiam sine veniali.* Pœnesto nihil commodius, nihil benignius jejunantibus. At melioris & sanioris doctrinæ Magistri longe verius & probabilius docent s. cum S. Thom. punctum meridiei astronomicum non esse sub gravi culpa inspectandum, sed attendendam horam determinatam (inquit S. Thom. hic q. 147. a. 7. ad 2.) *Non secundum subtilem examinationem, sed secundum grossam astinationem; sufficit enim, quod sit circa horam nonam (modo circa meridiem) & hoc de facili qui-*

libet cognoscere potest. 2. Hoc itaque tempus aliquanulum prævenire nec veniale peccatum censent, cum tempus non astronomicum sit spectandum, sed moraliter, nam, ut inquit S. Thom. 1. sent. *Ecclesia arctare non intendit ad subtilem temporis inspectionem, nec oportet astrolabium accipere ad horam cœtionis cognoscendam, unde sufficit, si circa horam illam, quam Ecclesia constituit, jejunans sumas cibum, etiamsi aliquantulum propter aliquam necessitatem anticipet.* In quibus S. D. verbis duæ assignantur conditiones, ne quis nec venialiter peccet horam præveniando, 1. ne multum anticipet, sed aliquantulum, adeo ut dici possit, cum moraliter in meridie prandium sumere, 2. ut hujus anticipationis aliqua sit causa honesta, quod & repetit 2. 2. q. 147. a. 7. ad 3. scribens: *Modicum augmentum, vel etiam modicus defectus non multum potest nocere, non est autem magnum temporis spatium; quod ab hora sexta, in qua communiiter homines comedere consueverunt, usque ad horam nonam, qua jejunantibus determinatur: & ideo talis tatio temporis non multum potest alicui nocere cujuscunque conditionis existat. Vel si forte propter infirmitatem, vel etatem, vel aliquid hujusmodi hoc eis in magnum gravamen cederet, esset cum eis in jejuniis dispensandum, velut aliquantulum prævenire horam.* Si itaque vero S. Thom. quando hora refectiois erat tertia pomeridiana, non nisi urgente magno gravamine, licebat horam prævenire, multo minus licebit hodie, quando ex consuetudine concessum est circa meridiem cibum sumere. Qui igitur sine causa præfatam meridiem horam præveniat per horæ dimidium, venialiter peccabit, qui vero per integram horam jejunii impatiens & poenitentiam

refugiens pranderet, a gravi culpa excusare non audeat; cum ut optime animadvertit Natalis Alexander: *Inte- gre bore anticipatio, præsertim in præfenti disciplina, est notabilis anticipatio; quæ juxta D. Thom. solvit, idest violat graviter jejunium, nisi gravis necessitas urgeat: non enim qualibet levis causa, licet iusta, a culpa excusabit, ex levi enim causa a lege se eximere & præceptum violare, profectio legis & præcepti non venerationem & obedientiam, sed contemptum supponit, & indicat: quomobrem S. Thom. ad horæ anticipationem excusandam non quodcumque, sed magnum gravamen postulat.*

VII. Nec licitum puto horam refectiois prævenire sumendo de mane refectiunculam; quæ juxta vigentem consuetudinem sero sumi conceditur, dilato ad vespas prandio, nisi vel necessitas, vel infirmitas cogat. Duplex enim hic habetur inordinatio, nimirum ordinis inversio, quod enim sero sumendum conceditur, mane sumitur; neque dicas, hujusmodi Ordinis inversione legem Ecclesiæ non graviter violari; idem enim est sive mane, sive vespere collatiunculam sumas; nam si res physice spectetur, perinde est, at non moraliter, si ad legem Ecclesiæ indidentis jejunium expendatur; sicut enim perinde est physice sive mane prandium sumas, & vespere refectiunculam, & tamen qui ita ageret, lethaliter peccaret, & legem jejunii violaret, ita qui mane collatiunculam sumeret, & vespere pranderet. Bene, optime, inquit, quia in priori casu non solum mane prandens ordinem inverteres, sed & horam notabiliter anticipares prandium sumendo, quo graviter jejunium violari diximus, quod non contingit in eo, qui mane collatiunculam sumit.

At

At dico, & hic quoque sua matutina collatione horam cibi sumendi notabiliter prævenit, & licet non tantam sumat sibi quantitatem; quantam si pranderet, tamen respectu jejunii notabilem sumit cibi quantitatem, quæ ex se idonea est ad jejunium frangendum, & eam sumit notabiliter ante horam ad solvendum jejunium præstitutam; violat igitur & hac anticipatione jejunium, & comestione inversione: quamobrem non immerito docet Natalis Alexan. Reg. 13. de Jejunio: *Jejunium violare & mortaliter peccare, qui mane sumit jentaculum, prandio in vespere dilato, nisi necessitas vel infirmitas cogat*. Minus tamen peccaret, & etiam omnino non peccaret, qui refectiunculam in meritis sumeret, dilato ad vespere prandio legitima urgente causa, nimirum si prementibus negotiis in meridie prandere non possit, vel hospites vespere advenientes expectas, vel iter arripere debeas, vel incenatus dormire ægre posses, vel severioris jejunii studio; tunc enim levis habetur ordinis inversio, & tempus constitutum servatur: quare subdit laudatus Doctor: *Jentaculum, seu collationem, ut loquimur, meridie sumere licet, plena refectio in serotinum dilata, si legitima causa subit; at sine causa legitima prandium in cenam mutare jejunii diebus non licet*. Cui doctrinæ ut probabiliori, & certo tutæ lubens subscribo.

VIII. Quoad tempus vero incipientis & desinentis jejunii, certum exploratumque est in Christiana Ecclesia jejunium a puncto mediæ noctis incipere, & in alterius mediæ noctis puncto desinere. Hæc tamen puncta non sunt nec mathematicæ, nec astronomice, sed moraliter, juxta communem estimationem & horologiorum designationem existimanda. Quoad horologia

vero hanc puto servandam Regulam, nimirum standum esse publico horologio, & juxta illud privata dirigenda horologia, quando certo non constet custodum incuria, vel ipsius machinæ defectu a legitimo designando tempore deficere. Ubi vero publica non sunt horologia, vel plura sunt, vel privata standum est horologiis, vel bona fide illud seligendum, quod rectius & perfectius tempus designare creditur, & illi hærendo jejunium vel incipere vel complere, nec pro horologiorum diversitate variare. Ubi viget usus horologiorum, qui semper hora duodecima meridiem & mediam noctem designant, difficilius est a vero puncto aberrare; at ubi more italico horologia postremam horam diei scilicet vigesimam quartam dimidia hora post solis occasum pulsant, ac proinde juxta dierum & anni temporum varietatem horam meridiæ & mediæ noctis mutant, facilius error subrepere potest: quamobrem attendenda sunt peculiare pagellæ, quæ ad mediam noctem indicandam sunt institutæ, & Ecclesiasticis Calendariis præmittuntur; at hæc quoque cum non nihil inter se diffideant, illam semper seligendam existimare, quæ Cathedralis Ecclesiæ Calendario pro tota Diocesi præmittitur. Quod si quis determinatam sibi præligeret Tabellam; quam accuratorem putat, & illi semper insisteret, & juxta illam jejunii observantiam dirigeret, culpandus minime foret.

IX. Num autem tempus incipiendi, vel complendi jejunium ita mathematicum sit, ut nec parvitate temporis exigui, puta minuti, admittat, ambigunt Theologi. Leander affirmat, & putat esse in indivisibili constituendum, nec sine urgenti ratione; nam si in tali

T t t

puncto

puncto indivisibili jejunii initium & terminus non constituatur, jam fixum & stabile tempus non amplius habetur: finge enim licitum esse finem jejunii prævenire unico minuto, cur non licebit duobus minutis, cur non tribus, & sic vel tandem necesse est, ut ad punctum indivisibile pervenias, vel non amplius certum habebis & determinatum tempus vel inchoandi, vel complendi jejunium. Et sane hæc doctrina vim videtur habere maximam, ubi agitur de jejunio naturali ad sacram communionem præstituto, quod profecto sicut parvitatem materiæ in cibo non admittit, ita nec exiguitatem in tempore. At alii Theologi in jejunio Ecclesiastico parvitatem temporis admittunt in anticipatione, vel protrahione cœnæ post mediam noctem, quam exiguitatem Pasqualigus infra horam constituit, & Concina ad sex vel septem minuta coarctat. At Benedictus XIV. dum Bononiensem Ecclesiam Archiepiscopus regebat, rem censuit hoc modo dirigendam tam pro naturali, quam pro ecclesiastico jejunio. Animadvertit liquidem sua Institutione 12. data Kal. Decembris anni 1722. horam pro ecclesiasticis implendis præceptis juxta Doctorum & communem omnium sensum non esse mathematicæ & astronomicæ, sed moraliter & juxta communem hominum proborum mentem inspectandam; proinde tempus meriti quotidie juxta minutissimas horarum partes rem esse difficilem ac incertam, & anxietates ac scrupulos in meticulorum ani-

mos inducere, nimiumque eos torquere: præterea jam praxim & consuetudinem investam & Romæ, & in aliis Italia præclaris Civitatibus temporis varietatem per solos horarum quadrantibus metiri prætermisissis minutis; hinc Tabulam confecit quæ suæ amplissimæ Diocesi communem voluit, in qua per solam quadrantis vel accessionem, vel diminutionem temporis servandi jejunii etiam naturalis rationem esse habendam censuit, ac proinde tempus morale mediæ noctis intra quatuordecim minuta ad summum dilatavit, quo tempore qui comederet, non violare jejunium censendus esset. Porro hocce prudens consilium, & salutare Institutum quis prudens & cordatus improbare audebit? Unum superesset optandum, nimirum ut hanc rationem temporis dimittendi vel ipse cum Pontifex Maximus federet, approbasset, vel alius ejus successor pro tota Ecclesia confirmare dignaretur: at fortassis supervacaneum est hujusmodi desiderium, cum consuetudo Diocesis Bononiensis, Romanæ, Mediolanensis, & aliarum Diocesum in Italia sufficere abunde possit etiam meticulosis conscientiis. Quamobrem qui hoc morale tempus intra 14. minuta limitatum violaret, etiam unico minuto, suscipiendæ communionis idoneus amplius non esset judicandus, qui vero violaret per aliquot minuta, non esset lethalis culpe reus habendus de violato ecclesiastico jejunio. Tabellam horariam a Benedicto XIV. approbatam hic apponq

J A N U A R I U S.											
Mensis.	Dies	Initium Auroræ. Horæ. Qu.	Mensis.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.			
	1	13 0		1	14 3	19 1	21 1	7 1			
	11	12 3		14	14 2	19 0		7 0			
	21	12 2		22	14 1						
	28	12 1		28	14 0	18 3		6 3			

F E B R U A R I U S.											
Mensis.	Dies	Initium Auroræ. Horæ. Qu.	Mensis.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.			
	3	12 0		3	13 3						
	9	11 3		9	13 2	18 2	21 0	6 2			
	15	11 2		14	13 1						
	20	11 1		19	13 0	18 1		6 1			
	25	11 0		24	12 3						

M A R T I U S.											
Mensis.	Dies	Initium Auroræ. Horæ. Qu.	Mensis.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.			
	2	10 3		1	12 2	18 0	20 3	6 0			
	7	10 2		6	12 1						
	12	10 1		11	12 0	17 3		5 3			
	16	10 0		16	11 3						
	21	9 3		21	11 2	17 2	20 2	5 2			
	25	9 2		25	11 1						
	30	9 1		30	11 0	17 1		5 1			

A P R I L I S.											
Mensis.	Dies	Initium Auroræ. Horæ. Qu.	Mensis.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.			
	4	9 0		4	10 3						
	8	8 3		9	10 2	17 0	20 1	5 0			
	12	8 2		14	10 1						
	17	8 1		19	10 0	16 3		4 3			
	21	8 0		25	9 3						
	26	7 3		30	9 2	16 2	20 0	4 2			
	30	7 2									

M A J U S.											
Initium Auroræ. Horæ. Qu.			Ortus Solis. Horæ. Qu.			Meridies. Horæ. Qu.		Hora Matur. Horæ. Qu.		Media nox Horæ. Qu.	
Dies Mensis.			Dies Mensis.								
5	7	1	6	9	1						
9	7	0	12	9	0	16	1			4	1
14	6	3	19	8	3						
19	6	2	26	8	2	16	0	19	3	4	0
24	6	1									
30	6	0									

J U N I U S.											
Initium Auroræ. Horæ. Qu.			Ortus Solis. Horæ. Qu.			Meridies. Horæ. Qu.		Hora Matur. Horæ. Qu.		Media nox Horæ. Qu.	
Dies Mensis.			Dies Mensis.								
7	5	3	7	8	1						
22	5	2	12			15	3	15	3	3	3

J U L I U S.											
Initium Auroræ. Horæ. Qu.			Ortus Solis. Horæ. Qu.			Meridies. Horæ. Qu.		Hora Matur. Horæ. Qu.		Media nox Horæ. Qu.	
Dies Mensis.			Dies Mensis.								
1	5	2	1	8	1	15	3	19	3	3	3
6	5	3	17	8	2	16	0			4	0
13	6	0	25	8	3						
19	6	1									
25	6	2									
30	6	3									

A U G U S T U S.											
Initium Auroræ. Horæ. Qu.			Ortus Solis. Horæ. Qu.			Meridies. Horæ. Qu.		Hora Matur. Horæ. Qu.		Media nox Horæ. Qu.	
Dies Mensis.			Dies Mensis.								
4	7	0	1	9	0	16	1			4	1
8	7	1	7	9	1						
13	7	2	13	9	2	16	2	20	0	4	2
18	7	3	18	9	3						
22	8	0	24	10	0	16	3			4	3
26	8	1	29	10	1						
30	8	2									

S E P T E M B E R.									
Menſe.	Dies	Initium Auroræ. Horæ. Qu.	Menſe.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.	
	4	8 3		3	10 2	17 0	20 1	5 0	
	8	9 0		8	10 3				
	13	9 1		13	11 0	17 1		5 1	
	18	9 2		18	11 1				
	23	9 3		23	11 2	17 2	20 2	5 2	
	27	10 0		27	11 3				
O C T O B E R.									
Menſe.	Dies	Initium Auroræ. Horæ. Qu.	Menſe.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.	
	2	10 1		3	12 0	17 3		5 3	
	6	10 2		7	12 1				
	11	10 3		12	12 2	18 0	20 3	6 0	
	16	11 0		17	12 3				
	22	11 1		22	13 0	18 1		6 1	
	27	11 2		27	13 1				
N O V E M B E R.									
Menſe.	Dies	Initium Auroræ. Horæ. Qu.	Menſe.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.	
	1	11 3		1	13 2	18 2	21 0	6 2	
	7	12 0		7	13 3				
	14	12 1		14	14 0	18 3		6 3	
	21	12 2		20	14 1				
				14	14 2	19 0	21 1	7 0	
D E C E M B E R.									
Menſe.	Dies	Initium Auroræ. Horæ. Qu.	Menſe.	Dies	Ortus Solis. Horæ. Qu.	Meridies. Horæ. Qu.	Hora Matut. Horæ. Qu.	Media nox Horæ. Qu.	
	1	12 3		8	14 3				
	17	13 0		13		19 1	21 1	7 1	

CAPUT DECIMUM.

CONSECTARIA PRÆCEDENTIS
DOCTRINÆ.

- I. *Non licet nec per breve tempus horam statutam prævenire.*
- II. *Non qualibet causa etiam legitima licitam reddit notabilem temporis anticipationem.*
- III. *Regulares horam præstitutam prævenire non possunt.*
- IV. *Qui inadvertenter mane comedit, debet ad vespertas prandium differre.*
- V. *Qui dubitat, num inceperit vel desierit jejunii tempus, tenetur a coemptione abstinere.*
- VI. *Non licet juxta horologiorum variationem jejunii tempus mutare.*
- VII. *Audito signo jejunii horam indicante a coemptione cessandum est.*

CONSECTARIUM PRIMUM.

I. **H**ORAM meridiei moralem sine justa causa etiam per breve tempus dimidiæ horæ refectionem sumendo prævenire peccatum veniale est. Veritas hujus consecrarii manifesta est; nam omnis transgressio legis semper peccatum est, cum lex tum Divina, tum Ecclesiastica diligenter sit custodienda; quod si hujusmodi transgressio gravis sit, grave quoque inducit peccatum, si levis, solum leve noxam infert; quamobrem sicut qui notabilem cibi quantitatem in die jejunii extra concessam refectionem sumit, gravis violati jejunii criminis reus efficitur, dum qui modicum cibi absque causa sumit, non nisi venialiter delinquit; ita pari pacto qui notabiliter sine justa causa horam meridiei prævenit, ut capite præcedente ostendimus, graviter peccat, & qui per modicam dimidiæ horæ tempus prandio

constitutum lege Ecclesiæ prævenit, venialiter peccabit. Quare falsa est Busembai doctrina, afferentis absque justa causa per mediam horam tempus prandii prævenire, nullum videri peccatum. Dixi horam meridiei moralem, nam ut ex Benedicto XIV. vidimus, tempus impletionis præceptorum Ecclesiæ est moraliter accipiendum; quamobrem fieri potest, ut hora moralis sumenda refectionis præveniat horam astronomicam meridiei etiam per tempus notabile, & tunc nullum erit peccatum tempus astronomicum prævenire, ut contingit apud Helvetios, teste Concina, ubi omnes Catholici refectionem sumunt integra hora ante meridiem, quia ex recepta ac immemorabili consuetudine illa censetur moraliter hora meridiei, quare & tunc signum campanæ datur ad salutationem Angelicam: qui igitur hanc horam sine legitima causa notabiliter prævenit, graviter peccat; qui vero per modicum tempus, a veniali culpa non est immunis.

CONSECTARIUM SECUNDUM.

II. Non qualibet causa etiam legitima licitam reddit refectionis notabilem anticipationem. Posita est hæc propositio adversus non paucos Probabilistas, qui plures agglomerant causas legitime excusantes, ut ipsis videtur, ab expectanda hora constituta. At S. Th. duas tantum assignat legitimæ anticipationis causas, nimirum 1. *necessitatem*, 2. *magnum gravamen*, quod obveiret prandium differenti ad horam statutam; & de prima quidem sic scribit hic q. 147. a. 4. ad 3. *Si imminet necessitas statim peregrinandi, & magnas dietas faciendi, vel etiam multum laborandi, vel propter conservationem vitæ corporalis, vel propter aliquid necessarium ad vitam spi-*

ritualem, & simul cum hoc non possint, jejunia observari, non obligatur homo ad jejunandum . . . videtur tamen in talibus recurrendum esse ad Superioris dispensationem. De altero autem scribit, ut vidimus l. q. a. 7. ad 3. Si propter infirmitatem, vel etatem hoc eis in magnum gravamen cederet, cum eis esset dispensandum in jejuniis, vel ut aliquantulum prævenirent horam. Quamobrem ex primo capite horam prævenire licite possent ii, quos necessarium iter suscipere oportet, quibus incumbere negotia post meridiem necessario tractanda, qui longam concionem habere debent, & similia agere, quæ mentis attentionem postulant. Non vero excusantur, qui iter minime necessarium suscipient, multo minus qui recreationis causa vel venatum vel piscatum pergere volunt, nec qui hospites vel dimittere vel suscipere debent, cum satis sit illis præmaturum prandium parare si necessitas postulet, non vero cum ipsi ad mensam assidere, hoc enim esset humano respectui Ecclesiæ leges postponere, & ut amicis placeas Deo displicere. Ex altero capite legitime prævenire possunt horam infirmi, debiles, convalescentes, senes, qui magnum ex dilata comestione damnum perferunt, & qui nisi præveniant, non nisi ad vesperras prandere possunt cum gravi incommodo, & similia, quæ fufius expendemus in sequentibus.

CONSECTARIUM TERTIUM.

III. Regulares sive mares sive feminae horam constitutam ad refectiorem jejuniorum tempore expectare tenentur. Hanc propositionem plurimi inficiantur Probabilistæ nonnulla afferentes privilegia Ordinibus Mendicantibus concessa præveniendo per horam tempus concessæ comestionis, præsertim si nocturnis vi-

giliis ad Matutinum recitandum graventur. At hæc privilegia prout a Probabilistis afferuntur, & inutilia sunt, & saltem dubia plane & incerta. Inutilia quidem, quia passim docent, licere etiam absque culpa & causa per horam meridiem prævenire. Audiantur benignissimi Salmanticenses, qui auctoritate S. Thom. abutentes sic scribunt Tract. 23. cap. 1. punct. 4. n. 85. Hora ad jejunium solvendum præfixa, non est modo astronomico & mathematico computanda, sed morali, vel ut verbis S. Thom. loquar, non secundum subtilem examinationem, sed secundum grossam existimationem. Unde qui hora undecima (idest per integram horam) ante meridiem jejunium solvit, recte agit, tum quia prope meridiem solvit, tum quia apud fideles hæc invaluit consuetudo. Si igitur omnibus licet per horam tempus meridianum prævenire, non indigent ad hoc Regulares privilegia præveniendi tempus per horam, quapropter horum privilegiorum non meminerunt Salmanticenses. Quod autem ad hanc improbabilem doctrinam fulciendam verbis abutantur S. Doctoris, quasi per grossam existimationem designet integram horam, patet manifesto ex ipso S. D. qui loquens de trium horarum spatio post meridiem, quo suum prandium tunc temporis differrebant fideles, scribit: Non esse magnum spatium ab hora sexta, in qua committere homines comedere solent, usque ad horam nonam, quæ jejunantibus determinatur; & ideo talis taxatio temporis non multum potest alicui nocere, ejusqueque conditionis exigit. Proinde infert, non esse præstatum tempus præveniendum, nisi in magnum gravamen cederet, & tunc quidem concedit, ut liceat aliquantulum horam prævenire. Si ergo S. Thom. quando per tres horas a consuetuo tempo-

plius comedere nisi ferotinam collationem fumendo; nam si violavit eam partem jejunii, quæ tempus comestionis prænit, aliam tenetur servare, quæ unicam comestionem permittit. Omnibus porro concessum est tanquam pium, & ecclesiastico jejuniis conformius usque ad vespertas jejunum mactare, & solum tunc corpus reficere.

CONSECTARIUM QUINTUM.

V. Qui dubitat num sit mediæ noctis hora sive pro inchoatione, sive destinatione jejunii, debet a comestione abstinere. Posita est hæc doctrina adversus benigniores Theologos, qui censent esse distinguendum inter diem jejunii desinentis, & inchoantis; si enim, inquiunt, dubitas num urgeat mediæ noctis hora pro finiendo jejunio, comedere non potes, quia jejunium est in possessione, & certus es de jejunio, dubitas ergo de ejus termino; at e contra si dubitas, num urgeat hora mediæ noctis pro inchoando jejunio, potes libere comedere, cum sis in tuæ libertatis possessione, & incertus de lege libertatem auferente. At hæc probabilistica axiomata jam pluries refutavimus, & falsa esse ostendimus, solumque in dubiis extra justitiæ materiam locum habere juris regulam, *in dubiis tutior pars est eligenda*, nec ullus potest sine peccato periculo peccandi se exponere, ipsamque, quam jactant possessionem libertatis, esse ipsius questionis & dubii objectum; dubitatur enim & queritur, num qui dubitat an urgeat præceptum sit liber ad illud violandum: non est ergo pro certo & tuto statuum quod in controversiam vocatur, & dubitationis objectum constituit. Tenetur igitur qui dubitat prudenter dubium deponere, & morali-

ter certus esse de lege jejunii non obligante si comedere velit, & durante dubitatione debet a comestione cessare.

CONSECTARIUM SEXTUM.

VI. Falsum est & ineptum asserere, horologia opinionem probabilem efficere, proinde juxta illorum varietatem posse modo unum, modo aliud eligendo jejunii tempus variare. Falsitatem hujus doctrinæ quisque cordatus statim deprehendit: nam 1. fundatur in probabilistico sistemate, quod quam falsum, perniciosumque sit morali & christianæ doctrinæ, jam nullus est qui ambigat. 2. Quia cum aperte non constet de horologii falsitate in tempore designando, prudenter credere potes ipso designante, horam jejunii instare, proinde periculum subis de violando jejunio sive naturali sive ecclesiastico. 3. Quia plura sequerentur absurda; quis enim posset eodem die & laute carnibus vesci, & simul jejunare, ut si quis audiens horologium mediam noctem complentem jejunium signans, jubeat sibi cenam parari ex carnibus, quippe quia jam jejunii tempus impletum est, & peracta cœna aliud audit horologium eandem mediam noctem indicans, se putat adhuc jejunum pro die sequenti, in quo proinde poterit communionem sumere, vel si Sacerdos sit Missam celebrare. Probe novi hæc absurda libenter a Probabilistis devorari, & id esse probabiliter concessum docere non verentur Diana, Dicastillo, & Caramuel, qui decem & octo pagellas implet & onerat in hac ridenda questione pertractanda. At alii Probabilistæ, qui non omnem exuerunt pudorem, aperte insciantur licitum nec probabiliter, ut Lugo, Leander, alii-

que, quorum doctrinam probabiliorē agnoscit & ipse Diana, quin tamen priori opinioni contrariæ suam detrahat probabiliter. Bona igitur fide procedendum est, & Regula servanda, quam superius n. 8. dedimus.

CONSECTARIUM SEPTIMUM.

VII. Audito signo indicante diem jejunii inchoare, a cibo abstinendum est. Hanc quoque veritatem & ipso obvio naturali lumine compertam inficiantur Probabilistæ docentes licere 1. audito primo horologii pulsu comessionem protrahere usque ad finem istum indicantium horam, quod tolerandum est, cum de re minima agatur, & tempus non mathematicè sit dimetiendum, sed moraliter. 2. Docent, qui cœnam inchoavit, posse etiam audito signo jam mediæ noctis elapsæ usque ad cœnæ complementum comessionem continuare cum sit in possessione complendæ comessionis, sicut qui litem inchoavit, jus habet ad eam usque ad judicium complendam, licet delegati Judicis potestas ac jurisdictio cessaverit. Obstant tamen & jure merito alii etiam benigniores Probabilistæ Sanchez, Trullenchius, Caitropalao, Leander, aliique optime animadvertentes, cœnam protrahentem post completum mediæ noctis signum jam comedere carnes in die jejunii, quod veritum est ab Ecclesia, & litigantibus concessum litem prosequi usque ad finem, ita statuentibus Principum & juris decretis, at nunquam concessum ab Ecclesia comessionem producere & complere jejunii die. 3. Concessum in ultima Bacchanalium nocte cœnam post mediam noctem protrahere iis, qui theatris, choreis ludis, saltationibus vacant, quia, iniquiunt, licet dies cinerum physice in-

cipiat in puncto mediæ noctis, sicut ceteri dies, tamen moraliter non censetur incipere nisi post mediam noctem ex invicta consuetudine jam vigente protrahendi saltationes, ludos, cœnam pene usque ad auroram, & presumendum est ad vitandam violationem quadragesimalis jejunii statim in ejus exordio, benignam Matrem Ecclesiam concedere, ut tempus seu dies jejunii tardius inchoetur. At hæc monstrantur & portenta, quæ mirabundus Theophilus Rynaudus & Stomachatus sic objurgat Pasqualigum hujus doctrinæ auctorem & patronum de Ros. Med. cap. 7. pag. 485. Tom. 10. *Quid dicam ad hujusmodi ratiocinationem adeo rationi vacuum, & male materiam? Dignum est patella operculum distorsus, quo bis Bacchanalium advocatus indulgentiam saltatoribus ab se concessam stabilis. . . Si paratur fama ingenii, & litterarum meritis conciliatur vendibilitas per intertextas opiniones benignas; quæ & ipse benigniores Probabilistas ad iracundiam provocant, qui eas explodunt & rejiciunt ceu falsas, improbables, pœnitentiæ, & pietati inimicas. Quis enim prudens affirmare, immo suspicari poterit, pravam & iniquam consuetudinem infumendi integram noctem in ludis, choreis, spectaculis, saltationibus prævalere posse, & legem sanctissimi jejunii pervertetur? Quis S. Matrem Ecclesiam velle huic perverſæ consuetudini, seu potius prophano abusi favere, tempus violandi jejunium protrahendo, cum eas potius detestetur, & damnet? Quis denique non advertit, immo contrarium tenuisse Ecclesiam, quæ jubet circa mediam noctem campanæ pulsu diuturniore moneri fideles, ut a crapulis, ludis, oblationibus tandem desistentes, factum quadragesimale*

Amale jejunium revercantur? Nonne hisce quæstionibus portentoſis, falſis, ineptis Hæreticorum fannis & ludibrio jejunium Catholicæ Eccleſiæ exponitur?

CAPUT UNDECIMUM.

De Vespertina reſectiuncula.

DOCTRINA.

- I. *Licita eſt vespertina reſectiuncula.*
- II. *Qualitas ciborum in ea conſeſſa.*
- III. *Non conſeſſus uſus ovorum caſei & lactis.*
- IV. *Nec genera ciborum, quæ ad nutritionem conſerunt.*
- V. *De quantitate cibi in ea conſeſſi.*

I. **U**SQUE ad decimum ſeculum fideles uniea reſectioe contenti ſub vesperas, totam diem jejunii tranſigebant. Circa dimidium decimi ſeculi, teſte Raterio Epifcopo Veronenſi, ſaltem in Italia mos incœpit ſolvendi jejunium ad horam nonam, ideſt tertiam poſt meridiem, & in aliis regionibus fortaiſſis tardius. At tertiodecimo ſeculo communiter factum eſt hora nona cunctis chriſtianis populis comenſioni præſtiturum, & hæc quidem, ut alibi diximus, ſolum in quadrageſimali jejunio mutatio contigit, nam in æteris per annum jejuniis cibus ſemper hora nona ſumebatur. Ex hac comenſionis præoccupatione factum eſt, ut fideles priuſquam cubitum pergerent, indigerent potu, quo cibus ante ſumptum diluerent, & ad conſectioem diſpenderent, unde cœpit collatiunculæ mos; in qua tamen non niſi potus ſumebatur, & ſi forte aliqui eleſtuaria, ut teſtatur S. Th. potui addebant, hæc nec ſumebantur ab omnibus, nec ad cibus, ſed ad digeſtionem ciborum per modum medicinæ, unde, ut dicit S. Th. in IV.

diſt. 15. q. 3. a. 4. q. 1. in cor. nec loco manducationis ſumi conſueverunt. At contraſta hora prandii ad meridiem a potu tranſitus factus eſt ad cibus in reſectiuncula potui adiungendum. Et revera cibi ſumptio in collatiuncula permiſſa modo eſt ab Eccleſia, ut patet tum ex Actibus Eccleſiæ Mediolan., tum in Regula Clericorum Regularium, ubi ſtatuitur part. 2. cap. 3. *jejuniorum tempore ad ſerotinam carulam ſimul accedent: eibum ſedentes ſumant.* Hæc tamen repetita comenſio licet jejunio in ſpectato adverſari videatur, non auferat tamen ſubſtantiam jejunii Eccleſiaſtici, quod juxta diſciplinæ Eccleſiaſticæ regulas mutationem aliquam admittere poteſt, ut revera admittit tum in horæ comenſionis varietate, tum in hujus ſecundæ reſectiunculæ permiſſione, per quam jejunii abſolute inſeſti rigor eſt imminutus. Quamobrem non de conſeſſa reſectiuncula diſſerendum eſt, quæ licet (ut ſcribit Azorius), cœpſit „cauſa ſomni accepiendi, & idcirco „etiam indigentia titulo, more tamen „& conſuetudine introducta eſt, ut ea „abſolute & ſimipleiter utamur“; ſed de quantitate & qualitate ciborum in ea ſumenda.

II. Et primo quidem quoad qualitatem, tempore S. Antonini, ideſt circa dimidium ſeculi XIII. nonniſi herbas & fructus abſque pane ſumere licitum erat, ſic enim ſcribit P. II. tit. 6. cap. 2. §. 9. „Cum communis uſus chriſtianorum „ſit facere collationem de ſero, alii „quid parum ſumere eum potu ſine „alia conſideratione, quamvis non in- „tendant ſumere per modum medicina- „ræ, ne ſcilicet vinum noceat, ſed „innitantur conſuetudini, quæ ea ratione videtur introducta, pie eſt interpretandum factum eorum & execu-
fan-

„sandum, nisi fumerent in quantitate
 „notabili, vel de pluribus generibus
 „fructuum, vel studiose ad nutrien-
 „dum, & quia panis est principalis ci-
 „bus ordinatus ad nutriendum, minus
 „congruum videtur panem sumere.
 „Sumere autem *buccellam panis* frangit
 „jejunium“, intellige quoad qualita-
 „tem, non vero quoad quantitatem.
 Hæc tamen rigidior S. Præfatis doctrina
 non omnibus etiam severioribus Theo-
 logis placuit, hinc Sylvester licet do-
 ctrinæ S. Antonini subscribat, addit ta-
 men „quia circa hoc legem aliam præ-
 „ter consuetudinem non habemus; di-
 „co, quod ubi est consuetudo, licite
 „sumitur panis, si aliud non habetur
 „(nimirum herbarum vel fructus) vel si
 „habetur, illud stomacho nocet“. Cardinalis
 quoque Cajetanus idem confirmat 2. 2. q. 147. a. 6. scribens:
 „Deferendum est consuetudini loci,
 „scilicet ubi non consuevit sumi panis,
 „non sumatur sine rationabili causa,
 „puta quia fructus nocerent, aut non
 „possunt conteri dentibus“. Doctores
 deinde etiam benigniores solum eam
 qualitatem ciborum concedunt, qui
 sumi solent ante vel post prandium.
 Sic scribit Azorius p. 1. lib. 7. cap. 8.
 q. 9. „In refectiuncula vespertina so-
 „lum edi possunt, quæ ante vel post
 „prandium sumi solent, quales sunt
 „fructus arborum, herbarum, & alii qui-
 „dam fructus leviores sumi soliti, ea
 „tantum ratione, ne potus stomacho
 „officiat, ut proinde sit corruptela si
 „cibi fumantur, qui potissimum ad
 „nutriendum valent“. Reginaldus
 Tpm. 1. lib. 4. disput. 14. dub. 10.
 „In refectiuncula ferriina solum edi
 „possunt quæ ante vel post prandium,
 „aut cœnam alias sumi solent, qualia
 „sunt electuaria, fructus arborum,

„puta ficus, uvæ, nuces, pyra, po-
 „ma, herbarum &c. Si enim secus fiet,
 „ideò fumantur alii cibi, & qui valent
 „potissimum ad nutriendum, non erit
 „refectiuncula, sed jejunium solvetur“. Vivaldus in Candel. aureo part. ult.
 cap. 11. n. 25. „In refectiuncula co-
 „medi potest fructulum panis cum
 „pyro, pomove, cum una, vel pau-
 „cis ficibus, nucibus, vel his similia.
 Sylvius 2. 2. q. 147. art. 6. quest. 2.
 „Consuetudini sandum est quantum
 „ad qualitatem ejus, quod pro colla-
 „tione sumitur. Modicum panis ac-
 „cipi potest, vel seorsum, vel una
 „cum fructibus, herbis, aliisque cibis
 „levioribus, cujusmodi sunt ficus,
 „uvæ, nuces, poma, vel alia ex sac-
 „caro condita“.

III. Minime concessum est in colla-
 tione sumere, ova, caseum, lac &
 similia, tum quia hoc ciborum genus
 maxime ad nutritionem confert, &
 nulla unquam consuetudine invecum
 est, ut ex illis refectiuncula instruat.
 Quamobrem Clemens XIII. expresse ve-
 nuit, ut quibus concessum est lactaria
 vesci in Quadragesima, & aliis jejunii,
 nonnisi in unica comestione illis vescan-
 tur. Immo ita sentit etiam benignissi-
 mus Probabilista Diana To. 4. coord.
 Tract. 6. Resol. 116. scribens: „As-
 „sero in dicta collatione sub onere
 „peccati mortalis quantitatem licitam
 „non posse sumi in piscibus, ovibus, &
 „aliis lactiniis, sive cibis substantia-
 „libus in cœna manducari solitis. Et
 „ratio est manifesta, quia, ut dictum
 „est, collatio est licita propter con-
 „suetudinem: sed consuetudo, quæ
 „introduxit dictam collationem, non
 „solum præscripsit quantitatem, sed
 „qualitatem ciborum; nunquam vero
 „per consuetudinem introducti sunt
 cibi,

„ cibi qui communiter ordinantur ad
 „ sustentationem, ut pisces, ova,
 „ legumina &c. ergo talia manducare
 „ illicitum, & peccatum erit“. Et
 ipse benignissimus Tamburinus non est
 veritus affirmare, „ ova adeo esse jeju-
 „ nio infensa, ut vix unquam invenias,
 „ qui videns fidelem vespere ova co-
 „ medentem, judicet eum jejunare“.

IV. Etiam ex benignioribus Casuistis
 non licet in refectiuacula comedere
 pisces, legumina, aliaque ciborum ge-
 nera, quæ ad nutritionem maxime
 conferunt, licet in parva quantitate.
 Azorii & Reginaldi superius dicta attu-
 limus illis addimus benignissimum Lean-
 drum Tr. 5. disq. 4. q. 41. scribentem:
 „ Tquam certum mihi respondeo
 „ quod in collatione non liceat uti pisci-
 „ bus recentibus, 1. quia consuetudo
 „ omnium tam doctorum quam vulga-
 „ rium hominum usque ad hæc nostra
 „ tempora oppositum tenuit, ut constet;
 „ ergo illam excedere non erit licitum
 „ sicut non est licitum legem excedere;
 „ 2. Quia collatio propter consuetudi-
 „ nem dumtaxat est licita, sed sic est,
 „ quod nunquam sint introducti pro
 „ collatione pisces præcipue recentes,
 „ ergo illos manducare illicitum erit.
 „ 3. Quia sic tenent communiter Do-
 „ ctiores“. Fagundez de Præcep. Ec-
 cles. Tract. 4. lib. 1. cap. 4. n. 8.
 Consuetudine ubique receptum est,
 „ ut in refectiuacula soli fructus cum
 „ modico panis capiantur, & hanc
 „ consuetudinem excedere non est lici-
 „ tum. Et si aliqui nonnihil piscis ad-
 „ hibere solcant, id quidem *per cor-
 „ ruptelam* faciunt, non per consuetu-
 „ dinem legitimam; communis consue-
 „ tudo est, ut fructus modici, & modi-
 „ cum panis in collatione adhibean-
 „ tur, non piscivoli parvi, nec tan-
 „ tilum magni piscis, non enim solum

„ quantitas materiam, sed materia pro-
 „ hibetur“. Joseph Angelus de jejunio
 q. 9. art. 2. dub. 4. „ In collatione
 „ ferotina non illa sumantur, quæ per
 „ se ad nutriendum ordinantur, quales
 „ cibi sunt pisces, ova &c. nam in his
 „ quamquam similis quantitas non vio-
 „ laret jejunium, ratione tamen quali-
 „ tatis violaret“. Petrus Ledesma in
 Summa Tract. 17. Tom. 2. cap. 2.
 Diff. 5. Concl. 4. „ Quisque sumere in
 „ collatione potest quartam partem pa-
 „ nis, tres aut quatuor oleas, & parum
 „ electuariorum, aut quid simile... Ne-
 „ queunt in collatione comedi ova,
 „ aut alia id genus, quæ manducan-
 „ tur in cœna“. Natalis Alex. de je-
 „ junio Reg. 12. „ Quod spectat ad qua-
 „ litatem ciborum, consuetudo inter
 „ pios observata pro regula sumi etiam
 „ potest; & cum modico panis fructus
 „ aliqui sumi, vel herbæ, aliquæ cibi
 „ leviores; non pisciculi etiam parvi,
 „ non legumina, non butyrum, non
 „ lac, non juscula ex amygdalarum
 „ cremore, aut leguminibus & similia“.
 Novissime idem docent Antoine, Cun-
 liati, & Boranga, ille quidem in Ap-
 pend. de Jejunio Eccles. quæst. 3. di-
 cens: „ Quoad qualitatem prohibentur
 „ si cibi, qui valde nutriunt, qualia
 „ sunt ova, pisces, legumina cocta...
 „ Nam cum lex jejunii unicam refe-
 „ ctionem permittat, inductaque sit
 „ consuetudine cœnula, in hac iis so-
 „ lum cibis licet uti, qui ipsa consue-
 „ tudine sunt approbati, quales sunt
 „ leviores, ut fructus & pro more re-
 „ gionis parum casei“. Quæ tamen
 postrema verba sunt corrigenda, cum
 caseo vesci & Bened. XIV. & Clemens
 XIII. expresse veterint. Alter vero
 Tr. 12. cap. 1. §. 1. num. 7. scribit:
 „ Ab ipsa (cœnula) juxta Doctores gra-

„ graves & probos excludendus est efus
 „ pifeium , & pulmentorum , & ubi
 „ conceditur indultum pro laſciviis ,
 „ excludendus eſt uſus overum , caſei ,
 „ & ſimilium , tum quia hujusmodi
 „ ſunt vere cibi ad nutriendum produ-
 „ ſti , tum quia eſt contra conſuetudi-
 „ nem timoratorum “. Tertius vero
 „ exſcribit verba Antoine : „ Quoad qua-
 „ litatem ciborum prohibentur cibi qui
 „ valde nutriunt , cujuſmodi ſunt ova ,
 „ piſces , legumina cocta , nam co-
 „ ctio reddit materiam nutritioni ap-
 „ tiorcm , ita ut corruptela ſit , ait
 „ Azorius , ſi ſumantur legumina &
 „ piſces “. Certa itaque , vera &
 „ ſola probabilis eſt habenda hæc doctri-
 „ na , cum in ea conveniant & benig-
 „ nioris & rigidioris doctrinæ Auctores
 „ tum veteres tum recentes . Quibus ad-
 „ di poteſt & doctrina Bened. XIV. in ſua
 „ ad Archiepiſcopum Compoſtellanum Epi-
 „ ſtola docentis : Illum eſſe uſurpandum
 „ a diſpenſatis in collatione cibum , qui-
 „ bus utuntur homines jejunantes recta me-
 „ tituloſa conſcientiæ , Porro manifeſte ap-
 „ parer ; hujusce generis Chriſtianos ſibi
 „ religioni vertere in reſectiuncula come-
 „ dere cibos ad nutriendum ordinatos ,
 „ ſed tantum veſci xerophagiis , herbis ,
 „ fructibus &c.

V. Quoad quantitatem vero tanquam
 certam ſtatuo S. Thom. doctrinam hic
 art. 6. ad 2. , quod quantitas cibi non
 poteſt eadem omnibus taxari propter
 diverſas corporum complexiones ; attam-
 en cum non agatur de corpore nutri-
 triendo , ſed leviter reſocillando , parva
 & tenuis ſit oportet cibi quantitas in
 reſectiuncula ſumenda . S. Carolus cam
 ad unciam cum dimidio coarctavit ,
 ſtatuens : *Semel tantum in die poſt me-*

vidiem. cibum capiant . Quod ſi ali-
quid alicui amplius opus erit , veſperi
panis unciam cum dimidia , & vini pocu-
lum tantum capere liceat . Idem ſentit
& Jacobus de Graſſiis , qui tamen ali-
quantulum S. Caroli rigorem tempera-
vit ſcribens 1.º P. Decif. lib. 2. cap.
36. n. 25. Diſta collatio fieri poteſt ,
vel parum fructuum , vel ſcicum , vel pa-
nis folius v. g. duarum unciarum , vel
utriuſque , juxta morem regionis ſumendo .
 Rigida nimium fortassis videri poterit
 hæc doctrina ; at certe laxæ ſunt oppo-
 ſitæ plurium Probabiliſtarum ſententiæ
 docentium , ſeptem vel octo uncias
 cibi ſumi poſſe in veſpertina collatio-
 ne , quam doctrinam omnibus placere
 & gratam eſſe lætabundus gloriatur
 Diana ſcribens : *Cum quantitatem unci-*
arum octo in diſta cellatione licitam eſſe
ſtatutum ſit , in hoc puncto non multos
habebimus adverſarios , quia talem quan-
titatem ab omnibus cum acclamatione &
bracchiis expaſſis ſuſtinendam eſſe video .
 Cui laxitati aliam addit Jo. Henriquez
 ab eodem Diana citatus , qui animad-
 vertit , licere octo uncias ſumere ex
 cibis aridis , ſed ex humentibus etiam
 duodecim uncias concedit , ſcribens :
 „ Octo unciarum quantitas pro reſe-
 „ ctiuncula non intelligenda eſt de ci-
 „ bis humidioribus , puta avis , prunis
 „ recentibus , & ſimilibus , quando-
 „ quidem duodecim harum rerum hu-
 „ midarum unciæ æquivalent octo un-
 „ ciis fructuum exſiccatorum , capro-
 „ pter major humidi quantitas æqui-
 „ valet minori quantitati rei exſiccatae .
 „ Quod ſi hiſce octo unciis alias binas
 „ addas , non ſtatim peccati lethaliſ
 „ reus eris habendus , ſed tantum ve-
 „ nialis , ut docet Paſqualigus Decif.

„ 107. citans Thomam Sanchez uni-
 „ versum statuentem, quod licet ali-
 „ quantulo major justo sit collatio,
 „ non statim est peccatum mortale,
 „ nisi sit notabilis excessus“. Sunt &
 „ benigniores Theologi, qui quartam
 „ cœnæ partem in vespertina collatiuncu-
 „ lula sumi posse concedunt, quam do-
 „ ctinam Fillucius asserit in celebri
 „ Theologorum Academia adprobata
 „ fuisse; & Segnerius in sua Confessarii
 „ Instructione tanquam probabilem, &
 „ in praxi servandam tradidit. Hujus
 „ doctrinæ non aliam asserit probationem,
 „ nisi quia in ceteris rebus quarta pars
 „ censetur modica, ut in omissione Missæ,
 „ horæ Canonice, & in ipso jure quarta
 „ pars modica reputatur. Ab istis igitur
 „ laxitatibus recedendo, & nimium emol-
 „ liendo rigorem, censuram communiter
 „ quatuor uncias non quidem solius panis,
 „ quippe qui nimium nutrit, sed
 „ partim panis, partim fructuum, her-
 „ barum, siccum, an ygdalarum, alio-
 „ rumque sive aridorum, sive humidorum
 „ fructuum sumi posse in ferotina colla-
 „ tiuncula, & mevor auctoritate bene-
 „ dicti XIV. statuentis, collatiunculam
 „ esse dirigendam juxta vires rectæ &
 „ meticulosæ conscientiæ. Porro, ut re-
 „ statur Molfæus in Summa tract. 10.
 „ viri timorati non excedunt tres vel qua-
 „ tuor uncias. Et sane hæc quantitas sal-
 „ tem in pluribus sufficit & ad refocillan-
 „ dum corpus, ad somnum concilian-
 „ dem, & jejunii rigorem non multum
 „ emollit. Quid quod & Paulus Zachias
 „ Romanus Medicus confirmat lib. 5. tit.
 „ 1. qu. 9. n. 10: „ Quantitas cibi in
 „ jemsaculo assumendi ne jejunium
 „ frangatur tam respiciat sicut, quam
 „ tenui, & consuetudinis restringenda
 „ est ad modicum quid, quod uncias
 „ duas, aut tres ad summum non

„ peccantur“. Quod si quis aliqua
 „ peculiari de causa majori indiget cibo,
 „ prius consulat & deum Confessarium,
 „ ejusque sententiæ acquiescat.

CAPUT DUODECIMUM.

CONSECTARIA PRÆCEDENTES
DOCTRINÆ.

- I. *Falsa Probabilistarum doctrina refel-
litur.*
- II. *Num licitus in ferotina collatiuncula
usus piscium.*
- III. *Num cibi cocti concedendi.*
- IV. *Num amplior rejectio in sero sit ali-
quibus Personarum cœtibus indu-
genda.*
- V. *Num aliis titulis augeri possit colla-
tatio.*

CONSECTARIUM PRIMUM.

I. **F**ALSA & laxa est doctrina pla-
 rium Probabilistarum docentium
 in ferotina collatiuncula qualitate cib-
 erum nullam esse habendam rationem.
 Ita docet Bonacino disp. ult. punct. 3.
 n. 3. scribens: „ Observa tamen in re-
 „ cenda refectiuncula non ea stricte
 „ prohiberi cibi qualitates, sicut inre-
 „ dicuntur quantitas. Quamvis enim com-
 „ muniore usu receptum sit, ut in re-
 „ cenda refectiuncula si fumantur cibi,
 „ quibus in die jejunii vescimur ante
 „ vel post prandium, ut sunt uvæ,
 „ nuges, poma, vel alia ex saccharo,
 „ aut melle confecta, licite tamen po-
 „ test sumi jusciculum, modo non sit ex
 „ coctis cibis, qui tempore jejunii in-
 „ terdicuntur. Potest etiam comedi pi-
 „ sciculus aut exigua pars piscis ma-
 „ joris, immo multæ aliæ res in eadem
 „ refectiuncula degustari possunt“. Sed
 „ laxius Sporerius scribit Append. ad 3.
 „ Præcept. Decal. sect. 2. n. 32. „ Spe-
 „ data

„ *stat moderna consuetudine, præ-*
 „ *sertim in nostra Germania: jam diu*
 „ *tolerata, & plane invalescente cen-*
 „ *seo non tam omnia prædicta licitissi-*
 „ *me absumi in collatione, sed etiam*
 „ *omnino probabilem & tutam esse*
 „ *sententiam oppositam, nimirum in*
 „ *collatione vespertina jejunii non esse*
 „ *attendendam qualitatem ciborum, sed*
 „ *quantitatem tantum, adeo ut ex om-*
 „ *nibus cibis, qui in die jejunii licite*
 „ *possunt sumi in prandio, etiam pisces,*
 „ *leguminibus, placentis, ovis, la-*
 „ *cticiniis &c. in quantitate modica &*
 „ *determinata, etiam licere sumere in*
 „ *cena.* “. In confirmationem hujus
 „ *sus doctrinæ fundatæ in moderna consue-*
 „ *tudine, & invalescente citat Cajetanum,*
 „ *qui floruit duobus seculis prius quam*
 „ *scriberet Sporerius, proinde falso, licet*
 „ *scribar Cajetanus in Sum. V. Jeju-*
 „ *nium cap. 1. Non referre quid quis in*
 „ *serotino jentaculo sumat, si modum non*
 „ *excedat, cum solum hic Auctor loqua-*
 „ *tur de controversia suo tempore vigen-*
 „ *te, num videlicet in collatione vesp-*
 „ *pertina liceret panem gustare, vel solum*
 „ *fructus, & herbas, aliquibus has*
 „ *posteriores concedentibus, priorem neg-*
 „ *antibus; at Cajetanus censet, & fru-*
 „ *ctus & herbas, & etiam panem sumi*
 „ *posse, dummodo modum non excedas;*
 „ *& ad hoc disiguntur laudata verba.*
 „ *Non referre quid quis in serotino jentaculo*
 „ *sumat.* Citat etiam Marchantium scri-
 „ *bentem: „ Respondeo in collatione vesp-*
 „ *pertina de qualitate cibi non esse*
 „ *altercandum, sed de quantitate*
 „ *dumtaxat, fundor, quia collatione,*
 „ *la illa tolerata vel permessa est ad*
 „ *aliquam confortationem naturæ pro-*
 „ *pter infirmitatem humanam, quid*
 „ *igitur refert, quo cibo confortatio*
 „ *stat modo non excedatur, & cibis*

„ *abstinentiæ jejunii sit accommodatus*
 „ *. . . ideo censio qualiterque cibi*
 „ *(modo ex prohibitis in diebus jeju-*
 „ *niorum non sit) collationem non vi-*
 „ *tiare, si in quantitate non exceda-*
 „ *tur.* “. At quam falsa sit hæc doctri-
 „ *na Sporerii, & aliorum, patet mani-*
 „ *feste tum ex iis, quæ diximus cap.*
 „ *præced., tum ex falsitate rationum a*
 „ *Sporerio adductarum. Nam 1. falso ci-*
 „ *tat Cajetanum, ut diximus, 2. Falsa*
 „ *citat Bonacinam, qui minime in col-*
 „ *latione ova concedit, & de cujus*
 „ *doctrina sic scribit Diana præter mo-*
 „ *rem irascens in Auctores benignioris*
 „ *sententiæ. „ Scripti hæc ad compri-*
 „ *mendam audaciam aliquorum, qui*
 „ *ex auctoritate Bonacinæ contrariam*
 „ *sententiam in praxi consulere audent,*
 „ *quæ quidem sententia non est proba-*
 „ *bilis, sed falsa, quia est destituta*
 „ *rationibus; & est contra communem,*
 „ *ut visum est.* “. Consuetudinem mo-
 „ *dernam & invalescentem adducit, de*
 „ *qua consuetudine vel ipse est testis, vel*
 „ *Auctor; si testis, falsum est ejus testi-*
 „ *monium, nam hanc consuetudinem ne-*
 „ *gat Laymanus & ipse Germanus & pro-*
 „ *pior Cajetano ætati Sporerii, qui ex*
 „ *Azorio scribit: „ Corruptelam esse, si*
 „ *ii cibi sumantur, qui potissimum ad*
 „ *nutriendum valent, qualia sunt legu-*
 „ *mina & pisces.* “. Quamobrem de ipso
 „ *conqueritur Sporerius scribens: „ Minor*
 „ *P. Paulum Layman alias tam bonum*
 „ *Germanum in hac sola materia Pa-*
 „ *trioris suis fuisse tam auctorem.* “.
 „ *Sed nihil profuit Sporerii querimoniæ,*
 „ *nam ex Laymano certo constat, nec*
 „ *justam consuetudinem in Germania*
 „ *viguisse, & ejus doctrinam tanquam*
 „ *corruptelam inducentem, esse a Lay-*
 „ *mano rejectam. 3. Citat Marchantium*
 „ *pariter Germanum, qui de consuetu-*
 „ *dine*

dine verbum non habens solum *fundatur* in falsa ratione; nam certum est, semper in Ecclesia Dei viguisse consuetudinem, ut delectio ciborum adhiberetur in serotina collatione, nec sumeretur in ea cibi ad nutritionem ordinati, ut testatur Fagundez de Præc. Eccl. tract. 4. lib. 1. cap. 4. num. 18. scribens: „ Consuetudine ubique receptum „ est, ut in refectiuncula soli fructus „ cum modico panis capiantur. Et si „ aliqui nonnihil piscis adhibere sole- „ ant, id quidem per corruptelam fa- „ ciunt, non per consuetudinem legiti- „ mam; communis enim consuetudo est, „ ut fructus modici modicum panis ad- „ hibeatur“. Vel denique Sporterius laudatæ consuetudinis est Auctor, & ejus auctoritatem rejicimus, dicimusque, ipsum posse quidem corruptelam benigne defendere, at in legitimam consuetudinem mutare omnino non posse. Et revera si liceret in serotina collatiuncula octo uncias solidioris cibi sumere, profecto refectiuncula in cœnam mutaretur: pauci enim sunt præsertim ex plebe & populo, qui in cœna dimidia libra solidioris cibi, seu uncias sex cum duabus panis uncias contenti non sint.

CONSECTARIUM SECUNDUM.

II. Licitus non est in serotina collatiuncula esus piscium parvorum & recentium, nec portionis piscium majorum ad mensuram jejunii, immo nec tutum, nec certum est, licere vesci pisciculis vel sale, vel fumo exsiccatis. Huic doctrinæ adversantur non Probabilistæ solum, sed & nonnulli Probabilioristæ etiam ex illorum numero, qui adversus laxitatem & Christianæ Ethicæ corruptelam declamant, ejusmodi est Millante, qui Exercit. 23. in proposit.

Patuzzi Theol. Mor. Tom. V.

damnatæ ab Alex. VII. querit, num in serotina refectiuncula parvi pisciculi, sique recentes, & minimo sale conditi possint indulgeri, respondet: „ Nec „ scrupulosus quidem Theologus infir- „ ciari audeat, præsertim quia & viri „ prudentes & docti, immo & Regu- „ larium Communitates eisdem vesci „ etiam in antepaschali jejuniis consue- „ verunt“. Et postea addit: „ Ut in- „ genue meam hac in re proferam sen- „ tentiam, attenta præfenti disciplina „ sint ullo scrupulo posse etiam magnæ „ pisces in eadem quantitate permitti „ existimo . . . Unde sicut hodie in „ prandio licet grandes pisces comedere, „ re, licet pariter in cœnula cum de- „ bito moderamine manducare“. At laxitatem hujus doctrinæ ostendunt & benigniores Probabilistæ Diana, & Leander, cujus verba superius attulimus, & ipsa naturalis ratio ostendit; in jejuniis enim non nisi unica conceditur ad nutritionem comestio, non sunt igitur in cœnula concessi cibi ad nutriendum ordinati, in quorum numero profecto recententur pisces recentes tum parvum tum magni, & declaravit Pontifex Bened. XIV. cum jussit, in collatiuncula iis tantum utendum cibis, quibus vescuntur viri rectæ meticulousæ conscientiæ. At, inquit Millante, pisces saltem parvi sumuntur in refectiuncula etiam a Regularium Communitatibus. Verum hoc in nostra præsertim Italia falsum omnino puto, & certe, ut ipse fatetur, in Religionibus reformatis, quæ æmulantur charismata meliora, non nisi xerophagia in serotina collatione sumuntur: quo igitur privilegio Religiones non reformatæ, nec meliora charismata æmulari tenentur, & piscibus vesci possunt? hoc ne concedit Regula? At quis hoc dicit?

X x x

An

An licebit in ejusdem Religionis domibus, in aliis quidem vesci piscibus, in aliis vero sola xerophagia uti? Non immerito itaque Ghezius in suis Dialogis de quodam rigidioris Probabiliorista lepide narrat, in vespertina collatiuncula ruri apud Nobilem habita non levem Storionis portionem liguisse, cum Theologus iste Probabiliorista & rigidioris Moralis vindex sex uncias cum duobus panis concedat, scribit enim, *ut igitur cœnula ista innoxia sit, debet esse modica, ita ut nimirum octo unciarum pondus baud excedat quantitas illa, quæ pro refectiōe sumitur ita quidem universi qua pietate, qua doctrina pollentes docent & ad praxim reducant; immo addit, si hi viri pietate & doctrina pollentes sint robustioris habitus, & majori indigeant cibo, sex uncias Storionis binas alias Trutæ, Cyprini, Rhombi addere possunt, subdit siquidem, dixi ordinariæ, quia juxta ex causa poterit esse majoris ponderis, quando videlicet aliquis magis eget nutrimento; quasi cœnula instituta sit non ad aliqualem refocillationem, sed ad nutritionem. Profecto, hæc a Theologo Probabilistarum laxitates deplorante, detestante, & corrigente, monstrata videntur, & portenta. Quoad alteram vero partem doctrinæ, quæ pisces concedit fumo siccatis, vel sale & aceto maceratis, eam improbant certe etiam benigniores Casuistæ. Leander tr. 5. dist. 4. q. 42. scribit: „An saltem liceat in collatione uti pisciculis fumo siccatis, atque conditis
 „... ut mihi certum respondeo non
 „posse, quia & ratio, & usus virorum
 „prudentialis & timoræ conscientie
 „ad contrarium tenendum urget, ut
 „constat, cum sit omnino contrarius.“
 Salmanticenses tract. 24. cap. 2. punct. 3. num. 8. scribunt: „Communis sen-*

„tentia docet, non esse materiam
 „collationis pisciculos parvos, five recen-
 „tes sint, five fumo siccatis, quia
 „cum collatio serotina consuetudine
 „et introducta, etiam consuetudini
 „standum est circa cibos, qui ejus
 „materiam esse possunt; sed nullibi
 „est consuetudo introducta sumendi in
 „ea pisciculos parvulos, ut testantur
 „Villalobos, Azorius, Palao, Fa-
 „gundez, Diana, ergo eos fumere
 „non licet. Uterius pisces ex se or-
 „dinati sunt ad nutriendum, & su-
 „stantandam naturam, ergo eis non
 „licet uti in collatione serotina.“
 Ex qua ratione manifeste apparet, certum esse & exploratum, etiam penes benigniores Probabilistas, cœnulam non concedi ad nutritionem & sustentationem, sed ad meram refocillationem: quamobrem monstrum sit a rigidioris Probabiliorista concedi viris, qua doctrina, qua pietate pollentibus, & nutritione copiosiore indigentibus, non solum pisces parvos, & siccatos, vel saliros, sed & recentes, & magnos, & delicatiores usque ad quantitatem decem unciarum, & quidem ex hominæ disciplina, quod Summi Pontifices Bened. XIV., & Clemens XIII. non satis lacrymis deplendum dicunt, & ejus abusus deplorant, reprobant, & pro viribus corrigere student & emendare. Non auderem tamen lethalis peccati reum pronuntiare, qui aliquibus pisciculis, vel salitis, vel fumo exsiccatis, puta sardis, sardinis, sarachis, vel parte halæculæ, seu haringæ in collatiuncula velceretur, licet quoad qualitatem cibi leviter delinqueret, & facile foret ab hisce pisciculis exsiccatis vel salitis ad recentes gradum facere: quamobrem nec permittendi sunt cancri, ostræ cameronæ, vel conchæ
 live

sive rotundæ sive oblongæ sive striatæ, quia licet sint crustata, sunt tamen vere pisces recentes, qui non leviter nutriunt. In maritimis tamen litoribus, ubi incolis defunt fructus sive aridi, sive recentes illis permitti possunt titulo necessitatis, quæ legibus vix subijcitur.

CONECTARIUM TERTIUM.

III. Non conceduntur in collatiuncula cibi cocti præter olea & herbas, proinde non licet vesci pulmentis, & leguminibus, fabis, pisis, lente, cicere, orizis, nec pane cocto & oleo & sale condito, qui papparium dicitur, nisi infirmitatis, vel ætatis postulet necessitas. Nam certum & experientia compertum est, legumina hæc quam maxime nutrire, ut patet in rusticis & plebejis, qui hisce satiantur, & nutriuntur, addito solum pane vel ex tritico, vel ex aliis granis: jejunium autem quod de se nutritivum est in secunda refectioe recusat; & legumina cocta, ut optime animadvertunt Salmanticenses, *ibi sunt ad nutriendum ordinati*, & licet panem admittant, notant tamen præfati Auctores, ideo concedi, „ quia licet panis sit nutritivus, „ est tamen cibus communis, & necessarius, ut alii cibi & potus non officiant stomacho, & quod sine illo nec „ pisces nec carnes prodesse saluti. Nec inferas parum referre, num panis in se sumatur in cibum, vel aqua & sale & oleo conditus, dummodo quantitate non excedas, licere proinde de se & absolute papparium in refectiuncula comedere: nam licet hæc in se & physice spectata idem videantur, moraliter tamen, & in ordine ad nutritionem valde differunt; experientia enim constat, panem de se sumptum &

separatum longe minus nutrire ipso pauper iteratam coctionem & olei salis, & aquæ mixtionem composito, ut apparet in puellis & infantibus, qui ab uberibus amoti hujusmodi pappario mirifice aluntur, crescunt, pinguescunt; senili tamen ætati & languidiori stomacho in tenui quantitate concedi potest.

CONSECTARIUM QUARTUM.

IV. Non constat prudenter de consuetudine investæ abundantioris sumendæ collatiuncule in vigilia Nativitatis, & Sabbaro sancto. Inter recentiores Theologos plurimi censent, concessam abundantiorē comestionem in refectiunculis sumendis præfatis diebus, quibus & aliqui addunt feriam v. in Cœna Domini, privilegium Dominicæ Pentecostes, & S. Jo. Baptiste, in quibus duplo, vel etiam triplo majorem licitam dicunt cibi quantitatem, immo Sanchezius fructus & conservas concedit usque ad satietatem, quæ doctrina certe falsa est & rejicienda, omnem enim aufert jejunii observantiam, & eam rejiciunt jure Salmanticenses. Quod consuetudinem vero, quam jactant, eam non obtinere in vigiliis Resurrectionis & S. Jo. Baptiste, nec in feria v. in Cœna Domini apud Hispanos testantur Salmanticenses; in Italia certum est nondum investam. Solum aliqua potest esse suspicio hujus consuetudinis in pervigilio Nativitatis Domini, quam confirmare conantur Salmanticenses tum pluribus allatis testimoniis, tum exemplo Prælatorum, qui non solum vident & consentiunt, sed & ipsi in dicto pervigilio *Mensas instruunt opulentis collatiunculis fructuum, & rerum ex saccharo confectarum*, tum quia antiquitus omnes in Ecclesia ea nocte vigilabant, & divi-

nis Officiis intererant, tum ob excellentiam Fæti, in quo & carnes concedunt si feria vr. incidat. At hæc argumenta firma satis non videntur. Nam in Italiæ præcipuis urbibus potius viget consuetudo differendi refectiorem in vespertas, & sumendi collatiunculam circa meridiem, & in ipsa refectiuncula confectus modus servatur. Prælati vero non ideo abundantiores suppeditant esuriales cibos, ut abundantius invitati vescantur, sed ut ex pluribus rebus illa seligant, quæ sibi magis placeant, tum etiam ad honorem invitatis exhibendum. Præterea videndum, num hæc consuetudo sit, ad corruptela; si enim viros intueamur rectæ & meticulosæ conscientiæ, quos ad normam servandi jejunii exhibet Benedictus XIV. certe isti in præfatis diebus nihil amplius sibi permittunt, quam in cæteris per annum jejuniis. Quod vero antiquitus fideles ea nocte in Ecclesia vigiliis egerint, ut divinis interessent officiis, ostendit quidem tunc forte illis concedendam abundantiorē refectiunculam, ut laborem facilius tolerare possent, quod tamen certum est, minime fuisse concessum, ac modo sublati vigiliis cur remanere debet, seu potius inducenda est consuetudo largioris cibi; quando minus laboris habetur? Denique excellentia & lætitia solemnitatis ad ipsum diem restringitur, nec est ad pervigillum dilatanda, in quo fideles piis operibus & severiori jejunio, non abundantiori cibo se ad spirituales solemnitatis fructus percipiendos præparare debent. Quod si certo constet de legitima consuetudine alicubi forte inventa, liceret quidem abundantiori refectiuncula uti, ac non per hoc dicendum esset dispensatum absolute ea die jejunium ex illa consuetudine, ut in-

nuere videtur Concina, nam minime permittum esset pluries in dies vesci, & pluries refectiunculam sumere, ut animadvertunt Salmanticenses, doceantes, non licere in dicta nocte pluries facere collationem, nec (sumpto in meridie prandio) antequam adveniat nox.

CONSECTARIUM QUINTUM.

V. Nec Nobilitas, nec studiis vacatio, nec regionis temperies, sed frigiditas tituli sunt, qui de se abundantioris refectiunculæ usum concedant. Laymannus, Sporerius, Bonacina, alique plures Nobilibus, Lectoribus, causarum patronis, aliisque studiis vacantibus, necnon frigidiores regiones inclementibus abundantiorē concedunt collatiunculam, & hoc duplici titulo, nimirum invectæ consuetudinis, & delicatæ complexionis, sive studiosæ occupationis. Verum optime animadvertit Concina, hi tituli iustum nequeunt suppeditare titulum jejunii sanctum rigorem mitigandi. Nam nobilitas sicut a lege jejunii non eximit, ita nec a refectiunculæ rigore; immo cum nobiles & selectioribus & abundantioribus cibis in prandio vescantur, facilius jejunium tolerare possunt. Quod si delicatioris sint corporis habitus, adeo ut grave sentiant incommodum ex rigore jejunii, poterunt quidem arbitrio prudentis Confessarii, & Superioris illam mitigare; & hoc concedendum est etiam ignobilibus & plebeiis, quibus pares habendi sunt in lege jejunii observanda. Qui vero studiis vacant, vel aliis negotiis occupantur caput & mentem fatigantibus, & animalium spirituum dispendium patientibus, si revera notabile gravamen sentiant, ut de superioribus dicendum est, & æquandi sunt

artificibus, qui in operibus manualibus occupantur, quippe qui & fatigantur, & viribus præ labore deficiunt; quæmobrem pro utrisque eadem est adhibenda ratio & titulo non muneris, non officii, non artis, sed damni, gravamanis, valetudinis, dispensandi a severiore jejunio. Merito proinde inter falsas & improbables censeo rejiciendas doctrinas Leandri asserentis de studio additis: „ absolute probabilius, respondeo, posse ampliorem refectum, siunculum sumere etiam si continuo, studiis non vacent, dummodo certis horis, hoc est quinque vel sex studeant, etiam si id faciant recreationis gratia “. Et de ingenio laborantibus subdit, „ posse largiorem collationem facere affirmat Pasqualigus, casu tamen quo toto die ingenio laborant, sed ego absolute respondeo, „ posse etiam si tota die non laborent, sed per aliquas horas nempe per quinque aut sex “. Denique pro incolentibus frigidiores regiones optime observat Franzoja, eos quidem facilius cibos digerere, at qui calidiores habitant regiones magis languori esse obnoxios, & revera in calidioribus & temperatis regionibus facilius incolæ ferunt hyemalia jejunia, quam æstiva; sicut igitur isti ob dispendium spirituum longe abundantius in calidis regionibus quam in frigidis a rigore jejunii non solvuntur, ita nec illi ob faciliorem ciborum digestionem non sunt ab illo solvendi. Non est igitur admittenda lepidula quidem, sed imbecillis excusatio P. Patritii Sporer in Append. ad 3. Decal. Præcep. sect. 2. n. 26. dicentis Italis, vel aliarum Nationum Scriptotibus, qui laxam ejus opinionem refutant: „ Mittant illi Germanis tempore jejunii suum calidum cœlum, ci-

bum & vina pingua, fructus, & confecta &c. & jejunabim us cum illis “. Nam Germani sub rigido cœlo homines sunt stramiceæ, vitrei, imbecilles? Num cibis careant, quos ab aliis emendicare oporteat? Vini inopiam nonne facere sciunt cervisia non tenui sed forti, cremato, aliisque liquoribus? Vel potius dicendum est Germanos sub rigido cœlo nec concupiscentia urgeri, nec peccatis gravari, nec divina indigere clementia, unde jejunium minuire possint, & miras substatuere? Hæc attendant Germani Confessarii, & quid Pœnitentium salutis, obedientiæ Ecclesiasticis præceptis, & divinæ justitiæ conveniat, seligant, & inculcent.

CAPUT TERTIUMDECIMUM.

*De Personis lege jejunii solutis
vel obstrictis.*

D O C T R I N A.

- I. *Lex jejunii universalis est.*
- II. *Non tamen omni tempore obligat.*
- III. *Adolescentes aliquando etiam ante tertium septennium jejunio subjiciuntur.*
- IV. *Num senes sint a jejuniis onere soluti.*
- V. *Quando incipiat senectus a jejuniis excusans juxta Probabilitatem.*
- VI. *Quid dicendum de Advenis, Peregrinis, Vagis.*
- VII. *Advena legibus jejunii tenentur statim in loco ubi morantur.*
- VIII. *Quid de Peregrinis sentiendum.*
- IX. *Quid de vagantibus.*
- X. *Quanta debet esse mora in loco ut præceptis obligentur.*

I. **L**EX jejunii universalis est, omnesque baptizatos obstringit.
Quod

Quod enim S. Leo M. serm. 11. de Quadrag. dicit: *Maximum sacratissimumque jejunium, quod observantiam sui universis fidelibus sine exceptione denuntiat*, est & aliis jejniis aptandum, non sunt propterea ab hac Lege immunes Hæretici, qui proinde cum abjurata hæresi in sinum Ecclesiæ revertuntur, de contemptis violatisque jejniis & poenitere, & confiteri tenentur, quippe qui ratione suscepti Baptismatis Ecclesiæ legibus subjiciuntur, quod ab Infidelibus minime locum habet, cum nunquam ob Baptismi carentiam Ecclesiam Christi ingressi sint.

II. Non omnes tamen fideles statim ac vitæ vel usus rationis initium attingunt; hoc obligantur præcepto, sed ex communi etiam a pluribus seculis inuenta disciplina, invalescens ætas requiritur, quæ advenire censetur tertio septennio completo; nam ut observat, & docet S. Thom. hic a. 4. in corp. „ Statuta communia proponuntur, secundum quod multitudini conveniunt. „ Et ideo Legislator in eis statuendis „ attendit id, quod communiter habetur, & in pluribus accidit. Si quid „ autem ex speciali causa in aliquo „ inveniatur, quod observantiæ statuti repugnet, non intendit legislator ad „ statuti observantiam obligare“. Unde in resp. ad 2. subdit: „ In pueris „ maxime est evidens causa non jejunandi, tum propter debilitatem naturæ, ex qua provenit quod indigent „ frequenti cibo, & non multo simul „ assumpto; tum etiam quia indigent „ multo nutrimento propter necessitatem augmenti, quod sit de residuo „ alimenti. Et ideo quamdiu sunt in „ statu augmenti, quod est ut in pluribus usque ad finem tertii septennii, „ non tenentur ad Ecclesiastica jeju-

„ nia“. Ex quo inferitur & immunes esse a jejniis sive a Communitate, sive a Synodis, sive ab Episcopis, vel etiam ex immemorabili consuetudine inducis; si enim universali lege Jejunii ob ætatis defectum non subjiciuntur, multo minus particularibus statutis, & peculiaribus præceptis obnoxii erant.

III. Fieri tamen potest, ut aliquando sub præcepto jejunare cogantur. Es primo quidem lege naturali jejunii, quæ procul dubio obligat ariam independentem a positiva Ecclesiæ lege, ut superius cap. 1. ostendimus ex D. Th. 1. 1. art. 3. docente: „ Quia jejunium „ utile est ad deletionem & cohibitionem culpæ, & elevationem mentis „ ad spiritualia. Unusquisque ex naturalis ratione tenetur tantum jejniis „ uti, quantum sibi necessarium est ad „ prædicta“. Quamobrem ad hoc attendant oportet Confessarii circa adulescentes, qui tertio septennio concupiscentiæ moribus vexantur, quibus etiam ita consentiunt, ut libidinosum induant habitum, quo per totam vitam non spoliuntur; cogendi enim sunt jejniis insolescentem & recalcitrantem concupiscentiam cohibere, & de commissis criminibus corporis castigatione Deo satisfacere. Immo addo, valde probabilem esse D. Th. sententiam, adulescentes tertio decurrente septennio, sin ad jejunandum singulis Quadragesimæ diebus tenentur, per aliquos saltem in hebdomada dies jejunare debere, scribit itaque IV. Sent. dist. 15. q. 3. ar. 2. quæstiuncula 3. „ Tempus augmenti „ secundum Philosophum est usque ad „ finem tertii septennii, ut in pluribus „ quia res naturales non currunt semper eodem modo, sed ut frequenter, & ideo ante hoc tempus non „ arceantur pueri ad omnia jejunia Eccle-

„cleſiæ ſervanda. Sed quia quanto ad
 „terminum prædictum appropinquant,
 „tanto virtus naturæ magis roboratur,
 „& augmentum tardius procedit (cum
 „in primis quinque annis perveniat
 „puer ad medietatem totius augmen-
 „ti, ut Philoſophus dicit) & ideo
 „ſecundum quod magis adpropinquant
 „ad prædictum terminum, ſunt eis
 „jejunia magis commenſuranda“. Et in Sum. laud art. 4. ad 2. addit :
 „Conveniens eſt ut etiam in hoc tem-
 „pore ſe ad jejunandum exerceant
 „plus vel minus ſecundum modum
 „ſuæ ætatis“. Quomobrem dum Pa-
 „rentes, Parochi, Conſeſſarii adole-
 „ſcentibus indicant, eccleſiaſtici jejunii
 „præcepto non urgeri ante tertium com-
 „pletum ſeptennium, illos tamen ad-
 „monere debent de neceſſitate aliquoties
 „jejunandi, tum ad concupiſcentiam
 „frenandam, tum ad Deo ſatiſfacien-
 „dum, tum denique ut jejunio aſſueti
 „minus laboris experiantur, quando ur-
 „gente præcepto jejunare obſtringentur.
 „Parentes præſertim pueros ad jejunium
 „provocent tum exemplo, tumhorta-
 „tione illis ſuadendo; ut in omnibus
 „ſeriis ſextis in honorem Paſſionis Chri-
 „ſti, vel ſabbatis in honorem Virginis
 „jejunent, ſin perfectio jejunio, ſaltem
 „abſtinentia a jentaculo ſive matutino;
 „ſive pomeridiano, & cenæ aliquid ſub-
 „trahendo, memores S. Baſilii moniti :
 „*pueri veluti planta virides jejunii aqua*
 „*irrigentur.* 2. Præterea, licet, ut dixi-
 „mus, peculiariſſe Diaceſum vel Civi-
 „tatum jejunia non obſtringantur, con-
 „tingere tamen poteſt, ut ſcribit S. Th.
 „l. a. 4. „ut magna tribulatione im-
 „minente, in ſignum poenitentiae ar-
 „ctioris etiam pueris jejunia indican-
 „tur : ſicut etiam de jumentis legi-
 „tur Jonæ 3. v. 7. *homines, & jumenta*
 „*non guſtant quidquam, nec aquam bi-*

„bant“. Et hoc urgente præcepto
 „jejunio obſtricti ſient. 3. Si voluntario
 „ex voto jejunia aliqua ſibi aſſument,
 „reddere debebunt Domino vota ſua,
 „quæ diſtinxerunt labia ſua. 4. Si ali-
 „cui ſint regulari Ordini addiſti, in quo
 „peculiaria ſint indiſta jejunia, ea cu-
 „ſtodienda ab ipsis erunt juxta modum
 „a regula conſtitutum. Non deſunt Theo-
 „logi, qui huic adverſantur doctrinæ,
 „qui tamen audiendi non ſunt, nec eor-
 „um oppoſita ſententia probabilis di-
 „cenda, licet eam ceu probabilem di-
 „vendat P. Viva; nam ſicut quilibet ſe
 „poteſt voto obligare ad aliqua ſervanda
 „jejunia ſub gravi culpa, quod nemo
 „inſiciatur, ita poteſt Regulam proſi-
 „teri ſponte & ex animo, quæ aliqua
 „ſub gravi jejunia præcipiat, quæ ſer-
 „vare oportebit. Hinc ſequitur, tunc
 „teneri etiam ad ipſa Eccleſiæ univerſa-
 „lia implenda jejunia, ſi horum cuſtodia
 „ab ipſa regula præcipiatur ſub modo ta-
 „men ab ipſa conſtituto, ſcilicet ſub letha-
 „lis peccati onere, ſi ita obſtringant, ut
 „in Regula S. Franciſci, vel ſolum ſub
 „veniali, ut in Regula Carmelitanum,
 „vel denique ſolum ſub pœna, ut in
 „Ordine Prædicatorum. Denique, licet
 „adoſcentes ſint a lege jejunii immu-
 „nes quantum ad unicam reſeſionem
 „ſervandam, ſunt tamen illi obnoxii
 „quoad abſtinentiam a carnibus, ut ſu-
 „perius diximus cap. 3.

IV. Sicut certum habetur tempus,
 „quo incipit jejunii onus, non ita tamen
 „certum habetur & determinatum, quo
 „ejuſ deſinat obligatio. Recentiores
 „Theologi duobus ab hinc ſeculis ſcri-
 „bentes tanquam certum, exploratum-
 „que & communiter receptum penes
 „Morales Theologos ſtatuant, ſenes a
 „jejunio eſſe ſolutos, & ſolum diſputant,
 „quando ſeneſcus incipiat. Suæ aſſer-
 „tionis

tionis hæc sunt momenta a Salmanticensibus adducta. 1. Teste Tullio de Senect. *Senectus ipsa est morbus*. Morbus autem procul dubio excusat, ergo & senectus. 2. Senes infrequenti cibo indigent ad vires sustentandas, & simul multum cibi in una refectioe sumere non valent, cum ob deficientiam caloris digerere ut oportet non valeant, multiplicare igitur coguntur refectioes quomobrem sunt a jejuniis dispensati. 3. Communem afferunt Theologorum consensum, quorum testimonia non citant, nec afferunt utpote & plurima & explorata. Verum hæc argumenta nec probabilem eorum opinionem efficiunt. Nam 1. senectutem morbum esse dixit Cicero decem & octo ab hinc seculis, non est igitur morbus recentior indutus & postremis mundi senescentis seculis tribuendus, & tamen per quindecim secula nec Patres, nec Concilia, nec Pontifices senes a jejuniis dispensatos ob senectutis morbum agnoverunt, immo senibus (alebant S. Basilus) *consuetudo & familiaritas jejunii levem facit laborem*. Et August. serm. Ambrosio tribuit de Sancta Quadr. 7. senes in exemplum jejunii juvenibus proponebat: scribens: *Pudet dicere, senes & ancila Quadragesimam faciunt, juvenes, & juvenula non faciunt*. De postremis autem seculis 14. & 15. prædicabat S. Vincentius Ferrerius serm. 1. ser. IV. Cin. *Senes octoginta annorum, vel amplius, qui semel bene possunt comedere, non excusantur, quia ipsi (non jejunaudo) peccant mortaliter*. S. Antonius idem sentit scribens part. 2. tit. 6. cap. 2. §. 6. *Ratione autem senectutis tantum non excusantur, si sint fortes ad sufferendum jejunium, nec est determinata ætas ab aliquo usque ad quos annos quisque teneatur jejunare*: & seculo 16. Cardinalis Xi-

menes de Hispaniorum Regnis optime meritis, & ob egregia facinora omni laude merito ornandus, licet septuagenarius nec se dispensatum a jejuniis censuit, nec dispensationem a Leone X. petere ausus est; nec revera dispensatum censuit laudatus Pontifex, qui ultro tamen & motu proprio dispensationem concessit. Diploma dispensationis habetur apud Raynal. ad annum 1515. n. 105. Sit itaque morbus senectus ipsa est tamen morbus, quem omnes incurtere desiderant, & quem diutius perseverare volunt, qui cum robustiori sanitate consistit, proinde a jejuniis lege de se minime liberat. Ad alterum argumentum dico, quomodo sint senes curandi ad Theologos desinere vel statueri minime pertinet. Sicut enim Hippocrates & Galenus de jejuniis servandia nunquam tractarunt, ita nec SS. Patres, nec Theologi de cibis, vel eorum qualitate, seu quantitate a senibus sumenda disputarunt. Inspiciendum est igitur quid de senibus doceant peritiores Archiatri. Hi profecto semper docuerunt sobrietatem, ciborum parcitatem omnibus quidem esse salubrem, sed præsertim senibus maxime necessariam. Unum tantum afferam, qui rem accurate pertrahat, & Theologos ultra crepidam differentes simul confutat & deridet. Hic est Hequetius pluries a me laudatus, qui postquam part. 2. cap. 15. argumentis ex physica & arte medica ostendit, senibus pariori cibo opus esse, & solum ex abundantiori sumptione morbos & egrotulines ipsos incurtere, sic de Casuistis concludit, cujus verba gallica sic fideliter latina reddo: *Quia fiducia igitur Casuistæ sexagenariam ætatem tanquam terminum statuunt jejunii, cum clare ostenderit, senectutem & cum*

pet-

„fecta sanitate sociari posse, & vires
 „admittere ad jejunium plusquam ido-
 „neas? S. Thomas de senibus nihil
 „definit, & suo silentio consulto
 „adhibito satis offendit, hanc opinio-
 „nem sibi minime placere. Hippocra-
 „tes non aliis certe minus, in robore,
 „sanitate, & valetudine dijudicandis
 „peritus & doctus, aliter plane sen-
 „tiebat ab hodiernis Casuistis; pro com-
 „pento enim habebat jejunium senibus
 „esse opportunum, & facilius ab ipsis
 „quam a junioribus tolerari. Verita-
 „tem hujus doctrinæ confirmat experi-
 „entia. Navarrus enim de se testatur
 „octuagesimum annum agente: *perinde pos-
 „sum jejunare ac cumagerem sexagesimum,
 „immo et quinquagesimum*. Confirmat
 „Pontasius Casu 18. dicens: *Idem de no-
 „bis affirmare possumus, qui octuagesimum
 „septimum ætatis nostræ mense Januarii
 „anni 1715. attigimus*. Concina hæc ha-
 „bet: *dum hæc scribo, sexagesimum æ-
 „num ago, et feliciter jejunium nunc, quam
 „ætate triginta, vel quadraginta annorum
 „obseruo*. In hac Religiosa qua vtor
 „Communitate, cujus minima & virior
 „pars sum, & sexagesimum secundum
 „ætatis meæ a quatuor mensibus decur-
 „ro, decem sunt Religiosi, quorum alii
 „mihi supiores, alii provectiores, alii
 „qui septuagesimum sunt prætergressi,
 „nonnulli octuagesimo proximi, & ta-
 „men omnes Deo adjuvante omnia Ec-
 „clesiæ jejunia sancte custodimus: plu-
 „res etiam novi seculares sexagenarios &
 „supra, qui jejunium servant: opposita
 „igitur sententia nec probabilis est di-
 „cenda. Testimonia vero Theologorum
 „a Salmanticensibus citata tanti non
 „sunt ponderis, ut nec cum præceden-
 „tibus Theologia sint conferenda, qui,
 „ut testatur Diana, sunt penes omnes,
 „qui ante ipsam scripserunt, nam no-

Patuzzi Theol. Moral. Tom. V.

nam opinionem de senum immunita-
 „te a jejunio tueri volens sic scribit.
*Cum paucis Commilitonibus adversus plu-
 „res hujus militia fortissimos duces aggre-
 „dior pugnam, quæ tamen illi felicitet
 „non cessit; licet enim ausus sit mani-
 „pulus Commilitonum Dianæ contra
 „agmen antiquorum Theologorum, sub-
 „sequentes tamen adhuc pro vera doctri-
 „na Theologi plurimi steterunt etiam ex
 „Probabilistis, quos enumerat Concina
 „Dist. 2. cap. 14. n. 9. quibus ex re-
 „centioribus addo Lucium Ferrarium,
 „qui licet pyrrhonistam plerumque agat,
 „sic tamen concludit V. Jejunium art. 2.
 „n. 16. ». At valde mirum quod difficile
 „habeatur ætas immunis a peccatis,
 „& quod de facili inveniat ætas im-
 „potens ad onera præceptorum susti-
 „nenda, quisque igitur sibi caveat,
 „ne se ipsum in fraudem æternitatis
 „sua decipiat, dum facile est decipi
 „ubi credere dulce est. B. sombea
 „cap. 4. art. 6. Borangam cap. 3. §. 3.
 „Cuniliati cap. 1. n. 3. Franzosam Ani-
 „mad. 14. in cap. 3. Basembau; Varolo
 „lib. 1. de Temperantia cap. 4. n. 3.*

V. Semel constituta a Probabilistis
 „doctrina de senectute a jejunio excu-
 „sante, inquirunt quando senectus inci-
 „piat, & proinde a jejunio liberet. Leo-
 „nardus Lessius, aliquibus adductis Theo-
 „logorum & Medicorum testimoniis, ani-
 „madvertit in aliquibus senectutem inci-
 „pere anno 50. in aliis 45. in aliis 40. in
 „nonnullis denique etiam 30. de quibus ta-
 „men scribit: *puto paucos excusari anno 30. vel
 „40. ab senium*. Sunt igitur aliqui licet pauci
 „jam senes trigesimo anno, ea propter a
 „jejunio soluti, præpropterea profecto se-
 „nectus & inaudita; si enim quis trigesi-
 „mo anno debilis sit, valetudinarius,
 „delicatißimi habitus, infirmus quidem
 „audit, at nunquam senex, immo ho-

Y y y

minis miseretur, qui in florenti aetate & juventute tanta premitur debilitate; at saltem hoc consequetur beneficium, ut tardius lege jejunii ligetur, & citissime solvatur; & solo novennio totum jejunii cursum compleverit. Alii vetam senectutem a jejuniis liberantem anno 55. alligant in masculis, at feminas jam senes declarant anno 50. proinde *neque* speculative, sed & practice a lege jejunii solvendas; & quidem hac, si superis placeat, validissima ratione, quia senectus, ut communis fatetur sententia, post quinquagesimum annum nullo modo possunt generare ob defectum virtutis naturalis. Communiter Probabilitas senectutem anno 60. advenire censent, proinde sexagenarios omnes licet sanos, benevalentes, robustiores omnino a lege jejunii liberant, nulla facta distinctione inter mares & feminas, quia sicut patres sunt in contrahendo onere jejunandi completo tertio septennio, ita pares faciunt in exemptione a jejuniis sexagesimo anno. Verum unde tanta fiducia in definiendo termino legis jejunii? Duplex ex fonte, inquit, ratione & auctoritate. Ratione quidem quia expedit legis obligationem ita esse definitam, ut sciatur quoniam ea comprehendantur vel non, nec una ex parte facile humana negligentia, ex altera vero nimia sollicitudo, & anxietas oriatur; ergo sicut certa aetas definita est antequam jejunii lege non obligentur, ita etiam sane senibus definienda erat altera, post quam non obligentur, idque certe potiori ratione, cum majus sit periculum deficientis in senectute, quam in juventute. At cur praestituta aetas 60. annorum? Quia, reponunt, tunc crebra indigent homines sustentatione; & vires humanae maxime deficient. Sed si senes sexagenarii & se-

ptuagenarii benevalentes sint, robusti, fortes? Parum refert, reponunt, nam robur suum est illusum, & ambiguum; & licet aliqui ultra eam aetatem robusti, & ad jejunium habiles reperiantur, nihilominus pia Mater Ecclesia intendit obligare secundum communem cursum roboris & deficientie humane. Auctoritate vero confirmant; quia, inquit, S. Pius V. vivae vocis oraculo anno 1570. declaravit, senes sexagenarios esse a lege jejunii solutos. Verum haec nimium imbecilla sunt argumenta, ut falsam, improbabilem, laxam, & scandalis plenam opinionem fulciant. Definenda est, inquit, obligatio legis. Utique, & definita est, scilicet quando vita durat, & vires ad jejunandum suppetunt. At assignandum est, inquit, certum statutumque tempus obligationis. Sit ut lubet; at a quo praesigendus? A Theologis, a Casuistis? Non certe. Ab Ecclesia igitur; sed nullo decreto, nulla lege, nulla consuetudine statutum declaratumque est; sexagenarios jejunii lege esse solutos. Quis igitur, quod Ecclesia definire, statuerenoluit, decerneret auderet? Oraculum vero vivae vocis ab obscurissimo Auctore Llamas productum nullo fulcitur fundamento. Unde enim illud Summista Llamas excepit? Num ipsi in aurem insusuravit S. Pius V.? num ab aliis audivit? Non primum certe, quod credere ineptire esset; non secundum, nam nullus alius sive Summista sive Theologus reperitur, qui illas praeterquam a Llamas adductum audierit, immo & ipse nullum alium proferit testimonium praeter seipsum, unde merito dicere illi possetur, testimonium tuum non est verum. Theologum itaque christianum & pium tam publice falsitatis

guis & impostura? Non arguo solum & accuso, sed & convincto; nam hic ipsissimus Auctor part. 3. Metho. cap. 5. effronti audacia pronuntiat, S. Pium V., Gregor. XIII., Sixtum V. aliosque Pontifices vivæ vocis Oraculo & Bulla Cruciatæ declarasse, dispensatos a carnibus esse quoque a lege jejunii solutos. Quod quam falsum sit, evincunt Constitutiones Apostolicæ tres a Bened. XIV. hac de re editæ; & in ipsa Bulla Cruciatæ aperte indicitur. *Quod qui carnes comederint servata in ceteris jejunii ecclesiastici forma dicto jejunio satisfecisse censentur*. Hominis itaque in duplici falsitate deprehensi quis fidem adhibere velit vel possit? At urgent, declaratur saltem in Bulla Cruciatæ Patriarchas, Archiepiscopos, aliosque inferiores Prælatos, nec non Regulares omnes, & Sacerdotes seculares frui non posse privilegium Bullæ Cruciatæ, nisi sexagenarii fuerint. Sed quid obtrudunt privilegium Bullæ Cruciatæ, quod solis Hispanis Lusitanisque concessum est? Præterea nonne, ut vidimus, expresse indicitur, ut carnibus eo privilegio vescentes in ceteris formam jejunii servent? Nonne & Bened. XIV. in sua Constit. Pios Christianissimos concedit singulis Confratribus Confraternitatis S. Mariæ de Succursu in Civitate Januæ erectæ, & commemorantibus in Januensi ditione & Dominio privilegium vescendi ovis & lacticiniis certis Quadragesimæ diebus, nempe Dominicis diebus, secundis, tertiis, & quintis feriis, immo, ut postea privilegium dilatavit, omnibus diebus comprehensis etiam Dominica Palmarum, & Hebdomada majori, exceptis ramen Archiepiscopis, Episcopis inferioribusque Prælatiis, nec non Regularibus omnibus, & Clericis secularibus in Præbyteratus Ordine constitutis,

qui sexagesimum annum non complerint? Quis autem dicat ea Constitutione declarasse sexagenarios esse a lege jejunii solutos: cum in ipsa Constitutione aperte declarer, præfatos omnes exceptos *Legibus jejunii de unica commestione in die subijci*. Immo nonne præfata Constitutione aperte declarat: Archiepiscopos, Episcopos, Regulares, & Sacerdotes sexagenarios esse a lege abstinentiæ exemptos, & hos exemptos sexagenarios subijci legibus jejunii? Tantum igitur abest, ut censetur sexagenarios a jejunio dispensatos, quia immo nominatim legibus jejunii obnoxios statuit. Falsitatis etiam redarguit Llamas Navarros, qui Romæ vixit temporibus S. Pii V. Gregorii XIII. & Sixti V. quibus carus acceptusque fuit, & tamen vivæ vocis oraculum ab eodem publicatum omnino ignoravit. Hætenus dicta satis superque sint ad ostendendam falsitatem jactati Oraculi, & qui magis eruditi cupit, legat primam animadversionem in Dictionarium Pontasii Editionis Venetæ.

VI. Superest ut de Advenis, Peregrinis, Viatoribus & Vagis dicamus, num scilicet teneantur legibus jejunii non universalibus ubique obligantibus, sed particularibus Urbis, Territorii, locique per quæ transeunt, vel aliquantulum substitunt, puta jejuniis, diebusque festivis peculiaribus. In Tr. 1. de Legibus Diss. 3. cap. 13. n. 13. & 14. binas statuimus generales Regulas, in quarum 1. diximus, præfatos non teneri legibus locorum, a quibus excedunt nonnullis exceptis casibus; in 2. teneri legibus locorum, in quibus saltem moraliter esse dicuntur. Superest igitur, ut has regulas præcepta de jejunio & auditione Missæ aptemus. Distingimus loco cita-

to, Advenas, Peregrinos, & Vagos. Priores diximus esse, qui vel extra patriam suam domicilium figunt; vel qui uno in loco domicilium retinentes in alio tamen loco inhabitant aut semper, aut ad tempus. Peregrinos diximus, qui a proprio domicilio recedentes per alia loca transeunt, animo tamen ad propria revertendi. Vagorum vero nomine designavimus, qui nullibi domicilium fixum habent. De singulis dicendum.

VII. Advenæ itaque subditi sunt legibus illarum Civitatum, in quibus commorantur ratione loc. cit. adducta & ex S. Augustino deprompta, & in jure communi inserta Cap. *Que contra*, distin. 12., *Que contra mores hominum*, sunt flagitia, pro morum diversitate vitanda sunt, ut pactum inter se civitatis, aut gentis consuetudine, vel lege firmatum nulla civis, aut peregrini libidine violetur. Turpis enim pars est suo universo non congruens. Et specialiter de jejuniis S. Augustinus in Epist. ad Casulanum S. Ambrosii definitionem adducit. Cum enim eum consultisset super dubium Matris assuetæ Romæ die Sabbati jejuna-re, cum Mediolani nullum esset eo die jejunium hoc habuit responsum. „Cum „Romam venio, jejuno sabbato, cum „Mediolani sum, non jejuno. Sic etiam „tu ad quaecumque Ecclesiam veneris, „ejus morem serva, si cuiquam non „vis esse scandalo, nec quemquam ti- „bi“. Unde ortum habet illud adagium, quod in re morali verissimum censeo, cum fueris Romæ, Romano vivito more, cum fueris alibi, vivito sicut ibi. Hinc studentes, Milites, Mercatores, Famuli, Mercenarii, alique, qui in aliqua civitate, locoque, licet non domicilii, diutius versantur, legibus subditi sunt loci & civitatis; proinde

jejuniis & festis inibi occurrentibus; quod multo magis verum est, si majore parte anni inibi morantur, cum quasi domicilium adipiscantur. In hac doctrina pene omnes consentiunt Theologi.

VIII. Peregrini vero & ipsi absolute tenentur jejunia & Festa celebrare locorum, per quæ transeunt. Adversantur huic doctrinæ plures Theologi hac ducti ratione, quia, ajunt, jejunia & Festa obnoxii sunt dumtaxat incolæ loci, & subditi Episcopi vel Ecclesiæ in quibus ea statuta sunt; porro Peregrini transeuntes non sunt subditi Episcopi, nec membra ipsius Ecclesiæ; non sunt igitur ejus legibus obnoxii. Verum posita a nobis doctrina & unice vera, & sola probabilis est, ut ostendimus cap. 14. Confess. 18. adversus Salmanticenses, quia Peregrini saltem transeunter subditi sunt Superioris sive spiritalis, sive temporalis ibi dominantis; sicut itaque tenemur solvere tributa, vestigalia, & cætera civilia onera Principibus locorum, per quæ transeunt, ita immunes non sunt dicendi ab oneribus ab Ecclesiastica potestate impositis.

IX. Vagi denique & ipsi legibus locorum, per quæ transeunt, subjiciuntur; ideoque & jejunia & alia præcepta servare debent, alioquin omnino exleges essent, quippe qui nullibi legibus tenerentur, cum nullibi domicilium habeant; quod quam falsum sit nemo non videt; & quia, ut diximus l. cit. cap. 13. Reg. x., ordo & tranquillitas exigit, ut non aliis legibus utantur vagi & peregrini, quam indigenæ, omnisque amputetur perturbationis & confusionis occasio, quæ plane sequeretur, si alii his, alii diversis legibus viverent, dum eodem loco omnes consistunt.

X. Quamdiu autem quis morari debeat in loco, ut legibus jejunii, vel audiendæ Missæ præcepto sit obnoxius, explicavimus cap. 14. consecr. 17. 18. & 20. ac 21. Et diximus 1. mere per locum aliquod transientes, ubi festum sit, non teneri iter interrumpere ut Missam audiant, si forte inibi sit dies Festus. 2. Præcepta, quæ Territorium aliquod efficiunt tamdiu esse, quamdiu mora perdurat in Territorio; hinc non potest quis carnes comedere in loco, ubi dies est jejunii, antequam exeat licet sub finem diei sit futurus in loco, ubi non urget jejunium. 3. Qui toto matutino tempore est in loco, ubi Festum agitur, tenetur Missam audire, licet post meridiem ad alium perveniat, ubi non est dies festus. 4. Qui mane discessurus est a loco, ubi urget præceptum audiendi Missam, tenetur eam audire ante discessum si possit commode, quia ut docet S. Thom. hic q. 47. art. 4. „ Si peregrinatio & omnis labor commode differri possit absque detrimento corporalis salutis vel spiritualis vitæ, non sunt propter hoc Ecclesiæ jejunia (adde & præceptum audiendi Missam) prætermittenda “.

CAPUT QUARTUMDECIMUM.

CONSECTARIA PRÆCEDENTIS
DOCTRINÆ.

- I. *Regulares adolescentes legibus communibus jejunii non obligantur.*
- II. *Lex jejunii statim obligat tertio completo septennio.*
- III. *Certa non est consuetudo germanica de immunitate a jejunio pro sexagenariis.*
- IV. *In dubio num sexagenarii possint finire jejunium, an sint a jejunio soluti.*

V. *Regulares omnes sexagenarii legi jejunii subjiciuntur.*

VI. *Tenentur jejunia & festa ab Episcopis instituta servare.*

VII. *Non licet a loco jejunii recedere ad legem declinandam.*

CONSECTARIUM PRIMUM.

I. **R**EGULARES adolescentes professi, licet jejuniis obnoxii sint a sua Regula constitutis, ad jejunia tamen Ecclesiæ communia non obstringuntur ante tertium completum septennium. Nec ad propriæ Regulæ jejunia teneri adolescentes Religiosos professos saltem probabile esse asseruere Medina, Graffius, & Tamburinus de jure Abbatum &c. & Pasqualigus, Quippe quia, inquirunt, non magis obligare possunt peculiaris statuta & privatæ Regulæ, quam universalis lex, & generale Ecclesiæ præceptum; verum certa est contraria Theologorum, quam statui, doctrina; cuique enim liberum est peculiare & voluntarium sibi onus assumere; quamobrem quisque etiam ante tertium septennium vovete potest jejunium, & ad ejus observantiam se obligare, potest igitur & se Regulæ & Ordini subicere, in quo ad certa jejunia obligetur servanda juxta Regulæ modum, scilicet vel sub mortali, ut in ordine S. Francisci, vel sub veniali, ut in Regula Carmelitarum, vel denique absque ulla culpa, sed solum sub pœna, ut in Ordine Prædicatorum. Quod si & ipsa Ecclesiastica jejunia communia & generalia præcipiantur aliquo modo servanda in Regula, & ipsa implere debent, sed solum ad Regulæ normam. Nec obstat oppositum argumentum, cum quisque voluntarie onus sibi assumere valeat, quod a lege non imponitur, aliquo nec Confessio-

xii. jejunia pœnitentiæ loco injungere possent adolescentibus ante tertium septennium. complerum, quod tamen nemo dixerit. Peculiaris autem & sponganea assumpta obligatio non illos universali legi reddit obnoxios, cum hæc non distinguat inter Religiosos & Laicos, sed æqualiter omnes afficiat statuto tempore, propterea non antea sunt obnoxii legi jejunii præfati adolescententes, quam cæteri in seculo viventes.

CONSECTARIUM SECUNDUM.

II. Completo tertio septennio statim absque mora urget lex jejunii, & ad illud servandum obstringit. Hinc qui incepta jam Quadragesima. complet tertium septennium, reliquos, qui supersunt, dies jejunare tenetur, qui vero eodem jejunii die circa meridiem præst meridianam sumptam refectioem, ab aliis abstinere debet, & serotina solum collatione uti. Prima pars positi Consectarii ad unum pene omnes admittunt, quippe quia jejunium Quadragesimale non est quid indivisibile, sed integratur tot partibus, quot constat diebus; quis igitur potest ad partem obstringi, licet non ad totum; ante igitur ætatem jejunare non tenetur, at completo tertio septennio cum statim urgeat præceptum, & adhuc duret Quadragesimale tempus, jejunium in eo constitutum servare tenetur, licet unus tantum supersit dies. Alteram vero partem non tam prompte admittunt nonnulli Theologi hoc nixi argumento, quia, inquam, jejunium respicit integrum diem, non diei partem, cum nulla sit lex, quæ quartam vel dimidiam diei partem jejunio subiciat; si quis igitur per aliquam diei partem sit a jejunio immunis, & per totum diem immunis est censendus: &

revera si hic valde mane comedat, certe non peccat, cum nondum lex jejunii illi supervenerit, & tunc certe jejunare amplius non potest illa die; non obstringitur. igitur lege jejunii. Ac oppositam sententiam ut verè probabilem & unice veram plurimi etiam Probabilistæ tuerentur, Bonacina, Salmanticensis, Sanchez de Matrimonio, alique, & jure merito, quia tempus computari debet de momento in momentum, quoties lex certum requirit tempus, ut patet in suscipiendis Ordinibus & professione Religiosa: statim enim ac inceptus est vigesimus secundus annus, vel inceptus decimus septimus, potest quis & ad factum Ordinem Subdiaconatus assumi, & professionem emittere. Nec urgent contraria argumenta, quia jejunium non diem respicit tanquam individuum partes non admittentem, sed moraliter, idest ut totum complectatur diem respectu illius, qui totum diem jejunare potest, vel tenetur, vel partem in illo, qui solum ad partem tenetur, ut patet in illo, qui ad locum pervenit ubi est jejunium indictum, statim enim illum urget abstinentia a carnibus, quibus amplius vesci non potest quandiu est in loco. Si itaque quando tempus advenit jejunii, nihil cibi eo die sumperit jejunare per totum diem tenetur; si vero de mane comedit adhuc urgente jejunio, unica excepta meridianæ comestione concessa, non amplius comestiones potest multiplicare, vel in foro cœnare; quia tenetur jejunium eo modo servare quo potest, & urget: potest itaque & a multiplicatis comestionibus abstinere & a cœna, quia lex jejunii illum urget, cui parere debet omni meliori quo potest modo: quemadmodum qui Subdiaconatum susce-

secepit, vel professionem emisit, non totum diei officium per se vero debet, sed eam partem teneri, quæ parti diei respondet. Qui vero dubitat, num vigesimum expleverit annum, jejunare debet, ne se periculo exponat peccandi, quod præcavere toto conatu ipso naturali lumine docemur; nec audiendi Probabilistæ contrarium docentes suis falsis innixi principiis, nempe quod melior sit conditio possidentis (quod locum non habet nisi in materia iustitiæ), & certam esse possessionem libertatis, incertum præceptum auferentem libertatem; cum quæstio sit de hac possessione, & in dubiis semper tutior pars sit eligenda.

CONSECTARIUM TERTIUM.

III. Certum non est, nec legitime probatum, in Germania vigere consuetudinem, per quam sexagenarii sint a jejunio dispensati. Clarissimus vir Daniel Concina Venetæ Editioni Dictionarii Pontasiani nonnullas præmisit Morales Animadversiones; quæ Pontasium a mendis vindicavit, quæ illi attribuit doctissimus Eusebius Amort Lateranensis Canonicus. Hic vero inter Pontasii menda corrigenda enumeraverat sententiam, quæ docebat, senes sexagenarios non esse a jejunio solutos, con tendens siquidem hoc de Germanis verum certe non esse, quippe quia in Germania obrinet consuetudo, & ex Ecclesiastica disciplina mos invaluit, ut senes sexagenarii a jejunio soluti habeantur. Hujus autem assertæ consuetudinis hæc ab ipso proferuntur argumenta. Et 1. plurima, & quidem satis prolixa agglomerat testimonia Sanctorum Patrum, quæ ostendit Ecclesiæ disciplinam de jejunio esse mutabilem, & mutationem pluries subisse. At huic

labori parcere poterat, cum nullus sit qui hoc inficietur; & quæstio non de jure procedit, num scilicet Ecclesiastica de jejunio disciplina, nedum in Germania, sed in tota Catholica Ecclesia mutari possit; sed de facto, num, scilicet circa jejunantium statum mutata sit in Germania. Insulse vero gloriabundus scribit in libro Novæ Controversiæ, edito Augustæ anno 1739. pag. 192. *Mallem ut ii quoque perpetui buccinatores, qui nihil aliud quam Concilia Conclia, Patres Patres inelamant, saltem aliquale ejusmodi sue peritiæ argumentum demonstrarent; quasi summa sit & laudabilis peritiæ plures pagellas inutilibus, & ad rem minime facientibus testimoniis sive SS. PP., sive Concillorum onerare ad lectorum tedium, & ad minime necessariam, immo ad rem inutilem eruditionem.* 2. Textus syllabam 24. Scriptorum Germanorum hanc consuetudinem suo testimonio confirmantium, quorum fateretur quidem plerosque obscuros esse nominis viros, ac subdit: *In materia discipline variabili pro diversitate locorum & temporum, ubi agitur de sola consuetudine, auctoritates non ponderari, sed numerari, & nihil interesse, cujus eruditionis sint Auctores.* 3. Assert coniventiam tacitam Episcoporum, qui per suos Censores libros eam doctrinam continentem approbaverunt. 4. Denique ostendit, investitam consuetudinem ratione non destitui, quia nimirum paucissimi sunt in Germania, qui ad longævam perveniant senectutem 70. annorum, quapropter ad hoc plures profert emortuales Tabellas, seu Necrologia, quæ probat paucos admodum in Germania sexagesimum annum pertingere. Verum hæc argumenta nec certam nec legitimam, idest authenticam offendere laudatam

cod-

consuetudinem evincunt responsa, quæ ipse attulit Concina in suo Italico Opere inscripto *Disciplina Antiqua & recens Ecclesiæ* cap. 5. §. 2. n. 9. & seqq. quæ hic exscribo & illustro. Ad 1. itaque jam respondimus, Testimonia Patrum & Conciliorum ad rem non pertinere, quia solum adstruunt quod extra controversiam esse nemo diffidetur, & quod convertitur nihil tangunt.

Ad testimonia vero Theologorum ponimus 1. plures alios opposcentes Theologos in Germania scribentes, vel quorum Opera in Germania excusa sunt, oppositum plane docentes, uti sunt Laymannus, Tannerus, Wigandus, Lacroixius, Antoine, quorum auctoritates inepte rejicit; Laymanni siquidem & Tanneri, quia ante centum annos scribere, cum tamen pluries recusi sint in Germania, & renovata in novis editionibus eorum doctrina; & Antoine, quia non Germanus est, sed Lotharingus, cum tamen ejus Theologia Ingolstadtii ipso procurante Amort excusa sit; sicut igitur ipse pro sua confirmanda sententia non solum Auctores recenset, qui in Germania scripserunt, sed etiam & illos, quorum opera in Germania excusa sunt; ita & Adversariis concedere debet, ut Auctores laudent, qui licet Germani non sint, eorum tamen Opera in Germania impressa sunt. Rejicit quoque Wigandus, quia Auctor laxitatum, cum ideo consuetudinem germanicam afferre debuisset si revera eam extare cognovisset, quia laxæ opinioni quammaxime favet. Denique Lacroixium excipit utpote rem problematice tractantem, cum immo ex hoc appareat consuetudinem esse problematiceam; nam si certus Lacroixius fuisset de inverte consuetudine, sententiam benignam, non problematiceam Germa-

nis, sed certam omnino ex consuetudine statuisset. 2. His Theologis addimus recentissimos Scriptores Germanos eam consuetudinem vel reticentes vel negantes. nimirum P. Schmalzgrueber ipse Amort celeberrimum Præceptorem in jure Canonico, ut ipse testatur, *Obser.* 5. p. 383. qui quæstionem versans, num sexagenarii sint a jejunio immunes, affirmat quidem, sed hac sola fretus ratione, quia *senes ob naturam jam declinantem opus habent administrandi cibi frequentius sumpsi*; at de inverte consuetudine aliter filit. Alter vero est P. Brocardus a S. Nicolao Carmelita, & sui Ordinis Provincialis in Germania inferiori, qui tantum abest, ut hanc consuetudinem inverteam testetur, quin immo in sua Theologia Colonie impressa an. 1739. Tom. I. V. Jejunium n. 4. & 5. sanam docet & tuetur sententiam, quæ senes sexagenarios jejunii legi obnoxios declarat.

Quoad Theologos vero ab Amort citatos respondeo, spectandos vel ut testes consuetudinis, vel ut Auctores; neutro autem respectu Auctori favens. Non ut testes, nam plerique huic consuetudini testimonium non reddunt, nec ejus meminerunt, sed benignam sententiam vel ratione tuerentur, vel Lillam testimonio. Sporer liberat a jejunio sexagenarios adducto spurio oraculo S. Pii V. Burghaber sola auctoritate innixus Sanchezii, & Diana. Piehler quoque solum scribit: *Defenditur* (opinio benigna) a Portello, Sanchezio, Pal. Tambur. Burghaberio, Diana, & aliis apud L. Croix. Hath non solum non favet consuetudini, sed ipsi adversatur, scribit enim: *tenerentur usque ad sexagesimum annum, quia ætas talium jam solet esse infirma. Alii autem judicant, certum pro senibus tempus, quo*

deobligentur a jejuniis, statutum non esse. Kazemberg vero, Holsman, Gannig consuetudinem in sui favorem non afferunt; immo fidenter pronuntio, nec unum proferri posse Germanum Auctorem ante Amort scribentem, qui hanc consuetudinem adducat. Immo nec in posterum idonei testes erunt hujus invecæ consuetudinis Theologi Germani, quotquot in suis Institutionibus, Catechismis, Operibus Theologicis hoc pacto scribunt: *Sexagenarii in Germania ex consuetudine legitima immunes sunt a jejuniis.* Ita docuit Eusebius Amort in suis *Mendi Pontasianis, et confirmavit solidis argumentis in suis Observationibus adversus Concinam.* Non, inquam, erunt idonei & legitimi testes, sed solum illi pares, qui in foro externo testes de auditu dicuntur, quorum testimonium non majorem fidem facit supra illam primo dicentis, a quo audierunt. Ut patet manifeste in vivæ vocis Oraculo S. Pii V. a Llamæ confecto, quod licet centum exscribant, non tamen est illis magis fidendum, quam ipsi Llamæ primo dicenti. Hoc proinde illis regerendum, unus testis, nullus testis. Uni autem testimonio in tantum fides adhibenda, quantum sui dicti argumenta producit.

Si vero ut Auctores spectentur, incepti omnino sunt ad legitimam inducendam consuetudinem, teste ipso Amort, qui hanc rectissimam statuit Criticæ regulam in T. 5. de Princip. Artis Criticæ p. 2. §. 1. n. 6. pag. 189. „Quando pro una sententia concurrunt multi Auctores, ad hoc solum attendi debet, an facile sit in tali materia concurrere multos Auctores. Si id facile fuerit, etiam plurimorum auctorum simul sumptorum auctoritas tantum exiguum habet probabilitatem.

Patuzzi Theol. Mor. Tom. V.

tem“. Porro Scriptores Germanos in materia jejunii facile concurrere ad benigniores amplectendas opiniones testatur Parricius Sporer, qui conqueritur de P. Lâyman „qui alias tam bonus Germanus in hac sola materia (jejunii) patriotis suis fuerit tam austerus“. Qui Italicum rigorem in eadem materia deridet, scribens: „Mittant illi Germanis tempore jejunii suum calidum cælum, cibum, & vina pingua, fructus & confecta, &c. &c. & jejunabimus cum ipsis“. Qui Llamæ testimonium de fisco S. Pii V. vivæ vocis oraculo tam amplis ulnis excepit, ut germana sinceritate scripserit *sub asseveratione infallibili* (o bone!) *tanquam testis oculatus* (vivæ vocis oraculis audiuntur) *refert Hyeronimus Llamæ.* Qui germanicum affert proverbium, *bis malo comedisse, sufficienter est jejunasse.* Qui privilegium adducit concessum a Pio IV. „Societati Jesu ad dispensandum in his paribus cum iis, qui ad jejunandum, tota quadragesima adduci non possunt, ut nimirum saltem ter in septimana eis jejunare sufficiat“. Hæc tamen dicta sint, ita postulante argumenti materia, absque ulla tamen Germanicæ Gentis, quam plurimi facio, colo, & veneror, injuria. Præterea inter Auctores hujus consuetudinis Pater Amort admittit etiam Probabilitas omnes, qui benignam opinionem vel ut æqualiter probabilem opposita, vel etiam ut minus probabilem tradunt, quia, loquens de La Croixio Probabilista (quod tamen commune est omnibus in universum Probabilistis) scribit, quod directe statuendo suam sententiam sexagenarius tollit, indirecte iterum restituit privilegium. Cum enim sententiam oppositam recen-

Zzzz

feat

„sear tanquam probabilem, & in ipso
 „sum Theologiæ aditu omnibus per-
 „mittat sequi sententias vere proba-
 „biles, quid aliud agit, quam ut
 „speculative neget, quod prædica-
 „re permittit, maxime cum Confessarius
 „juxta ipsum penitenti teneatur res-
 „pondere juxta probabilem“? Omnes
 igitur Auctores Germani de jejunio scri-
 bentēs inepti sunt ad legitimam indu-
 cendam consuetudinem, & eorum au-
 thoritas eisi plurimorum exiguum efficit
 probabilitatem, 1. quia faciles sunt ad
 concurrendum in benigniores sententias;
 2. quia Probabilistæ sunt, qui quod
 una manu tollunt, altera restitunt, &
 denique 3. quia, ut scribit alius eru-
 ditus Auctor: „Bono Theologiæ dato
 „legislativa potestate carent omnes
 „Moralium Scriptores præsertim Pro-
 „babilistæ, unde novam legem & con-
 „suetudinem inducere non valent licet
 „frequentissimi“.

Ad argumentum vero ex brevitate
 vitæ Germanorum desumptum respon-
 dens, possem profecto & ipse magnam
 eruditionis suppellectilem spargere, plu-
 rima recensendo Medicorum, & SS. PP.
 testimonia ad ostendendam sobrietatis
 & jejuniorum utilitatem & salubritatem
 ad sanitatem, & ad diuturnam vitam
 obtinendam, & diem necessariam il-
 lis, qui largo utuntur & cibo & potu,
 de quibus scribitur Galenus & Hippo-
 crates quod *sola diæta sanat*. Solum
 itaque profero totius Ecclesiæ Catholi-
 cæ testimonium publice coram Deo &
 populo testantis, & alta voce canentis,
jejunium animabus CORPORIBUSQUE
curandis salubriter institutum esse. Si hoc
 amplecteretur Germana inclivis Natio,
 non dimidiabit dies suos, sed proto-
 gabit utque in senectam & senium, tes-
 tianie Scriptura: *in multis esecis erit in-*
firmitas. Eccl. 37. *Qui abstinent est,*

adjacet vitam. ib. *Sanitas est anima &*
corpore sobrius potus, cap. 31. Et ex-
 perientia comperiet jejuniorum præser-
 tim Quadregesimæ omissionem, & con-
 suetudinem illius tempora limitantem
 omni prudenti, & christiana ratione &
 motivo carere & destitui.

Denique Episcoporum & Archiepis-
 coporum conniventia, siue potius silen-
 tium non est argumentum adprobatae
 consuetudinis, sed toleratae benignæ
 sententiæ in pluribus Theologis, quos
 jam norunt non aliam viam suadendi
 habere, nisi quam illi præstant quæ
 proferant argumenta: nec quia eorum
 Censores libros adprobaverunt, statim se-
 quitur, vel ipsos Censores vel Episco-
 pos omnia quæ in illis continentur ad-
 probasse; nam certum comperimusque
 ut in pluribus Germanorum Theologo-
 rum Moralibus plures contineri laxas
 & falsas opiniones, quas tamen certe
 a Censoribus, & Episcopis, licet li-
 bros eas complectentes adprobaverint,
 seu potius permiserint, adprobatus ne-
 mo cordatus dixerit. Quod quam vere
 dicam, testis sit ipse Amort, qui sic
 adversus Concinam de Antoine Theo-
 logia scribit: „Quod in Germania re-
 „cusum sit (ejus liber Moralium) id-
 „em, ipsum memetipso Bibliopolam Ingol-
 „stadiensem vehementer adhortante,
 „ac tandem persuadente adsum est.
 „Et ut verum fatear, ea procuracione
 „hujus editionis alius meus finis non
 „erat, quam ut nimio hujus Aucto-
 „ris rigore attemperaretur *nimia laxitas*
 „quorundam Theologorum Germaniarum.
 Nunc quero, num Germanorum libri
 in quibus hæc *nimia laxitas* continetur,
 sint ne in Germania vetui, vel Episco-
 porum & Censorum venia edui? Si
 primum, non opus erat ad eorum com-
 peimendam laxitatem Theologiam An-
 toine

toine recedere, satis enim consultum erat eorum damnatione. Si vero concessi, & licentia muniti Cenforum prodire, dicendum ne erit adprobatam ab ipsis, vel ab Episcopis *nimiam* in ipsis contentam *laxitatem*? Apage. Adprobatio itaque seu venia concessa argumentum non est ad confirmandas doctrinas in iis contentas, sed solum indicare non omnia *sizania* esse evellenda, ne eradicetur simul & triticum, & hoc est quod unice præstant Censores & Episcopi non solius Germaniæ, sed totius Christiani Orbis. Hæc omnia dicta sunt, non ut legitimam, si forte obtineat in Germania, consuetudinem, vel damnare, vel etiam leviter vellere velim, sed ut Germanos Theologos, & Pœnitentiæ Ministros commonefaciam, ut attentius persequantur, num iactata consuetudo legitime inventa sit, an potius sit corruptela, non promovenda, sed ad sanctissimæ legis tutelam christiano studio evellenda.

CONSECTARIUM QUARTUM.

IV. Nec tuta, nec omnino vera est sententia plurium Probabilistarum asserentium, senes sexagenarios, si dubium suboritur, num robusti sint & habiles ad jejunandum, non teneri lege jejunii, hæc unica ratione, quia stante tali dubio exponerent se periculo gravis incommodi. At unde habent, stante tali dubio se exponere periculo gravis incommodi? Si dubium est, æque contingere potest, ut sine gravi incommodo jejunent, statim ac jejunare incipient, eos ne mors, aut gravis morbus, vel febris invadat? Quis hoc credat? Tantum ne curandum senum corpus, ut nulla anima habeatur ratio, & dammodo nullo pacto nec leviter periclitetur valetudo corpo-

ris, parum curandum sit de salute animæ? In tali dubio senes tenentur tutiorem partem eligere, & experiri num valeant sin integrum, saltem partiale jejunium sustinere; nec absolute dispensati pronuntiandi, & a tota lege jejunii, & ab experimento liberandi. Et certe juxta S. Thom. doctrinam, dispensationem in tali dubio a Superiore petere debent, non sibi usurpare. „ Si causa sit dubia (verba sunt S. D.) debet aliquis ad superiorem recurrere, qui habet potestatem in talibus dispensandi “.

CONSECTARIUM QUINTUM.

V. Regulares omnes sive mares, sive feminae etiam post sexagesimum annum jejuniis a Regula præstitiis subjiciuntur. Oppositam doctrinam statuere nonnulli benigniores probabilissimi Leander, Viva, Diana, Pasqualigus, aliique pauci, sed futilibus & falsis innixi argumentis, nimirum quia pro certo habent, senes sexagenarios, quamvis fortes & robustos, esse ab obligatione jejunii solutos, immo de feminis scribit Leander quæst. 19. „ Feminæ, ut communis fatetur sententia, post quinquagesimum annum nullo modo possunt generare ob defectum virtutis naturalis, ergo in hac ætate vere reputandæ sunt senes, & consequenter liberæ jejuniis Ecclesiæ “. Hoc autem privilegium & ad Regulares sive Mares sive feminas dilatat, tum quia Oraculum sanctissimi S. Pii V. universale est, & pro omnibus sexagenariis nulla facta distinctione; tum quia, ut inquit P. Viva quæst. 10. art. 4. „ Præsumi potest nolle Regulam obligare sub mortali eum, quem non vult Ecclesia obligare “. At hujus doctrinæ laxitatem & falsitatem evincunt tom

quæ superius & capite præcedente diximus, tum quia sicut Regulares omnes ad jejunia suæ Regulæ servanda obstringuntur etiam ante tertium septennium, quando certo constat legibus universalibus Ecclesiastici jejunii non obstringi; quanto magis igitur eidem lagi obnoxii erunt, quando nulla est lex, quæ ipsos ab ea liberet obligatione? Præterea Regulares vitam religiosam omnes profitentur usque ad mortem, nullum est igitur assignabile tempus, quo a legibus, quas professi sunt, liberentur. Quando Regulares quinquagenarii sunt vel sexagenarii, tunc maxime idonei censentur & ad Cœnobiorum regimen, & ad regularem fovendam observantiam, & ad alios suo exemplo informandos; si vero tunc a legibus, & præcipue juniorum immunis habeantur, quomodo alios regere poterunt, observantiam in alios promovere, suoque exemplo informare? Sed quid diutius immoramur in re comperta adstruenda, & confutanda doctrina, quæ piis mentibus horrorem incutit & abominationem? Cui non dissimilis est alia sententia, quæ docet, illos, qui voverunt jejunium statis diebus toto vitæ tempore, ad hoc onere solutos post sexagesimum annum.

CONSECTARIUM SEXTUM.

VI. Probabilius dicendum est, Regulares teneri tum Festa tum jejunia ab Episcopis sive pro universa Diœcesi, sive pro aliqua Civitate, vel oppido indictis servare, & præsertim si sint consuetudine roborata. Consentiant quidem Theologi quoad Festa per totam Diœcesim indicta, uti sunt Festa per Patroni Principalis Regni, sive Provinciæ, sive Diœceseos; ita enim aperte declaravit & statuit Tridentina

Synodus Sess. 25. cap. 11. „Des Fes-
„ti, quos in Diœcesi sua servandos
„Episcopus præceperit, ab exemptis
„omnibus etiam Regularibus serventur“.
Quod profecto & extendendum ad je-
junia eadem Festa & solemnitates præ-
cedentia. At dissentiunt quoad pecu-
liaria Festa & jejunia alicujus peculia-
ris Oppidi, vel Civitatis, sed probabilius eos teneri dicendum est, nam sunt
revera partes Oppidi & Civitatis; &
ex Augustino patet, *turpe esse partem
suo universo non congruere*. Præterea
statutum Tridentini statuit in universum
nulla facta distinctione, omnia Festa
ab Episcopis de præcepto indicta,
esse etiam a Regularibus observanda,
proinde & jejunia, si forte illis con-
jungantur. Denique quia scândalo es-
sent secularibus, si Religiosos viderent
carnes comedentes, dum ipsi jejunant,
ac operibus vacare, dum ipsi divinis
vacant: quamobrem & ipsi Theologi,
qui oppositam sententiam sectantur,
tandem docent saltem ex decentia, &
ad evitandam populi offensionem [Re-
gulares debere se toti Comunitati tam
in jejniis, quam in festis conformare.
Si vero ex inveterata consuetudine Fe-
sta, & jejunia indicta sint, non pos-
sunt tuta conscientia ab ea recedere
Regulares, quia ut alibi diximus, ipsi
quoque consuetudini consentire eo ipso
quod non constet obtinisse.

CONSECTARIUM SEPTIMUM.

VII. Non licet a loco discedere, ubi
adeest præceptum vel audiendi Missam,
vel servandi jejunii, ad declinandam
obligationem. Veritatem hujus doctrinæ
late ostendimus. Tr. 1. de Legib.
diff. 3. cap. 9. n. 15. & finis cap. 13.
Reg. 21. n. 15. adducta auctoritate Be-
nedicti XIV. qui in lib. 13. cap. 4. de
Syn-

Synodo Diœces. probat & evincit, non fas esse ab hac sententia recedere, & qui in legis fraudem loco se subducit ubi ea viget, sub lege nihilominus comprehensum, ejusque nexu manere devinctum. Quamobrem non licet incolis alicujus Civitatis ab eo summo mane discedere nisi audita Missa si dies festus occurrat, nisi forte ex ea dilatione grave damnum incuterent, sicut nec a loco discedere ubi indictum est jejunium, ut ad locum se transferat ab eo immunem, unde locis citatis cap. 14. n. 12. morem reprobavimus illorum, qui deliberato studio Mediolanum se conferunt primis Quadragesimæ diebus, ut vesci carnibus possint, & a jejunio liberentur. Pariter non licet incolis positus in consilio alicujus Parœciæ, in qua non est indultus, usus ovorum & lacticiniorum, ad aliam proximiorum Parœciam se transferre, ut eo privilegio utantur; hoc enim est legem fraudare, & præcepto se dolose subducere.

CAPUT QUINTUMDECIMUM.

De causis a jejunio excusantibus.

DOCTRINA.

- I. Tres causæ a jejunio excusantes recensentur.
- II. Quando impotentia excusat.
- III. Discrimen inter impotentiam, & difficultatem.
- IV. Nonnulla Probabilistarum doctrinæ nimium benignæ.
- V. Quando labor a jejunio excuset, Regula I. ex D. Tb.
- VI. Doctrina Casuistarum Regula posita adversantes.
- VII. Regula II.
- VIII. Doctrina præfata Regula opposita.
- IX. Quando pietas vel caritas a jejunio excuset.

X. Quomodo hunc titulum nimium dilatent Casuistæ.

XI. Causæ dispensationis a Casuistis inverse corriguntur.

I. **T**RES communiter enumerantur a Theologis causæ, quæ ab observantia jejuniorum possunt fideles excusare, nimirum impotentia, labor, & pietas; addunt quidem nonnulli & quartam, scilicet dispensationem; at cum hæc non concedatur nisi aliis existentibus enumeratis causis, saltem dubiis, omnes ingreditur, ac proinde quando hæc sit necessaria de aliis causis agendo dicemus, præterquamquod in superioribus capitulis abunde diximus de dispensationibus tum particularibus tum universalibus petendis & concedendis pro carniarum comestione.

II. Impotentia itaque sive physica sive moralis proculdubio ab onere jejunii liberat, cum ad impossibile nemo tenetur, licet ipsa impotentia ex culpa duxerit originem, ut si quis in rixa, vel in duello ab hoste vulneretur, & graviter decumbat, profecto hic tunc jejunare non tenetur, licet ipse sui morbi in causa fuerit. Omnes itaque infirmi, debiles, convalescentes excusantur a jejunio, quando potest eorum bonam valetudinem impedire, vel malam augere, vel quando urgentis infirmitatis periculum inest. Pauperes quoque, qui, ut inquit S. Thom. hic q. 74. art. 4. ad 4. frustra in elemosynas mendicant, qui non possunt simul habere quod eis ad victum sufficiat, a jejunio ob physicam impotentiam excusantur; ubi tamen advertendum, duo in pauperibus requirere S. Thom. ut a jejunio liberentur, 1. ut obstatim mendicent; 2. ut habere non possint simul, quod eis ad victum sufficiat: si enim,

ut

ut idem subdit „ possunt sufficienter „ habere quod eis sufficiat ad unam „ comestionem , non excusantur pro- „ pter pauperatatem a jejuniis Eccle- „ siæ “. 2. Si ostiatim mendicando pede- „ tentim ac paulatim obtinent quod ipsis „ ad unam comestionem sufficiat , non „ debent , quod illis pluribus vicibus dar- „ tur statim comedere , sed reservare , & „ unica sufficienti comestione absumere , „ ut eo quo possunt modo jejunium „ servent , nisi forte inedia debili- „ tentur , & sustentatione indigeant . „ Quod & repetit in IV. Distin. 12. „ qu. 3. art. 2. quæstuncula 4. ad 2. „ scribens : „ Paupertas non semper ex- „ cusat a jejunio , sed solum in illo „ casu , quando *simul* habere non po- „ rest tantum *bora comestione* , quod „ ad victum totius diei sufficit , sicut „ frequenter egenis contingit , qui fru- „ statim elemosynas quærunt , etiam „ quando ex precedenti inedia tantum „ debilitati sunt quod jejunium suffer- „ re non possunt “.

III. Quod tamen animadvertendum „ est a sacræ Pœnitentiæ Ministris in hac „ materia est distinctio impotentis jeju- „ nandi a difficultate & molestia in jeju- „ nando : illa enim vere a jejunio excu- „ sat , quando scilicet , ut explicat S. Th. „ in *magnum gravamen cederet* jejunantis ; „ at sola difficultas vel molestia non ex- „ cusat ; nam certum exploratumque est „ jejunium institutum ad comprimendam „ concupiscentiam , ad satisfaciendum „ Deo pro peccatis , ad ejus implorandam „ misericordiam , quod sine difficultate „ & molestia esse non potest ; eapropter „ in Scriptura cum jejunio semper jun- „ gitur afflictio . Nam. 30. v. 14. „ Si „ voverit , ut per jejunium , vel cæ- „ terarum rerum abstinenciam , *affligat* „ animam suam . „ Et de Esther dicitur : „ *Humiliavit* animam suam in jeju-

nio “. Regius Psaltes canebat *Humiliavit* „ in jejunio animam meam : genua mea „ *infirmata sunt* a jejunio , & Caro mea „ *immutata est* propter oleum “. Et „ in Novo Test. inter opera laboriosa „ molesta , affligentia , Apostolus Paulus „ jejunia enumerat 11. ad Corinth. c. 6. „ v. 4. scribens : „ Exhibeamus nosme- „ ipsos sicut Dei ministros , in multa „ patientia . . . in angustiis , in plagis „ in carceribus . . . in laboribus , in vi- „ giliis , & *jejuniis* “. Et cap. 11. de „ se prædicat , se Deo servisse in labore , „ in ærumna , in fame & siti , in *jeju- „ niis multis* . Nec alia est mens Ecclesiæ „ jejunium præcipientis , nimirum affli- „ ctionis , macerationis penalis operis „ exercitium imponere ; proinde suis Ora- „ tionibus , & Quadragesimalibus Colle- „ ctis sic precatur : „ Respice , ut apud „ te mens nostra tuo desiderio fulgeat , „ quæ se *carnis maceratione castigat* “ ; „ & iterum : „ Devotionem populi tui „ . . . ut qui per abstinenciam *macera- „ rantur* in corpore &c. “ & rursum : „ Præsta ut familia tua quæ se *affligen- „ do carnem* ab alimentis abstinet &c. “ „ iterumque : „ Da quæsumus , Domine . . „ ut *castigatio carnis* assumpta &c. “ „ denique : „ Præsta quæsumus . . . ut „ quos jejunia vota *castigant* &c. “ . „ Vult igitur Ecclesia , ut fideles per „ Quadragesimalem , ceterorumque jeju- „ niorum abstinenciam *afflictionem* patian- „ tur , in carne *macerentur* , in corpo- „ re *castigationem* sentiant delictorum , „ quæ profecto sine molestia , labore , „ incommodo obtineri non possunt . Ead- „ em quoque perpetua fuit SS. PP. do- „ ctrina , qui illorum jejunia derident , „ & laudanda , sed vituperanda prædi- „ cant , qui , ut inquit S. Augustinus ser. „ 220. „ delicati potius quam religiosi „ exquirentes novas suavitates magis „ quam

„ quam veteres concupiscentias *casti-*
 „ *gentes*, copiosis pretiosisque appa-
 „ ribus fructuum diversorum quorumli-
 „ bet obsoniorum varietates & sapes
 „ superare contendunt . . . Qui jeju-
 „ nant non ut solitam temperando mi-
 „ nuant edacitatem, sed ut immode-
 „ ratam differendo augeant aviditatem.
 „ Qui numerosioribus ferculis corpora
 „ obruunt, ventresque distendunt . .
 „ tanquam non sit Quadragesima pie
 „ humilitatis observatio, sed novæ vo-
 „ luptatis occasio. Qui tempore quo
 „ caro arctius *castiganda est*, tantas
 „ carni suavitates procurant, ut ipsa
 „ fauciam concupiscentia nolit Qua-
 „ dragesimam præterire“. Nec ab hac
 „ doctrina dissentient antiquiores Theo-
 „ logi. Audiat D. Thom. qui differen-
 „ tiam assignans inter temperantiam,
 „ & jejunium 1. 2. q. 65. art. 5. scribit:
 „ Manifestum est autem quod alterius
 „ rationis est modus, qui imponitur in
 „ concupiscentiis secundum regulam
 „ rationis humanæ, & secundum re-
 „ gulam divinam: puta in sumptione
 „ ciborum ratione humana modus sta-
 „ tuitur, ut non noceat valetudini
 „ corporis, nec impediat rationis actum
 „ secundum autem regulam divinæ
 „ legis requiritur, quod homo *castiget*
 „ corpus suum, & in servitatem redi-
 „ gat per abstinentiam cibi & potus &
 „ aliorum hujusmodi“. Hanc itaque
 „ doctrinam semper præ oculis habeant,
 „ & mente ac corde alte defixam sacri
 „ Pœnitentiæ Ministri teneant, ut recte
 „ judicare possint, quinam vera im-
 „ pœnitentia a jejunio legitime exonerentur.

IV. Hujus siquidem doctrinæ vel
 ignorantia vel neglectus, vel etiam
 contemptus recentiores Casuistas in plu-
 res falsas & laxas petrarit sententias
 ac opiniones. Hinc falsa est & laxa

La-Croixii sententia asserens it, paupe-
 res non teneri jejunare, si jejunium
commode ferre non possunt. At divites
 & nobiles, & ipsi quoque si commode
 jejunare non poterunt, ad jejunia non
 obstringantur; quis enim credat so-
 los pauperes teneri legem jejunii ob-
 servare solum quando observantia
 non solum possibilis est, sed & facilis,
 immo & *commode*, divites vero teneri
 & cum difficilis ipsis est, & incommo-
 da? Lex jejunii pro omnibus equaliter
 lata est, omnes equaliter afficit &
 pauperes & divites, & nobiles & ple-
 bejos. Si ergo qui commode jejunare
 non possunt, a jejunio excusantur, nul-
 lus est qui ad jejunium teneatur, cum
 omnibus jejunium indicatur tanquam
 incommodum, molestum, laboriosum,
 afflictivum. Similiter perperam docet,
 pauperes a jejunio solutos, si non ha-
 beant pro prandio nisi panem, olera,
 & fructus. Nam hic est usus paupe-
 rum cibus etiam quando nullum urget
 jejunium, cur igitur, si ad sufficien-
 tem comestionem de his habeant, a le-
 ge jejunii solvendi erunt? Similiter fal-
 sa & laxa est Pasqualigi doctrina: „ Qui
 „ non habet vinum, vel quod loco
 „ vini adhibetur in regionibus ubi ad-
 „ est penuria vini, non teneretur je-
 „ junare, quia eo subtrahito subtrahitur
 „ magna refocillatio, & quæ plurimum
 „ roboris habet“. Sanchez vero, & ipse
 Pasqualigus non amplius attendentes
 ad majorem refocillationem, & robur,
 quod asfert potus vini, statuunt, pau-
 peres non habentes nisi panem & vi-
 num non teneri ad jejunium nisi pro
 uno aut altero die. Similiter laxè
 Leander a jejunio excusat, qui noctu
 calefieri non possunt nisi cœnent, sicut
 & Filiucius eos, qui dormire neque-
 unt nisi sumpta vespere cœna; & la-
 xius

xius addit, adhuc non teneri, si dormire possent, mane sumendo collatiunculam, & vespere cenam, quia nemo tenetur pervertere ordinem refectiois. Tamburinus quoque requirens, an difficultas in jejunando sit sufficiens causa ad dispensandum in jejunio, respondet probabilius esse sufficientem causam ad dispensandum. Porro quis legitime a jejunio dispensandus non erit, si sola difficultas titulus est justæ dispensationis? Uxorati quoque a lege jejunii dispensati dicuntur, quando servando jejunium debitum sibi invicem reddere non valent: immo si Uxor jejunii causa macilenta fiat, & minus grata marito, jejunium omittere poterit. Quod & ad Virgines dilatat, quæ volentes nubere ob jejunium venustatem deperdant. Denique nec vera est universalis, quam statuunt Casuistæ, Regula, & quam certam vocant, nimirum quod *lex Ecclesiæ non obligat cum magna difficultate*. Nam S. Th. justam omitendi jejunii causam, non magnam dicit esse difficultatem, sed *magnum gravamen*. Alioquin gulosi, gurgites, belluones, qui nunquam saturantur, qui se cibis replere & ingurgitare solent, quique maxime jejunio egent, ad illud non tenerentur, quippe qui non sine magna difficultate jejunare possunt, sed difficultate orta ex pravo habitu & vitioso; hanc itaque magnam difficultatem superent oportet, ut jejunent; & ad eam vincendam adstringuntur, cum in gravamen non sanitatis sed gulæ redundat jejunium. Melius itaque dicetur, Ecclesiæ præcepta non obligare cum magno detrimento, periculo, damno sive corporis sive animæ. Immo ut egregie monet Elizaldus, „Nā eam in valetudinem, vel salutis, detrimentum considerandum esse,

„quod per se sequitur ex abstinencia, „pœnitentia, ac maceratione corporis, cum hoc per ipsam intendatur, „considerandum vero esse si quod aliud „majus & extraordinarium immineat“. Quamobrem pœnitentia ac sacri jejunii hostes dicendi sunt Theologi illi, qui Christianos ab hoc saluberrimo onere dispensant, quia ob jejunium noctem vigilant, in lectulo se volutant, difficile somnum capiunt, capitis incommodum, stomachi debilitatem faucium ariditatem, lassitudinem experiuntur, cum hæc incommoda & jejunium ipsum de se consequantur, & in omnibus jejunantibus plus minusque contingant, quæ proinde & patienter toleranda, & assuetudine vincenda.

V. Quod de impotentia diximus, & de labore intelligendum est. Non enim quicumque labor a jejunio libetatur, sed qui officit valetudini, & vel morbum parit: vel inducere aptus est. Ut autem dignoscere possimus laborem vere a jejunio excusantem, audiamus D. Th. duas statuentem Regulas vere aures & tutas.

REGULA PRIMA.

Labor ille a jejunio excusat, qui omitti aut diminui non potest absque detrimento salutis corporalis, & exterioris status, qui requiritur ad conservationem corporis, vel spiritualis vite.

Hæc Regula iisdem verbis constata est, quæ uiter S. Thom. hic. quæst. 147. art. 4. ad 3. ubi loquens de peregrinis & operariis scribit: „Circa „peregrinos & operarios distinguendum „videtur, quia si peregrinario & operariis labor commode differri aut diminui possit absque detrimento corporalis salutis, & exterioris status, qui

„ qui requiritur ad conservationem corporalis, vel spiritualis vitæ, non sunt propter hoc Ecclesiæ jejunia prætermittenda “. Ubi notandum A. P. requirere ad omittendum jejunium, ut ejus observantia non molesta sit, non affigens, non debilitans, sed *noctiva*, & detrimentum afferens corporali salutem, vel exteriori statui, non cuiusque, sed *necessario* ad conservationem vitæ corporalis, vel spiritualis: non enim periclitatur vita corporalis, si in jejuniis debilitas, invalerudo, vel salutis detrimentum aliquod contrahitur, nam aliqua in valetudo, dolor, debilitas plus minque accidit omnibus vel plerisque in quovis statu & tempore.

VI. Ad hanc itaque Regulam non attendentes recentiores Casuistæ in plures lapsi sunt erroneas falsas & laxas opiniones, cuiusmodi sunt binæ illæ ab Alex. VII. damnatæ propositiones, 30. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejuniis.*

31. *Excusantur absolute a præcepto jejunii, qui iter agunt equitando, utcumque iter agant.* His accedunt probabiles illæ sententiæ, per quas a jejuniis dispensatos declarant cum Leandro tract. 8. Disq. 8. qu. 19. omnes feminas quinquagenarias, cum Tamburino omnes artifices, atque futores, cum Torrecilla studio incumbentes, nam opera etiam ingenii & mentis continuata a jejuniis excusant, & subdit Pasqualigo, tenendum, quod labor ingenii excusat ob obligatione jejunandi.

Pasqualigus solutos a jejuniis declarat Portantes onera, Coquos condentes cibos, Furnarios, Textores, Molendinarios assidentes per diem molis, Argentarios, Aurifices, vendentes per vicos & plateas, qui circa pelles curandas laborant, Mulieres lavatrices, vel etiam solum extendentes & duplicantes pannos, Pictores, Sculptores, Servos, & Ancillas multum laborantes, Typographos, typis assidentes, Marinarios Milites præstantes, Temples ornantes Studentes, qui Conclusiones defendunt, aut oppositionem faciunt, Advocatos, Procuratores, Judices nimium laborantes, Scribas, Secretarios Principum, Episcopos in diebus Ordinationis, Infirmitas multis infirmis assidentes, Excipientes nobilem hospitem, præsertim Principem, si illi in mensa assistant, jejunium violare possunt. Diana dispensat & Barbinofores & Sarto- res. Profecto hæc est illa luxuriantium ingeniorum licentia, de qua in dies ex- crescente conqueritur SS. Pontifex Alex. VII. ex qua erupturam prævidit christianæ vitæ corruptelam, & inge- nuit.

REGULA SECUNDA.

Labor etiam gravis, & detrimentum grave afferens salutem corporis a jejuniis non liberat, si sit voluntarius, non necessario assumptus, nec a pietate, vel caritate imperatus.

VII. Ita disertè docet S. Th. laud. art. ad 3. „ Si autem imminet *Necessitas* . . . multum laborandi, vel „ propter conservationem vitæ corpo- „ ralis, vel propter aliquod *necessarium* „ ad vitam spiritualem, & simul cum „ hoc non possint Ecclesiæ jejunia ob- „ servari, non obligatur homo ad je- „ junandum “. Quod & prius docue- rat iv. sent. dist. 15. q. 3. a. 2. qua-
Aaaa

Anicula 4. ad 1. „ Si peregrinatio pos-
 „ sit sine incommodo differri, debet
 „ peregrinationem differre, si simul
 „ cum ea jejuare non potest. „ Si au-
 „ tem peregrinatio commode differri
 „ non potest (vel quia tempus jejunii
 „ hominem in via preoccupat, vel quia
 „ dies festus alicui imminet; ad quem
 „ ex devotione homo pergere cupit)
 „ vel quia mora in poenitentia *pericu-
 „ lum* habet vel spirituale vel corpo-
 „ rale, potest cum dispensatione sui Su-
 „ perioris omnia predicta pensantis pe-
 „ regrinari, & jejunium solvere “.
 Quod iterum confirmat docendo & pro-
 bando, adeo necessitatem requiri in la-
 borioso opere perficiendo, ut sola uti-
 litas temporalis non sufficiat ad legiti-
 mam a jejunio liberationem: quare lo-
 co mox citato ex: Sent. in resp. ad 4.
 de operariis scribit: „ De operariis di-
 „ stinguendum videtur, quia si jeju-
 „ nando possunt comperentem victum
 „ pro persona sua habere; & pro fa-
 „ milia, cujus cura eis incumbit (sive
 „ quia alias divites sunt, sive quia de
 „ eo quod minori labore fit, qui simul
 „ secum jejunium compatizatur, lucrari
 „ sufficientia possunt) a jejunio non
 „ excusantur. Si autem alias non pos-
 „ sunt tantum laborare, quod victum
 „ sufficientem acquirant, nisi jejunium
 „ frangendo, possunt secundum dis-
 „ pensationem Sacerdotis sui jejunium
 „ solvere, & laborare. Ex quo patet,
 „ quod intentio majoris lucri non ne-
 „ cessarii eos a peccato non excusat,
 „ si jejunium frangant: nec iterum
 „ illi a peccato immunes sunt, qui
 „ operarios conducere nolunt nisi tali
 „ pacto, ut jejunium solvant, nisi
 „ forte sit *causa necessaria*, quæ festi-
 „ nationem operis, pro quo laboratur,
 „ expostulat “. Eandem doctrinam am-

plectitur & tradit S. Antoninus 2. P.
 tit. 6. cap. 2. §. 6. dicens: „ Multum
 „ laborantes, quibus imminet *necessi-
 „ tas* multum laborandi, si non pos-
 „ sunt jejunium observare, excusan-
 „ tur. Alias si possunt utramque fa-
 „ cere commode, tenentur jeju-
 „ nare “. Et iterum inculcat: “
 „ Si possunt differre
 „ aut subtrahere, aut diminuerre labo-
 „ rem, ita ut possint jejunare, & ex
 „ hoc non incurrant detrimentum sui
 „ status, tenentur ad jejunium “.

VIII. Ex hujus Regule vel ignora-
 tione, vel contemptu recentiores Ca-
 tholici alias non minus laxas & falsas
 doctrinas posuere, & ut probabiles as-
 firmare & rueri vetiti non sunt, &
 præcipue secundam trigessimæ primæ
 damnatæ propositionis partem posuere,
 nimirum, *Excusantur absolute a præce-
 pto jejunii omnes illi, qui iter agunt equi-
 tando, utcumque iter agant, etiamsi iter*
 NECESSARIUM non sit, & etiamsi iter
 unius diei consistat. Falsæ proinde &
 laxæ habendæ sunt sequentes doctrinæ
 Sancti & Dithæ: Excusantur a jejunio,
 „ qui labore aliquo defatigantur, quam-
 „ vis illum in alium diem commode
 „ differre queant, etiamsi data opera, ut
 „ non jejunent, hoc agerent etiamsi in
 „ fraudem jejuniis agerent nullius nego-
 „ tii causa iterant, sed solo desiderio non
 „ servandi jejunium “. Pasqualigi:
 „ Qui assumit media illicita, & ita la-
 „ boriosa, ut sint incompatibilia cum
 „ jejunio, ea intentione non servandi
 „ jejunium, non peccant contra præ-
 „ ceptum jejunii. Decis. 320. n. 6. “
 Leandri: „ Probabiliter respondeo,
 „ labor voluntarius susceptus, si sit ma-
 „ gnus, exingit obligationem jeju-
 „ nandi “. Et rursum. „ Probabiliter
 „ respondeo, labor voluntarius potest
 assumi

„assumi in diebus jejunii *semper*, &
 „*toties quoties* libuerit. Qui iter fa-
 „ciunt pedites, etiam si iter *volunta-*
 „*rium* sit, a jejuniis liberant, sicut lu-
 „dentes pila, vel alio ludo nimis la-
 „borioso, qui venationi dant operam“. Immo & quod horrendum est, dispen-
 santur a jejuniis qui fatigantur puellam
 a stupro fugientem insequendo, qui ta-
 ctibus venercibus, vel nimio coitu debili-
 tantur, licet id faciant *in fraudem je-*
junii, & ea intentione, ut facti impo-
 tentes non jejunent. Ineptissima autem
 sunt, quæ afferunt ad has laxitates
 tuendas argumenta, nimirum. 1. Ad
 impossibile nemo tenetur: porro qui ita
 defatigatus est, ut jejunare sit illi mo-
 raliter impossibile, quocumque ex cap-
 ito, etiam pravo, & flagitioso oriatur
 impotentia, jejunare non tenebitur. 2.
 Præceptum jejunii non prohibet nec
 ludum, nec venationem, nec coitum;
 qui ergo his dat operam, peccat quid-
 em contra aliam virtutem, at contra
 præceptum jejunii omnino non peccat.
 Nam ad 1. dicimus, tunc non peccare,
 quando jam impotens factus non jeju-
 nat, sed tunc peccare, quando data
 opera & studiose vel ludum, vel venat-
 iones, vel impudicitiam elegit in frau-
 dem jejunii, & eo pravo animo elegit ne
 jejundet: sicut non peccat qui in die fe-
 sto dormit tempore Missæ, quia impos-
 sibile est dormientem peccare, sed tunc
 peccavit contra Ecclesiæ præceptum,
 quando somnum elegit ne Missæ inter-
 sit. Ad 2. dico, jejunii præceptum
 quidem præfata opera directe & per se
 non prohibere, sed ea vetari lege uni-
 versale prohibente, ne in fraudem le-
 gis, & studiose ad præceptum vitan-
 dum impedimenta apponantur. Legan-
 tur quæ diximus de Legib. Tr. 1. Diss.
 3. cap. 9. num. 17. & cap. seq. Con-
 sect. 16.

IX. Tertius a jejuniis excusans ritu-
 lus est Pietas, seu Caritas, & quidem
 justus & licitus; non enim jejunium
 impedire debet majus bonum, & præ-
 fertim pietatis & caritatis opera, &
 quidem non solum quando hoc ex officio,
 obedientia, & necessitate exercenda
 sunt, sed etiam quando ex voluntate
 assumuntur, dummodo tamen hæc tres
 non desint conditiones, nimirum 1.
 ut hæc opera differri non possint extra
 jejunii tempus. 2. Ne in fraudem je-
 junii assumantur. 3. Ut sint majoris
 bonitatis & perfectionis, quam jeju-
 nium, quod constabit, quando opera
 nostra pietatis & caritatis in majorem
 Dei honorem cedant, & in proximi
 utilitatem, nostra opera eo tempore
 indigentis. Hæc doctrina ex ipso S.
 Thom. desumpta est, non quidem adeo
 aperte & clare ex iis; quæ habet in
 IV. Diss. 15. q. 3. art. 1. quasiuncu-
 la 2. ad 3. ubi scribit: „Si sit tanta ab-
 stinentia, quod homo ab operibus uti-
 „lioribus impediatur, quamvis ad ea
 „non teneatur, indiscretum est jeju-
 „nium, etsi non illicitum“. Nam ibi
 S. D. loqui videtur de jejunio volun-
 tarie assumpto, non de jejunio per
 præceptum urgente. Sed luculenter ex
 2. 2. qu. 147. art. 4. ad 3. ubi de
 Peregrinantibus loquitur. Nam 1. cer-
 tum est peregrinationem assumi volun-
 tarie, nec ullo præcepto urgeri, &
 tamen S. Thom. docet eam licitum
 esse assumere etiam urgente jejunii
 præcepto. 2. Docet, ut sit justa sol-
 vendi jejunii causa, quod prima ser-
 vetur apposita conditio, nimirum ut
 differri non possit, nec minui aut sus-
 pendii, aliter a jejunio non excusat
 & sic enim scribit: „Si peregrinatio . . .
 „commode differri possit, aut diminui
 non

A a a a a 2

„... non sunt propter hoc Ecclesiæ
 „jejunia prætermittenda“, unde &
 alia apparet observanda conditio, ni-
 mirum ne suscipiatur *in fraudem jejunii*,
 sed ex necessitate, vel suscipienda sta-
 tim sit peregrinatio, vel suscepta non
 abruptenda, unde subdit: „Si au-
 „tem imminet necessitas peregrinan-
 „di vel quia (ut explicat l. ex sent.
 „laud. q. 4. ad 1.) tempus jejunii
 „hominem in via præoccupat, vel
 „quia dies festus alicui imminet, ad
 „quod ex devotione pergere cupit“. *Tertiam quoque conditionem adstruit,*
 dum dicit in sent. loc. laud. *Quia in-*
tentio Ecclesiæ statuens jejunia non
est, ut per hoc impediret alias pias, &
magis necessarias causas. Et in sent. l. c.
 scribit: „Nec obstat, quod præce-
 „ptum debet præponi consilio, quia
 „intentio præceptum hujusmodi dan-
 „tis non est alias pias & magis neces-
 „sarias causas excludere“. Et quia
 facile error subrepre potest, & quis
 arbitrari magis pium opus, quod volun-
 tarie assumit, quam jejunium ab Ec-
 clesia impositum, subdit: „in talibus
 „recurrendum esse ad Superioris dis-
 „pensationem“, immo fortius dixe-
 rat in Sentent. „posse peregrinationem
 „jejunio præferre ex dispensatione Su-
 „perioris omnia prædicta pensantis“, *ideò perpendentis, tum melius sit pe-*
reginari, an jejunare.

X. Hac itaque de causa & iusto ti-
 tulo dispensantur, qui vigilare debent
 per totam noctem, & in die operari
 ad interveniendum infirmis & X-nodo-
 chiis, vel etiam in Cœnobiiis, quando
 plures ægrotant, immo quando præ-
 festum ex instituto, obedientia, &
 caritate sunt tum spiritualia tum cor-
 poralia opera misericordiæ exercenda.
 Verum nimium hunc titulum dilatant
 Probabilitæ, dum eo nomine a jejunio

liberant Ludimagistros Lectores, & Ca-
 thedricos cujuscumque facultatis, licet
 legant ostentationis gratia ad opinionem
 acquirendam, Cantores, Confessarios
 nimium confessionibus assidentes, etiam si
 id faciant ex libito; etiam lucri gra-
 tia, Concionatores etiam si solum ter,
 vel quater in hebdomada concionentur,
 quos a jejunio liberant etiam in diebus,
 quibus non concionantur, quia, ut
 inquit Sanchez, „non tantum debent
 „attendere an possint in hac Quadra-
 „gesima, vel in hac die simul jeju-
 „nare & prædicare, sed etiam ut
 „conferant vires, & possint plures,
 „dies & Quadregimas prædicare“. Oratores Principum, Præsides consi-
 liorum, immo Consiliarios ipsos, Præ-
 fectos Urbium, Duces exercitum, quia
 omnes isti, inquit, semper negotia
 difficilia animo revolvunt, & talis oc-
 cupatio plurimum consumit spiritus, &
 inducit notabilem debilitatem, quamo-
 brem paritate rationis dispensant cete-
 ros Ministros omnes, qui plurimum oc-
 cupantur in negotiis publicis. Porro
 tot a jejunio solutis, exigua admodum
 sit oportet jejunantium turba.

XL. Postremo loco iusta solutionis a
 jejunio causa est dispensatio, de qua
 late diximus cap. 5. & 6. quæ & hic
 servata proportionem aptanda sunt. So-
 lum hic corrigenda est duplex La-Croix-
 ii, & aliorum Probabilitatum doctri-
 na, scilicet sufficere ad dispensatio-
 nem causam validam quidem, sed vel
 veram, vel quæ talis putetur, sufficit
 enim credulitas inculpara. Nam licet
 concedamus etiam causam validam pu-
 rativam sufficere posse ad legitimam
 dispensationem, dicimus tamen hanc
 credulitatem esse debere prudentem,
 causam, nixamque solidis & pruden-
 tibus fundamentis, & rationibus, non
 levem.

levem & præconcepam ex vano timore, ex nimio propitii corporis & sanitatis amore, quo illic trepidemus timore ubi non est timor. Et revera quis cordatus arbitrabitur superius expositas causas non jejunandi a Probabilis invectas, licet certe non veras, esse tamen saltem prudenter existimatas, & tamen heu, quot sunt qui illis innixi licitum sibi censent sacra violare jejunia! Altera doctrina La-Croixii & Probabilistarum est: *ad legitimam dispensationem alicui in particulari concedendam sufficere unam ex causis a jejunio excusantibus, non totaliter, sed aliquo modo, attamen non sufficienter.* At quomodo legitima esse potest, aut habenda est dispensatio, quæ nec totaliter, nec sufficienter a jejunio excuset? Profecto hæc non dispensatio, sed dissipatio est, & qui hoc pacto dispensationem impatiuntur, sua potestate non utitur, sed abutitur, eam adhibendo non in salutem & ædificationem, sed in perniciem & destructionem. Si igitur causa non totaliter excusat, nec totalis est concedenda dispensatio, sed pro modo causæ & indigentia: hinc qui non potest omnibus Quadragesimæ diebus ex iusta causa jejunare, potest tamen aliquibus, puta bis aut ter in hebdomada, non totaliter est dispensandus, sed ad ea quæ sustinere potest jejunia obstringendus. Qui vero non sufficiens offert dispensationis motivum, nullo modo est dispensatione dignandus; sine enim sufficienti causa non est legitima dispensatio; & qui absque ratione, inquit S. Thom. 1. 2. qu. 97. art. 4. *pro sola voluntate licentiam tribuit, aut non est fidelis in dispensando, aut est imprudens; infidelis quidem, si non habet rationem ad bonum commune: imprudens, si rationem dispensandi ignorat.* At urget La-Croixius: non est infidelis res-

pectu boni communis, quia lex communis adhuc retinet observantiam quoad reliqua: non est imprudens: quia Ecclesia pro particulari dispensatione in favorem hujus, vel illius persone non ita rigide procedit, nec qui ex causa licet insufficienti dispensat, dici potest dispensare, pro sola libertate. At hæc nugæ sunt, & butubara. Ex facili & illegitima dispensatione lex in aliis non observantiam retinet, sed contemptum inducit: quis enim magni faciat legem, a cujus custodia videt Superiores vel pro libito, vel sine legitima causa dispensare? Ideo optime inquit Concilium Trid. sess. 25. cap. 18. de Ref. „Frequentius legem solvere exemploque potius quam certo personarum, rerumque defectu petentibus indulgere, nihil aliud est, quam unicuique ad leges transgrediendas aditum aperire: boni igitur communis rationem non habet, qui ex insufficienti causa dispensat, proinde infidelis. Imprudentissimus vero, quia contra mentem Ecclesiæ sine legitima causa dispensando, sua potestate abutitur; & tantum abest Ecclesiæ in dispensationibus in favorem hujus vel illius persone non ita rigide procedere, quin oppositum plane statuit & declaravit in Trid. Synodo l. l. indicens, „Si „urgens si-que ratio, & major „doque utilitas postulat, verit cum aliis, quibus dispensandum esse, id causa „cognita, ac summa maturitate, atque gratis a quibuscumque, ad quos „dispensatio pertinebit, erit præstandum „aliterque facta dispensatio subreptitia „habeatur.“ Legantur quæ diximus Tr. 1. Diff. 4. c. 9. Reg. 7. & 8. Ubi estis uberes lacrymarum fontes ex oculis Benedicti XIV. erumpentes deplorantis, „Augustinus, summam Quadragesimalis jejunii observantiam ob nimiam nullis legitimis

ur-

„urgentibus causis, ubique indiscrimi-
natum dispensandi facilitatem plane
„sublatam esse“! Quid enim perversus
statui potest ad legem jejunii penitus
subvertendam, quam docere, ad
dispensationem sufficere causam nec tota-
liter, nec sufficienter excusantem?

CAPUT SEXTUMDECIMUM.

CONSECTARIA PRÆCEDENTIS
DOCTRINÆ.

- I. *Ab onere jejunii non solvuntur conjugati.*
- II. *Ab eo soluta sunt femina pręnantes, & lactantes.*
- III. *Num uxor possit omittere jejunium, ut virescat.*
- IV. *Num ut illi se gratiam reddat.*
- V. *Quomodo artes laboriosas exercentes a jejunio liberantur.*
- VI. *Num & qui non adeo laboriosas.*
- VII. *Num qui magis mente quam corpore laborant.*
- VIII. *Quinam titulo pietatis non fiat a jejunio soluti.*
- IX. *Doctrina S. Thom. explicatur & defenditur.*
- X. *Num bona fides circa causam a jejunio liberantem exerceat.*
- XI. *Num dispensatus ob infirmitatem, si convalescat, teneatur jejunare.*
- XII. *Consuetudines a Casuistis adductæ num sint passim admittendæ.*

CONSECTARIUM PRIMUM.

- I. **A**B onere jejunii non liberantur conjugati, ne jejunando fiant minus ad reddendum debitum potentes. Oppositum plane docent fere omnes. Probabilissime hæc unica freti, & quidem imbecilla ratione, quia, inquit, reddere debitum conjugale actus est justitiæ, & jure naturali ac divino præ-

ceptus, huic igitur cedat oportet præceptum mere Ecclesiasticum. At nostra propositio non solum probabilior est, sed & unice vera. I. Quia perpetua fuit Ecclesiæ mens, & SS. PP. doctrina, conjugatos non solum non debere jejunium violare, ut conjugale debitum reddant, quinimmo ex opposito jejuniorum tempore debere ab ipso opere carnali cessare. S. Paulus 1. ad Corint. postquam præceptum naturale & divinum promulgavit cap. 7. Uxori vir debitum reddat, similiter autem & uxor viro, subdit tamen, ab hoc officio ex mutuo consensu abstinere oportere ad tempus, ut orationi vacent, &, ut dicitur in Græco textu, & jejunio. Petrus Apostolus epist. 1. cap. 3. vult viros cohabitare cum uxoribus, ita tamen ut non impediatur orationes. Vetus Pœnitentiale Romanum editum ab Antonio Augustino viginti dierum jejunio in pane, & aqua, & unius anni pœnitentia multabat conjugatos, qui in tota Quadragesima continentiam non servassent. Et in Orientali Ecclesia Paschali privabantur Communione. Porro si vera esset opposita Theologorum doctrina, quid iniquius, quam punire præferentes custodiam præcepti divini & naturalis observantiæ præcepti mere Ecclesiastici? Nec alia est mens præsentis Ecclesiæ & vigentis disciplinæ Ecclesiæ enim quadragesimali tempore solemnitates nuptiarum prohibet, & præcipue carnalem copulam, quia (inquit S. Thom. in IV. dist. 32.) „quando novæ sponsæ traducuntur, „animus conjugum magis ex ipsa novitate ad eam carnalium occupatur; „propterea illis temporibus, in quibus „homines præcipue debent se ad spirituales elevari, prohibetur est nuptias celebrare“. Nec opponatur, tunc

tunc temporis & ipsum Sacramentum Matrimonii prohiberi; hoc enim falsum est; ut declaravit Sacra Congregatio Concilii, relata a Fagnano; quæ interrogantur an Matrimonium coram Parocho, quocumque tempore contrahi possit? Respondit: „*Possit contrahi, quocumque tempore* Matrimonium, sed „temporibus comprehensis in cap. x. „sess. 24. de Reform. Matrim. Nup- „tiarum solemnitates, translationes ad „domum, & *carnelem copulam* prohiberi „beri“. At inquires, quomodo prohiberi potest, quod celebrato Matrimonio, jam debitum est jure naturali divino? Ratio in promptu est, quia particularia & privata jura publico & communi derogare non possunt; jus conjugum privatum est & particulare, jus abstinendi a solemnitatibus, & multo magis jejunandi universale est, & propterea Ecclesia a Conciliis constitutum; proinde hoc illi, non illud isti concedat oportet. Præterea jus conjugum suos habet fines & limites, quos prætergredi fas non est; & sicut non licet illud exercere quando junctum est loci sacri violationi, ita nec exerceri quando jejunii violationi conjungitur. Ex mente igitur Ecclesiæ, & Conciliorum Decretis non licet jejunium violare ad debitum reddendum.

Nec aliter sentiunt SS. PP., qui carnelem commercium in diebus jejuniorum esse abrumpendum perpetuo docuere, nec unquam prædicarunt jejunium omittendum, ne ab opere carnali impediatur conjugati. S. Augustin. serm. 205. in Quas. I. scribit: „Per „alios dies adulteria, fornicationes, „omnesque illicitas corruptelas nolite „contingere, per hos autem (jejuniorum) etiam a conjugibus abstinete. „Et Ser. 4. Quicumque etiam celsi

„conjugibus alligati, nunc maxime „apostolica monita nolite contem- „nere, ut *invicem abstineatis* ad tem- „pus, ut vacetis orationibus. Quod „enim aliis diebus utiliter sit, nimis „inverecundum est, si modo non fiat“. S. Eligius Novocomensis Episcopus homil. 16. 1., Diebus Quadragesimæ vos „omnibus modis a conjugum commix- „tione vestratur, sicut decet Chri- „stianos, abstinere oportet, nam, ut „quidam Sapiens ait, similis reatus est „fidei Christiano diebus Quadragesimæ „etiam cum propria uxore concum- „bere, sicut & carnes in cibo samed- „ne“. Theodulphus quoque Aurelianensis Episcopus in Capitul. cap. 41. statuit: „*Abstinentum* est his sacrificiis „his diebus a conjugibus, & carne, & „vivendum, ut sanctificato corde „& corpore isti sancti dies transigan- „tur, & sic perveniatur ad diem San- „ctum Paschæ, quia nihil peius valet „jejunium, quod *conjugali opere* pol- „luitur“. Sed reponunt Probabilistæ: Istos Patres consilium dare, non præceptum imponere, quod melius est suadere, non quod malum cavendum inculcare. Sit ut lubet, nolo enim modo de hoc disputare. Illud certe ex hac SS. PP. prædicatione & doctrina consequitur, ipsos nec suspicari fideles jejunium violaturos, ut conjugali commercio incumberent, quanto enim zelo exarsissent in istos inverecundos, si adeo acriter objurgabant qui consilio & monitis suis non obtemperabant?

Denique hanc veritatem etiam nonnulli Probabilistæ agnovērunt & confessi sunt, quos inter & benignissimus La Croixius, qui n. 1338. pag. 413. scribit: „Licet conjux reddatur mihi, nus potens ad reddendum debitum, „non ideo teneatur omittere jejunium, „quia

„quia habet jus ad opera spiritualia,
 „licet per hæc aliquantulum impedia-
 „tur ab opere corporali“. Ex quo
 patet, quam falsa sit & absurda Tam-
 burini doctrina affirmantis lib. 4. in
 Decal. cap. 5. §. 7. n. 37. „Si pre-
 „cibus aliove modo posset conjux re-
 „movere alterum a petendo debito,
 „adhuc tamen non teneretur uti hoc
 „remedio, atque adeo posset non je-
 „junare, & sic reddere“. Ita Thom.
 „Sanchez: „Ratio est, quia perso-
 „nalis obligatio reddendi est ex justitia,
 „quæ non obligat nisi ad red-
 „dendum personaliter debitum, quod
 „vero ad conquirenda vel ponenda ce-
 „media, ne alter petat“. Vñ cini-
 ca doctrina!

Argumentum vero, quod tangit Tam-
 burinus, & alii Probabilistæ proponunt
 ad suam laxiorem firmandam sententiam
 sibi objicit S. Thom. in IV. dist. 23.
 q. un. arr. 1. hoc pacto: Quicumque
 „facit se impotentem ad faciendum
 „id, quod ex *præcepto* tenetur, pec-
 „cat. Si ergo aliquis ex necessitate
 „*præcepto* tenetur ad reddendum de-
 „bitum, videtur quod peccet si *jeju-*
 „*nando*, vel alias corpus suum at-
 „tenuando impotentem se reddat ad de-
 „biti solutionem, quod non videtur
 „verum“. Huic autem objectioni sic
 respondet: „Si aliquis reddatur im-
 „potens ad debitum solvendum ex
 „causa ex matrimonio sequuta, quia
 „cum prius debitum reddidit, & est
 „impotens ad debitum solvendum,
 „ulterius mulier non habet jus peten-
 „di, & in petendo ulterius se magis
 „meretricem quam conjugem exhibet.
 „Si autem reddatur impotens ex alia
 „causa, si illa est *illicita*, sic iterum
 „non tenetur, nec potest mulier exi-
 „gere: si vero *illicita* est, tunc pec-

„cat, & peccatum uxoris, si propter
 „hoc in fornicationem labatur, aliquo
 „modo sibi imputatur“, itaque si ju-
 „xta S. Thom. alter conjugum non est
 „potens ad reddendum debitum *ex licite*
 „causa, alter non habet jus exigendi,
 „nec impediendi licitas alterius actiones;
 „ergo multo minus jus habet exigendi &
 „impediendi alterius actiones non solum
 „*licitas*, sed & *præceptas*, licet ex hoc,
 „quod alias sibi debitum est, exigere
 „non possit, quia jus exigendi tunc non
 „habet. Nullo pacto itaque licet ad
 „conjugale reddendum debitum sacra
 „jejunia violare, & non immerito oppo-
 „sitam doctrinam Natalis Alex. cap. 5.
 „art. 7. Reg. 3. falsam & erroneam,
 „castasque aures & animos offendentem
 „appellavit.

Sed urgere non desinunt, si res ad
 eas redigatur angustias, ut nisi alter
 conjugum debitum reddat, alter incon-
 tinentiæ periculum subeat, & ne in
 peccatum labatur merito timeatur, lice-
 bit ne uni reddere etiam cum debeat
 per hoc jejunium violare? Primo res-
 pondeo, licet concedamus tunc licere
 jejunium frangere ad reddendum debi-
 tum, adhuc tamen immora constitit
 posita doctrina quæ id statuit, quod
 communiter contingit, non quod in
 aliquo raro casu contingere potest: ni-
 hil enim in doctrina morali absurdum
 magis, quam pro peculiari aliquo casu
 regulas generales statuire, de quo non
 semel Lectores nostros monuimus. Res-
 pondeo 2. vel hoc periculum prævide-
 tur, vel ex subita tentatione oboritur.
 Si hoc secundo modo contingat, debet,
 immo & tenetur ex caritate conjugis
 periculum avertere, quod non ex ma-
 litiâ oritur, sed ex fragilitate reddendo
 debitum, licet prævideat se non posse
 jejunium servare, quia tunc christiana
 pie-

pietas excusat. At si hoc periculum prævideretur, quia alter conjugum adeo impotenti & effræni urgetur libidine, ut conjugum alterum fortassis debilem fatigaret, pluries, & intemperanter petendo, tunc teneatur eum monere, & de sua imbecillitate, & de sacro jejuniorum tempore, & hortari ut temperet a petitione debiti, & concupiscenciam jejunio frænet; quod si ille præter, & nihilominus adhuc ex fragilitate crebrius posulet, obsequi illi licebit; etiam cum aliqua jejunii diminutione: at si ille spretis monitionibus, & nullam habens jejunii & Ecclesiastici præcepti rationem, suam velit effræni libidini habenas laxare, suam imputeatur vir malitiae, & scandalum, quod inde sequetur, cum Pharisaicum sit & malitiosum, uxor contemnat, præceptis Ecclesiæ obtemperando. Ita sentit Concina, cujus doctrinæ lubens subscribo. Ut tamen quod verum est fatear ipse qui a triginta ab hinc annis Confessarii munus assumpsit & Confessiones excepti in magnis Civitatibus & in parvis, in oppidis, & villis, immo & in sacris Missionibus, ne unum quidem reperire mihi obtigit, qui pro causa violati jejunii necessitatem reddendi conjugalis debiti attulerit; adeo verum est quod subdit laudatus Auctor, neque in mentem conjugatorum venire, se liberos esse a jejunio, ut copulam exerceant maritalem, sed effræni Theologorum opinandi licentiam tribuendum hoc novum genus solutionis a lege & onere Ecclesiastici jejunii.

CONSECTARIUM SECUNDUM.

II. Uxores prægnantes & lactantes communiter a jejunio excusantur, non tamen lege statuentis, sed necessitate Patrum Theol. Mor. Tom. V.

postulante, quippe quia ut plurimum indigent abundantiori cibo tum in futurum in foetus vel prolis sustentationem. Ita docent communiter Doctores tum antiqui tum recentiores cum S. Antonino 2. part. tit. 6. cap. 2. §. 6. docente: „Prægnantes & lactantes si debilitas impediat eas, vel si ex hoc timeatur de periculo eorum vel abortus, vel defectus alimentis pueri, excusantur a jejunio, immo debent dimittere jejunium“. Quamobrem subdit Natalis A'cx. Reg. 3. „Ipsa jejunium prohibere debet Confessarius, si scrupulo, aut imprudenti zelo, acque inconsiderata pietate illas jejunare velle videret“. Immo non a solo jejunio, sed & ab abstinencia carnis sunt dispensantæ, si ita posulet debilitas & infirmitas tum sua, tum prolis sive nascituræ sive lactantis; sicut etiam si vehementi appetitu carnes desiderarent, cujuscumque generis, sive salubris sive insalubris, illis sunt concedendæ, quia nisi hoc vehemens desiderium expleant, de vita foetus periclitatur, & abortui subjacere possunt. Addidi tamen non *lego statuentis*, sed *necessitate* postulante; nam non usquequaque veram puto quam prædunt benigniores Casuistæ doctrinam, scilicet prægnantes & lactantes licet robustæ sint, & unica refectioe sufficientem sibi & proli cibum sumere valeant, adhuc tamen non teneri, quia, inquit Salmanticensis, lex ad id quod communiter accidit attendit. Postulo enim ubi lata est lex, quæ prægnantes & lactantes absolute a jejunio liberet? Profecto nullibi eam reperiri; lex jejunii universalis est, lex jejunio obnoxios liberans universalis nulla est sed privatam tantum conceditur privilegium, & dispensatio aliquibus per-

bb b b

fo-

sonis iusta de causa & ratione, cuiusmodi est in feminis prægnatio & lactatio; quamobrem si absque suo & proliis detrimento jejunare possunt, minime sunt a jejunii lege immunes, At, subsumunt Salmanticenses, cum prægnantes communiter jejunare non possunt, omnes eo favore uti debent: Cur debent hoc favore uti omnes indiscriminatum, licet jejunare possint? an privilegiis & favoribus necessario uti debemus? Quis hoc dicat? Adde nec uti possunt; non enim absolute conceduntur hæc privilegia, sed conditionate, scilicet si egeant; nulla ergo occurrente egestate, nullum est privilegium. Urgent; moraliter loquendo jejunatio imminet grave periculum fœtus & lactantis saluti. Si ita est, qui hoc modo periclitantur a jejunio abstinere, & ideo diximus, communiter a jejunio solutas; at si sentiant jejuando se bene valere, & nihil obesse jejuniū nec sibi nec proli vel lactenti, jam dispensationis ratio cessat, nec a jejunio liberantur. Nunquam (inculcant) securæ esse possunt, quod id infantulis nocere non possit; nec securæ sunt, quod cibus sumptus sive ratione qualitatis, sive quantitatē illis noceat, & tamen illas ab abstinentia non dispensant Salmanticenses. At hic timor panis est, & contemnendus, & ubi intimo sensu & experientia sentiunt se bene valere, absque scrupulo jejunare possunt, & etiam debent, sin semper, saltem per aliquod dies sive in hebdomada sive in tota Quadragesima.

CONSECTARIUM TERTIUM.

III. Non debet uxor marito prohibenti jejuniū obedire, licet inde rixæ oriantur & scandala, multoque minus

si maritus hæreticus sit, & uxor catholica. Hanc veritatem probavimus Tract. 4. diff. 3. cap. 19. consecr. 10. & iterum hic confirmamus. Quandoquidem mariti scandalum, qui graviter offenditur, & rixas excitat & discordias observatum ecclesiasticum jejuniū, plane pharisaicum est & malitiosum, & propter contemnendum. Quod si etiam pusillorum scandalum supponatur, & ex infirmitate ortum, reddita ratione, tollendum est, cui si acquiescat maritus, cessabit omnino, ni acquiescat, in pharisaicum degenerat, & tum locum habet S. Thom. doctrina 2. 2. q. 43. art. 7. „Si red-“, dita ratione hujusmodi scandalum, „duret, jam videtur ex malitia esse,“, & sic propter ipsum non sunt hujus-“, modi spiritualia bona, licet non sint „de necessitate solutis, omittenda.“ Confirmat & S. Antoninus 2. part. tit. 6. cap. 3. §. 6. De uxoribus dicit Innoc. quod quavis debeant dimittere jejunia, quæ habent ex voto prohibentibus viris 31. qu. 5. non tamen jejunia Ecclesiæ. Sed forte propter scandalum vitandum potest Sacerdos dispensare cum rasi . . . Sed Petrus de Palude in 4. dicit, „quod hoc vi-“, detur esse scandalum pharisaicum, „& per consequens contemnendum,“, si non vult vir uxorem jejunare. Legantur quæ diximus loc. cit. Quod multo magis verum puto de marito hæretico prohibente uxori jejunia Catholice Ecclesiæ servare, quia merito præsumi potest, hoc in contemptum Romanæ Ecclesiæ ab ipso urgeri, & ex erronea & hæretica opinione hujusmodi jejunia superstitiosa esse; quamobrem illi obsequendo uxor in prava opinione suo exemplo confirmaret.

CON-

CONSECTARIUM QUARTUM.

IV. Falsa est Cajetani doctrina asserentis hic ad art. 3. uxorem, quæ ex jejuniis macilentæ minusque grata viri sui oculis apparet, & hinc despici vel minus amati conspici ab eo, excusari a jejuniis; quoniam ipsa teneretur se conservare gratam viro suo; quandoquidem pro legitima causa violandi jejunium illud allegat, quod in conjugatis reprehendit Apostolus epist. ad Corinth. I. cap. 7. scribens: *Quæ nupta est cogitat quæ sunt mundi, quomodo placeat viro*; quod directè institutioni Quadragesimalis jejunii adversatur, nimirum concupiscentiæ frænationi. Ecclesia jubet jejunium ut comprimat concupiscentiam. Cajetanus a jejuniis solvit uxores ut concupiscentiam excitent, & foveant in maritis, denique dum uxor teneretur quadragesimali tempore matitum ad continentiam hortari, illi consulit ut jejunium violet, ne vultus macie impediat maritus fræna laxare concupiscentiæ. Sed subdit recentior Probabiliorista: „ Si despectus uxoris, „ & imminutus affectus conjugalium eo „ usque perveniat, ut ex signis conjugalibus prudenter timeat, ne maritus adulterinis amoribus torum „ maculet, tum quidem ex pietate „ caritate, & justitia rationabiliter a „ jejuniis se eximere possit petita a Patre „ rocho dispensatione, tunc enim teneretur se gratam exhibere ad impedendam gravissimam Dei offensam. Sed quæro cur dicat possit, & non potius teneretur? Nonne juxta illum ad violandum jejunium conjugem urgere præcepta Caritatis, Pietatis, Justitiæ? cur opus est dispensatione, si jejunium servando prædictarum virtutum præ-

cepta violaret? At intimo sensu percipit, has quidem virtutes urgere, quando scandalum est pusillorum ex fragilitate peccantium, non quando est pharisaicum ex malitia proficiens, proinde ejus ratio vel nimium probat, vel nihil probat. Si quadragesimali tempore maritus adeo protervus est, ut non solum a licito conjugio temperare nolit, sed præterea adulteriis totum maritalem polluere paratus sit, jam non ex fragilitate peccat, sed ex malitia: illi igitur imputandum scandalum, non uxori legem Ecclesiæ implenti: quod multo magis verum est de marito, ut subdit laud. Auctor „ qui conscientiam relaxatæ neque vult servare jejunium, neque quod ab uxore observetur, & „ propterea cum eadem quotidie rixatur, in blasphemias erumpit, in „ perjuriam, in minas . . . comminatio, do etiam eidem conjugalem injuriam „ irrogare, unde tumultibus & scandalis quotidie familia repletur. Hæc enim omnia ex malitia conjugis oriuntur, propterea locum habet doctrina S. Thom. in IV. dist. 38. q. 2. art. 4. „ Scandalum passivum quandoque oritur ex malitia odientium veritatem, „ qui turbantur, & alios turbant propter opera lucis, quasi filii tenebrarum, & hoc est scandalum Phariseorum . . . & propter hoc scandalum passivum nullo modo consilium „ sunt dimittenda (multo minus præcepta) quia sic iniquis daretur locus: „ impediendi opera perfectionis cum „ vellent, unde Dominus dixit de „ Phariseis: *Sinite illos, cæci sunt, & ducit cæcorum*. Conjugis itaque protervam maritum & conscientiam relaxatæ corripit prudenter, placare studeat monitiis salutaribus, Dei timorem & reverentiam Ecclesiæ insinuantibus, cum

ipso mensæ libenter assideat, at ea dextere tantum fumat, quantum ipsi lege jejunii conceditur.

CONSECRARI QUINTUM.

V. Artes laboriosas exercentes, cujusmodi sunt Agricolaë, Fabri lignarii, Ferrarii, Lapidicinaë, Figuli, Textores, Bâjuli, Fullones, Lanarii, Aurigæ, Coriarii, Nautæ, Remigantes, Torcularia in Typographiis calcantes, alique communiter a jejunio excusantur, quia communiter nequeunt sine magno gravamine jejunare: at si vel minuire laborem possunt, vel illud jejunio coniungere, ad illud observandum tenentur. Benigniores Theologi hos omnes absolute a jejunio excusant, licet & jejunare valeant, & non ad victum, sed ad lucrum labori insistant. In hujus doctrinæ probatione asserere solent vivæ vocis Oraculum Eugenii IV. vulgatum anno 1440. quod tamen diversimode ab aliis refertur. A Salmanticensibus per hæc verba desumpta, ut ipsi dicunt ex Compendio Privilegorum Fratrum Minorum V. Jejuniium. *Idem Eugenius declaravit, quod Artifices laboriosas artes exercentes & rustici sive divites, sive pauperes non tenentur jejunare sub præcepto peccati mortalis, & quod absolvi possunt, & induci ad eleemosynas, & alia opera bona faciendâ.* A Lucio Ferratis vero ex Baeo sic exscribitur: *Opifices suas artes exercentes, aut Coloni colendis, ferendisq; agris, aut aliis ejusmodi rebus operam dantes, sive divites sint, sive pauperes, ad jejuniium sub peccato mortali non tenentur, & a Confessariis absolvi possunt, consulendo illis, ut in eleemosynis, aliisque piis operibus occupentur.* Sed hoc Oraculum ut fictitium & fabulosum plures rejiciunt Theologi his peramori rationibus, 1.

quia hujus non meminit S. Antonius Eugenio cœvus, & ab ipso ad Florentinum Episcopatum assumptus, quia immo oppositum docet. 2. Hoc Oraculum multum concordat cum propositione damnata in prima sui parte, saltem prout a Lucio Ferrario refertur. Eugenius enim declarat, omnes opifices suas artes exercentes a jejunio solutos; propositio damnat asserentes, omnes officiales qui in Republica corporaliter laborant, esse excusatos ab obligatione jejunii. Immo quid pejus obrudit jactatum Oraculum, nam assertores propositionis damnatæ saltem corporalem laborem postulabant ad immunitatem a jejunio. Juxta Oraculum vero sufficit exercitium *cujuscumque* artis sive laboriosæ, sive non laboriosæ. 3. Quia dicitur laudatos artifices non teneri ad jejuniium sub peccato mortali, quare videtur eos saltem sub veniali obstringi; at quomodo fieri potest ut tantum venialiter peccent, qui legem gravissimam jejuniorum violant. 4. Dicitur quod absolvi possunt a Confessariis. Sed a quo absolvi? num a lege jejunii? at per Oraculum jam absoluti sunt; nam a transgressione præcepti jejuniium præscribentis? si non jejunando non peccant, quæ ergo indigent absolutione? Additur denique quod possint induci ad eleemosynas & alia bona opera faciendâ; at ad hæc induci possunt, immo debent etiam si jejunent, opera enim bona sunt semper omnibus suadenda, at non in compensationem jejunii, si jam ab illo penitus soluti sunt. Non est igitur recedendum a doctrina quam statuimus, & probavimus cap. præcæd. duabus Regulis ex doctrina S. Th. qui eos excusat, qui ex necessitate laborantes cum jejunio laborem conjungere nequeunt; qui vero vel laborem omit-

tere,

tere, vel diminueret, vel cum jejuniio sociare possunt, tenentur præcepto Ecclesiae obtemperare. Concinit S. D. & S. Antoninus 2. par. tit. 6. cap. 2. §. 6. cujus verba dedimus cap. præed. n. 7. Hinc consequitur, præfatos omnes cum in diebus festivis a labore cessant, teneri ad jejuniium si illis diebus concurrat. Negant quidem benigniores Probabilistæ, quia, inquiunt, fessi sunt labore præterito, & ad futurum laborem ferendum se disponere debent. Fatcor quidem durum esse laborem quo fatigati a jejuniio liberantur; at animadverto, & jam assuetudine confirmatos esse, & præditos viribus labori pares; quapropter sicut ferre possunt laborem sine jejuniio, puto posse ferre jejuniium sine labore; non enim difficultas est unius, vel alterius dici jejuniium, quam sint labores per totam hebdomadam exantlandi. Nec dicant non teneri experimento probare, num labor diei ferialis sociari possit cum jejuniio diei festivi, nam hoc idem asserbat propositio 22. damnata ab Alex. VII. de Rusticis. Clarissimus Vir Amortia Mendis Pomastianis absolute pronuntiat, in Germania consuetudine esse jam jejuniio solutos; verum hujus consuetudinis nullum testem affert, licet provocatus a Patre Concina. Videant igitur Theologi Germaniæ, num hæc vigeat consuetudo, & legitima sit, & non potius alteri similis, per quam sexagenarios liberos a jejuniio fidenter idem Auctor pronuntiavit.

CONSECTARIUM SEXTUM.

VI. Exercentes artes non adeo laboriosas, vel de quibus merito dubitari possit, utrum ita corpus fatigent, ut cum jejuniis sociari non possint, nec absolute a jejuniio immunes sunt, nec

dispensari debent nisi prius experiantur, num ipsi grave afferat detrimentum jejuniium labori sociatum. In hac Classe recensentur Sutores, Sartores, Pictores, Barbitonfores, Argentarii, Sculptores, Molitores, Furnarii, Coqui, Milites, Typographi characteres tantum componentes, alique similes. Ratio est, quia cum præfatæ artes vel sedendo exercentur, vel integri dici laborem non afferant, vel labor non adeo durus sit & gravis, ut cum jejuniis sociari non possit, absolute a jejuniis lege non solvant. Fieri tamen potest, ut in aliquibus corporis debilitas, virium deficientia eos a jejuniio liberet; non enim sola laboriosi operis natura pensanda est, sed & laborantis vires, corporis habitus, debilitas, & licet ex priori capite dispensari a jejuniio non sint, ex altero tamen excusari merentur. Teneri autem quando dubium est, num possint ferre jejuniium, experientia probare, patet ex propositione 30. damnata, ubi ea etiam reprobatur pars doctrinæ, quæ asserbat, nec debere se certificare, an labor sit compatibilis cum jejuniio, quæ certitudo pruden- ter haberi non potest magis quam experimento.

CONSECTARIUM SEPTIMUM.

VII. Qui artes exercent, in quibus magis mens quam corpus laborat, absolute a jejuniio non excusantur. Cujusmodi sunt Pictores, Nurarii, Scribæ, Procuratores, Advocati, Judices, Musici, Cantores, Medici, Chirurgi, alique parvi muneris & officii. Ratio est, quia hujusmodi omnia parum corporis vires debilitant, & cessatione a labore mentis magis levantur, quam abundantiori cibo. Denique his omnibus a je-

jejunio solutus, jam nullus erit qui jejunii lege teneatur, nec ipsi Regulares, cum & ipsi Cantores sint, & magis in Quadragesima & Hebdomada Majori ecclesiastici cantui dent operam, quam in reliquis anni diebus. Unde Caramuel merito irridens, ut puro, docentes, Musicos & Cantores esse a jejunio solutos, scribit num. 1128., „Musici, sicut a jejunio excusantur. At omnes „Religiosi sunt Musici, nec in Mundo „Musici qui plus cantent quam Monachi, Benedictini praecipue, ergo Monachi non tenentur jejunare. Quare idem de ceteris Religiosis evincit, nulli enim qui non cantent plus, quam seculares. . . Ergo si etiam „Religiosos excludimus, qui erunt in „Ecclesia Romana, qui teneantur observare jejunium. “?

CONJECTARIUM OCTAVUM.

VIII. Titulo pietatis non sunt a jejunio dispensati Lectores, Professores, Ludi Magistri, nec Confessarii, & Concionatores. In praecedenti capite num. 10. diximus, benigniores Casuistas hoc titulo a jejunio liberare omnes praefatos, licet & unam tantum aut alteram lectionem legant, etiam ostentationis vel oppositionis gratia; at profecto non sine sacratissime legis injuria. Nam Lectores & Professores, sicut & Ludi Magistri non tanto premuntur labore & onere, ut plures alii artifices, qui non per aliquas tantum horas operantur, sed qui de mane usque ad multam noctem operi suo incumbunt, ut sunt Sartores, Pictores, Sculptores, qui tamen a jejunio non dispensantur. Ipse certe, qui per quinque lustra munere Lectoris functus sum, nunquam de solvendo jejunio cogitavi, nec iniquum deprehendi; si itaque aliqui sint

Lectores, Professores, Ludi Magistri, qui ex eorum officio detrimentum patiantur, hoc non tam muneri, quam imbecillitati & corporis debilitati est tribuendum; dispensandi igitur pro modo indigentiae, non ratione officii, cum idem gravamen experirentur, licet alteri operi vacarent. Confessarii vero munus, licet & per totum diem, & in multam noctem, & etiam per plures dies, ut in Missionibus contingit, exerceatur, tedium quidem immensum, & animi sollicitudines affert, mentis laborem exposcit, at corporis debilitationem, & virium defectum non affert; quapropter cum jejunio sine magno incommodo, & nullo certe valetudinis detrimento conjugii potest. De Concionatoris officio major esse potest difficultas, quippe quod & corporis laborem secum affert, & mentis defatigationem. Et primo quoniam de his statuendum puto: qui non ex officio & obedientia, sed ob lucrum & gloriam captandam hoc munus exercent, & non possunt a carnibus abstinere, ab hoc officio cessare debent, tum quia ita statuunt plures Religiosorum Ordinum Constitutiones, etiam illorum, qui ad Praedicationis munus sunt ordinati; & jure ac merito; prius enim praedicare debent exemplo, quam verbo: quare & Apostolus Paulus agebat: *Castigo corpus meum, & in servitutem redigo, ne dum forte aliis praedicaverim, ipse reprobus efficiar*: ad quae verba apposite D. Thom. subdit: *Impletur factum quod docet verbo, ne se damnet ore proprio*. Quare in Constitutionibus Ordinis PP. apud Fontanum titulo de Praedicatoribus statuitur: „Concionatores, qui tempore Quadragesimae a carnibus abstinere non valent, per Quadragesimam ad populum concionari.

„nari non possint, ne plus tanto scan-
 „dalo offendant, quam verbis adficient“.
 2. Quia experientia constat, a carni-
 bus abstinentiam etiam cum quotidiana
 Concione sociari posse; plurimi enim
 sunt quotidiani Concionatores ex Ordini-
 bus S. Francisci, ut Capucini, Ob-
 servantes, Reformati, ex Ordine Car-
 melitarum S. Theresiæ, & aliorum
 etiam Ordinum, qui licet toto anno
 vel abstinentia a carnibus, vel multi-
 plicatis jejuniis macerantur; in Qua-
 dragesima tamen licet quotidie, & qui-
 dem magno spiritus fervore concionen-
 tur, tamen de violanda a carnibus ab-
 stinentia nec cogitant, immo si expe-
 rientia prospicerent, se non posse &
 prædicare & a carnibus abstinere, mu-
 nus prædicationis omitterent. 3. Si
 duriores labores totius diei Artifices;
 Rustici, Operarii cum abstinentia a
 carnibus sociare possunt, & reipsa con-
 sociant, quomodo non poterit Concio-
 nator laborem unius horæ cum eadem
 abstinentia conjungere? 4. Quomodo
 Concionatores ad poenitentiam popu-
 lum hortari, & inducere possunt, dum
 ipsi poenitentiam averfantur, & carni-
 bus saturati jejunium aliis prædicant;
 tempus Quadragesimæ appellare tempus
 acceptabile, dies salutis, dum ipsi ab
 ipsis Bacchanalium diebus non distin-
 guunt? Ex hoc fortassis in causa est,
 cur plerumque hujusmodi Concionato-
 res non alium referant fructum, quam
 steriles plausus & inanem gloriosiam.
 Muhominus itaque ab hac abstinentia im-
 munes erant, qui solum ter aut quater
 in hebdomada Conciones habent. Quoad
 jejunium vero nimis laxa est habenda
 illorum Casuistarum sententia, qui illos
 a jejunio pronuntiant exoneratos
 in etiam diebus, quibus Conciones non
 habent; qui vero quotidie prædicant

facilius contingere potest, ut a jejunio
 immunes sint, qui tamen dispensatio-
 nem impetrare debent a suis Superio-
 ribus, qui & fructu & labore inspecto
 concedere possunt. Cæterum quotidia-
 num laborem unius horæ, multoque
 magis aliquot solum dierum cum jeju-
 nio sociari posse ostendunt & plurimum
 Concionatorum exemplum, & ipsorum
 etiam artificum, & operariorum quo-
 tidiani labores, qui licet duri non sint
 & asperi sicut Rusticorum, Fabrorum,
 Bajulorum, & similibus, certe tamen
 labores superant Concionatorum, & ta-
 men a jejunio non liberantur. Sum-
 itaque conscientis consulant Prædica-
 tores, & coram Deo expendant, &
 experientia etiam comprobent, num
 concionandi munus cum jejunio sociare
 possint etiam cum aliquo labore & in-
 commodo; si enim se posse compertient,
 a jejunio solo concionandi titulo immu-
 nes non sunt habendi.

CONSECTARIUM NONUM.

IX. A S. Thomæ doctrina recedit
 Clarissimus Franzoja, dum absolute
 docet, opera pietatis voluntarie susce-
 pta a jejunio non excusare, licet ipso
 jejunio sint meliora. Nam aperte con-
 trarium docet Angel. Præceptor, qui
 doctrinam ipsius Auctoris sibi objicit,
 scilicet „non esse opera bona ex ele-
 „gione assumpta præferenda jejniis
 „ex Ecclesiæ præcepto necessariis“
 scribens hic art. 4. in object. 3. „Cum
 „jejunium ordinetur ad spiritualem
 „utilitatem . . . & necessitatem ha-
 „beat ex Instituto Ecclesiæ, videtur
 „quod non sint jejunia Ecclesiæ præ-
 „termittenda propter peregrinationem
 „vel propter corporalia opera“. Quam
 „objectionem sic solvit in resp. ad 3.
 „Non videtur fuisse intentio Ecclesiæ
 „ut-

„staruentis jejunia , ut per hoc impe-
 „pediret alias pias & magis necessarias
 „causas “. Non itaque statuit S. Th.
 „omitendam per peregrinationem ad
 „servandum jejunium , sed posse qui vo-
 „luntarie assumpsit peregrinationem vel
 „perficere vel continuare , licet eam cum
 „jejunio conjugere non valeat , si pere-
 „grinationem vel differre non possit , vel
 „abrumpere . Nec obstant quæ ex S.
 „Thom. exscribit laudatus Auctor verba
 „ex eodem articulo : „ Si immineat ne-
 „cessitas multum laborandi propter ali-
 „quid necessarium ad vitam spiritualem ,
 „ & simul hoc non possit Ecclesie
 „jejunia observari , non obligatur ho-
 „mo ad jejunandum “. Ubi notat
 „S. D. dicere , necessitas propter aliquid
 „necessarium , non propter aliquid melius .
 „Nam illud necessarium non importat
 „necessitatem ipsius operis perficiendi ,
 „quod immo supponit voluntarie susce-
 „ptum , ut est peregrinatio , sed neces-
 „sitatem hypotheticam , & ex ipso pio
 „opere voluntarie suscepto exorientem ,
 „ut declarat in IV. dist. 15. q. 3. a. 2.
 „quæstioncula 4. ad 1. scribens : „ Si
 „autem peregrinatio commodè differ-
 „ri non potest , vel quia tempus jeju-
 „nii hominem in via præoccupat , vel
 „quia dies festus alicui imminet , ad
 „quem ex devotione homo pergere cu-
 „pit . . . potest cum dispensatione Su-
 „perioris omnia prædicta pensantis ,
 „peregrinari , & jejunium solvere “.
 „Ea igitur quomodo iora necessitas non
 „sit nisi ex ipso opere voluntarie assump-
 „pto , voluntarie quippe statuit interesse
 „e. ex. Patavii Festo S. Antonii , instar
 „dies Festus , urgent jejunia quatuor
 „temporum , in quibus ut ad diem Fe-
 „stum perveniat peregrinari debet , &
 „magnas dietas facere , quas cum jejunio
 „sociare non potest , non dicit S. Thom.

„eum teneri omittere peregrinationem ,
 „vel eam differre ad alium diem , ut
 „definire debuisset , si opera voluntarie
 „suscepta absolute jejunio præcepto possi-
 „habenda censuisset , sed dicit posse
 „petita a Superiore dispensatione peregrina-
 „tionem aggredi , & impeditus propter
 „hoc a jejunio , ab ipso licite cessare .
 „Et revera nonne potest quis se alicujus
 „Xenodochii servitio sponte mancipare ,
 „vel Missiones in exterarum regiones aggre-
 „di , licet optime ille prævideat , fore
 „ut laboribus fessus in serviendo infirmis
 „jejunium non servet ? iste vel carentia
 „ciborum , vel alia de causa fore ut co-
 „gatur carnes in Quadragesima mandu-
 „care , vel jejunium non servare ? Nec
 „urgent quæ in suæ doctrinæ confirma-
 „tionem adducit argumenta , nimirum
 „1. „ Orationem mentalem meliorem
 „esse oratione vocali , & tamen non
 „licere Clerico divini Officii omittere
 „recitationem , ut vacet orationi
 „mentali , licet daremus utrumque
 „fieri non posse “. 2. Deum Saulem
 „exprobasse , quia Analecitas non inter-
 „fecit , & eorum universa non demoli-
 „vit , sed Regem , & optima quæque
 „reservavit , & obtendenti reserpasset
 „in holocaustum Domino , respondit
 „Propheta Samuel : Numquid vult Domi-
 „nus holocausta & victimas , & non potius
 „ut obediat voci Domini ? melior est
 „enim obedientia , quam vittima , & aus-
 „cultare magis , quam offerre adipem arie-
 „tum : quamobrem infert , opera melio-
 „ra , ab obedientia non excusant . Nam
 „ad 1. resp. Uique mentalem orationem
 „esse vocali meliorem , si spectetur ut
 „mere vocalis est , qualis esse potest in
 „Pica & Psittaco , ac non si spectetur
 „prout sit ab homine Christiano ; hic
 „enim nunquam voce orat , quin ore
 „ & mente , quid enim est oratio nisi

elevatio mentis in Deum : seu ut definit S. Jo. Damascenus, *Ascensus mentis in Deum* ? Frustra igitur voce profert verba orationis ; si mente in Deum non feratur . Porro hæc legitima oratio vocalis cum mentis in Deum elevatione conjuncta non est inferior oratione mentali , sed melior triplici ratione , quam assert S. Thom. 2. 2. quæst. 83. art. 12. in corp. „ 1. Quia ex majori , et proficiscitur devotione , & ipsam devotionem auget , unde S. Augustinus ad Probam scribit : *Verbis & aliis signis ad augendum desiderium , sanctum nos ipsos acius excitamus .* „ 2. Quia magis Deo debita reddimus . . . , dum illi famulamur secundum illud totum quod a Deo habemus , idest non solum mente , sed etiam corpore : unde Osee ult. dicitur : *Reddamus Domino vitulos labiorum nostrorum .* 3. Quia vocalis oratio adjungitur ex quadam redundantia ab anima in corpus ex vehementi affectione , secundum illud Psalmi 137. *Letatum est cor meum , & exultavit lingua mea* . Non igitur melius faceret Clericus , qui Breviarii recitationem omitteret , ut vacaret orationi mentali , dimidium enim solum Deo offerret , non totum quod illi debet . Si vero nomine mentalis orationis designet Franzja rerum divinarum meditationem & contemplationem , hæc , ut inquit S. Thom. in IV. sent. dist. 17. q. 4. a. 1. quæstuncula 2. ad 3. „ non est „ proprie oratio , sed est quasi fundamentum orationis ; superflua enim videtur petitio , ubi necessitas deest ; „ & ideo recognitio suæ miseræ , quam indigentem se aliquis videt , & sibi subvenire non potest (quæ gemitum

Patuzzi Tb.ol. Moral. Tom. V.

„ in effectu producit) quasi oratio reputatur a Deo , & propter hoc dicit „ Augustinus , quod *Orationis negotium „ plus gemitibus quam verbis agitur , & „ plus fletu quam assatu* : „ , at hæc ab oratione vocali minime excluduntur , sed optime & cum ipsa consociari possunt . Ad testimonium vero Scripturæ resp. aliter esse sentiendum de divinis præceptis , aliud de humanis ; ab illis nunquam est recedendum , & præsertim si immediate ex ipso divino ore alicui in particulari indicantur , ut factum est Regi Sauli , & in his præculdubio melior est obedientia quam vitiosa : at in humanis præceptis etiam ecclesiasticis non eadem obedientia exigitur , nam humani legislatores , ut inquit S. Thomas *Suis præceptis non intendunt impedire magis pias , & necessarias causas* . Et hæc dicta sunt non tam ad Franzjæ oppugnationem , quam ad S. Thom. doctrinæ illustrationem .

Nemo tamen hinc inferat licere jejunium frangere ob quodcumque pium opus , quod alicui imprudenti devoto in mentem veniat , sed tale pium opus sit 1. quod ab Ecclesia adprobetur , commendetur , & usum obtineat , ut sunt peregrinationes , famularus in Xenodochiis ex pietate , non pretio , Missiones non in exteris Regionibus , tum inter Catholicos , & alia hujusmodi . 2. Ne assumatur in fraudem jejunii . 3. Ut jejunii fractio per accidens , & contra voluntatem operantis accidat . Quamobrem non licet jejunium violare ob flagellationem sive privaram , sive publicam ; & quidem de privata nullus est qui ambigat , cum eam vel omittere vel differre quilibet possit in die jejunii , si cum flagellatione jejunium faci-

cia-

ciare non valeat. At de publica, quæ fieri solet aliquibus in locis in feria quinta vel sexta hebdomadæ majoris in publicis supplicationibus, ambigunt Theologi. Salmanticenses eam jejuniis præferendam putant, eo præferunt modo, quo fit in Hispaniis, at non facis firmis argumentis, quia, inquit, actus est pœnitentiæ, & magis corpus affligit, & carnem macerat, quam jejuniis: at hæc argumenta probarent & privatam flagellationem a jejuniis excusare, cum & ipsa actus sit pœnitentiæ, & corpus eodem plane modo, immo & majori, si lubet, corpus castigat, & tamen hoc non concedunt Salmanticenses. Superest igitur solum quatenus publica est, & ut ipsi inquirunt, quatenus est publica pœnitentiæ, peccatorum manifestatio, Passionis Christi cultus, & imitatio, & „culparum satisfactio“. At hæc emphatica magis sunt, quam vera; nam flagellatio quidem publica est, at occulta flagellati & flagellantis persona, quæ obrecta facie pœnitentiam gloriosam manifestat, at peccantis honorem tegit, & confusionem evitat, & quam cum & iusti amplecti possint & exercere, nec peccatorem indicat: quod vero sit Passionis Christi cultus & imitatio, hoc & privatæ disciplinæ convenit; nec dici potest proximorum edificatio; & doctrina, & hæreticorum confusio; nam cum seiant, hosce flagellatos & flagellantes dorsum quidem percutere, at ventrem implere, fideles nullum percipiunt fructum; hæretici vero irridunt. Hæc tamen dicta sint, non ut religiosissimæ & pietissimæ Gentis Hispanicæ pios mores ausim contemnere, quam scio super omnes alias Nationes tot Sanctissimos Viros & Cælo & Ecclesiæ donasse, a qua etiam

ipse habeo & Ordinis mei Sanctissimus Patriarcham Dominicum. & splendidissima lydera S. Ludovicum Bertrandum, & S. Vincentium Ferrerium, sed solum ut Confessarios animarum saluti studiosissimi nos muscam, ne tam facile privatæ devotionis officia publico divino cultui in jejuniis præstito, & Ecclesiæ præceptis præferri tolerent, aut consentiant, quomobrem hanc doctrinam meam eorum sapienti iudicio lubens permitto.

CONSECTARIUM DECIMUM.

X. Non est ut vera admittenda nonnullorum Probabilistarum doctrina affirmantium, qui bona fide putat se a jejuniis excusari, etiam causa sit insufficientis, tantum venialiter peccare, si vero bona fide putet, se plene excusari, nullo modo peccare. Nam 1. qui sufficientem causam non habet violandi jejuniis, reus est violati jejunii, & bona fides, quam sibi comminiscitur, est in ignorantia vincibili fundata, quam vincere potest & debet, & solum illa bona fides excusat, quæ vel ex ignorantia invincibili procedit, vel sufficienti causa innititur. 2. Qui se novit vel nosse potest non habere sufficientem & legitimam causam non custodiendi jejuniis, non ex suo arbitrio & voluntate se a jejuio dispensare potest, sed tenetur dispensationem petere; qui igitur in re dabit sua tantum innixus bona fide sibi consistit a lege jejunii se solum existimat, violati jejunii reus efficitur, siue causa sit insufficientis, quia, ut diximus, ejus bona fides ex culpabili ignorantia progreditur, siue etiam sufficiens sit, quia se periculo peccandi exponit, quod vitare potest & debet petendo dispensationem. Ita docet S. Thom. hic q. 147. a. 4. scribens: „Si causa sit evidens, per se ipsum licite potest homo statui ob-

scri-

„servantiam præterire, præsertim con-
 „suetudine interveniente, vel si non
 „possit facile recursus ad Superiorem
 „haberi. Si vero causa sit *dubia*, de-
 „bet aliquis ad Superiorem recurrere,
 „qui habet potestatem in talibus dis-
 „pensandi, & hoc est observandum in
 „jejunii ab Ecclesia institutis, ad quæ
 „omnes communiter obligantur“. Sola igitur
 „et certa necessitas potest li-
 „cite sine Superioris dispensatione a je-
 „junio liberare.

CONSECTARIUM UNDECIMUM.

XI. Falsa pariter est Probabilistarum doctrina asserentium, qui initio Quadragesimæ ob morbum a jejunio dispensatione donatur, a quo post aliquot dies integre sanatur, eadem dispensatione uti valet pro reliquis Quadragesimæ diebus, quia, inquirunt, lex jam sublata est, nec redit sine voluntate Superioris, & præterea dispensatio ex iusta causa semel concessa non revocatur. Et quidem hujus doctrinæ falsitatem ostendimus Tract. de Legib. Diss. 4. cap. 9. regula 13. n. 14. & hic iterum confirmamus, quia qui dispensationem impetravit, solum eam petere poterat pro eo tempore quo causa subsistebat, & qui dispensationem concessit, sola legitima durante causa concessit; alioquin illicite esset dispensationem largitus. Præterea sicut non eximitur a lege, qui sine iusta causa dispensationem impetrat, ita non ab ea solvitur, qui sine iusta causa dispensatione utitur: totus enim dispensationis legitimus usus non a sola pendet dispensantis voluntate, sed a iustitia ac necessitate causæ; cessante igitur causa concessæ dispensationis, cessat & licitus ejusdem usus. Nec movent opposita argumenta; nam lex ex dispensatio-

ne non omnino aufertur, sed solum suspenditur, quæ suspensio tandiu durat, quandiu iusta dispensandi causa, cui alligata est, perseverat. Dispensatio vero semel concessa non revocatur, quando totum suum effectum jam est consecuta, ut cum quæ dispensationem obtinuit ad Matrimonium celebrandum, vel ad Sacros Ordines suscipiendos ex iusta causa, & Matrimonium jam celebravit, vel Ordines suscepit, licet postea cesset causa dispensationis, non revocatur tamen concessa dispensatio. At si dispensatio supra divisibilem materiam cadat, ac proinde cesset ex aliqua parte causa dispensationis, cessat & ipsa dispensatio, ut si quis ob oculorum infirmitatem a recitatione horarum canonicarum dispenseretur, si ab infirmitate liberetur, & visum recuperet, cesset dispensatio cessante causa, & redit onus divini Officii recitandi. Legantur dicta loco cit. Non sunt vero audiendi benigniores illi Casuistæ, qui summo Ecclesiæ Pastori injuriam irrogant, dum docent, *Papam posse dispensare quomcumque a jejunio etiam per totam vitam, etiam sine causa*, vel legiimam esse hujusce concedendæ dispensationis causam, *quia Papa vult se benignum alicui benemerito ostendere*. Quo autem amplior est dispensatio, eo urgentior requiritur dispensationis causa: hinc facilius conceditur dispensatio ab unica comestione servanda, quam ab esu carniæ, & hæc concessa pro aliquibus diebus, non est ad plures dilatanda, nec censetur concessa pro festis feriis & sabbatis. Legantur dicta in Tract. I. de Legibus diss. 4. cap. 9. n. 16. & cap. 10. n. 12.

CONSECTARIUM DUODECIMUM.

XI. Non sunt passim admittendæ
 Ccccc 2 CON-

CONSUETUDINES contra legem jejuni, quas ut legitime investas plures tradunt Theologi; nam partim aperte falsæ sunt, partim saltem dubiæ. Hujus confessarii veritatem ostendo eas enumerando. Consuetudines, quas laudari jactant Theologi, & quæ si obtrinerent, de jejunii sanctissima lege pœne actum esset. 1. Constantinus Roncaglia de 3. Ecclesiæ Præcepto q. 2. c. 1. q. 3. scribit: „Puto fere ubique „invaluisse CONSUETUDINEM, ut „dispensatus a carnibus simul se putet dispensatum a jejunio, CONSUE- „TUDO autem ex toties dictis præ- „scribit contra legem“. Falsitatem hujus consuetudinis declaravit Benedic- tus XIV. 2. Idem loc. cit. cap. 2. q. 4. „Tuto dici potest, hominem sexage- „narium non teneri ad jejunium Ec- „clesiæ, quia ita fert UNIVERSA- „LI CONSUEUDO, de qua com- „munis testantur Theologi, CON- „SUEUDO autem tolerata contra „legem præscribit“. Idem cap. 1. quæst. 6. „Chocolatam ex sua natu- „ra frangere jejunium dixi: Ha- „beo tamen rationem extrinsecam, „qua certum mihi redditur, por- „tionem Chocolicam non frangere je- „junium. Hæc autem fundatur in „universali CONSUETUDINE, quam „sciunt & tolerant Prælati Ecclesiæ, „quæ CONSUETUDO in hac parte „Legi derogavit“. 4. Idem cap. laud. quæst. 5. Respondeo in pervigilio „Nativitatis licere fumere collation- „culam duplo, vel triplo majorem, „prout se habet CONSUETUDO, quæ „invaluit“. 5. Alphonsus de Liguori de Præcept. Eccl. cap. 3. Dub. 1. num. 1025. „In Vigilia Paschalis & Pente- „costes, dicunt Viva & Salmanticen- „sis, non permitti duplicem cœnu-

„lam, sed tantum posse sumi ex CON- „SUETUDINE decem vel undecim „uncias. Sed de hac consuetudine „apud nos dubito“. 6. Amort. „cer- „tum est Germanos sexagenarios ex „CONSUETUDINE solutes a lege je- „junii“. 7. Idem in Mendis Pontifi- „catis statuit, „omnes Germaniæ Ru- „sticos ex CONSUETUDINE lege je- „junii non teneri“. 8. Cardinalis Tolerus lib. 6. cap. 2. scribit: „Ar- „milla V. jejunium §. 12. probat: „Collationes quæ sunt Romæ secu- „dum consuetudinem *Tinelli* ob CON- „SUETUDINEM, & quia Pontifex „tolerat eam sciat, nec ego aude- „rem damnare, quamvis isti sint abu- „sus hominum parum timoratorum“. 9. Sporerius Append. ad 3. Decalogi Præc. sect. 2. n. 32. „spectata moder- „na CONSUETUDINE præsertim in „nostra Germanis jam diu tolerata & „invalescente, censeo in collatione „vespertina jejunii non esse attenden- „dam qualitatem ciborum, sed quan- „titatem tantum“. 10. Viva in Curs. Theol. T. 1. part. 2. q. 10. art. 3. „Tamburini sententiam non amplecte- „rer, nisi putarem CONSUETUDI- „NEM eam introducendam, ut etiam „exigua parte piscis majoris, ut lo- „quitur Bonacina, cum pane vesci „possimus in debita quantitate *ostia un- „ciarum*, quam si quis parum exten- „deret addendo unam aut alteram „unciam, nonnisi venialiter peccaret „propter parvitatem materis super- „abundantis“. At saltem hæc CON- „SUEUDO solum illis proderit, qui post octo uncias cibi adhuc fame la- „borantes aliquod jejunii pondus sen- „tiunt. „Minime, ait Liguori, quia „quantitas octo unciarum ita hodie „USU recepta est, ut indistincte per- „mitt-

mittatur etiam iis, qui cum illa ad
 ,, satietatem reficiuntur “. Mira pro-
 ,, fectio conjunctio satietatis cum jejuniis !
 ,, 11. Millante Exercit. 23. „ Nec ser-
 ,, pulosus quidem Theologus inficiari
 ,, audet (licere in collatione parvos
 ,, pisciculos recentes, præsertim quia
 ,, . . . Regularium Communitates eis-
 ,, dem vesci etiam in antepatchali je-
 ,, junio CONSUEVERUNT “. 12. Pas-
 ,, qualigo de jejuniis Decif. 98. „ Nobiliores
 ,, possunt sumere amphorem refectiu-
 ,, culam vespertinam in jejuniis . Ra-
 ,, tio est, non solum quia jam CON-
 ,, SUETUDO id obtinuit, ut notant
 ,, Azorius, Layman, Sancio, Facun-
 ,, dez, Diana, Bossius, Molfesius, sed
 ,, etiam quia &c. “ 13. Idem Decif. 157.
 ,, In iis locis, in quibus solet prandium
 ,, protrahi ad vespem, seu etiam in
 ,, noctem, ut in Germania, non dam-
 ,, narem peccati mortalis protrahentes,
 ,, quia in jejuniis præcipitur unica tan-
 ,, tum comestio juxta CONSUETUDI-
 ,, NEM loci, unde cum talis protra-
 ,, ctio sit juxta CONSUETUDINEM lo-
 ,, ci, non videtur esse contraria jeju-
 ,, niis “. 14. Decif. 161. Jam CON-
 ,, SUETUDINE introductum est, ut
 ,, saltationes, lusus, & alia hujusmo-
 ,, di protrahantur ad mediam noctem,
 ,, & etiam ultra ipsam, quæ cum sint
 ,, actiones dici ultimæ Beccanaliæ,
 ,, proinde ex CONSUETUDINE licet
 ,, cenam protrahere post mediam no-
 ,, ctē . . . & talis CONSUETUDO
 ,, est secundum benignam voluntatem
 ,, interpretativam Ecclesiæ “. 15. Lay-
 ,, man lib. 4. tract. 8. cap. 3. n. 3.
 ,, Adde tolerari posse apud nos (Germa-
 ,, nos) CONSUETUDINEM, ut finiti
 ,, Beccanaliū diebus carniū reli-
 ,, quæ, quæ a Divinitus absumi non
 ,, poterant, dentur pauperibus abfu-

,, mendæ “. 16. Idem num. 7. „ Ali-
 ,, qui existimant per CONSUETUDI-
 ,, NEM quibusdam Germaniæ locis in-
 ,, troductum esse, ut ter in hebdoma-
 ,, da per Quadragesimam secularibus
 ,, jejunare sufficiat, de qua nihil te-
 ,, stari possum “. Eam tamen potius
 ,, corruptelam censet, quam legitimam
 ,, consuetudinem . 17. Petrus Collat. de
 ,, Præcept. Eccl. cap. 2. n. 1. „ Pisces
 ,, vero aliæ animalia, quæ ad pisces
 ,, reductive pertinent, ut Ranæ, Te-
 ,, studines, Gallinæ aquaticæ, Marini
 ,, Anates, jejuniis tempore manducari
 ,, possunt . . . quia id piorum etiam
 ,, Religiosorum USU receptum est “. Hæc ani-
 ,,advertant sacre Pœnitentiæ
 ,, Ministri, & consuetudines adversus Je-
 ,, junium a Theologis crepantibus buccis
 ,, jactaræ haud facile admittant, sed ad
 ,, veritatis normam expendant, vel etiam
 ,, surda aure prætereant .

CAPUT DECIMUMSEPTIMUM.

*De cooperantibus jejuniis violationi.
 & de Pœnis in jejuniorum
 violatores .*

DOCTRINA, ET CONJECTARIA.

- I. *Regule cooperationis ad malam repe-
 tuntur .*
- II. *Peccant Parentes & Patres familias,
 qui filios jejuniis violare sinunt .*
- III. *Quid dicendum de famulis & Ancillis
 inservientibus Dominis .*
- IV. *Quando peccent Tabernarii ; & Cau-
 poves cenam vel carnes ministrando .*
- V. *Num liceat jam dispositum ad jeju-
 nium violandum ad cenam invitare .*
- VI. *Peccant, qui nolunt operarios condu-
 cere, nisi violent jejuniis .*
- VII. *Pœna in violatores jejunii constituta.
 Reflexio .*

1. **T**AMETSI ex iis, quæ diximus Tr. de Virt. Theol. Diss. 3. cap. 20. facili negotio dignosci possit, quando quis peccet cooperando violationi jejunii, nihilo tamen minus operis ratio postulat, ut ibi constitutas universales regulas peculiari de jejunio doctrinæ aptemus, unde & constitutæ regulæ veritas magis appareat, & Tyronebus planior sternatur via ad malitiam cooperantis discoscendam. Diximus itaque loc. laud. Reg. 4. tum quempiam actioni alterius cooperari, non vero malitiæ, quando principalis causa æque licite & illicite potest actionem illam elicere; quod autem illicite agat, totum ex sua pendet mala & perversa voluntate, tunc enim qui cooperatur non peccat: at quando actio ita mala est, ut principalis causa peccatum vitare non possit nisi ab actione cessando, tunc qui cooperatur, necdum actioni, sed & malitiæ cooperatur; ac proinde & peccati particeps & confors evadit. Quam Regulam exemplo illustravimus mutui ab Usurario petiti; qui enim mutuum poscit, actionem flagitat, quam usurarius & bene potest, & male exercere, bene quidem mutuum dando gratuitum, male sub usuris mutuando: quamobrem qui mutuum petit, licet actioni coope- retur, malitiæ tamen non cooperatur, proinde nullo scelere polluitur. Diximus 2. Reg. 5. Cum quis ab alio actionem vel materiam aliquam postulet, qua licet & bene & male uti possit, certo tamen constat nonnisi ad malum usum peti, qui concedit, vel assentitur, ejus pravitati, non solæ actioni consentit, tunc enim qui cooperatur, pravæ cooperatur actioni, & quidem non præcise ut actio est, sed ut prava est, cum

probe noverit non nisi ad pravam usum peti. His itaque constitutis.

II. Peccant parentes & patres-familias, qui filios, domesticos, vel servos jejunium violare permittunt, & multo magis si eis cibos ministrant. Oppositum plane docet Leander hac unica ratione, quia nimirum non pertinet ad parentes & patres-familias regere filiorum & domesticorum conscientias, sed victum illis suppeditare adstringuntur, quod igitur sui muneris est præstent, & quod ipsis non incumbit, non assument. At hæc doctrina nedum falsa est, sed divinæ legi plane contradicens. In Scripturis enim ea præcipue mandatur cura parentibus, ut filios suos erudiant in lege Domini. S. Paulus ad Ephes. scribit: *Educate filios vestros in disciplina & correptione Domini*. Eccles. 7. *Filii tibi sunt, erudi illos, & curva illos a pueritia*. Proverb. 23. *Noli subtrahere a puero disciplinam*. Immo nec solum erudire debent parentes in lege Domini, sed errantes corripere, & contumaces virga punire. Eccles. 30. *Qui diligit filium suum, assiduatur illi flagella, & erit tibi dolor animæ*. Tenentur igitur parentes filios suos & corrigere & corripere, si Dei, vel Ecclesiæ mandatis non obtemperent, proinde si eos sinant legem jejunii violare, eorum iniquitati cooperantur; immo & in causa esse dici potest, qui enim non vetat peccare cum possit, jubet. Dicere autem parentes nonnisi ad alimenta suppetinanda teneri, est, homines & christianos jumentis & brutis æquiparare, quæ hoc solum a natura inditum habent, cum nobilioris instructionis capacia non sint, immo & ipsæ eas postpo-

ne-

nere : nonnulla enim animalia nedum catulis suis alimenta suppeditant , sed & suo modo instruant ; unde in Scriptura dicitur , *Aquila provocat ad volandum pullos suos super eos volitans* . Debent igitur parentes filios suos & exemplo ad jejunium provocare , & vetitos cibos , & secundam comestionem illis denegare . Quod si filii adeo protervi sint & effrænes , ut si parentes eos ad jejunium cogere velint , gravia scandala & perturbaciones in familia excitari vereantur , tunc dissimulare poterunt , nec paterna uti potestate ; tunc enim non eorum iniquitati cooperarentur , sed solum eos peccare permitterent ad majora vitanda mala , quod quandoque permittum esse de cooperatione tractantes ostendimus . Quoad famulos vero , licet Domini potestatem non habeant eos ad jejunia cogendi , possunt tamen , & tenentur eos admonere & corripere , & si pertinaces inveniant , etiam domo pellere . Quod si non præstent , peccabunt quidem contra caritatem , eorum tamen peccato cooperari minime dicendi sunt , cum tota malitia in famulo resideat , licet illi alimenta parata suppeditent , dummodo hæc sint in determinata quantitate præstituta , nam si solum in genere conditum sit , ut alimenta suppeditentur , non possunt Domini cœnam famulis dare , quos sciunt nulla legitima causa a jejunio excusari : proinde falsa est & laxa Pasqualigi doctrina afferentis , Dominos non teneri cœnam famulis denegare , etiamsi sciverint id famulis profuturum . Dixi si alimenta sint in determinata quantitate constituta , esse suppeditanda , quia tunc non solum alimenta debentur , sed statuta alimentorum quantitas , qua & bene & male uti possunt famuli , nimirum male concedendo , bene reservando ; proinde si ad violandum jejunium abutantur , eorum est malitiæ adscriben-

dum ; & præterea non est iustitia violanda , ut jejunii impediatur violatio . At si alimenta non sint in determinata quantitate præstituta , sed solum in genere , tunc Domini non tenentur ex iustitia in die jejunii cœnam famulis dare , quia alimentorum promissio intelligitur ad normam divinæ & Ecclesiasticæ legis , & sicut si infirmi sunt , debent illis carnes & in Quadragesima & in feriis sextis ac sabbatis præbere , ita si sani sunt & bene valentes , solum juxta Ecclesiæ leges cibum suppeditare tenentur .

III. Non licet famulis & ancillis cibos parare & ministrare in die jejunii vetitos Dominis , si certo noverint nulla legitima causa a jejunio excusari , multoque minus si heretici sint . Huic doctrinæ adversantur plures Recentiores Theologi , inter quos & Cajetanus noster hac innixi ratione , quia , inquit , cibos præparare est quid de se indifferens , & Dominis ministrare non est eorum peccato cooperari , sed comestioni . At posita doctrina ex præstitutis regulis sponte fuit , nam actio illa non dicitur de se indifferens , quæ ex circumstantiis jam in se mala & prava effecta est ; porro comedere carnes , & cœnare est quidem de se indifferens , at hoc præstare in die jejunii jam malum est : eapropter sicut peccat qui comestionem de se indifferentem usurpat in die jejunii , ita & peccat qui in tali die huic comestioni cooperatur . Præterea juxta aliam præstitutam regulam actio illa comestionis carniū vel cœnæ in die jejunii adeo mala est , ut peccatum vitari non possit nisi a comestione cessando : qui igitur huic comestioni cooperatur , ne dum comestioni qua comestio est , sed & qua mala est , cooperatur , cum non nisi male & perverse illa uti Domini possint . Addidi , præsertim si heretici sint , non solum quia & ipsi præceptis

Ecclesiae subjiciuntur, sed quia plerumque ex contemptu sine formali, certe virtuali legis ecclesiasticae carnes in diebus vetitis comedunt, & coenant in diebus jejuniorum, proinde iniquum est Catholicos famulos illorum contemptui cooperari. Quid si famuli vel ancillae sine gravi detrimento non possint ab hisce Dominis discedere, si enim eos deserant, mendicare cogentur, poterunt ne illis ministrare? Sunt qui asserunt, posse, cum non agatur de re de se illicita & mala, sed solum mala quia vetita, & Ecclesiae praecepta cum tanto gravamine & onere non obligant. At meo videri falluntur; nam hic non agitur de praecepto Ecclesiae vetantis coenam vel carniū comestione, quod profecto non obligat cum magno gravamine, sed de re intrinseca, & de se mala, scilicet de cooperatione alterius iniquitati; porro hoc non lege Ecclesiae, sed divina & naturali vetitum est, nullo igitur detrimento & metu mali excusari possunt, sicut nec excusatur famulus, qui herum submissis humeris vel scalam tenendo adjuvat, ut domum ingrediarur ad stuprandam virginem: tenentur itaque ab eis discedere, & non in homine sed in Deo confidere, qui dat escam omnī carni, & qui si illis alimenta suppeditaret, dum ipsum graviter offendunt, certe non denegabit, dum ut ejus fugiant offensam mendicitatem incurrunt. Dixi tamen si certo moverint, Dominos a lege jejunii non excusari, non posse illis famulos & ancillas ministrare; nam Catholicorum famuli praesumere, & quidem prudentes possunt, Dominos suos legitima causa, vel ab abstinentia, vel a jejuniis excusari, quamvis hoc illis compertum non sit; quamobrem non facile temere judicare debent, & scrupulose in eorum

vitam inquirere, sed bona fide illis servire & ministrare & carnes & coenae nemo enim est praesumendus malus, nisi probetur malus.

IV. Non licet Tabernariis & Cauponibus vel invitare ad coenam hospites, nec requisiti illis vel carnem vel coenam suppeditare, si certo sciant eos violare jejunium, vel si dubitant, interrogare debeant, num sint a jejuniis dispensari, multoque minus denegare hospitium iis, qui in diebus jejuniorum coenare recusant. Primam doctrinam nostram partem inficiantur plurimi Casuistae, quia, inquit, ministrare coenam est non cooperari peccato, sed comestioni ordinatae ad nutriendum; quod vero ille, qui coenat, peccet violando praeceptum, hoc ex ejus profuit malitia, non ex alterius ministerio. At haec inepta omnino sunt ad suadendum; nam qui invitat alium ad coenandum in die jejunii quando coenare non debet, ad opus invitat malum & vetitum, proinde offensionem illi praebet & scandalum, & vere ad peccandum inducit; nam licet coena sit de se indifferens, in die tamen jejunii mala est & vetita, & sicut qui coenat, non potest sejungere comestione a peccato, cum haec sint in tali circumstantia omnino inseparabilia, ita qui invitat & exhibet coenam, sejungere non potest exhibitionem coenae a violatione praecepti, cum optime noverit alterum sine altero consistere omnino non posse. Alteram quoque partem rejicit Leander pro ea parte, quae onus imponit Tabernariis interrogandi hospites, quia, inquit, haec interrogatio illis nimis est onerosa, nec ad ipsos pertinet hospitum suorum spirituales curas habere, & a peccato avertere. At postquam doctrinam sustinent nobiliores Theologi, & r. quidem

quando certò sciunt hospites suos cœnando jejuniū violare, alioquin eorum iniquitatis participes essent, & violationi jejunii cooperarentur. 1. Etiam quando dubitarent, dubio quidem prudenti, cum nemo possit sine crimine se periculo peccandi exponere. Nec urgent Leandri argumenta, nimirum onerosam esse Tabernariis hujusmodi interrogationem, cum immo obvia sit & necessaria, nam illos interrogare debent de quantitate & qualitate apponendorum ciborum, ac proinde nosse, num cœnare velint, vel brevem cibum capere. Nec interrogando curam salutis spiritualis proximi sibi assumunt, sed propriæ consulunt conscientiæ, ne videlicet peccent, vel cœnam præparando volentibus jejunare, vel scelerati cooperando nolenium Ecclesiæ præceptis obedire. Tertia vero pars adeo de se aperta est, & manifesta, ut nemo si sanæ mentis, qui ejus non agnoscat apertam veritatem, nam denegare hospitium, cœnam recusantibus in die jejunii, est illos ad peccandum impellere. Hosce tamen Satana commilitones excusat Pasqualigo, quia, inquit, illi non jejunii violationem intendunt, sed lucrum; utique, nam nullus gratis est malus, & ut lucrum consequantur ad peccandum alliciunt. Nec dicat quis, Caupones non cogere hospites ad cœnandum, sed ad cœnæ pretium solvendum sive manducant, sive non manducant. Nam & hoc idem scandalum non tollit, & vere est ad peccatum inducere, & præterea iniquitati malitiam furti, seu potius rapinæ addit, cum velint hospites pretium solvere ciborum, quibus non vescuntur, & ipsi Cauponi adhuc redduntur.

V. Non licet jam dispositum ad jejuniū violandum ad cœnam invitare.

Patuzzi Theol. Moral. Tom. V.

Quandoquidem invitando ad cœnam non solum ejus iniquitati cooperatur, sed ad actum peccaminosum inducit; nec excusatur, quia invitatus jam alias dispositus est ad jejuniū violandum, quandoquidem hæc ejus prava animi dispositio non impedit, quin invitans vere ad peccatum alterum alliciat, nec licet illi peccare, quia alius jam ad peccandum est dispositus. At inquirunt qui adversantur Theologi, nonne licet ab usurario jam ad fœnerandum disposito mutuum petere, & a Parocho concubinario Sacramenta accipere? Utiq; , at magnum est inter utrumque discrimen; nam x. in hisce casibus quod petitur bonum est, mutuum videlicet, & Sacramenta; at in priori casu quod petitur malum est, violatio scilicet jejunii a cœna inseparabilis. 2. Fœnerator & Parochus possunt quod petitur juste concedere, si velint; potest enim fœnerator absque usura mutuum gratis dare, potest Parochus pœnitentia peccatum derektari, & licite Sacramenta ministrare; at hic non potest nisi a cœna abstinentendo peccatum vitare: dum igitur cum ad cœnandum invitas, ad actum invitas, quem sine crimine elicere non potest. At inquit Colletus, saltem excusabitur, qui jam paratum ad violandum jejuniū ad cœnam invitavit non tam ut ad jejunii violationem inducat, quam ut a majoti crimine retrahat, ut si Mater filium impudicum jam apud Meretricem cœnaturum, ad secum domi cœnandum invitet, ut sic illum a fornicatione averrat. Verum nec hoc licere ostendimus Tr. 4. Diss. 3. cap. 18. Conf. 6. cum semper invitet ad id, quod debet a commercio Meretricis filium avertere, ut non tamen ad aliud licet minus peccatum inducat. Legatur quæ

D d d d

ibi

ibi diximus. At inquit Colletus, non magis cooperatur Mater peccato filii, quam aliquis cooperetur peccato Meretricis, cum eidem locat domum in civitatis parte, in qua commercium ejus toleratur. Verum fallitur doctissimus hic Theologus, nam latum adhuc est discrimen, 1. qui locat domum Meretrici in locis ad hoc destinatis, Principi obtemperat permittenti Meretrices ad bonum commune, & statuenti locum ubi commorari debent; quod profecto locum non habet in Matre invitante filium ad cœnam in die jejunii. 2. Locando domum in loco destinato nec Meretricem invitat ad peccandum, nec eum illa peccantes inducit; sed solum permittit & Meretrices allicere ad peccandum & ad eas accedentes peccare. at hæc Mater filium ad violandum jejunium directe invitat & allicit, licet eo animo ut a majori crimine avertat, quod tamen non licere jam diximus, & probavimus. Falso tamen citat Colletus S. Antoninum 2. P. tit. 6. cap. 3. §. 1. quasi docentem, licere Tabernariis carnes ministrare perditis hominibus in die jejunii, si incendium domus, aut vulnera hospitii minitentur, vel si imminet probabile periculum majoris mali, blasphemiae v. g. & perjurii, cum in toto eo capite, quod accurate illustravi in Editione Veronensi, & de ebrietate pertrahat, nec verbum habet de hac permissione. Sed ad rem nostram revertentes, multo magis peccat qui alium non dispositum ad cœnandum, ad cœnam secum invitat, duo enim perpetrat peccata, 1. dum ipse jejunium violat, alterum dum alium ad violandum invitat. Similiter licet minus peccet qui cœnam hœre quia vel impransus est, vel jejunii lege non obstringitur, alium legi jejunii obnoxium

ad cœnam secum invitat, peccat tamen, cum in altero transgressionis jejunii in causa sit.

VI. Peccant qui operarios conducere nolunt, nisi pacto inito ne jejunent, & qui veritos cibos in Quadagesima venales publice exponunt. Primam doctrinam partem confirmat S. Tho. in IV. Dist. 15. qu. 3. art. 1. quæstiuncula 4. ad 3. scribens: „Nec illi a peccato immunes sunt, qui operarios conducere nolunt, nisi tali pacto, ut jejunium solvant; nisi forte sit causa necessaria, quæ festinationem operis, pro quo laboratur, exposcat“. Et ure ac merito, quia jam docuerat, solum tunc laborem jejunium impediens assumi posse, quando non major utilitas, non lucrum, sed sola necessitas ad laborandum compellit. Quando itaque necessitas operis ad operarios urgendos cogit debet conductor eos de operis necessitate & de labore subeundo commonefacere, deinde operariis relinquere, ut vel laborem cum jejunio consciant si possint, vel a jejunio abstineant, si experiantur ex tali labore jejunium sibi in magnum gravamen & damnum cedere. Peccant pariter Domini, qui servos suos jejuniorum diebus ita gravibus laboribus onerant, ut jejunare non possint, si laboriosa opera vel in alios dies possunt differre vel ita in plures dividere absque suo gravi damno, ut servi & operarii jejunare valeant. Altera quoque pars est de se manifestata. 1. Quia & Principes & supremi Magistratus curant, ut in Quadagesimæ diebus non passim & ubique veniti cibi venales exponantur, sed certa quadam constituunt loca, ubi pro infirmis & egentibus vendant. 2. Quia publica, & inverecunda carniun, & veritorum ciborum expositio in scandalum cedit, & contem-

ptum

ptum Quadragesimalis jejunii tum Catholicis tum Hæterodoxis, illis quidem quia violandi præceptum occasionem præbent, & ad contemnendam Ecclesiæ legem, vel saltem parvi faciendam inducunt, istis vero, quia dum passim vitiosos cibos venales expositos cernunt, Catholicam derident Ecclesiam, & eos solum dicunt jejunare Catholicos, qui vel superstitiosi sunt, vel emere non possunt. Videntes itaque privatim & sine scandalo iis vendere carnes aliofque cibos vitiosos possunt, quos certo vel prudenter norunt esse a jejunio dispensatos, vel bona fide procedentes iis vendunt, de quibus ipsis certo non constat ad violandum jejunium emere. Licet etiam & Hæbræis vendere carnes in Quadragesima, non vero Hæreticis, illis quidem, quia legibus Ecclesiæ non subjiciuntur, istis vero, quia & præfatis legibus obstricti sunt, & in virtutem saltem Ecclesiæ Catholicæ contemptum carnibus vescuntur, & cœnant.

VII. Pœnæ in Quadragesimalis jejunii violatores indiciæ, tum legibus Ecclesiasticis tum secularibus hæ erant. 1. Clerici e suo gradu deponebantur: sic statutum legitur in Concil. Carthag. IV. can. 8. *Clericum, qui tempore jejunii absque inevitabili necessitate jejunium rumpit, minorem habendum*, idest ex suo gradu deturbandum. In Concilio vero Tolitano VIII. anno 653. celebrato, juniorum violatores Communione in die Paschatis privabantur; & per annum a carnibus abstinere in pœnam cogebantur; sic enim statuit: *Quisquis absque inevitabili necessitate, atque fragilitatis evidenti languore, seu etiam ætatis impossibilitate diebus Quadragesimalium carum præsumpsit attentare, non solum reus sit Resurrectionis Dominicæ, verum etiam alienus a ejusdem diei*

sanctissima Communione, & hoc illi cumulat ad pœnam, ut ipsius anni tempore ab omni usu carum abstineat gulam, quia sacris diebus abstinentia oblitus est disciplinam. Leges vero temporales vel dentium avulsione, vel etiam morte sacrorum juniorum violatores multabant. In Capitulari Caroli M. pro partibus Saxonie edito anno 789. decernebatur: *Si quis sanctum Quadragesimale jejunium contempserit, & carnem comederit, morte moriatur.* Et Dismarus Episcopus Mesopurgensis narrat lib. 8. hanc viguisse inter Polonos legem & consuetudinem, *ut quicumque post sexagesimam (tunc enim more Græcorum apud ipsos incipiebat Quadragesimale jejunium) carnem manducasse invenitur, hæc abscessis dentibus graviter puniatur.* Ad attendant studiosi Sacramenti Pœnitentiæ Ministri, nec levi satisfactione imposita hosce temerarios juniorum & præsertim Quadragesimalium violatores facile absolvant, sed talem indicant satisfactionem, qua violatorum jejunium compensent, tot indicendo per annum jejunii dies, quot in Quadragesima violasse deprehenderit sive carnes comedendo, sive refectioes multiplicando. Et revera quis credat in Paschate christianos illos vere de hoc crimine pœnitere, quod per quadraginta dies multiplicarunt, & quidem deliberato obfirmatoque animo, cum ita sint animo affecti, ut si denuo vergeret Quadragesimale jejunium, denuo illud violarent? „ Ego quidem (sic Auditoribus „ suis prædicabat piissimus Pater la Co „ lombiere Tom. 2. Serm. 72. de Qua „ dragesimali jejunio) tam puto fal „ sam horum pœnitentiam, ut eis ab „ solutionem imperiiri non auderem, „ ne Christi Sanguinem prophanarem, „ nisi forte eos ita animo affectos cer „

„nerem, ut paratos se exhiberent ad
 „jejunium per quadraginta dies sub-
 „tundum, hoc enim solum pacto cer-
 „tior fieri possem, illos vere de vio-
 „lato jejuniio quadagesimali pœnite-
 „re “.

REFLEXIO.

Non immerito postremis hîcse tempori-
 bus bini Summi Pontifices lacrymis sa-
 tis se deplorare non posse ingenuere, sa-
 crum *Quadagesimale* jejunium inter or-
 thodoxa disciplina præcipua Capita adnu-
 meratum, ipsius Domini N. J. C. exem-
 plo veluti consecratum, ab Apostolis tra-
 ditum, a Sacris Canonibus præscriptum,
 ab universali Ecclesia ab ipso sui primor-
 dio receptum, & observatum, ita &
 fidelium perverſa consuetudine, & Su-
 periorum nimium facili benignitate, &
 lenitate, ac denique Theologorum la-
 xis doctrinis labefactum esse & cor-
 ruptum, ut orthodoxæ Religionis cultor-
 es merito querantur, hæresum vero Se-
 ctatores illudant & exultent. Addunt
 quidem a se omne adhibitum studium,
 ut pluribus labefacta corruptelis qua-
 dragesimalis jejunii disciplina, ad pristina-
 nam observantiam revocaretur, & adhuc
 verendum, ne subinde infirmiorum animis
 novas humani generis hostis rationes pra-
 vasque suggerat **CONSUETUDINES**,
 quibus enervata jejunii severitas unde re-
 vocata dudum fuerat, illuc iterum rela-
 batur. Revera heu quot sunt inter fide-
 les, qui jejunii præceptum nec secundum
 literam custodiant, nec secundum
 spiritum amplectuntur!

II. Et certe nec præcepti litteræ se
 conformant Fideles illi, qui falsis in-
 nixi Theologorum doctrinis, & assertis
 ab ipsis consuetudinibus, vel sub le-
 vissimæ concessæ dispensationis umbra

carnes comedunt, refectiões multi-
 plicant, atque tuta conscientia sacram
 violare jejunii legem sibi licitum arbi-
 trantur. Qui æconomiæ titulo ne men-
 sas multiplicent, & pecuniæ parcant,
 totam familiam ad ciborum voritorem
 esum & exemplo & verbis & jussu com-
 pellunt. Qui infirmitatem vel obtende-
 tes, vel inaniter timentes lege jejunii
 minime teneri falso & summo animæ pe-
 riculo sibi blandiuntur. Qui Indico poru
 de mane se recreant, ad prandium ad
 satietatem usque comedunt, postea vini
 potus multiplicent, semper aliquid ci-
 bi adjungentes, ne ex liquoris abun-
 dantia detrimentum patiantur, & deni-
 que refectiuncula sumpta octo unciarum
 cujuscumque cibi, etiam valde nutrien-
 tis, sacrum jejunium se plene perfec-
 tæque compleſse arbitrantur. At istos
 jejunii prophanatores redarguit Eccle-
 sia, quæ eos anathemate ferit, dum
 in Gangrensi Concilio pronuntiat can.
 19. „ Si quis absque necessitate cor-
 „porea tradita in commune jejunia,
 „ & ab Ecclesia custodia superbiendo
 „ dissolvit, stimulo suæ cogitationis im-
 „ pulsus, anathema sit; quæ eos in
 „ Paschate a Sacra Communionem repel-
 „ lit “. Redarguunt SS. Patres, dum
 jejunii necessitatem ad sempiternam evi-
 tandam damnationem inculcant. Au-
 diant S. Cyrillus Alexandrinum Hom.
 1. Pasch. sic eos redarguentem; „ Li-
 „benter eos rogem jejunium an æterna
 „ supplicia existiment. Cum ergo utrum-
 „que nobis necessitas preperat, cur id
 „quod præstantius est eligentes, non
 „ipsi de nobis quam rectissime statua-
 „mus? Neceſse est enim aut per labo-
 „res liberari a malis, aut si illos re-
 „cuses, flammis inextinctis mulcari “.
 Redarguunt historiæ Scriptores; narrat
 enim Nicephorus lib. 3. cap. 32. Justi-
 niani

finiani Imperatoris temporibus gravissima urgente fame laudatum Principem iussisse venales carnes Quadragesimæ tempore publice exponi, at populum jejunii religione ractum voluisse potius fame perire, quam ab Ecclesiastica disciplina recedere. mortem sibi (inquit laudatus Auctor) potius tolerandam ac subeundam existimans, quam ut quidpiam de paternis moribus, aggregacionibus immutaret. Redarguunt denique & ipsi Medici vere Christiani, qui Quadragesimale jejunium non officere corporibus testantur, & nimiam dispensationem concedendæ benignitatem improbant. Zachias lib. 9. tit. 1. q. 2. ex celebrioribus Medicis Hippocrate & Galeno ostendit, jejunium corporibus esse prosequum & salutare, piscium esum non officere, nam scribit: „Univerisium propemodum succus bonus est, & omni culpa vacant quicumque in mari versantur (piscis) pelagii, saxatiles, quos igitur in cibum sumpsisse perpetuo tutissimum fuit. Qui sic Medicos collegas suos christiane monet l. l. q. 5. Dicant tam Medici quam eorum consultores non esse peccandam absolutionem a jejunii obligatione illicito, atque læsum quis se sensis a jejunio, sed potius querendum, an aliqua jejunandi ratio sit, quæ sit magis salubris, quam præterita. Sunt enim, qui ab aliquo cibo particulari in jejunio consuetudo noxam percipiunt; hi tunc absum omiserint, jejunium de cetero commodissime servare possunt. Talia habet & Hequetius de jejun. Theol. 5. Prævaricantur, quamplures, qui ex præpoitara valedudinis cura esum piscium sibi officere illicito causantur, & ideo ad abstinendum carnibus se non obstringi

dicunt, prævaricantur, inquam, etiam Medicos consulunt, a quibus schedulas, quibus impetrant facultatem edendi ova aut carnes, obtinent, vel saltem extorquent. Neque a violatæ jejunii peccato immunes sunt ejusmodi Medici, qui indulgentius quam par est agunt cum multis v. g. Nubilibus.

III. A spiritu vero jejunii recedunt omnes illi fideles, quos merito redarguit S. Augustinus ser. 210. scribens: „Sunt quidam observatores. Quadragesimæ delictiosi potius quam religiosi, exquirentes novas suavitates, magis quam veteres concupiscentias castigantes, qui copiosis pretiosisque apparatusibus fructuum diversorum, quorumlibet obsoniorum varietates & sapores superare contendunt. Vasa, quibus coctæ sunt carnes, tanquam immunda formidant. Jejunant non ut solitam temperando minuant edacitatem, sed ut immoderatam diffendendo augeant aviditatem. Nam ubi tempus reficiendi advenerit, optimis mensis tanquam pecora præsepibus irruunt, numerosioribus ferculis corpora obruunt, ventresque distendunt. Tanquam non sit Quadragesima piæ humilitatis observatio, sed nova voluptatis occasio. Quid autem absurdius quam tempore, quo caro artius castiganda est, tantas carni suavitates procurare, ut ipsa faucium concupiscentia nolit Quadragesimam præterire? Quid inconvenientius, quam in diebus humilitatis, quando pauperum vultus omnino imitandus est, ita vivere, ut si toto tempore sic vivatur, vix possint divitum patrimonium sustinere? Illi qui sic a carnibus temperant, ut alias escas difficilioris præparationis & majoris pretii inquirant,

„rant, multum errant. Hoc enim non
„est suscipere abstinenciam, sed mu-
„tare luxuriam“.

IV. Expergiscimini igitur Catholicæ
Ecclesiæ filii, & aliquando sapite :
„Deus (verba sunt pientissimi Viri
„Danielis Concinæ in Commensario
„cap. 3. §. 3. n. 25.) non irridetur.
„Jeiunia necessaria sunt, quia pecca-
„tis, necessaria, ne peccetis. De-
„bita ob patrata scelera contracta sol-
„venda divinæ iustitiæ sunt. Effrænis
„concupiscentiis, quæ libidinis flam-
„mas accendere pertentat, compri-
„menda est. Quam impotens in vobis
„luxuria sit, quam vehemens concu-
„piscencia, quam necessario sit adhi-
„bendum jejunii frænum, non Medi-
„cis, non Parochis, non Theologis,
„sed vobis ipsis solis exploratum est.
„Vos soli omnino estis vestræ egestatis
„callentissimi. Quid ergo bonam fidem
„obtruditis, quid Medicorum, Theo-
„logorumque auctoritatem allegatis ad
„excusandas excusationes in peccatis?
„Quid ignorantiae velamen prætendi-
„tis illecebris vestris? Ignorantia hæc
„voluntaria est & affectata. Vellem
„omnibus animis insitum effatum S.
„Bernardini Senectis : *In quolibet statu*
„*in Ecclesia Dei, & in quolibet repe-*
„*ries innumerabilem multitudinem igno-*
„*rare quæ illi necessaria sunt ad salutem*
„*secundum statum suum, quæ ignoras-*

„tia a culpa mortali non liberat, neque
„excusat“.

V. Adeste & vos Confessarii inclyti :
adeste Concionatores fervidi : adesse sol-
liciti Animarum Pastores : adesse infu-
lata Capira Antistites ac Præsules, Re-
ligiosi atque Ecclesiastici universi. Vos
vos ego confessor omnes, vos, quos
Dei amor urit, proximorumque ab
æterno interitu retrahendorum cura sal-
tem aliqua tangit, sollicitudines curas-
que vestras Summorum Pontificum Be-
nedicti XIV. & Clementis XIII. solici-
tudinibus studiisque adjungite, vexil-
lum erigite, tuba canite, lingua &
calamis clamate : „Considerantes (ut
„inquit x. lo. laudatus Pontifex in suo
„Brevi *Non ambigimus*) nihil Deo ac-
„ceptius, nihil pastorali ministerio
„vestro dignius, nihil gregibus curæ
„vestræ commissis, quam ut verbo &
„exemplo præcuntes Christianifideles ad
„tam salutarem christianam poenitentiam
„& pietatis exercitationem alacrius su-
„scipiendam, constantissime retinen-
„dam, & ea qua instituta sunt disci-
„plina peragendam vehementius obni-
„temini omni opera atque industria stu-
„dentes, ut fideles in conspectu Dei
„per austeriorem juniorum observan-
„tiam tales permaneant, quales in
„ipso Paschali Festo dignum est inve-
„niri“.

DISSERTATIO III.

DE TERTIO ET QUARTO ECCLESIAE PRÆCEPTO,

ANNUA CONFESSIOE, ET PASCHALI COMMUNIONE.

HÆc duo Ecclesiæ Præcepta satis indicant, quantum in fidelium cordibus erga Deum caritas deferbuerit, seu ut verius dicam, quam minimum dominetur; sunt enim nunc præceptis & anathemate compellendi ad ea suscipienda Sacramenta, quæ olim Christiani ex Caritatis fervore pæne quotidie sumebant, & quibus carere vel privari eis durissimum, & asperum nimis videbatur. Nos in hac Dissertatione ea tantum sumimus expendenda de publici Sacramento Pœnitentiæ, & Eucharistiæ, quæ Ecclesiæ præceptum respiciunt, promde nec eorum necessitatem, conditionis, materiam, cæteraque ad ea spectantia exponenda suscipimus, suo loco horum omnium tractationem reservantes. De sola igitur ab Ecclesia inducâ obligatione annuæ Confessionis & Paschalis Communionis paucis capitibus agemus. Sit itaque

CAPUT PRIMUM.

DE PRÆCEPTO ANNUÆ CONFSSIONIS INDICTO:

*Peccata tus Sacerdoti proprio annis
singulis confitere.*

DOCTRINA.

- I. Datur veram & rigorosum præceptum de annua Confessione.
- II. Quod in se est juris Divini, Ecclesiasticis vero quoad temporis determinationem.
- III. Quinam Ecclesiastico præcepto subjiciuntur.
- IV. Valida indicitur Confessio, & apta ad gratiam obtinendam.

V. Peccata venialia non sunt materia necessaria Confessionis.

VI. Ad quid tenetur qui sola per annum admisit leviora peccata.

VII. Confessio est facienda ore proprio Pœnitentis.

VIII. Et proprio Sacerdoti.

IX. Quo anni tempore obliget.

X. Quodnam sit hujus præcepti objectum.

XI. Quomodo computandus annus in ordine ad annuam Confessionem.

XII. Quinam ab hoc præcepto excusentur.

XIII. Pœna, quibus subjacent hujus præcepti violatores.

I. **V**ERUM & rigorosum ab Ecclesia impositum cunctis fidelibus præceptum annuæ Confessionis omnes ad unum

unum docent, & prædicant Canonistæ & Theologi, licet fortassis de hoc dubitaverit, vel dubitanter locutus sit Durandus in IV. sent. dist. 17. q. 14. Nam revera hoc indistinctum mandatum habetur in Lateranensi Concilio anno 1215. celebrato sub Innoc. III. & confirmatum in Tridentino. Sic enim in priori decernitur: „Omnis utriusque „sexus fidelis, postquam ad annos „discretionis pervenerit, omnia sua „sola peccata confiteatur fideliter, „saltem semel in anno, proprio Sacerdoti, & iunctam sibi Pœnitentiam studeat pro viribus adimplere, „suscipiens reverenter ad minus in „Pascha Eucharistiæ Sacramentum, „nisi forte de consilio proprii Sacerdotis ob aliquam rationabilem causam „ad tempus ab ejus perceptione duxerit abstinendum, alioquin & vivens „ab ingressu Ecclesiæ arceatur, & „motiens christiana careat sepultura“. Tridentina vero Synodus idem confirmans statutum sic indicit sess. 14. can. 8. „Si quis dixerit, Confessionem omnium peccatorum, qualem Ecclesia „servat, esse impossibilem, & traditionem humanam a piis abolendam, aut „ad eam non teneri omnes, & singulos utriusque sexus Christiani fideles, „juxta magni Concilii Lateranensis Constitutionem, semel in anno, & „ob id suadendum esse fidelibus, ut „non confiteantur tempore Quadragesimæ; anathema sit“. Porro hujus præcepti gravitatem ostendit tum materia ipsius præcepti, quæ gravissima est, tum pœna transgressoribus indicta, quæ profecto levi culpæ convenire non potest. Immo anathemate feriendus esset, qui hoc præceptum inficari auderet, ut ex Tridentino Decreto constat.

II. Hocce præceptum Confessionis pro in peccatum lapsis est quidem in se juris plane Divini, & solum juris Ecclesiastici est quoad tempus ab Ecclesia definitum, ut egregie docet S. Thom. in IV. dist. 17. q. 3. art. 1. quæstionculæ 3. in corp. scribens: „Ad Confessionem „dupliciter obligamur, uno modo ex „jure Divino ex hoc ipso quod est medicina, & secundum hoc non omnes „tenentur ad Confessionem, sed illi „tantum qui peccatum mortale incurrun- „t post Baptismum: alio modo ex „præcepto juris positivi, & sic tenentur omnes ex constitutione Ecclesiæ „edita in Concilio generali sub Innoc. „III. tum ut quilibet se peccatorem recognosceret, tum ut cum majori reverentia &c.“.

III. Huic itaque Ecclesiastico præcepto subjiciuntur omnes Fideles baptizati & mares & feminae, cum ad usum pervenerint rationis, ut statuit Innoc. in laud. Decreto: quamobrem obligantur & Hæretici, qui ex susceptione Baptismi legibus subjiciuntur Ecclesiasticis. Ad usum vero rationis tunc puerum pervenisse censendum est, ut explicat Tridentini Concilii Cath. P. 2. de Sac. Pœnit. num. 58. „Cum inter „bonum & malum discernendi vim „habet, in ejusque mente dolus cadere potest; nam cum ad id vitæ tempus quisque pervenerit, in quo de salute æterna deliberandum est, tum „primum Sacerdoti peccata confiteri „debet“. Licet autem ætas doli capax certo aliquo annorum numero definita non sit, in plerisque tamen frequentius post septennium occurrit, ac si fortassis in aliquibus ante lumen rationis affluat, adeo ut peccare lethaliter possint, etiam ante septennium Confessionis præcepto subjiciuntur, ut

con-

contigit in illo quinquenni puerulo , quem narrat S. Greg. Magn. lib. 4. Dialog. cap. 18. ad inferna raptum ob blasphemias , quibus proferendis jam assueverat. Lumen quoque discretionis in iis jam cœpisse credendum est, qui mendacii & furti turpitudinem apprehendunt qui de impudiciis quibusdam illius ætatis aëtibz erubescunt , at isti licet fortassis sufficientem discretionis spiritum obtineant ad peccandum , ac proinde præcepto confessionis habendæ obstringantur , non tamen semper æqualem habent ad pœnitendum , cum , facilius cognoscere queant peccati turpitudinem & malitiam , quæ & ipsi naturali verecundiæ adversatur , & difficilius ad cognitionem perveniant gravitatis peccati , divinæ offensæ , & supernaturalis doloris ad veram confessionem necessarij. Quamobrem optime monet S. Carolus Borromæus in sua Instruct. Confess. rap. 9. „ Optimæ erit consuetudinis „ puellas & puellulos , etiam si quintum „ aut sextum ætatis annum nec dum „ excesserint , ante Confessarium adducere , ut sic incipiant paulatim in „ strui , ac manu quasi in cognitionem „ arque usum hujus Sacramenti transferri . Caveant tamen accurate Sacerdotes , ne absolutionem eis præbeant , in quibus nec idonea materia , nec ea rationis plenitudo reperitur , ut extra controversiam judicare possint eos hujus Sacramenti capaces esse “. Ex qua S. Caroli Instructione patet , non esse admittendam doctrinam plurimorum Casuistarum , licere pueris absolutionem sub conditione impetrari , si enim dubium sit , num dolorem necessarium , & firmum concipiant propositum de peccatis lethalibus commissis , differentia est illis absolutio , ut de Sacramento Pœnitentiæ agentes

Patuzzi Theol. Mor. Tom. V.

fusius ostendemus. Parentes autem , Magistri , & Pædagogi , qui pueros curam gerunt , si forte animadvertant , eos quidem commisisse peccata , de quibus merito dubitare possint , utrum sint mortalia , eos ad confessionem urgere debent , ut Ecclesiæ præceptum impleant , cui jam hoc ipso , quod dubium sit num lethaliter peccare possint , subjiciuntur . Nec omnes amentes ab hujus præcepti onere immunes sunt habendi ; nam frequenter contingit , aliquos ex illis in aliquibus tantum materiis desipere , qui tamen cum de Confessione agitur , rationis se compotes ostendunt , & pariter plures sunt , qui lucidis gaudent intervallis , in quibus peragendæ confessionis capaces dignoscuntur , quamobrem ad Ecclesiæ præceptum tunc implendum obstringuntur .

IV. Vi hujus præcepti tenetur homo validam Confessionem , & sinceram facere , nec satisfacit præcepto per invalidam , multoque magis sacrilegam Confessionem . Hæc doctrina certissima omnino est ex Ecclesiæ definitione , qua Alex. VII. propositionem damnavit in ordine 19. asserentem : *Qui facit Confessionem voluntarie nullam , satisfacit præcepto Ecclesiæ* . Et jure quidem , cum Ecclesia eam determinato tempore præcipiat confessionem , quæ fidelibus cunctis ex divino præcepto indeterminate necessaria est ad peccatorum remissionem obtinendam ; porro sicut qui invalidam , vel voluntarie nullam elicit Confessionem , nec divinum præceptum implet , nec remissionem consequitur peccatorum ergo nec Ecclesiæ præcepto satisfacit . Quamobrem quicumque voluntarie nullam confessionem facit sive ex contritionis & doloris deficientia , sive ex peccatorum occultatione , sive propositi carentia , præceptum non implet. Non

Ecce

vero

vero satisfaciatur præcepto, qui Confessionem quidem validam, sed informem efficeret, non ex definitione pendere puto speculativè illius controversiæ, num detur Sacramentum validum sed informe, quam suo loco breviter potius indicabimus, quam discutimus cum de Sacramento Pœnitentiæ disputabimus, sed absolute pronuntiandum cenfeo, non sufficere ad impletionem Ecclesiastici præcepti, nam qui hanc Confessionem validam quidem sed informem elicit, vel novit informem fuisse, idest suo effectui caruisse, vel ignorat; si ignorat, excusabitur quidem a culpa, si iterum non confiteatur, cum bona fide putet se ne dum validam, sed & formatam confessionem peregrisse; at si noverit, vel postea deprehendat peractam a se Confessionem licet validam, fuisse tamen informem, procul dubio iterum confiteri tenetur, nam præceptum est de Confessione utili, fructuosa, ad gratiam sanctificantem obtinendam idonea: porro illa confessio licet valida, cum idonea tamen non fuerit ad remissionem obtinendam, idem est ac si peracta vel habita non fuisset, nulla autem confessio non est Confessio, sed Confessionis simulacrum, per eam igitur non impletur Ecclesiæ præceptum, sed alia est subeunda plena ac perfecta exomologesis, qua fidelis prudenter credere possit, se peccatorum remissionem esse consequutum.

V. Licet ex præcepto annuæ confessionis teneantur fideles omnia a se commissa peccata mortalia confiteri, non tenentur tamen simul ex eodem præcepto & venialia manifestare, quandoquidem venialia non sunt materia necessaria præcepti etiam divini de Confessione facienda, cum possit fidelis eorum consequi remissionem etiam extra Sacramentum Pœnitentiæ, ut declara-

vit Tridentina Synodus sess. 14. cap. 5. docens: „ Venialia, quibus a gratia Dei non excludimur, & in quæ frequentius labimur, quamquam recte & utiliter citraque omnem præsumptionem in Confessione dicantur, quod piorum hominum usus demonstrat, frat; taceri tamen sine culpa, multisque aliis remediis expiari possunt. Quamobrem nunquam Ecclesia venialium absoluto, omnibusque fidelibus communi præcepto confessionem præcepit, quam tamen iuste mandat & jubet volenti aliquam lucrari indulgentiam, vel Jubilæum, quando pro ejus consecutione Confessionem statuit præmittendam.

VI. At si quis toto anno nullum lethale crimen admisit, an teneatur de venialibus confiteri, ut annuæ confessionis præcepto satisfaciatur, operosius quam opus sit inquirunt Theologi, cum in praxi vix locum habeat hujusmodi quæstio; quandoquidem qui per annum integrum ab omni lethali abstinet, etiam frequenter confitetur; fieri enim vix potest, ut quis constanter diutius in gratia perseveret sine mediis a Christo ad gratiæ sanctificantis conservationem institutis, inter quæ præcipue locum habet Sacramentorum frequentia; qui vero integro anno a Sacramentorum perceptione abstinet, difficile admodum est, ne in peccatum labatur, aut saltem prudenter non dubitet, quin in torpeticulis occasionibusque peccandi, nec non tentationibus urgentibus in aliquod peccatum lapsus sit. Satis itaque puto ad laudatam quæstionem D. Th. doctrinam hic proferre, qui in Suppl. qu. 6. art. 3. primo sic docet: „ Ad Confessionem dupliciter obligamur, uno modo ex jure divino, ex hoc ipso quod est medicina, & secundum hoc

„ hoc non omnes tenentur ad Confessionem, sed illi tantum, qui peccatum mortale incurrunt per Baptismum. Alio modo ex præcepto juris positivi, & sic tenentur omnes ex institutione Ecclesiae edita in Concilio generali sub Innoc. III. tum ut quilibet peccatorem se recognosceret quia omnes peccaverunt, & egent gratia Dei: tum ut cum majori reverentia ad Eucharistiam accederetur: tum etiam ut Ecclesiarum Rectoribus sui subditi innotescant, ne lupus intra gregem lateat. 2. In resp. ad 3. explicans institutionem Ecclesiae in Concil. Lateran. sic scribit: „ Ex vi Sacramenti non tenetur aliquis venialia confiteri, sed ex institutione Ecclesiae, quando non habet alia quae confiteatur. Vel potest dici secundum quoddam, quod ex Decretali prædicta (Innoc. III.) non obligantur nisi illi, qui habent peccata mortalia, quod patet ex hoc, quod dicit, quod debent omnia peccata confiteri: quod de venialibus intelligi non potest: quia nullus omnia confiteri potest: & secundum hoc ille, qui non habet mortalia, non tenetur ad confessionem venialium: sed sufficit ad præceptum Ecclesiae implendum, ut se Sacerdoti representet, & se ostendat absque conscientia mortalis esse; & hoc ei pro confessione reputatur. Ex hac igitur S. Thom. doctrina certo colligitur 1. unumquemque fidelem sive justum, sive peccatorem teneri se Ministro Sacramenti præsentare, & statum conscientiae suae prodere, confitendo se nullo lethali peccato obstringi. Hanc præsentationem pro Confessione reputari, cum ex ipsa triplex ille finis ab Ecclesia inrenus in suo præcepto obtineatur: nam 1. se peccatorem agnoscit,

& gratia Dei indigere; tum quia licet lapsus in mortale non sit, se tamen peccare potuisse constiterit, & solum divina adjuvante gratia abstinuisse; tum etiam quia suggerente studioso Confessario de peccatis venialibus commissis admonebitur, & ad ea studiosus præcavenda hortabitur, ne modica spernens paulatim decidat. 3. Cum majori reverentia ad Eucharistiam accedet, accepta a Confessario benedictione, & pronuntiatis orationibus, quæ absolutionem præcedunt & subsequuntur, quæ sacramentalia sunt, & ad venialia peccata delenda conferunt. 4. Subditus notus fiat Superiori, nec periculum ullum erit ne lupus intra gregem lateat. Sic etiam hac præsentatione scandalum tollitur, quod oriri posset ex omissa annua confessione, nec locum haberet excusatio illorum, qui ad Ecclesiam vitandas poenas causarentur, se non esse sibi mortalis peccati conscios, nam revera ad pedes Confessarii provoluti quod dicendum erat illi, aperuerunt.

VII. Confessio autem est facienda ore proprio Pœnitentis, vel saltem per nuntium, vel scripturam, aut per interpretem, si alio modo non possit, non vero per literas absenti ad satisfaciendum præcepto Ecclesiae. Primam doctrinam positam partem certam omnino esse nullus dubitat, quia ut scribit S. Th. Quodl. 1. art. 1. in corp. „ De necessitate Sacramenti est, quod poenitens sua peccata manifestet. . . . Sed quod fiat manifestatio verbo, non est de necessitate Sacramenti. . . . Sed ex Constitutione Ecclesiae tenetur homo qui potest ut verbo confiteatur, non solum propter hoc, ut ore confitens confitendo magis erubescat, & qui ore peccavit ore purgetur, sed etiam quia
Ecce 2

sem-

quidem oppositum docere videtur S. Th. in Suppl. q. 9. art. 3. ad 2. ubi sic scribit: „In eo, qui usum linguæ non habet, sicut est mutus, vel qui „est alterius linguæ, sufficit quod per „scriptum, aut per nutum aut per in- „terpretem confiteatur... & ideo quan- „do non possumus uno modo, debemus „secundum quod possumus confiteri“. Debitum igitur agnoscit S. D. confessionis faciendæ per interpretem; at hoc debitum non limitat ad præceptum divinum, ergo videtur docere, quotiescunque urget debitum confessionis faciendæ, urgere & debitum faciendi eo modo quo possumus; idest sine ore, saltem per nutum, vel per scripturam, sive interpretem. 2. Sequeretur, ut qui in Regionibus Infidelium morantur, nec Confessarios reperiunt, qui ejus linguam intelligant, posse & per plures annos a Confessione abstinere, licet sint peccatorum gravissima sarcina onerati; quod & ipsi Concina adeo videtur absurdum, ut tunc saltem divinum præceptum urgere puter. 3. In præcepto & substantia præcepti & modus, præcepti implendi præstituitur: at quando quis potest implere præceptum quoad substantiam, sive quoad præcipuam & majorem sui partem, non ab eo liberatur eo quia modum & minorem partem implere non possit, ut patet in propositione 54. damnata, quæ assererat: *Qui non potest recitare Matutinum & Laudes, potest autem reliquis boras, ad nihil tenetur, quia major pars trahit ad se minorem*. Et in Quadragesimali jejunio, in quo qui a carnibus abstinere non potest, non ideo a jejunio liberatur. Et confirmat in Comunione Paschali Concina, in suo loco dicemus. Porro qui potest semel in anno Confessionem elicere, quod est principale in hoc Ecclesiæ præcepto, ab eo igitur non

solvitur quia non potest minorem partem implere confitendo, per seipsum sua peccata, tenetur igitur eo quo potest modo præceptum implere. Denique dum per interpretem confitetur, eo utitur tanquam instrumento ex necessitate adhibito ad sua manifestanda peccata; quamobrem adhuc dici potest, quod *SOLUS* confiteatur, idest aliis non audientibus, aut sua peccata scientibus; sicut in judicio unus & solus dicitur Testis; licet testimonium suum non ex ore proprio, quia linguam judicis interrogantis ignorat, sed per interpretem dicitur & proferat. Nec major illa difficultas, & erubescencia, quæ subeunda est, dum quis per interpretem confitetur, tanti est faciendæ, ut illum ab onere liberet implendi tam ad salutem necessariam præceptum quod non est nisi determiatio divini præcepti de Confessione a peccatoribus habenda. Hæc sententia & admodum probabilis mihi apparet, & certe saltem æque probabilis ac opposita, in praxi igitur amplectenda, utpote quæ in tuto salutem animæ ponit. Quarta denique pars modo certa omnino est, cum Clemens VIII. doctrinam repronaverit asserentium, *licere confiteri absenti per literas*, ut suo loco dicemus.

VIII. Jubeat præterea Lateranense Concilium annum Confessionem propriis Sacerdoti esse faciendam. At quoniam sit proprii Sacerdotis nomine intelligendus, olim acriter decretatum est. Joannes de Polacio ita putabat esse solum Parochum, ut affirmare ausus sit, nec Papam dispensare vel concedere posse, ut fideles alteri confiterentur Sacerdoti, cujus tamen doctrinam damnavit 1. Jo. XXII. & postea Alex. V. Alii vero asseriebant concedi quidem posse, at revera minime dari, licet alii a Parocho pro

pro excipiendis confessionibus adproben-
tur, sed adhuc omnes teneri in Pascha-
te, vel semel in anno proprio Parocho
peccata sua confiteri, contra quos stre-
nue dimicant S. Thom., S. Bonaven-
tura, Adrianus alique. At nondum
finita lis, nam inter recentiores Theo-
logos & Canonistas non desunt, qui
consent, adhuc Confessionem in Pascha-
te esse apud proprium Parochum facien-
dam, inter quos præcipue adnumeran-
tur Juveninus de Sacramentis Diff. 6.
qu. 5. cap. 14. art. 3. Van-Espen P. 2.
tit. 6. cap. 5. Launojus, alique, &
hanc esse propugnant Gallicanæ Eccle-
siæ sententiam. Contra hos tamen de-
certavit Natalis Alexander in Hist. Ec-
cles. Diff. IV. ad Sec. XIII. & XIV. ubi
luculenter evincit, Gallicanam Eccle-
siam aliter sentire, & in pluribus Con-
ciliis etiam Provincialibus docuisse, Re-
gulares posse secularium Confessiones
etiam Paschali tempore excipere, si
tamen ab Episcopo sint pro Confessio-
nibus adprobati. Sed rem extra om-
nem dubitationem posuere plures Ro-
mani Pontifices, Clemens VIII. literis
anno 1592. ad Belgas datis: Innocent.
X. Const. edita die 5. Febr. an. 1645.
& denique Clemens X. Constitutione
Superna promulgata 10. Junii 1670.
qua aperte definiuit: „Eos, qui Reli-
„giosis simpliciter approbatis Paschali
„tempore confessi fuerint, Constitutio-
„ni, quæ incipit *Omnis utriusque sexus*,
„quoad Confessionem dumtaxat satisfi-
„fecisse censendos“. Et revera aiebat
Adrianus in IV. quæst. 5. de Confess.
„Quemadmodum proprii Sacerdotis li-
„centia sufficit, quominus juxta præ-
„ceptum Concilii generalis teneatur
„confiteri proprio Sacerdoti, ita suffi-
„cere videretur licentia Episcopi, Sum-
„mi Pontificis, aut eorum quibus ad

„huiusmodi negotia commiserunt suam
„potestatem, ut est Vicarius Episco-
„pi, & Pœnitentiarius Papæ“. Sed
rursum laudatus Juveninus in suo Galli-
ce scripto Morali Opere de Sacram. Tr.
2. cap. 5. §. 3. docet, hanc esse Gal-
licanæ Ecclesiæ vigentem disciplinam.
1. In Diœcesibus Dominica Palmarum
promulgatus a Parochis Canon, *Omnes
utriusque sexus*. 2. In aliquibus Diœce-
sibus eodem tempore Parochi omnibus
suis subditis facultatem imperiuntur
Confessionem habendi indistincte apud
omnes ab Episcopo adprobatos Mini-
stros, & tunc valida & licita est habi-
ta Confessio. 3. In aliis vero mos est,
ut Parochiani singillatim licentiam pe-
tant a Parocho, qua vel non petita,
vel non obtenta invalida est & illicita
facta Confessio. 4. In aliquibus denique
nec petitur, nec conceditur hæc licen-
tia sive generatim sive in particulari,
sed Episcopi permittunt & tolerant,
subditos suos indiscriminatim apud om-
nes adprobatos Confessarios pro Sacra-
mento Pœnitentiæ accedere, & tunc
quoque valida & licita est facta Con-
fessio. Num vero hæc vera & rata sint
noverint Gallicani Pœnitentiæ Ministri,
quos vigenti disciplinæ se conformare
oportet.

IX. Cum Ecclesia nullum in anno
tempus determinaverit, in quo urgeat
Confessionis habendæ præceptum, hinc
sufficit illud intra annum implere, com-
munius tamen in Quadragesima ex lau-
dabili consuetudine solet impleri. Pri-
ma pars de se certa est, nam nullum
designavit Ecclesia anni tempus, in quo
sit sacra exomologeseis peragenda ad
suum implendum præceptum, sicut Pas-
chale tempus designavit ad sacram su-
scipiendam Communionem: hinc qui
intra primam Januarii, & postremam
De-

Decembris diem omnia peccata sua confitetur, præcepto Ecclesiæ satisfacit. Altera vero pars constat ex Tridentino sess. 14. cap. 5. „ Ecclesia statuit . . . „ ut præceptum Confessionis saltem semel in anno ab omnibus impleatur, „ unde jam in universa Ecclesia cum „ ingenti animarum fructu observatur „ mos ille salutis confitendi sacro illo, & maxime acceptabili tempore „ Quagesimæ, quem morem hæc „ Sancta Synodus maxime probat, & „ amplectitur tanquam pium, & merito retinendum: Quæ tamen sacre Synodi verba non ita sunt intelligenda, quasi debeat qui in initio anni peccatorum pondere se gravatum sentit, usque ad Pascha differre confessionem, multoque minus qui post Pascha peracta Confessione, & sumpta Communionem in aliquo lethale peccatum incidit, possit laudabiliter ad alterum usque Pascha confessionem protelare, hic enim mos pius non esset, nec retinendus, sed perversa cunctatio abolenda, sed solum indicat illos, qui in peccato sunt, saltem consuetudinem omnium fidelium sequantur, ut in Quagesima tandem respiciant & ad Confessionem accedant: qui vero etiam pluries in anno confitentur, non per hoc in Paschate hujus Sacramenti susceptionem omittant. Hinc si in aliquibus Diocesis impletio hujus præcepti esset Quagesimali temporis alligata, qui alio intra annum tempore confessionem peregerissent, tunc quoque ad implendum præceptum confiteri iterum deberent, sicut qui extra Pascha Communionem pluries recipiunt, adhuc in Paschate iterum ad Eucharistiam sumendam accedere tenerentur.

X. Illud tamen accurate perpendendum existimo ad plures peculiates casus

definiendum, quodnam sit objectum hujus præcepti annuæ Confessionis, num videlicet omnia peccata quæ parrata sunt, & quæ menti obveniunt quando peragitur Confessio, an omnia peccata totius anni sint Memento Sacramenti manifestanda sive una sive plurius confessionibus, ideoque qui semel in anno confessus est omnia quæ usque ad illud tempus perpetravit, licet postea ante finem anni in alia labatur peccata, non teneatur iterum confiteri; vel qui semel vel pluries in anno confessus est quæ saltem perpetravit peccata venialia, si postea in mortale labatur ante finem anni, teneatur iterum confiteri ad implendum præceptum. Dissident in hoc de more Doctores. Salmanticenses, alique ab ipsis laudati Theologi putant objectum præcepti esse confessionem peccatorum, quæ antea parrata sunt, licet non sint omnia illius anni: quomobrem si quis post sex a Paschate menses confiteatur omnia eoque commissa peccata, jam præceptum impleverit Ecclesiæ, nec amplius vi præfati præcepti tenetur, confiteri, licet postea in alia labatur mortalia, nisi forte per accidens ob sumendam Eucharistiam. Suam hanc doctrinam unica fulciunt ratione, nimirum quod Ecclesia unam tantum præcipiat Confessionem in anno, non plures. At non advertunt, eandem Ecclesiam præcipere confessionem omnium peccatorum in anno commissorum, non aliquorum tantum; & quidem omnium peccatorum, vel per unam Confessionem si semel tantum confiteatur, vel per plures si poenitenti placeat eadem omnia peccata per annum commissa plurius Confessionibus aperire quod profecto desiderare ostendit dum dicit, ut saltem in anno omnia peccata confiteatur. Verum repouant

nunt cum Laymano contrariæ doctrinæ patroni, ideo omnium peccatorum confessionem Ecclesiam præcipere, quia hoc ad ipsam confessionis integritatem pertinet, videlicet jubet fidelem ita omnia confiteri peccata, ut nullum reticeat, non vero jubet omnia per annum commissa peccata in confessione esse revelanda, cum satis sit ea pandere, quæ tunc, quando quis confitetur, se agnoscat perpetrasse. At hocce perfugium seu potius cavillationem omni prorsus destitutam fundamento egregie confutat P. Concina animadvertens 1. in Concilii Decreto sermonem non esse de integritate Confessionis ex Divino præcepto statuta, cum hæc non in sola annuali confessione reperiri debeat, sed in quacunque sive hebdomadali, sive mensili, sive diurna, si patrata sint lethalia peccata. 2. Si ea verba peccata solam integritatem confessionis designarent, frustra omnino & inepte apposita essent, cum omnes fideles probe noverint integritatem ad valorem confessionis requiri. Mens igitur Ecclesiæ est suo præcepto fideles ad omnia in anno commissa peccata sacra exomologesi expianda obstringere, ut gratiam Dei consequantur, quod nisi præstent pluribus Confessionibus, tenentur saltem una Confessione, Quadragesimali præsertim tempore adimplere. At iniquis, ergo Ecclesia non semel, sed pluries confessionem in anno jubet. Minime. Sed jubet ut saltem unica confessione omnia in anno admissa peccata Sacerdoti pandantur, quod qui præstat, præceptum implet: at non impedit, nec vetat, immo maxime exoptat, ut pluries per annum fideles Pœnitentiæ Sacramentum suscipiant, ut perfectius purgari in Paschate Eucharistiæ Sacramentum devoto & cum fructu suscipiant. Uno verbo, omnia per annum admissa crimina sunt Sacer-

doti in confessione ex præcepto Ecclesiæ manifestanda, vel una, vel pluribus Confessionibus. Quæ ex hac doctrina sequantur confectaria explicabimus cap. seq. n. 5.

XI. Tamen si verum non sit annum pro implendo Confessionis præcepto computare a 1. Januarii die ad ultimam Decembris, more tamen & consuetudine Ecclesiæ constitutum videtur, computandum a Paschate Resurrectionis ad aliud simile Pascha. Quamobrem violati præcepti rei nequaquam habentur fideles, qui Confessione peracta, & sumpta Communione in die Cœnæ Domini cadente decimotertio Kal. Aprilis in sequenti anno idem peragat 5. Kal. Maji, licet elapsi sint supra tredecim Menses, & sic contingit ut qui sacramentalem Confessionem solum semel in anno peragunt, aliquando bis confiteantur undecim Mensium spatio, aliquando semel decursis tredecim Mensibus, prout Paschale Festum vel citius vel tardius celebrari obtingit.

XII. Ab hoc præcepto non excusat nisi impotentia physica, vel moralis, puta non si nullus alius Sacerdos, qui confessiones audiendi sit potestate donatus, si in Regionibus degat, ubi Catholici Sacerdotes non sunt, vel ad illos adeundos longum iter & laboriosum sit subeundum; quod si iter habendum nec admodum grave sit, licet incommodum juxta personarum conditionem, non excusabit. At hæc impotentia facilius in praxi a prudenti Confessorio expendi poterit, quam generali regula designari. Moraliter vero impotens dici potest, qui non nisi unum habet Sacerdotem, cui si confiteatur certo novit, vel prudenter dubitare potest vel Sacramentale sigillum violatum, vel notitia in Confessione habita abusum in perniciem Pœnitentis, vel aliorum.

Num

Num vero qui nonnisi unum habens Confessarium cui sua pandat peccata, cui tamen si determinatum manifestet peccatum, vel ipse constans sigillum confessionis infringit, vel se periculo exponit gravioris damni sive corporalis sive spiritualis subundi, possit differre confessionem post annum ut integre constetur penes alium Ministrum, præferim si dilatio non longa sit, vel teneatur ceteris parafactis criminibus, hoc solum celare, & sic Ecclesiam præcepto obedire, inquirendum est. Hæno censet posse differri confessionem, & Ecclesiam præsumi concedere hanc dilationem ad confessionis integritatem servandam, quæ juris est divini, nisi vel scandalum suboriatur, vel sit Eucharistia sumenda. At probabilius cum Turrelio censeo, teneri confessionem habere eo quo potest modo, servata integritate formali, sin materiali, quia, ut optime notat laudatus Auctor, præceptum confessionis faciendæ certissimum est, concessa dilatio prorsus incerta & mere interpretativa; proinde tenendum certum, & dimittendum incertum.

XIII. Pœna constituta in violatores hujus præcepti est ut ab ingressu Ecclesie arceantur, & Ecclesiastica priventur sepultura, quæ tamen pœna non ipso facto incurritur, sed est per sententiam judicis infligenda. Si in aliqua tamen Diœcesi ab Episcopo lata esset excommunicatione ipso facto incurrenda, eidem subicerentur violatores. Nec audiendus Durandus dum docet, non posse Ecclesiam hoc delictum punire, quod mere internum sit & occultum, ut probari non possit, nam hoc est aperte falsum, cum agatur de actu exteriori Confessionis omisso, qui multipliciter probari potest; ut in publico Fœneratore, Concubinario, Meretrice &c. &

Fatumzi Theol. Mor. Tom. V.

præterea per testes probari, peccatorem illum ad nullum Confessarium adisse. At concessio etiam quod aliquando puniri non possit defectu probationis non sequitur tamen puniri non posse defectu jurisdictionis; sic excommunicatione feriuntur hæretici qui suam hæresim vel uni manifestaverint, licet in foro exteriori probari non possit. Hanc igitur excommunicationem incurrunt vel omittentes & Confessionem & Communionem Paschalem, vel alterutrum juxta præstitutam vel ab Episcopo, vel a Synodo legem. Nec vitatur per confessionem voluntario nullam, cum per hanc non impleatur Ecclesie præceptum, cum excommunicatione lata sit in præcepti hujus violatoris quocumque denique modo illud violent.

CAPUT SECUNDUM.

CONSECTARIA PRÆSENTIS DOCTRINÆ.

- I. *Præceptum annuæ Confessionis per se obligat.*
- II. *Implendum est elapso anno quam primum fieri possit.*
- III. *Non licet unica Confessione pro duplici anno præceptum implere.*
- IV. *Prævenire tempus tenetur qui impedimentum prævidet.*
- V. *Quomodo fiat omnia per annum commissa peccata in Confessione annuæ præcepta manifestanda.*
- VI. *Qui invalidam se novit fecisse Confessionem, iterum tenetur confiteri ad præceptum Ecclesie implendum.*
- VII. *Prævenire tenetur Confessionem qui timet peccatorum oblivionem.*
- VIII. *Quodam grave periculum excusat a præcepto annuæ Confessionis.*
- IX. *Num detur præceptum Ecclesiasticum pluries confitendi per annum.*

F i f f

X.

X. *Publica scorta immunia non sunt a pœnis contra violatores præcepti annuæ Confessionis.*

CONSECTARIUM PRIMUM.

I. **P**RÆCEPTUM annuæ Confessionis non per accidens obligat, idest ratione suscipiendæ Eucharistiæ, sed per se & absolute. Oppositum docuisse plures Theologos affirmat Suarezius, inter quos immerito annumerat S. Th. & S. Antoninum, quos plane oppositum scripisse constat, ille quidem pluribus in locis cap. superiori recitatis n. 2. Nec sibi contradicit dum Quodl. 1. a. 2. in corp. scribit: „ Quia ex præcepto Ecclesiæ omnes fideles tenentur saltem semel in anno in Festo Paschæ præcipue Sacramenti Communionem accipere; ideo Ecclesiæ ordinavit; ut semel in anno, quando imminet tempus accipiendi Eucharistiæ omnes fideles constreantur “. His enim verbis ostendit S. Thom. congruitatem temporis, in quo sit Confessio faciendæ, non causam impositi; præcepti; distinguit enim præceptum Communionis a Confessionis mandato, & illud quidem Paschali tempori alligatum dicit, alterum de se nulli tempori alligatum, congrue tamen docet in Pascha adimpleri. Similiter S. Antoninus III. P. tit. 14. cap. 19. §. 2. aperte docet, Pontificem non posse a Confessione absolute dispensare, quia juris est divini, posse tamen dispensare ab annua Confessione, quæ juris est humani; porro quando quis communicare debet non ex jure humano, sed ex jure divino, si reus sit lethalis peccati, consisti debet, & ab hoc dispensationem Pontifex fargiri non potest: non igitur censent ratione Communionis datum præceptum annuæ Confessionis,

licet hoc præceptum impleatur in Paschate, occasione sumendæ Communionis. Et revera ita sentiunt communiter Theologi omnes, & Canonistæ, immo talis est universalis Ecclesiæ sensus, ut apparet ex Decreto Tridentini Concilii anathema pronuntians in eos, qui suaderent abstinere ab annua Confessione faciendæ.

CONSECTARIUM SECUNDUM.

II. Qui per integrum annum vel licite vel illicite Confessionem omisit, tenetur quam primum commode potest Ecclesiæ præceptum implere. Non desunt Theologi qui censent, omisissam per annum Confessionem non esse anno sequenti supplendam quia affirmativa præcepta determinate certo tempore obligantia elapso termino peccatum quidem commissum est, at non onus sequitur supplendi, ut patet in violatoribus juniorum, in omittentibus auditionem Missæ, vel Officii divini recitationem. At opposita opinio in falsa communiter rejicitur a sanioribus Theologis, qui nostram doctrinam ut probabiliorē, immo unice veram propugnant; Quandoquidem verba Concilii indicentis ut *saltem semel in anno* fideles Confessionis suscipiant Sacramentum, posita non sunt ad definiendam, sed ad urgendam obligationem, unde sensus sit, ut Confessio non ultra annum differatur: quomobrem qui salutare transgrediens præceptum annum elabi permisit sine confessione, tenetur quam primum opportune potest confessionem habere. Confirmatur ex ipsa Ecclesiæ praxi, qui enim confessionem annum omisit, anathemate feriri potest, qua percussus a nemine absolutionis beneficium consequi poterit nisi peracta confessione, & adimpleto præcepto, ob cujus transgress-

gressionem multatus fuit; patet igitur manifeste mentem Ecclesiae esse, ut elapso anno non sit ab onere præcepti solutus violator, sed adhuc obstrictus donec obtemperet. Et revera ita sentiunt nedum Nobiliores Theologi, sed & plures ex benignioribus Laymanus, Bonacina, Palaus, Leander, & Salmanticenses. Nec urget paritas ex aliis desumpta præceptis, & ab oppositæ sententiæ defensoribus adducta; nam in præceptis jejunandi, recitandi Divinum Officium, audiendi Missam in die Festo, & similia, clare apparet mens Ecclesiae alligandi onus illud ad determinatam diem ob peculiare rationes, puta in Sacerdote, ut quotidie Deum sacris preceationibus colat, ut fideles tali tempore carnem affligant, diem Festum specialiter colant; at in annuo præcepto Confessionis nullus habetur specialis ad tempus respectus, unde propterea ipsos fideles directe respicit, non vero tempus, nisi tanquam terminum, quem præterire non debent: qui itaque non est integro anno confessus, ita tenetur confiteri quam primum potest, ut severiores non solum Theologi, sed & benigniores ut de Lugo, sentiant toties peccare, quoties oblatam sibi opportunam Confessionis habendæ occasionem neglexerit aliis affirmantibus solum in eodem peccato diutius sordescere, quod idem puto in re morali præsertim cum inter Catholicos nunquam desit, & semper præsto sit confessionis habendæ occasio; proinde satis erit dicere in Confessione spatium temporis, quo confessionem post annum distulit.

CONSECTARIUM TERTIUM.

III. Qui omissa sive ex culpa sive sine crimine annua Confessione primo confitetur, non valet ea unica Confessione utriusque anni præcepto satisfacere. Ve-

ritas hujus doctrinæ ex ipsa mente & praxi Ecclesiae potius quam ex metaphysica subtilitate elucescit: siquidem Ecclesia omittentem annuam Confessionem anathemate plectit, a quo non solvit nisi peracta Confessione, postquam ab eo postulat, ut intra annum iterum confiteatur, nec unquam putat solutum a præcepto iterum eodem anno confitendi. Hac sola ratione bene perspicere evanescent quæ in oppositum asserri possunt argumenta scilicet posse quempiam duo præcepta eodem tempore concurrentia uno actu implere, ut patet in jejuniis Quadragesimali imposito & ab Ecclesia, & a propria Regula vel privato voto. 2. Quia alioquin qui viginti annis Confessionem omisit, teneretur vigentes in anno confiteri, quod nemo dixerit: potest igitur quis unico actu duplici satisfacere præcepto. Nam ad 1. dicimus, ea unico actu posse impleri præcepta, quæ determinato tempori sunt alligata, & tempus positum est ad definiendam obligationem, ut patet in jejunante tali die ex mandato Ecclesiae, vel ex Regula, & ex voto, at annuum spatium pro Confessione habenda non est positum ad definiendam obligationem, sed ad urgendam, non est alicui diei anni alligatum præceptum sed toto anno obstringit: qui igitur præceptum transgressus est, statim tenetur implere ut omissioni satisfaciat, cui nova succedit obligatio, & pro præsentis anno, implendi præceptum. Ad 2. Libenter concedimus, posse quempiam *aliquando* unico actu, vel plurius confessionibus satisfacere, vel plura præcepta implere, at negamus id semper licere. Sic quis potest unica copiosioris eleemosynæ erogatione omittas minores eleemosynas vel ex voto, vel ex præcepto Confessarii debitas supplere, sicut & unico jejuniis plura præcepta eodem

F f f f 2

die .

dle concurrentia implere; & ratio est, quia ille unico actu totum, quod in elemosynam debet, erogat, iste quia præcepta determinatum tempus afficiunt. Sic pariter qui per viginti annos Confessionem omisit, unica Confessione, qua omnia eo tempore patrata delicta confitetur, & desistatur, inter quæ & ipsæ Confessionis omissiones comprehenduntur, omittas supplet, nec tenetur totidem omissiones Confessiones supplere, at hac Confessione nonnisi præcedentium annorum supplet omissiones, non vero decurrentis anni implet præceptum, quod non huic diei, vel hebdomadæ est alligatum, sed toto anno impleri potest; tenetur igitur pro eo anno se sistere Sacerdoti & annuam habere Confessionem.

CONSECTARIUM QUARTUM.

IV. Qui prævidet se a Confessione habenda impediendum in decursu anni, tenetur tempus prævenire, & statim etiam sub initium anni confiteri. Hujus Consectarii veritas liquido apparet ex ipsa Ecclesiastici præcepti natura; quod eum urgere incipiat initio anni: intra ejus latitudinem est implendum: quomobrem qui longum iter suscepturus prævidet sive ex deficientia Consectarii, sive alia de causa non futurum sibi locum ad implendum præceptum, tenetur ante suscipiendum iter confiteri: eo prorsus modo, quo quis prævidens se Missam non audieturum in die Festo, nisi de mane furgat, & tempus præveniat, tenetur illud & valde mane audire, & præceptum implere; & qui post prandium prævidet impediendum a recitatione horarum Canonicarum, tenetur mane recitare, quia & tunc urget præceptum, & illud valet implere, ut docent etiam benigniores Casuistæ Lacroixius & Busembaum.

CONSECTARIUM QUINTUM.

V. Qui semel confessus intra annum commissa peccata lethalia, postea in alia pariter gravia crimina labitur, iterum ante finem anni confiteri debet; quod & pariter dicendum de illo, qui pluries in anno confessus peccata venialia, ante finem anni id lethale peccatum incidit, tenetur intra annum illud Consectario exponere. Consequuntur hæc Consectaria ex doctrina, quam statuimus superiori capite n. 10. Quando quidem cum Ecclesia suo præcepto obliget fideles ad omnia peccata per annum commissa Sacerdoti in Confessione pandenda, saltem semel in anno, qui solam peccatorum partem confitetur profecto præceptum non implet: qui igitur vel sub finem anni omnia peccata Sacerdoti confitetur, præceptum implet, cui pariter satisfaciunt qui intra annum peccata lethalia confessus, postea non amplius lethaliter peccat; at qui vel post Confessionem gravium criminum in alia labitur peccata, profecto præceptum non implet, nisi iterum confiteatur, quia revera non omnia est confessus peccata. Pari pacto qui pluries venialia confessus est, cum hæc necessaria non constituant Confessionis materiam, si in lethale incidat, illud est per aliam Confessionem Sacerdoti manifestandum, cum lethali peccatorum Confessio sit primo & principaliter ab Ecclesia indicta. At si quis post diligens examen, & Confessionem peractam omnium suorum peccatorum, postea recordatur alicujus peccati per inculpata oblivionem omisit, tenebitur ne ante finem anni illud Consectario manifestare? Negant quidem, & non contemnendis argumentis, nobiliores etiam Theologi, quia revera hic omnia, quæ præcepto Ecclesiæ sunt demandata, implevit; confessus siquidem est omnia peccata per annum patrata,

trata, quæ post diligens examen memorie occurrunt, gratiam remissionis se obtinuisse sperare potest, etiam respectu illius peccati, cujus inculpabiliter est oblitus: ergo tenebitur quidem illud confiteri ex divino præcepto, & ad integritatem Confessionis, at non ex præcepto Ecclesiastico, quod jam sufficienter implevit. Doctrina hæc certe non spernenda, nihilominus cum de salute animæ agatur, probabilius sentium, qui putant, cum teneri ante finem anni & oblitus peccati confiteri, quia hujus peccati confessio statim se ejus oblitio deprehensa urgere incipit, cum autem & tunc urgeat præceptum confitendi omnia peccata per annum commissa ut huic præcepto satisficiat, & illud manifestare debet eo plane modo, quo quis inculpabiliter impeditus ab annua Confessione post elapsum annum tenetur quam primum potest confiteri. In his tamen puto locum habere & ignorantiam & bonam fidem: qui igitur in Paschate omnia elapsi anni peccata confessus est, & Eucharistiam suscepit, & postea circa finem quindennæ Paschalis alicujus peccati oblitus recordatur, non audeam lethalis peccati damnare, & solum cum iterum se Confessario sistit oblitum peccatum manifestet, licet jam sit per aliquod dies, vel Mensem annus elapsus; at non excusarem & expectare vellet aliud Paschale tempus, cum & periculum sit oblivionis, & urgeat præceptum divinum de integra facienda Confessione.

CONSECTARIUM SEXTUM.

VI. Qui invalidam facit Confessionem quacumque de causa etiam inculpabiliter, præcepto minime satisfacit, sed iterum tenetur valide confiteri. Et quidem non satisfacere præcepto, qui

malitiose invalidam confessionem facit sive ex deficientia integritatis, sive doloris, sive propositi, manifeste constat ex his, quæ diximus cap. præced. num. 4. ex damnata propositione: quomobrem & excommunicationi obnoxius est, si forte ab Episcopo contra violatores hujus præcepti vibretur, quia licet peccatum sit occultum, & exterius probari non possit ob simulatam Confessionem, vere tamen præcepti transgressor est, & contumaciter Confessionem præceptam omisit. Qui vero inculpate invalidam emisit Confessionem, licet fortassis ex malitia Confessarii, qui vel audire Penitentem noluit, vel audito injuste absolutionem denegavit, tenetur si potest alium adire Confessarium ut Sacramentum Penitentiae rite recte & valide percipiat; hoc enim est quod jubet & mandat Ecclesia.

CONSECTARIUM SEPTIMUM.

VII. Prævenire tenetur finem anni ad Confessionem habendam, qui timet prudenter, ne admissi alicujus peccati obliviscatur. Oppositum plane docent plures benignissimi Theologi, inter quos Lacroixius, Leander alique ab ipsis sive legitime sive incaute citati, & omnium laxissime Gobat Tr. 6. n. 261. scribens: „Tamen si differendo usque ad articulum mortis, vel Pascha *certus* sis, te ob hanc dilationem obliturum, multa crimina, haud ramen inde oritur tibi obligatio confitendi citius“: hac unica ratione, quia nullum extat præceptum præveniendæ Confessionis ob causam prævisæ oblivionis, & Ecclesia non præcipit, nisi ut ea manifestentur quæ memorie occurrunt, cum urget præceptum Confessionis. At hæc doctrina ut falsa & improbabilis est omnino rejicienda, oppositum plane docente

cente & probante Concilii Tridentini Catechismo P. 2. cap. 5. n. 45. ubi hæc habet: „ Si quid salutis nostræ ratio postulet, consideremus . . . toties confessio prætermittenda omnino non est cum veremur, ne nos alicuius culpæ quam admiserimus oblivio capiat. Neque enim peccata confiteri possumus, cum non meminimus; neque peccatorum veniam a Deo impetramus, nisi ea Pœnitentiæ Sacramenti per Confessionem deleat “. En igitur 1. quomodo illo eodem Divino præcepto, quo peccata confiteri tenemur, obstringimur curare, ne nos peccatorum oblivio capiat, sed cum hanc prudenter timemus, peccati Confessione periculum declinare debemus. 2. Et revera, si ad Confessionem confugere tenemur, quando vel gravis urget tentatio, vel peccatum aliquod est vitandum, nec alius adeit modus vel vincendi tentationem, vel vitandi peccati quam Confessio, multo magis ad Confessionem tenemur confugere, quando hæc omnino necessaria est ad vitandum peccati alicuius, multoque magis plarium peccatorum oblivionem, cum, ut inquit Catechismus, nec peccata confiteri possumus, quæ non meminimus, nec peccatorum veniam impetrare sine peccatorum Confessione “. 3. Qui prævidet se postea impediendum, quominus in anno confiteatur mortalia, vel reservata, habenti potestatem absolvendi, tenetur prævenire, ut diximus cum benignioribus etiam Casuistis Consecrario 4. Ergo & qui prævidet oblivionem peccati, confessionem prævenire tenetur; nam non minor, sed major est obligatio integræ Confessionis, quam annuæ; illa enim ex divino mandat præcepto, hæc solum ex Ecclesiastico: si igitur prævenire tenemur, ut

Ecclesiasticum impleamus præceptum, multo magis prævenire adstringimur, ne divinum violemus de integritate Confessionis mandatum. Hinc & ut laxa & falsa rejicienda est Dianæ opinio relata & approbata a Lacroixio, nec obstringi fidelem ad scribenda peccata ne memoriæ excidant, eo quod hoc sit onus gravissimum, & periculo manifestationis expositum; quandoquidem sicut gravissime peccaret, qui rationem redditurus dati & recepti, si prævidens vel acceptorum vel expensorum oblivionem, eodem scripto consignare negligeret, multo magis peccat qui sciens sibi reddendam Christo ejusque Ministro omnium commissorum scelerum rationem, & prævidens eorum oblivionem scripto consignare negligeret; quod profecto ut cap. præced. diximus, nec onus gravissimum est, nec proximo periculo manifestationis expositum, quod & remotissimum est, & vitare quilibet potest insuetis adhibitis signis.

CONSECRARIUM OCTAVUM.

VIII. Grave periculum famæ, & honoris, vitæ, vel etiam in temporalibus bonis detrimenti ab annuæ Confessionis præcepto excusat. Ratio est de se manifesta, quia Ecclesiæ præcepta cum tanto onere non obligant, sed eorum impletio differri potest quoadusque periculum quod prudenter timetur evanescat. Ratio tamen periculi & damni habenda est; quæ certe rarissima sunt; nam si periculum sit in manifestatione alicuius peccati, poterit Pœnitens illius Confessionem omittere, faciendam opportunus, & interim præcepto Confessionis annuæ satisfacere cætera manifestando peccata; quod si nisi unum illud haberet lethale peccatum, a cuius manifestatione legitime impeditur, adhuc

huc de venialibus confiteri teneretur, & de lethaliibus, vel alias commissis, vel in generali ut beneficium absolutionis indirekte, & super commissum peccatum cadentis obtineat, & ita validam & fructuosam, ut ab Ecclesia præcipitur, Confessionem perficiat. Quod si hoc periculum five detrimentum oriatur ex Confessione tali Sacerdoti facta, apud quem famæ & honoris detrimentum subit, poterit quidem alium adire Sacerdotem, & si non habeat, non excusatur a præcepto Ecclesiæ implendo, cum hoc famæ & exiimationis detrimentum sit intrinsece annexum Sacramento Pœnitentiæ, in quo propriæ sunt aperientiæ Sacerdoti turpitudines, & de commissis sceleribus erubescendum est; & ipse Sacerdos hac cognitione nullo modo in pœnitentis detrimentum uti possit.

CONSECTARIUM NONUM.

IX. Præceptum sæpius per annum Confessionis habendæ nec omnes fideles afficit, sed solum quosdam divino cultui mancipatos homines, & licet hos ad Confessiones venialium adstringat, non tamen eos obligat sub lethali peccato. Et primo quidem nullum esse commune omnibus fidelibus præceptum sæpius confitendi certissimum est, cum Lateranensis Concilii Decretum solum annum jubeat confessionem; ac cerium est in omnibus Religiosorum Ordinum Regulis præcipi Religiosis, ut sæpius confiteantur, licet nullo lethali peccato coinquinati, solis venialibus detineantur, a quibus nullus est qui immunis evadat, ita postulante Statu Religioso, qui status est perfectionis; hoc tamen præceptum, ut ego noverim, in nulla Regula sub lethali culpa mandatur. Sunt præterea in jure, & Concilio Tri-

dentino decreta, in primo quidem in Clementina *Ne in agro* præcipitur Monachis S. Benedicti, ut semel in mense confiteantur, cui mandato parere debent præfati Religiosi, licet nonnulli venialia commiserint, tum quia Pontifex hanc legem ferendo, nunquam credidit præfatos Religiosos lethaliiter singulis mensibus esse peccaturos, tum quia solum voluit Monasticam disciplinam communire, & per Sacramentorum frequentiam Religiosorum profectum promovere, cui mandato si non pareant, quando lethaliibus coinquinantur peccatis, profecto graviter peccant, cum hujus legis materiæ gravissima sit, & magni momenti, ne in peccatis fordescant Religiosi; ac si venialibus tantum maculentur culpis, non sunt lethali peccati rei, si Confessionem omittant; tum quia, ut inquit Canus Rlect. de Pœnit. p. 6. hoc mandatum indicitur sub levi pœna; quod si non ex gravitate pœnæ, sed materiæ, in præceptis vis obligandi defumatur, Confessio venialium non ita gravis materia est, ut necessario inferat grave peccatum in legem transgrediente. His accedit consuetudo & institutum Religionis Monasticæ, quæ nunquam hoc præceptum tanquam sub gravi obstringens agnovit; quomobrem communiter Theologi docent, Clementinum Decretum nec Monachos sub gravi obstringere, nec esse ad alios Religiosos dilatanandum. In Concilio autem Tridentino sess. 24. cap. 10. indicitur Monialibus, ut semel singulis mensibus Confessionem peccatorum faciant, & Sacrosanctam Eucharistiam suscipiant; ac hoc Synodi Sacræ statutum legem sub gravi obligantem non inducere, sed meram hortationem, patet ex ejusdem Synodi verbis, in quibus solum indicitur, ut Episcopi & cæ-

teri Superiores Monasteriorum Sanctimonialium attendant, ut in Constitutionibus eorum *admonentur* de singulis mensibus confessione facienda, & Eucharistia suscipienda; monitum itaque continet, non præceptum Tridentini statutum.

CONSECTARIUM DECIMUM.

X. Publicæ Meretrices non sunt immunes habendæ a pœnis & in jure statutis, & ab excommunicatione Episcopali, si hæc sorte vibretur in violatores præcepti annuæ Confessionis, & Communionis. Aliter sentiunt nonnulli Theologi, qui putant, Ecclesiam permittentem Meretrices, nolle eas in præfatis pœnis subjiciendas, ne miserum eorum statum magis aggravet, eo vel maxime, quod excommunicatione non esset ad eorum emendationem profutura. Verum opposita quam statui doctrina & probabilior est, & unice vera; quandoquidem si Ecclesia jussu ferit excommunicatione fidelem præceptum violantem ex malicia quidem, & contumacia, sed quæ firma non est & stabilis, quanto potiori jure Meretrices excommunicare valet, quæ ex status sui perversa conditione ita sunt in malo obfirmatæ, ut hæc præcepta habitualiter contemnant? Nec quia eas tolerat, idest nec temporali nec spiritali pœna ob meretricium punit, immunes vult a pœnis in alios fideles infligendis ob alia crimina a meretricio distincta, aliquia ex iniquitate sua utilitatem & beneficium reportarent; sed ideo tolerat, quia impedire vel non potest, vel non expedit. Et si Excommunicatione non illis prodest, non ex intentione Ecclesiæ hoc profuit, sed ex indurata illarum malitia, a qua tali pœna eas revocare studet Ecclesia. Quamobrem Confessarii harum Pœnitentium, ut optime monet Fezzarius in Bib. V. *Mer-*

trices, si eas invenerint hac vel alia simili Episcopali excommunicatione innodatas, ad Episcopum remittere debebunt. Ita docent etiam mitiores Theologi, ut de Lugo, Sà, & Fagandez.

CAPUT TERTIUM.

DE PASCHALIS COMMUNIONIS PRÆCEPTO.

Sacrosanctam Eucharistiam ad minimum semel in anno, idque circa Festum Paschæ sumito.

DOCTRINA.

- I. Datur præceptum de Communione semel in anno sumenda.
- II. Quinam hoc præcepto obligentur.
- III. Tempus Paschale designatum pro Eucharistia sumenda.
- IV. Sumenda est in propria Parochia.
- V. Et quidem devote & pie, non vero sacrilege.
- VI. Quinam a præcepto implendo excusentur.

I. **I**N illis Christi Domini verbis Jo. 6. *Nisi manducaveritis carnem Filii hominis, & biberitis ejus sanguinem, non habebitis vitam in vobis*, omnes SS. PP. præceptum divinum agnoscunt sumendi non solum voto & desiderio Eucharistiam, sed realiter & in facto. „Ma-„ nifestum est, inquit S. Thom. 3. „ part. qu. 8. art. 11. quod homo te-„ netur hoc Sacramentum sumere non „ solum ex statuto Ecclesiæ, sed ex „ mandato Domini dicentis, *Hoc facite „ in meam commemorationem*“. Hujus divini implendi præcepti tempus determinavit Ecclesia olim quidem jubendo, ut ter in anno Fideles ad Sacram mentis accederent, ut legitur in Decretali Fabbiano Papæ tributa, indicente: „ Et si non forte frequentius, saltem in

„ in anno ter laici homines communi-
 „ cent . . . In Pascha videlicet , &
 „ Pentecoste , & Natali Domini “. Tertio decimo vero seculo in Lateranenſi Concilio indictum eſt , ut ſaltem ſemel in anno , & quidem in Paſchate Eucharistiā ſumant fideles tam mares quam femine . „ Omnis utriusque ſexus fidelis poſtquam ad annos diſcretionis pervenerit , ſaltem ſemel in anno conſiteatur , ſuſcipiens reverenter ad minus in Paſcha Eucharistiā , Sacramentum “. Quod præceptum Tridentina Synodus confirmavit Seſſ. 13. cap. 8. can. 9. definiens : „ Si quis negaverit omnes & ſingulos Chriſtianiſideles utriusque ſexus , cum ad annos diſcretionis pervenerint , teneant ſingulis annis , ſaltem in Paſchate , ad communicandum , juxta præceptum ſanctæ Matris Eccleſiæ , anathema ſit “. Hæc autem præceptum ſub gravi obſtringere nullus ambigit , ideoque graviter peccare , non ſolum qui illud ex contemptu violat , ſed & qui ex negligentia , accidia , aliove vitioſo titulo implere omittit .

II. Hæc præcepto illi omnes ligantur , quos ſuperioribus capitibus diximus ad annuam teneri Confeſſionem . Sed præcipua eſt quæſtio circa pueros , ſcilicet quando Paſchalis Communionis præcepto ſubjiciantur . Et quidem tum Lateranente , tum Tridentinum Concilium ſtatuit , teneri cum ad uſum rationis pervenerint , & Tridentini Conc. Catechiſmus docet , hocce judicium de puerorum capacitate & aptitudine ad Sacram Communionem ſuſcipiendam eſſe parentibus & Sacerdotibus relinquendum . Nonnulli Theologi docent differendam pueri Communionis ſuſceptionem ad annum uſque duodecimū , & etiam quintumdecimū , quæ opinio minus certa habenda eſt , cum plerique

adoſcentes ante uſum rationis obtineant , quo diſcernere poſſunt ſpirituallia panis a materiali diſtinctionem , & Sacramenti Eucharistiæ dignitatem , majeſtatem , & utilitatem . Alii vero , inter quos Suarez , ſtatuant majorem in pueris requiri cognitionem pro Eucharistiā ſumenda , quam pro Confeſſione faciendâ , proinde prius præcepto annuæ Confeſſionis , quam Paſchalis Communionis obſtringi . Huic doctrinæ adverſari videtur Clariffimus Concina , quippe qui obſervat , idem tempus præſtitutum ab utroque Concilio Lateranenſi & Tridentino , tam pro annua Confeſſione faciendâ , quam pro Paſchali ſuſcipiendâ Communionem , nec licet probe noverint Conciliorum Patres Eucharistiæ Sacramentum longe excellentius Sacramento Pœnitentiæ , & hoc illi magis neceſſarium , tamen unum anticipandum , alterum differendum minime cenſuere . At ni mea me fallit philautia , puto hos binos egregios Scriptores ſimul convenire , & idem docere , licet diſſentire videantur , ſi completa & perfectæ Confeſſionis annuæ ex præcepto faciendæ ratio habeatur . Nunc certum eſt , pueros tunc teneri ad annuam Confeſſionem , ut ipſe Concina ſcribit cap. 3. num. 5. ; cum primum illi aſſulget lumen rationis , quod contingere circa ſeptennium communiter ſolet , licet aliquando pueri lumen ſufficiens habeant ad peccandum , ſecus ad pœnitendum ; faci-
 „ Hor namque eſt cognitio turpitudinis
 „ & malitiæ , quæ naturali verecundiæ
 „ adverſatur , quam notitia gravitatis
 „ divinæ offenſæ , doloris ſupernaturalis , & neceſſarii propoſiti pro vera
 „ Confeſſione . . . Hinc Confeſſarii ſi
 „ iſtos pueros indolis ingenuæ , & ad
 „ bonum propenſæ deprehenderint ,
 Ggggg po-

„ poterant absolutionis beneficium illis
 „ impertire, secus vero si fuerint vel
 „ tardioris mentis, vel naturæ vagæ &
 „ in malum pronæ . . . Sed pro istis
 „ majorem adhibeant Confessarii dili-
 „ gentiam necesse est eos sæpius inter-
 „ rogando, instruendo, absolutionem
 „ differendo “. Isti itaque pueri, qui-
 „ bus lumen rationis quidem affulget, sed
 „ *sufficiens ad peccandum, secus ad pœnitē-*
 „ *dum; & quia tardioris mentis, vel na-*
 „ *turæ vagæ, & in malum pronæ*, non
 „ sunt absolutione dignandi, profecto
 „ annuæ Confessionis præcepto tenentur,
 „ & tamen non illis Eucharistia conceden-
 „ da: patet ergo manifeste, ipso Conci-
 „ na fatente, prius urgere Confessionis
 „ præceptum, quam sumendæ Eucharis-
 „ tiæ: Præterea Confessionis præceptum
 „ implent, hi pueri, si eo modo, quo
 „ sciunt & possunt, sua pandant Ministro
 „ peccata, licet postea Sacerdos vel de-
 „ fectu rationis, vel materiæ, absolu-
 „ tionem illis non impertiatur, atque
 „ ita Sacramenti beneficium non susci-
 „ piant; at non ita contingit in commu-
 „ nione, ubi illam suscipientes ita debent
 „ esse dispositi, ut nullum apponant obi-
 „ cem gratiæ Sacramentali, sed revera
 „ illius fructum consequantur; longe igitur
 „ major cognitio, splendidius lumen,
 „ melior requiritur dispositio ad præcep-
 „ tum Communionis implendum, quam
 „ ad Exomologesim habendam: quamo-
 „ brem non importune Theologi tardius
 „ idoneos putant ad Eucharistiam susci-
 „ piendam, pueros, quam ad Confessio-
 „ nem. At si pueris tantum rationis &
 „ gratiæ lumen affulgeat, ut vel inno-
 „ centiam inter pericula custodire valeant,
 „ vel fortassis amissam per dolorem &
 „ pœnitentiam recuperare, tum profecto
 „ non est illis differenda Communio, sed
 „ juxta Ecclesiæ præceptum ad eam su-

„ mendam in Paschate cogendi in qua-
 „ cumque ætate sint constituti. Nec ur-
 „ gent Concini argumenta, scilicet Con-
 „ cilia idem statuere tempus & annuæ
 „ Confessionis, & Paschalis Communionis,
 „ nimirum cum perveniunt pueri ad an-
 „ nos discretionis; nam ea verba sunt
 „ intelligenda accommodare & juxta genus
 „ Sacramenti, cum alterum altero majus
 „ lumen postulet, majoremque dispositio-
 „ nem; & revera consuetudo fere univer-
 „ salis Ecclesiæ est optima hujusce legis
 „ interpret: nam a Parochis pueri, se-
 „ ptennes, octennes, & novennes ad
 „ Confessionem quidem admittuntur, eos-
 „ que se fittere Confessario docent & ur-
 „ gent, & tamen in ea ætate ad Eucha-
 „ ristiam participationem non admittunt,
 „ quia revera plerumque ad tantum Sa-
 „ cramentum nondum idonei dignoscuntur.
 „ Quod confirmat etiam antiquissimus Au-
 „ ctor carminis MS. a Mariene laudati de
 „ antiquis Ecclesiæ ritibus Tom. 1. lib.
 „ 1. cap. 4. artic. 10. §. 14. qui sic
 „ canit:

*Non pueris infra bis quinque mœnibus
 annis*

*Des corpus Domini, quamvis sint cor-
 pore puri.*

*Quid sumant cum ignorent, ergo pro-
 bibentur.*

Et in Rituali Ecclesiæ Parisiensis dicitur:
 „ Administrari non debet (Eucharistia)
 „ undatis, quibus nondum adhibitis
 „ sunt ceremoniæ, atque etiam pueris,
 „ qui propter ætatis imbecillitatem hoc
 „ divinum Sacramentum judicare non-
 „ dum valent, ut ferme accidit autē
 „ undecimum annum, quod prudenti
 „ Rectorum arbitrio & conscientiæ re-
 „ liquitur “. S. Thomas quoque dis-
 „ tinctum agnoscit: inter præceptum annuæ
 „ Con-

Confessionis, & Communionis Paschalis; primum enim ab Ecclesia indictum dicitur, ut quisque se peccatorem agnoscat ut ad suscipiendam Eucharistiam se disponat, & ut Rectoribus Ecclesiae subditi innotescant. Porro si secundam causam excusant, binæ aliæ pueris etiam minoris ætatis convenire possunt; quomobrem nullum assignat ætatis tempus, quo pueri teneantur confiteri. At cum agitur de præcepto suscipiendæ Eucharistiæ & cognitionem & devotionem in suscipiente requirit, quæ devotio profecto & ex tanti Mysterii notitia, & ex pia in Deum affectione procedat oportet, & in pueris oñenibus vel novennibus raro admodum reperitur: propterea Angelicus Doctor nonnisi post decennium putat pueros ad Communionem idoneos, sic enim scribit in 1^o. Dist. 9. c. 1. n. 6. quæstioncùla 4. „ Pueris jam incipientibus habere discretionem etiam ante perfectam ætatem, puta cum sunt decem aut undecim annorum, aut circa hoc, potest dari, si in iis signa discretionis appareant, & devotio, „ nis “ S. Antoninus utique scribit, ut citatur a P. Conc. III. P. tit. 14. cap. 12. „ Puer cum est doli capax, „ cum scilicet potest peccare mortaliter tunc obligatur ad præceptum de Confessione, & per consequens de Communionem quæ simul dantur “, at idem S. Archiepiscopus laudatus a Concina Dist. 1. C. 1. n. 1. docet II. P. tit. 9. cap. 8. § 2. Pueros circiter undecimum, puellas circiter decimum suæ ætatis annum Confessionis præcepto subiectos esse; cui amen doctrinæ non assentiuntur Concina. Hanc itaque puto Regulam servandam in administranda pueris Eucharistia, Parentes, Pædagogi, Parochi inspiciant, num pueri bonæ sint indolis, devoti, & præsertim adhuc innocentia

stola ornati, quos tales repererint de Sacramenti dignitate, utilitate, præstantia instruant, desiderium accendant, & quo citius poterunt ad Sacram Mensam advocent, sic enim fiet, ut innocentia confirmetur, & meliores evadant; quos autem repererint pravæ indolis, immorigeros, & præsertim impudicitia sordatos, eos quidem de præcepto sumendæ Eucharistiæ moneant, at simul indicent, nunquam ad Sacram Mensam admittendos, nisi mores vitæ mutent, ab impudicitia abstinere, & pii operibus ad tantum bonum consequendum se disponant, & revera Communionem illis differant donec viderint in melius mutatos a vitiis & sollicitudinibus penitus abstuisse.

III. Tempus ab Ecclesia ad Eucharistiam sumendam præstitutum est Paschale, id est non solus dies Resurrectionis, ut visum est alicui Canonistæ, sed ut declaravit Eugenius IV. quindecim completitur dies, a Dominica scilicet Palmarum usque ad Dominicam in Albis; quamobrem quocumque ex illis diebus fideles Eucharistiam sumant, præceptum satisfecisse censentur, & illius violatores habendi, qui licet pluries in anno communicaverint, præfatis tamen diebus sumere omittant, cum non solum annua sit demandata Communio, sed Paschale tempus destinatum, Quod si in aliquibus Diocæsiibus diuturnius tempus præstitutum sit, puta a die Cinerum usque ad octavam Paschæ, vel a Dominica in Ramis Palm. usque ad Ascensionem, consuetudini quisque se accommodare licite valet. Animadvertit tamen Summus Pontifex Bened. XIV. de Synodo lib. 12. cap. 6. n. 10. non licere Episcopis nec in suis Synodalibus Constitutionibus, inconsulta Sede Apostolica præfatum commune tempus quindecim

decim dierum ultro protrahere, quippe qui ita agendo non decernerent quod est a jure prætermisum, sed contra jus limites ampliarent ab ipso jure præfinitos.

IV. Sumenda est communio in propria Parœcia, vel alibi, sed ex licentia Parochi, ita enim statuit Lateranense Concilium, & confirmant omnium Dioecesium Rituaia, & perpetua praxis, & consuetudo Ecclesiæ. Hinc probabilis non est habenda nonnullorum Theologorum doctrina, affirmantium licere ad implendum præceptum Eucharistiæ sumendæ etiam apud Regulares communicare, quibusdam adductis privilegiis, quæ tamen incerta sunt, & parum comperta. Immo scribit Bened. XIV. de Syn. lib. 9. cap. 16. n. 5. delatam Academiæ Sorbonensi hanc doctrinam a Regularibus traditam, *Parochiani non tenentur in propria Parochia communicare in Paschate*, licet Regulares tueri consuetu suorum privilegiorum obteota pro viribus nisi sint, impedire tamen non valuisse, ne eidem hæc, quam jure merebatur, inureretur Censura: *Propositio falsa est, scandalosa, et temeraria*. Sacerdotes vero celebrantes Paschalis Communions præceptum implent in quacumque celebrent Ecclesia, ut si non celebrant, tenentur in propria Parœcia Communionem recipere.

V. Communio ad Paschale præceptum implendum est pie, & sancte sumenda; quæmobrem præceptum non implent, qui sacrilege communicant. Hæc doctrina modo omnino certa est, & unice vera, cum ab Innocentio XI. proscripta fuerit propositio 55. in ordine asserens: *Præcepto communionis annuæ satisfiit per sacrilegam Domini manducationem*. Dum tamen dico, modo esse cer-

tam, & unice veram, minime intelligo, ante damnationem vel probabiliter fuisse, vel veram cum non ideo falsa & improbabilis sit, quia damnata, sed proscripta & reprobata, quia falsa omnino & improbabilis; hinc licet eam tacerentur ut probabilem plurimi & quidem graves Theologi, nullum tamen ex eorum auctoritate probabilis gradum consequebatur falsa & improbanda doctrina, quippe quia certum erat, Ecclesiæ non præcipere materiale Eucharistiæ communionem, sed sacramentum, religiosam, quæ in Dei honorem cedat, & in animæ salutem; & in Canone indicitur fidelibus, ut *reverenter* Sacramentum in Paschate suscipiant, qui vero sacrilege communicant, non reverenter, sed proflus prophane, impie Corpus Christi sumit, & sumendo non honorat, sed dehonestat, conculcat, prophanat. Sed in his non est diutius immorandum, sed solum lectorum menti objiciendum, in quas laxitates plane impias traxerit Theologos modus ille opinandi, quem uno ab hinc seculo deplorabat & detestabatur Alex. VII. in suo Decreto dato die 24. Septembris anno 1665. & ex quo eruptionem prævidebat magnam christianæ viræ corruptionem, quod vaticinium quam verum fuerit ostendunt & hæc impia propositio, & aliæ plures ab ipso Alexandro & ab aliis ejus successoribus proscriptæ, & plurimæ aliæ merito proscribendæ.

VI. Ab hujus præcepti implerione non excusantur nisi qui legitimo detinentur impedimento sive physico sive morali, adeo ut vel absolute non possint, vel sine gravi damno, periculo, & detrimento ad Sacram Mentiam accedere. Inter hos recententur Excommunicati, & Interdicti, cum per has Censuras a

Sa-

Sacramentorum usu & susceptione im-
pediantur, modo tamen in causa non
sint sua contumacia, ne a præfatis cen-
suris solvantur, sed parati sint manda-
tis Ecclesiæ obtemperare, & absolutio-
nis beneficium non recusent; alioquin
si eorum contumacia obicem absoluti-
oni ponant, protecto ab impletiōe præce-
pti non excusantur, sed rei sunt ha-
bendi ejus violationis.

CAPUT QUARTUM

CONSECTARIA PRÆCEDENTIS
DOCTRINÆ.

- I. *Parentes & alii pueros ad Communio-
nem disponere debent.*
- II. *Qui Paschalem Communionem omisit,
tenetur supplere.*
- III. *Et tempus prævenire qui impedimen-
tum timet.*
- IV. *Qui ante Paschale tempus communica-
vit, iterum in Paschate Communionem
sumere debet.*
- V. *Non implet præceptum, qui Eucharis-
tiam sumit in Cathedrali, quæ non
sit ejus Parochia.*
- VI. *Implet qui communicat extra Paro-
chiam de licentia Parochi.*
- VII. *Non licet indisposito Communionem
Paschalem propria voluntate differre.*
- VIII. *Qui de licentia proprii Sacerdotis
Communionem post Paschale tempus
disiulit, adhuc tenetur in propria Pa-
rochia communicare.*
- IX. *Quinam possint Paschalem Commu-
nionem apud Regulares sumere.*
- X. *Non licet Regularibus Communionem
dare secularibus nec ex devotione in
die S. Paschæ, nisi de consensu
saltem tacito Episcoporum.*
- XI. *Qui in duplici Parochia domicilium
habet, potest in alterutra communi-
care.*

XII. *Quanam pœna indiciæ non communican-
tibus in Paschate.*

Reflexio.

CONSECTARIUM PRIMUM.

I. **P**ARENTES, Pædagogi, Confes-
sarii a suo munere deficiunt, &
graviter etiam peccare possunt, si eo-
rum negligentia & defectu pueri ratio-
nis lamine sufficienter instructi Paschalis
Communionis præceptum non impleant.
Nam jure naturæ & lege Caritatis tenentur
parentes filios suos per se, si
idonei sint, vel saltem per alios in ti-
more Domini educare, ad Dei & Ec-
clesiæ præcepta servanda urgere. Pæ-
dagogi vero, qui in hoc munere loco
parentum succedunt, vel ex iustitia si
pretio conducti sint, vel certe ex cari-
tate & munere etiam sponte suscepto
tenentur sibi commendatos pueros ad
pietatem informare, ad Sacramenta sus-
cipienda urgere. Quod & de Confes-
sariis dicendum est, præsertim si pue-
ros in numero filiorum spiritualium re-
ceperint, & sint illis a Parentibus com-
mendati. Parochi denique ex ipso Pas-
toris nomine intelligant, se teneri oves
suas præsertim tenellas speciali vigilan-
tia curare, docere, instruere, & ad
saluberrima pascua tum doctrinæ, tum
Sacramentorum ducere. Ad ipsos præ-
sertim pertinet puerorum lumen & co-
gnitionem expendere, ut videant num
sint ad Sacramenta percipienda admi-
tendi, cum nullus extraneus Sacerdos
debeat pueros prima vice ad Sacramen-
tum Eucharistiæ admittere sine prævia
sui Pastoris notitia, & concessione.

CONSECTARIUM SECUNDUM.

II. Qui Paschali tempore a Commu-
nione suscipienda impeditur, vel ex
culpabili negligentia eam omittit, te-
ne-

netur quamprimum præceptum Ecclesiæ implere. Oppositum docent plures etiam magni nominis Theologi, inter quos & S. Antoninus, Sylvester, alique, hac unica permoti ratione, quia inquit, quando affirmativum præceptum de aliquo opere faciendo est certo & determinato tempori alligatum, elapso tempore non amplius urget, & si quidem ex culpa omisso orta sit, peccatum erit transgressionis præcepti, si vero ex aliquo impedimento, nullum tunc erit in omissione peccatum. At posita in Confessario doctrina & longe probabilior est, & certe tuta, proinde in praxi tenenda cum agitur de opinione utrinque probabili, & revera eam teneant plurimi Theologi non solum ex rigidioribus, sed etiam ex probabilioribus & benignioribus, uti sunt Filiucius, Tamburinus, Salmanticenses, Laymanus, alique, & jure quidem meritoque, nam & ex ipso Lateranensis Concilii Decreto manifeste apparet, ita præcipi summptionem Eucharistiæ tempore Paschali, ut si omittatur, non desinat urgere præceptum; dicit enim: omnis utriusque sexus... suscipiat *ad minus* in Pascha Eucharistiæ Sacramentum: porro *ad minus* non præceptum respicit Communionis suscipiendæ, sed tempus sumendi; quamobrem si in tempore statuto non suscipiatur, saltem alio tempore præceptum impleatur. Duo igitur in eo præcepto servanda sciuntur, scilicet & sacræ mensæ participatio, & tempus participationis; porro quando, vel partes, vel circumstantiæ omnes præcepti adimplere, vel ex legitimo impedimento non potuerunt, vel ex culpa non custodiri fuerunt, illa saltem pars est custodienda, quæ potest impleri, ut patet in jejuniis, recitatione Breviarii, in satisfactionibus & Confessariis impositis, in quibus om-

nibus qui totum implere non potest, ad partem tamen prout potest implendam obstringitur, nec a toto præcepti onere liberatur. Quod luculentius adhuc patet ex Canone Tridentini Concilii sess. 13. definitis: *Si quis negaverit omnes fideles teneri singulis annis saltem in Paschate ad communicandum, anathema sit.* Declarat itaque S. Synodus fideles teneri singulis annis communicare, & hoc præceptum saltem in Paschate esse implendum: qui igitur in Paschate vel nequit vel negligit implere, singulis adhuc annis communicare tenetur. Præceptum itaque de Communionem sumenda absolutum est, cujus observantia ultra annum non differenda ex Christi mandato, tempus autem ab Ecclesia designatum est Pascha, qui igitur tempus vel servare non potest, vel negligit, a præcepto divino minime solvitur. His accedit communis omnium Ecclesiarum, Episcoporum, & Præsulum consensus, qui non communicantes in Paschate non solum reos admissi sceleris declarant, & poenis Ecclesiasticis vel Interdicti, vel Excommunicationis feriunt, sed & ad Communionem suscipiendam, & præceptum implendum obstringunt, cui nisi protestentur velle satisfacere, ab Interdicto vel Excommunicatione non solvunt. Nec urget aliter sentientium Theologorum argumentum, nam distinguendum est præceptum sive onus impositum ratione temporis, adeo ut tota ratio præcepti sit ipsa diei sanctitas, a præcepto de ipsa re imposito, & solum prænitum tempus illud implendi; unde ratio & causa præcepti non est temporis circumstantia, sed ipsum opus. In primo capite elapso tempore cessat præceptum, ut patet in auditione Missæ, quæ ob sanctificationem diei festi indi-

cæ,

est, in jejuniis Vigiliarum, & Quadragesimæ, quæ ratione temporis indicata sunt, in penso quotidianæ orationis in Clericis quasi cultus quotidiani ab ipsis Deo præstandi. At non tale est præceptum annuæ Communionis, quæ absolute præcipitur intra annum, *singulis annis* inquit Concilia Lateranense & Tridentinum, teneri ad communicandum, tempus vero appositum est non ad definiendam, sed ad urgendam obligationem, unde subdunt *ad minus in Pascha*, saltem *in Paschate*: quomobrem qui tempore statuto non implet, ab onere præcepti minime liberatur. Præterea in hisce argumentis ex paritate desumptis non tam subtilis est expiscanda differentia, quæ non semper luculenter apparet, quam naturale lumen, recta ratio, bona conscientia attendenda, quæ statim discrimen ipsum recto animo querenti manifestat, ut patet in hoc duplici præcepto, alterum Ecclesiæ indicentis abstinentiam a carnibus in omnibus feriis sextis totius anni, & in præcepto Confessarii eandem abstinentiam præcipientis omnibus quartis feriis totius anni pro Sacramentali satisfactione, in quo duplici præcepto, si subtiliter discrimen assignari volueris, cur qui primum præceptum vel non observat, vel violat, non teneatur alio die abstinere, in secundo vero certo teneatur, vix reperies, tamen ipsa dicente conscientia, ipsa æquitate naturali suggerente sentimus pœnitentem non servantem abstinentiam die statuto, teneri alio die abstinere, nec ab onere præcepti liberari, sicut liberatur in primo, quippe quia ipsum naturale lumen ostendit in priore ita dominari religionem dici, ut ipsa cessante cesset præceptum, in secundo vero non Religionem dici, sed pœnitentiæ virtutem

imperare, quæ proinde etiam ultra diem præstitutum suum dilatat imperium.

CONSECTARIUM TERTIUM.

III. Qui se impediendum prævidet a suscipienda communione paschali tempore, & quidem intra statutos quindecim dies, prævenire tenetur; sicut qui ab anteriore Paschate non communicavit; qui vero eodem anno Communionem sumpsit, non peccat si post Paschale tempus Eucharistiæ differat assumptionem. Et primæ quidem partis ratio est de se manifesta, nam urget & præceptum & tempus; qui igitur prævidet fore ut impediat a suscipienda Communione, nisi in ipsa Palmarum Dominica communicet, tenetur implere præceptum, sicut valde mane Missam audire tenetur, qui prævidet impedimentum postmodum futurum. Ratio quoque secundæ partis mihi luculenta videtur; nam qui a priori Paschate non communicavit, si prævidens impedimentum, tempus non præveniat, nec præceptum implet quoad substantiam annuæ Communionis, nec quoad circumstantiam temporis; nam differendo post Pascha, annum prætergreditur pro Communionis statuto, & sic non implet præcepti substantiam, & ea dilatione in paschali tempore Eucharistiæ non sumit; tenetur igitur prævenire, ut saltem substantiam præcepti servet, sin modum & temporis adiunctum custodire non possit. Nec obstat quod tempus implendi præcepti non urget; immo per anticipationem nec ipsius præcepti impletio habeatur, nam cessante impedimento adhuc deberet in Paschate communicare. Nam si non urget tempus ab Ecclesia statutum, urget tamen tempus divini præcepti non dif-

differendi ultra annum Sacram Communionem, proinde prævenire tenetur. Præterea quando præceptum aliquo modo impleri potest, licet non adæquate & perfecte, ab ejus possibili observantia nemo liberatur, atqui hic præceptum Communionis potest observare quoad substantiam præveniendū, licet non possit quoad circumstantiam temporis; tenetur igitur eo quo potest modo custodire, tempus præveniendū. Nec obstat quod cessante impedimento iterum teneretur in Paschate communicare (quod tamen aliqui Theologi inficiantur) nam hoc esset per accidens, nam cum tunc posset plene & perfecte implere præceptum & quoad substantiam & quoad modum sive tempus, nec posset modum & tempus servare nisi Communionem repetendo, teneretur communicare. Tertio vero partis hæc mihi videtur solida ratio, nam qui alias in anno communicavit, jam præceptum divinum de Communionem ultra annum non differenda implevit, proinde superest solum præceptum Ecclesiæ implendum paschale tempus præstituens, quod tamen servare non potest sive præveniat, sive postponat Communionem. Fateor quidem melius fore prævenire quam postponere, quia, ut inquit S. Antoninus, prævenire diligentis est, tardare negligentis; nihilo tamen secius hanc negligentiam lethalis culpæ damnare non auderem, præsertim si delatio post paschale tempus minime diuturnior foret, at non certa tanta, ut annus elaberetur.

CONNECTARIUM QUARTUM.

IV. Qui vel sanus vel æger ante Paschale tempus Communionem suscipit, tenetur iterum in Paschate communicare, licet ad Sacram Mensam ipso sabo

bato Dominicam Palmarum præcedente accesserit. Id patet manifeste, quia præfata Communionio pietatis & superogationis opus fuit, quæ ipsum præceptum urgens præcessit; quomobrem urgente præcepto ad illud implendum tenetur. Nam vero qui mandato patens Ecclesiæ Communionem Paschalem præcipientis Christi Corpus sumpsit, urgente gravi infirmitate iterum eodem die Viaticum vel fumere possit vel teneatur, expendemus in tract. de Sacramento Eucharistiæ.

CONNECTARIUM QUINTUM.

V. Sacra Communionio ita est in propria Parochia, & a proprio Parocho sumenda, ut præceptum non impleat, qui in Cathedrali communicat, vel ab ipso Episcopo inscio Communionem recipit. Et quidem a proprio Parocho esse sumendam Eucharistiam probavimus cap. præced., & hic confirmamus, addentes nomine proprii Parochi intelligi etiam Episcopum, ejusque Generalem Vicarium, nec non alium Sacerdotem ab ipso Parocho deputatum vel in generali, vel in particulari. Nam vero impleat præceptum qui Eucharistiam sumit in Cathedrali, olim disputatum ut Theologi & Canonistæ, & quidem affirmarunt ex Canonistis Abbas in Caput *Omnis utriusque sexus*, Guttierrez. Barbosa de Off. Parochi part. 2. cap. 20. n. 13. Passerinus, ex Theologis vero Felix Potestas, Sa, Gualdus, Macado, Diana, alique. At opposita quam statui doctrina & certa est, & unice probabilis, ut egregie ostendit Benedictus XIV. in sua Institutione 18. n. 11. & 12. tum ex declaratione Innoc. XI. statuentis, non implere præceptum Paschalis Communionis, qui Romæ Sacramentum Eucharistiæ suscipit in Ecclesiis

sis Patriarchalibus Lateranensi, & Vatica-
nica, & confirmat testimonio Cardina-
lis de Lugo, qui testatur hocce du-
bium propositum & discussum fuisse cor-
am Pontifice, & definitum non imple-
re præceptum qui in Cathedrali vel Me-
tropolitana in Paschate communicat,
cum cujusque Parœciæ limites sint con-
stituti, nec possit Cathedralis Ecclesia
licet Patochialis ultra præstitutos ter-
minos se dilatare, & sicut non licet
Parocho Metropolitanæ assistere Matri-
monio fidelium alienæ Parœciæ, ita
nec illi in Paschate licite Eucharistiam
ministrare; præter quam quod cum finis
hujus legis sit ut Pastori oves suæ inno-
tescant, plane frustraretur, si liceret
Parochianis alias adire Ecclesias, &
propriam declinare Pastorem. Pari pa-
do qui de manu Episcopi etiam Pas-
chali tempore sumit Eucharistiam, nisi
ipse Episcopus vel Paschalem Commu-
nionem ministrat, vel probe noverit
Communicantes accedere ad Ecclesiasti-
cum præceptum implendum, non sa-
tisfacit, cum Episcopi nunquam sine
legitima causa a communi & universali
lege dispensare intendant.

CONSECTARIUM SEXTUM.

VI. Præcepto satisfaciunt fideles, qui
extra propriam Parœciam communicant
de licentia Parochi expressa, & etiam
aliquando præsumpta, quæ tamen præ-
sumpta licentia de facili non est ad-
mittenda. Et quidem Parochos conce-
dere posse suis subditis, ut in Pascha-
te in aliis Ecclesiis sumere Eucharistiam
possint, nullus est qui ambigat, cum
hoc ad eorum ordinariam jurisdictionem
pertineat, & qui de licentia Pa-
rochi communicat, jam Pastorem suum
agnovit, & vicissim ab ipso agnitus est.
Num autem sufficiat præsumpta licen-

Patuzzi Theol. Moral. Tom. V.

tia, res est plane incerta, cum enim
tacitus & præsumptus Parochi consen-
sus res sit facti, a multis plane indivi-
duis, & singularibus circumstantiis pen-
dens, locum quandoque habere potest,
at certe non est de facili præsumendus:
& certe 1. non est præsumendus, si
constet, Parochum se in hac venia con-
cedenda difficilem & morosum præbe-
re. 2. Si nulla addit legitima &urgens
causa communicandi extra propriam
Parœciam. 3. Si licentia peti facile
potest a Parocho, & ab eo expressa
obteneri dispensatio, non enim pruden-
ter operatur: quia ita penes se decer-
nit, si licentiam a meo Pastore pete-
rem, eam profecto obtinerem, at pe-
tere nolo, ideo eam mihi arrego, &
obtemperat præsumo. 4. Nec legitima
est præsumendæ dispensationis causa,
quam asserti Busembaum, illorum ni-
mirum, qui cum frequenter communicant
apud Religiosos, adduci non possunt ut
communicent in Parochia; nam quoniam
hic habetur non dicam legitimus, sed
nec apparens color præsumendæ con-
cessionis? Non certe quia frequenter
communicant apud Religiosos; nam hæc
frequens communio ab onere implendæ
Ecclesiasticæ legis eos non liberat, im-
mo si frequenter ex devotione apud
Religiosos communicant, cur non de-
bent saltem semel in anno ex obedientia
& reverentia erga Ecclesiam præci-
pientem in propria Parœcia communi-
care? Non quia, ut subdit, adduci non
possunt ut communicent apud Parochum.
At quamobrem adduci non possunt, ut
communicent in propria Ecclesia? Num
grave illis imminet detrimentum? Num
magnum labore subire debent? Nihil
propterea: cur ergo ab observantia præ-
cepti sunt eximendi? Nonne hæc relu-
tatio manifeste indicat, se nolle debi-

H h h h h

tam

tam præstare proprio Pastori submissionem, vel ex superbia & arrogantia nolle dispensationem petere? 5. Nec præsumenda est hæc licentia, ut subpnt Layman lib. 5. tr. 4. cap. 7. n. 4. in milibus prædicatoriis, item in Aulicis, studiose, aliisque Academicis &c. quia frequenter communicantes extra suspensionem sunt. Sint, si lubet, extra suspensionem: at sunt ne extra legem Ecclesiæ, cui parere non debeant? Cur eos Parochum ab hac lege dispensare præsumendum, cum nulla sit nec necessitas nec causa? Cur hanc licentiam præsumunt, quam petere sine incommodo possunt? Profecto si hæc doctrina admittatur, jam hoc præceptum facile & evanescet, & in desuetudinem abibit, quæ novam suppediabit benignioribus Theologis causam liberandi fideles ab hoc præcepto.

CONSECTARIUM SEPTIMUM.

VII. Non licet indisposito ad Communionem paschalem eam propria voluntate differre, quod tamen potest de licentia & consilio proprii Sacerdotis. Qui pravis habitibus detinentur, & peccaminosa consuetudine ligantur, profecto digne sumere nequeunt Communionem, nisi pravis habitus & consuetudines deponant. Expropter isti Paschale tempus expectare non debent ad amplectendam pœnitentiam, sed statim incipiente Quadragesimali tempore deberent propriæ salutis consulere, & opportuna emendatione se ad Paschale Sacramentum præparare. At posito quod ex culpabili negligentia id omiserint, non debent propria voluntate, & ex suo libito Communionem emittere, sed se debent proprio Sacerdoti sistere, statum suum illi aperire, & tempus ad congruam emendationem obrinere; sic

enim aperte statuit Lateranense Concilium indicens, sumendam quidem in Paschate Communionem, nisi forte de consilio proprii Sacerdotis ob aliquam rationabilem causam ad tempus ab ejus participatione duxerit abstinendum. Ita docet & D. Thom. 3. p. q. 80. art. 11. ad 3. scribens: „Licet in peccatis permanentes non excusentur propter hoc a transgressione præcepti; (sumendi Eucharistiam in Paschate) Pœnitentes tamen, qui, ut Innocentius dicit, secundum consilium Sacerdotis abstant, excusantur“.

CONSECTARIUM OCTAVUM.

VIII. Qui de licentia proprii Sacerdotis Communionem post Paschale tempus distulit, adhuc tenetur eam in propria Parochia sumere. Veritas hujus Consectarii primo aspectu manifesta videtur, nullique obnoxia contradictioni, quandoquidem Ecclesia, quæ dilationem concedit, non tamen ab onere & præcepto liberat. At inquit nonnulli, frequenter contingit, ut de bono nomine & fama periclitentur Pœnitentes, qui nunquam toto anno ad propriam accedentes Parœciam pro Communionem, si eam adire conspiciantur post tempus Paschale, & inibi communicare, sic enim agendo suspensionem ingerunt omisæ Communionis, & denegatæ a Confessario absolutionis, proinde gravioris alicujus admisi sceleris, non sine animadvertentium scandalo; ad hoc igitur vitandum, & ad bono nomini & famæ consulendum, sunt ab onere adeundi propriam Ecclesiam sublevandi. Verum hæc mthi inania videntur tericulamenta, paniceque timores, quos philautia exacerat & nungnificat. Nam 1. Ecclesia jus habet sciendi, quinam ad Sacram Mensam

accedant, & quinam vel recusent vel repellantur, ideo iussit omnibus fidelibus non solum ut Communionem in Paschate recipiant, sed non ab alio quam a proprio Pastore accipiant; quomodo igitur præsumendum est illi permittere hujus mandati violationem ut lateat, quod ille notum sibi vult atque compertum? 2. In omnibus fere Diocesis Christiani Orbis quædam statuerunt servanda, & certa dantur signa, quibus innotescent, qui a Sacra Communionem in Paschate abstinere. Legantur apud Naleam Alexandrum lib. 2. de Euch. cap. 1. art. 5. R. g. 3. Statuta a S. Carolo Borromeo in Conc. Provinciali Mediolanensi I. ut Parochis tenere non possit qui a Paschali Communionem abstinere. Legantur doctæ Institutiones B. ned. XIV. 18. & 43. & 55. in quibus Parochos instruit, quanto studio & diligentia curare debeant, ut sibi innotescent qui a Sacra Communionem abstinere, quomodo eos monere debeant, & ad præceptum implendum urgere, & contumaces ac inobedientes sacro Tribunali deferre. Legantur in Juvenino, sive in Auctore Theoriæ & Praxis Sacramentorum Tom. 1. de Sacram. Euch. cap. 10. quænam in Gallia adhibeantur a Parochis studia, ut certo nosse possint quinam præcepto obtemperant paschalis Communionis, quinam vero violent. Porro omnes istiusmodiissimi Ecclesiæ Presules & Pastores optime noverant hisce studiis periclitari famam & bonum nomen illorum, qui in Paschate a Communionem abstinentes susceptionem ingerunt admissorum criminum & denegatæ sibi a Confessariis absolutionis, & nihilo tamen fecius ea non omittenda præcipiunt, immo adhibenda jubent, & posthabendam qualemcumque. Penitentis infamiam observantur huius præcepti. 3. Vel in Civitate & Oppido a Pa-

rochis aliquod studium adhibetur, ut noverint quinam in Paschate non communicent, proinde schedas Communicantibus distribuunt in testimonium accepto Eucharistiæ, vel de hoc non curant, nullamque adhibent diligentiam. Si primum, jam actum est de bono nomine & fama Penitentis, non ex acceptione post Paschale tempus ad Sacram Mensam, sed ex ipsa omissione accedendi tempore Paschali, qui propterea non est dispensandus ab onere sumendi Communionem in propria Ecclesia, sed cogendus ut datum scandalum auferat, & bonum nomen ac famam recuperet, accedendo saltem extra Paschale tempus ad Sacram Mensam. Si vero nulla adhibetur diligentia, sicut non innovit omitti Paschalis Communionis, ita nec innoscescit ex Communionem post Paschale tempus sumpta, quæ haberi potest etiam ex devotione. Minime, inquit, nam Penitens nunquam toto anno in propria Ecclesia communicat, immo nunquam ad suam Ecclesiam accedit. Pessime quidem. At sit ita, poterit tamen Parochus vel alius Sacerdos credere mentem mutasse, & velle in posterum Sacramenta a suo Pastore & in propria Ecclesia sumere, poterit etiam credere, non sumptam ab ipso in Paschate Communionem ob legitimum impedimentum. Uno verbo omnia credere debet, potius quam de Penitente temerarium iudicium efformare. Ineptus est igitur timor, & inanis famæ amittendæ, & boni nominis iacturæ, qui locum habere non potest nisi in mulierculis aliisque inbecillis personis, quæ instruendæ proinde sunt, & monendæ de præcepto Ecclesiæ fideliter custodiendo. At si revera vel scandalum timeatur, vel grave damnum Penitenti imminet ob suscipiendam extra Paschale tempus Euchar-

Hh hhh

si-

riffiam in propria Parœcia, quid agendum erit? Primum dico non esse ob rationem aliquam & fingularem casum, generalem statuendam Regulam de dispensatione concedenda communicandi extra propriam Ecclesiam omnibus, quibus Communio differtur. 2. Addo tunc servandam Regulam quartam quam tradidit Natalis Alex. l. sup. cit. per hæc verba: „ Si quis alteri a Parocho de illius „ aut Episcopi licentia peccata confessus fuerit, ipsique absolutionis beneficium diffulerit Confessarius, aut illius Communione ultra quindenam „ Paschalem differendam judicaverit, „ debet nihilominus Pœnitens propriam „ Parochiam adire, ipsique exponere „ conscientie sue statum, aut certe „ Sacerdotis, apud quem peccata deposuit iudicium attendere, ut illius „ consilio, & licentia Paschalem Communionem ad tempus differat. Alioquin „ Parochus suo jure utetur, & „ poenas Constitutionis *Omnia atriisque* „ *sexus ipsum incurrisse* declarabit. „ *Quamobrem consultius erit, si Confessarii* „ *huiusmodi homines ad proprium Sacerdotem remittant* “.

Notare hic operæ pretium duco nonnullas fraudes, quæ adhiberi solent ad occultandum Pastoribus Paschalis Communionis omissionem, quæ certe minime licitæ sunt, immo & perverse. 1. Aliquando Confessarii a Parochis petunt schedas testimoniales distribui solitas accedentibus ad Sacram Mensam in Parœcia, quas postea dant illis, quibus absolutionem differunt, & ad communionem admittunt elapsa jam Paschali quidena. Hæ schedæ, si a Parocho libenter concedantur, testes sunt non peractæ Communionis, sed concessæ a Parocho dispensationis, & si non nihil fraudis continere videntur, cum exhibeantur postea tamquam testimonia im-

pleti præcepti, quod verum per se non est; id tamen Pœrochi vel tolerant vel permittunt, dum schedas Confessariis ad hoc petentibus concedunt. 2. Nonnulli Confessarii, quibus hæ schedæ a Parochis denegantur, submittunt devotas feminas, quæ pluries accedentes ad Communionem in Parœcia, plures etiam recipiunt schedas, quas postea dant Confessario, qui eas distribuit Pœnitentibus, quibus absolutionem differt, & Communionem extra tempus paschale & hoc omnino illicitum censeo, nec a gravi culpa excusare audeo, nam est mendacium manifestum in re gravi ad fallendam Ecclesiam, & Pastorem, immo est dare falsum testimonium in iudicio non quidem publico, sed privato quidem, at legitimo; jus enim habet Parochus interrogandi subditos suos, num præcepto Ecclesiæ paruerint, & ipsi tenentur veritatem dicere, nec falsum sui mendacii proferre testimonium. 3. Uxor sciens Maritum ad Sacram Synaxim non accessisse, bis ad Sacram Mensam accedit, ut duplicem schedam accipiat, quarum altera pro se, altera pro Marito Parocho suo tempore poscenti exhibet. 4. Sunt & pœnitentes, qui cum beneficium absolutionis a Confessario non impetraverint, ac proinde Eucharistiam non audent sumere, vel etiam a Confessione & Communionem abstinere omnino velint, ne eorum detegatur contumacia & iniquitas, devotas feminas, etiam data pecunia, submittunt, quæ iterum communicantes in Parœcia, novas quas accipiunt schedas his pœnitentibus cedunt, quas Parochis exhibendo suam regunt iniquitatem. Et hi gravissime peccant, quia Pastorem suum in re gravissima decipiunt, & graviter peccant etiam feminæ, quæ istis dolis & fraudibus consentiunt, & cooperantur;

tur ; proinde graviter a Confessariis reprehendendæ , & indicendum illis , ne imposterum intra Paschalem quindenam nonnisi semel ad Communionem in Parœcia accedant . Sunt etiam cogendæ , ut iniquum acceptum pretium pauperibus in elemosynam distribuunt , ne lucrum ex sua iniquitate reportent , & ut cetero saltem moneant Parochos de fraude admissa , ne ab iniquis istis deceptoribus fallantur , sed lupos istos & vulpes ab ovibus discernere possint , & vel emendare , vel juxta Ecclesiæ disciplinam punire valeant , & coercere . Sunt fortassis & alii doli mihi minime comperti , quos adhibent Pœnitentes , & forsitan Confessarii non reprobant inani rituulo decepti tegendæ famæ , conservandi bonum nomen , scandali vitandi , quos tamen studiosus Sacramenti Pœnitentiæ Minister reprobare debet , fugere , & detestari , & nihil in re tam sacra & divina fraudis , doli , deceptionis tolerare , & permittere ,

CONSECTARIUM NONUM .

IX. Regulares ad Paschalem Communionem in propria Ecclesia percipiendam admittere non possunt nisi vel famulos , qui eis actu inserviunt , & intra eorum septa ac domos resident , & sub eorum obedientia vivunt , vel licet non servi , in eorum tamen familiam & consortium coopari sunt . Ita statuit Tridentinum Concilium sess. 24. cap. 11. de Reformatione : quomobrem aliqua deficiente ex tribus præfatis conditionibus in famulis , minime a parochiali jurisdictione eximuntur , sed in ea debent sacram Eucharistiam suscipere . Decisum propterea fuit a Sacra Congregatione Concilii , ut refert Bened. XIV. Instr. 55. ne immunes a Parochiali jurisdictione habeantur famuli , & famu-

læ degentes si mansionibus suis in atrii Monasteriorum , licet muro circumvallatis , & contiguis Monasteriis , & habeant portam quæ clauditur , quia revera non sunt intra Monasterii septa . Multo minus eximuntur , qui solum Monasteriis deserviunt , sed non sunt de familia , nec continui commensales , sed extra Monasterium habitant cum aliis secularibus , sicuti nec Tertiariæ , licet habitum Religiosum gestent , quæ in propriis domibus vivunt ; nam privilegia a Benedicto XIII. in Bulla *Pretiosus* , & aliis , abrogata sunt a Clemente XII. Constitut. incipiente *Romanus Pontifex* .

CONSECTARIUM DECIMUM .

X. Non licet Regularibus in die sancto Paschæ nec devotionis gratia sacram Communionem secularibus ministrare , nisi accedat tacitus saltem Episcoporum & Parochorum consensus . Veritas hujus doctrinæ 1. constat ex Bulla Leonis X. concedentis Regularibus facultatem administrandi Sacramenta in suis Ecclesiis etiam in Paschali quindenâ , qui tamen excipit expresse *diem Paschatis* ; nec admittenda interpretatio Concina , & aliorum Theologorum , qui censent , solum eo die designari observantiam præcepti , seu Pontificis velle , ut fideles in propria Parœcia ad implendum præceptum communicent ; quandoquidem dum concedit Pontifex Regularibus , ut Sacramenta ministrent etiam intra paschalem quindenam , non illis utique concedit ut distribuunt ad implendum præceptum , sed solum ex devotione illis , qui vel implevere mandatum , vel implendi voluntatem habent ; ergo dum verat ne in die Paschæ Eucharistiam ministrent , & ipsam administrationem ex devotione prohibet.

Et

Et revera ita sentiunt non solum rigidi-
 ores Theologi. Navarrus, Sylvius, Henricus a S. Ignatio, sed & benigniores, ut novissime Ferrarius V. *Eucharistia* num. 20. His accedunt plura S. Congregationis Decreta a Benedicto XIV. in suo de Synodo aureo Opere lib. 9. cap. 16. n. 4. recitata. Primo siquidem refert ex Diana, Lezana, & Tamburino de iure Abbatum, sæpius discussum fuisse in Sacra Congregatione Concilii, num liceret Regularibus in quindena Paschali Eucharistiam ministrare fidelibus, & decissum fuisse: „*So-*
 „*la die solemnitatis Paschalis absolute*
 „*prohiberi Regularibus, ne Eucharis-*
 „*tiam in suis Ecclesiis porrigant secu-*
 „*laribus, etiamsi isti jam antea annuæ*
 „*Communions præceptum in propria*
 „*Parochia impleverint*“. Deinde alias subdit S. Congregationis decisiones, inter quas illam in causa Mechlinensi. Dubium siquidem propositum erat: „*An Patres Societatis Jesu, aliique*
 „*Regulares possint ministrare sanctissi-*
 „*mum Eucharistiæ Sacramentum per-*
 „*sonis secularibus a Dominica Palma-*
 „*rum usque & per totam Dominicam*
 „*in Albis, & responsio data fuit affir-*
 „*mative, excepto die Paschatis*. Ita tamen ut in aliis diebus sumentes Eucharistiam a Regularibus intra duas hebdomadas Palmarum & Paschatis non satisfaciant præcepto“. Ex qua doctrina sequitur 1. posse Episcopos Regularibus indicere in solemnibus Dominicæ Resurrectionis die, ne ulli secularium Eucharistiam audeant ministrare, ut notat laudatus Pontifex n. 5. 2. Ubi hæc viger consuetudo, ut in Galliis, esse a Regularibus observandam. 3. Non esse reprehensione dignos Præfules illos, qui Sacristæ, aliique Religiosis sibi subditis vetant, ne præfato solem-

ni die secularium Eucharistiam ministrent. 4. Non esse reprehendendos Regulares, qui eodem die fideles ad facram Communionem in suis Ecclesiis admittunt, quando adest vel expressus vel tacitus Episcoporum vel Parochorum consensus, qui prudenter præsumitur, quotiescumque huic publicæ administrationi jam sibi notæ & comperæ, & a pluribus annis invalescenti non obstitunt nec suis Decretis, nec Synodalibus Constitutionibus.

CONSECTARIUM UNDECIMUM.

XI. Qui in duplici Parœcia domicilium obinet, quia modo in una, modo in alia inhabitat, potest in qua maluerit Paschalem suscipere Communionem. Vagi vero, qui nullibi certam Parœciam habent, possunt ubilibet paschale Sacramentum suscipere; decens tamen foret, ut in ea Parochia Communionem sumerent, in qua eo tempore commorantur, & a cujus Parocho, necessitate urgente infirmitatis vel mortis, Sacramenta petere, & suscipere deberent. Quod & dicendum de Aïvenis & Peregrinis, qui ad propriam Parœciam reverti non possunt, de quibus & Rituale Romanum sic statuit: „*Alienos vero*
 „*a Parochia fideles (Parochus) ad pro-*
 „*priam Parochiam remittat præter Pe-*
 „*grinos & Aïvenas, & qui certum*
 „*domicilium non habent: quibus ipse*
 „*sacram præbebit Communionem*“. Qui pariter in Paschali quindena ob aliqua negotia in alia degit Parœcia, & intra illud tempus reverti non valet ad propriam Ecclesiam, præceptum implebit Communionem accipiendo in ea Parochia, ubi invenitur juxta Eugenii IV. Declarationem, nec tenetur differre Communionem ultra tempus Paschale ut in sua Parœcia communicet: oportet

portunum quidem erit testimoniales litteras de celebrato Paschate ad propriam Parochiam deferre .

CONSECTARIUM DUODECIMUM.

XII. Communio Paschalis non est deneganda amenibus , si lucidis interval-
lis eo tempore fruantur , sicut nec emer-
gumenis , bene quidem publicis pecca-
toribus tam secreto , quam publice pe-
temibus . Ita docet S. Thom. in IV. ad
Anibal. dist. 9. a. 4. ad 5. de prioribus
scribens : „ Dicendum , quod furiosus
„ aut habet lucida intervalia , & tunc
„ potest communicare , aut non , & est
„ perpetuo furiosus , & sic non debet
„ communicari “. De posterioribus ve-
ro l. c. a. 9. hæc habet : „ De bap-
„ tizatis , qui corporaliter ab immundis
„ spiritibus vexantur , est eadem ratio
„ ac de aliis amentibus , unde Cassianus
„ dicit , eis , qui ab immundis vexantur
„ spiritibus , Communionem sacrosanctam
„ a Senioribus nostris nunquam memini-
„ mus interdixit “. De publicis au-
tem peccatoribus scribit 3. par. q. 80.
a. 6. in corp. „ Peccatoribus manife-
„ stis , sicut publici usurarii , aut pu-
„ blici raptores , vel etiam per aliquod
„ iudicium Ecclesiasticum vel seculare ,
„ non debet etiam perentibus sacra Com-
„ munioni dari : unde Cyprianus scribit
„ ad quemdam , Pro dilatione tua con-
„ sulendum me existimasti , quid mihi vi-
„ deatur de bistrionibus , & mago illo ,
„ apud vos constitutus adhuc in artis sue
„ dedecore perseverat , an talibus sacra
„ Communio cum ceteris Christianis debeat
„ dari , puto , nec Majestati Divine
„ nec Evangelicæ disciplina congruere , ut
„ pudor & honor Ecclesie tam turpi &
„ infami contagione sedetur “. Et rur-
sum in IV. dist. 9. q. 1. art. 5. quæ-
stionacula 1. repetit : „ Si peccatum est

„ manifestum , debet ei denegari Com-
„ munioni , sive in occulto , sive in ma-
„ festo perat “. .

CONSECTARIUM TERTIUMDECIMUM.

XIII. Violantibus præceptum annuæ
Communions eadem est indicta pœna ac
omitentibus culpabiliter annuam Con-
fessionem , videlicet quod subijci possint
Ecclesiastico Interdicto , & Ecclesiastica
privari sepultura ; quæ tamen pœnæ
cum non sint latæ sententiæ , nec ipso
facto incurrendæ , locum non habent
nisi ex sententia Judicis Ecclesiastici .
Possunt etiam Episcopi in contumaces
hujus præcepti violatores anathematis
fulmen intorquere ut resipiscant , & si
in Synodalibus Constitutionibus lata sit,
eam incurunt etiam publicæ meretrici-
ces . Hinc Parochi illos , quos noverint
in Paschate ad Eucharisticam mensam
non accessisse : 1. Debeat secreto mo-
nere , & si quidem dixerint , se Com-
munionem ditulisse de consilio proprii
Sacerdotis , illis credere debent , sed
tempus congruum definire , quo debeant
paschale præceptum implere . 2. Si
pertinaces in violatione præcepti repe-
riant , ex suggestu in communi omnia
monere , qui Communionem non susce-
perunt , ut quantocius scandalum tol-
lant , & præceptum impleant , aliter
Episcopo denunciandos fore . 3. Deni-
que contumaces ad Episcopi Tribunal
deferre , qui sua prudentia & justitia
viderit quid adversus illos agendum .
Ita Parochos instruit Benedictus XIV.
in suis instruit. 18. 43. & 57. omnia
legendis .

REFLEXIO.

Non immerito delevimus statim in
initio hujus disputationis de 3. & 4. Ec-
cle-

clisæ præcepto, nihil magis ostendere quantum defecerit in fidelibus pietas, & deseruerit caritas, quam necessitas, quibus adducta est Ecclesia sub anathematis pœna filios suos cogendi & ad gravem peccatorum farcinam saltem semel in anno abjiciendam, & ad minus in Paschate cibum vitæ, & alimoniam salutis suscipiendam. Hæc quantum hæc nostra sæcula a primis Ecclesiæ sæculis enormiter distent, quam defœdata populi Christiani facies, mutatusque color optimus! Profecto tribus prioribus Ecclesiæ sæculis nullum erat necessarium mandatum, nullum latum præceptum de Eucharistia sumenda, nam fideles sponte ad hunc cibum vitæ sumendum, ad hoc cœlestē Manna gustandum accedebant, & quidem non raro, sed frequentissime; erant enim, ut habetur in Actis Apostolorum *quotidie perdurantes & unanimitè in Templo, & frangentes circa domos panem*. Nec ullus sacræ Synaxi aderat, qui divinæ non fieret Mensæ particeps, & qui adesse non poterant, per Diaconos sibi allatam Eucharistiam sumebant, ut testatur S. Justinus Martyr; & Tertullianus scribit domi asservari concessum Eucharisticum panem, ut eo quotidie reficerentur fideles. S. quoque Cyprianus, hunc, dicit, esse illum panem, quem nobis quotidie dari postulamus, & S. Ambrosius suis fidelibus exprobrabat, quod cum *Christi Corpus quotidianus sit panis, tamen nonnulli nisi post annum sumerent*. Et ita quidem postulabat tum fidelium fervens in Deum amor, & in proximis caritas, in operibus pietatis frequentia, & confidens fidei & martyrii subeundi inter atroces hostium Christiani nominis persecutores urgens necessitas. At data postmodum Ecclesiæ pace quarto seculo deserbuit quidem Christianorum ardor, at non ita, ut sacræ mensæ

participatione diutius abstinerent, sed saltem Dominicis diebus ad sacram Mensam accedebant, a qua pia consuetudine recedere incipientes redarguit Aquigranensis Synodus II. anno 836. celebrata can. 20. indicens: *Sane Communicatio Corporis Domini omni die Dominica celebrari convenit: ideo necesse est quantum ratio permittit, ut moderna corrigatur consuetudo, ne forte qui longe est a Sacramentis, quibus est redemptus, longe sit a salute, quam fuerat consecuturus*. Quod & confirmatur lib. 5. Capitularium cap. 134. ubi dicitur: *Omnes per dies Dominicos, vel Festivitates præclaras Sacra Eucharistia communicent, nisi quibus abstinere præceptum est*. Conciliorum tamen & Sanctorum Præsulum studia, monita, mandata impedire minime potuerunt, ne fideles adhuc pejus tepercerent, & rarius ad Communionem accederent; quamobrem indidum est ut saltem ter in anno in Paschate, Pentecoste, & Natali hoc cœlesti pabulo reficerentur, quod præceptum iterum necesse fuit ad solum Paschatis festum coardare, ut factum est in Concilio Lateranensi, & confirmatum in Tridentino.

II. Sed utinam huic saltem præcepto parerent Christiani! at plurimi adhuc sunt, qui nec ad litteram præceptum custodiant, & multo plures, qui exservato præcepto, spirituale illum & uberem fructum, quem & exoptat Ecclesia, & quem nata est afferre spiritualis hæc mensa, minime percipiunt. Profecto nec litteram præcepti non implent, qui per plures annos ad sacram Mensam minime accedunt, quippe quia vel cupiditatibus & libidinibus indulgere malunt, vel illicita lucra sectari, vel male parva & acquisita minime redere; pravos habitus, quibus irretiuntur,

tur, deponere, perversa voluntate jam in malo obdurata recusant. Quod si vel arguentibus Pærochis, & comminantibus Episcopis, vel compellente anathemate Ecclesia ad sacram Mensam trahuntur, potius quam veniant, præceptum adhuc minime implent, quia nuptiali sine innocentie saltem veræ poenitentiae veste minime induti, vel enim commissa occultant Ministris crimina, vel dolore necessario non moventur, vel proposito firmo & constanti vitæ mutandæ omnino carent; quamobrem scelera multiplicant, sacrilegia cumulant, & Sacramenta dum percipere devote videntur, revera prophanant. Testes hujus veritatis sunt benigniores illi Theologi, qui iniqua, & crudeli commiseratione commoti, ut aliquo modo sacrilegis hæc Domini corporis prophanatoribus auxiliarentur, & in illis conscientie aculeatos morsus immane sacrilegium exprobrantes retulerent, docere non exhortuerunt, sacrilega Corporis Christi manducatione fieri satis præcepto annuæ Communionis, & laxitatem laxitati ad dentes aut sunt & docere: *Frequentem Communionem & Confessionem & in iis qui gentiliter vivunt, notam esse & signum prædestinationis*: atque ita sacrilegiis addita sacrilegia animam non ad gehennam, non ad judicium, & condemnationem auferre & saginare, sed ad æternæ vitæ consecutionem disponere. *Quis dabit capiti meo aquam, & oculis meis fontem lacrymarum, & plore die ac nocte?*

III. Nec lacrymas abstergit, nec dolorem lenit & mitigat frequens illa solum in Paschate communicantis populi turba, quæ licet sincera, & ut credere lubet, vera poenitentia purgata ad sacram Mensam accedat, modicum tamen & etiam nullum omnino inde fructum reportat, quod deprehen-

dere licet & ex iis, quæ Paschalem præcedunt Communionem, & quæ subsequuntur. Si enim olim Diaconi ex Altari elata voce clamabant *Sancta Sanctis*, quam sanctitatem quæso ad sacrum Altare afferunt, qui toto anno in peccatorum cæno demersi, plurimis onusti peccatis, violato etiam & ipso præcedente Quadragesimali jejunio, expectatis forsitan postremis quindenæ Ecclesiasticæ diebus, insufurratis in aurem Sacerdotis criminibus, pectoris tunsione, venia a Deo petita, proposita & promissa Poenitentiae Ministro emendatione, qualicumque acceptata satisfactione a sacro Tribunali ad sacrum & tremendum Altare accedunt, & Christi Corpus suscipiunt? Quem fructum, amabo, quam utilitatem ex hujusmodi Communionem polliceri possumus? Nonne benignissimi sumus, & corde levissimi, si eos a sacrilegio credimus immunes? Audiant hujusmodi communicantes D. Jo. Chrysostomum sic in eos detonantem: „Non potes dicere nesciebam, „ignorabam hanc rem plenam esse periculi. Ne hoc uti possis prætextu, ea de causa magna voce, terribili clamore tanquam præco manum tollens, in altum stans extensus, & omnibus manifestus, & in tremendo illo silentio vehementer vociferans alios quidem vocat, alios vero arceat sacros, non hoc manu faciens, sed lingua, clarius & aperius quam manu. Nam vox illa aures nostras incurrens, tanquam manus alios quidem repellit & ejicit, alios autem introducit, & sinit. Nam quando dicit SANCTA SANCTIS, hoc dicit, si quis non est sanctus non accedat. Non solum inquit a peccatis purus, sed etiam sanctus. Sanctum enim facit non sola liberatio a peccatis, sed etiam præsentia

liiii

spi-


spiritus, & bonorum operum abundantia. Non solum inquit volo vos a cæ-
no liberatos, sed albos esse & speciosos. Nam si Rex Babylonis juvenes
eligens, ex nativitate elegit pulchros
specie & vultu decoros, multo magis
eos qui adstant mensæ Regiæ formo-
sos esse oportet, mentisque pulchritu-
dine præditos, auro fulgentes, pu-
ro mente amictos, regalibus calceis
indutos, formosum animæ vultum
splendideque ornatum circumferen-
tes, ac caritatis zona præcinctos.
Qui talis est, accedat, & pocula tan-
gat regia. Si quis autem pannis ob-
fitus, sordidus, & squalidus ad
mensam Regiam velit ingredi, vide
quanta parietur, cum non sufficiant
quadraginta dies (Quadragesimale tem-
pus designat) ad abluenda, quæ omni
tempore sunt admixta delicta. Nam si
non sufficit gehenna, licet æterna,
idcirco enim est æterna, multo mi-
nus hoc breve tempus. Non enim
validam, sed imbecillum suscipimus
pœnitentiam.

IV. At quæ sequuntur semel in anno
sumptam Communionem ostendunt mani-
festissimos, quam inutiliter, sine fructu,
sine pæfectu sacrum illud Manna man-
ducaverint quidem, at non gustaverint.
Paucis enim elapsis diebus, de pœni-
tentia peracta, quasi dolentes, & sa-
cræ Communionis susceptæ penitus obli-
ti, ceu canes ad vomitum revertuntur,
& tanquam sues loræ iterum re-
volvuntur in volutabro luti. Revertun-
tur Amasii & Amasie ad priores amo-
res minime platonicos. Iterum Theatra
frequentantur, tempus & pecunia in
ludos consumuntur, impudica repetun-
tur colloquia, luxus, fastus, pagani-
cæ, immo diabolicæ pompæ in Baptis-
mo ejurate triumphabundæ in publi-

cum prodeunt, non abruptum ini-
qua commercia, injuste parta non re-
stituuntur, & ita annus elabitur, do-
nec iterum adveniente paschali tempo-
re nova confingitur pœnitentia, sacra
iterum mensa polluitur, atque hæc pla-
ne methodo viginti & triginta & qua-
draginta annorum decurrit vita illorum,
qui semel tantum in anno Sacramenta
non ex animo & pietate, sed ex more,
& quadam veluti consuetudine sus-
cipiunt. Audiatur iterum Chrysostomus
l. 1. Sicut nutrimentum, quod
natura vim habet nutriendi, si in
eum ineiderit, qui malis cibis & hu-
moribus est plenus, omnia perdit &
corrumpit, & morbi sit occasio, ita
etiam hæc veneranda mysteria. Frue-
ris mensa spiritali, mensa regali,
& iterum os tuum luto inquinat?
Ungis unguento, & rursum impies
fœtore? Dic mihi cum post annum
es particeps Communionis, existimas
quadraginta dies sufficere ad emen-
dationem peccatorum, at non rursus
præterit hebdomada te dedis pejori-
bus? Dic mihi si cum quadraginta
diebus a longo morbo convalesceris,
rursum te dedas cibis illis, qui mor-
bos procreant, an etiam perdis prio-
rem laborem? Quadraginta diebus
tribuis sanitati, animæ fortassis nec
quadraginta, & te Deum placasse
expectas? Jecaris ne o homo? Hoc
dico non ut ab uno eodemque an-
no accessu vos arceam, sed volens
vos perpetuo ad Sacra accedere.
Ita Chrysostomus. Unum optandum su-
perest, ut hæc saluberrima monita,
quæ Sanctissimus Præsul e suggestu de-
prædicabat, in aurem repetant confi-
tentium sacri Pœnitentiæ Ministrum, sed
non minori zelo, & utinam pari fructu,
& utilitate.

DISSERTATIO IV.

DE QUINTO ECCLESIAE PRÆCEPTO.

UPEREST ad hujus de Ecclesiae Præceptis Tractatus complementum, ut de Decimis, oblationibus, primitiis a Christiano populo Ecclesiae Ministris ad Dei cultum, ad illorum sustentationem, ad pauperum subsidium pendendis differamus, quod præstandum sumimus in hac quarta Dissertatione, nec ita breviter ut apud Morales Theologos, nec fuisse adeo ut apud Juris Canonici Magistros, sed ita ut nec ea prætermittamus, quæ & D. Thomas duplici quæst. 86. & 87. in 2. 2. docuit, & magis Tyronibus utilia esse possunt. Hoc autem præceptum sic indicitur:

ECCLESII DECIMAS DE MORE PENDITO.

CAPUT PRIMUM.

*Decimarum notio, & divisio traditur.
Quo jure in Novo Testamento
debeantur, expenditur.*

DOCTRINA.

- I. Quid Decima nomine intelligatur.
- II. In Decimis & res perceptæ, & jus percipiendi distinguenda.
- III. IV. Decimarum varias divisiones.
- V. *Uti in Veteri Testamento Decima, alia in Novo.*
- VI. VII. Quando incæperit & invaluerit decimarum solutio.
- VIII. Quando indictum de earum solutione præceptum.
- IX. Doctrina S. Thom. de qualitate præcepti solutionis decimarum.
- X. Quod partim naturale est, partim ecclesiasticum.

I. **D**ECIMARUM nomine designatur pars quantacumque sit fructuum

& acquisitionum, quæ per singulos annos est Ecclesiarum Ministris pendenda. Decimas solvendi morem & consuetudinem, sive etiam præceptum locum habuisse in quocumque hominum statu, patet manifeste ex Scripturis, & paucis indicatur in Jure comm. Cap. Decimas ex Concilio Maguntino his verbis: „Decimas Deo & Sacerdotibus dandas „Abraham factis“ (quando nimirum eas persolvit Melchisedeecho, ut Sacerdoti, Gen. 14.) „Jacob autem promissis insinuat, (quando in Mesopotamiam profecturus Deo sibi apparenti, & benedictionem impertienti dixit, Decimas & hostias pacificas offeram tibi). „Deinde lex eas Jari statuit, ut omnes SS. Doctores commemorant. In „lege siquidem Levit. 27. statutum erat, Omnes Decima terre; sive de frugibus, sive de pomis arborum, Domini sunt, & illi sanctificantur . . . „Omnium Decimarum bonis bonis & capra, quæ sub pastoris virga transeunt, „quid-

, quidquid decimum venerit, sanctificabitur Dominus“. Decimæ alio nomine & Altaria & Plebes dicæ sunt, ut videre est apud Christianum Lupum, alioque de Ritibus Ecclesiasticis Scriptores, apud quos vulgatum hoc estatum, *Plebs habet Ecclesiam, Ecclesia Altare, Altare decimam*. Dixi nomine Decimæ designari partem illam, quantacumque sit, quæ Ecclesiarum Ministris penditur, quia licet in veteri Testamento hæc pars fuerit vere decima, verumtamen in Novo Testamento non ita rigorose statuitur, ut sit decima, sed esse potest & vigesima, & quadragesima juxta locorum statuta, morem, atque consuetudinem. Dicitur in Dei honorem, cum ex decimis ea provideantur, quæ ad Dei cultum, ornatum Templorum, & hujusmodi sunt necessaria.

II. In Decimis duo sunt distinguenda, ut observat D. Tho. 2. 2. q. 87. art. 3. scilicet fructus & Res Ministris dantæ, & ab ipsis percipiendæ, quod, ut patet manifeste, est quid mere temporale; & jus in ipsis Ministris eas exigendi, quod est plane spirituale. Hinc expendendum, quomodo Decimæ quatenus temporale bonum sunt, sint percipiendæ & dividendæ, & unde jus illud, quod Ministris Ecclesiæ convenit, oriatur. Quoad primum.

III. Decimæ dividuntur 1. in prædiales seu reales, & in personales. Prioris generis sunt, quæ solvuntur ex fructibus prædiorum, agrorum, vinearum, pratorum, hororum, arborum, domorum, sylvarum &c. Posterioris vero classis sunt, quæ penduntur ex bonis acquisitis proprio labore, arte, industria, negotiatione, mercatura, officio &c. His addunt nonnulli Canonice & Theologi decimas, quas vocant mixtas, quia nimirum solvuntur ex fructibus

partim ex natura, partim ex industria hominum profluentibus, quales sunt ex caseo, melle, lacte &c. quod tamen genus decimarum a plerisque rejicitur, tum quia nulla de illis mentio in jure Canonico, tum quia & fructus, quos prædiales dicunt, non adeo sunt a natura, ut ad eos producendos necessaria non sit & humana industria; quomobrem ad primum genus eas revocant, & inter reales adnumerant. Duo sunt præcipuæ differentiæ inter reales decimas & personales. 1. Quod hæc posteriores pluribus in Regnis minime in usu sunt, ut de Galliarum Regnis testatur Tournelius, & de Germania Piktler; altera quod reales solvuntur non deductis expensis, personales vero eisdem deductis.

IV. Dividuntur 2. Decimæ in majores & minores. Majores quæ, & *Grossæ* dicuntur, ex sunt, quæ de frumento, vino, & oleo, siligine, avena, hordeo, & penduntur & recipiuntur, ideo majores dicuntur, quia ex fructibus proveniunt pretio & æstimatione potioribus: Minores vero, quæ & minuz dicuntur, quia ex rebus pretio & dignitate vilioribus colliguntur, ut sunt quæ vel ex fructibus honorum, arborum, leguminum, vel ex sono, lino, canabe, lana, caseo, butyro &c. vel denique quæ carnaticæ appellantur ex agnis, vitulis, pulis gallinarum præstantur. 3. Prædiales decime in antiquas dividuntur, & novas, sive novales: illæ exiguntur ex terris, agris, fundis antiquitus cultis; istæ vero de fructibus terræ, quæ noviter colæ cœpit, & cujus non extat memoria quod antea fuerit culta. 4. Decimæ aliæ sunt ordinariæ, in qua classe referendæ sunt quæ hæcenus nominativius, aliæ extraordinariæ, quæ a Summis

Pontificibus percipiendæ mandantur ex Beneficiis pro quantitate reddituum ad principum, Regumque petitionem in alicujus necessitatis subsidium, & pro determinato tempore conceduntur.

V. „ In veteri lege (scribit S. Th. hic art. 1.) tenebantur homines ad triplices decimas solvendas. Quarum quasdam solvebant Levitis. Dicitur enim Num. 18. 14. *Levita Decimarum oblatione contenti erunt, quas in usus eorum, & necessaria separavi.* Erant quoque aliæ decimæ, de quibus legitur Deut. 14. *Decimam partem separabis de cunctis frugibus tuis, quæ nascuntur in terra per annos singulos, & comedas in conspectu Domini Dei tui in loco, quem elegerit Deus.* Erant quoque & aliæ decimæ, de quibus ibidem 28. subditur: *Anno tertio separabis aliam decimam ex omnibus, quæ nascuntur tibi eo tempore, & repones intra januas tuas, venietque Levita, qui aliam non habet partem neque possessionem tecum, & peregrinus, ac pupillus, & vidua, qui intra portas tuas sunt, & comedent, & saturabuntur.* „ Ex triplici hoc Decimarum genere animadvertit, in nova lege nec secundum, nec tertium locum habere, nam (subdit in resp. ad 4.) „ Secundæ Decimæ, quæ reservabantur ad Sacrificia offerenda locum in nova lege non habent, cessantibus legalibus victimis. „ Hæc tamen loco substitutæ sunt spontaneæ fidelium oblationes, de quibus infra. Tertiæ vero Decimæ, quas cum pauperibus comedere debebant, in nova lege augentur per hoc, quod Dominus non solum Decimam partem, sed omnia superflua pauperibus jubet exhiberi secundum illud Lucæ 11. v. 41. *Quod superest, date elemosynam.* Ipse

„ etiam Decimæ, quæ Ministris Ecclesiæ dantur, per eos debent in usum pauperum distribui. „

VI. Quando vero pendi incœperint Decimæ Ecclesiæ Ministris, non facile est definire. Certum est in ipsis Ecclesiæ primordiis non decimas pendisse fideles, sed voluntarias oblationes contulisse, ex quibus desumebantur & necessaria ad divinum cultum, ad Altaris Sacrificium, ad Ministrorum sustentationem, in auxilium Viduarum Virginum, pupillorum, immo & Confessorum ac Martyrum, qui vel in Iguaore carceris detinebantur, vel ad metalla damnati affigebantur. Copiose erant hujusmodi oblationes, nam Judæi ad Christum conversi decimas, quas prius ex lege pendebant, libentius erogabant in Christi honorem, & ipsi Gentiles sumptus, quos in ludos, sacrificia & Idolorum honorem facere consueverant, in pietatis christianæ opera convertebant: immo omnia sua bona Ecclesiæ offerebant, ut in communem omnium cederent utilitatem. Verum pia ista consuetudo in sola obviavit Hierosolymorum Ecclesia, ut in Apostolorum Actis legimus, neque in ea diutius perduravit. Harum itaque oblationum administratores erant Episcopi, qui vel per se, vel per Diaconos, aliosque Ministros eas distribuiebant in sustentationem Ministrorum, levamen pauperum, ornatum Ecclesiarum, & Dei cultum. Hæc quoque oblationes etiam a primorum seculorum Patribus decimæ dictæ sunt, non quia revera tales forent, sed quia decimarum Veteris Testamenti solutionem imitari videbantur; quare scribebat S. Cyprianus episc. 66. *Qui in Ecclesia Dei ordinatione Clerici promoveantur, in nullo ab administratione divina avocentur. . . Sed in bonore sportulantium fratrum tanquam deci-*

decimas ex fructibus accipientes, ab Altari & Sacrificio non recedant. Sportulæ igitur Clericis dabantur, idest partes oblationum, quæ a fidelibus fiebant, & quæ similitudinem antiquarum præferebant decimarum.

VII. At reddita Ecclesiæ pace auctus Christianus populus, aucti & Ministri, Templâ constructa, Dei cultus magnificentius exerceri cœpit, pauperum, viduarum, pupillorum suscepta ab Ecclesiasticis cura, hinc auctæ fidelium oblationes, qui libenter sua Ecclesiis largiebantur, quippe qui cernebant bona largius donata summa cura, & pietate distribui. Quæ tamen cum crescente plebe Christiana, minime sufficerent ad omnia sustinenda onera, & etiam tepescente fidelium caritate minuerentur oblata, Episcopi & Pastores a plebe & Populo decimas postulare cœperunt tanquam sponte offerendas, & quidem non tam iustitiæ quam religionis titulo. Hinc S. Jo. Chrysostomus ad decimas persolvendas sic populum hortabatur hom. 5. in epist. ad Ephes. „ Quid Judæi non faciebant? decimas, & rursum decimas præbebant orphanis, viduis, & profelytis. Sed mihi quispiam de quopiam dicebat, „ hic aut ille dat decimas. Quantum plenum est hoc probro, & dedecore, „ si quod apud Judæos non habebatur „ in admiratione hoc apud Christianos „ factum est admirabile! Si tunc erat „ periculum decimas non relinquere, „ cogita quantum nunc sit “. In quibus Chrysostomi verbis apparet, Decimarum solutionem plene liberam fuisse, cum nec ab omnibus solverentur, & qui pendebant, tanquam opus singulare & insigne præstantes admirationi ceteris erant. S. quoque Augustinus spermercedis, & timore punitiois ad de-

cimas solvendas plebem suam hortabatur scribens ser. 219. de Temp. „ Cum „ decimas dando & terrena & cœlestia „ possis munera promereri; quare per „ avaritiam duplici benedictione te „ fraudas? Audi ergo indevota mortali- „ litas. Noli quia Dei sunt cuncta „ quæ percipis, & de suo non accom- „ modas rerum omnium Conditori? ... „ Constat quod ipse non dederis, sed „ Deus tamen exigit. Hæc enim est „ Domini iustissima consuetudo, ut si „ tu illi Decimas non dederis, tu ad „ decimam revoceris “ (idest non nisi decimam, novem subtrahis, fructuum colliges). „ Dabis impio militi, quod „ non vis dare Sacerdoti “: Et rursum „ in lib. 50. Homil. hom. 48., „ Major „ res nostri (inquiebat) ideo copiis „ omnibus abundabant, quia Deo decimas dabant. Modo quia recessit devotio, accessit indistinctio Fidei. Nolumus cum Deo pariri decimas, modo totum tollitur per hominem. Hoc tollit Fiscus, quod non accepit Deus “.

VIII. His igitur adhortationibus permotus populus Christianus decimas solvere tanquam ex Religione debitas cœpit, & invalescente consuetudine sibi Religioni verterebat eis Ecclesias fraudare, unde orta est lex decimas solvendi, quam seculo quarto, sexto, & subsequentibus usque ad decimum invaluisse, & vim obtinuisse observant Thomassinus, Ven-Espernius, & Fleury, adeo ut Episcopi & Pastores etiam severioribus pœnis (a quibus tamen abstinere eos mandarunt aliquando Principes) extorquere non dubitaverint. Absit tamen ut quis credat, temporales Principes decimarum solutionem vel reprobasse, vel interdixisse, quinimmo eas Ecclesiæ solvendas & expresse mandarunt, & pœnis fraudantes subiacere

voluerunt : in Capitulari enim Caroli Magni lib. 2. cap. 38. indicitur : *Qui decimas post crebras admonitiones & predicationes Sacerdotum dare neglexerit, excommunicetur*. Denique in Jure Canonico hoc de Decimis solvendis præceptum insertum, factum est omnibus fidelibus commune, & obligatorium, juxta ramen Ecclesiarum & locorum consuetudinem servandum, ut statuit Innoc. III. in Concilio Lateranensi dicens : *Decimæ necessario solvenda sunt, quæ debentur ex lege Divina, vel loci consuetudine approbata*.

IX. Superest modo ut explicemus, quo jure & titulo debeantur Ecclesiæ decimæ. Non desunt Canonistæ nedum antiquiores, sed & recentes, qui putant decimas jure divino esse solvendas, & eo usque progrediuntur, ut etiam fere hæreticos criminantur contrarium sentientes. At quæstionem dilucide exponit & resolvit S. Thom. hic q. 87. art. 2. in corp. Et primo quidem animadvertit, præceptum de solutione decimarum in veteri lege partim morale fuisse, inditum naturali ratione, partim judiciale ex divina institutione robur habens. 2. Ostendit, quomodo naturale dici possit scribens : „ Quod enim „ eis, qui divino cultui ministrabant „ ad salutem populi totius, populus „ necessaria vietus ministraret, ratio „ naturalis dicitur : sicut & his, qui „ communi utilitati invigilant, scilicet „ Principibus, & Militibus, & aliis „ hujusmodi, stipendia vietus debentur „ a populo. Unde & Apostolus hoc „ probat 1. ad Corinth. 9. 7. per hunc „ manas consuetudines, dicens : *Quis „ militat stipendiis suis unquam? aut qui „ plantat vineam, & de fructibus ejus „ non edit* “? 3. Evincit, determinationem certæ partis exhibendæ Mini-

stris divini cultus, non esse de jure naturæ, sed introductam in veteri quidem Testamento ex institutione Divina, per quam statutum fuit, ut Tribus reliquæ Tribui Levi divinis Mysteriis omnino mancipatæ decimam suorum proventuum solverent, ut honorabilius viverent. 4. Animadvertit, hoc præceptum de decimis solvendis latum in veteri lege, nec omnino naturale fuisse, quatenus certam quantitatem solvendam statuebat; nec ceremoniale, idest principaliter institutum ad significandum aliquid futurum, quia alioquin adveniente luce veritatis extinguitum esset, ut mortiferum factum, cum illicitum sit ceremonialia observare tempore legis novæ; sed *judiciale*, talis propter ream conditionem, quod licet non obliget tempore gratiæ, tamen observari potest absque peccato, immo ad ejus observantiam obligari possunt, & fideles in nova lege, si statuatur auctoritate eorum, quorum est condere legem. Quam doctrinam confirmat exemplo alterius judicialis præcepti in veteri lege constituti Exod. 22. videlicet, quod qui furatus fuerit ovem, reddat quatuor oves; quod si ab aliquo Rege christiano statuatur, tenerentur ejus subditi obtemperare. 5. Notat determinationem decimæ partis solvendæ esse, auctoritate Ecclesiæ tempore novæ legis institutam, & quidem secundum quandam humanitatem, ut scilicet non minus populus Novi Testamenti exhiberet, quam populus veteris legis ministris veteris Testamenti exhibebat; cum tamen populus novæ legis ad majora obligetur, & Ministri Novi Testamenti sint majoris dignitatis, quam Ministri Veteris Testamenti, ut probat Apostolus 2. ad Corinth. “ 6. Denique ex his

his omnibus rectissime & verissime concludit : „ Ad decimarum solutionem „ teneri fideles „ partim quidem ex „ jure naturali, partim ex institutione „ Ecclesie : quæ pensatis opportunitatibus temporum, & personarum potest aliam partem determinare solvendam “.

X Non itaque a vero aberrant illi Theologi & Canonistæ tum veteres tum recentes, qui decimarum solutionem juris affirmant esse divini & naturalis, si decimarum nomine designent & intelligant stipendia, sustentationem, alimenta congrua Ecclesie Ministris suppeditanda; hoc enim est, quod D. Paulus inculcat & probat 1. ad Corinth. 9. scribens : *Quis militat suis stipendiis unquam? Qui plantat vineam, & de fructu ejus non edit? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dicit? Scriptum est enim in lege Moyses: non alligabis os bovi trituranti. Nunquid de bobus cura est Deo? An propter nos utique hæc dicit? Nam propter nos scripta sunt. Quoniam debet in spe, qui arat, arare: & qui triturat in spe fructus percipiens. Si enim nos vobis spiritualia seminavimus, magnum est, si nos carnalia vestra metamus? . . . Nescitis quoniam qui in Sacrario operantur, quæ de sacrario sunt, edunt; & qui Altari deserviunt, cum Altari participent? Ita & Dominus ordinavit ita, qui Evangelium annuntiant, de Evangelio vivere. Hoc est igitur juxta Apostolum, quod de jure divino, & Christi Domini statuto concessum est Ministris Evangelii de Evangelio vivere, non vero determinate Decimas accipere. Falluntur igitur, & a veritate longius aberrant, si censeant, Divinum jus in veteri lege de decimis persolvendis & in nova lege subsistere,*

quod promulgato Evangelio cessavit omnino, & solum Ecclesia sua auctoritate, ut docet S. Thomas illud innovaverit, statuens quidem ut pro Ministrorum sustentatione decimæ a fidelibus pendantur, ita tamen ut aliter statuere possit, & alia determinata parte suis Ministris consulere. Quæ præ oculis habita doctrina omnia evanescent Adversariorum argumenta desumpta ex dictis SS. PP., & Pontificum passim adfirmantium, decimas esse Deo debitas, esse ex Dei mandato solvendas, esse speciali titulo Domino reservatas, & similia, quæ omnia dicta verissima sunt, intellecta & de jure naturali ob alimenta Ministris suppeditanda, & de jure Ecclesiastico decimas ipsas pro eadem sustentatione determinante, eo ferme pacto quo passim dicunt, Feita esse Deo specialiter dedicata, esse speciali titulo reservata, esse Dei mandato colenda; quæ utique vera sunt, si absolute de die festo intelligantur, non vero si de ipso die etiam Dominico determinate, cum determinatio dierum sit juris mere Ecclesiastici. Sed in his non puto diutius immorandum.

CAPUT SECUNDUM.

CONSECTARIA PRECEDENTIS DOCTRINE.

- I. Falsæ VViclepi & Fraticellorum propositiones damnatæ.
- II. Decimarum solutio quomodo taxanda.
- III. Licite & valide potest Summus Pontifex aliquos a solutione decimarum dispensare.
- IV. Sunt solvenda titulo Religionis & justitie Pastoribus etiam divitibus & malis.

CONSECTARIUM PRIMUM.

I. **F**ALSÆ sunt & merito ab Ecclesia proscriptæ propositiones Wiclephi, & Fraticellorum. Ille siquidem asserbat, decimas nullo jure esse Sacerdotibus & Pastoribus dandas, sed solo titulo eleemosynæ elargiendas quomobrem eis denegandas & subrahendas, si mali sint, & peccatores. Hanc doctrinam his verbis contentant: *Decima sunt pura eleemosyna, & possunt Parochiani propter peccata suorum Prælatorum ad libitum suum eas auferre*; damnavit Constantinensis Synodus sess. 8. art. 16. & jure merito, cum doctrinæ adversetur Apostoli Pauli cap. præd., explicatæ, immo & Christi Domini asserentis, dignum esse operarium cibo suo, & docentis reddenda esse Cæsari quæ Cæsaris sunt, & quæ Dei Deo: porro sicut tributa pendenda sunt Principibus & Regibus etiam iniquis, ita & merces danda Ecclesiæ Ministris, licet a sui status sanctitate declinent. Fraticelli autem docebant, Pastores, qui Apostolorum morem non imitantes in paupertate non viverent, non posse decimas percipere; quod quam falsum sit apparet, quia merces non datur operario quia pauperi, sed quia operanti, & in utilitatem plebis laboranti.

CONSECTARIUM SECUNDUM.

II. Decimarum solutio obnoxia est consuetudini, tam quoad substantiam, nam quoad solutionis modum: quapropter earum solutio & augeri potest & minui, & etiam non solvendi consuetudine tolli, sicut, & præscriptione. Consequitur hæc doctrina adversus Canonistas ex his, quæ diximus præcedenti capite; nam si reverte decime essent jure divino pendendæ,

• Patuzzi Thes. Mor. Tom. V.

nec abrogationem patirentur, nec diminutionem, quod tamen experientia constat minime verum esse; certe quoad augmentum, vel minutionem patet, cum in plurimis totius Christiani Orbis Ecclesiis loco decime, vel vigesima vel quadragesima, vel etiam solum quinquagesima pars pendatur; sicut itaque diminutionem infra decimam pati possunt, ita vel ex antiqua consuetudine, vel ex conventionem supra decimam ex crescere possunt. Quoad substantiam vero difficultus abrogari possunt, immo omnino non possunt, si Ecclesie Ministri aliunde non habeant alimenta, & sustentationem, cum tunc decima debita sint jure divino, & naturali, quapropter non nisi injuste denegarentur. At si Parochis aliisque Pastoribus vel assignatis certis redditibus, vel ex voluntariis populi oblationibus, vel alia via sufficienter provisorum sit, fieri potest, ut fideles sint ab omnimoda decimarum ministracione soluti. Immo & ipsimet rigidiores Canonistæ, qui decimas formaliter sumptas de jure divino pendendas propugnant, concedunt tamen posse Pontificem ab eis solvendis dispensare (salva tamen semper Ministrorum necessaria sustentacione) non quidem privilegium concedendo, quod in his, quæ sunt de jure divino locum habere non possunt, sed per remissionem hujus juris divini, eo ferme pacto, quo & in votis, quæ ad jus divinum spectant, dispensat. Præterea observat egregie D. Thom. posse Ministros Ecclesiæ decimas condonare etiam quatenus sunt ad eorum sustentationem necessariæ, quando ita postulet spirituale bonum suorum subditorum. Sic enim scribit hic q. 87. art. 2. ad 3. „Ministri Ecclesiæ maiorem curam habere debent spirituum, quam honorum in populo promovendo.

K k k k k

do-

,, dorum , quam temporalium colligen-
 ,, dorum ; & ideo Apostolus noluit uti
 ,, potestate sibi a Domino tradita , ut
 ,, scilicet acciperet stipendia victus ab
 ,, his , quibus Evangelium prædicabat ,
 ,, ne daretur aliquod impedimentum
 ,, Evangelio Christi : nec tamen pecca-
 ,, bant illi , qui ei non subveniebant :
 ,, alioquin Apostolus eos corrigere non
 ,, omisisset . Et similiter laudabiliter
 ,, Ministri Ecclesiæ decimas Ecclesiæ
 ,, non requirunt , ubi sine scandalo re-
 ,, quiri non possent *propter dissuetudinem*
 ,, vel propter aliam aliquam causam :
 ,, nec tamen sunt in statu damnationis ,
 ,, qui non solvunt in locis illis , in qui-
 ,, bus Ecclesia non petit ; nisi forte
 ,, propter obstinationem animi , habentes
 ,, voluntatem non solvendi , etiam si
 ,, ab ipsa peterentur . Sed luculentius
 ,, totam de obligatione solvendi
 ,, decimas doctrinam exponit in Quodl.
 ,, 2. art. 8. in corp. scribens : „ Nulla
 ,, consuetudo contraria solvit hominem
 ,, ab obligatione reddendi decimas ,
 ,, quia hæc obligatio fundatur (quoad
 ,, substantiam) supra jus divinum , &
 ,, supra jus naturale ; unde semper tenentur
 ,, homines reddere decimas , si
 ,, Ecclesia exigat , etiam contraria consuetudine
 ,, non obstante . Et in terris ,
 ,, in quibus est consuetudo , quasi expos-
 ,, tulat decimas . Sed in terris in quibus
 ,, non est consuetudo communis , quod
 ,, decimæ dentur , *et Ecclesia non petit* ,
 ,, videtur Ecclesia remittere dum dissi-
 ,, mulat , & ideo homines in terris illis
 ,, non peccant decimas non dando ;
 ,, durum enim esset dicere , quod omnes
 ,, homines Italiæ , & Orientalium
 ,, partium damnetur , qui decimas
 ,, non solvunt . Et huiusmodi argu-
 ,, mentum possumus ab Apostolo acci-
 ,, pere , cui cum deberentur necessa-

,, ria victus ab his , quibus prædica-
 ,, bat , tamen non accipiebat , nec ta-
 ,, men peccabant qui ei non dabant ,
 ,, alioquin male cum eis egisset non
 ,, accipiendo , præsertim cum dicat
 ,, Act. 20. *Non enim subterfugi , quæ-*
 ,, *minus annuntiarem vobis omne confi-*
 ,, *lium Dei :* & ideo Apostolus non exi-
 ,, gebat , quod sibi debebatur , ne da-
 ,, retur aliquod offendiculum Evange-
 ,, lio , ut ipse dicit . Unde non bene
 ,, facerent Rectores Ecclesiarum si in
 ,, terris illis decimas exigerent , in qui-
 ,, bus non est consuetudo dari , si pro-
 ,, babiliter crederent , quod ex hoc
 ,, scandalum nasceretur . Hinc patet
 ,, locum habere præscriptionem in deci-
 ,, mis non solvendis , cum enim fundetur
 ,, præscriptio in longa consuetudine
 ,, non solvendi decimas , sicut hæc pro-
 ,, deß & liberat a solutione ubi introdu-
 ,, cta non est , ita prodeß ubi tacentibus
 ,, & consentientibus Pastoribus & Præla-
 ,, tis per desuetudinem est abrogata , præ-
 ,, sertim si ut docet S. Thom. sine scan-
 ,, dalo , & animarum offensione instaura-
 ,, ri non possit .

CONSECTARIUM TERTIUM.

III. Valide & licite potest Summus
 Pontifex aliquibus privatis concedere a
 decimarum solutione liberationem . Se-
 quitur ex dictis in præcedenti consecra-
 tio . Nam si Decimæ sint jure divino
 debitæ , si vero toto jure Ecclesiastico ,
 Pontifex , qui habet bonorum Ecclesiæ
 supremam administrationem , potest in
 bonum commune Ecclesiæ vel privile-
 gio , vel saltem remissione , ab eorum
 solutione privatas aliquas personas exo-
 nerare . Confirmat etiam Romanorum
 Pontificum consuetudo & usus , qui
 pluribus tum Religiosis tum laicis per-
 sonis iustis de causis a decimarum solu-

tione immunitatem sunt elargiti. Supervacaneum autem puto expendere, num possit Summus Pontifex præceptum abrogare solvendi Decimas; nam Summos Pontifices instruere ad nos non pertinet, & ipsi probe, norunt, amplissimam sibi a Christo concessam esse potestatem non in destructionem, sed in bonum & utilitatem Ecclesiae: quamobrem si decimarum solutionis abrogatio vel noxia esset Ecclesiae Ministris, qui sustentatione sibi debita privarentur, vel in Ecclesiae detrimentum cederet, profecto nunquam nec possent, nec vellent huic præcepto derogare.

CONSECTARIUM QUARTUM.

IV. Decimæ sunt solvendæ Ministris Ecclesiae titulo Religionis & iustitiæ, proinde dandæ, licet aliunde ex propriis bonis habeant unde vivant, immo & divites sint. Et quidem decimas esse pendendas Religionis nomine constat, cum dentur intuitu divini obsequii, cultus, & honoris; ex his enim divino servitio necessaria providentur; exhibentur enim, ut dicit D. Thom. hic q. 76. a. 2. „non solum ut eas in suos „usus convertant, verum etiam ut „fideliter eas dispenſent; partim quidem expendendo eas in his, quæ „pertinent ad cultum divinum; partim „in his, quæ pertinent ad proprium „victum. . . . partim etiam in usus „pauperum, qui sunt, quantum fieri „potest, de rebus Ecclesiae sustentan- „di“. Hinc & decimarum & solutionem inter alios exteriores Religionis enumerat S. Doctor. Sunt etiam dandæ decimæ titulo iustitiæ; sunt enim stipendia spiritualis militiæ, & cibis operariis suppeditandus: quamobrem qui decimas non pendunt, non sunt absolvendi, nisi iniuste d. tentia resti-

tuant, ut declaravit Tridentina Synodus sess. 25. cap. 12. de Reform. Nec ab hoc liberantur fideles, quia Pastores vel divites sunt, vel mali. Nam ut docet S. Thom. quodl. 6. art. 10. ad 1. „Decimarum solutio est instituta „non solum ad sustentationem Mini- „strorum Ecclesiae, sed etiam ad sus- „tentationem pauperum, quibus debet „de domo Dei provideri, unde dicitur „Malachiæ 3. *Inferte onnem decima- „tionem, ut si cibus in domo mea;* „& sic Sacerdoti, qui non solum sibi, „sed pauperibus providere debet, quan- „tuncumque divini, sunt decimæ ne- „cessariæ: alio modo potest dici, quod „necessitas sustentationis Ministrorum „fuit ratio Ecclesiasticæ institutionis & „de Decimarum solutione. Sed ex „quo officium est alicui debitum per „statutum Ecclesiae, nihilominus ei „debetur quævis sit dives“. Nequitia autem Ministrorum sicut eos ab onere & servitio non liberat, ita nec privat mercede, ut consecratio 1. diximus ex Concilio Constantiensis Wiclephi doctrinam damnan-; unde merito statuit Innoc. III. in sua Decretali cap. 26. tit. de Decimis, „quod fideles „prætextu nequitie Clericorum ne- „queant decimas aliis quam quibus ex „mandato divino debentur pro suo ar- „bitrio erogare, cum nulli sit licitum „aliena cuiquam concedere præter „Domini voluntatem“.

CAPUT TERTIUM.

Quibus de jure dandæ sunt Decimæ.

DOCTRINA.

- I. Ex Concilio Tridentino. quibus debeantur Decimæ.
- II. Prioribus seculis Episcopis pendebantur.

Kkkkkk

III

III. In presenti disciplina quando dande sint Episcopis .

IV. Cathedralicum est pendendum Episcopo .

V. Parochis debentur decimæ prædiales .

VI. Et etiam personales .

VII. Debentur & aliis Clericis beneficiariis .

VIII. Quando & Regularibus .

IX. Aliquando & Laicis .

I. **T**RIDENTINUM Concilium sess. 25. cap. 12. de Reform. id solum generali statuit lege, „ ut omnes „ cuiuscumque gradus & conditionis „ sint, ad quos decimarum solutio spectat, cas, ad quas de jure tenentur, „ in posterum Cathedrali, aut quibuscumque aliis Ecclesiis, vel personis, „ quibus legitime debentur, integre „ solvant “. Quibus verbis indicavit, decimas pluribus Ecclesiis sive Cathedralibus, sive Collegiatis, pluribusque personis convenire posse; earum vero singulare determinationem juribus & consuetudinibus particularibus a Theologis & Canonistis examinandam relinquit, quod nos nunc præstabimus, ad memoriam revocantes distinctionem decimæ prædialis, & personalis .

II. Et primo quidem antiquioribus Ecclesiæ seculis, sicut oblationem & eleemosynarum, ita & decimarum (si quæ forte pendebantur) administratio penes Episcopum erat, qui tanquam dispensator fidelis eas dividebat Clericis pauperibus, & Ecclesiæ, ornatui, ut diximus Tract. 6. Diss. 3. cap. 9. §. 3. At postmodum decursu temporis facta Beneficiorum erectione, & Ecclesiasticorum bonorum partitione, & decimarum quoque inducta est divisio, illarum scilicet, quæ in prædiis, certisque redditibus fundatæ erant, ex quibus cer-

tum quoque constitutum Beneficiariis, cæterisque Ministris stipendium . Hinc nonnullæ Episcopis concessæ, aliæ Cathedralibus, aliisque Ecclesiis, aliæ Parochiis, nonnullæ denique Regularibus, & etiam Laicis, de quibus mox dicturi sumus .

III. Debentur itaque 1. Episcopis decimæ prædiales 1. quando aliqua prædia intra Diocesim sita nulli certæ Paroeciæ affixæ sint & assignatæ, ut docent Fagnanus, Barbosa, Pitzinghius, & communiter Canonistæ . 2. Si nulla facta sit divisio, vel distinctio Parochiarum, tunc omnes decimæ Episcopo debentur; at non ut eas sibi soli reserve, sed ut in priori casu fideliter Pastoribus animarum, cæterisque Ecclesiæ Ministris distribuatur, ut decernitur in jure antiquo in can. 1. Cau. 16. qu. 7. *Decimas sub manu Episcopi esse censemus ut ille, qui ceteris præest, jussu distribuat . . . quia inonestum videtur; ut alii Sacerdotes habeant; & alii detrimentum patiantur* . 3. Si Episcopus sit etiam immediatus Pastor & Parochus alicujus certæ determinatæque Paroeciæ, quam per Vicarium administret, sive Ecclesia sit Cathedralis, sive alia, vel Collegiata, vel Parochialis, ut docent mox laudati Canonistæ; & ratio confirmat, quia eo ipso quod est alicujus Paroeciæ Pastor, juribus gaudet Parochi, inter quæ, ut mox dicemus, est prædialium decimarum perceptio . 4. De jure communi debetur Episcopo quarta & singulis decimis, ut ostendit Fagnanus in cap. Cum contingat not. 7. tit. de Decimis nu. 23. qui plures affert hac de re Rotæ Decisiones, & revera inter jura Episcopis competentia numeratur *Quarta Decimationum* : quælibet Cap. Quoniam 13. de Off. Jud. ordin. indicitur Episcopo, ut restituat de-

Decimas Ecclesiæ Parochialis, sua sibi quarta parte retenta. Animadvertit tamen Barbosa de Off. & Potest. Parochi part. 3. cap. 28. §. 2. n. 11. Paroches quadragemaria possessione immunes se reddere posse a solvenda Episcopo quarta Decimarum. Verum hoc jus in præfenti Ecclesiæ disciplina videtur abrogatum, nullaque portio parochialium decimarum Episcopo penditur.

IV. Debetur etiam Episcopo Cathedralicum, quod licet inter Decimas numerari non debeat, de illo tamen aliquid dicere non inutile futurum arbitror de promptum ex Lib. de Synodo Benedicti XIV. lib. 5. cap. 6. & 7. Cathedralicum itaque est certa pensio, non occasione Ordinationis, ut antiquitus, non sine abusu, & suspitione simoniæ, sed singulis annis Episcopo solvi consuecta, in signum subjectionis & honorem Cathedralis Episcopalis, ad ejusdem Cathedralis, seu Episcopalis Officii onera sustentanda. Cathedralicum in hac acceptione nunquam ab Ecclesiæ canonibus vetitum probat luculentissime laudatus Pontifex, animadvertens Concilium Tridentinum novas quidem exactiones Episcopis interdixisse sess. 24. cap. 3. de Reform. non tamen sublatum fuisse ab eodem jus Cathedralitici, ut declaratum fuit a Congregatione Concilii; quamobrem S. Carolus Borromæum legem Cathedralitici renovasse, quod & ab alijs Synodis factum. Ad tollendum tamen abusum, & declinandam avaritiam in hujus Cathedralitici exactione Concilia summam ob hoc pendendam determinarunt, in antiquioribus quidem Conciliis Braccarensi II. Tolitano IV. & Honorius III. ad duos solidos taxando, quorum tamen valor nostris temporibus comparatus, ignoratur; in Romano vero Provinciali Concilio an-

no 1725. habito a beate memoriæ Benedicto XIII. ad viginti Julios Romanæ monetæ limitando. Verum cum nil certi hæc de re in jure communi colligi possit, non alia certa & universalis regula statui potest circa quantitatem pecuniæ pro ea pensione solvenda, sed desumenda ex particularibus locorum statutis, & recepta consuetudine, quemadmodum statuunt & declarant celebriores Canonistæ, & præsertim laud. Pontifex Bened. XIV. Solvendum vero est Cathedralicum ab omnibus Ecclesijs secularibus, & quibuscumque Parochiis, & Beneficiariis, qui in Diocesi degunt, & unius Episcopi jurisdictioni subiunt, quoniam æquum est, ut qui ab Ecclesiâ stipendia recipit, Ecclesiæ Moderatori, ejusque Cathedralis in subjectionis signum tributum aliquod pendat, & quidem solvendum a singulis habentibus proprium & peculiare Beneficium, at non a singulis qui de massa aliqua communi participanti; tunc enim sufficit, si unum Cathedralicum ab omnibus ex eadem massa persolvatur; solvendum est ab habentibus etiam simplex Beneficium. Ab eo autem onere immunes sunt 1. Capellanæ laicales, & ad nulum amovibiles. 2. Excepiuntur Ecclesiæ Regularium, in quibus iidem Regulares divina peragunt Officia. Non vero Ecclesiæ, Capellæ, & Parochiæ etiam pleno jure Monasteriis unitæ, pro quibus est Episcopis, solvendum Cathedralicum, cum nunquam hæc Ecclesiæ subtrahæ intelligantur jurisdictioni Episcopi, homo ipsæ dilerite subiectas declaravit Honorius III. in Cap. *Conquerente* de Off. O. 3. statuens, Episcopum jura Episcopalia in Ecclesiis sive Capellis Monasteriis habere. 3. Confraternitates Laicorum, quæ propriam non habent Ecclesiâ, sed simplicem

tantum Capellam, vel Altare in aliena situm Ecclesia, alioquin si propriam habeant Ecclesiam, Cathedratico subijciuntur. Quoad tempus vero solvendi Cathedratici, statutum communiter est tempus Synodi, unde & Synodaticum appellatum fuit, cui tamen non ita affixum est, ut si Synodus non habeatur, cesset obligatio præstandi, sed singulis annis est solvendum, sive habeatur, Synodus, sive non habeatur, cum semper urgeat ratio reverentiae, & subjectionis erga Cathedralam Episcopalem, propter quam Synodatici pensionem jura statuere. Hoc jus in Episcopo adeo ratum firmumque est, ut licet Romanus Pontifex, sicut potest quamlibet Ecclesiam & Beneficium iustis de causis & ad commune bonum Ecclesiae a jurisdictione Episcopi subtrahere, possit multo magis a solutione Cathedratici dispensare: nihilo tamen secius etiam subtrahere ab Episcopi jurisdictione Ecclesia, vel Beneficio, non intelligitur sublatum onus solvenda Cathedraticæ pensionis, nisi expressa de hoc mentio habeatur, & speciale detur privilegium; sicut nec immemorabilis consuetudo non solvendi, ab hoc onere liberandi sufficiens est, cum nullus unquam possit præscribere adversus subjectionem & reverentiam debitam Episcopo, in cujus significationem est instituta Cathedratici pensio.

V. Debentur Decimæ prædiales Parochiis, in quorum Paroecia fundi & agri siti sunt. Ita in jure Canonico statuitur Cap. Cum contingat 24. tit. de Decimis. Perceptio Decimarum ad Parochiales Ecclesias de jure communi pertinet: & Cap. Cum tua 30. ib. Ad Ecclesias Parochiales de jure communi spectat perceptio Decimarum: & quidem pendenda non tantum a Parochianis loci, sed etiam ab alienis de agris & prædiis

intra limites talis Paroeciae existentibus. Ratio est, quia decimæ prædiales sunt onus reale ipsius prædii agrisque inhærens: porro in oneribus realibus non colonas inspicitur, sed locus, ubi prædium situm est. Huius tamen juri obviare potest contraria consuetudo, quæ si alicubi vigeat, ita ut Parochiani non alieno, sed proprio Parocho decimas solvant de fundis & agris etiam in aliena Parochia sitis, huic consuetudini standum est, ut definitum est Cap. ad Apostolicam 20. tit. de Decimis, ubi sic habetur: *Decimæ vero missum, vel fructuum arborum si coluerint in alia Parochia, quam in ea, in qua habitant, tu eliges in hoc casu quod per consuetudinem diu obtenta ibidem noveris observatum.* Ita docet & D. Thom. hic art. 3. ad 1. scribens: „Decimæ prædiales rationabiliter magis videntur pertinere ad Ecclesiam, in cujus terminis prædia sita sunt. Tamen jura determinant, quod in hoc servetur consuetudo diu obtenta“.

VI. Decimæ vero personales & licitæ sunt, & soli proprio Parocho pendenda, quo Sacramenta, aliaque divina recipiuntur. Et quidem iustas esse personales decimas, quamvis non indicatas Judæis in Veteri Testamento, ostendit S. Thom. hic. q. 87. a. 2. ad 1. scribens: „Specialis ratio fuit, quare in veteri lege non fuit datum prædictum de personalibus decimis, secundum conditionem populi illius; quia scilicet omnes aliæ Tribus certas possessiones habebant, & de quibus poterant sufficienter providere Levitis, qui carebant possessionibus; non autem interdicebatur eis quin de aliis operibus honestis lucrarentur, sicut alii Judæi. Sed populus novæ Legis est ubique per mundum diffusus,

„sua, quorum plurimi possessiones non
 „habent, sed de aliquibus negotiis
 „vivunt; qui nihil conferrent ad sub-
 „sidium Ministrorum Dei, si de eorum
 „negotiis decimas non solverent. Mi-
 „nistri etiam novæ legis arctius inter-
 „dicitur, ne se ingerant negotiis lu-
 „crativis, secundum illud 2. ad Ti-
 „moth. 2. *Nemo militans Deo implicat*
 „*se negotiis secularibus*. Et ideo in no-
 „va lege tenentur homines ad deci-
 „mas personales secundum consuetu-
 „dinem patriæ, & indigentiam Mi-
 „nistrorum. Unde Augustinus dicit
 „*serm. 219. de Temp. De militia, de*
 „*negotio, & artificio redde decimas*“.
 „Esse autem pendendas propriis Paro-
 „chis, licet lucrum ex negotiatione alibi
 „fiat, patet, quia decimæ personales,
 „non res, sed personas afficiunt, & sunt
 „ex Ecclesiæ lege assignatæ proprio Pa-
 „rocho in ejusdem alimentum & sustenta-
 „tionem, & pro mercede laboris spiri-
 „tualis Parochiano præstitæ. Sic statutum
 „habetur Cap. *Quæsti sunt* 46. *Caus. 16.*
 „*qu. 1. de Decimis*; „Familie vero eo-
 „rum ibi dent Decimas suas, ubi eo-
 „rum infantes baptizantur, & ubi per
 „totum anni circulum Missas audiunt“.
 „Et rursum Cap. *ad Apostolica* 20. tit.
 „*laud.* „Noveris itaque quod æquum est,
 „ut illi Ecclesiæ Decimæ personales
 „reddantur ab eis, in quæ ecclesiasti-
 „cæ recipiunt Sacramenta“. Ita sen-
 „tit & D. Thom. 1. 2. *dicens* 2. „De-
 „cimæ personales debentur Ecclesiæ,
 „in cujus Parochia homo habitat“.

VII. Decimæ sunt solvendæ etiam
 „aliis Clericis beneficiariis, licet non
 „Curati, puta Canonici, Cathedralibus,
 „vel Collegiatis, aliisque etiam benefi-
 „cia simplicia habentibus, verum se-
 „cundum portionem eorum Mensis, vel
 „Beneficii legitima Ecclesiastica autori-

tate assignatam, præsertim si eorum
 „Beneficia sint ex Decimis legitime fun-
 „data. Postquam enim auctoritate Ec-
 „clesiæ facta est communium ecclesiastico-
 „rum reddituum divisio, unicuique Bene-
 „ficiario directè jus competeit ad Deci-
 „marum portionem suo correspondentem
 „beneficio, illique assignatam in sua pri-
 „ma fundatione, pro sua sustentatione,
 „& licet non in Parochiæ cura operam
 „suam impendat, in aliis tamen serviitiis
 „spiritualia populo, & Ecclesiæ exhibet;
 „propterea sua dignus mercede: quod si
 „Cathedralibus & Collegiatis adjecta sit
 „animarum cura, etiam hæc titulo deci-
 „mæ sunt illis pendendæ. At ratione
 „solius Clericalis status non debentur Deci-
 „mæ, cum in jure Canonico solum ex
 „hujusmodi nomine nullæ assignatæ sint
 „Decimæ, nisi specialis accedat titulus
 „eas lucrandi“.

VIII. Religiosis vero, siue Regulari-
 „bus ratione sui status jus nullum omni-
 „ne competit ad decimas percipiendas,
 „cum nec vi sui status, nec ex obligatio-
 „ne alicujus spiritualis officii populo in-
 „serviant, vel spiritualia administrent.
 „Possunt tamen eas percipere aliquo ti-
 „tulo, & primo quidem Ecclesiæ concessi-
 „one, & largitione. Animadvertit liqui-
 „dem S. Th. q. 87. a. 3. ad 3. „Quod
 „sicut res nomine decimæ acceptas
 „potest Ecclesiæ alicui tradere, ita po-
 „test & concedere, ut dandas decimas
 „ipsi accipient, jure accipiendi Eccle-
 „siæ Ministris reservato; siue pro ne-
 „cessitate Ecclesiæ, sicut quibusdam
 „Militibus. Decimæ debentur in feu-
 „dum per Ecclesiam concessæ: siue
 „etiam ad sustentationem pauperum,
 „sicut quibusdam Religiosis laicis, vel
 „non habentibus curam animarum sunt
 „concessæ per modum elemosynæ“.
 „2. Titulo Beneficii curam animarum ha-
 „bentis“.

bentis adnexam, nam tunc Religiosi sicut onera Parochi sustinent, ita & jus ac beneficia obtinere debent: quamobrem subdit S. Th. I. l. „ Quibusdam „ Religiosis competit accipere Decimas „ ex eo, quod habent curam anima- „ rum “. Pluries autem datas fuisse & prioribus & presentibus seculis Paro- cias Regularibus regendas notum adeo compertumque est, ut probatione non egeat. 3. Tertius titulus, quo decimas obtinent Religiosi, sunt donationes ab Ecclesia approbatæ. Quæ locum hoc pacto habuerunt, ut narrant Thomasi- nus de Eccle. discipl. Van-Espen, & Christianus Lupus. Seculis VIII. IX. & sequentibus ingruentibus in Europa bel- lis plurimi Duces & præsertim Nobiles Ecclesiasticas decimas & Altaria vel in stipendia a Principibus obtinuerunt, vel etiam propria auctoritate sibi usurpa- runt, adeo ut, scribit laudatus Lupus „ in ipsis etiam Romanis Basilicis de- „ votas adventantium fidelium oblatio- „ nes invaderent, & ipsos adventantes „ in via prætulerunt “. Contra hos sacrarum redituum prædones vocem ex- tulerunt Concilia, Episcopi, piissimique viri, & onus restituendi illis inculca- runt, quamobrem & acrioribus stimulis conscientiæ arguentibus, & hortantibus Prælati de restitutione facienda cogi- tarunt. Verum cum seculares Clericos ob morum inveciam corruptionem aver- sarentur, & ex opposito *cernerent*, ut scribit laud. Auctor, *Monachorum, & Regularium in Cathedrali, aut Collegiata Claustro, Clericorum disciplinam florentis- simam vigere*, non Cleto seculari resti- tuere, sed detentas Altarium decimas Monachis aliisque Regularibus donare valuerunt, vel ex ipsis nova fundavere Monasteria, ac Regularia Collegia, quæ opulentissimo ditaverunt, quippe quia il-

los videbant & *liberaliores in pauperes, & accuratiores Ecclesiasticorum bonorum dispensatores*, ut testatur S. Petrus Damiani epist. 14. dicens: *ut copiosiora in pauperes alimenta proficiant, dantur in Monasteriis, & Eremitis decima, quorum- cumque proventuum, non modo pecorum, sed carniū pariter, & ovorum*. Hanc tamen restitutionem, quamvis non ad rectam normam perfectam, necessitati servientes, & temporali se accommodan- tes Ecclesiæ Præsules, quippe qui nec potentia nec auctoritate valerent ad sua sibi restituenda prædones cogere, ap- probarunt eo vel maxime, quod non omnes laici sponte & iustitiæ litantes gratis eas restituerent, sed non redde- bant Monachis nisi accepta ab ipsis pecunia, cujus non magna erogatione opi- ma spolia Ecclesiæ recuperarent. Hac igitur cessione & donatione ab Episcopis, Conciliis, & Summis Pontificibus ad- probata, jus decimarum ad Monachos & Regulares translatum est. Verum postea Pontifices, ut & huic acquisitioni modum imponerent, & jurgia inter Clerum Regularem & Secularem tol- lerent, non semel decrevere, Monachos & Regulares decimas a laicis recipere non posse, nisi consentiente vel Episco- po, vel Romano Pontifice. Sic enim statuit Urbanus II. in Concilio Romano celebrato anno 1090. „ Nullus laicus „ decimas suas, aut Ecclesiam, aut „ quidquid Ecclesiastici juris est sine „ consensu Episcopi, vel Romani con- „ cessione Pontificis, Monasteriis, aut „ Canonicis offerre præsumat. Quod „ si quis Episcopus impræbitis & „ avaritiæ causa consentire noluerit, „ Romano Pontifici nuncietur, & ejus „ licentia quod offerendam est, offeratur “. „

IX. Laicis jus percipiendi decimas nullo

nullo modo convenire potest, at res ipsas, quæ pro decima solvuntur, obtinere, & possidere valent. Et quidem Laicis hominibus nullo pacto convenire posse jus decimas percipiendi ostendit D. Th. hic q. 87. art. 3. scribens. „Circa decimas duo sunt consideranda; scilicet ipsum jus accipiendi decimas, & ipsæ res, quæ nomine decimæ dantur: jus quidem accipiendi decimas spirituale est; consequitur enim illud debitum, quo Ministris Altaris debentur sumptus de Ministerio, & quo seminantibus spiritualia debentur temporalia: quod ad solos Clericos pertinet habentes curam animarum: & ideo eis solis competit hoc jus habere“. Quod certas decimas percipere possint vel ex concessione Summi Pontificis, vel aliquo initio contractu cum Ministris Ecclesiæ, qui perceptionem decimarum alteri locare, cedere, oppignorare possunt, patet manifeste, quia, ut subdit l. l. D. Ang. „Res, quæ nomine decimarum dantur, corporales sunt, unde possunt in usum quorumlibet cedere, & sic possunt etiam ad laicos pervenire“. Et iterum art. 3. ad 3. „Sicut res decimæ nomine acceptas potest Ecclesia alicui laico tradere, ita potest etiam ei concedere, ut dandas decimas ipsi accipiant jure accipiendi Ministris Ecclesiæ reservato, sive per necesse Ecclesiæ, sicut quibusdam Mililibus decimæ debentur in feudum, per Ecclesiam concessæ, sive etiam ad subventionem pauperum, sicut quibusdam Religiosis laicis... sunt concessæ per modum elemosynæ“. Hinc sequitur Laicos nunquam nec præscriptione nec diuturna & immemorabili consuetudine acquirere posse jus decimandi. Ita enim statuitur in jure Canon.

Paturzi Theol. Mor. Tom. V.

de Præscriptione. „Quia cum Laici Decimas detinere non possint, eas nulla valent ratione præscribere“. In quibus juris verbis & ratio assignatur incapacitatis in laicis præscribendi, quia nimirum incapaces sunt possidendi jus decimandi, quod cum spirituale sit, non potest laicis convenire: cum itaque possidere non possint, nec præscribere valent: non enim dari potest præscriptio sine possessione.

CAPUT QUARTUM.

CONSECTARIA PRÆCEDENTIS
DOCTRINÆ.

- I. Num Cathedralitici pensio quoad quantitatem subjacet præscriptioni.
- II. In divisione Parochia num dividenda & Decima.
- III. Quando unitur Parochia Monasterio, Collegio &c. uniuntur & Decima.
- IV. Surt solvenda decima non detrahitis tributis, & vestigalibus.
- V. Non nisi semel in anno pendenda.
- VI. Quo in loco danda.
- VII. Qui prædia inculta relinquit, decimas dare non tenetur.
- VIII. Ad quid teneatur qui fructus indecimatos vel bona, vel mala fide emit.
- IX. Non licet Parocho per vim cogere ad pendendas decimas.
- X. Non licet decimas in feudum dare.

CONSECTARIUM PRIMUM.

- I. LICET pensio Cathedralitici nulli sit obnoxia præscriptioni, nullaque etiam immemorabili consuetudine aboleri possit, sicut nec tolli nec præscribi potest reverentia & subjectione debita Episcopo, subjacet tamen præscriptioni & immemorabili consuetudini quoad quantitatem & tempus pensionis sol-

solvendæ. Hinc si consuetudo sit immemorabilis aliquarum Ecclesiarum pendendi minus quam sit vel in Synodo statutum, vel in communi usu aliarum Ecclesiarum, potest esse legitima consuetudo, & illi se conformare in solvendo Ecclesiastici possunt. Ita pariter si consuetudo sit non solvendi nisi quando revera habetur ab Episcopo Synodus, non singulis annis obstringi possunt ad Cathedralici solutionem, sed solum tempore coadunatæ Synodi. Ratio est manifesta, quandoquidem ex ipsa Cathedralici solutione aliquando facta, & etiam in quacumque tenui quantitate pendatur, semper servatur honor, reverentia, subiectio Episcopali Cathedræ debita, contra quam nulla dari potest præscriptio, & in cuius gratiam est Cathedralici pensio constituta. Ita egregie docet Bened. XIV. de Syn. lib. 8. cap. 7. n. 8.

CONSECTARIUM SECUNDUM.

II. Si Parochia in plures dividatur, decimæ prædiales intra limites novæ Parœciæ constitutæ remanent apud Matricem seu antiquiorem Parœciam, nisi Episcopus in novæ Parœciæ erectione una cum limitibus certis, etiam didorum limitum decimas Parocho expresse assignet. Non defunt Theologi & Canonistæ, qui contrarium censent, & dicunt, facta per Episcopum auctoritate novæ Parochiæ divisione jus decimas percipiendi in limitibus sibi assignatis, jure ipso & facto ad novam Parochiam transire. At assertio posita probabilior est habenda; & 1. quidem ex Decreto Sacre Congregationis edito 1617. Secretario Fagnano, qui illud refert, quo declaratum fuit, in dismembratione Parœciæ decimas pertinere ad antiquiorem cum assignatione tamen competentis portionis novo Paro-

cho. 2. Ex ipso Tridentini Concilii Decreto sess. 21. cap. 4. de R. form. sic statuentis: „illis Sacerdotibus, qui „de novo erunt Ecclesiis noviter ere- „dis præficiendi, competens assignetur „portio arbitrio Episcopi ex fructibus „ad Ecclesiam Matricem quomodocum- „que pertinentibus“. Ubi notandum, S. Synodum statuere assignandam ab Episcopo fructuum portionem: porro si decimæ ipso facto & jure ad novum Parochum pertinerent, necessaria non esset assignatio ab Episcopo facienda, multoque minus, ut subdit Concilium, arbitrio Episcopi facienda; nam non haberet locum arbitrium, ubi de jure & facto decimæ alicui competere: immo ut optime observat Reiffenstuel, si portio est assignanda Episcopi arbitrio, necesse non est, ut pro ea assignentur vel Decimæ possint in limitibus novæ Parœciæ, vel omnes assignentur præfatæ decimæ, sed sat erit, si congrua portio in certis redditibus assignatur, vel omnes decimæ, vel illarum pars concedatur usque ad congruam portionem. At non ita sentiendum de decimis personalibus, quæ pleno jure, & ipso facto novo debentur Parocho.

CONSECTARIUM TERTIUM.

III. Quando Parochiales Ecclesiæ alicui Monasterio, Collegio, Capitulo uniuntur, seu, ut ajunt, incorporantur, tam prædiales quam personales decimæ & unitæ habentur & incorporantur. Ita communiter docent Canonistæ; nam sicut per eam unionem omnia Parochialia onera in Monasterium, Collegium, & Capitulum transferuntur, debent & emolumenta & beneficia transferri, ut qui incommodum sentit & sentiat, & commodum. Dixi tamen transferri in Monasterium, Collegium, Ca-

Capitulum, non vero in Presbyterum sive secularē sive regularem, cui cura adnexa Parochiæ demandatur, qui eam in titulo minime possidet, proinde nec jus adipiscitur ad decimas sive prædiales sive personales recipiendas, sed solum ei danda est portio congrua, & sufficiens ad sui sustentationem.

CONSECTARIUM QUARTUM.

IV. Decimæ prædiales integræ sunt solvendæ minime deductis sive expensis, sive tributis, sive oneribus. Ita statutum habetur in iure Canonico Cap. Cum homines 7. & Cap. Non est 22. tit. de Decimis per hæc verba: *Præcipimus, quatenus antequam ullas deductas expensas, Decimas Ecclesiis cum integritate debita persolvatis.* Et cap. Cum non sit 33. eod. tit. de tributis, & censibus sic decernitur: *Ecclesiarum dispendiis, & Ecclesiarum periculis obviare volentes, statuimus, ut in prerogativam domini generalis exactionem tributorum & censuum præcedat solutio decimarum, vel saltem bi, ad quos census & tributa indecimata pervenerint, quoniam res cum suo onere transit, eam per censuram Ecclesiasticam decimare cogantur Ecclesiis, quibus de iure debentur.* Ita sentiunt & communiter docent Canonistæ, Barbosa de Offic. & Potest. Paroch. Pirringhius de Decimis, Layman, alijque. Et confirmat S. Th. hic qu. 87. art. 2. ad 4. scribens: „Debentur autem Decimæ de fructibus terræ, inquantum proveniunt ex divino munere. Et ideo decimæ non cadunt sub tributo, nec etiam sunt obnoxie mercedi operariorum. Et ideo non debent prius deduci irrita, quam solvantur Decimæ; sed ante omnia debent decimæ solvi ex integris fructibus“. Oppositum vero docent de Decimis personalibus, quæ

solvendæ non sunt nisi deductis prius expensis. Discrimen vero hoc assignant, quia Decimæ prædiales solvantur ex fructibus naturaliter consideratis secundum se, & quatenus ex terra & fundo proveniunt; & decimæ personales debentur de fructibus civiliter inspectis, quorum nomine illi soli veniunt, qui deductis expensis, supersunt.

CONSECTARIUM QUINTUM.

V. Prædiales decimæ ordinariæ non nisi semel in anno sunt solvendæ; & quidem iure communi spectato, statim ac fructus sunt a solo separati, & collecti, vel alias percepti. Et prima quidem pars de se est manifesta, quia plerumque & ordinariæ non nisi semel in anno fructus maturescunt, & colliguntur. Quamobrem si extra ordinem idem fructus pluries in anno feritur, fructusque parit, pluries etiam decimæ de iisdem fructibus sunt solvendæ; quod intelligendum & de aliis fructibus & animalium fructibus. Altera vero pars patenter constat, quia fructus solum post collectionem decimari possunt; non enim decima pars decerpi potest, nisi omnium partium factus sit accervus & cumulus; hoc tamen minime impedit, quin Ecclesia jus habeat accipiendi decimas ex fructibus colligendis, licet huic juri non respondeat solutio nisi facta collectione. Ideoque falsam puto & improbabilem doctrinam Filliucci, Bonacini, aliorumque Probabilistarum, non teneri ad restitutionem illum, qui noluit colligere fructus jam maturos, sed eos ex sua culpabili negligentia, vel fortassis etiam ex malitia perire permittit, quandoquidem jus decimandi & reale est, & Ecclesiæ competit; quatenus reale respicit fructus prælii decimis obnoxii; quatenus Ecclesiæ convenit,

nit, præcedit eorum collectionem; non enim post collectionem decimam legitime acciperet; nisi prius jure percipiendi gauderet; non debet igitur hoc jus legitimum culpabiliter, & ex malitia impediri: capropter qui negligit fructus colligere, & eos perire finit, ad damnum Ecclesiæ compensandum tenetur, quæ proinde potest decimam sibi debitam antequam fructus pereant sibi colligere. Huic doctrinæ consentit & D. Thom. qui art. 2. ad 4. querens num ille, cui fructus furto sublatis sunt, teneatur ad decimam solvendam; respondet quidem non teneri decimasolvere, antequam eos recuperet, sed addit, *nisi forte propter culpam, vel negligentiam suam damnum incurserit, quia ex hoc Ecclesiæ non debet damnificari*: culpa igitur & negligentia a solutione decimarum non liberat, nec jus minuit Ecclesiæ percipiendi decimas. Dixi, reddendam decimam statim ac fructus sunt separati & collecti, quia peccat non solum qui omnino non solvit, sed etiam qui tardat reddere, cum rem alienam injuste detineat, & ideo Exod. 22. indicitur: *Decimas tuas & primitias non tardabis reddere*. Et Cap. Decime 66. caus. 16. Glossa dicit: *Si tardius dare decimas peccatum est, quanto pejus est non dedisse?* Addidi tamen spectato jure communi, quia fortassis aliquibus in locis consuetudo viget, ut fructus in proprium possessoris horreum invehantur, & excussis granis decimas segreger opportuno tempore Ecclesiæ tradendas; & quædam sunt reales Decimæ, quæ statim solvi non possunt, cujusmodi sunt animalium fœtus, non tradendi nisi quando sine Matre commodum vivere possunt.

CONSECTARIUM SEXTUM.

VI. Quoad locum ubi sint tradendæ Decimæ, est consuetudo attendenda. Nam licet plerique Canonistæ censcant jure communi Parochianos, aliosque Decimarum debitores teneri propriis sumptibus decimas prædiales ad domum Parochi deferre, vel ad publicum & commune horreum, si forte pro Decimis collocandis sit constitutum, & quidem hac non contemnenda ratione, quia sicut terreni subditi tenentur tributa & census in signum Domini Principibus debita propriis sumptibus ad ærarium Domini deferre, ita cum decimæ præstentur Deo in signum universalis ejus Domini, Christiani tenentur eas deferre ad Parochos vel Ecclesiæ propriis sumptibus; nihilo tamen secius cum postea introductum sit vel decimas in ipso agro relinqui, vel in horreum Domini transferri, & ibi separari, vel Parochum Ministrum mittere, qui collectioni assistens decimas recipiat, & deinde utroque modo datas ipse suis expensis & opere transferat, non est ab hac consuetudine recedendum, nec plus justo gravandi debitores. Excipiuntur tamen fructus animalium, qui frequentius ab istis Rusticis ad domum Parochi deportantur.

CONSECTARIUM SEPTIMUM.

VII. Qui proprios agros vel vineas incultas relinquit, vel in domum, horreum, stabulum, aliudve ædificium mutat, non tenentur ad Decimarum compensationem. Primæ partis ratio est, quia præceptum de decimis solvendis solum obstringit ad dandas decimas fructuum nascentium & collectorum ex prædiis, non vero onus imponit agros colendi, quos dominus jure suo utens po-

potest & incultos relinquere. Similiter cum dominium sit jus de rebus propriis disponendi omni modo legibus non interdicto, qui illud possidet, potest agros, vineas, & alia prædia, in domum, horreum, stabulum mutare, quod illi nulla lege vetitum est; eapropter facta mutatione ad decimas solvendas non tenebitur, nec compensationem decimarum præstare, cum nulli irroget injuriam.

CONSECTARIUM OCTAVUM.

VIII. Qui fructus ante decimationem furatus est, vel mala fide emit, damnum quidem rescire debet, at si rem furto sublatam restituit, non debet ipse propria auctoritate decimas separare, & novem quidem partes Domino restituere, & decimam Ecclesiæ: qui vero bona fide emit, non tenetur restitutione nisi titulo rei acceptæ. Ratio primæ partis est, quia qui res decimis obnoxias furatus est, damnum revera intulit Ecclesiæ; quam re sibi debita privavit; quamobrem illarum damnum tenetur sarcire: quod & dicendum de illo, qui mala fide fructus indecimos emit cum furi equiparetur, hoc solo discrimine, quod si fur rem restituat, integre Domino restituere debet, non enim ipse decimas, quas non debet, solvere tenetur, nec debet de re aliena decimas solvere, sed facta integra restitutione relinquere domino onus decimarum solvendarum: qui vero mala fide emit cum factus sit legitimus Dominus, & possessor novem partium, & solum decimæ sit injustus possessor, non cogitur ad rescindendum contractum emptionis, sed satis est si Ecclesiam compenset, & decimas illi debitas reddendo, & damnum si quod est subsequen-

tum sarciendo. Qui vero bona fide indecimos fructus emit, debet decimam Ecclesiæ restituere, cujus rem detinet clamantem Domino suo, jus tamen habet petendi compensationem a venditore, qui ad compensandum tenetur. At Ecclesia, ut docet S. Th. hic a. 2. ad 4. actionem habet tam adversus venditorem, quam contra emptorem, ab utroque enim potest decimas repetere, quare sic scribit. „ Si vendat triticum „ non decimarum, potest Ecclesia decimas exigere Ecclesiæ debitas, & „ ab emptore, qui habet rem Ecclesiæ, si debitam, & a venditore, qui „ quantum de se est Ecclesiam defraudavit. Uno tamen solvente alius non „ tenetur “.

CONSECTARIUM NONUM.

IX. Non licet Parochio per vim compellere vel vi eripere, & extorquere a debitoribus decimas etiam injuste denegatas, vel illos Sacramentorum denegatione vel compellere, vel punire. Et quidem non posse vi & violentia uti, docent communiter Canonistæ & Theologi Navarrus, Layman, Rebuffus, alique, quia Parochus non habet jurisdictionem temporalem & externi fori in suos Parochianos, nec quis esse potest Judex in propria causa; & quemadmodum nulli creditori licet vi & auctoritate sua bona debitoris occupare, eorumque usu vel possessione illum privare, ita nec Parochus debitores suos possessione & dominio, quo potiuntur in suos fructus, spoliare, sed ad judicem ab utroque negotium est deferendum. Pari pacto nec Sacramenta potest publice subtrahere, tum quia fieri potest, ut jus aliquod, vel justam prætendant excusationem, vel habere se credant non solvendi: tum quia non nisi publica

eis & notoriis peccatoribus potest Sacramenta denegare, & quidem contumacibus, quam contumaciam Judex servatis juris formulis solus declarare potest. Solum itaque potest causam ad Episcopum deferre, qui ea discussa poterit debitorem compellere Ecclesiasticis pœnis ad quod debet solvendum.

CONSECTARIUM DECIMUM.

X. Olim licebat Episcopis, aliisque Ecclesiarum Prælati Decimarum perceptionem in feudum vel emphyteusim Laicis, etiam in perpetuum concedere, ut constat ex pluribus juris textibus, sed præsertim a Decreto Urbani II. hujusmodi potestatem revocantis. At modo post Lateranense Concilium sub Alex. III. celebratum an. 1170., nullo modo est ipsis concessum nisi de speciali licentia & facultate Summi Pontificis. Valent nihilominus, nec revocari sunt concessionem factam ante præfatum Urbani II. vel saltem Lateranensis Concilii Decretum; quare qui obtinere, possunt decimarum perceptionem retinere. Num vero possint eas per donationem, vel venditionem, commutationem, vel per alium contractum in alios Laicos transferre dissentiant Canonistæ. Negant nonnulli tum auctoritate adducti, tum ratione: auctoritate quidem desumpta ex Cap. *Prohibemus* 19. hoc tit. ubi indicitur: *Prohibemus ne Laici Decimas cum animarum suarum periculo detinentes, in alios laicos possint aliquo modo transferre*: ratione, quia inquirunt, si permansisset apud Laicum venditorem, spes foret ut citius redire posset ad Ecclesiam, ad quam spectant, illo absque hærede decedente. Nil autem meo videri probabilius consentit licere vendi posse. Nam semel legitime obtentis a Laico Decimis jam iurer ipsius

patrimonialia bona computantur, & ut quid plene temporale & prophanum reputandum; proinde sicut ad hæredes transmitti possunt, ita & possunt aliis honesto titulo concedi, præsertim si nullo jure prohibebatur. Juris autem prohibitiones, quæ afferuntur, obscuræ sunt & valde dubiæ, ut videre est in adducto Cap. *Prohibemus*, ubi, ut ex verbis patet, sermo habetur de decimis non jure possessis, quæ proinde cum *periculo animæ* detinentur: nos vero loquimur de Decimis jure titulo possessis, propterea vetatur, ne ullo modo in alios Laicos transferrantur, quod proinde nec testamento, nec legaro, quod verum quidem est de Decimis iniquo titulo possessis, non vero de legitimis Decimis, quæ testamento in alios transferri valent. Obstat etiam consuetudo; nam Laici in Germania Gallia, & Hispania Decimas, quas a suis antecessoribus acceperunt, libere vendunt, alienant, & pro libito distrahunt. Ita docent Barbosa in Cap. *Prohibemus* 19. n. 47. Gutierrez Præf. qq. lib. 1. cap. 15. nu. 5. 6. alique. Modo vero licet Prælati & Parochi fructus decimales saltem ad tres annos laico elocare, quin ulla sit ad hoc a Superiore requirenda licentia; cum enim decimæ, quantum ad fructus sive redditus spectant, sint quid mere temporale, nihil impedit, ne Laici vendi possint aut locari. Dixi saltem ad triennium, quia non desunt Canonistæ concedentes decimatoribus ut ad plures etiam annos continuo & per totam Decimatoris vitam possint elocare; Barbosa tamen putat solam triennalem locationem esse concessam, cum in jure Can. in Extra. *Ambitiose*, omnium rerum & bonorum Ecclesiarum locatio ultra triennium nulla declaratur,

& invalida : in hac re tamen mos & consuetudo Ecclesiarum est attendenda.

CAPUT QUINTUM.

De Personis Decimarum solutioni obnoxii, vel exemptis.

DOCTRINA.

- I. Omnes fideles decimas pendere tenentur.
 - II. Non vero Infideles.
 - III. Nisi prædia fidelium possideant.
 - IV. Nam Clerici decimasolvere debeant.
 - V. Nam Parochi, Pastores Episcopi.
 - VI. Nam Monachi, & Regulares.
 - VII. Privilegia in corpore juris inserta Regularibus concessa.
 - VIII. Alia extra jus a Pontificibus data.
 - IX. Nam laici immunes sint a solutione decimarum post diuturnam consuetudinem.
- I. OMNES fideles, nisi sint speciali privilegio immunes, tenentur decimas vel prædiales vel personalesolvere. Ita in jure statutum est Cap. Ex Transmissa 23. de Decimis indicitur: Quivis fidelis homo decimas erogare tenetur. Et Cap. A obis 24. ejusd. tit. Quilibet decimasolvere tenetur, nisi a præstatione ipsarum specialiter sit exemptus: vel ut infra dicitur, nisi ostendat quare sit immunis. Et quidem jure & merito, cum enim, ut inquit S. Th. hic a. 1., radix solutionis decimarum, sit debitum, quo seminantibus spiritualia debentur carnalia, secundum illud Apostoli 1. Cor. 9. Si nos vobis spiritualia seminavimus, magnum est, si carnalia vestra metamus? Super hoc enim debitum fundavit Ecclesia determinationem solutionis Decimarum. "Omnes autem fideles ministerio indigent spirituali, & spiritualia bona ab Eccle-

sia Ministris accipere debent; æquum igitur est, ut omnes pro eorum sustentatione decimas tribuant: quamobrem omnes Reges, Imperatores, Monarchæ, & omnes alii quavis dignitate fulgentes decimarum oneri obnoxii sunt. Quod sponte in suis legibus fatentur gloriosissimi simul & piissimi Hispaniarum Monarchæ, qui, ut referunt Salmanticenses sic part. 1. tit. 20. scribunt: „Omnes quatuor in mundo sunt homines, Decimas Deo pendere debent, & præcipue Christiani fideles, qui veram legem profitentur, & supra alias gentes Deo conjuncti. Eapropter immunes non se habere debent nec Imperatores, nec Reges, nec quii alius, licet potens & sublimis, immo quo potentiores sunt & sublimiores, magis tenentur, cum omnem potestatem & sublimitatem a Deo donante accepierint“. Tenentur proinde & hæretici, cum sint & juri divino & Ecclesiastico per Baptismum Ecclesiæ subditi, a cujus jurisdictione per contumaciam non eximuntur. Tenentur & Filii Christianorum licet fortassis in adultam ætatem differant Baptismum, quia ratione paternæ originis ad Ecclesiam pertinere censentur. Non vero filii Infidelium, licet Catechumeni, & profiteantur se velle Ecclesiæ aggregari, quia ante Baptismum non sunt Ecclesiæ subditi, nec privata & interna fides sufficit, sed publica & solemnitas necessaria est, ut quis inter Ecclesiæ membra reputetur.

II. Infideles vero, sive Judæi sint, sive Gentiles, sive Mahomedani, ad decimas teneri censet Reiffenstuel jure divino in contestationem universalis domini Divini super omnes homines & super cuncta creata bona. Verum hoc jus divinum venerari possunt Infideles quæ-

quacumque alia oblatione, cultu & actu, quin decimas solvant. Judæis vero facta est impossibilis observantia præcepti solutionis decimarum, prout in Veteri Testamento decernebatur, cum nec Sacerdotes amplius habeant, nec Levitas, nec Templum, nec Sacrificium. Immo cum ipsi non sint mandata decimarum personales, sed prædiales dumtaxat, & modo fere ubique illis minime sit concessum fundos & prædia possidere, decimas de illis dare non possunt: hinc apud Buxtorfium, qui modernos Synagogæ ritus accurate expendit, nulla de Decimarum solutione mentio; quomobrem & ipsi aliis oblationibus fortassis supremum Dei dominium agnoscunt. Hinc minus rerum puto, quod subdit laudatus Raiffenstuel ex Abbate, *De Terris* 16. tit. de Decimis, posse Ecclesiam, si alicujus Provinciæ infideles ad fidem converterentur, non solum recenter conversos, sed etiam Infideles adhuc in sua infidelitate permanentes cogere ad decimas solvendas, immo omnes ad solutionem decimarum præteritarum obstringere, quas antea non solvissent, licet soleat (ut ipse subdit) ex eadem decenti clementius agere, & præteritas decimas remittere. Hanc doctrinam, inquam, minus veram puto, cum non alia fulciatur ratione, nisi quia præfatus Auctor putat, Decimas esse de jure divino solvendas, quam tamen sententiam superius confutavimus.

III. Non repugnat tamen infideles cogi posse ad decimas solvendas, nimirum si in provinciis & locis Christianorum prædia, & fundos emant ab ipsis fidelibus jam decimis obnoxios, cum enim tunc onus decimarum sit reale, fundis & prædiis affixum, transit

cum ipsis prædiis, & fundis & ad omnes devolvitur eorum possessores. Quare iuste statutum legitur in jure Can. Cap. Quarto 18. ad finem de Usuris: *Judai compellendi sunt ad dandas Decimas de possessionibus & domibus illis, de quibus ætatem ad Judæos, quocumque titulo pervenissent, Christiani decimas dare consueverunt, ut sic Ecclesia conservetur indemnis*; seu, ut habetur Cap. de Terris 16. *ne Ecclesia valeant suo jure fraudari*. Quod & confirmat S. Antoninus 2. Part. tit. 4. cap. 3. §. 3. scribens: „Decima prædialis . . . debet dari in-
„ distincte a possidente prædia, sive ju-
„ ste sive injuste possideat, & non so-
„ lum si possideantur prædia a Catho-
„ lico, sed etiam ab Hæretico, Ju-
„ dæo, vel Pagano“. De fundis vero & agris, quæ in propriis possident provinciis Christianorum Principum potestati minime subiectis, decimas dare nec tenentur, nec cogi possunt, sicut nec ad Decimas personales, licet habirent in Parochiis Christianorum, cum hæ non debeantur nisi ratione spiritualis Ministerii a Parochis præstiti, cum ipsi nullum spirituale beneficium ab Ecclesia recipiant. Nec tenentur, ut quidam putant Canonistæ, ratione cessantis lucri, seu emergentis damni, quod Ecclesia subit, quæ decimas personales reciperet, si loco infidelium essent Christiani, quia concessio illis a Principibus domicilio sunt partes populi, qui non tenetur laborare, negotiari, ut decimas solvat; & sicut Nobiles in Parochia existentes non tenentur compensare Ecclesias de Decimis, si loco illorum inibi adessent negotiatores, artifices &c. ita nec infideles ad eam obstringi possunt compensationem.

IV. Clerici seculares sive simplices, sive curati, & in dignitate constituti

tenentur dare decimas prædiales de bonis & fructibus titulo temporali, puta hereditate, patrimonio, donatione, emptione, &c. acquisitis. Ita docet S. Th. hic q. 87. a. 4. scribens: „ Clerici in quantum Clerici sunt, idest in quantum habent Ecclesiasticas possessiones, decimasolvere non tenentur: Ex alia vero causa, scilicet, propter hoc quod possident proprio jure, vel ex successione parentum, vel ex emptione, vel quocumque hujusmodi modo, sunt ad decimas solvendas obligati“. Et in resp. ad 1. rationem reddit, videlicet quia quantum ad hæc bona in ordine ad Decimas spectantur ut ceteri fideles, qui sine distinctione ad Decimas obligantur, subdit enim: „ Clerici de propriis prædiis, tenenturolvere Decimas Parochiali Ecclesiæ, sicut & alij, etiam si ipsi sint ejusdem Ecclesiæ Clerici; quia aliud est habere aliquid ut proprium, aliud ut commune“. At de bonis Ecclesiasticis titulo Beneficii, aut alio clericali non tenentur decimasolvere, ut A. P. I. cit. docet, scribens: „ Clerici in quantum Clerici sunt, idest in quantum habent Ecclesiasticas possessiones Decimasolvere non tenentur: & iterum in resp. ad 1. subdit: „ Prædia Ecclesiæ non sunt ad decimas solvendas obligata, etiam si sint infra terminos alterius Parochiæ“. Et confirmat in argumento, sed contra, statutum afferens in jure canon. cap. 2. de decimis desumptum ex Decretali Paschalis II. Papæ, cujus fragmentum habetur Tom. X. Concil. ubi dicitur: *Novum genus exactionis est, ut a Clericis Clerici decimas exigant, cum nusquam in lege Domini hoc legamus. Non enim Levita a Levitis decimas accepisse*

Patuzzi Theol. Mor. Tom. V.

leguntur. Exceptionem dabimus in Consecratis.

V. Clerici simplices tenentur ad personales Decimas solvendas, non vero Pastores, Parochi, & Episcopi. Cum personales decimæ debeantur ex lucro personali, duplex est in Clericis distinguendum lucrum, nimirum quod ex actione spirituali percipitur, puta Missas canendo, Defunctus tumulando &c. Et hæc lucra non sunt decimationi obnoxia. Alia sunt lucra parva corporali labore, & prophano, sive mere temporali titulo acquisita, puta pingendo. Notarium exercendo & similia, quæ Clericum decent munia, & de his decimas dare tenentur, etiam si Sacerdotes sint. Cum enim hujusmodi decimæ debeantur, quia spiritualia a Parochiis ministrantur, cum & Clerici a Parochiis accipiant Sacramenta, æquum est ut illi temporalia ad sustentationem rependant. Ad majores Sacerdotes huic oneri minime subjiciuntur. Non certe Summus Pontifex, cum sit Pastorum supremus Pastor, nec alicui subditus, & ipse aliis Sacramenta conferendi largiatur potestatem. Non Episcopi qui licet Summo Pontifici subjiciantur, & ab ipso ad dignitatem Episcopalem assumantur, & Consecrationis Sacramentum vel ab ipso, vel de ejus mandato percipiant; proinde, ut animadvertit S. Th. hic q. 87. a. 4. ad 3. postea Decimas exigere, & ipsi pendere teneantur, sic enim scribit: „ Quia sub Sacerdotibus Levitæ erant, Dominus mandavit, ut ipsi loco primitiarum solverent Summo Sacerdoti decimam decimæ. Unde nunc eadem ratione tenentur Clerici Summo Pontifici decimam dare, si exigeret. Naturalis enim ratio dicitur, ut illi, qui habet

M m m m m

,, cu-

„curam de communi multitudinis statu, tu, provideatur de bonis omnibus, unde possit exequi ea, quæ, pertinent ad communem salutem“. His, inquam, minime obstantibus decimas non tenentur solvere, tum quia eas minime exigit, tum quia alio modo ejus dignitati & oneri provisum est. Non denique Parochi & Pastores, quippe qui Sacramenta ab aliis Sacerdotibus suscipiunt, non ut subditi, sed tanquam coadjutores in evangelico Ministerio, non Episcopis, a quibus ad beneficia assumuntur, quia nec jure nec consuetudine tale debitum constitutum est, & suam Episcopali dignitati reverentiam & subjectionem alio modo, scilicet Cathedralitico ostendunt.

VI. Monachi omnes, & etiam, proportionem servata, Regulares jure communi spectato non minus quam Laici decimis sive prædialibus sive personalibus solvendis forent obnoxii, nisi specialibus Privilegiis tum in corpore juris insertis, tum extra ipsum concessis a præfato onere soluti forent. Prima pars constat & ex pluribus titulis in jure Canonico, & communi, tum Theologorum tum Canonistarum doctrina clara & manifesta ratione comprobata; eadem enim & pro Religiosis militantes rationes pro decimarum solutione ac pro Laicis, cum & ipsi eodem communi jure spectato, & erant olim Parochi & Pastoribus obnoxii, & ab eis Sacramenta & alia divina recipere debebant, & aliquando recipiebant. Regulares quoque, licet statim in limine Fundationis suorum Ordinum sint ab Episcoporum jurisdictione subtrahiti, & immediate Sedi Apostolicæ subiecti, tamen antequam in unum corpus coalescerent, & perfectam aliquam Communitatem

efformarent, & ipsi a Parochis Sacramenta recipiebant. At cum fere omnes in suæ Institutionis initio bonis etiam in communi carerent, solisque elemosynis viverent, nec habebant unde decimas reddere vel deberent vel possent ex prædiis, additi etiam prædicationi, aliisque spiritualibus officiis in proximorum salutem, & Episcoporum ac Parochorum subsidium, & levamen, manualibus operibus, unde lucrum perciperent, nullam navabant operam. At decursu temporis & Monachi ab Episcoporum potestate subtrahiti, & ad Ecclesiastica munia & officia erecti, a propriis superioribus Sacramenta suscipiebant, & Regulares donationes & prædia sunt assequuti, quæ decimis obnoxia, & ab ipsis erant pendenda. Pluribus itaque privilegiis opus habuere, quæ a solutione decimarum liberarentur. Ita docet & S. Th. hic a. 4. ad 2. dicens: „Religiosi, qui sunt Clerici, si habeant curam animarum, spiritualia populo dispensantes, non tenentur decimas dare, sed possunt eas recipere. De aliis Religiosis vero, etiam si sint Clerici, qui non dispensant populo spiritualia, est, alia ratio. Ipsi enim tenentur de jure, re communi decimas dare habere, tamen aliquam immunitatem secum, dum diversas concessiones eis a Sede Apostolica factis“. Ex his privilegiis nonnulla sunt in corpore juris inserta, nonnulla vero seorsum a Pontificibus concessa, de quibus omnibus modo dicendum.

VII. Privilegiis itaque in jure insertis Monachi Regulares, & etiam Clerici in communi viventes immunes facti sunt r. a decimis omnibus personalibus, ut constat ex Cap. ad Audientiam 12. de Decimis: 2. a Decimis etiam præ-

prædialibus, sed solum de illis agris ac prædiis, quæ propriis manibus, vel propriis sumptibus excolerent, præsertim si antea inculta erant, sicut & de novalibus suis & hortis, ut patet in Cap. *Ex parte* 10. tit. de Decimis, ubi Alex. III. indulget Regularibus, ut de Novalibus suis, quæ propriis manibus, vel sumptibus excolunt, & de untrimeris animalium suorum, & de hortis suis decimas non persolvant: sed simul eodem tenore declarat, de aliis vero rebus decimas non possint subtrahere. Immo cum Cisterciensibus, Templariis, Hospitalariis concessum fuisset ab Adriano IV. ut de nullis prædiis ab ipsis possessis tenerentur decimasolvere, hocce privilegium ad ea sola coarctavit prædia & possessiones ipsorum Religiosorum, quas ipsi vel propriis manibus, vel propriis sumptibus colerent, non vero ad illas etiam, quas ipsi conducirerent, licet per se aut per famulos colendas. 3. In Lateranensi Concilio Innoc. III. confirmavit quidem præfata privilegia pro prædiis & agris prius possessis ab ipsis Regularibus, sed simul declaravit imposterum solvendas esse decimas agrorum, quos adipiscerentur, licet eos vel propriis manibus vel expensis colerent, & de quibus antea decimæ Ecclesiæ pendebantur. Sic enim decernit Pontifex: *No occasione privilegiorum suorum Ecclesiæ ultioris pergraventur, decernimus, ut de alienis terris, & amodo acquirendis, etiamsi eas propriis manibus; vel sumptibus excolant, decimas persolvant Ecclesiis, quibus ratione prædiorum antea solvebantur, nisi cum ipsis Ecclesiis aliter duxerint componendum; & hoc ipsum ad alios Regulares, qui gaudent similibus privilegiis, extendi volumus, & mandamus.* 4. Nunc igitur ex privilegiis in corpore juris insertis Regulares immunes sunt a

Decimis solvendis de novalibus, hortis, & animalibus, quæ vel propriis sumptibus, vel opere colunt, cum in Concilio solum sunt decretæ decimæ agrorum & possessionum, quæ præviæ ad dominium Regularium decimis erant obnoxie.

VIII. Post præfati Concilii Lateranensis Decretum pluribus aliis privilegiis donati sunt Regulares, quæ extra Corpus juris in pluribus Bullis Pontificum habentur. Nam 1. Bullis Pontificum Pauli III. Pii IV. Greg. XIII. Sixti IV. aliorumque confirmata est immunitas a Decimis solvendis de fructibus hortorum, arborum, prædiorum, quæ propriis sumptibus vel laboribus colunt, & quidem non solum quoad fructus, quos ipsi Religiosi consumunt, sed etiam quoad omnes, licet in suum usum non cedant, sed per venditionem aliis distrahantur. 2. Extensa præfata immunitas ad prædia & possessiones etiam post Lateranense Concilium anni 1106. acquisitas, si eas propriis sumptibus vel labore excolant, etiamsi novalia non sint, & decimæ prius ex illis penderentur, ut patet ex Bullis, quas quilibet Ordo pro se obtinuit, & referuntur a Barbosa, Merenda, aliisque juris Canonici doctoribus, qui tamen merito animadvertunt, Regulares hæc immunitate non gaudere, nisi in eorum Privilegiis derogeretur statuto, & decreto præfati Concilii Generalis, cum nunquam censeatur Pontificem velle Constitutioni Generalis Concilii derogare, nisi suam mentem manifestet, & clausulam apponet derogatoriam, ut docent Barbosa & Fagnanus, quæ tamen derogatio sufficienter pro expressa habetur non solum quando aperre in specie derogatur præfato Cap. *Nuper*, sed etiam cum dicitur, *non obstante aliqua Consti-*
M m m m m 2

tione, etiam in Generali Concilio edita.

3. Hoc privilegium fuit etiam extensum ad Moniales Constitutionibus Bonif. VIII. Sixti V. Leonis X. Pauli III. Clementis VIII. Pauli IV. ut testantur & referunt Barbosa, Merenda, Rodriguez, alique Canonistae.

IX. Laici vero non sunt censendi immunes a Decimarum solutione etiam post diuturnam consuetudinem, nisi adsit consensus & approbatio Summi Pontificis, ut omnes fatentur ad unum Theologi & Canonistae. Verum sufficere praesumptum consensum & approbationem ex iacuitate diutissima Pontificum Canonistae plures affirmant cum S. Th. Quodl. 1. art. 8. in corp. dicente:

„ In terris, in quibus non est consuetudo communis quod decimae dentur, & Ecclesia non petit, videtur Ecclesia remittere dum dissimulat, & ideo homines in terris illis non peccant decimas, non dando: durum enim esset dicere, quod omnes homines Italiae & Orientalium partium damnentur, qui decimas non solvunt. Et huiusmodi argumentum possumus ab Apostolo accipere, cui cum deberentur necessaria victus ab his quibus praedicabat, tamen non accipiebat, nec tamen peccabant, quia ei non dabant, alioquin male cum eis egisset non accipiendo, praesertim cum ipse dicat Act. 20. Non enim subterfugi, quo minus annuntiarem vobis omne consilium Dei. Et ideo Apostolus non exigebat, quod sibi debebatur, ne daretur aliquod offensiculum Evangelio, ut ipse dicit. Unde non bene facerent Rectores Ecclesiarum, si in terris illis decimas exigere, in quibus non est consuetudo dari, si probabiliter crederent,

„ quod ex hoc scandalum nasceretur. Quod & repetit, atque confirmat hic q. 87. a. 1. ad 5. dicens: „ Laudabiles, liter Ministri Ecclesiae decimas non requirunt, ubi sine scandalo requiri non possent propter diffuetudinem. . . . Nec tamen sunt in statu damnationis qui non solvunt in locis illis, in quibus Ecclesia non petit; nisi forte propter obstinationem animi, habentes voluntatem non solvendi, ariam ab eis peterent. „

CAPUT SEXTUM

CONSECTARIA PRACEBENTIS DOCTRINA.

- I. *Pauperes quando debeant decimas solvere.*
- II. *Aliquando Parochi tenenturi decimas pendere.*
- III. *Privilegia Regularium sunt stricte interpretanda.*
- IV. *Num Regulares teneantur decimas solvere de praediis, quae excolenda trahunt.*
- V. *Num sint immunes a decimis de praediis ab ipsis conductis.*
- VI. *In communicatione Privilegiorum non comprehenditur immunitas a Decimis.*
- VII. *Quot modis amittitur privilegium non solvendi decimas.*
- VIII. *Decimas solvere tenentur & locator, & conductor.*

CONSECTARIUM PRIMUM.

- I. **P**AUPERES tenentur decimas solvere, nisi extrema vel gravi necessitate premantur. Et primo quidem pauperes, qui communi paupertate laborant, teneri ad decimas solvendas docet S. Thom. Quodl. 6. art. 10. & hic q. 87. art. 4. scribens ad 4. „ Decur-

„ cüm debent cedere in subventio-
 „ nem pauperum per dispensationem
 „ Clericorum . Et ideo pauperes non
 „ habent causam accipiendi deci-
 „ mas , sed tenentur eas dare “ . Et
 revera sicut hujusmodi pauperes immu-
 nes non sunt a solvendis vestigalibus
 & tributis civili & temporali potestati ;
 nec a decimis Ecclesiae solvendis liber-
 andi sunt . Excipiuntur pauperes in
 extrema constituti necessitate , & jure
 ac merito , cum tunc sane possint re
 aliena etiam suæ subvenire necessitati ,
 ut diximus in quinto Decalogi Præcep-
 to , nec quæ tunc consumpsere resti-
 tuere tenentur , licet meliorem statum
 nanciscantur . Major est difficultas de
 constitutis in gravi necessitate , quibus
 loco laudato docuimus non licere aliena
 sibi usurpare , unde videtur nec aliena
 retinere . Verum probabilius censeo
 pro tempore urgentis gravis necessitatis
 non peccare , si decimas reddere dissen-
 tiant ; sicut enim est immunis a peccato
 , qui restitutionem rei alienæ sive
 mala , sive bona fide acceptæ differt ,
 quando restitutio est illi graviter onero-
 sa , ita & in decimis pendendis excu-
 satur , qui gravi pressus necessitate earum
 solutionem declinat , præsertim cum
 restitutio sit de jure naturali & divino ;
 decimarum vero solutio , præsertim
 quoad quantitatem , locum , & modum
 solum debeat ex præcepto ecclesiasti-
 co , quod non obstringit in gravi neces-
 sitate . Tenentur tamen quando pin-
 quiores consequuntur statum Ecclesiis
 decimas reddere . Oportet autem hanc
 necessitatem gravem & urgentem esse ,
 & veram , non fictam & ex avaritia
 proficiscentem , quam si Parochis vel
 decimatoribus isti pauperes sincere ex-
 ponerent , proculdubio vel decimas
 condonarent , utpote quæ & in paupe-

rum levamen & sustentationem sunt
 constitutæ , vel dilationem solutionis
 concederent .

CONSECTARIUM SECUNDUM.

II. Parochi aliquando decimas solve-
 re debent . Et 1. teneri de bonis tem-
 porali titulo possessis ostendimus cap.
 præced. num. 4. & hic addimus etiam
 de ipsis bonis mere ecclesiasticis , sive
 in propria Parochia , sive extra ipsam
 positis , quotiescunque antequam in
 dotem Parochiæ cederent , erant decimæ
 alteri Parocho debitæ , ut docent
 Fagnanus Cap. Nuper 34. & Card. de
 Luca de Decimis disc. 2. n. 5. & Bur-
 bosa , aliique Canonistæ . Ita etiam est
 in jure statutum cap. Eccles. 43. Caus.
 16. quæst. 1. ubi indicitur : *Ut
 Ecclesie antiquitus constitutæ nec decimis ,
 nec ulla possessione priventur , ita ut novis
 Oratoriis tribuantur . Et Can. immediatè
 sequente habetur : Omnia providen-
 dum est Episcopo , ut Ecclesie antiquiores
 propter novas , suam justitiam , aut de-
 cimam non perdant , sed semper ad anti-
 quiores Ecclesias persolvantur . Et juxta
 quidem , non est enim unum expolian-
 dum Altare ut alterum regatur , nec
 sua sustentatione privandus Parochus ,
 vel fraudandi pauperes , ut alius Pa-
 rochus sustentetur , aliique subveniatur
 pauperibus . Hinc ut diximus cap. 4.
 Consect. 2. in ipsa Parochia divisione ,
 quantum fieri potest , sunt decimæ Ma-
 trici Ecclesiae relinquendæ , nisi novo
 Parocho per Episcopum decimæ , defi-
 cientia aliorum reddituum , ad sustenta-
 tionem in partem assignentur .*

CONSECTARIUM TERTIUM.

III. Privilegia Regularium congrua
 in corpore juris sunt stricte interpre-
 tanda . Adversantur huic positioni Sal-
 man-

manticenses Tr. 18. de Privil. cap. 2. pun. 2. §. 1. n. 68. qui docent hujusmodi privilegia latissime esse interpretanda, quia non odiosa, sed favorabilia Religioni in communi, & cum summa equitate in Regularibus per Pontifices concessa, quippe qui in spiritualibus non minus laborant, quam Parochi. Verum positam nostram doctrinam probabiliorē censemus, quam docet & Reiffenstuel. Quia hujusmodi privilegia sunt & Parochis odiosa, & ipsis nociva, qui certo jure privantur: porro privilegium in damnum & detrimentum alterius est stricte interpretandum, ita ut minori quo fieri potest damno illos afficiat, propterea non sunt extendenda ultra casum proprium, aut propriam & naturalem verborum significationem, & ultra eam quam obinent consuetudinem. Quod tamen impedire non debet, ne privilegia eam consequantur amplitudinem, quam verba praeseferunt; unde si universaliter & indefinitae data sint, non debent ad determinatum & limitatum usum coarctari, ut in ipso jure declaratur Cap. *Quoniam* 22. de Privilegiis, ubi haec ratio affertur: *Cum nihil exceperit, & potuerit excepisse, ac in beneficiis plenissima est interpretatio addibenda.* Quamobrem cap. praeced. n. 8. diximus, Regulares omnes esse immunes a solvendis decimis de fructibus praediorum, quae suis manibus vel sumptibus colunt, & non de solis fructibus in eorum usum cedentibus, quia modum nonnulli Canonistae privilegium coangustantes docebant, sed & de illis, quos suis uibus superabundantes aliis vendunt.

CONJECTARIUM QUARTUM.

IV. De Praediis, quae Regulares aliis

tradunt excolenda, decimas solvere tenentur, si illis concessa privilegia sint tantum personalia, non vero si sint realia. Ad rectam hujus doctrinae intelligentiam nonnulla sunt praemittenda. 1. Personale Privilegium illud dicitur, & esse, quod conceditur personae in ipsorum utilitatem & commodum, proinde & sequitur personas, cum eis spirat, nec ad alias transire potest. Reale vero est, quod licet detur personae, non tamen datur ratione personae, sed causa vel muneris, vel officii, vel rei quam possidet, & hoc rem sequitur, totoque tempore durat, quo officium, munus, res perseverat. 2. Triplici modo Regulares fundos possessionesque suas aliis colendas tradere possunt, nimirum 1. tanquam nudis Ministris, & famulis, qui mercede sive in pecunia, sive etiam in fructibus posita, conducti illas colendas suscipiunt. Et hoc posito, certum est Regulares non teneri ad decimas solvendas, cum, ut superius vidimus, immunes sint omnino a decimis agrorum, quos Regulares vel propriis manibus vel sumptibus colunt; & hoc privilegium & reale est & personale. Reale quidem, quia bona & possessiones respicit a Religiosis excultas, quas a decimis immunes declarant Pontifices: est & personale, quia ipsis Religiosis excolentibus concessum. Porro praedia hoc modo aliis ad colendum tradita vere coluntur sin manibus, certe sumptibus Religiosorum. 2. Praedia, & possessiones tradi possunt alteri excolenda pro certa annua pensione sive in pecunia, sive in vino, frumento, aliave re solvenda, ideoque colonus agros proprio commodo, sumptibus, & periculo colit, qui est contractus locationis ex una

par-

parte, conductionis ex altera . 3. Vero tradi potest fundus excolendus partituario, ita videlicet, ut de fructibus vel dimidium, vel tertia pars cedat domino, reliquum vero colonus, qui si forte nullos percipit fructus, vel grandine pereant, nihil tamen a domino exigere valent pro suis laboribus, sed uterque damnum patiatur & sentiat. Ita vero locatos agros putant Salmanicensenses omnino a Decimis Parocho solvendis immunes tam dominorum respectu quam colonorum, quia censent privilegia Regularibus concessa nedum personalia esse, sed realia, & nedum personis favere, sed & ipsa bona assequere. Addunt si Privilegia dicant, *Eximimus talem Ordinem, & illius prædia a solutione decimarum*, palam est tunc & personas, & ipsa prædia privilegio donari, & non minus hoc verum est, si solum in privilegio dicatur *eximimus Religionem* a solvendis decimis, nam tunc si coloni deberent Parocho decimas pendere, revera & in facto ipsi Religiosi eas solverent, quandoquidem coloni minoris conducere agros decimis obnoxios, quam ab illis immunes, & sic indirecè saltem ipsi Religiosi gravarentur. Verum probabilius iudico cum Reiffensuel, tunc privilegia esse & realia & personalia, proinde prorsus a Decimis immunia, quando in Bulla privilegii & Religiosi dicuntur immunes, & eorum prædia. At non ita, quando solum immunes ipsi Religiosi dicuntur, tunc enim coarctandum privilegium ad sola bona & prædia ab ipsis Religiosis vel opere vel sumptibus exculia, his permotus amentis, 1. quia certum est vi juris communis non esse immunes Regulares a decimis solvendis de fructibus agrorum, quos ipsi nec manu nec sumptu colunt, ut pa-

ter ex Cap. *Licet* de Decimis, ubi statuitur: *Licet de benignitate Sedis Apostolicæ sit vobis indultum, ut de laboribus, quos propriis manibus, vel sumptibus colitis, nemini decimasolvere teneamini; propter hoc tamen non est licitum vobis decimas de terris vestris subtrahere, quas aliis traditis excolendas.* Ut igitur huic communi, & æquissimo juri per speciale privilegium derogetur, necesse est, ut nedum Religiosi, sed & eorum terræ declarentur a Decimarum solutione immunes. 2. Cum in aliquibus Privilegiis solum Religiosi dicantur immunes, in aliis vero & Religiosi, & eorum possessiones immunitate donentur, profecto aliquod discrimen inter hæc privilegia est assignandum, aliquum in altero Privilegio plane essent superflua verba illa *agri & possessiones*, & solum ad membranam impleendam apposita, quod certo nemo dicit. Quando igitur in privilegio de solis Religiosis fit mentio, privilegium est personale, & decimasolvere non tenentur, si ipsi agros & possessiones suas suis vel operibus, vel sumptibus colant, at non si aliis duobus præfatis modis colendas tradant. At si in Bullæ privilegio & de Religiosis, & de possessionibus, ac terris mentio fiat, & de utrisque prædicetur immunitas, tunc privilegium est reale, nec decimæ sunt vel a dominis, vel a colonis Parocho persolvendæ. 3. Ratio a Salmanicensibus allata debilis est & inepta ad suadendum; nam alioquin nec de bonis ab ipsis Religiosis, Laicis divenditis solvendæ essent decimæ, nam & tunc verum esset quod Religiosi solverent decimas, nam minoris vendunt possessiones decimis subiectas, quam possessiones immunes; sicut minoris locant prædia decimis obnoxia, quam ab illis soluta;

&

& tamen ipsi Salmanticenses farentur, bona a Religiosis per ventilationem ad Laicos transmissa fieri decimis obnoxia. Sunt itaque accurate expendenda verba & formulæ Privilegii in Bulla concessi, & juxta illa definiendum, ut si de Religiosis solis sit mentio, non sit Privilegium ad possessiones extendendum, cum hujusmodi Privilegia utpote odiosa, & alieni juris læsiva, Parochis damnoſa, sint stricta interpretatione sumenda, nec dilatanda. At si & Religiosis & prædiis concedatur immunitas, tunc amplissimum Privilegium tueri Regularibus non interdicitur. Quotiescumque vero prædia & possessiones aliis ad culturam tradita, juxta titulo decimis Parocho solvendis non sint obnoxia, sunt tamen præfatæ decimæ ipsi Religiosis solvendæ, cum non in favorem colonorum, sed Religiosorum data sint Privilegia, nisi forte in conductione ita pretium sit augmentum, ut in illo & decimas contineri præsumendum sit, quod ex particularibus locationis & conductionis contractus conditionibus est colligendum.

CONSECTARIUM QUINTUM.

V. Non sunt Regulares immunes a decimis solvendis de prædiis, & possessionibus, quas ipsi conducunt, vel in Emphyteusum accipiunt, licet eas propriis laboribus vel sumptibus colant, nisi speciali ab hoc privilegio donentur. Afferunt Salmanticenses privilegium Martini V. relatum a Garzia To. 1. tr. 2. Diff. 3. dub. 2. punct. 4. n. 12. sic concedentis: *De quibuscumque possessionibus, & prædiis, que in presentiarum possidetis, & in futurum, præstante Deo, juxta titulis poteritis adipisci, etiam si ea ab aliis conductis, dum tamen illa vestris manibus, vel sumptibus excolatis, seu*

pro sustentatione vestra excoli faciatis, decimas quibuscumque locis, aut Personis solvere minime teneamini. Quod amplissimum profecto Privilegium, si aliquibus vel Ordinibus, vel Monasteriis concessum sit, eo libere & licite uti possunt. At non omnibus esse concessum, nec de facili concedi consuevisse testantur & Suarez & Barbosa, ille quidem de Religione lib. 5. cap. 29. n. 8. iste vero de jure Eccles. cap. 20. §. 10. cap. Dilecti de Decimis. Nam communiter Privilegia solum eximunt Regulares a Decimis solvendis de suis agris, & propriis prædiis; prædia autem vel conductæ, vel Emphyteuticæ, propria non sunt conducentis vel Emphyteutæ, sicut domus non est conductoris in ea habitantis, sed domini locantis. Præterea perniciosum admodum esse posset Ecclesie & Parochis hujusmodi Privilegium; possent enim Regulares omnia Prædia alicujus Paroecie conducere, & ita Parochum decimis spoliare. Et revera publicis constat Monumentis, Sanctissimos etiam Præsules de nimia aliquorum Regularium cupiditate in Laicorum bonis acquirendis, & postea Privilegiorum obtentu decimis denegatis apud Summos Pontifices expostulasse. Quare ipso etiam inspecto naturæ jure constat, quodcumque Privilegium etiam amplissimum, si jura parochialia vel aliarum Ecclesiarum enormiter lædere deprehenderetur, fore ad terminus juris redigendum, ut mox dicemus.

CONSECTARIUM SEXTUM.

VI. In communicatione Privilegiorum etiam ampla & amplissima non communicatur Privilegium exemptionis a solvendis Decimis. Ita docet Fagnanus allatis pluribus Decisionibus tum Rotæ Romanæ, tum Sacræ Congregationis.

tionis apud ipsum legendis. Nam cum hujusmodi privilegium & difficillime. & raro, & paucis conceditur, communicatio ad hæc non extendatur, nisi expresse declaretur, & disertis verbis concedatur. Immo ut observant nonnulli Canonistæ, & præsertim Barbosa, Fagnanus, Felinus licet in communicatorio Privilegio mentio fiat de Decimis, intelligendum est de decimis extraordinariis, non vero de ordinariis, & realibus.

CONSECTARIUM SEPTIMUM.

VII. Privilegium non solvendi decimas pluribus modis vel amittitur, vel tollitur. Hi autem modi enumerantur a Canonistis. Et primus quidem est, si privilegium enormiter lædat habentes jus decimarum, puta quia Privilegium concessum fuit, quando pauci possidebantur agri, & possessiones, at postea auctæ sint possessiones vel emptione, vel donatione, ita in media vel major parte possessionum alicujus Parochiæ ad Privilegiatos transferit; nam certum tunc apparet, quod nunquam concessisset Pontifex hujusmodi privilegium, si tam grave Parochiæ detrimentum prævidisset. Et si quidem detrimentum ex privilegio sit indubitatum & evidens, cessat ipso jure, & de hoc judicium ferre pertinet ad Episcopum; si vero dubium sit, Summi Pontificis est expectandum judicium, ut statuit Innoc. III. Cap. *Cum venisset* 12. de iudiciis dicens, „Cum super privilegiis, Sedi Apostolicæ versatur questio, „nolumus de his per alios judicari“. 2. Amittitur Privilegium per non usum, seu per contrariam consuetudinem, quando scilicet Privilegiati per longum tempus decimasolvere consueverunt, ut habetur Cap. *Accedentibus* 15. de Privilegiis statuente: „Cum enim tan-

Patuzzi Theol. Moral. Tom. V.

„to tempore contra Indulta Privilegia „decimas solverint, eis renuntiassent „tacite præsumuntur“. Spatium temporis ad amissionem Privilegii requisitum est 40. annorum. 3. Tollitur Privilegium transactione, conventiono, vel pacto inito a privilegiatis cum Parocho, vel alio decimatore, nam unicuique liberum est suo juri renuntiare, vel de illo pacisci. Et quidem hujusmodi conventio, vel transactio se extendit non solum ad præterita, sed etiam ad futura privilegia, per quæ nullatenus derogatur priori conventioni, vel transactioni de decimis factæ, ut ostendit Barbosa. Illud solum animadvertendum ad valorem transactionis vel conventionis requiri, ut fiat ab habentibus potestatem transigendi. Si enim privilegium vel toti Ordini, vel Provinciæ sit concessum, non licet privatis Superioribus transigere, sed vel totius Ordinis vel Provinciæ est expectandus consensus; si vero alicui particulari Monasterio fuerit datum, licebit Superiori cum consensu Capituli transigere, & convenire.

CONSECTARIUM OCTAVUM.

VIII. Decimasolvere tenentur tum domini prædia sua locans, tum conductor illa conducent, debita servata proportionem. Ita statuitur pluribus in jure canonico decretis, nam Cap. *Non est* 22. hoc tit. indicitur: „A dantibus & recipientibus possessiones ad firmam de „fructibus, quos percipiunt, decimæ „sunt solvende“. & Cap. *Tua nobis* 26. „De cunctis omnino proventibus „Decimæ sunt reddendæ, sicut color „nus de parte fructuum, quæ sibi re „manent ratione culturæ, sic & do „minus de portione quam percipit „ratione terræ, decimam reddere sine, „diminutione tenetur“. Quamobrem

Nnnnn

fi

si dominus prædia sua conductori locavit pro determinata pecuniaria portione, ita ut fructus omnes conductor percipiat, iste de fructibus perceptis, ille de pensione accepta decimas dare tenentur. Si vero dominus partem fructuum & ipse percipiat, puta dimidium, vel tertiam vel quartam partem, tenentur & dominus & colonus proportionem servata ad partes perceptas, præfatas decimas solvere, & quidem ut diximus minime deductis expensis, pensionibus & aliis oneribus.

CAPUT SEPTIMUM.

De quibus rebus solvenda sint Decimæ, & quomodo.

DOCTRINA.

- I. *Decimæ prædiales & personales de proventus & lucris solvenda.*
- II. *De Novalibus an decimæ pendenda, & quibus.*
- III. *De rebus minutioribus quando sint decimæ solvenda.*
- IV. *Decimæ personales num pendenda.*
- V. *De rebus illicite acquisitis quando sint danda.*
- VI. *Solvenda licet non petantur.*
- VII. *Pena lata in fraudantes decimas.*

I. **D**ECIMÆ de jure communi sunt solvendæ, si prædiales sint, de omnibus fructibus sive provenibus bonorum omnium tam mobilium quam immobilium, licite acquisitionum. Si vero personales sint, de omnibus lucris & utilitatibus ex hominis industria fluentibus. Ita pluribus in locis juris Canonici statuitur, Cap. Ex transmiss. 23. hoc tit. „Fidelis homo de omnibus, quæ licite acquirere potest, decimas erogare tenetur“, scilicet, ut habetur Cap. Non est 22. tit. „de vi-

no, grano, & fructibus arborum, pecoribus, negotiatione, de ipsa etiam militia, venatione, & de universis leguminibus“. Cap. 3. hujus tit. & Cap. pervenit 5. „De proventus, bus molendinorum, piscinarum sœno; & cap. Decimæ 22. De negotio & artificio“. Æquitatem hujus statuti ostendit D. Th. hic q. 87. a. 2. in corp. scribens: „De unaquaque re præcipue est judicandum secundum ejus radicem. Radix autem solutionis decimarum est debitum, quo fœmantibus spiritalia debentur carnalia... Omnia autem, quæcumque homo possidet, sed carnalibus continentur. Et ideo de omnibus possessis decimæ sunt solvendæ“. Sunt autem in hoc attendendæ consuetudines patriæ, & locorum, & juxta illas pendendæ decimæ.

II. De Novalibus quoque sunt pendendæ decimæ, sive Novalia talia sint proprie dicta, sive improprie, Novalia proprie dicta ex jure Canonico ea dicuntur prædia, de quibus memoria non extat, quod antea culta fuerint, sed vel ex sylva, palude, aliove fundo sterili & agresti in agros, vineas, præta mutata sunt; quamobrem in jure sic definiuntur: *Novale est ager de novo in culturam redactus, de quo non extat memoria, quod aliquando fuerit cultus*. Novalia autem improprie illud dicitur, quod in aliud fructuum genus transmutatum est, c. ex. ex agro facta est vinea, ex vinea præium, vel ager frumentarius. Et de primis novalibus solvendæ sunt decimæ, licet antea ex agresti incultoque fundo nullæ perciperentur, cum ex omnibus fructibus, ut mox diximus, sint decimæ solvendæ; debentur autem de jure communi Parrocho, non aliis ex universali Regula,

quæ

quæ statuitur Cap. *Quoniam* 13. hoc tit. *perceptis decimarum ad Parochiales Ecclesias spectat*. Si vero Novalia sint improprie talia, distinguendum; nam si prius nullas pendebant decimas, jam facta mutatione sunt pendendæ, & quidem proprio Parocho, licet fortassis ex privilegio, vel alio titulo decimæ aliis darentur. Quandoquidem Parochus in jure potestatem habet percipiendi omnes Decimas, & Decimæ Novalium specialiter appropriantur parocho, proinde ad eas non extenditur privilegium, vel titulus alius concessus percipiendi decimas. Et licet nonnulli Canonistæ id solum concedant de Novalibus proprie dictis, & negent de Novalibus improprie talibus, tamen & ad ista esse extendendum jus Parochorum percipiendi decimas ex ipsis canonibus satis clare colligitur, quia dum Parochis jus attribuitur, & specialiter adducunt jus percipiendi decimas ex Novalibus, indistincte loquuntur, capropter juxta Regulam juris ubi *jus non distinguit, nec nos distinguere debemus*. Si vero antea solvebantur decimæ, adhuc post mutationem sunt pendendæ, at non semper Parocho, sed illis qui prius ex tali fundo decimas percipiebant. Et ratio est manifesta, qui enim semel est in legitima possessione percipiendi ex aliquo fundo decimas, est in illa manuteneundum, quidquid in præfato fundo satum sit, vel plantatum, licet enim cultura mutetur, ejus tamen permanet substantia, & fundum; unde Cap. *Cum duo* 30. hoc tit. statuitur. *Eis proculdubio debentur Decimæ fructuum eorum, cum ipsis terra illa ab antiquo fuerit decimatis*: Et de his Novalibus sermo habetur cap. 18. suis tit. item dicitur: *Decimæ Novalium pertinent ad Parochos, nisi rationabili causa ostendatur, per quam*

appareat, Novalium Decimas ad alios pertinere. Hec autem rationabilis causa habetur in illo, qui ostendere potest possessionem, & jus percipiendi decimas ex tali fundo. Ab hac tamen lege solvendi de Novalibus decimas eximuntur Religiosi, alique privilegiati.

III. De minoribus rebus non solvendæ sunt decimæ, nisi aliter ferat patriæ consuetudo, Ita docet & probat S. Th. hic a. 2. ad 3. scribens: „Ea, quæ ordinantur ad finem, sunt judicanda secundum quod comperunt fini. Decimarum autem solutio est debita, non propter se, sed propter ministros, quorum honestati non convenit, ut etiam minima exacta diligentia requirant; hoc enim in vitium computatur, ut patet per Philosophum in 4. Ethic. c. 2. Et ideo lex vetus non determinavit, ut de hujusmodi minutis rebus decimæ darentur, sed relinquit hoc arbitrio dare volentibus; quia minima quasi nihil computantur. Unde Pharisei, quasi perfectam legis justitiam sibi adscribentes, etiam de his minutis decimas solvebant. Nec tamen de hoc reprehenduntur a Domino, sed solum de hoc, quod majora, scilicet spiritualia præcepta, contemnebant. Magis autem de hoc eos secundum se commendabiles esse ostendit, dicens: *Hoc oportuit facere*, scilicet tempore legis, ut Chrysostomus exponit (vel Auctor operis imperfecti super Matth. hom. 44.) Quod etiam videtur magis in quadam decentiam sonare, quam in obligationem. Unde & nunc de hujusmodi minutis rebus non tenentur homines decimasolvere, nisi forte propter consuetudinem patriæ.

IV. Decimæ personales non solvendæ sunt

Nnnnn 2

sunt nisi ubi viget consuetudo, & quidem proprio Parocho. Licet D. Th. hic q. 87. a. 1. ad 1. doceat, honestum esse, ut decimæ personales in nova lege persolvantur, licet in veteri nullæ saturæ & præceptæ fuissent; concludit tamen solvendas esse solum *secundum consuetudinem patriæ, et indigentiam Ministrorum*. Hinc cum paucis in locis obtineat consuetudo personales decimas solvendi, hinc communiter non tenentur fideles ad decimas personales solvendas, nisi hoc omnino necessarium esset ad Ministrorum sustentationem, & alimoniam. Ubi autem vel mos est solvendi, vel Ministrorum ira postulat indigentia, profecto non aliis sunt solvendæ quam Parochis, a quibus Sacramenta, & alia spiritualia habentur beneficia. Hinc solvendæ sunt hæ decimæ personales etiam ab iis Parochianis, qui diu absunt a Paroecia vel causa agendi negotia, vel in comitatu Principis, vel iter habendi ad invisas Provincias & Civitates, dummodo ramen animum non habeant transferendi domicilium, quod si domicilium mutaverit, jam pendendæ sunt novo Parocho, & inter ipsos Parochos dividendæ pro rata temporis, si Parochianus domicilium habeat in duabus Paroeciis.

V. Decimæ non sunt pendendæ de rebus illicitè acquisitis; sive lucrum retineri licite possit, sive omnino non possit. Et quidem de rebus illicitè acquisitis, quæ vel in se, vel suis fructibus retineri non possunt, quia contra iustitiam acquisitæ, palam est non esse dandas decimas, sed dominis restituendas, qui postea de rebus suis decimas solvant (exceptis tamen prædiis ex pecunia sœnoris acquisitis) si vero sint acquisita aliquo perverso ti-

tulo, iustitiæ tamen non adversante, puta ex meretricio, non sunt pendendæ, qui a Ministris rejicienda omnino sunt, & execrandæ, sed solum post pœnitentiam recipi possunt. Ita docet S. Th. hic a. 2. ad 2. dicens: „Alii, quæ male acquiruntur dupliciter. „Uno modo, quia ipsa acquisitio est „injusta; puta quæ acquiruntur per „furtum, vel rapinam, aut usuram: „quæ homo tenetur restituere, non „autem decimas dare. Tamen si alii, „quis ager sit impius de usura, de „fructu ejus tenetur usurarius decimas dare; quia fructus illius non „sunt ex usura, sed ex Dei munere. „Quædam vero dicuntur male acquisita, quia acquiruntur ex turpi causa, sicut de meretricio, & histriionatu, & aliis hujusmodi; quæ non „tenentur restituere. Unde de talibus „tenentur decimas dare secundum modum aliarum decimarum personarum. Tamen Ecclesia non debet „ eas recipere, quandiu sunt in peccato, ne videatur eorum peccatis „communicare: sed postquam pœnituerint, possunt ab eis de his recipi decimæ“.

VI. Decimæ sunt solvendæ etiam si Parochus eas non perat. Ratio est manifesta; non enim solvendæ sunt decimæ ad petitionem Parochi; sed ex Ecclesiæ præcepto. Quare optime docet S. Th. Quodl. 2. a. 8. in corp. „In terris, in quibus est consuetudo, „quod decimæ solvantur, ipsa consuetudo quasi expostulat decimas; „unde peccaret qui non redderet“. Præterea decimæ, ut superius diximus, sunt debitæ ex iustitia & Religione. Quamobrem non ulquequaque veramputo doctrinam Van-Elpen P. 2. tit. 32. cap. 9. n. 25. docentis: „Cum „de-

„decimæ quotannis ex fructibus singulis excrefcenſibus debeantur, ſi uno anno petitz non fuerint, ſequenti anno duplices peti nequeunt; immo pro illo anno, quo petitz non fuerunt, remiſſæ habentur“. At unde colligit eruditiffimus Auctor remiſſas eſſe? quia petitz non fuerunt? at etiam non petitz, fuerant ſolvendæ, cum ex iuſtitia, ut diximus, & Religione debeantur? Num quia debentur ex fructibus ſingulis annis excreſcentibus? At hæc determinatio eſt ad designandam obligationem, ideſt ad determinandam quantitatem decimarum, quæ ſcilicet fructibus perceptis reſpondeat, non ad definiendam obligationem, adeout elapſo ſolutionis anno non amplius præceptum urgeat ſolutionis, cum enim debeantur quoad ſubſtantiam ex iure divino & naturali, quoad quantitatem ex præcepto Eccleſiaſtico; ſimplex patientia Parochi non expoſcentis Parochianos a tam juſto onere non liberat. Vera tamen eſſe poteſt Van-Epen doctrina, nimirum pro non debitis vel ſolutis præcedentis anni decimis, non duplices eſſe in ſequenti anno dandas decimas, cum enim non ſint ſemper æquales redditus & fructus prædiorum, non ſemper æquales reddendæ ſunt decimæ, ſed modo majores, modo minores, habita proportionem ad fructus & redditus: quomobrem qui anno præterito quinque debebat, quia nonniſi ut quinquaginta collegit: non debet hoc anno in quo fructus ad centum aſcenderunt, decem reddere pro anno elapſo, & decem pro decurrente; hoc enim pacto læderetur ex parte depoſcentis iuſtitia, ſed quindecim pendere debet, decem ſcilicet præſenti uberiori collectioni reſpondentia, & quinque pro elapſo anno, in quo a ſolutione deſecit.

VII. Pœnæ latæ contra illos, qui decimas non ſolvunt, vel ſolutionem impediunt, ex Tridentino Concilio ſunt 1. Excommunicatio non quidem latæ ſententiæ, nec ipſo facto incurrenda, ſed ſententiæ ferendæ, & præmiſſa munitione; ſic enim ſtatuit S. Synodus ſeſſ. 25. Cap. de Reform. 12. *Qui Decimas aut ſubtrahunt, aut impediunt, excommunicentur, nec ab hoc crimine, niſi plena reſtitutione ſoluta, abſolvantur.* 2. In iure Canonico Cap. *Prohemus* indicitur & privatio chriſtianæ ſepulturæ. Sunt & excommunicationi obnoxii Religioſi, qui decimas ad ipſos non ſpectantes vel accipiunt, vel uſurpant; & ſuſpenſione puniuntur Conſeſſarii, qui ex malitia præiitentes decimarum fraudatores ad ſolutionem non obſtrungunt, nec conſcientiæ ſcrupulum injiciunt.

CAPUT OCTAVUM.

CONSECTARIA PRÆCEDENTIS
DOCTRINÆ.

- I. *Decima Novalium in conſinio Parochiarum quibus dande.*
- II. *Privilegiati quando Novalium decimas poſſint percipere.*
- III. *Decima ovium in duplici loco paſcentium cui debeantur.*
- IV. *Quid ex cumulo ante decimationem ſubtrahi poſſit.*

CONSECTARIUM PRIMUM.

I. **S**I Novalia conſtituta ſint in conſinio duarum Parochiarum, ita ut una pars fundi ad culturam redacti ſita ſit in una Paræcia, altera vero in alia, decimæ ſunt inter Parochos dividendæ juxta proportionem terræ in cuſulis Paræcia exiſtentis. Ratio hujus doctrinæ eſt de ſe manifeſta; cum enim quilibet Pa-

Parochus jus habeat decimas percipiendi de fructibus prædiorum in sua Paroecia existentium, ubi constat prædium in tali paroecia situm esse, statim consequitur ex illo decimas Parocho esse pendendas, & quidem pro rata fructuum ex ipso fundo perceptorum. Ita docet Barbosa Cap. *Quoniam* 13. hoc tit. n. 5. Quod si prædium novale sit quidem in tali loco situm, ut certo constat ad alterutram pertinere Paroeciam, at definiti nequeat num ad hanc potius, quam ad illam spectet, præfatus Auctor adhuc censet decimas fructuum esse æqualiter inter utrumque Parochum dividendas. At fortassis melius alii censent, totas pertinere ad Parochum Sacramentalem, ad illum videlicet, a quo fundi Dominus percipit Sacramenta, cum hic præter titulum dubium Territorii, in quo æqualis est alii Parocho, habet etiam sibi faventes Canones, qui de jure communi statuunt, decimas spectare ad Parochum Sacramenta ministrantem, quod non est coarctandum ad decimas dumtaxat personales, nam, ut diximus & ipsæ prædiales debentur Parocho Sacramenta ministranti; eapropter specialis requiritur titulus, ut quis decimas percipere possit ex agris & possessionibus in aliena Paroecia sitis, quæ de jure communi debentur Parocho Sacramenta ministranti. Verum cum hæc controversia ab externum forum pertineat, definienda relinquatur Episcopis, qui omnibus inspectis judicare debent utri pertineant. Denique si Novalia intra nullius Parochiæ limites contineantur, ut contingere potest si sylva vel palus sit pro duarum Parochiarum termino constituta, tunc decimæ Episcopo loci sunt pendendæ, qui illas vel certæ Paroeciæ, vel pio alicui operi, vel etiam Mensæ suæ poterit applicare, ut statutum habetur Cap. *Quoniam* 3. hoc

tit. ubi dicitur: *Alioquin* (videlicet si in nullius Paroecia sita sint) *Ipsas* (decimas) *secundum discretionem a Deo tibi datam, alii Ecclesiæ deputare, vel ad opus tuum poteris retinere.*

CONSECTARIUM SECUNDUM.

II. Qui privilegio donati sunt percipiendi decimas ex possessionibus alicujus Paroeciæ, non tamen decimas Novalium percipere possunt, immo & si in privilegio concedatur etiam facultas percipiendi decimas Novalium, coarctandum privilegium ad Novalia ipsum subsequencia, non præcedentia. Primam partem communiter docent Canonistæ Barbosa, Gutierrez, Covarruvias, & quidem jure merito, cum enim hujusmodi privilegium odiosum sit, & eadem in nocumentum Parochorum, ad quos de jure omnes decimæ, sed præsertim Novalium spectant; non est extendendum, sed coarctandum; quomobrem si cui Monasterio concessæ sint decimæ alicujus Parochiæ, Parochus tamen semper poterit decimas petere, & exigere fructum ex Novalibus post privilegium constitutis. Alteram quoque partem communiter admittunt Juris Canonici Doctores tum adducta ratione, tum quia privilegia futurum respiciunt, & jus alienum in posterum minuunt, non possessum tollunt. At e contra si quis ex privilegio immensus sit a solutione decimarum, extenditur Privilegium etiam ad decimas Novalium, quæ post Privilegium culta fuere. Id patet ex capite ad *Audientiam* 12. ubi Pontifex declaravit Privilegium absolute concessum immunitatis a decimis esse intelligendum & de Novalibus, & de agris omnibus. Cur autem Privilegium percipiendi decimas ad Novalia non se extendat; privilegium vero non sol-

vendi decimas ad Novalia dilatetur, rationem reddunt Canonistæ, quia nimirum privilegium percipiendi decimas est longe magis nocivum Parochiis privilegio easdem non solvendi; hoc enim solum Parochum privat decimis unius personæ sive Monasterii, aliud vero ipsum privat decimis; plurimum personarum illius loci. Mirum proinde non sit, si Pontifices extensionem, quam uni Privilegio concedunt, alteri denegent.

CONSECTARIUM TERTIUM.

III. Decimæ ovium aliarumque bestiarum, quæ per dimidiam anni partem in una Parœcia morantur, & ovile habent, & per aliam partem in alia Parœcia pascuntur, sunt inter utriusque Parœciæ Pastores dividendæ. Ita S. Thom. hic qu. 87. art. 3. ad 2. scribens: „Pastor, qui diversis temporibus in duabus Parochiis gregem pascit, debet proportionaliter utrique „Ecclesiæ decimasolvere. Et quia ex „pascuis fructus gregis proveniunt, „magis debetur decima gregis Ecclesiæ, in cujus territorio grex pascitur, quam illi, in cujus territorio „ovile locatur“. S. Thom. consentiunt Suares de Relig. Tom. 1. tr. 2. lib. 1. cap. 5. num. 8. & seq. & Barbosa de Off. & Potest. Par. P. 3. cap. 18. §. 2. num. 38. Nullæ proinde debentur decimæ Parocho domini ovium, si in ejus Parœcia nec pascua, nec ovile habent, sicut nec Parochis illarum regionum, per quas oves transeunt, sive ad montana ascendendo, sive domum revertendo, licet in transitu in fundis alicujus Parochiæ pascantur, quia hoc nutrimentum cum minimum sit, nulla ejus ratio habetur, cum de minimis non solvantur decimæ. Ita laudati Auctores.

CONSECTARIUM QUARTUM.

IV. Licet, ut superiori capite diximus, decimæ prædialia sunt integre solvendæ absque deductione sumptuum, vestigialium, aliorumque onerum, nihilo tamen fecius si forte alicubi vigeat consuetudo, ut ante decimationem ex cumulo semen terræ mandatum detrahaatur, licite retineri potest, licet oppositum doceat Soto de Just. & Jur. lib. 9. Nam cum decimarum quantitas sit juris mere Ecclesiastici, ut non semel diximus, consuetudo legitima locum habere potest in quantitate & modo decimationis. Sicut nec damnanda videtur consuetudo eligendi elemosynas pauperibus, vel Religiosis ex elemosynis viventibus ex cumulo ante sive divisionem, sive decimationem; sicut nec decimam defraudant pauperes, qui reliquas spicas, vel uvæ racemos post messum, vel vindemiam colligunt. At peccant, & restitutioni etiam decimarum obnoxii sunt qui vel spicas & fructus furantur antequam colligantur, vel famuli, filii-familias, uxores, qui ex cumulo nondum mensurato vel diviso notabilem quantitatem surripiunt, cum non solum propriæ familiæ damnum inferant, sed & domino, si cum ipso sint fructus dividendi, & Ecclesiæ, quam de decimis fraudant.

CAPUT NONUM.

De Primitiis, & Oblationibus.

DOCTRINA.

- I. *Quid Primitiarum nomine designetur.*
- II. *In quo a Decimis differant.*
- III. *Num detur naturale præceptum offerendi primitias.*

IV.

IV. Num Ecclesiasticum .

V. Oblatio qua & quotuplex sit .

VI. Oblationum usus .

VII. Quando voluntaria, & quando necessaria .

VIII. Quando ex consuetudine obligent .

IX. De quibus fuit facienda .

X. Solis Sacerdotibus debentur .

XI. Scilicet Parocho .

I. **PRIMITIARUM** nomine ii designantur fructus, quos terra, agri, vineæ primo gignunt, quare Num. 18. dicitur ad Aaron: *Quicquid primitiarum, offerunt Domino universa frugum initia, quos gignit humus, & Domino deportatur cedant in usus tuos*. Quatuor primitiarum genera a Judæis offerebantur, nimirum 1. spicarum adhuc virentium omnium frugum, ut habetur Levitici 2. v. 14. *Si autem obtuleris mucus primarum frugum tuarum Domino de spicis adhuc virentibus, torrebis igni, & confringes in morem farri, & sic offeres primitias tuas Domino*. 2. Primitias offerebant panis ex novo tritico, de qua oblatione dicitur Levit. 23. v. 15. *Numerabitis ab altero die sabbati, in quo obtulistis manipulum primitiarum, septem hebdomadas plenas . . . offeretis sacrificium novum Domino . . . panes primitiarum duos de duobus decimis simile fermentata, quos coquetis in primitias Domini*. 3. Offerebant & primitias panis, quem ad usum consuebant, ut habetur Num. 15. v. 20. *Sicut de areis primitias separatis, ita & de pulmentis (panibus videlicet) dabitis primitiva Domino*. 4. In festo Tabernaculorum omnium universum frugum primitias offerebant, ut habetur Deuter. 26. v. 2. *Tolle de cunctis frugibus tuis primitias, & pones in cartallo, pergesque ad locum, quem Dominus Deus tuus elegerit, ut ibi*

invocetur nomen ejus . . . & dices, idcirco nunc offero primitias frugum terra, quam Dominus dedit mihi. Et dimittes eas in conspectu Domini Dei tui.

II. Primitiæ igitur erant genus quoddam oblationis Deo factæ in hoc a decimis distinctæ 1. quod hæ dantur in Ministrorum & pauperum sustentationem, & subsidium, & in determinata quantitate, quæ, ipsæ nomine decimæ, taxatur. At primitiæ primo offeruntur in argumentum recognitionis beneficiorum Dei, licet secundario cedant in Ministrorum & pauperum alimentum, & non in determinata quantitate taxantur, sed voluntati offerentis relinquuntur. Ita docet S. Thom. qu. 86. art. 4., Primitiæ ad quoddam genus oblationum pertinent, quia Den exhibentur cum quadam professione, ut habetur Deuter. 26. *Suscipiens Sacerdos cartallum (primitiarum) de manu ejus, qui defert primitias, ponet ante altare Domini Dei tui, & postea mandatur ei quod dicat, idcirco nunc offero primitias frugum terra, quas Dominus dedit mihi*. Offerebantur autem primitiæ ex speciali causa, scilicet in recognitionem divini beneficii; quasi aliquis profiteatur se a Deo fructus terræ percipere, & ideo se teneri ad aliquid de hujusmodi Deo exhibendum, secundum illud 1. Paralip. ult. v. 4. *Quæ de manu tua accepimus, dedimus tibi*. Et quia Deo debemus exhibere id quod præcipuum est, ideo primitias, quasi præcipuum aliquid de fructibus terræ, præceptum fuit Deo offerre. Et in resp. ad 3. *Rationabiliter primitiarum quantitas non fuit determinata in lege quia, sicut dictum est, primitiæ dantur per modum oblationis de cujus ratione est, quod non sine*

ne-

necessariæ “. Prius tamen dixerat ex D. Hieronimo „ quod ex majorum „ traditione introductum est, quod qui „ plurimum, *quadragessimam* partem „ debent Sacerdotibus loco primitia- „ rum qui minimum, *sexagesimam* . „ Unde videtur, quod inter hos ter- „ minos sint primitiæ offerendæ secun- „ dum consuetudinem patriæ “.

III. Quoad præceptum vero offeren- di primitias S. Th. l. l. illud revocat ad jus naturale, non tamen in eo sensu, quasi exter præceptum aliquod ju- ris naturalis obstringens ad primitiarum oblationem, sed solum innuens valde consonum esse, ut sicut a Deo cuncta bona accipimus, ita per aliquam rem a Deo nobis concessarum oblationem gratum animi nostri argumentum illi exhibeamus, unde scribit: „ Pertin- „ net ad jus naturale, ut homo ex re- „ bus sibi datis a Deo aliquid exhibeat „ ad ejus honorem “. Quod quidem præ- ceptum pluribus modis implere possu- mus præter primitiarum oblationem: quamobrem subdit A. P. „ Sed quod „ talibus personis exhibentur aut de „ primis fructibus, aut *in tali quanti-* „ *tate*, hoc quidem fuit in veteri le- „ ge jure divino determinatum “. Et hic quoque illa verba *in tali quantitate* non sunt intelligenda de quantitate determinata, sed absolute de aliqua quantitate, cum ipse S. D. ut mox vidimus, neget fuisse in veteri Lege determinatam quantitatem primitia- rum, sed ex majorum traditione pos- sea statutum, quod vel ut minimum *sexagesima*, vel ut plurimum *quinqua-* gesima offeratur .

IV. In nova autem lege subdit S. D. „ definitur per determinationem Eccle- *Patuzzi Theol. Moral. Tom. V.*

„ sive ex quo homines obligantur, ut pri- „ mitias solvant secundum consuetudi- „ nem Ecclesiæ, & indigentiam Mini- „ strorum “. Ex quibus verbis colligi- tur, D. A. duo postulare tanquam ne- cessaria ad inducendum præceptum sol- vendi primitias, nimirum vel consue- tudinem Ecclesiæ, vel Ministrorum ne- cessitatem, quibus deficientibus non ur- get hoc præceptum. Quamobrem cum in præsentī disciplina nullibi fere viget consuetudo offerendi primitias, & Ministrorum necessitati aliis mediis consultum sit, non amplius viget Ec- clesiasticum præceptum primitias dandi, ut communiter docent & Theologi & Canonistæ, quorum tamen aliqui opri- me advertunt, consuetudinem non dandi primitias denotare ingrati animi vitium erga Deum bonorum omnium largitorem, & a Gentilibus redargui & confundi fideles, cum illi pluribus in Regionibus, sed præsertim Romæ nova vina, novæque fruges non prius gustabant, quam falsis Naminibus ex iis aliquid offerrent .

V. Oblationis nomen, ut notat D. Thom. hic arr. r. & commune est, & particulare. Commune quidem, quatenus extenditur ad omnes res, quæ in cultum Dei exhibentur. Et hoc pacto decimæ & primitiæ oblationes sunt, ut patet ex Scripturis Gen. 28. *Decimas offeram tibi*. Et Num. 18. *Decimarum oblationem* legimus, & Exod. 34. de primitiis dicitur, *primitias frugum terra offeres*; immo & oblationis nomine sacrificium designatur, ut observat D. Thom. nimirum *quando aliquid exhibetur in cultum divinum, quasi in aliquod sacrum, quod inde fieri debeat, consumendum, & oblatio est, & Sacrificium*. Unde Exod. 29. v. 18. dicitur: *Offeres totum arietem in incensum super altare: Oblatio* est.

est Domino, odor suavissimus victima Dei. Et Lev. 2. *Anima cum obtulerit oblationem sacrificii Deo, simila erit ejus Oblatio.* Peculiare autem stricte sumptum nomen oblationis designat juxta S. D. *Quidquid Deo offertur, ut integrum maneat divino cultui deputandum, vel in usus Ministrorum expendendum.* Tres in classes dividi possunt oblationes stricte acceptae. Prima consistit in donatione alicujus rei inter vivos facta Deo & Ecclesiae, vel Monasterio. Altera quae fit causa mortis in testamentis pro redemptione animae. Tertia denique communis & usitata, qua fideles aliquas res suas offerunt in Ecclesia ad Altare, vel in alio Ecclesiae loco, sive etiam extra Ecclesiam ad imaginem aliquam prodigiosam. De Oblationibus pro Missae sacrificio singillatim suo loco, ubi de Missae sacrificio agemus.

VI. Oblationum usus antiquissimus sane est, & obtinuit in omnium hominum statu, in lege naturae, scriptae, & gratiae. In primo enim legimus Gen. 4. *Factum est autem post multos dies, ut offerret Cain de fructibus terrae munera Domino. Abel quoque obtulit de primogenitis gregis.* In lege vero scripta indicitur Exod. 23. *Non apparebis in conspectu meo vacuus.* Et Numer. 7. *Singuli Duces per singulos dies offerent munera in Altaris dedicatione.* Præterquam quod innumeris poene in locis V. T. mentio habetur de oblationibus Domino tum a populo sive a Principibus populi, sive a privatis personis. In N. T. legimus & Magos obtulisse munera Infanti nato, aurum, thus, & Myrrham; & in Actibus Apostolorum primos Fideles obtulisse pretium rerum, quas vendebant, Apostolis.

VII. Oblationes, ut notat S. Thom. hoc habent proprium, & peculiare,

quod ex voluntate, non ex necessitate progrediantur. „ Hujusmodi oblationes „ (verba sunt S. D. qu. 86. art. 1.) „ de sui ratione habent, quod voluntarie offerantur secundum illud Exod. „ 25. *Ab homine qui offert ultroneus, accipietis eas* „ . Subdit tamen fieri posse, ut aliquando ex necessitate sint reddendae, & hoc quadruplici de causa. Sic enim scribit : „ Potest contingere, quod aliquis ad oblationes tenetur quadruplici ratione : Primo quidem ex præcedenti conventionione : sicut cum alicui conceditur aliquis fundus Ecclesiae, ut certis temporibus certas oblationes faciat; quod tamen habet rationem census. Secundo propter præcedentem deputationem, sive promissionem : sicut cum aliquis offert donatione inter vivos, aut cum relinquit in Testamento Ecclesiae aliquam rem mobilem, vel immobilem in posterum solvendam. Tertio modo propter necessitatem Ecclesiae; puta si ministri Ecclesiae non haberent unde sustentarentur. Quarto propter consuetudinem : tenentur enim fideles in aliquibus solemnitatibus ad aliquas oblationes confectas. Tamen in his duobus ultimis casibus remanet oblatio quodammodo voluntaria, scilicet quantum ad quantitatem, vel speciem rei oblatae „ .

VIII. Ad incutendam iraque in oblatione necessitatem hæc requiruntur. 1. Ut vel necessaria sit ad Ministrorum sustentationem, si non aliunde habeant, unde alimenter accipiant; tunc enim locum habet mercedis dandæ sicut temporalibus operariis, ita & spiritalibus. 2. Vel ut sit ex diuturna consuetudine & consensu majoris partis plebis, vel populi, seu Parochianorum. Ut hæc consuetudo offerendi vim obligatoriam nanciscatur.

ciscatur, ex diuturnitate temporis, sufficere putant plures Canonistæ Guttierrez, Barbosa, Reiffenstuel, decennii spatium; quæmobrem quando tanto tempore Plebs vel Populus ex devotione constanter perseveravit in oblatione offerenda, præsumi potest se voluntarie obligasse; quod tamen omnino certum non puto, nisi aliunde constet de voluntate se obligandi. Requiritur etiam majoris partis populi consensus, & ad oblationem concursus, nam singuli, vel minor pars, Communitatis sine ejusdem consensu obligationem non valet inducere. Quapropter sicut major pars sufficit ad inducendam necessitatem obligationis, ita major pars sufficit ad implendam: hinc faciendæ oblationis tempore satis est si major pars, vel aliqua ex consensu Communitatis offerat, licet singuli nihil doment, qui talem oblationem omitiendo præsertim aliqua urgente legitima causa non sunt lethali culpe arguendi.

IX. De rebus iuste possessis faciendas esse oblationes, & ipsa naturalis ratio suggerit, & docet S. Thom. hic. art. 3. loco Proverb. 3. adducto: *Honora Deum tuum de tua substantia*, subdens: „Ad substantiam hominis pertinet, quid, quid iuste possidet“. Et confirmat testimonio Augustini indicatio potius, quam integre recitata, qui serm. 25. de Verb. Dom. adductis Proverbior. verbis, quæ tamen juxta Septuaginta interpretationem sic legit: *Honora Dominum Deum tuum de laboribus tuis iustis*, sic subdit: „De iustis laboribus elemosynas vel oblationes facite, idest ex eo, quod recte habes, date. Non enim corrumpturi estis iudicem Christum, ut non vns autiat cum pauperibus qui-bus tollis: Si enim de-regularis, aliquem invalidum, tu valentior &

potentior, & veniet tecum ad iudici-
cem hominem quemlibet in hac terra, velleque tecum causam dicere; si tu de præda & spoliatione illa inopis, dares aliquid iudici, ut pro te iudicaret, Iudex ille tibi placeret? Nempe pro te iudicavit. Et tamen tanta vis est iustitiæ, ut & tibi displiceat. Noli talem tibi pingere Deum. Noli collocare in Templo cordis tui tale Idololum. Non est talis Deus tuus, qualis non debes esse nec tu. Melior est si Deus tuus iustior est, fons iustitiæ est“. Quæ itaque sunt per rapinam, vel furum, vel alio modo iustitiam lædente, acquisita, non sunt offerenda, sed dominis restituenda. Quæ vero alio pravo sunt acquisita medio, nec in oblationem danda, nec accipienda, ut docet S. Thom. in resp. ad 2., Oblatio de mercede prostibuli prohibetur in nova lege propter scandalum, ne videatur Ecclesia favere peccato, si de lucro peccati oblationem recipiat“.

X. Fidelium oblationes solis deberi Sacerdotibus probat S. Thom. hic art. 2. auctoritate Damasci Papæ, qui Can. 3. Tom. 2. Concil. (& refertur in Jure Can. Causa 20. cap. *Hanc consuetudinem*) sic statuit: *Oblationes, quæ intra Sanctam Ecclesiam offeruntur, tantummodo Sacerdotibus, qui quotidie Domino servire videntur, licet comedere, & bibere, quia in Veteri Testamento prohibuit Dominus panes sanctos comedere filiis Israel, nisi tantummodo Aaron, & filiis ejus. Deinde in corp. art. sic scribit D. A. „Sacerdos quotammodo sequester, & medius constituitur inter populum & Deum, sicut de Moyse legitur Deuter. 5. & ideo ad eum pertinet divina Dogmata, & Sacramenta exhibere populo; & iterum ea quæ sunt*
O o o o o 2 po-

„populi; puta preces, sacrificia, & oblationes per eum Domino debent exhiberi, secundum illud Apostoli ad 1, Hebr. 5. *Omnis Pontifex ex hominibus assumptus, pro dominibus constituitur in his, quæ sunt ad Deum, ut offerat dona, & sacrificia pro peccatis*“, Ad id tamen oblationes, quæ a populo Deo exhibentur, ad Sacerdotes pertinere non solum, ut eas in suos usus convertant, verum etiam ut fideliter eas dispensent; partim quidem expendendo eas in his, quæ pertinent ad cultum divinum, partim vero in his, quæ pertinent ad proprium victum... partim etiam in usus pauperum, qui sunt quantum fieri potest, de rebus Ecclesiæ sustentandi“.

XI. Sacerdotes vero, quibus dandæ sunt oblationes five intra Ecclesiam Parochialem, five extra ipsam, in quocunque loco sito intra Parochiam, de iure communi sunt Parochi, nisi aliter disponant vel legitima inducta consuetudo, vel offerentium expressa voluntas. Ita communiter docent Canonistæ Barboza, Reiffenstuel, Fagnanus pluribus etiam allatis Rotæ Decisionibus, & decernitur etiam in pluribus Juris Canonici textibus, & præsertim Cap. *Parochialis* 9. de *his quæ sunt a Prelatis*, ubi aperte decernitur: *Omnes ex Parochia preventus esse Parochiali Ecclesiæ, ejusque Ministris solvendo; & certe nisi aliter constet de offerentium animo, & voluntate, semper præsumendum est, oblationes fieri habenti animarum curam ob Sacramentorum, aliorumque divinarum administrationem. Immo licet ex consuetudine vel offerentium animo oblationes non ad ipsum spectent Parochum, sed ad alium pium usum, & finem dentur, adhuc ad Parochum pertinet eorum administratio, non quidem ut in suos usus convertat, aut de*

his prout libuerit disponat, sed ut in finem vel ab offerentibus, vel a consuetudine indictum expendantur.

CAPUT DECIMUM.

CONSECTARIA PRECEDENTIS DOCTRINÆ.

- I. *Emendatur doctrina Bonacinae.*
- II. *Num oblationes, quæ sunt in Missis a Parochianis, sint in præcepto.*
- III. *Aliquando nec de iure acquisitis licet oblationes facere.*
- IV. *Ad quem spectant oblationes.*
- V. *Oblationes, quæ sunt in Ecclesiis Regularium, ad ipsos spectant.*
- VI. *Neomystæ oblationes recipere possunt, & sibi vendicare.*
- VII. *Laicis non convenit ius oblationis accipiendæ.*

Reflexio.

CONSECTARIUM PRIMUM.

- I. **N**ON est omnino verum quod affirmat Bonacina, nullum in lege nova dari ius obligans ad primitiarum solutionem. Nam 1. hoc ius in Ministris reperitur, quotiescumque primitiæ in eorum sustentationem sint assignatæ. 2. Certum est extare in Jure Canonico præceptum dandi primitias juxta consuetudinem patriæ. D. Th. citat Canonem ex parte de Decimis q. 3. jubentis: *Oportet Decimas, & primitias, quas de jure Sacerdotum esse sancimus, ab omni populo accipere.* Et Can. Præter. 6. dist. 32. in fine habetur: *Primitiæ fideliter reddantur a Laicis, nisi consuetudo aliud habeat.* Quamobrem S. Thom. docet art. 4. quod sicut in veteri lege jure divino determinatum id erat, qualiter primitiæ darentur, ita in nova lege definitur per determinationem Ecclesiæ, quod homines obligentur, ut pri-

primitias solvant secundum consuetudinem patriæ, & indigentiam Ministrorum. Quod vero hoc jus consuetudine obsoletum sit, & alio modo indigentia Ministrorum provifum fit, non tollit & jus aliquando viguisse solvendi primitias, & modo forfitan adhuc in aliqua Ecclesia vigere.

CONSECTARIUM SECUNDUM.

II. Oblationes, quæ in aliquibus Parochiis aut in magnis solemnitatibus, aut omnibus Dominicis, vel aliquoties in mense fieri solent a Parochianis osculo pacis, non videntur debere stricto jure obligare. Oppositum docent plures Canonistæ Barbosa, Guttierrez, Resfensuel, qui putant eam consuetudinem jam pridem invecitã vim fumpisse obligationis & præcepti, & licet fortassis in initio fuerint ex fidelium devotione invecitæ, postmodum factæ sunt ex lege necessariæ; & afferunt 1. Cap. ad Apostolicam 41. de Simonia, ubi laudabiles consuetudines aliquid dandi & offerendi ex devotione fidelium introducæ observari præcipiuntur, & etiam D. Thom. auctoritatem, qui 4. loco docet oblationes esse de necessitate faciendas propter consuetudinem, per quam tenentur fideles in aliquibus solemnitatibus ad aliquas oblationes consuetas. Verum posita assertio mihi probabilior videtur, 1. quia fideles talem consuetudinem aliquid offerendi præfatis temporibus non animo se obligandi invexerunt, sed tanquam liberalem omnino & gratuitam oblationem respicere. 2. Quia revera dum solitam persciciunt oblationem, in timo sentu agnoscunt se nullo obstringi præcepto, & liberum sibi esse non offerre. 3. Revera nec sibi Religioni vertunt, si eas oblationes omittant, nec Parochi, vel Episcopi in suis Synodis

ad hujusmodi habendas oblationes ullo pacto adstringunt. Juris autem textus & D. Thom. de iis loquuntur oblationibus, de quibus certo constat, animo se obligandi invecitæ, quod de facili non est præsumendum, præsertim si Pastores jam aliunde habeant, unde sustententur. Recolantur quæ diximus cap. præced. n. 8.

CONSECTARIUM TERTIUM.

III. Nec de ipsis rebus licite acquisitis concessum est oblationes facere, quotiescumque id in alterius damnum cedat, & detrimentum. Ita docet S. Thom. hic art. 3. scribens: „Per accidens tamen contingit, quod de aliquo licite possessio oblatio fieri non possit, puta si vergat in detrimentum alterius; ut si filius aliquis offerat Deo id, unde debet patrem nutrire, quod Dominus improbat Matth. 15. vel propter scandalum, vel propter contemptum, vel aliquid hujusmodi. Quamobrem peccant, qui ut oblationes faciant, credulioribus non satisfaciunt, mercenariis debitam non tribuunt mercedem, filiis necessaria non suppeditant alimenta; hæc enim omnia utpote titulo pietatis vel justitiæ debita, sunt oblationibus plane liberis præferenda. Hinc Ecclesia etiam oblationes rejicit Infidelium, Hereticorum, Judæorum, immo & fidelium anathemati subiectorum, nec non fratrum dissidentium, ut statutum legitur Cap. Oblatio dist. 50. Publicos etiam peccatores c. ex usurarios, homicidas, pauperum oppressores offerre volentes ab Altari repellit, ne, ut inquit S. Thom., videatur favore peccato. Immo recipientes & admittentes ad oblationes, quæ inter Missarum solemnia in Altari fieri consueverunt, excommunicatos a Papa, ex-

com-

communicationi subjacent, si tamen fuerint denunciati, & ab Ecclesiæ ingressu interdicuntur, qui usuales recipiunt oblationes ab excommunicati excommunicatione majori, vel ab interdictis non toleratis, ut statuitur Cap. *Episcopus de privilegiis in 6.*

CONSECTARIUM QUARTUM.

IV. Oblationes, quæ a fidelibus fiunt vel in Ecclesia ad Altare tempore Missæ pro Sacramentorum administratione, pro Nuptiarum, vel mulierum post partum benedictione, pro exequiis, aut similibus ecclesiasticis muneribus, ad Parochum spectant. Aliæ vero, quæ fiunt in Oratoriis, Capellis, vel aliis locis, & præsertim ubi sunt Imagines miraculosæ, licet de jure ad Parochum spectarent, consuetudine tamen, & voluntate offerentium non spectans ad Parochum, sed vel ad ipsum Oratorium, vel Capellam, impendendæ pro Fabrica, ornatu ipsius Capellæ, vel in nova construenda pro prodigiosa imagine Capellæ sive Altari. Ita docent nobiliores Canonistæ Cardinalis de Luca de Decimis Decis. 19. Reiffenstuel de Oblationibus, Van-Espen P. III. tit. 33. cap. 10. Si Imago prodigiosa posita sit in pariete domus alicujus personæ privatæ, ad Parochialem spectant, intra cuius fines paries situs est, non vero ad ipsam privatam personam dicti parietis dominam, cum oblationes illæ sint ad Dei cultum de se ordinatæ. Dixi de se ordinatæ, si enim offerentes oblationes suas ordinarent in beneficium Domini domus, quia pauper est, quia filios nobiles habet, vel scirent, eas converti ab ipso Domino vel in pios usus, vel ad suæ subveniendum necessarii, tunc ad ipsum dominum ex voluntate offerentium pertinerent tanquam elemosynæ, ut docent Amosiacus,

Bathosa, Fagnanus, aliique plures. Si vero locus, ubi posita est prodigiosa Imago, aut non sit intra fines alicujus Parochiæ, aut incertum sit ad quam Parochiam pertineat, oblationes integre ad Diocesanum Episcopum spectant, nisi aliter constet de offerentium intentione, & voluntate. Denique elemosynæ, quæ in Cathedrali fiunt tempore Jubliæ, vel Anni Sancti, ad Archipresbyterum seu Parochum, vel alium curam animarum habentem spectant, non vero ad Episcopum, nisi ipse Parochus foret, quia habentes curam animarum jus habent legitimum ad omnes oblationes, quæ in sua Ecclesia fiunt.

CONSECTARIUM QUINTUM.

V. Oblationes, quæ sunt in Ecclesiis Regularium, ad ipsos Religiosos inibi inservientes pertinent. Ita statutum est in ipso Jure Canon. cap. 1. de statu Monach. ubi indicitur Archiepiscopo Neapolitano: „Alicui Monasterio, tu nec Presbyteri tui præter diligentiam disciplinæ aliquâ molestiæ infectione accesserit, vobis vindicare æstimatione cum Monachis ibi servientibus debeat, proficere quicquid si fidelibus taliter offerri contingerit“. Idem confirmatum fuit in Cap. Nimis de excessibus Prælatorum, ubi reprehenduntur: *Quidquid etiam eis, dum celebrant Missarum solemniam intra domorum suarum ambitum, pia filiorum devotione donatur, ab ipsis extorquere oblationis nomine intendentes.* Quod & confirmatum fuit in pluribus Sacre Congregationis Concilii Decretis, & Declarationibus, & communiter docent Theologi & Canonistæ, ac confirmat S. Thom. hic art. 2. ad 2. respondens. „Monachi, sive alii Religiosi pos-

„ possunt oblationes recipere triplici-
 „ ter. Uno modo sicut pauperes per
 „ dispensationem Sacerdotum, vel or-
 „ dinationem Ecclesiae. Alio modo si
 „ sint Ministri Altaris, & tunc possunt
 „ accipere oblationes sponte oblatas.
 „ Tertio modo si Parochiae sint eorum,
 „ & tunc ex debito possunt accipere
 „ oblationes tanquam Ecclesiae Recto-
 „ res “. Et revera Regulares, licet
 „ sint in Parochia, non sunt tamen de
 „ Parochia, nec divina a Parochiis acci-
 „ piunt, proinde non eis debentur obla-
 „ tiones apud ipsos factae. Præterea Re-
 „ gulares sunt suarum Ecclesiarum Recto-
 „ res & Pastores, propterea iisdem gau-
 „ dent iuribus in suis Ecclesiis, ac Pa-
 „ rochi in suis, cum hoc solum discrimine
 „ quod in illis jus intra muros Ecclesiae
 „ coarctatur, istis autem etiam ad Pa-
 „ rochianos extenditur: quamobrem si Episcopus
 „ Missas celebret in Ecclesiis Re-
 „ gularium, oblationes non ad Episcopum
 „ pertinent, sed ad Regulares.

CONSECTARIUM SEXTUM.

VI. Non est vetitum Neomythis, five
 Sacerdotibus primam suam Missam ce-
 lebrantibus oblationes post Offertorium
 a sponte dantibus accipere, non vero
 per Ecclesiam ad eas accipiendas dis-
 currere, & corrogare oblationes in
 ipsis celebrantibus, non Parochi benefi-
 cium cedunt. Ita decretum fuit a Sa-
 cra Congregatione Episcoporum & Re-
 gularium, approbante Summo Pontifice
 ut refert Fagnanus in Cap. Pastoralis
 num. 39. & consuetudine confirmatum
 est, & nunc offertorium est, ut lauda-
 tæ oblationes ad ipsum celebrantem
 pertineant. Immo hic Veneriis mos
 est, ut & Diaconi die quo primo
 Evangelium solemniter canunt oblatio-
 nes spontaneas accipiant, non ad Al-

tare, sed loco ad hoc deputato ab ac-
 cedenibus ad Manipuli osculum, quæ
 oblatio elemosyna potius dicenda vi-
 detur, vel si vera oblatio sit, dicenda
 eo solum modo convenire Diaconis,
 sicut D. Thom. docet: „ Monachos,
 „ & Religiosos posse oblationes recipere
 „ sicut pauperes per dispensationem
 „ Sacerdotum, vel ordinationem Ec-
 „ clesiae “.

CONSECTARIUM SEPTIMUM.

VII. Laicis nullum jus convenire po-
 test accipiendi oblationes. Ita statuitur
 in Jure Can. Cap. *Perveniens* 16. quæst.
 7. „ Hanc consuetudinem, quæ contra
 „ sanctam Ecclesiam Catholicam auge-
 „ ri videtur, omnino interdiximus, ut
 „ nullo unquam modo, ullo tempore
 „ oblationes, quæ intra sanctam Ecce-
 „ siam offeruntur, sub dominio Laico-
 „ rum detineantur, sed tantummodo
 „ Sacerdotibus dentur “. Et jure me-
 ritoque, cum hujusmodi jus plane spi-
 rituali sit, & suis conveniens Sacerdo-
 tibus, „ ad quos sicut pertinet (inquit
 „ S. Thom. art. 2.) divina Sacramen-
 „ ta exhibere populo, ita ea quæ sunt
 „ populi, puta preces & sacrificia, &
 „ oblationes per eum Domino debent
 „ exhiberi “. Eapropter nec ex diutissi-
 ma consuetudine jus laici percipiendæ
 oblationis consequi possunt. Licet vero
 hujusmodi oblationes aliquando in exo-
 lumentum & utilitatem pauperum etiam
 laicorum ordinentur, tamen ut ani-
 madvertit laudatus D. Aug., „ In usum
 „ pauperum cedunt non per dispensa-
 „ tionem offertorium, sed per dispen-
 „ sationem Sacerdotum “. Nec inter
 oblationes anumerandus est mos ille in
 Italia, aliisque regionibus in usus dan-
 di laicis in Festo Purificationis B. V. ge-
 ginis cereos five candelas, sunt enim
 for-

solum pia munera a Clericis, vel etiam si lubet, ab Ecclesia data ad excitandos pios affectus, vel ad grati animi argumentum exhibendum.

REFLEXIO.

I. Duo sunt tum in dandis, tum in recipiendis decimis, primitiis, & oblationibus plane vitanda. Recipientes siquidem Clerici omnem avaritiæ umbram fugere debent, nec nimia severitate, subtili scrutatione, indiscreto zelo decimas & oblationes a populis extorquere potius quam accipere; quomobrem & fortassis non immerito nimiam exprobrant Fideles Clericis in exigendis decimis austeritatem, quam majorem dicunt se experiri & duriorē a Decimarum exactoribus, quam ab avaris ipsi seculi divitibus in temporalibus censibus exigendis. Quia & alius inclamant, Clericos & Pastores de decimis quidem corrogandis se sollicitos studiososque ostendere; dum de spiritali populi salute nullo tamen studio apparent. Hos jure increpat & redarguit Chrysostomus, sive Auctor Operis Imperfecti in Marth. hom. 44. dicens: „Nunc veniamus ad Sacerdotes. Hi ergo avaritia pleni, si quis de populo decimam alicujus rei vel minimam non obrulisset, ita eum corripiebant, quasi magnum crimen fecisset. Si quis autem in populum, aut in Deum peccabat, aut alterum lædebat, aut aliquid tale faciebat, nemo curabat corripere eum; quasi nullam culpam fecisset. De suo quidem lucro solliciti agebant, de gloria vero Dei & salute hominum negligebant. Sic & modo fit. Quia omnes de suo honore solliciti sunt, de honore autem Dei nullus. Et portiones cuique suas vi-

gilanter aspiciunt, & defendunt, sed circa obsequium Ecclesiæ curam impendere non attendunt. Si populus decimas non obtulerit, murmurant omnes, si peccantem populum viderint, nemo murmurat contra eos. Ipsi sunt qui docent populum liquare culicem, & camelum deglutire, & modico peccato se continere, majora autem committere. Oh quantum adhuc hodie (exclamat piissimus Landolphus Carthusianus de Vita Christi cap. 38.) cæcitas Scribarum & Phariseorum regnat (proh dolor) in Prælati tam Religiosis quam secularibus, qui solcite curant de solutione decimarum, & censuum quæ eis debentur, & parum curant si subditi in majoribus involvantur criminibus... Curam animarum negligunt, & negotia exteriora agunt, non curant fructum animarum, sed exerescentiam divitiarum“.

II. Præterea illud etiam attendere debent Pastores, ne decimarum, oblationumque emolumenta in luxus, comessationes, epulas, delicias injuste absumantur. Dantur siquidem decimæ & oblationes, ut vidimus ex D. Thom. *Non solum ut eas in suos convertant usus, verum etiam ut subtiliter eas dispensent, partim quidem expendendo eas in his, quæ pertinent ad cultum Dei, partim in his, quæ pertinent ad proprium victum... partim etiam in usus pauperum, qui sunt, quantum fieri potest, de rebus Ecclesiæ sustentandi*. Alioquin mirandum non erit, si plebs christiana iniquam videntes decimarum oblationumque distributionem vocem attolant, manifestos & publicos abusus detestantes, Pistoribus maledicentes, ab earum solutione omni possunt modo se subtrahant. Meminerint doctrinæ a S. Bernard.



I N D E X

Tractatum, Dissertationum, & Caputum,
quæ in hoc Tomo continentur.

TRACTATUS SEPTIMUS

DE CONTRACTIBUS

TUM IN GENERE, TUM IN SPECIE.

DISSERTATIO PRIMA.

CAPUT II.

DE CONTRACTIBUS IN GENERE.

CONSECTARIA PRECEDENTIS DOCTRINA.

CAPUT I.

*Contractus definitio, ejusque multiplex
divisio exponuntur.*

DOCTRINA.

- I. **NOMINIS** contractus varia accep-
tiones. pag. 2
- II. *Definitio contractus ex Juristis.* ibid.
- III. *Altera ex Theologii.* 3
- IV. *Quid sit pactum.* ibid.
- V. *Quid sit obligatio.* ibid.
- VI. *Obligatio, quæ ex contractu confurgit,
pertinet ad justitiam commutativam.*
4
- VII. *Multiplex contractuum divisio. Pri-
ma exponitur.* ibid.
- VIII. *Secunda divisio.* ibid.
- IX. *Tertia.* 5
- X. *Quarta.* ibid.
- XI. *Et hujus varia differentia.* ibid.
- XII. *Quinta divisio.* 6
- XIII. *Sexta.* 7

- I. **A**D contractus celebrandos duas sal-
tem requiruntur persona. 7
- II. *Obligatio naturalis præcipua est in con-
tractibus.* 8
- III. *Quilibet contractus ex promissione re-
sultat, & acceptatione.* ibid.
- IV. *Etiâ lucrativis contractibus definitio
data perfecte convenit.* 9
- V. *Depositum non est ab alba contractuum
expungendum.* ibid.

CAPUT III.

*De consensu ad contractum necessaria,
& de dolo illum corrumpente.*

DOCTRINA.

- I. **C**ONSENSUS necessitas in contracti-
bus. 9
- II. *Consensus simulatus non sufficit ad va-
lorem contractuum.* ibid.
- III. *Num sufficit animus promittendi sine
animo se obligandi.* 10
- IV. *Num quis se in contractibus solum le-
viter*
a

viter obligare possit .

- V. Quid sit dolus in contrahibus addibitus .
VI. Quotuplex sit .
VII. Regula ad discernendum quando dolus irritet contrahus , Regula I. ibid.
VIII. Regula II.
IX. Regula III.
X. Regula IV.

CAPUT IV.

De Contrahibus ex errore , vi ,
& metu celebratis .

DOCTRINA.

- I. NUM ignorantia , error , inadvertentia contrahus irritent .
II. Non omnis error , & ignorantia tollit valorem contrahus .
III. Error in substantia semper irritat contrahus .
IV. Et etiam error in persona .
V. Non vero error in qualitatibus , & accidentibus .
VI. Num vero , si dictus error circa accidentia det causam contrahui .
VII. Num vis , & metus tollant valorem patris . Regula ponuntur .
VIII. Regula I.
IX. Regula II.
X. Regula III.
XI. Regula IV.
XII. Regula V.
XIII. Regula VI.
XIV. Regula VII.
XV. Regula VIII.
XVI. Regula IX.
XVII. Regula X.

CAPUT V.

CONSECTARIA PRÆCEDENTIS DOCTRINÆ.

- I. QUI habet animum contrahendi , sed non implendi , tenetur contrahum implere .
II. Qui fiste contraxit , enetur fissionem deponere .
III. Ad quid tenetur qui dolo malo alium in contrahitu decipit .
IV. Quanta esse debeat ignorantia , ut consensum tollat .
V. Quando error sit circa substantiam contrahus .
VI. Quando contingat circa personam .
VII. Quando qualitates non sint reputandæ mere accidentales .
VIII. Quando metus tollat valorem contrahus .
IX. Num promisso latroni facta ad servandam vitam obliget ?
X. Si metus gravis sit incussus a tertia persona , num irritet contrahum .
XI. Num metus iustus , vel iniustus incussus irritet contrahus .
XII. Num metus reverentialis tollat valorem contrahus .

CAPUT VI.

De causa efficiente contrahum , seu de iis ,
qui contrahere possunt .

DOCTRINA.

- I. QUINAM universaliter apti sint ad contrahendum .
II. Infantes apti non sunt ad contrahendum .
III. Non dementes .
IV. Pupilli quomodo a contrahendo repellantur .

V.

V. <i>Quomodo minores .</i>	32	<i>vesitis , tum irritis .</i>	ibid
VI. <i>Et prodigi .</i>	ibid.	XII. <i>Quid de contractibus solum vesitis at non irritis .</i>	4
VII. <i>Ex defectu dominii quomodo ad contractus inepti sint servi .</i>	33	XIII. <i>Contractus de re jure natura illiciti ante executionem nulli sunt , irriti .</i>	ibi
VIII. <i>Religiosi professi .</i>	ibid.	XIV. <i>Post executionem quare nonnulli possent valere .</i>	ibi
IX. <i>Filii familias .</i>	34	XV. <i>Leges etiam post executionem irritos declarant .</i>	
X. <i>Uxores .</i>	ibid.	XVI. <i>Obsectio solvitur .</i>	ibi
XI. <i>De aliis personis ineptis ad contrahendum .</i>	ibid.	XVII. <i>Doctrina S. Augustini exponitur ibid.</i>	

CAPUT VII.

CONSECTARIA PRÆCEDENTIS
DOCTRINÆ.

I. Q UANDO pupilli valide contrahant.	35	XVIII. <i>Cui consentit & D. Thomas .</i>	4
II. <i>Quo gaudeat privilegio .</i>	ibid.	XIX. <i>Ejus doctrina vindicatur .</i>	41
III. <i>Ipsi conceditur in integrum restitutio .</i>	36	XX. <i>Ratione veritas ostenditur .</i>	47
IV. <i>In quo distinguantur in contractibus filii-familias a pupillis .</i>	37	XXI. <i>Obsecta adversantium Theologorum proponuntur .</i>	48
		XXII. <i>Et dissolvuntur .</i>	ibid.
		XXIII. <i>Remota contrahendum materia in particulari designatur .</i>	49
		XXIV. <i>De forma contrahendum .</i>	50

CAPUT VIII.

De materia & forma Contrahendum .

DOCTRINÆ.

I. M ATERIA contrahendus quæplex, & quanam in genere .	37	I. Q UANDO materia contrahendus fit ex parte impossibilis ; num valeat pactum .	51
II. <i>Num impossibilia sint contrahendus materia .</i>	38	II. <i>Quidam contrahendus de rebus non extantibus lege interdicti .</i>	ibid.
III. <i>Res non existentes in triplici differentia . De prima quid dicendum .</i>	ibid.	III. <i>Quando per cessionem scriptura , vel juris debitum extinguatur .</i>	ibid.
IV. <i>De secunda .</i>	ibid.	IV. <i>Quando nec Meretrices pretium nefarii operis licite possint accipere .</i>	52
V. <i>De tertia .</i>	39		
VI. <i>Num res aliena sit legitima contrahendus materia .</i>	ibid.		
VII. <i>Num res propria .</i>	40		
VIII. <i>Nam res incerta . Regula duæ .</i>	ib.		
IX. <i>Num res illicitæ .</i>	42		
X. <i>Duplici titulo contrahendus esse potest illicitus .</i>	ibid.		
XI. <i>Quid de contrahendus a jure civili tum</i>			

CAPUT IX.

CONSECTARIA PRÆCEDENTIS
DOCTRINÆ.

I. Q UANDO materia contrahendus fit ex parte impossibilis ; num valeat pactum .	51
II. <i>Quidam contrahendus de rebus non extantibus lege interdicti .</i>	ibid.
III. <i>Quando per cessionem scriptura , vel juris debitum extinguatur .</i>	ibid.
IV. <i>Quando nec Meretrices pretium nefarii operis licite possint accipere .</i>	52

CAPUT X.

De Contrahendum qualitatibus .

DOCTRINÆ.

I. Q UENAM sunt Contrahendum qualitates .	53
--	----

- II. *Conditiones contractuum exponuntur , & pro illis Regulae dantur .* ibid.
 III. *Regula I.* ibid.
 IV. *Regula II.* 54
 V. *Regula III.* ibid.
 VI. *Regula IV.* ibid.
 VII. *Regula V.* 55
 VIII. *Regula VI.* ibid.
 IX. *De Contractibus juratis nonnullae Regulae .* 56
 X. *Regula I.* 57
 XI. *Regula II.* ibid.
 XII. *Regula III.* ibid.
 XIII. *Regula IV.* 58
 XIV. *De Contractibus solemnitate destitutis .* ibid.
 XV. *Nonnulli invalidi sunt , & irriti .* 59
 XVI. *Quid de testamentis , & ultimis voluntatibus .* ibid.
 XVII. *De ceteris contractibus quid sentiant nonnulli Theologi .* ibid.
 XVIII. *Quid tamquam probabilius tenendum sit .* ibid.

CAPUT XI.

CONSECTARIA PRÆCEDENTIS
DOCTRINÆ.

- I. **C**ONTRACTUS sub modo quomodo celebratur . 60
 II. *Contractus ex causa exponitur .* ibid.
 III. *Quid sit contractus ad diem .* 61
 IV. *Quid contractus sub disjunctione .* ibid.
 V. *Quid pactum sub designatione .* 62
 VI. *Ad complementum in contractu conditionato , novus non requiritur consensus , excepto matrimonio .* ibid.

CAPUT XII.

De duobus adjunctis contractuum , mora scilicet , & pena conventionali , nec non de fine contractuum .

DOCTRINÆ.

- I. **Q**UID , & quotuplex sit mora . 63
 II. *Quanam conditiones requirantur ad contrahendam moram .* 1.
Exponitur . 64
 III. *Explicantur secunda , & tertia conditio .* ibid.
 IV. *Exponitur ultima conditio .* 65
 V. *Num mora purgari possit .* ibid.
 VI. *Pena conventionalis quid , & quotuplex sit .* ibid.
 VII. *Penam conventionalem contractibus addere absolute non est illicitum .* 66
 VIII. *Prohibetur tamen a Legibus eam aliquibus contractibus apponere .* 67
 IX. *Mutuo adjecta semper est usura patliam .* ibid.
 X. *Quod modis finiuntur contractus .* 68
 XI. *Nullitas contractus eos perimit .* ibid.
 XII. *Causa nullitatis in contractibus declarantur .* 69
 XIII. *Revocatione finiuntur contractus .* 70
 XIV. *Num possint unius tantum consensu revocari .* ibid.
 XV. *Extinctione obligationis finis contractibus imponitur .* 71

CAPUT XIII.

CONSECTARIA PRÆCEDENTIS
DOCTRINÆ.

- I. **Q**UI meram culpabilem incurrit , tenetur ad interesse . 71
 II. *In quorsum debitorem transfertur periculum rei conventae .* 72
 III. *Locus pene aliquando obtinet amissionem .* ar-

arba, vel pignoris. *ibid.*
 IV. *Ad solvendam poenam conventionalem*
teneatur, qui fidem frangit, in con-
scientia, et ante omnem Judicis sen-
tentiam, si a creditore exigatur. *ib.*
 Reflexio. 73

TRACTATUS VII.

DE CONTRACTIBUS IN PARTICULARI.

DISSERTATIO II.

PARS PRIMA.

DE CONTRACTIBUS ONEROSIS REI DOMINIUM TRANSFERENTIBUS.

CAPUT I.

De Emptione, et Venditione, Emptionis,
et Venditionis notio. Quinam hos
contractus inire possint. Eorum
materia explicatur.

DOCTRINA.

- I. **E**MPTIONIS, et venditionis des-
nitio. 76
- II. *Quinam emere, et vendere possint.* 77
- III. *Quanam sit venditionis materia.* *ib.*
- IV. *Quanam generatim vendere illicitum*
sit. *ibid.*
- V. *Nonnulla peculiariter enumerantur.* 78
- VI. *Quales partes rei vendite ad substan-*
tiam venditionis pertineant. *ibid.*
- VII. *Quando defectus rei vendite sint ma-*
nifestandi. Nonnulla Regula. Re-
gula I. 79
- VIII. *Regula II.* *ibid.*
- IX. *Regula III.* *ibid.*
- X. *Regula IV.* 80
- XI. *Regula V.* *ibid.*
- XII. *Regula VI.* *ibid.*

CAPUT II.

CONSECRARIA PRÆCEDENTIS DOCTRINÆ.

- I. **D**ISCRIMEN inter vendentes mate-
riam, et opus suum, a venden-
tibus solum laborem. 81
- II. *Hæreditatem futuram vendere non li-*
cet. *ibid.*
- III. *Num fucos mulieribus vendere liceat.*
ibid.
- IV. *Num chartas lusorias, taxillos lu-*
dentibus. 81
- V. *Fraudulenti venditores quinam.* 83
- VI. *Nonnulla alia fraudes in materia ven-*
ditionis. *ibid.*
- VII. *Num semper injustus sit, qui rem*
unam pro alia vendit. *ibid.*
- VIII. *Quosnam libros indiscriminatim ven-*
dere non liceat. 84
- IX. *Ad quid teneatur rem defectuofam bo-*
na fide vendens. *ibid.*

CAPUT III.

De pretio rerum.

DOCTRINA.

- I. **N**ON licet rem majori pretio ven-
dere, quam valeat. 85
- II. *Nonnulla exceptiones.* *ibid.*
- III. *Pretium duplex, legale, et vulga-*
re. 86
- IV. *Vulgare pretium triplicem admittit*
latitudinem. 87
- V. *Pretia affectionis, necessitatis, et li-*
citationis. Nonnulla Regula. *ibid.*
- VI. *Regula prima.* *ibid.*
- VII. *Regula secunda.* 88
- VIII. *Regula tertia.* *ibid.*
- IX. *Regula quarta.* *ibid.*
- X. *Regula quinta.* 89
- XI. *De rebus, quæ nec legale, nec vul-*
gare

- gari pretium habere censetur . ibid.*
 XII. *De mercium exquisita, & singularis perfectionis oratio . 90*
 XIII. *Monopolia publica auctoritate licita sunt . ibid.*
 XIV. *Non vero privato inducitur arbitrio . 91*
 XV. *Licet sint de summo pretio licite . ibid.*

CAPUT IV.

CONSECTARIA PRÆCEDENTIS
DOCTRINÆ.

- I. *NON licet fraudibus inducere emptorem ad rem carius emendam . 93*
 II. *Num liceat mercimoniis exercentibus carius vendere . ibid.*
 III. *Pretium legale quomodo nec urgere liceat, nec minuire ? ibid.*
 IV. *Quia, si pretium legale sit manifeste iniustum ? 94*
 V. *Num liceat summo pretio vendere, vel infimo emere ob dilatatam, vel anticipatam solutionem . 95*
 VI. *Num liceat Mercatoribus pretium augere, dum credito vendunt, 96*
 VII. *Licet illis vendere pretio currente, etsi sciant brevi minuendum . ibid.*
 VIII. *Num liceat debitoribus suum debitum a creditore redimere minori pretio . 97*
 IX. *Num liceat chirographa, & credita minori pretio emere . 98*
 X. *Non licet emptori gravamen aliquod imponere supra taxati pretii solutionem . 99*
 XI. *Num sit illicitum artefacta aurra, & argentea solo spectato metalli pretio emere . 100*
 XII. *Num liceat emptoribus, & venditoribus convenire de remissione damni, vel lucri . ibid.*

CAPUT V.

De quibusdam emptionis, & venditionis adiunctis .

DOCTRINÆ.

- I. *NONNULLE contractuum circumstantiæ enumerantur . 101*
 II. *Quomodo venditioni pactum opponi possit de rei venditæ recuperatione . ib.*
 III. *Venditio cum pacto retrovenditionis in favorem solius vendentis licita est . ib.*
 IV. *Nonnulla conditiones servanda . 102*
 V. *Illicita est, si sit in favorem solius ementis . 103*
 VI. *Sicut &, si in utriusque favorem pactum retrovenditionis apponatur . ib.*
 VII. *Illicitus contractus Mobatæ . ibid.*
 VIII. *Etiam sine pacto retrovenditionis . 104*
 IX. *Retractus gentilitius procul ab omni fraude licitus est . 105*
 X. *De pacto commissario, & ad diem . 106*
 XI. *De his, qui alterius nomine emunt . Regula nonnullæ . Regula I. 107*
 XII. *Regula II. ibid.*
 XIII. *Regula III. ibid.*
 XIV. *Regula IV. 108*

CAPUT VI.

CONSECTARIA PRÆCEDENTIS
DOCTRINÆ.

- I. *QUO pretio res vendita cum pacto retrovenditionis sit redimenda . 108*
 II. *Cujus periculo sit res cum eo pacto vendita . 109*
 III. *Num domum emptum cum pacto retrovenditionis liceat venditori locari . ibid.*
 IV. *Contractus vulgo at gaudendum non est licitus . 110*
 V. *Quot modis iniustitia factæ possit retractus gentilitius . ibid.*
 VI. *Num qui pro alio emit, possit aliquid lucrari . 111*
 VII. *De hac nonnulla resoluitur . 112*

CAPUT VII.

De Emptionis, & Venditionis effectibus.

DOCTRINA.

- I. **P**ER venditorem, & emptionem rei, & pretii dominium transfertur. 113
- II. Quando rei venditio omnino absoluta, & perfecta sit, ibid.
- III. Consetur perfecta venditio, quando res tradita est, licet non persolutum pretium. ibid.
- IV. Sicut & quando persolutum est pretium, licet res non tradita. ibid.
- V. Quid dicendum, cum nec rei, nec pretii facta est traditio. 114
- VI. Ad quem pertineat periculum, & fructus rei vendite. Regula nonnulla. Regula prima. ibid.
- VII. Regula secunda. ibid.
- VIII. Regula tertia. 115
- IX. Regula quarta. 116
- X. Regula quinta. 117
- XI. Regula sexta. ibid.
- XII. Venditor de evizione tenetur. 118

CAPUT VIII.

CONSECTARIA PRÆCEDENTIS
DOCTRINÆ.

- I. **C**ONTRACTUS emptionis, & venditionis ad libitum contrahentium possunt institui. 119
- II. Num liceat venditori sibi fructus rei vendite reservare. ibid.
- III. Fructus rei vendite ad emptorem pertinent. 121
- IV. R. s. duobus vendita cui sit tradenda. 122
- V. Cui necesse mora culpabilis, si communis sit emptori, & venditori. ibid.
- VI. Rei aliena venditio dominium non transfert in emptorem. 123

CAPUT IX.

De ambio.

DOCTRINA.

- I. **Q**UID sit Cambium. 124
- II. Quotuplex. ibid.
- III. Licitæ sunt Cambia. ibid.
- IV. Quinam artem campforiam exercere possint. ibid.
- V. Tituli, qui lucrum in cambiis bonestum reddunt. 125
- VI. Quantum in cambiis minutis. ibid.
- VII. Quantum in losalibus. ibid.
- VIII. Cambium sicutum a S. Pio V. damnatum. ibid.
- IX. X. Quenam sitca cambia dicenda sint. 126
- XI. Nonnullorum Theologorum doctrina refellitur. ibid.
- XII. Doctrina Benedicti XIV. exponitur. ib.
- XIII. Nonnulla cavenda & in realibus cambiis, ne iniustitia subrepat. 127
- XIV. Cambia Francofurtensia, & Lugdunensia reprobantur. 128
- XV. Argumenta in eorum favorem solvuntur. 129
- XVI. De Transactione. ibid.

CAPUT X.

CONSECTARIA PRÆCEDENTIS
DOCTRINÆ.

- I. **C**AMPSORES moneta valorum mutare non possunt, sed lucrum ex cambio recipere. 130
- II. Principum, & Campforum ministri non possunt in proprium lucrum monetæ mutare. 131
- III. Idem nec privatis concessum in aliena moneta. ibid.

IV.

- IV. *Licet Campsori lucrum accipere ex cambio alias sibi utili, vel opportuno.* 132
- V. *Quando liceat inferiorem monetam cum lucro permutare accepta pretiofore.* 133
- VI. *Licet Campsori pignus, vel fidejussorem a Campsario petere.* 134
- VII. *Sicut & a moroso debitore, quod patitur ex mora, damni compensationem exigere.* ibid.
- VIII. *Non licet Clericis cambia activa nec per se, nec per alium exercere.* 135
- XI. *Ejus natura exponitur, & discrimin a censu reali.* ibid.
- XII. *Illicitus, & vetitus jure positivo.* ibid.
- XIII. *Est mera usura larva.* 142
- XIV. *Ejus defensores conveniunt cum Patroni usura moderata.* ibid.
- XV. *Argumenta in favorem census personalis proposita.* 143
- XVI. *Dissolvuntur.* ibid.
- XVII. *Quid de Bulla S. Pii V. acceptatione.* 145
- XVIII. *Jure natura census realis etiam irredimibilis justus est, & licitus.* ibid.
- XIX. *Quid dicendum de censu mixto.* ibid.
- XX. *Census vitalitius licitus est, & honestus.* ibid.

PARS SECUNDA.

DE CONTRACTIBUS ONEROSIS IN PARTICULARI, IN QUA DE CONTRACTIBUS USUM, ET USUMFRUCTUM TRANSFERENTIBUS.

CAPUT I.

De Censu Reali, Personali, Mixto.

DOCTRINA.

- I. **Q**UID sit census. 136
- II. *Quotuplex.* 137
- III. *Census Realis reservativus licitus est.* ibid.
- IV. *Sicut & consignativus.* ibid.
- V. *Ad hujus bonestatem nonnulla conditiones posita a Summis Pontificibus.* 138
- VI. *Alia addita a S. Pio V.* ibid.
- VII. *Hirum nonnulla ad jus naturale pertinent, alia ad positivum.* 140
- VIII. *Quenam jus naturale respiciant.* ib.
- X. *Quenam jus positivum.* ibid.
- X. *Census personalis a Pontificibus reprobatus.* 141
- I. **N**ONNULLÆ S. Pii V. declarationes. 146
- II. *Census redimibilis ex parte emptoris usuram sapit.* 147
- III. *Num cogi possit venditor ad census redimendum intra certum tempus.* ibid.
- IV. *Conditio apposta censui, ut pereunte fuodo pereat & census, est juris naturalis.* 149
- V. *Non est illicitum in censu pactum apponere de eo integre redimendo, & non per partes.* ibid.
- VI. *Quando divisus est fundus census, a quo sint repetendi fructus.* ibid.
- VII. *Pactum offuscationis sortis a quocumque periculo addi non potest contra huiusmodi census.* 150
- VIII. *Census valide, & licite vendi possint, at non semper minori pretio.* 151

CAPUT II.

CONSECTARIA PRÆCEDENTIS DOCTRINÆ.

CAPUT III.

De Emphyteusi, & Feudo.

DOCTRINA.

- I. QUID sit Emphyteusis, & quotuplex. 151
 II. Jura Emphyteuta explicantur. 152
 III. Eiusdem onera exponuntur. ibid.
 IV. Feudatarii jura, & onera recensentur. 153

CAPUT IV.

De Contractibus onerosi usum concedentibus, scilicet Locatione & Conductione.

DOCTRINA.

- I. QUID sit Locatio, & Conductio contractus reciproci. 153
 II. Onera, & officia Locatoris recensentur. 154
 III. Nonnulla alia enumerantur. ibid.
 IV. Num pandere debeat vitia occulta rei locata. ibid.
 V. Publica tributa, & vectigalia super ram locatam solvere tenetur. 155
 VI. Quando teneatur pensionem vel in totum, vel in partem remittere. ibid.
 VII. Ad quid teneantur, qui opera sua locant. ibid.
 VIII. Onera Conductoris exponuntur. 156
 IX. Quando sit pensio solvenda. ibid.

CAPUT V.

CONSECTARIA PRÆCEDENTIS
DOCTRINA.

- I. QUID sit locationis, & conductionis materia. 157
 Poissaz: Theol. Mor. Tom. V.

- II. Num liceat pauperi jus petendi electionem alteri locare. 158
 III. Quomodo locator, & conductor mutuo sibi obligentur. ibid.
 IV. Num possit conductor alteri sublocare, & quo onere. 159
 V. Quando, & quare possit conductor rem conductam deferere. ibid.
 VI. Ad quid teneantur, qui opera sua locant. 160
 VII. Num possit quis operam suam locare pluribus integro, & iusto a singulis pretio accepto. 161
 VIII. Quando conductio, & locatio finem accipiant. ibid.
 IX. Qui uberius reddit agrum a se conductum, a quo expensas ad hoc factis repetere possit. 162

PARS TERTIA.

DE CONTRACTIBUS ONEROSIS
DOMINIUM, VEL USUM, VEL
USUMFRUCTUM TRANSMITTENTIBUS, ET A SORTE
PENDENTIBUS.

CAPUT I.

De Societate, & Contractu Trino.

DOCTRINA.

- I. CONTRACTUS Societatis definitio. 164
 II. Societas multiplex. ibid.
 III. Regula pro iustitia societatis. Regula prima. ibid.
 IV. Regula secunda. ibid.
 V. Regula tertia. 165
 VI. Regula quarta. ibid.
 VII. Regula quinta. ibid.
 VIII. Contractus Trinus exponitur. 166
 IX. Damnatus ostenditur a PP. Græcis. 167 B X.

- X. *A Gregorio XIII.* ibid.
 XI. *A Sixto V.* 168
 XII. *A pluribus Episcopis Hispaniarum, Galliarum, Italia.* 169
 XIII. *A Theologis, & Juris Canonici Doctoribus.* 170
 XIV. *In iudiciis probatur argumentis ejus iniquitas.* 171
 XV. *Posto licito Trino contractu asura est chimaricum crimen.* 173
 XVI. *Argumenta in favorem contractus Trini proponuntur.* 174
 XVII. *Primum dissolvitur argumentum.* 175
 XVIII. *Secundum refellitur.* ibid.
 XIX. *Tertium refutatur.* ibid.
 XX. *Quartum.* 176
 XXI. *Quintum.* 178
 XXII. *Sextum argumentum dissolvitur.* ibid.
 XXIII. *Num licitus sit contractus cum affecuratore fortis, sed sine venditione lucri.* 179
 XXIV. *Num cum venditione lucri, sed sine affecuratore fortis.* 180
 XXV. *Completa societate quid de sorte, & lucro faciendum.* ibid.

CAPUT II.

CONSECTARIA PRÆCEDENTIS
DOCTRINÆ.

- I. **O**MNIA, quæ ad societatem generalem pertinent, toti societati communia sunt. 182
 II. *Quinam socius non sit, sed sui operis locator.* ibid.
 III. *In societate animalium illicitum est sortem salvam velle.* ibid.
 IV. *Quomodo sit divisio facienda in societate animalium.* 183
 V. *Nonnullæ conventiones licitæ, vel illi-*

- citæ in societate animalium.* ibid.
 VI. *Aliæ conventio quando licitæ, & quando illicitæ.* 184
 VII. *Ad quem spectent damna, & detrimenta in societate animalium.* ib.
 VIII. *Num quis possit pluribus societatibus operam suam obligare.* 185
 IX. *Quando socius teneatur ex proprio etiam sine culpa damna societatis reparare.* ibid.
 X. *Damna socii, & expensæ sunt a tota societate faciendæ, & faciendæ.* ibid.
 XI. *Quando finem habeat societas.* 186

CAPUT III.

De Affecuratore.

DOCTRINA, ET CONSECTARIA.

- I. **Q**UID sit affecuratio, & quomodo ab aliis contractibus discrepet. 187
 II. *Licitus est hic contractus respectu cuiusque.* ibid.
 III. *Ad ejus justitiam nonnulla sunt servanda leges, quæ enumerantur.* 188
 IV. *Quenam affecuratio prima legi adversetur.* ibid.
 V. *Quanam illicita sit, quia opposita secundæ legi.* ibid.
 VI. *Refellitur opinio Ferraris.* ibid.
 VII. *Affecuratio esse debet de rebus vere existentibus.* 189
 VIII. *Et aliquo modo designatis.* 190
 IX. *Ad quæ pericula se extendat affecuratio.* ibid.
 X. *Affecurator, qui non habet, unde pretium rei affecurata solvat, si pereat, tenetur de dolo.* ibid.

CAPUT IV.

De Ludis, præsertim Aleatoriiis & Clericorum: nec non de sponsonibus & sortibus.

DOCTRINA.

- I. **T**RIPLEX Ludi genus. 191
 II. Ejus definitio. 192
 III. Ludi causa lucri illiberales. ibid.
 IV. Ludi alii mera artis, & industria, alii sorte, & fortuna innixi. 193
 V. Quinam liberales, honesti, & liciti. ibid.
 VI. Non omnes tamen Religiosos decent. 194
 VII. Aleatorii ludi illiberales, & illiciti. 195
 VIII. Aleatorii ludi, in quibus uno jactu magna pecunia exponitur, pessimi. ibid.
 IX. Illos detestantur SS. Patres, & Concilia. 196
 X. Jure naturæ illicitos pronuntiant antiquiores Theologi, & Canonistæ. ibid.
 XI. Offendit ipsa naturalis ratio. 197
 XII. Ludi aleatorii Clericis, & Religiosis vetiti a sacris Canonibus, & Conciliis. 199
 XIII. Illorum statuta antiquata dici non possunt. 200
 XIV. Specialiter tamen vetantur Regnularibus. 201
 XV. Quid sit sponso, & quando licita. 202
 XVI. Quenam illiberalis, & illicita. ibid.
 XVII. De ludis Olla, seu Lotaria. 203
 XVIII. Argumenta in favorem ludorum dissolvuntur. 207
 XIX. Ludi etiam liberales quomodo in-

- justi esse possint, ibid.
 XX. Quando violetur justitia in ludis aleatoriis. 208
 XXI. Quando in ludis arte, & fortuna mixtis. 209
 XXII. Quando injusti lusores ad restitutionem teneantur. ibid.
 XXIII. Num qui lucreantur in ludo aleatorio, lucrum possint sibi retinere. 212
 XXIV. Quibus restituere debeant. 213
 XXV. Quid de legibus civilibus censendum. 214

CAPUT V.

CONSECTARIA PRÆCEDENTIS
DOCTRINÆ.

- I. **V**IX a letali peccato excusari possunt, qui magnam pecuniam summam etiam ludis artis, & industriae exponunt. 215
 II. Qui aleatorios ludos frequentant, non sunt absolvendi, nisi desistant. 217
 III. Regulares chartis lusoriis ludere absque culpa nequeunt. 218
 IV. Æqualitas semper in ludo servanda. 219
 V. Quenam sponsones sint de se illicite. ibid.
 VI. Qui in sponsonem certus est de victoria, juste lucrari nequit. 220
 VII. Nonnullæ sponsones vetitæ, & nulle jure positivo. 221
 VIII. Conditiones servandæ in contratu olla, vel sortitionis, ut justitia laudatur. ibid.
 Reflexio. 222

CAPUT VI.

De Choreis, Spectaculis, & Theatris.

DOCTRINA.

- I. **C**HOREÆ moraliter inspecta turpitudinem justitiam habent. 224
 B 2 II.

- II. Ut modo sunt a Christianis, a SS.
PP. tanquam perniciose reprobantur. *ibid.*
- III. Et etiam ab antiquioribus Theologis. 225
- IV. Argumentis eborearum malitia ostenditur. 226
- V. Spectacula sunt diversi generis. 227
- VI. Spectaculis profanis, & publicis interesse raro a culpa vacat. 228
- VII. Pejora sunt spectacula, quae spectatores ad vitia impellunt. *ibid.*
- VIII. Nonnulla sunt minus noxia. 229
- IX. Quanam privata spectacula illicita. *ibid.*
- X. Theatra omnia de se mala sunt, & quibus adesse non licet. 230
- XI. Hodierna Theatra emendata non sunt, ut liceat eis interesse. 231
- XII. Omnia reprobantur Patres, nulla sola distinctione. *ibid.*
- XIII. Patronorum Theatri testimonium ostenditur turpitudine. 233
- XIV. Nulla arte ab omni nequitia purgari possunt Theatra. 234
- XV. Ostenditur invidis argumentis. 235
- XVI. Clericis, & Religiosis non licet Theatri adesse. 236
- XVII. Nec Regularibus Comedias in propriis Canonibus representare. 237
- bibere. 247
- V. Histriones absolvi non possunt, nisi artem scenicam dimittant. *ibid.*
- VI. Qui Theatri interfant, a lebbi peccato non excusantur. 245
- VII. Num quis necessitate cogente possit theatricis adesse spectaculis absque culpa. 249
- VIII. Vitiosum est, si mulier, vel vir vestimentum suo sexui congruum mutet; & aliquando hec mutatio lebbiale peccatum esse potest. 250
- IX. Spectaculis, & theatris adesse diebus festis culpam auget. 251
- X. Justissime Pastores, & Parochi vetant, & prohibent Rusticis eboreas habere. 252
- Reflexio. 253

DISSERTATIO III.

DE CONTRACTIBUS
GRATUITIS,

CAPUT I.

De Promissione, & Donatione.

DOCTRINA.

- I. QUID sit promissio. 258
- II. Conditiones ad valorem promissionis requisitae. *ibid.*
- III. Conditiones requisitae, ut contractus vim obtineat. 259
- IV. Ex promissione oritur obligatio ex fidelitate. 260
- V. Num hec sit semper sub gravi. 261
- VI. Probabilior sententia exponitur, & probatur. 262
- VII. Etiam obligatio ex justitia oritur ex promissione. *ibid.*
- VIII. Conditiones ad hanc obligationem inducendam necessariae. 264
- IX.

CAPUT VII.

CONSECTARIA PRÆCEDENTIS
DOCTRINÆ.

- I. NON licet Clericis, & Religiosis spectaculis adesse. 240
- II. Nec eboreas habere, vel ipsis interesse. *ibid.*
- III. Peccant lebbaliter Regulares, qui larvas, seu personam assumunt, ut spectaculis liberis adsint. 241
- IV. Quando illicitum non sit adolescentibus in Collegiis representationes ex-

- IX. Quando promissio valida destinat obligare . 265
 X. Donationis definitio . 266
 XI. Ejusdem species . 267
 XII. Distinctio donationis inter vivos, & causa mortis explicatur . ibid.
 XIII. Distinctio donationis inter vivos, & causa mortis explicatur . ibid.
 XIII. Quinam a facultate donandi repellantur . 268
 XIV. Donationes inter conjuges prohibentur . 269
 XV. Donationes inter patrem, & filium semper sunt revocabiles . 270
 XVI. Quando donatio possit revocari. ib.
- II. Commodatarii munia, & onera. 279
 III. Quanam sit culpa lata, levis, & levissima exponitur . 280
 IV. Commodantis munia, & onera . 281
 V. Quod sit precarium commodato simile. ibid.
 VI. Quod sit precaria Ecclesiastica . 282
 VII. Depositii definitio, & natura exponitur . ibid.
 VIII. Depositarii munia, & onera . 283

CAPUT IV.

CONSECTARIA PRÆCEDENTIS
DOCTRINÆ.

- I. **COMM**ODATARIUS quando res commodatas propriis preferre debeat. 284
 II. Quando commodans ante tempus commodatum possit repetere . 285
 III. Quando commodatarius re commodata ubi possit ultra concessionem . 286
 IV. Quando teneatur ad restitutionem ex casu fortuito . 287
 V. Num depositarius teneatur aliquando ex culpa levi, vel levissima . ibid.
 VI. Num possit aliquando uti re deposita. 288
 VII. Quando non peccet, licet depositum non restituat . 289
 VIII. Ecclesia, & Monasterium non tenetur de deposito prestito apud Clericum vel Rectorem Ecclesie . 290

CAPUT V.

De Fidejussione, Pignore, & Hypotheca.

DOCTRINÆ.

- I. **P**ROMISSIO, si juramento de ea non revocanda fulciatur, revocari non potest ante acceptionem . 272
 II. Promissio prodiga non obligat, licet juramento firmata . 273
 III. Promissio acceptata, quando acceptata censetur silentio, vel consensu alterius persone a promissario distincta . 274
 IV. Utrum promissio liberalis onere gravari possit . 275
 V. Quando donatio facta ob aliquem suum vel causam, his etiam deficientibus, valet . 276
 VI. Quando cadat donatio adveniente prole legitima . 277
 VII. De donationibus interdictis . ibid.
- I. **F**IDEJUSSORIS definitio explicatur. 290
 II. Conditiones ad fidejussorem constituendam . ibid.
 III. Alia conditiones . 291
 IV. Quotuplex est Fidejussio . 292
 V.

CAPUT III.

De Commodato, Precario, & Deposito.

DOCTRINÆ.

- I. **C**OMMODATI definitio traditur, & explicatur . 278

- V. *Quinam fidejebere possint* . 293
 VI. *Fidejussoris obligationes recensentur* . 294
 VII. *Quando desinat fidejussio, & incipiat actio in debitorem* . ibid.
 VIII. *Quid sit pignus, & hypotheca, & eorum discrimen* . 295
 IX. *Prima hypothecæ, & pignoris divisio* . 296
 X. *Aliæ divisiones* . ibid.
 XI. *Quanam pignori, & hypotheca subijci possint* . 297
 XII. *Obligationes pignoris, & hypothecæ pro tempore præcedente tempore solutionis* . 298
 XIII. *Obligationes pro termino solutionis* . 299
 XIV. *Post elapsum terminum solutionis* . 300
 XV. *Quando, si pignus, & hypotheca ad tertium possessorem deveniat, possit hic a creditore conveniri* . 301

CAPUT VI.

CONSECTARIA PRÆCEDENTIS
DOCTRINÆ.

- I. *QUANDO mulieres valida fidejube-
re possint* . 301
 II. *Fidejussor num possit petere indemni-
tatem a detrimento, quod subiit ob
solutionem fidejussionis* . 302
 III. *Probabilius fidejussio est gratuitum of-
ficium* . ibid.
 IV. *Quando cadit obligatio principalis
debitoris, cadit simul & fidejussoris* . 305
 V. *Peccat, qui fidejubeat, sciens se non
esse solvendo* . ibid.
 VI. *Licitum est pretio redimere liberatio-
nem a fidejussione* . 306
 VII. *Aliquando soluta obligatione debitor
remaneat obligatio fidejussoris* . ib.
 VIII. *Quanam in pignus saltem ex cari-*

tate recipi non possint . 307

CAPUT VII.

*De Mandato, Cura, Tutela,
Compromisso, Transactione,
& Dote.*

DOCTRINÆ.

- I. *QUID sit mandatatum* . 308
 II. *Quanam possit mandatarii mu-
nus subire* . ibid.
 III. *Obligationes, & munia mandantis,
& mandatarii* . 309
 IV. *Quando mandati munus finiatur* . ibid.
 V. *Quid sit tutela, & cura* . 310
 VI. *Quotuplex sit* . ibid.
 VII. *Qui possint tutelam gerere* . ibid.
 VIII. *Obligationes tutorum & curatorum* . 311
 IX. *Quid sit negotium gestum* . ibid.
 X. *Quid compromissum. Distinctio arbi-
tri, & arbitratoris* . 312
 XI. *Quinam in arbitros eligi possint, eor-
umque munia* . ibid.
 XII. *Quid sit transactio* . 313
 XIII. *Quinam transigere possint* . ibid.
 XIV. *Quid sit dos* . 314
 XV. *Bona dotalia duplicis generis* . ibid.
 XVI. *Quinam debeant, vel possint dota-
re* . 315
 XVII. *Quid de dote faciendum soluto ma-
trimonio* . ibid.

CAPUT VIII.

CONSECTARIA PRÆCEDENTIS
DOCTRINÆ.

- I. *MANDATARIUS formam mandati
preterire non debet* . 316
 II. *Quod mandatario penditur, non est ad
justitia leges commensurandum* . 317
 III. *Quando furiosus, & amentibus dandi
sunt tutores, vel curatores* . ibid.
 IV.

IV. *Non semper filie nubentes inuitis, vel inſciis parentibus dote privari debent.*

ibid.

CAPUT IX.

De Mutuo, & Uſura.

DOCTRINA.

- I. **M**UTUUM inter gratuitos contra-
tus reſcendendum. 319
- II. *Quid ſit mutuum.* ibid.
- III. *Debet eſſe gratuitum.* 320
- IV. *Quid ſit uſura.* 321
- V. *Uſuram prohibet Scriptura.* ibid.
- VI. *Damnarunt patres omnes.* 322
- VII. *Et concilia.* 323
- VIII. *Et quidem non ſolum mordentes ſed & minimas.* 324
- IX. *Et a quocumque petitas.* ibid.
- X. *Uſura multiplex diſiſto.* 325
- XI. *Qui mutuum dare poſſunt.* 326
- XII. *Mutuantis, & Mutuatarii officia.* ibid.

CAPUT X.

CONSECTARIA PRÆCEDENTIS
DOCTRINÆ.

- I. **F**ALSA uſura notio exploditur. 327
- II. *Faſa quoque diſtinctio reſuta-
tur.* ibid.
- III. *In mutuo habetur translatio dominii.* 328
- IV. *Pecunia non eſt materia locationis, &
conductionis.* 331
- V. *Pecunia de ſe ſterilis eſt.* 332
- VI. *Lucrum ex uſura perceptum eſt reſti-
tuendum.* 334
- VII. *Uſura paruitatem materiæ admit-
tit.* ibid.
- VIII. *Reus eſt uſura, qui in mutuo ali-
quid expoſcit, etiam titulo gratitu-
dinis.* ibid.

IX. *Quinam ſint naturalis uſuræ rei.* 335

X. *Quid reſtituendum in mutuo.* 336

XI. *Quid, ſi mouetur pretium interim
augeatur.* 337

XII. *Qui mutuum petit & accipit ſub
uſuris, non ſemper eſt a peccato im-
munis.* 338

CAPUT XI.

*De duobus titulis damni emergentis, &
lucri intercepti cauſa mutui.*

DOCTRINA.

- I. **I**N mutuo contingere poteſt & lucrum
interceptum, & damnum emergens.
339
- II. *Regula generalis traditur.* ibid.
- III. *In quo conſiſtat emergens damnum.* 340
- IV. *Titulo damni emergentis ex mutuo
licet compensationem exigere.* ibid.
- V. *Conditiones veri damni emergentis.* ibid.
- VI. *In quo ſitum ſit lucrum interceptum.* 341
- VII. *Honeſtatem, & æquitatem compen-
ſationis intercepti lucri in ſure ad-
miſit S. Thom.* 342
- VIII. *Cur reſecerit in mutuo.* 343
- IX. *Quomodo ſe gerere debeat mutuant,
ut poſſit intercepti lucri compenſatio-
nem juſte exigere.* ibid.
- X. *Primum argumentum contra honeſta-
tem tituli lucri intercepti ſoluitur.* 344
- XI. *Secundum proponitur, & enodatur.* 345
- XII. *Conditiones veri lucri intercepti.* 346

CA-

CAPUT XII.

CONSECTARIA PRÆCEDENTIS
DOCTRINÆ.

- I. **N**IHIL licet exigere a paupere in dato illi mutuo. 347
- II. De compensatione damni emergentis incerti. ibid.
- III. Onus faciendi emergens damnum est mutuatario manifestandum. 348
- IV. Quando liceat cessantis lucri compensationem exigere. 349
- V. In ea exigenda facile usura subrepere potest. 351
- VI. Quando abstinendum ab exigenda compensatione lucri cessantis. ibid.
- VII. Si lucrum reipsa non cesset, nihil pro illo est mutuantis tribuendum. 352
- VIII. Quando reipsa non cessare consensum sit. ibid.
- IX. Non licet intercepti lucri compensationem in ipsa mutuacione exigere. ibid.

CAPUT XIII.

Alii tituli auctarii accipiendi in mutuo ultra sortem expendantur.

DOCTRINÆ.

- I. **N**ON in omni mutuo adest titulus lucrandi. 353
- II. Duplex periculum sortis in mutuo, & juris, & facti. 354
- III. In mutuo etiam ex periculo juris aliquid recipiendo usuram committi declaravit Gregorius IX. ibid.
- IV. Cur usuram in eo mutuo agnovit Summus Pontifex. 355
- V. Quomodo ab usure labe immune esse possit lucrum ex juris periculo. ibid.
- VI. Quomodo dignoscendum, utrum licitum sit, aut saneratum. 356

VII. Ob periculum facti nihil licet in mutuo recipere ultra sortem. 357

VIII. Argumenta proferuntur. 358

IX. Respondetur Adversariorum objectionibus. 359

X. Alia proponuntur objecta. 361

XI. Que diluuntur. ibid.

XII. Statutum Principis non esse potest iustus titulus auctarium accipiendi ex mutuo. 362

CAPUT XIV.

CONSECTARIA PRÆCEDENTIS
DOCTRINÆ.

- I. **N**ON licet cum Turcis, & Saracenis usuras exercere. 364
- II. Num difficultas recuperandi sortem, & expense faciende in recuperatione iustum sint titulum auctarii in mutuo exigendi. 365
- III. Num utilitas, & commodum mutuatarii, sicut & argor, ac sollicitudo mutuantis similem titulum constituent. 366
- IV. Num pœna conventionalis sit iustus titulus. 369
- V. Num sit onus mutuum dandi, vel non repetendi sortem nisi post mutuum temporis. 370
- VI. Num aliquid liceat accipere in mutuo ob labores, & operas in mutuo prestando adhibendas. 371
- VII. Non licet ex pecuniis pupillorum, & viduarum usuras exercere. ibid.
- VIII. Num qui bona fide usurarium contractum celebraverunt, putantes, & volentes licitum contractum inire, ab usura exarsari possint. 372
- IX. De Montibus Pietatis. 373

CAPUT XV.

*De Pactis licitis, vel illicitis, quae
mutuo addi permittuntur,
vel prohibentur.*

DOCTRINA, ET CONSECTARIA.

- I. **D**OCTRINA S. Thomae exponitur. 376
- II. Alia ejusdem S. D. regula. ibid.
- III. Non licet mutuatario onus imponere dandi mutuum. ibid.
- IV. Nec alicujus operis ab eo praestandi in favorem mutuantis. 377
- V. Potenti mutuum num licitum sit merces dare loco pecuniae. ibid.
- VI. Quid sit licitum a mutuatario exigere. ibid.

CAPUT XVI.

*De obligatione, & penis feneratorum,
& de cooperatione ad fenus.*

DOCTRINA, ET CONSECTARIA.

- I. **F**ENERATORES pecunia fenebris dominium non adipiscuntur. 378
 - II. Lucrum ex pecunia fenebris non est restituendum. ibid.
 - III. Quid restituere debeat fenerator. 379
 - IV. Poena in feneratores constituta. ibid.
 - V. Peccant & qui feneratoribus cooperantur. 380
 - VI. Quomodo cum usurariis se gerere debeant Confessarii. 381
- Reflexio. 382

CAPUT XVII.

De Testamentis, & ultimis voluntatibus.

DOCTRINA.

- I. **N**O TIO Testamenti exponitur. 384
 - II. Quotuplex sit Testamentum. 385
- Patuazzi Theol. Mor. Tom. V.

III. Quid sit Testamentum clausum, & apertum. ibid.

IV. Quenam sint, quae valori Testamenti non officiant. 386

V. Testamenta privilegiata dicuntur, quae ad pias causas sunt facta. 387

VI. Nec non quae a privilegiatis personis sunt. 388

VII. Testamenta per fraudem, & dolum extorta nulla sunt. 389

VIII. De Testamentis imperfectis nonnullae Regulae. 389

IX. Regula I. 390

X. Regula II. ibid.

XI. Regula III. 391

XII. Regula IV. 392

XIII. Regula V. ibid.

XIV. Regula VI. 394

XV. Regula VII. 395

CAPUT XVIII.

CONSECTARIA PRÆCEDENTIS
DOCTRINAE.

- I. **Q**UINAM testamentum condere teneantur. 395
- II. Testes in testamento quas habere debeant conditiones. 396
- III. Qui hereditatem adiit ex testamento minus solemniter, & legata implere debet. 397
- IV. Falsa nonnullorum Theologorum doctrina rejicitur. ibid.
- V. Haeredes testatoris voluntatem quantocius implere tenentur. 398

CAPUT XIX.

*De his qui testamenta condere possunt,
& de heredibus instituendis.*

DOCTRINA.

- I. **Q**UINAM possint testamentum condere. 399
- II.

TRACTATUS VIII.

DE RESTITUTIONE.

DISSERTATIO I.

DE RESTITUTIONIS NATURA,
NECESSITATE, MODO,
ET CAUSIS.

CAPUT I.

*Quid sit restitutio, quomodo necessaria,
& quibus ex causis generatim
oriatur.*

DOCTRINA.

- I. **Q**UID sit restitutio proprie dicta. 428
- II. Quanam impropria. ibid.
- III. Quid satisfactio. 429
- IV. Restitutio est ad salutem necessaria. ibid.
- V. Restitutionis præceptum affirmativum finis, & negativum. 430
- VI. Locum non habet nisi in violatione iustitiæ commutativæ. ibid.
- VII. Nulla interveniente culpa theologica num dari possit onus restitutionis. 431
- VIII. Num ex sola culpa veniali. ibid.
- IX. X. Nonnullorum Theologorum sententia exponuntur. 432. 433
- XI. Illorum argumenta refelluntur. ibid.
- XII. In contractibus etiam sine culpa theologica, locum habet onus restitutionis. 435
- XIII. Ex quibus causis oriatur debitum restitutionis. ibid.

CAPUT II.

CONSECTARIA PRÆCEDENTIS
DOCTRINÆ.

- I. **Q**UOMODO necessaria sit restitutio necessitate & præcepti, & meritis. 436
- II. Peccant, qui mercedes, & res alienum non solvunt. 437
- III. Num est differenda restitutio. ibid.
- IV. Ex fortuito casu onus non oritur restitutionis. 438
- V. Sicut nec ex ignorantia invincibili, & inculpabili. 439
- VI. Culpa etiam levissima, animo nocendi perpetrata, onus inducit restitutionis. ibid.

CAPUT III.

*De restitutione facienda titulo
rei acceptæ.*

DOCTRINA.

- I. **Q**UINAM possessor bonæ, & malæ fidei. 441
- II. Possessor bonæ fidei quando ad restitutionem teneatur. ibid.
- III. Hic durante bonæ fidei de re tamquam sua disponere potest. ibid.
- IV. Præscriptionis beneficio legitimus fit rei dominus. 442
- V. Quando restituere, vel retinere possit fructus rei alienæ. 443

CAPUT IV.

CONSECTARIA PRÆCEDENTIS
DOCTRINÆ.

- I. **Q**UANDO rem alienam restituere debeat possessor bonæ fidei. 443
- C 2 II.

II. Quando solum id, in quo factus est
ditior . 444

III. Quid in rebus usu consumptibilibus,
licet fur, possit restituere? ibid.

IV. Non semper repetere potest integram
compensationem expensarum . 446

V. Nec omnes utilitates ex re aliena per-
ceptas sibi retinere . 447

VI. Num possit rem furi restituere, ut
pretium recuperet . 449

VII. Num, si rem alteri vendiderit, pre-
tium acceptum debeat domino redde-
re . 452

CAPUT V.

De Restitutione facienda a possessore mala
fidei, tum ratione rei acceptæ,
tum iniusta acceptionis.

DOCTRINA.

I. **QUINAM** dicantur mala fidei pos-
sessores . 453

II. Quid debeant restituere. I. Rem alienam,
vel pretium ejus, ibid.

III. Res aliena in manu iniusti possessoris
ipsius bono non augetur, sed ipsius
detrimento minuitur . 454

IV. Qui tenetur restituere in meliori sta-
tu . 455

V. Quale pretium rei aliena reddere de-
beat . 456

VI. Quos fructus, & emolumenta redde-
re, & compensare . ibid.

VII. Quas expensas perdere, & quas ex-
petere iuste possit . 457

CAPUT VI.

CONSECTARIA PRÆCEDENTIS
DOCTRINÆ.

I. **REM** alienam restituere debet posses-
sor male fidei, licet, penes ipsum

pereat, eodem periculo, & tempo-
re peritura penes dominum . 458

II. Quando majus pretium ex re aliena
vendita restituendum . 460

III. Possessor mala fidei nihil ultra id,
quod reuera accepit, restituere de-
bet ante iudicis sententiam . 462

IV. Quando heredes possessorum mala fidei
ad restitutionem obligentur . ibid.

CAPUT VII.

De restitutione facienda ex contractu .

DOCTRINA.

I. **CONTRACTUS** sunt in triplici diffe-
rentia . 463

II. Regula I. pro contractibus in solius
dantis utilitatem celebratis . ibid.

III. Regula II. pro contractibus in solius
accipientis utilitatem . 464

IV. Regula III. pro contractibus cedenti-
bus in utriusque utilitatem . ibid.

V. Regula IV. pro quasi contractibus, of-
ficiis, & ministeriis . 465

VI. Contractus de re illicita nulli sunt .
466

VII. Quando ad restitutionem obligent .
Reg. I. ibid.

VIII. Reg. II. ibid.

IX. Quibus facienda restitutio . 467

X. Reg. III. 468

CAPUT VIII.

CONSECTARIA PRÆCEDEN
DOCTRINÆ.

I. **QUANDO** in contractibus ad restitu-
tionem quis teneatur etiam ex le-
gisli causa culpa, & ex casu fortuito . 469

II. Quando sit adhibenda summa, & ex
qui-

quistissima diligentia . 470

III. Uxor , & virgo pretium ob usum sui corporis concessum sibi retinere non potest , nec danti restituere debet . ibid.

IV. Data impudice mulieri quando accipi , & retineri ab ipsa possint . 471

V. Mulier honesta liberaliter sibi donata ob turpem finem restituere debet . ibid.

VI. Data ob actionem , & opus ex iustitia debitum sunt restituenda . 472

VII. Data ob opera debita ex motivo alterius virtutis a iustitia destinate oneri non subsunt restitutionis . 473

VIII. Data ob actionem bonam , utilem solum facienti , liberaliter data censentur . 474

CAPUT IX.

De Restitutione facienda vel ob illatum damnum , vel ob impeditam boni alicujus affectionem .

DOCTRINA.

I. **D**UPLICITER quis alteri damnum inferre potest . 475

II. Regulae nonnullae pro restitutione facienda causa illati damni. Regula I. 476

III. Regula II. ibid.

IV. Regula III. ibid.

V. Regula IV. 477

VI. Regula V. ibid.

VII. Regula pro restitutione facienda ab impediente bonum alterius . ibid.

VIII. Regula I. ibid.

IX. Regula II. 478

X. Regula III. ibid.

XI. Regula IV. 480

XII. Regula V. 481

CAPUT X.

CONSECTARIA PRÆCEDENTIS DOCTRINÆ.

I. **A**CTIONES nonnullae a legibus veteri , quae licet honeste damnum alteri inferunt . 482

II. Quando quis damnum reparare debeat illatum , a bestia . 483

III. Quando ob ruinofam domum super vicinam aedem lapsam cum ejus detrimento . ibid.

IV. Cui restituere debeat , qui beneficium confert indigno , vel digno , sed praetermissio digniori . 484

V. Quando distribuens bona communia , vel sibi ligata ad restitutionem teneatur . 485

VI. Quando quis repellens alium a beneficio teneatur ad restitutionem . 486

VII. Num ad restitutionem teneatur , qui precibus , aut consiliis alium ab emolumento sperati consecratione repellit . ibid.

CAPUT XI.

De restitutione facienda a cooperantibus ad damnum alterius . Nonnulli cooperationis modi expenduntur .

DOCTRINA.

I. **Q**UI alterius damno cooperantur , sunt restitutioni obnoxii . 482

II. Modi reconfentur directe cooperandi alterius damno . 483

III. Modi indirecti exponuntur . ibid.

IV. Generalis doctrina de cooperantibus damno alterius . ibid.

V. Qui movent ad damnum inferendum , restituere debent , licet scientes ab alio idem damnum procurandum . ibid.

VI.



- VI. *Nec non aliquando, qui movent ad modos damni inferendi.* 486
 VII. *Quanam sint vera causa alterius damno cooperantes.* 488
 VIII. *Ad quid teneatur, qui dubitat, num alicui damno sit cooperatus.* ibid.
 IX. *Restitutioni est obnoxius jubens, sive mandans.* 489
 X. *Et quidem primo, ac principaliter.* 490
 XI. *Quando liberetur a restitutione.* ibid.
 XII. *Sicut & qui consensum præbet.* 491
 XIII. *Nec non recipientes fures.* 492
 XIV. *Quinam excusentur.* 493
 XV. *De in furto participantibus.* ibid.
 XVI. *Nonnullæ Theologorum opiniones refelluntur.* 494
 XVII. *Non obnoxii sunt restitutioni obnoxii.* 495

CAPUT XII.

CONSECTARIA PRÆCEDENTIS
DOCTRINÆ.

- I. **Q**UI alium ad damnum inferendum rogant, restituere tenentur. 496
 II. *Qui mandat damnum inferendum, licet limites præscribat, ab integra damni reparatione non semper liberatur.* ibid.
 III. *Restitutioni non subest, qui ratum habet damnum suo nomine illatum.* 497
 IV. *Quando qui suffragium ferre recusant, sint restitutioni obnoxii.* ibid.
 V. *Quinam inter surum receptores sint numerandi.* 498
 VI. *Milites singuli ad totam damni reparationem tenentur.* ibid.
 VII. *Non vero qui simul non conspirant.* 499
 VIII. *Quando, & quomodo custodes viarum &c. ad restitutionem obligentur.* ibid.
 IX. *Quando vestigalium exactores, &*

- viudices.* 500
 X. *Satellites, & vestigalium custodes quid restituere debeant.* 501

CAPUT XIII.

De ceteris modis cooperandi ad damnum proximi, nimirum consulendo, adulando, tacendo, & non manifestando.

DOCTRINÆ.

- I. **M**ALE consulentes quinam, & quid restituere debeant. 501
 II. *Num revocato consilio a restitutione liberentur.* 502
 III. *Palpo quando restitutioni subjaceat.* 503
 IV. *Mutus quinam, & quando restitutioni obnoxii.* ibid.
 V. *Non manifestanti quomodo a mutuo distinguatur.* 504
 VI. *Quando famuli non manifestantes sint restitutioni obnoxii.* ibid.

CAPUT XIV.

CONSECTARIA PRÆCEDENTIS
DOCTRINÆ.

- I. **N**UM ad restitutionem teneatur, qui minus damnum consulit parato ad majus inferendum? 505
 II. *Quando Confessarii non moventes teneantur ad restitutionem.* 506
 III. *Refellitur laxa doctrina P. Pauli Segneri.* 507
 IV. *Num qui veritatem in judicio tacet, vel declinat testimonium ferre, ad restitutionem teneatur.* 510
 V. *Qui ex justitia clamare non tenetur, peccat contra caritatem, non tamen sit restitutioni obnoxius.* ibid.
 VI.

- VI. Impediens clamare volentem ex caritate ad impediendum alterius damnum aliquando onus subit restitutionis . 511
- VII. Ordo servandus in restitutione ab iis , qui ad damnum inferendum aliquo modo concurrunt . ibid.
- VIII. Quando plures in solidum ad restitutionem tenentur , ut ab ea liberentur , certi esse debent de restitutione ab aliis facta . 512
- II. Modi nonnulli restituendi res incertis dominis reddendas . ibi 3^a
- I. I. Res est domino restituenda , non ejus creditori . 519
- IV. Num qui bonis cedunt ab integra restitutione excusentur . 520
- V. Depositum aliquando ex iustitia , aliquando ex caritate tenetur Depositarius negare . 521
- VI. Quando ad iterandam restitutionem senel factam , quis teneatur . 523
- VII. Quot modis quis peccare possit restitutionem differendo . 524
- VIII. Differantibus restitutionem deneganda absolutio . 525
- IX. Ad restitutionem non differendam tenetur aliquando injustus possessor ex proprio statu decidere . 526

CAPUT XV.

De adjunctis , & circumstantiis Restitutionis . Nonnulla exponuntur , & explicantur .

DOCTRINA.

- I. CIRCUMSTANTIE Restitutionis enumerantur . 514
- II. Prima , nimirum quis restituere debeat , explicatur . ibid.
- III. Secunda , res scilicet restituenda declaratur . ibid.
- IV. Si rei dominus sit ignotus , cui sit facienda restitutio . 515
- V. Aliquorum Theologorum doctrina refellitur . 516
- VI. Probabilior doctrina exponitur . ibid.
- VII. Tempus restitutionis quando urgeat , expliatur . 517
- VIII. Quando per injusam rei alienationem peccata multiplicentur . ibid.

CAPUT XVI.

CONSECTARIA PRÆCEDENTIS
DOCTRINÆ.

- I. RESTITUTIO ad aequalitatem , quantum fieri potest , facienda . 518

CAPUT XVII.

De aliis restitutionis circumstantiis , nimirum ordine , loco , & modo .

DOCTRINA.

- I. QUANDO omnibus satisfactis creditoribus , parum interest ordinem servare . 527
- II. Variæ debitorum classes , pro quibus varia regula . ibid.
- III. Regula I. ibid.
- IV. Regula II. 528
- V. Regula III. ibid.
- VI. Regula IV. ibid.
- VII. Regula V. 531
- VIII. Ordo servandus inter creditores hypothecarios . 532
- IX. Inter creditores non privilegiatos , & simplices . ibid.
- X. Inter istos nonnulli ex privilegio ceteris preferendi . 533
- XI. De loco , ubi facienda est restitutio a possessore bonæ fidei . 534
- XII.

XII. Ubi vero a possessore mala fidei. 535

XIII. Quibus, & quantis impensis sit restitutio facienda. ibid.

XIV. De modo restitutionis. 536

CAPUT XVIII.

CONSECTARIA PRÆCEDENTIS
DOCTRINÆ.

- I. DOCTRINA omnino improbabilis a Salmanticensibus prolata refellitur. 537
- II. Num res credito vendita sit reddenda venditori. 538
- III. Qui bonis cedunt, non semper ab onere integre restitutionis liberantur. 539
- IV. Quid recipere possint privilegiati creditores. ibid.
- V. Non licet debitori alium creditorem alteri preferre, quando non omnibus est solvendo. 540
- VI. Debita ex contractu ubi, & quomodo solvi debeant. 541

CAPUT XIX.

De causis excusantibus a mora restitutionis,
& ab ipsa restitutione.

DOCTRINÆ.

- I. A PROMPTA restitutione excusat impotentia physica. 542
- II. Immo & moralis, qua ex pluribus capitibus oriri potest. ibid.
- III. Num, ut quis restituat, teneatur a suo statu cadere. 543
- IV. Quando timor infamiae a prompta restitutione excusat. 544
- V. Quando ratione scandali differri possit restitutio. ibid.
- VI. Quoniam causa a totali liberant restitutione. ibid.
- VII. Condonatio a restitutione liberat, si legitima sit. 545

CAPUT XX.

CONSECTARIA PRÆCEDENTI
DOCTRINÆ.

- I. DEBITOR ab onere restitutionis aliquando liberatur prescriptione. 547
 - II. Nemo tenetur vitæ discrimen subire, vel se in servum vendere, ut restituat. ibid.
 - III. Num ore alieno gravatus possit religiosum statum amplecti? ibid.
 - IV. Num ob speratum lucrum liceat restitutionem differre. 550
 - V. Quando condonatio debiti, uni facta, aliis debitoribus proffit. 551
 - VI. Num ad debiti extinctionem sufficiat condonatio tacita. ibid.
 - VII. Num debita extinguantur per donationem liberaliter factam. ibid.
 - VIII. Num per compositionem a Summo Pontifice concessam. 552
- Reflexio. 553

DISSERTATIO II.

DE RESTITUTIONE
IN PARTICULARI.

CAPUT I.

De restitutione ob damnum alteri illatum
in bonis spiritualibus, & stupri
causa.

DOCTRINÆ.

- I. NUM damna in bonis superioris ordinis sint compensanda per bona ordinis inferioris. 555
 - II. Argumenta opposita doctrina solvuntur. 556
- III.

- III. *Dammum in bonis supernaturalibus quomodo sarcendum.* ibid.
 IV. *Quomodo in bonis spiritualibus ordinis naturalis damna reparanda.* 557
 V. *Ad quid teneatur, qui proximam a Religioso statu amplectendo impedivit.* 558
 VI. *Qui Virginem leviter consentientem, vel ultro se tradentem ad stuprum, violat, quid teneatur ipsi restituere.* 560
 VII. *Quid Parentibus, vel tutoribus.* ibid.
 VIII. *Quid qui Virginem repetitis precibus, blanditiis, & munusculis seduxit.* 561
 IX. *X. Quid si vi, dolo, fraude constupraverit.* 562
 XI. *A quo alendus filius ex stupronatus.* 563

CAPUT II.

CONSECTARIA PRÆCEDENTIS

DOCTRINÆ.

- I. **Q**UID restituere debent artium Magistri. 563
 II. *Non tenetur Religionem ingredi, qui altum ab ingressu dimovit.* ibid.
 III. & IV. *Quando supurator teneatur seductam virginem sibi ducere in uxorem.* 564 & seq.
 V. *Quando obsequendum sententiæ judicis ad matrimonium, vel dotationem supratorem damnantis.* 566
 VI. *Quando supurator liber sit ab onere matrimonii promissi.* ibid.
 VII. *Quando teneatur, licet nullum intercesserit stuprum.* 568
 VIII. *Quod de virgine dictum est, etiam honeste mulieri aptandum.* ibid.

CAPUT III.

De restitutione adulterii causa.

DOCTRINA, ET CONSECTARIA.

- I. **A**DULTERIUM non solum castitati, sed & justitia adversatur. 569
 II. *Quando non offerat onus restitutionis.* ibid.
 III. *Quid prestare debeant adultera, & mœbus circa natam prolem.* ibid.
 IV. *Quid restituere marito.* 570
 V. *Quid filiis, & heredibus.* 571
 VI. *Quid restituendum, si damnum sit, num proles sit adulteri.* ibid.
 VII. *Si ex duobus mœbus nascatur proles, ad quid teneatur.* 572
 VIII. *Si alter deceptus ab adultera prolem suscipiat alendam, ad quid alter teneatur.* 573
 IX. *Quænam damna ab adultera sint compensanda.* 574
 X. *Si dubitetur, num ex adulterio natus sit filius, quid debeat prestare.* ibid.
 XI. *Num teneatur crimen suum manifestare.* ibid.
 XII. *Quid, si mulier non esset integra fama, & vilioris conditionis.* 575
 XIII. *Quid, si splendida, & nobilissima dignitatis.* ibid.
 XIV. *Num saltem spurio teneatur manifestare.* 576
 XV. *Quomodo adultera possit illata damna sarcire.* ibid.
 XVI. *Modus quidam sarcienti damna non adhibendus.* 577
 XVII. *Num filius spurius teneatur credere matri, illius illegitimitatem testanti.* ibid.

CAPUT IV.

*De restitutione ob mutilationem ,
& homicidium .*

DOCTRINA.

- I. Quid mutilationis nomine designetur . 579
- II. Pr. injuria personali facienda est restitutio . ibid.
- III. Quenam sint realia detrimenta ob mutilationem sarcienda . ibid.
- IV. Homicida quoque pro personali injuria restituere debet . 580
- V. Quomodo sit personalis injuria reparanda . ibid.
- VI. Quomodo damna realia compensanda offenso . 581
- VII. Quomodo detrimenta illata familie . ibid.
- VIII. Num & illis satisfacere , qui non ex justitia beneficium aliquod percipiebant . ibid.
- IX. Num & creditoribus occisi satisfacere . 582

CAPUT V.

*CONSECTARIA PRÆCEDENTIS
DOCTRINÆ .*

- I. QUI alterum debonestat , & injuriam , & damna sarcire debet . 583
- II. Aliquando damna , etiam non necessariis hereditibus provenientia , sunt sarcienda ab injusto occisore . 584
- III. Nam ad restitutionem teneatur , qui injustum invasorem occidit . ibid.
- IV. Quando , & quomodo condonatio occisi ab onere restitutionis occisorem liberet . 585
- V. In homicidio casuali non semper occisor liber est a reparatione damnorum . 586
- VI. Quando innocens ob homicidium vexatur , num reus teneatur ejus damna sarcire . 587
- VII. Num homicida poena capitis multato , ejus heredes ad restitutionem teneantur . 588
- Reflexio . 589

TRACTATUS NONUS

DE PRÆCEPTIS ECCLESIAE.

DISSERTATIO I.

DE PRIMO ECCLESIAE PRÆCEPTO

*Sacrum Missæ Officium in diebus Festis
reverenter audito .*

CAPUT I.

*De subiecto præcepti audiendi Missam ,
scilicet quinam hoc præcepto
obstringantur .*

DOCTRINA.

- I. PRÆCEPTUM audiendi Missam antiquissimum in Catholica Ecclesia . 593

- II. Obstringuntur omnes fideles ubi ad annos discretionis perveniunt . 594
- III. Et quidam integram audire teneantur ibid.
- IV. Peccant qui notabilem partem omitunt . 596
- V. Notabiles partes Missæ quanam sint . ibid.
- VI. Quanam sit pars levis , cujus omissioni non nisi veniale sit . 597

CAPUT II.

CONSECTARIA PRÆCEDENTIS
DOCTRINÆ.

- I. **A**LIQVO sensu destituti Missæ adesse
tenentur . 597
- II. Missam quocumque legitimo modo ce-
lebratam audire sufficit . 598
- III. Qui integræ Missæ adesse non potest,
partem quam potest audire debet .
ibid.
- IV. Ex præcepto Ecclesiæ nonnisi ad unius
Missæ auditionem fidele, obstringun-
tur . 599

CAPUT III.

De modo audiendi Missam .

DOCTRINÆ.

- I. **P**RÆSENTIA exterior Missæ qualis
esse debeat . 600
- II. Non sufficit physica & corporalis, sed
requiritur pia & religiosa . ibid.
- III. Intentio quomodo requiratur . 601
- IV. Attentio mentis & cordis necessaria .
ibid.

CAPUT IV.

CONSECTARIA PRÆCEDENTIS
DOCTRINÆ.

- I. **Q**UI pravo fine Missæ intersunt, præ-
ceptum non implent . 602
- II. Qui Missam audit ignorans esse diem
festum num præcepto satisfaciat . 603
- III. Quando quis præsens Missæ reputetur
licet recedat . 604
- IV. Quenam pia actiones haberi possint
tempore Missæ . ibid.
- V. Num cæcantes, & pulsantes instru-

menta Missæ præceptum impleant . 603

VI. Nonnullorum laxa sententia exponi-
tur, & rejicitur . 606VII. Qui cum affectu habituali ad peccat-
um Missæ intersunt, præcepto non
satisfaciunt ut oportet . ibid.

CAPUT V.

De loco & tempore audiendi Missam .

DOCTRINÆ.

- I. **N**ONNULLORUM Theologorum opi-
nio refellitur . 608
- II. Quid Ecclesiæ nomine pro Missæ audi-
tione intelligatur . 609
- III. Quanam sint publica Oratoria . ibid.
- IV. Quanam privata, & quibus in illis
liceat præceptum implere . 610
- V. Audienda Missæ omnibus festis diebus .
611
- VI. De hora audiendi . ibid.

CAPUT VI.

CONSECTARIA PRÆCEDENTIS
DOCTRINÆ.

- I. **Q**UANDO liceat præceptum implere
Missam audiendo in loco minime
sacro . 612
- II. Num satisfaciat præcepto qui Missam
audit ex fenestra . ibid.
- III. Num satisfaciant audientes extra pro-
priam Parochiam . 614
- IV. Qui privilegio donati sunt Oratorii
domestici, tenentur Missam audire in
die festo . ibid.
- V. Quando satisfaciant præcepto qui Mis-
sam audiunt in Oratorio privato ob
Ecclesiæ distantiam . 615
- VI. Celebrantes in privatis Oratoriis li-
centiam obtinere debent a suis Supe-
rioribus . 616

D 2

CA-

CAPUT II.

CONSECTARIA PRÆCEDENTIS
DOCTRINÆ.

- I. **P** RÆCEPTUM jejunii & abstinentia obligat sub gravi culpa . 637
- II. Est & affirmativum simul & negativum . ibid.
- III. Nam abstinentia a carnibus, vel unica refectio sit potior in jejunio . 638
- IV. In diebus Dominicis nullum est indignum jejunium . 639
- V. Statuti juniorum dies commutari jussa de causa possunt . 640

CAPUT III.

De prima jejunii parte, abstinentia scilicet a carnibus, & laeticiis.

DOCTRINÆ.

- I. **C** ARNIUM esus in die jejuniorum veritus . 641
- II. In vino & olerum cum carnibus, & jus carniū . ibid.
- III. Nec non & esus ovorum, & laetici-
norum, licet alicubi concessus . ibid.
- IV. Abstinentia ab ovis & laeticiis est
sub præcepto . 642
- V. Non vero abstinentia a vino . 643
- VI. Immunes ab hac lege abstinentia sunt
infantes & perpetuo amentes . ibid.
- VII. Non vero semper qui sole pane vi-
vere debent . 644
- VIII. In transgressione hujus præcepti da-
tur parvitas materia . ibid.
- IX. Quenam sit putanda materia porvi-
tas . 645

CAPUT IV.

CONSECTARIA PRÆCEDENTIS
DOCTRINÆ.

- I. **Q** UANDO Regulares in suis jejuniis
ovis & laeticiis vesci possunt . 646
- II. Ubi viget consuetudo vescendi lactariis
in Quadragesima, non licet tamen
vesci sanguine animalium, vel lari-
do, vel pinguedine . ibid.
- III. Nec bellariis, placentis, crustulis ex
ovis & similia confectis . 647
- IV. Qui pluries in die jejunii carnes com-
edit, plura committit peccata . 648
- V. Idem dicendum de vovente vel absti-
nentiam a carnibus, vel jejunium .
ibid.

CAPUT V.

De dispensatione ab abstinentia a carnibus,
& causis ab ea excusantibus.

DOCTRINÆ.

- I. **N** ECESSITAS interna liberat ab ope-
re abstinendi a carnibus . 650
- II. Sicut & externa . ibi 1.
- III. Dispensatio a carnibus pro tota Com-
munitate quomodo petenda . ibid.
- IV. Privata dispensationes gravem postu-
lant causam . 651
- V. Quid animadvertere debeant petentes
a medicis schedam de necessitate dis-
pensationis . 652
- VI. Quid ipsi medici concedentes . ibid.
- VII. Quid Parochi & animarum Pastores . 653
- VIII. Dispensatus ab abstinentia carniū
non est ab unica comestione solutus .
654

IV. *Jejunium violant, qui pluries bibentes modicum cibi portioni pramittunt.*
686

CAPUT IX.

*De tempore concessa refectiois,
nec non arguentis, & desinentis
jejunii.*

DOCTRINA.

I. **S**EMPER in jejunio hora illud solvendi prestituta fuit. 687

II. *Præceptum urget de hora expellenda.*
ibid.

III. *Quod declaravit Benedictus XIV.* 689

IV. *Falsa refertur opposita Theologorum doctrina.* 690

V. *Et argumentis refellitur.* ibid.

VI. *Quanta requiratur hora præoccupatio ad jejunii violationem.* 691

VII. *Num liceat prandium in vesperas differre sumpta prius collatiuncula.*
692

VIII. *Quodnam sit tempus incipientis & desinentis jejunii.* 693

IX. *Num parvitatem admittat.* ibid.

CAPUT X.

CONJECTARIA PRECEDENTIS
DOCTRINÆ.

I. **N**ON licet neo per breve tempus horam statutam prævenire. 692

II. *Num qualibet causa etiam legitima licetam reddat notabilem temporis anticipationem.* ibid.

III. *Regularis horam prestitutam prævenire non possunt.* 699

IV. *Qui inadvertenter mane comedit, debet ad vespas prandium differre.*
700

V. *Qui dubitat, num inceperit vel desierit jejunii tempus, venetur a comestione abstinere.* 703

VI. *Non licet juxta horologiorum varietatem jejunii tempus mutare.* ibid.

VII. *Audito signo jejunii horam indicante a comestione cessandum est.* 704

CAPUT XI.

De vespertina refectiuncula.

DOCTRINA.

I. **L**ICITA est vespertina refectiuncula. 705

II. *Qualitas ciborum in ea concessa.* ibid.

III. *Non concessus usus ovorum, casei & lactis.* 706

IV. *Nec genera ciborum, que ad nutritionem conferunt.* 707

V. *De quantitate cibi in ea concessi.* 708

CAPUT XII.

CONJECTARIA PRECEDENTIS
DOCTRINÆ.

I. **F**ALSA Probabilissimarum doctrina refellitur. 709

II. *Num licitus in serotina collatiuncula esus piscium.* 709

III. *Num cibi cuncti concedendi.* 711

IV. *Num amplior refectio in sero sit aliquibus Personarum caribus indulgentia.* ibid.

V. *Num alijs titulis augeri possit collatio.* 712

CAPUT XIII.

De Personis lege jejunii solutis vel obstrictis.

DOCTRINA.

- I. **L**EX jejunii universalis est. 713
 II. Non tamen omni tempore obligat. 714
 III. Adolescentes aliquando etiam ante tertium septennium jejunio subjiciuntur. ibid.
 IV. Num senes sint a jejunii onere soluti. 715
 V. Quando incipiat senectus a jejunio excusans juxta Probabilistas. 717
 VI. Quid dicendum de Adventis, Peregrinis, Vagis. 719
 VII. Advena legibus jejunii tenentur statutis in loco ubi morantur. 720
 VIII. Quid de Peregrinis sentiendum. ibid.
 IX. Quid de vagantibus. ibid.
 X. Quanta debet esse mora in loco ut preceptis obligentur. 721

CAPUT XIV.

CONSECTARIA PRÆCEDENTIS
DOCTRINÆ.

- I. **R**EGULARES adolescentes legibus communibus jejunii non obligantur. 721
 II. Lex jejunii statim obligat tertio completo septennio. 722
 III. Certa non est consuetudo germanica de immunitate a jejunio pro sexagenariis. 723
 IV. In dubio non sexagenarii possint sustinere jejunium, an sint a jejunio soluti. 727

V. Regulares omnes sexagenarii legi jejunii subjiciuntur. ibid.

VI. Tenentur jejunia et festa ab Episcopis instituta servare. 728

VII. Non licet a loco jejunii recedere ad legem declinandam. ibid.

CAPUT XV.

De causis a jejunio excusantibus.

DOCTRINA.

- I. **T**RES causa a jejunio excusantes recensentur. 729
 II. Quando impotentia excusat. ibid.
 III. Discrimen inter impotentiam, et difficultatem. 730
 IV. Nonnulla Probabilistarum doctrinæ nimium benigna. 731
 V. Quando labor a jejunio excuset. Regula I. ex D. Thom. 732
 VI. Doctrina Casuistarum Regula posita adversantes. 733
 VII. Regula II. ibid.
 VIII. Doctrina præfate Regula opposita. 734
 IX. Quando pietas vel caritas a jejunio excuset. 735
 X. Quomodo hunc titulum nimium dilatent Casuistæ. 736
 XI. Cause dispensationis a Casuistis invicta corriguntur. ibid.

CAPUT XVI.

CONSECTARIA PRÆCEDENTIS
DOCTRINÆ.

- I. **A**B onere jejunii non solvantur conjugati. 738
 II. Ab eo soluta sunt feminae pregnantæ, et lactantes. 741
 III. Num uxor possit omittere jejunium, ut

ut viro obediat . 742

IV. Num ut illi se gratiam reddat . 743

V. Quomodo artes laboriosas exercentes a jejunio liberantur . 744

VI. Num & qui non adeo laboriosas . 745

VII. Num qui magis mente quam corpore laborant . ibid.

VIII. Quinam titulo pietatis non sint a jejunio soluti . 746

IX. Doctrina S. Thom. explicatur & defenditur . 747

X. Num bona fides circa causam a jejunio liberantem excuset . 750

XI. Num dispensatus ob infirmitatem, si convalescat, teneatur jejunare . 751

XII. Consuetudines a Casuistis adductæ num sint passim admittende . ibid.

CAPUT XVII.

De cooperantibus jejunii violationi,
& de Pœnis in jejuniorum
violatores .

DOCTRINA, ET CONSËCTARIA.

I. **R**EGULÆ cooperationis ad malum repetuntur . 754

II. Peccant Parentes & Patres-familias, qui filius jejunium violare sœnit . ibid.

III. Quid dicendum de famulis & Ancillis inservientibus Dominis . 755

IV. Quando peccant Tabernarii & Canpones cœnam vel carnes ministrando . ibid.

V. Num liceat jam dispositum ad jejunium violandum ad cœnam invitare . 757

VI. Peccant, qui nolunt operarios conducere, nisi violent jejunium . 758

VII. Pœne in violatores jejunii constitutæ . 759

Reflexio . 760

Putuzzi Theol. Mor. Tom. V.

DISSERTATIO III.

DE TERTIO ET QUARTO ECCLESIAE PRÆCEPTO.

Annua Confessio, & Paschali
communione .

CAPUT I.

De Præcepto Annuæ Confessionis
inducto .

Peccata tua Sacerdoti proprio annis
singulis confitere .

DOCTRINA.

I. **D**ATUR verum & rigorosum præceptum de annua Confessione . 763

II. Quod in se est juris Divini, Ecclesiastici vero quoad temporis determinationem . 764

III. Quinam Ecclesiastico præcepto subjiciuntur . ibid.

IV. Valida inducitur Confessio, & apta ad gratiam obtinendam . 765

V. Peccata venialia non sunt materia necessaria Confessionis . 766

VI. Ad quid teneatur qui sœla per annum admisit leviora peccata . ibid.

VII. Confessio est faciendæ ore proprio Pœnitentis . 767

VIII. Et proprio Sacerdoti . 769

IX. Quo anni tempore obliget . 770

X. Quodnam sit hujus præcepti objectum . 771

XI. Quomodo computandus annus in ordine ad annuam Confessionem . 772

XII. Quinam ab hoc præcepto excusentur . ibid.

XIII. Pœnæ, quibus subjacent hujus præcepti violatores . 773

E

CA-

CAPUT II.

CONSECTARIA PRÆCEDENTIS
DOCTRINÆ.

- I. **P** RÆCEPTUM annuæ Confessionis per se obligat. 774
- II. Implendum est elapso anno quam primum fieri possit. ibid.
- III. Non licet unica Confessione pro duplici anno præceptum implere. 775
- IV. Prævenire tempus tenetur qui impedimentum prævidet. 776
- V. Quomodo sint omnia per annum commissæ peccata in Confessione annua præcepta manifestanda. ibid.
- VI. Qui invalidam se novit fecisse Confessionem, iterum tenetur confiteri ad præceptum Ecclesiæ implendum. 777
- VII. Prævenire tenetur Confessionem qui timet peccatorum oblivionem. ibid.
- VIII. Quodnam grave periculum excusat a præcepto annuæ Confessionis. 778
- IX. Num detur præceptum Ecclesiasticum pluries confitendi per annum. 779
- X. Publica scorta immunita non sunt a penis contra violatores præcepti annuæ Confessionis. 780

CAPUT III.

De Paschalis Communions Præcepto.

*Sacrosanctam Eucharistiam ad minimum
semel in anno, atque circa Festum
Paschæ sumito.*

DOCTRINÆ.

- I. **D**ATUR præceptum de Communionem semel in anno sumenda. 780
- II. Quinam hoc præcepto obligentur. 781
- III. Tempus Paschale designatum pro Eu-

charistia sumenda. 783

- IV. Sumenda est in propria Parochia. 784
- V. Et quidem devote & pie, non vero sacrilege. ibid.
- VI. Quinam a præcepto implendo excusentur. ibid.

CAPUT IV.

CONSECTARIA PRÆCEDENTIS
DOCTRINÆ.

- I. **P**ARENTES & alii pueros ad Communionem disponere debent. 785
- II. Qui Paschalem Communionem omisit, tenetur supplere. ibid.
- III. Et tempus prævenire qui impedimentum timet. 787
- IV. Qui bina Paschale tempus communicavit, iterum in Paschate Communionem sumere debet. 788
- V. Non implet præceptum, qui Eucharistiam sumit in Cathedrali, quæ non sit ejus Parochia. ibid.
- VI. Implet qui communicat extra Parochiam de licentia Parochi. 789
- VII. Non licet indisposito Communionem Paschalem propria voluntate differre. 790
- VIII. Qui de licentia proprii Sacerdotis Communionem post Paschale tempus distulit, adhuc tenetur in propria Parochia communicare. ibid.
- IX. Quinam possint Paschalem Communionem apud Regulares sumere. 793
- X. Non licet Regularibus Communionem dare secularibus nec ex devotione in die S. Paschæ, nisi de consensu saltem tacito Episcoporum. ibid.
- XI. Qui in duplici Parochia domicilium habet, potest in alterutra communicare. 794
- XII. Quando non est deneganda amentibus Communitio Paschalis. 795

XIII. *Quanam pena indicta non communicantibus in Paschate.* ibid.
Reflexio. 795

III. *Licite & valide potest Summis Pontifex aliquos a solutione decimarum dispensare.* 806

IV. *Sunt solvenda titulo Religionis & iustitia Pastoribus etiam divitibus & malis.* 807

DISSERTATIO IV.

DE QUINTO ECCLESIAE PRÆCEPTO.

CAPUT I.

*Decimarum notio, & divisio traditur.
 Quo jure in Novo Testamento
 debeantur, expenditur.*

DOCTRINA.

- I. **Q**UID Decima nomine intelligatur. 799
- II. *In Decimis & res perceptæ, & jura percipiendi distinguenda.* 800
- III. IV. *Decimarum varia divisiones.* ibid.
- V. *Alia in Veteri Testamento Decima, alia in Novo.* 801
- VI. VII. *Quando inciperit & invaluerit decimarum solutio.* ibid. & seq.
- VIII. *Quando indictum de earum solutione præceptum.* 802
- IX. *Doctrina S. Thom. de qualitate præcepti solutionis decimarum.* 803
- X. *Quod partim naturale est, partim ecclesiasticum.* 804

CAPUT II.

CONSECTARIA PRÆCEDENTIS DOCTRINÆ.

- I. **F**ALSE VViclephi & Fraticellorum propositiones damnatæ. 805
- II. *Decimarum solutio quomodo taxanda.* ibid.

CAPUT III.

Quibus de jure danda sunt Decime.

DOCTRINA.

- I. **E**X Concilio Tridentino quibus debeantur Decime. 808
- II. *Prioribus seculis Episcopis vendebantur.* ibid.
- III. *In præsentis disciplina quando danda sint Episcopis.* ibid.
- IV. *Cathedraticum est pendendum Episcopo.* 809
- V. *Parochis debentur decime prædiales.* 810
- VI. *Et etiam personales.* ibid.
- VII. *Debentur & aliis Clericis beneficiariis.* 811
- VIII. *Quando & Regularibus.* ibid.
- IX. *Aliquando & Laicis.* 812

CAPUT IV.

CONSECTARIA PRÆCEDENTIS DOCTRINÆ.

- I. **N**UM Cathedratici pensio quoad quantitatem subiacet prescriptioni. 813
- II. *In divisione Paræcie num dividenda & Decime.* 814
- III. *Quando unitur Paræcia Monasterio, Collegio &c. ununtur & Decime.* ibid.
- IV. *Sunt solvenda decima non detrahis tributis, & vestigalibus.* 815

V.

- V. *Non nisi semel in anno pendenda*, ibid.
 VI. *Quo in loco danda*. 816
 VII. *Qui prædia inculta relinquit*, decimas dare non tenetur. ibid.
 VIII. *Ad quid teneatur qui fructus incultas vel bona, vel mala fide emit*. 817
 IX. *Non licet Parocho per vim cogere ad pendendas decimas*. ibid.
 X. *Non licet decimas in feudum dare*. 818
- III. *Privilegia Regularium sunt stricte interpretanda*. ibid.
 IV. *Nunc Regulares teneantur decimasolvere de prædiis, quæ excolenda tradunt*. 822
 V. *Num sint immunes a decimis de prædiis ab ipsis cultis*. 824
 VI. *In communicatione Privilegiorum non comprehenditur immunitas a Decimis*. ibid.
 VII. *Quot modis amittitur privilegium non solvendi decimas*. ibid.
 VIII. *Decimasolvere tenentur & locator, & conductor*. ibid.

CAPUT V.

De Personis Decimarum solutioni obnoxiiis, vel exemptis.

DOCTRINA.

- I. OMNES fideles decimas pendere tenentur. 818
 II. *Non vero Infideles*. ibid.
 III. *Nisi prædia fidelium possideant*. 820
 IV. *Num Clerici decimasolvere debeant*. ibid.
 V. *Num Parocho, Pastores, Episcopi*. 817
 VI. *Num Monachi, & Regulares*. 818
 VII. *Privilegia in corpore juris inserta Regularibus concessa*. ibid.
 VIII. *Alia extra jus a Pontificibus data*. 819
 IX. *Num laici immunes sint a solutione decimarum post diuturnam consuetudinem*. 820

CAPUT VI.

CONSECTARIA PRÆCEDENTIS
DOCTRINÆ.

- I. PAUPERES quando debeant decimasolvere. 820
 II. *Aliquando Parocho tenentur decimaspendere*. 821

CAPUT VII.

De quibus rebus solvenda sint Decima, & quomodo.

DOCTRINA.

- I. DECIMÆ prædiales & personales de proventibus & lucris solvenda. 826
 II. *De Novalibus an decima pendenda, & quibus*. ibid.
 III. *De rebus minoribus quando sint decime solvenda*. 827
 IV. *Decima personales num pendenda*. ib.
 V. *De rebus illicite acquisitis quando sint danda*. 828
 VI. *Solvenda licet non petantur*. ibid.
 VII. *Pæna lata in fraudulentis decimas*. 829

CAPUT VIII.

CONSECTARIA PRÆCEDENTIS
DOCTRINÆ.

- I. DECIMÆ Novalium in confinio Parochiarum quibus danda. 829
 II. *Privilegiati quando Novalium decimas*

mas possit percipere .	830	IX. De quibus sint faciendæ .	835
III. Decimis ovium in duplici loco pascentium cui debeantur .	831	X. Solis Sacerdotibus debentur .	ibi.
IV. Quid ex cumulo ante decimationem subtrahi possit .	ibid.	XI. Scilicet Párobo .	836

CAPUT X.

CAPUT IX.

CONSECTARIA PRÆCEDENTIS
DOCTRINÆ.

De Primitiis , & Oblationibus .

DOCTRINA .

I. QUID Primitiarum nomine designatur .	832	I. EMENDATUR doctrina Bonacina .	836
II. In quo a Decimis differant .	ibid.	II. Num oblationes , quæ sunt in Missæ a Parochianis , sint in præcepto .	837
III. Num detur naturale præceptum offerendi primitias .	833	III. Aliquando nec de justè acquisitis licet oblationes facere .	ibid.
IV. Num Ecclesiasticum .	ibid.	IV. Ad quem spectant oblationes .	838
V. Oblatio & quotuplex sit .	ibid.	V. Oblationes , quæ sunt in Ecclesiis Regularium , ad ipsos spectant .	ibid.
VI. Oblationum usus .	834	VI. Neomystæ oblationes recipere possunt , & sibi vendicare .	839
VII. Quando voluntaria . & quando necessaria .	ibid.	VII. Laicis non convenit jus oblationis accipienda .	ibid.
VIII. Quando ex consuetudine obligent .	ibid.	Reflexio .	840



nardo epistola ad Fulconem datæ scribens : „ Conceditur tibi , ut si bene „ deservis , de altario vivas , non autem ut de Altario luxurieris , ut de „ Altario superbias , ut inde compares „ frena aurea , fellas depictas , calcaria deargentata , varia griseque pellicea a collo & manu , ornatu purpureo diversificata . Denique quidquid „ præter necessarium victum ac simplicem vestitum de altario retines , tuum non est , rapina est , sacrilegium est “ .

III. Plebs vero Christiana cavere debet , ne Pastoribus suis de decimis & oblationibus lites moveat , eas minuire toto conatu audeat , & vel aperte denegat , vel clam surripiat , vel fraudet . Animadvertat se largissimas accepturam a Deo etiam in temporalibus ipsis bonis retributiones , si quæ Dei sunt & Ministris ejus debita prompto animo , hilari vulsu , & devoto affectu , & liberali dextera oblationes & decimas reddiderit . Ita pollicitus est Dominus per os Malachiae Prophetæ cap. 3. v. 10. dicentis : *Inferte omnem decimam in horreum , & sit cibus in domo mea & probate me super hoc , dicit Dominus : si non aperuero vobis catarrhas celi , & effundero vobis benedictionem usque ad abundantiam , & increpabo pro vobis devorantem , & non corrumpet fructum terra vestra : non erit sterilis vinea in agro , dicit Dominus exercituum . Et beatos vos dicent omnes Gentes : eritis enim vos terra desiderabilis , dicit Dominus exercituum .* Hujus divinæ pollicitationis effectus experti jam fuerunt Israelitæ sub piissimo Rege Ezechia , munera Domino liberalissime offerentes , de quibus sic legitur Paralip. 31. com. 8. *Cumque ingressi fuissent Ezechias , & Prin-*

*cipes ejus , viderunt acervos , & benedixerunt Domino ac Populo Israel . Interrogavitque Ezechias Sacerdotes & Levitas , cur ita jacerent acervi . Respondit illi Azarias Sacerdos primus de stirpe Sadoe , dicens : Ex quo cæperunt offerri primitiæ in domo Domini , comedimus , & saturati sumus , & remanserunt plurima , eo quod benedixit Dominus populo suo : reliquiarum autem copia est ista , quam cernis . Præcepti igitur Ezechias ut prepararent horrea in domo Domini . Quod cum fecissent , intulerunt tam primitias , quam decimas , & quæcumque voverant , fideliter . Dum e contra præter futuræ vitæ justæ supplicia & æterna , etiam temporalia detrimenta comminatur Deus fraudulentibus decimas oblationesque negligentibus , quippe quia , ut docet S. Augustinus ser. 29. de Tempore : *Decimæ tributa sunt egentium animarum .* Quamobrem subdit : „ Quanti pauperes in locis ubi ipse habitat , „ illo decimas non dante , mortui fuerunt , tantorum homicidiorum reus „ ante Tribunal æterni Judicis apparuit , quia quod pauperibus a Domino delegatum est , suis usus reservavit . Reddite ergo tributa pauperibus , offerre libamina Sacerdotibus , ii “ . Deinde sic Auditores suos hortatur & terret : „ Cum decimas dando „ & terrena & cœlestia possis munera promereri , quare per avaritiam duplici benedictione te fraudas ? Audi „ ergo indevota moralitas . Nosti quia Dei iunct cuncta quæ percipis , & de suo non accomodas rerum omnium Conditor ? . . . Constas quod ipse non dederis , sed tamen Deus „ exigit . Hæc enim est Domini justissima consuetudo , ut si tu illi decimam non dederis , tu ad decimam*

„revocaris, (idest ut novem subtrahis
 „non nisi decimas ex agris, vineis,
 „olivetis colligas) Dabis impio militi
 „(arva scilicet in bello depopulanti)
 „quod non vis dare Sacerdoti “. Et
 „rursum hom. 48. inter 50. scribit :
 „Majores nostri ideo copiis omnibus
 „abundabant, quia Deo decimas da-
 „bant. Modo, quia recessit devotio
 „Dei, accrescit indictio Fisci. Nolu-
 „mus cum Deo parti decimas,
 „modo totum tollitur per hominem.

„Hoc tollit fiscus, quod non accipit
 „Christus “.

Sint igitur & Pastores & Parochi decimarum oblationumque providi & justii dispensatores. Sint & Populi fideles, & religiosi in decimis pendendis, oblationibus dandis, & ita fiet, ut utrique & temporalem, & cœlestem, & perpetuam, & temporaneam a Domino bonorum omnium, munificentissimo largitore benedictionem consequantur.

FINIS TOMI QUINTI.



